

LIBRARY
Brigham Young University



DANIEL C. JACKLING LIBRARY
IN THE
FIELD OF RELIGION

21

BREVIARIUM

ROMANUM

PARS AUTUMNALIS

BREVIARIUM

DE

PARS ACTUALIS



L. J. HALLEZ sculp.

MC. BERTHAULT IMP. TOURS

F. DUDY sculp.

ALFRED MAME ET FILS ÉDITEURS.

82.02
286 L no
898
v. 4

REVIARIUM

ROMANUM

EX DECRETO SACROSANCTI CONCILII TRIDENTINI RESTITUTUM

S. PII V. PONTIFICIS MAXIMI

IUSSU EDITUM

CLEMENTIS VIII. URBANI VIII. ET LEONIS XIII.

AUCTORITATE RECOGNITUM

CUM OFFICIIS SANCTORUM

NOVISSIME PER SUMMOS PONTIFICES USQUE AD HANC DIEM CONCESSIS

PARS AUTUMNALIS



TURONIBUS

TYPIS A. MAME ET FILIORUM

S. SEDIS APOSTOLICÆ ET S. RITUUM CONGREGATIONIS

TYPOGRAPHORUM

M. D. CCC. XCVIII

BREVIARIUM

APPROBATIO

HÆC editio typicæ conformis reperta est. In fidem etc.

Ex Secretaria Sacrorum Rituum Congregationis, hac die
28 Octobris 1893.

(L. † S.)

Pro R. P. D. Vincentio NUSSI

Secretario.

Joannes PONZI Substitutus.

TABULA

ROMÆ EDITA, ET AD HOROLOGIIUM GALLICUM ACCOMMODATA

DE HORA

qua potest inchoari pro die sequenti Officium Nocturnum
a privatim recitantibus.

| | |
|----------------|---------------------------------------|
| 20 Ianuarii, | Hora secunda cum quadrante. |
| 13 Februarii, | Hora sesqui-secunda. |
| 1 Martii, | Hora secunda cum tribus quadrantibus. |
| 18 Martii, | Hora tertia. |
| 4 Aprilis, | Hora tertia cum quadrante. |
| 20 Aprilis, | Hora sesqui-tertia. |
| 10 Maii, | Hora tertia cum tribus quadrantibus. |
| 8 Junii, | Hora quarta. |
| 30 Iulii, | Hora tertia cum tribus quadrantibus. |
| 28 Augusti, | Hora sesqui-tertia. |
| 7 Septembris, | Hora tertia cum quadrante. |
| 24 Septembris, | Hora tertia. |
| 13 Octobris, | Hora secunda cum tribus quadrantibus. |
| 20 Octobris, | Hora sesqui-secunda. |
| 18 Novembris, | Hora secunda cum quadrante. |
| 15 Decembris, | Hora secunda. |

ORDO LIBRORUM

PER ANNI CIRCULUM IN ECCLESIA DEI LEGENDORUM
PATET PER HOS VERSUS

Disce per hoc scriptum quid sit, vel quando legendum.
Adventus proprie vult sermones Isaïæ.
Post Natale sacrum recitat sacra lectio Paulum.
Quinque libros Moysi tibi Septua Quadraque misit.
Vult sibi scripta legi Jeremiæ Passio Christi.
Actus Apostolicus sequitur post Pascha legendus.
Hinc Apocalypsim lege, Canonicasque vicissim.
Post Pentecosten Regum liber exit in hostem.
Inde per Augustum retinet Sapientiâ scutum.
Per totum mensem Sapiens Salomon tenet ensem.
Cantat September Job, Tobiam, Judith, Esther.
Octobri mense Machabæa trophæa recense.
Isti Ezechiel, Daniel, durabunt mense Novembri.
Postea tu repetes bis sex in fine Prophetas.

EX DECRETORUM REGISTRO

SACRÆ RITUUM CONGREGATIONIS

HÆC AD BREVIARIUM ROMANUM ATTINENT

SACRA Rituum Congregatio declaravit et decrevit, non potuisse post Bullam S. Pii V. de Breviario Romano, neque posse locorum Ordinarios, tam Sæculares quam Regulares, addere Kalendariis, etiam propriis, Sanctorum Officia, nisi ea dumtaxat quæ Breviarii Romani Rubricis, vel Sacræ Rituum Congregationis, seu Sedis Apostolicæ licentia conceduntur: neque propria auctoritate, quovis prætextu, mutare ritum qui habetur in Calendario Romano seu Rubricis Breviarii, in altiore ritum, neque extendere concessa Officia de loco ad locum.

Item vetuit et prohibuit celebrari per totam Civitatem vel Diocesim, etiam de cujuscumque Ordinarii auctoritate, Festum cum Officio, eo quod in loco adsit Ecclesia Parochialis, vel Regularis, vel Abbatialis, aut aliqua Reliquia, sed tantum in ipsius Sancti Ecclesia titulari, seu ubi asservatur corpus aut insignis Reliquia, et non alibi.

Insignes autem Reliquias declaravit esse caput, brachium, crus, aut illam partem corporis in qua passus est Martyr, modo sit integra, et non parva, et legitime ab Ordinariis approbata.

De sanctis Episcopis locorum, Martyribus, Civibus, et aliis Festis, de quibus in Calendario Romano seu Rubricis Breviarii nihil habetur, uti etiam de Beatis nondum canonizatis, nihil propria auctoritate constituatur, sed omnino consulari Sacra Rituum Congregatio.

Decretum quoque nuper editum super electione Sanctorum in Patronos, et impressum, omnino servetur.

Et hæc omnia decrevit, statuit, et mandavit, innovando pœnas Constitutionis S. Pii V. respective.

Facta demum relatione horum Decretorum SS. D. N. Urbano Papa VIII., ea laudavit et approbavit, atque ab omnibus ubique sub prædictis pœnis servari præcepit; necnon in novis Breviariis de mandato Sanctitatis Suae imprimendis apponi jussit. Die 13 Januarii 1631.

Loco † sigilli.

T. TEGRIMIUS *Episcopus Assisien., Secret.*

EJUSDEM PRO SANCTIS AD LIBITUM

EADEM Sacra Rituum Congregatio, habita die 2 Decembris 1673, statuit ex mandato Clementis X. Festa Sanctorum ad libitum in posterum non esse transferenda, si eorum festivitas incidat in diem Dominicam, vel aliquem diem Festorum mobilium, sed tunc illo anno eorum Officia esse omittenda. Quod ipsum postea Innocentius Papa XI. in Congregatione habita 24 Januarii 1682 generali decreto confirmavit, et extendit insuper etiam ad Octavas et Natalitia Sanctorum, de præcepto in aliqua Religione vel Diocesi, ex indulto Apostolico recitanda. Ita ut ne quidem dictis Festis vel Octavis Festa ad libitum tunc incidentia possint recitari, sed omitti prorsus debeant.

Permisit tamen, ut Festum translatum quod alias eo die celebrandum foret, in alium diem non impeditum transferatur: item ut eodem die omitti possit Officium semel per hebdomadam aut mensem recitandum ex indulto Apostolico, ut ita locus sit celebrando Officio ad libitum.

EJUSDEM PRO SANCTIS IN MARTYROLOGIO NON DESCRIPTIS

OFFICIA Sanctorum ratione Corporis, seu insignis Reliquiæ, recitanda, ex Decreto S. R. Congregationis 11 Augusti 1691 intelligi debere de Sanctis dumtaxat in Martyrologio Romano descriptis, et dummodo constet de identitate Corporis, seu Reliquiæ insignis illiusmet Sancti, qui reperitur in Martyrologio Romano descriptus: de cæteris autem Sanctis in prædicto Martyrologio non descriptis, aut quibus a Sancta Sede non fuerit specialiter concessum, Officia recitari et Missas celebrari vetuerunt, non obstante quod ipsorum Corpora, vel

insignes reliquiae in Ecclesiis asservuntur : quibus tamen ab Ordinariis locorum approbatis debitam fidelium venerationem (prout hactenus servatum est) exhibendam esse censuerunt, sed absque Officio et Missa, sub poenis de non satisfaciendo præcepto recitandi Officium, aliisque in Constitutione S. Pii V. contentis. Die 11 Augusti 1691, et Sanctissimus approbavit die 19 Octobris ejusdem anni 1691.

Loco † sigilli.

J. VALLEMANUS S. R. C. Secret.

DECRETA GENERALIA CIRCA RUBRICAS

CUM Sacrorum Rituum Congregationi demisse supplicatum fuerit sequentia dubia declarare :

Primum. An, cum multis Congregationibus, Religionibus, sive Ecclesiis, vel Nationibus concessum sit a Sancta Sede Apostolica, ut semel, vel pluries in singulis hebdomadis, vel mensibus celebrentur varia Officia per annum, v. g., de Sanctissimo Sacramento, vel de Sanctis, in diebus non impeditis aliquo Festo duplici vel semiduplici, liceat ejusmodi Officia facere etiam in diebus sanctæ Quadragesimæ, Adventus, Vigiliarum, et Quatuor Temporum, etiamsi de his diebus nulla sit facta specialis mentio in aliquibus Officiorum concessionibus?

Secundum. An dies impeditus Festo duplici vel semiduplici pro dictis Officiis recitandis, intelligantur etiam dies in quibus ponendum est Officium de Festo duplici vel semiduplici translato, quemadmodum dicitur responsum fuisse olim a Sacra Congregatione : Quod scilicet Festum duplex vel semiduplex etiam translatum, necnon dies Octavæ sit dies impeditus respectu talium Officiorum?

Tertium. An Regulares absque speciali privilegio, sed sola communicatione privilegiorum aliarum Religionum, possint addere nomen Sancti Fundatoris in Litanis, et Confiteor? itemque recitare Officia et Missas concessas aliis Religionibus?

Sacrorum Rituum eadem Congregatio, ad relationem Eminentissimi et Reverendissimi Domini Card. Colloredo, respondit :

Ad primum, Negative, et hujusmodi indulta non habere locum in Feriis Adventus, Quadragesimæ, Quatuor Temporum, Vigiliarum, sive cum jejuniis, sive absque jejuniis, nec in Feria secunda Rogationum, nec in illa Feria in qua secundum Rubricas sit reponendum Officium Dominicæ.

Ad secundum, affirmative.

Ad tertium, negative in omnibus.

Et ita declaravit, ac servari voluit. Ac insuper ut Declarationes, seu Decreta prædicta omnibus innotescant, typis ea imprimi mandavit. Die 20 Martii 1706.

Loco † sigilli.

G. Card. CARPINEUS.

B. INGHIRAMI Sac. Rit. Cong. Secret.

LICENTIA ET APPROBATIO ORDINARIJ

GUILLELMUS RENATUS MEIGNAN

Miseratione Divina et Sanctæ Sedis Apostolicæ gratia, S. R. E. Cardinalis
Presbyter, tituli SS. Trinitatis in monte Pincio, Archiepisc. Turon.

Omnibus has visuris Salutem in Domino.

CUM a Papa URBANO VIII. decretum sit ne quis typographus Breviarium Romanum PII V. Pont. Max. jussu editum, CLEMENTIS VIII. primum, deinde ipsius URBANI VIII. auctoritate recognitum, imprimat vel in lucem edat sine licentia, eaque in scriptis, obtenta ab Ordinario loci, ac nisi prius ab eodem cum exemplari typis Vaticanis anno 1632 excuso concordare fuerit repertum; hinc est quod dederimus licentiam dilectis Nobis A. MAME et Filiis, typographis et bibliopolis Turonensibus, illud imprimendi, dummodo tamen in impressione absolvenda nuperrima vel alia correctissima uterentur editione Romana, et illius exemplo absolutissime et strictissime se conformarent. Insuper eidem novæ editioni Breviarii inserta volumus Officia, ab ultima editione Romana a Sancta Sede ad universalem Ecclesiam extensa, eaque juxta exempla typographiæ Rev. Camerae Apostolicæ.

Postquam autem Breviarium prædictorum A. MAME et Filiorum opera ac typis absolutum cognovimus, et per revisores ad id deputatos fuimus legitime informati illud cum suo originali, diligenti collatione facta, convenire, dictum Breviarium in 4 vol. ut vocant in-12, excusum approbavimus, prout per præsententes approbamus.

In quorum fidem hasce subsignavimus, sigilloque nostro, ac Secretarii nostri generalis chirographo muniri fecimus.

Turonibus, die 20 Octobris 1893.

† GUILLELMUS RENATUS CARD. MEIGNAN

ARCHIEPISCOPUS TURONENSIS.

Loco † sigilli.

De Mandato EE. ac RR. DD. Cardinalis Archiepisc. Turon.

J. SELLIER Can. Secret. gen.

DE ANNO ET EJUS PARTIBUS

ANNUS menses habet duodecim, hebdomadas duas et quinquaginta, et diem unum: dies vero trecentos sexaginta quinque, et fere sex horas: tanto enim temporis intervallo sol Zodiacum perlustrat. Quater autem sex horæ singulis quaternis annis diem constituunt: hinc annus ille intercalaris, Bissexтус, vel Bissextilis dicitur.

De anni correctione, ejusque necessitate, ac Calendario Gregoriano.

QUOD dictum est, annum continere trecentos et sexaginta quinque dies, et fere sex horas, intelligendum est sex horas non esse integras, cum ad earum complementum aliqua minuta deficiant.

Ex quorum minorum neglectu progressum est, ac si annus ultra dies 365 contineret integras sex horas; et factum est, ut minuta, quæ ultra debitam quantitatem annis singulis tribuebantur, tractu temporis ita excreverint, ut invicem juncta constituerint dies decem: qui causam dederunt ut Æquinoctium vernum sedem suam mutaverit.

Cui malo occurrens Gregorius XIII. non solum Æquinoctium vernum restituit in pristinam sedem, a qua jam a Concilio Nicæno, decem circiter diebus in anno correctionis 1582, præcedendo recesserat, quod a Concilio ad xij. Kalendas Aprilis fuerat constitutum, et xiv. Lunam Paschalem suo in loco reposuit; sed viam quoque tradidit, et rationem, qua caveretur ut in posterum et Æquinoctium vernum, et xiv. Luna Paschalis a propriis sedibus nunquam removerentur.

Ut enim Æquinoctium vernum ad xij. Kalendas Aprilis restitueretur, statuit ut dicti decem dies in mense Octobris ipsius anni 1582 eximerentur; ut post quartam diem Octobris sancto

Francisco sacram, sequens dies non esset quinta, sed decima quinta Octobris. Et ita error, qui in præteritum tot annorum circulis irrepserat, in momento temporis fuit correptus.

Ut autem in posterum idem error vitaretur, ne ad xij. Kalendas Aprilis Æquinoctium vernum recederet, statuit idem Gregorius, Bissextum quarto quoque anno (uti mos est) continuari debere, præterquam in centesimis annis: qui quamvis Bissextiles antea semper fuerint, qualem etiam esse voluit annum 1600, anno correctionis proximum, post eum tamen, qui deinceps consequentur, centesimi, non omnes Bissextiles essent, sed in quadringentis quibusque annis primi quinque tres centesimi sine Bissexto transigerentur; quartus vero quisque centesimus esset Bissextilis, ita ut annus 1700, 1800, 1900, Bissextiles non sint, anno vero 2000 more consueto dies Bissextus intercaletur, Febuario dies 29 continente; idemque ordo intermittendi intercalandique Bissextum diem in quadringentis quibusque annis perpetuo conservaretur.

Quatuor Tempora.

QUATUOR Tempora celebrantur quarta et sexta FERIA, ac Sabbato post tertiam Dominicam Adventus, post primam Dominicam Quadragesimæ, post Dominicam Pentecostes, post Festum Exaltationis sanctæ Crucis.

Nuptiæ quando celebrari non possint juxta Decretum Tridentini Concilii.

ADOMINICA prima Adventus, usque in diem Epiphaniæ, et a FERIA quarta Cinerum usque in Octavam Paschatis inclusive, sancta Synodus solemnitates Nuptiarum prohibet. In aliis vero temporibus Nuptias solemniter celebrari permittit.



TABULA PASCHALIS

ANTIQUA REFORMATA

| AUR. NUM. | CYCLUS EPICTARUM | LITT. DOM. | SEPTUAGESIMA | DIES CINERUM | PASCHA | ASCENSIO | PENTECOSTES | CORPUS CHRISTI | DOMINICA POST PENTEC. | DOMINICA I. ADVENTUS |
|-----------|---------------------|------------|--------------|-----------------|--------|----------|-------------|-------------------|--------------------------|-------------------------|
| 16 | xxijj | | Jan. | Feb. | Mar. | Ap. | Mai. | Mai. | | |
| 5 | xxij | d | 18 | 4 | 22 | 30 | 10 | 21 | 28 | 29 N. |
| 13 | xxj | e | 19 | 5 | 23 | 1 Mai. | 11 | 22 | 28 | 30 |
| 2 | xx | f | 20 | 6 | 24 | 2 | 12 | 23 | 28 | 1 D. |
| | xix | g | 21 | 7 | 25 | 3 | 13 | 24 | 28 | 2 |
| 10 | xvijj | A | 22 | 8 | 26 | 4 | 14 | 25 | 28 | 3 |
| | xviij | b | 23 | 9 | 27 | 5 | 15 | 26 | 27 | 27 N. |
| 18 | xvj | c | 24 | 10 | 28 | 6 | 16 | 27 | 27 | 28 |
| 7 | xv | d | 25 | 11 | 29 | 7 | 17 | 28 | 27 | 29 |
| | xiv | e | 26 | 12 | 30 | 8 | 18 | 29 | 27 | 30 |
| 15 | xijj | f | 27 | 13 | 31 | 9 | 19 | 30 | 27 | 1 D. |
| 4 | xij | g | 28 | 14 | 1 Ap. | 10 | 10 | 31 | 27 | 2 |
| | xj | A | 29 | 15 | 2 | 11 | 21 | 1 Jun. | 27 | 3 |
| 12 | x | b | 30 | 16 | 3 | 12 | 22 | 2 | 26 | 27 N. |
| | ix | c | 31 | 17 | 4 | 13 | 23 | 3 | 26 | 28 |
| 1 | vijj | d | 1 Feb. | 18 | 5 | 14 | 24 | 4 | 26 | 29 |
| 9 | vij | e | 2 | 19 | 6 | 15 | 25 | 5 | 26 | 30 |
| | vj | f | 3 | 20 | 7 | 16 | 26 | 6 | 26 | 1 D. |
| 17 | v | g | 4 | 21 | 8 | 17 | 27 | 7 | 26 | 2 |
| | iv | A | 5 | 22 | 9 | 18 | 28 | 8 | 26 | 3 |
| 6 | ijj | b | 6 | 23 | 10 | 19 | 29 | 9 | 25 | 27 N. |
| 14 | ij | c | 7 | 24 | 11 | 20 | 30 | 10 | 25 | 28 |
| 3 | j * | d | 8 | 25 | 12 | 21 | 31 | 11 | 25 | 29 |
| | | e | 9 | 26 | 13 | 22 | 1 Jun. | 12 | 25 | 30 |
| | xxix | f | 10 | 27 | 14 | 23 | 2 | 13 | 25 | 1 D. |
| 11 | xxvijj | g | 11 | 28 | 15 | 24 | 3 | 14 | 25 | 2 |
| 19 | xxvij | A | 12 | 1 Mar. | 16 | 25 | 4 | 15 | 25 | 3 |
| 8 | xxvj | b | 13 | 2 | 17 | 26 | 5 | 16 | 24 | 27 N. |
| | xxiv | c | 14 | 3 | 18 | 27 | 6 | 17 | 24 | 28 |
| | | d | 15 | 4 | 19 | 28 | 7 | 18 | 24 | 29 |
| | | e | 16 | 5 | 20 | 29 | 8 | 19 | 24 | 30 |
| | | f | 17 | 6 | 21 | 30 | 9 | 20 | 24 | 1 D. |
| | | g | 18 | 7 | 22 | 31 | 10 | 21 | 24 | 2 |
| | | A | 19 | 8 | 23 | 1 Jun. | 11 | 22 | 24 | 3 |
| | | b | 20 | 9 | 24 | 2 | 12 | 23 | 23 | 27 N. |
| | | c | 21 | 10 | 25 | 3 | 13 | 24 | 23 | 28 |

TABULA PASCHALIS

| LITTERÆ DOMINICAL. | CYCLUS EPACTARUM | SEPTUAG. | DIES CINERUM |
|-----------------------|---|---|---|
| D | 23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24. | 18 Jan. 25 Jan. 1 Febr. 8 Febr. 15 Febr. | 4 Febr. 11 Febr. 18 Febr. 25 Febr. 4 Mart. |
| E | 23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24. | 19 Jan. 26 Jan. 2 Febr. 9 Febr. 16 Febr. | 5 Febr. 12 Febr. 19 Febr. 26 Febr. 5 Mart. |
| F | 23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24. | 20 Jan. 27 Jan. 3 Febr. 10 Febr. 17 Febr. | 6 Febr. 13 Febr. 20 Febr. 27 Febr. 6 Mart. |
| G | 23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24. | 21 Jan. 28 Jan. 4 Febr. 11 Febr. 18 Febr. | 7 Febr. 14 Febr. 21 Febr. 28 Febr. 7 Mart. |
| A | 23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24. | 22 Jan. 29 Jan. 5 Febr. 12 Febr. 19 Febr. | 8 Febr. 15 Febr. 22 Febr. 1 Mart. 8 Mart. |
| B | 23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24. | 23 Jan. 30 Jan. 6 Febr. 13 Febr. 20 Febr. | 9 Febr. 16 Febr. 23 Febr. 2 Mart. 9 Mart. |
| C | 23. 22. 21. 20. 19. 18. 17. 16. 15. 14. 13. 12. 11. 10. 9. 8. 7. 6. 5. 4. 3. 2. 1. * 29. 28. 27. 26. xxv. 25. 24. | 24 Jan. 31 Jan. 7 Febr. 14 Febr. 21 Febr. | 10 Febr. 17 Febr. 24 Febr. 3 Mart. 10 Mart. |

NOVA REFORMATA

| PASCHA | ASCENSIO | PENTECOST. | CORPUS CHRISTI | DOM. P. PENT | DOM. I. ADVENT. |
|----------|----------|------------|-------------------|--------------|--------------------|
| 22 Mart. | 30 Apr. | 10 Maii. | 21 Maii. | 28 | 29 Nov. |
| 29 Mart. | 7 Maii. | 17 Maii. | 28 Maii. | 27 | 29 |
| 5 Apr. | 14 Maii. | 24 Maii. | 4 Junii. | 26 | 29 |
| 12 Apr. | 21 Maii. | 31 Maii. | 11 Junii. | 25 | 29 |
| 19 Apr. | 28 Maii. | 7 Junii. | 18 Junii. | 24 | 29 |
| 23 Mart. | 1 Maii. | 11 Maii. | 22 Maii. | 28 | 30 Nov. |
| 30 Mart. | 8 Maii. | 18 Maii. | 29 Maii. | 27 | 30 |
| 6 Apr. | 15 Maii. | 25 Maii. | 5 Junii. | 26 | 30 |
| 13 Apr. | 22 Maii. | 1 Junii. | 12 Junii. | 25 | 30 |
| 20 Apr. | 29 Maii. | 8 Junii. | 19 Junii. | 24 | 30 |
| 24 Mart. | 2 Maii. | 12 Maii. | 23 Maii. | 28 | 1 Dec. |
| 31 Mart. | 9 Maii. | 19 Maii. | 30 Maii. | 27 | 1 |
| 7 Apr. | 16 Maii. | 26 Maii. | 6 Junii. | 26 | 1 |
| 14 Apr. | 23 Maii. | 2 Junii. | 13 Junii. | 25 | 1 |
| 21 Apr. | 30 Maii. | 9 Junii. | 20 Junii. | 24 | 1 |
| 25 Mart. | 3 Maii. | 13 Maii. | 24 Maii. | 28 | 2 Dec. |
| 1 Apr. | 10 Maii. | 20 Maii. | 31 Maii. | 27 | 2 |
| 8 Apr. | 17 Maii. | 27 Maii. | 7 Junii. | 26 | 2 |
| 15 Apr. | 24 Maii. | 3 Junii. | 14 Junii. | 25 | 2 |
| 22 Apr. | 31 Maii. | 10 Junii. | 21 Junii. | 24 | 2 |
| 26 Mart. | 4 Maii. | 14 Maii. | 25 Maii. | 28 | 3 Dec. |
| 2 Apr. | 11 Maii. | 21 Maii. | 1 Junii. | 27 | 3 |
| 9 Apr. | 18 Maii. | 28 Maii. | 8 Junii. | 26 | 3 |
| 16 Apr. | 25 Maii. | 4 Junii. | 15 Junii. | 25 | 3 |
| 23 Apr. | 1 Junii. | 11 Junii. | 22 Junii. | 24 | 3 |
| 27 Mart. | 5 Maii. | 15 Maii. | 26 Maii. | 27 | 27 Nov. |
| 3 Apr. | 12 Maii. | 22 Maii. | 2 Junii. | 26 | 27 |
| 10 Apr. | 19 Maii. | 29 Maii. | 9 Junii. | 25 | 27 |
| 17 Apr. | 26 Maii. | 5 Junii. | 16 Junii. | 24 | 27 |
| 24 Apr. | 2 Junii. | 12 Junii. | 23 Junii. | 23 | 27 |
| 28 Mart. | 6 Maii. | 16 Maii. | 27 Maii. | 27 | 28 Nov. |
| 4 Apr. | 13 Maii. | 23 Maii. | 3 Junii. | 26 | 28 |
| 11 Apr. | 20 Maii. | 30 Maii. | 10 Junii. | 25 | 28 |
| 18 Apr. | 27 Maii. | 6 Junii. | 17 Junii. | 24 | 28 |
| 25 Apr. | 3 Junii. | 13 Junii. | 24 Junii. | 23 | 28 |

TABELLA TEMPORARIA

| ANNO DOM. | LITTERÆ DOM. | AUR. NUM. | EPACTÆ | SEPTUAG. | DIES CINERUM | PASCHA |
|--------------|-----------------|--------------|---------|-----------|-----------------|----------|
| 1894 | g | 14 | xxiij | 21 Jan. | 7 Febr. | 25 Mart. |
| 1895 | f | 15 | iv | 10 Febr. | 27 Febr. | 14 Apr. |
| 1896 | e d | 16 | xv | 2 Febr. | 19 Febr. | 5 Apr. |
| 1897 | c | 17 | xxvj | 14 Febr. | 3 Mart. | 18 Apr. |
| 1898 | b | 18 | vij | 6 Febr. | 23 Febr. | 10 Apr. |
| 1899 | A | 19 | xviiij | 29 Jan. | 15 Febr. | 2 Apr. |
| 1900 | g | 1 | xxix | 11 Febr. | 28 Febr. | 15 Apr. |
| 1901 | f | 2 | x | 3 Febr. | 20 Febr. | 7 Apr. |
| 1902 | e | 3 | xxj | 26 Jan. | 12 Febr. | 30 Mart. |
| 1903 | d | 4 | ij | 8 Febr. | 25 Febr. | 12 Apr. |
| 1904 | c b | 5 | xiiij | 31 Jan. | 17 Febr. | 3 Apr. |
| 1905 | A | 6 | xxiv | 19 Febr. | 8 Mart. | 23 Apr. |
| 1906 | g | 7 | v | 11 Febr. | 28 Febr. | 15 Apr. |
| 1907 | f | 8 | xvj | 27 Jan. | 13 Febr. | 31 Mart. |
| 1908 | e d | 9 | xxvij | 16 Febr. | 4 Mart. | 19 Apr. |
| 1909 | c | 10 | viiij | 7 Febr. | 24 Febr. | 11 Apr. |
| 1910 | b | 11 | xix | 23 Jan. | 9 Febr. | 27 Mart. |
| 1911 | A | 12 | * | 12 Febr. | 1 Mart. | 16 Apr. |
| 1912 | g f | 13 | xj | 4 Febr. | 21 Febr. | 7 Apr. |
| 1913 | e | 14 | xxij | 19 Jan. * | 5 Febr. | 23 Mart. |
| 1914 | d | 15 | iiij | 8 Febr. | 25 Febr. | 12 Apr. |
| 1915 | c | 16 | xiv | 31 Jan. | 17 Febr. | 4 Apr. |
| 1916 | b A | 17 | xxv | 20 Febr. | 8 Mart. | 23 Apr. |
| 1917 | g | 18 | vj | 4 Febr. | 21 Febr. | 8 Apr. |
| 1918 | f | 19 | xviiij | 27 Jan. | 13 Febr. | 31 Mart. |
| 1919 | e | 1 | xxix | 16 Febr. | 5 Mart. | 20 Apr. |
| 1920 | d c | 2 | x | 1 Febr. | 18 Febr. | 4 Apr. |
| 1921 | b | 3 | xxj | 23 Jan. | 9 Febr. | 27 Mart. |
| 1922 | A | 4 | ij | 12 Febr. | 1 Mart. | 16 Apr. |
| 1923 | g | 5 | xiiij | 28 Jan. | 14 Febr. | 1 Apr. |
| 1924 | f e | 6 | xxiv | 17 Febr. | 5 Mart. | 20 Apr. |
| 1925 | d | 7 | v | 8 Febr. | 25 Febr. | 12 Apr. |
| 1926 | c | 8 | xvj | 31 Jan. | 17 Febr. | 4 Apr. |
| 1927 | b | 9 | xxviiij | 13 Febr. | 2 Mart. | 17 Apr. |
| 1928 | A g | 10 | viiij | 5 Febr. | 22 Febr. | 8 Apr. |
| 1929 | f | 11 | xix | 27 Jan. | 13 Febr. | 31 Mart. |
| 1930 | e | 12 | * | 16 Febr. | 5 Mart. | 20 Apr. |
| 1931 | d | 13 | xj | 1 Febr. | 18 Febr. | 5 Apr. |
| 1932 | c b | 14 | xxij | 24 Jan. | 10 Febr. | 27 Mart. |
| 1933 | A | 15 | iiij | 12 Febr. | 1 Mart. | 16 Apr. |

FESTORUM MOBILIUM

| ANNO DOM. | ASCENSIO | PENTE- COSTES | CORPUS CHRISTI | INDICTIO | DOV. POST PENTEC. | I. DOMINICA ADVENT. |
|--------------|----------|------------------|-------------------|----------|----------------------|---------------------------|
| 1894 | 3 Maii. | 13 Maii. | 24 Maii. | 7 | 28 | 2 Dec. |
| 1895 | 23 Maii. | 2 Junii. | 13 Junii. | 8 | 25 | 1 Dec. |
| 1896 | 14 Maii. | 24 Maii. | 4 Junii. | 9 | 26 | 29 Nov. |
| 1897 | 27 Maii. | 6 Junii. | 17 Junii. | 10 | 24 | 28 Nov. |
| 1898 | 19 Maii. | 29 Maii. | 9 Junii. | 11 | 25 | 27 Nov. |
| 1899 | 11 Maii. | 21 Maii. | 1 Junii. | 12 | 27 | 3 Dec. |
| 1900 | 24 Maii. | 3 Junii. | 14 Junii. | 13 | 25 | 2 Dec. |
| 1901 | 16 Maii. | 26 Maii. | 6 Junii. | 14 | 26 | 1 Dec. |
| 1902 | 8 Maii. | 18 Maii. | 29 Maii. | 15 | 27 | 30 Nov. |
| 1903 | 21 Maii. | 31 Maii. | 11 Junii. | 1 | 25 | 29 Nov. |
| 1904 | 12 Maii. | 22 Maii. | 2 Junii. | 2 | 26 | 27 Nov. |
| 1905 | 1 Junii. | 11 Junii. | 22 Junii. | 3 | 24 | 3 Dec. |
| 1906 | 24 Maii. | 3 Junii. | 14 Junii. | 4 | 25 | 2 Dec. |
| 1907 | 9 Maii. | 19 Maii. | 30 Maii. | 5 | 27 | 1 Dec. |
| 1908 | 28 Maii. | 7 Junii. | 18 Junii. | 6 | 24 | 29 Nov. |
| 1909 | 20 Maii. | 30 Maii. | 10 Junii. | 7 | 25 | 28 Nov. |
| 1910 | 5 Maii. | 15 Maii. | 26 Maii. | 8 | 27 | 27 Nov. |
| 1911 | 25 Maii. | 4 Junii. | 15 Junii. | 9 | 25 | 3 Dec. |
| 1912 | 16 Maii. | 26 Maii. | 6 Junii. | 10 | 26 | 1 Dec. |
| 1913 | 1 Maii. | 11 Maii. | 22 Maii. | 11 | 28 | 30 Nov. |
| 1914 | 21 Maii. | 31 Maii. | 11 Junii. | 12 | 25 | 29 Nov. |
| 1915 | 13 Maii. | 23 Maii. | 3 Junii. | 13 | 26 | 28 Nov. |
| 1916 | 1 Junii. | 11 Junii. | 22 Junii. | 14 | 24 | 3 Dec. |
| 1917 | 17 Maii. | 27 Maii. | 7 Junii. | 15 | 26 | 2 Dec. |
| 1918 | 9 Maii. | 19 Maii. | 30 Maii. | 1 | 27 | 1 Dec. |
| 1919 | 29 Maii. | 8 Junii. | 19 Junii. | 2 | 24 | 30 Nov. |
| 1920 | 13 Maii. | 23 Maii. | 3 Junii. | 3 | 26 | 28 Nov. |
| 1921 | 5 Maii. | 15 Maii. | 26 Maii. | 4 | 27 | 27 Nov. |
| 1922 | 25 Maii. | 4 Junii. | 15 Junii. | 5 | 25 | 3 Dec. |
| 1923 | 10 Maii. | 20 Maii. | 31 Maii. | 6 | 27 | 2 Dec. |
| 1924 | 29 Maii. | 8 Junii. | 19 Junii. | 7 | 24 | 30 Nov. |
| 1925 | 21 Maii. | 31 Maii. | 11 Junii. | 8 | 25 | 29 Nov. |
| 1926 | 13 Maii. | 23 Maii. | 3 Junii. | 9 | 26 | 28 Nov. |
| 1927 | 26 Maii. | 5 Junii. | 16 Junii. | 10 | 24 | 27 Nov. |
| 1928 | 17 Maii. | 27 Maii. | 7 Junii. | 11 | 26 | 2 Dec. |
| 1929 | 9 Maii. | 19 Maii. | 30 Maii. | 12 | 27 | 1 Dec. |
| 1930 | 29 Maii. | 8 Junii. | 19 Junii. | 13 | 24 | 30 Nov. |
| 1931 | 14 Maii. | 24 Maii. | 4 Junii. | 14 | 26 | 29 Nov. |
| 1932 | 5 Maii. | 15 Maii. | 26 Maii. | 15 | 27 | 27 Nov. |
| 1933 | 25 Maii. | 4 Junii. | 15 Junii. | 1 | 25 | 3 Dec. |

JANUARIUS

| Cyclus Epact. | Littera Dom. | Dies mensis. | |
|------------------|-----------------|-----------------|---|
| * | A | Kal. | 1 CIRCUMCISIO DOMINI, <i>dupl. 2. cl.</i> |
| xxix | b | iv | 2 Octava S. Stephani, <i>dupl. Commem. Oct.</i> |
| xxviiij | c | iiij | 3 Octava S. Joannis Apost. et Evang. <i>dupl. Commem. Oct. SS. Innocentium.</i> |
| xxviij | d | Prid. | 4 Octava SS. Innocentium Mm. <i>dupl.</i> |
| xxvj | e | Non. | 5 Vigilia Epiphaniæ, <i>semid. Commem. S. Telesphori Papæ et Mart.</i> |
| 25. xxv | f | viiij | 6 EPIPHANIA DOMINI, <i>duplex 1. classis.</i> |
| xxiv | g | vij | 7 De Octava Epiphaniæ. |
| xxiiij | A | vj | 8 De Octava. |
| xxij | b | v | 9 De Octava. |
| xxj | c | iv | 10 De Octava. |
| xx | d | iiij | 11 De Octava. <i>Commem. S. Hygini Papæ et Mart.</i> |
| xix | e | Prid. | 12 De Octava. |
| xviiij | f | Idib. | 13 Octava Epiphaniæ, <i>dupl. Dom. II. post Epiphaniam. SS. NOMINIS JESU, dupl. 2. cl. Commem. Dom.</i> |
| xvij | g | xix | 14 S. Hilarii Episc. Conf. et Eccles. Doct. <i>dupl. Commem. S. Felicit Presb. et Mart.</i> |
| xvj | A | xviiij | 15 S. Pauli primi Eremitæ Conf. <i>dupl. Commem. S. Mauri Abbatis.</i> |
| xv | b | xviij | 16 S. Marcelli I. Papæ et Mart. <i>semid.</i> |
| xiv | c | xvj | 17 S. Antonii Abbat. <i>dupl.</i> |
| xiiij | d | xv | 18 Cathedra S. Petri Romæ, <i>dupl. maj. Commem. sanctæ Priscæ Virg. et Mart.</i> |
| xij | e | xiv | 19 S. Canuti Regis et Mart. <i>semid. ad libit. Commem. SS. Marii et Soc. Mm.</i> |
| xj | f | xiiij | 20 SS. Fabiani Papæ et Sebastiani Mm. <i>dupl.</i> |
| x | g | xij | 21 S. Agnetis Virg. et Mart. <i>dupl.</i> |
| ix | A | xj | 22 SS. Vincentii et Anastasii Mm. <i>semid.</i> |
| viiij | b | x | 23 S. Raymundi de Pennafort Conf. <i>semid. Commem. sanctæ Emerentianæ Virg. et Mart.</i> |
| vij | c | ix | 24 S. Timothei Episc. et Mart. <i>dupl.</i> |
| vj | d | viiij | 25 Conversio S. Pauli Apost. <i>dupl. maj.</i> |
| v | e | vij | 26 S. Polycarpi Episc. et Mart. <i>dupl.</i> |
| iv | f | vj | 27 S. Joannis Chrysostomi Episc. Conf. et Eccl. Doct. <i>dupl.</i> |
| iiij | g | v | 28 S. Agnetis Virg. et Mart. <i>secundo.</i> |
| ij | A | iv | 29 S. Francisci Salesii Episc. Conf. et Eccles. Doct. <i>dupl.</i> |
| j | b | iiij | 30 S. Martinæ Virg. et Mart. <i>semid.</i> |
| * | c | Prid. | 31 S. Petri Nolasci Conf. <i>dupl.</i> |

FEBRUARIUS

| Cyclus Epact. | Littera Dom. | Dies mensis. | |
|------------------|-----------------|-----------------|--|
| xxix | d | Kal. | 1 S. Ignatii Episc. et Mart. dupl. |
| xxviiij | e | iv | 2 PURIFICATIO B. M. V. dupl. 2. cl. |
| xxviij | f | iiij | 3 S. Blasii Episc. et Mart. |
| 25. xxvj | g | Prid. | 4 S. Andreæ Corsini Episc. et Conf. dupl. |
| xxv. xxiv | A | Non. | 5 S. Agathæ Virg. et Mart. dupl. |
| xxiiij | b | viiij | 6 S. Titi Episc. et Conf. dupl. Commem. sanctæ Dorotheæ Virg. et Mart. |
| xxij | c | vij | 7 S. Romualdi Abbatis, dupl. |
| xxj | d | vj | 8 S. Joannis de Matha Conf. dupl. |
| xx | e | v | 9 S. Cyrilli Episc. Alexandrini, Conf. et Eccl. Doct. dupl. Commem. sanctæ Apolloniæ Virg. et Mart. |
| xix | f | iv | 10 S. Scholasticæ Virg. dupl. |
| xviiij | g | iiij | 11 SS. Septem Fundatorum Ordinis Servorum B. M. V. Conf. dupl. |
| xvij | A | Prid. | 12 |
| xvj | b | Idib. | 13 |
| xv | c | xvj | 14 S. Valentini Presbyt. et Mart |
| xiv | d | xv | 15 SS. Faustini et Jovitæ Mm. |
| xiiij | e | xiv | 16 |
| xij | f | xiiij | 17 |
| xj | g | xij | 18 S. Simeonis Episc. et Mart. |
| x | A | xj | 19 |
| ix | b | x | 20 |
| viiij | c | ix | 21 |
| vij | d | viiij | 22 Cathedra S. Petri Antiochiæ, dupl. maj. |
| vj | e | vij | 23 S. Petri Damiani Episc. Conf. et Eccl. Doct. dupl. Commem. Vigiliæ S. Mathiæ. |
| v | f | vj | 24 S. MATHIÆ APOSTOLI, dupl. 2. cl. |
| iv | g | v | 25 |
| iiij | A | iv | 26 |
| ij | b | iiij | 27 |
| j | c | Prid. | 28 |

In anno bissextili mensis Februarius est dierum 29, et Festum S. Mathiæ celebratur die 25 Februarii, et bis dicitur Sexto Kalendas, id est die 24, et die 25; et littera Dominicalis, quæ assumpta fuit in mense Januario, mutatur in præcedentem; ut si in Januario littera Dominicalis fuerit A, mutatur in præcedentem, quæ est g, etc.; et littera f bis servit 24 et 25.

MARTIUS

| Cyclus Epact. | Littera Dom. | Dies mensis. | |
|------------------|-----------------|-----------------|---|
| * | d | Kal. | 1 |
| xxix | e | vj | 2 |
| xxviiij | f | v | 3 |
| xxviij | g | iv | 4 S. Casimiri Conf. <i>semid.</i> <i>Commem.</i> S. Lucii I. Papæ et Mart. |
| xxvj | A | iiij | 5 |
| 25. xxv | b | Prid. | 6 |
| xxiv | c | Non. | 7 S. Thomæ de Aquino Conf. et Eccl. Doct. <i>dupl.</i> <i>Commem.</i> SS. Perpetuæ et Felicitatis Mm. |
| xxiiij | d | viiij | 8 S. Joannis de Deo Conf. <i>dupl.</i> |
| xxij | e | vij | 9 S. Franciscæ Romanæ Viduæ, <i>dupl.</i> |
| xxj | f | vj | 10 SS. Quadraginta Martyrum, <i>semid.</i> |
| xx | g | v | 11 |
| xix | A | iv | 12 S. Gregorii I. Papæ Conf. et Eccles. Doct. <i>dupl.</i> |
| xviiij | b | iiij | 13 |
| xviij | c | Prid. | 14 |
| xvj | d | Idib. | 15 |
| xv | e | xviij | 16 |
| xiv | f | xvj | 17 S. Patritii Episc. et Conf. <i>dupl.</i> |
| xiiij | g | xv | 18 S. Cyrilli Hierosolymitani Episc. Conf. et Eccl. Doct. <i>dupl.</i> |
| xij | A | xiv | 19 S. JOSEPH CONF. SPONSI B. M. V. <i>dupl.</i> 1. cl. |
| xj | b | xiiij | 20 |
| x | c | xij | 21 S. Benedicti Abbatis, <i>dupl.</i> maj. |
| ix | d | xj | 22 |
| viiij | e | x | 23 |
| vij | f | ix | 24 |
| vj | g | viiij | 25 ANNUNTIATIO B. M. V. <i>dupl.</i> 1. cl. |
| v | A | vij | 26 |
| iv | b | vj | 27 S. Joannis Damasceni Conf. et Eccl. Doct. <i>dupl.</i> |
| iiij | c | v | 28 S. Joannis a Capistrano Conf. <i>semid.</i> |
| ij | d | iv | 29 |
| j | e | iiij | 30 |
| * | f | Prid. | 31 |

Feria VI. post Dom. Passionis. Septem Dolorum B. M. V. *dupl.* maj. *Commem.* Feriæ.

APRILIS

| Cyclus Epact. | Littera Dom. | Dies mensis. | |
|------------------|-----------------|-----------------|---|
| xxix | g | Kal. | 1 |
| xxviiij | A | iv | 2 S. Francisci de Paula Conf. dupl. |
| xxviij | b | iiij | 3 |
| 25. xxvj | c | Prid. | 4 S. Isidori Episc. Conf. et Eccl. Doct. dupl. |
| xxv. xxiv | d | Non. | 5 S. Vincentii Ferrerii Conf. dupl. |
| xxiiij | e | viiij | 6 |
| xxij | f | vij | 7 |
| xxj | g | vj | 8 |
| xx | A | v | 9 |
| xix | b | iv | 10 |
| xviiij | c | iiij | 11 S. Leonis I. Papæ Conf. et Eccles. Doct. dupl. |
| xvij | d | Prid. | 12 |
| xvj | e | Idib. | 13 S. Hermenegildi Regis Mart. semid. |
| xv | f | xviiij | 14 S. Justini Mart. dupl. Commem. SS. Ti- burtii, Valeriani et Maximi Mm. |
| xiv | g | xvij | 15 |
| xiiij | A | xvj | 16 |
| xij | b | xv | 17 S. Aniceti I. Papæ et Mart. |
| xj | c | xiv | 18 |
| x | d | xiiij | 19 |
| ix | e | xij | 20 |
| viiij | f | xj | 21 S. Anselmi Episc. Conf. et Eccl. Doct. dupl. |
| vij | g | x | 22 SS. Soteris et Caii Pont. et Mm. semid. |
| vj | A | ix | 23 S. Georgii Mart. semid. |
| v | b | viiij | 24 S. Fidelis a Sigmaringa Mart. dupl. |
| iv | c | vij | 25 S. MARCI EVANGELISTÆ, dupl. 2. cl. |
| iiij | d | vj | 26 SS. Cleti et Marcellini Pont. et Mm. semid. |
| ij | e | v | 27 |
| j | f | iv | 28 S. Pauli a Cruce Conf. dupl. Commem. S. Vitalis Mart. |
| * | g | iiij | 29 S. Petri Mart. dupl. |
| xxix | A | Prid. | 30 S. Catharinæ Senensis Virg. dupl. |

Dominica III. post Pascha. PATROCINI
S. JOSEPH Conf. Sponsi B. M. V. **dupl.**
2. cl. **Commem.** Dominicæ.

MAIUS

| Cyclus Epact. | Littera Dom. | Dies mensis. | |
|------------------|-----------------|-----------------|--|
| xxviiij | b | Kal. | 1 SS. PHILIPPI ET JACOBI APOST. <i>dupl.</i> 2. cl. |
| xxvij | c | vj | 2 S. Athanasii Episc. Conf. et Eccles. Doct. <i>dupl.</i> |
| xxvj | d | v | 3 INVENTIO S. CRUCIS, <i>dupl.</i> 2. cl. <i>Commem.</i> SS. Alexandri I. Papæ et Soc. Mm., ac Juvenalis Episc. et Conf. |
| 25. xxv | e | iv | 4 S. Monicæ Viduæ, <i>dupl.</i> |
| xxiv | f | iiij | 5 S. Pii V. Papæ et Conf. <i>dupl.</i> |
| xxiiij | g | <i>Prid.</i> | 6 S. Joannis ante portam Latinam, <i>dupl.</i> maj. |
| xxij | A | <i>Non.</i> | 7 S. Stanislai Episc. et Mart. <i>dupl.</i> |
| xxj | b | viiij | 8 Apparitio S. Michaëlis Archangeli, <i>dupl.</i> <i>maj.</i> |
| xx | c | vij | 9 S. Gregorii Nazianzeni Episc. Conf. et Eccl. Doct. <i>dupl.</i> |
| xix | d | vj | 10 S. Antonini Episc. et Conf. <i>dupl.</i> <i>Commem.</i> SS. Gordiani et Epimachi Mm. |
| xviiij | e | v | 11 |
| xvij | f | iv | 12 SS. Nerei, Achillei et Domitillæ Virg., atque Pancratii Mm. <i>semid.</i> |
| xvj | g | iiij | 13 |
| xv | A | <i>Prid.</i> | 14 S. Bonifacii Mart. |
| xiv | b | <i>Idib.</i> | 15 |
| xiiij | c | xvij | 16 S. Ubaldi Episc. et Conf. <i>semid.</i> |
| xij | d | xvj | 17 S. Paschalis Baylon Conf. <i>dupl.</i> |
| xj | e | xv | 18 S. Venantii Mart. <i>dupl.</i> |
| x | f | xiv | 19 S. Petri Cælestini Papæ et Conf. <i>dupl.</i> <i>Commem.</i> sanctæ Pudentianæ Virg. |
| ix | g | xiiij | 20 S. Bernardini Senensis Conf. <i>semid.</i> |
| viiij | A | xij | 21 |
| vij | b | xj | 22 |
| vj | c | x | 23 |
| v | d | ix | 24 |
| iv | e | viiij | 25 S. Gregorii VII. Papæ et Conf. <i>dupl.</i> <i>Com-</i> <i>mem.</i> S. Urbani I. Papæ et Mart. |
| iiij | f | vij | 26 S. Philippi Nerii Conf. <i>dupl.</i> <i>Commem.</i> S. Eleutherii Papæ et Mart. |
| ij | g | vj | 27 S. Mariæ Magdalenæ de Pazzis Virg. <i>semid.</i> <i>Commem.</i> S. Joannis Papæ et Mart. |
| j | A | v | 28 S. Augustini Cantuariensis Episc. et Conf. <i>dupl.</i> |
| * | b | iv | 29 |
| xxix | c | iiij | 30 S. Felicis I. Papæ et Mart. |
| xxviiij | d | <i>Prid.</i> | 31 S. Angelæ Mericiæ Virg. <i>dupl.</i> <i>Commem.</i> sanctæ Petronillæ Virg. |

Fer. VI. post Oct. SS. Corporis Christi,
SACRATISSIMI CORDIS JESU, duplex
1. classis.

JUNIUS

| Cyclus Epact. | Littera Dom. | Dies mensis. | |
|------------------|-----------------|-----------------|--|
| xxvij | e | Kal. | 1 |
| 25. xxvj | f | iv | 2 SS. Marcellini, Petri atque Erasmi Mm. |
| xxv. xxiv | g | iiij | 3 |
| xxiiij | A | Prid. | 4 S. Francisci Caracciolo Conf. <i>dupl.</i> |
| xxij | b | Nan. | 5 S. Bonifacii Episc. et Mart. <i>dupl.</i> |
| xxj | c | vij | 6 S. Norberti Episc. et Conf. <i>dupl.</i> |
| xx | d | vij | 7 |
| xiix | e | vj | 8 |
| xviiij | f | v | 9 SS. Primi et Feliciani Mm. |
| xvij | g | iv | 10 S. Margaritæ Reginae Scotiæ Viduæ, <i>semid.</i> |
| xvj | A | iiij | 11 S. Barnabæ Apostoli, <i>dupl. maj.</i> |
| xv | b | Prid. | 12 S. Joannis a S. Facundo Conf. <i>dupl. Commem.</i> SS. Basilidis et Soc. Mm. |
| xiv | c | Idib. | 13 S. Antonii de Padua Conf. <i>dupl.</i> |
| xiiij | d | xviiij | 14 S. Basilii Magni Episc. Conf. et Eccl. Doct. <i>dupl.</i> |
| xij | e | xvij | 15 SS. Viti, Modesti atque Crescentiæ Mm. |
| xj | f | xvj | 16 |
| x | g | xv | 17 |
| ix | A | xiv | 18 SS. Marci et Marcelliani Mm. |
| viiij | b | xiiij | 19 S. Julianæ de Falconeriis Virg. <i>dupl. Commem.</i> SS. Gervasii et Protasii Mm. |
| vij | c | xij | 20 S. Silverii Papæ et Mart. |
| vj | d | xj | 21 S. Aloysii Gonzagæ Conf. <i>dupl.</i> |
| v | e | x | 22 S. Paulini Episc. et Conf. |
| iv | f | ix | 23 Vigilia. |
| iiij | g | viiij | 24 NATIVITAS S. JOANNIS BAPTISTÆ, <i>dupl. 4. cl.</i> |
| ij | A | vij | 25 S. Gulielmi Abbatis, <i>dupl. Commem. Oct.</i> |
| j | b | vj | 26 SS. Joannis et Pauli Mm. <i>dupl. Commem. Octavæ.</i> |
| * | c | v | 27 De Oct. Nativit. S. Joannis, <i>semid.</i> |
| xxix | d | iv | 28 S. Leonis II. Papæ et Conf. <i>semid. Commem. Octavæ et Vigiliæ.</i> |
| xxviiij | e | iiij | 29 SS. PETRI ET PAULI APOST. <i>dupl. 4. cl.</i> |
| xxvij | f | Prid. | 30 Commem. S. Pauli Apostoli, <i>dupl. maj. Commem. Oct. Nativit. S. Joannis.</i> |

JULIUS

| Cyclus Epact. | Littera Dom. | Dies mensis. | |
|------------------|-----------------|-----------------|---|
| | | | Dom. I. Julii. PRETIOSISSIMI SANGUINIS D. N. J. C. <i>dupl. 2. cl. Commem.</i> Dom. |
| xxvj | g | Kal. | 1 Octava S. Joannis Baptistæ, <i>dupl. Com-</i> <i>mem.</i> Oct. SS. Apost. |
| 25. xxv | A | vj | 2 VISITATIO B. M. V. <i>dupl. 2. cl. Commem.</i> SS. Processi et Martiniani Mm. |
| xxiv | b | v | 3 De Octava SS. Apost. <i>semid.</i> |
| xxij | c | iv | 4 De Octava. |
| xxij | d | iiij | 5 S. Antonii Mariæ Zaccaria Conf. <i>dupl.</i> <i>Commem.</i> Oct. |
| xxj | e | Prid. | 6 Octava SS. Apost. Petri et Pauli, <i>dupl.</i> |
| xx | f | Non. | 7 SS. Cyrilli et Methodii Pont. et Conf. <i>dupl.</i> |
| xix | g | viiij | 8 S. Elisabeth Reg. Portug. Vid. <i>semid.</i> |
| xviiij | A | vij | 9 |
| xvj | b | vj | 10 SS. Septem Fratrum Mm. et SS. Rufinæ ac Secundæ Virg. et Mm. <i>semid.</i> |
| xvj | c | v | 11 S. Pii I. Papæ et Mart. |
| xv | d | iv | 12 S. Joannis Gualberti Abbat. <i>dupl. Com-</i> <i>mem.</i> SS. Naboris et Felicis Mm. |
| xiv | e | iiij | 13 S. Anacleti Papæ et Mart. <i>semid.</i> |
| xiiij | f | Prid. | 14 S. Bonaventuræ Episc. Conf. et Doct. <i>dupl.</i> |
| xij | g | Idib. | 15 S. Henrici Imperat. Conf. <i>semid.</i> |
| xj | A | xviiij | 16 B. M. V. de Monte Carmelo, <i>dupl. maj.</i> |
| x | b | xvj | 17 S. Alexii Conf. <i>semid.</i> |
| ix | c | xv | 18 S. Camilli de Lellis Conf. <i>dupl. Commem.</i> SS. Symphorosæ et septem filiorum ejus Mm. |
| viiij | d | xiv | 19 S. Vincentii a Paulo Conf. <i>dupl.</i> |
| vij | e | xiiij | 20 S. Hieronymi Æmiliani Conf. <i>dupl. Com-</i> <i>mem.</i> sanctæ Margaritæ Virg. et Mart. |
| vj | f | xij | 21 S. Praxedis Virg. |
| v | g | xj | 22 S. Mariæ Magdalenæ Pœnitentis, <i>dupl.</i> |
| iv | A | x | 23 S. Apollinaris Episc. et Mart. <i>dupl. Com-</i> <i>mem.</i> S. Liborii Episc. et Conf. |
| iiij | b | ix | 24 Vigilia. <i>Commem.</i> sanctæ Christinæ Virg. et Mart. |
| ij | c | viiij | 25 S. JACOBI APOSTOLI, <i>dupl. 2. cl. Commem.</i> S. Christophori Mart. |
| j | d | vij | 26 S. ANNÆ MATRIS B. M. V. <i>dupl. 2. cl.</i> |
| * | e | vj | 27 S. Pantaleonis Mart. |
| xxix | f | v | 28 SS. Nazarii, Celsi, Victoris I. Papæ Mm., ac Innocentii I. Papæ et Conf. <i>semid.</i> |
| xxviiij | g | iv | 29 S. Marthæ Virg. <i>semid. Commem.</i> SS. Fe- licis II. Papæ, Simplicii, Faustini et Beatricis Mm. |
| xxvij | A | iiij | 30 SS. Abdon et Sennen Mm. |
| 25. xxvj | b | Prid. | 31 S. Ignatii de Loyola Conf. <i>dupl.</i> |

AUGUSTUS

| Cyclus Epact. | Littera Dom. | Dies mensis. | |
|------------------|-----------------|-----------------|---|
| xxv. xxiv | c | Kal. | 1 S. Petri ad Vincula, <i>dupl. maj. Commem.</i> SS. Machabæorum Mm. |
| xxijj | d | iv | 2 S. Alphonsi Mariæ de Ligorio Episc. Conf. et Eccl. Doct. <i>dupl. Commem.</i> S. Ste- phani I. Papæ et Mart. |
| xxij | e | iiij | 3 Inventio S. Stephani Protomart. <i>semid.</i> |
| xxj | f | Prid. | 4 S. Dominici Conf. <i>dupl. maj.</i> |
| xx | g | Non. | 5 Dedic. sanctæ Mariæ ad Nives, <i>dupl. maj.</i> |
| xix | A | viiij | 6 Transfiguratio Domini, <i>dupl. maj. Com- mem.</i> SS. Xysti II. Papæ, Felicissimi et Agapiti Mm. |
| xviiij | b | vij | 7 S. Cajetani Conf. <i>dupl. Commem.</i> S. Donati Episc. et Mart. |
| xvij | c | vj | 8 SS. Cyriaci, Largi et Smaragdi Mm. <i>semid.</i> |
| xvj | d | v | 9 Vigilia. <i>Commem.</i> S. Romani Mart. |
| xv | e | iv | 10 S. LAURENTII MART. <i>dupl. 2. cl.</i> |
| xiv | f | iiij | 11 De Oct. <i>semid. Commem.</i> SS. Tiburtii et Susannæ Mm. |
| xijj | g | Prid. | 12 S. Claræ Virg. <i>dupl. Commem.</i> Oct. |
| xij | A | Idib. | 13 De Oct. <i>semid. Commem.</i> SS. Hippolyti et Cassiani Mm. |
| xj | b | xix | 14 De Oct. <i>semid. Commem.</i> Vigil. et S. Eu- sebii Conf. |
| x | c | xviiij | 15 ASSUMPTIO B. M. V. <i>dupl. 1. cl.</i> <i>Dom. infra Oct. Assumpt.</i> S. JOACHIM CONF. PATRIS B. M. V. <i>dupl. 2. cl. Com- mem. Dom.</i> |
| ix | d | xvij | 16 S. Hyacinthi Conf. <i>dupl. Commem.</i> Oct. Assumpt. et S. Laurentii. |
| viiij | e | xvj | 17 Octava S. Laurentii Mart. <i>dupl. Commem.</i> Oct. Assumpt. |
| vij | f | xv | 18 De Oct. <i>semid. Commem.</i> S. Agapiti Mart. |
| vj | g | xiv | 19 De Octava. |
| v | A | xiiij | 20 S. Bernardi Abbatis, Conf. et Eccles. Doct. <i>dupl. Commem.</i> Oct. |
| iv | b | xij | 21 S. Joannæ Franciscæ Fremiot de Chantal Viduæ, <i>dupl. Commem.</i> Oct. |
| iiij | c | xj | 22 Octava Assumpt. B. M. V. <i>dupl. Commem.</i> SS. Timothei et Soc. Mm. |
| ij | d | x | 23 S. Philippi Benitii Conf. <i>dupl. Comm.</i> Vigil. |
| j | e | ix | 24 S. BARTHOLOMÆI AP. <i>dupl. 2. cl. (Rom. 25.)</i> |
| | f | viiij | 25 S. Ludovici Regis Conf. <i>semid. (Rom. 26.)</i> |
| xxix | g | vij | 26 S. Zephyrini Papæ et Mart. |
| xxviiij | A | vj | 27 S. Josephi Calasactii Conf. <i>dupl.</i> |
| xxvij | b | v | 28 S. Augustini Episc. Conf. et Eccles. Doct. <i>dupl. Commem.</i> S. Hermetis Mart. |
| xxvj | c | iv | 29 Decollatio S. Joannis Baptistæ, <i>dupl. maj.</i> <i>Commem.</i> sanctæ Sabinæ Mart. |
| 25. xxv | d | iiij | 30 S. Rosæ Limanæ Virg. <i>dupl. Commem.</i> SS. Felicis et Adaucti Mm. |
| xxiv | e | Prid. | 31 S. Raymundi Nonnati Conf. <i>dupl.</i> |

SEPTEMBER

| Cyclus Epact. | Littera Dom. | Dies mensis. | |
|------------------|-----------------|-----------------|--|
| xxiij | f | Kal. | 1 S. Ægidii Abbatis. <i>Commem.</i> SS. Duodecim Fratrum Mm. |
| xxij | g | iv | 2 S. Stephani Hungariæ Regis Conf. <i>semid.</i> |
| xxj | A | iiij | 3 |
| xx | b | Prid. | 4 |
| xix | c | Non. | 5 S. Laurentii Justiniani Episcopi et Conf. <i>semid.</i> |
| xviiij | d | viiij | 6 |
| xviij | e | vij | 7 |
| xvj | f | vj | 8 NATIVITAS B. M. V. <i>dupl. 2. cl. Commem.</i> S. Hadriani Mart. <i>Dom. infra Oct. Nativit. B. M. V. SS. Nominis ejusdem B. M. V. dupl. maj. Commem. Dominicæ.</i> |
| xv | g | v | 9 De Oct. <i>semid. Comm.</i> S. Gorgonii Mart. |
| xiv | A | iv | 10 S. Nicolai de Tolentino Conf. <i>dupl. Commem.</i> Octavæ. |
| xiiij | b | iiij | 11 De Octava, <i>semid. Commem.</i> SS. Proti et Hyacinthi Mm. |
| xij | c | Prid. | 12 De Octava, <i>semid.</i> |
| xj | d | Idib. | 13 De Octava, <i>semid.</i> |
| x | e | xviiij | 14 Exaltatio sanctæ Crucis, <i>dupl. maj. Commem.</i> Octavæ. |
| ix | f | xviiij | 15 Octava Nativitatis B. M. V. <i>dupl. Commem.</i> S. Nicomedis Mart. <i>Dom. III. Septembris. Septem Dolorum B. M. V. dupl. maj. Commem. Dom.</i> |
| viiij | g | xvj | 16 SS. Cornelii et Cypriani Pont. et Mm. <i>semid. Commem.</i> SS. Euphemiæ et Soc. Mm. |
| vij | A | xv | 17 Impressio Sacrorum Stigmatum S. Francisci Conf. <i>dupl.</i> |
| vj | b | xiv | 18 S. Josephi a Cupertino Conf. <i>dupl.</i> |
| v | c | xiiij | 19 SS. Januarii Episc. et Soc. Mm. <i>dupl.</i> |
| iv | d | xij | 20 SS. Eustachii et Sociorum Mm. <i>dupl. Commem.</i> Vigilæ. |
| iii | e | xj | 21 S. MATTHÆI APOST. ET EVANG. <i>dupl. 2. cl.</i> |
| ij | f | x | 22 S. Thomæ de Villanova Episc. et Conf. <i>dupl. Commem.</i> SS. Mauritii et Soc. Mm. |
| j | g | ix | 23 S. Lini Papæ et Mart. <i>semid. Commem.</i> sanctæ Theclæ Virg. et Mart. |
| * | A | viiij | 24 B. M. V. de Mercede, <i>dupl. maj.</i> |
| xxix | b | vij | 25 |
| xxviiij | c | vj | 26 SS. Cypriani et Justinæ Mm. |
| xxviij | d | v | 27 SS. Cosmæ et Damiani Mm. <i>semid.</i> |
| 25. xxvj | e | iv | 28 S. Wenceslai Ducis Mart. <i>semid.</i> |
| xxv. xxiv | f | iiij | 29 DEDICATIO S. MICHAELIS ARCHANG. <i>dupl. 2. cl.</i> |
| xxiij | g | Prid. | 30 S. Hieronymi Presb. Conf. et Eccles. Doct. <i>dupl.</i> |

OCTOBER

| Cyclus Epact. | Littera Dom. | Dies mensis. | |
|------------------|-----------------|-----------------|---|
| | | | Dom. I. Octobris. SOLEMNITAS SS. ROSARII B. M. V. dupl. 2. cl. Commem. Dom. S. Remigii Episc. et Conf. semid. ad lib. vel simplex de præcepto. |
| xxij | A | Kal. | 1 SS. Angelorum Custodum, dupl. maj. |
| xxj | b | vj | 2 |
| xx | c | v | 3 |
| xix | d | iv | 4 S. Francisci Conf. dupl. maj. |
| xviij | e | iiij | 5 SS. Placidi et Sociorum Mm. |
| xvij | f | Prid. | 6 S. Brunonis Conf. dupl. |
| xvj | g | Non. | 7 S. Marci Papæ et Conf. Commem. SS. Sergii et Soc. Mm. |
| xv | A | viiij | 8 S. Birgittæ Viduæ, dupl. |
| xiv | b | vij | 9 SS. Dionysii Episc., Rustici et Eleutherii Mm. semid. |
| xiiij | c | vj | 10 S. Francisci Borgiæ Conf. semid. |
| xij | d | v | 11 |
| xj | e | iv | 12 |
| x | f | iiij | 13 S. Eduardi Regis Conf. semid. |
| ix | g | Prid. | 14 S. Calixti I. Papæ et Mart. dupl. |
| viiij | A | Idib. | 15 S. Teresiæ Virginis, dupl. |
| vij | b | xviij | 16 |
| vj | c | xvj | 17 S. Hedwigis Viduæ, semid. |
| v | d | xv | 18 S. LUCÆ EVANGELISTÆ, dupl. 2. cl. |
| iv | e | xiv | 19 S. Petri de Alcantara Conf. dupl. |
| iiij | f | xiiij | 20 S. Joannis Cantii Conf. dupl. |
| ij | g | xij | 21 S. Hilarionis Abbat. Commem. SS. Ursulæ et Sociarum Virg. et Mm. |
| j | A | xj | 22 |
| * | b | x | 23 |
| xxix | c | ix | 24 |
| xxviiij | d | viiij | 25 SS. Chrysanthi et Dariæ Mm. |
| xxvij | e | vij | 26 S. Evaristi Papæ et Mart. |
| xxvj | f | vj | 27 Vigilia. |
| 25. xxv | g | v | 28 SS. SIMONIS ET JUDÆ APOST. dupl. 2. cl. |
| xxiv | A | iv | 29 |
| xxiiij | b | iiij | 30 |
| xxij | c | Prid. | 31 Vigilia. |

NOVEMBER

| Cyclus Epact. | Littera Dom. | Dies mensis. | |
|------------------|-----------------|-----------------|---|
| xxj | d | Kal. | 1 OMNIUM SANCTORUM, <i>dupl. 1. cl.</i> |
| xx | e | iv | 2 De Octava, <i>semid.</i> Commem. omnium Fidelium Defunctorum, <i>sub ritu du-</i> <i>plici.</i> |
| xix | f | iiij | 3 De Octava. |
| xviiij | g | Prid. | 4 S. Caroli Episc. et Conf. <i>dupl. Commem.</i> Oct. et SS. Vitalis et Agricolæ Mm. |
| xvij | A | Non. | 5 De Octava. |
| xvj | b | viiij | 6 De Octava. |
| xv | c | vij | 7 De Octava. |
| xiv | d | vj | 8 Octava Omnium Sanctorum, <i>dupl. Com-</i> <i>mem.</i> SS. Quatuor Coronatorum Mm. |
| xiiij | e | v | 9 Dedicatio Archibasilicæ SS. Salvatoris, <i>dupl.</i> <i>maj. Commem.</i> S. Theodori Mart. |
| xij | f | iv | 10 S. Andreæ Avellini Conf. <i>dupl. Commem.</i> SS. Tryphonis et Soc. Mm. |
| xj | g | iiij | 11 S. Martini Episc. et Conf. <i>dupl. Commem.</i> S. Mennæ Mart. |
| x | A | Prid. | 12 S. Martini I. Papæ et Mart. <i>semid.</i> |
| ix | b | Idib. | 13 S. Didaci Conf. <i>semid.</i> |
| viiij | c | xviiij | 14 S. Josaphat Episc. et Mart. <i>dupl.</i> |
| vij | d | xvij | 15 S. Gertrudis Virg. <i>dupl.</i> |
| vj | e | xvj | 16 |
| v | f | xv | 17 S. Gregorii Thaumaturgi Episc. et Conf. <i>semid.</i> |
| iv | g | xiv | 18 Dedicatio Basilicarum SS. Petri et Pauli, <i>dupl. maj.</i> |
| iiij | A | xiiij | 19 S. Elisabeth Vid. <i>dupl. Commem.</i> S. Pon- tiani Papæ et Mart. |
| ij | b | xij | 20 S. Felicis de Valois Conf. <i>dupl.</i> |
| J | c | xj | 21 Præsentatio B. M. V. <i>dupl. maj.</i> |
| * | d | x | 22 S. Cæcilie Virg. et Mart. <i>dupl.</i> |
| xxix | e | ix | 23 S. Clementis I. Papæ et Mart. <i>dupl. Com-</i> <i>mem.</i> sanctæ Felicitatis Mart. |
| xxviiij | f | viiij | 24 S. Joannis a Cruce Conf. <i>dupl. Commem.</i> S. Chrysogoni Mart. |
| xxvij | g | vij | 25 S. Catharinæ Virg. et Mart. <i>dupl.</i> |
| 25. xxvj | A | vj | 26 S. Silvestri Abbat. <i>dupl. Commem.</i> S. Petri Alexandrini Episc. et Mart. |
| xxv. xxiv | b | v | 27 |
| xxiiij | c | iv | 28 |
| xxij | d | iiij | 29 Vigilia. <i>Commem.</i> S. Saturnini Mart. |
| xxi | e | Prid. | 30 S. ANDREÆ APOSTOLI, <i>dupl. 2. cl.</i> |

DECEMBER

| Cyclus Epact. | Littera Dom. | Dies mensis. | |
|------------------|-----------------|-----------------|--|
| xx | f | Kal. | 1 |
| xix | g | iv | 2 S. Bibianæ Virg. et Mart. <i>semid.</i> |
| xviii | A | iiij | 3 S. Francisci Xaverii Conf. <i>dupl.</i> |
| xvii | b | Prid. | 4 S. Petri Chrysologi Episc. Conf. et Eccles. Doct. <i>dupl. Commem.</i> sanctæ Barbaræ Virg. et Mart. |
| xvi | c | Non. | 5 S. Sabbæ Abbatis. <i>Commem.</i> |
| xv | d | viiij | 6 S. Nicolai Episc. et Conf. <i>dupl.</i> |
| xiv | e | vij | 7 S. Ambrosii Episc. Conf. et Eccl. Doct. <i>dupl.</i> Vigilia. |
| xiii | f | vi | 8 IMMACULATA CONCEPTIO B. M. V. <i>dupl. 1. cl.</i> |
| xii | g | v | 9 De Octava, <i>semid.</i> |
| xi | A | iv | 10 De Octava. <i>semid. Commem.</i> S. Melchiadis Papæ et Mart. |
| x | b | iiij | 11 Damasi I. Papæ et Conf. <i>semid. Commem.</i> Octavæ. |
| ix | c | Prid. | 12 De Octava. |
| viii | d | Idib. | 13 Lucie Virg. et Mart. <i>dupl. Commem.</i> Oc- tavæ. |
| vii | e | xix | 14 De Octava. |
| vi | f | xviii | 15 Octava Immaculatæ Conceptionis B. M. V. <i>dupl.</i> |
| v | g | xvii | 16 S. Eusebii Episc. et Mart. <i>semid.</i> |
| iv | A | xvi | 17 |
| iii | b | xv | 18 |
| ii | c | xiv | 19 |
| i | d | xiii | 20 Vigilia. |
| | e | xii | 21 S. THOMÆ APOSTOLI, <i>dupl. 2. cl.</i> |
| xxix | f | xi | 22 |
| xxviii | g | x | 23 |
| xxvii | A | ix | 24 Vigilia. |
| xxvi | b | viii | 25 NATIVITAS D. N. JESU CHRISTI, <i>dupl.</i> <i>1. classis.</i> |
| 25. xxv | c | vii | 26 S. STEPHANI PROTOMARTYRIS, <i>dupl. 2. cl.</i> <i>Commem.</i> Octavæ. |
| xxiv | d | vi | 27 S. JOANNIS APOST. ET EVANG. <i>dupl. 2. cl.</i> <i>Commem.</i> Octavarum. |
| xxiii | e | v | 28 SS. INNOCENTII MM. <i>dupl. 2. cl. Commem.</i> Octavarum. |
| xxii | f | iv | 29 S. Thomæ Cantuariensis Episc. et Mart. <i>dupl. Commem.</i> Octavarum. |
| xxi | g | iiij | 30 De Dom. infra Oct. Nativitatis <i>vel</i> de Oct. <i>Commem.</i> aliarum Octavarum. |
| 19. xx | A | Prid. | 31 S. Silvestri I. Papæ et Conf. <i>dupl. Com-</i> <i>mem.</i> Octavarum. |

Hæc Epacta 19. nigra numquam est in usu, nisi quando eodem anno concurrat cum Aureo Numero xix.

DUÆ TABELLÆ

EX RUBRICIS GENERALIBUS EXCERPTÆ

In quarum prima statim videri poterit de quo celebrandum erit Officium, si plura eodem die Festa occurrant.

In secunda vero, quomodo Officium præcedens concurret in Vesperis cum Officio sequentis diei.

Ex utraque Tabella hoc ordine repetitur quod quæritur.

Primum inveniatur numerus positus in quadrangulo illo, in quo Festa, de quibus est controversia, sibi invicem occurrunt: deinde legatur regula juxta dictum numerum descripta, et ex ea clare videbitur quid sit agendum.

Exempli gratia: Quadrangulus, in quo sibi invicem occurrunt Duplex primæ classis et Dominica primæ classis, erit qui est in angulo superiori primæ Tabellæ, in quo signatus est numerus 1, quia si ad eum tam Duplex quam Dominica prædicta ex eorum locis recto tramite pergerent, in eo sibi invicem occurrerent. Regula autem juxta dictum numerum apposita sic habet:

1. Translatio de primo, Officium de secundo. Id est, Duplex primæ classis prædictum transferatur, et Officium fiat de Dominica primæ classis: quia cum in his regulis dicitur de primo seu præcedenti, intelligitur de Festo in superiori parte Tabellæ apposito, ut Duplex prædictum; cum de secundo vel sequenti, de Festo in inferiori parte sub numeris apposito, ut Dominica prædicta.

In aliquibus autem quadrangulis nullus appositus est numerus, vel quia nullus occursus, neque concursus esse potest, vel quia in propriis locis adnotatur in Breviario quid sit agendum.

Scire tamen oportet quæ sint Duplicia primæ et secundæ classis, et majora per annum, et quæ Dominicæ, et Feriæ majores dicantur.

DUPLICIA PRIMÆ CLASSIS

In quibus nulla fit Commemoratio quorumcumque Festorum concurrentium, nisi prout supra in Rubricis.

Nativitas Domini.

Epiphania Domini.

Pascha Resurrectionis, cum tribus antecedentibus et duobus sequentibus diebus.

Ascensio Domini.

Pentecostes, cum duobus sequentibus diebus.

Festum Corporis Christi.

Festum Sacratissimi Cordis Jesu.

Immaculata Conceptio, Annuntiatio, et Assumptio B. M. V.

Nativitas S. Joannis Baptistæ.

Festum S. Joseph Sponsi B. Mariæ V.

Festum SS. Apost. Petri et Pauli.

Festum Omnium Sanctorum.

Dedicatio propriæ Ecclesiæ.

Patronus, vel Titulus Ecclesiæ.

DUPLICIA II. CLASSIS

In quibus de Simplicibus fit Commemoratio in Laudibus tantum; de aliis ut in Rubricis.

Circumcisio Domini.

Festum SS. Nominis Jesu.

Festum SS. Trinitatis.

Festum Pretiosissimi Sanguinis D. N. J. C.

Inventio S. Crucis.

Purificatio

Visitatio

Nativitas

Solemn. SS. Rosarii

Dedicatio S. Michaëlis Archangeli.

Festum Patrocinii S. Joseph Sponsi B. M. V.

Natalitia undecim Apostolorum.

Festa Evangelistarum.

Festum S. Stephani Protomartyris.

Festum SS. Innocentium Martyrum.

Festum S. Laurentii Martyris.

Festum S. Annæ Matris B. M. V.

Festum S. Joachim Patris B. M. V.

DOMINICÆ MAJORES

DIVIDUNTUR IN DUAS CLASSES

DOMINICÆ I. CLASSIS

quæ numquam omittuntur.

Prima Adventus.

Prima Quadragesimæ.

Passionis.

Palmarum.

Paschæ.

In Albis.

Pentecostes.

Trinitatis.

DOMINICÆ II. CLASSIS

quæ non omittuntur, nisi occurrente
Duplici primæ classis, et tunc de iis
fit Commemoratio in utrisque Vespe-
ris et Laudibus.

| | | |
|----------|---|----------------|
| Secunda | } | Adventus. |
| Tertia | | |
| Quarta | | |
| Dominica | } | Septuagesimæ. |
| Dominica | | Sexagesimæ. |
| Dominica | | Quinquagesimæ. |
| Secunda | | } |
| Tertia | | |
| Quarta | | |

DUPLICIA MAJORA

PER ANNUM

quæ aliis Duplicibus minoribus
præferuntur.

Transfiguratio Domini.
Exaltatio sanctæ Crucis.
Dedicatio Archibasilicæ SS. Salvatoris.
Duo Festa Septem Dolorum B. M. V.
Commemoratio B. M. V. de Monte Car-
melo.
Dedicatio S. Mariæ ad Nives.

Festum SS. Nominis Mariæ.
Festum de Mercede B. M. V.
Præsentatio B. M. V.
Apparitio S. Michaëlis Archangeli.
Festum SS. Angelorum Custodum.
Decollatio S. Joannis Baptistæ.
Cathedra sancti Petri Apostoli utraque.
Festum ejusdem ad Vincula.
Conversio S. Pauli Apostoli.
Commemoratio S. Pauli Apostoli.
Dedicatio Basilicarum SS. Apostolo-
rum Petri et Pauli.
Festum S. Joannis ante portam Lati-
nam.
Festum S. Barnabæ Apostoli.
Festum S. Benedicti Abbatis.
Festum S. Dominici Confessoris.
Festum S. Francisci Assisien. Confes-
soris.
Festum Patronorum minus Principa-
lium.

Feriæ majores, de quibus semper fit
Commemoratio.

Adventus.
Quadragesimæ.
Quatuor Temporum.
Secunda Rogationum.

CATALOGUS FESTORUM

quæ uti Primaria, vel Secundaria retinenda sunt, ex Decretis generalibus
S. R. C., diei 27 Aug. 1894 et 5 Febr. 1895.

FESTA PRIMARIA

IN KALENDARIO UNIVERSALI

§ I. Duplicita primæ classis.

Nativitas Domini.
Epiphania Domini.
Pascha Resurrectionis.
Ascensio Domini.
Pentecostes.
Festum Corporis Christi.
Immaculata Conceptio, Annuntiatio,
et Assumptio B. M. V.
Nativitas S. Joannis Baptistæ.
Festum S. Joseph Sponsi B. M. V.
Festum SS. Apostolorum Petri et
Pauli.
Festum Omnium Sanctorum.
Dedicatio propriæ Ecclesiæ.
Titulus Ecclesiæ.
Patronus Principalis Regionis, vel Dice-
cesis, aut loci.

§ II. Duplicita secundæ classis.

Circumcisio Domini.
Festum SS. Trinitatis.
Purificatio B. Mariæ V.
Visitatio B. Mariæ V.
Nativitas B. Mariæ V.
Dedicatio S. Michaëlis Archangeli.

Natalitia Undecim Apostolorum.
Festa Evangelistarum.
Festum S. Stephani Protomartyris.
Festum SS. Innocentium Martyrum.
Festum S. Laurentii Martyris.
Festum S. Annæ Matris B. M. V.
Festum S. Joachim Patris B. Mariæ V.

§ III. Duplicita majora per Annum.

Transfiguratio Domini.
Dedicatio Archibasilicæ SS. Salvatoris.
Dedicatio S. Mariæ ad Nives.
Festum SS. Angelorum Custodum.
Dedicatio Basilicarum SS. Petri et Pauli
Apostolorum.
Festum S. Barnabæ.
Festum S. Benedicti Abbatis.
Festum S. Dominici Conf.
Festum S. Francisci Conf.
Festum Patronorum minus Principa-
lium.

§ IV. Alia Duplicita per Annum.

Dies Natalitia, vel quasi Natalitia unius-
cujusque Sancti.

Pro aliquibus locis.

S. Gabrielis Archangeli.
S. Raphaëlis Archangeli.

Dies Natalitia, vel quasi Natalitia unius-
cujusque Sancti.

Commemoratio Sanctorum, quorum
Corpora, vel Reliquiæ in Ecclesiis
Diocesanos asservantur.

FESTA SECUNDARIA

IN KALENDARIO UNIVERSALI

§ I. Duplicia primæ classis.

Sacratissimi Cordis Jesu.

§ II. Duplicia secundæ classis.

Festum SS. Nominis Jesu.

Festum Inventionis sanctæ Crucis.

Festum Pretiosissimi Sanguinis D. N.
J. C.

Solemnitas SS. Rosarii B. M. V.

Festum Patrocinii S. Joseph Sponsi
B. M. V.

§ III. Duplicia majora.

Exaltatio sanctæ Crucis.

Duo Festa Septem Dolorum B. M. V.

Commemoratio B. M. V. de Monte Car-
melo.

Festum SS. Nominis B. M. V.

Festum de Mercede B. M. V.

Præsentatio B. M. V.

Apparitio S. Michaëlis Archangeli.

Decollatio S. Joannis Baptistæ.

Cathedra S. Petri Apostoli utraque.

Festum ejusdem ad Vincula.

Conversio, et Commemoratio S. Pauli
Apostoli.

Festum S. Joannis ante portam Lati-
nam.

Pro aliquibus locis.

Officia Mysteriorum et Instrumento-
rum Passionis D. N. J. C.

SS. Redemptoris.

Sanctæ Familiæ Jesu, Mariæ, Joseph.
Purissimi Cordis Mariæ.

Desponsationis, Maternitatis, Puritatis,
Patrocinii B. M. V.

Translationis Almæ Domus B. M. V.

Expectationis Partus B. M. V.

B. M. V. Auxilium Christianorum.

Prodigiorum B. M. V.

Apparitionis B. M. V. Immaculatæ.

Manifestationis B. M. V. Immaculatæ,
a sacro numismate.

Commemoratio Omnium SS. Summo-
rum Pontificum.

Item alia quæcumque Festa sive Do-
mini, sive B. M. V. sub aliquo peculiari
titulo, sive Sanctorum, præter eorum-
dem natalem diem, uti Inventionis
Corporum, Translationis, Receptionis,
Patrocinii, et hisce similia.



SI OCCURRAT EODEM DIE

| | | | | | | | | | | | | | | | | |
|---|---|---|---|---|---|---|---|---|---|---|---|---|---|---|---|-----------------------------|
| Duplex I. classis, | 6 | 4 | 0 | 6 | 6 | 4 | 6 | 6 | 2 | 2 | 2 | 8 | 4 | 4 | 1 | |
| Duplex II. classis, | 4 | 4 | 0 | 4 | 4 | 4 | 6 | 4 | 2 | 2 | 8 | 1 | 4 | 1 | 1 | |
| Duplex per annum majus, | 4 | 4 | 0 | 4 | 4 | 1 | 4 | 4 | 2 | 8 | 1 | 1 | 4 | 1 | 1 | |
| Duplex Doct. Ecclesiæ, | 4 | 4 | 0 | 4 | 4 | 1 | 4 | 0 | 0 | 1 | 1 | 1 | 4 | 1 | 1 | |
| Duplex per annum minus, | 4 | 4 | 0 | 4 | 4 | 3 | 4 | 7 | 0 | 3 | 3 | 5 | 4 | 3 | 3 | |
| Dies infra Octavam, | 4 | 4 | 0 | 4 | 3 | 3 | 7 | 3 | 3 | 3 | 5 | 5 | 3 | 3 | 3 | |
| Dies Octava, | 4 | 4 | 0 | 4 | 4 | 7 | 4 | 4 | 2 | 2 | 3 | 3 | 4 | 3 | 3 | |
| Semiduplex, | 4 | 4 | 0 | 4 | 7 | 3 | 4 | 3 | 3 | 3 | 3 | 5 | 3 | 3 | 3 | |
| Simplex, | 3 | 3 | 3 | 0 | 3 | 3 | 3 | 3 | 3 | 3 | 3 | 5 | 3 | 3 | 3 | |
| Sancta Maria in Sabbato, | 5 | 5 | 0 | 4 | 0 | 0 | 0 | 0 | 0 | 0 | 0 | 0 | 0 | 0 | 0 | |
| Feria major, | 6 | 0 | 6 | 4 | 3 | 3 | 3 | 3 | 3 | 3 | 3 | 3 | 0 | 0 | 0 | |
| Vigilia, | 0 | 5 | 6 | 4 | 3 | 3 | 3 | 3 | 3 | 3 | 3 | 5 | 0 | 0 | 0 | |
| 1 Translat. de 1°, Officium de 2°. | « | « | « | « | « | « | « | « | « | « | « | « | « | « | « | et Dominica I. classis. |
| 2 Officium de 1°, Translat. de 2°. | « | « | « | « | « | « | « | « | « | « | « | « | « | « | « | « Dominica II. classis. |
| 3 Commem. de 1°, Officium de 2°. | « | « | « | « | « | « | « | « | « | « | « | « | « | « | « | « Dominica per annum. |
| 4 Officium de 1°, Commem. de 2°. | « | « | « | « | « | « | « | « | « | « | « | « | « | « | « | « Duplex I. classis. |
| 5 Nihil de 1°, Officium de 2°. | « | « | « | « | « | « | « | « | « | « | « | « | « | « | « | « Duplex II. classis. |
| 6 Officium de 1°, nihil de 2°. | « | « | « | « | « | « | « | « | « | « | « | « | « | « | « | « Duplex per annum majus. |
| 7 Officium de digniori, Commem. de minus digno. | « | « | « | « | « | « | « | « | « | « | « | « | « | « | « | « Duplex Doctoris Ecclesiæ. |
| 8 Officium de digniori, Translat. de minus digno. | « | « | « | « | « | « | « | « | « | « | « | « | « | « | « | « Duplex per annum minus. |
| | « | « | « | « | « | « | « | « | « | « | « | « | « | « | « | « Dies infra Octavam. |
| | « | « | « | « | « | « | « | « | « | « | « | « | « | « | « | « Dies Octava. |
| | « | « | « | « | « | « | « | « | « | « | « | « | « | « | « | « Semiduplex. |
| | « | « | « | « | « | « | « | « | « | « | « | « | « | « | « | « Simplex. |
| | « | « | « | « | « | « | « | « | « | « | « | « | « | « | « | « Sancta Maria in Sabbato. |
| | « | « | « | « | « | « | « | « | « | « | « | « | « | « | « | « Feria major. |
| | « | « | « | « | « | « | « | « | « | « | « | « | « | « | « | « Vigilia. |

1. Notandum, quod Duplex quocumque, etiam Patroni et Tituli Ecclesiæ, vel Dedicationis ejusdem, occurrens in Vigilia Nativitatis Domini et Pentecostes, in die Circumcisionis, in die Octava Epiphaniæ, in Feria quarta Cinerum, ac in tota majori Hebdomada, et infra Octavam Paschæ et Pentecostes, in Ascensione Domini, in Festo Corporis Christi, in Festis Immaculatæ Conceptionis, Annuntiationis et Assumptionis B. M. V., in Nativitate sancti Joannis Baptistæ, in Festo S. Joseph, SS. Apostolorum Petri et Pauli, et Omnium Sanctorum, transfertur, si transferri valeat : aliter de eo fit Commemoratio ipso die quo cadit, vel penitus omittitur, ut ponitur in propriis Rubricis.

2. Infra Octavam Epiphaniæ fit tantum de Duplici primæ classis occurrentibus, cum Commemoratione Octavæ. Alia Festa novem Lectionum in prima die libera post Octavam perpetuo celebrantur : de Simplicibus vero fit tantum Commemoratio, ut supra.

3. Infra Octavam Corporis Christi, de Semiduplici occurrente fit tantum Commemoratio, neque fit de Duplici trans-

lato, nisi sit j. vel ij. classis, et de ea, quocumque adveniente Duplici, fit Commemoratio.

4. Infra illas Octavas, in quibus fit de Festis occurrentibus, de Semiduplici occurrente in Dominica, fit Commemoratio, uti alias juxta Rubricas.

5. De Octava Nativitatis Domini, Epiphaniæ, et Corporis Christi, semper fit Commemoratio, quocumque Festo in illis occurrente.

6. De aliis Octavis, quæ non sunt in Calendario, nihil fit a Feria quarta Cinerum usque ad Dominicam in Albis, et a Vigilia Pentecostes usque ad Festum SS. Trinitatis inclusive, et a die 17 Decembris usque ad Epiphaniam.

7. Dies Octavæ numquam transfertur : ideo quamquam Nativitas S. Joannis Baptistæ occurrens in die Corporis Christi, transfertur in diem sequentem : non tamen transfertur Octava, sed de ea fit tantum Commemoratio in Officio de Octava Corporis Christi.

8. Si accadat, ut Patronus loci, vel Titulus Ecclesiæ descriptus sit eodem die in Calendario cum aliis Sanctis, qui separari queunt, in ea Ecclesia,

vel in loco, fit tantum de Titulari, vel Patrono. Alii si in dicto Calendario descripti sint sub ritu Duplici majori, vel minori, aut Semiduplici, transferuntur perpetuo in diem primam liberam, et de eis fiat Officium Semiduplex. Si vero sint ex Duplicibus 1. vel 2. classis, similiter in diem primam liberam perpetuo transferantur, et de eis fiat Officium sub eodem ritu, ac si propria die celebrarentur. Si autem in Calendario omnes sint tamquam Festum Simplex, de eis nihil fit.

9. De Feriis Adventus et Quadragesimæ, quando de eis non fit Officium, fit Commemoratio in utrisque Vesperis, et Laudibus cujuscumque Festi : de Quatuor Temporibus, et Feria secunda Rogationum, ac Vigiliis, in Laudibus tantum. Si vero aliqua Vigilia occurrat in Adventu, Quadragesima, et Quatuor Temporibus, vel in diebus Festorum Duplicium primæ classis, sive Patroni, vel Tituli, aut Dedicationis Ecclesiæ, de ea nihil fit, nec etiam in Laudibus.

QUANDO CONCURRIT

| | | | | | | | | | | | |
|--|----------------------------|----------------------|---------------|------------|---------------|-----------------------------|-----------------------------|---------------------------------|------------------------|-----------------------|---|
| Dominica I. et II. classis, | 0 | 4 | 3 | 4 | 4 | 3 | 3 | 3 | 3 | 3 | 0 |
| Dominica per annum, | 0 | 4 | 3 | 4 | 4 | 3 | 3 | 1 | 1 | 1 | 0 |
| Duplex I. classis, | 2 | 2 | 4 | 2 | 4 | 4 | 4 | 6 | 4 | 6 | 4 |
| Duplex II. classis, | 4 | 4 | 4 | 4 | 4 | 4 | 4 | 3 | 6 | 3 | 4 |
| Patronus, seu Titulus Ecclesiæ, | 2 | 2 | 4 | 2 | 4 | 4 | 4 | 0 | 4 | 0 | 4 |
| Duplex per annum majus, | 4 | 4 | 4 | 4 | 4 | 4 | 6 | 1 | 3 | 1 | 4 |
| Duplex per annum minus, | 4 | 4 | 5 | 4 | 4 | 5 | 3 | 1 | 3 | 1 | 4 |
| Semiduplex, | 4 | 4 | 3 | 4 | 5 | 3 | 3 | 1 | 1 | 1 | 5 |
| Dies Octava, | 4 | 4 | 5 | 4 | 4 | 5 | 3 | 1 | 3 | 1 | 4 |
| Dies infra Octavam, | 0 | 0 | 3 | 4 | 3 | 3 | 3 | 1 | 1 | 1 | 5 |
| 1 Totum de sequenti, nihil de præcedenti. | cum Dominica quacumque. | | | | | | | | | | |
| 2 Totum de præcedenti, nihil de sequenti. | | | | | | | | | | | |
| 3 Totum de sequenti, Commemoratio de præcedenti. | | | | | | | | | | | |
| 4 Totum de præcedenti, Commemoratio de sequenti. | | | | | | | | | | | |
| 5 Capitulum de sequenti, Commemoratio de præcedenti. | | | | | | | | | | | |
| 6 Totum de digniori, Commemoratio de minus digno : in paritate dignitatis, a Capitulo de sequenti. | | | | | | | | | | | |
| Simplex, et sancta Maria in Sabbato, Feria et Vigilia non concurrunt. | | | | | | | | | | | |
| | « Sancta Maria in Sabbato. | « Die infra Octavam. | « Die Octava. | « Simplex. | « Semiduplex. | « Duplici per annum minore. | « Duplici per annum majore. | « Patrono, seu Titulo Ecclesiæ. | « Duplici II. classis. | « Duplici I. classis. | |

1. Notandum, quod in I. Vesperis diei Octavæ Ascensionis et Corporis Christi, aliorumque Festorum primariorum Domini, totum Officium fit de Octava, cum Commemoratione præcedentis Festi Duplicis, nisi fuerit Festum solemne principale, aut primæ vel secundæ classis; quia tunc de Festo fieret Officium, et Commemoratio de Octava.

2. In II. Vesperis diei Octavæ Festorum Domini, si primaria fuerint et solemniora, uti Epiphaniæ, Paschæ, Ascensionis, aliorumque, de sequenti Duplici, si concurrat, fit tantum Commemoratio, nisi hoc fuerit primæ vel secundæ classis; quia tunc de eo fieret

Officium, et de Octava Commemoratio. Die Octava Corporis Christi in II. Vesperis nulla fit Commemoratio sequentis Duplicis (Sacratissimi Cordis Jesu), nisi concurrat cum die Octava S. Joannis Baptistæ, et tunc Vesperæ erunt de Octava Corporis Christi, cum Commemoratione Octavæ S. Joannis.

3. Diebus Octavis Festorum primariorum B. Mariæ V., etiam particulare alicujus Religionis, Angelorum, S. Joannis Baptistæ, S. Joseph et SS. Apostolorum de præcedenti, vel sequenti Duplici minori fit tantum Commemoratio.

4. In II. Vesperis Duplicis primæ clas-

sis fit Commemoratio de Festis Duplicibus et Semiduplicibus reductis ad modum Simplicis tantummodo, si huiusmodi Commemoratio facienda sit die sequenti. In Duplicibus tamen secundæ classis de dictis Festis fit Commemoratio in utrisque Vesperis ad instar Octavæ et Dominicæ, ut in Rubricis generalibus de Commemorationibus dictum est; non fit vero Commemoratio de die infra Octavam, nisi quando de ea fieri debeat Officium die sequenti.

5. Cum plures fiunt Commemorationes, servetur hic ordo: Post Orationem Officii currentis,

1. De Dominica privilegiata, 2. de die Octava, 3. de Duplici maiori, 4. de Duplici minori ad instar simplicium redactis, 5. de Dominica communi, 6. de die infra Octavam Corporis Christi, 7. de Semiduplici, 8. de die infra Octavam communem, ad simplicem ritum pariter redactis; 9. de Feria maiori, vel Vigilia; 10. de Simplici.

ORATIO

A PAPA URBANO VIII. EDITA

ANTE óculos tuos Dómine culpas nostras férimus, et plagas quas accépimus, conférjmus.

Si pensámus malum quod fécimus, minus est quod pátimur, majus est quod merémur.

Grávius est quod commísimus, lévius est quod tolerámus.

Peccáti pœnam sentimus, et peccándi pertináciam non vitámus.

In flagéllis tuis infirmitas nostra téritur, et iníquitas non mutátur.

Mens ægra torquétur, et cervix non fléctitur.

Vita in dolóre suspírat, et in ópere non se eméndat.

Si exspéctas, non corrígimur: si vindicas, non durámus.

Confitémur in correctiône quod égimus: obliviscimur post visitatióem quod flévimus.

Si exténderis manum, faciéndam promíttimus: si suspénderis gládium, promissa non sólvimus.

Si férias, clamámus ut parcas: si pepérceis, iterum provocámus ut férias.

Habes Dómine confiténtes reos: nóvimus quod nisi dimittas, recte nos périmas.

Præsta Pater omnipotens, sine mérito quod rogámus, qui fecisti ex níhilo qui te rogárent. Per Christum Dóminum nostrum. Amen.

Ÿ. Gregem tuum Pastor ætérne non déseras.

Ŕ. Sed per beátos Apóstolos tuos perpétua defensióne custódias.

Ÿ. Prótege Dómine pópulum tuum ad te clamántem, et Apostolórum tuórum patrocinio confidéntem.

Ŕ. Perpétua defensióne custódias.

Ÿ. Oráte pro nobis sancti Apóstoli Dei.

Ŕ. Ut digni efficiámur promissionibus Christi.

Oratio.

PRÆSTA, quæsumus omnipotens Deus: ut nullis nos permittas perturbatióibus concuti, quos in Apostolicæ confessionis petra solidásti. Per Dóminum. Ŕ. Amen.

IMPLÓRET, clementíssime Dómine, nostris opportunam necessitatibus opem devóte a nobis proláta meditatio, qua sanctus olim Joánnes Chrysóstomus, in basilica Principis Apostolórum cónditus, tecum

beatissimis Apóstolis Petro et Páulo repræsentávit sic colloquéntem : Circúmdate hanc novam Sion, et circumvalláte eam : hoc est, custodite, muníte, précibus firmáte; ut quando iráscor in témpore, et orbem terræ concútio, adspiciens sepúlcrum vestrum numquam desitúrum, et quæ libénter propter me géritis stigmata, iram

misericórdia vincam, et ob hanc percípíam vestram intercessiónem. Etenim quando Sacerdótium et Regnum vídeo lacrymári, statim quasi compátiens ad commiseratiónem flector, et illius meæ vocis reminíscor : Prótegám urbem hanc propter David servum meum, et Aaron sanctum meum. Dómine, fiat, fiat. Amen, amen.

ORATIO

DICENDA ANTE DIVINUM OFFICIUM

APERI Dómine os meum ad benedicéndum nomen sanctum tuum : munda quoque cor meum ab ómnibus vanis, perversis et aliénis cogitatióibus : intelléctum illúmina, afféctum inflámma, ut digne, attén-te ac devóte hoc Officium recitáre

váleam, et exaudíri mérear ante conspéctum divínæ Majestátis tuæ. Per Christum Dóminum nostrum. *R.* Amen.

Dómine in unióne illius divínæ intentiúnis, qua ipse in terris láudes Deo persolvísti, has tibi Horas persólvo.

ORATIO

DICENDA POST DIVINUM OFFICIUM

Orationem sequentem devote post Officium recitantibus Leo Papa X. defectus et culpas in eo persolvendo ex humana fragilitate contractas indulsit : dicitur flexis genibus.

SACROSÁNCTÆ et individuæ Trinitáti, crucifixi Dómini nostri Jesu Christi humanitáti, beatissimæ et gloriosissimæ sempérque Vírginis Mariæ fecúndæ integritáti, et ómnium Sanctórum universitáti, sit sempitérna laus, honor, virtus et glória ab omni creatúra, nobis-

que remissio ómnium peccatórum, per infinita sácula sæculórum. *R.* Amen.

V. Beáta viscera Mariæ Vírginis, quæ portavérunt ætérni Patris Fílium.

R. Et beáta ũbera, quæ lactavérunt Christum Dóminum.

Pater noster. Ave María.



ABSOLUTIONES ET BENEDICTIONES

DICENDÆ ANTE LECTIONES IN OFFICIO NOVE ET TRIUM
LECTIONUM

IN I. NOCTURNO

Et pro II. et V. Feria.

ABSOLUTIO

EXAUDI Dómine Jesu Christe preces servórum tuórum, et miserére nobis, qui cum Patre et Spíritu sancto vivis et regnas in sæcula sæculórum.

R. Amen.

BENEDICTIONES

1. Benedictióne perpétua benedicat nos Pater ætérnus.

R. Amen.

2. Unigénitus Dei Fílius nos benedícere et adjuvare dignetur. R. Amen.

3. Spíritus sancti grátia illúmet sensus et corda nostra.

R. Amen.

IN II. NOCTURNO

Et pro III. et VI. Feria.

ABSOLUTIO

IPSÍUS píetas et misericórdia nos ádjuvet, qui cum Patre et Spíritu sancto vivit et regnat in sæcula sæculórum.

R. Amen.

BENEDICTIONES

4. Deus Pater omnípotens sit nobis propítius et clemens.

R. Amen.

5. Christus perpétuæ det nobis gáudia vitæ.

R. Amen.

6. Ignem sui amóris accéndat Deus in córdibus nostris.

R. Amen.

IN III. NOCTURNO

Et pro Feria IV. et Sabbato.

ABSOLUTIO

AVÍNCULIS peccatórum nostrórum absólvat nos omnípotens et miséricors Dóminus.

R. Amen.

BENEDICTIONES

7. Evangélica léctio sit nobis salus et protéctio.

R. Amen.

8. Divínium auxílium máneat semper nobiscum.

R. Amen.

9. Ad societátem cívium supernórum perdúcat nos Rex Angelórum. R. Amen.

Si Officium fit de Sancto vel de Sancta novem Lectionum, octava Benedictio erit :

Cujus festum cólimus, ipse (vel ipsa) intercédant pro nobis ad Dóminum.

Quando sunt plures, dicitur :

Quorum (vel Quarum) festum cólimus, ipsi (vel ipsæ) intercédant pro nobis ad Dóminum.

Si Officium fit de sancta Maria, octava Benedictio erit :

Cujus festum cólimus, ipsa Virgo víginum intercédant pro nobis ad Dóminum.

Si in ultima Lect. legendum sit aliud Evangelium cum Homilia, nona Benedictio erit :

Per Evangélica dicta deleántur nostra delicta.

In Officio trium Lectionum dicuntur Absolutiones et Benedictiones prædictæ, ordine superius in Rubricis generalibus descripto : et in eo, quando non legitur Homilia cum Evang., et Benedictiones sumendæ sunt ex III. Noct., prima Benedictio dicitur :

1. Ille nos benedicat, qui sine fine vivit et regnat.

R. Amen.

2. Divínium auxílium.

3. Ad societátem.

In Officio trium Lectionum,
quando legitur Homilia cum
Evang., prima Benedictio erit :

1. Evangélica léctio.
2. Divinum auxílium.
3. Ad societátem.

Si Officium fit de Sancto vel
de Sancta trium Lectionum,
prima Benedictio erit :

1. Ille nos benedícat, qui sine
fine vivit et regnat.

R. Amen.

2. Cujus (vel Quorum, vel Qua-
rum).

3. Ad societátem.

In Officio de sancta Maria in
Sabbato :

ABSOLUTIO

PRÉCIBUS et méritis beátæ
Mariæ semper Virginis, et
ómnium Sanctórum, perdúcat
nos Dóminus ad regna cæló-
rum.

R. Amen.

1. Nos cum prole pia benedícat
Virgo María.

R. Amen.

2. Ipsa Virgo vírginum intercéd-
dat pro nobis ad Dóminum.

R. Amen.

3. Per Vírginem matrem con-
cédát nobis Dóminus salú-
tem et pacem.

R. Amen.





PSALTERIUM

DISPOSITUM

PER HEBDOMADAM

CUM ORDINARIO OFFICII DE TEMPORE

PARS AUTUMNALIS

DOMINICA AD MATUTINUM

ANTE MATUTINUM, ET OMNES HORAS

PRÆTERQUAM AD COMPLETORIUM, DICITUR SECRETO

PATER noster, qui
es in cælis, sanctificetur nomen
tuum. Advéniat
regnum tuum.

Fiat volúntas tua, sicut in
cælo et in terra. Panem no-
strum quotidiánum da nobis
hódie. Et dimítte nobis dé-
bita nostra, sicut et nos
dimíttimus debitóribus no-
stris. Et ne nos indúcas in
tentatióem : sed libera nos
a malo. Amen.

AVE María, grátia plena :
Dóminustecum : benedi-
cta tu in muliéribus : et be-
nedictus fructus ventris tui
Jesus. Sancta María, Mater
Dei, ora pro nobis peccató-
ribus, nunc et in hora mortis
nostræ. Amen.

In principio Matutini et

Primæ, ac in fine Completo-
rii, dicitur etiam Symbolum
Apostolorum.

CREDO in Deum, Patrem
omnipoténtem, Creató-
rem cæli et terræ. Et in Je-
sum Christum, Fílium ejus
únicum, Dóminum nostrum :
qui concéptus est de Spiritu
sancto, natus ex María Vir-
gine, passus sub Póntio Pi-
láto, crucifixus, mórtuus, et
sepúltus : descendit ad ín-
feros : tértia die resurrexit
a mórtuis : ascendit ad cæ-
los, sedet ad dexteram Dei
Patris omnipoténtis : inde
ventúrus est judicáre vivos
et mórtuos. Credo in Spiri-
tum sanctum, sanctam Ec-
clésiám cathólicam, sanctó-
rum communióem, remis-
sióem peccatórum, carnis

resurrectiōnem, vitam ætē-
nam. Amen.

Deinde clara voce dicitur V.

DÓMINE lābia mea apēries.
R. Et os meum annun-
tiābit laudem tuam.

V. Deus in adjutōrium
meum intēde. R. Dómine
ad adjuvāndum me festína.
Glória Patri, et Filio, et Spi-
ritui sancto. Sicut erat in
principio, et nunc, et sem-
per, et in sǎcula sǎculórum.
Amen. Allelúia.

**Sic dicitur Allelúia, ad
omnes Horas per Annum.**

**Invitatorium sequens di-
citur ab Octava Pentecostes
usque ad Adventum.**

Invitatorium. Adorémus
Dóminum, * Qui fecit nos.

Repetitur : Adorémus Dó-
minum, qui fecit nos.

Psalmus 94.

VENÍTE, exsultémus Dómi-
no, jubilémus Deo salu-
tári nostro : præoccupémus
fáciem ejus in confessiōne,
et in psalmis jubilémus ei.

Adorémus Dóminum, qui
fecit nos.

Quóniam Deus magnus Dó-
minus, et Rex magnus super
omnes deos : quóniam non
repellet Dóminus plebem
suam, quia in manu ejus sunt
omnes fines terræ, et altitúdi-
nes móntium ipse cónspicit.

Qui fecit nos.

Quóniam ipsius est mare,
et ipse fecit illud, et áridam
fundavérunt manus ejus : ve-
níte, adorémus, et procidá-
mus ante Deum : plorémus

coram Dómino, qui fecit nos,
quia ipse est Dóminus Deus
noster : nos áutem pópulus
ejus, et oves páscae ejus.

Adorémus Dóminum, qui
fecit nos.

Hódie si vocem ejus au-
diéritis, nolite obduráre cor-
da vestra, sicut in exacerba-
tiōne secúndum diem ten-
tatiōnis in desérto : ubi
tentavérunt me patres ve-
stri, probavérunt et vidé-
runt ópera mea.

Qui fecit nos.

Quadraginta annis próxi-
mus fui generatiōni huic, et
dixi : Semper hi errant cor-
de : ipsi vero non cognové-
runt vias meas, quibus jurávi
in ira mea, si introibunt in
réquiem meam.

Adorémus Dóminum, qui
fecit nos.

Glória Patri, et Filio, et
Spirítui sancto. Sicut erat in
principio, et nunc, et sem-
per, et in sǎcula sǎculórum.
Amen.

Qui fecit nos.

Adorémus Dóminum, qui
fecit nos.

**Sequens Hymnus dicitur
ab Octava Pentecostes usque
ad Dominicam proximiorē
Kalendis Octobris.**

Hymnus.

NOCTE surgéntes vigilémus
omnes,
Semper in psalmis meditē-
mur, atque
Voce concórdi Dómino ca-
námus
Dúlciter hymnos.

Ut pio Regi páriter canén-
tes,
Cum suis sanctis mereámur
áulam
Ingredi cæli, simul et per-
énnem
Dúcere vitam.
Præstet hoc nobis Déitas
beáta
Patris, ac Nati, paritérque
sancti
Spiritus, cujus résonat per
omnem
Glória mundum.
Amen.

*Sequens Hymnus dicitur a
Dominica proximiori Kalen-
dis Octobris usque ad Ad-
ventum.*

Hymnus.

PRIMO die, quo Trínitas
Beáta mundum cón-di-
dit,
Vel quo resúrgens Cónditor
Nos morte victa liberat :
Pulsis procul torpóribus,
Surgámus omnes ócyus,
Et nocte quærámus Deum,
Prophéta sicut præcipit :
Nostras preces ut áudiat,
Suámque dextram pórrigat,
Et expiátos sórdibus
Reddat polórum sédibus :
Ut, quique sacratíssimo
Hujus diéi témpore
Horis quiétis psállimus,
Donis beátis múneret.
Jam nunc, patérna clári-
tas,
Te postulámus áffatim :
Absint faces libídinis,
Et omnis actus nóxius.
Ne fœda sit, vel lúbrica
Compágo nostri córporis,

Ob cujus ignes ignibus
Avérnus urat ácrius.
Mundi Redémptor, quæ-
sumus,
Tu probra nostra diluas :
Nobisque largus cómmoda
Vitæ perénnis cónferas.
Præsta, Pater piússime,
Patrique compar Unice,
Cum Spíritu Paráclito
Regnans per omne sæculum.
Amen.

IN I. NOCTURNO

Per Annum, Ant. Servite
Dómino.

*Asteriscus * notat pausam
cantus in Choro.*

Psalmus 1.

BEÁTUS vir, qui non ábiit
in consílio impiórum, et
in via peccatórum non ste-
tit, * et in cáthedra pestilén-
tiæ non sedit :

Sed in lege Dómini vo-
lúntas ejus, * et in lege
ejus meditábitur die ac no-
cte.

Et erit tamquam lignum,
quod plantátum est secus
decúrsus aquárum, * quod
fructum suum dabit in tém-
pore suo :

Et fólium ejus non dé-
fluet : * et ómnia quæcúm-
que fáciat, prosperabún-
tur.

Non sic impii, non sic : *
sed tamquam pulvis, quem
próicit ventus a fácie ter-
ræ.

Ideo non resúrgent impii
in judicio : * neque pecca-
tóres in concilio justórum.

Quóniam novit Dóminus

viam justórum : * et iter impiórum peribit.

Glória Patri, et Filio, * et Spiritui sancto.

Sicut erat in princípio, et nunc, et semper, * et in sæcula sæculórum. Amen.

Hic versus Glória. semper dicitur in fine omnium Psalmorum, nisi aliter notetur.

Psalmus 2.

QUARE fremuérunt gentes, * et pópuli meditáti sunt inánia?

Adstitérunt reges terræ, et principes convenérunt in unum * advérsus Dóminum, et advérsus Christum ejus.

Dirumpámus vincula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego áutem constitútus sum rex ab eo super Sion montem sanctum ejus, * prædicans præceptum ejus.

Dóminus dixit ad me : * Filius meus es tu, ego hódie genui te.

Póstula a me, et dabo tibi gentes hereditátem tuam, * et possessionem tuam terminos terræ.

Reges eos in virga férrea, * et tamquam vas figuli confringes eos.

Et nunc reges intelligite : * erudimini qui iudicátis terram.

Servíte Dómino in timóre : * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confidunt in eo.

Psalmus 3.

DÓMINE quid multiplicáti sunt qui tribulant me? * Multi insúrgunt advérsus me.

Multi dicunt animæ meæ : * Non est salus ipsi in Deo ejus.

Tu áutem Dómine suscéptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormívi, et soporátus sum : * et exsurrexi, quia Dóminus suscépit me.

Non timébo míllia pópuli circumdántis me : * exsúrge Dómine, salvum me fac Deus meus.

Quóniam tu percussisti omnes adversátes mihi sine cáusa : * dentes peccatórum contrivisti.

Dómini est salus : * et super pópulum tuum benedictio tua.

Psalmus 6.

DÓMINE, ne in furóre tuo árguas me, * neque in ira tua corripias me.

Miserére mei Dómine, quóniam infirmus sum : * sana

me Dómine, quóniam conturbáta sunt ossa mea.

Et ánima mea turbáta est valde : * sed tu Dómine úsquequo?

Convértere Dómine, et éripe ánimam meam : * salvum me fac propter misericórdiam tuam.

Quóniam non est in morte qui memor sit tui : * in inférno áutem quis confitébitur tibi?

Laborávi in gémitu meo, lavábo per singulas noctes lectum meum : * lácrymis meis stratum meum rigábo.

Turbátus est a furóre óculus meus : * inveterávi inter omnes inimicos meos.

Discédite a me omnes qui operámini iniquitatem : * quóniam exaudivit Dóminus vocem fletus mei.

Exaudivit Dóminus deprecationem meam, * Dóminus orationem meam suscepit.

Erubéscant, et conturbéntur veheménter omnes inimici mei : * convertántur et erubéscant valde velóciter.

Per Annum, Ant. Servíte Dómino in timóre : et exultáte ei cum tremóre.

Ant. Deus iudex justus.

Psalmus 7.

DÓMINE Deus meus in te sperávi : * salvum me fac ex ómnibus persecuéntibus me, et libera me.

Nequándo rápiat ut leo ánimam meam, * dum non est qui rédímat, neque qui salvum fáciat.

Dómine Deus meus, si feci istud, * si est iníquitas in mánibus meis :

Si réddidi retribuéntibus mihi mala, * decídám mérito ab inimicis meis inánis.

Persequátur inimicus ánimam meam, et comprehéndat, et concúlcet in terra vitam meam, * et glóriam meam in púlverem dedúcat.

Exsúrge Dómine in ira tua : * et exaltáre in finibus inimicórum meórum.

Et exsúrge Dómine Deus meus in præcépto quod mandásti : * et synagóga populórum circúmdabit te.

Et propter hanc in altum regrédere : * Dóminus júdicat populos.

Júdica me Dómine secúndum justitiam meam, * et secúndum innocentiam meam super me.

Consumétur nequitia peccatórum, et diriges justum, * scrutans corda et renes Deus.

Justum adjutórium meum a Dómino, * qui salvos facit rectos corde.

Deus iudex justus, fortis, et pátiens : * numquid iráscitur per singulos dies?

Nisi convérsi fuéritis, gládium suum vibrábit : * arcum suum teténdit, et parávit illum.

Et in eo parávit vasa mortis : * sagittas suas ardéntibus effécit.

Ecce partúriit injustitiam : * concépit dolórem, et péperit iniquitatem.

Lacum aperuit, et effudit eum : * et incidit in foveam quam fecit.

Convertetur dolor ejus in caput ejus : * et in verticem ipsius iniquitas ejus descendet.

Confitebor Dómino secúndum justitiam ejus : * et psallam nómini Dómini altíssimi.

Psalmus 8.

DÓMINE Dóminus noster, * quam admirábile est nomen tuum in univérsa terra!

Quóniam eleváta est magnificentia tua, * super cælos.

Ex ore infántium et lacténtium perfecisti láudem propter inimicos tuos, * ut destruas inimicum et ultorem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam visitas eum?

Minuisti eum páulo minus ab Angelis, glória et honóre coronásti eum : * et constituisti eum super ópera mánuum tuárum.

Omnia subjecisti sub pédibus ejus, * oves et boves univérsas : insuper et pécora campi.

Vólucres cæli, et pisces maris, * qui perámbulant sémitas maris.

Dómine Dóminus noster, *

quam admirábile est nomen tuum in univérsa terra!

Psalmus 9.

CONFITÉBOR tibi Dómine in toto corde meo : * narrábo ómnia mirabilia tua.

Lætabor et exultábo in te : * psallam nómini tuo Altissime,

In converténdo inimicum meum retrórsus : * infirmabúntur, et peribunt a fácie tua.

Quóniam fecisti iudícium meum et cáusam meam : * sedisti super thronum, qui júdicas justitiam.

Increpásti gentes, et périit impius : * nomen eórum delésti in ætérnum, et in sæculum sæculi.

Inimíci defecerunt frámeæ in finem : * et civitátes eórum destruxísti.

Périit memóriæ eórum cum sónitu : * et Dóminus in ætérnum pérmanet.

Parávit in iudicio thronum suum : * et ipse iudicábit orbem terræ in æquitáte, iudicábit pópulos in justitia.

Et factus est Dóminus refúgium páuperi : * adjútor in opportunitátibus, in tribulatióne.

Et sperent in te qui novérunt nomen tuum : * quóniam non dereliquísti quæréntes te Dómine.

Psállite Dómino, qui hábitat in Sion : * annuntiáte inter gentes stúdia ejus :

Quóniam requirens sanguinem eórum recordátus

est : * non est oblītus clamórem páuperum.

Miserére mei Dómine : * vide humilitátem meam de inimicis meis.

Qui exáltas me de portis mortis, * ut annúntiem omnes laudatiónes tuas in portis filiæ Sion.

Exsultábo in salutári tuo : * infixæ sunt gentes in intéritu, quem fecérunt.

In láqueo isto, quem abscondérunt, * comprehénsus est pes eórum.

Cognoscétur Dóminus iudícia fáciens : * in opéribus mánuum suárum comprehénsus est peccátor.

Convertántur peccátóres in inférnum, * omnes gentes quæ obliviscúntur Deum.

Quóniam non in finem obliuio erit páuperis : * patióntia páuperum non peribit in finem.

Exsúrge Dómine, non confortétur homo : * iudicéntur gentes in conspéctu tuo.

Constituē Dómine legislátorem super eos : * ut sciant gentes quóniam hómines sunt.

Ut quid Dómine recessisti longe, * déspicis in opportunitátibus, in tribulatióne?

Dum superbit impius, incénditur páuper : * comprehendúntur in consíliis quibus cógitant.

Quóniam laudátur peccátor in desidériis ánimæ suæ : * et iniquus benedícitur.

Exacerbávit Dóminum pec-

cátor : * secúndum multitudinem iræ suæ non quæret.

Non est Deus in conspéctu ejus : * inquinátæ sunt viæ illius in omni témpore.

Auferúntur iudícia tua a fácie ejus : * ómnium inimicórum suórum dominábitur.

Dixit enim in corde suo : * Non movébor a generatióne in generatióne sine malo.

Cujus maledictióne os plenum est, et amaritúdine, et dolo : * sub lingua ejus labor et dolor.

Sedet in insidiis cum divitibus in occúltis, * ut interficiat innocéntem.

Oculi ejus in páuperem respiciunt : * insidiátur in abscondito, quasi leo in spelunca sua.

Insidiátur ut rápiat páuperem : * rápere páuperem, dum átrahit eum.

In láqueo suo humiliábit eum : * inclinábit se, et cadet, cum dominátus fúerit páuperum.

Dixit enim in corde suo : Oblītus est Deus, * avértit fáciem suam ne vídeat in finem.

Exsúrge Dómine Deus, exaltétur manus tua : * ne obliviscáris páuperum.

Propter quid irritávit impius Deum? * dixit enim in corde suo : Non requíret.

Vides quóniam tu labórem et dolórem considerras : * ut tradas eos in manus tuas.

Tibi derelictus est páuper : * órphano tu eris adjutor.

Cóntere bráchium peccatóris et maligni : * quærétur peccátum illius, et non inveniétur.

Dóminus regnábit in ætérnum, et in sáeculum sáeculi : * peribitis gentes de terra illius.

Desidérium páuperum exaudivit Dóminus : * præparatióem cordis eórum audivit áuris tua.

Judicáre pupillo et húmili, * ut non appónat ultra magnificáre se homo super terram.

Psalmus 10.

IN Dómino confido : quómodo dicitis ánimæ meæ : * Trásmigra in montem sicut passer?

Quóniam ecce peccatóres intendérunt arcum, paravérunt sagittas suas in pháretra, * ut sagittent in obscúro rectos corde.

Quóniam quæ perfecisti, destruxérunt : * justus áutem quid fecit?

Dóminus in templo sancto suo : * Dóminus in cælo sedes ejus :

Oculi ejus in páuperem respiciunt : * pálpebræ ejus intérogant filios hóminum.

Dóminus intérogat justum et ímpium : * qui áutem diligit iniquitatem, odit ánimam suam.

Pluet super peccatóres láqueos : * ignis, et sulphur,

et spíritus procellárum pars cálicis eórum.

Quóniam justus Dóminus, et justítias diléxit : * æquitatem vidit vultus ejus.

Per Annum. Ant. Deus judex justus, fortis et longánimis : numquid irascétur per singulos dies?

Ant. Tu Dómine.

Psalmus 11.

SALVUM me fac Dómine, quóniam defécit sanctus : * quóniam diminútæ sunt veritátes a filiis hóminum.

Vana locúti sunt unusquisque ad próximum suum : * lábia dolósa, in corde et corde locúti sunt.

Dispérdat Dóminus univérsa lábia dolósa, * et linguam magniloquam.

Qui dixerunt : Linguam nostram magnificábimus, lábia nostra a nobis sunt, * quis noster Dóminus est?

Propter misériam ínopum, et gémitum páuperum, * nunc exsúrgam, dicit Dóminus.

Ponam in salutári : * fiduciáliter agam in eo.

Elóquia Dómini, elóquia casta : * argéntum igne examinátum, probátum terræ purgátum séptuplum.

Tu Dómine servábis nos : et custódies nos * a generatióne hac in ætérnum.

In circúitu ípii ámbulant : * secúndum altitúdinem tuam multiplicásti filios hóminum.

Psalmus 12.

USQUEQUO Dómine oblivi-
scéris me in finem? * Us-
quequo avértis fáciem tuam
a me?

Quámduu ponam consília
in ánima mea, * dolórem in
corde meo per diem?

Usquequo exaltábitur ini-
micus meus super me? * ré-
spice, et exáudi me Dómine
Deus meus.

Illúmina óculos meos ne
umquam obdórmiam in mor-
te : * nequándo dicat inimi-
cus meus : Præválui ad-
vérsus eum.

Qui tribulant me, exsul-
tábunt si motus fúero : * ego
áutem in misericórdia tua
sperávi.

Exsultábit cor meum in
salutári tuo : cantábo Dó-
mino, qui bona tribuit
mihi : * et psallam nómini
Dómini altissimi.

Psalmus 13.

DIXIT insipiens in corde
suo : * Non est Deus.

Corrúpti sunt, et abomi-
nábiles facti sunt in stúdiis
suis : * non est qui fáciat
bonum, non est usque ad
unum.

Dóminus de cælo prospé-
xit super filios hóminum, *
ut videat si est intélligens,
aut requírens Deum.

Omnes declinavérunt, si-
mul inútiles facti sunt : * non
est qui fáciat bonum, non
est usque ad unum.

Sepúlcrum patens est gut-
tur eórum : linguis suis do-

lósé agébant, * venénium
áspidum sub lábiis eórum.

Quorum os maledictióne
et amaritúdine plenum est : *
velóces pedes eórum ad ef-
fundéndum sánguinem.

Contritio et infelícitas in
viis eórum, et viam pacis
non cognovérunt : * non est
timor Dei ante óculos eó-
rum.

Nonne cognóscent omnes
qui operántur iniquitátem, *
qui dévorant plebem meam
sicut escam panis?

Dóminum non invocavé-
runt, * illic trepidavérunt ti-
móre, ubi non erat timor.

Quóniam Dóminus in ge-
neratióne justa est, consí-
lium inopis confudistis : *
quóniam Dóminus spes ejus
est.

Quis dabit ex Sion salu-
táre Israél? * cum avérterit
Dóminus captivitátem plebis
suæ, exsultábit Jacob, et
lætábitur Israél.

Psalmus 14.

DÓMINE quis habitábit in
tabernáculo tuo? * aut
quis requiescet in monte
sancto tuo?

Qui ingréditur sine má-
cula, * et operátur justitiam :

Qui lóquitur veritátem in
corde suo, * qui non egit
dolum in lingua sua :

Nec fecit próximo suo ma-
lum, * et oppróbrium non
accépit advérsus próximos
suos.

Ad níhilum dedúctus est
in conspéctu ejus malignus : *

timéntes áutem Dóminum glorificat :

Qui jurat próximo suo, et non decipit, * qui pecúniám suam non dedit ad usúram, et múnera super innocentem non accépit.

Qui facit hæc, * non movébitur in ætérnum.

Per Annum, Ant. Tu Dómine servábis nos, et custódies nos.

Ÿ. Memor fui nocte nóminis tui Dómine. R̃. Et custodívi legem tuam.

Post Ÿ. cujuslibet Nocturni dicitur

Pater noster. **secreto.**

Ÿ. Et ne nos indúcas in tentatióem. R̃. Sed libera nos a malo.

Absolutio.

EXÁUDI Dómine Jesu Christe preces servórum tuórum, et miserére nobis, qui cum Patre et Spíritu sancto vivis et regnas in sæcula sæculórum. R̃. Amen.

Ÿ. Jube domne benedicere.

Benedictio. Benedictióne perpétua benedicat nos Pater ætérnus. R̃. Amen.

Deinde leguntur Lect. cum R̃., ut in **Proprio de Tempore** assignantur.

Pro II. Lectione.

Bened. Unigénitus Dei Filius nos benedicere et adjuvare dignétur. R̃. Amen.

Pro III. Lectione.

Bened. Spíritus sancti grátia illúminet sensus et corda nostra. R̃. Amen.

IN II. NOCTURNO

Per Annum, Ant. Bonórum meórum.

Psalmus 15.

CONSÉRVA me Dómine, quóniam sperávi in te. * Dixi Dómino : Deus meus es tu, quóniam bonórum meórum non eges.

Sanctis, qui sunt in terra ejus, * mirificávit omnes voluntates meas in eis.

Multiplicátæ sunt infirmitates eórum : * póstea acceleravérunt.

Non congregábo conventicula eórum de sanguinibus, * nec memor ero nóminum eórum per lábia mea.

Dóminus pars hereditátis meæ, et cálicis mei : * tu es, qui restitues hereditátem meam mihi.

Funes cecidérunt mihi in præcláris : * étenim hereditas mea præclára est mihi.

Benedicam Dóminum, qui tribuit mihi intelléctum : * insuper et usque ad noctem increpuérunt me renes mei.

Providébam Dóminum in conspéctu meo semper : * quóniam a dextris est mihi, ne commóvear.

Propter hoc lætátum est cor meum, et exsultávit lingua mea : * insuper et caro mea requiescet in spe.

Quóniam non derelinques ánimam meam in inférno : * nec dabis sanctum tuum vidére corruptiõem.

Notas mihi fecisti vias vitæ, adimplébis me lætítia

cum vultu tuo : * delectationes in dextera tua usque in finem.

Per Annum, Ant. Bonorum meorum non indiges, in te speravi, conserva me Domine.

Ant. Propter verba.

Psalmus 16.

EXAUDI Domine justitiam meam : * intende deprecationem meam.

Auribus percipe orationem meam, * non in labiis dolosis.

De vultu tuo iudicium meum prodeat : * oculi tui videant æquitates.

Probasti cor meum, et visitasti nocte : * igne me examinasti, et non est inventa in me iniquitas.

Ut non loquatur os meum opera hominum : * propter verba labiorum tuorum ego custodivi vias duras.

Perfice gressus meos in semitis tuis : * ut non moveantur vestigia mea.

Ego clamavi, quoniam exaudisti me Deus : * inclina aurem tuam mihi, et exaudi verba mea.

Mirifica misericordias tuas, * qui salvos facis sperantes in te.

A resistentibus dexterae tuae custodi me, * ut pupillam oculi.

Sub umbra alarum tuarum protege me : * a facie impiorum qui me affligerunt.

Inimici mei animam meam circumdederunt, adipem suum concluserunt : * os

eorum locutum est superbiam.

Projicientes me nunc circumdederunt me : * oculos suos statuerunt declinare in terram.

Susceperunt me sicut leo paratus ad prædam : * et sicut catulus leonis habitans in abditis.

Exsurge Domine, præveni eum, et supplantata eum : * eripe animam meam ab impio, frameam tuam ab inimicis manus tuae.

Domine a paucis de terra divide eos in vita eorum : * de absconditis tuis adimplētus est venter eorum.

Saturati sunt filiis : * et dimiserunt reliquias suas parvulis suis.

Ego autem in justitia apparebo conspectui tuo : * satiabor cum apparuerit gloria tua.

Per Annum, Ant. Propter verba labiorum tuorum ego custodivi vias duras.

Ant. Diligam te.

Et non repetitur in Psalmo : quod semper fit, quando Ant. incipit a primo Versu Psalmi ; et Ps. tunc incipitur ab eo verbo in quo desinit Ant., sive integra dicatur, sive tantum inchoata ; si tamen eadem sint verba, et continetur Ant. cum Psalmo.

Psalmus 17.

DILIGAM te Domine fortitudo mea : * Dominus firmamentum meum, et re-

fúgium meum, et liberátor meus.

Deus meus adjutor meus, * et sperábo in eum.

Protéctor meus, et cornu salutis meæ, * et suscéptor meus.

Láudans invocábo Dóminum: * et ab inimícis meis salvus ero.

Circumdedérunt me dolóres mortis: * et torréntes iniquitátis conturbavérunt me.

Dolóres inférni circumdedérunt me: * præoccupavérunt me láquei mortis.

In tribulatióne mea invocávi Dóminum, * et ad Deum meum clamávi:

Et exaudivit de templo sancto suo vocem meam: * et clamor meus in conspéctu ejus, introívit in áures ejus.

Commóta est, et contrémuit terra: * fundaménta móntium conturbáta sunt, et commóta sunt, quóniam irátus est eis.

Ascéndit fumus in ira ejus: et ignis a fácie ejus exársit: * carbónes succénsi sunt ab eo.

Inclinávit cælos, et descendit: * et calígo sub pedibus ejus.

Et ascéndit super Chérubim, et volávit: * volávit super pennas ventórum.

Et pósuit ténebras latibulum suum, in circúitu ejus tabernáculum ejus: * tenebrósa aqua in núbibus áëris.

Præ fulgóre in conspéctu ejus nubes transiérunt, * grando et carbónes ignis.

Et intónuit de cælo Dóminus, et Altíssimus dedit vocem suam: * grando et carbónes ignis.

Et misit sagittas suas, et dissipávit eos: * fúlgora multiplicávit, et conturbávit eos.

Et apparuérunt fontes aquárum, * et reveláta sunt fundaménta orbis terrárum:

Ab increpatione tua Dómine, * ab inspiratióne spíritus iræ tuæ.

Misit de summo, et accépit me: * et assúmpsit me de aquis multis.

Eripuit me de inimícis meis fortíssimis, et ab his qui odérunt me: * quóniam confortáti sunt super me.

Prævenérunt me in die afflictiónis meæ: * et factus est Dóminus protéctor meus.

Et edúxit me in latitúdinem: * salvum me fecit, quóniam voluit me.

Et retribuet mihi Dóminus secúndum justítiam meam, * et secúndum puritátem mánuum meárum retribuet mihi:

Quia custodívi vias Dómini, * nec impie gessi a Deo meo.

Quóniam ómnia judícia ejus in conspéctu meo: * et justítias ejus non répuí a me.

Et ero immaculátus cum eo: * et observábo me ab iniquitáte mea.

Et retribuet mihi Dóminus
secúndum justitiam meam : *
et secúndum puritátem má-
nuum meárum in conspéctu
oculórum ejus.

Cum sancto sanctus eris , *
et cum viro innocénte inno-
cens eris :

Et cum elécto eléctus
eris : * et cum perverso per-
vertéris.

Quóniam tu pópulum hú-
mílem salvum fácies : * et
óculos superbórum humi-
liábis.

Quóniam tu illúminas lu-
cérnam meam Dómine : *
Deus meus illúmina ténebras
meas.

Quóniam in te erípiar a
tentatióne , * et in Deo meo
transgrédiar murum.

Deus meus impollúta via
ejus : elóquia Dómini igne
examináta : * protéctor est
ómnium sperántium in se.

Quóniam quis Deus præter
Dóminum ? * aut quis Deus
præter Deum nostrum ?

Deus qui præcinxit me
virtúte : * et pósuit imma-
culátam viam meam.

Qui perfécit pedes meos
tamquam cervórum , * et su-
per excélsa státuens me.

Qui docet manus meas ad
prælium : * et posuisti , ut ar-
cum áereum , bráchia mea.

Et dedisti mihi protecti-
onem salútis tuæ : * et dextera
tua suscepit me :

Et disciplína tua corréxit
me in finem : * et disciplína
tua ipsa me docébit.

Dilatásti gressus meos sub-
tus me : * et non sunt infir-
máta vestigia mea :

Pérsequar inimícos meos,
et comprehéndam illos : * et
non convértar , donec defi-
ciant.

Confringam illos , nec pó-
terunt stare : * cadent subtus
pedes meos.

Et præcinxisti me virtúte
ad bellum : * et supplantásti
insurgéntes in me subtus
me.

Et inimícos meos dedisti
mihi dorsum , * et odiéntes
me disperdidisti.

Clamavérunt , nec erat qui
salvos fáceret , ad Dómi-
num : * nec exaudivit eos.

Et commínuam eos ut púl-
verem ante faciém venti : *
ut lutum plateárum delébo
eos.

Eripies me de contradi-
ctiόνibus pópuli : * consti-
tues me in caput géntium.

Pópulus , quem non co-
gnóvi , servívit mihi : * in
auditu áuris obedívit mihi.

Filii aliéni mentíti sunt
mihi , * filii aliéni inveteráti
sunt , et claudicavérunt a
sémitis suis.

Vivít Dóminus , et benedí-
ctus Deus meus , * et exalté-
tur Deus salútis meæ.

Deus , qui das vindictas
mihi , et subdis pópulos sub
me , * liberátor meus de ini-
mícis meis iracúndis.

Et ab insurgéntibus in me
exaltábis me : * a viro iníquo
erípies me.

Propterea confitebor tibi in nationibus Dómine : * et nómini tuo psalmum dicam,

Magnificans salútes regis ejus, et fáciens misericórdiam christo suo David, * et sémini ejus usque in sæculum.

Per Annum, Ant. Diligam te Dómine virtus mea.

V. Quóniam tu illúminas lucérnam meam Dómine. **R.** Deus meus illúmina ténebras meas.

Pater noster. **secreto.**

V. Et ne nos indúcas in tentationem. **R.** Sed libera nos a malo.

Absolutio.

Ipsius pietas et misericórdia nos ádjuvet, qui cum Patre et Spíritu sancto vivit et regnat in sæcula sæculórum. **R.** Amen.

V. Jube domne benedicere.

Bened. Deus Pater omnipotens sit nobis propítius et clemens. **R.** Amen.

Pro v. Lectione.

Bened. Christus perpétuæ det nobis gáudia vitæ. **R.** Amen.

Pro vi. Lectione.

Bened. Ignem sui anióris accéndat Deus in córdibus nostris. **R.** Amen.

IN III. NOCTURNO

Per Annum, Ant. Non sunt loquélæ.

Psalmus 18.

Cæli enarrant glóriam Dei, * et ópera mánuum ejus annútiat firmaméntum.

Dies diéi erúctat verbum, *

et nox nocti indicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procedens de thálamo suo :

Exsultávit ut gigas ad curréndam viam, * a summo cælo egréssio ejus :

Et occúrsus ejus usque ad summum ejus : * nec est qui se abscondat a calóre ejus.

Lex Dómini immaculáta, convértens ánimas : * testimoniúm Dómini fidéle, sapiéntiam præstans párvulis.

Justitiæ Dómini rectæ, lætificántes corda : * præcéptum Dómini lúcidum ; illúminans óculos.

Timor Dómini sanctus, pérmanens in sæculum sæculi : * judicia Dómini vera, justificáta in semetipsa.

Desiderabilia super áurum et lápidem pretiósum multum : * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delicta quis intélligit? ab occúltis meis munda me : * et ab aliénis parce servo tuo.

Si mei non fúerint domináti, tunc immaculátus ero : * et emundábor a delicto máximo.

Et erunt ut compláceant
elóquia oris mei : * et medi-
tatio cordis mei in conspéctu
tuo semper.

Dómine adjútor meus, *
et redémptor meus.

Per Annum, Ant. Non sunt
loquélæ, neque sermónes,
quorum non audiántur vo-
ces eórum.

Ant. Exáudiat.

Psalmus 19.

EXÁUDIAT te Dóminus in
die tribulatiónis : * pró-
tegat te nomen Dei Jacob.

Mittat tibi auxilium de
sancto : * et de Sion tueátur
te.

Memor sit omnis sacrificii
tui : * et holocáustum tuum
pingue fiat.

Tribuat tibi secúndum cor
tuum : * et omne consílium
tuum confirmet.

Lætábimur in salutári
tuo : * et in nómine Dei
nostri magnificábimur.

Impleat Dóminus omnes
petitiónes tuas : * nunc co-
gnóvi quóniam saluum fecit
Dóminus Christum suum.

Exáudiet illum de cælo
sancto suo : * in potentátibus
salus dexteræ ejus.

Hi in cúrribus, et hi in
equis : * nos áutem in nómine
Dómini Dei nostri invocábim-
us.

Ipsi obligáti sunt, et ceci-
derunt : * nos áutem surréxi-
mus et erécti sumus.

Dómine saluum fac re-
gem : * et exáudi nos in die,
qua invocavérimus te.

Per Annum, Ant. Exáu-
diat te Dóminus in die tri-
bulatiónis.

Ant. Dómine.

Psalmus 20.

DÓMINE in virtúte tua læ-
tábitur rex : * et super
salutáre tuum exsultábit ve-
heménter.

Desidérium cordis ejus
tribuisti ei : * et voluntáte
labiórum ejus non fraudásti
eum.

Quóniam prævenísti eum
in benedictiόνibus dulcédi-
nis : * posuísti in cápite ejus
corónam de lápide pre-
tíoso.

Vitam pétíit a te : * et tri-
buísti ei longitúdinem dié-
rum in sæculum, et in sæ-
culum sæculi.

Magna est glória ejus in
salutári tuo : * glóriam et
magnum decórem impónes
super eum.

Quóniam dabis eum in
benedictiόνem in sæculum
sæculi : * lætificábis eum in
gáudio cum vultu tuo.

Quóniam rex sperat in
Dómino : * et in misericórdia
Altíssimi non commové-
bitur.

Inveniátur manus tua
ómnibus inimícis tuis : *
dextera tua invéniat omnes,
qui te odérunt.

Pones eos ut clibanum
ignis in témpore vultus tui : *
Dóminus in ira sua contur-
bábit eos, et devorábit eos
ignis.

Fructum eórum de terra

perdes : * et semen eórum a filiis hóminum.

Quóniam declinavérunt in te mala : * cogitavérunt consilia, quæ non potuérunt stabilire.

Quóniam pones eos dorsum : * in reliquiis tuis præparábis vultum eórum.

Exaltáre Dómine in virtúte tua : * cantábimus et psallémus virtútes tuas.

Per Annum, Ant. Dómine in virtúte tua lætábitur rex.

V. Exaltáre Dómine in virtúte tua. **R.** Cantábimus et psallémus virtútes tuas.

Pater noster. **secreto.**

V. Et ne nos indúcas in tentatióem. **R.** Sed libera nos a malo.

Absolutio.

A VINCULIS peccatórum nostrórum absólvat nos omnipotens et miséricors Dóminus. **R.** Amen.

V. Jube domne benedicere.

Bened. Evangélica léctio sit nobis salus et protéctio.

R. Amen.

Pro viii. Lectione.

Bened. Divínium auxílium máneat semper nobiscum.

R. Amen.

Pro ix. Lectione.

Bened. Ad societátem civium supernórum perdúcat nos Rex Angelórum. **R.** Amen.

Seq. Hymnus semper dicitur post ult. Lect. in omnibus Dominicis et Festis tantum : in feriali Officio non

dicitur, sed ejus loco ponitur tertium Responsorium.

HYMNUS

SS. AMBROSII ET AUGUSTINI

TE Deum laudámus : * te Dóminum confitémur.

Te ætérnum Patrem * omnis terra venerátur.

Tibi omnes Angeli, * tibi cæli, et univérsæ potestátes :

Tibi Chérubim et Séraphim * incessábili voce proclamánt :

Sanctus, * Sanctus, * Sanctus * Dóminus Deus Sábaoth.

Pleni sunt cæli et terra * majestátis glóriæ tuæ.

Te gloriósus * Apostolórum chorus,

Te Prophetárum * laudábilis númerus,

Te Mártyrum candidátus * láudat exércitus.

Te per orbem terrárum * sancta confitétur Ecclesiá,

Patrem * imménsæ majestátis,

Venerándum tuum verum * et únicum Fílium,

Sanctum quoque * Paráclitum Spíritum.

Tu Rex glóriæ * Christe.

Tu Patris * sempitérnus es Fílius.

Tu ad liberándum susceptúrus hóminem : * non horuísti Virgínis úterum.

Tu devícto mortis acúleo : * aperuísti credéntibus regna cælórum.

Tu ad dexteram Dei sedes, * in glória Patris.

Judex créderis * esse ventúrus.

Te ergo quæsumus, tuis fámulis súbveni : * quos pretiósó sáanguine redemisti.

Ætérna fac cum sanctis tuis : * in glória numerári.

Salvum fac pópulum tuum Dómine, * et bédedic hereditáti tuæ.

Et rege eos, * et extólle illos usque in ætérnum.

Per singulos dies * benedicimus te.

Et laudámus nomen tuum in sáeculum, * et in sáeculum sáeculi.

Dignáre Dómine die isto * sine peccáto nos custodire.

Miserére nostri Dómine : * miserére nostri.

Fiat misericórdia tua Dómine super nos, * quemádmódum sperávimus in te.

In te Dómine sperávi : * non confúndar in ætérnum.

AD LAUDES

DEUS in adjutórium meum inténde. **R.** Dómine ad adjuvándum me festína. Glória Patri, et Filio, et Spirítui sancto. Sicut erat in princípío, et nunc, et semper, et in sáecula sáeculórum. Amen. Allelúia.

Ab Octava Pentecostes usque ad Adventum.

Ant. Allelúia.

Psalmus 92.

DÓMINUS regnávít, decórem indútus est : * indútus est Dóminus fortitúdinem, et præcínxit se.

Etenim firmávit orbem terræ, * qui non commóvetur.

Paráta sedes tua ex tunc : * a sáeculo tu es.

Elevavérunt flúmina Dómine : * elevavérunt flúmina vocem suam.

Elevavérunt flúmina fluctus suos, * a vóci bus aquárum multárum.

Mirábiles elatiónes maris : * mirábilis in altis Dóminus.

Testimónia tua credibília facta sunt nimis : * domum tuam decet sanctitúdo Dómine in longitudínem diérum.

Psalmus 99.

JUBILÁTE Deo omnis terra : * servite Dómino in lætítia.

Introíte in conspéctu ejus, * in exsultatióne.

Scitóte quóniam Dóminus ipse est Deus : * ipse fecit nos, et non ipsi nos.

Pópulus ejus, et oves páscuæ ejus : * introíte portas ejus in confessióne, átria ejus in hymnis : confitémini illi.

Laudáte nomen ejus : quóniam suávis est Dóminus, in ætérnum misericórdia ejus, * et usque in generatió nem et generatió nem véritas ejus.

Psalmus 62.

DEUS Deus meus, * ad te de luce vígilo.

Sitívit in te ánima mea, * quam multipliciter tibi caro mea.

In terra desérta, et invia, et inaquósa : * sic in sancto

appáruí tibi, ut vidérem virtutem tuam et glóriam tuam.

Quóniam mélior est misericórdia tua super vitas : * lábia mea laudábunt te.

Sic benedicam te in vita mea : * et in nómine tuo levábo manus meas.

Sicut ádipe et pinguédine repleátur ánima mea : * et lábiis exsultatiónis laudábit os meum.

Si memor fui tui super stratum meum, in matutínis meditábor in te : * quia fuísti adjútor meus.

Et in velaménto alárum tuárum exsultábo, adhæsit ánima mea post te : * me suscepit délixtera tua.

Ipsi vero in vanum quæsiérunt ánimam meam, introíbunt in inferióra terræ : * tradéntur in manus gládii, partes vúlpium erunt.

Rex vero lætábitur in Deo, laudabúntur omnes qui jurant in eo : * quia obstrúctum est os loquéntium iniqua.

Hic non dicitur Glória Patri.

Psalmus 66.

DEUS misereátur nostri, et benedicat nobis : * illúminet vultum suum super nos, et misereátur nostri.

Ut cognoscámus in terra viam tuam : * in ómnibus géntibus salutáre tuum.

Confiteántur tibi pópuli Deus : * confiteántur tibi pópuli omnes.

Læténtur et exsúltent gentes : * quóniam júdicas pó-

pulos in æquitáte, et gentes in terra dirigis.

Confiteántur tibi pópuli Deus, confiteántur tibi pópuli omnes : * terra dedit fructum suum.

Benedicat nos Deus, Deus noster, benedicat nos Deus : * et métuant eum omnes fines terræ.

Glória Patri.

Per Annum, Ant. Allelúia, allelúia.

Ant. Tres púeri.

Canticum trium puerorum.

Danielis 3. c

BENEDÍCITE ómnia ópera Dómini Dómino : * laudáte et superexaltáte eum in sácula.

Benedicite Angeli Dómini Dómino : * benedicite cæli Dómino.

Benedicite aquæ omnes, quæ super cælos sunt, Dómino : * benedicite omnes virtútes Dómini Dómino.

Benedicite sol et luna Dómino : * benedicite stellæ cæli Dómino.

Benedicite omnis imber et ros Dómino : * benedicite omnes spíritus Dei Dómino.

Benedicite ignis et æstus Dómino : * benedicite frigus et æstus Dómino.

Benedicite rores et pruína Dómino : * benedicite gelu et frigus Dómino.

Benedicite glácies et nives Dómino : * benedicite noctes et dies Dómino.

Benedicite lux et ténebræ

Dómino : * benedicite fúlgura et nubes Dómino.

Benedicat terra Dómino : * láudet, et superexáltet eum in sácula.

Benedicite montes et colles Dómino : * benedicite univérſa germinántia in terra Dómino.

Benedicite fontes Dómino : * benedicite mária et flúmina Dómino.

Benedicite cete, et ómnia, quæ movéntur in aquis, Dómino : * benedicite omnes vólucres cæli Dómino.

Benedicite omnes béſtiæ et pécora Dómino : * benedicite filii hóminum Dómino.

Benedicat Israël Dómino : * láudet et superexáltet eum in sácula.

Benedicite ſacerdótes Dómini Dómino : * benedicite ſervi Dómini Dómino.

Benedicite ſpiritus, et ánimæ juſtórú Dómino : * benedicite ſancti, et húmiles corde Dómino.

Benedicite Ananía, Azaría, Miſaél Dómino : * laudáte et superexaltáte eum in sácula.

Benedicámus Patrem et Filium cum ſancto Spíritu : * laudémus et superexaltémus eum in sácula.

Benedíctus es Dómine in firmaménto cæli : * et laudábilis, et glorióſus, et superexaltátus in sácula.

Hic non dicitur Glória Patri. **neque** Amen.

In aliis Canticis dicuntur.

Per Annum, Ant. Tres púeri jussu regis in fornácem missi sunt, non timéntes flammam ignis, dicéntes : Benedictus Deus.

Ant. Allelúia.

Psalmus 148.

LAUDÁTE Dóminum de cælis : * laudáte eum in excélsis.

Laudáte eum omnes Angeli ejus : * laudáte eum omnes virtútes ejus.

Laudáte eum sol et luna : * laudáte eum omnes stellæ, et lumen.

Laudáte eum cæli cælórum : * et aquæ omnes, quæ super cælos sunt, láudent nomen Dómini.

Quia ipse dixit, et facta sunt : * ipse mandávit, et creáta sunt.

Státuit ea in ætérnum, et in sáculum sáculi : * præcéptum pósuit, et non præteríbit.

Laudáte Dóminum de terra, * dracónes, et omnes abyssi.

Ignis, grando, nix, glácies, ſpiritus procellárum : * quæ faciunt verbum ejus :

Montes, et omnes colles : * ligna fructifera, et omnes cedri.

Béſtiæ, et univérſa pécora : * ſerpéntes, et vólucres pennátæ :

Reges terræ, et omnes pópuli : * príncipes, et omnes júdices terræ.

Júvenes, et vírgines : senes cum junióribus láudent nomen Dómini : * quia exaltátum est nomen ejus solius.

Conféssio ejus super cælum, et terram : * et exaltávit cornu pópuli sui.

Hymnus ómnibus sanctis ejus : * filiis Israë!, pópulo appropinquánti sibi.

Hic non dicitur Glória Patri.

Psalmus 149.

CANTÁTE Dómino cánticum novum : * laus ejus in ecclésia sanctórum.

Lætétur Israë! in eo, qui fecit eum : * et filii Sion exsúltent in rege suo.

Láudent nomen ejus in choro : * in týmpano, et psalterio psallant ei :

Quia beneplácitum est Dómino in pópulo suo : * et exaltábit mansuétos in salutem.

Exsultábunt sancti in glória : * lætabúntur in cubilibus suis.

Exaltatiónes Dei in gútture eórum : * et gládii ancípites in mánibus eórum :

Ad faciéndam vindíctam in natió nibus : * increpatiónes in pópulis.

Ad alligándos reges eórum in compédibus : * et nóbiles eórum in mánicis férreis.

Ut fáciant in eis judícium conscriptum : * glória hæc est ómnibus sanctis ejus.

Hic non dicitur Glória Patri.

Psalmus 150.

LAUDÁTE Dóminum in sanctis ejus : * laudáte eum in firmaménto virtútis ejus.

Laudáte eum in virtútibus ejus : * laudáte eum secúndum multitudínem magnitúdinis ejus.

Laudáte eum in sono tubæ : * laudáte eum in psalterio, et cithara.

Laudáte eum in týmpano, et choro : * laudáte eum in chordis, et órgano.

Laudáte eum in cýmbalis benesonántibus : laudáte eum in cýmbalis jubilatiónis : * omnis spíritus láudet Dóminum.

Glória Patri.

Per Annum, Ant. Allelúia, allelúia, allelúia.

Sequens Capit. dicitur in Dominicis, a Dom. III. post Pentecost. usque ad Adventum.

Capitulum. Apoc. 7. c

BENEDÍCTIO, et cláritas, et sapiéntia, et gratiárum áctio, honor, et virtus, et fortitúdo Deo nostro in sæcula sæculórum. Amen.

R. Deo grátias.

Sic respondetur in fine omnium Capitulorum.

Ab Oct. Pentec. usque ad Dom. proximio rem Kalendis Octobris.

Hymnus.

ECCE jam noctis tenuátur umbra,
Lux et auróre rútilans córúscat :

Súpplīces rerum Dóminum
canóra

Voce precémur :

Ut reos culpæ miserátus,
omnem

Pellat angórem, tribuat sa-
lútem,

Donet et nobis bona sempi-
térnæ

Múnera pacis.

Præstet hoc nobis Déitas
beáta

Patris, ac Nati, paritérque
sancti

Spiritus, cujus résonat per
omnem

Glória mundum. Amen.

**A Dom. proximiori Ka-
lendis Oct. usque ad Adventum.**

Hymnus.

ÆTÉRNE rerum Cónditor,
Noctem diémque qui
regis,

Et téporum das tépora,
Ut álleves fastidium.

Noctúrna lux viántibus
A nocte noctem ségregans,
Præco diéi jam sonat,
Jubárque solis évocat.

Hoc excitátus lúcifer
Solvit polum caligine :
Hoc omnis errónum cohors
Viam nocéndi désérit.

Hoc náuta vires cólligit,
Pontíque mitéscunt freta :
Hoc, ipsa petra Ecclésiæ,
Canénte, culpam diluit.

Surgámus ergo strénue :
Gallus jacéntes éxcitat,
Et somnoléntos increpat :
Gallus negántes árguit.

Gallo canénte spes redit,
Ægris salus refúnditur,

Mucro latrónis cónditur,
Lapsis fides revértitur.

Jesu labántes réspice,
Et nos vidéndo córrige :
Si réspicis, labes cadunt,
Fletúque culpa sólvitur.

Tu lux refúlge sénsibus,
Mentisque somnum discute :
Te nostra vox primum so-
net,

Et vota solvámus tibi.

Deo Patri sit glória,
Ejúsque soli Filio,
Cum Spíritu Paráclito,
Nunc et per omne sæculum.
Amen.

Per Annum, ʒ. Dóminus
regnávit, decórem induit.
¶. Induit Dóminus fortitú-
dinem, et præcínxit se vir-
túte.

Canticum Zachariæ.

Lucæ 1. g

BENEDÍCTUS Dóminus Deus
Israël, * quia visitávit, et
fecit redemptionem plebis
sue :

Et eréxit cornu salútis
nobis : * in domo David púeri
sui.

Sicut locútus est per os
sanctorum, * qui a sæculo
sunt, prophetarum ejus :

Salútem ex inimicis no-
stris, * et de manu ómnium,
qui odérunt nos :

Ad faciéndam misericór-
diam cum pátribus nostris : *
et memorári testaménti sui
sancti.

Jusjurándum, quod jurá-
vit ad Abraham patrem no-
strum, * datúrum se no-
bis :

Ut sine timóre, de manu inimicórum nostrórum liberáti, * serviámus illi,

In sanctitáte, et justítia coram ipso, * ómnibus diébus nostris.

Et tu puer, Prophéta Altíssimi vocáberis : * præibis enim ante fáciem Dómini paráre vias ejus :

Ad dandam sciéntiam salútis plebi ejus : * in remissionem peccatórum eórum :

Per viscera misericórdiæ Dei nostri : * in quibus visitávit nos, óriens ex alto :

Illumináre his, qui in ténebris, et in umbra mortis sedent : * ad dirigéndos pedes nostros in viam pacis.

Glória Patri.

Deinde dicitur *Ant.* et *Oratio propria*, et post eam, si occurrat eo die aliquod Festum Simplex, vel ad modum Simplicis recolendum, fit de eo Commem. Postremo (si id tempus requirat) fiunt Commem. de S. Maria, de S. Joseph, de Apostolis, et de Patrono Ecclesiæ in ordine aliarum Commem. secundum illius dignitatem, et ultimo loco de Pace, ut infra in Vesp. Sabbati.

In fine, si discedendum sita Choro, dicitur *Ant.* Salve Regina. ut habetur infra post Completorium.

DOMINICA

AD PRIMAM

Pater. Ave. Credo.

Y. Deus in adjutórium. 17.

Hymnus.

JAM lucis orto sidere
Deum precémur súpllices,

Ut in diúrnis áctibus
Nos servet a nocéntibus.

Linguam refrænans témperet,

Ne litis horror insonet :
Visum fovéndo cóntegat,
Ne vanitátes háuriant.

Sint pura cordis íntima,
Absistat et vecórdia :
Carnis terat supérbiam
Potus cibique párcitas.

Ut cum dies abscésserit,
Noctémque sors redúxerit,
Mundi per abstinéntiam
Ipsi canámus glóriam.

Deo Patri sit glória,
Ejúsque soli Filio,
Cum Spíritu Paráclito,
Nunc, et per omne sáeculum.
Amen.

In Dominicis per Annum,
Ant. Allelúia.

Psalmus 53.

DEUS in nómine tuo sal-
vum me fac : * et in vir-
túte tua júdica me.

Deus exáudi orationem
meam : * áuribus pércipe
verba oris mei.

Quóniam aliéni insurrexérunt
advérsus me, et fortes
quæsiérunt ánimam meam : *
et non proposuérunt Deum
ante conspéctum suum.

Ecce enim Deus ádjuvat
me : * et Dóminus suscéptor
est ánimæ meæ.

Avérte mala inimicis me-
is : * et in veritáte tua dis-
pérde illos.

Voluntárie sacrificábo tibi, * et confitébor nómini tuo Dómine : quóniam bonum est :

Quóniam ex omni tribulatione eripuisti me : * et super inimicos meos despexit óculus meus.

Sequens Ps. Confitémini Dómino. **dicitur tantum in Dom., quando fit Officium de Dominica ut in Psalterio.**

Psalmus 117.

CONFITÉMINI Dómino quóniam bonus : * quóniam in sáeculum misericórdia ejus.

Dicat nunc Israël quóniam bonus : * quóniam in sáeculum misericórdia ejus.

Dicat nunc domus Aaron : * quóniam in sáeculum misericórdia ejus.

Dicant nunc qui timent Dóminum : * quóniam in sáeculum misericórdia ejus.

De tribulatione invocávi Dóminum : * et exaudivit me in latitúdine Dóminus.

Dóminus mihi adjutor : * non timébo quid fáciat mihi homo.

Dóminus mihi adjutor : * et ego despiciam inimicos meos.

Bonum est confidere in Dómino, * quam confidere in hómine :

Bonum est speráre in Dómino, * quam speráre in principibus.

Omnes gentes circuiérunt me : * et in nómine Dómini quia ultus sum in eos.

Circumdántes circumdederunt me : * et in nómine Dómini quia ultus sum in eos.

Circumdederunt me sicut apes, et exarsérunt sicut ignis in spinis : * et in nómine Dómini quia ultus sum in eos.

Impulsus evérsus sum ut cáderem : * et Dóminus suscepit me.

Fortitúdo mea, et laus mea Dóminus : * et factus est mihi in salútem.

Vox exultationis, et salutis* in tabernáculis justórum.

Déxtera Dómini fecit virtutem : déxtera Dómini exaltávit me, * déxtera Dómini fecit virtutem.

Non móriar, sed vivam : * et narrábo ópera Dómini.

Castigans castigávit me Dóminus : * et morti non trádidit me.

Aperite mihi portas justitiæ, ingressus in eas confitébor Dómino : * hæc porta Dómini, justi intrábunt in eam.

Confitébor tibi quóniam exaudisti me : * et factus es mihi in salútem.

Lápidem, quem reproba-verunt ædificántes : * hic factus est in caput ánguli.

A Dómino factum est istud : * et est mirábile in óculis nostris.

Hæc est dies, quam fecit Dóminus : * exultémus, et lætémur in ea.

O Dómine salvum me fac,

o Dómine bene prosperáre : *
benedíctus qui venit in nó-
mine Dómini.

Benedíximus vobis de
domo Dómini : * Deus Dó-
minus, et illúxit nobis.

Constitúite diem solémnem
in condénsis, * usque ad
cornu altáris.

Deus meus es tu, et con-
fitébor tibi : * Deus meus es
tu, et exaltábo te.

Confitébor tibi quóniam
exaudisti me : * et factus es
mihi in salútem.

Confitémini Dómino quón-
iam bonus : * quóniam
in sǎculum misericórdia
ejus.

Psalmus 118.

BEÁTI immaculáti in via : *
qui ámbulant in lege
Dómini.

Beáti, qui scrutántur te-
stimónia ejus : * in toto corde
exquirunt eum.

Non enim qui operántur
iniquitátem, * in viis ejus
ambulavérunt.

Tu mandásti * mandáta
tua custodiri nimis.

Utinam dirigántur viæ
meæ, * ad custodiéndas ju-
stificatiónes tuas!

Tunc non confúndar, *
cum perspéxero in ómnibus
mandátis tuis.

Confitébor tibi in dire-
ctiône cordis : * in eo quod
didici judícia justitiæ tuæ.

Justificatiónes tuas custó-
diam : * non me derelinquas
usquequáque.

In quo córrigit adolescén-

tior viam suam? * in custo-
diéndo sermónes tuos.

In toto corde meo exqui-
sivi te : * ne repéllas me a
mandátis tuis.

In corde meo abscondi
elóquia tua : * ut non peccem
tibi.

Benedíctus es Dómine : *
doce me justificatiónes tuas.

In lábiis meis, * pronun-
tiávi ómnia judícia oris tui.

In via testimoniórum tuó-
rum delectátus sum, * sicut
in ómnibus divítiis.

In mandátis tuis exercé-
bor : * et considerábo vias
tuas.

In justificatióibus tuis
meditábor : * non oblivíscar
sermónes tuos.

RETRÍBUE servo tuo, vivi-
fica me : * et custódiam
sermónes tuos.

Revéla óculos meos : * et
considerábo mirabilia de
lege tua.

Incola ego sum in terra : *
non abscondas a me man-
dáta tua.

Concupívit ánima meá de-
sideráre justificatiónes tuas, *
in omni témpore.

Increpásti supérbos : *
maledicti qui declínant a
mandátis tuis.

Aufer a me oppróbrium et
contéptum : * quia testi-
mónia tua exquisívi.

Etenim sedérunt princi-
pes, et advérsus me loque-
bántur : * servus áutem tuus
exercebátur in justificatió-
nibus tuis.

Nam et testimónia tua meditatio mea est : * et consilium meum justificatiónes tuæ.

Adhæsit paviménto ánima mea : * vivifica me secúndum verbum tuum.

Vias meas enuntiávi, et exaudisti me : * doce me justificatiónes tuas.

Viam justificatiónum tuárum instrue me : * et exercébor in mirabilibus tuis.

Dormitávit ánima mea præ tédio : * confirma me in verbis tuis.

Viam iniquitátis ámove a me : * et de lege tua miserère mei.

Viam veritátis elégi : * iudicia tua non sum oblitus.

Adhæsi testimóniis tuis Dómine : * noli me confúndere.

Viam mandatórum tuórum cucúrri, * cum dilatásti cor meum.

Sequens Symbolum dicitur in Dominicis tantum, quando fit Offic. de Dom. ut in Psalt.

Symbolum S. Athanasii.

QUICÚMQUE vult salvus esse, * ante ómnia opus est ut téneat cathólicam fidem :

Quam nisi quisque íntegram inviolatámque serváverit, * absque dúbio in ætérnum peribit.

Fides áutem cathólica hæc est : * ut unum Deum in Trinitáte, et Trinitátem in Unitáte venerémur.

Neque confundéntes persónas, * neque substántiam separántes.

Alia est enim persóna Patris, ália Filii, * ália Spiritus sancti :

Sed Patris, et Filii, et Spiritus sancti una est divinitas, * æquális glória, co-ætérna majéstas.

Qualis Pater, talis Filius, * talis Spiritus sanctus.

Increátus Pater, increátus Filius, * increátus Spiritus sanctus.

Imménsus Pater, imménsus Filius, * imménsus Spiritus sanctus.

Ætérnus Pater, ætérnus Filius, * ætérnus Spiritus sanctus.

Et tamen non tres ætérni, * sed unus ætérnus.

Sicut non tres increáti, nec tres imménsi, * sed unus increátus, et unus imménsus.

Similiter omnipotens Pater, omnipotens Filius, * omnipotens Spiritus sanctus.

Et tamen non tres omnipoténtes, * sed unus omnipotens.

Ita Deus Pater, Deus Filius, * Deus Spiritus sanctus.

Et tamen non tres Dii : * sed unus est Deus.

Ita Dóminus Pater, Dóminus Filius, * Dóminus Spiritus sanctus.

Et tamen non tres Dómini : * sed unus est Dóminus.

Quia, sicut singillátim

unamquámque persónam Deum ac Dóminum confitéri christiána veritatē compélimur : * ita tres Deos aut Dóminos dicere cathólica religióne prohibémur.

Pater a nullo est factus : * nec créatus, nec génitus.

Filius a Patre solo est : * non factus, nec créatus, sed génitus.

Spiritus sanctus a Patre et Filio : * non factus, nec créatus, nec génitus, sed procédens.

Unus ergo Pater, non tres Patres : unus Filius, non tres Filii : * unus Spiritus sanctus, non tres Spiritus sancti.

Et in hac Trinitate nihil prius aut postérius, nihil majus aut minus : * sed totæ tres persónæ coæternæ sibi sunt et coæquales.

Ita ut per ómnia, sicut jam supra dictum est, * et unitas in Trinitate, et Trinitas in unitate veneranda sit.

Qui vult ergo salvus esse, * ita de Trinitate sentiat.

Sed necessarium est ad æternam salutem, * ut Incarnationem quoque Dómini nostri Jesu Christi fidéliter credat.

Est ergo fides recta, ut credámus et confiteámur, * quia Dóminus noster Jesus Christus Dei Filius, Deus et homo est.

Deus est ex substantia Patris ante sæcula génitus : *

et homo est ex substantia matris in sæculo natus.

Perfēctus Deus, perfēctus homo : * ex ánima rationali, et humana carne subsistens.

Æqualis Patri secúndum divinitatem : * minor Patre secúndum humanitatem.

Qui, licet Deus sit et homo, * non duo tamen, sed unus est Christus.

Unus autem non conversione divinitatis in carnem, * sed assumptione humanitatis in Deum.

Unus omnino, non confusione substantiæ, * sed unitate persónæ.

Nam sicut ánima rationalis et caro unus est homo : * ita Deus et homo unus est Christus.

Qui passus est pro salute nostra : descendit ad inferos : * tertia die resurrexit a mortuis.

Ascendit ad cælos, sedet ad dexteram Dei Patris omnipotentis : * inde venturus est judicare vivos et mortuos.

Ad cujus adventum omnes homines resurgere habent cum corporibus suis : * et reddituri sunt de factis propriis rationem.

Et qui bona egerunt, ibunt in vitam æternam : * qui vero mala, in ignem æternum.

Hæc est fides cathólica, * quam nisi quisque fidéliter firmiterque crediderit, salvus esse non poterit.

Glória Patri.

Ant. Allelúia, allelúia, allelúia.

Capitulum. I. Tim. 1. d

Regi sæculórum immortalí et invisíbili, soli Deo honor et glória in sæcula sæculórum. Amen.

R. Deo grátias.

R. br. Christe Fili Dei vivi, * Miserére nobis. **Et repetitur :** Christe Fili Dei vivi, miserére nobis. **V.** Qui sedes ad dexteram Patris. **R.** Miserére nobis. **V.** Glória Patri, et Filio, et Spiritui sancto. **R.** Christe Fili Dei vivi, miserére nobis.

V. Exsúrge Christe, ádjuva nos. **R.** Et libera nos propter nomen tuum.

Sequentes Preces non dicuntur in Duplici nec infra Oct.; sed tunc dicto R. br. dicitur Dóminus vobiscum. et Orat. Dómine Deus omnipotens. **ut infra.** 28.

KYRIE eléison. Christe eléison. Kýrie eléison.

Pater noster. **secreto usque ad V.** Et ne nos indúcas in tentatióem. **R.** Sed libera nos a malo.

Credo in Deum. **secreto usque ad V.** Carnis resurrectionem. **R.** Vitam ætérnam. Amen.

V. Et ego ad te Dómine clamávi. **R.** Et mane orátio mea præveniet te.

V. Repleátur os meum láude. **R.** Ut cantem glóriam tuam, tota die magnitúdinem tuam.

V. Dómine avérte fáciem

tuam a peccátis meis. **R.** Et omnes iniquitátes meas dele.

V. Cormundum crea in me Deus. **R.** Et spiritum rectum innova in viscéribus meis.

V. Ne projicias me a fácie tua. **R.** Et Spiritum sanctum tuum ne áuferas a me.

V. Redde mihi lætítiam salutáris tui. **R.** Et spíritu principáli confirma me.

V. Adjutórium nostrum in nómine Dómini. **R.** Qui fecit cælum et terram.

Deinde Hebdomadarius facit Confessionem.

CONFÍTEOR Deo omnipoténti, beátæ Mariæ semper Virgini, beáto Michaéli Archángelo, beáto Joánni Baptistæ, sanctis Apóstolis Petro et Páulo, ómnibus Sanctis, et vobis fratres : quia peccávi nimis cogitatióne, verbo et ópere : mea culpa, mea culpa, mea máxima culpa. Ideo precor beátam Mariam semper Virginem, beátum Michaélem Archángelum, beátum Joánnem Baptistam, sanctos Apóstolos Petrum et Páulum, omnes Sanctos, et vos fratres, oráre pro me ad Dóminum Deum nostrum.

Chorus respondet :

MISEREÁTUR tui omnipotens Deus, et dimíssis peccátis tuis, perdúcat te ad vitam ætérnam. **R.** Amen.

Deinde repetit Confessionem : et ubi dicitur vobis fratres, et vos fratres, dicatur tibi pater et te pater.

**Facta Confessione a Choro,
Hebdomadarius dicit :**

MISEREÁTUR vestri omnipotens Deus, et, dimissis peccátiis vestris, perdúcat vos ad vitam ætérnam. **R.** Amen.

INDULGÉNTIAM, absolutiõnem et remissionem peccatórum nostrórum tríbuat nobis omnipotens et miséricors Dóminus. **R.** Amen.

Et prosequitur V. Dignáre Dómine die isto. **R.** Sine peccáto nos custodire.

V. Miserére nostri Dómine. **R.** Miserére nostri.

V. Fiat misericórdia tua Dómine super nos. **R.** Quemádmódum sperávimus in te.

V. Dómine exáudi orationem meam. **R.** Et clamor meus ad te véniat.

V. Dóminus vobiscum. **R.** Et cum spíritu tuo.

Orémus. **Oratio.**

DÓMINE Deus omnipotens, qui ad princípium hujus diéi nos pervenire fecisti : tua nos hódie salva virtúte ; ut in hac die ad nullum declinémus peccátum, sed semper ad tuam justitiam faciéndam nostra procédant elóquia, dirigántur cogitationes et ópera. Per Dóminum nostrum Jesum Christum Fílium tuum, qui tecum vivit et regnat in unitate Spíritus sancti Deus, per ómnia sácula sæculórum.

R. Amen.

V. Dóminus vobiscum. **R.** Et cum spíritu tuo.

V. Benedicámus Dómino. **R.** Deo grátias.

Deinde in Choro legitur Martyrologium. Et quando dicenda est Prima de beata Maria, præponitur lectioni Martyrologii.

Postea Hebdomadarius dicit **V.** Pretiósá in conspéctu Dómini. **R.** Mors sanctórum ejus.

Et absolute sine Orémus.

Oratio.

SANCTA María, et omnes Sancti intercédant pro nobis ad Dóminum : ut nos mereámur ab eo adjuvári et salvári, qui vivit et regnat in sácula sæculórum. **R.** Amen.

V. Deus in adjutórium meum inténde. **R.** Dómine ad adjuvándum me festina.

Et dicitur ter ; ultimo additur Glória Patri. Sicut erat.

Kýrie eléison. Christe eléison. Kýrie eléison.

Pater noster. **secreto.**

V. Et ne nos indúcas in tentationem. **R.** Sed libera nos a malo.

V. Réspice in servos tuos Dómine, et in ópera tua, et dirige filios eórum. **R.** Et sit splendor Dómini Dei nostri super nos, et ópera mánuum nostrárum dirige super nos, et opus mánuum nostrárum dirige.

V. Glória Patri. **R.** Sicut erat.

Orémus. **Oratio.**

DIRÍGERE et sanctificáre, régere et gubernáre di-

gnāre, Dómine Deus Rex cæli et terræ, hódie corda et cōrpora nostra, sensus, sermōnes et actus nostros in lege tua, et in opéribus mandatorum tuorum : ut hic, et in ætérnum, te auxiliānte salvi et liberi esse mereāmur, Salvátor mundi : Qui vivis et regnas in sæcula sæculórum. *R.* Amen.

V. Jube domne benedicere.

Bened. Dies et actus nostros in sua pace dispónat Dóminus omnípotens. *R.* Amen.

Ad Absolutionem Capituli in Dom. et Feriis per Annum, ab Octava Pentec. usque ad Adventum exclusive. Lectio brevis. II. Thess. 3. b

DÓMINUS áutem dírigat corda et cōrpora nostra in caritatē Dei, et patiéntia Christi. Tu áutem Dómine miserére nobis. *R.* Deo grátias.

Post Lect. brevem dicitur

V. Adjutórium nostrum in nómine Dómini. *R.* Qui fecit cælum et terram.

V. Benedicite. *R.* Deus.

Bened. Dóminus nos benedicat, et ab omni malo deféndat, et ad vitam perducát ætérnam : et fidélium ánimæ per misericórdiam Dei requiészant in pace. *R.* Amen.

IN FERIALI OFFICIO

AD PRIMAM

Pater noster. Ave María. Credo.

V. Deus in adjutórium. 17.

Hymnus.

JAM lucis orto sídere Deum precémur súplices,

Ut in diúrnis áctibus Nos servet a nocéntibus.

Linguam refrænans témpere,

Ne litis horror ínsonet :

Visum fovéndo cóntegat,

Ne vanitátes háuríat.

Sint pura cordis íntima, Absistat et vecórdia :

Carnis terat supérbiam

Potus cibique párcitas :

Ut cum dies abscésserit, Noctémque sors redúxerit, Mundi per abstinéntiam Ipsi canámus glóriam.

Deo Patri sit glória, Ejúsque soli Filio, Cum Spíritu Paráclito, Nunc, et per omne sæculum.

Amen.

Per Annum. Ant. Beáti qui ámbulant.

Psalmus 53.

DEUS in nómine tuo saluum me fac : * et in virtúte tua júdica me.

Deus exáudi oratióne meam : * áuribus pécipe verba oris mei.

Quóniam aliéni insurrexérunt advérsus me, et fortes quásiérunt ánimam meam : * et non proposuérunt Deum ante conspéctum suum.

Ecce enim Deus ádjuvat me : * et Dóminus suscéptor est ánimæ meæ.

Avérte mala inimícis meis : * et in veritatē tua dispérde illos.

Voluntarie sacrificabo tibi, * et confitebor nomini tuo Domine : quoniam bonum est :

Quoniam ex omni tribulatione eripuisti me : * et super inimicos meos despexit oculus meus.

Post Ps. Deus in nomine tuo. loco Ps. Confitemini. dicitur unus ex infrascriptis Psalmis, secundum Feras distinctis. Sabbato autem dicuntur tantum tres Psalmi, sicut in Festis.

FERIA SECUNDA

Psalmus 23.

DOMINI est terra, et plentudo ejus : * orbis terrarum, et universi qui habitant in eo.

Quia ipse super maria fundavit eum : * et super flumina preparavit eum.

Quis ascendet in montem Domini? * aut quis stabit in loco sancto ejus?

Innocens manibus et mundo corde, * qui non accipit in vano animam suam, nec juravit in dolo proximo suo.

Hic accipiet benedictionem a Domino : * et misericordiam a Deo salutari suo.

Hæc est generatio querentium eum, * querentium faciem Dei Jacob.

Attollite portas principes vestras, et elevamini portæ æternales : * et introibit rex gloriæ.

Quis est iste rex gloriæ? * Dominus fortis et potens : Dominus potens in prælio.

Attollite portas principes vestras, et elevamini portæ æternales : * et introibit rex gloriæ.

Quis est iste rex gloriæ? * Dominus virtutum ipse est rex gloriæ.

FERIA TERTIA

Psalmus 24.

AD te Domine levavi animam meam : * Deus meus in te confido, non erubescam.

Neque irrideant me inimici mei : * etenim universi qui sustinent te, non confundentur.

Confundantur omnes iniqua agentes * supervacue.

Vias tuas Domine demonstra mihi : * et semitas tuas edoce me.

Dirige me in veritate tua, et doce me : * quia tu es Deus salvator meus, et te sustinui tota die.

Reminiscere miserationum tuarum Domine, * et misericordiarum tuarum, quæ a sæculo sunt.

Delicta juventutis meæ, * et ignorantias meas ne memineras.

Secundum misericordiam tuam memento mei tu : * propter bonitatem tuam Domine.

Dulcis et rectus Dominus : * propter hoc legem dabit delinquentibus in via.

Diriget mansuétos in iudicio : * docébit mites vias suas.

Univérſæ viæ Dómini, misericórdia et véritas, * requiréntibus testaméntum ejus et testimónia ejus.

Propter nomen tuum Dómine propitiáberis peccáto meo : * multum est enim.

Quis est homo qui timet Dóminum? * legem státuit ei in via, quam elégit.

Anima ejus in bonis demorábitur : * et semen ejus hereditábit terram.

Firmaméntum est Dóminus timéntibus eum : * et testaméntum ipsius ut manifestétur illis.

Oculi mei semper ad Dóminum : * quóniam ipse évélet de láqueo pedes meos.

Réſpice in me, et miserére mei : * quia únicus et páuper sum ego.

Tribulatiónes cordis mei multiplicátæ sunt : * de necessitatibus meis érue me.

Vide humilitátem meam, et labórem meum : * et dimitte univérſa delicta mea.

Réſpice inimicos meos, quóniam multiplicáti sunt, * et ódio iníquo odérunt me.

Custódi ánimam meam, et érue me : * non erubescam quóniam sperávi in te.

Innocéntes et recti adhæserunt mihi : * quia sustínui te.

Líbera Deus Israël * ex ómnibus tribulatió nibus suis.

FERIA QUARTA

Psalmus 25.

JÚDICA me Dómine, quóniam ego in innocéntia mea ingrèssus sum : * et in Dómino sperans non infirmábor.

Proba me Dómine, et tenta me : * ure renes meos et cor meum.

Quóniam misericórdia tua ante óculos meos est : * et complácu in veritaté tua.

Non sedi cum concílio vanitátis : * et cum iníqua geréntibus non introibo.

Odivi ecclésiám malignántium : * et cum impiis non sedébo.

Lavábo inter innocéntes manus meas : * et circúmdabo altáre tuum Dómine :

Ut áudiam vocem láudis, * et enárrem univérſa mirabilia tua.

Dómine diléxi decórem domus tuæ, * et locum habitatiónis glóriæ tuæ.

Ne perdas cum impiis Deus ánimam meam, * et cum viris sánguinem vitam meam :

In quorum mánibus iniquitátes sunt : * dextera eórum repléta est munéribus.

Ego áutem in innocéntia mea ingrèssus sum : * rédime me, et miserére mei.

Pes meus stetit in directo : * in ecclésiis benedicam te Dómine.

FERIA QUINTA

Psalmus 22.

DÓMINUS regit me, et nihil mihi déerit : * in loco páscuæ ibi me collocávit.

Super aquam refectiónis educávit me : * ánimam meam convértit.

Dedúxit me super sémitas justitiæ, * propter nomen suum.

Nam, et si ambulávero in médio umbræ mortis, non timébo mala : * quóniam tu mecum es.

Virga tua, et báculus tuus : * ipsa me consoláta sunt.

Parásti in conspéctu meo mensam, * advérsus eos, qui tribulant me.

Impinguásti in óleo caput meum : * et calix meus inébrians quam præclárus est!

Et misericórdia tua subsequétur me * ómnibus diébus vitæ meæ :

Et ut inhábitem in domo Dómini, * in longitudinem diérum.

FERIA SEXTA

Psalmus 21.

DEUS Deus meus réspice in me : quare me dereliquísti? * longe a salúte mea verba delictórum meórum.

Deus meus clamábo per diem, et non exáudies : * et nocte, et non ad insipientiam mihi.

Tu áutem in sancto hábitas, * laus Israël.

In te speravérunt patres

nostri : * speravérunt, et liberásti eos.

Ad te clamavérunt, et salvi facti sunt : * in te speravérunt, et non sunt confúsi.

Ego áutem sum vermis, et non homo : * oppróbrium hóminum, et abjéctio plebis.

Omnes vidéntes me, deriserunt me : * locúti sunt lábiis, et movérunt caput.

Sperávit in Dómino, erípiat eum : * salvum fáciat eum, quóniam vult eum.

Quóniam tu es qui extraxísti me de ventre : * spes mea ab ubéribus matris meæ. In te projéctus sum ex útero :

De ventre matris meæ Deus meus es tu, * ne discéseris a me :

Quóniam tribulátio próxima est : * quóniam non est qui ádjuvet.

Circumdedérunt me vituli multi : * táuri pingues obsederunt me.

Aperuérunt super me os suum, * sicut leo rápiens et rúgiens.

Sicut aqua effúsus sum : * et dispérsa sunt ómnia ossa mea.

Factum est cor meum tamquam cera liquéscens * in médio ventris mei.

Aruit tamquam testa virtus mea, et lingua mea adhæsit fáucibus meis : * et in púlverem mortis deduxísti me.

Quóniam circumdedérunt me canes multi : * concílium malignántium obsédit me.

Foderunt manus meas et pedes meos : * dinumeraverunt omnia ossa mea.

Ipsi vero consideraverunt et inspexerunt me : * divisērunt sibi vestimenta mea, et super vestem meam miserunt sortem.

Tu autem Domine ne elongaveris auxilium tuum a me : * ad defensionem meam conspice.

Erue a fratre tua Deus animam meam : * et de manu canis unicam meam.

Salva me ex ore leonis : * et a cornibus unicornium humilitatem meam.

Narrabo nomen tuum fratribus meis : * in medio ecclesie laudabo te.

Qui timetis Dominum, laudate eum : * universum semen Jacob glorificate eum.

Timeat eum omne semen Israel : * quoniam non sprexit, neque despexit deprecationem pauperis :

Nec avertit faciem suam a me : * et cum clamarem ad eum, exaudivit me.

Apud te laus mea in ecclesia magna : * vota mea reddam in conspectu timentium eum.

Edent pauperes, et saturabuntur : et laudabunt Dominum qui requirunt eum : * vivent corda eorum in saeculum saeculi.

Reminiscantur et convertentur ad Dominum * universi fines terrae :

Et adorabunt in conspe-

ctu ejus * universae familiae gentium.

Quoniam Domini est regnum : * et ipse dominabitur gentium.

Manducaverunt et adoraverunt omnes pingues terrae : * in conspectu ejus cadent omnes qui descendunt in terram.

Et anima mea illi vivet : * et semen meum serviet ipsi.

Annuntiabitur Domino generatio ventura : * et annuntiabunt caeli justitiam ejus populo qui nascetur, quem fecit Dominus.

Sabbato nihil additur, ut supra in Rubrica. 30.

Deinde dicitur

Psalmus 118.

BEATI immaculati in via : * qui ambulant in lege Domini.

Beati qui scrutantur testimonia ejus : * in toto corde exquirunt eum.

Non enim qui operantur iniquitatem, * in viis ejus ambulaverunt.

Tu mandasti * mandata tua custodiri nimis.

Utinam dirigantur viae meae, * ad custodiendas justificationes tuas.

Tunc non confundar, * cum perspexero in omnibus mandatis tuis.

Confitebor tibi in directione cordis : * in eo quod didici judicia justitiae tuae.

Justificationes tuas custodiam : * non me derelinquas usquequaque.

In quo cōrrigit adolescē-
tior viam suam? * in custo-
diēdo sermōnes tuos.

In toto corde meo exqui-
sivi te : * ne repēllas me a
mandātis tuis.

In corde meo abscondi
elóquia tua : * ut non peccem
tibi.

Benedictus es Dómine : *
doce me justificatiōnes tuas.

In lábiis meis , * pro-
nuntiávi ómnia iudícia oris
tui.

In via testimoniórum tuó-
rum delectátus sum , * sicut
in ómnibus divitiis.

In mandātis tuis exercé-
bor : * et considerábo vias
tuas.

In justificatiōnibus tuis
meditábor : * non oblivíscar
sermōnes tuos.

RETRÍBUE servo tuo , vivi-
fica me : * et custódiam
sermōnes tuos.

Revéla óculos meos : * et
considerábo mirabilia de
lege tua.

Incola ego sum in terra : *
non abscondas a me man-
dāta tua.

Concupivit ánima mea de-
sideráre justificatiōnes tuas , *
in omni témpore.

Increpásti supérbos : * ma-
ledícti qui declínant a man-
dātis tuis.

Aufer a me oppróbrium
et contéptum : * quia testi-
mónia tua exquisívi.

Etenim sedérunt princi-
pes , et advérsum me loque-
bántur : * servus áutem tuus

exercebátur in justificatió-
nibus tuis.

Nam et testimónia tua me-
ditátio mea est : * et consí-
lium meum justificatiōnes
tuæ.

Adháesit pavimēto ánima
mea : * vivífica me secún-
dum verbum tuum.

Vias meas enuntiávi , et
exaudisti me : * doce me
justificatiōnes tuas.

Viam justificatiōnum tuá-
rum ínstrue me : * et exer-
cébor in mirabilibus tuis.

Dormitávit ánima mea
præ tædio : * confirma me
in verbis tuis.

Viam iniquitátis ámove a
me : * et de lege tua miserére
mei.

Viam veritátis elégi : *
iudícia tua non sum obli-
tus.

Adháesi testimoniis tuis
Dómine : * noli me confún-
dere.

Viam mandatórum tuó-
rum cucúrri , * cum dilatásti
cor meum.

Per Annum , Ant. Beáti
qui ámbulant in lege tua
Dómine.

Capitulum. Zach. 8. d

PACEM et veritátem diligite ,
ait Dóminus omnípotens.
℟. Deo grátias.

℟. br. Christe Fili Dei
vivi , * Miserére nobis. *Et*
repetitur : Christe Fili Dei
vivi , miserére nobis. *℣.* Qui
sedes ad dexteram Patris.
℟. Miserére nobis. *℣.* Glória
Patri , et Filio , et Spirítui

sancto. **R.** Christe Fili Dei vivi, miserere nobis.

V. Exsúrge Christe, ádjuva nos. **R.** Et libera nos propter nomen tuum.

KYRIE eléison. Christe eléison. Kýrie eléison.

Pater noster. **secreto.**

V. Et ne nos indúcas in tentationem. **R.** Sed libera nos a malo.

Credo in Deum. **secreto.**

V. Carnis resurrectionem. **R.** Vitam ætérnam. Amen.

V. Et ego ad te Dómine clamávi. **R.** Et mane orátio mea præveniet te.

V. Repleátur os meum láude. **R.** Ut cantem glóriam tuam, tota die magnitudinem tuam.

V. Dómine avérte fáciem tuam a peccátis meis. **R.** Et omnes iniquitátes meas dele.

V. Cor mundum crea in me Deus. **R.** Et spiritum rectum innova in viscéribus meis.

V. Ne projicias me a fácie tua. **R.** Et Spíritum sanctum tuum ne áuferas a me.

V. Redde mihi lætítiam salutáris tui. **R.** Et spíritu principáli confirma me.

Quando ad Laud. non sunt dictæ Preces feriales, statim dicitur Adjutórium nostrum. et Confíteor Deo etc. ut supra. 27.

Quando autem ad Laud. dictæ sunt Preces feriales inferius positæ post Laud. Feriæ II., tunc ad Primam

prædictæ Preces et seq. dicuntur flexis genibus.

V. Eripe me Dómine ab hómine malo. **R.** A viro iniquo eripe me.

V. Eripe me de inimícis meis Deus meus. **R.** Et ab insurgéntibus in me libera me.

V. Eripe me de operántibus iniquitátem. **R.** Et de viris sánguinem salva me.

V. Sic psalmum dicam nómini tuo in sáeculum sáeculi. **R.** Ut reddam vota mea de die in diem.

V. Exáudi nos Deus salutáris noster. **R.** Spes ómnium finium terræ, et in mari longe.

V. Deus in adjutórium meum inténde. **R.** Dómine ad adjuvándum me festína.

V. Sanctus Deus, sanctus fortis, sanctus immortalis. **R.** Miserere nobis.

V. Bénedic ánima mea Dómino. **R.** Et ómnia quæ intra me sunt, nómini sancto ejus.

V. Bénedic ánima mea Dómino. **R.** Et noli oblivisci omnes retributiónes ejus.

V. Qui propitiátur ómnibus iniquitátibus tuis. **R.** Qui sanat omnes infirmitátes tuas.

V. Qui rédimít de intéritu vitam tuam. **R.** Qui corónat te in misericórdia et miseratió nibus.

V. Qui replet in bonis desiderium tuum. **R.** Renovábitur ut áquilæ juvéntus tua.

✠. Adjutórium nostrum
in nómine Dómini. **R.** Qui
fecit cælum et terram.

**Deinde Hebdomadarius
facit Confessionem dicens :**
Confiteor Deo. **Reliq. omnia
ut supra in Dominica. 27.**

IN FESTIS PER ANNUM

Pater noster. Ave María.
Credo. ✠. Deus in adjutó-
rium meum. **ut supra. 17.**

Hymnus.

JAM lucis orto sídere
Deum precémur súpli-
ces,

Ut in diúrnis áctibus
Nos servet a nocéntibus.

Linguam refrænans tém-
peret,

Ne litis horror insonet :
Visum fovéndo cóntegat,
Ne vanitátes háuriat.

Sint pura cordis íntima,
Absístat et vecórdia;
Carnis terat supérbiam
Potus cibique párcitas :

Ut, cum díes abscésserit,
Noctémque sors redúxerit,
Mundi per abstinéntiam
Ipsi canámus glóriam.

Deo Patri sit glória,
Ejúsque soli Filio,
Cum Spíritu Paráclito,
Nunc, et per omne sæcu-
lum. Amen.

Ant. competens.

Psalmus 53.

DEUS in nómine tuo sal-
vum me fac : * et in vir-
túte tua júdica me.

Deus exáudi oratiómem
meam : * áuribus pèrcipe
verba oris mei.

Quóniam aliéni insurrexé-
runt advérsus me, et fortes
quæsiérunt ánimam meam : *
et non proposuérunt Deum
ante conspéctum suum.

Ecce enim Deus ádjuvat
me : * et Dóminus suscèptor
est ánimæ meæ.

Avértemala inimícis meis : *
et in veritáte tua dispérde
illos.

Voluntárie sacrificábo ti-
bi, * et confitébor nómini
tuo Dómine : quóniam bo-
num est.

Quóniam ex omni tribu-
latióne eripuísti me : * et su-
per inimícos meos despéxit
óculus meus.

Psalmus 118.

BEÁTI immaculáti in via : *
qui ámbulant in lege Dó-
mini.

Beáti, qui scrutántur testi-
mónia ejus : * in toto corde
exquirunt eum.

Non enim qui operántur
iniquitátem, * in viis ejus
ambulavérunt.

Tu mandásti * mandáta
tua custodiri nimis.

Utinam dirigántur viæ
meæ, * ad custodiéndas jus-
tificatiónes tuas.

Tunc non confúndar, *
cum perspéxero in ómnibus
mandátis tuis.

Confitébor tibi in dire-
ctióne cordis : * in eo quod
didici júdicia justitiæ tuæ.

Justificatiónes tuas custó-
diam : * non me derelinquas
usquequáque.

In quo córrigit adolescén-

tior viam suam? * in custodiendo sermones tuos.

In toto corde meo exquisivi te : * ne repellas me a mandatis tuis.

In corde meo abscondi eloquia tua : * ut non peccem tibi.

Benedictus es Dómine : * doce me justificatiónes tuas.

In lábiis meis, * pronuntiavi omnia iudicia oris tui.

In via testimoniórum tuórum delectátus sum, * sicut in ómnibus divitiis.

In mandatis tuis exercébor : * et considerábo vias tuas.

In justificatió nibus tuis meditabor : * non oblivíscar sermones tuos.

RETRÍBUE servo tuo, vivifica me : * et custódiam sermones tuos.

Revéla óculos meos : * et considerábo mirabilia de lege tua.

Incola ego sum in terra : * non abscondas a me mandata tua.

Concupívit ánima mea desideráre justificatiónes tuas, * in omni témpore.

Increpásti superbos : * maledicti qui declinant a mandatis tuis.

Aufer a me oppróbrium et contéptum : * quia testimónia tua exquisivi.

Etenim sedérunt príncipes, et advérsus me loquebántur : * servus áutem tuus exercebátur in justificatió nibus tuis.

Nam et testimónia tua meditatio mea est : * et consilium meum justificatiónes tuæ.

Adhæsit pavíménto ánima mea : * vivifica me secúndum verbum tuum.

Vias meas enuntiávi, et exaudísti me : * doce me justificatiónes tuas.

Viam justificatiónum tuárum instrue me : * et exercébor in mirabilibus tuis.

Dormitávit ánima mea præ tædio : * confirma me in verbis tuis.

Viam iniquitátis ámove a me : * et de lege tua miserere mei.

Viam veritátis elégi : * iudicia tua non sum oblitus.

Adhæsi testimoniis tuis Dómine : * noli me confúndere.

Viam mandatórum tuórum cucúrri, * cum dilatásti cor meum.

Ant. competens.

Capitulum. I. Tim. 1. d

REGI sæculórum immortalí et invisibili, soli Deo honor, et glória in sæcula sæculórum. Amen.

R. Deo grátias.

R. br. Christe Fili Dei vivi, * Miserere nobis. **Et repetitur** : Christe Fili Dei vivi, miserere nobis. **V.** Qui sedes ad dexteram Patris. **R.** Miserere nobis. **V.** Glória Patri, et Filio, et Spiritui sancto. **R.** Christe Fili Dei vivi, miserere nobis.

V. Exsúrge Christe, ad-

juva nos. *R.* Et libera nos propter nomen tuum.

Preces. Kýrie eléison. *quæ non dicuntur in Dupl. nec infra Oct. habentur supra in Dominica. 27.*

V. Dóminus vobiscum. *R.* Et cum spíritu tuo.

Orémus. **Oratio.**

DÓMINE Deus omnipotens, qui ad principium hujus diéi nos pervenire fecisti : tua nos hódie salva virtúte ; ut in hac die ad nullum declinémus peccátum, sed semper ad tuam justitiam faciéndam nostra procédant elóquia, dirigántur cogitationés et ópera. Per Dóminum. *R.* Amen.

V. Dóminus vobiscum. *R.* Et cum spíritu tuo.

V. Benedicámus Dómino. *R.* Deo grátias.

Deinde in Choro legitur Martyrologium. Et quando dicenda est Prima de beata Maria, præponitur Lectioni Martyrologii.

Postea Hebdomadarius dicit *V.* Pretiósá in conspéctu Dómini *R.* Mors sanctórum ejus.

Et absolute sine Orémus.

Oratio.

SANCTA María, et omnes Sancti intercédant pro nobis ad Dóminum : ut nos mereámur ab eo adjuvári et salvári, qui vivit et regnat in sæcula sæculórum. *R.* Amen.

V. Deus in adjutórium meum inténde. *R.* Dómine ad adjuvándum me festina.

Et dicitur ter : ultimo additur Glória Patri. Sicut erat.

Kýrie eléison. Christe eléison. Kýrie eléison.

Pater noster. **secreto.**

V. Et ne nos indúcas in tentatiónem. *R.* Sed libera nos a malo.

V. Réspice in servos tuos Dómine, et in ópera tua, et dirige filios eórum. *R.* Et sit splendor Dómini Dei nostri super nos, et ópera mánuum nostrárum dirige super nos, et opus mánuum nostrárum dirige.

V. Glória Patri. *R.* Sicut erat.

Orémus. **Oratio.**

DIRÍGERE et sanctificáre, régere et gubernáre dignáre, Dómine Deus Rex cæli et terræ, hódie corda et córpora nostra, sensus, sermónes, et actus nostros in lege tua, et in opéribus mandatórum tuórum : ut hic, et in ætérnum, te auxiliánte, salvi et liberi esse mereámur, Salvátor mundi : Qui vivis et regnas in sæcula sæculórum. *R.* Amen.

V. Jube domne benedicere.

Benedictio. Dies et actus nostros in sua pace dispónat Dóminus omnipotens. *R.* Amen.

Ad Absolutionem Capit. in Festis dicit. Capit. Nonæ. Post Lect. brevem dicitur

V. Adjutórium nostrum in nómine Dómini. *R.* Qui fecit cælum et terram.

Ÿ. Benedicite. R. Deus.

Bened. Dóminus nos benedicat, et ab omni malo deféndat, et ad vitam perducát ætérnam; et fidélium ánimæ per misericórdiam Dei requiészant in pace.
R. Amen.

AD TERTIAM

Pater noster. Ave Maria.
Deus in adiutorium. 17.

Hymnus:

NUNC sancte nobis Spiritus,
Unum Patri cum Filio,
Dignáre promptus ingeri
Nostro refúsus pèctori.

Os, lingua, mens, sensus,
vigor
Confessionem pèsonent,
Flammészat igne caritas,
Accéndat ardor próximos.

Præsta, Pater piíssime,
Patrique compar Unice,
Cum Spiritu Paráclito,
Regnans per omne sæculum.
Amen.

In Dom. per Annum, Ant.
Alleluia.

In feriali Officio per Annum, Ant. Deduc me.

Psalmus.

LEGEM pone mihi Dómine
viam justificationum tuarum: * et exquiram eam semper.

Da mihi intelléctum, et scrutabor legem tuam: * et custodiam illam in toto corde meo.

Deduc me in sémitam mandatorum tuorum: * quia ipsam volui.

Inclina cor meum in testimonia tua: * et non in vanitatem.

Avérte óculos meos ne videant vanitatem: * in via tua vivifica me.

Státue servo tuo elóquium tuum, * in timóre tuo.

Amputa oppróbrium meum, quod suspicátus sum: * quia judicia tua jucúnda.

Ecce concupívi mandata tua: * in æquitáte tua vivifica me.

Et véniat super me misericórdia tua Dómine: * salutare tuum secúndum elóquium tuum.

Et respondébo exprobrántibus mihi verbum: * quia sperávi in sermónibus tuis.

Et ne áuferas de ore meo verbum veritátis usquequaque: * quia in judiciis tuis supersperávi.

Et custodiam legem tuam semper: * in sæculum et in sæculum sæculi.

Et ambulábam in latitúdine: * quia mandata tua exquisívi.

Et loquébar in testimoniis tuis in conspéctu regum: * et non confundébar.

Et meditábar in mandátis tuis, * quæ diléxi.

Et levávi manus meas ad mandata tua, quæ diléxi: * et exercébar in justificationibus tuis.

MEMOR esto verbi tui servo tuo, * in quo mihi spem dedisti.

Hæc me consolâta est in humilitate mea : * quia elóquium tuum vivificávit me.

Superbi inique agébant usquequaque : * a lege autem tua non declinávi.

Memor fui judiciórum tuórum a sæculo Dómine : * et consolátus sum.

Defectio ténuít me, * pro peccatóribus derelinquéntibus legem tuam.

Cantábiles mihi erant justificationes tuæ, * in loco peregrinatiónis meæ.

Memor fui nocte nóminis tui Dómine : * et custodivi legem tuam.

Hæc facta est mihi : * quia justificationes tuas exquisívi.

Pórtio mea Dómine, * dixi custodire legem tuam.

Deprecátus sum faciém tuam in toto corde meo : * miserere mei secúndum elóquium tuum.

Cogitávi vias meas : * et convértpedes meos in testimónia tua.

Parátus sum, et non sum turbátus : * ut custódiam mandáta tua.

Funes peccatórum circumpléxi sunt me : * et legem tuam non sum oblítus.

Média nocte surgébam ad confiténdum tibi, * super iudicia justificatiónis tuæ.

Párticeps ego sum ómnium timéntium te : * et custodiéntium mandáta tua.

Misericórdia tua Dómine plena est terra : * justificationes tuas doce me.

BONITÁTEM fecísti cum serbo tuo Dómine, * secúndum verbum tuum.

Bonitatem, et disciplinam, et sciéntiam doce me : * quia mandátis tuis crédidi.

Priúsqum humiliárer ego deliqui : * propterea elóquium tuum custodívi.

Bonus es tu : * et in bonitate tua doce me justificationes tuas.

Multiplicáta est super me iniquitas superbórum : * ego autem in toto corde meo scrutábor mandáta tua.

Coagulátum est sicut lac cor eórum : * ego vero legem tuam meditátus sum.

Bonum mihi quia humiliásti me : * ut discam justificationes tuas.

Bonum mihi lex oris tui, * super millia áuri et argénti.

Manus tuæ fecérunt me, et plasmavérunt me : * da mihi intelléctum, et discam mandáta tua.

Qui timent te vidébunt me, et lætabúntur : * quia in verba tua supersperávi.

Cognóvi Dómine quia æquitas iudicia tua : * et in veritate tua humiliásti me.

Fiat misericórdia tua ut consolétur me, * secúndum elóquium tuum servo tuo.

Véniant mihi miseratiónes tuæ, et vivam : * quia lex tua meditatio mea est.

Confundántur superbi, quia injúste iniquitatem fecérunt in me : * ego autem exercébor in mandátis tuis.

Convertántur mihi timén-
tes te : * et qui novérunt te-
stimónia tua.

Fiat cor meum immaculá-
tum in justificatióibus tuis,*
ut non confúndar.

Ant. Allelúia, allelúia, al-
lelúia.

**Sequens Capit. et alia in
aliis Horis dicuntur in Dom.
a tertia post Pentecosten us-
que ad Adventum. Respon-
soria brevia etiam eodem
tempore similiter et quæ seq.
in feriali Officio.**

Capitulum. I. Joan. 4. c

DEUS caritas est : et qui
manet in caritate, in Deo
manet, et Deus in eo.

R. br. Inclina cor meum
Deus * In testimónia tua.
Inclina. **V.** Avérte óculos
meos, ne videant vanitatem :
in via tua vivifica me. In.
Glória Patri. Inclina.

V. Ego dixi : Dómine mi-
serére mei. **R.** Sana ánimam
meam, quia peccávi tibi.

**In feriali Officio per An-
num, Ant.** Deduc me Dómi-
ne in sémitam mandatorum
tuorum.

Capitulum. Jerem. 17. c

SANA me Dómine, et saná-
bor : salvum me fac, et
salvus ero : quóniam laus
mea tu es.

R. br. Sana ánimam meam,
* Quia peccávi tibi. Sana. **V.**
Ego dixi : Dómine miserére
mei. Quia. Glória Patri.
Sana.

V. Adjutor meus esto, ne
derelinquas me. **R.** Neque

despicias me Deus salutáris
meus.

**Quando ad Matut. dictæ
sunt Preces, ad Tertiam,
Sextam et Nonam flexis ge-
nibus dicitur :**

KYRIE eléison. Christe eléi-
son. Kýrie eléison.

Pater noster. **secreto.**

V. Et ne nos indúcas in
tentatióem. **R.** Sed libera
nos a malo.

V. Dómine Deus virtútum
convérte nos. **R.** Et osténde
faciem tuam, et salvi éri-
mus.

V. Exsúrge Christe, ádjuva
nos. **R.** Et libera nos propter
nomen tuum.

V. Dómine exáudi oratió-
nem meam. **R.** Et clamor
meus ad te véniat.

V. Dóminus vobíscum. **R.**
Et cum spíritu tuo.

Orémus. **Oratio conve-
niens.**

AD SEXTAM

Pater noster. Ave María.
Deus in adjutórium. 17.

Hymnus.

RECTOR potens, verax Deus,
Qui témperas rerum vi-
ces,

Splendóre mane illúminas,
Et ignibus merídiem :

Exstingue flammam litium,
Aufer calórem nóxium,
Confer salútem córporum,
Verámque pacem córdium.

Præsta, Pater piíssime,
Patrique compar Unice,
Cum Spíritu Paráclito,
Regnans per omne sáeculum.
Amen.

In Dom. per Annum, Ant.
Allelúia.

In feriali Officio per An-
num, Ant. Adjuva me.

Psalmus.

DEFÉCIT in salutáre tuum
ánima mea : * et in ver-
bum tuum supersperávi.

Defecérunt óculi mei in
elóquium tuum, * dicéntes :
Quando consoláberis me?

Quia factus sum sicut uter
in pruina : * justificatiónes
tuas non sum oblítus.

Quot sunt dies servi tui? *
quando fácies de persecuénti-
bus me iudícium?

Narravérunt mihi iníqui
fabulatiónes : * sed non ut
lex tua.

Omnia mandáta tua véri-
tas : * iníque persecúti sunt
me, ádjuva me.

Páulo minus consumma-
vérunt me in terra : * ego
áutem non derelíqui man-
dáta tua.

Secúndum misericórdiam
tuam vivífica me : * et custó-
diam testimónia oris tui.

In ætérnum Dómine, *
verbum tuum pérmanet in
cælo.

In generatióem et gene-
ratióem véritas tua : * fun-
dásti terram, et pérmanet.

Ordinatióne tua persevé-
rat dies : * quóniam ómnia
sérviunt tibi.

Nisi quod lex tua me-
ditatió mea est : * tunc
forte periissem in humilitáte
mea.

In ætérnum non obli-
-

scar justificatiónes tuas : *
quia in ipsis vivificásti me.

Tuus sum ego, salvum me
fac : * quóniam justificatió-
nes tuas exquisívi.

Me exspectavérunt pecca-
tóres ut pérderent me : *
testimónia tua intelléxi.

Omnis consummatiónis
vidi finem : * latum mandá-
tum tuum nimis.

QUÓMODO diléxi legem
tuam Dómine? * tota die
meditatió mea est.

Super inimícos meos pru-
déntem me fecisti mandáto
tuo : * quia in ætérnum mihi
est.

Super omnes docéntes me
intelléxi : * quia testimónia
tua meditatió mea est.

Super senes intelléxi : *
quia mandáta tua quæsívi.

Ab omni via mala prohi-
bui pedes meos : * ut custó-
diam verba tua.

A iudiciis tuis non decli-
návi : * quia tu legem posui-
sti mihi.

Quam dúlcia fáucibus meis
elóquia tua, * super mel ori
meo!

A mandátis tuis intel-
léxi : * proptérea odívi
omnem viam iniquitátis.

Lucérna pédibus meis ver-
bum tuum, * et lumen sémi-
tis meis.

Jurávi, et státui * custo-
dire iudicia justitiæ tuæ.

Humiliátus sum usque-
quáque Dómine : * vivífica
me secúndum verbum tuum.

Voluntária oris mei bene-

plácita fac Dómine : * et iudicia tua doce me.

Anima mea in mánibus meis semper : * et legem tuam non sum oblitus.

Posuérunt peccatóres láqueum mihi : * et de mandátis tuis non errávi.

Hereditáte acquisivi testimónia tua in ætérnum : * quia exsultatio cordis mei sunt.

Inclinávi cor meum ad faciéndas justificatiónes tuas in ætérnum, * propter retributiónem.

INÍQUOS ódio hábui : * et legem tuam diléxi.

Adjútor, et suscéptor meus es tu : * et in verbum tuum supersperávi.

Declináte a me maligni : * et scrutábor mandáta Dei mei.

Súscipe me secúndum elóquium tuum, et vivam : * et non confúndas me ab expectatióne mea.

Adjuva me, et salvus ero : * et meditábor in justificatió nibus tuis semper.

Sprevisti omnes discedéntes a iudiciis tuis : * quia injústa cogitatio eórum.

Prævaricántes reputávi omnes peccatóres terræ : * ideo diléxi testimónia tua.

Confíge timóre tuo carnes meas : * a iudiciis enim tuis tímui.

Feci iudicium et justitiam : * non tradas me calumniántibus me.

Súscipe servum tuum in

bonum : * non calumnién tur me supérbi.

Oculi mei defecérunt in salutáre tuum : * et in elóquium justitiæ tuæ.

Fac cum servo tuo secúndum misericórdiam tuam : * et justificatiónes tuas doce me.

Servus tuus sum ego : * da mihi intelléctum, ut sciam testimónia tua.

Tempus faciéndi Dómine : * dissipavérunt legem tuam.

Ideo diléxi mandáta tua * super áurum et topázion.

Proptérea ad ómnia mandáta tua dirigébar : * omnem viam iniquam ódio hábui.

Ant. Allelúia, allelúia, allelúia.

Capitulum: Galat. 6.

ALTER altérius ónera portáte, et sic adimplébitis legem Christi.

R. br. In ætérnum Dómine * Pérmānet verbum tuum. In ætérnum. **V.** In sǎculum sǎculi véritas tua. Pérmānet. Glória Patri. In ætérnum.

V. Dóminus regit me, et nihil mihi déerit. **R.** In loco páscuæ ibi me collocávit.

In feriali Officio per Annum, Ant. Adjuva me, et salvus ero Dómine.

Capit. Alter altérius ónera. **ut supra.**

R. br. Benedicam Dóminum * In omni témpore. Benedicam. **V.** Semper laus ejus in ore meo. In. Glória Patri. Benedicam.

V. Dóminus regit me, et

nihil mihi déerit. **R.** In loco páscuæ ibi me collocávit.

Kýrie eléison, **si dicendum sit, ut supra ad Tertiam. 41.**

Oratio conveniens.

AD NONAM

Pater noster. Ave Maria.
Deus in adjutórium. 17.

Hymnus.

RERUM Deus tenax vigor,
Immótus in te pérma-
nens,

Lucis diúrnæ témpora
Succéssibus detérminans :

Largire lumen véspere,
Quo vita nusquam décidat,
Sed præmium mortis sacræ
Perénis instet glória.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

In Dom. per Annum, Ant.
Allelúia.

In feriali Officio per Annum, Ant. Adspice in me.

Psalms.

MIRABÍLIA testimónia tua : *
Ídeo scrutáta est ea áni-
ma mea.

Declarátio sermónum tuó-
rum illúminat : * et intellé-
ctum dat párvulis.

Os meum apérui, et attráxi
spiritum : * quia mandáta
tua desiderábam.

Adspice in me, et mise-
rère mei, * secúndum judi-
cium diligéntium nomen
tuum.

Gressus meos dirige se-

cúndum elóquium tuum : *
et non dominétur mei omnis
injústitia.

Rédime me a calúmniis
hóminum : * ut custódiam
mandáta tua.

Fáciem tuam illúmina su-
per servum tuum : * et doce
me justificatiónes tuas.

Exitus aquárum deduxé-
runt óculi mei : * quia non
custodiérunt legem tuam.

Justus es Dómine : * et
rectum judícium tuum.

Mandásti justítiam testi-
mónia tua : * et veritátem
tuam nimis.

Tabéscere me fecit zelus
meus : * quia obliti sunt ver-
ba tua inimíci mei.

Ignítum elóquium tuum
veheménter : * et servus
tuus diléxit illud.

Adolescéntulus sum ego,
et contéptus : * justifica-
tiónes tuas non sum oblítus.

Justítia tua, justítia in
ætérnum : * et lex tua véri-
tas.

Tribulátio, et angústia in-
venérunt me : * mandáta tua
meditátio mea est.

Æquitas testimónia tua in
ætérnum : * intelléctum da
mihi, et vivam.

CLAMÁVI in toto corde meo,
exáudi me Dómine : * ju-
stificatiónes tuas requiram.

Clamávi ad te, salvum me
fac : * ut custódiam mandáta
tua.

Prævéní in maturitáte, et
clamávi : * quia in verba tua
supersperávi.

Prævenérunt óculi mei ad te dilúculo : * ut meditárer elóquia tua.

Vocem meam áudi secúndum misericórdiam tuam Dómine : * et secúndum iudícium tuum vivífica me.

Appropinquavérunt persequéntes me iniquitáti : * a lege áutem tua longe facti sunt.

Prope es tu Dómine : * et omnes viæ tuæ véritas.

Initio cognóvi de testimóniis tuis : * quia in ætérnum fundásti ea.

Vide humilitátem meam, et éripe me : * quia legem tuam non sum oblitus.

Júdica iudícium meum, et rédime me : * propter elóquium tuum vivífica me.

Longe a peccatóribus salus : * quia justificatiónes tuas non exquisiérunt.

Misericórdiæ tuæ multæ Dómine : * secúndum iudícium tuum vivífica me.

Multi qui persequúntur me, et tríbulant me : * a testimóniis tuis non declinávi.

Vidi prævaricántes, et tabescébam : * quia elóquia tua non custodiérunt.

Vide quóniam mandáta tua diléxi Dómine : * in misericórdia tua vivífica me.

Principium verbórum tuórum, véritas : * in ætérnum ómnia iudicia justítiæ tuæ.

PRÍNCIPES persecúti sunt me gratis : * et a verbis tuis formidávit cor meum.

Lætabor ego super elóquia

tua : * sicut qui invénit spólia multa.

Iniquitátem ódio hábui, et abominátus sum : * legem áutem tuam diléxi.

Sépties in die láudem dixi tibi, * super iudicia justítiæ tuæ.

Pax multa diligéntibus legem tuam : * et non est illis scándalum.

Exspectábam salutáre tuum Dómine : * et mandáta tua diléxi.

Custodívit ánima mea testimónia tua : * et diléxit ea veheménter.

Servávi mandáta tua, et testimónia tua : * quia omnes viæ meæ in conspéctu tuo.

Appropínquet deprecátio mea in conspéctu tuo Dómine : * juxta elóquium tuum da mihi intelléctum.

Intret postulátio mea in conspéctu tuo : * secúndum elóquium tuum éripe me.

Eructábunt lábia mea hymnum, * cum docúeris me justificatiónes tuas.

Pronuntiábit lingua mea elóquium tuum : * quia ómnia mandáta tua æquitas.

Fiat manus tua ut salvet me : * quóniam mandáta tua elégi.

Concupívi salutáre tuum Dómine : * et lex tua meditátio mea est.

Vivet ánima mea, et laudábit te : * et iudicia tua adjuvábunt me.

Errávi, sicut ovis, quæ périit : * quære servum tuum,

quia mandata tua non sum oblitus.

Ant. Allelúia, allelúia, allelúia.

Capitulum I. Cor. 6. d

EMPTI enim estis pretio magno. Glorificáte et portáte Deum in corpore vestro.

R. br. Clamávi in toto corde meo, * Exáudi me Dómine. Clamávi. **V.** Justificatiónes tuas requíram. Exáudi. Glória. Clamávi.

V. Ab occúltis meis munda me Dómine. **R.** Et ab aliénis parce servo tuo.

In feriali Officio per Annum, Ant. Adspice in me, et miserére mei Dómine.

Capitulum. Empti enim.

R. br. Rédimé me Dómine, * Et miserére mei. Rédimé. **V.** Pes enim meus stetit in via recta. Et. Glória Patri. Rédimé.

V. Ab occúltis meis munda me Dómine. **R.** Et ab aliénis parce servo tuo.

Kýrie eléison, si dicendum sit, ut supra ad Tertiam. 41.

Oratio conveniens.

Vesp. in Dom. et in Fer. habentur inferius post Laudes Sabbati.

FERIA SECUNDA

AD MATUTINUM

Pater. Ave María. Credo.

V. Dómine lábia mea apéries. **ut supra. 2.**

Invit. Veníte, * Exsultémus Dómino.

Ps. Jubilémus Deo salutarí nostro. **ut supra. 2.**

Hymnus.

SOMNO refectis artubus, Spreto cubili surgimus : Nobis, Pater, canéntibus Adesse te depóscimus.

Te lingua primum cóncinat,

Te mentis ardor ámbiat : Ut áctuum sequéntium Tu, sancte, sis exórdium.

Cedant tenébræ lúmini, Et nox diúrno sideri, Ut culpa, quam nox intulit, Lucis labáscat múnere.

Precámur iidem súpplices,

Noxas ut omnes ámputes, Et ore te canéntium Laudéris omni témpore.

Præsta, Pater piíssime, Patrique compar Unice, Cum Spiritu Paráclito Regnans per omne sæculum. Amen.

Invitatoria per Ferias dicuntur in fer. Offic. ab Oct. Pentecostes usque ad Adventum. Hymni vero tam ad Matutinum quam ad Laudes et Vesp., et Ant. Nocturnorum, ut infra.

Ant. Dóminus defénsor.

Psalmus 26.

DÓMINUS illuminatio mea, et salus mea, * quem timébo?

Dóminus protéctor vitæ meæ, * a quo trepidábo?

Dum apprópíant super me nocéntes, * ut edant carnes meas :

Qui tribulant me inimici

mei, * ipsi infirmáti sunt, et cecidérunt.

Si consistant advérsus me castra, * non timébit cor meum.

Si exsúrgat advérsus me prælium, * in hoc ego sperábo.

Unam pétii a Dómino, hanc requiram, * ut inhábitem in domo Dómini ómnibus diébus vitæ meæ :

Ut vídeam voluptátem Dómini, * et visitem templum ejus.

Quóniam abscondit me in tabernáculo suo : * in die malórum protéxit me in abscondito tabernáculi sui.

In petra exaltávit me : * et nunc exaltávit caput meum super inimicos meos.

Circuivi, et immolávi in tabernáculo ejus hóstiam vociferatiónis : * cantábo, et psalmum dicam Dómino.

Exáudi Dómine vocem meam, qua clamávi ad te : * miserére mei, et exáudi me.

Tibi dixit cor meum, exquisívit te fácies mea : * fáciem tuam Dómine requiram.

Ne avértas fáciem tuam a me : * ne declines in ira a servo tuo.

Adjútor meus esto : * ne derelinquas me, neque despicias me Deus salutáris meus.

Quóniam pater meus, et mater mea dereliquerunt me : * Dóminus áutem assumpsit me.

Legem pone mihi Dómine in via tua : * et dirige me in sémitam rectam propter inimicos meos.

Ne tradíderis me in ánimas tribulántium me : * quóniam insurrexérunt in me testes iníqui, et mentita est iníquitas sibi.

Credo vidére bona Dómini * in terra vivéntium.

Exspécta Dóminum, viríliter age : * et confortétur cor tuum, et sústine Dóminum.

Psalmus 27.

Ad te Dómine clamábo, Deus meus ne sileas a me : * nequándo táceas a me, et assimilábor descendéntibus in lacum.

Exáudi Dómine vocem deprecationis meæ dum oro ad te : * dum extóllo manus meas ad templum sanctum tuum.

Ne simul trahas me cum peccatóribus : * et cum operántibus iniquitátem ne perdas me.

Qui loquúntur pacem cum próximo suo, * mala áutem in córdibus eórum.

Da illis secúndum ópera eórum, * et secúndum nequitiam adinventiόνum ipsórum.

Secúndum ópera mánuum eórum tribue illis : * redde retributiónem eórum ipsis.

Quóniam non intellexérunt ópera Dómini, et in ópera mánuum ejus * destrues illos, et non ædificábis eos.

Benedictus Dóminus : *
quóniam exaudivit vocem
deprecationis meæ.

Dóminus adjutor meus, et
protector meus : * in ipso
sperávit cor meum, et adjú-
tus sum.

Et reflóruit caro mea : *
et ex voluntáte mea confité-
bor ei.

Dóminus fortitúdo plebis
suæ : * et protector salvatió-
num Christi sui est.

Salvum fac pópulum tuum
Dómine, et bédedic heredi-
táti tuæ : * et rege eos, et
extólle illos usque in ætér-
num.

Ant. Dóminus defénsor
vitæ meæ.

Ant. Adoráte.

Psalmus 28.

AFFÉRTE Dómino filii Dei : *
afférte Dómino filios arie-
tum.

Afférte Dómino glóriam et
honórem, afférte Dómino
glóriam nómini ejus : * ado-
ráte Dóminum in átrio san-
cto ejus.

Vox Dómini super aquas,
Deus majestátis intónuit : *
Dóminus super aquas mul-
tas.

Vox Dómini in virtúte : *
vox Dómini in magnificéntia.

Vox Dómini confringéntis
cedros : * et confringet Dó-
minus cedros Libani :

Et commínuet eas tam-
quam vitulum Libani : * et
diléctus quemádmódum fi-
lius unicórnium.

Vox Dómini intercidéntis

flamnam ignis : * vox Dó-
mini concutiéntis desértum :
et commovébit Dóminus de-
sértum Cades.

Vox Dómini præparántis
cervos, et revelábit con-
dénsa : * et in templo ejus
omnes dicent glóriam.

Dóminus dilúvium inha-
bitáre facit : * et sedébit Dó-
minus Rex in ætérnum.

Dóminus virtútem pópulo
suo dabit : * Dóminus bene-
dicet pópulo suo in pace.

Psalmus 29.

EXALTÁBO te Dómine, quó-
niam suscepisti me : *
nec delectásti inimicos meos
super me.

Dómine Deus meus cla-
mávi ad te, * et sanásti me.

Dómine eduxisti ab in-
férno ánimam meam : * sal-
vásti me a descendéntibus
in lacum.

Psállite Dómino sancti
ejus : * et confitémini me-
móriæ sanctitátis ejus.

Quóniam ira in indigna-
tione ejus : * et vita in vo-
luntáte ejus.

Ad vésperum demorábitur
fletus : * et ad matutinum
lætítia.

Ego áutem dixi in abun-
dántia mea : * Non movébor
in ætérnum.

Dómine in voluntáte tua, *
præstitisti decóri meo virtú-
tem.

Avertisti fáciem tuam a
me, * et factus sum contur-
bátus.

Ad te Dómine clamábo : *

et ad Deum meum deprecabor.

Quæ utilitas in sanguine meo, * dum descendo in corruptionem?

Numquid confitebitur tibi pulvis, * aut annuntiabit veritatem tuam?

Audivit Dominus, et miseratus est mei : * Dominus factus est adiutor meus.

Convertisti planctum meum in gaudium mihi : * conscidisti saccum meum, et circumdedisti me lætitia :

Ut cantet tibi glória mea, et non compungar : * Domine Deus meus in ætérnum confitebor tibi.

Ant. Adoráte Dóminum in aula sancta ejus.

Ant. In tua justitia.

Psalmus 30.

In te Dómine sperávi, non confundar in ætérnum : * in justitia tua libera me.

Inclína ad me áurem tuam, * accéléra ut éruas me.

Esto mihi in Deum protectórem : et in domum refúgii, * ut salvum me fácias.

Quóniam fortitúdo mea, et refúgium meum es tu : * et propter nomen tuum dedúces me, et enútries me.

Edúces me de láqueo hoc, quem abscondérunt mihi : * quóniam tu es protector meus.

In manus tuas comméndo spiritum meum : * redemisti me Dómine Deus veritátis.

Odisti observántes vanitátes, * supervácue.

Ego áutem in Dómino sperávi : * exsultábo, et lætabor in misericórdia tua.

Quóniam respexisti humilitátem meam, * salvásti de necessitátibus ánimam meam.

Nec conclusísti me in má nibus inimíci : * státuísti in loco spatióso pedes meos.

Miserére mei Dómine quóniam tribulor : * conturbátus est in ira óculus meus, ánima mea, et venter meus :

Quóniam defécit in dolore vita mea : * et anni mei in gemítibus.

Infirmáta est in paupertáte virtus mea : * et ossa mea conturbáta sunt.

Super omnes inimicos meos factus sum opprobrium et vicinis meis valde : * et timor notis meis.

Qui vidébant me, foras fugérunt a me : * oblivióni datus sum, tamquam mórtuus a corde.

Factus sum tamquam vas pérditum : * quóniam audívi vituperatió nem multórum commorántium in circúitu.

In eo dum convenirent simul advérsus me, * accíper e ánimam meam consiliáti sunt.

Ego áutem in te sperávi Dómine : * dixi : Deus meus es tu : in má nibus tuis sortes meæ.

Eripe me de manu inimicórum meórum, * et a persequéntibus me.

Illústra faciém tuam super

servum tuum, salvum me fac in misericórdia tua : * Dómine non confúndar, quóniam invocávi te.

Erubéscant impii, et deducántur in inférnum : * muta fiant lábia dolósa.

Quæ loquúntur advérsus justum iniquitátem, * in supérbia, et in abusióne.

Quam magna multitúdo dulcedinis tuæ Dómine, * quam abscondisti timéntibus te.

Perfecisti eis, qui sperant in te, * in conspéctu filiórum hóminum.

Abscóndes eos in abscondito facièi tuæ * a conturbatióne hóminum.

Próteges eos in tabernáculo tuo * a contradicióne linguárum.

Benedictus Dóminus : * quóniam mirificávit misericórdiam suam mihi in civitate munita.

Ego áutem dixi in excéssu mentis meæ : * Projéctus sum a fácie oculórum tuórum.

Ideo exaudisti vocem orationis meæ, * dum clamárem ad te.

Diligite Dóminum omnes sancti ejus : * quóniam veritátem requireret Dóminus, et retribuet abundánter faciéntibus supérbiam.

Viriliter ágite, et confortétur cor vestrum, * omnes qui sperátis in Dómino.

Psalmus 31.

BEÁTI quorum remissæ sunt iniquitates : * et quorum tecta sunt peccáta.

Beátus vir, cui non imputávit Dóminus peccátum, * nec est in spiritu ejus dolus.

Quóniam tácuí, inveteráverunt ossa mea, * dum clamárem tota die.

Quóniam die ac nocte graváta est super me manus tua : * convérsus sum in ærúmna mea, dum configitur spina.

Delictum meum cógnitum tibi feci : * et injustitiam meam non abscondi.

Dixi : Confitébor advérsus me injustitiam meam Dómino : * et tu remisisti impietátem peccáti mei.

Pro hac orábit ad te omnis sanctus, * in témpore opportúno.

Verúmtamen in dilúvio aquárum multárum, * ad eum non approximábunt.

Tu es refúgium meum a tribulatióne, quæ circúmdedit me : * exsultatio mea érue me a circúmdántibus me.

Intelléctum tibi dabo, et instruam te in via hac, qua gradiéris : * firmábo super te óculos meos.

Nolíte fieri sicut equus et mulus, * quibus non est intelléctus.

In camo et freno maxillas eórum constrínge, * qui non appróximant ad te.

Multa flagélla peccatóris, * sperántem áutem in Dómino misericórdia circúmdabit.

Lætámini in Dómino et

exsultáte justi, * et gloriámini omnes recti corde.

Ant. In tua justitia libera me Dómine.

Ant. Rectos decet.

Psalmus 32.

EXSULTÁTE justi in Dómino : * rectos decet collaudátio.

Confitémini Dómino in cíthara : * in psaltério decem chordárum psállite illi.

Cantáte ei cánticum novum : * bene psállite ei in vociferatióne.

Quia rectum est verbum Dómini, * et ómnia ópera ejus in fide.

Diligit misericórdiam et iudícium : * misericórdia Dómini plena est terra.

Verbo Dómini cæli firmáti sunt : * et spirítu oris ejus omnis virtus eórum.

Cóngregans sicut in utre aquas maris : * ponens in thesáuris abyssos.

Timeat Dóminum omnis terra : * ab eo áutem commoveántur omnes inhabitántes orbem.

Quóniam ipse dixit, et facta sunt : * ipse mandávit, et creáta sunt.

Dóminus dissipat consília géntium : * réprobat áutem cogitatiónes populórum, et réprobat consilia príncipum.

Consílium áutem Dómini in ætérnum manet : * cogitatiónes cordis ejus in generatióne et generatióne.

Beáta gens, cujus est Dó-

minus, Deus ejus : * pópulus, quem elégit in hereditátem sibi.

De cælo respéxit Dóminus : * vidit omnes filios hóminum.

De præparáto habitáculo suo * respéxit super omnes, qui hábitant terram.

Qui finxit sigillátim corda eórum : * qui intélligit ómnia ópera eórum.

Non salvátur rex per multam virtútem : * et gigas non salvábitur in multitudine virtútis suæ.

Fallax equus ad salútem : * in abundántia áutem virtútis suæ non salvábitur.

Ecce óculi Dómini super metuéntes eum : * et in eis, qui sperant super misericórdia ejus :

Ut éruat a morte ánimas eórum : * et alat eos in fame.

Anima nostra sústinet Dóminum : * quóniam adjútor et protéctor noster est.

Quia in eo lætábitur cor nostrum : * et in nómine sancto ejus sperávimus.

Fiat misericórdia tua Dómine super nos : * quemádmódum sperávimus in te.

Psalmus 33.

BENEDÍCAM Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuétí, et læténtur.

Magnificáte Dóminum mecum : * et exaltémus nomen ejus in idípsum.

Exquisivi Dóminum, et exaudivit me : * et ex ómnibus tribulatióibus meis eripuit me.

Accédite ad eum, et illuminámini : * et fácies vestrae non confundéntur.

Iste páuper clamávit, et Dóminus exaudivit eum : * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : * et erípiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum omnes sancti ejus : * quóniam non est inópia timéntibus eum.

Dívites eguérunt et esuriérunt : * inquirentes áutem Dóminum non minuéntur omni bono.

Venite filii, audite me : * timórem Dómini docébo vos.

Quis est homo qui vult vitam : * diligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquire pacem, et perséquare eam.

Oculi Dómini super justos : * et áures ejus in precibus eórum.

Vultus áutem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : * et ex

ómnibus tribulatióibus eórum liberávit eos.

Juxta est Dóminus iis, qui tribuláto sunt corde : * et húmiles spíritu salvábit.

Multae tribulatióes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum, delinquent.

Rédimet Dóminus ánimas servórum suórum : * et non delinquent omnes qui sperant in eo.

Ant. Rectos decet collaudatio.

Ant. Expúgna.

Psalmus 34.

JÚDICA Dómine nocéntes me, * expúgna impugnantes me.

Apprehénde arma et scutum : * et exsúrge in adiutorium mihi.

Effúnde frámeam, et clúde advérsus eos, qui persequúntur me : * dic animæ meæ : Salus tua ego sum.

Confundántur et reveleántur, * quæréntes animam meam.

Avertántur retrórsum, et confundántur * cogitantes mihi mala.

Fiant tamquam pulvis ante faciém venti : * et Angelus Dómini coárctans eos.

Fiat via illórum ténebræ et lúbricum : * et Angelus Dómini pérsequens eos.

Quóniam gratis abscondérunt mihi intéritum láquei sui : * supervácue exprobráverunt ánimam meam.

Véniat illi láqueus, quem ignórat : et cáptio, quam abscondit, apprehéndat eum : * et in láqueum cadat in ipsum.

Anima áutem mea exsultábit in Dómino : * et delectábitur super salutári suo.

Omnia ossa mea dicent : * Dómine, quis similis tibi?

Eripiens ínopem de manu fortiórum ejus : * egénium et páuperem a diripiéntibus eum.

Surgéntes testes iníqui, * quæ ignorábam interrogábant me.

Retribuébant mihi mala pro bonis : * sterilitátem ánimæ meæ.

Ego áutem, cum mihi molésti essent, * induébar cilicio.

Humiliábam in jejúnio ánimam meam : * et orátio mea in sinu meo convertétur.

Quasi próximum, et quasi fratrem nostrum, sic complacébam : * quasi lugens et contristátus, sic humiliábar.

Et advérsum me lætáti sunt, et convenérunt : * congregáta sunt super me flagélla, et ignorávi.

Dissipáti sunt, nec compúncti, tentavérunt me, subsannavérunt me subsannatióne : * frenduérunt super me déntibus suis.

Dómine quando respi-

cies? * restitue ánimam meam a malignitáte eórum, a leónibus únicam meam.

Confitébor tibi in ecclésia magna, * in pópulo gravi laudábo te.

Non supergáudeant mihi qui adversántur mihi iníque : * qui odérunt me gratis et ánnuunt óculis.

Quóniam mihi quidem pacífice loquebántur : * et in iracúndia terræ loquéntes, dolos cogitábant.

Et dilatavérunt super me os suum : * dixerunt : Euge, euge, vidérunt óculi nostri.

Vidísti Dómine, ne síleas : * Dómine ne discédas a me.

Exsúrge et inténde iudicio meo : * Deus meus, et Dóminus meus in cáusam meam.

Júdica me secúndum justítiam tuam Dómine Deus meus, * et non supergáudeant mihi.

Non dicant in córdibus suis : Euge, euge, ánimæ nostræ : * nec dicant : Devorávimus eum.

Erubéscant, et revereántur simul, * qui gratulántur malis meis.

Induántur confusióne et reveréntia * qui magna loquúntur super me.

Exsúltent et læténtur qui volunt justítiam meam : * et dicant semper : Magnificétur Dóminus, qui volunt pacem servi ejus.

Et lingua mea meditábitur

justitiam tuam, * tota die
láudem tuam.

Psalmus 35.

DIXIT injústus ut delinquat
in semetípso : * non est
timor Dei ante óculos ejus.

Quóniam dolóse egit in
conspéctu ejus : * ut inve-
niátur iniquitas ejus ad
ódium.

Verba oris ejus iniquitas,
et dolus : * nóluit intelligere
ut bene ágeret.

Iniquitátem meditátus est
in cubili suo : * ádstitit omni
viæ non bonæ, malítiam áu-
tem non odivit.

Dómine in cælo misericór-
dia tua : * et véritas tua us-
que ad nubes.

Justitia tua sicut montes
Dei : * judicia tua abyíssus
multa.

Hómines et juménta sal-
vábis Dómine : * quemád-
modum multiplicásti miseri-
córdiam tuam Deus.

Filii áutem hóminum, * in
tégmine alárum tuárum spe-
rábunt.

Inebriabúntur ab ubertáte
domus tuæ : * et torrénte
voluptátis tuæ potábis eos.

Quóniam apud te est fons
vitæ : * et in lúmine tuo vi-
debimus lumen.

Præténde misericórdiam
tuam sciéntibus te, * et justí-
tiam tuam his, qui recto sunt
corde.

Non véniat mihi pes su-
pérbiæ : * et manus pecca-
tórís non móveat me.

Ibi cecidérunt qui operán-

tur iniquitátem : * expúl-
si sunt, nec potuérunt stare.

Ant. Expúгна impugnán-
tes me.

Ant. Revéla.

Psalmus 36.

NOLI æmulári in malignán-
tibus : * neque zeláveris
faciéntes iniquitátem.

Quóniam tamquam fœnum
velócitè aréscent : * et quem-
ádmodum ólera herbárum
cito décident.

Spera in Dómino, et fac
bonitátem : * et inhábita
terram, et pascéris in divítiis
ejus.

Delectáre in Dómino : * et
dabit tibi petitiónes cordis
tui.

Revéla Dómino viam tuam,
et spera in eo : * et ipse fáci-
et.

Et edúcet quasi lumen ju-
stitiam tuam : et judícium
tuum tamquam merídiem : *
súbditus esto Dómino, et ora
eum.

Noli æmulári in eo, qui
prosperátur in via sua : * in
hómine faciénte injustítias.

Désine ab ira, et derelin-
que furórem : * noli æmulári
ut malignéris.

Quóniam qui malignántur,
exterminabúntur : * susti-
néntes áutem Dóminum, ipsi
hereditábunt terram.

Et adhuc pusillum, et non
erit peccátor : * et quæres
locum ejus, et non invénies.

Mansuétí áutem hereditá-
bunt terram : * et delecta-
búntur in multitudíne pacis.

Observábit peccátor ju-

stum : * et stridébit super eum déntibus suis.

Dóminus áutem irridébit eum : * quóniam próspicit quod véniet dies ejus.

Gládium evaginavérunt peccatóres : * intendérunt arcum suum,

Ut dejiciant páuperem et inopem : * ut trucident rectos corde.

Gládus eórum intret in corda ipsórum : * et arcus eórum confringátur.

Mélius est módicum justo, * super divítias peccatórum multas.

Quóniam bráchia peccatórum conteréntur : * confirmat áutem justos Dóminus.

Novit Dóminus dies immaculatórum : * et heréditas eórum in ætérnum erit.

Non confundéntur in tēpore malo, et in diébus famis saturabúntur : * quia peccatóres peribunt.

Inimíci vero Dómini mox ut honorificáti fúerint et exaltáti : * deficientes, quemádmódum fumus deficient.

Mutuábitur peccátor, et non solvet : * justus áutem miserétur et tribuet.

Quia benedicéntes ei hereditábunt terram : * maledicéntes áutem ei disperibunt.

Apud Dóminum gressus hóminis dirigéntur : * et viam ejus volet.

Cum ceciderit, non collidétur : * quia Dóminus supponit manum suam.

Júnior fui, étenim sénuí : * et non vidi justum derelictum, nec semen ejus quærens panem.

Tota diemiserétur et comodat : * et semen illius in benedictióne erit.

Declína a malo, et fac bonum : * et inhábita in sæculum sæculi.

Quia Dóminus amat judícium, et non derelinquet sanctos suos : * in ætérnum conservabúntur.

Injústi puniéntur : * et semen impiórum peribit.

Justi áutem hereditábunt terram : * et inhabitábunt in sæculum sæculi super eam.

Os justí meditábitur sapiéntiam, * et lingua ejus loquétur judícium.

Lex Dei ejus in corde ipsíus : * et non supplantabúntur gressus ejus.

Consíderat peccátor justum : * et quærit mortificáre eum.

Dóminus áutem non derelinquet eum in mánibus ejus : * nec damnábit eum, cum judicábitur illi.

Exspécta Dóminum, et custódi viam ejus : et exaltábit te ut hereditáte cápías terram : * cum perierint peccatóres vidébis.

Vidi ímpium superexaltatum, * et elevátum sicut cedros Líbani.

Et transívi, et ecce non erat : * et quæsívi eum, et non est invéntus locus ejus.

Custódi innocéntiam, et

vide æquitatem : * quóniam sunt reliquiæ hómini pacífico.

Injústi áutem disperibunt simul : * reliquiæ impiórum interibunt.

Salus áutem justórum a Dómino : * et protéctor eórum in témpore tribulatiónis.

Et adjuvábít eos Dóminus, et liberábít eos : * et éruet eos a peccatóribus, et salvábít eos : quia speravérunt in eo.

Psalmus 37.

DÓMINE ne in furóre tuo árguas me, * neque in ira tua corripas me.

Quóniam sagittæ tuæ infixæ sunt mihi : * et confirmásti super me manum tuam.

Non est sánitas in carne mea a fácie iræ tuæ : * non est pax óssibus meis a fácie peccatórum meórum.

Quóniam iniquitátes meæ supergréssæ sunt caput meum : * et sicut onus grave gravátæ sunt super me.

Putruérunt et corrúptæ sunt cicatríces meæ, * a fácie insipientiæ meæ.

Miser factus sum, et curvátus sum usque in finem : * tota die contristátus ingredióbar.

Quóniam lumbi mei impléti sunt illusió nibus : * et non est sánitas in carne mea.

Afflictus sum, et humiliátus sum nimis : * rugiébam a gémitu cordis mei.

Dómine ante te omne desiderium meum : * et gémitus meus a te non est absconditus.

Cor meum conturbátum est, dereliquit me virtus mea : * et lumen oculórum meórum, et ipsum non est mecum.

Amíci mei, et próximi mei * advérsus me appropinquavérunt, et steterunt.

Et qui juxta me erant, de longe steterunt : * et vim faciébant qui quærébant ánimam meam.

Et qui inquirebant mala mihi, locúti sunt vanitátes : * et dolos tota die meditábantur.

Ego áutem tamquam surdus non audiébam, * et sicut mutus non apériens os suum.

Et factus sum sicut homo non áudiens : * et non habens in ore suo redargutiónes.

Quóniam in te Dómine sperávi : * tu exáudies me Dómine Deus meus.

Quia dixi : Nequándo supergaudeant mihi inimíci mei : * et dum commóvetur pedes mei, super me magna locúti sunt.

Quóniam ego in flagélla parátus sum : * et dolor meus in conspéctu meo semper.

Quóniam iniquitatem meam annuntiábo : * et cogitábo pro peccáto meo.

Inimíci áutem mei vivunt, et confirmáti sunt super

me : * et multiplicáti sunt qui odérunt me inique.

Qui retribuunt mala pro bonis, detrahébant mihi : * quóniam sequébar bonitátem.

Ne derelinquas me Dómine Deus meus : * ne discesseris a me.

Inténde in adjutórium meum, * Dómine Deus salútis meæ.

Ant. Revéla Dómino viam tuam.

Per Annum, ꝑ. Dómine in cælo misericórdia tua. **℟.** Et véritas tua usque ad nubes.

Pro uno Mart. ꝑ. Glória et honóre coronásti eum Dómine. **℟.** Et constituísti eum super ópera mánuum tuárum.

Pro plur. Mart. ꝑ. Lætámini in Dómino, et exultáte justi. **℟.** Et gloriámini omnes recti corde.

Pro Conf. Pont. et non Pont. ꝑ. Amávit eum Dóminus, et ornávit eum. **℟.** Stolum glóriæ induit eum.

Pro una Sancta. ꝑ. Spécie tua et pulchritúdine tua. **℟.** Inténde, prospere procéde, et regna.

AD LAUDES

ꝑ. Deus in adjutórium. 17.

Ant. Miserére.

Psalmus 50.

MISERÉRE mei Deus, * secúndum magnam misericórdiam tuam.

Et secúndum multítudi-

nem miseratiónum tuárum, * dele iniquitátem meam.

Amplius lava me ab iniquitáte mea : * et a peccáto meo munda me.

Quóniam iniquitátem meam ego cognósco : * et peccátum meum contra me est semper.

Tibi soli peccávi, et malum coram te feci : * ut justificéris in sermónibus tuis, et vincas cum judicáris.

Ecce enim in iniquitátibus concéptus sum : * et in peccátis concépit me mater mea.

Ecce enim veritátem dilexisti : * incérta et occúlta sapiéntiæ tuæ manifestásti mihi.

Aspérges me hyssópo, et mundábor : * lavábis me, et super nivem dealbábor.

Auditui meo dabis gáudium et lætitiám : * et exultábunt ossa humiliáta.

Avérte fáciem tuam a peccátis meis : * et omnes iniquitátes meas dele.

Cor mundum crea in me Deus : * et spíritum rectum innova in viscéribus meis.

Ne projicias me a fácie tua : * et Spíritum sanctum tuum ne áuferas a me.

Redde mihi lætitiám salutaris tui : * et spíritu princípáli confirma me.

Docébo iníquos vias tuas : * et impíi ad te converténtur.

Líbera me de sanguinibus Deus, Deus salútis meæ : * et

exsultábit lingua mea justitiam tuam.

Dómine lábia mea apéries : * et os meum annuntiábit láudem tuam.

Quóniam si voluisses sacrificium, dedissem útique : * holocáustis non delectáberis.

Sacrificium Deo spiritus contribulátus : * cor contritum, et humiliátum Deus non despicias.

Benigne fac Dómine in bona voluntáte tua Sion : * ut ædificéntur muri Jerúsalem.

Tunc acceptábis sacrificium justitiæ, oblatiónes, et holocáusta : * tunc impónent super altáre tuum vítulos.

Ant. Miserére mei Deus.

Ant. Intéllige.

Psalmus 5.

VERBA mea áuribus pércipe Dómine, * intéllige clamórem meum.

Inténde voci oratiónis meæ, * rex meus et Deus meus.

Quóniam ad te orábo : * Dómine mane exáudies vocem meam.

Mane adstábo tibi et vídebo : * quóniam non Deus volens iniquitátem tu es.

Neque habitábit juxta te malignus : * neque permanébunt injústi ante óculos tuos.

Odisti omnes, qui operántur iniquitátem : * perdes omnes, qui loquúntur mendácium.

Virum sánguinem et do-

lósium abominábitur Dóminus : * ego áutem in multitúde misericórdiæ tuæ.

Introibo in domum tuam : * adorábo ad templum sanctum tuum in timóre tuo.

Dómine deduc me in justitia tua : * propter inimicos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos Deus.

Décidant a cogitatióibus suis, secúndum multitudinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedices justo.

Dómine ut scuto bonæ voluntátis tuæ * coronásti nos.

Ant. Intéllige clamórem meum Dómine.

Ant. Deus Deus meus * ad te de luce vígilo.

Ps. idem, ut supra. 17.

Ant. Convérsus est.

Canticum Isaiaë Prophetæ.

Cap. 12.

CONFITEBOR tibi Dómine, quóniam irátus es mihi : * convérsus est furor tuus, et consolátus es me.

Ecce Deus salvátor meus,*
fiduciáliter agam, et non ti-
mébo.

Quia fortitúdo mea, et laus
mea Dóminus,* et factus est
mihi in salútem.

Hauriétis aquas in gáudio
de fóntibus Salvatóris : * et
dicétis in die illa : Confité-
mini Dómino, et invocáte
nomen ejus :

Notas fácite in pópulis
adinventiões ejus : * me-
mentóte quóniam excélsum
est nomen ejus.

Cantáte Dómino quóniam
magnifice fecit : * annuntiáte
hoc in univérſa terra.

Exsúlta, et láuda habitá-
tio Sion : * quia magnus in
medio tui sanctus Israël.

Ant. Convérsus est furor
tuus Dómine, et consolátus
es me.

Ant. Laudáte * Dóminum
de cælis.

Ps. idem, ut supra. 19.

*Capit. sequens dicitur in
fer. Offic. ab Oct. Penteco-
stes usque ad Adventum.*

Capitulum. Rom. 13. d
Nox præcéssit, dies áutem
appropinquávit. Abji-
ciámus ergo ópera tene-
brárum, et induámur arma
lucis. Sicut in die honéste
ambulémus.

Hymnus.

SPLENDOR patérnæ glóriæ,
De luce lucem prófe-
rens,
Lux lucis, et fons lúmi-
nis,
Diem dies illúminans :

Verúsque sol illábere,
Micans nitóre pérpeti :
Jubárque sancti Spíritus
Infúnde nostris sénsibus.

Votis vocémus et Patrem,
Patrem poténtis grátiae,
Patrem perénnis glóriæ :
Culpam reléget lúblicam.

Confirmet actus strénuos :
Dentes retúndat invidi :
Causas secúndet ásperos :
Agénda recte dirigat.

Mentem gubérnet et regat :
Sit pura nobis cástitas :
Fides calóre férveat :
Fráudis venéna nésciat.

Christúsque nobis sit ci-
bus,

Potúsque noster sit fides :
Læti bibámus sóbriam
Profusiónem Spíritus.

Lætus dies hic tránseat :
Pudor sit ut dilúculum :
Fides velut merídiēs :
Crepúsculum mens nésciat.

Auróra lucem próvehit,
Cum luce nobis pródeat
In Patre totus Fílius,
Et totus in Verbo Pater.

Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sáeculum.
Amen.

Per Annum, V. Repléti
sumus mane misericórdia
tua. *R.* Exsultávimus, et de-
lectáti sumus.

Ad Bened. Ant. Benedí-
ctus * Dóminus Deus Israël.

*In Feriis Quatuor Tempo-
rum, et Vigiliarum quæ je-
junantur, post Ant. ad Bene-
dictus dicuntur seq. Preces*

flexis genibus : aliis temporibus non dicuntur.

KYRIE eléison. Christe eléison. Kyrie eléison.

Pater noster. **totum dicitur clara voce etiam in Vesperis.**

Ÿ. Et ne nos indúcas in tentatióem. **R.** Sed libera nos a malo.

Ÿ. Ego dixi : Dómine miserére mei. **R.** Sana animam meam, quia peccávi tibi.

Ÿ. Convértere Dómine úsquequo. **R.** Et deprecábilis esto super servos tuos.

Ÿ. Fiat misericórdia tua Dómine super nos. **R.** Quemádmódum sperávimus in te.

Ÿ. Sacerdótes tui induántur justítiam. **R.** Et sancti tui exsúltent.

Ÿ. Dómine salvum fac regem. **R.** Et exáudi nos in die, qua invocáverimus te.

Ÿ. Salvum fac pópulum tuum Dómine, et bénedic hereditáti tuæ. **R.** Et rege eos, et extólle illos usque in ætérnum.

Ÿ. Meménto congregatiónis tuæ. **R.** Quam possedísti ab initio.

Ÿ. Fiat pax in virtúte tua. **R.** Et abundantia in túrribus tuis.

Ÿ. Orémus pro fidélibus defúctis. **R.** Réquiem ætérnam dona eis Dómine, et lux perpétua lúceat eis.

Ÿ. Requiéscant in pace. **R.** Amen.

Ÿ. Pro frátribus nostris

abséntibus. **R.** Salvos fac servos tuos Deus meus, sperántes in te.

Ÿ. Pro afflictis et captivis.

R. Libera eos Deus Israël ex ómnibus tribulatióibus suis.

Ÿ. Mitte eis Dómine auxilium de sancto. **R.** Et de Sion tuére eos.

Ÿ. Dómine exáudi oratióem meam. **R.** Et clamor meus ad te véniat.

Deinde dicitur

Psalmus 129.

DE profúndis clamávi ad te Dómine : * Dómine exáudi vocem meam.

Fiant áures tuæ intendéntes, * in vocem deprecatiónis meæ.

Si iniquitátes observáveris Dómine : * Dómine quis sustinébit?

Quia apud te propitiatio est : * et propter legem tuam sustinui te Dómine.

Sustinuit ánima mea in verbo ejus : * sperávit ánima mea in Dómino.

A custódia matutína usque ad noctem : * speret Israël in Dómino.

Quia apud Dóminum misericórdia : * et copiósia apud eum redemptio.

Et ipse rédimet Israël, * ex ómnibus iniquitatibus ejus.

Glória Patri.

Finito Psalmo, dicitur

Ÿ. Dómine Deus virtútum convérte nos. **R.** Et osténde faciém tuam, et salvi érimus.

Ÿ. Exsúrge Christe, ad-

juva nos. *R.* Et libera nos propter nomen tuum.

Y. Dómine exáudi oratió-
nem meam. *R.* Et clamor
meus ad te véniat.

Y. Dóminus vobíscum. *R.*
Et cum spíritu tuo.

Deinde dicitur Oratio pro-
pria. Et quando in feriali
Officio fiunt Commem. com-
munes de S. Maria, de S. Jo-
seph, de Apostolis, de Titulo,
et de Pace, ante eas tam in
Laud. quam in Vesp. fit se-
quens Commem. de Cruce.

Ant. Per signum Crucis de
inimicis nostris libera nos
Deus noster.

Y. Omnis terra adóret te,
et psallat tibi. *R.* Psalmum
dicat nómini tuo Dómine.

Orémus. *Oratio.*

PERPÉTUA NOS, quæsumus
Dómine, pace custódi:
quos per lignum sanctæ
Crucis redimere dignátus
es.

Quæ Commem. de Cruce
fit etiam quando non dicun-
tur Preces, in feriali tantum
Officio.

FERIA TERTIA

AD MATUTINUM

Invit. Jubilémus Deo, *
Salutári nostro.

Ps. Veníte, exsultémus. 2.

Hymnus.

CONSORS patérni lúminis,
Lux ipse lucis, et dies,
Noctem canéndo rúmpimus:
Assiste postulántibus.

Aufer tenébras méntium,
Fuga catérvas dáemonum,

Expélle somnoléntiam,
Ne pigritántes óbruat.

Sic Christe nobis ómnibus
Indúlgeas credéntibus,
Ut prosit exorántibus,
Quod præcinéntes psállí-
mus.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

Ant. Ut non delínquam.

Psalmus 38.

DIXI: Custódiam vias me-
as: * ut non delinquam
in lingua mea.

Pósui ori meo custódiam,*
cum consisteret peccátor
advérsus me.

Obmútui, et humiliátus
sum; et silui a bonis: * et
dolor meus renovátus est.

Concáluit cor meum intra
me: * et in meditatióne mea
exardéscet ignis.

Locútus sum in lingua
mea: * Notum fac mihi Dó-
mine finem meum,

Et númerum diérum meó-
rum quis est: * ut sciam quid
desit mihi.

Ecce mensurábiles posui-
sti dies meos: * et substántia
mea tamquam nihilum ante
te.

Verúmtamen univérsa vá-
nitas, * omnis homo vi-
vens.

Verúmtamen in imágine
pertránsit homo: * sed et
frustra conturbátur.

Thesaurizat: * et ignórat
cui congregábit ea.

Et nunc quæ est exspectatio mea? Nonne Dóminus? * Et substantia mea apud te est.

Ab ómnibus iniquitatibus meis érue me: * oppróbrium insipiénti dedísti me.

Obmútui, et non apérui os meum, quóniam tu fecísti: * ámove a me plagas tuas.

A fortitúdine manus tuæ ego deféci in increpationibus: * propter iniquitatem corripuísti hóminem.

Et tabéscere fecísti sicut aráneam ánimam ejus: * verúm tamen vane conturbátur omnis homo.

Exáudi orationem meam Dómine, et deprecationem meam: * áuribus pécipe lácrymas meas.

Ne sileas: quóniam ádvena ego sum apud te, et peregrínus, * sicut omnes patres mei.

Remitte mihi, ut refrigerer priúsqvam ábeam, * et ámplius non ero.

Psalmus 39.

EXSPÉCTANS expectávi Dóminum, * et inténdit mihi.

Et exáudívit preces meas: * et edúxit me de lacu misériæ, et de luto fáecis.

Et státuit super petram pedes meos: * et diréxit gressus meos.

Et immísit in os meum cánticum novum, * carmen Deo nostro.

Vidébunt multi, et timé-

bunt: * et sperábunt in Dómino.

Beátus vir, cujus est nomen Dómini spes ejus: * et non respéxit in vanitátes et insánias falsas.

Multa fecísti tu Dómine Deus meus mirabilia tua: * et cogitationibus tuis non est qui similis sit tibi.

Annuntiávi, et locútus sum: * multiplicáti sunt super númerum.

Sacrificium et oblationem noluísti: * áures áutem perfecísti mihi.

Holocáustum et pro peccáto non postulásti: * tunc dixi: Ecce vénio.

In cápite libri scriptum est de me ut fácerem voluntatem tuam: * Deus meus vólui, et legem tuam in médio cordis mei.

Annuntiávi justítiam tuam in ecclésia magna, * ecce lábia mea non prohibébo: Dómine tu scísti.

Justítiam tuam non abscondi in corde meo: * veritatem tuam et salutáre tuum dixi.

Non abscondi misericórdiam tuam, et veritatem tuam * a concilio multo.

Tu áutem Dómine ne longe fácias miseratiónes tuas a me: * misericórdia tua et véritas tua semper suscepérunt me.

Quóniam circumdedérunt me mala, quorum non est númerus: * comprehendérunt me iniquitátes meæ, et non pótui ut vidérem.

Multiplicátæ sunt super capillos cápitis mei : * et cor meum dereliquit me.

Compláceat tibi Dómine ut éruas me : * Dómine ad adiuvándum me respice.

Confundántur et revereántur simul, qui quærunt ánimam meam, * ut áuferant eam.

Convertántur retrórsum, et revereántur, * qui volunt mihi mala.

Ferant conféstim confusiónem suam, * qui dicunt mihi : Euge, éuge.

Exsúltent, et læténtur super te omnes quæréntes te : * et dicant semper : Magnificétur Dóminus : qui diligunt salutáre tuum.

Ego áutem mendicus sum, et páuper : * Dóminus sollicitus est mei.

Adjutor meus, et protéctor meus tu es : * Deus meus ne tardáveris.

Ant. Ut non delinquam in lingua mea.

Ant. Sana.

Psalmus 40.

BEÁTUS qui intélligit super egénium, et páuperem : * in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra : * et non tradat eum in ánimam inimicórum ejus.

Dóminus opem ferat illi super lectum dolóris ejus : * univérsum stratum ejus verássti in infirmitáte ejus.

Ego dixi : Dómine misérere mei : * sana ánimam meam, quia peccávi tibi.

Inimíci mei dixerunt mala mihi : * Quando moriétur, et peribit nomen ejus?

Et si ingrediebátur ut vidéret, vana loquebátur, * cor ejus congregávit iniquitátem sibi.

Egrediebátur foras, * et loquebátur in idípsium.

Advérsum me susurrábant omnes inimíci mei : * advérsum me cogitábant mala mihi.

Verbum iníquum constítuerunt advérsum me : * Numquid qui dormit non adjíciet ut resúrgat?

Etenim homo pacis meæ, in quo sperávi : * qui edébat panes meos, magnificávit super me supplantatiónem.

Tu áutem Dómine misérere mei, et resúscita me : * et retribuam eis.

In hoc cognóvi quóniam voluisti me : * quóniam non gaudébit inimicus meus super me.

Me áutem propter innocentiam suscepisti : * et confirmásti me in conspéctu tuo in ætérnum.

Benedictus Dóminus Deus Israël a sáculo et usque in sáculum : * fiat, fiat.

Psalmus 41.

QUEMÁDMODUM desiderat cervus ad fontes aquárum : * ita desiderat ánima mea ad te Deus.

Sitívit ánima mea ad Deum

fortem vivum : * quando véniam, et apparébo ante fáciem Dei?

Fuérunt mihi lácrymæ meæ panes die ac nocte : * dum dicitur mihi quotidie : Ubi est Deus tuus?

Hæc recordátus sum, et effúdi in me ánimam meam : * quóniam transíbo in locum tabernáculi admirábilis, usque ad domum Dei.

In voce exsultatiónis et confessiónis : * sonus epulántis.

Quare tristis es ánima mea? * et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Ad meípsum ánima mea conturbáta est : * propterea memor ero tui de terra Jordánis, et Hermóniim a monte módico.

Abýssus abyýssum invo-cat, * in voce cataractárum tuárum.

Omnia excélsa tua, et fluctus tui * super me transiérent.

In die mandávit Dóminus misericórdiam suam : * et nocte cánticum ejus.

Apud me orátio Deo vitæ meæ, * dicam Deo : Suscéptor meus es.

Quare oblítus es mei? * et quare contristátus incédo, dum affligit me inimícus?

Dum confringúntur ossa mea, * exprobravérunt mi-

hi, qui tribulant me inimíci mei.

Dum dicunt mihi persingulos dies : Ubi est Deus tuus? * quare tristis es ánima mea, et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Ant. Sana Dómine ánima meam, quia peccávi tibi.

Ant. Eructávit.

Psalmus 43.

DEUS áuribus nostris audívimus : * patres nostri annuntiavérunt nobis.

Opus, quod operátus es in diébus eórum, * et in diébus antiquis.

Manus tua gentes dispérdidit, et plantásti eos : * afflixisti pópulos, et expulisti eos.

Nec enim in gládio suo possederunt terram, * et bráchium eórum non salvávit eos :

Sed délixtera tua, et bráchium tuum, et illuminátio vultus tui : * quóniam complacuisti in eis.

Tu es ipse rex meus et Deus meus : * qui mandas salútes Jacob.

In te inimícos nostros ventilábit cornu, * et in nómine tuo spernémus insurgéntes in nobis.

Non enim in arcu meo sperábo : * et gládius meus non salvábit me.

Salvásti enim nos de affligéntibus nos : * et odiéntes nos confudísti.

In Deo laudábitur tota die : * et in nómine tuo confitébitur in sáeculum.

Nunc áutem repulísti et confudísti nos : * et non egrediéris Deus in virtútibus nostris.

Avertísti nos retrórsum post inimicos nostros : * et qui odérunt nos, diripiébant sibi.

Dedísti nos tamquam oves escárum : * et in géntibus dispersísti nos.

Vendidísti pópulum tuum sine prétio : * et non fuit multitúdo in commutatió-nibus eórum.

Posuísti nos oppróbrium vicinis nostris, * subsanna-tiónem et derisum his, qui sunt in circúitu nostro.

Posuísti nos in similitúdi-nem géntibus : * commotió-nem cápitis in pópulis.

Tota die verecúndia mea contra me est, * et confú-sio faciéi meæ coopérui me.

A voce exprobrántis, et obloquéntis : * a fácie iní-mici et persequéntis.

Hæc ómnia venérunt su-per nos, nec obliti sumus te : * et iníque non égimus in testaménto tuo.

Et non recéssit retro cor nostrum : * et declinásti sé-mitas nostras a via tua :

Quóniam humiliásti nos in loco afflictiónis, * et co-opérui nos umbra mortis.

Si obliti sumus nomen Dei nostri, * et si expándi-

mus manus nostras ad deum aliénum :

Nonne Deus requireret ista? * ipse enim novit abscondita cordis.

Quóniam propter te mor-tificámur tota die : * æstimáti sumus sicut oves occisiónis.

Exsúrge, quare obdórmis Dómine? * exsúrge, et ne repéllas in finem.

Quare fáciem tuam avér-tis, * oblivisceris inópiæ nostræ, et tribulatiónis nostræ?

Quóniam humiliáta est in púlvere ánima nostra : * con-glutinátus est in terra venter noster.

Exsúrge Dómine, ádjuva nos : * et rédime nos propter nomen tuum.

Psalmus 44.

ERUCTÁVIT cor meum ver-bum bonum : * dico ego ópera mea regi.

Lingua mea cálamus scri-bæ, * velóciter scribéntis.

Speciósus forma præ filiis hóminum, diffúsa est grátia in lábiis tuis : * proptérea benedixit te Deus in ætér-num.

Accíngere gládio tuo su-per femur tuum, * potentís-sime.

Spécie tua et pulchritú-dine tua * inténde, prospere procéde, et regna.

Propter veritátem, et man-suetúdinem, et justitiám : * et dedúcet te mirabiliter délixtera tua.

Sagittæ tuæ acútæ, pópuli

sub te cadent : * in corda inimicorum regis.

Sedes tua Deus in sæculum sæculi : * virga directiōnis virga regni tui.

Dilexisti justitiam, et odisti iniquitatem : * propterea unxit te Deus Deus tuus oleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : * ex quibus delectavérunt te filiæ regum in honóre tuo.

Adstitit regina a dextris tuis in vestitu deauráto : * circúmdata varietáte.

Audi filia, et vide, et inclina áurem tuam : * et obli-viscere pópulum tuum, et domum patris tui.

Et concupíscet rex decórem tuum : * quóniam ipse est Dóminus Deus tuus, et adorábunt eum.

Et filiæ Tyri in munéribus * vultum tuum deprecabúntur : omnes divites plebis.

Omnis glória ejus filiæ regis ab intus, * in fimbriis áureis circumamícta varietátibus.

Adducéntur regi vírgines post eam : * próximæ ejus afferéntur tibi.

Afferéntur in lætítia et exsultatióne : * adducéntur in templum regis.

Pro pátribus tuis nati sunt tibi filii : * constitues eos príncipes super omnem terram.

Mémores erunt nóminis

tui * in omni generatióne et generatióne.

Proptérea pópuli confitebúntur tibi in ætérnum : * et in sæculum sæculi.

Ant. Eructávit cor meum verbum bonum.

Ant. Adjutor.

Psalmus 45.

DEUS noster refúgium, et virtus : * adjutor in tribulatió nibus, quæ invenérunt nos nimis.

Proptérea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis ímpetus lætíficat civitátem Dei : * sanctificávit tabernáculum suum Altissimus.

Deus in médio ejus, non commovébitur : * adjuvábít eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum : * suscep tor noster Deus Jacob.

Veníte, et vidéte ópera Dómini, quæ pósuit prodigia super terram : * áuferens bella usque ad finem terræ.

Arcum cónteret, et confringet arma : * et scuta combúret igni.

Vacáte, et vidéte quóniam ego sum Deus : * exaltábor

in gēntibus, et exaltábor in terra.

Dóminus virtútum nobiscum : * suscēptor noster Deus Jacob.

Psalmus 46.

OMNES gentes pláudite má-nibus : * jubiláte Deo in voce exsultatiónis.

Quóniam Dóminus excélsus, terríbilis : * rex magnus super omnem terram.

Subjécit pópulos nobis : * et gentes sub pédibus nostris.

Elégit nobis hereditátem suam : * spéciem Jacob, quam diléxit.

Ascéndit Deus in júbilo : * et Dóminus in voce tubæ.

Psállite Deo nostro, psállite : * psállite regi nostro, psállite.

Quóniam rex omnis terræ Deus : * psállite sapiénter.

Regnabit Deus super gentes : * Deus sedet super sedem sanctam suam.

Principes populórum congregáti sunt cum Deo Abraham : * quóniam dii fortes terræ, veheménter eleváti sunt.

Ant. Adjútor in tribulatió-nibus.

Ant. Magnus Dóminus.

Psalmus 47.

MAGNUS Dóminus, et laudábilis nimis * in civitáte Dei nostri, in monte sancto ejus.

Fundátur exsultatióne univérsæ terræ mons Sion, * látera Aquilónis, civitas regis magni.

Deus in dómibus ejus cognoscétur, * cum suscipiet eam.

Quóniam ecce reges terræ congregáti sunt : * convenérunt in unum.

Ipsi vidéntes sic admiráti sunt, conturbáti sunt, commóti sunt : * tremor apprehéndit eos.

Ibi dolóres ut parturiéntis : * in spiritu veheménti cónteres naves Tharsis.

Sicut audívimus, sic vidimus in civitáte Dómini virtútum, in civitáte Dei nostri : * Deus fundávit eam in ætérnum.

Suscépimus Deus misericórdiam tuam, * in médio templi tui.

Secúndum nomen tuum Deus, sic et laus tua in fines terræ : * justitia plena est dextera tua.

Lætétur mons Sion, et exsúltent filiæ Judæ * propter judicia tua Dómine.

Circúmdate Sion, et complectimini eam : * narráte in túrribus ejus.

Pónite corda vestra in virtúte ejus : * et distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sáculum sáculi : * ipse reget nos in sácula.

Psalmus 48.

AUDÍTE hæc omnes gentes : * áuribus percípите omnes, qui habitátis orbem :

Quique terrigenæ, et filii

hóminum : * simul in unum dives et páuper.

Os meum loquétur sapiéntiam : * et meditatio cordis mei prudéntiam.

Inclinábo in parábolam áurem meam : * apériam in psaltério propositiónem meam.

Cur timébo in die mala? * iniquitas calcánei mei circúmdabit me :

Qui confidunt in virtúte sua : * et in multitudíne divitiárum suárum gloriántur.

Frater non rédimit, rédimet homo : * non dabit Deo placatióem suam.

Et prétium redemptiónis animæ suæ : * et laborábit in ætérnum, et vivet adhuc in finem.

Non vidébit intéritum, cum viderit sapiéntes moriéntes : * simul insípiens, et stultus peribunt.

Et relinquent aliénis divitias suas : * et sepúlcrá eórum domus illórum in ætérnum.

Tabernácula eórum in progénie et progénie : * vocavérunt nómina sua in terris suis.

Et homo, cum in honóre esset, non intelléxit : * comparátus est juméntis insipientibus, et similis factus est illis.

* Hæc via illórum scándalum ipsis : * et póstea in ore suo complacébunt.

Sicut oves in inférno pó-

siti sunt : * mors depáscet eos.

Et dominabúntur eórum justi in matutíno : * et auxilium eórum veteráscet in inférno a glória eórum.

Verúmtamen Deus rédimet ánimam meam de manu inferi, * cum accéperit me.

Ne timúeris cum dives factus fúerit homo : * et cum multiplicáta fúerit glória domus ejus.

Quóniam cum interierit, non sumet ómnia : * neque descéndet cum eo glória ejus.

Quia ánima ejus in vita ipsius benedicétur : * confitébitur tibi cum benefécéris ei.

Introibit usque in progénies patrum suórum : * et usque in ætérnum non vidébit lumen.

Homo, cum in honóre esset, non intelléxit : * comparátus est juméntis insipientibus, et similis factus est illis.

Ant. Magnus Dóminus et laudábilis nimis.

Ant. Deus deórum.

Psalmus 49.

DEUS deórum Dóminus locútus est : * et vocávit terram.

A solis ortu usque ad occásum : * ex Sion spécies decóris ejus.

Deus manifeste véniet : * Deus noster et non silébit.

Ignis in conspéctu ejus

exardescet : * et in circuitu ejus tempestas válida.

Advocabit cælum desursum : * et terram discernere populum suum.

Congregate illi sanctos ejus : * qui ordinant testamentum ejus super sacrificia.

Et annuntiabunt cæli justitiam ejus : * quoniam Deus iudex est.

Audi populus meus, et loquar : Israël, et testificabor tibi : * Deus Deus tuus ego sum.

Non in sacrificiis tuis arguam te : * holocausta autem tua in conspectu meo sunt semper.

Non accipiam de domo tua vitulos : * neque de gregebus tuis hircos.

Quoniam meæ sunt omnes feræ silvarum, * jumenta in montibus et boves.

Cognovi omnia volatilia cæli : * et pulchritudo agri mecum est.

Si esuriero, non dicam tibi : * meus est enim orbis terræ, et plenitudo ejus.

Numquid manducabo carnes taurorum ? * aut sanguinem hircorum potabo ?

Immola Deo sacrificium laudis : * et redde Altissimo vota tua.

Et invoca me in die tribulationis : * eruam te, et honorificabis me.

Peccatori autem dixit Deus : * Quare tu enarras justitias meas, et assumis

testamentum meum per os tuum ?

Tu vero odisti disciplinam : * et projecisti sermones meos retrorsum :

Si vidēbas furem, currēbas cum eo : * et cum adulteris portionem tuam ponēbas.

Os tuum abundavit malitia : * et lingua tua concinabat dolos.

Sedens adversus fratrem tuum loquebaris, et adversus filium matris tuæ ponēbas scandalum : * hæc fecisti, et taciui.

Existimasti inique quod ero tui similis : * arguam te, et statutam contra faciem tuam.

Intelligite hæc qui obliviscimini Deum : * nequando rapiat, et non sit qui eripiat.

Sacrificium laudis honorificabit me : * et illic iter, quo ostendam illi salutare Dei.

Psalmus 51.

QUID gloriaris in malitia, * qui potens es in iniquitate ?

Tota die injustitiam cogitavit lingua tua : * sicut novacula acuta fecisti dolum.

Dilexisti malitiam super benignitatem : * iniquitatem magis quam loqui æquitatem.

Dilexisti omnia verba precipitationis, * lingua dolosa.

Propterea Deus destruet te in finem, * evellat te, et emigrabit te de tabernaculo

tuo : et radicem tuam de terra vivéntium.

Vidébunt justí, et timébunt, et super eum ridébunt, et dicent : * Ecce homo, qui non pósuit Deum adjutórem suum :

Sed sperávit in multítudine divitiárum suárum : * et præváluit in vanitáte sua.

Ego áutem, sicut olíva fructífera in domo Dei, * sperávi in misericórdia Dei in ætérnum : et in sáeculum sáeculi.

Confitébor tibi in sáeculum, quia fecisti : * et expectábo nomen tuum, quóniam bonum est in conspéctu sanctórum tuórum.

Ant. Deus deórum Dóminus locútus est.

Per Annum. *ŷ.* Immola Deo sacrificium láudis. *Ŕ.* Et redde Altíssimo vota tua.

Pro uno Mart. *ŷ.* Posuísti Dómine super caput ejus. *Ŕ.* Corónam de lápide pretiósó.

Pro plur. Mart. *ŷ.* Exsúltent justí in conspéctu Dei. *Ŕ.* Et delecténtur in lætítia.

Pro Conf. Pont. *ŷ.* Elégit eum Dóminus sacerdotem sibi. *Ŕ.* Ad sacrificándum ei hóstiam láudis.

Pro Conf. non Pont. *ŷ.* Os justí meditábitur sapiéntiam. *Ŕ.* Et lingua ejus loquétur judícium.

Pro una Sancta. *ŷ.* Advábit eam Deus vultu suo. *Ŕ.* Deus in médio ejus, non commovébitur.

AD LAUDES

Ant. Dele Dómine * iniquitátem meam.

Ps. Miserére. 57.

Ant. Salutare.

Psalmus 42.

JÚDICA me Deus, et discérne cáusam meam de gente non sancta, * ab hómine iniquo et dolóso érue me.

Quia tu es Deus fortitúdo mea : * quare me repulísti? et quare tristis incédo, dum affligit me inimícus?

Emítte lucem tuam et veritátem tuam : * ipsa me deduxérunt, et adduxérunt in montem sanctum tuum, et in tabernácula tua.

Et introibo ad altáre Dei : * ad Deum, qui lætíficat juventútem meam.

Confitébor tibi in cíthara Deus Deus meus : * quare tristis es ánima mea? et quare contúrbas me?

Spera in Deo, quóniam adhuc confitébor illi : * salutare vultus mei, et Deus meus.

Ant. Salutare vultus mei, et Deus meus.

Ant. Ad te de luce * vígilo Deus.

Ps. Deus Deus meus. 17.

Ant. Cunctis diébus.

Canticum Ezechiae.

Isaiae 38. b

EGO dixi : In dimidio diérum meórum * vadam ad portas inferi.

Quæsívi resíduum annórum meórum. * Dixi : Non

vidébo Dóminum Deum in terra vivéntium.

Non adspiciam hóminem ultra, * et habitatórem quíetis.

Generátio mea abláta est, et convolúta est a me, * quasi tabernáculum pastórum.

Præcisa est veluta texénte, vita mea : dum adhuc ordírer, succídit me : * de mane usque ad vésperam finies me.

Sperábam usque ad mane : * quasi leo sic contrivit ómnia ossa mea :

De mane usque ad vésperam finies me : * sicut pululus hirúndinis sic clamábo, meditábor ut colúmba :

Attenuáti sunt óculi mei, * suspiciéntes in excélsu:

Dómine vim pátiar, respónde pro me. * Quid dicam, aut quid respondébit mihi, cum ipse fécerit?

Recogitábo tibi omnes annos meos * in amaritúdine ánimæ meæ.

Dómine si sic vivitur, et in talibus vita spíritus mei, corripies me, et vivificábis me. * Ecce in pace amaritúdo mea amaríssima :

Tu áutem eruisti ánimam meam, ut non períret : * projecísti post tergum tuum ómnia peccáta mea.

Quia non inférnus confitébitur tibi, neque mors laudábit te : * non exspectábunt qui descéndunt in lacum, veritátem tuam.

Vivens vivens ipse confitébitur tibi, sicut et ego hódie : * pater filiis notam fáciat veritátem tuam.

Dómine salvum me fac, * et psalmos nostros cantábitur cunctis diébus vitæ nostræ in domo Dómini.

Ant. Cunctis diébus vitæ nostræ salvos nos fac Dómine.

Ant. Omnes Angeli ejus * laudáte Dóminum de cælis.

Ps. Laudáte Dóminum de cælis. 19.

Capitulum. Rom. 13. d

Nox præcéssit, dies áutem appropinquávit. Abjiciámus ergo ópera tenebrárum, et induámur arma lucis. Sicut in die honéste ambulémus.

Hymnus.

ALES diéi núntius
Lucem propinquam præcinit :

Nos excitátor méntium
Jam Christus ad vitam vocat.

Auférte, clamat, léctulos,
Ægro sopóre désides :

Castique, recti, ac sóbrii
Vigiláte, jam sum próximus.

Jesum ciámus vóciis,
Flentes, precántes, sóbrii :
Inténta supplicatio

Dormíre cor mundum vetat.

Tu Christe somnum discute :

Tu rumpe noctis víncula :

Tu solve peccátum vetus,
Novúmque lumen íngere.

Deo Patri sit glória,
Ejúsque soli Filio,

Cum Spíritu Paráclito,
Nunc et per omne sæculum.
Amen.

Ÿ. Repléti sumus mane
misericórdia tua. *R.* Exsul-
távimus, et delectáti sumus.

Ad Bened. Ant. Eréxit nobis
* Dóminus cornu salútis
in domo David púeri sui.

*Preces, quando dicuntur,
habentur supra in Feria II.*
60.

FERIA QUARTA

AD MATUTINUM

Invit. In manu tua Dómi-
ne * Omnes fines terræ.

Ps. Veníte, exsultémus
Dómino. 2.

Hymnus.

RERUM Creátor óptime,
Rectórque noster, ad-
spice :

Nos a quiéte nóxia
Mersos sopóre libera.

Te, sancte Christe, pósci-
mus,

Ignósce culpis ómnibus :
Ad confiténdum súrgimus,
Morásque noctis rúmpimus.

Mentes manúsque tóllimus,
Prophéta sicut nóctibus
Nobis geréndum præcipit,
Paulúsque gestis cénsuit.

Vides malum quod féci-
mus :

Occúlta nostra pándimus :
Preces geméntes fúndimus :
Dimitte quod peccávimus.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

Ant. Avértit Dóminus.

Psalmus 52.

DIXIT insípiens in corde
suo : * Non est Deus.

Corrúpti sunt, et abomi-
nábiles facti sunt in iniqui-
tátibus : * non est qui fáciat
bonum.

Deus de cælo prospéxit
super filios hóminum : * ut
videat si est intélligens, aut
requírens Deum.

Omnes declinavérunt, si-
mul inútiles facti sunt : * non
est qui fáciat bonum, non
est usque ad unum.

Nonne scient omnes qui
operántur iniquitátem, * qui
dévorant plebem meam ut
cibum panis?

Deum non invocavérunt : *
illic trepidavérunt timóre,
ubi non erat timor.

Quóniam Deus dissipávit
ossa eórum qui homínibus
placent : * confúsi sunt, quó-
niam Deus sprevit eos.

Quis dabit ex Sion salutá-
re Israël? * cum convérte-
rit Deus captivitátem plebis
suæ, exsultábit Jacob, et læ-
tábitur Israël.

Psalmus 54.

EXÁUDI Deus oratióem
meam, et ne despéxeris
deprecatióem meam : * in-
ténde mihi, et exáudi me.

Contristátus sum in exer-
citatióne mea : * et contur-
bátus sum a voce inimíci, et
a tribulatióne peccatóris.

Quóniam declinavérunt in
me iniquitátes : * et in ira
molésti erant mihi.

Cor meum conturbátum est in me : * et formído mortis cécidit super me.

Timor et tremor venérunt super me : * et contexérunt me ténebræ.

Et dixi : Quis dabit mihi pennas sicut colúmbæ, * et volábo, et requiéscam?

Ecce elongávi fúgiens : * et mansi in solitúdine.

Exspectábam eum, qui saluum me fecit * a pusillanimitáte spíritus et tempestáte.

Præcípita Dómine, dívide linguas eórum : * quóniam vidi iniquitátem, et contradictionem in civitáte.

Die ac nocte circúmdabit eam super muros ejus iniquitas : * et labor in médio ejus, et injustitia.

Et non defécit de platéis ejus * usúra, et dolus.

Quóniam si inimicus meus maledixisset mihi, * sustinuissem útique.

Et si is, qui óderat me, super me magna locútus fuisset : * abscondissem me forsitan ab eo.

Tu vero homo unánimis : * dux meus, et notus meus.

Qui simul mecum dulces capiébas cibos : * in domo Dei ambulávimus cum consensu.

Véniat mors super illos : * et descéndant in inférnum vivéntes :

Quóniam nequitiae in habitáculis eórum : * in médio eórum.

Ego áutem ad Deum clamávi : * et Dóminus salvábit me.

Véspere, et mane, et merídie narrábo et annuntiábo : * et exáudiet vocem meam.

Rédimet in pace ánimam meam ab his, qui appropinquant mihi : * quóniam inter multos erant mecum.

Exáudiet Deus, et humiliábit illos, * qui est ante sæcula.

Non enim est illis commutatio, et non timuérunt Deum : * exténdit manum suam in retribuendo.

Contaminavérunt testamentum ejus, divisi sunt ab ira vultus ejus : * et appropinquávit cor illius.

Molliti sunt sermónes ejus super óleum : * et ipsi sunt jácula.

Jacta super Dóminum curam tuam, et ipse te enútriet : * non dabit in ætérnum fluctuatióem justo.

Tu vero Deus dedúces eos, * in púteum intéritus.

Viri sánguinem, et dolosi non dimidiábunt dies suos : * ego áutem sperábo in te Dómine.

Ant. Avértit Dóminus captivitátem plebis suæ.

Ant. Quóniam.

Psalmus 55.

MISERERE mei Deus, quóniam niam conculcávit me homo : * tota die impúgnans tribulávit me.

Conculcavérunt me inimici mei tota die : * quóniam

multi bellántes advérsum me.

Ab altitúdine diéi timébo : * ego vero in te sperábo.

In Deo laudábo sermónes meos, in Deo sperávi : * non timébo quid fáciat mihi caro.

Tota die verba mea exsecrabántur : * advérsum me omnes cogitatiónes eórum in malum.

Inhabitábunt et abscóndent : * ipsi calcáneum meum observábunt.

Sicut sustinuérunt ánimam meam, pro nihilo salvos fácies illos : * in ira pópulos confringes.

Deus, vitam meam annuntiávi tibi : * posuisti lácrymas meas in conspéctu tuo,

Sicut et in promissióne tua : * tunc converténtur inimíci mei retrórsus :

In quacúmque die invocávero te : * ecce cognóvi quóniam Deus meus es.

In Deo laudábo verbum, in Dómino laudábo sermónem : * in Deo sperávi, non timébo quid fáciat mihi homo.

In me sunt Deus vota tua, * quæ reddam, laudatiónes tibi.

Quóniam eripuísti ánimam meam de morte, et pedes meos de lapsu : * ut pláceam coram Deo in lúmine vivéntium.

Psalmus 56.

MISERERE mei Deus, miserere mei : * quóniam in te confidit ánima mea.

Et in umbra alárum tuárum sperábo, * donec tránseat iniquitas.

Clamábo ad Deum altíssimum : * Deum qui benefécit mihi.

Misit de cælo, et liberávit me : * dedit in oppróbrium conculcántes me.

Misit Deus misericórdiam suam, et veritátem suam, * et eripuit ánimam meam de médio catulórum leónum : dormivi conturbátus.

Filii hóminum dentes eórum arma et sagittæ : * et lingua eórum gládius acútus.

Exaltáre super cælos Deus : * et in omnem terram glória tua.

Láqueum paravérunt pédibus meis, * et incurvavérunt ánimam meam.

Foderunt ante fáciem meam foveam : * et incidérunt in eam.

Parátum cor meum Deus, parátum cor meum : * cantábo, et psalmum dicam.

Exsúrge glória mea, exsúrge psaltérium et cithara : * exsúrgam dilúculo.

Confitébor tibi in pópulis Dómine : * et psalmum dicam tibi in géntibus :

Quóniam magnificáta est usque ad cælos misericórdia tua, * et usque ad nubes véritas tua.

Exaltáre super cælos Deus : * et super omnem terram glória tua.

Ant. Quóniam in te confidit ánima mea.

Ant. Justa judicáte.

Psalmus 57.

Si vere útique justítiam loquimini : * recta judicáte filii hóminum.

Etenim in corde iniquitates operámini : * in terra injustítias manus vestræ concinnant.

Alienáti sunt peccatóres a vulva, erravérunt ab útero : * locúti sunt falsa.

Furor illis secúndum similitúdinem serpéntis : * sicut áspidis surdæ, et obturántis áures suas :

Quæ non exáudiet vocem incantántium : * et venéfici incantántis sapiénter.

Deus cónteret dentes eórum in ore ipsórum : * molas leónum confringet Dóminus.

Ad nihilum devénient tamquam aqua decúrrens : * inténdit arcum suum donec infirméntur.

Sicut cera, quæ fluit, auferéntur : * supercécidit ignis, et non vidérunt solem.

Priúsqvam intelligerent spinæ vestræ rhamnum : * sicut vivéntes, sic in ira absórbet eos.

Lætábitur justus cum viderit vindíctam : * manus suas lavábit in ságuine peccatóris.

Et dicet homo : Si útique est fructus justo : * útique est Deus júdicans eos in terra.

Psalmus 58.

ERIPE me de inimícis meis Deus meus : * et ab insurgéntibus in me libera me.

Eripe me de operántibus iniquitátem : * et de viris sanguinum salva me.

Quia ecce cepérunt ánimam meam : * irruérunt in me fortes.

Neque iníquitas mea, neque peccátum meum Dómine : * sine iniquitáte cucúrri, et diréxi.

Exsúrge in occúrsum meum, et vide : * et tu Dómine Deus virtútum, Deus Israël,

Inténde ad visitándas omnes gentes : * non misereáris ómnibus, qui operántur iniquitátem.

Converténtur ad vésperam : et famem patiéntur ut canes, * et circuíbunt civitátem.

Ecce loquéntur in ore suo, et gládius in lábiis eórum : * quóniam quis audivit ?

Et tu Dómine deridébis eos : * ad nihilum dedúces omnes gentes.

Fortitúdinem meam ad te custódiam, quia Deus suscēptor meus es : * Deus meus, misericórdia ejus præveniet me.

Deus osténdet mihi super inimicos meos, ne occidas eos : * nequándo obliviscántur pópuli mei.

Dispérge illos in virtúte tua : * et depóne eos protēctor meus Dómine :

Delictum oris eórum, sermónem labiórum ipsórum : * et comprehendántur in supérbia sua.

Et de exsecratióne et mendácio annuntiabúntur in con-

summatione : * in ira con-
summationis, et non erunt.

Et scient quia Deus domi-
nabitur Jacob : * et finium
terræ.

Convertentur ad véspe-
ram, et famem patientur ut
canes : * et circuibunt civi-
tatem.

Ipsi dispergentur ad man-
ducandum : * si vero non
fuerint saturati, et murmu-
rabunt.

Ego autem cantabo fortitu-
dinem tuam : * et exultabo
mane misericordiam tuam.

Quia factus es susceptor
meus, * et refugium meum,
in die tribulationis meæ.

Adjutor meus tibi psallam,
quia Deus susceptor meus
es : * Deus meus misericor-
dia mea.

Ant. Justa judicâte filii
hominum.

Ant. Da nobis.

Psalmus 59.

DEUS repulisti nos, et de-
struxisti nos : * iratus
es, et misertus es nobis.

Commovisti terram, et
conturbasti eam : * sana con-
tritiones ejus, quia commota
est.

Ostendisti populo tuo du-
ra : * potasti nos vino com-
punctionis.

Dedisti metuéntibus te si-
gnificationem : * ut fugiant
a facie arcus :

Ut liberentur dilecti tui : *
salvum fac dextera tua, et
exaudi me.

Deus locutus est in sancto

suo : * Lætabor, et partibor
Sichimam : et convállem ta-
bernaculorum metibor.

Meus est Gálaad, et meus
est Manásses : * et Ephraïm
fortitudo capitis mei.

Juda rex meus : * Moab olla
spei meæ.

In Idumæam extendam
calceamentum meum : * mihi
alienigenæ subditi sunt.

Quis deducet me in civi-
tatem munitam ? * quis dedú-
cet me usque in Idumæam ?

Nonne tu Deus, qui repu-
listi nos : * et non egrediéris
Deus in virtutibus nostris ?

Da nobis auxilium de tri-
bulatione : * quia vana salus
hominis.

In Deo faciemus virtutem : *
et ipse ad nihilum deducet
tribulantes nos.

Psalmus 60.

EXÁUDI Deus deprecationem
meam : * inténde
orationi meæ.

A finibus terræ ad te cla-
mavi : * dum anxietur cor
meum, in petra exaltasti me.

Deduxisti me, quia factus
es spes mea : * turris fortitu-
dinis a facie inimici.

Inhabitabo in tabernaculo
tuo in sæcula : * prótegar in
velamento alarum tuarum.

Quóniam tu Deus meus
exaudisti orationem meam : *
dedisti hereditatem timénti-
bus nomen tuum.

Dies super dies regis adjici-
es : * annos ejus usque in
diem generationis et genera-
tionis.

Pérmanet in ætérnum in conspéctu Dei : * misericórdiam et veritátem ejus quis requirét?

Sic psalmum dicam nómini tuo in sǎculum sǎculi : * ut reddam vota mea de die in diem.

Ant. Da nobis Dómine auxilium de tribulatióne.

Ant. Nonne Deo.

Psalmus 61.

NONNE Deo subjécta erit ánima mea? * ab ipso enim salutáre meum.

Nam et ipse Deus meus, et salutáris meus : * suscéptor meus, non movébor ámplius.

Quóusque irrúitis in hóminem? * interficitis univérsi vos : tamquam parieti inclináto et macériæ depúlsæ?

Verúmtamen prétium meum cogitavérunt repéllere, cucúrri in siti : * ore suo benedicébant, et corde suo maledicébant.

Verúmtamen Deo subjécta esto ánima mea : * quóniam ab ipso patiéntia mea.

Quia ipse Deus meus, et salvátor meus : * adjútor meus, non emigrábo.

In Deo salutáre meum, et glória mea : * Deus auxilii mei, et spes mea in Deo est.

Speráte in eo omnis congregátio pópuli, effúndite coram illo corda vestra : * Deus adjútor noster in ætérnum.

Verúmtamen vani filii hóminum, mendáces filii hóminum in statéris : * ut de-

cípiant ipsi de vanitáte in idípsum.

Nolíte speráre in iniquitáte, et rapínas nolite concupiscere : * divitiæ si áffluant, nolite cor appónere.

Semel locútus est Deus, duo hæcaudívi, quia potéstas Dei est, et tibi Dómine misericórdia : * quia tu reddes unicuique juxta ópera sua.

Psalmus 63.

EXÁUDI Deus oratióne meam cum déprecor : * a timóre inimíci éripe ánimam meam.

Protexísti me a convéntu malignántium : * a multitudine operántium iniquitátem.

Quia exacuérunt ut gládium linguas suas : * intenderunt arcum rem amáram, ut sagittent in occúltis immaculátum.

Súbito sagittábunt eum, et non timébunt : * firmavérunt sibi sermónem nequam.

Narravérunt ut absconderent láqueos : * dixerunt : Quis vidébit eos?

Scrutáti sunt iniquitátes : * defecérunt scrutántes scrutinio.

Accédet homo ad cor altum : * et exaltábitur Deus.

Sagittæ parvulórum factæ sunt plagæ eórum : * et infirmátæ sunt contra eos linguæ eórum.

Conturbáti sunt omnes qui vidébant eos : * et tímuit omnis homo.

Et annuntiavérunt ópera

Dei, * et facta ejus intellexerunt.

Lætábitur justus in Dómino, et sperábit in eo, * et laudabúntur omnes recti corde.

Ant. Nonne Deo subjécta erit ánima mea?

Ant. Benedicite.

Psalmus 65.

JUBILÁTE Deo omnis terra, psalmum dicite nómini ejus : * date glóriam láudi ejus.

Dicite Deo, Quam terribilia sunt ópera tua Dómine! * in multitúdine virtútis tuæ mentiéntur tibi inimíci tui.

Omnis terra adóret te, et psallat tibi : * psalmum dicat nómini tuo.

Venite, et vidéte ópera Dei : * terribilis in consíliis super filios hóminum.

Qui convértit mare in áridam, in flúmine pertransibunt pede : * ibi lætábimur in ipso.

Qui domináthur in virtúte sua in ætérnum, óculi ejus super gentes respíciunt : * qui exásperant non exaltén- tur in semetipsis.

Benedicite gentes Deum nostrum : * et auditam fácite vocem láudis ejus.

Qui pósuit ánimam meam ad vitam : * et non dedit in commotióem pedes meos.

Quóniam probásti nos Deus : * igne nos examinásti, sicut examináthur argéntum.

Induxisti nos in láqueum, posuisti tribulatióes in dor-

so nostro : * imposuísti hómines super cápita nostra.

Transívimus per ignem et aquam : * et eduxisti nos in refrigerium.

Introibo in domum tuam in holocáustis : * reddam tibi vota mea, quæ distinxérunt lábia mea.

Et locútum est os meum, * in tribulatióne mea.

Holocáusta medulláta ófferam tibi cum incénso arietum : * ófferam tibi boves cum hircis.

Venite, audíte, et narrábo, omnes qui timétis Deum, * quanta fecit ánimæ meæ.

Ad ipsum ore meo clamávi, * et exaltávi sub lingua mea.

Iniquitátem si adspéxi in corde meo, * non exáudiet Dóminus.

Proptérea exaudivit Deus, * et atténdit voci deprecatiónis meæ.

Benedictus Deus, * qui non amóvit oratióem meam, et misericórdiam suam a me.

Psalmus 67.

EXSÚRGAT Deus, et dissipéntur inimíci ejus, * et fúgiant qui odérunt eum, a fácie ejus.

Sicut déficit fumus, deficiant : * sicut fluit cera a fácie ignis, sic péreant peccatóres a fácie Dei.

Et justí epuléntur, et exsúltent in conspéctu Dei : * et delecténtur in lætitia.

Cantáte Deo, psalmum dicite nómini ejus : * iter fácite

ei, qui ascendit super occāsum : Dóminus nomen illi.

Exsultáte in conspéctu ejus : * turbabúntur a fácie ejus, patris orphanórum, et júdicis viduárum.

Deus in loco sancto suo : * Deus qui inhabitáre facit unius moris in domo :

Qui edúcit vinctos in fortitúdine, * simíliter eos qui exásperant, qui hábitant in sepúlcris.

Deus, cum egrederéris in conspéctu pópuli tui, * cum pertransíres in desérto :

Terra mota est, étenim cæli distillavérunt a fácie Dei Sínai, * a fácie Dei Israël.

Plúviam voluntáriam segregábis Deus hereditáti tuæ : * et infirmáta est, tu vero perfecísti eam.

Animália tua habitábunt in ea : * parásti in dulcédine tua páuperi Deus.

Dóminus dabit verbum evangelizántibus, * virtúte multa.

Rex virtútum dilécti dilécti : * et speciéi domus dividere spólia.

Si dormiátis inter médios cleros, pennæ colúmbæ deargentatæ, * et posterióra dorsi ejus in pallóre áuri.

Dum discérnit cæléstis reges super eam, nive dealbábuntur in Selmon : * mons Dei, mons pinguis.

Mons coagulátus, mons pinguis : * ut quid suspicámini montes coagulátos?

Mons, in quo benepláci-

tum est Deo habitáre in eo : * étenim Dóminus habitábit in finem.

Currus Dei decem millibus múltiplex, millia lætántium : * Dóminus in eis in Sina in sancto.

Ascendísti in altum, cepísti captivitátem : * accepísti dona in homínibus :

Etenim non credéntes, * inhabitáre Dóminum Deum.

Benedíctus Dóminus die quotidie : * prósperum iter faciet nobis Deus salutárium nostrórum.

Deus noster, Deus salvos faciéndi : * et Dómini Dómini éxitus mortis.

Verúmtamen Deus confringet cápita inimicórum suórum : * vérticem capilli perambulántium in delictis suis.

Dixit Dóminus : Ex Basan convértam, * convértam in profúndum maris :

Ut intingátur pes tuus in ságuine : * lingua canum tuórum ex inimícis, ab ipso.

Vidérunt ingressus tuos Deus, * ingressus Dei mei : regis mei qui est in sancto.

Prævenérunt príncipes conjúcti psalléntibus, * in médio juvenculárum tympanistriárum.

In ecclésiis benedicite Deo Dómino, * de fóntibus Israël.

Ibi Bénjamin adolescéntulus, * in mentis excéssu.

Príncipes Juda, duces eórum : * príncipes Zábulon, príncipes Néphthali.

Manda Deus virtúti tuæ : * confirma hoc Deus, quod operátus es in nobis.

A templo tuo in Jerúsalem, * tibi ófferent reges múnera.

Increpa feras arúndinis, congregátio taurórum in vaccis populórum : * ut excludánt eos, qui probáti sunt argénto.

Dissipa gentes, quæ bella volunt : vénient legáti ex Ægýpto : * Æthiopia præveniet manus ejus Deo.

Regna terræ, cantáte Deo : * psállite Dómino.

Psállite Deo, qui ascéndit super cælum cæli, * ad Oriéntem.

Ecce dabit voci suæ vocem virtútis, date glóriam Deo super Israël, * magnificéntia ejus, et virtus ejus in núbibus.

Mirábilis Deus in sanctis suis, Deus Israël ipse dabit virtútem, et fortitúdinem plebi suæ, * benedictus Deus.

Ant. Benedicite gentes Deum nostrum.

Per Annum, ʒ. Deus vitam meam annuntiávi tibi. **R.** Posuisti lácrymas meas in conspéctu tuo.

Pro uno Mart. ʒ. Magna est glória ejus in salutári tuo. **R.** Glóriam et magnum decórem impónes super eum.

Pro plur. Mart. ʒ. Justi áutem in perpétuum vivent. **R.** Et apud Dóminum est merces eórum.

Pro Conf. Pont. ʒ. Tu es sacérdos in ætérnum. **R.** Secundum órđinem Melchisedech.

Pro Confessore non Pont. ʒ. Lex Dei ejus in corde ipsius. **R.** Et non supplantabúntur gressus ejus.

Pro una Sancta, ʒ. Elégit eam Deus, et præelégit eam. **R.** In tabernáculo suo habitáre facit eam.

AD LAUDES

Ant. Amplius lava me * Dómine ab injustitia mea.

Ps. Miserére. 57.

Ant. Te decet.

Psalmus 64.

TE decet hymnus Deus in Sion : * et tibi reddétur votum in Jerúsalem.

Exáudi oratióne meam : * ad te omnis caro véniet.

Verba iniquórum prævaluerunt super nos : * et impietátibus nostris tu propitiáberis.

Beátus, quem elegisti, et assumpsisti : * inhabitábit in átriis tuis.

Replébimur in bonis domus tuæ : * sanctum est templum tuum, mirábile in æquitáte.

Exáudi nos Deus salutáris noster, * spes ómnium finium terræ, et in mari longe.

Præparans montes in virtúte tua, accinctus poténtia : * qui contúrbas profúndum maris, sonum flúctuum ejus.

Turbabúntur gentes, et timébunt qui hábitant tér-

minos a signis tuis : * éxitus matutini, et vespere delectábis.

Visitásti terram, et inebriásti eam : * multiplicásti locupletáre eam.

Flumen Dei replétum est aquis, parásti cibum illórum : * quóniam ita est præparátio ejus.

Rivos ejus inébria, multiplica genimina ejus : * in stillicidiis ejus lætábitur gérminans.

Benedices corónæ anni benignitátis tuæ : * et campi tui replebúntur ubertáte.

Pinguéscent speciósa déserti : * et exsultatíone colles accingéntur.

Indúti sunt arietes óvium, et valles abundábunt fruménto : * clamábunt, étenim hymnum dicent.

Ant. Te decet hymnus Deus in Sion.

Ant. Lábia mea * laudábunt te in vita mea Deus meus.

Ps. Deus Deus meus. 17.

Ant. Dóminus judicábit.

Canticum Annæ.

I. Reg. 2.

EXSULTÁVIT cor meum in Dómino, * et exaltátum est cornu meum in Deo meo.

Dilatátum est os meum super inimicos meos : * quia lætáta sum in salutári tuo.

Non est sanctus, ut est Dóminus : neque enim est álius extra te, * et non est fortis sicut Deus noster.

Nolíte multiplicáre loqui sublimia, * gloriántes :

Recédant vétéra de ore vestro : quia Deus scientiárum, Dóminus est, * et ipsi præparántur cogitatíones.

Arcus fórtium superátus est, * et infirmi accincti sunt róbre.

Repléti prius, pro pánibus se locavérunt : * et famélici saturáti sunt,

Donec stérilis péperit plúrimos : * et quæ multos habébat filios, infirmáta est.

Dóminus mortificat et vivificat : * dedúcit ad inferos et redúcit.

Dóminus páuperem facit et ditat, * humiliat et súblevat.

Súscitat de púlvere egénium, * et de stércore élevat páuperem :

Ut sédeat cum princípibus, * et sólum glóriæ téneat.

Dómini enim sunt cárdines terræ, * et pósuit super eos orbem.

Pedes sanctórum suórum servábit, et impíi in ténebris conticéscant : * quia non in fortitúdine sua roborábitur vir.

Dóminum formidábunt adversáarii ejus : * et super ipsos in cælis tonábit :

Dóminus judicábit fines terræ, et dabit impérium regi suo, * et sublimábit cornu Christi sui.

Ant. Dóminus judicábit fines terræ.

Ant. Cæli cælórum * laudáte Deum.

Ps. Laudáte Dóminum de cælis. 19.

Capitulum. Rom. 13. d
Nox præcéssit, dies áutem appropinquávit. Abjiciámus ergo ópera tenebrárum, et induámur arma lucis. Sic ut in die honéste ambulémus.

Hymnus.

Nox, et tenébræ, et núbila,
Confúsa mundi, et túr-
bida :

Lux intrat, albéscit polus :
Christus venit : discédite.

Caligo terræ scínditur
Percússa solis spiculo,
Rebúsque jam color redit,
Vultu niténtis síderis.

Te Christe solum nóvi-
mus :

Te mente pura et simplici,
Flendo et canéndo quæsu-
mus,

Inténde nostris sénsibus.

Sunt multa fucis illita,
Quæ luce purgéntur tua :
Tu vera lux cæléstium
Vultu seréno illúmina.

Deo Patri sit glória,
Ejúsque soli Filio,
Cum Spíritu Paráclito,
Nunc et per omne sæculum.

Amen.

V. Repléti sumus mane
misericórdia tua. **R.** Exsul-
távimus, et delectáti sumus.

Ad Bened. Ant. De manu
ómnium * qui odérunt nos,
libera nos Dómine.

Preces, quando dicuntur,
habentur supra in Feria II.
60.

FERIA QUINTA

AD MATUTINUM

Invit. Dóminum qui fecit
nos, * Veníte, adorémus.

Ps. Veníte, exsultémus. 2.

Hymnus.

Nox atra rerum cótegit
Terræ colóres ómnium :
Nos confiténtes póscimus
Te, juste judex córdium :

Ut áuferas piácula,
Sordésque mentis ábluas :
Donésque Christe grátiam,
Ut arceántur crimina.

Mens ecce torpet ímpia,
Quam culpa mordet nóxia :
Obscúra gestit tollere,
Et te Redémptor quærere.

Repélle tu caliginem
Intrínsecus quam máxime,
Ut in beáto gáudeat
Se collocári lúmine.

Præsta, Pater piissime,
Pátrique compar Unice,
Cum Spíritu Paráclito
Regnans per omne sæculum.
Amen.

Ant. Dómine Deus.

Psalmus 68.

SALVUM me fac Deus : * quó-
niam intravérunt aquæ
usque ad ánimam meam.

Infixus sum in limo pro-
fúndi : * et non est substántia.

Veni in altitúdinem maris : *
et tempéstas demérsit me.

Laborávi clamans, ráucæ
factæ sunt fáuces meæ : *
defecérunt óculi mei, dum
spero in Deum meum.

Multiplicáti sunt super ca-
pillos cápitis mei, * qui odé-
runt me gratis.

Confortáti sunt qui persecúti sunt me inimíci mei in iúste : * quæ non rápui , tunc exsolvébam.

Deus tu scis insipiéntiam meam : * et delicta mea a te non sunt abscóndita.

Non erubéscant in me , qui exspéctant te Dómine , * Dómine virtútum.

Non confundántur super me * qui quærunť te , Deus Israël.

Quóniam propter te sustinui oppróbrium : * opéruit confúsió fáciem meam.

Extráneus factus sum frátribus meis , * et peregrínus filiis matris meæ.

Quóniam zelus domus tuæ comédit me : * et oppróbria exprobrántium tibi , ceciderunt super me.

Et opéruí in jejúnio ánimam meam : * et factum est in oppróbrium mihi.

Et pósui vestiméntum meum cilicium : * et factus sum illis in parábolam.

Advérsum me loquebántur qui sedébant in porta : * et in me psallébant qui bibébant vinum.

Ego vero oratióem meam ad te Dómine : * tempus benepláciti Deus.

In multitúdine misericórdiæ tuæ exáudi me , * in veritáte salútis tuæ :

Eripe me de luto , ut non infigar : * libera me ab iis , qui odérunt me , et de profúndis aquárum.

Non me demérgat tempé-

stas aquæ , neque absórbeat me profúndum : * neque úrgeat super me púteus os suum.

Exáudi me Dómine , quóniam benigna est misericórdia tua : * secúndum multitúdinem miseratiónum tuárum respice in me.

Et ne avértas fáciem tuam a púero tuo : * quóniam tribulor , velóciter exáudi me.

Inténde ánimæ meæ , et libera eam : * propter inimicos meos éripe me.

Tu scis impropérium meum , et confusióem meam , * et reveréntiam meam.

In conspéctu tuo sunt omnes qui tribulant me , * impropérium exspectávit cor meum , et misériam.

Et sustinui qui simul contristarétur , et non fuit : * et qui consolarétur , et non invéni.

Et dedérunt in escam meam fel : * et in siti mea potavérunt me acéto.

Fiat mensa eórum coram ipsis in láqueum , * et in retributiónes , et in scándalum.

Obscuréntur óculi eórum ne videant : * et dorsum eórum semper incúrva.

Effúnde super eos iram tuam : * et furor iræ tuæ comprehéndat eos.

Fiat habitatio eórum déserta : * et in tabernáculis eórum non sit qui inhábitet.

Quóniam quem tu percussisti , persecúti sunt : * et

super dolórem vúlnerum meórum addidérunt.

Appóne iniquitátem super iniquitátem eórum : * et non intrent in justitiam tuam.

Deleántur de libro vivéntium : * et cum justis non scribántur.

Ego sum páuper et dolens : * salus tua Deus suscepit me.

Laudábo nomen Dei cum cántico : * et magnificábo eum in láude :

Et placébit Deo super vltimum novéllum : * córnua producéntem et úngulas.

Videant páuperes et læténtur : * quærite Deum, et vivet ánima vestra.

Quóniam exaudivit páuperes Dóminus : * et vinctos suos non despéxit.

Láudent illum cæli et terra, * mare, et ómnia reptilia in eis.

Quóniam Deus salvam fáciat Sion : * et ædificabúntur civitátes Juda.

Et inhabitábunt ibi, * et hereditáte acquirént eam.

Et semen servórum ejus possidébit eam, * et qui diligunt nomen ejus, habitábunt in ea.

Psalmus 69.

DEUS in adjutórium meum inténde : * Dómine ad adjuvándum me festína.

Confundántur, et revearéantur, * qui quærunť animam meam.

Avertántur retrórsum, et erubéscant, * qui volunt mihi mala.

Avertántur statim erubescéntes, * qui dicunt mihi : Euge, éuge.

Exsúltent et læténtur in te omnes qui quærunť te, * et dicant semper : Magnificétur Dóminus : qui diligunt salutáre tuum.

Ego vero egénus, et páuper sum : * Deus ádjuva me.

Adjútor meus, et liberátor meus es tu : * Dómine ne moréris.

Ant. Dómine Deus in adjutórium meum inténde.

Ant. Esto mihi.

Psalmus 70.

IN te Dómine sperávi, non confúndar in ætérnum : * in justitia tua libera me, et éripe me.

Inclína ad me áurem tuam, * et salva me.

Esto mihi in Deum protectórem, et in locum munitum : * ut salvum me fácias,

Quóniam firmaméntum meum, * et refúgium meum es tu.

Deus meus éripe me de manu peccatóris, * et de manu contra legem agéntis et iníqui :

Quóniam tu es patiéntia mea Dómine : * Dómine spes mea a juventúte mea.

In te confirmátus sum ex útero : * de ventre matris meæ tu es protéctor meus.

In te cantátio mea semper : * tamquam prodígium factus sum multis : et tu adjútor fortis.

Repleátur os meum láude,
ut cantem glóriam tuam : *
tota die magnitúdinem tuam.

Ne projicias me in tém-
pore senectútis : * cum de-
fécerit virtus mea, ne dere-
linquas me.

Quia dixerunt inimíci mei
mihi : * et qui custodiébant
ánimam meam, consilium
fecerunt in unum,

Dicéntes : Deus derelíquit
eum, persequimini, et com-
prehéndite eum : * quia non
est qui erípiat.

Deus ne elongéris a me : *
Deus meus in auxílium me-
um réspice.

Confundántur, et deficiant
detrahéntes ánimæ meæ : *
operiántur confusióne, et
pudóre qui quærunt mala
mihi.

Ego áutem semper spe-
rábo : * et adjíciam super
omnem láudem tuam.

Os meum annuntiábit ju-
stitiam tuam : * tota die sa-
lutáre tuum.

Quóniam non cognóvi lit-
teratúram, introibo in po-
téntias Dómini : * Dómine
memorábor justitiæ tuæ so-
lius.

Deus docuísti me a juven-
tute mea : * et usque nunc
pronuntiábo mirabilia tua.

Et usque in senéctam et
sénium : * Deus ne derelin-
quas me,

Donec annúntiem brá-
chium tuum * generatióni
omni, quæ ventúra est :

Poténtiam tuam, et justí-

tiam tuam Deus usque in
altíssima, quæ fecísti magná-
lia : * Deus quis similis tibi?

Quantas ostendísti mihi
tribulatiónes multas et ma-
las : et convérsus vivificásti
me : * et de abyssis terræ
íterum reduxísti me.

Multiplicásti magnificén-
tiam tuam : * et convérsus
consolátus es me.

Nam et ego confitébor tibi
in vasis psalmi veritátem
tuam : * Deus psallam tibi
in cíthara, sanctus Israël.

Exsultábunt lábia mea,
cum cantávero tibi : * et áni-
ma mea, quam redemísti.

Sed et lingua mea tota die
meditábitur justítiam tuam : *
cum confúsi et revériti fúe-
rint, qui quærunt mala mihi.

Psalmus 71.

DEUS judícium tuum regi
da : * et justítiam tuam
filio regis :

Judicáre pópulum tuum
in justítia, * et páuperes tuos
in judicio.

Suscípiant montes pacem
pópulo : * et colles justítiam.

Judicábit páuperes pópuli,
et salvos faciet filios páupe-
rum : * et humiliábit calu-
mniatórem.

Et permanébit cum sole,
et ante lunam, * in genera-
tióne et generatióne.

Descéndet sicut plúvia in
vellus : * et sicut stillicidia
stillántia super terram.

Oriétur in diébus ejus ju-
stitia, et abundántia pacis : *
donec auferátur luna.

Et dominabitur a mari usque ad mare : * et a flumine usque ad terminos orbis terrarum.

Coram illo procident Æthiopes : * et inimici ejus terram lingent.

Reges Tharsis, et insulae munera offerent : * reges Arabum et Saba dona adducent.

Et adorabunt eum omnes reges terrae : * omnes gentes servient ei :

Quia liberabit pauperem a potente : * et pauperem cui non erat adiutor.

Parcet pauperi et inopi : * et animas pauperum salvas faciet.

Ex usuris et iniquitate redimet animas eorum : * et honorabile nomen eorum coram illo.

Et vivet, et dabitur ei de auro Arabiae, et adorabunt de ipso semper : * tota die benedicent ei.

Et erit firmamentum in terra in summis montium ; superextolletur super Libanum fructus ejus : * et florabunt de civitate sicut fenum terrae.

Sit nomen ejus benedictum in saecula : * ante solem permanet nomen ejus.

Et benedicentur in ipso omnes tribus terrae : * omnes gentes magnificabunt eum.

Benedictus Dominus Deus Israel, * qui facit mirabilia solus :

Et benedictum nomen maiestatis ejus in aeternum : *

et replebitur maiestate ejus omnis terra : fiat, fiat.

Ant. Esto mihi Domine in Deum protectorem.

Ant. Liberasti virgam.

Psalmus 72.

QUAM bonus Israel Deus * his, qui recto sunt corde !

Mei autem pene moti sunt pedes : * pene effusi sunt gressus mei.

Quia zelavi super iniquos, * pacem peccatorum videns.

Quia non est respectus morti eorum : * et firmamentum in plaga eorum.

In labore hominum non sunt, * et cum hominibus non flagellabuntur :

Ideo tenuit eos superbia, * operiti sunt iniquitate et impietate sua.

Prodiit quasi ex adipe iniquitas eorum : * transierunt in affectum cordis.

Cogitaverunt, et locuti sunt nequitiam : * iniquitatem in excelsis locuti sunt.

Posuerunt in caelum os suum : * et lingua eorum transivit in terra.

Ideo convertetur populus meus hic : * et dies pleni inveniuntur in eis.

Et dixerunt : Quomodo scit Deus, * et si est scientia in excelsis ?

Ecce ipsi peccatores, et abundantes in saeculo, * obtinuerunt divitias.

Et dixi : Ergo sine causa justificavi cor meum, * et lavi inter innocentes manus meas :

Et fui flagellátus tota die,*
et castigatio mea in matutí-
nis.

Si dicébam : Narrábo sic : *
ecce natióem filiórum tuó-
rum reprobávi.

Existimábam ut cognósce-
rem hoc,* labor est ante me :

Donec intrem in sanctuá-
rium Dei : * et intélligam in
novíssimis eórum.

Verúmtamen propter do-
los posuisti eis : * deiecisti
eos dum allevaréntur.

Quómodo facti sunt in de-
solatióem, súbito defecé-
runt : * perierunt propter
iniquitátem suam.

Velut sómnum surgén-
tium Dómine,* in civitáte
tua imáginem ipsórum ad
nihilum rédiges.

Quia inflammátum est cor
meum, et renes mei com-
mutáti sunt : * et ego ad ni-
hilum redáctus sum, et ne-
scívi.

Ut juméntum factus sum
apud te : * et ego semper te-
cum.

Tenuisti manum dexteram
meam : et in voluntáte tua
deduxisti me,* et cum gló-
ria suscepisti me.

Quid enim mihi est in
cælo? * et a te quid vólui
super terram?

Defécit caro mea, et cor
meum : * Deus cordis mei, et
pars mea Deus in ætérnum.

Quia ecce, qui elóngant
se a te, peribunt : * perdi-
disti omnes, qui fornicántur
abs te.

Mihi áutem adhærere Deo
bonum est : * pónere in Dó-
mino Deo spem meam :

Ut annúntiem omnes præ-
dicatiónes tuas,* in portis
filiae Sion.

Psalmus 73.

UT quid Deus repulisti in
finem : * irátus est furor
tuus super oves páscae tuæ?

Memor esto congregatió-
nis tuæ,* quam possedisti
ab initio.

Redemisti virgam here-
ditátis tuæ : * mons Sion, in
quo habitásti in eo.

Leva manus tuas in su-
pérbias eórum in finem : *
quanta malignátus est inimi-
cus in sancto!

Et gloriáti sunt qui odé-
runt te : * in médio solemni-
tátis tuæ.

Posuérunt signa sua, si-
gna : * et non cognovérunt
sicut in éxitu super sum-
mum.

Quasi in silva lignórum
secúribus excidérunt jánuas
ejus in idípsum : * in secúri
et áscia dejecérunt eam.

Incendérunt igni sanctuá-
rium tuum : * in terra pol-
luérunt tabernáculum nómi-
nis tui.

Dixerunt in corde suo co-
gnatio eórum simul : * Qui-
éscere faciámus omnes dies
festos Dei a terra.

Signa nostra non vídimus,
jam non est prophéta : * et
nos non cognóscet ámplius.

Usquequo Deus impropé-
rábit inimicus : * irritat ad-

versárius nomen tuum in finem?

Ut quid avértis manum tuam, et dexteram tuam, * de médio sinu tuo in finem?

Deus áutem rex noster ante sǽcula : * operátus est salútem in médio terræ.

Tu confirmásti in virtúte tua mare : * contribulásti cápita draconum in aquis.

Tu confregisti cápita draconis : * dedisti eum escam pópulis Æthiopum.

Tu dirupísti fontes, et torréntes : * tu siccásti flúvios Ethan.

Tuus est dies, et tua est nox : * tu fabricátus es auróram et solem.

Tu fecisti omnes términos terræ : * æstátem et ver tu plasmásti ea.

Memor esto hujus, inimicus improperávit Dómino : * et pópulus insípiens incitávit nomen tuum.

Ne tradas béstiis ánimas confiténtes tibi, * et ánimas páuperum tuórum ne obliviscáris in finem.

Réspice in testaméntum tuum : * quia repléti sunt, qui obscuráti sunt terræ dómibus iniquitátum.

Ne avertátur húmilis factus confúsus : * páuper et inops laudábunt nomen tuum.

Exsúrge Deus, júdica cáusam tuam : * memor esto improperiórum tuórum, eórum quæ ab insipiente sunt tota die.

Ne obliviscáris voces inimicórum tuórum : * superbia eórum, qui te odérunt, ascendit semper.

Ant. Liberásti virgam hereditátis tuæ.

Ant. Et invocábimus.

Psalmus 74.

CONFITÉBIMUR tibi Deus : * confitébimur, et invocábimus nomen tuum.

Narrábimus mirabília tua : * cum accépero tempus, ego justitias judicábo.

Liquefácta est terra, et omnes qui hábitant in ea : * ego confirmávi colúmnas ejus.

Dixi iniquis : Nolite inique ágere : * et delinquéntibus : Nolite exaltáre cornu :

Nolite extóllere in altum cornu vestrum : * nolite loqui advérsus Deum iniquitátem.

Quia neque ab Oriénte, neque ab Occidénte, neque a desértis móntibus : * quóniam Deus judex est.

Hunc humíliat, et hunc exáltat : * quia calix in manu Dómini vini meri plenus misto.

Et inclinávit ex hoc in hoc : verúmtamen fæx ejus non est exinaníta : * bibent omnes peccatóres terræ.

Ego áutem annuntiábo in sǽculum : * cantábo Deo Jacob.

Et ómnia córnua peccatórum confringam : * et exaltábuntur córnua justí.

Psalmus 75.

NOTUS in Judæa Deus : * in
Israël magnum nomen
ejus.

Et factus est in pace locus
ejus : * et habitatio ejus in
Sion.

Ibi confrégit poténtias ár-
cum, * scutum, gládium,
et bellum.

Illúminans tu mirabiliter
a móntibus ætérnis : * tur-
báti sunt omnes insipientes
corde.

Dormiérunt somnum su-
um : * et nihil invenérunt
omnes viri divitiárum in
mánibus suis.

Ab increpatione tua Deus
Jacob * dormitavérunt qui
ascendérunt equos.

Tu terribilis es, et quis
resistet tibi? * ex tunc ira
tua.

De cælo auditum fecisti
judicium : * terra trémuit et
quiévit,

Cum exsúrgeret in judi-
cium Deus, * ut salvos fáce-
ret omnes mansuétos terræ.

Quóniam cogitatio hómi-
nis confitébitur tibi : * et
reliquiæ cogitationis diem
festum agent tibi.

Vovéte, et réddite Dómino
Deo vestro : * omnes qui in
circúitu ejus affértis mú-
nera.

Terribili et ei qui áufert
spíritum princípum, * terri-
bili apud reges terræ.

Ant. Et invocábimus no-
men tuum Dómine.

Ant. Tu es Deus.

Psalmus 76.

VOCE mea ad Dóminum
clamávi : * voce mea ad
Deum, et inténdit mihi.

In die tribulatiónis meæ
Deum exquisívi, mánibus
meis nocte contra eum : *
et non sum decéptus.

Rénuit consolári ánima
mea, * memor fui Dei, et de-
lectátus sum, et exercitátus
sum : et defécit spíritus
meus.

Anticipavérunt vigilias
óculi mei : * turbátus sum,
et non sum locútus.

Cogitávi dies antíquos : *
et annos ætérnos in mente
hábuí.

Et meditátus sum nocte
cum corde meo, * et exer-
citábar, et scopébam spíri-
tum meum.

Numquid in ætérnum pro-
jiciet Deus : * aut non appó-
net ut complacítior sit ad-
huc?

Aut in finem misericór-
diam suam abscíndet, * a
generatióne in generatió-
nem?

Aut obliviscétur miseréri
Deus? * aut continébit in ira
sua misericórdias suas?

Et dixi : Nunc coépi : *
hæc mutatio dexteræ Ex-
celsi.

Memor fui óperum Dómi-
ni : * quia memor ero ab
initio mirábilium tuórum,

Et meditábor in ómnibus
opéribus tuis : * et in ad-
inventiόνibus tuis exercé-
bor.

Deus in sancto via tua : quis Deus magnus sicut Deus noster? * tu es Deus qui facis mirabilia.

Notam fecisti in pópulis virtutem tuam : * redemisti in bráchio tuo pópulum tuum, filios Jacob, et Joseph.

Viderunt te aquæ Deus, viderunt te aquæ : * et timuerunt, et turbatæ sunt abyssi.

Multitúdo sónitus aquarum : * vocem dederunt nubes.

Etenim sagittæ tuæ trans-eunt : * vox tonitruï tui in rota.

Illuxerunt coruscationes tuæ orbi terræ : * commota est, et contrémuit terra.

In mari via tua, et semitæ tuæ in aquis multis : * et vestigia tua non cognoscuntur.

Deduxisti sicut oves pópulum tuum, * in manu Móysi et Aaron.

Psalmus 77.

ATTÉNDITE pópule meus legem meam : * inclinate aurem vestram in verba oris mei.

Apériam in parábolis os meum : * loquar propositiones ab initio.

Quanta audívimus et cognóvimus ea : * et patres nostri narraverunt nobis.

Non sunt occultata a filiis eórum, * in generatione altera.

Narrantes láudes Dómini, et virtutes ejus, * et mirabilia ejus, quæ fecit.

Et suscitávit testimónium in Jacob : * et legem pósuit in Israël.

Quanta mandávit pátribus nostris nota fácere ea filiis suis : * ut cognóscat generatio altera.

Filii qui nascuntur, et exsurgent, * et narrabunt filiis suis,

Ut ponant in Deo spem suam, et non obliviscantur óperum Dei : * et mandata ejus exquirant :

Ne fiant sicut patres eórum : * generatio prava et exasperans.

Generatio, quæ non diréxit cor suum : * et non est créditus cum Deo spíritus ejus.

Filii Ephrem intendentes et mittentes arcum : * conversi sunt in die belli.

Non custodiérunt testaméntum Dei : * et in lege ejus noluerunt ambulare.

Et obliti sunt benefactorum ejus, * et mirabilium ejus quæ osténdit eis.

Coram pátribus eórum fecit mirabilia in terra Ægypti, * in campo Táneos.

Interrúpit mare, et perdúxit eos : * et státuit aquas quasi in utre.

Et dedúxit eos in nube diéi : * et tota nocte in illuminatione ignis.

Interrúpit petram in erémo : * et adaquávit eos velut in abyssu multa.

Et edúxit aquam de petra : * et dedúxit tamquam flúmina aquas.

Et apposuérunt adhuc peccáre ei : * in iram excitavérunt Excélsus in inaquóso.

Et tentavérunt Deum in córdibus suis : * ut péterent escas animábus suis.

Et male locúti sunt de Deo : * dixerunt : Numquid póterit Deus paráre mensam in desérto?

Quóniam percússit petram, et fluxérunt aquæ, * et torréntes inundavérunt.

Numquid et panem póterit dare, * aut paráre mensam populo suo?

Ideo audívit Dóminus, et distulit : * et ignis accénsus est in Jacob, et ira ascéndit in Israël :

Quia non credidérunt in Deo, * nec speravérunt in salutári ejus :

Et mandávit núbibus desuper, * et jánuas cæli apéruit.

Et pluit illis manna ad manducándum, * et panem cæli dedit eis.

Panem Angelórum manducávit homo : * cibária misit eis in abundántia.

Tránstulit Austrum de cælo : * et indúxit in virtúte sua Africum.

Et pluit super eos sicut púlverem carnes : * et sicut arénam maris volatília penáta.

Et cecidérunt in médio castrórum eórum : * circa tabernácula eórum.

Et manducavérunt et saturáti sunt nimis, et desidé-

rium eórum áttulit eis : * non sunt fraudáti a desidério suo.

Adhuc escæ eórum erant in ore ipsórum : * et ira Dei ascéndit super eos.

Et occidit pingues eórum, * et eléctos Israël impedívit.

In ómnibus his peccavérunt adhuc : * et non credidérunt in mirabilibus ejus.

Et defecérunt in vanitáte dies eórum : * et anni eórum cum festinatióne.

Cum occideret eos, quærébant eum : * et revertébantur, et dilúculo veniébant ad eum.

Et rememoráti sunt quia Deus adjútor est eórum : * et Deus excélsus redemptor eórum est.

Et dilexérunt eum in ore suo, * et lingua sua mentiti sunt ei :

Cor autém eórum non erat rectum cum eo : * nec fideles hábiti sunt in testaménto ejus.

Ipse autém est miséricors, et propítius fiet peccátis eórum : * et non dispédet eos.

Et abundávit ut avérteret iram suam : * et non accéndit omnem iram suam :

Et recordátus est quia caro sunt : * spiritus vadens, et non rédiens.

Quóties exacerbavérunt eum in desérto, * in iram concitavérunt eum in inaquóso?

Et convérsi sunt, et ten-

tavérunt Deum : * et sanctum
Israël exacerbavérunt.

Non sunt recordáti manus
ejus, * die qua redémit eos
de manu tribulántis,

Sicut pósuit in Ægýpto
signa sua, * et prodigia sua
in campo Táneos.

Et convértit in ságuinem
flúmina eórum : * et imbres
eórum, ne biberent.

Misit in eos cœnomyíam,
et comédit eos : * et ranam,
et dispéridit eos.

Et dedit ærúgini fructus
eórum : * et labóres eórum
locústæ.

Et occídit in grándine ví-
neas eórum : * et moros
eórum in pruína.

Et trádidit grándini ju-
ménta eórum : * et posses-
siónem eórum igni.

Misit in eos iram indigna-
tiónis suæ : * indignatióem,
et iram, et tribulatióem :
immissiões per ángelos
malos.

Viam fecit sémitæ iræ
suæ, non pepércit a morte
animábus eórum : * et ju-
ménta eórum in morte con-
clúsit.

Et percússit omne primo-
génitum in terra Ægýpti : *
primitias omnis labóris eó-
rum in tabernáculis Cham.

Et ábstulit sicut oves pó-
pulum suum : * et perdúxit
eos tamquam gregem in de-
sérto.

Et dedúxit eos in spe, et
non timuérunt : * et inimí-
cos eórum opérui mare.

Et indúxit eos in montem
sanctificatióis suæ : * mon-
tem, quem acquisívit dex-
tera ejus.

Et ejécit a fácie eórum
gentes : * et sorte divisit eis
terram in funiculo distribu-
tiónis.

Et habitáre fecit in taber-
náculiseórum * tribus Israël.

Et tentavérunt, et exacer-
bavérunt Deum excélsum : *
et testimónia ejus non custo-
diérunt.

Et avertérunt se, et non
servavérunt pactum : * quem-
ádmódum patres eórum,
convérsi sunt in arcum pra-
vum.

In iram concitavérunt eum
in cóllibus suis : * et in scul-
ptilibus suis ad æmulatióem
eum provocavérunt.

Audívit Deus, et sprexit : *
et ad nihilum redégit valde
Israël.

Et répulit tabernáculum
Silo, * tabernáculum suum,
ubi habitávit in homínibus.

Et trádidit in captivitátem
virtútem eórum : * et pul-
chritúdinem eórum in ma-
nus inimíci.

Et conclúsit in gládio pó-
pulum suum, * et hereditá-
tem suam sprexit.

Júvenes eórum comédit
ignis : * et virgines eórum
non sunt lamentátæ.

Sacerdótes eórum in glá-
dio cecidérunt : * et víduæ
eórum non plorabántur.

Et excitátus est tamquam
dórmienti Dóminus, * tam-

quam potens crapulátus a vino.

Et percússit inimicos suos in posterióra : * oppróbrium sempitérnium dedit illis.

Et répulit tabernáculum Joseph : * et tribum Ephraïm non elégit :

Sed elégit tribum Juda , * montem Sion quem diléxit.

Et ædificávit sicut unicór-nium sacrificium suum in terra , * quam fundávit in sæcula.

Et elégit David servum suum , et sústulit eum de grégibus óvium : * de post foetántes accépit eum ,

Páscere Jacob servum suum , * et Israël hereditátem suam :

Et pavit eos in innocéntia cordis sui : * et in intelléctibus mánuum suárum dedúxit eos.

Ant. Tu es Deus , qui facis mirabilia.

Ant. Propítius esto.

Psalmus 78.

DEUS, venérunt gentes in hereditátem tuam , poluérunt templum sanctum tuum : * posuérunt Jerúsalem in pomórum custódiam.

Posuérunt morticina servórum tuórum , escas volatilibus cæli : * carnes sanctórum tuórum béstiis terræ.

Effudérunt ságuinem eórum tamquam aquam in circúitu Jerúsalem : * et non erat qui sepeliret.

Facti sumus oppróbrium

vicínis nostris : * subsannátio et illúsio his , qui in circúitu nostro sunt.

Usquequo Dómine irascéris in finem : * accendétur velut ignis zelus tuus?

Effúnde iram tuam in gentes , quæ te non novérunt : * et in regna , quæ nomen tuum non invocavérunt :

Quia comedérunt Jacob : * et locum ejus desolavérunt.

Ne memíneris iniquitátum nostrárum antiquárum , cito anticipent nos misericórdiæ tuæ : * quia páuperes facti sumus nimis.

Adjuva nos Deus salutáris noster : et propter glóriam nóminis tui Dómine libera nos : * et propítius esto peccátis nostris , propter nomen tuum :

Ne forte dicant in géntibus : Ubi est Deus eórum ? * et innotéscat in natió nibus coram óculis nostris.

Ultio ságuinis servórum tuórum , qui effúsus est : * intróeat in conspéctu tuo gémitus compeditórum.

Secúndum magnitúdinem bráchii tui , * pösside filios mortificatórum.

Et redde vicínis nostris séptuplum in sinu eórum : * impropérium ipsórum , quod exprobravérunt tibi Dómine.

Nos áutem pópulus tuus , et oves páscuæ tuæ , * confitébimur tibi in sæculum.

In generatió nem et generatió nem * annuntiábimus láudem tuam.

Psalmus 79.

Qui regis Israël, inténde : *
qui dedúcis velut ovem
Joseph.

Qui sedes super Chérubim, * manifestáre coram Ephraïm, Bénjamin, et Manásse.

Excita poténtiam tuam, et veni, * ut salvos fácias nos.

Deus convérte nos : * et osténde fáciem tuam, et salvi érimus.

Dómine Deus virtútum, * quoúsque irascéris super orationem servi tui?

Cibábis nos pane lacrymárum : * et potum dabis nobis in lácrymis in mensúra?

Posuisti nos in contradi-
ctionem vicinis nostris : * et inimici nostri subsannavérunt nos.

Deus virtútum convérte nos : * et osténde fáciem tuam, et salvi érimus.

Vineam de Ægýpto trans-
tulisti : * ejecisti gentes, et plantásti eam.

Dux itineris fuisti in conspéctu ejus : * plantásti radices ejus, et implévit terram.

Opérui montes umbra ejus : * et arbústa ejus cedros Dei.

Exténdit pálmities suos usque ad mare : * et usque ad flumen propágines ejus.

Ut quid destruxisti maceriam ejus : * et vindémiant eam omnes, qui prætergre-
diúntur viam?

Exterminávit eam aper de

silva : * et singuláris ferus depástus est eam.

Deus virtútum convérte-
re : * réspice de cælo, et vide, et visita vineam istam.

Et pérfice eam, quam plantávit dextera tua : * et super filium hóminis, quem confirmásti tibi.

Incénsa igni, et suffóssa * ab increpatione vultus tui peribunt.

Fiat manus tua super vi-
rum dexterae tuæ : * et super filium hóminis, quem confirmásti tibi.

Et non discédimus a te, vivificábis nos : * et nomen tuum invocábimus.

Dómine Deus virtútum convérte nos : * et osténde fáciem tuam, et salvi érimus.

Ant. Propitius esto peccá-
tis nostris Dómine.

Per Annum, y. Gaudébunt lábia mea, cum cantávero tibi. **R.** Et ánima mea quam redemísti.

Pro uno Mart. y. Glória et honóre coronásti eum Dómine. **R.** Et constituísti eum super ópera mánuum tuárum.

Pro plur. Mart. y. Lætámini in Dómino, et exultáte justi. **R.** Et gloriámini omnes recti corde.

Pro Conf. Pont. et non Pont. y. Amávit eum Dóminus, et ornávit eum. **R.** Stolam glóriæ induit eum.

Pro una Sancta, y. Spécie tua et pulchritúdine tua. **R.**

Inténde, prospere procéde,
et regna.

AD LAUDES

Ant. Tibi soli peccávi : *
Dómine miserére mei.

Ps. Miserére mei. 57.

Ant. Dómine.

Psalmus 89.

DÓMINE refúgium factus es
nobis : * a generatióne
in generatiónem.

Priúsqvam montes fierent,
aut formarétur terra, et or-
bis, * a sáeculo et usque in
sáeculum tu es Deus.

Ne avértas hóminem in
humilitátem : * et dixísti :
Convertimini filii hóminum.

Quóniam mille anni ante
óculos tuos, * tamquam dies
hestérna, quæ prætériit,

Et custódia in nocte, * quæ
pro nihilo habéntur, eórum
anni erunt.

Mane sicut herba tránseat,
mane flóreat, et tránseat : *
véspere decídat, indúret, et
aréscat.

Quia defécimus in ira
tua, * et in furóre tuo tur-
báti sumus.

Posuisti iniquitátes no-
stras in conspéctu tuo : *
sáeculum nostrum in illumi-
natióne vultus tui.

Quóniam omnes dies no-
stri defecérunt : * et in ira
tua defécimus.

Anni nostri sicut aránea
meditabúntur : * dies annó-
rum nostrórum in ipsis,
septuaginta anni.

Si áutem in potentáti-
bus, octoginta anni : * et

ámplius eórum, labor et dol-
lor.

Quóniam supervénit man-
suetúdo : * et corripiémur.

Quis novit potestátem iræ
tuæ : * et præ timóre tuo iram
tuam dinumeráre?

Déxteram tuam sic notam
fac : * et eruditos corde in
sapiéntia.

Convértere Dómine úsque-
quo? * et deprecábilis esto
super servos tuos.

Repléti sumus mane mise-
ricórdia tua : * et exsultá-
vimus, et delectáti sumus
ómnibus diébus nostris.

Lætáti sumus pro diébus,
quibus nos humiliásti : *
annis, quibus vidimus ma-
la.

Réspice in servos tuos, et
in ópera tua : * et dirige filios
eórum.

Et sit splendor Dómini Dei
nostri super nos, et ópera
mánuum nostrárum dirige
super nos : * et opus má-
nuum nostrárum dirige.

Ant. Dómine refúgium fa-
ctus es nobis.

Ant. In matutinis * medi-
tabor in te.

Ps. Deus Deus meus. 17.

Ant. Cantémus.

Canticum Moysi. Exod. 15.

CANTÉMUS Dómino : glo-
rióse enim magnificátus
est, * equum et ascensórem
dejécit in mare.

Fortitúdo mea, et laus mea
Dóminus, * et factus est mihi
in salútem :

Iste Deus meus, et glori-

ficábo eum : * Deus patris mei , et exaltábo eum.

Dóminus quasi vir pugnátor, Omnípotens nomen ejus. * Currus Pharaónis et exercitum ejus projéxit in mare.

Elécti principes ejus submersi sunt in mari Rubro : * abyssi operuerunt eos , descendérunt in profúndum quasi lapis.

Déxtera tua Dómine magnificáta est in fortitúdine : dextera tua Dómine percussit inimicum. * Et in multitudine glóriæ tuæ deposuisti adversários tuos :

Misisti iram tuam , quæ devorávit eos sicut stipulam. * Et in spíritu furóris tui congregatæ sunt aquæ :

Stetit unda fluens , * congregatæ sunt abyssi in médio mari.

Dixit inimicus : Pérsequar et comprehendam , * dividam spólia , implébitur ánima mea :

Evaginábo gládium meum , * interficiet eos manus mea.

Flavit spiritus tuus , et opéruit eos mare : * submersi sunt quasi plumbum in aquis veheméntibus.

Quis similis tui in fórtibus Dómine ? * quis similis tui , magnificus in sanctitáte , terribilis atque laudábilis , fáciens mirabilia ?

Extendisti manum tuam , et devorávit eos terra. * Dux fuisti in misericórdia

tua pópulo quem redemísti :

Et portásti eum in fortitúdine tua , * ad habitáculum sanctum tuum.

Ascendérunt pópuli , et irátí sunt : * dolóres obtinuérunt habitatóres Philisthiim.

Tunc conturbáti sunt principes Edom , robústos Moab obtinuit tremor : * obriguérunt omnes habitatóres Chánaan.

Irruat super eos formído et pavor , * in magnitúdine bráchii tui :

Fiant immóbiles quasi lapis , donec pertránseat pópulus tuus Dómine , * donec pertránseat pópulus tuus iste , quem possedísti.

Introdúces eos , et plantábis in monte hereditátis tuæ , * firmissimo habitáculo tuo quod operátus es Dómine :

Sanctuárium tuum Dómine , quod firmavérunt manus tuæ. * Dóminus regnábit in ætérnum et ultra.

Ingréssus est enim eques Phárao cum cúrribus et equitibus ejus in mare : * et reduxit super eos Dóminus aquas maris :

Filii áutem Israël ambulavérunt per siccum * in médio ejus.

Ant. Cantémus Dómino glorióse.

Ant. In sanctis ejus * laudáte Deum.

Ps. Laudáte Dóminum de cælis. 19.

Capitulum. Rom. 13. d

Nox præcëssit, dies autem appropinquávit. Abjiciámus ergo ópera tenebrárum, et induámur arma lucis. Sic-ut in die honéste ambulémus.

Hymnus.

Lux ecce surgit áurea,
Pallens facëssat cæcitas,
Quæ nosmet in præceps diu
Erróre traxit dévio.

Hæc lux serénium cónferat,
Purósque nos præstet sibi:
Nihil loquámur súbdolum:
Volvámus obsúrum nihil.

Sic tota decúrrat dies,
Ne lingua mendax, ne manus
Oculive peccent lúbrici,
Ne noxa corpus inquinet.

Speculátor adstat désuper,
Qui nos diébus ómnibus
Actúsque nostros próspicit
A luce prima in vésperum.

Deo Patri sit glória,
Ejúsque soli Filio,
Cum Spíritu Paráclito,
Nunc et per omne sáeculum.
Amen.

V. Repléti sumus mane
misericórdia tua. **R.** Exsul-
távimus, et delectáti sumus.

Ad Bened. Ant. In san-
ctitáte * serviámus Dómino,
et liberábit nos ab inimícis
nostris.

**Preces, quando dicuntur,
habentur supra in Feria II.
60.**

FERIA SEXTA**AD MATUTINUM**

Invit. Adorémus Dómi-
num: * Quóniam ipse fecit
nos.

Ps. Veníte, exsultémus. 2.

Hymnus.

Tu Trinitátis Unitas,
Orbem poténter quæ re-
gis,

Atténde láudis cánticum,
Quod excubántes psállimus.

Nam léctulo consúrgimus
Noctis quiéto témpore,
Ut flagitémus ómnium
A te medélam vúlnerum.

Quo fráude quidquid dæ-
monum

In nóctibus deliquimus,
Abstér gat illud cælitus
Tuæ potéstas glóriæ.

Ne corpus adstetsórdidum,
Nec torpor instet córdium,
Ne criminis contágio
Tepéscat ardor spíritus.

Ob hoc Redémptor, quæ-
sumus,

Reple tuo nos lúmine,
Per quod diérum círculis
Nullis ruámus áctibus.

Præsta, Pater piíssime,
Patrique compar Unice,
Cum Spíritu Paráclito
Regnans per omne sáeculum.

Amen.

Ant. Exsultáte.

Psalmus 80.

EXSULTÁTE Deo adjutóri
nostro: * jubiláte Deo
Jacob.

Súmite psalmum, et date
týmpanum: * psaltérium ju-
cúndum cum cithara.

Buccináte in Neoméniá tu-
ba, * in insígni die solemni-
tátis vestræ.

Quia præcéptum in Israël
est: * et judícium Deo Jacob.

Testimónium in Joseph

pósuit illud, cum exiret de terra Ægypti : * linguam, quam non nóverat, audivit.

Divértit ab onéribus dorsum ejus : * manus ejus in cóphino serviérunt.

In tribulatióne invocásti me, et liberávi te : * exaudivi te in abscondito tempestátis : probávi te apud aquam contradiciónis.

Audi pópulus meus, et contestábor te : * Israël si audieris me, non erit in te deus recens, neque adorábis deum aliénum.

Ego enim sum Dóminus Deus tuus, qui edúxi te de terra Ægypti : * diláta os tuum, et implébo illud.

Et non audivit pópulus meus vocem meam : * et Israël non inténdit mihi.

Et dimisi eos secúndum desideria cordis eórum, * ibunt in adinventiúnibus suis.

Si pópulus meus audisset me : * Israël si in viis meis ambuláset :

Pro nihilo fórsitan inimicos eórum humiliássem : * et super tribulántes eos misissem manum meam.

Inimici Dómini mentíti sunt ei : * et erit tempus eórum in sǎcula.

Et cibávit eos ex ádipe fruménti : * et de petra, melle saturávit eos.

Psalmus 81.

DEUS stetit in synagóga deórum : * in médio áutem deos dijúdicat.

Usquequo judicátis ini-

quitátem : * et fácies peccatórum súmitis?

Judicáte egéno, et pupillo : * húmilem, et páuperem justificáte.

Eripite páuperem : * et egénium de manu peccatóris liberáte.

Nesciérunt, neque intellexérunt, in ténebris ámbulant : * movebúntur ómnia fundaménta terræ.

Ego dixi : Dij estis, * et filii Excélsi omnes.

Vos áutem sicut hómines moriémini : * et sicut unus de principibus cadétis.

Surge Deus, júdica terram : * quóniam tu hereditábis in ómnibus géntibus.

Ant. Exsultáte Deo adjutori nostro.

Ant. Tu solus.

Psalmus 82.

DEUS, quis similis erit tibi? * Ne táceas, neque compescáris Deus :

Quóniam ecce inimici tui sonuérunt : * et qui odérunt te, extulérunt caput.

Super pópulum tuum malignavérunt consilium : * et cogitavérunt advérsus sanctos tuos.

Dixerunt : Veníte, et perdámus eos de gente : * et non memorétur nomen Israël ultra.

Quóniam cogitavérunt unánimiter : * simul advérsum te testaméntum disposuérunt, tabernácula Idumæórum et Ismaélitæ :

Moab, et Agaréni, Gebal,

et Ammon, et Amalec : * alienigenæ cum habitantibus Tyrum.

Etenim Assur venit cum illis : * facti sunt in adiutorium filiis Lot.

Fac illis sicut Madian, et Sisaræ : * sicut Jabin in torrente Cisson.

Disperierunt in Endor : * facti sunt ut stercus terræ.

Pone principes eorum sicut Oreb, et Zeb, * et Zébee, et Sálmana :

Omnes principes eorum : * qui dixerunt: Hereditate possideamus sanctuárium Dei.

Deus meus pone illos ut rotam : * et sicut stipulam ante faciém venti.

Sicut ignis, qui comburit silvam : * et sicut flamma comburens montes :

Ita persequeris illos in tempestate tua : * et in ira tua turbabis eos.

Imple facies eorum ignominia : * et quærent nomen tuum Dómine.

Erubescant et conturbentur in sæculum sæculi : * et confundantur, et pereant.

Et cognoscant quia nomen tibi Dóminus : * tu solus Altissimus in omni terra.

Psalmus 83.

QUAM dilécta tabernacula tua Dómine virtutum : * concupiscit, et déficit ánima mea in átria Dómini.

Cor meum, et caro mea * exsultaverunt in Deum vivum.

Etenim passer invenit sibi

domum : * et turtur nidum sibi, ubi ponat pullos suos.

Altaria tua Dómine virtutum : * rex meus, et Deus meus.

Beati, qui habitant in domo tua Dómine : * in sæcula sæculorum laudabunt te.

Beatus vir, cujus est auxilium abs te : * ascensiones in corde suo dispósuit, in valle lacrymarum in loco, quem pósuit.

Etenim benedictionem dabit legislátor, ibunt de virtute in virtutem : * videbitur Deus deorum in Sion.

Dómine Deus virtutum exaudi orationem meam : * auribus percipe Deus Jacob.

Protector noster adspice Deus : * et respice in faciém Christi tui :

Quia melior est dies una in atriis tuis, * super millia.

Elégi abjectus esse in domo Dei mei : * magis quam habitare in tabernaculis peccatorum.

Quia misericordiam, et veritatem diligit Deus : * gratiam et glóriam dabit Dóminus.

Non privabit bonis eos, qui ambulant in innocentia : * Dómine virtutum, beatus homo, qui sperat in te.

Ant. Tu solus Altissimus super omnem terram.

Ant. Benedixisti.

Psalmus 84.

BENEDIXISTI Dómine terram tuam : * avertisti captivitatem Jacob.

Remisisti iniquitatem plebis tuæ : * operuisti omnia peccata eorum.

Mitigasti omnem iram tuam : * avertisti ab ira indignationis tuæ.

Converte nos Deus salutaris noster : * et averte iram tuam a nobis.

Numquid in æternum irascéris nobis? * aut exténderis iram tuam a generatione in generationem?

Deus tu conversus vivificabis nos : * et plebs tua lætabitur in te.

Ostende nobis Dómine misericórdiam tuam : * et salutáre tuum da nobis.

Audiam quid loquátur in me Dóminus Deus : * quóniam loquétur pacem in plebem suam.

Et super sanctos suos : * et in eos, qui convertúntur ad cor.

Verúmtamen prope timéntes eum salutáre ipsius : * ut inhábitet glória in terra nostra.

Misericórdia, et véritas obviavérunt sibi : * justitia, et pax osculatæ sunt.

Véritas de terra orta est : * et justitia de cælo prospéxit.

Etenim Dóminus dabit benignitatem : * et terra nostra dabit fructum suum.

Justitia ante eum ambulábit : * et ponet in via gressus suos.

Psalmus 85.

INCLÍNA Dómine áurem tuam, et exáudi me : * quó-

niam inops, et páuper sum ego.

Custódi ánimam meam, quóniam sanctus sum : * saluum fac servum tuum, Deus meus, sperántem in te.

Miserére mei Dómine, quóniam ad te clamávi tota die : * lætifica ánimam servi tui, quóniam ad te Dómine ánimam meam levávi.

Quóniam tu Dómine suavis, et mitis : * et multæ misericórdiæ omnibus invocántibus te.

Auribus pèrcipe Dómine orationem meam : * et inténde voci deprecationis meæ.

In die tribulationis meæ clamávi ad te : * quia exaudisti me.

Non est similis tui in diis Dómine : * et non est secundum ópera tua.

Omnes gentes quascúmque fecisti, vénient, et adorábunt coram te Dómine : * et glorificábunt nomen tuum.

Quóniam magnus es tu, et fáciens mirabília : * tu es Deus solus.

Deduc me Dómine in via tua, et ingrédia in veritate tua : * lætétur cor meum, ut timeat nomen tuum.

Confitébor tibi Dómine Deus meus in toto corde meo, * et glorificábo nomen tuum in æternum :

Quia misericórdia tua magna est super me : * et eruisti ánimam meam ex inférno inferióri.

Deus, iníqui insurrexérunt super me, et synagóga poténtium quæsiérunt ánimam meam : * et non proposuérunt te in conspéctu suo.

Et tu Dómine Deus miserátor et miséricors, * pátiens, et multæ misericórdiæ, et verax.

Réspice in me, et misérére mei, * da impérium tuum púero tuo : et salvum fac filium ancillæ tuæ.

Fac mecum signum in bonum, ut vídeant qui odérunt me, et confundántur : * quóniam tu Dómine adjuvísti me, et consolátus es me.

Ant. Benedixísti Dómine terram tuam.

Ant. Fundaménta ejus.

Psalmus 86.

FUNDAMÉNTA ejus in món-tibus sanctis : * diligit Dóminus portas Sion super ómnia tabernácula Jacob.

Gloriósa dicta sunt de te, * cívitas Dei.

Memor ero Rahab, et Babilónis * sciéntium me.

Ecce alienígenæ, et Tyrus, et pópulus Æthiopum, * hi fuérunt illic.

Numquid Sion dicet : Homo, et homo natus est in ea : * et ipse fundávit eam Altíssimus?

Dóminus narrábit in scriptúris populórum, et principum : * horum, qui fuérunt in ea.

Sicut lætántium ómnium * habitátio est in te.

Psalmus 87.

DÓMINE Deus salútis meæ : * in die clamávi, et nocte coram te.

Intret in conspéctu tuo orátio mea : * inclína áurem tuam ad precem meam :

Quia repléta est malis ánima mea : * et vita mea inférno appropinquávit.

Æstimátus sum cum descendéntibus in lacum : * factus sum sicut homo sine adjutório, inter mórtuos liber.

Sicut vulneráti dormiéntes in sepúlcris, quorum non es memor ámplius : * et ipsi de manu tua repúlsi sunt.

Posuérunt me in lacu inférióri : * in tenebrósis, et in umbra mortis.

Super me confirmátus est furor tuus : * et omnes fluctus tuos induxísti super me.

Longe fecísti notos meos a me : * posuérunt me abominatióne sibi.

Tráditus sum, et non egrediébar : * óculi mei languérunt præ inópia.

Clamávi ad te Dómine tota die : * expándi ad te manus meas.

Numquid mórtuis fácies mirabilia : * aut médici suscitábunt, et confitebúntur tibi?

Numquid narrábit áliquis in sepúlcro misericórdiam tuam, * et veritátem tuam in perditiónē?

Numquid cognoscéntur

in ténebris mirabilia tua : *
et justitia tua in terra obli-
viónis?

Et ego ad te Dómine cla-
mávi : * et mane orátio mea
præveniet te.

Ut quid Dómine repéllis
oratióem meam : * avértis
fáciem tuam a me?

Páuper sum ego, et in la-
bóribus a juventúte mea : *
exaltátus áutem, humiliátus
sum et conturbátus.

In me transiérunt iræ
tuæ : * et terróres tui con-
turbavérunt me.

Circumdederunt me sicut
aqua tota die : * circumde-
derunt me simul.

Elongásti a me amicum
et próximum : * et notos
meos a miséria.

Ant. Fundaménta ejus in
móntibus sanctis.

Ant. Benedictus.

Psalmus 88.

MISERICÓRDIAS Dómini * in
ætérum cantábo.

In generatióem et gene-
ratióem * annuntiábo veri-
tatem tuam in ore meo.

Quóniam dixisti : In æté-
rum misericórdia edificá-
bitur in cælis : * præpará-
bitur véritas tua in eis.

Dispósui testaméntum elé-
ctis meis, jurávi David ser-
vo meo : * usque in ætérum
præparábo semen tuum.

Et edificábo in genera-
tióem, et generatióem *
sedem tuam.

Confitebúntur cæli mira-
bilia tua Dómine : * étenim

veritatem tuam in ecclésia
sanctorum.

Quóniam quis in núbibus
æquábitur Dómino : * similis
erit Deo in filiis Dei?

Deus, qui glorificátur in
consílio sanctorum : * magnus
et terribilis super omnes qui
in circúitu ejus sunt.

Dómine Deus virtútum
quis similis tibi? * potens es
Dómine, et véritas tua in
circúitu tuo.

Tu domináris potestáti
maris : * motum áutem flú-
ctuum ejus tu mítigas.

Tu humiliásti sicut vul-
nerátum, supérbum : * in
bráchio virtútis tuæ disper-
sisti inimicos tuos.

Tui sunt cæli, et tua est
terra, orbem terræ et pleni-
túdinem ejus tu fundásti : *
Aquilónem, et mare tu creá-
sti.

Thabor et Hermon in nó-
mine tuo exsultábunt : *
tuum bráchium cum potén-
tia.

Firmétur manus tua, et
exaltétur dextera tua : * ju-
stítia et judicium præpa-
rátió sedis tuæ.

Misericórdia et véritas
præcedent fáciem tuam : *
beátus pópulus, qui scit ju-
bilatióem.

Dómine, in lúmine vultus
tui ambulábunt, et in nó-
mine tuo exsultábunt tota
die : * et in justítia tua exal-
tabúntur.

Quóniam glória virtútis
eórum tu es : * et in bene-

plácito tuo exaltábitur cornu nostrum.

Quia Dómini est assumpció nostra : * et sancti Israël regis nostri.

Tunc locútus es in visióne sanctis tuis, et dixisti : * Pó-sui adjutórium in potén-te : et exaltávi eléctum de plebe mea.

Invéni David servum meum : * óleo sancto meo unxi eum.

Manus enim mea auxiliábitur ei : * et bráchium meum confortábit eum.

Nihil proficiet inimicus in eo, * et filius iniquitátis non appónet nocére ei.

Et concídam a fácie ipsíus inimicos ejus : * et odiéntes eum in fugam convértam.

Et véritas mea, et misericórdia mea cum ipso : * et in nómine meo exaltábitur cornu ejus.

Et ponam in mari manum ejus : * et in fluminibus dexteram ejus.

Ipsé invocábit me : Pater meus es tu : * Deus meus, et suscēptor salútis meæ.

Et ego primogénitum ponam illum * excélsum præ régibus terræ.

In ætérnum servábo illi misericórdiam meam : * et testaméntum meum fidéle ipsi.

Et ponam in sáeculum sáeculi semen ejus : * et thronum ejus sicut dies cæli.

Si áutem dereliquerint filii ejus legem meam : * et

in judiciis meis non ambuláverint :

Si justítias meas profanáverint : * et mandáta mea non custodierint :

Visitábo in virga iniquitátes eórum : * et in verbéribus peccáta eórum.

Misericórdiam áutem meam non dispérgam ab eo : * neque nocébo in veritáte mea :

Neque profanábo testaméntum meum : * et quæ procédunt de lábiis meis, non fáciám irrita.

Semeljurávi in sancto meo, si David méntiar : * semen ejus in ætérnum manébit.

Et thronus ejus sicut sol in conspéctu meo, * et sicut luna perfécta in ætérnum : et testis in cælo fidélis.

Tu vero repulísti et despectísti : * distulísti christum tuum.

Evertísti testaméntum servi tui : * profanásti in terra sanctuárium ejus.

Destruxísti omnes sepes ejus : * posuísti firmaméntum ejus formídinem.

Diripuérun't eum omnes transeúntes viam : * factus est oppróbrium vicínis suis.

Exaltásti dexteram depri-méntium eum : * lætificásti omnes inimicos ejus.

Avertísti adjutórium gládii ejus : * et non es auxiliátus ei in bello.

Destruxísti eum ab emundatióne : * et sedem ejus in terram collisísti.

Minorásti dies témporis ejus : * perfudísti eum confusióne.

Usquequo Dómine avértis in finem : * exardéscet sicut ignis ira tua?

Memoráre quæ mea substántia : * numquid enim vane constituísti omnes filios hóminum?

Quis est homo, qui vivet, et non vidébit mortem : * éruet ánimam suam de manu inferi?

Ubi sunt misericórdiæ tuæ antiquæ Dómine, * sicut jurásti David in veritaté tua?

Memor esto Dómine opprobrii servórum tuórum * (quod continui in sinu meo) multárum géntium.

Quod exprobravérunt inimici tui Dómine, * quod exprobravérunt commutatióem Christi tui.

Benedictus Dóminus in ætérnum : * fiat, fiat.

Psalmus 93.

DEUS ultiónum Dóminus : * Deus ultiónum libere egit.

Exaltáre, qui júdicas terram : * redde retributióem superbis.

Usquequo peccatóres Dómine : * úsquequo peccatóres gloriabúntur :

Effabúntur, et loquéntur iniquitaté : * loquéntur omnes, qui operántur injustitiam?

Pópulum tuum Dómine humiliavérunt : * et hereditatém tuam vexavérunt.

Viduam, et ádvenam in-

terfecérunt : * et pupillos occidérunt.

Et dixerunt : Non vidébit Dóminus, * nec intélliget Deus Jacob.

Intelligite insipientes in pópulo : * et stulti aliquándo sápite.

Qui plantávit áurem, non áudiet? * aut qui finxit óculum, non considerat?

Qui córripit gentes, non árguet : * qui docet hóminem sciéntiam?

Dóminus scit cogitatióes hóminum, * quóniam vanæ sunt.

Beátus homo, quem tu erudieris Dómine : * et de lege tua docúeris eum,

Ut mitiges ei a diébus malis : * donec fodiátur peccatóri fóvea.

Quia non repéllet Dóminus plebem suam : * et hereditatém suam non derelinquet.

Quoadúsque justitia convertátur in judícium : * et qui juxta illam omnes qui recto sunt corde.

Quis consúrget mihi advérsus malignántes? * aut quis stabit mecum advérsus operántes iniquitatém?

Nisi quia Dóminus adjúvit me, * paulo minus habitáset in inférno ánima mea.

Si dicébam : Motus est pes meus : * misericórdia tua Dómine adjuvabat me.

Secúndum multitudínem dolórum meórum in corde meo : * consolatiónes tuæ lætificavérunt ánimam meam.

Numquid adhæret tibi sedes iniquitatis : * qui fingis laborem in præcepto ?

Captábunt in ánimam iusti : * et ságuinem innocéntem condemnábunt.

Et factus est mihi Dóminus in refúgium : * et Deus meus in adjutórium spei meæ.

Et reddet illis iniquitátem ipsórum : et in malitia eórum dispérdet eos : * dispérdet illos Dóminus Deus noster.

Ant. Benedictus Dóminus in ætérnum.

Ant. Cantáte.

Psalmus 95.

CANTÁTE Dómino cánticum novum : * cantáte Dómino omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis : * terribilis est super omnes deos.

Quóniam omnes dii géntium dæmónia : * Dóminus áutem cælos fecit.

Conféssio, et pulchritúdo in conspéctu ejus : * sanctimónia, et magnificéntia in sanctificatióne ejus.

Afférte Dómino pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dicite in géntibus quia Dóminus regnávit.

Etenim corréxit orbem terræ qui non commovébitur : * judicábit pópulos in æquitáte.

Læténtur cæli, et exsúltet terra : commovéatur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Psalmus 96.

DÓMINUS regnávit, exsúltet terra : * læténtur insulæ multæ.

Nubes, et caligo in circúitu ejus : * justitia, et judícium corréctio sedis ejus.

Ignis ante ipsum præcédet, * et inflammábit in circúitu inimicos ejus.

Illuxérunt fúlgora ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justitiam ejus : * et vidérunt omnes pópuli glóriam ejus.

Confundántur omnes, qui

adórant sculptilia : * et qui gloriántur in simulácris suis.

Adoráte eum omnes Angeli ejus : * audívit, et lætáta est Sion.

Et exsultavérunt filiae Judæ, * propter judicia tua Dómine :

Quóniam tu Dóminus altíssimus super omnem terram : * nimis exaltátus es super omnes deos.

Qui diligitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætitia.

Lætámini justí in Dómino : * et confitémini memóriæ sanctificatiónis ejus.

Ant. Cantáte Dómino, et benedicite nómini ejus.

Per Annum, V. Intret orátio mea in conspéctu tuo Dómine. **R.** Inclína áurem tuam ad precem meam.

Pro uno Mart. V. Posuísti Dómine super caput ejus. **R.** Corónam de lápide pretióso.

Pro plur. Mart. V. Exsúltet justí in conspéctu Dei. **R.** Et delecténtur in lætitia.

Pro Conf. Pont. V. Elégit eum Dóminus sacerdotem sibi. **R.** Ad sacrificándum ei hóstiam láudis.

Pro Conf. non Pont. V. Os justí meditábitur sapiéntiam. **R.** Et lingua ejus loquétur judícium.

Pro una Sancta, V. Adjuvábít eam Deus vultu suo.

R. Deus in médio ejus, non commovébitur.

AD LAUDES

Ant. Spiritu principáli * confírma cor meum Deus.

Ps. Miserére. 57.

Ant. In veritáte.

Psalmus 142.

DÓMINE exáudi oratióne meam : áuribus pécipe obsecratióne meam in veritáte tua : * exáudi me in tua justítia.

Et non intres in judícium cum servo tuo : * quia non justificábitur in conspéctu tuo omnis vivens.

Quia persecútus est inimicus ánimam meam : * humiliávit in terra vitam meam.

Collocávit me in obscúris sicut mórtuos sǎculi : * et anxiátus est super me spíritus meus, in me turbátum est cor meum.

Memor fui diérum antiquórum, meditátus sum in ómnibus opéribus tuis : * in factis mánuum tuárum meditábar.

Expándi manus meas ad te : * ánima mea sicut terra sine aqua tibi.

Velóciter exáudi me Dómine : * defécit spíritus meus.

Non avértas fáciem tuam a me : * et similis ero descendéntibus in lacum.

Auditam fac mihi mane misericórdiam tuam : * quia in te sperávi.

Notam fac mihi viam, in

qua ámbulem : * quia ad te levávi ánimam meam.

Eripe me de inimícis meis Dómine, ad te confúgi : * doce me fácere voluntátem tuam, quia Deus meus es tu.

Spiritus tuus bonus dedúcet me in terram rectam : * propter nomen tuum Dómine vivificábis me, in æquitáte tua.

Edúces de tribulatióne ánimam meam : * et in misericórdia tua dispérdes inimicos meos.

Et perdes omnes, qui tribulant ánimam meam : * quóniam ego servus tuus sum.

Ant. In veritáte tua exáudi me Dómine.

Ant. Illúmina Dómine * vultum tuum super nos.

Ps. Deus Deus meus. 17.

Ant. Dómine.

Canticum Habacuc. Cap. 3.

DÓMINE audívi auditióne tuam, * et tímui.

Dómine opus tuum, * in médio annórum vivífica illud :

In médio annórum notum fácies : * cum irátus fúeris, misericórdiæ recordáberis.

Deus ab Austro véniet, * et sanctus de monte Pharan :

Opérui cælos glória ejus : * et láudis ejus plena est terra.

Splendor ejus ut lux erit : * córnua in mánibus ejus :

Ibi abscondita est fortitúdo ejus : * ante faciém ejus ibit mors.

Et egrediétur diábolus ante pedes ejus. * Stetit, et mensus est terram.

Adspéxit, et dissólvit gentes : * et contríti sunt montes sæculi.

Incurváti sunt colles mundi, * ab itinéribus æternitátis ejus.

Pro iniquitáte vidi tentória Æthiópiae, * turbabúntur pelles terræ Márian.

Numquid in fluminibus irátus es Dómine? * aut in fluminibus furor tuus? vel in mari indignátio tua?

Qui ascédes super equos tuos : * et quadrigæ tuæ salvátio.

Súscitans suscitábis arcum tuum : * juraménta tribubus quæ locútus es.

Flúvios scindes terræ : vidérunt te, et doluérunt montes : * gurges aquárum tránsiit.

Dedit abyíssus vocem suam : * altitúdo manus suas levávit.

Sol, et luna stetérunt in habitáculo suo, * in luce sagittárum tuárum, ibunt in splendóre fulgurántis hastæ tuæ.

In frémitu conculcábis terram : * et in furóre obstupefácies gentes.

Egréssus es in salutem pópuli tui : * in salutem cum Christo tuo.

Percussisti caput de domo impii : * denudásti fundaméntum ejus usque ad collum.

Maledixísti sceptris ejus, cápiti bellatórum ejus, * veniéntibus ut turbo ad dispérgendum me.

Exsultátio eórum * sicut

ejus, qui dévorat páuperem
in abscondito.

Viam fecisti in mari equis
tuis, * in luto aquárum mul-
tárum.

Audivi, et conturbátus
est venter meus : * a voce
contremuérunt lábia mea.

Ingrediátur putrédo in
óssibus meis, * et subter me
scáteat.

Ut requiéscam in die tri-
bulatiónis : * ut ascéndam
ad pópulum accinctum no-
strum.

Ficus enim non florébit : *
et non erit germen in vineis.

Mentiétur opus olivæ : *
et arva non áfferent cibum.

Abscindétur de ovili pe-
cus : * et non erit armén-
tum in præsepibus.

Ego áutem in Dómino
gaudébo : * et exsultábo in
Deo Jesu meo.

Deus Dóminus fortitúdo
mea : * et ponet pedes meos
quasi cervórum,

Et super excélsa mea de-
ducet me victor * in psalmis
canéntem.

Ant. Dómine audívi audí-
tum tuum, et tímui.

Ant. In týmpano * et cho-
ro, in chordis et órgano
laudáte Deum.

Ps. Laudáte Dóminum de
cælis. 19.

Capitulum. Rom. 13. d

Nox præcëssit, dies áutem
appropinquávit. Abjiciá-
mus ergo ópera tenebrárum,
et induámur arma lucis. Sic-
ut in die honéste ambulémus.

Hymnus.

ATERNÁ cæli glória,
Beáta spes mortálium,
Summi Tonántis Unice,
Castæque proles Virginis :

Da délixteram surgéntibus,
Exsúrgat ut mens sóbria,
Flagrans et in láudem Dei
Grates repéndat débitas.

Ortus refúlget lúcipher,
Præitque solem núntius :
Cadunt tenébræ nóctium :
Lux sancta nos illúminet.

Manénsque nostris sénsi-
bus,

Noctem repéllat sæculi,
Omnique fine témporis
Purgáta servet péctora.

Quæsita jam primum fi-
des

In corde radices agat :
Secúnda spes congáudeat,
Qua major exstat cáritas.

Deo Patri sit glória,
Ejúsque soli Filio,
Cum Spíritu Paráclito,
Nunc, et per omne sæculum.
Amen.

V. Repléti sumus mane
misericórdia tua. **R.** Exsultá-
vimus, et delectáti sumus.

Ad Bened. Ant. Per visce-
ra * misericórdiæ Dei nostri
visitávit nos Oriens ex alto.

**Preces, quando dicendæ
sunt, habentur supra in Fe-
ria II. 60.**

SABBATO

AD MATUTINUM

Invit. Dóminum Deum no-
strum * Veníte, adorémus.

Ps. Veníte, exsultémus. 2.

Hymnus.

SUMMÆ Parens cleméntiæ,
Mundi regis qui máchi-
nam,

Unius et substántiæ,
Trínusque persónis Deus :
Nostros pius cum cánticis
Fletus benigne súscipe :
Ut corde puro sórdium
Te perfruámur lágius.

Lumbos, jecúrque mór-
bidum
Flammis adúre cóngruis,
Accíncti ut artus éxcubent
Luxu remóto péssimo.

Quicúmque ut horas nó-
ctium

Nunc concinéndorúmpimus,
Ditémur omnes áffatim
Donis beátæ pátriæ.

Præsta, Pater piíssime,
Pátrique compar Unice,
Cum Spíritu Paráclito,
Regnans per omne sæculum.
Amen.

Ant. Quia mirabilia.

Psalmus 97.

CANTÁTE Dómino cánticum
novum : * quia mirabí-
lia fecit.

Salvávitsibi délixtera ejus : *
et bráchium sanctum ejus.

Notum fecit Dóminus sa-
lutáre suum : * in conspéctu
géntium revelávit justitiam
suam.

Recordátus est misericór-
diæ suæ, * et veritátis suæ
dómui Israël.

Vidérunt omnes términi
terræ * salutáre Dei nostri.

Jubiláte Deo omnis terra : *
cantáte, et exsultáte, et psál-
lite.

Psállite Dómino in cithara,
in cithara et voce psalmi : *
in tubis ductilibus, et voce
tubæ córneæ.

Jubiláte in conspéctu regis
Dómini : * moveátur mare,
et plenitúdo ejus : orbis ter-
rárum, et qui hábitant in
eo.

Flúmina pláudent manu,
simul montes exsultábunt a
conspéctu Dómini : * quón-
iam venit judicáre terram.

Judicábit orbem terrárum
in justitia, * et pópulos in
æquitáte.

Psalmus 98.

DÓMINUS regnávít, irascán-
tur pópuli : * qui sedet
super Chérubim, moveátur
terra.

Dóminus in Sion ma-
gnus : * et excélsus super
omnes pópulos.

Confiteántur nómini tuo
magno : quóniam terribile,
et sanctum est : * et honor
regis judicium diligit.

Tu parásti directiões : *
judicium et justitiam in Ja-
cob tu fecisti.

Exaltáte Dóminum Deum
nostrum, et adoráte scabél-
lum pedum ejus : * quóniam
sanctum est.

Móyses et Aaron in sacer-
dótibus ejus : * et Sámuel
inter eos, qui invocant no-
men ejus :

Invocábant Dóminum, et
ipse exaudiébat eos : * in
columna nubis loquebátur
ad eos.

Custodiébant testimónia

ejus, * et præceptum quod dedit illis.

Dómine Deus noster tu exaudiébas eos : * Deus tu propítius fuisti eis, et ulciscens in omnes adinventiões eórum.

Exaltáte Dóminum Deum nostrum, et adoráte in monte sancto ejus : * quóniam sanctus Dóminus Deus noster.

Ant. Quia mirabilia fecit Dóminus.

Sequens Ant. et Ps. Jubiláte. hic præmittitur, quando dicitur in Laud., ut in Sabbatis in quibus fit Officium de S. Maria, et ejus loco dicitur

Ant. et Ps. Bonum est confitéri Dómino. *ut infra.*

Ant. Jubiláte.

Psalmus 99.

JUBILÁTE Deo omnis terra : * servíte Dómino in lætítia. Introíte in conspéctuejus, * in exsultatióne.

Scitóte quóniam Dóminus ipse est Deus : * ipse fecit nos, et non ipsi nos :

Pópulus ejus, et oves páscuæ ejus : * introíte portas ejus in confessióne, átria ejus in hymnis : confitémini illi.

Laudáte nomen ejus : quóniam suávis est Dóminus, in ætérnum misericórdia ejus, * et usque in generatióem et generatióem véritas ejus.

Vel Psalmus 91.

BONUM est confitéri Dómino : * et psállere nómini tuo Altissime.

Ad annuntiándum mane misericórdiam tuam : * et veritátem tuam per noctem.

In decachórdo, psaltério : * cum cántico, in cithara.

Quia delectásti me Dómine in factúra tua : * et in opéribus mánuum tuárum exsultábo.

Quam magnificáta sunt ópera tua Dómine ! * nimis profúndæ factæ sunt cogitatióes tuæ :

Vir insipiens non cognóscet : * et stultus non intéliget hæc.

Cum exórti fúerint peccatóres sicut fœnum : * et apparúerint omnes, qui operántur iniquitátem :

Ut intéreant in sæculum sæculi : * tu áutem Altissimus in ætérnum Dómine.

Quóniam ecce inimíci tui Dómine, quóniam ecce inimíci tui peribunt : * et dispergéntur omnes, qui operántur iniquitátem.

Et exaltábitur sicut unicórnis cornu meum : * et senéctus mea in misericórdia úberi.

Et despéxit óculus meus inimícos meos : * et in insurgéntibus in me malignántibus áudiet áuris mea.

Justus, ut palma florébit : * sicut cedrus Libani multiplicábitur.

Plantáti in domo Dómini, * in átriis domus Dei nostri florébunt.

Adhuc multiplicabúntur in senécta úberi : * et bene

patiētes erunt, ut annūntient :

Quóniam rectus Dóminus Deus noster : * et non est iniquitas in eo.

Psalmus 100.

MISERICÓRDIAM, et iudicium * cantábo tibi Dómine :

Psallam, et intélligam in via immaculáta, * quando vénies ad me.

Perambulábam in innocentia cordis mei, * in médio domus meæ.

Non proponébam ante oculos meos rem injústam : * faciētes : prævaricatiónes odívi.

Non adhæsit mihi cor prævum : * declinātem a me malignum non cognoscébam.

Detrahéntem secréto próximo suo, * hunc persequébar.

Supérbo óculo, et insatiábili corde, * cum hoc non edébam.

Oculi mei ad fidéles terræ ut sédeant mecum : * ámbulans in via immaculáta, hic mihi ministrábat.

Non habitábit in médio domus meæ qui facit supérbiam : * qui lóquitur iniqua, non diréxit in conspéctu oculórum meórum.

In matutíno interficiébam omnes peccatóres terræ : * ut dispérderem de civitáte Dómini omnes operātes iniquitátem.

Ant. Jubiláte Deo omnis terra.

Vel Ant. Bonum est confitéri Dómino.

Ant. Clamor meus.

Psalmus 101.

DÓMINE exáudi oratióne meam : * et clamor meus ad te véniat.

Non avértas faciēem tuam a me : * in quacúmque die tribulor, inclina ad me áurem tuam.

In quacúmque die invocávero te, * velóciter exáudi me.

Quia defecérunt sicut fumus dies mei : * et ossa mea sicut crémium aruérunt.

Percússus sum ut fœnum, et áruit cor meum : * quia oblítus sum comédere panem meum.

A voce gémitus mei * adhæsit os meum carni meæ.

Símilis factus sum pelli-cáno solitúdinis : * factus sum sicut nycticorax in domicílio.

Vigilávi, * et factus sum sicut passer solitárius in tecto.

Tota die exprobrábant mihi inimíci mei : * et qui laudábant me, advérsus me jurábant.

Quia cínere tamquam panem manducábam, * et potum meum cum fletu miscébam.

A faciē iræ et indignatiónis tuæ : * quia élevans allísti me.

Dies mei sicut umbra declinavérunt : * et ego sicut fœnum áruí.

Tu áutem Dómine in ætér-

num p rmanes : * et memori le tuum in generati nem et generati nem.

Tu exsurgens miser beris Sion : * quia tempus miser ndi ejus, quia venit tempus.

Qu niam placuerunt servis tuis l pides ejus : * et terr  ejus misereb ntur.

Et tim bunt gentes nomen tuum D mine, * et omnes reges terr  gl riam tuam.

Quia  dific vit D minus Sion : * et vid bitur in gl ria sua.

Resp xit in orati nem humilium : * et non sprevit precem e rum.

Scrib ntur h c in generati ne  ltera : * et p pulus, qui cre bitur, laud bit D minum :

Quia prosp xit de exc lso sancto suo : * D minus de c elo in terram adsp xit :

Ut audiret g mitus compeditorum : * ut s lveret filios interemptorum :

Ut ann ntient in Sion nomen D mini : * et l udem ejus in Jer salem.

In conveni ndo p pulos in unum, * et reges ut s rviant D mino.

Resp ndit ei in via virtutis su  : * Paucit tem di rum me rum n ntia mihi.

Ne r voces me in dim dio di rum me rum : * in generati nem et generati nem anni tui.

Initio tu D mine terram fund sti : * et  pera m nuum tu rum sunt c eli.

Ipsi peribunt, tu  utem p rmanes : * et omnes sicut vestimentum veter scent.

Et sicut opert rium mutabis eos, et mutab ntur : * tu  utem idem ipse es, et anni tui non deficient.

Filii serv rum tu rum habit bunt : * et semen e rum in s culum dirig tur.

Psalmus 102.

B NEDIC  nima mea D mino : * et  mnia, qu  intra me sunt, n mini sancto ejus.

B nedic  nima mea D mino : * et noli oblivisci omnes retributi nes ejus :

Qui propiti tur  mnibus iniquitatibus tuis : * qui sanat omnes infirmitates tuas.

Qui r dimit de int ritu vitam tuam : * qui coronat te in miseric rdia et miserationibus.

Qui replet in bonis desiderium tuum : * renov bitur ut  quil  juv ntus tua :

F ciens miseric rdias D minus : * et iudicium  mnibus inj riam patientibus.

Notas fecit vias suas M ysi, * filiis Isra l voluntates suas.

Miser tor, et mis ricors D minus : * long nims, et multum mis ricors.

Non in perp tuum irasc tur : * neque in  t rn timeretur commin bitur.

Non sec ndum pecc ta nostra fecit nobis : * neque sec ndum iniquitates nostras retribuit nobis.

Qu niam sec ndum alti-

túdinem cæli a terra,* corroborávit misericórdiam suam super timéntes se.

Quantum distat ortus ab occidente : * longe fecit a nobis iniquitátes nostras.

Quómodo miserétur pater filiórum, misértus est Dóminus timéntibus se : * quóniam ipse cognóvit figméntum nostrum.

Recordátus est quóniam pulvis sumus : * homo, sicut fœnum dies ejus, tamquam flos agri sic efflorebit.

Quóniam spiritus pertransibit in illo, et non subsistet : * et non cognóscet ámplius locum suum.

Misericórdia áutem Dómini ab ætérno,* et usque in ætérnum super timéntes eum.

Et justítia illius in filios filiórum,* his qui servant testaméntum ejus :

Et mémoires sunt mandatórum ipsius,* ad faciéndum ea.

Dóminus in cælo parávit sedem suam : * et regnum ipsius ómnibus dominábitur.

Benedícite Dómino omnes Angeli ejus : * poténtes virtúte, faciéntes verbum illius, ad audiéndam vocem sermónum ejus.

Benedícite Dómino omnes virtútes ejus : * ministri ejus, qui fácit voluntátem ejus.

Benedícite Dómino ómnia ópera ejus : * in omni loco dominationis ejus, bédedic ánimá mea Dómino.

Ant. Clamor meus ad te véniat Deus.

Ant. Bédedic.

Psalmus 103.

BÉNEDIC ánimá mea Dómino : * Dómine Deus meus magnificátus es veheménter.

Confessiónem, et decórem induísti : * amíctus lúmine sicut vestiménto :

Exténdens cælum sicut pellem : * qui tegis aquis superióra ejus.

Qui ponis nubem ascénsum tuum : * qui ámbulas super pennas ventórum.

Qui facis Angelos tuos, spíritus : * et ministros tuos, ignem uréntem.

Qui fundásti terram super stabilitátem suam : * non inclinábitur in sæculum sæculi.

Abýssus, sicut vestiméntum amíctus ejus : * super montes stabunt aquæ.

Ab increpatióne tua fugient : * a voce tonítrui tui formidábunt.

Ascéndunt montes : et descéndunt campi * in locum, quem fundásti eis.

Términum posuísti, quem non transgrediéntur : * neque converténtur operíre terram.

Qui emíttis fontes in convállibus : * inter médium móntium pertransíbunt aquæ.

Potábunt omnes béstiae agri : * exspectábunt ónagri in siti sua.

Super ea volúcres cæli habitábunt : * de médio petrárum dabunt voces.

Rigans montes de superiório-

ribus suis : * de fructu óperum tuórum satiábitur terra :

Prodúcens fœnum jumén-
tis, * et herbam servitúti
hóminum :

Ut edúcas panem de ter-
ra : * et vinum lætíficet cor
hóminis :

Ut exhílalet fáciem in
óleo : * et panis cor hóminis
confirmet.

Saturabúntur ligna campi,
et cedri Libani, quas plan-
távit : * illic pásseres nidifi-
cábunt.

Heródii domus dux est
eórum : * montes excélsi
cervis : petra refúgium heri-
náciis.

Fecit lunam in témpora : *
sol cognóvit occásu suum.

Posuísti ténebras, et facta
est nox : * in ipsa pertrans-
ibunt omnes béstiae silvæ.

Cátuli leónum rugientes,
ut rápíant, * et quærant a
Deo escam sibi.

Ortus est sol, et congre-
gáti sunt : * et in cubilibus
suis collocabúntur.

Exibit homo ad opus su-
um : * et ad operatióem
suam usque ad vésperum.

Quam magnificáta sunt
ópera tua Dómine ! * ómnia
in sapiéntia fecísti : impléta
est terra possessióe tua.

Hoc mare magnum, et
spatiósum mánibus : * illic
reptília, quorum non est nú-
merus.

Animália pusilla cum ma-
gnis : * illic naves pertrans-
ibunt.

Draco iste, quem formásti
ad illudéndum ei : * ómnia
a te expéctant ut des illis
escam in témpore.

Dante te illis, cólligent : *
aperiente te manum tuam,
ómnia implebúntur bonitá-
te.

Avertente áutem te fáciem,
turbabúntur : * áuferes spi-
ritum eórum, et deficient, et
in púlverem suum revertén-
tur.

Emíttes spiritum tuum, et
creabúntur : * et renovábis
fáciem terræ.

Sit glória Dómini in sæcu-
lum : * lætábitur Dóminus
in opéribus suis :

Qui respicit terram, et fa-
cit eam trémere : * qui tangit
montes, et fúmigant.

Cantábo Dómino in vita
mea : * psallam Deo meo,
quámdiu sum.

Jucúndum sit ei elóquium
meum : * ego vero delectá-
bor in Dómino.

Deficiant peccatóres a ter-
ra, et iníqui ita ut non sint : *
benedic ánima mea Dómino.

Psalmus 104.

CONFITÉMINI Dómino, et in-
vocáte nomen ejus : * an-
nuntiáte inter gentes ópera
ejus.

Cantáte ei, et psállite ei : *
narráte ómnia mirabilia ejus.

Laudámini in nómine san-
cto ejus : * lætétur cor quæ-
réntium Dóminum.

Quærite Dóminum, et con-
firmámini : * quærite fáciem
ejus semper.

Mementóte mirabiliū ejus, quæ fecit : * prodigia ejus, et judicia oris ejus.

Semen Abraham, servi ejus : * filii Jacob, elécti ejus.

Ipsé Dóminus Deus noster : * in univérsa terra judicia ejus.

Memor fuit in sæculum testaménti sui : * verbi, quod mandávit in mille generatiónes :

Quod dispósuit ad Abraham : * et juraménti sui ad Isaac :

Et státuit illud Jacob in præcéptum : * et Israël in testaméntum ætérnum :

Dicens : Tibi dabo terram Chánaan, * funiculum hereditátis vestræ.

Cum essent número brevi, * paucíssimi et incolæ ejus :

Et pertransiérunt de gente in gentem, * et de regno ad pópulum álterum.

Non reliquit hóminem nocére eis : * et corripuit pro eis reges.

Nolite tângere christos meos : * et in prophétis meis nolite malignári.

Et vocávit famem super terram : * et omne firmaméntum panis contrívit.

Misit ante eos virum : * in servum venúmdatus est Joseph.

Humiliavérunt in compédibus pedes ejus, ferrum pertránsiit ánimam ejus, * donec veníret verbum ejus.

Elóquium Dómini inflam mávit eum : * misit rex, et solvit eum; princeps populórum, et dimisit eum.

Constituit eum dóminum domus suæ : * et principem omnis possessiόνis suæ :

Ut erudíret principes ejus sicut semetípsum : * et senes ejus prudéntiam docéret.

Et intrávit Israël in Ægýptum : * et Jacob áccola fuit in terra Cham.

Et áuxit pópulum suum veheménter : * et firmávit eum super inimícos ejus.

Convértit cor eórum ut odírent pópulum ejus : * et dolum fácerent in servos ejus.

Misit Móysen servum suum : * Aaron, quem elégit ipsum.

Pósuit in eis verba signórum suórum, * et prodigiórum in terra Cham.

Misit ténebras, et obscurávit : * et non exacerbávit sermónes suos.

Convértit aquas eórum in sánguinem : * et occídít pisces eórum.

Edidit terra eórum ranas * in penetrálibus regum ipsórum.

Dixit, et venit cœnomyía : * et cinifes in ómnibus finibus eórum.

Pósuit plúvias eórum grádinem : * ignem comburéntem in terra ipsórum.

Et percússit véneas eórum, et ficúlneas eórum : * et contrívit lignum finium eórum.

Dixit, et venit locústa, et bruchus, * cujus non erat númerus :

Et comédit omne fœnum in terra eórum : * et comédit omnem fructum terræ eórum.

Et percússit omne primogénitum in terra eórum : * primitias omnis labóris eórum.

Et edúxit eos cum argento et áuro : * et non erat in tribubus eórum infirmus.

Lætáta est Ægýptus in profectione eórum : * quia incubuit timor eórum super eos.

Expándit nubem in protectionem eórum, * et ignem ut luceret eis per noctem.

Petiérunt, et venit cotúrnix : * et pane cæli saturávit eos.

Dirúpit petram, et fluxérunt aquæ : * abiérunt in sicco flúmina ;

Quóniam memor fuit verbi sancti sui, * quod hábuit ad Abraham púerum suum.

Et edúxit pópulum suum in exsultatione, * et eléctos suos in lætitia.

Et dedit illis regiónés génitum : * et labóres populórum possederunt :

Ut custódiant justificatiónes ejus, * et legem ejus requirant.

Ant. Bénedic ánima mea Dómino.

Ant. Visita nos.

Psalmus 105.

CONFITÉMINI Dómino quóniam bonus : * quóniam

in sáculum misericórdia ejus.

Quis loquétur poténtias Dómini, * auditas fáciet omnes láudes ejus?

Beáti, qui custódiunt iudicium, * et faciunt justitiam in omni témpore.

Meménto nostri Dómine in beneplácito pópuli tui : * visita nos in salutári tuo :

Ad vidéndum in bonitate electórum tuórum, ad lætándum in lætitia gentis tuæ : * ut lauderis cum hereditate tua.

Peccávimus cum pátribus nostris : * injúste égimus, iniquitatem fécimus.

Patres nostri in Ægýpto non intellexérunt mirabilia tua : * non fuérunt mémores multitudinis misericórdiæ tuæ.

Et irritavérunt ascendéntes in mare, * mare Rubrum.

Et salvávit eos propter nomen suum : * ut notam faceret poténtiam suam.

Et incrépuit mare Rubrum, et exsiccátum est : * et dedúxit eos in abyssis sicut in desérto.

Et salvávit eos de manu odiéntium : * et redémit eos de manu inimíci.

Et opéruit aqua tribulántes eos : * unus ex eis non remánsit.

Et credidérunt verbis ejus : * et laudavérunt láudem ejus.

Cito fecérunt, obliti sunt óperum ejus : * et non sustinuerunt consílium ejus.

Et concupiérunt concupiscéntiam in desérto : * et tentavérunt Deum in inaquóso.

Et dedit eis petitiónem ipsórum : * et misit saturitátem in ánimas eórum.

Et irritavérunt Móysen in castris, * Aaron sanctum Dómini.

Apérta est terra, et deglutivit Dathan : * et opéruit super congregatiónem Abiron.

Et exársit ignis in synagóga eórum : * flamma combússit peccatóres.

Et fecérunt vítulum in Horeb : * et adoravérunt scúltile.

Et mutavérunt glóriam suam * in similitúdinem vítuli comedéntis fœnum.

Obliti sunt Deum, qui salvávit eos, * qui fecit magnália in Ægýpto, mirabilia in terra Cham : terribília in mari Rubro.

Et dixit ut dispérderet eos : * si non Móyses eléctus ejus stetisset in confractiône in conspéctu ejus :

Ut avérteret iram ejus ne dispérderet eos : * et pro nihilo habuérunt terram considerábilem :

Non credidérunt verbo ejus, et murmuravérunt in tabernáculis suis : * non exaudierunt vocem Dómini.

Et elevávit manum suam super eos : * ut prostérneret eos in desérto :

Et ut dejiceret semen eórum in natió nibus : * et di-

spégeret eos in regió nibus.

Et initiáti sunt Beélphegor : * et comedérunt sacrificia mortuórum.

Et irritavérunt eum in adinventiόνibus suis : * et multiplicáta est in eis ruína.

Et stetit Phinees, et placávit : * et cessávit quassátio.

Et reputátum est ei in justítiam, * in generatió nem et generatió nem usque in sempitérnum.

Et irritavérunt eum ad Aquas contradicţió nis : * et vexátus est Móyses propter eos : quia exacerbavérunt spíritum ejus.

Et distinxit in lábiis suis : * non disperdidérunt gentes, quas dixit Dóminus illis.

Et commixti sunt inter gentes, et didicérunt ópera eórum : et serviérunt sculptilibus eórum : * et factum est illis in scándalum.

Et immolavérunt filios suos, * et filias suas dæmóniis.

Et effudérunt sánguinem innocéntem : * sánguinem filiórum suórum et filiárum suárum, quassacrificavérunt sculptilibus Chánaan.

Et infécta est terra in sanguinibus, et contamináta est in opéribus eórum : * et fornicáti sunt in adinventiόνibus suis.

Et irátus est furóre Dóminus in pópulum suum : * et abominátus est hereditátem suam.

Et trádedit eos in manus

géntium : * et domináti sunt eórum qui odérunt eos.

Et tribulavérunt eos inimici eórum, et humiliáti sunt sub mánibus eórum : * sæpe liberávit eos.

Ipsi áutem exacerbavérunt eum in consilio suo : * et humiliáti sunt in iniquitátibus suis.

Et vidit cum tribularéntur : * et audivit oratióem eórum.

Et memor fuit testaménti sui : * et pœnituit eum secúndum multitudinem misericórdiæ suæ.

Et dedit eos in misericórdias * in conspéctu ómnium qui céperant eos.

Salvos nos fac Dómine Deus noster : * et cógrega nos de natióibus :

Ut confiteámur nómini sancto tuo : * et gloriémur in láude tua.

Benedictus Dóminus Deus Israël a sáculo et usque in sáculum : * et dicet omnis pópulus : Fiat, fiat.

Psalmus 106.

CONFITÉMINI Dómino quóniam bonus : * quóniam in sáculum misericórdia ejus.

Dicant qui redempti sunt a Dómino, quos redémit de manu inimici : * et de regiõibus congregávit eos :

A solis ortu, et occásu : * ab aquilóne, et mari.

Erravérunt in solitúdine in inaquéso : * viam civitátis habitáculi non invenérunt.

Esuriéntes, et sitiéntes : * ánima eórum in ipsis defécit.

Et clamavérunt ad Dóminum cum tribularéntur : * et de necessitatibus eórum eripuit eos.

Et dedúxit eos in viam rectam : * ut irent in civitátem habitatiónis.

Confiteántur Dómino misericórdiæ ejus : * et mirabilia ejus filiis hóminum.

Quia satiávit ánimam inánem : * et ánimam esuriéntem satiávit bonis.

Sedéntes in ténebris, et umbra mortis : * vinctos in mendicitáte et ferro.

Quia exacerbavérunt elóquia Dei : * et consílium Altíssimi irritavérunt.

Et humiliátum est in labóribus cor eórum : * infirmáti sunt, nec fuit qui adjuváret.

Et clamavérunt ad Dóminum cum tribularéntur : * et de necessitatibus eórum liberávit eos.

Et edúxit eos de ténebris, et umbra mortis : * et vincula eórum dirúpit.

Confiteántur Dómino misericórdiæ ejus : * et mirabilia ejus filiis hóminum.

Quia contrívit portas æreas : * et vectes férreos confrégit.

Suscépit eos de via iniquitátis eórum : * propter injustitias enim suas humiliáti sunt.

Omnem escam abomináta est ánima eórum : * et ap-

propinquavérunt usque ad portas mortis.

Et clamavérunt ad Dóminum cum tribularéntur : * et de necessitatibus eórum liberávit eos.

Misit verbum suum, et salvávit eos : * et eripuit eos de interitió nibus eórum.

Confiteántur Dómino misericórdiæ ejus : * et mirabilia ejus filiis hóminum.

Et sacrificent sacrificium láudis : * et annúntient ópera ejus in exsultatióne.

Qui descéndunt mare in návibus, * faciéntes operatió nem in aquis multis.

Ipsi vidérunt ópera Dómini, * et mirabilia ejus in profundo.

Dixit, et stetit spíritus procéllæ : * et exaltáti sunt fluctus ejus.

Ascéndunt usque ad cælos, et descéndunt usque ad abyssos : * ánima eórum in malis tabescébat.

Turbáti sunt, et moti sunt sicut ébrius : * et omnis sapiéntia eórum devoráta est.

Et clamavérunt ad Dóminum cum tribularéntur, * et de necessitatibus eórum edúxit eos.

Et státuit procéllam ejus in áuram : * et silué runt fluctus ejus.

Et lætáti sunt quia silué runt : * et dedúxit eos in portum voluntátis eórum.

Confiteántur Dómino misericórdiæ ejus : * et mirabilia ejus filiis hóminum.

Et exáltent eum in ecclé sia plebis : * et in cáthedra seniórum láudent eum.

Pósuit flúmina in desértum, * et éxitus aquárum in sitim.

Terram fructíferam in salúginem, * a malítia inhabitántium in ea.

Pósuit desértum in stagna aquárum : * et terram sine aqua in éxitus aquárum.

Et collocávit illic esuriéntes : * et constituérunt civitátem habitatió nis.

Et seminavérunt agros, et plantavérunt vineas : * et fecérunt fructum nativitátis.

Et benedixit eis, et multiplicáti sunt nimis : * et jumenta eórum non minorávit.

Et páuci facti sunt : * et vexáti sunt a tribulatióne malórum, et dolore.

Effúsa est contéptio super príncipes : * et erráre fecit eos in invio, et non in via.

Et adjúvit páuperem de inópia : * et pósuit sicut oves familias.

Vidébunt recti, et lætabúntur : * et omnis iniquitas oppilábit os suum.

Quis sapiens et custódiet hæc? * et intélliget misericórdias Dómini?

Ant. Visita nos Dómine in salutári tuo.

Ant. Confitébor Dómino.
Psalmus 107.

PARÁTUM cor meum Deus, parátum cor meum : * cantábo, et psallam in glória mea.

Exsúrge glória mea, exsúrge psaltérium, et citharra : * exsúrgam dilúculo.

Confitébor tibi in pópulis Dómine : * et psallam tibi in natióibus.

Quia magna est super cælos misericórdia tua : * et usque ad nubes véritas tua :

Exaltáre super cælos Deus, et super omnem terram glória tua : * ut liberéntur dilecti tui.

Salvum fac dextera tua, et exáudi me : * Deus locútus est in sancto suo :

Exsultábo, et dívidam Sichimam, * et convállem tabernaculórum dimétiar.

Meus est Gálaad, et meus est Manásses : * et Ephraïm suscéptio cápitis mei.

Juda rex meus : * Moab lebes spei meæ.

In Idumæam exténdam calceaméntum meum : * mihi alienígenæ amici facti sunt.

Quis dedúcet me in civitatem munitam? * quis dedúcet me usque in Idumæam?

Nonne tu Deus, qui repulististi nos, * et non exíbis Deus in virtútibus nostris?

Da nobis auxílium de tribulatióne : * quia vana salus hóminis.

In Deo faciémus virtútem : * et ipse ad nihilum dedúcet inimícos nostros.

Psalmus 108.

DEUS láudem meam ne tacúeris : * quia os peccatóris, et os dolósi super me apértum est.

Locúti sunt advérsum me lingua dolósa, et sermónibus ódii circumdedérunt me : * et expugnavérunt me gratis.

Pro eo ut me diligerent, detrahébant mihi : * ego autem orábam.

Et posuérunt advérsum me mala pro bonis : * et ódium pro dilectiόne mea.

Constitue super eum peccatórem : * et diábolus stet a dextris ejus.

Cum judicátur, éxeat condemnátus : * et orátio ejus fiat in peccátum.

Fiant dies ejus páuci : * et episcopátum ejus accípiat alter.

Fiant filii ejus órphani : * et uxor ejus vídua.

Nutántes transferántur filii ejus, et mendícent : * et ejiciántur de habitatióibus suis.

Scrutétur fœnerátor omnem substántiam ejus : * et dirípiant aliéni labóres ejus.

Non sit illi adjútor : * nec sit qui misereátur pupillis ejus.

Fiant nati ejus in intéritum : * in generatióne una deleátur nomen ejus.

In memóriam rédeat iniquitas patrum ejus in conspéctu Dómini : * et peccátum matris ejus non deleátur.

Fiant contra Dóminum semper, et dispéreat de terra memória eórum : * pro eo

quod non est recordátus
facere misericórdiam.

Et persecútus est hóminem
inopem, et mendícum, * et
compúctum corde mortifi-
cáre.

Et diléxit maledictiónem,
et véniet ei : * et nóluit be-
nedictiónem, et elongábitur
ab eo.

Et índuit maledictiónem
sicut vestiméntum, * et in-
trávit sicut aqua in interióra
ejus, et sicut óleum in óssi-
bus ejus.

Fiat ei sicut vestiméntum
quo operítur : * et sicut
zona, qua semper præcin-
gitur.

Hoc opus eórum, qui dé-
trahunt mihi apud Dómi-
num : * et qui loquúntur
mala advérsus ánimam
meam.

Et tu Dómine, Dómine,
fac mecum propter nomen
tuum : * quia suávis est mi-
sericórdia tua.

Libera me quia egénus,
et páuper ego sum : * et cor
meum conturbátum est intra
me.

Sicut umbra cum decli-
nat, ablátus sum : * et excús-
sus sum sicut locústæ.

Génua mea infirmáta sunt
a jejúnio : * et caro mea
immutáta est propter óleum.

Et ego factus sum oppró-
brium illis : * vidérunt me,
et movérunt cápita sua.

Adjuva me Dómine Deus
meus : * salvum me fac secún-
dum misericórdiam tuam.

Et sciant quia manus tua
hæc : * et tu Dómine fecisti
eam.

Maledícent illi, et tu be-
nedíces : * qui insúrgunt in
me, confundántur : servus
autem tuus lætábitur.

Induántur qui détrahunt
mihi, pudóre : * et operián-
tur sicut diplóide confusióne
sua.

Confitébor Dómino ni-
mis in ore meo : * et in
medio multórum laudábo
eum :

Quia ádstitit a dextris páu-
peris, * ut salvam fáceret
a persecuéntibus ánimam
meam.

Ant. Confitébor Dómino
nimis in ore meo.

Per Annum. V. Dómine
exáudi oratióem meam. **R.**
Et clamor meus ad te vé-
niat.

Pro B. Maria. V. Diffúsa
est grátia in lábiis tuis. **R.**
Propterea benedixit te Deus
in ætérnum.

AD LAUDES

Ant. Benigne fac * in bona
voluntáte tua Dómine.

Ps. Miserére. 57.

Ant. Bonum est.

Psalmus 91.

BONUM est confitéri Dómi-
no : * et psállere nómini
tuo Altíssime :

Ad annuntiándum mane
misericórdiam tuam : * et
veritátem tuam per no-
ctem.

In decachódo, psalté-

rio : * cum cántico, in ci-
thara.

Quia delectásti me Dómine
in factúra tua : * et in opé-
ribus mánuum tuárum ex-
sultábo.

Quam magnificáta sunt
ópera tua Dómine ! * nimis
profúndæ factæ sunt cogita-
tiónes tuæ.

Vir insipiens non cognó-
scet : * et stultus non intél-
liget hæc.

Cum exórti fúerint pecca-
tóres sicut fœnum : * et ap-
parúerint omnes, qui ope-
rántur iniquitátem :

Ut intéreant in sæculum
sæculi : * tu áutem Altíssi-
mus in ætérnum Dómine.

Quóniam ecce inimíci tui
Dómine, quóniam ecce ini-
míci tui peribunt : * et di-
spérgéntur omnes, qui ope-
rántur iniquitátem.

Et exaltábitur sicut uni-
córnis cornu meum : * et
senéctus mea in misericór-
dia úberi.

Et despéxit óculus meus
inimicos meos : * et in insur-
géntibus in me malignánti-
bus áudiet áuris mea.

Justus, ut palma florébit : *
sicut cedrus Libani multi-
plicábitur.

Plantáti in domo Dómini, *
in átriis domus Dei nostri
florébunt.

Adhuc multiplicabúntur
in senécta úberi : * et bene-
patientes erunt, ut annún-
tiant :

Quóniam rectus Dóminus

Deus noster : * et non est
iniquitas in eo.

Ant. Bonum est confitéri
Dómino.

Ant. Méтуant Dóminum *
omnes fines terræ.

Ps. Deus Deus meus. 17.

Ant. Date magnitúdinem.

Canticum Moysi. Deut. 32.

AUDÍTE cæli quæ loquor : *
áudiat terra verba oris
mei.

Concréscat ut plúvia do-
ctrína mea, * fluat ut ros
elóquium meum,

Quasi imber super her-
bam, et quasi stillæ super
grámina. * Quia nomen
Dómini invocábo :

Date magnificéntiam Deo
nostro. * Dei perfécta sunt
ópera, et omnes viæ ejus
judicia :

Deus fidélis, et absque
ulla iniquitáte, justus et re-
ctus. * Peccavérunt ei, et
non filii ejus in sórdibus :

Generátio prava atque
pervérsa. * Hæccine reddis
Dómino pópule stulte et in-
sipiens?

Numquid non ipse est
pater tuus, * qui possédit
te, et fecit, et creávit te?

Meménto diérum antiquó-
rum, * cógita generatiónes
singulas :

Intérroga patrem tuum,
et annuntiábit tibi : * majó-
res tuos, et dicent tibi.

Quando dividébat Altíssi-
mus gentes : * quando sepa-
rábat filios Adam,

Constituit términos popu-

lórum * juxta númerum fili-
liórum Israël.

Pars áutem Dómini, pópulus ejus : * Jacob funículus hereditátis ejus.

Invénit eum in terra desérta, * in loco horróris, et vastæ solitúdinis :

Circumdúxit eum, et dócu-
cuit : * et custodivit quasi pupillam óculi sui.

Sicut áquila próvocans ad volándum pullos suos, * et super eos vólitans,

Expándit alas suas, et assúmpsit eum, * atque portávit in húmeris suis.

Dóminus solus dux ejus fuit : * et non erat cum eo deus aliénus.

Constituit eum super excélsam terram : * ut coméderet fructus agrórum,

Ut súgeret mel de petra, * oleúmque de saxo duríssimo.

Butýrum de arménto, et lac de óvibus * cum ádipe agnórum, et arietum filiór-
um Basan :

Et hircos cum medúlla tritici, * et ságuinem uvæ bíberet meracíssimum.

Incrassátus est diléctus, et recalcitrávit : * incrassátus, impinguátus, dilatátus,

Derelíquit Deum factórem suum, * et recéssit a Deo salutári suo.

Provocavérunt eum in diis aliénis, * et in abominatió-
nibus ad iracúndiam concitavérunt.

Immolavérunt dæmóniis,

et non Deo, * diis, quos ignorábant :

Novi recentésque venérunt, * quos non coluérunt patres eórum.

Deum qui te génuit dereliquísti, * et oblítus es Dómini creatóris tui.

Vidit Dóminus, et ad iracúndiam concitátus est : * quia provocavérunt eum filii sui et filiaë.

Et ait : Abscóndam faciém meam ab eis, * et considerábo novíssima eórum :

Generátio enim perversa est, * et infidéles filii.

Ipsi me provocavérunt in eo, qui non erat Deus, * et irritavérunt in vanitátibus suis :

Et ego provocábo eos in eo, qui non est pópulus, * et in gente stulta irritábo illos.

Ignis succénsus est in furóre meo, * et ardébit usque ad inférni novíssima :

Devorabítque terram cum gérmine suo, * et móntium fundaménta combúret.

Congregábo super eos mala : * et sagíttas meas complébo in eis.

Consuméntur fame, * et devorábunt eos aves morsu amaríssimo :

Dentes bestiárum immít-
tam in eos, * cum furóre trahéntium super terram, atque serpéntium.

Foris vastábit eos gládius, et intus pavor, * júvenem simul ac vírginem, lacténtem cum hómine sene.

Dixi : Ubinam sunt? * ces-
sare faciam, ex hominibus
memoriam eorum.

Sed propter iram inimi-
corum distuli : * ne forte
superbirent hostes eorum,

Et dicerent : Manus no-
stra excelsa, et non Domi-
nus, * fecit hæc omnia.

Gens absque consilio est,
et sine prudentia. * Utinam
saperent, et intelligerent, ac
novissima providerent.

Quomodo persequatur
unus mille, * et duo fugent
decem millia?

Nonne ideo, quia Deus
suus vendidit eos, * et Do-
minus conclusit illos?

Non enim est Deus noster
ut dii eorum : * et inimici
nostri sunt iudices.

De vinea Sodomorum, vi-
nea eorum, * et de subur-
banis Gomorrhæ :

Uva eorum uva fellis, * et
botri amarissimi.

Fel draconum vinum eo-
rum, * et venenum aspidum
insanabile.

Nonne hæc condita sunt
apud me, * et signata in the-
sauris meis?

Mea est ultio, et ego re-
tribuam in tempore, * ut
labatur pes eorum :

Juxta est dies perditio-
nis, * et adesse festinant tem-
pora.

Judicabit Dominus popu-
lum suum, * et in servis
suis miseretur :

Videbit quod infirmata
sit manus, * et clausi quoque

defecerunt, residuique con-
sumpti sunt.

Et dicet : Ubi sunt dii eo-
rum, * in quibus habebant
fiduciam?

De quorum victimis co-
medebant adipem, * et bibé-
bant vinum libaminum :

Surgant, et opitulentur
vobis, * et in necessitate vos
protegant.

Videte quod ego sim so-
lus, * et non sit alius Deus
praeter me :

Ego occidam, et ego vi-
vere faciam : percutiam, et
ego sanabo, * et non est qui
de manu mea possit erue-
re.

Levabo ad caelum manum
meam, et dicam : * Vivo ego
in aeternum.

Si acutero ut fulgur gla-
dium meum, * et arripuerit
judicium manus mea :

Reddam ultionem hosti-
bus meis, * et his qui odé-
runt me retribuam.

Inebriabo sagittas meas
sanguine, * et gladius meus
devorabit carnes,

De cruore occisorum, * et
de captivitate, nudati ini-
micorum capitis.

Laudate gentes populum
ejus, * quia sanguinem ser-
vorum suorum ulciscetur :

Et vindictam retribuet in
hostes eorum, * et propitius
erit terrae populi sui.

Ant. Date magnitudinem
Deo nostro.

Ant. In cymbalis beneso-
nantibus * laudate Deum.

Ps. Laudáte Dóminum de
cælis. 19.

Capitulum. Rom. 13. d

Nox præcëssit, dies áutem
appropinquávit. Abjiciá-
mus ergo ópera tenebrárum,
et induámur arma lucis. Sic-
ut in die honéste ambulé-
mus.

Hymnus.

AURÓRA jam spargit po-
lum :

Terris dies illábitur :

Lucis resúltat spículum :

Discédát omne lúbricum.

Phantásma noctis éxsu-
let :

Mentis reátus córruat :

Quidquid ténebris hórrí-
dum

Nox áttulit culpæ, cadat.

Ut mane, quod nos últi-
mum

Hic deprecámur cernui,

Cum luce nobis éffluat,

Hoc dum canóre cóncre-
pat.

Deo Patri sit glória,

Ejúsque soli Filio,

Cum Spíritu Paráclito,

Nunc et per omne sæculum.

Amen.

V. Repléti sumus mane
misericórdia tua. **R.** Exsul-
távimus, et delectáti su-
mus.

Ad Bened. Ant. Illuminá-
re * Dómine his, qui in téne-
bris sedent, et dirige pedes
nostros in viam pacis, Deus
Israël.

**Preces, quando dicendæ
sunt, habentur supra in Fe-
ria II. 60.**

DOMINICA

AD VESPERAS

Pater noster. Ave María.

V. Deus in adjutórium.
17.

Ant. Dixit Dóminus.

Psalmus 109.

DIXIT Dóminus Dómino
meo : * Sede a dextris
meis :

Donec ponam inimícos
tuos, * scabéllum pedum
tuórum.

Virgam virtútis tuæ emit-
tet Dóminus ex Sion : * do-
mináre in médio inimicó-
rum tuórum.

Tecum princípium in die
virtútis tuæ in splendóribus
sanctorum : * ex útero ante
lucíferum génui te.

Jurávit Dóminus, et non
pœnitébit eum : * Tu es sa-
cérdos in ætérnum secún-
dum órduem Melchisedech.

Dóminus a dextris tuis, *
confrégit in die iræ suæ
reges.

Judicábit in natió nibus,
implébit ruínas : * conquis-
sábit cápita in terra multó-
rum.

De torrén te in via bibet : *
proptérea exaltábit caput.

Ant. Dixit Dóminus Dó-
mino meo : Sede a dextris
meis.

Ant. Fidélia.

Psalmus 110.

CONFITÉBOR tibi Dómine in
toto corde meo : * in
consilio justórum, et con-
gregatióne.

Magna ópera Dómini : *
exquisita in omnes voluntá-
tes ejus.

Conféssio et magnificén-
tia opus ejus : * et justitia
ejus manet in sæculum sæ-
culi.

Memóriam fecit mirabi-
lium suórum, miséricors et
miserátor Dóminus : * escam
dedit timéntibus se.

Memor erit in sæculum
testaménti sui : * virtútem
óperum suórum annuntiábit
pópulo suo :

Ut det illis hereditátem
géntium : * ópera mánuum
ejus véritas, et judícium.

Fidélia ómnia mandáta
ejus : confirmáta in sæcu-
lum sæculi, * facta in veri-
táte et æquitáte.

Redemptiónem misit pó-
pulo suo : * mandávit in
ætérnum testaméntum su-
um.

Sanctum, et terribile no-
men ejus : * initium sapién-
tiæ timor Dómini.

Intelléctus bonus ómni-
bus faciéntibus eum : * lau-
dátio ejus manet in sæculum
sæculi.

Ant. Fidélia ómnia man-
dáta ejus : confirmáta in
sæculum sæculi.

Ant. In mandátis.

Psalmus 111.

BEÁTUS vir, qui timet Dó-
minum : * in mandátis
ejus volet nimis.

Potens in terra erit semen
ejus : * generátio rectórum
benedicétur.

Glória, et divitiæ in domo
ejus : * et justitia ejus ma-
net in sæculum sæculi.

Exórtum est in ténebris
lumen rectis : * miséricors,
et miserátor, et justus.

Jucúndus homo qui mise-
rétur et cómmodat, dispónet
sermónes suos in judício : *
quia in ætérnum non com-
movébitur.

In memória ætérna erit
justus : * ab auditióne mala
non timébit.

Parátum cor ejus speráre
in Dómino, confirmátum est
cor ejus : * non commové-
bitur donec despiciat inimi-
cos suos.

Dispérsit, dedit paupéri-
bus : justitia ejus manet in
sæculum sæculi, * cornu
ejus exaltábitur in glória.

Peccátor vidébit, et ira-
scétur, déntibus suis fremet
et tabéscet : * desidérium
peccatórum peribit.

Ant. In mandátis ejus cu-
pit nimis.

Ant. Sit nomen Dómini.

Psalmus 112

LAUDÁTE púeri Dóminum : *
laudáte nomen Dómini.

Sit nomen Dómini bene-
dictum, * ex hoc nunc, et
usque in sæculum.

A solis ortu usque ad oc-
cásum, * laudábile nomen
Dómini.

Excélsus super omnes gen-
tes Dóminus, * et super cæ-
los glória ejus.

Quis sicut Dóminus Deus
noster, qui in altis hábitat, *

et humilia respicit in cælo
et in terra?

Súscitans a terra inopem,*
et de stercore érigenſ páu-
perem :

Ut cóllocet eum cum prin-
cípibus,* cum princípibus
pópuli sui.

Qui habitáre facit stérilem
in domo,* matrem filiórum
lætántem.

Ant. Sit nomen Dómini
benedictum in sæcula.

Ant. Nos qui vivimus.

Psalmus 113.

IN éxitu Israël de Ægýpto,*
domus Jacob de pópulo
bárbaro :

Facta est Judæa sanctificá-
tio ejus,* Israël potéstas ejus.

Mare vidit, et fugit :* Jor-
dánis convérsus est retrór-
sum.

Montes exsultavérunt ut
arietes :* et colles sicut
agni óvium.

Quid est tibi mare quod
fugisti :* et tu Jordánis, quia
convérsus es retrórsum?

Montes exsultástis sicut
arietes,* et colles sicut agni
óvium?

A fácie Dómini mota est
terra,* a fácie Dei Jacob :

Qui convértit petram in
stagna aquárum,* et rupem
in fontes aquárum.

Non nobis Dómine, non
nobis :* sed nómini tuo da
glóriam.

Super misericórdia tua,
et veritáte tua :* nequándo
dicant gentes : Ubi est Deus
eórum?

Deus áutem noster in cæ-
lo :* ómnia quæcúmque vó-
luit, fecit.

Simulácra géntium argén-
tum, et áurum,* ópera má-
nuum hóminum.

Os habent, et non loquén-
tur :* óculos habent, et non
vidébunt.

Aures habent, et non áu-
dient :* nares habent, et non
odorábunt.

Manus habent, et non pal-
pábunt : pedes habent, et
non ambulábunt :* non cla-
mábunt in gútture suo.

Similes illis fiant qui fá-
ciunt ea :* et omnes qui con-
fidunt in eis.

Domus Israël sperávit in
Dómino :* adjútor eórum
et protéctor eórum est.

Domus Aaron sperávit in
Dómino :* adjútor eórum et
protéctor eórum est.

Qui timent Dóminum, spe-
ravérunt in Dómino :* ad-
jútor eórum et protéctor eó-
rum est.

Dóminus memor fuit no-
stri :* et benedixit nobis :

Benedixit dómui Israël :*
benedixit dómui Aaron.

Benedixit ómnibus, qui
timent Dóminum,* pusillis
cum majóribus.

Adjiciat Dóminus super
vos :* super vos, et super
filios vestros.

Benedicti vos a Dómino,*
qui fecit cælum, et terram.

Cælum cæli Dómino :*
terram áutem dedit filiis hó-
minum.

Non mórtui laudábunt te
Dómine : * neque omnes,
qui descéndunt in infér-
num.

Sed nos qui vívimus, be-
nedicimus Dómino, * ex hoc
nunc et usque in sæcu-
lum.

Ant. Nos qui vívimus, be-
nedicimus Dómino.

Capitulum. II. Cor. 1.

BENEDÍCTUS Deus, et Pater
Dómini nostri Jesu Chri-
sti, Pater misericordiárum,
et Deus totius consolatiónis,
qui consolátur nos in omni
tribulatióne nostra.

Hymnus.

LUCIS Creátor óptime,
Lucem diérum próferens,
Primórdiis lucis novæ,
Mundi parans originem :

Qui mane junctum vésperi
Diem vocári præcipis :
Illábitur tetrum chaos,
Audi preces cum flétibus.

Ne mens graváta crimine,
Vitæ sit exsul múnere,
Dum nil perénne cógitat,
Seséque culpis illigat.

Cæléste pulset óstium :
Vitále tollat præmium :
Vitémus omne nóxium :
Purgémus omne péssimum.

Præsta, Pater piíssime,
Patrique compar Unice,
Cum Spiritu Paráclito,
Regnans per omne sæculum.

Amen.

Y. Dirigátur Dómine orá-
tio mea. **R.** Sicut incénsum
in conspéctu tuo.

Prædictus Hymnus cum
suo **Y.** dicitur a Dom. III.

post Pentec. usque ad Ad-
vent. ; Capit. vero prædi-
ctum dicitur in eisdem Dom.
post Pentec. Dicitur etiam
in fer. Offic. ab Oct. Pentec.
usque ad Advent. Similiter
et **Yy.** : **Ant.** autem eum
Pss. semper dicuntur ut su-
pra, quando fit Officium de
Dom.

Canticum B. Mariæ Virg.

Lucæ 1. c

MAGNÍFICAT * ánima mea
Dóminum :

Et exsultávit spíritus meus*
in Deo salutári meo.

Quia respéxit humilitátem
ancillæ suæ : * ecce enim ex
hoc beátam me dicent omnes
generatiónes.

Quia fecit mihi magna qui
potens est : * et sanctum no-
men ejus.

Et misericórdia ejus a pro-
génie in progénies * timénti-
bus eum.

Fecit poténtiam in brá-
chio suo : * dispérsit supér-
bos mente cordis sui.

Depósuit poténtes de se-
de, * et exaltávit húmi-
les.

Esuriéntes implévit bo-
nis : * et dívites dimisit iná-
nes.

Suscépit Israël púerum
suum, * recordátus miseri-
córdiæ suæ.

Sicut locútus est ad pa-
tres nostros, * Abraham, et
sémini ejus in sæcula.

Glória Patri.

Deinde dicitur Antiphona
et Oratio propria.

FERIA SECUNDA

AD VESPERAS

Ant. Inclínávit.**Psalmus 114.**

DILÉXI, quóniam exáudiet
Dóminus * vocem ora-
tiónis meæ.

Quia inclinávit áurem su-
am mihi : * et in diébus meis
invocabo.

Circumdederunt me do-
lóres mortis : * et pericula
inférni invenérunt me.

Tribulatiónem et dolórem
invéni : * et nomen Dómini
invocávi.

O Dómine libera ánimam
meam : * miséricors Dómi-
nus, et justus, et Deus no-
ster miserétur.

Custódiens párvulos Dó-
minus : * humiliátus sum,
et liberávit me.

Convértere ánima mea in
réquiem tuam : * quia Dó-
minus benefécit tibi.

Quia eripuit ánimam me-
am de morte : * óculos meos
a lácrymis, pedes meos a
lapsu.

Placébo Dómino * in re-
gióne vivórum.

Ant. Inclínávit Dóminus
áurem suam mihi.

Ant. Crédidi.**Psalmus 115.**

CRÉDIDI, propter quod lo-
cútus sum : * ego áutem
humiliátus sum nimis.

Ego dixi in excéssu meo : *
Omnis homo mendax.

Quid retribuam Dómino, *

pro ómnibus, quæ retribuit
mihi?

Cálicem salutáris acci-
píam : * et nomen Dómini
invocabo.

Vota mea Dómino red-
dam coram omni pópulo
ejus : * pretiósá in conspé-
ctu Dómini mors sanctó-
rum ejus :

O Dómine quia ego servus
tuus : * ego servus tuus, et
filius ancillæ tuæ.

Dirupísti víncula mea : *
tibi sacrificábo hóstiam láu-
dis, et nomen Dómini invo-
cábo.

Vota mea Dómino red-
dam in conspéctu omnis
pópuli ejus : * in átriis do-
mus Dómini, in médio tui
Jerúsalem.

Ant. Crédidi, propter quod
locútus sum.

Ant. Laudáte.**Psalmus 116.**

LAUDÁTE Dóminum omnes
gentes : * laudáte eum
omnes pópuli :

Quóniam confirmáta est
supernos misericórdia ejus. *
et véritas Dómini manet in
æternum.

Ant. Laudáte Dóminum
omnes gentes.

Ant. Clamávi.**Psalmus 119.**

AD Dóminum cum tribu-
lárer clamávi : * et ex-
audivit me.

Dómine libera ánimam
meam a lábiis iníquis, * et
a lingua dolósa.

Quid detur tibi, aut quid

apponátur tibi, * ad linguam dolósam?

Sagittæ poténtis acútæ, * cum carbónibus desolatóriis.

Heu mihi, quia incolátus meus prolongátus est : habitávi cum habitántibus Cedar : * multum íncola fuit ánima mea.

Cum his, qui odérunt pacem, eram pacíficus : * cum loquébar illis, impugnábant me gratis.

Ant. Clamávi, et exaudivit me.

Ant. Unde véniet.

Psalmus 120.

TEVÁVI óculos meos in montes, * unde véniet auxilium mihi.

Auxilium meum a Dómino, * qui fecit cælum et terram.

Non det in commotióem pedem tuum : * neque dormitet qui custódit te.

Ecce non dormitábit neque dórmiet, * qui custódit Israël.

Dóminus custódit te, Dóminus protéctio tua, * super manum dexteram tuam.

Per diem sol non uret te : * neque luna per noctem.

Dóminus custódit te ab omni malo : * custódiat ánimam tuam Dóminus.

Dóminus custódiat intróitum tuum, et éxitum tuum : * ex hoc nunc, et usque in sæculum.

Ant. Unde véniet auxilium mihi.

Capitulum. II. Cor. 1.

BENEDÍCTUS Deus, et Pater Dómini nostri Jesu Christi, Pater misericordiárum, et Deus totiús consolatiónis, qui consolátur nos in omni tribulatióne nostra.

Hymnus.

IMMÉNSE cæli Córditor, Qui mixta ne confúnderent,

Aquæ fluénta dívidens, Cælum dedisti límitem.

Firmans locum cæléstibus, Simúlque terræ rivulis ; Ut unda flammæ téperet, Terræ solum ne díssipent.

Infúnde nunc, piíssime, Donum perénis grátiae : Fráudis novæ ne cásibus Nos error átterat vetus.

Lucem fides adáugeat : Sic lúminis jubar ferat : Hæc vana cuncta próterat : Hanc falsa nulla cóprimant.

Præsta, Pater piíssime, Patrique compar Unice, Cum Spíritu Paráclito Regnans per omne sæculum. Amen.

V. Dirigátur Dómine orátio mea. **R.** Sicut incénsum in conspéctu tuo.

Ad Magnif. Ant. Magníficat * ánima mea Dóminum, quia respéxit Deus humilitátem meam.

In Feriis Quatuor Temp., et Vigiliarum, quæ jejuntur, post **Ant.** ad Magnificat, dicuntur seq. **Preces flexis genibus, si dicendæ sint.**

KYRIE eléison. Christe eléison. Kýrie eléison.

Pater noster. **totum dicitur clara voce.**

✠. Et ne nos indúcas in tentatióem. **R.** Sed libera nos a malo.

✠. Ego dixi : Dómine miserére mei. **R.** Sana ánimam meam, quia peccávi tibi.

✠. Convértere Dómine úsquequo. **R.** Et deprecábilis esto super servos tuos.

✠. Fiat misericórdia tua Dómine super nos. **R.** Quemádmódum sperávimus in te.

✠. Sacerdótes tui induántur justitiam. **R.** Et sancti tui exsúltent.

✠. Dómine saluum fac regem. **R.** Et exáudi nos in die, qua invocáverimus te.

✠. Saluum fac pópulum tuum Dómine, et bénedic hereditáti tuæ. **R.** Et rege eos, et extólle illos usque in ætérnum.

✠. Meménto congregatiónis tuæ. **R.** Quam possedisti ab initio.

✠. Fiat pax in virtúte tua. **R.** Et abundantia in túrribus tuis.

✠. Orémus pro fidélibus defúntis. **R.** Réquiem ætérnam dona eis Dómine, et lux perpétua lúceat eis.

✠. Requiéscant in pace. **R.** Amen.

✠. Pro frátribus nostris abséntibus. **R.** Salvos fac servos tuos, Deus meus, sperántes in te.

✠. Pro afflictis et captivis. **R.** Libera eos Deus Israël ex ómnibustribulatióibus suis.

✠. Mitte eis Dómine auxili-
lium de sancto. **R.** Et de
Sion tuére eos.

✠. Dómine exáudi oratió-
nem meam. **R.** Et clamor
meus ad te véniat.

Deinde dicitur

Ps. 50. Miserére mei Deus.
ut in Fer. II. ad Laud. 57.

Finito Psalmo, dicitur

✠. Dómine Deus virtútum,
convérte nos. **R.** Et osténde
fáciem tuam, et salvi érimus.

✠. Exsúrge Christe, ádjuva
nos. **R.** Et libera nos pro-
pter nomen tuum.

✠. Dómine exáudi oratió-
nem meam. **R.** Et clamor
meus ad te véniat.

✠. Dóminus vobíscum. **R.**
Et cum spíritu tuo.

**Oratio, quando propria
non assignatur, dicitur de
Dom. præced., ut habetur in
Proprio de Tempore.**

**Ant. cum Pss. semper di-
cuntur ad Vesp. in Offic.
fer., ut hic in Psalt. : Hymni
vero ab Oct. Pentec. usque
ad Adventum; Ant. autem
ad Magnificat eodem tem-
pore.**

FERIA TERTIA

AD VESPERAS

Ant. In domum Dómini.

Psalmus 121.

LÆTÁTUS sum in his, quæ
dicta sunt mihi : * In
domum Dómini ibimus.

Stantes erant pedes no-
stri, * in átriis tuis Jerúsa-
lem.

Jerúsalem, quæ ædificatur ut civitas : * cujus participatio ejus in idipsum.

Illuc enim ascenderunt tribus, tribus Dómini : * testimónium Israël ad confitendum nómini Dómini.

Quia illic sederunt sedes in iudicio, * sedes super domum David.

Rogáte quæ ad pacem sunt Jerúsalem : * et abundantia diligéntibus te.

Fiat pax in virtúte tua : * et abundantia in túrribus tuis.

Propter fratres meos, et próximos meos, * loquébar pacem de te :

Propter domum Dómini Dei nostri, * quæsivi bona tibi.

Ant. In domum Dómini lætántes ibimus.

Ant. Qui hábitas.

Psalmus 122.

Ad te levávi óculos meos, * qui hábitas in cælis.

Ecce sicut óculi servórum, * in mánibus dominórum suórum,

Sicut óculi ancillæ in mánibus dómínæ suæ : * ita óculi nostri ad Dóminum Deum nostrum donec misereátur nostri.

Miserére nostri Dómine, miserére nostri : * quia multum repléti sumus despectiône :

Quia multum repléta est ánima nostra : * oppróbrium abundantibus, et despéctio superbis.

Ant. Qui hábitas in cælis, miserére nobis.

Ant. Adjutórium.

Psalmus 123.

Nisi quia Dóminus erat in nobis, dicat nunc Israël : * nisi quia Dóminus erat in nobis,

Cum exsúrgerent hómines in nos, * forte vivos deglutissent nos :

Cum irascerétur furor eórum in nos, * fórsitan aqua absorbuisset nos.

Torréntem pertransívit ánima nostra : * fórsitan pertransisset ánima nostra aquam intolerábilem.

Benedictus Dóminus * qui non dedit nos in captiόνem déntibus eórum.

Anima nostra sicut passer erépta est * de láqueo venántium :

Láqueus contrítus est, * et nos liberáti sumus.

Adjutórium nostrum in nómine Dómini, * qui fecit cælum et terram.

Ant. Adjutórium nostrum in nómine Dómini.

Ant. Bénefac.

Psalmus 124.

Qui confidunt in Dómino, sicut mons Sion : * non commovébitur in ætérnum, qui hábitat in Jerúsalem.

Montes in circúitu ejus : * et Dóminus in circúitu pópuli sui, ex hoc nunc et usque in sæculum.

Quia non relinquet Dóminus virgam peccatórum super sortem justórum : * ut

non extendant iusti ad iniquitatem manus suas.

Benefac Domine bonis, *
et rectis corde.

Declinantes autem in obligationes adducet Dominus cum operantibus iniquitatem : * pax super Israël.

Ant. Benefac Domine bonis, et rectis corde.

Ant. Facti sumus.

Psalmus 125.

IN convertendo Dominus captivitatem Sion : * facti sumus sicut consolati.

Tunc repletum est gaudio os nostrum, * et lingua nostra exultatione.

Tunc dicent inter gentes : *
Magnificavit Dominus facere cum eis.

Magnificavit Dominus facere nobiscum : * facti sumus lætantes.

Converte Domine captivitatem nostram, * sicut torrens in Austro.

Qui seminant in lacrymis, *
in exultatione metent.

Euntes ibant et flebant, *
mittentes semina sua.

Veniētes autem venient cum exultatione, * portantes manipulos suos.

Ant. Facti sumus sicut consolati.

Capitulum. II. Cor. 1.

BENEDICTUS Deus, et Pater Domini nostri Jesu Christi, Pater misericordiarum, et Deus totius consolationis, qui consolatur nos in omni tribulatione nostra.

Hymnus.

TELLURIS alme Conditor,
Mundi solum qui separans,

Pulsis aquæ moléstis,
Terram dedisti immobilem :
Ut germen aptum profereans,

Fulvis decora floribus,
Fecunda fructu sisteret,
Pastumque gratum redderet.

Mentis perustæ vûlnera
Munda viróre gratiæ :
Ut facta fletu diluat,
Motusque pravos atterat.

Jussis tuis obtemperet :
Nullis malis appropinquet :
Bonis repleri gaudeat,
Et mortis ictum nesciat.

Præsta, Pater piissime,
Patrique compar Unice,
Cum Spiritu Paráclito
Regnans per omne sæculum.
Amen.

V. Dirigatur Domine oratio mea. **R.** Sicut incensum in conspectu tuo.

Ad Magnif. Ant. Exsultet *
spiritus meus in Deo salutari meo.

Preces, quando dicendæ sunt, habentur supra in Vesp. Fer. II. 130.

FERIA QUARTA

AD VESPERAS

Ant. Non confundetur.

Psalmus 126.

NISI Dominus ædificaverit domum, * in vanum laboraverunt qui ædificant eam.

Nisi Dominus custodierit

civitatem, * frustra vigilat
qui custodit eam.

Vanum est vobis ante lucem
surgere : * surgite postquam
sedéritis, qui manducá-
tis panem doloris.

Cum déderit dilectis suis
somnum : * ecce heréditas
Dómini filii : merces, fructus
ventris.

Sicut sagittæ in manu poténtis :
* ita filii excussorum.

Beátus vir qui implévit desiderium
suum ex ipsis : * non confundétur
cum loquétur inimicis suis in porta.

Ant. Non confundétur cum loquétur
inimicis suis in porta.

Ant. Beáti.

Psalmus 127.

BEÁTI omnes, qui timent
Dóminum, * qui ámbulant
in viis ejus.

Labóres mánuum tuárum
quia manducábis : * beátus es,
et bene tibi erit.

Uxor tua sicut vitis abúndans,
* in latéribus domus tuæ.

Filii tui sicut novellæ olivárum,
* in circúitu mensæ tuæ.

Ecce sic benedicétur homo,
* qui timet Dóminum.

Benedicat tibi Dóminus ex Sion :
* et vídeas bona Jerúsalem
ómnibus diébus vitæ tuæ.

Et vídeas filios filiórum tuórum,
* pacem super Israël.

Ant. Beáti omnes, qui timent
Dóminum.

Ant. Sæpe.

Psalmus 128.

SÆPE expugnavérunt me
a juventúte mea, * dicat
nunc Israël :

Sæpe expugnavérunt me
a juventúte mea : * étenim
non potuérunt mihi.

Supra dorsum meum fabricavérunt
peccatóres : * prolongavérunt
iniquitatem suam.

Dóminus justus concidit
cervices peccatórum : * confundántur
et convertántur retrórsum omnes,
qui odérunt Sion.

Fiant sicut fœnum tectorum :
* quod priúsquam evellátur,
exáruit :

De quo non implévit manum
suam qui metit, * et sinum
suum qui manipulos colligit.

Et non dixerunt qui præteribant :
Benedictio Dómini super vos :
* benedíximus vobis in nómine
Dómini.

Ant. Sæpe expugnavérunt me
a juventúte mea.

Ant. De profúndis.

Psalmus 129.

DE profúndis clamávi ad te
Dómine : * Dómine exáudi
vocem meam :

Fiant áures tuæ intendéntes,
* in vocem deprecationis meæ.

Si iniquitátes observáveris
Dómine : * Dómine quis
sustinébit?

Quia apud te propitiatio est :
* et propter legem tuam sustinui
te Dómine.

Sustinuit ánima mea in verbo ejus : * sperávit ánima mea in Dómino.

A custódia matutína usque ad noctem : * speret Israël in Dómino.

Quia apud Dóminum misericórdia : * et copiósá apud eum redemptio.

Et ipse rédimet Israël, * ex ómnibus iniquitatibus ejus.

Ant. De profúndis clamávi ad te Dómine.

Ant. Speret.

Psalmus 130.

DÓMINE non est exaltátum cor meum : * neque eláti sunt óculi mei.

Neque ambulávi in magnis : * neque in mirabilibus super me.

Si non humiliter sentiébam : * sed exaltávi ánimam meam.

Sicut ablactátus est super matre sua, * ita retribútio in ánima mea.

Speret Israël in Dómino, * ex hoc nunc, et usque in sæculum.

Ant. Speret Israël in Dómino.

Capitulum. II. Cor. 1.

BENEDÍCTUS Deus, et Pater Dómini nostri Jesu Christi, Pater misericordiárum, et Deus totius consolatiónis, qui consolátur nos in omni tribulatióne nostra.

Hymnus.

CÆLI Deus sanctíssime,
Qui lúcidas mundi plagas
Candóre pingis igneo,
Augens decóro lúmine :

Quarto die qui flámmeam
Dum solis accéndis rotam,
Lunæ minístras órđinem,
Vagósque cursus síderum :

Ut nóctibus, vel lúmini
Diremptiόνis términum,
Primórdiis et ménsium
Signum dares notíssimum ;
Expélle noctem córdium :
Abstérge sordes méntium :
Resólve culpæ vinculum :
Evérte moles críminum.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

Y. Dirigátur Dómine orátio mea. **R.** Sicut incénsum in conspéctu tuo.

Ad Magnif. Ant. Respéxit * Dóminus humilitátem meam, et fecit in me magna, qui potens est.

Preces, quando dicendæ sunt, habentur supra in Vesp. Fer. II. 130.

FERIA QUINTA

AD VESPERAS

Ant. Et omnis.

Psalmus 131.

MEMÉNTO Dómine David, * et omnis mansuetúdinis ejus :

Sicut jurávit Dómino, * votum vovit Deo Jacob :

Si introiero in tabernáculum domus meæ, * si ascéndero in lectum strati mei :

Si dédero somnum óculis meis, * et pálpebris meis dormitatióne :

Et réquiem tempóribus

meis : donec invéniam locum Dómino, * tabernáculum Deo Jacob.

Ecce audívimus eam in Ephrata : * invénimus eam in campis silvæ.

Introibimus in tabernáculum ejus : * adorábitus in loco, ubi steterunt pedes ejus.

Surge Dómine in réquiem tuam, * tu et arca sanctificationis tuæ.

Sacerdótes tui induántur justitiam : * et sancti tui exsúltent.

Propter David servum tuum, * non avértas fáciem Christi tui.

Jurávit Dóminus David veritatem, et non frustrábitur eam : * de fructu ventris tui ponam super sedem tuam.

Si custodierint filii tui testaméntum meum, * et testimónia mea hæc, quæ docébo eos :

Et filii eórum usque in sæculum, * sedébunt super sedem tuam.

Quóniam elégit Dóminus Sion : * elégit eam in habitationem sibi.

Hæc réquies mea in sæculum sæculi : * hic habitábo quóniam elégi eam.

Vidua ejus benedicens benedicam : * páuperes ejus saturábo pánibus.

Sacerdótes ejus induam salutári : * et sancti ejus exsultatione exsultábunt.

Illuc producam cornu David, * parávi lucérnam Christo meo.

Inimicose ejus induam confusione : * super ipsum áutem efflorebit sanctificatio mea.

Ant. Et omnis mansuetudinis ejus.

Ant. Ecce.

Psalmus 132.

ECCE quam bonum, et quam jucúndum * habitáre fratres in unum :

Sicut unguéntum in cápite, * quod descendit in barbam, barbam Aaron,

Quod descendit in oram vestiménti ejus : * sicut ros Hermon, qui descendit in montem Sion.

Quóniam illic mandávit Dóminus benedictionem, * et vitam usque in sæculum.

Ant. Ecce quam bonum, et quam jucúndum habitáre fratres in unum.

Ant. Omnia.

Psalmus 134.

LAUDÁTE nomen Dómini, * laudáte servi Dóminum.

Qui statis in domo Dómini, * in átriis domus Dei nostri.

Laudáte Dóminum, quia bonus Dóminus : * psállite nómini ejus, quóniam suáve.

Quóniam Jacob elégit sibi Dóminus, * Israël in possessionem sibi.

Quia ego cognóvi quod magnus est Dóminus, * et Deus noster præ ómnibus diis.

Omnia quæcúmque vóluit, Dóminus fecit in cælo, et in terra, * in mari, et in ómnibus abyssis.

Edúcens nubes ab extrémō terræ : * fúlgora in plúviam fecit.

Qui prodúcit ventos de thesáuris suis : * qui percússit primogénita Ægýpti ab hómine usque ad pecus.

Et misit signa, et prodigia in médio tui Ægýpte : * in Pharaónem, et in omnes servos ejus.

Qui percússit gentes multas : * et occídit reges fortes :

Sehon regem Amorrhæórum, et Og regem Basan, * et ómnia regna Chánaan.

Et dedit terram eórum hereditátem, * hereditátem Israël pópulo suo.

Dómine nomen tuum in ætérnum : * Dómine memoriále tuum in generatióem et generatióem.

Quia judicábit Dóminus pópulum suum : * et in servis suis deprecábitur.

Simulácra géntium argéntum, et áurum, * ópera mánuum hóminum.

Os habent, et non loquéntur : * óculos habent, et non vidébunt.

Aures habent, et non audient : * neque enim est spíritus in ore ipsórum.

Símiles illis fiant qui faciunt ea : * et omnes, qui confidunt in eis.

Domus Israël benedicite Dómino : * domus Aaron benedicite Dómino.

Domus Levi benedicite Dómino : * qui timétis Dóminum, benedicite Dómino.

Benedíctus Dóminus ex Sion, * qui hábitat in Jerúsalem.

Ant. Omnia quæcúmque vóluit, Dóminus fecit.

Ant. Quóniam in ætérnum.

Psalmus 135.

CONFITÉMINI Dómino quóniam bonus : * quóniam in ætérnum misericórdia ejus.

Confitémini Deo deórum : * quóniam in ætérnum misericórdia ejus.

Confitémini Dómino domínorum : * quóniam in ætérnum misericórdia ejus.

Qui facit mirabília magna solus : * quóniam in ætérnum misericórdia ejus.

Qui fecit cælos in intelléctu : * quóniam in ætérnum misericórdia ejus.

Qui firmávit terram super aquas : * quóniam in ætérnum misericórdia ejus.

Qui fecit luminária magna : * quóniam in ætérnum misericórdia ejus.

Solem in potestátem diéi : * quóniam in ætérnum misericórdia ejus.

Lunam, et stellas in potestátem noctis : * quóniam in ætérnum misericórdia ejus.

Qui percússit Ægýptum cum primogénitis eórum : * quóniam in ætérnum misericórdia ejus.

Qui edúxit Israël de médio eórum : * quóniam in ætérnum misericórdia ejus.

In manu poténti, et bráchio excélso : * quóniam in ætérnum misericórdia ejus.

Qui divisit mare Rubrum
in divisiónes : * quóniam
in ætérnum misericórdia
ejus.

Et edúxit Israël per mé-
dium ejus : * quóniam in
ætérnum misericórdia ejus.

Et excússit Pharaónem, et
virtútem ejus in mari Ru-
bro : * quóniam in ætérnum
misericórdia ejus.

Qui tradúxit pópulum su-
um per desértum : * quóniam
in ætérnum misericórdia
ejus.

Qui percússit reges ma-
gnos : * quóniam in ætér-
num misericórdia ejus.

Et occidit reges fortes : *
quóniam in ætérnum mise-
ricórdia ejus.

Sehon regem Amorrhæo-
rum : * quóniam in ætérnum
misericórdia ejus.

Et Og regem Basan : * quó-
niam in ætérnum misericór-
dia ejus.

Et dedit terram eórum
hereditátem : * quóniam in
ætérnum misericórdia ejus.

Hereditátem Israël servo
suo : * quóniam in ætérnum
misericórdia ejus.

Quia in humilitáte nostra
memor fuit nostri : * quó-
niam in ætérnum misericór-
dia ejus.

Et redémit nos ab inimicis
nostris : * quóniam in ætér-
num misericórdia ejus.

Qui dat escam omni car-
ni : * quóniam in ætérnum
misericórdia ejus.

Confitémini Deo cæli : *

quóniam in ætérnum mise-
ricórdia ejus.

Confitémini Dómino do-
minórum : * quóniam in
ætérnum misericórdia ejus.

Ant. Quóniam in ætérnum
misericórdia ejus.

Ant. Hymnum cantáte.

Psalmus 136.

SUPER flúmina Babylónis,
illic sédimus et flévimus : *
cum recordarémur Sion :

In salicibus in médio ejus, *
suspendimus órgana nostra.

Quia illic interrogavérunt
nos, qui captivos duxérunt
nos, * verba cantiónum :

Et qui abduxérunt nos : *
Hymnum cantáte nobis de
cánticis Sion.

Quómodo cantábimus cán-
ticum Dómini * in terra
aliéna?

Si oblítus fúero tui Jerú-
salem, * oblivióni detur dex-
tera mea.

Adhæreat lingua mea fáu-
cibus meis, * si non memi-
nero tui :

Si non proposúero Jerúsa-
lem, * in principio lætitiæ
meæ.

Memor esto Dómine filio-
rum Edom, * in die Jerúsa-
lem :

Qui dicunt : Exinaníte,
exinaníte * usque ad funda-
méntum in ea.

Fília Babylónis misera : *
beátus, qui retribuet tibi
retributióem tuam, quam
retribuisti nobis.

Beátus, qui tenébit, * et alli-
det párvulos tuos ad petram.

Ant. Hymnum cantáte nobis de cánticis Sion.

Capitulum. II. Cor. 1.

BENEDÍCTUS Deus, et Pater Dómini nostri Jesu Christi, Pater misericordiárum, et Deus totius consolatiónis, qui consolátur nos in omni tribulatióne nostra.

Hymnus.

MAGNÆ Deus poténtiæ,
Qui fértili natos aqua
Partim relinquis gúrgiti,
Partim levas in áera.

Demérsa lymphis impri-
mens,

Subvécta cælis érigens :

Ut stirpe ab una pródita

Diversa répleant loca :

Largire cunctis sérvulis,
Quos mundat unda sángu-
nis,

Nescire lapsus criminum,

Nec ferre mortis tædium :

Ut culpa nullum depri-
mat :

Nullum éfferat jactántia :

Elisa mens ne cóncidat :

Eláta mens ne córruat.

Præsta, Pater piíssime,

Patrique compar Unice,

Cum Spíritu Paráclito

Regnans per omne sæculum.

Amen.

V. Dirigátur Dómine orátio mea. **R.** Sicut incénsum in conspéctu tuo.

Ad Magnif. Ant. Fac Deus* poténtiam in bráchio tuo : dispérde supérbos, et exálta húmiles.

Preces, quando dicendæ sunt, habentur supra in Vesp.
Fer. II. 130.

FERIA SEXTA

AD VESPERAS

Ant. In conspéctu.

Psalmus 137.

CONFITÉBOR tibi Dómine in toto corde meo : * quóniam audísti verba oris mei.

In conspéctu Angelórum psallam tibi : * adorábo ad templum sanctum tuum, et confitébor nómini tuo.

Super misericórdia tua, et veritáte tua : * quóniam magnificásti super omne, nomen sanctum tuum.

In quacúmque die invocávero te, exáudi me : * multiplicábis in ánima mea virtútem.

Confiteántur tibi Dómine omnes reges terræ : * quia audierunt ómnia verba oris tui :

Et cantent in viis Dómini : * quóniam magna est glória Dómini.

Quóniam excélsus Dóminus, et humília réspicit : * et alta a longe cognóscit.

Si ambulávero in médio tribulatiónis, vivificábis me : * et super iram inimicórum meórum extendísti manum tuam, et salvum me fecit délixtera tua.

Dóminus retribuet pro me : * Dómine misericórdia tua in sæculum : ópera mánuum tuárum ne despicias.

Ant. In conspéctu Angelórum psallam tibi Deus meus.

Ant. Dómine.

Psalmus 138.

DÓMINE probásti me, et cognovísti me : * tu cognovísti sessiÓNem meam, et resurrectionem meam.

Intellexísti cogitatiÓnes meas de longe : * sémitam meam, et funiculum meum investigásti.

Et omnes vias meas praevidísti : * quia non est sermo in lingua mea.

Ecce Dómine tu cognovísti ómnia novíssima, et antiqua : * tu formásti me, et posuísti super me manum tuam.

Mirábilis facta est sciéntia tua ex me : * confortáta est, et non pótero ad eam.

Quo ibo a spírítu tuo? * et quo a fácie tua fúgiam?

Si ascéndero in cælum, tu illic es : * si descéndero in inférnum, ades.

Si sumpsero pennas meas dilúculo, * et habitávero in extrémis maris :

Etenim illuc manus tua dedúcet me : * et tenébit me dextera tua.

Et dixi : Fórsitan ténebræ conculcábunt me : * et nox illuminátio mea in deliciis meis.

Quia ténebræ non obscurábuntur a te, et nox sicut dies illuminábitur : * sicut ténebræ ejus, ita et lumen ejus.

Quia tu possedísti renes meos : * suscepísti me de útero matris meæ.

Confitébor tibi quia terri-

biliter magnificátus es : * mirabilia ópera tua, et ánima mea cognóscit nimis.

Non est occultátum os meum a te, quod fecísti in occulto : * et substántia mea in inferiÓribus terræ.

Imperféctum meum vidé-runt óculi tui, et in libro tuo omnes scribéntur : * dies formabúntur, et nemo in eis.

Mihi áutem nimis honorificáti sunt amíci tui Deus : * nimis confortátus est princípátus eórum.

Dinumerábo eos, et super arénam multiplicabúntur : * exsurrexi, et adhuc sum tecum.

Si occideris Deus peccatóres : * viri sánguinem declínate a me :

Quia dicitis in cogitatiÓne : * accipient in vanitate civitates tuas.

Nonne qui odérunt te Dómine, óderam? * et super inimicos tuos tabescébam?

Perfécito ódio óderam illos : * et inimíci facti sunt mihi.

Proba me Deus, et scito cor meum : * intérroga me, et cognósce sémitas meas.

Et vide, si via iniquitátis in me est : * et deduc me in via ætérrna.

Ant. Dómine probásti me, et cognovísti me.

Ant. A viro iníquo.

Psalmus 139.

ERIPE me Dómine ab hómine malo : * a viro iníquo éripe me.

Qui cogitavérunt iniquitates in corde : * tota die constituébant prælia.

Acuérunt linguas suas sicut serpentis : * venenum áspidum sub lábiis eórum.

Custódi me Dómine de manu peccatóris : * et ab homínibus iniquis éripe me.

Qui cogitavérunt supplantáre gressus meos : * absconderunt superbi láqueum mihi :

Et funes extendérunt in láqueum : * juxta iter scándalum posuérunt mihi.

Dixi Dómino : Deus meus es tu : * exáudi Dómine vocem deprecationis meæ.

Dómine, Dómine virtus salútis meæ : * obumbrásti super caput meum in die belli :

Ne tradas me Dómine a desidério meo peccatóri : * cogitavérunt contra me, ne derelinquas me, ne forte exalténtur.

Caput circúitus eórum : * labor labiórú ipsórum opériet eos.

Cadent super eos carbónes, in ignem dejícies eos : * in misériis non subsistent.

Vir linguósus non dirigétur in terra : * virum injústum mala cápiént in intéritu.

Cognóvi quia fáciét Dóminus júdicium ínopis : * et vindictam páuperum.

Verúmtamen justí confitebúntur nómini tuo : * et habitábunt recti cum vultu tuo.

Ant. A viro iníquo libera me Dómine.

Ant. Dómine.

Psalmus 140.

DÓMINE clamávi ad te, exáudi me : * inténde voci meæ, cum clamávero ad te.

Dirigátur orátio mea sicut incénsus in conspéctu tuo : * elevátio mánuum meárum sacrificium vespertinum.

Pone Dómine custódiam ori meo : * et óstium circumstántiæ lábiis meis.

Non declínes cor meum in verba malítiæ, * ad excusándas excusatiónes in peccátis.

Cum homínibus operántibus iniquitátem : * et non comunicábo cum eléctis eórum.

Corrípiet me justus in misericórdia, et increpábit me : * óleum áutem peccatóris non impínguet caput meum.

Quóniam adhuc et orátio mea in beneplácitis eórum : * absórpti sunt juncti petræ júdices eórum.

Audient verba mea quóniam potuérunt : * sicut crasitúdo terræ erúpta est super terram.

Dissipáta sunt ossa nostra secus inférnum : * quia ad te Dómine, Dómine óculi mei : in te sperávi, non áuferas ánimam meam.

Custódi me a láqueo, quem statuérunt mihi : * et a scándalis operántium iniquitátem.

Cadent in retiáculo ejus

peccatóres : * singuláriter sum ego donec tránseam.

Ant. Dómine clamávi ad te, exáudi me.

Ant. Pórtio mea.

Psalmus 141.

VOCE mea ad Dóminum clamávi : * voce mea ad Dóminum deprecátus sum :

Effúndo in conspéctu ejus oratióem meam, * et tribulatióem meam ante ipsum pronúntio.

In deficiéndo ex me spíritum meum, * et tu cognovisti sémitas meas.

In via hac, qua ambulábam, * abscondérunt láqueum mihi.

Considerábam ad dexteram et vidébam : * et non erat qui cognósceret me.

Périit fuga a me, * et non est qui requírat ánimam meam.

Clamávi ad te Dómine, * dixi : Tu es spes mea, pórtio mea in terra vivéntium.

Inténde ad deprecatióem meam : * quia humiliátus sum nimis.

Libera me a persecuéntibus me : * quia confortáti sunt super me.

Educ de custódia ánimam meam ad confiténdum nómini tuo : * me expéctant justí, donec retribuas mihi.

Ant. Pórtio mea Dómine sit in terra vivéntium.

Capitulum. II. Cor. 1.

BENEDÍCTUS Deus, et Pater Dómini nostri Jesu Christi, Pater misericordiárum, et Deus totius consolatiónis,

qui consolátur nos in omni tribulatióne nostra.

Hymnus.

HÓMINIS supérne Cónditor, Qui cuncta solus órdis,

Humum jubes producere Reptántis et feræ genus :

Et magna rerum córpora, Dictu jubéntis vívida, Per témporum certas vices Obtemperáre sérvulis :

Repélle, quod cupidinis Ciénte vi nos impetit, Aut móribus se súggerit, Aut áctibus se intérserit.

Da gaudiórum præmia, Da gratiárum múnera : Dissólve litis víncula : Adstringe pacis fœdera.

Præsta, Pater piíssime, Patrique compar Unice, Cum Spíritu Paráclito Regnans per omne sáeculum.

Amen.

V. Dirigátur Dómine orátio mea. *R.* Sicut incénsus in conspéctu tuo.

Ad Magnif. Ant. Depósuit * poténtes, sanctos persecuéntes : et exaltávit húmiles, Christum confiténtes.

Preces, quando dicendæ sunt, habentur supra in Vesp. Fer. II. 130.

SABBATO

AD VESPERAS

Ant. Benedictus.

Psalmus 143.

BENEDÍCTUS Dóminus Deus meus, qui docet manus meas ad prælium, * et dígitos meos ad bellum.

Misericórdia mea, et refúgium meum : * suscēptor meus, et liberátor meus :

Protēctor meus, et in ipso sperávi : * qui subdit pópulum meum sub me.

Dómine quid est homo, quia innotuisti ei? * aut filius hóminis, quia réputas eum?

Homo vanitáti similis factus est : * dies ejus sicut umbra prætereunt.

Dómine inclina cælostuos, et descēde : * tange montes, et fumigábunt.

Fúlgura coruscationem, et dissipábis eos : * emittes sagittas tuas, et conturbábis eos :

Emitte manum tuam de alto, éripe me, et libera me de aquis multis : * de manu filiórum alienórum.

Quorum os locútum est vanitatem : * et dextera eórum, dextera iniquitátis.

Deus cánticum novum cantábo tibi : * in psaltério, decachórdo psallam tibi.

Qui das salutem régibus : * qui redemisti David servum tuum de gládio maligno, éripe me.

Et érue me de manu filiórum alienórum, quorum os locútum est vanitatem : * et dextera eórum, dextera iniquitátis :

Quorum filii, sicut novellæ plantatiónes * in juventute sua.

Filiæ eórum compósitæ : * circumornátæ ut similitúdo templi.

Promptuária eórum ple-

na, * eructántia ex hoc in illud.

Oves eórum foetósæ, abundantes in egréssibus suis : * boves eórum crassæ.

Non est ruína macériæ, neque tránsitus : * neque clamor in platéis eórum.

Beátum dixerunt pópulum, cui hæc sunt : * beátus pópulus, cujus Dóminus Deus ejus.

Ant. Benedictus Dóminus Deus meus.

Ant. Per singulos dies.

Psalmus 144.

EXALTÁBO te Deus meus rex : * et benedicam nómini tuo in sæculum, et in sæculum sæculi.

Per singulos dies benedicam tibi : * et laudábo nomen tuum in sæculum, et in sæculum sæculi.

Magnus Dóminus et laudábilis nimis : * et magnitudinis ejus non est finis.

Generátio et generátio laudábit ópera tua : * et poténtiam tuam pronuntiábunt.

Magnificéntiam glóriæ sanctitátis tuæ loquéntur : * et mirabilia tua narrábunt.

Et virtutem terribilium tuórum dicent : * et magnitudinem tuam narrábunt.

Memóriam abundantiæ suavitátis tuæ eructábunt : * et justitia tua exsultábunt.

Miserátor et miséricors Dóminus : * pátiens, et multum miséricors.

Suávis Dóminus univérsis : * et miseratiónes ejus super ómnia ópera ejus.

Confiteántur tibi Dómine
omnia ópera tua : * et sancti
tui benedicant tibi.

Glóriam regni tui dicent : *
et poténtiam tuam loquén-
tur :

Ut notam fáciant filiis hó-
minum poténtiam tuam : *
et glóriam magnificéntiæ re-
gni tui.

Regnum tuum regnum
ómnium sæculórum : * et
dominatio tua in omni gene-
ratione et generationem.

Fidélis Dóminus in ómni-
bus verbis suis : * et sanctus
in ómnibus opéribus suis.

Allevat Dóminus omnes
qui córruunt : * et érigit
omnes elisos.

Oculi ómnium in te spe-
rant Dómine : * et tu das
escam illórum in témpore
opportúno.

Aperis tu manum tuam : *
et imples omne ánimam be-
nedictione.

Justus Dóminus in ómni-
bus viis suis : * et sanctus in
ómnibus opéribus suis.

Prope est Dóminus ómni-
bus invocántibus eum : *
ómnibus invocántibus eum
in veritate.

Voluntátem timéntium se
fáciat : * et deprecationem
eórum exáudiet : et salvos
fáciat eos.

Custódit Dóminus omnes
diligéntes se : * et omnes
peccatóres dispédet.

Laudationem Dómini lo-
quétur os meum : * et bene-
dicat omnis caro nómini

sancto ejus in sæculum, et
in sæculum sæculi.

Ant. Per singulos dies be-
nedicam te Dómine.

Ant. Laudábo.

Psalmus 145.

LÁUDA ánima mea Dómi-
num, laudábo Dóminum
in vita mea : * psallam Deo
meo quámdiu fúero.

Nolíte confidere in prin-
cipibus : * in filiis hóminum,
in quibus non est salus.

Exibit spíritus ejus, et
revertétur in terram suam : *
in illa die peribunt omnes
cogitationes eórum.

Beátus, cujus Deus Jacob
adjútor ejus, spes ejus in
Dómino Deo ipsius : * qui
fecit cælum et terram, mare,
et ómnia, quæ in eis sunt.

Qui custódit veritátem in
sæculum, facit judícium in-
júriam patiéntibus : * dat
escam esuriéntibus.

Dóminus solvit compedi-
tos : * Dóminus illúminat
cæcos.

Dóminus érigit elisos, *
Dóminus diligit justos.

Dóminus custódit ádve-
nas, pupillum et víduam sus-
cipiet : * et vias peccatórum
dispédet.

Regnabit Dóminus in sæ-
cula Deus tuus Sion, * in ge-
nerationem et generationem.

Ant. Laudábo Deum meum
in vita mea.

Ant. Deo nostro.

Psalmus 146.

LAUDÁTE Dóminum quó-
niam bonus est psalmus : *

Deo nostro sit jucúnda, de
córaque laudátio.

Ædificans Jerúsalem Dó-
minus : * dispersiões Israe-
lis congregábit.

Quis sanat contritos corde : *
et álligat contritiões eórum.

Qui númerat multitudi-
nem stellárum : * et ómnibus
eis nómina vocat.

Magnus Dóminus noster, et
magna virtus ejus : * et sapién-
tiæ ejus non est númerus.

Suscípiens mansuétos Dó-
minus : * humílians áutem
peccatóres usque ad terram.

Præcínite Dómino in con-
fessiõe : * psállite Deo no-
stro in cithara.

Qui óperit cælum núbi-
bus, * et parat terræ plúviam.

Qui prodúcit in móntibus
fœnum, * et herbam servi-
túti hóminum.

Qui dat juméntis escam
ipsórum : * et pullis corvó-
rum invocántibus eum.

Non in fortitúdine equi vo-
luntátem habébit : * nec in tí-
biis viri beneplácitum erit ei.

Beneplácitum est Dómino
super timéntes eum : * et in
eis, qui sperant super mise-
ricórdia ejus.

Ant. Deo nostro jucúnda
sit laudátio.

Ant. Láuda.

Psalmus 147.

LÁUDA Jerúsalem Dómi-
num : * láuda Deum tuum
Sion.

Quóniam confortávit seras
portárum tuárum : * bene-
dixit filiis tuis in te.

Qui pósuit fines tuos pa-
cem : * et ádipe fruménti
sátiat te.

Qui emíttit elóquium suum
terræ : * velóciter currit
sermo ejus.

Qui dat nivem sicut la-
nam : * nébulam sicut cine-
rem spargit.

Míttit crystállum suam
sicut buccéllas : * ante fáciem
frígoris ejus quis sustinébit?

Emíttet verbum suum, et
liquefáciét ea : * flabit spíri-
tus ejus, et fluent aquæ.

Qui annúntiat verbum su-
um Jacob : * justítias, et
judícia sua Israël.

Non fecit táliter omni na-
tióni : * et judícia sua non
manifestávit eis.

Ant. Láuda Jerúsalem
Dóminum.

Capitulum. Rom. 11. d

O ALTITÚDO divitiárum sa-
piéntiæ et sciéntiæ Dei :
quam incomprehensibília
sunt judícia ejus, et investi-
gábiles viæ ejus!

Hymnus.

JAM sol recédit ígneus :
Tu lux perénis Unitas,
Nostris, beáta Trínitas,
Infúnde lumen córdibus.

Te mane láudum cármine,
Te deprecámur vespere ;
Dignéris ut te súpplices
Laudémus inter cælites.

Patri, simúlque Filio,
Tibíque sancte Spíritus,
Sicut fuit, sit júgiter
Sæclum per omne glória.

Amen.

V. Vespertina orátio ascén-

dat ad te Dómine. *R.* Et descendat super nos misericórdia tua.

Ad Magnif. Ant. Suscépit* Deus Israël púerum suum : sicut locútus est ad Abraham, et semen ejus : exaltáre húmiles usque in sáeculum.

Capit. O altitúdo. *dicitur in Vesp. Sabbati ab Octava Pentec. usque ad Adventum cum Hymno et V. sequenti.* *Ant.* ad Magnificat dicitur prout assignatur infra in Proprio de Tempore. Post *Ant.* dicitur *Oratio propria.*

Deinde fiunt sequentes Commem. communes, seu Suffragia Sanctorum, quæ dicuntur etiam ad Laudes.

COMMEMORATIO DE CRUCE

In feriali tantum Officio etiam quando non dicuntur Preces.

Ad Vesp. et Laud. Ant. Per signum Crucis de inimicis nostris libera nos Deus noster.

V. Omnis terra adóret te, et psallat tibi. *R.* Psalmum dicat nómini tuo Dómine.

Orémus. Oratio.

PERPÉTUA NOS, quæsumus Dómine, pace custódi : quos per lignum sanctæ Crucis redimere dignátus es.

COMMEMORATIONES COMMUNES SIVE SUFFRAGIA SANCTORUM DE SANCTA MARIA

Quando non dicitur ejus Officium parvum.

Ad Vesp. et Laud. Ant. Sancta María succurre mi-

seris, juva pusillánimes, réfove flébiles, ora pro pópulo, intérvieni pro clero, intercède pro devóto femineo sexu : séntiant omnes tuum juvámen, quicúmque celebrant tuam sanctam commemoratióem.

V. Ora pro nobis sancta Dei Génitrix. *R.* Ut digni efficiámur promissiúnibus Christi.

Orémus. Oratio.

CONCÉDE NOS fámulos tuos, quæsumus Dómine Deus, perpétua mentis et córporis sanitáte gaudére : et gloriósa beátæ Mariæ semper Virginis intercessióne, a præsénti liberári tristítia, et ætéRNA pérfrui lætítia.

DE SANCTO JOSEPH

Ad Vesp. Ant. Ecce fidélis servus et prudens, quem constituit Dóminus super familiam suam.

V. Glória et divitiae in domo ejus. *R.* Et justítia ejus manet in sáeculum sáeculi.

Ad Laud. Ant. Ipse Jesus erat incipiens quasi annórum triginta. ut putabátur filius Joseph.

V. Os justí meditábitur sapiéntiam. *R.* Et lingua ejus loquétur judícium.

Orémus. Oratio.

DEUS, qui ineffábili providéntia beátum Joseph sanctíssimæ Genitrícis tuæ sponsum eligere dignátus es : præsta quæsumus; ut quem protectórem venerámur in terris, intercessórem habére mereámur in cælis.

DE APOSTOLIS

Ad Vesp. Ant. Petrus Apóstolus, et Páulus Doctor Géntium, ipsi nos docuerunt legem tuam Dómine.

℣. Constitues eos principes super omnem terram.

℞. Mémoires erunt nóminis tui Dómine.

Ad Laud. Ant. Gloriósi principes terræ, quómodo in vita sua dilexérunt se, ita et in morte non sunt separáti.

℣. In omnem terram exivit sonus eórum. ℞. Et in fines orbis terræ verba eórum.

Orémus. **Oratio.**

DEUS, cujus dextera beátum Petrum ambulántem in flúctibus, ne mergerétur, eréxit, et coapóstolum ejus Páulum tértio naufragántem de profúndo pélagi liberávit : exáudi nos propítius, et concéde; ut ambórum méritis, æternitátis glóriam consequámur.

DE PATRONO

Vel Titulari eccl. fiat Commem. consueta ante vel post Commem. prædictas, pro dignitate illius; et ultimo loco :

DE PACE

Ad Vesp. et Laud. Ant. Da pacem Dómine in diébus nostris, quia non est álius, qui pugnet pro nobis, nisi tu Deus noster.

℣. Fiat pax in virtúte tua. ℞. Et abundántia in túrribus tuis.

Orémus. **Oratio.**

DEUS, a quo sancta desideria, recta consília, et

justa sunt ópera : da servis tuis illam, quam mundus dare non potest, pacem; ut et corda nostra mandátis tuis dédita, et hóstium subláta formidine, témpora sint tua protectióne tranquilla. Per Dóminum nostrum Jesum Christum Fílium tuum : qui tecum vivit et regnat in unitáte Spíritus sancti Deus, per ómnia sæcula sæculórum.

℞. Amen.

℣. Dóminus vobiscum. ℞. Et cum spiritu tuo.

℣. Benedicámus Dómino.

℞. Deo grátias.

℣. Fidélium ánimæ per misericórdiam Dei requiescant in pace. ℞. Amen.

Deinde dicitur secreto Pater noster.

Sic terminatur Offic., ubi alia non sequatur Hora, ut dicitur in Rubrica de Oratione Dominica.

Dictæ Commem. seu Suffragia dicuntur ab Octava Pentecostes usque ad Adventum, exceptis Duplicibus, et infra Octavas.

Quando dicitur Officium B. Mariæ, non fit alia Commemoratio de ea.

AD COMPLETORIUM

Lector incipit :

℣. Jube domne benedicere.

Bened. Noctem quiétam, et finem perféctum concédatur nobis Dóminus omnipotens. ℞. Amen.

Lectio brevis. I. Petr. 5. c

FRATRES : Sóbrii estóte, et vigiláte : quia adversá-rius vester diábolus tamquam leo rúgiens circuit, quærens quem dévoret : cui resistite fortes in fide. Tu autem Dómine miserére nobis. **R.** Deo grátias.

Y. Adjutórium nostrum in nómine Dómini. **R.** Qui fecit cælum et terram.

Pater noster. **dicitur totum secreto.**

Deinde Hebdomadarius facit Confessionem.

CONFÍTEOR Deo omnipoténti, beátæ Mariæ semper Virgini, beáto Michaéli Archángelo, beáto Joánni Baptistæ, sanctis Apóstolis Petro et Páulo, ómnibus Sanctis, et vobis fratres : quia peccávi nimis cogitátione, verbo et ópere : mea culpa, mea culpa, mea máxima culpa. Ideo precor beátam Mariam semper Virginem, beátum Michaélem Archángelum, beátum Joánnem Baptistam, sanctos Apóstolos Petrum et Páulum, omnes Sanctos, et vos fratres, oráre pro me ad Dóminum Deum nostrum.

Chorus respondet :

MISEREÁTUR tui omnipotens Deus, et dimissis peccátis tuis, perdúcat te ad vitam ætérnam. **R.** Amen.

Deinde repetit Confessionem; et ubi dicitur vobis fratres, et vos fratres, dicatur tibi Pater, et te Pater.

Facta Confessione a Choro, Hebdomadarius dicit :

MISEREÁTUR vestri omnipotens Deus, et dimissis peccátis vestris, perdúcat vos ad vitam ætérnam. **R.** Amen.

INDULGÉNTIAM, absoluti-
onem et remissionem peccatórum nostrórum tríbuat nobis omnipotens et miséricors Dóminus. **R.** Amen.

Et facta Absolutione, dicitur Y.

CONVÉRTE nos Deus salutáris noster. **R.** Et avérte iram tuam a nobis.

Y. Deus in adjutórium meum inténde. **R.** Dómine ad adjuvándum me festína. Glória Patri. Sicut erat.

Ant. Miserére.

Psalmus 4.

CUM invocárem exaudivit me Deus justitiæ meæ : * in tribulatióne dilatásti mihi.

Miserére mei, * et exáudi orationem meam.

Filii hóminum úsquequo gravi corde ? * ut quid diligitis vanitátem, et quæritis mendácium ?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascimini, et nolite peccáre : * quæ dicitis in córdibus vestris, in cubilibus vestris compungimini.

Sacrificáte sacrificium justitiæ, et speráte in Dómino. * Multi dicunt : Quis osténdit nobis bona ?

Signátum est super nos
lumen vultus tui Dómine : *
dedisti lætítiam in corde
meo.

A fructu fruménti, vini, et
ólei sui * multiplicáti sunt.

In pace in idípsum * dór-
miam, et requiēscam;

Quóniam tu Dómine sin-
gularíter in spe * constituísti
me.

Psalmus 30.

IN te Dómine sperávi, non
confúndar in ætérnum : *
in justítia tua libera me.

Inclína ad me áurem tu-
am, * accélera ut éruas me.

Esto mihi in Deum prote-
ctórem : et in domum re-
fúgii, * ut salvum me fá-
cias.

Quóniam fortitúdo mea,
et refúgium meum es tu : *
et propter nomen tuum de-
dúces me, et enútries me.

Edúces me de láqueo hoc,
quem abscondérunt mihi : *
quóniam tu es protéctor
meus.

In manus tuas comméndo
spíritum meum : * redemísti
me Dómine Deus veritátis.

Psalmus 90.

QUI hábitat in adjutório
Altíssimi, * in protectióne
Dei cæli commorábitur.

Dicet Dómino : Suscéptor
meus es tu, et refúgium
meum : * Deus meus sperábo
in eum.

Quóniam ipse liberávit
me de láqueo venántium, *
et a verbo áspero.

Scápulís suis obumbrábit

tibi : * et sub pennis ejus
sperábis.

Scuto circúmdabit te vé-
ritas ejus : * non timébis a
timóre noctúrno,

A sagitta volánte in die, a
negótio perambulánte in té-
nebris : * ab incúrsu, et
dæmónio meridiáno.

Cadent a látere tuo mille,
et decem millia a dextris
tuis : * ad te áutem non
appropinquábit.

Verúmtamen óculis tuis
considerábis : * et retribu-
tiónem peccatórum vidé-
bis.

Quóniam tu es Dómine
spes mea : * Altíssimum po-
suísti refúgium tuum.

Non accédet ad te malum : *
et flagéllum non appropin-
quábit tabernáculo tuo.

Quóniam Angelis suis man-
dávít de te : * ut custódiant
te in ómnibus viis tuis.

In mánibus portábunt te : *
ne forte offéndas ad lápidem
pedem tuum.

Super áspidem, et basili-
scum ambulábis : * et con-
culcábis leónem et dracó-
nem.

Quóniam in me sperávit,
liberábo eum : * prótegam
eum, quóniam cognóvit no-
men meum.

Clamábit ad me, et ego
exáudiam eum : * cum ipso
sum in tribulatióne : erípiam
eum et glorificábo eum.

Longitúdine diérum re-
plébo eum : * et osténdam
illi salutáre meum.

Psalmus 133.

ECCE nunc benedicite Dóminum, * omnes servi Dómini :

Quistatis in domo Dómini, * in atriis domus Dei nostri,

In nóctibus extóllite manus vestras in sancta, * et benedicite Dóminum.

Benedícat te Dóminus ex Sion, * qui fecit cælum et terram.

Ant. Miserére mihi Dómine, et exáudi oratióne meam.

Hymnus.

TE lucis ante términum, Rerum Créator póscimus,

Ut pro tua cleméntia Sis præsul et custódia.

Procul recédant sómnia, Et nóctium phantásmata; Hostémque nostrum cómpri-

Ne polluántur córpora.

Præsta, Pater piíssime, Patrique compar Unice, Cum Spíritu Paráclito Regnans per omne sæculum. Amen.

Capitulum. Jerëm. 14. b

TU áutem in nobis es Dómine, et nomen sanctum tuum invocátum est super nos, ne derelinquas nos Dómine Deus noster. **R.** Deo grátias.

R. br. In manus tuas Dómine * Comméndo spíritum meum. In. **ŷ.** Redemisti nos Dómine Deus veritátis. Comméndo. Glória Patri. In manus.

ŷ. Custódi nos Dómine ut pupillam óculi. **R.** Sub umbra alárum tuárum prótege nos.

Ant. Salva nos.

Canticum Simeonis.

Luc. 2. e

NUNC dimittis servum tuum Dómine, * secúndum verbum tuum in pace :

Quia vidérunt óculi mei * salutáre tuum,

Quod parásti * ante fáciem ómnium populórum :

Lumen ad revelatióne géntium, * et glóriam plebis tuæ Israël.

Glória Patri.

Ant. Salva nos Dómine vigilátes, custódi nos dormiéntes : ut vigilémus cum Christo, et requiescámus in pace.

Sequentes Preces semper dicuntur, præterquam in Officio duplici, et infra Octavas : quæ in feriali Officio et in Quatuor Temporibus, quando dictæ sunt Preces in Vesp., dicuntur flexis genibus.

KYRIE eléison. Christe eléison. Kýrie eléison.

Pater noster. **secreto.**

ŷ. Et ne nos indúcas in tentatióne. **R.** Sed libera nos a malo.

Credo in Deum. **secreto.**

ŷ. Carnis resurrectiόne.

R. Vitam ætérnam. Amen.

ŷ. Benedictus es Dómine Deus patrum nostrórum. **R.** Et laudábilis et gloriósus in sæcula.

✠. Benedicámus Patrem et Filium cum sancto Spíritu. **R.** Laudémus, et superexaltémus eum in sǎcula.

✠. Benedictus es Dómine in firmaménto cæli. **R.** Et laudábilis, et gloriósus, et superexaltátus in sǎcula.

✠. Benedicat et custódiat nos omnipotens et miséricors Dóminus. **R.** Amen.

✠. Dignáre Dómine nocte ista. **R.** Sine peccáto nos custodíre.

✠. Miserére nostri Dómine. **R.** Miserére nostri.

✠. Fiat misericórdia tua Dómine super nos. **R.** Quemádmodum sperávimus in te.

✠. Dómine exáudi oratió-nem meam. **R.** Et clamor meus ad te véniat.

✠. Dóminus vobiscum. **R.** Et cum spíritu tuo.

Orémus. **Oratio.**

VÍSITA, quæsumus Dómine, habitatió-nem istam, et omnes insídi-as inimíci ab ea longe repélle : Angeli tui sancti hábitent in ea, qui nos in pace custó-diant; et benedictio tua sit super nos semper. Per Dóminum.

✠. Dóminus vobiscum. **R.** Et cum spíritu tuo.

✠. Benedicámus Dómino. **R.** Deo grátias.

Bened. Benedicat et custódiat nos omnipotens et miséricors Dóminus, Pater, et Filius, et Spíritus sanctus. **R.** Amen.

Et non dicitur Fidélium

ánimæ, **sed immediate dicitur sequens Antiphona.**

A I. Vesp. Festi SS. Trinitatis usque ad Nonam Sabbati ante Advent., Ant.

SALVE Regina, mater misericórdiæ, vita, dulcédo et spes nostra, salve. Ad te clamámus, éxsules filii Hevæ. Ad te suspirámus, geméntes et flentes in hac lacrymárum valle. Eia ergo, advocáta nostra, illos tuos misericórdes óculos ad nos convérte. Et Jesum, benedictum fructum ventris tui, nobis post hoc exsílíum osténde. O clemens, o pia, o dulcis Virgo María.

✠. Ora pro nobis sancta Dei Génitrix. **R.** Ut digni efficiámur promissiónibus Christi.

Orémus. **Oratio.**

OMNÍPOTENS sempitér-ne Deus, qui gloriósæ Virginis Matris Mariæ corpus et ánimam, ut dignum Filii tui habitáculum éffici mererétur, Spíritu sancto cooperánte, præparásti : da, ut cujus commemoratió-ne lætámur, ejus pia intercessió-ne, ab instántibus malis, et a morte perpétua liberémur. Per eúndem Christum Dóminum nostrum.

R. Amen.

✠. Divínium auxílíum má-neat semper nobiscum.

R. Amen.

Deinde dicitur secreto Pater noster. Ave María. **et Credo.**

Sic dicitur Completorium per annum.

Si post Complet. immediate sequatur Matut., tunc bis dicatur Pater noster. Ave María. et Credo : quia Complet., quod est finis Officii, sic terminari debet; et ante Matut. iterum repetitur pro principio Officii seq. diei.

Antiphona prædicta dicitur etiam in fine Laudum, quando discedendum est a Choro : sed si immediate post Matut. subsequatur Prima, vel alia Hora, dicitur in fine ultimæ Horæ, ita ut dicatur semper, quando, terminata aliqua

Hora, discedendum est a Choro : et tunc post **Ÿ**. Fidélum ánimæ. et Pater noster. secreto, dicitur **Ÿ**. Dóminus det nobis suam pacem. **ñ**. Et vitam ætérnam. Amen.

Deinde prædicta Antiphona, et in fine Divinum auxilium máneat semper nobiscum. **ñ**. Amen.

Extra Chorum autem dicitur in fine Laudum, si tunc terminandum sit Officium; alioquin in fine ultimæ Horæ.

Post alias vero Horas, quando terminatur Offic., dicitur tantum Pater noster. secreto.





PROPRIUM DE TEMPORE

SABBATO

Proximo Kalendis Septembris.

Ad Magnif. Ant. Cum audisset Job * nuntiôrum verba, sustinuit patienter, et ait : Si bona suscepimus de manu Dómini, mala áutem quare non sustineámus? In ómnibus his non peccávit Job lábiis suis, neque stultum áliquid contra Deum locútus est.

V. Vespertína orátio ascéndat ad te Dómine. **R.** Et descéndat super nos misericórdia tua.

DOM. I. SEPTEMBRIS

IN I. NOCTURNO

Incipit liber Job.

Lectio j. Cap. 1.



IR erat in terra Hus, nómine Job, et erat vir ille simplex, et rectus, ac timens Deum, et recédens a malo : natique sunt ei septem filii, et tres filiæ. Et fuit possessio ejus septem millia óvium, et tria millia camelórum, quingénta quoque juga boum, et

quingéntæ ásinæ, ac familia multa nimis : erátque vir ille magnus inter omnes Orientales.

R. Si bona suscepimus de manu Dei, mala áutem quare non sustineámus? * Dóminus dedit, Dóminus ábs tulit : sicut Dómino plácuit, ita factum est : sit nomen Dómini benedictum. **V.** Nudus egréssus sum de útero matris meæ, et nudus révértar illuc. Dóminus.

Lectio ij.

Et ibant filii ejus, et faciébant convívium per domos, unusquisque in die suo. Et mitténtes vocábant tres soróres suas ut coméderent et bíberent cum eis. Cumque in orbem transissent dies convívii, mittébat ad eos Job, et sanctificábat illos, consurgénsque dilúculo offerébat holocáusta pro singulis. Dicébat enim : Ne forte peccáverint filii mei, et benedíxerint Deo in córdibus suis. Sic faciébat Job cunctis diébus.

R. Antequam cómedam, suspiro, et tamquam inun-

dantes aquæ, sic rugitus meus : quia timor quem timebam, evenit mihi; et quod verébar, accidit : nonne dissimulavi? nonne silui? nonne quievi? * Et venit super me indignatio. *Ÿ.* Ecce non est auxilium mihi in me, et necessarij quoque mei recesserunt a me. Et venit.

Lectio iij.

QUADAM autem die cum venissent filii Dei ut assisterent coram Domino, affuit inter eos etiam Satan. Cui dixit Dominus : Unde venis? Qui respondens, ait : Circuivi terram, et perambulavi eam. Dixitque Dominus ad eum : Numquid considerasti servum meum Job, quod non sit ei similis in terra, homo simplex, et rectus, ac timens Deum, et recedens a malo? Cui respondens Satan, ait : Numquid Job frustra timet Deum? nonne tu vallasti eum, ac domum ejus, universamque substantiam per circuitum, operibus manuum ejus benedixisti, et possessio ejus crevit in terra? Sed extende paululum manum tuam, et tange cuncta quæ possidet nisi in faciem benedixerit tibi.

R. Quare detraxistis sermonibus veritatis : ad increpandum verba componitis, et subvertere nitimini amicum vestrum? * Verumtamen quæ cogitastis, expléte. *Ÿ.* Quod justum est, judicáte;

et non inveniétis in lingua mea iniquitatem. Verumtamen. Glória Patri. Verumtamen.

IN IL. NOCTURNO

Ex libro Morálum sancti Gregórii Papæ.

Lectio iv. Lib. 2. cap. 1.

SCRIP TÚRA sacra mentis óculis quasi quoddam spéculum oppónitur, ut interna nostra fácies in ipsa videátur. Ibi etenim fœda, ibi pulchra nostra cognóscimus : ibi sentimus quantum proficimus, ibi a profectu quam longe distamus. Narrat autem gesta sanctorum, et ad imitationem corda provocat infirmorum : dumque illorum victricia facta commemorat, contra vitiolorum prælia debilia nostra confirmat : fitque verbis illius, ut eo mens minus inter certamina trépides, quo ante se positos tot virorum fortium triumpfos videt.

R. Indúta est caro mea putredine, et sordibus pulveris cutis mea aruit, et contrácta est : * Meménto mei Dómine, quóniam ventus est vita mea. *Ÿ.* Dies mei velócius transiérunt, quam a texente tela succiditur, et consumpti sunt absque ulla spe. Meménto.

Lectio v.

NONNÚMQUAM vero non solum nobis eorum virtutes ásserit, sed etiam casus innotéscit : ut et in victória fortium, quod imitando ar-

ripere, et rursum videamus in lapsibus quid debeamus timere. Ecce enim Job describitur tentatione auctus, sed David tentatione prostratus: ut et majorum virtus spem nostram foveat, et majorum casus ad cautelam nos humilitatis accingat: quatenus dum illa gaudentes sublevant, ista metuentes premant: et audientis animus illinc spei fiducia, hinc humilitate timoris eruditus, nec temeritate superbiat, quia formidine premittitur; nec pressus timore desperet, quia ad spei fiduciam virtutis exemplo roboratur.

R. Paucitas dierum meorum finiatur brevi: dimitte Domine, ut plangam paululum dolorem meum, * Antequam vadam ad terram tenebrösam, et opertam mortis caligine. **V.** Manus tuæ Domine fecerunt me, et plasmaverunt me totum in circuitu, et sic repente precipitas me? Antequam.

Lectio vj.

Lib. 1. Moralium cap. 1.

Vir erat in terra Hus, nomine Job. Idcirco sanctus vir ubi habitaverit, dicitur, ut ejus meritum virtutis exprimatur. Hus namque quis nesciat, quod sit in terra gentilium? Gentilitas autem eo obligata vitiis existit, quo cognitionem sui conditoris ignoravit. Dicitur itaque ubi habitaverit: ut hoc ejus laudibus profi-

ciat, quod bonus inter malos fuit. Neque enim valde laudabile est, bonum esse cum bonis, sed bonum esse cum malis. Sicut enim gravioris culpæ est, inter bonos bonum non esse: ita immensi est præconii, bonum etiam inter malos exstitisse.

R. Non abscondas me Domine a facie tua: manum tuam longe fac a me: * Et formido tua non me terreat.

V. Corripe me Domine in misericordia, non in furore tuo, ne forte ad nihilum redigas me. Et formido. Glória Patri. Et formido.

R. vij. Quis mihi tribuat, ut in inferno protegas me, et abscondas me, donec pertranseat furor tuus Domine, nisi tu, qui solus es Deus? * Et constituas mihi tempus, in quo recorderis mei? **V.** Numquid sicut dies hominis, dies tui, ut quæras iniquitatem meam; cum sit nemo, qui de manu tua possit erüere? Et.

R. viij. Duo Sèraphim clamabant alter ad alterum: * Sanctus, Sanctus, Sanctus Dominus Deus Sábaoth; * Plena est omnis terra gloria ejus. **V.** Tres sunt qui testimonium dant in cælo, Pater, Verbum, et Spiritus sanctus: et hi tres unum sunt. Sanctus. Glória Patri. Plena est.

Infra hebdom., Feria IV. post ij. et iij. Lectionem di-

citur ij. et iij. Responso-
rium Feriæ II. sequentis.

FERIA SECUNDA

De libro Job.

Lectio j. Cap. 1. c

CUM autem quadam die filii et filiæ ejus comederent et biberent vinum in domo fratris sui primogeniti, nuntius venit ad Job, qui diceret : Boves arabant, et asinæ pascebantur juxta eos, et irruerunt Sabæi, tuleruntque omnia, et pueros percusserunt gladio, et evasi ego solus ut nuntiarem tibi. Cumque adhuc ille loqueretur, venit alter, et dixit : Ignis Dei cecidit e cælo, et tactas oves puerosque consumpsit, et effugi ego solus ut nuntiarem tibi.

¶ Versa est in luctum cithara mea, et organum meum in vocem flentium : * Parce mihi Domine : nihil enim sunt dies mei. ¶ Cutis mea denigrata est super me, et ossa mea aruerunt. Parce mihi.

Lectio ij.

SED et illo adhuc loquente, venit alius, et dixit : Chaldæi fecerunt tres turmas, et invasérunt camelos, et tulerunt eos, necnon et pueros percusserunt gladio, et ego fugi solus ut nuntiarem tibi. Adhuc loquebatur ille, et ecce alius intravit, et dixit : Filiis tuis et filiabus vescentibus et bibentibus vinum in domo fratris sui primogé-

niti, repente ventus vehemens irruit a regione deserti, et concussit quatuor angulos domus, quæ corruens oppressit liberos tuos, et mortui sunt, et effugi ego solus ut nuntiarem tibi.

¶ Utinam appenderentur peccata mea, quibus iram merui : * Et calamitas quam patior, in statera. ¶ Quasi arena maris hæc gravior appareret, unde et verba mea dolore sunt plena. Et calamitas.

Lectio iij.

TUNC surrexit Job, et scidit vestimenta sua, et tonso capite corruens in terram, adoravit, et dixit : Nudus egressus sum de utero matris meæ, et nudus revertar illuc : Dominus dedit, Dominus abstulit : sicut Domino placuit, ita factum est : sit nomen Domini benedictum. In omnibus his non peccavit Job labiis suis, neque stultum quid contra Deum locutus est.

¶ Quare detraxistis sermonibus veritatis : ad increpandum verba componitis, et subvertere nitimini amicum vestrum ? * Verumtamen quæ cogitastis, explète. ¶ Quod justum est, judicæ ; et non inveniétis in lingua mea iniquitatem. Verumtamen. Glória Patri. Verumtamen.

Responsoria hujus II. Fer. dicuntur etiam in II. Feria hebdomadæ sequentis.

FERIA TERTIA

De libro Job.

Lectio j. Cap. 2.

FACTUM est autem cum quadam die venissent filii Dei, et starent coram Domino, venisset quoque Satan inter eos, et staret in conspectu ejus, ut diceret Dominus ad Satan : Unde venis? Qui respondens ait : Circuivi terram, et perambulavi eam. Et dixit Dominus ad Satan : Numquid considerasti servum meum Job, quod non sit ei similis in terra, vir simplex et rectus, ac timens Deum, et recedens a malo, et adhuc retinens innocentiam? Tu autem commovisti me adversus eum, ut affligerem eum frustra. Cui respondens Satan, ait : Pellem pro pelle, et cuncta quæ habet homo, dabit pro anima sua : alióquin mitte manum tuam, et tange os ejus et carnem, et tunc videbis quod in faciem benedicat tibi.

R. Induta est. 154.

Lectio ij.

DIXIT ergo Dominus ad Satan : Ecce in manu tua est, verúmtamen animam illius serva. Egressus igitur Satan a facie Domini, percussit Job úlcere pessimo, a planta pedis usque ad vérticem ejus : qui testa saniem radébat, sedens in sterquilinio. Dixit autem illi

uxor sua : Adhuc tu permannes in simplicitate tua? benedic Deo et morere. Qui ait ad illam : Quasi una de stultis mulieribus locuta es. Si bona suscepimus de manu Dei, mala quare non suscipiamus? In omnibus his non peccavit Job labiis suis.

R. Paucitas. 155.

Lectio iij.

IGITUR audientes tres amici Job omne malum, quod accidisset ei, venerunt singuli de loco suo, Eliphaz Themanites, et Baldad Suhites, et Sophar Naamathites. Condixerant enim, ut pariter venientes visitarent eum, et consolarerentur. Cumque elevassent procul oculos suos, non cognoverunt eum, et exclamantes ploraverunt, scissisque vestibus sparserunt pulverem super caput suum in cælum. Et sederunt cum eo in terra septem diebus et septem noctibus, et nemo loquebatur ei verbum : videbant enim dolorem esse vehementem.

R. Non abscondas me Domine. 155.

FERIA QUARTA

De libro Job.

Lectio j. Cap. 3.

POST hæc aperuit Job os suum, et maledixit diei suo, et locutus est : Péreat dies in qua natus sum, et nox in qua dictum est : Concéptus est homo. Dies ille

vertátur in ténebras, non requírat eum Deus désuper, et non illustrétur lúmíne. Obscúrent eum ténebræ, et umbra mortis, óccupet eum caligo, et involvátur amari-túdine.

¶ Quis mihi. 155.

Lectio ij.

NOCTEM illam tenebrósus turbo possídeat, non computétur in diébus anni, nec numerétur in ménsibus. Sit nox illa solitária, nec láude digna : maledícant ei qui maledícunt diéi, qui paráti sunt suscitáre Levíathan : obtenebréntur stellæ caligine ejus : expéctet lucem et non videat, nec ortum surgéntis auróre : quia non conclúsit óstia ventris, qui portávit me, nec ábstulit mala ab óculis meis.

¶ Utinam. 156.

Lectio iij.

QUARE non in vulva mór-tuus sum, egréssus ex útero non statim périi? Quare excéptus génibus? cur lactátus ubéribus? Nunc enim dórmíens silérem, et somno meo requiéscerem : cum régibus et consúlíbus terræ, qui ædífícant sibi solitúdines : aut cum princípibus, qui póssident áurum, et replent domos suas argénto : aut sicut abortívum absconditum non subsisterem, vel qui concépti non vidérunt lucem.

¶ Quare detraxístis sermónibus. 156.

FERIA QUINTA

De libro Job.

Lectio j. Cap. 4.

RESPÓNDENS áutem Eliphaz Themanites, dixit : Si cœpérimus loquí tibi, fórsitan moléste accípíes, sed concéptum sermónem tenére quis póterit? Ecce docuísti multos, et manus lassas roborásti : vacillántes confirmavérunt sermónes tui, et gēna treméntia confortásti : nunc áutem venit super te plaga, et defecísti : tétigit te, et conturbátus es. Ubi est timor tuus, fortitúdo tua, patiéntia tua, et perféctio viárum tuárum?

¶ Si bona. 153.

Lectio ij.

RECORDÁRE, óbsecro te, quis umquam innócentis périit? aut quando recti deléti sunt? Quin pótius vidi eos, qui operántur iniquitátem, et séminant dolóres et metunt eos, flante Deo perísse, et spírítu iræ ejus esse consúptos : rugítus leónis, et vox leænæ, et dentes catúlórum leónum contríti sunt. Tigris périit, eo quod non habéret prædam, et cátuli leónis dissipáti sunt.

¶ Antequam. 153.

Lectio iij.

PORRO ad me dictum est verbum absconditum, et quasi furtíve suscepit áuris mea venas susúrri ejus. In horróre visiónis noctúrnæ, quando solet sopor occu-

páre hómines, pavor ténuít me, et tremor, et ómnia ossa mea pertérrita sunt : et cum spíritus me præsén-te trans-íret, inhorruérunt pili carnis meæ. Stetit quidam, cujus non agnoscébam vultum, imágo coram óculis meis, et vocem quasi áuræ lenis audivi. Numquid homo Dei comparatióne justificábitur, aut factóre suo púrior erit vir? Ecce qui sérvíunt ei, non sunt stábiles, et in Angelis suis réperit pravítatem.

℞. Quare detráxistis. 154.

FERIA SEXTA

De libro Job.

Lectio j. Cap. 6.

RESPÓNDENS áutem Job, dixit : Utinam appenderéntur peccáta mea, quibus iram mérui : et calámitas, quam pátiór, in státéra. Quasi aréna maris hæc grávior apparéret : unde et verba mea dolóre sunt plena : quia sagittæ Dómini in me sunt, quarum indignátio ébibit spíritum meum, et terróres Dómini militánt contra me.

℞. Indúta est. 154.

Lectio ij.

NUMQUID rúgiet ónager cum habúerit herbam? aut múgiet bos cum ante præsépe plenum stéterit? Aut póterit cómedi insúlsum, quod non est sale condítum? aut potest áliquis gustáre, quod gustátum af-

fert mortem? Quæ prius nólébat tángere ánima mea, nunc præ angústia, cibi mei sunt.

℞. Páucitas. 155.

Lectio iij.

QUIS det ut véniat petítio mea : et quod exspécto, tríbuat mihi Deus? Et qui cœpít, ipse me cónterat : solvat manum suam, et succídat me? Et hæc mihi sit consolátio ut afflígens me dolóre, non parcat, nec contradícam sermónibus Sancti. Quæ est enim fortitúdo mea ut sustíneam? aut quis finis meus, ut patiénter agam? Nec fortitúdo lápidum fortitúdo mea, nec caro mea ænea est. Ecce, non est auxiliúm mihi in me, et necessarij quoque mei recessérunt a me.

℞. Non abscondas. 155.

SABBATO

De libro Job.

Lectio j. Cap. 7.

MILÍTIA est vita hóminis super terram : et sicut dies mercenárij, dies ejus. Sicut servus desíderat umbram, et sicut mercenárijus præstolátur finem óperis sui : sic et ego hábui menses vácuos, et noctes laboriósas enumerávi mihi. Si dormié-ro, dicam : Quando consúr-gam? et rursum exspectábo vésperam, et replébór dolóribus usque ad ténebras.

℞. Quis mihi. 155.

Lectio ij.

INDŪTA est caro mea putredine et sórdibus púlveris, cutis mea áruit, et contrácta est. Dies mei velócius transiérunt quam a texénte tela succiditur, et consúpti sunt absque ulla spe. Meménto quia ventus est vita mea, et non revertétur óculus meus ut vídeat bona. Nec adspíciet me visus hóminis : óculi tui in me, et non subsistam.

℞. Utinam. 156.

Lectio iij.

SICUT consúmitur nubes, et pertransit : sic qui descénderit ad inferos, non ascéndet. Nec revertétur ultra in domum suam, neque cognóscet eum ámplius locus ejus. Quaprópter et ego non parcam ori meo, loquar in tribulatióne spiritus mei : confabulábor cum amaritúdine ánimæ meæ. Numquid mare ego sum, aut cetus, quia circumdedisti me cárcere?

℞. Quare detraxistis. 156.

SABBATO

ANTE DOM. II. SEPTEMBRIS

Ad Magnif. Ant. In ómnibus his * non peccávit Job lábiis suis, neque stultum áliquíd contra Deum locútus est.

℣. Vespertína orátio ascéndat ad te Dómine. ℞. Et descéndat super nos misericórdia tua.

DOM. II. SEPTEMBRIS

IN I. NOCTURNO

De libro Job.

Lectio j. Cap. 9.

ET respóndens Job, ait : Vere scio quod ita sit, et quod non justificétur homo compósitus Deo. Si volúerit conténdere cum eo, non póterit ei respondére unum pro mille. Sápiens corde est, et fortis róbre : quis réstitit ei, et pacem hábuit? Qui tránstulit montes, et nesciérunt hi quos subvértit in furóre suo.

℞. Si bona. 153.

Lectio ij.

QUI cómmovet terram de loco suo, et colúmnæ ejus concutiúntur. Qui præcipit soli, et non óratur : et stellas cláudit quasi sub signáculo. Qui exténdit cælos solus, et gráditur super fluctus maris. Qui facit Arctúrum, et Oríona, et Hýadas, et interióra áustri. Qui facit magna, et incomprehensibília, et mirabilia, quorum non est númerus.

℞. Antequam. 153.

Lectio iij.

SI vénerit ad me, non vídebo eum : si abierit, non intélligam. Si repénite intérroget, quis respondébit ei? vel quis dicere potest : Cur ita facis? Deus, cujus iræ nemo resistere potest, et sub quo curvántur qui portant orbem. Quantus ergo sum ego, ut respóndeam

ei, et loquar verbis meis cum eo? Qui étiam si habúero quíppiam justum, non respondébo, sed meum júdicem deprecábor. Et cum invocántem exaudierit me, non credo quod audierit vocem meam. In túrbine enim cónteret me, et multiplicábit vúlnera mea étiam sine cáusa.

R. Quare detraxístis. 154

IN II. NOCTURNO

Ex libro Morálium sancti Gregórii Papæ.

Liber 9. Cap. 2.

Lectio iv.

VERE scio quod ita sit, et quod non justificábitur homo compósitus Deo. Homo quippe Deo non compósitus justitiam pécipit, compósitus amíttit : quia quisquis se auctóri bonórum cómparat, bono se, quod accéperat, privat. Qui enim accépta bona sibi árrogat, suis contra Deum donis pugnat. Unde ergo despéctus erígatur, dignum est ut eréctus inde destruátur. Sanctus áutem vir, quia omne virtútis nostræ méritum esse vítium cónspicit, si ab intérrno árbitro districte júdicétur, recte subjúngit : Si volúerit conténdere cum eo, non póterit respondére ei unum pro mille.

R. Indúta est. 154.

Lectio v.

IN Scriptúra sancta millenárius númerus pro universitáte solet intélligi. Hinc

étenim Psalmista ait : Verbi, quod mandávit in mille generatiónes : cum profécto constet, quod ab ipso mundi exórdio usque ad Redemptóris advéntum per Evangelístam non ámplius quam septuaginta et septem propáges numeréntur. Quid ergo in millenário número, nisi ad proferéndam novam sóbolem perfécta univérsitas præscitæ generatiónis exprimitur? Hinc et per Joánnem dicitur : Et regnábunt cum eo mille annis : quia vidélicet regnum sanctæ Ecclésiæ universitátis perfectióne solidátur.

R. Páucitas diérum. 155.

Lectio vj.

QUIA vero monas décies multiplicáta in denárium dúcitur, denárius per semetípsum ductus in centenárius dilatátur ; qui rursus per denárium ductus, in millenárium ténditur : cum ab uno incípiamus, ut ad millenárium veniámus, quid hoc loco uníus appellatióne, nisi bene vivéndi iníitium : quid millenárii númeri amplitúdine, nisi ejúsdem bonæ vitæ perféctio designátur? Cum Deo áutem conténdere, est, non ei tribúere, sed sibi glóriam suæ virtútis arrogáre. Sed sanctus vir conspiciat, quia et qui summa jam dona percépit, si de accéptis extóllitur, cuncta quæ accéperat, amíttit.

R. Non abscondas. 155.

R. vij. Quis mihi tribuat,
ut in inférno. 155.

R. viij. Duo Séraphim cla-
mábant. 155.

FERIA SECUNDA

De libro Job.

Lectio j. Cap. 27.

ADDIDIT quoque Job, assú-
mens parábolam suam,
et dixit : Vivit Deus, qui
ábstulit iudicium meum, et
Omnipotens, qui ad amari-
túdinem addúxit ánimam
meam. Quia donec súperest
hálitus in me, et spíritus Dei
in náribus meis. Non loquén-
tur lábia mea iniquitátem,
nec lingua mea meditábitur
mendácium. Absit a me ut
justos vos esse júdicem :
donec defíciam, non recé-
dam ab innocentia mea.

R. Versa est in luctum cí-
thara. 156.

Lectio ij.

JUSTIFICATIÓNEM meam,
quam coépi tenére, non
déseram : neque enim re-
prehéndit me cor meum in
omni vita mea. Sit ut impius,
inimicus meus : et adversá-
rius meus, quasi iníquus.
Quæ est enim spes hypó-
critæ si aváre rápiat, et non
liberet Deus ánimam ejus?
Numquid Deus áudiet cla-
mórem ejus cum vénerit
super eum angústia? aut
póterit in Omnipoténte de-
lectári, et invocáre Deum
omni témpore?

R. Utinam appenderéntur
peccáta. 156.

Lectio iij.

DOCÉBO vos per manum
Dei quæ Omnipotens há-
beat, nec abscondam. Ecce,
vos omnes nostis, et quid
sine cáusa vana loquimini?
Hæc est pars hóminis impii
apud Deum, et heréditas vio-
lentórum, quam ab Omni-
poténte suscipient. Si mul-
tiplicáti fúerint filii ejus, in
gládio erunt, et nepótes ejus
non saturabúntur pane. Qui
réliqui fúerint ex eo, sepe-
liéntur in intéritu, et viduæ
illius non plorábunt.

R. Quare detraxistis. 156.

FERIA TERTIA

De libro Job.

Lectio j. Cap. 28. b

SAPIÉNTIA ubi invenitur?
et quis est locus intelli-
géntiæ? Nescit homo pré-
tium ejus, nec invenitur in
terra suáriter vivéntium.
Abýssus dicit : Non est in
me : et mare lóquitur : Non
est mecum. Non dábitur áu-
rum obrízum pro ea, nec ap-
pendétur argéntum in com-
mutatióne ejus. Non confe-
rétur tinctis Indiæ colóri-
bus, nec lápidi sardónycho
pretiosíssimo, vel sapphíro.

V. Indúta est. 154.

Lectio ij.

NON adæquábitur ei áurum
vel vítrum, nec com-
mutabúntur pro ea vasa áu-
ri : excélsa et eminéntia non
memorabúntur comparatió-
ne ejus : tráhitur áutem sa-
piéntia de occúltis. Non ad-

æquabitur ei topázus de Æthiopia, nectinctura mundi dissimulata componetur. Unde ergo sapientia venit? et quis est locus intelligentiae? Abscondita est ab oculis omnium viventium, volucres quoque caeli latet. Perditio et mors dixerunt: Auribus nostris audivimus famam ejus.

¶ Páucitas. 155.

Lectio iij.

DEUS intelligit viam ejus, et ipse novit locum illius. Ipse enim fines mundi intuetur: et omnia, quae sub caelo sunt, respicit. Qui fecit ventis pondus, et aquas appendit in mensura. Quando ponebat pluviis legem, et viam procellis sonantibus: tunc vidit illam, et enarravit, et preparavit, et investigavit. Et dixit homini: Ecce timor Domini, ipsa est sapientia: et recedere a malo, intelligentia.

¶ Non abscondas. 155.

FERIA QUARTA

De libro Job.

Lectio j. Cap. 31.

PÉPIGI foedus cum oculis meis, ut ne cogitarem quidem de virgine. Quam enim partem haberet in me Deus desuper, et hereditatem Omnipotens de excelsis? Numquid non perditio est iniquo, et alienatio operantibus injustitiam? Nonne ipse considerat vias meas, et cunctos gressus meos dinumerat? Si ambulavi in vani-

tate, et festinavit in dolo pes meus: appendat me in statera justa, et sciat Deus simplicitatem meam.

¶ Quis mihi. 155.

Lectio ij.

Si declinavit gressus meus de via, et si secutum est oculus meus cor meum, et si manibus meis adhaesit macula: seram, et alius comedat: et progenies mea eradicetur. Si deciptum est cor meum super muliere, et si ad ostium amici mei insidiatus sum: scortum alterius sit uxor mea, et super illam incurventur alii. Hoc enim nefas est, et iniquitas maxima. Ignis est usque ad perditionem devorans, et omnia eradicans genimina.

¶ Utinam. 156.

Lectio iij.

Si contempsisti subire iudicium cum servo meo, et ancilla mea, cum disceptarent adversum me. Quid enim faciam cum surrexerit ad iudicandum Deus? et cum quaesierit, quid respondebo illi? Numquid non in utero fecit me qui et illum operatus est: et formavit me in vulva unus? Si negavi, quod volebant, pauperibus, et oculos viduae exspectare feci: si comedi buccellam meam solus, et non comedit pupillus ex ea: (quia ab infantia mea crevit mecum miseratio: et de utero matris meae egressa est mecum).

¶ Quare detraxistis. 156.

FERIA QUINTA

De libro Job.

Lectio j. Cap. 38.

RESPONDENS autem Dominus Job de turbine, dixit : Quis est iste involvens sententias sermonibus imperitis? Accinge sicut vir lumbos tuos : interrogabo te, et responde mihi. Ubi eras quando ponebam fundamenta terræ? indica mihi si habes intelligentiam. Quis posuit mensuras ejus, si nosti? vel quis tetendit super eam lineam? Super quo bases illius solidatæ sunt? aut quis demisit lapidem angularem ejus, cum me laudarent simul astra matutina, et jubilarent omnes filii Dei?

¶ Si bona. 153.

Lectio ij.

QUIS conclusit ostiis mare, quando erumpēbat quasi de vulva procedens : cum ponerem nubem vestimentum ejus, et caligine illud quasi pannis infantiae obvolverem? Circumdedit illud terminis meis, et posui vectem, et ostia ; et dixi : Usque huc venies, et non procedes amplius, et hic confringes tumētes fluctus tuos. Numquid post ortum tuum præcepisti diluculo, et ostendisti auroræ locum suum? Et tenuisti concutiens extrema terræ, et excussisti impios ex ea?

¶ Antequam. 153.

Lectio iij.

RESTITUETUR ut lutum signaculum, et stabit sicut vestimentum : auferetur ab impiis lux sua, et brachium excelsum confringetur. Numquid ingressus es profunda maris, et in novissimis abyssi deambulasti? Numquid apertæ sunt tibi portæ mortis, et ostia tenebrōsa vidisti? Numquid considerasti latitudinem terræ? indica mihi, si nosti omnia, in qua via lux habitat, et tenebrarum quis locus sit : ut ducas unumquodque ad terminos suos, et intelligas semitas domus ejus.

¶ Quare detraxistis. 154.

FERIA SEXTA

De libro Job.

Lectio j. Cap. 40.

RESPONDENS autem Dominus Job de turbine, dixit : Accinge sicut vir lumbos tuos : interrogabo te, et indica mihi. Numquid irritum facies iudicium meum, et condemnabis me, ut tu justificeris? Et si habes brachium sicut Deus, et si voce simili tonas? Circumdanda tibi decorem, et in sublime erigere, et esto gloriosus, et speciosis induere vestibus.

¶ Induta est. 154.

Lectio ij.

DISPERGE superbos in furorē tuo, et respiciens omnem arrogātem humilia. Respice cunctos superbos, et confunde eos, et cōtere

impíos in loco suo. Abscónde eos in púlvere simul, et fácies eórum demérge in fóveam : et ego confitébor quod salváre te possit dextera tua. Ecce, Béhemoth, quem feci tecum, fœnum quasi bos cómedet : fortitúdo ejus in lumbis ejus, et virtus illius in umbilico ventris ejus.

℞. Páucitas. 155.

Lectio iiij. Cap. 42.

RESPÓNDENS áutem Job Dómino, dixit : Scio quia ómnia potes, et nulla te latet cogitátio. Quis est iste, qui celat consílium absquesciéntia? ídeo insipiénter locútus sum, et quæ ultra modum excéderent sciéntiam meam. Audi, et ego loquar : interrogábo te, et respónde mihi. Auditú áuris audívi te, nunc áutem óculus meus videt te. Idcirco ipse me reprehéndo, et ago pœniténtiam in favilla et cinere.

℞. Non abscondas. 155.

SABBATO

De libro Job.

Lectio j. Cap. 42. b

POSTQUAM áutem locútus est Dóminus verba hæc ad Job, dixit ad Eliphaz Themanitem : Irátus est furor meus in te, et in duos amícos tuos, quóniam non estis locúti coram me rectum, sicut servus meus Job. Súmite ergo vobis septem táuros, et septem arietes, et ite ad servum meum

Job, et offérte holocáustum pro vobis : Job áutem servus meus orábit pro vobis : fáciem ejus suscípiam ut non vobis imputétur stultitia : neque enim locúti estis ad me recta, sicut servus meus Job.

℞. Quis mihi. 155.

Lectio ij.

ABIÉRUNT ergo Eliphaz Themanites, et Baldad Suhites, et Sophar Naamathites, et fecérunt sicut locútus fúerat Dóminus ad eos, et suscepit Dóminus fáciem Job. Dóminus quoque convérsus est ad pœniténtiam Job, cum oráret ille pro amicis suis. Et áddidit Dóminus ómnia quæcúmque fúerant Job, duplicia. Venérunt áutem ad eum omnes fratres sui, et univérsæ soróres suæ, et cuncti qui nóverant eum prius, et comederunt cum eo panem in domo ejus : et movérunt super eum caput, et consoláti sunt eum super omni malo quod intúlerat Dóminus super eum : et dedérunt ei unusquisque ovem unam, et ináurem áuream unam.

℞. Utinam. 156.

Lectio iiij.

DÓMINUS áutem benedíxit novíssimis Job magis quam principio ejus. Et facta sunt ei quatuórdecim millia óvium, et sex millia camelórum, et mille juga boum, et mille ásinæ. Et fuérunt ei septem filii, et

tres filiae. Et vocavit nomen unius Diem, et nomen secundae Cassiam, et nomen tertiae Cornustibii. Non sunt autem inventae mulieres speciosae sicut filiae Job in universa terra : deditque eis pater suus hereditatem inter fratres earum. Vixit autem Job post haec, centum quadraginta annis, et vidit filios suos, et filios filiorum suorum, usque ad quartam generationem, et mortuus est senex, et plenus dierum.

℟. Quare detraxistis. 156.

SABBATO

ANTE DOM. III. SEPTEMBRIS

Ad Magnif. Ant. Ne reminiscaris * Domine delicta mea, vel parentum meorum : neque vindictam sumas de peccatis meis.

℣. Vespertina oratio ascendat ad te Domine. ℟. Et descendat super nos misericordia tua.

DOM. III. SEPTEMBRIS

IN I. NOCTURNO

Incipit liber Tobiae.

Lectio j. Cap. 1.

TOBÍAS ex tribu et civitate Néphthali (quæ est in superioribus Galilææ supra Naásson, post viam, quæ ducit ad Occidentem, in sinistro habens civitatem Saphet) cum captus esset in diebus Salmánasar regis Assyriorum, in captivitate tamen positus, viam veritatis non deseruit, ita ut omnia,

quæ habere poterat, quotidie concaptivis fratribus, qui erant ex ejus genere, imperitiret. Cumque esset junior omnibus in tribu Néphthali, nihil tamen puerile gessit in opere.

℟. Peto Domine, ut de vinculo improperii hujus absolvas me, aut certe desuper terram eripias me : * Ne reminiscaris delicta mea, vel parentum meorum, neque vindictam sumas de peccatis meis : quia eruis sustinentes te Domine. ℣. Omnia enim judicia tua justa sunt, et omnes viæ tuæ misericordia et veritas : et nunc Domine meménto mei. Ne.

Lectio ij.

DÉNIQUE cum irent omnes ad vitulos aureos, quos Jeróboam fecerat rex Israël, hic solus fugiebat consortia omnium, sed pergebat in Jerúsalem ad templum Domini, et ibi adorabat Dominum Deum Israël, omnia primitiva sua, et decimas suas fideliter offerens, ita ut in tertio anno proselytis et advenis ministraret omnem decimationem. Hæc et his similia secundum legem Dei puérulus observabat. Cum vero factus esset vir, accipit uxorem Annam de tribu sua, genuitque ex ea filium, nomen suum imponens ei, quem ab infántia timere Deum docuit, et abstinere ab omni peccato.

℟. Omni tempore benedic

Deum, et pete ab eo ut vias tuas dirigat : * Et in omni tempore consilia tua in ipso permaneant. *Ÿ.* Inquire ut facias quæ placita sunt illi in veritate, et in tota virtute tua. Et in omni.

Lectio iij.

IGITUR cum per captivitatem devenisset cum uxore sua, et filio in civitatem Niniven cum omni tribu sua, (cum omnes ederent ex cibis gentilium) iste custodivit animam suam, et numquam contaminatus est in escis eorum. Et quoniam memor fuit Domini in toto corde suo, dedit illi Deus gratiam in conspectu Salmánasar regis, et dedit illi potestatem quocúmque vellet ire, habens libertatem quaecúmque facere voluisset. Pergébat ergo ad omnes, qui erant in captivitate, et mónita salutis dabat eis.

R. Memor esto fili, quoniam páuperem vitam gerimus : * Habébis multa bona, si timúeris Deum. *Ÿ.* In mente habéto eum, et cave nequándo prætermittas præcepta ejus. Habébis. Glória Patri. Habébis.

IN II. NOCTURNO

Sermo sancti Leónis Papæ.

Sermone 9. de jejunió

7. mensis.

Lectio iv.

SCIO quidem, dilectissimi, plúrimos vestrum ita in iis, quæ ad observántiam christiánæ fidei pértinent,

esse devótos, ut nostris cohortatióibus non indigeant admonéri. Quod enim dudum et traditio decrevit, et consuetúdo firmávit; nec eruditio ignórat, nec pietas prætermittit. Sed quia sacerdotális officii est, erga omnes Ecclésiæ filios curam habére commúnem, in id quod et rúdis prosit et doctis, quos simul diligimus, páriter incitámus : ut jejúnium, quod nobis séptimi mensis recúrsus indicit, fide álacri per castigatiónem ánimi et córporis celebrémus.

R. Sufficiébat nobis páupertas nostra, ut divitiæ computaréntur : numquam fuisset pecúnia ipsa, pro qua misisti filium nostrum, * Báculum senectútis nostræ. *Ÿ.* Heu me fili mi, ut quid te misimus peregrinári, lumen oculórum nostrórum? Báculum.

Lectio v.

IDEO enim ipsa continéntiæ observántia quátuor est assignáta temporibus, ut in idípsum totiús anni redeúnte decúrsu, cognoscerémus nos indesinénter purificatióibus indigére : sempérque esse niténdum, dum hujus vitæ varietáte jactámur, ut peccátum, quod fragilitáte carnis et cupiditátum pollutióne contráhitur, jejúniis atque eleemósynis deleátur. Esuriámus páululum, dilectissimi, et aliquántulum,

quod juvándis possit prod-
esse paupéribus, nostræ con-
suetúdini subtrahámus.

R. Benedícite Deum cæli,
et coram ómnibus vivénti-
bus confitémini ei : * Quia
fecit vobíscum misericór-
diam suam. **V.** Ipsum bene-
dícite, et cantáte illi : et
enarráte ómnia mirabilia
ejus. Quia.

Lectio vj.

DELECTÉTUR consciéntia
benignórum frúctibus
largitátis : et gáudia tribuens,
quo es lætificándus, accí-
pies. Diléctio próximi, dilé-
ctio Dei est, qui plenitúdi-
nem legis et Prophetárum
in hac géminæ caritátis uni-
táte constituit : ut nemo am-
bigeret, Deo se offérre, quod
hómini contulisset, dicénte
Dómino Salvátore, cum de
aléndis juvándisque paupé-
ribus loquerétur : Quod uni
eórum fecistis, mihi fecistis.
Quarta ígitur et sexta féria
jejunémus ; sábbato vero
apud beátum Petrum Apó-
stolum vigílias celebrémus :
cujus nos méritis et oratió-
nibus crédimus adjuvándos,
ut misericórdi Deo jejúnio
nostro et devotióne placeá-
mus.

R. Tempus est ut revértar
ad eum, qui misit me : * Vos
áutem benedícite Deum, et
enarráte ómnia mirabilia
ejus. **V.** Confitémini ei coram
ómnibus vivéntibus, quia
fecit vobíscum misericór-
diam suam. Vos. Glória. Vos.

R. vij. Tribulatiónes civi-
tátum audívimus, quas pas-
sæ sunt, et defécimus : timor
et hebetúdo mentis cécidit
super nos, et super liberos
nostros : ipsi montes nolunt
recípere fugam nostram : *
Dómine miserére. **V.** Peccá-
vimus cum pátribus nostris,
injúste égimus, iniquitátem
fécimus. Dómine miserére.

R. viij. Duo Séraphim cla-
mábant alter ad álterum :
* Sanctus, Sanctus, Sanctus
Dóminus Deus Sábaoth :
* Plena est omnis terra gló-
ria ejus. **V.** Tres sunt qui
testimónium dant in cælo,
Pater, Verbum, et Spíritus
sanctus : et hi tres unum
sunt. Sanctus. Glória Patri.
Plena est.

Infra hebdomadam, Fer.
IV. et Sabbato post ij. et iij.
Lect. dicitur ij. et iij. Respon-
sorium I. Nocturni Dom.

FERIA SECUNDA

De libro Tobíæ.

Lectio j. Cap. 2.

POST hæc vero, cum esset
dies festus Dómini, et
factum esset prándium bo-
num in domo Tobíæ, dixit
filio suo : Vade, et adduc áli-
quos de tribu nostra, ti-
méntes Deum, ut epuléntur
nobíscum. Cumque abiisset,
revérsus nuntiávit ei, unum
ex filiis Israél jugulátum ja-
cére in platéa. Statimque
exsiliens de accúbitu suo,
relínquens prándium, jejú-
nus pervénit ad corpus : tol-

lénſque illud portávit ad domum ſuam occúlte, ut dum ſol occubiſſet, cáute ſepeliret eum.

℞. Peto Dómine. 166.

Lectio ij.

ARGUÉBANT áutem eum omnes próximi ejus, dicéntes : Jam hujus rei cáuſa intérfici juſſus es, et vix effugiſti mortis impérium, et iterum ſépelis mórtuos? Sed Tobías plus timens Deum, quam regem; rapiébat córpora occiſórum, et occultábat in domo ſua, et médiis nóctibus ſepeliébat ea. Cónſtigít áutem ut quadam die fatigátus a ſepultúra, véniens in domum ſuam, jactáſſet ſe juxta parietem, et obdormiſſet, et ex nido hirúndinum dormiénti illi cálida ſtércora incíderent ſuper óculos ejus, fierétque cæcus. Hanc áutem tentatióem ídeo permíſit Dóminus eveníre illi, ut póſteris darétur exémpulum patiéntiæ ejus, ſicut et ſancti Job.

℞. Omni témpore. 166.

Lectio iij.

NAM cum ab infántia ſua ſemper Deum timúerit, et mandáta ejus cuſtodierit, non eſt contriſtátus contra Deum quod plaga cæcitatís evénerit ei, ſed immóbilis in Dei timóre permánsit, agens grátias Deo ómnibus diébus vitæ ſuæ. Nam ſicut beáto Job inſultábant reges, ita iſti paréntes et cognáti ejus irridébant vitam ejus, dicéntes :

Ubi eſt ſpes tua, pro qua eleemóſynas, et ſepultúras faciébas? Tobías vero increpábat eos, dicens : Nolite ita loqui : quóniam filii ſanctórum ſumus, et vitam illam exſpectámus, quam Deus datúrus eſt hiſ, qui fidem ſuam numquam mutant ab eo.

℞. Memor eſto. 167.

FERIA TERTIA

De libro Tobíæ.

Lectio j. Cap. 2. d et 3.

ANNA vero uxor ejus ibat ad opus textrinum quotidie, et de labóre mánuum ſuárum victum, quem cónſequi póterat, deferébat. Unde factum eſt, ut hœdum caprárum accípiens detuliſſet domi : cujus cum vocem balántis vir ejus audiſſet, dixit : Vidéte, ne forte furtivus ſit, réddite eum dóminis ſuis, quia non licet nobis aut édere ex furto áliquid, aut cónſingere.

℞. Sufficiébat. 167.

Lectio ij.

AD hæc uxor ejus iráta reſpóndit : Maniſeſte yana facta eſt ſpes tua, et eleemóſynæ tuæ modo apparuérunt. Atque hiſ, et áliis hujuscémodi verbis exprobrábat ei. Tunc Tobías ingémuit, et cœpít oráre cum lácrymis, dicens : Juſtus es Dómine, et ómnia judícia tua juſta ſunt, et omnes viæ tuæ, miſericórdia, et vérítas, et judícium. Et nunc

Dómine memor esto mei, et ne vindictam sumas de peccátiis meis, neque reminiscáris delicta mea, vel párentum meórum.

R. Benedicite. 168.

Lectio iij.

QUÓNIAM non obedivimus præcéptis tuis, ideo traditi sumus in direptionem, et captivitatem, et mortem, et in fábulam, et in impropérium ómnibus natióibus, in quibus dispersisti nos. Et nunc Dómine magna iudicia tua, quia non égimus secúndum præcépta tua, et non ambulávimus sincériter coram te. Et nunc Dómine secúndum voluntátem tuam fac mecum, et præcipe in pace récipi spíritum meum: expedit enim mihi mori magis, quam vívere.

R. Tempus est. 168.

FERIA QUARTA

QUATUOR TEMP. SEPTEMBRIS

Léctio sancti Evangélíi secúndum Marcum.

Lectio j. Cap. 9. c

IN illo témpore: Respóndens unus de turba, dixit ad Jesum: Magíster, áttuli filium meum ad te habéntem spíritum mutum. Et réliqua.

Homília venerábilis Bedæ Presbýteri.

Lib. 3. cap. 38. in Marc. 9.

DÆMONÍACUM hunc, quem descéndens de monte Dóminus sanávit, Marcus quidem surdum mutúmque,

Matthæus vero lunáticum fuisse commémorat. Significat áutem eos, de quibus scriptum est: Stultus ut luna mutátur. Qui numquam in eódem statu permanéntes, nunc ad hæc, nunc ad illa vítia mutáti, crescunt atque decréscunt. Qui muti sunt, non confiténdó fidem: surdi, nec ipsum aliquátenus veritátis audiéndó sermónem. Spumant áutem, cum stultitia tabescunt. Stultórum namque, et languéntium, atque hébetum est, spumas salivárum ex ore dímítere. Strident déntibus, cum iracúndiæ furóre flammescunt: arescunt, cum ótio torpénte languescunt, et nulla virtútis indústria confortáti enerviter vivunt.

R. Tribulatiónes. 168.

Lectio ij.

QUOD áutem ait: Et dixi discípulis tuis ut ejicerent illum, et non potuerunt; laténter Apóstolos accúsat, cum impossibilitas curándi, intérdum non ad imbecillitátem curántium, sed ad eórum qui curándi sunt, fidem referátur, dicénte Dómino: Fiat tibi secúndum fidem tuam. Qui respóndens eis, dixit: O generátio incrédula, quámdu apud vos ero? quámdu vos pátiar? Non quod tædio superátus sit, mansuétus ac mitis, qui non apérui sicut agnus coram tondénte os suum, nec in verba furóris erúpit:

sed quo in similitudinem médici, si ægrótum videat contra sua præcépta se gérere, dicat : Usquequo accédam ad domum tuam? quousque artis meæ perdam industriam, me áliud jubente, et te áliud perpetrante?

℞. Omni témpore. 166.

Lectio iij.

ET dixit illis : Hoc genus in nullo potest exire, nisi in oratióne et jejúnio. Dum docet Apóstolos, quómodo dæmon nequissimus débeat expélli, omnes instituit ad vitam : ut scilicet novérimus, gravíssima quæque vel immundórum spirituum, vel hóminum tentaménta, jejúniis et oratió nibus esse superánda : iram quoque Dómini, cum in ultiónem nostrórum scélerum fúerit accénsa, hoc remédio singulári posse placári. Jejúnium áutem generále est, non solum ab escis, sed et a cunctis illécebris abstinére carnálibus, imo ab ómnibus vitiórum continére se passiónibus. Sic et orátio generalis non in verbis solum est, quibus divinam cleméntiam invocámus, verum étiam in ómnibus, quæ in obséquiū nostri Conditóris fidei devotióne gérimus.

℞. Memor esto. 167.

Ad Bened. Ant. Hoc genus * dæmoniórum in nullo potest exire, nisi in oratióne et jejúnio.

℣. Repléti sumus mane

misericórdia tua. ℞. Exsultávimus, et delectáti sumus.

Deinde dicuntur Preces, ut in Psalterio. 60.

Oratio.

MISERICÓRDIAE tuæ remédiis, quæsumus Dómine, fragilitas nostra subsistat : ut quæ sua conditióne attérritur, tua cleméntia reparé tur. Per Dóminum.

Et dicitur per Horas diei tantum.

Ad Vesperas, si fit de Feria, dicuntur Preces feriales. 130, cum Oratione Dominicæ præcedentis.

FERIA QUINTA

De libro Tobíæ.

Lectio j. Cap. 12.

VOCÁVIT ad se Tobías filium suum, dixitque ei : Quid póssumus dare viro isti sancto, qui venit tecum? Respóndens Tobías, dixit patri suo : Pater, quam mercédem dábimus ei : aut quid dignum póterit esse beneficiis ejus? Me duxit et redúxit sanum, pecúniam a Gabélo ipse recépit, uxórem ipse me habére fecit, et dæmónium ab ea ipse compéscuit, gáudium paréntibus ejus fecit, meísum a devoratióne piscis eripuit, te quoque vidére fecit lumen cæli, et bonis ómnibus per eum repléti sumus. Quid illi ad hæc potérimus dignum dare ! Sed peto te pater mi, ut roges eum, si forte dignábitur me-

dietátem de ómnibus, quæ alláta sunt, sibi assumere.

℞. Peto Dómine. 166.

Lectio ij.

ET vocátes eum, pater scilicet, et filius, tulérunt eum in partem : et rogáre cœpérunt ut dignarétur dimídiam partem ómnium, quæ attúlerant, accéptam habére. Tunc dixit eis ocúlté : Benedícite Deum cæli, et coram ómnibus vivéntibus confitémini ei, quia fecit vobíscum misericórdiam suam. Etenim sacraméntum regis abscóndere bonum est : ópera áutem Dei reveláre et confitéri honoríficum est. Bona est orátio cum jejúnio, et eleemósyna magis quam thesáuros áuri recóndere : quóniam eleemósyna a morte liberat, et ipsa est, quæ purgat peccáta, et facit invenire misericórdiam et vitam ætérnam. Qui áutem faciunt peccátum, et iniquitátem, hostes sunt ánimæ suæ.

℞. Omni témpore. 166.

Lectio iij.

MANIFÉSTO ergo vobis veritátem, et non abscóndam a vobis occúltum sermónem. Quando orábas cum lácrymis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego óbtuli oratiónem tuam Dómino. Et quia accéptus eras Deo, necesse fuit ut tentatio probáret te. Et nunc

misit me Dóminus ut curárem te, et Saram uxórem filii tui a dæmónio liberárem. Ego enim sum Ráphaël Angelus, unus ex septem, qui adstámus ante Dóminum. Cumque hæc audissent, turbáti sunt, et treméntes ceciderunt super terram in faciém suam. Dixitque eis Angelus : Pax vobis, nolíte timére.

℞. Memor esto. 167.

FERIA SEXTA

QUATUOR TEMP. SEPTEMBRIS

Léctio sancti Evangélíi secúndum Lucam.

Lectio j. Cap. 7. f

IN illo témpore : Rogábat Iesum quidam de pharisæis, ut manducáret cum illo. Et ingressus domum pharisæi discúbuit. Et réliqua.

Homilia sancti Gregórii
Papæ.

**Homilia 33. in Evangelia,
post initium.**

QUEM pharisæus de falsa justitia præsumens, nisi Judáicum pópulum; quem peccátrix múlíer ad vestigia Dómini véniens et plorans, nisi convérsam gentilitátem designat? Quæ cum alabástro venit, unguéntum fudit, retro secus pedes Dómini stetit, lácrymis pedes rigávit, capillis tersit, eosdémque quos infundébat et tergébat pedes osculári non désiit. Nos ergo, nos illa múlíer expréssit, si toto corde

ad Dóminum post peccáta redeámus, si ejus pœniténtiæ luctus imitémur. Quid namque unguénto, nisi bonæ odor opiniónis exprimitur? Unde et Páulus dicit : Christi bonus odor sumus Deo in omni loco.

℞. Sufficiébat. 167.

Lectio ij.

Si ergo recta ópera ágimus, quibus opiniónis bonæ odóre Ecclesiám respergámus, quid in Dómini corpore, nisi unguéntum fúndimus? Sed secus pedes Jesu múlter stetit : contra pedes enim Dómini stétimus, cum in peccátis pósito ejus itinéribus renitebámur. Sed si ad veram pœniténtiam post peccáta convértimur, jam retro secus pedes stamus : quia ejus vestigia séquimur, quem impugnabámus. Lácrymis múlter pedes ejus rigat : quod nos quoque veráciter ágimus, si quibúslibet últimis membris Dómini per compassiόνis afféctum inclinámur, si sanctis ejus in tribulatióne compátimur, si eórum tristitiam, nostram putámus.

℞. Benedícite Deum. 168.

Lectio iij.

CAPÍLLIS ergo pedes Dómini térgimus, quando sanctis ejus, quibus ex caritáte compátimur, étiam ex his quæ nobis supérfluunt, miserémur : quátenus sic mens per compassiόνem dóleat, ut étiam larga manus

afféctum dolóris osténdat. Rigat namque lácrymis Redemptóris pedes, sed capillis suis non tergit, qui utcúmque proximórum dolóri compátitur, sed tamen eis ex his, quæ sibi supérfluunt, non miserétur. Plorat, et non tergit, qui verba quidem dolóris tribuit, sed non ministrándo quæ desunt, vim dolóris mínime abscíndit. Osculátur múlter pedes, quos tergit : quod nos quoque plene ágimus, si studiósè diligimus, quos ex largitate continémus : ne gravis nobis sit necéssitas próximi; ne ipsa nobis ejus indigéntia, quæ sustentátur, fiat onerosa : et cum manus necessaria tribuit, ánimus a dilectiône torpéscat.

℞. Tempus est. 168.

Ad Bened. Ant. Múlter * quæ erat in civitate peccátrix, stans retro secus pedes Dómini, lácrymis cœpit rigare pedes ejus, et capillis cápitis sui tergébat, et deosculabátur pedes ejus et unguénto ungébat.

℞. Repléti sumus mane misericórdia tua. ℞. Exsultávimus, et delectáti sumus.

Deinde dicuntur Preces,
ut in Psalterio. 60.

Oratio.

PRÆSTA, quæsumus omnipotens Deus : ut observationes sacras ánnua devotiône recoléntes, et corpore tibi placeámus, et mente. Per Dóminum.

Et dicitur per Horas diei tantum. In Vesperis, nisi fiat de Festo novem Lectionum, dicuntur Preces feriales. 130, et Oratio Dom. præteritæ.

SABBATO

QUATUOR TEMP. SEPTEMBRIS

Lectio sancti Evangelii secundum Lucam.

Lectio j. Cap. 13.

IN illo tempore : Dicebat Jesus turbis hanc similitudinem : Arborem fici habebat quidam plantatam in vinea sua, et venit quærens fructum in illa, et non invenit. Et reliqua.

Homilia sancti Gregorii Papæ.

Homilia 31. in Evangelia.

DÓMINUS ac Redemptor noster per Evangelium suum aliquando verbis, aliquando rebus loquitur : aliquando aliud verbis, atque aliud rebus : aliquando autem hoc verbis, quod rebus. Duas etenim res ex Evangelio fratres audistis : ficulneam infructuosam, et mulierem curvam : et utrique rei est pietas impensa. Illud autem dixit per similitudinem : istud egit per exhibitionem. Sed hoc significat ficulnea infructuosa, quod mulier inclinata : et hoc ficulnea reservata, quod mulier erecta.

R. Tribulationes. 168.

Lectio ij.

QUID arbor fici, nisi humanam naturam desi-

gnat? Quid mulier inclinata, nisi eandem naturam significando denuntiat? Quæ et bene plantata est sicut ficus, et bene creata sicut mulier : sed in culpam propria sponte lapsa, neque fructum servat operationis, neque statum rectitudinis. Ad peccatum quippe ex voluntate corruens, quia fructum obedientiæ ferre noluit, statum rectitudinis amisit. Quæ ad Dei similitudinem condita, dum in sua dignitate non perstitit, quod plantata vel creata fuerat, servare contempsit. Tertio dominus vineæ ad ficulneam venit, quia naturam generis humani ante legem, sub lege, sub gratia expectando, admonendo, visitando requisivit.

R. Omni tempore. 166.

Lectio iij.

VENIT ante legem, quia per naturalem intellectum quid unusquisque exemplo sui, qualiter erga proximum agere debuisset, innovit. Venit in lege, quia precipiendo docuit. Venit post legem per gratiam, quia pietatis suæ præsentiam exhibendo monstravit. Sed tamen in tribus annis fructum se non invenisse conqueritur : quia quorundam pravorum mentes nec inspirata lex naturalis corrigit, nec præcepta erudiunt, nec incarnationis ejus miracula convertunt. Quid vero per cultorem vineæ, nisi præpo-

sitorum ordo exprimitur? Qui dum præsunt Ecclesiæ, nimirum Dominicæ vineæ curam gerunt.

R. Memor esto. 167.

Ad Bened. Ant. Illuminare Dómine* iis qui in ténebris sedent, et dirige pedes nostros in viam pacis, Deus Israël.

V. Repléti sumus mane misericórdia tua. **R.** Exsultávimus, et delectáti sumus.

Deinde dicuntur Preces, ut in Psalterio. 60.

Oratio.

OMNÍPOTENS sempitérne Deus, qui per continéntiam salutárem corpóribus medéris et méntibus : majestátem tuam súpplices exorámus ; ut pia jejunántium deprecatione placátus, et præséntia nobis subsidia tríbuas, et futúra. Per Dñum.

Et dicitur per Horas diei tantum.

SABBATO

ANTE DOM. IV. SEPTEMBRIS

Ad Magnif. Ant. Adónai Dómine * Deus magne et mirábilis, qui dedísti salutem in manu féminæ, exáudi preces servórum tuórum.

V. Vespertína orátio ascéndat ad te Dómine. **R.** Descéndat super nos misericórdia tua.

DOM. IV. SEPTEMBRIS

IN I. NOCTURNO

Incipit liber Judith.

Lectio j. Cap. 1. et 2.

ARPHÁXAD itaque, rex Medórum, subjugáverat

multas gentes império suo, et ipse ædificávit civitátem potentíssimam, quam appellávit Ecbátanis, ex lapídibus quadrátis et sectis : fecit muros ejus in altitúdinem cubitórum septuaginta, et in latitúdinem cubitórum triginta, turrez vero ejus pósuit in altitúdinem cubitórum centum. Per quadrum vero earum latus utrúmque vice-nórum pedum spátio tendebátur, posuitque portas ejus in altitúdinem túrrium : et gloriabátur quasi potens in poténtia exércitus sui, et in glória quadrigárum suárum.

R. Adónai Dómine Deus magne et mirábilis, qui dedísti salutem in manu féminæ : * Exáudi preces servórum tuórum. **V.** Benedictus es Dómine, qui non derelínquis præsumentes de te, et de sua virtúte gloriántes humilias. Exáudi preces.

Lectio ij.

ANNO igitur duodécimo regni sui : Nabuchodónosor rex Assyriórum, qui regnábat in Ninive civitáte magna, pugnávit contra Arpháxad, et obtinuit eum in campo magno, qui appellátur Rágau, circa Euphráten, et Tigrin, et Jádason in campo Erioch regis Elicórum. Tunc exaltátum est regnum Nabuchodónosor, et cor ejus elevátum est : et misit ad omnes, qui habitábant in Cilicia, et Damásco,

et Líbano, et ad gentes quæ sunt in Carmélo, et Cedar, et inhabitántes Galilæam in campo magno Esdremon, et ad omnes qui erant in Samaria, et trans flumen Jordánem usque ad Jerúsalem, et omnem terram Jesse quousque perveniátur ad términos Æthiopiæ.

¶ Tribulatiónes civitátum audívimus, quas passæ sunt, et defécimus : timor et hebetúdo mentis cécidit super nos, et super líberos nostros : ipsi montes nolunt recípere fugam nostram : * Dómine miserére. ¶ Peccávimus cum pátribus nostris, injúste égimus, iniquitátem féci-mus. Dómine.

Lectio iij.

Ad hos omnes misit núntios Nabuchodónosor rex Assyriórum : qui omnes uno ánimo contradixerunt, et remisérunt eos vácuos, et sine honóre abjecérunt. Tunc indignátus Nabuchodónosor rex advérsus omnem terram illam, jurávit per thronum et regnum suum quod deféndere se de ómnibus regi-
onibus his. Anno tertiodécimo Nabuchodónosor regis, vigésima et secúnda die mensis primi factum est verbum in domo Nabuchodónosor regis Assyriórum ut deféndere se. Vocávitque omnes majóres natu, omnésque duces, et bellatóres suos, et hábuit cum eis mystérium consílii sui : dixítque cogi-

tatiónem suam in eo esse, ut omnem terram suo subj-garet império.

¶ Benedícat te Dóminus in virtúte sua, qui per te ad nihilum redégit inimicos nostros : * Ut non deficiat laus tua de ore hóminum. ¶ Benedictus Dóminus, qui creávit cælum et terram : quia hódie nomen tuum ita magnificávit. Ut non. Glória Patri. Ut non.

IN II. NOCTURNO

Ex libro sancti Ambrósii
Epíscopi de Elia et jejúnio.

Lectio iv. Cap. 9.

POTÉNTES vinum prohibén-tur bibere, ne cum bíberint, obliviscántur sapién-tiam. Dénique bibébant vinum in ebrietáte poténtes, qui Holoférni principi militiæ regis Assyriórum se trá-dere gestiébant : sed non bibébat fémina Judith, jejúnans ómnibus diébus vidui-tátis suæ, præter festórum diérum solemnitates. His ar-mis múnita procéssit, et omnem Assyriórum circum-vénit exércitum. Sóbrii ví-góre consílii ábstulit Holo-férnis caput, servávit pudí-citiam, victóriam reportávit.

¶ Nos álium Deum nescí-mus præter Dóminum, in quo sperámus : * Qui non déspicit nos, nec ámovet salútem suam a génere nostro. ¶ Indulgéntiam ipsius fuis lácrymis postulémus, et humiliémus illi ánimas nostras. Qui.

Lectio v.

HÆC enim succincta jejúnio in castris prætendebat aliénis : ille vino sepúltus jacébat, ut ictum vulneris sentire non posset. Itaque unius mulieris jejúnium innúmeros stravít exércitus Assyriórum. Esther quoque pulchríor facta est jejúnio : Dóminus enim grátiam sóbriæ mentis augébat. Omne genus suum, id est, totum pópulum Judæórum a persecutiónis acerbítate liberávit, ita ut regem sibi fáceret esse subjéctum.

R. Dominátor Dómine cælórum et terræ, Creatór aquárum, Rex univérsæ creatúræ : * Exáudi oratiónem servórum tuórum. **V.** Tu Dómine, cui humílium semper et mansuetórum plácuit deprecátio. Exáudi.

Lectio vj.

ITAQUE illa, quæ tríduo jejúnávit continuo, et corpus suum aqua lavit, plus plácuit, et vindíctam rétulit : Aman áutem, dum se regáli jactat convívio, inter ipsa vina pœnam suæ ebrietátis exsólvit. Est ergo jejúnium reconciliatiónis sacrificium, virtútis increméntum, quod fecit étiam féminas fortióres augméto grátiae. Jejúnium nescit fœneratórem, non sortem fœnoris novit : non rédolet usúras mensa jejunántium : étiam ipsis jejúnium convíviis dat grátiam. Dulcióres

post famem épulæ fiunt, quæ assiduitáte fastidio sunt, et diutúrna continuatióne viléscunt. Condíméntum cibi jejúnium est. Quanto avidior appeténtia, tanto esca jucúndior.

R. Dómine Deus, qui cónteris bella ab initio, éleva bráchium tuum super gentes, quæ cógitant servis tuis mala : * Et délixtera tua glórificétur in nobis. **V.** Allíde virtútem eórum in virtúte tua : cadat robur eórum in iracúndia tua. Et. Glória. Et.

R. vij. Confórta me Rex, sanctórum principátum tenens : * Et da sermónem rectum, et bene sonántem in os meum. **V.** Dómine Rex univérsæ potestátis convérte consílium eórum super eos. Et da.

R. viij. Duo Séraphim clamábant alter ad álterum : * Sanctus, Sanctus, Sanctus Dóminus Deus Sábaoth : * Plena est omnis terra glória ejus. **V.** Tres sunt qui testimónium dant in cælo, Pater, Verbum, et Spíritus sanctus : et hi tres unum sunt. Sanctus. Glória. Plena.

Feria IV. hujus hebd. post ij. et iij. Lectionem dicitur ij. et iij. R. I. Nocturni Dom.

FERIA SECUNDA

De libro Judith.

Lectio j. Cap. 4.

FÍLIU Israél, qui habitábant in terra Juda, timuérun

valde a fácie Holoférnis. Tremor, et horror invásit sensus eórum, ne hoc fáceret Jerúsalem et templo Dómini, quod fécerat cæteris civitatibus et templis eárum. Et misérunt in omnem Samariam per circúitum usque Jéricho, et præoccupavérunt omnes vértices móntium: et muris circumdedérunt vicos suos, et congregavérunt fruménta in præparatióem pugnae.

℞. Adónai. 175.

Lectio ij.

SACÉRDOS étiam Eliachim scripsit ad univérso, qui erant contra Esdreton, quæ est contra fáciem campi magni juxta Dóthain, et univérso, per quos viæ tránsitus esse póterat, ut obtinérent ascénsus móntium, per quos via esse póterat ad Jerúsalem, et illic custodírent ubi angústum iter esse póterat inter montes. Et fecérunt filii Israël secúndum quod constitúerat eis sacérdos Dómini Eliachim. Et clamávit omnis pópulus ad Dóminum instántia magna, et humiliavérunt ánimas suas in jejúniis, et oratióibus, ipsi et mulieres eórum.

℞. Tribulatióes. 176.

Lectio iij.

ET induérunt se sacerdótes ciliciis, et infántes prostravérunt contra fáciem templi Dómini, et altáre Dómini operuérunt cilicio: et clamavérunt ad Dóminum

Deum Israël unanimiter ne daréntur in prædam infántes eórum, et uxóres eórum in divisióem, et civitátes eórum in exterminium, et sancta eórum in pollutióem, et fierent oppróbrium géntibus. Tunc Eliachim, sacérdos Dómini magnus, circuivit omnem Israël, allocutúsque est eos, dicens: Scitóte quóniam exáudiet Dóminus preces vestras, si manéntes permanséritis in jejúniis, et oratióibus in conspéctu Dómini.

℞. Benedicat te. 176.

FERIA TERTIA

De libro Judith.

Lectio j. Cap. 8.

ET factum est, cum audisset hæc verba Judith vi-dua, quæ erat filia Merári, filii Idox, filii Joseph, filii Ozíæ, filii Elai, filii Jamnor, filii Gédeon, filii Ráphaim, filii Achitob, filii Melchiæ, filii Enan, filii Nathaníæ, filii Saláthiel, filii Simeon, filii Ruben: et vir ejus fuit Manásses, qui mórtuus est in diébus messis hordeáceæ: instábat enim super alligántes manipulos in campo, et venit æstus super caput ejus, et mórtuus est in Bethúlia civitáte sua, et sepúltus est illic cum pátribus suis. Erat autem Judith relicta ejus vidua jam annis tribus, et ménsibus sex.

℞. Nos álium Deum nescimus. 176.

Lectio ij.

ET in superióribus domus suæ fecit sibi secrétum cubículum, in quo cum puélis suis cláusa morabátur, et habens super lumbos suos cilicium, jejunábat ómnibus diébus vitæ suæ, præter sá-bata, et neoménias, et festa domus Israël. Erat áutem elegánti adspéctu nimis, cui vir suus reliquerat divítias multas, et familiam copió-sam, ac possessionés armén-tis boum, et grégibus óvium plenas. Et erat hæc in ómni-bus famosíssima, quóniam timébat Dóminum valde, nec erat qui loquerétur de illa verbum malum.

℟. Dominátor. 177.

Lectio iij.

HÆC itaque cum audisset quóniam Ozias promississet quod transácto quinto die tráderet civitátem, misit ad presbýteros Chabri, et Charmi. Et venérunt ad illam, et dixit illis : Quod est hoc verbum, in quo consén-sit Ozias, ut tradat civitátem Assýriis si intra quinque dies non vénerit vobis adju-tórium? Et qui estis vos, qui tentátis Dóminum?

℟. Dómine Deus. 177.

FERIA QUARTA

De libro Judith.

Lectio j. Cap. 10.

FACTUM est áutem, cum cessásset clamáre ad Dó-minum, surréxit de loco, in quo jacúerat prostráta ad

Dóminū. Vocavitque abram suam, et descéndens in do-mum suam, ábstulit a se ci-lícium, et éxuit se vestimén-tis viduitátis suæ, et lavit corpus suum, et unxit se myro óptimo, et discriminá-vit crinem cápitis sui, et impósuit mitram super caput suum, et induit se vestimén-tis jucunditátis suæ, induit-que sandália pédibus suis, assumpsitque dextraliola, et lilia, et ináures, et ánnulos, et ómnibus ornáméntis suis ornávit se. Cui étiam Dómi-nus cóntulit splendórem.

℟. Confórta me. 177.

Lectio ij.

FACTUM est áutem, cum de-scénderet montem, circa ortum diéi, occurrérunt ei exploratóres Assyriórum et tenuérunt eam, dicéntes : Unde venis? aut quo vadis? Quæ respóndit : Fília sum Hebræórum, ídeo ego fugi a fácie eórum, quóniam fu-túrum agnóvi, quod dentur vobis in deprædatiónem, pro eo quod contemnéntes vos, noluérunt ultro trádere se-ípsos ut invenírent miseri-córdiam in conspéctu vestro.

℟. Tribulatiónes. 176.

Lectio iij.

DUXERÚNTQUE illam ad ta-bernáculum Holoférnis, annuntiántes eam. Cumque intrásset ante fáciem ejus, statim captus est in suis ócu-lis Holoférnes. Dixerúntque ad eum satéllites ejus : Quis contémnat pópulum Hebræó-

rum, qui tam decóras mulieres habent, ut non pro his mérito pugnáre contra eos debeámus? Videns itaque Judith Holoférnem sedéntem in conopéo, quod erat ex púr-pura, et áuro, et smarágdo, et lapidibus pretiósus intéxtum : et cum in fáciem ejus intendisset, adorávit eum, prostérnens se super terram.

℞. Benedicat te. 176.

FERIA QUINTA

Si hæc fuerit ultima hebd. Septemb., hac nocte ponitur liber Esther cum sua historia, ut infra in Dom. V. hujus mensis. 182, et legitur de eo etiam duobus sequentibus diebus. Quod si hoc tri-duo non occurrat Feria, in qua possint poni Responso-ria, eo anno omittuntur.

Si vero non fuerit ultima hebd., leguntur sequentes Lectiones.

De libro Judith.

Lectio j. Cap. 12. c

ET factum est, in quarto die Holoférnes fecit cœnam servis suis, et dixit ad Vágao eunúchum suum: Vade, et suáde Hebræam illam ut sponte conséntiat habitáre mecum. Fœdum est enim apud Assýrios, si fémina irrideat virum agéndo ut im-múnis ab eo tránseat. Tunc introívit Vágao ad Judith, et dixit : Non vereátur bona puélla introire ad dóminum meum, ut honorificétur ante fáciem ejus, ut mandúcet

cum eo, et bibat vinum in jucunditáte. Cui Judith respóndit : Quæ ego sum, ut contradicam dómينو meo?

℞. Adónai. 175.

Lectio ij. Cap. 13.

UT áutem sero factum est, festinavérunt servi illius ad hospítia sua, et conclúsit Vágao óstia cubiculi, et ábiit. Erant áutem omnes fatigáti a vino : erátque Judith sola in cubiculo. Porro Holoférnes jacébat in lecto, nímia ebrietáte sopítus. Dixitque Judith puéllæ suæ ut staret foris ante cubiculum, et observáret. Stetitque Judith ante lectum, orans cum lá-crymis, et labiórúmotu in siléntio, dicens: Confirma me Dómine Deus Israël, et réspice in hac hora ad ópera mánuum meárum, ut, sicut promisisti, Jerúsalem civitátem tuam érigas : et hoc quod credens per te posse fieri cogitávi, perfíciam.

℞. Tribulatiónes. 176.

Lectio iij.

ET cum hæc dixisset, ac-cessit ad colúmnam, quæ erat ad caput léctuli ejus, et pugiónem ejus, qui in ea ligátus pendébat, exsólvit. Cumque evaginásset illum, apprehéndit comam cápitis ejus, et ait : Confirma me Dómine Deus in hac hora. Et percússit bis in cervicem ejus, et abscídit caput ejus, et ábstulit conopéum ejus a colúmnis, et evólvit corpus ejus truncum. Et post pusil-

lum exívit, et trádidit caput Holoférnis ancillæ suæ, et jussit ut mitteret illud in perram suam.

℞. Benedícat te. 176.

FERIA SEXTA

De libro Judith.

Lectio j. Cap. 15.

CUMQUE omnis exércitus decollátum Holoférnem audísset, fugit mens et consilium ab eis, et solo tremóre et metu agítati, fugæ præsidium sumunt, ita ut nullus loqueréturcum próximo suo, sed inclinátó cápíte, relictis ómnibus, evádere festinábant Hebræos, quos armátos super se veníre audiébant, fugiéntes per vias campórum et sémitas cóllium. Vidéntes itaque filii Israël fugiéntes, secúti sunt illos. Descenderúntque clangéntes tubis, et ululántes post ipsos.

℞. Nos álium. 176.

Lectio ij.

MISIT itaque Ozías núntios per omnes civitatés et regiónes Israël. Omnis itaque régio, omnisque urbs eléctam juventútem armátam misit post eos, et persecúti sunt eos in ore gládii, quousque pervenirent ad extremitátem finium suórum. Réliqui áutem, qui erant in Bethúlia, ingressi sunt castra Assyriórum, et prædam, quam fugiéntes Assýrii reliquerant, abstulérunt, et onustáti sunt valde.

℞. Dominátor. 177.

Lectio iij.

JÓACIM áutem summus pón-tifex de Jerúsalem venit in Bethúliam cum univérsis presbýteris suis, ut vidéret Judith. Quæ cum exísset ad illum, benedixérunt eam omnes una voce, dicéntes : Tu glória Jerúsalem, tu lætítia Israël, tu honorificéntia pópuli nostri : quia fecisti viriliter, et confortátum est cor tuum, eo quod castitátem amáveris, et post virum tuum, álterum nescieris : ideo et manus Dómini confortávit te, et ideo eris benedicta in ætérnum. Et dixit omnis pópulus : Fiat, fiat.

℞. Dómine Deus. 177.

SABBATO

De libro Judith.

Lectio j. Cap. 16. c

ET factum est post hæc, omnis pópulus post victóriam venit in Jerúsalem adoráre Dóminum : et mox ut purificáti sunt, obtulérunt omnes holocáusta, et vota, et repromissionés suas. Porro Judith univérssa vasa béliica Holoférnis, quæ dedit illi pópulus, et conopéum, quod ipsa sustúlerat de cubili ipsius, obtulit in anathéma obliviónis.

℞. Confórta me. 177.

Lectio ij.

ERAT áutem pópulus jucúndus secúndum fáciem sanctórum, et per tres menses gáudium hujus victóriæ celebrátum est cum Judith.

Post dies áutem illos unusquisque rédiit in domum suam, et Judith magna facta est in Bethúlia, et præclárior erat univérsæ terræ Israhél. Erat étiam virtúti cástitas adjúcta, ita ut non cognósceret virum ómnibus diébus vitæ suæ, ex quo defúnctus est Manásses vir ejus. Erat áutem diébus festis procédens cum magna glória.

℟. Tribulationes. 176.

Lectio iij.

MANSIT áutem in domo viri sui annos centum quinque, et dimisit abram suam liberam, et defúncta est ac sepúlta cum viro suo in Bethúlia. Luxitque illam omnis pópulus diébus septem. In omni áutem spátio vitæ ejus non fuit qui perturbáret Israhél, et post mortem ejus annis multis. Dies áutem victóriæ hujus festivitátis, ab Hebræis in número sanctorum diérum accipitur, et cólitur a Judæis ex illo tēpore usque in præsentem diem.

℟. Benedicat te. 176.

SABBATO

ANTE DOM. V. SEPTEMBRIS

Ad Magnif. Ant. Dómine Rex omnipotens, * in ditióne tua cuncta sunt pósita, et non est qui possit tuæ resistere voluntáti.

℣. Vespertína orátio ascēdat ad te Dómine. ℟. Et descēdat super nos misericórdia tua.

DOM. V. SEPTEMBRIS

IN I. NOCTURNO

Incipit liber Esther.

Lectio j. Cap. 1.

IN diébus Assuéri, qui regnávít ab India usque Æthiópíam super centum viginti septem provincias : quando sedit in sólio regni sui, Susan civitas regni ejus exórdium fuit. Tértio igitur anno impérii sui fecit grande convívium cunctis principibus, et púeris suis, fortíssimis Persárum, et Medórum inclytis, et præféctis provinciárum coram se, ut ostēderet divítias glóriæ regni sui, ac magnitúdinem, atque jactántiam poténtiæ suæ, multo tēpore, centum videlicet et octoginta diébus.

℟. Dómine mi Rex omnipotens, in ditióne tua cuncta sunt pósita, et non est qui possit resistere voluntáti tuæ: * Libera nos propter nomen tuum. ℣. Exáudi oratióne nostram, et convérte luctum nostrum in gáudium. Libera.

Lectio ij.

CUMQUE impleréntur dies convívii, invitávit omnem pópulum, qui invéntus est in Susan, a máximo usque ad mínimum : et jussit septem diébus convívium præparári in vestibulo horti, et némoris, quod régio cultu et manu cónsitum erat. Et pendébant ex omni parte tentória aérii colóris, et

carbásini ac hyacínthini, sustentáta fúnibus býssinis, atque purpúreis, qui ebúr-neis circulis insérta erant, et colúmniis marmóreis fulciebántur. Léctuli quoque áurei et argénteí, super paviméntum smarágdino et pário stratum lápide, dispósi-erant : quod mira varietáte pictúra decorábat.

R. Confórta me Rex, sanctórum principátum tenens :
* Et da sermónem rectum, et bene sonántem in os meum. **V.** Dómine Rex univér-sæ potestátis convérte consilium eórum super eos. Et da.

Lectio iij.

BIBÉBANT áutem qui invitatí erant, áureis póculis, et áliis atque áliis vasis cibi inferebántur. Vinum quoque, ut magnificéntia régia dignum erat, abúndans et præcípuum ponebátur. Nec erat qui noléntes cogeret ad bibéndum, sed sicut rex statúerat, præpónens mensis singulos de principibus suis ut súmeret unusquisque quod vellet. Vasthi quoque regina fecit convivium feminárum in palátio, ubi rex Assuérus manére consuéverat.

R. Spem in álium numquam hábui, prætérquam in te Deus Israél :
* Qui irásceris, et propítius eris : et ómnia peccáta hóminum in tribulatióne dimittis. **V.** Dómine Deus creátor cæli et

terræ, réspice ad humilitátem nostram. Qui. Glória Patri. Qui.

IN II. NOCTURNO

Ex libro Officiórum sancti Ambrósii Epíscopi.

Lectio iv. Lib. 3. Cap. 15.

QUID Esther regina, nonne ut pópulum suum periculo erúeret (quod erat decórum atque honéstum) morti se obtulit, nec immitis regis trepidávit furórem? Ipse quoque rex Persárum ferox atque tímido corde, tamen decórum judicávit, índici insidiárum, quæ sibi parátæ forent, grátiam re-præsentáre, populúmque liberum a servilúte eripere, erúere neci, nec párcere neci ejus, qui tam indecóra suasisset. Dénique quem secúndum a se, ac præcípuum inter omnes amícos habéret, cruci trádidit, quod dehonéstátum se ejus frauduléntis consiliis animadvertisset.

R. Meménto mei Dómine Deus in bonum :
* Et ne déleas miseratiónes meas, quas feci in domo Dei mei, et in cæremóniis ejus. **V.** Recordáre mei Dómine Deus meus. Et ne déleas.

Lectio v. Cap. 16.

EA enim amicitia probábilis, quæ honestátem tuétur, præferénda sane ópibus, honóribus, potestátibus; honestáti vero præferri non solet, sed honestátem sequi. Qualis fuit Jónathæ, qui pro pietáte nec offénsam pa-

tris, nec salutis periculum refugiébat. Qualis fuit Achimelech, qui pro hospitalis gratiæ officiis necem potius sibi, quam proditionem fugiéntis amici subeúndam arbitrabátur. Nihil igitur præferéndum honestati : quæ tamen ne amicitiae stúdio prætereátur, étiam hoc Scriptúra admonet.

R. Tribulationes civitatum audivimus, quas passæ sunt, et defécimus : timor et hebetúdo mentis cécidit super nos, et superliberos nostros : ipsi montes nolunt recipere fugam nostram : * Dómine miserere. **V.** Peccávimus cum pátribus nostris, injúste égimus, iniquitatem fécimus. Dómine.

Lectio vj.

SUNT enim pleræque philosophorum quæstiones : Utrum amici causa quisquam contra pátriam sentire, necne, débeat, ut amico obédiat : Utrum opórteat ut fidem déserat, dum indúlget atque inténdit amici commoditatibus. Et Scriptúra quidem ait : Clava, et gladius, et sagitta ferráta : sic homo est testimonium dans falsum advérsus amicum suum. Sed considera quid ádstruat. Non testimonium reprehéndit dictum in amicum, sed falsum testimonium. Quid enim si Dei causa, quid si pátriæ, cogátur aliquis dicere testimonium? Numquid præponderáre de-

bet amicitia religióni, præponderáre caritati vitium?

R. Benedicat te Dóminus in virtúte sua, qui per te ad nihilum redégit inimicos nostros : * Ut non deficiat laus tua de ore hóminum. **V.** Benedictus Dóminus, qui creávit cælum et terram : quia hódie nomen tuum ita magnificávit. Ut. Glória Patri. Ut.

R. vij. Nos álium Deum nescimus, præter Dóminum, in quo sperámus : * Qui non déspicit nos, nec ámovet salutem suam a génere nostro. **V.** Indulgentiam ipsius fuis lacrymis postulémus, et humiliémus illi ánimas nostras. Qui.

R. viij. Duo Séraphim clamábant alter ad álterum : * Sanctus, Sanctus, Sanctus Dóminus Deus Sábaoth : * Plena est omnis terra glória ejus. **V.** Tres sunt qui testimonium dant in cælo, Pater, Verbum, et Spíritus sanctus : et hi tres unum sunt. Sanctus. Glória Patri. Plena.

Feria IV. hujus hebdomadæ post ij. et iij. Lectio-
nem dicitur ij. et iij. Respon-
sorium I. Noct. hujus Domi-
nicæ.

FERIA SECUNDA

De libro Esther.

Lectio j. Cap. 2.

ERAT vir Judæus in Susan civitate, vocábulo Mar-

dochæus filius Jaïr, filii Sémei, filii Cis, de stirpe Jémini, qui translátus fúerat de Jerúsalem eo témpore, quo Jechoníam regem Juda Nabuchodónosor rex Baby-lónis transtúlerat, qui fuit nutritius filiaë fratris sui Edíssæ, quæ áltero nómine vocabátur Esther : et utrúmque paréntem amiserat : pulchra nimis, et decóra fácie. Mortuisque patre ejus ac matre, Mardochæus sibi eam adoptávit in filiam.

¶ Dómine mi. 182.

Lectio ij.

CUMQUE percrebuisset regis impérium, et juxta mandátum illius multæ pulchræ virgines adduceréntur Susan, et Egéo traderéntur eunúcho; Esther quoque inter cæteras puéllas ei trádita est, ut servarétur in número feminárum. Quæ plácuit ei, et invénit grátiam in conspéctu illius. Et præcépit eunúcho, ut acceleráret mundum muliebrem, et tráderet ei partes suas, et septem puéllas speciosíssimas de domo regis, et tam ipsam, quam pedissequas ejus ornáret atque excóleret. Quæ nóluit indicáre ei pópulum et pátriam suam : Mardochæus enim præcéperat ei, ut de hac re omníno reticéret : qui deambulábat quotidie ante vestibulum domus, in qua eléctæ virgines servabántur, curam agens salútis Esther.

¶ Confórta me. 183.

Lectio iij.

EVOLÚTO áutem témpore per órđinem, instábat dies, quo Esther filia Abihail fratris Mardochæi, quam sibi adoptáverat in filiam, debéret intráre ad regem. Quæ non quæsivit muliebrem cultum, sed quaecúmque vóluit Egéus eunúchus custos virginum, hæc ei ad ornátum dedit. Erat enim formósa valde, et incredíbili pulchritúdine, ómnium óculis gratiósa et amábilis videbátur. Ducta est itaque ad cubículum regis Assuéri mense décimo, qui vocátur Tebeth, séptimo anno regni ejus. Et adamávit eam rex plus quam omnes mulieres, habuitque grátiam et misericórdiam coram eo super omnes mulieres, et pósuit diadéma regni in cápite ejus, fecitque eam regnáre in loco Vasthi.

¶ Spem in álium. 183.

FERIA TERTIA

De libro Esther.

Lectio j. Cap. 3.

POST hæc rex Assuérus exaltávit Aman filium Amadáthi, qui erat de stirpe Agag : et pósuit sólum ejus super omnes príncipes, quos habébat. Cunctique servi regis, qui in fóribus palátii versabántur, flectébant génuá, et adorábant Aman : sic enim præcéperat eis imperátor. Solus Mardochæus non flectébat genu, neque

adorábat eum. Cui dixerunt púeri regis, qui ad fores palátii præsidébant : Cur præter cæteros non observas mandátum regis?

℞. Meménto mei. 183.

Lectio ij.

CUMQUE hoc crébrius dicerent, et ille nollet audire, nuntiavérunt Aman, scire cupiéntes utrum perseveráret in senténtia: dixerat enim eis se esse Judæum. Quod cum audisset Aman, et experiménto probásset quod Mardochæus non flécteret sibi genu, nec se adoráret, irátus est valde, et pro nihilo duxit in unum Mardochæum mittere manus suas.

℞. Tribulatiónes. 184.

Lectio iij.

AUDIERAT enim quod esset gentis Judææ : magisque vóluit omnem Judæórum, qui erant in regno Assuéri, pérdere natiónem. Mense primo (cujus vocábulum est Nisan) anno duodécimo regni Assuéri, missa est sors in urnam, quæ hebráice dicitur phur, coram Aman, quo die et quo mense gens Judæórum debéret interfici : et exívit mensis duodécimus, qui vocátur Adar.

℞. Benedicat te. 184.

FERIA QUARTA

De libro Esther.

Lectio j. Cap. 4.

QUÆ cum audisset Mardochæus, scidit vestiménta

sua, et indútus est sacco, spargens cinerem cápiti : et in platéa médiæ civitátis voce magna clamábat, osténdens amaritúdinem ánimi sui, et hoc ejulátu usque ad foras palátii grádiens. Non enim erat lícitum indútum sacco áulam regis intráre. In ómnibus quoque provinciis, óppidis, ac locis, ad quæ crudéle regis dogma pervenerat, planctus ingens erat apud Judæos, jejúnium, ululátus, et fletus, sacco et cinere multis pro strato uténtibus. Ingréssæ áutem sunt puéllæ Esther et eunúchi, nuntiaverúntque ei. Quod áudiens consternáta est : et vestem misit, ut abláto sacco indúerent eum : quam accipere nóluit. Accitóque Athach eunúcho, quem rex mínistrum ei déderat, præcépit ei ut iret ad Mardochæum, et disceret ab eo cur hoc fáceret.

℞. Nos álium. 184.

Lectio ij.

EGRESSÚSQUE Athach, ivit ad Mardochæum stantem in platéa civitátis, ante óstium palátii : qui indicávit ei ómnia quæ acciderant, quómodo Aman promississet, ut in thesauros regis pro Judæórum nece inférret argentum. Exémplar quoque edicti, quod pendébat in Susan, dedit ei, ut reginæ osténderet, et monéret eam, ut intráret ad regem, et deprecarétur eum pro pópulo

suo. Regréssus Athach, nuntiávit Esther ómnia, quæ Mardochæus dixerat. Quæ respóndit ei, et jussit ut diceret Mardochæo : Omnes servi regis, et cunctæ, quæ subdióne ejus sunt, norunt provinciæ, quod sive vir, sive mûlier non vocátus, intérius átrium regis intráverit, absque ulla cunctatióne statim interficiátur : nisi forte rex áuream virgam ad eum teténderit pro signo cleméntiæ, atque ita possit vivere. Ego igitur quómodo ad regem intráre pótero, quæ triginta jam diébus non sum vocáta ad eum?

℞. Confórta me. 183.

Lectio iij.

QUOD cum audisset Mardochæus, rursum mandávit Esther, dicens : Ne putes quod ánimam tuam tantum liberes, quia in domo regis es præ cunctis Judæis : si enim nunc silúeris, per áliam ocasiónem liberabúntur Judæi : et tu, et domus patris tui peribitis. Et quis novit utrum idcirco ad regnum vénieris, ut in tali témpore parareris? Rursúmque Esther hæc Mardochæo verba mandávit : Vade et cógrega omnes Judæos, quos in Susa repéreris, et oráte pro me. Non comedátis, et non bibátis tribus diébus, et tribus nóctibus : et ego cum ancillis meis simíliter jejunábo, et tunc ingrédiam ad regem contra legem faciens,

non vocáta, tradénsque me morti et perículo. Ivit itaque Mardochæus, et fecit ómnia, quæ ei Esther præcéperat.

℞. Spem in álium. 183.

FERIA QUINTA

De libro Esther.

Lectio j. Cap. 5.

DIE áutem tértio indúta est Esther regalibus vestiméntis, et stetit in átrio domus régiæ, quod erat intérius, contra basilicam regis : at ille sedébat super sólum suum in consistório palátii contra óstium domus. Cumque vidisset Esther reginam stantem, plácuít óculis ejus, et exténdit contra eam virgam áuream, quam tenébat manu. Quæ accédens osculáta est summitátem virgæ ejus. Dixitque ad eam rex : Quid vis Esther regína? quæ est petitió tua? étiam si dimídiam partem regni petieris, dábitur tibi. At illa respóndit : Si regi placet, óbsecro ut vénias ad me hódie, et Aman tecum ad convivium, quod parávi. Státimque rex, Vocáte, inquit, cito Aman ut Esther obédiat voluntáti.

℞. Dómine mi. 182.

Lectio ij.

EGRÉSSUS est itaque illo die Aman lætus et álacer. Cumque vidisset Mardochæum sedéntem ante fores palátii, et non solum non assurrexisse sibi, sed nec motum quidem de loco ses-

siónis suæ, indignátus est valde : et dissimuláta ira, revérsus in domum suam, convocávit ad se amicos suos, et Zares uxórem suam : et expósuit illis magnitúdinem divitiárum suárum, filiorúmque turbam, et quantam eum glória super omnes príncipes et servos suos rex elevásset. Et post hæc ait : Regina quoque Esther nullum álium vocávit ad convívium cum rege, præter me : apud quam étiam cras cum rege pransúrus sum. Et cum hæc ómnia hábeam, nihil me habére puto, quám-diú vídero Mardochæum Judæum sedéntem ante fores régias.

℞. Confórta me. 183.

Lectio iij.

RESPONDERÚNTQUE ei Zares uxor ejus, et cæteri amici : Jube parári excélsam trabem habéntem altitúdinis quinquaginta cúbitos, et dic mane regi ut appendátur super eam Mardochæus, et sic ibis cum rege lætus ad convívium. Plácuít ei consílium, et jussit excélsam parári crucem.

℞. Spem in álium. 183.

FERIA SEXTA

De libro Esther.

Lectio j. Cap. 6.

NOCTEM illam duxit rex in-sómnem, jussítque sibi afférri histórias et annáles priórum témporum. Quæ cum illo præsente legerén-

tur, ventum est ad illum locum ubi scriptum erat quómodo nuntiásset Mardochæus insídias Bágathan, et Thares eunuchórum, regem Assuérum juguláre cupiéntium. Quod cum audísset rex, ait : Quid pro hac fide honóris ac præmii Mardochæus consecútus est? Dixérunt ei servi illius ac ministri : Nihil omnino mercédis accépit. Statímque rex, Quis est, inquit, in átrio? Aman quippe intérius átrium domus régiæ intráverat, ut suggéreret regi, et jubéret Mardochæum affigi patíbulo, quod ei fúerat præparátum. Respondérunt púeri : Aman stat in átrio. Dixítque rex : Ingrediátur.

℞. Meménto mei. 183.

Lectio ij.

OUMQUE esset ingrèssus, ait Oilli : Quid debet fieri viro, quem rex honoráre desiderat? Cógitans áutem in corde suo Aman, et réputans quod nullum álium rex, nisi se, vellet honoráre, respóndit : Homo, quem rex honoráre cupit, debet indui véstibus régiis, et impóni super equum, qui de sella regis est, et accíperere régium diadéma super caput suum, et primus de régiis principibus, ac tyránnis téneat equum ejus, et per platéam civitátis incédens clamet, et dicat : Sic honorábitur, quemcúmque volúerit rex honoráre.

℞. Tribulatiónes. 184.

Lectio iij.

DIXITQUE ei rex : Festina, et sumpta stola et equo, fac, ut locútus es, Mardocheáo Judáo, qui sedet ánte fores palátii. Cave ne quidquam de his, quæ locútus es, prætermittas. Tulit itaque Aman stolam et equum, indutúmque Mardocheám in platéa civitátis, et impósitum equo præcedébat, atque clamábat : Hoc honóre condignus est, quemcúmque rex volúerit honoráre. Reversúsque est Mardocheús ad jánuam palátii : et Aman festinávit ire in domum suam, lugens et opérto cápite : narrávitque Zares uxóri suæ, et amicis ómnia quæ evenissent sibi.

R. Benedícat te. 184.

SABBATO

De libro Esther.

Lectio j. Cap. 7.

INTRÁVIT itaque rex et Aman, ut biberent cum regína. Dixitque ei rex étiam secúnda die, postquam vino incalúerat : Quæ est petítio tua Esther, ut detur tibi? et quid vis fieri? étiam si dimídiam partem regni mei petieris, impetrábis. Ad quem illa respóndit : Si invéni grátiam in óculis tuis, o rex, et si tibi placet, dona mihi ánimam meam pro qua rogo, et pópulum meum, pro quo óbsecro. Trádicti enim sumus ego et pópulus meus, ut conterámur, jugulémur,

et pereámus. Atque útinam in servos et fámulas venderémur : esset tolerábile malum, et gemens tacérem : nunc áutem hostis noster est, cujus crudélitas redúndat in regem.

R. Nos álium. 184.

Lectio ij.

RESPONDÉNSQUE rex Assuérus, ait : Quis est iste, et cujus poténtiæ, ut hæc áudeat fácere? Dixitque Esther : Hostis et inimícus noster péssimus iste est Aman. Quod ille áudiens, illico obstúpuit, vultum regis ac regínæ ferre non sústinens. Rex áutem irátus surréxit, et de loco convívii intrávit in hortum arbóribus cónsitum. Aman quoque surréxit ut rogáret Esther regínam pro ánima sua, intelléxit enim a rege sibi parátum malum.

R. Confórta me. 183.

Lectio iij.

QUI cum revérsus esset de horto nemóribus cónsito, et intrásset convívii locum, réperit Aman super léctulum corruísse, in quo jacébat Esther, et ait : Etiam regínam vult opprimere, me præsente, in domo mea. Necdum verbum de ore regis exierat, et statim operuerunt fáciem ejus. Dixitque Harbóna, unus de eunúchis, qui stabant in ministério regis : En lignum, quod paráverat Mardocheáo, qui locútus est pro rege, stat in domo Aman, habens altitú-

dinis quinquaginta cúbitos. Cui dixit rex : Appéndite eum in eo. Suspénsus est itaque Aman in patíbulo quod paráverat Mardochæo : et regis ira quíevit.

℞. Spem in álium. 183.

SABBATO

ANTE DOM. I. OCTOBRIS

Ad Magnif. Ant. Adapériat Dóminus * cor vestrum in lege sua, et in præcéptis suis, et fáciat pacem Dóminus Deus noster.

℣. Vespertína orátio ascéndat ad te Dómine. ℞. Et descéndat super nos misericórdia tua.

DOMINICA I. OCTOBRIS

IN I. NOCTURNO

Incipit liber primus Machabæórum.

Lectio j. Cap. 1.

ET factum est, postquam percússit Alexánder Philippi Mácedo, qui primus regnávít in Græcia, egréssus de terra Cethim, Dariúm regem Persárum, et Medórum : constituit prælia multa, et obtínuit ómnium munitiónes, et interfécit reges terræ, et pertránsiit usque ad fines terræ : et accépit spólia multitudínis géntium : et siluit terra in conspéctu ejus. Et congregávit virtútem, et exércitum fortem nimis : et exaltátum est, et elevátum cor ejus : et obtínuit regiónés géntium, et tyránnos : et facti sunt illi in tribútum. Et

post hæc décidit in lectum, et cognóvit quia morerétur. Et vocávit púeros suos nóbiles, qui secum erant nutriti a juventúte : et divisit illis regnum suum, cum adhuc viveret.

℞. Adapériat Dóminus cor vestrum in lege sua, et in præcéptis suis, et fáciat pacem in diébus vestris : * Concédát vobis salútem, et rédímat vos a malis. ℣. Exáudiat Dóminus oratiónes vestras, et reconciliétur vobis, nec vos désérat in témpore malo. Concédát.

Lectio ij.

ET regnávít Alexánder annis duódecim, et mórtuus est. Et obtinuérunt púeri ejus regnum, unusquisque in loco suo : et imposuérunt omnes sibi diadémata post mortem ejus, et filii eórum post eos annis multis, et multiplicáta sunt mala in terra. Et éxiit ex eis radix peccátrix, Antíochus illústris, filius Antiochi regis, qui fúerat Romæ obses : et regnávít in anno centésimo trigésimo séptimo regni Græcórum.

℞. Exáudiat Dóminus oratiónes vestras, et reconciliétur vobis, nec vos désérat in témpore malo * Dóminus Deus noster. ℣. Det vobis cor ómnibus, ut colátis eum, et faciátis ejus voluntátem. Dóminus Deus noster.

Lectio iij.

IN diébus illis exiérunt ex Israël filii iníqui, et sua-

sérunt multis, dicentes: Eá-mus, et disponámus testaméntum cum géntibus, quæ circa nos sunt: quia ex quo recéssimus ab eis, invenérunt nos multa mala. Et bonus visus est sermo in óculis eórum. Et destinavérunt áli-qui de pópulo, et abiérunt ad regem: et dedit illis pote-státem ut fácerent justitiam géntium: Et ædificavérunt gymnásium in Jerosólymis secúndum leges natiónum: et fecérunt sibi præpútia, et recessérunt a testaménto sancto, et juncti sunt natió-nibus, et venúmdati sunt ut fácerent malum.

R. Congregáti sunt inimíci nostri, et gloriántur in vir-túte sua: cóntere fortitú-dinem illórum Dómine, et dispérge illos: * Ut cognó-scant, quia non est álius qui pugnet pro nobis, nisi tu Deus noster. **Y.** Dispérge illos in virtúte tua, et déstrue eos protéctor noster Dómi-ne. Ut. Glória Patri. Ut.

IN II. NOCTURNO

Ex libro Officiórum sancti
Ambrósii Epíscopi.

Lib. 1. Cap. 40.

Lectio iv.

FORTÁSSE áliquos bélica defíxos glória tenet, ut putent solam esse præliárem fortitúdinem; et ídeo me ad ista deflexisse, quia illa no-stris déforet. Quam fortis Jesus Nave, ut uno prælio quinque reges captos stérne-ret cum pópulis suis? Deínde

cum advérsus Gabaonítas urgéret prælium, et vererétur ne nox impedíret victó-riam, magnitúdine mentis et fidei clamávit: Stet sol: et stetit, donec victória con-summarétur. Gédeon in tre-céntis viris de ingénti pó-pulo et acérbo hoste revéxit triúmphum. Jónathas adolé-scens virtútem magnam fecit in prælio.

R. Impetum inimicórum ne timuéritis: mémores estó-te, quómodo salvi facti sunt patres nostri: * Et nunc cla-mémus in cælum, et mise-rébitur nostri Deus noster. **Y.** Mementóte mirabílium ejus, quæ fecit Pharaóni, et exer-cítui ejus in mari Rubro. Et.

Lectio v.

QUID de Machabæis lo-quar? Sed prius de pó-pulo dicam patrum: qui cum essent paráti ad repugnán-dum pro templo Dei, et pro legítimis suis, dolo hóstium die laccessiti sábbati, malué-runt vulnéribus offérre nuda córpora, quam repugnáre, ne violárent sábbatum. Ita-que omnes læti se obtulérunt morti. Sed Machabæi consi-derántes quod hoc exémplo gens omnis posset períre, sábbato étiam, cum ipsi in bellum provocaréntur, ulti sunt innocéntium necem fra-trum suórum. Unde póstea stimulátus rex Antíochus, cum bellum accénderet per duces suos Lýsiam, Nicá-norem, Górgiam, ita cum

Orientalibus suis et Assyriis attritus est cōpiis, ut quadraginta et octo millia in medio campi a tribus millibus prosternerentur.

R. Congregatæ sunt gentes in multitudine, ut dimicent contra nos, et ignoramus quid agere debeamus : * Dómine Deus ad te sunt oculi nostri, ne pereamus. **V.** Tu scis quæ cōgitant in nos : quomodo poterimus subsistere ante faciē illorum, nisi tu adjuves nos? Dómine.

Lectio vj.

VIRTUTEM ducis Judæ Machabæi de uno ejus milite considerate. Namque Eleazarus, cum supereminentem cæteris elephantem lorica vestitum régia adverteret, arbitratus quod in eo esset rex, cursu concito in medium legionis prorupit: et abjecto clipeo, utraque manu interficiebat, donec perveniret ad bestiam, atque intravit sub eam, et subiecto gladio interemit eam. Itaque cadens bestia oppressit Eleazarum, atque ita mortuus est. Quanta igitur virtus animi! primo, ut mortem non timeret: deinde, ut circumfusus legionibus inimicorum, in confertos raperetur hostes, medium penetraret agmen, et contempta morte ferocior, abjecto clipeo, utraque manu vulneratæ molem bestię subiret ac sustineret, post infra ipsam succederet, quo pleniori fe-

riret ictu: cujus ruina inclusus, magis quam oppressus, suo est sepultus triumpho.

R. Tua est potentia, tuum regnum Dómine: tu es super omnes gentes: * Da pacem Dómine in diebus nostris.

V. Creátor omnium Deus, terribilis et fortis, justus et misericors. Da. Glória. Da.

R. vij. Refulsit sol in clipeos aureos, et resplenderunt montes ab eis: * Et fortitudo gentium dissipata est. **V.** Erat enim exercitus magnus valde, et fortis: et appropriavit Judas, et exercitus ejus in prælio. Et.

R. viij. Duo Séraphim clamabant alter ad alterum: * Sanctus, Sanctus, Sanctus Dóminus Deus Sábaoth: * Plena est omnis terra glória ejus. **V.** Tres sunt qui testimonium dant in cælo, Pater, Verbum, et Spiritus sanctus: et hi tres unum sunt. Sanctus. Glória Patri. Plena.

Infra hebdom. Feria IV. et Sabbato post ij. et iij. Lectio-
nem dicitur ij. et iij. Respon-
sorium sequentis Fer. II.

Responsoria hujus Domi-
nice dicuntur in sequen-
tibus Dominicis, usque ad
Dominicam I. Novembris.

FERIA SECUNDA

De libro primo Machabæorum.

Lectio j. Cap. 1. c

ET paratum est regnum in conspectu Antiochi, et

coepit regnare in terra Aegypti ut regnaret super duo regna. Et intravit in Aegyptum in multitudine gravi, in curribus, et elephantis, et equitibus, et copiosa navium multitudine : et constituit bellum adversus Ptolemæum regem Aegypti, et veritus est Ptolemæus a facie ejus, et fugit, et ceciderunt vulnerati multi. Et comprehendit civitates munitas in terra Aegypti : et accepit spolia terræ Aegypti.

¶. Dixit Judas Simóni fratri suo : Elige tibi viros, et vade, libera fratres tuos in Galilæam : ego autem, et Jónathas frater tuus, ibimus in Galaaditim : * Sicut fuerit voluntas in cælo, sic fiat. ¶. Accingimini filii potentes, et estote parati : quoniam melius est nobis mori in bello, quam videre mala gentis nostræ, et sanctorum. Sicut fuerit.

Lectio ij.

ET convertit Antiochus, postquam percussit Aegyptum in centesimo et quadragésimo tertio anno : et ascendit ad Israël, et ascendit Jerosólymam in multitudine gravi. Et intravit in sanctificationem cum superbia, et accepit altare aureum, et candelabrum luminis, et universa vasa ejus, et mensam propositionis, et libatoria, et phialas, et mortariola aurea, et velum, et coronas, et ornamentum

aureum quod in facie templi erat : et comminuit omnia.

¶. Ornavérunt faciem templi coronis aureis, et dedicavérunt altare Dómino : * Et facta est lætitia magna in populo. ¶. In hymnis et confessionibus benedicébant Dóminum. Et.

Lectio iij.

ET accepit argéntum, et aurum, et vasa concupiscibilia : et accepit thesauros occultos, quos invenit : et sublatis omnibus abiit in terram suam. Et fecit cædem hominum, et locutus est in superbia magna. Et factus est planctus magnus in Israël, et in omni loco eorum : et ingemuérunt principes, et seniores : virgines, et juvenes infirmati sunt : et speciositas mulierum immutata est. Omnis maritus sumpsit lamentum : et quæ sedébant in thoro maritali, lugébant : et commota est terra super habitantes in ea, et universa domus Jacob induit confusionem.

¶. In hymnis et confessionibus benedicébant Dóminum : * Qui magna fecit in Israël, et victóriam dedit illis Dóminus omnipotens. ¶. Ornavérunt faciem templi coronis aureis, et dedicavérunt altare Dómino. Qui. Glória Patri. Qui.

Responsoria hujus II. Feriæ repetuntur in aliis II. Feriis usque ad Dominicam I. Novembris.

FERIA TERTIA

De libro primo Machabæorum.

Lectio j. Cap. 2.

IN diébus illis surréxit Mathathias filius Joánnis, filii Simeónis, sacérdos ex filiis Jóarib ab Jerúsalem, et consédit in monte Modin : et habébat filios quinque, Joánnem, qui cognominabátur Gaddis : et Simónem, qui cognominabátur Thasi : et Judam, qui vocabátur Machabæus : et Eleázarum, qui cognominabátur Abaron : et Jónathan, qui cognominabátur Apphus. Hi vidérunt mala, quæ fiébant in pópulo Juda, et in Jerúsalem.

R. Hic est fratrum amátor, et pópuli Israël : * Hic est qui multum orat pro pópulo, et univérsa sancta civitáte Jerúsalem. **V.** Vir iste in pópulo suo mitíssimus apparuit. Hic.

Lectio ij.

ET dixit Mathathias : Væ mihi, ut quid natus sum vidére contritióem pópuli mei, et contritióem civitátis sanctæ, et sedére illic, cum datur in mánibus inimicórum? Sancta in manu extraneórum facta sunt : templum ejus sicut homo ignóbilis. Vasa glóriæ ejus captivæ abductæ sunt : trucidáti sunt senes ejus in platéis, et júvenes ejus cecidérunt in gládio inimicórum. Quæ gens non hereditávit regnum

ejus, et non obtínuit spólia ejus?

R. Tu Dómine universórum, qui nullam habes indigéntiam, voluísti templum tuum fieri in nobis : * Conseráva domum istam immaculátam in ætérnum Dómine. **V.** Tu elegísti Dómine domum istam ad invocándum nomen tuum in ea, ut esset domus oratiónis et obsecratiónis pópulo tuo. Conseráva.

Lectio iij.

ET scidit vestiménta sua Mathathias, et filii ejus : et operuérunt se cilíciis, et planxérunt valde. Et vénérunt illuc qui missi erant a rege Antiocho, ut cógerent eos, qui confúgerant in civitátem Modin, immoláre, et accéndere thura, et a lege Dei discédere. Et multi de pópulo Israël consentiéntes accessérunt ad eos : sed Mathathias, et filii ejus constánter stetérunt.

R. Aperi óculos tuos Dómine, et vide afflictiónem nostram : circumdederunt nos gentes ad puniéndum nos : * Sed tu Dómine exténde bráchium tuum, et libera ánimas nostras. **V.** Afflíge oppriméntes nos, et contuméliam faciéntes in supérbiam ; et custódi partem tuam. Sed. Glória Patri. Sed.

Responsoria hujus III. Feriæ repetuntur in aliis III. Feriis usque ad Dominicam I. Novembris.

FERIA QUARTA

De libro primo Machabæorum.

Lectio j. Cap. 2. b

ET respóndit Mathathías, et dixit magna voce : Et si omnes gentes regi Antiocho obédiunt, ut discédant unusquisque a servitute legis patrum suorum, et conséntiat mandátis ejus : ego et filii mei, et fratres mei obediémus legi patrum nostrorum. Propítius sit nobis Deus : non est nobis útile relinquere legem, et justitias Dei : non audiémus verba regis Antiochi, nec sacrificábimus transgrediéntes legis nostræ mandáta, ut eámus áltera via.

℞. Refúlsit sol. 192.

Lectio ij.

ET ut cessávit loqui verba hæc, accessit quidam Judæus in ómnium óculis sacrificáre idólis super aram in civitáte Modin, secúndum jussum regis : et vidit Mathathías, et dóluit, et contremuérunt renes ejus, et accénsus est furor ejus secúndum judicium legis, et insiliens trucidávit eum super aram : sed et virum, quem rex Antiochus míserat, qui cogébat immoláre, occídit in ipso témpore, et aram destrúxit, et zelátus est legem, sicut fecit Phínees Zamri filio Salómi.

℞. Ornavérunt. 193.

Lectio iij.

ET exclamávit Mathathías voce magna in civitáte, dicens : Omnis, qui zelum habet legis státuens testaméntum, éxeat post me. Et fugit ipse, et filii ejus in montes, et reliquérunt quæcúmque habébant in civitáte. Tunc descendérunt multi quæréntes judicium, et justitiam, in desértum : et sedérunt ibi ipsi, et filii eórum, et mulieres eórum, et pécora eórum : quóniam inundavérunt super eos mala.

℞. In hymnis. 193.

FERIA QUINTA

De libro primo Machabæorum.

Lectio j. Cap. 2. f

ET appropinquavérunt dies Mathathíæ moriéndi, et dixit filiis suis : Nunc confortáta est supérbia, et castigatio, et tempus eversiónis, et ira indignatiónis. Nunc ergo, o filii, æmulatóres estóte legis, et date ánimas vestras pro testaménto patrum vestrorum, et mementóte óperum patrum, quæ fecérunt in generatióibus suis : et accipiétis glóriam magnam, et nomen ætérnum. Abraham nonne in tentatióne invéntus est fidélis, et reputátum est ei ad justitiam? Joseph in témpore angústiae suæ custodívit mandátum, et factus est dóminus Ægýpti. Phínees pater noster, zelándo zelum Dei, ac-

cépit testaméntum sacerdotii ætérni.

℞. Adapériat. 190.

Lectio ij.

JESUS dum implévit verbum, factus est dux in Israël. Caleb, dum testificatur in ecclésia, accépit hereditatem. David in sua misericórdia consecútus est sedem regni in sæcula. Eliás, dum zelat zelum legis, recéptus est in cælum. Ananias et Azariás et Misaël credentes, liberáti sunt de flamma. Dániel in sua simplicitate liberátus est de ore leónum. Et ita cogitate per generationem, et generationem : quia omnes qui sperant in eum, non infirmántur. Et a verbis viri peccatóris ne timuéritis : quia glória ejus stercus, et vermis est : hódie extóllitur, et cras non inveniétur : quia convérsus est in terram suam, et cogitatio ejus périit.

℞. Exáudiat. 190.

Lectio iij.

Vos ergo filii confortámini, et viriliter ágite in lege : quia in ipsa gloriósi éritis. Et ecce Simon frater vester, scio quod vir consilii est : ipsum audite semper, et ipse erit vobis pater. Et Judas Machabæus fortis viribus a juventute sua, sit vobis princeps militiæ, et ipse aget bellum pópuli. Et adducétis ad vos omnes factóres legis : et vindicáte vindictam pópuli vestri. Retribúite retri-

butionem géntibus, et inténdite in præcéptum legis. Et benedixit eos, et appósitus est ad patres suos.

℞. Congregáti. 191.

FERIA SEXTA

De libro primo Machabæorum.

Lectio j. Cap. 2. g et 3.

DEFÚNCTUS est Mathathías Anno centésimo et quadragésimo sexto : et sepúltus est a filiis suis in sepúlcris patrum suórum in Modin, et planxérunt eum omnis Israël planctu magno. Et surréxit Judas, qui vocabátur Machabæus filius ejus pro eo : et adjuvábanteum omnes fratres ejus : et univérsi, qui se conjúnxerant patri ejus, et præliabántur prælium Israël cum lætítia. Et dilatávit glóriam pópulo suo. Et persecútus est iniquos perscrútans eos : et qui conturbábant pópulum suum, eos succéndit flammis : et repúlsi sunt inimici ejus præ timóre ejus, et omnes operárii iniquitátis conturbáti sunt : et dirécta est salus in manu ejus.

℞. Impetum. 191.

Lectio ij.

ET exacerbábat reges multos, et lætificábat Jacob in opéribus suis, et in sæculum memória ejus in benedictione. Et perambulávit civitátes Juda, et pérdidit ímpios ex eis, et avértit iram ab Israël. Et nominátus est

usque ad novissimum terræ, et congregavit pereuntes. Et congregavit Apollónius gentes, et a Samaría virtutem multam et magnam ad bellandum contra Israël. Et cognovit Judas, et exiit obviam illi : et percussit, et occidit illum : et ceciderunt vulnerati multi, et reliqui fugerunt. Et accepit spolia eorum : et gladium Apollónii abstulit Judas, et erat pugnans in eo omnibus diebus.

¶ Congregatæ. 192.

Lectio iij.

ET cecidit timor Judæ, ac fratrum ejus, et formido super omnes gentes in circuitu eorum. Et pervenit ad regem nomen ejus, et de præliis Judæ narrabant omnes gentes. Ut audivit autem rex Antiochus sermones istos, iratus est animo : et misit, et congregavit exercitum universi regni sui, castra fortia valde : et aperuit ærarium suum, et dedit stipendia exercitui in annum : et mandavit illis ut essent parati ad omnia.

¶ Tua est. 192.

SABBATO

De libro primo Machabæorum.

Lectio j. Cap. 3. f

ET vidit Judas, et fratres ejus, quia multiplicata sunt mala, et exercitus applicabant ad fines eorum : et cognoverunt verba regis,

quæ mandavit populo facere in interitum, et consummationem : et dixerunt unusquisque ad proximum suum : Erigamus dejectionem populi nostri, et pugnemus pro populo nostro, et sanctis nostris. Et congregatus est conventus ut essent parati in prælium : et ut orarent, et peterent misericordiam, et miserationes. Et Jerúsalem non habitabatur, sed erat sicut desertum : non erat qui ingrederetur et egrederetur de natis ejus : et sanctum conculcabatur : et filii alienigenarum erant in arce, ibi erat habitatio gentium : et ablata est voluptas a Jacob, et defecit ibi tibia, et cithara.

¶ Refulsit sol. 192.

Lectio ij.

ET congregati sunt, et venerunt in Maspha contra Jerúsalem : quia locus orationis erat in Maspha ante in Israël. Et jejunaverunt illa die, et induerunt se ciliciis, et cinerem imposuerunt capiti suo : et disciderunt vestimenta sua : et expanderunt libros legis, de quibus scrutabantur gentes similitudinem simulacrorum suorum : et attulerunt ornamenta sacerdotalia, et primitias, et decimas : et suscitaverunt Nazaræos, qui implerant dies : et clamaverunt voce magna in cælum, dicentes : Quid faciemus istis, et quo eos ducemus? et sancta tua

conculcata sunt, et contaminata sunt, et sacerdotes tui facti sunt in luctum, et in humilitatem. Et ecce nationes convenerunt adversum nos ut nos disperdant: tu scis quae cogitant in nos. Quomodo poterimus subsistere ante faciem eorum, nisi tu Deus adjuves nos?

℞. Ornaverunt. 193.

Lectio iij.

ET tubis exclamaverunt voce magna. Et post haec constituit Judas duces populi, tribunos, et centuriones, et pentacontarchos, et decuriones. Et dixit his, qui aedificabant domos, et sponsabant uxores, et plantabant vineas, et formidolosis, ut redirent unusquisque in domum suam secundum legem. Et moverunt castra, et collocaverunt ad Austrum Emmaum. Et ait Judas: Accingimini, et estote filii potentes, et estote parati in mane, ut pugnatis adversus nationes has, quae conveniunt adversus nos disperdere nos, et sancta nostra: quoniam melius est nos mori in bello, quam videre mala gentis nostrae, et sanctorum. Sicut autem fuerit voluntas in caelo, sic fiat.

℞. In hymnis. 193.

SABBATO

ANTE DOMIN. II. OCTOBIS

Ad Magnif. Ant. Refulsit sol * in clipeos aureos, et resplenderunt montes ab

eis, et fortitudo gentium dissipata est.

℞. Vespertina oratio ascendat ad te Domine. ℞. Et descendat super nos misericordia tua.

DOMINICA II. OCTOBIS

IN I. NOCTURNO

De libro primo Machabaeorum.

Lectio j. Cap. 4. e

DIXIT autem Judas, et fratres ejus: Ecce contriti sunt inimici nostri: ascendamus nunc mundare sancta, et renovare. Et congregatus est omnis exercitus, et ascenderunt in montem Sion. Et viderunt sanctificationem desertam, et altare profanatum, et portas exustas, et in atriiis virgulta nata sicut in saltu, vel in montibus, et pastophoria diruta. Et sciderunt vestimenta sua, et planxerunt planctu magno, et imposuerunt cinerem super caput suum. Et ceciderunt in faciem super terram, et exclamaverunt tubis signorum, et clamaverunt in caelum.

℞. Adaperiat. 190.

Lectio ij.

TUNC ordinavit Judas viros ut pugnarent adversus eos, qui erant in arce, donec emundarent sancta. Et elegit sacerdotes sine macula, voluntatem habentes in lege Dei: et mundaverunt sancta, et tulerunt lapides conaminationis in locum im-

múndum. Et cogitávit de altári holocaustórum, quod profaná-tum erat, quid de eo fáceret. Et incidit illis consilium bonum ut destrúerent illud : ne forte illis esset in oppróbrium, qui contami-navérunt illud gentes, et demolíti sunt illud. Et reposué-runt lápidés in monte domus in loco apto, quoadúsque veníret prophéta, et respon-déret de eis.

℞. Exáudiat Dóminus. 190.

Lectio iij.

ET accepérunt lápidés inte-gros secúndum legem, et ædificavérunt altáre novum secúndum illud, quod fuit prius : et ædificavérunt san-cta, et quæ intra domum erant intrínsecus : et ædem, et átria sanctificavérunt. Et fecérunt vasa sancta nova, et intulérunt candelábrum, et altáre incensórum, et men-sam in templum. Et incén-sum posuérunt super al-táre, et accendérunt lucér-nas, quæ super candelábrum erant, et lucébant in templo. Et posuérunt super mensam panes, et appendérunt vela, et consummavérunt ómnia ópera, quæ fécerant.

℞. Congregáti sunt. 191.

IN II. NOCTURNO

Ex libro sancti Augustíni
Epíscopi de Civitáte Dei.

Lectio iv. Lib. 18. c. 45.

POSTEÁQUAM gens Judæa
cœpit non habére pro-phétas, proculdúbio deté-

rior facta est, eo scilicet témpore, quo se sperábat instauráto templo, post ca-ptivitátem, quæ fuit in Baby-lónia, futúram esse meliô-rem. Sic quippe intelligébat pópulus ille carnális, quod prænuntiátum est per Aggæ-um prophétam, dicéntem : Magna erit glória domus istíus novíssimæ plus quam primæ. Quod de novo testa-ménto dictum esse, páulo supérius demonstrávit, ubi ait apérte Christum promit-tens : Et movébo omnes gentes : et véniet desiderá-tus cunctis géntibus.

℞. Impetum. 191.

Lectio v.

TÁLIBUS enim eléctis gén-tium, domus Dei ædificá-tur per testaméntum novum lapidibus vivis, longe glorió-sior, quam templum illud fuit, quod a rege Salomóne constrúctum est, et post ca-ptivitátem instaurátum. Pro-pter hoc ergo nec prophétas ex illo témpore hábuit illa gens : sed multis cládibus afflicta est ab alienígenis ré-gibus, ipsísque Románis, ne hanc Aggæi prophetiam in illa instauratióne templi opi-narétur implétam. Non multo enim post, adveniénte Ale-xándro, subjugáta est : quando etsi nulla facta est vastatió, quóniam non sunt áusi ei resistere, et ídeo pla-cátum facillime súbditi re-cepérunt; non erat tamen glória tanta domus illíus,

quanta fuit in suorum regum libera potestate.

¶ Congregatæ sunt. 192.

Lectio vj.

DEINDE Ptolemæus Lagi filius, post Alexandri mortem captivos inde in Ægyptum transtulit: quos ejus successor Ptolemæus Philadelphus benevolentissime inde dimisit: per quem factum est, ut Septuaginta interpretum Scripturas haberemus. Deinde contriti sunt bellis, quæ in Machabæorum libris explicantur. Post hæc capti a rege Alexandriae Ptolemæo, qui est appellatus Epiphanes, inde ab Antiocho rege Syriæ multis et gravissimis malis ad idola colenda compulsi: templumque ipsū replētum sacrilegis superstitionibus gentium, quod tamen dux eorum strenuissimus Judas, qui etiam Machabæus dictus est, Antiochi ducibus pulsus, ab omni illa idololatriæ contaminatione mundavit.

¶ Tua est potentia. 192.

¶ vij. Refulsit sol. *ibid.*

¶ viij. Duo Séraphim. *ibid.*

FERIA SECUNDA

De libro primo Machabæorum.

Lectio j. Cap. 4. f

ANTE matutinum surrexerunt quinta et vigésima die mensis noni (hic est mensis Casleu) centésimi quadragesimi octavi anni: et obtulerunt sacrificium secun-

dum legem super altare holocaustorum novum, quod fecerunt. Secundum tempus et secundum diem, in qua contaminaverunt illud gentes, in ipsa renovatum est in canticis, et citharis, et cinyris, et cymbalis. Et cecidit omnis populus in faciem, et adoraverunt, et benedixerunt in cælum eum, qui prosperavit eis.

¶ Dixit Judas. 193.

Lectio ij.

ET fecerunt dedicationem altaris diebus octo, et obtulerunt holocausta cum lætitia, et sacrificium salutaris, et laudis. Et ornaverunt faciem templi coronis aureis, et scutulis: et dedicaverunt portas, et pastophoria, et imposuerunt eis januas. Et facta est lætitia in populo magna valde, et aversum est opprobrium gentium. Et statuit Judas, et fratres ejus, et universa ecclesia Israël ut agatur dies dedicationis altaris in temporibus suis ab anno in annum per dies octo a quinta et vigésima die mensis Casleu, cum lætitia et gaudio.

¶ Ornaverunt. 193.

Lectio iij.

ET ædificaverunt in tempore illo montem Sion, et per circuitum muros altos, et turres firmas, nequando venirent gentes, et conculcarent eum sicut antea fecerunt. Et collocavit illic exercitum, ut servarent eum,

et muniviteum ad custodiendam Bethsúram, ut haberet pópulus munitiõnem contra faciẽm Idumææ.

℞. In hymnis. 193.

FERIA TERTIA

De libro primo Machabæorum.

Lectio j. Cap. 5.

ET factum est, ut audierunt gentes in circúitu quia ædificátum est altáre, et sanctuárium sicut prius, irátæ sunt valde : et cogitábant tollere genus Jacob, qui erant inter eos, et cœpérunt occidere de pópulo, et persequi. Et debellábat Judas filios Esau in Idumæa, et eos, qui erant in Acrabatháne : quia circumsedébant Israëlitas, et percússit eos plaga magna. Et recordátus est malitiam filiórum Bean, qui erant pópulo in láqueum, et in scándalum, insidiántes ei in via. Et conclúsi sunt ab eo in túrribus : et applicuit ad eos, et anathematizávit eos, et incéndit turres eórum igni cum ómnibus, qui in eis erant.

℞. Hic est. 194.

Lectio ij.

ET transívit ad filios Ammon, et invénit manum fortem, et pópulum copiósum, et Timótheum ducem ipsórum : et commísit cum eis prælia multa, et contrítii sunt in conspéctu eórum, et percússit eos : et cepit Gazer civitátem, et filias ejus, et

revérsus est in Judæam. Et congregátæ sunt gentes, quæ sunt in Gálaad advérsus Israëlitas, qui erant in finibus eórum ut tóllerent eos : et fugérunt in Dátheman munitiõnem.

℞. Tu Dómine. 194.

Lectio iij.

ET misérunt litteras ad Judam, et fratres ejus, dicétes : Congregátæ sunt advérsus nos gentes per circúitum, ut nos áuferant : et parant venire, et occupáre munitiõnem, in quam confúgimus : et Timótheus est dux exercitus eórum. Nunc ergo veni, et éripe nos de mánibus eórum, quia cécidit multitúdo de nobis. Et omnes fratres nostri, qui erant in locis Tubin, interfécti sunt : et captívas duxérunt uxóres eórum, et natos, et spólia, et peremérunt illic fere mille viros.

℞. Aperi. 194.

FERIA QUARTA

De libro primo Machabæorum.

Lectio j. Cap. 5. f

IN diébus, quibus erat Judas, et Jónathas in terra Gálaad, et Simon frater ejus in Galilæa contra faciẽm Ptolemáidis, audivit Joséphus Zachariæ filius, et Azarías princeps virtútis, res bene gestas, et prælia quæ facta sunt, et dixit : Faciámus et ipsi nobis nomen, et

eámus pugnare advérsus gentes, quæ in circúitu nostro sunt. Et præcépit his qui erant in exercitu suo, et abiérunt Jámniam.

¶ Refúlsit sol. 192.

Lectio ij.

ET exívit Górgias de civitate, et viri ejus óbviám illis in pugnam. Et fugáti sunt Joséphus et Azariás usque in fines Judææ : et cecidérunt illo die de pópulo Israël ad duo millia viri, et facta est fuga magna in pópulo : quia non audiérunt Judam, et fratres ejus, existimántes fórtiter se factúros. Ipsi autem non erant de sémine virórum illórum, per quos salus facta est in Israël.

¶ Ornavérunt. 193.

Lectio iij.

ET viri Juda magnificáti sunt valde in conspéctu omnis Israël, et géntium ómnium ubi audiebátur nomen eórum. Et convenérunt ad eos fáusta acclamántes. Et exívit Judas, et fratres ejus, et expugnábant filios Esau in terra, quæ ad Austrum est, et percússit Chebron et filias ejus : et muros ejus, et tures succéndit igni in circúitu. Et movit castra ut iret in terram alienigenárum, et perambulábat Samariam. In die illa cecidérunt sacerdótes in bello, dum volunt fórtiter fácere, dum sine consílio éxeunt in prælium.

¶ In hymnis. 193.

FERIA QUINTA

De libro primo Machabæórum.

Lectio j. Cap. 6.

ET rex Antiochus perambulábat superiôres regiones, et audívit esse civitatem Elymáidem in Pérside nobilissimam, et copiósam in argénto, et áuro, templúmque in ea lócuples valde : et illic velámina áurea, et lorícæ, et scuta, quæ reliquit Alexánder Philippi rex Mácedo, qui regnávit primus in Græcia. Et venit, et quærébat cápere civitatem, et deprædári eam : et non pótuit, quóniam innótuit sermo his, qui erant in civitate : et insurrexérunt in prælium, et fugit inde, et ábiit cum tristitia magna, et revérsus est in Babylóniam. Et venit qui nuntiáret ei in Pérside, quia fugáta sunt castra, quæ erant in terra Juda : et quia ábiit Lýsias cum virtúte forti in primis, et fugátus est a fácie Judæórum.

¶ Adapériat. 190.

Lectio ij.

ET invaluablem armis, et víribus, et spóliis multis, quæ cepérunt de castris, quæ excidérunt : et quia diruérunt abominatióem, quam ædificáverat super altáre, quod erat in Jerúsalem, et sanctificatióem, sicut prius, circumdedérunt muris excélsis, sed et Bethsúram civitatem suam. Et

factum est ut audívit rex sermónes istos, expávit, et comóvus est valde : et decídit in lectum, et incidit in languórem præ tristítia, quia non factum est ei sicut cogitábat. Et erat illic per dies multos : quia renováta est in eo tristítia magna, et arbitrátus est se mori.

℞. Exáudiat. 190.

Lectio iij.

ET vocávit omnes amícos suos : et dixit illis : Recéssit somnus ab óculis meis, et cóncidi, et córrui corde præ sollicitúdine : et dixi in corde meo : In quantam tribulatióem devéni, et in quos fluctus tristítiæ, in qua nunc sum : qui jucúndus eram, et diléctus in potestáte mea ! Nunc vero reminíscor malórum, quæ feci in Jerúsalem, unde et ábstuli ómnia spólia áurea, et argétea, quæ erant in ea, et misi auférre habitántes Judæam sine cáusa. Cognóvi ergo quia proptérea invenérunt me mala ista : et ecce péreo tristítia magna in terra aliéna.

℞. Congregáti. 191.

FERIA SEXTA

De libro primo Machabæórum.

Lectio j. Cap. 7.

ANNO centésimo quinquagésimo primo éxiit Demétrius Seléuci filius ab urbe Roma, et ascéndit cum páucis viris in civitátem mari-

timam, et regnávit illic. Et sedit Demétrius super sedem regni sui : et venérunt ad eum viri iníqui, et impii ex Israël : et Alcimus dux eórum, qui volébat fieri sacerdos. Et accusavérunt pópulum apud regem, dicétes : Pérdidit Judas, et fratres ejus omnes amícos tuos, et nos dispérsit de terra nostra. Nunc ergo mitte virum, cui credis, ut eat, et vídeat exterminium omne, quod fecit nobis, et regiónibus regis : et púniat omnes amícos ejus, et adjutóres eórum.

℞. Impetum. 191.

Lectio ij.

ET elégit rex ex amícis suis BÁCchidem, qui dominabátur trans flumen magnum in regno, et fidélem regi : et misit eum, ut vidéret exterminium, quod fecit Judas : sed et Alcimum impium constituit in sacerdotium, et mandávit ei fácere ultióem in filios Israël. Et surrexérunt, et venérunt cum exercitu magno in terram Juda : et misérunt nuntios, et locúti sunt ad Judam, et ad fratres ejus verbis pacíficis in dolo. Et non intenderunt sermónibus eórum : vidérunt enim quia venérunt cum exercitu magno.

℞. Congregatæ. 192.

Lectio iij.

ET convenérunt ad Alcimum, et BÁCchidem congregatio scribárum requí-

rere quæ justa sunt : et primi, Assidæi qui erant in filiis Israël, et exquirébant ab eis pacem. Dixérunt enim : Homo sacerdos de sémine Aaron venit, non decipiet nos : et locútus est cum eis verba pacífica : et jurávit illis, dicens : Non inferémus vobis malum, neque amícos vestris. Et credidérunt ei : Et comprehéndit ex eis sexaginta viros, et occídit eos in una die secúndum verbum, quod scriptum est : Carnes sanctórum tuórum, et sanguinem ipsórum effudérunt in circúitu Jerúsalem, et non erat qui sepelíret.

¶. Tua est. 192.

SABBATO

De libro primo Machabæórum.

Lectio j. Cap. 8.

ET audivit Judas nomen Romanórum, quia sunt poténtes viribus, et acquiescunt ad ómnia, quæ postulántur ab eis : et quicumque accessérunt ad eos, statuerunt cum eis amicitias, et quia sunt poténtes viribus. Et audiérunt prælia eórum, et virtútes bonas, quas fecérunt in Galátia, quia obtinuerunt eos, et duxérunt sub tribútum : et quanta fecérunt in regiône Hispániæ, et quod in potestátem redégérunt metálla argénti et áuri, quæ illic sunt, et possederunt omnem locum consilio suo, et paciéntia : loca-

que quæ longe erant valde ab eis, et reges qui super-venerant eis ab extrémis terræ, contrivérunt, et percussérunt eos plaga magna : cæteri áutem dant eis tribútum ómnibus annis.

¶. Refúlsit sol. 192.

Lectio ij.

ET elégit Judas Eupólemum, filium Joánnis, filii Jacob, et Jásonem, filium Eleázari, et misit eos Romam constituere cum illis amicitiam, et societátem : et ut auferrent ab eis jugum Græcórum, quia viderunt quod in servitútem prèmerent regnum Israël. Et abiérunt Romam viam multam valde, et introiérunt cúriam, et dixérunt : Judas Machabæus, et fratres ejus, et populus Judæórum miserunt nos ad vos statuere vobiscum societátem, et pacem, et conscribere nos sócios, et amícos vestros. Et placuit sermo in conspéctu eórum. Et hoc rescriptum est, quod rescripsérunt in tábulis æreis, et miserunt in Jerúsalem, ut esset apud eos ibi memoriále pacis, et societátis.

¶. Ornavérunt. 193.

Lectio iij.

BENE sit Románis, et genti Judæórum in mari, et in terra in ætérnum : gladiusque et hostis procul sit ab eis. Quod si institerit bellum Románis prius, aut ómnibus sóciis eórum in omni domi-

natióne eórum : auxilium feret gens Judæórum, prout tempus dictáverit, corde pleno : et præliántibus non dabunt, neque subministrábunt triticum, arma, pecúniám, naves, sicut plácuít Románis : et custódient mandáta eórum, nihil ab eis accipiéntes. Similiter áutem et si genti Judæórum prius acciderit bellum, adjuvábunt Románi ex ánimo, prout eis tempus permiserit.

℞. In hymnis. 193.

SABBATO

ANTE DOM. III. OCTOBRIS

Ad Magnif. Ant. Lugébat áutem Judam * Israél planctu magno, et dicébat : Quómodo cecidisti potens in prælio, qui salvum faciébas pópulum Dómini?

℣. Vespertina orátio ascéndat ad te Dómine. ℞. Et descéndat super nos misericórdia tua.

DOMINICA III. OCTOBRIS

IN I. NOCTURNO

De libro primo Machabæórum.

Lectio j. Cap. 9.

INTÉREA ut audívit Demétrius quia cécidit Nicánor, et exércitus ejus in prælio, appósuit Bácschidem, et Alcimum rursum mittere in Judæam, et dextrum cornu cum illis. Et abiérunt viam, quæ ducit in Gálgala, et castra posuérunt in Másaloth, quæ est in Arbéllis : et

occupavérunt eam, et peremérunt ánimas hóminum multas. In mense primo anni centésimi et quinquagésimi secúndi applicuérunt exércitum ad Jerúsalem : et surrexérunt, et abiérunt in Béream viginti millia virórum, et duo millia équitum. Et Judas posúerat castra in Láisa, et tria millia viri elécti cum eo : et vidérunt multitudinem exércitus quia multi sunt, et timuérunt valde : et multi subtraxérunt se de castris, et non remansérunt ex eis nisi octingénti viri.

℞. Adapériat. 190.

Lectio ij.

ET vidit Judas quod deflúxit exércitus suus, et bellum perurgébat eum, et confráctus est corde : quia non habébat tempus congregándi eos, et dissolútus est. Et dixit his, qui resídui erant : Surgámus, et eámus ad adversários nostros, si potérimus pugnáre advérsus eos. Et avertébanteum, dicéntes : Non potérimus, sed liberémus ánimas nostras modo, et revertámur ad fratres nostros, et tunc pugnábimus advérsus eos : nos áutem páuci sumus. Et ait Judas : Absit istam rem fácere ut fugiámus ab eis : et si appropiávit tempus nostrum, moriámur in virtúte propter fratres nostros, et non inferámus crimen glóriæ nostræ. Et movit exércitus de castris, et stetérunt illis óbviám : et

divisi sunt équites in duas partes, et fundibulárij, et sagittárii præibant exércitum, et primi certáminis omnes poténtes.

℞. Exáudiat Dóminus orationes. 190.

Lectio iij.

BÁCCHIDES áutem erat in dextro cornu, et proximávit légio ex duábus partibus, et clamábant tubis: exclamavérunt áutem et hi, qui erant ex parte Judæ étiam ipsi, et commóta est terra a voce exercituum: et commissum est prælium a mane usque ad vésperam. Et vidit Judas, quod firmior est pars exércitus Báčchidis in dextris, et convenérunt cum ipso omnes constántes corde: et contrita est dextera pars ab eis, et persecútus est eos usque ad montem Azóli. Et qui in sinistro cornu erant, vidérunt quod contritum est dextrum cornu, et secúti sunt post Judam, et eos, qui cum ipso erant, a tergo: et ingravátum est prælium, et cecidérunt vulneráti multi ex his, et ex illis. Et Judas cécidit, et cæteri fugérunt. Et Jónathas, et Simon tulérunt Judam fratrem suum, et sepe-liérunt eum in sepúlcro patrum suórum in civitáte Modin. Et flevérunt eum omnis pópulus Israël planctu magno.

℞. Congregáti sunt inimici. 191.

IN II. NOCTURNO

Ex libro Officiórum sancti Ambrósii Episcopi.

Lectio iv. Lib. 1. cap. 41.

QUIA fortitúdo non solum secúndis rebus, sed étiam advérsis probátur, spectémus Judæ Machabæi exitum. Is enim post victum Nicánorem, regis Demétrii ducem, secúrior advérsus viginti millia exércitus regis, cum octingéntis viris bellum adórsus, voléntibus his cédere, ne multitudíne opprimeréntur, gloriósam magis mortem, quam turpem fugam suásit. Ne crimen, inquit, nostræ relinquámus glóriæ. Ita commissó prælio, cum a primo ortu diéi in vésperam dimicarétur, dextrum cornu, in quo validissimam manum advértit hóstium, aggréssus, fácilé avértit. Sed dum fugiéntes séquitur, a tergo vulnéri locum præbuit: itaque gloriósiorem triúmphis mortem invénit.

℞. Impetum. 191.

Lectio v.

QUID Jónatham fratrem ejus attéxam, qui cum parva manu advérsus exércitus régios pugnans, désertus a suis, et cum duóbus tantum relictus, reparávit bellum, avértit hostem, fugitántes suos ad societátem revocávit triúmphí? Habes fortitúdinem béllicam, in qua non mediócris honésti ac decóri forma est, quod

mortem servituti præferat, ac turpitudini. Quid autem de Mártyrum dicam passionibus? Et ne longius evagémur, non minorem de superbo rege Antiocho Machabæi pueri revexerunt triumphum, quam parentes proprii: siquidem illi armati, isti sine armis vicerunt.

℞. Congregatæ sunt. 192.

Lectio vj.

STETIT invicta septem puerorum cohors, régiis cincta legionibus: defecerunt supplicia, cesserunt tortores, non defecerunt Mártyres. Alius corium capitis exutus, speciem mutaverat, virtutem auxerat. Alius linguam jussus amputandam promere, respondit: Non solos Dominus audit loquentes, qui audiebat Móysen tacentem. Plus audit tacitas cogitationes suorum, quam voces omnium. Linguae flagellum times, flagellum sanguinis non times? Habet et sanguis vocem suam, qua clamat ad Deum, sicut clamavit in Abel.

℞. Tua est potentia. 192.

℞. vj. Refulsit sol. *ibid.*

℞. viij. Duo Séraphim. *ibid.*

FERIA SECUNDA

De libro primo Machabæorum.

Lectio j. Cap. 9. c

ET congregati sunt omnes amici Judæ, et dixerunt Jónathæ: Ex quo frater tuus Judas defunctus est, vir si-

milis ei non est, qui exeat contrainimicos nostros, Baccchidem, et eos, qui inimici sunt gentis nostræ. Nunc itaque te hodie elegimus esse pro eo nobis in principem, et ducem ad bellandum bellum nostrum. Et suscepit Jónathas tempore illo principatum, et surrexit loco Judæ fratris sui. Et cognovit Baccchides, et quærebat eum occidere.

℞. Dixit Judas. 193.

Lectio ij.

ET cognovit Jónathas, et Simon frater ejus, et omnes, qui cum eo erant: et fugerunt in desertum Thécua, et consederunt ad aquam lacus Asphar. Et cognovit Baccchides, et die sabbatorum venit ipse, et omnis exercitus ejus trans Jordānem. Et Jónathas misit fratrem suum ducem populi, et rogavit Nabuthæos amicos suos, ut commodarent illis apparatus suum, qui erat copiosus. Et exierunt filii Jambri ex Mádaba, et comprehenderunt Joánnem, et omnia, quæ habebat, et abiierunt habentes ea.

℞. Ornaverunt. 193.

Lectio iij.

POST hæc verba, renuntiatum est Jónathæ, et Simóni fratri ejus, quia filii Jambri faciunt nuptias magnas, et ducunt sponsam ex Mádaba, filiam unius de magnis principibus Chánaan cum ambitione magna. Et re-

cordáti sunt sánguini Joán-
nis fratris sui : et ascendé-
runt, et abscondérunt se sub
teguménto montis. Et eleva-
vérunt óculos suos, et vidé-
runt : et ecce tumúltus, et
apparátus multus : et spon-
sus processit, et amici ejus,
et fratres ejus óbviám illis
cum týmpanis, et músicis, et
armis multis. Et surrexérunt
ad eos ex insidiis, et occidé-
runt eos, et cecidérunt vul-
neráti multi, et residui fugé-
runt in montes : et accepe-
runt ómnia spólia eórum.

℞. In hymnis. 193.

FERIA TERTIA

De libro primo Machabéó-
rum.

Lectio j. Cap. 12.

ET vidit Jónathas quia tem-
pus eum juvat, et elégit
viros, et misit eos Romam
statúere, et renováre cum eis
amicítiam : et ad Spartiátas,
et ad ália loca misit episto-
las secúndum eámdem for-
mam : et abiérunt Romam, et
intravérunt cúriam, et dixé-
runt : Jónathas summus sa-
cérdos, et gens Judæórum
misérunt nos, ut renovaré-
mus amicítiam, et societá-
tem secúndum prístinum.
Et dedérunt illis epístolas
ad ipsos per loca, ut dedú-
cerent eos in terram Juda
cum pace.

℞. Hic est. 194.

Lectio ij.

ET hoc est exémplum epi-
stolárum, quas scripsit

Jónathas Spartiátis : Jóna-
thas summus sacérdos, et
senióres gentis, et sacer-
dótes, et réliquus pópulus
Judæórum Spartiátis frátri-
bus salútem. Jam pridem
missæ erant epístolæ ad
Oniam summum sacerdotem
ab Arío, qui regnábat apud
vos, quóniam estis fratres
nostri, sicut rescriptum cón-
tinet, quod subjéctum est.
Et suscepit Onías virum, qui
missus fúerat, cum honóre :
et accépit epístolas, in qui-
bus significabátur de socie-
táte, et amicítia.

℞. Tu Dómine. 194.

Lectio iij.

Nos cum nullo horum in-
digerémus, habéntes so-
látio sanctos libros, qui sunt
in mánibus nostris, malúi-
mus mittere ad vos renováre
fraternitátem, et amicítiam,
ne forte aliéni efficiámur a
vobis : multa enim témpora
transiérunt, ex quo misístis
ad nos. Nos ergo in omni
témpore sine intermissióne
in diébus solémnibus, et
cæteris, quibus opórtet, mé-
mores sumus vestri in sacri-
ficiis, quæ offérimus, et in ob-
servatióibus, sicut fas est,
et decet meminisse fratrum.

℞. Aperi. 194.

FERIA QUARTA

De libro primo Machabéó-
rum.

Lectio j. Cap. 12. f

ET cum cogitáset Tryphon
regnáre Asiæ, et assú-

mere diadéma, et extendere manum in Antiochum regem : timens ne forte non permitteret eum Jónathas, sed pugnaret adversus eum, quærébat comprehendere eum, et occidere. Et exsurgens abiit in Bethsan. Et exivit Jónathas obviam illi cum quadraginta millibus virorum electorum in prælium, et venit Bethsan. Et vidit Tryphon quia venit Jónathas cum exercitu multo ut extenderet in eum manus, timuit. Et excépit eum cum honóre, et commendavit eum ómnibus amicis suis, et dedit ei múnera : et præcépit exercitibus suis ut obedirent ei, sicut sibi.

¶ Refúlsit sol. 192.

Lectio ij.

ET dixit Jónathæ : Ut quid vexásti univérsum pópulum, cum bellum nobis non sit? Et nunc remitte eos in domos suas : élige áutem tibi viros páucos, qui tecum sint, et veni mecum Ptolemaidam, et tradam eam tibi, et reliqua præsidia, et exercitum, et univérsos præpósitos negotií, et convérsus abíbo : proptérea enim veni. Et crédidit ei, et fecit sicut dixit : et dimisit exercitum, et abiérunt in terram Juda. Retínuit áutem secum tria millia virórum : ex quibus remisit in Galilæam duo millia, mille áutem venérunt cum eo.

¶ Ornavérunt. 193.

Lectio iij.

UT áutem intrávit Ptolemaidam Jónathas, clausérunt portas civitátis Ptoleménses : et comprehendérunt eum : et omnes, qui cum eo intráverant, gládio interfecérunt. Et misit Tryphon exercitum et équites in Galilæam, et in campum magnum ut pérderent omnes sócios Jónathæ. At illi cum cognovissent quia comprehénsus est Jónathas, et períit, et omnes, qui cum eo erant, hortáti sunt semetipsos, et exiérunt paráti in prælium. Et vidéntes hi, qui insecúti fúerant, quia pro ánima res est illis, revérsi sunt : illi áutem venérunt omnes cum pace in terram Juda. Et planxérunt Jónathan, et eos, qui cum ipso fúerant, valde.

¶ In hymnis. 193.

FERIA QUINTA

De libro primo Machabæórum.

Lectio j. Cap. 13.

ET audivit Simon quod congregávit Tryphon exercitum copiósum ut veníret in terram Juda, et attéreret eam. Videns quia in tremóre pópulus est, et in timóre, ascéndit Jerúsalem, et congregávit pópulum : et adhórtans dixit : Vos scitis quanta ego, et fratres mei, et domus patris mei fécimus pro légibus, et pro sanctis prælia, et angústias quales vi-

dimus : horum grátia perierunt fratres mei omnes propter Israël, et relictus sum ego solus. Et nunc non mihi contingat párcere ánimæ meæ in omni témpore tribulatiónis : non enim mélior sum frátribus meis. Vindicábo itaque gentem meam, et sancta, natos quoque nostros, et uxóres : quia congregátæ sunt univérsæ gentes contérere nos inimicitíæ grátia.

℞. Adapériat. 190.

Lectio ij.

ET accénsus est spiritus pópuli simul ut audívit sermónes istos : et responderunt voce magna dicentes : Tu es dux noster loco Judæ, et Jónathæ fratris tui : pugna prælium nostrum : et ómnia, quæcúmque dixeris nobis, faciémus. Et cóngregans omnes viros bellatóres, accelerávit consummare univérsos muros Jerúsalem, et munívit eam in gyro. Et misit Jónathan filium Absalómi, et cum eo exercitum novum in Joppen, et ejéctis his, qui erant in ea, remánsit illic ipse. Et movit Tryphon a Ptolemáida cum exercitu multo, ut veniret in terram Juda, et Jónathas cum eo in custódia. Simon áutem applicuit in Addus contra fáciem campi.

℞. Exáudiat Dóminus. 191.

Lectio iij.

ET ut cognóvit Tryphon quia surréxit Simon loco

fratris sui Jónathæ, et quia commissúrus esset cum eo prælium, misit ad eum legátos, dicens : Pro argénto, quod debébat frater tuus Jónathas in ratióne regis, propter negótia, quæ hábuit, detinúimus eum. Et nunc mitte argénti talénta centum, et duos filios ejus óbvides, ut non dimíssus fúgiat a nobis, et remittémus eum. Et cognóvit Simon quia cum dolo loquerétur secum, jussit tamen dari argéntum, et púeros : ne inimicitiam magnam súmeret ad pópulum Israël, dicéntem : Quia non misit ei argéntum, et púeros, proptérea périit. Et misit púeros, et centum talénta : et mentitus est, et non dimisit Jónathan.

℞. Congregáti. 191.

FERIA SEXTA

De libro primo Machabæórum.

Lectio j. Cap. 14. b

ET auditum est Romæ quia defúctus esset Jónathas, et usque in Spartiátas : et contristáti sunt valde. Ut audiérunt áutem quod Simon frater ejus factus esset summus sacérdos loco ejus, et ipse obtinéret omnem regióne, et civitátes in ea : scripsérunt ad eum in tábulis áreis, ut renovárent amicitias, et societátem quam fécerant cum Juda, et cum Jónatha frátribus ejus. Et lectæ sunt in conspectu ec-

clésiæ in Jerúsalem. Et hoc exemplum epistolârum, quas Spartiatæ misérunt.

℞. Impetum. 191.

Lectio ij.

SPARTIANÓRUM principes, et civitatés, Simóni sacerdoti magno, et senióribus, et sacerdotibus, et réliquo pópulo Judæórum, fratribus, salutem. Legáti, qui missi sunt ad pópulum nostrum, nuntiavérunt nobis de vestra glória, et honóre, ac lætítia : et gavissimus in intróitu eórum. Et scripsimus quæ ab eis erant dicta in conciliis pópuli, sic : Numénius Antiochi, et Antípater Jásonis filius, legáti Judæórum, venérunt ad nos, renovántes nobiscum amicitiam pristinam. Et plácuit pópulo excipere viros glorióse, et pónere exemplum sermónum eórum in segregátis pópuli libris, ut sit ad memóriam pópulo Spartiatârum. Exemplum autem horum scripsimus Simóni magno sacerdoti.

℞. Congregatæ. 192.

Lectio iij.

POST hæc autem misit Simon Numénium Romam, habéntem clýpeum áureum magnum, pondo mnarum mille, ad statuendam cum eis societatem. Cum autem audisset pópulus Románus sermónes istos, dixerunt : Quam gratiârum actionem reddémus Simóni, et filiis ejus? Restituit enim ipse

fratres suos, et expugnávit inimicos Israël ab eis, et statuérunt ei libertatem, et descripsérunt in tábulis æreis, et posuérunt in titulis in monte Sion.

℞. Tua est. 192.

SABBATO

De libro primo Machabæórum.

Lectio j. Cap. 16. c

SIMON autem, perambulans civitatés, quæ erant in regione Judææ, et sollicitudinem gerens earum, descendit in Jéricho ipse, et Mathathias filius ejus, et Judas, anno centésimo septuagésimo séptimo, mense undécimo : hic est mensis Sabath. Et suscepit eos filius Abóbi in munitiunculam, quæ vocátur Doch, cum dolo, quam edificávit : et fecit eis convivium magnum, et abscondit illic viros. Et cum inebriátus esset Simon, et filii ejus, surrexit Ptolemæus cum suis, et sumpsérunt arma sua, et intravérunt in convivium, et occiderunt eum, et duos filios ejus, et quosdam púeros ejus. Et fecit deceptionem magnam in Israël, et reddidit mala pro bonis.

℞. Refúlsit sol. 192.

Lectio ij.

ET scripsit hæc Ptolemæus, et misit regi ut mitteret ei exercitum in auxilium, et tráderet ei regionem, et civitatés eórum, et tribúta.

Et misit álios in Gázaram tollere Joánnem : et tribúnis misit epístolas, ut venírent ad se, et daret eis argéntum, et áurum, et dona. Et álios misit occupáre Jerúsalem, et montem templi. Et præcúrrens quidam, nuntiávit Joánni in Gázara, quia períit pater ejus, et fratres ejus, et quia misit te quoque intérfici.

℟. Ornavérunt. 193.

Lectio iij.

UT audívit áutem, vehementer expávit : et comprehendit viros, qui vénerant pérdere eum, et occidit eos : cognóvit enim quia quærébant eum pérdere. Et cætera sermónum Joánnis, et bellórum ejus, et bonárum virtútum, quibus fórtiter gessit, et ædificií murórum, quos extrúxit, et rerum gestárum ejus : ecce hæc scripta sunt in libro diérum sacerdótii ejus, ex quo factus est princeps sacerdótum post patrem suum.

℟. In hymnis. 193.

SABBATO

ANTE DOM. IV. OCTOBRIS

Ad Magnif. Ant. Exáudiat Dóminus * oratiónes vestras, et reconciliétur vobis : nec vos déserrat in témpore malo Dóminus Deus noster.

Ÿ. Vespertína orátio ascéndat ad te Dómine. ℟. Et descéndat super nos misericórdia tua.

DOM. IV. OCTOBRIS

IN I. NOCTURNO

Incipit liber secúndus Machabæórum.

Lectio j. Cap. 1.

FRÁTRIBUS, qui sunt per Ægýptum, Judæis, salútem dicunt fratres, qui sunt in Jerosólymis, Judæi, et qui in regione Judææ, et pacem bonam. Benefáciat vobis Deus, et meminerit testaménti sui, quod locútus est ad Abraham, et Isaac, et Jacob servórum suórum fidélium : et det vobis cor ómnibus ut colátis eum, et faciátis ejus voluntátem corde magno, et ánimo volénti. Adapériat cor vestrum in lege sua, et in præcéptis suis, et fáciat pacem. Exáudiat oratiónes vestras, et reconciliétur vobis, nec vos déserrat in témpore malo. Et nunc hic sumus orántes pro vobis.

℟. Adapériat Dóminus cor vestrum in lege sua, et in præcéptis suis, et fáciat pacem in diébus vestris : * concédatur vobis salútem, et rédimat vos a malis. Ÿ. Exáudiat Dóminus oratiónes vestras, et reconciliétur vobis, nec vos déserrat in témpore malo. Concédatur.

Lectio ij.

FACTÚRI igitur quinta et vigésima die mensis Casleu purificatióem templi, necessárium dúximus significáre vobis : ut et vos quo-

que agátis diem scenopégiaē, et diem ignis, qui datus est quando Nehemías ædificáto templo et altári obtulit sacrificia. Nam cum in Pérsidem duceréntur patres nostri, sacerdótes, qui tunc cultóres Dei erant, accéptum ignem de altári occúlte abscondérunt in valle, ubi erat púteus altus, et siccus, et in eo contutáti sunt eum, ita ut ómnibus ignótus esset locus.

℟. Exáudiat Dóminus oratiónes vestras, et reconciliétur vobis, nec vos déserat in témpore malo * Dóminus Deus noster. ✠. Det vobis cor ómnibus, ut colátis eum, et faciátis ejus voluntátem. Dóminus Deus noster.

Lectio iij.

CUM áutem præterissent anni multi, et plácuít Deo ut mitterétur Nehemías a rege Pérsidis : nepótes sacerdotum illórum, qui absconderant, misit ad requiréndum ignem : et sicut narravérunt nobis, non invenerunt ignem, sed aquam crassam. Et jussit eos haurire, et afférre sibi : et sacrificia, quæ impósita erant, jussit sacerdos Nehemías aspérge ipsa aqua, et ligna, et quæ erant superpósita. Utque hoc factum est, et tempus áffuit, quo sol refúlsit, qui prius erat in núbilo, accénsus est ignis magnus, ita ut omnes miraréntur.

℟. Congregáti sunt inimici nostri, et gloriántur in vir-

túte sua : cóntere fortitúdinem illórum Dómine, et dispérge illos : * Ut cognóscant, quia non est álius qui pugnet pro nobis, nisi tu Deus noster. ✠. Dispérge illos in virtúte tua, et déstrue eos protector noster Dómine. Ut cognóscant. Glória Patri. Ut cognóscant.

IN II. NOCTURNO

Ex Tractátu sancti Joánnis Chrysóstomi super Psalmum quadragésimum tertium.

Lectio iv.

DEUS, áuribus nostris adivimus, patres nostri annuntiavérunt nobis opus, quod operátus es in diébus eórum. Hunc Psalmum dicit quidem Prophéta, dicit áutem non ex persóna própria, sed ex persóna Machabæórum, narrans et prædicens quæ futúra erant illo témpore. Tales enim sunt Prophætæ : ómnia témpora percúrrunt, præsentia, prætéríta, futúra. Quinam sint áutem hi Machabæi, quidque passi sint, et quid fécerint, necessárium est primum dicere, ut sint apertióra quæ in arguménto dicúntur. Ii enim, cum invasisset Judæam Antiochus, qui dictus est Epiphanes, et ómnia devastásset, et multos qui tunc erant, a pátriis institútis resiliire coégisset, permansérunt illæsi ab illis tentatió nibus.

℟. Impetum inimicórum ne

timuéritis : mémores estóte, quómodo salvi facti sunt patres nostri : * Et nunc clamémus in cælum, et miserébitur nostri Deus noster. **Ÿ.** Mementóte mirabilium ejus, quæ fecit Pharaóni, et exercitui ejus in mari Rubro. Et nunc.

Lectio v.

ET quando grave quidem bellum ingruébat, nec quidquam possent fácere quod prodéset, se abscondébant : nam hoc quoque fecérunt Apóstoli. Non enim semper apparéntes in média irruébant perícula, sed nonnúnquam et fugiéntes, et laténtes secedébant. Postquam áutem parum respirárun, tamquam generósi quidam cátuli ex antris exsiliéntes, et e látebris emergéntes, statuérunt non se ámplius solos serváre, sed étiam álios quoscúmque possent : et civitátem et omnem regiónem obeúntes, collegérunt quotquot invenérunt adhuc sanos et íntegros : et multos étiam qui laborábant et corrúpti erant, in statum pristinum redegérunt, eis persuadéntes redire ad legem pátriam.

R. Congregátæ sunt gentes in multitúdine, ut dímicent contra nos, et ignorámus quid ágere debeámus : * Dómine Deus ad te sunt óculi nostri, ne pereámus.

Ÿ. Tu scis quæ cógitant in nos : quómodo poterimus subsistere ante faciém illó-

rum, nisi tu ádjuves nos? Dómine.

Lectio vj.

DEUM enim dicébant esse benignum et cleméntem, nec umquam adimere salutem, quæ proficiscitur ex pœniténtia. Hæc áutem dicéntes, habuérunt deléctum fortissimórum virórum. Non enim pro uxóribus, liberis, et ancillis, patriæque eversione et captivitáte, sed pro lege et pátria república pugnábant. Eórum áutem dux erat Deus. Cum ergo áciem dirigerent, et suas ánimas prodigerent, fundébant adversários, non armis fidéntes, sed loco omnis armatúræ, pugnæ cáusam sufficere ducéntes. Ad bellum áutem eúntes non tragœdias excitábant, non pæána canébant, sicut nonnúllo faciunt : non ascivérunt tibícines, ut fit in áliis castris : sed Dei supérne auxilium invocábant, ut adéset, opem ferret, et manum præberet, propter quem bellum gerébant, pro cuius glória decertábant.

R. Tua est poténtia, tuum regnum Dómine : tu es super omnes gentes : * Da pacem Dómine in diébus nostris. **Ÿ.** Creátor ómnium Deus, terribilis et fortis, justus et miséricors. Da. Glória Patri. Da.

R. vj. Refúlsit sol in clýpeos áureos, et resplendué-

runt montes ab eis : * Et fortitúdo géntium dissipáta est. *Y.* Erat enim exércitus magnus valde, et fortis : et appropriávit Judas, et exércitus ejus in prælio. Et.

R. viij. Duo Séraphim clamábant alter ad álterum : * Sanctus, Sanctus, Sanctus Dóminus Deus Sábaoth : * Plena est omnis terra glória ejus. *Y.* Tres sunt qui testimoniúm dant in cælo, Pater, Verbum, et Spíritus sanctus : et hi tres unum sunt. Sanctus. Glória Patri. Plena est.

FERIA SECUNDA

De libro secúndo Machabæorum.

Lectio j. Cap. 2.

INVENÍTUR áutem in descriptionibus Jeremiæ prophætæ, quod jussit eos ignem accipere qui transmigrábant : ut significátum est, et ut mandávit transmigrátis. Et dedit illis legem ne oblisceréntur præcépta Dómini, et ut non exerrárent méntibus vidéntes simulácra áurea, et argénteá, et ornáménta eórum. Et ália hujusmodi dicens, hortabátur ne legem amovérent a corde suo.

R. Dixit Judas. 193.

Lectio ij.

ERAT áutem in ipsa scriptúra, quómodo tabernáculum, et arcam jussit prophéta divíno respónso ad se facto comitári secum,

úsquequo éxiit in montem, in quo Móyses ascéndit, et vidit Dei hereditátem. Et véniens ibi Jeremías invénit locum spelúncae : et tabernáculum, et arcam, et altáre incénsi intulit illuc, et óstium obstrúxit. Et accessérunt quidam simul, qui sequebántur, ut notárent sibi locum : et non potuérunt inveníre.

R. Ornavérunt. 193.

Lectio iij.

UT áutem cognóvit Jeremías, culpans illos, dixit : Quod ignótus erit locus, donec cóngreget Deus congregatióem pópuli, et propítius fiat : et tunc Dóminus osténdet hæc, et apparebit majéstas Dómini, et nubes erit, sicut et Móysi manifestabátur, et sicut cum Sálomon pétiit ut locus sanctificaretur magno Deo, manifestábat hæc. Magnífice etenim sapiéntiam tractábat : et ut sapiéntiam habens, obtulit sacrificium dedicatiónis et consummationis templi.

R. In hymnis. 193.

FERIA TERTIA

De libro secúndo Machabæorum.

Lectio j. Cap. 3.

IGITUR cum sancta civitas habitaretur in omni pace, leges étiam adhuc óptime custodiréntur, propter Oniæ pontificis pietátem, et ánimos ódio habéntes mala,

fiébat ut et ipsi reges, et principes locum summo honóre dignum dúcerent, et templum máximis munéribus illustrárent : ita ut Seléucus Asiæ rex de redditibus suis præstáret omnes sumptus ad ministérium sacrificiórum pertinéntes. Simon áutem de tribu Bénjamin præpósitus templi constitútus, contendébat, obsisténte sibi principe sacerdotum, iníquum áliquíd in civitaté moliri.

¶ Hic est. 194.

Lectio ij.

SED cum vincere Oniam non posset, venit ad Apollónium Tharsææ filium, qui eo témpore erat dux Cœlesýriæ, et Phœnicis : et nuntiávit ei, pecúniis innumerábilibus plenum esse ærarium Jerosólymis, et commúnes cópias imménsas esse, quæ non pértinent ad ratiónem sacrificiórum : esse áutem possíbile sub potestáte regis cádere univérsa. Cumque retulisset ad regem Apollónius de pecúniis, quæ delátæ erant, ille accitum Heliódorum, qui erat super negótia ejus, misit cum mandátis, ut prædictam pecúniam transportáret. Statimque Heliódorus iter est aggréssus, spécie quidem quasi per Cœlesýriam, et Phœnicen civitates esset peragráturus, revéra áutem regis propósitum perfecturus.

¶ Tu Dómine. 194.

Lectio iij.

SED, cum venisset Jerosólymam, et benigne a summo sacerdote in civitaté esset excéptus, narrávit de dato indicio pecuniárum : et, cujus rei grátia adésset, apérui : interrogábat áutem, si vere hæc ita essent. Tunc summus sacerdos osténdit depósita esse hæc, et victuália viduárum, et pupillórum : quædam vero esse Hircáni Tobíæ viri valde eminéntis, in his, quæ detúlerat impius Simon : univérsa áutem argénti talénta esse quadringénta, et áuri ducénta. Décipi vero eos, qui credidissent loco, et templo, quod per univérsam mundum honorátur, pro sui veneratióne, et sanctitaté omníno impossíbile esse.

¶ Aperi. 194.

FERIA QUARTA

De libro secúndo Machabæórum.

Lectio j. Cap. 3. d

HELIODÓRUS áutem, quod decreverat, perficiébat eódem loco ipse cum satellitibus circa ærarium præsens. Sed spíritus omnipotentis Dei magnam fecit suæ ostensiónis evidéntiam, ita ut omnes, qui áusi fúerant parére ei, ruéntes Dei virtúte, in dissolutiõem, et formidinem converteréntur. Appáruit enim illis quidam equus terribilem habens sessórem, óptimis operiméntis

adornátus : isque cum impetu Heliodóro prióres calces elisit. Qui áutem ei sedébat, videbátur arma habére áurea.

¶ Refúlsit. 192.

Lectio ij.

ALII étiam apparuérunt duo júvenes virtúte decóri, óptimi glória, speciosíque amíctu : qui circumstetérunt eum, et ex utráque parte flagellábant, sine intermissione multis plagis verberántes. Súbito áutem Heliodórus cóncidit in terram, eúmque multa caligine circumfúsum rapuérunt, atque in sella gestatória pósitum ejecérunt. Et is, qui cum multis cursóribus, et satellitibus prædictum ingréssus est ærarium, portabátur nullo sibi auxilium ferénte, manifestá Dei cógnita virtúte : et ille quidem per divinam virtútem jacébat mutus, atque omni spe et salúte privátus.

¶ Ornavérunt. 193.

Lectio iij.

CONSÍDERANS áutem summus sacérdos ne forte rex suspicarétur malitiam áliquam ex Judæis circa Heliodórum consummátam, óbtulit pro salúte viri hóstiam salutárem. Cumque summus sacérdos exoráret, iidem júvenes eisdem véstibus amícli, adstántes Heliodóro, dixerunt : Oníæ sacerdoti grátias age : nam propter eum Dóminus tibi

vitam donávit. Tu áutem a Deo flagellátus, núntia ómnibus magnália Dei, et potestátem. Et his dictis, non comparuérunt.

¶ In hymnis. 193.

FERIA QUINTA

Si hæc hebdomada fuerit ultima Octobris, in tribus sequentibus diebus leguntur Lectiones Dominicæ V. et Feriæ II. et III. ejusdem hebdomadæ : qui si fuerint impediti, eo anno omittantur illæ Lectiones, quæ his diebus legi non possunt. Si vero in sequenti hebdomada hæc Lectiones in suis Feriis legi non possint, ponantur in sequentibus Feriis ejusdem hebdomadæ juxta ordinem historiæ et martyrii Machabæorum.

De libro secúndo Machabæorum.

Lectio j. Cap. 4.

SIMON áutem prædictus pécuniárum, et pátriæ delátor, male loquebátur de Onía, tamquam ipse Heliodórum instigáset ad hæc, et ipse fuisset incéntor malórum : provisorémque civitátis, ac defensórem gentis suæ, et æmulatórem legis Dei audébat insidiatórem regni dicere. Sed, cum inimicitiae in tantum procéderent, ut étiam per quosdam Simónis necessariós homicidia fierent : considerans Onías periculum contentiónis, et Apollónium insanire,

útpote ducem Cœlesýriæ, et Phœnicis, ad augéndam malítiam Simónis, ad regem se cóntulit, non ut civium accusátor, sed commúnem utilitátem apud semetípsum univérsæ multitudinis considerans.

¶ Adapériat. 212.

Lectio ij.

VIDÉBAT enim sine regáli providéntia impossibile esse pacem rebus dari, nec Simónem posse cessáre a stultitia sua. Sed post Seléuci vitæ excéssum, cum suscepisset regnum Antiochus, qui Nóbilis appellabátur, ambiébat Jason frater Oníæ summum sacerdotium : ádito rege, promittens ei argénti talénta trecénta sexaginta, et ex redditibus áliis talénta octoginta, super hæc promittébat et ália centum quinquaginta, si potestáti ejus concederétur gymnásium, et ephébiám sibi constitúere, et eos, qui in Jerosólymis erant, Antiochéno scribere.

¶ Exáudiat. 213.

Lectio iij.

QUOD cum rex annuisset, et obtinuisset principátum, statim ad gentilem ritum contribúlessuos transférre cœpit. Et amótiis his, quæ humanitátis cáusa Judæis a régibus fúerant constitúta, per Joánnem patrem Eupólemi, qui apud Romános de amicítia, et societáte functus est legatióne legíti-

ma, civium jura destituens, prava institúta sanciebat.

¶ Congregáti. 213.

FERIA SEXTA

De libro secúndo Machabæórum.

Lectio j. Cap. 5.

EÓDEM témpore Antiochus secúndam profectiódinem parávit in Ægýptum. Cántigit áutem per univérsam Jerosolymórum civitátem vidéri diébus quadraginta per áera équites discurrentes, aurátas stolas habéntes, et hastis, quasi cohórtes, armátos, et cursus equórum per órdenes digéstos, et congressiódines fieri cóminus, et scutórum motus, et galeatórum multitudínem gládiis districtis, et telórum jactus, et aureórum armórum splendórem, omnisque géneris lorricárum. Quaprópter omnes rogábant in bonum monstra converti.

¶ Impetum. 213.

Lectio ij.

SED cum falsus rumor exisset, tamquam vita excessisset Antiochus, assumptis Jason non minus mille viris, repénite aggréssus est civitátem : et civibus ad murum convolántibus, ad últimum apprehénsa civitáte, Meneláus fugit in arcem : Jason vero non parcébat in cæde civibus suis, nec cogitábat prosperitátem advérsus cognátos malum esse máximum, árbitrans hóstium et

non civium se trophæa capturum. Et principatum quidem non obtinuit, finem vero insidiarum suarum confusionem accepit, et profugus iterum abiit in Ammaniten.

℞. Congregatæ. 214.

Lectio iij.

AD ultimum, in exitium sui conclusus ab Aréta Arabum tyranno fugiens de civitate in civitatem, omnibus odiosus, ut refuga legum et execrabilis, ut patriæ et civium hostis, in Ægyptum extrusus est: et qui multos de patria sua expulerat, peregre periit, Lacedæmonas profectus, quasi pro cognatione ibi refugium habiturus: et qui insepultos multos abjecerat, ipse et illamentatus, et insepultus abjicitur, sepultura neque peregrina usus, neque patrio sepulcro participans.

℞. Tua est. 214.

SABBATO

De libro secundo Machabæorum.

Lectio j. Cap. 6.

SED non post multum temporis misit rex Antiochus senem quemdam Antiochenum, qui compelleret Judæos ut se transferrent a patriis, et Dei legibus: contaminare etiam quod in Jerosolymis erat templum, et cognominare Jovis Olympii: et in Garizim, prout erant hi, qui locum inhabitabant, Jovis hospitalis. Péssima au-

tem et universis gravis erat malorum incursio: nam templum luxuria, et comessationibus gentium erat plenum, et scortantium cum meretricibus, sacratisque ædibus mulieres se ultro ingerébant, intro ferentes ea, quæ non licébat.

℞. Refulsit sol. 192.

Lectio ij.

ALTARE etiam plenum erat illicitis, quæ legibus prohibebantur. Neque autem sabbata custodiebantur, neque dies solèmnès patrii servabantur, nec simpliciter Judæum se esse quisquam confitebatur. Ducebantur autem cum amara necessitate in die natalis regis ad sacrificia: et, cum Liberi sacra celebrarentur, cogebantur hédèra coronati Libero circumcuire. Decrètum autem exiit in próximas gentium civitates, suggerentibus Ptolemæis, ut pari modo et ipsi adversus Judæos agerent, ut sacrificarent: eos autem, qui nollent transire ad instituta gentium, interficerent: erat ergo videre misèriam.

℞. Ornavérunt. 193.

Lectio iij.

DUÆ enim mulieres delatæ sunt natos suos circumcidisse: quas, infántibus ad úbera suspénsis, cum publice per civitatem circumduxissent, per muros precipitavérunt. Alii vero, ad próximas coeúntes spelúnkas, et latènter sabbati diem

celebrántes, cum indicáti essent Philíppo, flammissucénsi sunt, eo quod vérebántur propter religiónem et observántiam, manu sibi met auxiliúm ferre. Obsecro áutem eos, qui hunc librum lectúri sunt, ne abhorréscant propter advérsos casus, sed réputent, ea, quæ acciderunt, non ad intéritum, sed ad correptionem esse géneris nostri.

℟. In hymnis. 193.

SABBATO

ANTE DOM. V. OCTOBRIS

Nisi sit dimittenda, quia hæc proximior sit Kalendis Novembris.

Ad Magnif. Ant. Tua est poténtia, * tuum regnum Dómine, tu es super omnes gentes : da pacem Dómine in diébus nostris.

℣. Vespertína orátio ascéndat ad te Dómine. ℟. Et descéndat super nos misericórdia tua.

DOMINICA. V. OCTOBRIS

IN I. NOCTURNO

De libro secúndo Machabæórum.

Lectio j. Cap. 6. d

IGITUR Eleázarus unus de primóribus scribárum, vir ætáte provéctus, et vultu decórus, apérto ore hians compellebátur carnem porcínam manducáre. At ille gloriosíssimam mortem magis quam odibilem vitam compléctens, voluntárie præibat

ad supplicium. Intuens áutem, quemádmódum oportéret accédere, patiénter sústinens, destinávit non admittere illicita propter vitæ amórem. Hi áutem, qui adstábant, iniqua miseratióne commóti, propter antíquam viri amicitiam, tolléntes eum secréto rogábant afférri carnes, quibus vesci ei licébat, ut simularétur manducásse, sicut rex imperáverat de sacrificii cárnibus : ut, hoc facto, a morte liberarétur : et propter véterem viri amicitiam, hanc in eo faciébant humanitátem.

℟. Adapériat. 212.

Lectio ij.

AT ille cogitare cœpit ætátis ac senectútis suæ eminentiam dignam, et ingénitæ nobilitátis canitiem, atque a púero óptimæ conversatiónis actus : et secúndum sanctæ et a Deo cónditæ legis constitúta, respóndit cito, dicens, præmitti se velle in inférnum. Non enim ætati nostræ dignum est, inquit, fingere : ut multi adolescéntium, arbitrántes Eleázarus nonaginta annórum transísse ad vitam alienigenárum : et ipsi propter meam simulatiónem, et propter módicum corruptibilis vitæ tempus decipiántur, et per hoc máculam, atque exsecratiónem meæ senectúti conquíram. Nam, etsi in præsénti témpore suppliciis hóminum erípiar, sed manum Omnipoti-

téntis nec vivus, nec defunctus effúgiam. Quam ob rem fórtiter víta excedéndo, se-nectúte quidem dignus apparebo : adolescentibus áutem exémplum forte relinquam, si prompto ánimo, ac fórtiter pro gravíssimis ac sanctíssimis légibus honésta morte perfúngar. His dictis, conféstim ad supplicium trahebátur.

℞. Exáudiat. 213.

Lectio iij. Cap. 7.

CONTIGIT áutem et septem fratres una cum matre sua apprehénsos, compélli a rege édere contra fas carnes porcínas, flagris, et táureis cruciátos. Unus áutem ex illis, qui erat primus, sic ait : Quid quæris, et quid vis discere a nobis? paráti sumus mori, magis, quam pátrias Dei leges prævaricári. Irátus itaque rex jussit sartágines, et ollas æneas succéendi : quibus statim succénsis, jussit, ei qui prior fúerat locútus, amputári linguam : et, cute cápitis abstrácta, summas quoque manus et pedes ei præscíndi, cæteris ejus frátribus, et matre inspiciéntibus. Et, cum jam per ómnia inútilis factus esset, jussit ignem admóverí, et adhuc spirántem torréri in sartágine : in qua cum diu cruciarétur, cæteri una cum matre invicem se hortabántur mori fórtiter.

℞. Congregáti sunt inimici. 213.

IN II. NOCTURNO

Sermo sancti Gregórii Nazianzéni.

Oratio 20. de Machabæis.

Lectio iv.

ELEÁZARUS primitiæ eórum qui hic ante Christum sunt passi, quemádmódum post Christum Stéphanus. Is vir et sacérdos et senex, canus capillis, canus et prudentia, prius quidem pro pópulo sacrificábat et orábat : nunc áutem semetípsum hóstiam óbtulit Deo perfectíssimam ad totíus pópuli expiatiónem, fáustum certáminis iníitium, ad quod loquens páriter ac tacens cohortabátur. Obtulit áutem et filios septem, suæ fructus disciplinæ, hóstiam vivéntem, sanctam, beneplácitam Deo, omni legáli sacrificio splendidiórem et puriorem : quæ sunt enim filiórum, ad patrem reférri, æquíssimum ac justíssimum est.

℞. Impetum. 213.

Lectio v.

IBI tum generósi et magnánimi púeri, generósæ matris nóbilis proles, gloriósi veritátis propugnatóres, Antiochi tempóribus excelsiões, veri Mosáicæ legis discipuli, paternórum rítuum observantíssimi, númerus apud Hebræos laudábilis, et propter septenáriæ quiétis mystérium venerábilis, unum spirántes, unum spectántes, unum illud ad vitam iter

agnoscéntes, ut mortem Dei cǎusa susciperent : non minus ánimis fratres quam corpóribus, inter se mútuæ mortis æmuli : o rem admirándam ! torménta quasi thesáuros præripiéntes, pro magistra lege pericula subeúntes, quæ non magis illáta formidábant, quam relicta requirébant, unum illud vériti, ne tyránnus a pœnis desisteret, ne quis ipsórum sine coronæ præmio discéderet, ne invíti fratres álii ab álio sejungeréntur, et ne, in eo discrimine cruciátibus erépti, mala victória superarent.

℞. Congregátæ. 214.

Lectio vj.

ERAT ibi fortis et generósa mater, puerórum simul ac Dei amans, cujus máterna víscera supra natúræ consuetúdinem dilaniabántur. Non enim filiórum, qui in torméntis erant, miserebátur, sed timóre angebátur, ne non ea susciperent : neque magis eos, qui e vita migráverant, desiderábat, quam precabátur, ut réliqui cum illis conjungeréntur : de quibus filiis magis quam de mórtuis, erat sollicita. Horum enim dúbium erat certámen, at illórum secúrus vitæ éxitus : atque illos quidem jam Deo adjúnxerat ; de his vero, quómodo eos Deus susciperet, laborábat. O virilem ánimum in córpore muliebri : o admirá-

bile magni ánimi increméntum !

℞. Tua est poténtia, tuum. 214.

℞. vij. Refúlsit sol. ibid.

℞. viij. Duo Séraphim. 215.

FERIA SECUNDA

De libro secúndo Machabæórum.

Lectio j. Cap. 7. b

MÓRTUO itaque illo primo, hoc modo, sequéntem deducébant ad illudéndum : et, cute cápitis ejus cum capillis abstrácta, interrogábant, si manducáret prius, quam toto córpore per membra síngula punirétur. At ille, respóndens pátria voce, dixit : Non fáciam. Propter quod et iste, sequénti loco, primi torménta suscepit : et in último spiritu constitútus, sic ait : Tu quidem scelestissime in præsénti vita nqs perdis : sed Rex mundi defúctos nos pro suis légibus in æternæ vitæ resurrectione suscitábit. Post hunc tértius illúditur, et linguam postulátus cito prótulit, et manus constánter exténdit : et cum fidúcia ait : E cælo ista possídeo, sed propter Dei leges nunc hæc ipsa despício, quóniam ab ipso me ea receptúrum spero : ita ut rex, et qui cum ipso erant, mirarentur adolescéntis ánimum, quod tamquam níhilum dúceret cruciátus.

℞. Dixit Judas. 193.

Lectio ij.

ET hoc ita defuncto, quartum vexabant similiter torquentes. Et, cum jam esset ad mortem, sic ait : Pótius estab hominibus mortu datos speim exspectare a Deo, iterum ab ipso resuscitandos : tibi enim resurrectio ad vitam non erit. Et cum admovissent quintum, vexabant eum. At ille respiciens in eum, dixit : Potestatem inter homines habens, cum sis corruptibilis, facis quod vis : noli autem putare genus nostrum a Deo esse derelictum. Tu autem patienter sustine, et videbis magnam potestatem ipsius, qualiter te, et semen tuum torquabit. Post hunc ducébant sextum, et is, mori incipiens, sic ait : Noli frustra errare : nos enim propter nosmetipsos hæc patimur peccantes in Deum nostrum, et digna admiratione facta sunt in nobis : tu autem ne existimes tibi impune futurum, quod contra Deum pugnare tentaveris.

R. Ornavérunt. 193.

Lectio iij.

SUPRA modum autem mater mirabilis, et bonorum memoria digna, quæ pereuntes septem filios sub unius diæi tempore conspiciens, bono animo ferébat propter spem, quam in Deum habebat : singulos illorum hortabatur voce patria fortiter, repléta sapientia : et,

femineæ cogitationi masculinum animum inserens, dixit ad eos : Nescio qualiter in útero meo apparuistis ; neque enim ego spiritum et animam donavi vobis et vitam, et singulorum membra non ego ipsa compégi : sed enim mundi Creátor, qui formávit hominis nativitatem, quique omnium invenit originem, et spiritum vobis iterum cum misericordia reddet et vitam, sicut nunc vosmetipsos despíctis propter leges ejus.

R. In hymnis. 193.

FERIA TERTIA

De libro secúndo Machabæorum.

Lectio j. Cap. 7. e

ANTÍOCHUS autem, contemni se arbitrátus, simul et exprobrántis voce despécta, cum adhuc adolescéntior superésset, non solum verbis hortabátur, sed et cum juraménto affirmábat se divitem et beátum factúrum, et translátum a pátriis légibus amicum habitúrum, et res necessariás ei præbitúrum. Sed ad hæc cum adolésceus nequáquam inclinárétur, vocávit rex matrem, et suadébat ei ut adolescénti fieret in salútem. Cum autem multis eam verbis esset hortátus, promísit suasúram se filio suo. Itaque inclináta ad illum, irrídens crudélem tyránnum, ait patria voce : Fili mi, miserére mei, quæ

te in útero novem ménsibus portávi, et lac triénnio dedi et álui, et in ætátem istam perdúxi.

¶ Hic est. 194.

Lectio ij.

PETO, nate, ut adspicias ad cælum, et terram, et ad ómnia, quæ in eis sunt : et intélligas, quia ex nihilo fecit illa Deus, et hóminum genus : ita fiet, ut non timeas carníficem istum, sed dignus frátribus tuis efféctus párticeps, súscipe mortem, ut in illa miseratione cum frátribus tuis te recipiam. Cum hæc illa adhuc diceret, ait adoléscens : Quem sustinélis? non obédio præcépto regis, sed præcépto legis, quæ data est nobis per Móysen. Tu vero, qui invéntor omnis malitiæ factus es in Hebræos, non effúgies manum Dei. Nos enim pro peccátis nostris hæc pátimur. Et si nobis propter increpationem, et correptionem Dóminus Deus noster módicum irátus est : sed íterum reconciliábitur servis suis.

¶ Tu Dómine. 194.

Lectio iij.

TU áutem, o sceléste, et ómnium hóminum flagitiosissime, noli frustra extólli vanis spebus in servos ejus inflammátus. Nondum enim omnipoténtis Dei, et ómnia inspiciéntis judícium effugisti. Nam fratres mei, módico nunc dolore susten-táto, sub testaménto æternæ

vitæ effécti sunt : tu vero judicio Dei justas supérbiæ tuæ pœnas exsólves. Ego áutem, sicut et fratres mei, ánimam, et corpus meum trado pro pátriis légibus : invocans Deum matúrius genti nostræ propítium fieri, teque cum torméntis, et verbéribus confitéri quod ipse est Deus solus. In me vero, et in frátribus meis désinet Omnipoténtis ira, quæ super omne genus nostrum juste superdúcta est. Tunc rex accénsus ira in hunc super omnes crudélius desævit, indigne ferens se derísus. Et hic itaque mundus óbiit, per ómnia in Dómino confidens. Novíssime áutem post filios et mater consúpta est.

¶ Aperi. 194.

FERIA QUARTA

De libro secúndo Machabæórum.

Lectio j. Cap. 8. c

CONSTITUIT áutem Nicánor, ut regi tribútum, quod Románis erat dandum, duo millia talentórum de captivitate Judæórum suppleret : statimque ad marítimas civitates misit, cónvocans ad coemptionem Judaicórum mancipiórum, promittens se nonaginta mancipia talénto distractúrum, non respiciens ad vindictam, quæ eum ab Omnipoténte esset consecutúra. Judas áutem ubi cómperit, indicávit his, qui secum erant, Judæis

Nicánoris advéntum. Ex quibus quidam formidántes, et non credéntes Dei justitiæ, in fugam vertebántur : álíi vero si quid eis supérerat vendébant, simúlque Dóminum deprecabántur, ut eriperet eos ab impio Nicánore.

℞. Refúlsit sol. 192.

Lectio ij.

CONVOCÁTIS áutem Machabæus septem millibus, qui cum ipso erant, rogábat ne hóstibus reconciliaréntur, neque metúerent iníque veniéntium advérsus se hóstium multitudínem, sed fórtiter conténderent, ante óculos habéntes contuméliam, quæ loco sancto ab his injúste esset illáta, itémque et ludibrio hábitæ civitátis injúriam, adhuc étiam véferum institúta convúlta. Nam illi quidem armis confidunt, ait, simul et audácia : nos áutem in omnipoténte Dómino, qui potest et veniéntes advérsus nos, et univérsum mundum uno nutu delére, confidimus. Admónuit áutem eos et de auxiliis Dei, quæ facta sunt erga paréntes : et quod sub Sennácherib centum octogínta quinque millia perierunt.

℞. Ornavérunt. 193.

Lectio iij.

HIS verbis constantes effecti sunt, et pro légibus, et pátria mori paráti. Constituit itaque fratres suos duces utríque órđini, Simónem, et Joséphum, et Jónathan, sub-

jéctis unicuíque millénis et quingenténis. Ad hoc étiam ab Esdra lecto illis sancto libro, et dato signo adjutórii Dei, in prima ácie ipse dux commísit cum Nicánore. Et facto sibi adjutóre Omnipoténte, interfecérunt super novem millia hóminum : majórem áutem partem exercitus Nicánoris vulneribus débilem factam fúgere compulérunt. Pécuniis vero eórum, qui ad emptiónem ipsórum vénerant, sublátis, ipsos usquequáque persecúti sunt, sed revérsi sunt hora conclúsi : nam erat ante sábbatum : quam ob cáusam non perseveravérunt insequéntes. Arma áutem ipsórum, et spólia congregántes, sábbatum agébant : benedicéntes Dóminum, qui liberávit eos in isto die, misericórdiæ initium stillans in eos. Post sábbatum vero debilibus, et órphanis, et víduis divisérunt spólia : et residua ipsi cum suis habuére.

℞. In hymnis. 193.

FERIA QUINTA

De libro secúndo Machabæórum.

Lectio j. Cap. 9.

EÓDEM témpore Antiochus inhonéste revertebátur de Pérside. Intráverat enim in eam, quæ dicitur Persépolis, et tentávit exspoliáre templum, et civitátem opprimere : sed multitudíne ad

arma concurrēte, in fugam versi sunt : et ita cōtingit ut Antiochus post fugam tūrpiter rediret. Et cum venisset circa Ecbátanam, recognōvit quæ erga Nicánorem, et Timótheum gesta sunt. Elátus autem in ira, arbitrabátur se injúriam illórum, qui se fugáverant, posse in Judæos retorquere : ideóque jussit agitári currum suum, sine intermissiōne agens iter, cælesti eum judicio perurgēte, eo quod ita supérbe locútus est se ventúrum Jerosólymam, et congériem sepúlcri Judæórum eam factúrum.

℞. Adapériat. 212.

Lectio ij.

SED qui univérsa cōspicit Dóminus Deus Israël, percússit eum insanábili, et invisibili plaga. Ut enim finivit hunc ipsum sermónem, apprehéndit eum dolor dirus viscerum, et amára internórum torménta : et quidem satis juste, quippe qui multis, et novis cruciátibus aliórum tórserat viscera, licet ille nullo modo a sua malitia cessáret. Super hoc autem supérbia replétus, ignem spirans ánimo in Judæos, et præcípiens accelerári négótium, cōtingit illum impetu eúntem de curru cádere, et gravi córporis collisiōne membra vexári.

℞. Exáudiat. 213.

Lectio iij.

ISQUE qui sibi videbátur étiam flúctibus maris im-

peráre, supra humánum modum supérbia replétus, et móntium altitúdines in statera appēdere, nunc humiliátus ad terram in gestatório portabátur, manifestam Dei virtútem in semetípso contéstans : ita ut de córpore impii vermes scaturirent, ac vivéntis in dolóribus carnes ejus efflúerent, odóre étiam illius et foetóre exércitus gravarétur. Et qui páulo ante sídera cæli contingere se arbitrabátur, eum nemo póterat propter intolerántiam foetóris portáre.

℞. Congregáti. 213.

FERIA SEXTA

De libro secúndo Machabæórum.

Lectio j. Cap. 10.

MACHABÆUS autem, et qui cum eo erant, Dómino se protegēte, templum quidem, et civitátem recépit : aras autem, quas alienígenæ per platéas extrúxerant, itémque delúbra demolitus est. Et purgáto templo, áliud altáre fecerunt : et de ignitis lapidibus igne concépto, sacrificia obtulérunt post biénnum, et incénsum, et lucernas, et panes propositiōnis posuerunt. Quibus gestis, rogábant Dóminum prostráti in terram, ne ámplius talibus malis inciderent : sed et, si quando peccássent, ut ab ipso mitius corripérētur, et non bárbaris, ac blasphé-

mis hominibus traderentur. Qua die autem templum ab alienigenis pollutum fuerat, contigit eadem die purificationem fieri, vigesima quinta mensis, qui fuit Casleu.

R. Impetum. 213.

Lectio ij.

AT Timótheus, qui prius a Judæis fuerat superatus, convocato exercitu peregrinæ multitudinis, et congregato equitatu Asiáno, advenit quasi armis Judæam capturus. Machabæus autem, et qui cum ipso erant, appropinquante illo deprecabantur Dóminum, caput terra aspergentes, lumbosque ciliciis præcincti, ad altáris crepidinem provoluti, ut sibi propitius, inimicis autem eorum esset inimicus, et adversáriis adversaretur, sicut lex dicit. Et ita post orationem, sumptis armis, longius de civitate procedentes, et próximi hóstibus effecti resederunt.

R. Congregatæ. 214.

Lectio iij.

PRIMO autem solis ortu utrique commiserunt : isti quidem victoriæ, et prosperitatis sponsorem cum virtute Dóminum habentes : illi autem ducem belli animum habebant. Sed, cum vehemens pugna esset, apparuerunt adversáriis de cælo viri quinque in equis, frænis áureis decóri, ducatum Judæis præstantes : ex quibus duo Machabæum mé-

dium habentes, armis suis circumséptum incolumem conservabant : in adversários autem tela et fúlmina jaciebant, ex quo et cæcitate confusi, et repléti perturbatione cadebant. Interfecti sunt autem viginti millia quingénti, et équites sexcenti. Timótheus vero confugit in Gázaram præsidium munitum, cui præerat Chæréas.

R. Tua est. 214.

SABBATO

De libro secúndo Machabæorum.

Lectio j. Cap. 15. b

MACHABÆUS autem semper confidebat cum omni spe auxilium sibi a Deo affuturum. Et hortabatur suos ne formidarent ad adventum nationum, sed in mente haberent adjutória sibi facta de cælo, et nunc sperarent ab Omnipotente sibi affuturam victóriam. Et allocutus eos de lege, et Prophétis, admonens étiam certamina, quæ fécerant prius, promptiores constituit eos : et ita ánimis eorum erectis, simul ostendebat géntium fallaciam, et juramentorum prævaricationem. Singulos autem illorum armavit, non clýpei, et hastæ munitióne, sed sermónibus óptimis, et exhortationibus, expósito digno fide sómnio, per quod universos lætificavit.

R. Refúlsit sol. 192.

Lectio ij.

ERAT autem hujuscemodi visus : Oniam, qui fuerat summus sacerdos, virum bonum et benignum, verendum visu, modestum moribus, et eloquio decorum, et qui a puero in virtutibus exercitatus sit, manus protendentem, orare pro omni populo Judæorum. Post hoc apparuisse et alium virum ætate, et gloria mirabilem, et magni decoris habitudine circa illum. Respondentem vero Oniam dixisse : Hic est fratrum amator, et populi Israël : hic est, qui multum orat pro populo, et universa sancta civitate, Jeremias propheta Dei. Extendisse autem Jeremiam dextram, et dedisse Judæ gladium aureum, dicentem : Accipe sanctum gladium munus a Deo, in quo deicies adversarios populi mei Israël.

℞. Ornavérunt. 193.

Lectio iij.

EXHORTÁTI itaque Judæ sermonibus bonis valde, de quibus extolli posset impetus, et animi juvenum confortari, statuérunt dimicare et confligere fortiter : ut virtus de negotiis judicaret, eo quod civitas sancta, et templum periclitarentur. Erat enim pro uxoribus, et filiis, itemque pro fratribus, et cognatis minor sollicitudo : maximus vero et primus pro sanctitate timor

erat templi. Sed et eos, qui in civitate erant, non minima sollicitudo habebat pro his, qui congressuri erant.

℞. In hymnis. 193.

SABBATO

ANTE DOM. I. NOVEMBRIS

Ad Magnif. Ant. Vidi Dóminum * sedentem super solum excelsum, et plena erat omnis terra maiestate ejus : et ea quæ sub ipso erant, replébant templum.

℣. Vespertina oratio ascendat ad te Dómine. ℞. Et descendat super nos misericordia tua.

DOMINICA I. NOVEMBRIS

IN I. NOCTURNO

Incipit liber Ezechiélis
Prophætæ.

Lectio j. Cap. 1.

ET factum est in trigésimo anno, in quarto, in quinta mensis, cum essem in medio captivorum juxta fluvium Chobar, aperti sunt cæli, et vidi visiones Dei. In quinta mensis, ipse est annus quintus transmigrationis regis Jóachin, factum est verbum Dómini ad Ezechiélem filium Buzi sacerdotem in terra Chaldæorum, secus flumen Chobar : et facta est super eum ibi manus Dómini. Et vidi, et ecce ventus turbinis veniebat ab Aquilone : et nubes magna, et ignis involvens, et splendor in circuitu ejus : et de medio ejus quasi species

eléctri, id est de médio ignis.

R. Vidi Dóminum sedentem super sólium excésum et elevátum : et plena erat omnis terra majestáte ejus : * Et ea quæ sub ipso erant, replébant templum. **V.** Séraphim stabant super illud : sex alæ uni, et sex alæ álteri. Et ea.

Lectio ij.

ET in médio ejus similitúdo quátuor animálium : et hic adspéctus eórum, similitúdo hóminis in eis. Quátuor fácies uni, et quátuor pennæ uni. Pedes eórum pedes recti, et planta pedis eórum quasi planta pedis vituli, et scintillæ quasi adspéctus æris candéntis. Et manus hóminis sub pennis eórum in quátuor pártibus : et fácies, et pennas per quátuor partes habébant. Junctæque erant pennæ eórum altérius ad álterum : non revertebántur cum incéderent : sed unumquódque ante faciém suam gradiebátur.

R. Adspice Dómine de sede sancta tua, et cógita de nobis : inclina Deus meus áurem tuam, et áudi : * Aperi óculos tuos, et vide tribulatióem nostram. **V.** Qui regis Israél, inténde, qui dedúcis velut ovem Joseph. Aperi.

Lectio iij.

SIMILITÚDO áutem vultus eórum : fácies hóminis, et fácies leónis a dextris ipsórum quátuor : fácies áutem

bovis, a sinístris ipsórum quátuor, et fácies áquilæ désuper ipsórum quátuor. Fácies eórum, et pennæ eórum exténtæ désuper : duæ pennæ singulórum jungébántur, et duæ tegébant córpora eórum : et unumquódque eórum coram fácie sua ambulábat : ubi erat impetus spiritus, illuc gradiebántur, nec revertebántur cum ambulárent.

R. Adspice Dómine, quia facta est desoláta civitas plena divítiis, sedet in tristitia dómína géntium : * Non est qui consolétur eam, nisi tu Deus noster. **V.** Plorans plorávit in nocte, et lácrymæ ejus in maxillis ejus. Non. Glória Patri. Non.

IN II. NOCTURNO

De Expositiône sancti Gregórii Papæ in Ezechiélem Prophétam.

Liber 1. Homilia 2.

Lectio iv.

USUS prophéticæ locutiónis est, ut prius persónam, tempus, locúmque describat, et póstmodum dicere mystéria prophetiæ incipiat : quátenus ad veritátem solidius ostendéndam, ante históriæ radicem figat, et post, fructus spíritus per signa et allegorias próferat. Ezéchiél itaque ætátis suæ tempus indicat, dicens : Et factum est in trigésimo anno, in quarto mense, in quinta mensis. Locum quoque denúntians, adjúngit : Cum

essem in médio captivórum juxta flumen Chobar, apérti sunt cæli, et vidi visiões Dei. Tempus étiam insínuat, subdens : In quinta mensis : ipse est annus quintus transmigrationis regis Jóachin. Qui ut bene persónam índicet, étiam genus narrat, cum súbditur : Et factum est verbum Dómini ad Ezechiélem, filium Buzi, sacerdotem.

R. Super muros tuos Jerúsalem constitui custódes : * Tota die et nocte non tacébunt laudáre nomen Dómini. **V.** Prædicábunt pópulis fortitudinem meam, et annuntiábunt géntibus glóriam meam. Tota.

Lectio v.

SED prima quæstio nobis óratur, cur is qui nihil adhuc dixerat, ita exórsus est, dicens : Et factum est in trigésimo anno. Et, namque sermo conjunctiónis est : et scimus, quia non conjúngitur sermo súbsequens, nisi sermóni præcedénti. Qui igitur nihil dixerat, cur dicit, Et factum est : cum non sit sermo, cui hoc quod incipit, subjúngat? Qua in re intuéndum est, quia sicut nos corporália, sic Prophétæ sensu spiritalia adspiciunt : eisque et illa sunt præsentia, quæ nostræ ignorántiæ abséntia vidéntur. Unde fit, ut in mente Prophetárum ita conjúcta sint exterióribus interióra, quátenus simul útraque videant : simúlque in

eis fiat et intus verbum quod áudiunt, et foris quod dicunt.

R. Muro tuo inexpugnábili circumcínge nos Dómine, et armis tuæ poténtiæ prótege nos semper : * Líbera Dómine Deus Israél clamántes ad te. **V.** Erue nos in mirabilibus tuis, et da glóriam nómini tuo. Líbera Dómine.

Lectio vj.

PATET igitur cáusa, cur qui nihil dixerat, inchoávit, dicens : Et factum est in tricésimo anno : quia hoc verbum quod foris prótulit, illi verbo quod intus audierat, conjúnxit. Continuávit ergo verba quæ prótulit visióni íntimæ, et idcirco incipit, dicens : Et factum est. Subjúnxit enim hoc quod extérius loqui inchoat : ac si et illud foris sit, quod intus vidit. Hoc áutem quod dicitur, quia in tricésimo anno spíritum prophetiæ accéperit, índicat áliquid nobis considerándum : videlicet quia juxta ratiónis usum, doctrinæ sermo non súppetit, nisi in ætáte perfécta. Unde et ipse Dóminus anno duodécimo ætátis suæ in médio doctórum in templo sedens, non docens, sed intérogans vóluit inveniri.

R. Sustinúimus pacem, et non venit : quæsívimus bona, et ecce turbátio : cognóvimus Dómine peccáta nostra : * Non in perpétuum obliviscáris nos. **V.** Peccá-

vimus, impie géssimus, iniquitatem fecimus Dómine in omnem justitiam tuam. Non. Glória Patri. Non.

R. vij. Laudábilis pópulus, * Quem Dóminus exercituum benedixit, dicens : Opus mánuum meárum tu es, heréditas mea Israël. **V.** Beáta gens, cujus est Dóminus Deus, pópulus eléctus in hereditatem. Quem.

R. viij. Duo Séraphim clamábant alter ad álterum : * Sanctus, Sanctus, Sanctus Dóminus Deus Sábaoth : * Plena est omnis terra glória ejus. **V.** Tres sunt qui testimoniúm dant in cælo, Pater, Verbum, et Spíritus sanctus : et hi tres unum sunt. Sanctus. Glória Patri. Plena.

Infra hebdomadam FERIA IV. dicuntur Responsoria ibi assignata : in Sabbato autem dicitur primum R. Laudábilis. ij. et iij. Feriæ II. sequentis.

Responsoria hujus Dominicæ dicuntur in aliis Dominicis usque ad Adventum.

FERIA SECUNDA

De Ezechiële Prophéta.

Lectio j. Cap. 2.

ET audivi loquentem ad me, et dicentem : Fili hóminis, mitto ego te ad filios Israël, ad gentes apostatrices, quæ recesserunt a me : ipsi, et patres eórum prævaricati sunt pactum meum usque ad diem hanc.

Et filii dura fácie, et indomabili corde sunt, ad quos ego mitto te : et dicés ad eos : Hæc dicit Dóminus Deus : Si forte vel ipsi áudiant, et si forte quiéscant, quóniam domus exásperans est : et scient quia prophéta fúerit in médio eórum.

R. Redémít pópulum suum, et liberávit eum : et vénient, et exsultábunt in monte Sion : et gaudébunt de bonis Dómini super fruménto, vino, et óleo : * Et ultra non esúrient. **V.** Eritque ánima eórum quasi hortus irriguus. Et.

Lectio ij.

TU ergo fili hóminis ne tímeas eos, neque sermónes eórum métuas : quóniam incréduli et subversóres sunt tecum, et cum scorpiónibus hábitas. Verba eórum ne tímeas, et vultus eórum ne formides : quia domus exásperans est. Loqueris ergo verba mea ad eos, si forte áudiant, et quiéscant : quóniam irritatóres sunt.

R. Angústia mihi sunt úndique, et quid éligam ignóro. * Mélius est mihi incidere in manus hóminum, quam derelinquere legem Dei mei. **V.** Si enim hoc égero, mors mihi est : si áutem non égero, non effúgiam manus vestras. Mélius.

Lectio iij.

TU áutem fili hóminis áudi quaecúmque loquor ad te : et noli esse exásperans

sicut domus exasperatrix est : áperi os tuum et cómede quaecúmque ego do tibi. Et vidi, et ecce manus missa ad me, in qua erat involútus liber : et expándit illum coram me, qui erat scriptus intus, et foris : et scriptæ erant in eo lamentatiónes, et carmen, et vae.

R. Misit Dóminus Angelum suum, et conclúsit ora leónum : * Et non contamináverunt : quia coram eo injustitia invénta non est in me. **V.** Misit Deus misericórdiam suam, et veritátem suam : ánimam meam eripuit de médio catulórum leónum. Et. Glória Patri. Et.

Responsoria hujus II. Feriæ repetuntur in aliis II. Feriis usque ad Adventum.

FERIA TERTIA

De Ezechiële Prophéta.

Lectio j. Cap. 3.

ET dixit ad me : Fili hóminis quodcúmque invéneris cómede : cómede volúmen istud, et vadens loquere ad filios Israë. Et apérui os meum, et cibávit me volúmine illo : et dixit ad me : Fili hóminis venter tuus cómedet, et víscera tua complebúntur volúmine isto, quod ego do tibi. Et comédi illud : et factum est in ore meo sicut mel dulce. Et dixit ad me : Fili hóminis vade ad domum Israë, et loqueris verba mea ad eos.

R. A fácie furóris tui Deus

conturbáta est omnis terra : * Sed miserére Dómine, et ne fácias consummationem. **V.** Dómine Dóminus noster, quam admirábile est nomen tuum. Sed miserére.

Lectio ij.

NON enim ad pópulum profúndi sermónis, et ignótæ linguæ tu mitteris ad domum Israë : neque ad pópulos multos profúndi sermónis, et ignótæ linguæ, quorum non possis audire sermónes : et si ad illos mitteréris, ipsi audirent te. Domus áutem Israë nolunt audire te : quia nolunt audire me. Omnis quippe domus Israë attrita fronte est, et duro corde. Ecce dedi fáciem tuam valentiórem faciébibus eórum, et frontem tuam duriórem fróntibus eórum. Ut adamántem, et ut silicem dedi fáciem tuam : ne timeas eos, neque métuas a fácie eórum : quia domus exásperans est.

R. Civitátem istam tu circúmda Dómine : et Angeli tui custódiant muros ejus. * Exáudi Dómine pópulum tuum cum misericórdia. **V.** Avertátur furor tuus Dómine a pópulo tuo, et a civitáte sancta tua. Exáudi.

Lectio iij.

ET dixit ad me : Fili hóminis omnes sermónes meos, quos ego loquor ad te, assúme in corde tuo, et áuribus tuis áudi : Et vade ingrédere ad transmigratió-

nem, ad filios pópuli tui, et loquérís ad eos, et dices eis : Hæc dicit Dóminus Deus : si forte áudiant, et quiescant. Et assúmpsit me spíritus, et audiui post me vocem commotiósni magnæ : Benedicta glória Dómini de loco suo, et vocem alárum animálium percútiéntium álteram ad álteram, et vocem rotárum sequéntium animália, et vocem commotiósni magnæ.

R. Genti peccatríci, pópulo pleno peccáto miserére, * Dómine Deus. **V.** Esto placábilis super nequitiam pópuli tui. Dómine. Glória Patri. Dómine.

Responsoria hujus III. Feriæ repetuntur in aliis III. Feriis usque ad Adventum.

FERIA QUARTA

De Ezechiële Prophéta.

Lectio j. Cap. 7.

ET factus est sermo Dómini ad me, dicens : Et tu fili hóminis, hæc dicit Dóminus Deus terræ Israël : Finis venit, venit finis super quátuor plagas terræ. Nunc finis super te, et immittam furórem meum in te : et iudicábo te juxta vias tuas : et ponam contra te omnes abominatiónes tuas. Et non parcet óculus meus super te, et non miserébor : sed vias tuas ponam super te, et abominatiónes tuæ in médio tui erunt : et sciétis quia ego Dóminus.

R. Indicábo tibi homo, quid sit bonum : aut quid Dóminus requírat a te : * Fácere iudícium et justitiam, et sollicitum ambuláre cum Deo tuo. **V.** Spera in Dómino, et fac bonitátem, et inhábita terram. Fácere.

Lectio ij.

HÆC dicit Dóminus Deus : Afflictio una, afflictio ecce venit. Finis venit, venit finis, evigilávit advérsum te : ecce venit. Venit contritio super te, qui hábitas in terra : venit tempus, prope est dies occisiónis, et non glóriæ móntium. Nunc de propínquo effúndam iram meam super te, et complébo furórem meum in te : et iudicábo te juxta vias tuas, et impónam tibi ómnia scélera tua : Et non parcet óculus meus, nec miserébor, sed vias tuas impónam tibi, et abominatiónes tuæ in médio tui erunt : et sciétis quia ego sum Dóminus percútiens.

R. Angústia mihi sunt úndique, et quid éligam ignóro. * Mélius est mihi incidere in manus hóminum, quam derelínquere legem Dei mei. **V.** Si enim hoc égero, mors mihi est : si áutem non égero, non effúgiam manus vestras. Mélius.

Lectio iij.

ECCE dies, ecce venit : egréssa est contritio, flóruit virga, germinávit supérbia : Iníquitas surréxit in virga impietátis : non ex

eis, et non ex pópulo, neque ex sónitu eórum : et non erit réquies in eis. Venit tempus, appropinquávit dies : qui emit, non lætétur : et qui vendit, non lúgeat : quia ira super omnem pópulum ejus. Quia qui vendit, ad id, quod véndidit, non revertétur, et adhuc in vivéntibus vita eórum.

℞. Misit Dóminus Angelum suum, et conclúsit ora leónum : * Et non contamináverunt : quia coram eo injustítia invénta non est in me. ✠. Misit Deus misericórdiam suam, et veritátem suam : ánimam meam eripuit de médio catulórum leónum. Et. Glória Patri. Et.

Responsoria hujus IV.
Fer. repetuntur in aliis IV.
Feriis usque ad Adventum.

FERIA QUINTA

De Ezechiële Prophéta.

Lectio j. Cap. 13.

ET factus est sermo Dómini ad me, dicens : Fili hóminis vaticináre ad prophétas Israël, qui prophétant : et dices prophetántibus de corde suo : Audite verbum Dómini. Hæc dicit Dóminus Deus : Væ prophétis insipientibus, qui sequúntur spíritum suum, et nihil vident. Quasi vulpes in désertis, prophétæ tui Israël erant. Non ascendistis ex advérso, neque opposuistis murum pro domo Israël, ut starétis in prælio in die Dómini. Vi-

dent vana, et divinant mendácium, dicéntes : Ait Dóminus : cum Dóminus non miserit eos : et perseveravérunt confirmáre sermónem.

℞. Vidi Dóminum. 229.

Lectio ij.

NUMQUID non visiónem cassam vidístis, et divinationem mendácem locúti estis? et dicitis, ait Dóminus : cum ego non sim locútus. Proptérea hæc dicit Dóminus Deus : Quia locúti estis vana, et vidístis mendácium : ideo ecce ego ad vos, dicit Dóminus Deus. Et erit manus mea super prophétas, qui vident vana, et divinant mendácium : in consílio pópuli mei non erunt, et in scriptúra domus Israël non scribéntur, nec in terram Israël ingrediéntur : et sciétis quia ego Dóminus Deus : Eo quod decéperint pópulum meum, dicéntes : Pax, et non est pax : et ipse ædificábat parietem, illi autem liniébant eum luto absque páleis.

℞. Adspice Dómine. 229.

Lectio iij.

Dic ad eos, qui liniunt absque temperaturá, quod casúrus sit : erit enim imber inúndans, et dabo lápidés prægrándes désuper irruéntes, et ventum procéllæ dissipántem. Siquidem ecce cécidit páries : numquid non dicétur vobis : Ubi est litúra, quam linístis? Proptérea hæc dicit Dóminus

Deus : Et erumpere faciam spiritum tempestatum in indignatione mea, et imber inundans in furore meo erit : et lapides grandes in ira in consumptionem. Et destruiam parietem, quem lini-
stis absque temperamento.

℞. Adspice Domine. 229.

FERIA SEXTA

De Ezechiële Prophéta.

Lectio j. Cap. 15.

ET factus est sermo Domini ad me, dicens : Fili hominis, quid fiet de ligno vitis ex omnibus lignis nemorum, quæ sunt inter ligna silvarum? Numquid tollatur de ea lignum, ut fiat opus, aut fabricabitur de ea paxillus, ut dependeat in eo quodcumque vas? Ecce igni datum est in escam : utramque partem ejus consumpsit ignis, et medietas ejus redacta est in favillam : numquid utile erit ad opus? Etiam cum esset integrum, non erat aptum ad opus : quanto magis cum illud ignis devoraverit, et combusserit, nihil ex eo fiet operis?

℞. Super muros. 230.

Lectio ij.

PROPTEREA hæc dicit Dominus Deus : Quomodo lignum vitis inter ligna silvarum, quod dedi igni ad devorandum, sic tradam habitatores Jerusalem. Et ponam faciem meam in eos : de igne egredientur, et ignis consumet eos : et scietis

quia ego Dominus, cum posuero faciem meam in eos, et dederam terram inviam, et desolatam : eo quod pravaricatores exstiterint, dicit Dominus Deus.

℞. Muro tuo. 230.

Lectio iij. Cap. 16.

ET factus est sermo Domini ad me, dicens : Fili hominis, notas fac Jerusalem abominationes suas : et dices : Hæc dicit Dominus Deus Jerusalem : Radix tua, et generatio tua de terra Chanaan : pater tuus Amorrhæus, et mater tua Cethæa. Et quando nata es in die ortus tui non est præcisus umbilicus tuus, et aqua non es lota in salutem, nec sale salita, nec involuta pannis. Non pepercit super te oculus ut faceret tibi unum de his, misertus tui : sed projecta es super faciem terræ in abjectione animæ tuæ, in die qua nata es.

℞. Sustinuimus. 230.

SABBATO

De Ezechiële Prophéta.

Lectio j. Cap. 19.

ET tu assume planctum super principes Israël, et dices : Quare mater tua leæna inter leones cubavit, in medio leunculorum nutriti catulos suos? Et eduxit unum de leunculis suis, et leo factus est : et didicit capere prædam, hominemque comedere. Et audierunt de eo gentes, et non absque

vulnéribus suis cepérunt eum : et adduxérunt eum in caténis in terram Ægypti. Quæ cum vidisset quóniam infirmáta est, et périit expectátio ejus : tulit unum de leúnculis suis, leónem constituit eum. Qui incedébat inter leónes, et factus est leo : et didicit prædam cãpere, et hómínes devorãre : didicit víduas fácere, et civitátes eórum in desértum addúcere : et desoláta est terra, et plenitúdo ejus a voce rugitus illius.

℟. Laudábilis. 231.

Lectio ij.

ET convenérunt advérsus eum gentes úndique de provinciis, et expandérunt super eum rete suum, in vulnéribus eárum captus est. Et misérunt eum in cáveam, in caténis adduxérunt eum ad regem Babylónis : miserúntque eum in cárcerem, ne audirétur vox ejus ultra super montes Israë́l. Mater tua quasi vínea in ságuine tuo super aquam plantáta est : fructus ejus, et frondes ejus crevérunt ex aquis multis. Et factæ sunt ei virgæ sólidæ in sceptrá dominántium, et exaltáta est statúra ejus inter frondes : et vidit altitúdinem suam in multi-túdine pálmitum suórum.

℟. Angústia. 231.

Lectio iij.

ET evúlsa est in ira, in terrámque projécta, et ventus urens siccávit fructum

ejus : marcuérunt, et arefáctæ sunt virgæ róboris ejus : ignis comédit eam. Et nunc transplantáta est in desértum, in terra invia, et sitiénti. Et egréssus est ignis de virga ramórum ejus, qui fructum ejus comédit : et non fuit in ea virga fortis, sceptrum dominántium. Planctus est, et erit in planctum.

℟. Misit Dóminus. 232.

SABBATO

ANTE DOM. II. NOVEMBRIS

Ad Magnif. Ant. Adspice Dómine, * quia facta est desoláta civitas plena divitiis : sedet in tristítia dómina gén-tium : non est qui consolétur eam, nisi tu Deus noster.

℣. Vespertína orátio ascéndat ad te Dómine. ℟. Et descéndat super nos misericórdia tua.

Si November habeat quinque Dominicas, tunc II. Dominica leguntur sequentes Lectiones de Ezechiele : si vero habuerit tantum quatuor, Dominica II. legetur liber Danielis positus in III. Dominica, et Sabbato ad Magnif. dicetur Ant. Muro tuo. 243. et duabus sequentibus Dominicis legentur Prophetæ minores.

DOM. II. NOVEMBRIS

IN I. NOCTURNO

De Ezechiéle Prophéta.

Lectio j. Cap. 21.

ET factus est sermo Dómini ad me, dicens : Fili

hóminis pone fáciem tuam ad Jerúsalem, et stilla ad sanctuária, et prophéta contra humum Israël : Et dices terræ Israël : Hæc dicit Dóminus Deus : Ecce ego ad te, et ejíciam gládium meum de vagina sua, et occídám in te justum et impium. Pro eo áutem quod occídi in te justum et impium, idcirco egrediétur gládus meus de vagina sua ad omnem carnem ab Austro usque ad Aquilónem : ut sciat omnis caro quia ego Dóminus edúxi gládium meum de vagina sua irrevocábilem.

¶ Vidi Dóminum. 229.

Lectio ij.

ET tu fili hóminis ingemísce in contritióne lumbórum, et in amaritudinibus ingemisce coram eis. Cumque díxerint ad te : Quare tu gemis? dices : Pro auditu : quia venit, et tabéscet omne cor, et dissolvéntur univérsæ manus, et infirmábitur omnis spíritus, et per cuncta génua fluent aquæ : ecce venit, et fiet, ait Dóminus Deus. Et factus est sermo Dómini ad me, dicens : Fili hóminis prophéta, et dices : Hæc dicit Dóminus Deus : Lóquere : Gládus, gládus exacútus est, et limátus. Ut cædat víctimas, exacútus est : ut spléndeat, limátus est : qui moves sceptrum filii mei, succidisti omne lignum. Et dedi eum ad levigándum,

ut teneátur manu : iste exacútus est gládus, et iste limátus est ut sit in manu interficiéntis.

¶ Adspice Dómine. 229.

Lectio iij.

CLAMA, et úlula fili hóminis, quia hic factus est in pópulo meo, hic in cunctis dúcibus Israël, qui fúgerant : gládio trádicti sunt cum pópulo meo, idcirco pláude super femur, quia probátus est : et hoc, cum sceptrum subvérterit, et non erit, dicit Dóminus Deus. Tu ergo fili hóminis prophéta, et pécute manu ad manum, et duplicétur gládus, ac triplicétur gládus interfectorum : hic est gládus occisiónis magnæ, qui obstupéscere eos facit, et corde tabéscere, et multiplicat ruinas.

¶ Adspice Dómine. 229.

IN II. NOCTURNO

De Expositiõe sancti Hierónymi Presbýteri in Ezechielem Prophétam.

Lib. 7. in Ezech. cap. 21.

Lectio iv.

QUIA supra dixerat : Ipsi dicunt ad me. Numquid non per parábulas lóquitur iste? et apértam pópulus flagitábat senténtiam : idcirco id quod Dóminus per metáphoram, sive parábolam, et, ut álii vertére, provérbium, est locútus, nunc manifestius lóquitur : saltus Nageb, et Darom, et Theman esse Jerúsalem, et templum illius, sancta sanctórum,

et omnem terram Judææ : flammamque quæ combustura sit saltum, intelligi gladium devorantem, qui eductus sit de vagina sua, ut interficiat justum et impium. Hoc est enim lignum viride, et lignum aridum. Unde et Dominus : Si in ligno, ait, viridi tanta faciunt, in sicco quid facient?

℞. Super muros. 230.

Lectio v.

PIMUM dixerat : Vaticināre, vel stilla ad Austrum, Africum, et Meridiem, et ad saltum Meridiānum. Quod quia videbatur obscurum, et dicta Prophætæ pópulus nesciebat, secundo pónitur manifestius, saltum Meridiānum esse Jerúsalem; et omnes infructuosas arbores, ad quarum radices securis pósita sit, intelligi habitatōres ejus, gladiumque interpretāri pro incēdio. Tértio jubetur Prophætæ, ut tacētibz illis, nec interrogātibz cur ista vaticinātus sit, faciat per quæ interrogētur, et respondeat quæ Dominus locutus est.

℞. Muro tuo. 230.

Lectio vj.

INGEMISCE, inquit, ejulare non levi voce, nec dolore moderato, sed in contritiōne lumborum : ut gemitus tuus ex imis visceribus et amaritudine animi proferatur. Et hoc facies coram eis, ut cum te interrogaverint, cur tanto gemitu

conteraris, et quid tibi mali acciderit, ut sic ingemiscas; tu eis meo sermōne respondeas : Idcirco plango, et dolorem cordis mei dissimulare non valeo, quia auditus, qui semper meis auribus insonuerat, opere complētur, et venit, imminens videlicet Babylōnii fuerētis exercitus : qui cum venerit, et vallaverit Jerúsalem, tunc tabescet omne cor, et dissolvētur universæ manus : ut occupante pavore mentes hominum, nullus audeat repugnare.

℞. Sustinuimus. 230.

℞. vij. Laudabilis. 231.

℞. viij. Duo Séraphim. *ibid.*

FERIA SECUNDA

De Ezechiēle Prophēta.

Lectio j. Cap. 33.

ET factum est verbum Domini mini ad me, dicens : Fili hominis loquere ad filios populi tui, et dices ad eos : Terra cum induxero super eam gladium, et tulerit pópulus terræ virum unum de novissimis suis, et constituerit eum super se speculatórem : et ille viderit gladium venientem super terram, et cecinerit búccina, et annuntiaverit pópulo : audiens autem, quisquis ille est, sónitum búccinæ, et non se observaverit, veneritque gladius, et tulerit eum : sanguis ipsius super caput ejus erit. Sonum búccinæ audivit, et non se observá-

vit, sanguis ejus in ipso erit : si autem se custodierit, animam suam salvabit.

℞. Redēmit. 231.

Lectio ij.

QUOD si speculātor viderit glādium veniētem, et non insonūerit būccina : et pópulus se non custodierit, venerítque glādus, et túlerit de eis ánimam : ille quidem in iniquitáte sua captus est, sánguinem autem ejus de manuspeculátoris requiram. Et tu fili hóminis, speculátorem dedi te dómui Israēl : áudiens ergo ex ore meo sermónem, annuntiábis eis ex me. Si me dicēte ad impium : Impie, morte moriēris : non fúeris locútus ut se custódiat impius a via sua : ipse impius in iniquitáte sua moriétur, sánguinem autem ejus de manu tua requiram.

℞. Angústiae. 231.

Lectio iij.

SI autem annuntiāte te ad impium ut a viis suis convertátur, non fúerit convēsus a via sua : ipse in iniquitáte sua moriétur : porro tu ánimam tuam liberásti. Tu ergo fili hóminis dic ad domum Israēl : Sic locúti estis, dicētes : Iniquitátes nostrae et peccáta nostra super nos sunt, et in ipsis nos tabēscimus : quómodo ergo vivere poterimus? Dic ad eos : Vivo ego, dicit Dóminus Deus : nolo mortem impíi, sed ut convertátur impius a via sua, et vivat. Convertimini,

convertimini a viis vestris péssimis : et quare moriēmini domus Israēl?

℞. Misit Dóminus. 232.

FERIA TERTIA

De Ezechiéle Prophéta.

Lectio j. Cap. 34.

ET factum est verbum Dómini ad me, dicens : Fili hóminis prophéta de pastóribus Israēl : prophéta, et dices pastóribus : Hæc dicit Dóminus Deus : Væ pastóribus Israēl, qui pascébant semetipsos : nonne greges a pastóribus pascúntur? Lac comedebátis, et lanis operiebámini, et quod crassum erat occidebátis : gregem autem meum non pascebátis. Quod infirmum fuit non consolidástis, et quod ægrótum non sanástis, quod confráctum est non alligástis, et quod abjéctum est non reduxistis, et quod perierat non quæsisistis : sed cum austeritáte imperabátis eis, et cum poténtia.

℞. A fácie. 232.

Lectio ij.

ET dispérsæ sunt oves meæ, eo quod non esset pastor : et factæ sunt in devoratió-nem ómnium bestiárum agri, et dispérsæ sunt. Erravérunt greges mei in cunctis món-tibus, et in univérso colle excélso : et super omnem fáciem terræ dispérsi sunt greges mei, et non erat qui requireret, non erat, inquam, qui requireret. Pro-

ptérea pastóres audite verbum Dómini : Vivo ego , dicit Dóminus Deus : quia pro eo quod facti sunt greges mei in rapinam , et oves meæ in devoratióem ómnium bestiárum agri , eo quod non esset pastor (neque enim quæsiérunt pastóres mei gregem meum) : sed pascébant pastóres semetipsos , et greges meos non pascébant : proptérea pastóres audite verbum Dómini.

¶ Civitátem istam. 232.

Lectio iij.

HÆC dicit Dóminus Deus : Ecce ego ipse super pastóres requíram gregem meum de manu eórum , et cessáre fáciam eos ut ultra non pascant gregem , nec pascant ámplius pastóres semetipsos : et liberábo gregem meum de ore eórum : et non erit ultra eis in escam. Quia hæc dicit Dóminus Deus : Ecce ego ipse requíram oves meas , et visitábo eas. Sicut visitat pastor gregem suum in die , quando fúerit in médio óvium suárum dissipatárum : sic visitábo oves meas , et liberábo eas de ómnibus locis , in quibus dispérsæ fúerant in die nubis , et caliginis.

¶ Genti peccatríci. 233.

FERIA QUARTA

De Ezechiéle Prophéta.

Lectio j. Cap. 40.

IN vigésimo quinto anno transmigratiónis nostræ ,

in exórdio anni , décima mensis , quartodécimo anno postquam percússa est civitas : in ipsa hac die facta est super me manus Dómini , et addúxit me illuc. In visiúnibus Dei addúxit me in terram Israël , et dimísit me super montem excélsu nimis : super quem erat quasi ædificium civitátis vergéntis ad Austrum. Et introduxit me illuc.

¶ Indicábo tibi. 233.

Lectio ij.

ET ecce vir , cuius erat species quasi species æris , et funiculus lineus in manu ejus , et cálamus mensúre in manu ejus : stabat áutem in porta. Et locútus est ad me idem vir : Fili hóminis vide óculis tuis , et áuribus tuis áudi , et pone cor tuum in ómnia , quæ ego osténdam tibi : quia ut ostendántur tibi addúctus es huc : annúntia ómnia , quæ tu vides , dómui Israël.

¶ Angústiae. 233.

Lectio iij.

ET ecce murus forinsecus in circúitu domus úndique , et in manu viri cálamus mensúre sex cubitórum , et palmo : et mensus est latitúdinem ædificií cálamo uno , altitúdinem quoque cálamo uno. Et venit ad portam , quæ respiciébat viam Orientálem , et ascéndit per gradus ejus : et mensus est limen portæ cálamo uno latitúdi-

nem, id est, limen unum cálamo uno in latitúdine.

℞. Misit Dóminus. 234.

FERIA QUINTA

De Ezechiéle Prophéta.

Lectio j. Cap. 41.

ET introduxit me in templum, et mensus est frontes, sex cúbitos latitúdinis hinc, et sex cúbitos latitúdinis inde, latitúdinem tabernáculi. Et latitúdo portæ, decem cubitórum erat : et látera portæ, quinque cúbitis hinc, et quinque cúbitis inde : et mensus est longitudínem ejus quadraginta cubitórum, et latitúdinem viginti cubitórum. Et introgréssus intrínsecus mensus est in fronte portæ duos cúbitos : et portam, sex cubitórum : et latitúdinem portæ, septem cubitórum.

℞. Vidi Dóminum. 229.

Lectio ij.

ET mensus est longitudínem ejus viginti cubitórum, et latitúdinem ejus viginti cubitórum, ante fáciem templi : et dixit ad me : Hoc est sanctum sanctórum. Et mensus est parietem domus sex cubitórum : et latitúdinem láteris quátuor cubitórum úndique per circúitum domus. Látera áutem, latus ad latus, bis triginta tria : et erant eminéntia, quæ ingrederéntur per parietem domus, in latéribus per circúitum, ut continérent, et

non attingerent parietem templi.

℞. Adspice Dómine. 229.

Lectio iij.

ET platéa erat in rotúndum, ascéndens sursum per cóchleam, et in cœnáculum templi deferébat per gyrum : idcirco látius erat templum in superióribus : et sic de inferióribus ascendebátur ad superióra in médium. Et vidi in domo altitúdinem per circúitum, fundáta látera ad mensúram cálami sex cubitórum spátio : et latitúdinem per parietem láteris forínsecus quinque cubitórum : et erat intérior domus in latéribus domus.

℞. Adspice Dómine. 229.

FERIA SEXTA

De Ezechiéle Prophéta.

Lectio j. Cap. 43.

ET duxit me ad portam, quæ respiciébat ad viam Orientálem. Et ecce glória Dei Israël ingrediebátur per viam Orientálem : et vox erat ei quasi vox aquárum multárum, et terra splendébat a majestáte ejus. Et vidi visionem secúndum spéciem, quam videram, quando venit ut dispérderet civitátem : et espécies secúndum adspéctum, quem videram juxta flúvium Chobar : et cécidi super fáciem meam. Et majestas Dómini ingrèssa est templum per viam portæ, quæ respiciébat ad Oriéntem. Et elevávit me spíritus,

et introdúxit me in átrium
intérius : et ecce repléta erat
glória Dómini domus.

℞. Super muros. 230.

Lectio ij.

ET audívi loquéntem ad me
de domo, et vir qui sta-
bat juxta me, dixit ad me :
Fili hóminis, locus sólii mei,
et locus vestigiórum pedum
meórum, ubi hábito in mé-
dio filiórum Israël in ætér-
num : et non pólluent ultra
domus Israël nomen san-
ctum meum, ipsi, et reges
eórum in fornicatióibus
suis, et in ruínis regum suó-
rum, et in excélsis. Qui
fabricáti sunt limen suum
juxta limen meum, et postes
suos juxta postes meos : et
murus erat inter me et eos : et
polluérunt nomen sanctum
meum in abominatióibus,
quas fecérunt : propter quod
consúmpsi eos in ira mea.

℞. Muro tuo. 230.

Lectio iij.

NUNC ergo repéllant procul
fornicatióem suam, et
ruínas regum suórum a me :
et habitábo in médio eórum
semper. Tu áutem fili hó-
minis osténde dómui Israël
templum, et confundántur
ab iniquitatibus suis, et me-
tiántur fábricam : et eru-
béscant ex ómnibus, quæ
fecérunt : Figúram domus,
et fábricæ ejus éxitus, et
intróitus, et omnem descri-
ptiόem ejus, et univérſa
præcépta ejus, cunctúmque
órdinem ejus, et omnes leges

ejus osténde eis, et scribes
in óculis eórum : ut custó-
diant omnes descriptiόnes
ejus, et præcépta illíus, et
fáciant ea.

℞. Sustinúimus. 230.

SABBATO

De Ezechiële Prophéta.

Lectio j. Cap. 47.

ET convértit me ad por-
tam domus, et ecce aquæ
egrediebántur subter limen
domus ad Oriéntem : fácies
enim domus respiciébat ad
Oriéntem : aquæ áutem de-
scendébant in latus templi
dextrum ad Meridiem altá-
ris. Et edúxit me per viam
portæ Aquilónis, et convér-
tit me ad viam foras portam
exteriórem, viam quæ respi-
ciébat ad Oriéntem : et ecce
aquæ redundántes a látere
dextro.

℞. Laudábilis. 231.

Lectio ij.

CUM egrederétur vir ad
Oriéntem, qui habébat
funiculúm in manu sua, et
mensus est mille cúbitos :
et tradúxit me per aquam
usque ad talos. Rursúmque
mensus est mille, et tradúxit
me per aquam usque ad gé-
nua : et mensus est mille,
et tradúxit me per aquam
usque ad renes. Et mensus
est mille, torréntem, quem
non pótui pertransire : quó-
niam intumúerant aquæ pro-
fúndi torréntis, qui non pot-
est transvadári.

℞. Angústia. 231.

Lectio iij.

ET dixit ad me : Certe vidisti fili hominis. Et eduxit me, et convertit ad ripam torrentis. Cumque me convertissem, ecce in ripa torrentis ligna multa nimis ex utraque parte. Et ait ad me : Aquæ istæ, quæ egrediuntur ad tumulos sabuli Orientalis, et descendunt ad plana deserti, intrabunt mare, et exhibunt, et sanabuntur aquæ. Et omnis anima vivens, quæ serpit, quocumque venerit torrens, vivet : et erunt pisces multi satis postquam venerint illuc aquæ istæ, et sanabuntur et vivent omnia, ad quæ venerit torrens.

℞. Misit Dominus. 232.

SABBATO

ANTE DOM. III. NOVEMBRIS

Ad Magnif. Ant. Muro tuo * inexpugnabili circumcinge nos Domine, et armis tuæ potentiæ protege nos semper.

℣. Vespertina oratio ascendat ad te Domine. ℞. Et descendat super nos misericordia tua.

DOM. III. NOVEMBRIS

IN I. NOCTURNO

Incipit liber Daniëlis Prophetæ.

Lectio j. Cap. 1.

ANNO tertio regni Joakim regis Juda, venit Nabuchodonosor rex Babilonis in Jerusalem, et obsedit eam; et tradidit Dominus in manu

ejus Joakim regem Juda, et partem vasorum domus Dei: et asportavit ea in terram Sennaar in domum dei sui, et vasa intulit in domum Thesauri dei sui. Et ait rex Asphenez præposito eunuchorum ut introduceret de filiis Israël, et de semine regio et tyrannorum, pueros, in quibus nulla esset macula, deceros forma, et eruditos omni sapientia, cautos scientia, et doctos disciplina, et qui possent stare in palatio regis, ut doceret eos litteras, et linguam Chaldeorum.

℞. Vidi Dominum. 229.

Lectio ij.

ET constituit eis rex annorum nam per singulos dies de cibis suis, et de vino unde bibebat ipse, ut enutriti tribus annis, postea starent in conspectu regis. Fuerunt ergo inter eos de filiis Juda, Daniël, Ananias, Misaël, et Azarias. Et imposuit eis præpositus eunuchorum nomina: Daniëli, Baltassar: Ananiæ, Sidrach: Misaëli, Mischach: et Azariæ, Abdénago. Proposuit autem Daniël in corde suo ne pollueretur de mensa regis, neque de vino potus ejus: et rogavit eunuchorum præpositum ne contaminaretur. Dedit autem Deus Daniëli gratiam et misericordiam in conspectu principis eunuchorum.

℞. Adspice Domine de sede. 229.

Lectio iij.

ET ait princeps eunuchórum ad Daniélem : Timeo ego dóminum meum regem, qui constituit vobis cibum et potum : qui si viderit vultus vestros macilentiores præ cæteris adolescéntibus coævis vestris, condemnábitis caput meum regi. Et dixit Dániel ad Málasar, quem constitúerat princeps eunuchórum super Daniélem, Ananíam, Misaélem, et Azariám : Tenta nos óbsecro servos tuos diébus decem, et dentur nobis legúmina ad vescéndum, et aqua ad bibéndum : et contempláre vultus nostros, et vultus puerórum, qui vescúntur cibo régio : et sicut videris, fácies cum servis tuis. Qui, audito sermóne hujuscémodi, tentávit eos diébus decem. Post dies áutem decem apparuérunť vultus eórum meliores, et corpulentiores præ ómnibus púeris, qui vescebántur cibo régio.

℞. Adspice. 229.

IN II. NOCTURNO

Ex libro sancti Athanásii
Epíscopi ad Vírgines.

**Liber de Virginitate, post
initium.**

Lectio iv.

SI accédant áliqui, et dicant tibi, ne frequénter jejúnes, ne imbecillior fias; ne credas illis, neque auscúltas : per istos enim inimicus hæc súggerit. Reminíscere ejus quod scriptum

est, quod, cum tres púeri, et Dániel, et álii adolescéntuli, captivi ducti essent a Nabuchodónosor rege Babylónis, jussúmque esset ut de ipsius mensa régia coméderent, et de vino bíberent; Dániel et tres púeri illi noluerunt póllui ex mensa regis, sed dixerunt eunúcho qui eos curándos suscepérat : Da nobis de seminibus terræ, et vescémur. Quibus ait eunúchus ! Timeo ego regem, qui constituit vobis cibum et potum, ne forte fácies vestræ appáreant regi squalidióres præ cæteris púeris qui régia mensa alúntur, et púniat me.

℞. Super muros. 230.

Lectio v.

CUI dixerunt illi : Tenta servos tuos dies decem, et da nobis de seminibus. Et dedit eis legúmina ad vescéndum, et aquam ad bibéndum : et introduxit eos in conspéctu regis, et visæ sunt fácies ipsórum speciosiores præter cæteros púeros, qui régia mensæ cibis nutriebántur. Vidésne quid fáciat jejúnium? Morbos sanat, distillatiónes córporis exsiccat, dáemones fugat, pravas cogitatiónes expéllit, mentem clariórem reddit, cor mundum éfficit, corpus sanctificat, dénique ad thronum Dei hóminem sistit. Et ne putes hæc témere dici, habes hujus rei testimónium in Evangéliis a Salvatóre pro-

látum. Cum enim quæsis-
sent discipuli, quonam modo
immúndi spíritus ejicerén-
tur, respóndit Dóminus: Hoc
genus non ejícitur, nisi in
oratióne et jejúnio.

℞. Muro tuo. 230.

Lectio vj.

QUISQUIS igitur ab immún-
do spíritu vexátur, si hoc
animadvértat, et hoc phár-
maco utátur, jejúnio inquam,
statim spíritus malus opprés-
sus abscédet, vim jejúnii
métuens. Valde enim dæ-
mones oblectántur crápula
et ebrietáte et córporis cóm-
modis. Magna vis in jejúnio,
et magna ac præclára fiunt
per illud: alióquin unde
hómines tam mirífica præ-
stárent, et signa per eos fie-
rent, et sanitátem infirmis
per ipsos largirétur Deus,
nisi plane ob exercitatiónes
spirituáles, et humilitátem
ánimi, et conversatiónem
bonam? Jejúnium enim An-
gelórum cibus est: et qui eo
útitur, órdinis angélici cen-
séndus est.

℞. Sustinúimus. 230.

℞. vij. Laudábilis. 231.

℞. viij. Duo Séraphim. *ibid.*

FERIA SECUNDA

De Daniéle Prophéta.

Lectio j. Cap. 2. c

TU rex vidébas, et ecce qua-
si státua una grandis: stá-
tua illa magna, et statúra
sublimis stabat contra te, et
intúitus ejus erat terríbilis.

Hujus státuæ caput ex áuro
óptimo erat, pectus áutem et
bráchia de argéto, porro
venter, et fémora ex ære.
Tibiæ áutem férreæ, pedum
quædam pars erat férrea,
quædam áutem fictilis. Vi-
débas ita, donec abscissus
est lapis de monte sine má-
nibus: et percússit státuam
in pédibus ejus férreis, et
fictilibus, et comminuit eos.
Tunc contrita sunt páriter
ferrum, testa, æs, argéntum,
et áurum, et redácta quasi
in favillam æstivæ áreæ, quæ
rapta sunt vento: nullúsque
locus invéntus est eis: lapis
áutem, qui percússerat stá-
tuam, factus est mons ma-
gnus, et implévit univérsam
terram.

℞. Redémit. 231.

Lectio ij.

HOC est sómniū: inter-
pretatióne quoque ejus
dicémus coram te, rex. Tu
rex regum es: et Deus cæli,
regnum, et fortitúdinem, et
impérium, et glóriam dedit
tibi: et ómnia, in quibus
hábitant filii hóminum, et
béstiæ agri: vólucres quo-
que cæli dedit in manu tua,
et sub ditióne tua univérsa
constituit: tu es ergo caput
áureum. Et post te consúr-
get regnum áliud minus te
argéteum: et regnum tér-
tium áliud áereum, quod
imperábit univérsæ terræ.
Et regnum quartum erit vel-
ut ferrum. Quómodo ferrum
comminuit, et domat ómnia,

sic comminuet, et cónteret ómnia hæc.

R. Angústiae. 231.

Lectio iij.

PORRO quia vidisti pedum, et digitorum partem testæ figuli, et partem férream : regnum divisum erit, quod tamen de plantário ferri oriétur, secúndum quod vidisti ferrum mistum testæ ex luto. Et digitos pedum ex parte férreos, et ex parte fictiles : ex parte regnum erit sólídum, et ex parte contrítum. Quod áutem vidisti ferrum mistum testæ ex luto, commiscebúntur quidem húmáno sémíne, sed non adhærébunt sibi, sicuti ferrum miscéri non potest testæ. In diébus áutem regnórum illórum suscitábit Deus cæli regnum, quod in ætérnum non dissipábitur, et regnum ejus álteri pópulo non tradétur : comminuet áutem, et cónsumet univérsa regna hæc : et ipsum stabit in ætérnum.

R. Misit. 232.

FERIA TERTIA

De Daniéle Prophéta.

Lectio j. Cap. 3. b

PRONUNTIÁNSQUE Nabuchodónosor rex, ait eis : Veréne Sidrach, Misach, et Abdénago deos meos non cólitis, et státuam áuream, quam constitui, non adorátis? Nunc ergo si estis paráti, quacúmque hora audiéritis sónitum tubæ, fistulæ, cítharæ, sambúcæ, et psal-

térii, et symphóniæ, omnis-que géneris musicórum, prostérnite vos, et adoráte státuam, quam feci : quod si non adoravéritis, eádem hora mittémini in fornácem ignis ardéntis : et quis est Deus, qui eripiet vos de manu mea?

R. A fácie. 232.

Lectio ij.

RESPONDÉNTES Sidrach, Misach, et Abdénago, dixerunt regi Nabuchodónosor : Non opórtet nos de hac re respondére tibi. Ecce enim Deus noster, quem cólimus, potest eripere nos de camíno ignis ardéntis, et de mánibus tuis, o rex, liberáre. Quod si nolúerit, notum sit tibi, rex, quia deos tuos non cólimus, et státuam áuream, quam erexisti, non adorámus. Tunc Nabuchodónosor replétus est furóre : et adspéctus faciéi illius immutátus est super Sidrach, Misach, et Abdénago, et præcépit ut succenderétur fornax séptuplum quam succéndi consuéverat.

R. Civitátem. 232.

Lectio iij.

ET conféstim viri illi vincti cum braccis suis, et tiáris, et calceaméntis, et véstibus missi sunt in médium fornácis ignis ardéntis. Nam jússio regis urgébat : fornax áutem succénsa erat nimis. Porro viros illos, qui miserant Sidrach, Misach, et Abdénago, interfécit flam-

ma ignis. Viri autem hi tres, id est, Sidrach, Misach, et Abdénago, ceciderunt in medio camino ignis ardentis, colligati. Et ambulabant in medio flammæ laudantes Deum, et benedicentes Domino.

℞. Genti peccatrici. 233.

FERIA QUARTA

De Danièle Propheta.

Lectio j. Cap. 4. c

RESPONDIT Baltassar, et dixit : Domine mi, somnium his, qui te oderunt, et interpretatio ejus hostibus tuis sit. Arborem, quam vidisti sublimem, atque robustam, cujus altitudo pertingit ad cælum, et adspectus illius in omnem terram : et rami ejus pulcherrimi, et fructus ejus nimius, et esca omnium in ea, subter eam habitantes bestiae agri, et in ramis ejus commorantes aves cæli : Tu es rex, qui magnificatus es, et invaluit : et magnitudo tua crevit, et pervenit usque ad cælum, et potestas tua in terminos universæ terræ.

℞. Indicabo. 233.

Lectio ij.

QUOD autem vidit rex vigilem, et sanctum descendere de cælo, et dicere : Succidite arborem, et dissipate illam, attamen germen radicum ejus in terra dimittite, et vinciat ferro et ære in herbis foris, et rore

cæli conspergatur, et cum feris sit pabulum ejus, donec septem tempora mutentur super eum : Hæc est interpretatio sententiæ Altissimi, quæ pervenit super dominum meum regem : Ejicient te ab hominibus, et cum bestiis ferisque erit habitatio tua, et fœnum ut bos comedes, et rore cæli infunderis.

℞. Angustiae. 233.

Lectio iij.

SEPTEM quoque tempora mutabuntur super te, donec scias quod dominetur Excelsus super regnum hominum, et cuicumque voluerit, det illud. Quod autem præcepit ut relinqueretur germen radicum ejus, id est arboris : regnum tuum tibi manebit postquam cognoveris potestatem esse cælestem. Quam ob rem rex consilium meum placeat tibi, et peccata tua eleemosynis redime, et iniquitates tuas misericordiis pauperum : forsitan ignoscet delictis tuis. Omnia hæc venerunt super Nabuchodonosor regem.

℞. Misit Dominus. 234.

FERIA QUINTA

De Danièle Propheta.

Lectio j. Cap. 5.

BALTASSAR rex fecit grande convivium optimatibus suis mille : et unusquisque secundum suam bibebat ætatem. Præcepit ergo jam te

muléntus ut afferréntur vasa áurea et argéntea, quæ asportáverat Nabuchodónosor pater ejus de templo, quod fuit in Jerúsalem, ut biberent in eis rex, et optimátes ejus, uxóresque ejus, et concubinæ. Tunc alláta sunt vasa áurea, et argéntea, quæ asportáverat de templo, quod fúerat in Jerúsalem : et bibérunt in eis rex, et optimátes ejus, uxóres et concubinæ illius. Bibébant vinum, et laudábant deos suos áureos, et argénteos, æreos, férreos, ligneósque et lapídeos. In eádem hora apparuérunt dígití, quasi manus hóminis scribéntis contra candelábrum in superficie parietis áulæ régiae : et rex adspiciébat artículos manus scribéntis. Tunc fácies regis commutáta est, et cogitatíones ejus conturbábant eum.

℞. Vidi Dóminum sedéntem. 229.

Lectio ij.

IGITUR introductus est Dániel coram rege. Ad quem præfátus rex ait : Tu es Dániel de filiis captivitátis Judæ, quem addúxit pater meus rex de Judæa? Audívi de te quóniam spíritum deórum hábeas : et sciéntia, intelligentiaque ac sapiéntia amplióres invéntæ sunt in te. Et nunc introgréssi sunt in conspéctu meo sapiéntes magi, ut scriptúram hanc légerent, et interpretatióem

ejus indicárent mihi : et nequívérunt sensum hujus sermónis edicere. Porro ego audívi de te, quod possis obscura interpretári, et ligáta dissólvere : si ergo vales scriptúram légere, et interpretatióem ejus indicáre mihi, púrpura vestiéris, et torquem áuream circa collum tuum habébis, et tértius in regno meo princeps eris. Ad quæ respóndens Dániel, ait coram rege : Múnera tua sint tibi, et dona domus tuæ álteri da : scriptúram áutem legam tibi, rex, et interpretatióem ejus osténdam tibi.

℞. Adspice Dómine. 229.

Lectio iij.

HÆC est áutem scriptúra, quæ digésta est : Mane, Thecel, Phares. Et hæc est interpretátio sermónis. Mane : numerávit Deus regnum tuum, et complévit illud. Thecel : appénsus es in statéra, et invéntus es minus habens. Phares : divisum est regnum tuum, et datum est Medis, et Persis. Tunc jubénte rege indútus est Dániel púrpura, et circúmdata est torques áurea collo ejus : et prædicátum est de eo quod habéret potestátem tértius in regno suo. Eádem nocte interféctus est Baltássar rex Chaldæus. Et Darius Medus succéssit in regnum annos natus sexaginta duos.

℞. Adspice Dómine, quia facta. 229.

FERIA SEXTA

De Danièle Prophéta.

Lectio j. Cap. 6. c

VIRI ergo illi curiosius inquirentes invenerunt Daniélem orantem, et obsecrantem Deum suum. Et accedentes locuti sunt regi super edicto : Rex numquid non constituisti, ut omnis homo, qui rogaret quemquam de diis, et hominibus usque ad dies triginta, nisi te, rex, mitteretur in lacum leonum? Ad quos respondens rex, ait : Verus est sermo juxta decretum Medorum, atque Persarum, quod praevaricari non licet. Tunc respondentes dixerunt coram rege : Dániel de filiis captivitatis Juda, non curavit de lege tua, et de edicto, quod constituisti : sed tribus temporibus per diem orat obsecratione sua. Quod verbum cum audisset rex, satis contristatus est : et pro Danièle posuit cor ut liberaret eum, et usque ad occasum solis laborabat ut erueret illum. Viri autem illi intelligentes regem dixerunt ei : Scito rex, quia lex Medorum, atque Persarum est ut omne decretum, quod constituerit rex, non liceat immutari.

R. Super muros. 230.**Lectio ij.**

TUNC rex praecepit : et adduxerunt Daniélem, et miserunt eum in lacum leonum. Dixitque rex Daniéli :

Deus tuus, quem colis semper, ipse liberabit te. Allatusque est lapis unus, et positus est super os laci : quem obsignavit rex annulo suo, et annulo optimatum suorum, ne quid fieret contra Daniélem. Et abiit rex in domum suam, et dormivit incenatus, cibique non sunt allati coram eo, insuper et somnus recessit ab eo. Tunc rex primo diluculo consurgens, festinus ad lacum leonum perrexit : appropinquansque lacui, Daniélem vocelacrymabili inclamavit, et affatus est eum : Dániel serve Dei viventis, Deus tuus, cui tu servis semper, putasne valuit te liberare a leonibus?

R. Muro tuo. 230.**Lectio iij.**

ET Dániel regi respondens ait : Rex in aeternum vive : Deus meus misit Angelum suum, et conclusit ora leonum, et non nocuerunt mihi : quia coram eo justitia inventa est in me : sed et coram te, rex, delictum non feci. Tunc vehementer rex gavisus est super eo, et Daniélem praecepit educi de lacu : eductusque est Dániel de lacu, et nulla laesio inventa est in eo, quia credidit Deo suo. Jubente autem rege, adducti sunt viri illi, qui accusaverant Daniélem : et in lacum leonum missi sunt, ipsi, et filii, et uxores eorum : et

non pervenérunt usque ad paviméntum laci, donec arriperent eos leónes, et ómnia ossa eórum comminuérunt.

℞. Sustinúimus. 230.

SABBATO

De Daniéle Prophéta.

Lectio j. Cap. 9.

IN anno primo Daríi filii Assuéri de sémine Medórum, qui imperávit super regnum Chaldæórum: anno uno regni ejus, ego Dániel intelléxi in libris númerum annórum, de quo factus est sermo Dómini ad Jeremiam prophétam, ut compleréntur desolatiónis Jerúsalem septuaginta anni. Et pósui fáciem meam ad Dóminum Deum meum rogáre et deprecári in jejúniis, sacco, et cinere. Et orávi Dóminum Deum meum, et conféssus sum, et dixi: Obsecro Dómine Deus magne et terribilis, custódiens pactum, et misericórdiam diligéntibus te, et custodiéntibus mandáta tua. Peccávimus, iniquitátem fécimus, ímpie égimus, et recéssimus: et declinávimus a mandátis tuis, ac judiciis.

℞. Laudábilis. 231.

Lectio ij.

ADHUC me loquente in oratione, ecce vir Gábriel, quem videram in visione a principio, cito volans tetigit me in tempore sacrificii vespertini. Et dócuit me, et

locútus est mihi, dixitque: Dániel nunc egréssus sum ut docérem te, et intelligeres. Ab exórdio precum tuarum egréssus est sermo: ego áutem veni ut indicárem tibi, quia vir desideriórum es: tu ergo animadvérte sermónem, et intéllege visiónem. Septuaginta hebdomades abbreviátæ sunt super pópulum tuum, et super urbem sanctam tuam ut consummétur prævaricatio, et finem accípiat peccátum, et deleátur iniquitas, et adducátur justitia sempitérna, et impleátur visio, et prophetia, et ungátur Sanctus sanctorum.

℞. Angústia. 231.

Lectio iij.

SCITO ergo, et animadvérte: Ab éxitu sermónis, ut iterum ædificétur Jerúsalem, usque ad Christum ducem, hebdomades septem, et hebdomades sexaginta duæ erunt: et rursum ædificábitur platéa, et muri in angústia téporum. Et post hebdomades sexaginta duas occidétur Christus: et non erit ejus pópulus, qui eum negáturus est. Et civitátem, et sanctuárium dissipábit pópulus cum duce ventúro: et finis ejus vástitas, et post finem belli statúta desolatio. Confirmábit áutem pactum multis hebdomada una: et in dimidio hebdomadis deficiet hóstia et sacrificium: et erit in templo abominatio

desolatiónis : et usque ad consummationem et finem perseverabit desolatio.

℞. Misit Dóminus. 232.

SABBATO

ANTE DOM. IV. NOVEMBRIS

Ad Magnif. Ant. Qui cælórum * cóntines thronum, et abyssos intuéris, Dómine Rex regum, montes pónderas, terram palmo concludis : exáudi nos Dómine in gemitibus nostris.

℣. Vespertina oratio ascendat ad te Dómine. ℞. Et descendat super nos misericordia tua.

DOM. IV. NOVEMBRIS

IN I. NOCTURNO

Incipit liber Osée Prophétæ.

Lectio j. Cap. 1.

VERBUM Dómini, quod factum est ad Osée filium Béeri, in diébus Ozíæ, Jóathan, Achaz, Ezechíæ regum Juda, et in diébus Jeróboam filii Joas regis Israël. Principium loquéndi Dómino in Osée : et dixit Dóminus ad Osée : Vade, sume tibi uxórem fornicatiónum, et fac tibi filios fornicatiónum : quia fórnicans fornicabitur terra a Dómino. Et ábiit, et accépit Gomer filiam Debélaïm : et concépit, et péperit ei filium.

℞. Vidi Dóminum sedentem super sólum excésum et elevátum : et plena erat omnis terra majestáte ejus :
* Et ea quæ sub ipso erant,

replébant templum. ℣. Séraphim stabant super illud : sex alæ uni, et sex alæ álteri. Et ea.

Lectio ij.

ET dixit Dóminus ad eum : Voca nomen ejus Jézrahel : quóniam adhuc módicum, et visitábo ságuinem Jézrahel super domum Jehu, et quiéscere fáciam regnum domus Israël. Et in illa die cónteram arcum Israël in valle Jézrahel. Et concépit adhuc, et péperit filiam. Et dixit ei : Voca nomen ejus Absque misericórdia : quia non addam ultra miseréri dómui Israël, sed obliuóne obliviscar eórum. Et dómui Juda miserébor, et salvábo eos in Dómino Deo suo : et non salvábo eos in arcu, et gládio, et in bello, et in equis, et in equitibus.

℞. Adspice Dómine de sede sancta tua, et cógita de nobis : inclina Deus meus áurem tuam, et áudi : * Aperi óculos tuos, et vide tribulationem nostram. ℣. Qui regis Israël, inténde, qui dedúcis velut ovem Joseph. Aperi.

Lectio iij.

ET ablactávit eam, quæ erat Absque misericórdia. Et concépit, et péperit filium. Et dixit : Voca nomen ejus : Non pópulus meus : quia vos non pópulus meus, et ego non ero vester. Et erit númerus filiórum Israël quasi aréna maris, quæ sine men-

súra est, et non numerábitur. Et erit in loco ubi dicétur eis : Non pópulus meus vos : dicétur eis : Filii Dei vivéntis. Et congregabúntur filii Juda, et filii Israël páriter : et ponent sibimet caput unum, et ascéndent de terra : quia magnus dies Jézrahel.

R. Adspice Dómine, quia facta est desoláta civitas plena divitiis, sedet in tristitia dómína géntium : *Non est qui consolétur eam, nisi tu Deus noster. **V.** Plorans plorávit in nocte, et lácrymæ ejus in maxillis ejus. Non. Glória Patri. Non.

IN II. NOCTURNO

Ex libro sancti Augustini
Episcopi de Civitate Dei.

Liber 18. Cap. 28.

Lectio iv.

OSÉE prophéta, quanto profundius quidem lóquitur, tanto operósius penetrátur. Sed áliquíd inde suméndum est, et hic ex nostra promissione ponéndum. Et erit, inquit, in loco quo dictum est eis, Non pópulus meus vos : vocabúntur et ipsi filii Dei vivi. Hoc testimónium prophéticum de vocatióne pópuli géntium, qui prius non pertinébat ad Deum, étiam Apóstoli intellexérunt.

R. Super muros tuos Jerúsalem constitui custódes : *Tota die et nocte non tacébunt laudáre nomen Dómini. **V.** Prædicábunt pópulus

lis fortitúdinem meam, et annuntiábunt géntibus glóriam meam. Tota.

Lectio v.

ET quia ipse quoque pópulus géntium spiritaliter est in filiis Abrahæ, ac per hoc recte dicitur Israël : propterea séquitur, et dicit : Et congregabúntur filii Juda, et filii Israël in idípsum : et ponent sibimet principátum unum, et ascéndent a terra. Hoc si adhuc velimus expónere, elóquii prophétici obtundétur sapor. Recolátur tamen lapis ille anguláris, et duo illi parietes, unus ex Judæis, alter ex géntibus : ille nómine filiórum Juda, iste nómine filiórum Israël : eidem uni principátui suo in idípsum inniténtes, et ascendentés agnoscántur in terra.

R. Muro tuo inexpugnábili circumcinge nos Dómine, et armis tuæ poténtiæ prótege nos semper : *Libera Dómine Deus Israël clamántes ad te. **R.** Erue nos in mirabilibus tuis, et da glóriam nómini tuo. Libera Dómine.

Lectio vj.

ISTOS áutem carnáles Israëlitas, qui nunc nolunt crédere in Christum, póstea creditúros, id est, filios eórum, (nam útique isti in suum locum moriéndotransibunt) idem Prophéta testátur, dicens : Quóniam diébus multis sedébunt filii Is-

raël sine rege, sine principe, sine sacrificio, sine altari, sine sacerdotio, sine manifestationibus. Quis non videat, nunc sic esse Judæos?

R. Sustinuimus pacem, et non venit: quæsiuimus bona, et ecce turbatio: cognouimus Domine peccata nostra: * Non in perpetuum obliuiscaris nos. **V.** Peccauimus, impie gessimus, iniquitatem fecimus Domine in omnem iustitiam tuam. Non. Glória Patri. Non.

R. vij. Laudabilis populus, * Quem Dominus exercituum benedixit, dicens: Opus manuum mearum tuas, hereditas mea Israël. **V.** Beata gens, cujus est Dominus Deus, populus electus in hereditatem. Quem.

R. viij. Duo Seraphim clamabant alter ad alterum: * Sanctus, Sanctus, Sanctus Dominus Deus Sabaoth: * Plena est omnis terra gloria ejus. **V.** Tres sunt qui testimonium dant in caelo, Pater, Verbum, et Spiritus sanctus: et hi tres unum sunt. Sanctus. Glória. Plena.

FERIA SECUNDA

De Osée Propheta.

Lectio j. Cap. 4.

AUDITE verbum Domini, filii Israël, quia iudicium Domino cum habitatoribus terræ: non est enim veritas, et non est misericordia, et non est scientia Dei in terra.

Maledictum, et mendacium, et homicidium, et furtum, et adulterium inundauerunt, et sanguis sanguinem tetigit. Propter hoc lugēbit terra, et infirmabitur omnis, qui habitat in ea, in bestia agri, et in volucre cæli: sed et pisces maris congregabuntur.

R. Redemit. 231.

Lectio ij.

VERUMTAMEN unusquisque non iudicet: et non arguatur vir: populus enim tuus sicut hi, qui contradicunt sacerdoti. Et corrues hodie, et corruet etiam propheta tecum: nocte tacere feci matrem tuam. Conticuit populus meus, eo quod non habuerit scientiam: quia tu scientiam repulisti, repellam te, ne sacerdotio fungaris mihi: et oblita es legis Dei tui, obliuiscar filiorum tuorum et ego.

R. Angustiae. 231.

Lectio iij.

SECUNDUM multitudinem eorum sic peccauerunt mihi: gloriam eorum in ignominiam commutabo. Peccata populi mei comedent, et ad iniquitatem eorum subleuabunt animas eorum. Et erit sicut populus, sic sacerdos: et visitabo super eum vias ejus, et cogitationes ejus reddam ei. Et comedent, et non saturabuntur: fornicati sunt, et non cessauerunt: quoniam Dominum dereliquerunt in non custodiendo.

R. Misit Dominus. 232.

FERIA TERTIA

Incipit Joël Propheta.

Lectio j. Cap. 1.

VERBUM Dómini, quod factum est ad Joël filium Phátuel. Audite hoc senes, et áuribus percípite omnes habitatóres terræ: si factum est istud in diébus vestris, aut in diébus patrum vestrorum? Super hoc filiis vestris narráte, et filii vestri filiis suis, et filii eórum generatióni álteræ. Residuum erúcæ comédit locústa, et residuum locústæ comédit bruchus, et residuum bruchi comédit rubigo.

R. A fácie. 232.

Lectio ij.

EXPERGISCÍMINI ébrii, et flete, et ululáte omnes, qui bibitis vinum in dulcédine: quóniam périit ab ore vestro. Gens enim ascéndit super terram meam, fortis et innumerábilis: dentes ejus ut dentes leónis: et moláres ejus ut cátuli leónis. Pósuit vineam meam in désertum, et ficum meam decorticávit: nudans spoliávit eam, et projéxit: albi facti sunt rami ejus.

R. Civitátem. 232.

Lectio iij.

PLANGE quasi virgo accincta sacco super virum pubertátis suæ. Périit sacrificium, et libátio de domo Dómini: luxérunt sacerdótes ministri Dómini. Depopuláta est régio, luxit hu-

mus: quóniam devastátum est triticum, confúsum est vinum, elánguit óleum. Confúsi sunt agrícolæ, ululavérunt vinitóres super fruménto, et hórdeo, quia périit messis agri.

R. Genti peccatrici. 233.

FERIA QUARTA

De Joële Propheta.

Lectio j. Cap. 3.

IN diébus illis, et in témpore illo cum convértero captivitátem Juda, et Jerúsalem: congregábo omnes gentes, et dedúcam eas in vallem Jósaphat: et disceptábo cum eis ibi super pópulo meo, et hereditáte mea Israël, quos dispersérunt in natió nibus, et terram meam divisérunt. Et super pópulum meum misérunt sortem: et posuérunt púerum in prostíbulo, et puéllam vendidérunt pro víno ut biberent.

R. Indicábo. 233.

Lectio ij.

VERUM quid mihi et vobis Tyrus et Sidon, et omnis términus Palæstinórū? numquid ultiónem vos reddétis mihi? et si ulciscimini vos contra me, cito velóciter reddam vicissitúdinem vobis super caput vestrum. Argéntum enim meum, et áurum tulistis: et desiderabilia mea, et pulchérissima intulistis in delúbra vestra. Et filios Juda, et filios Jerúsalem vendidistis filiis Græcórū, ut longe facerétis

eos de finibus suis. Ecce ego suscitábo eos de loco, in quo vendidistis eos : et convértam retributiónem vestram in caput vestrum.

℞. Angústiae. 233.

Lectio iij.

ET vendam filios vestros, et filias vestras in máni-bus filiórum Juda, et venúm-dabunt eos Sabáeis, genti longínquæ, quia Dóminus locútus est. Clamáte hoc in géntibus, sanctificáte bellum, suscitáte robústos : accédant, ascéndant omnes viri bellatóres. Concíдите arátra vestra in gládios, et ligónes vestros in lánceas. Infirmus dicat : Quia fortis ego sum. Erúmpite, et veníte omnes gentes de circúitu, et congregámini : ibi occúmbere fáciét Dóminus robústos tuos. Consúrgant, et ascéndant gentes in vallem Jósaphat : quia ibi sedébo ut júdicem omnes gentes in circúitu.

℞. Misit Dóminus. 234.

FERIA QUINTA

Incipit Amos Prophéta.

Lectio j. Cap. 1.

VERBA Amos, qui fuit in pastóribus dé Thécue : quæ vidit super Israëlm in diébus Oziæ regis Juda, et in diébus Jeróboam filii Joas regis Israëlm ante duos annos terræmótus. Et dixit : Dóminus de Sion rúgiét, et de Jerúsalem dabit vocem suam : et luxérunt speciósá pastó-

rum, et exsiccátus est vertex Carméli.

℞. Vidi Dóminum. 251.

Lectio ij.

HÆC dicit Dóminus : Super tribus sceléribus Damásci, et super quátuor non convértam eum : eo quod trituráverint in pláustris férreis Gálaad. Et mittam ignem in domum Azaël, et devorábit domos Bénadad. Et cón-teram vectem Damásci : et dispérdam habitatórem de campo idóli, et tenéntem sceptrum de domo voluptátis : et transferétur pópulus Sýriæ Cyrénen, dicit Dóminus.

℞. Adspice Dómine. 251.

Lectio iij.

HÆC dicit Dóminus : Super tribus sceléribus Gazæ, et super quátuor non convértam eum : eo quod trans-túlerint captivitátem perféctam, ut conclúderent eam in Idumæa. Et mittam ignem in murum Gazæ, et devorábit ædes ejus. Et dispérdam habitatórem de Azóto, et tenéntem sceptrum de Ascalóné : et convértam manum meam super Accaron, et peribunt réliqui Philisthinórum, dicit Dóminus Deus.

℞. Adspice Dómine. 252.

FERIA SEXTA

Incipit Abdías Prophéta.

Lectio j.

VÍSIO Abdíæ. Hæc dicit Dóminus Deus ad Edom : Audítum audivimus a Dó-

mino, et legátum ad gentes misit : Súrgite, et consurgá-mus advérsus eum in prælium. Ecce párvulum dedi te in géntibus : contemptibilis tu es valde. Supérbia cordis tui éxtulit te, habitántem in scissúris petrárum, exaltántem sólium tuum : qui dicis in corde tuo : Quis détrahet me in terram? Si exaltátus fúeris ut áquila, et si inter sídera posúeris nidum tuum : inde détraham te, dicit Dóminus.

℞. Super muros. 252.

Lectio ij.

SI fures introissent ad te, si latrónes per noctem, quómodo conticuisses? nonne furáti essent sufficiéntia sibi? si vindemiatóres introissent ad te, numquid saltem racémum reliquissent tibi? Quómodo scrutáti sunt Esau, investigavérunt abscondita ejus? Usque ad términum emisérunt te : omnes viri fœderis tui illusérunt tibi : invaluérent advérsus te viri pacis tuæ : qui cómedunt tecum, ponent insídias subter te : non est prudéntia in eo.

℞. Muro tuo. 252.

Lectio iij.

NUMQUID non in die illa, dicit Dóminus, perdam sapiéntes de Idumæa, et prudéntiam de monte Esau? Et timébunt fortes tui a Merídie, ut intéreat vir de monte Esau. Propter interfectiónem, et propter iniquitátem

in fratrem tuum Jacob, opériet te confúsió, et peribis in ætérnum. In die cum stares advérsus eum, quando capiébant aliéni exércitum ejus, et extránei ingrediebántur portas ejus, et super Jerúsalem mittébant sortem : tu quoque eras quasi unus ex eis.

℞. Sustinúimus. 253.

SABBATO

Incipit Jonas Prophéta.

Lectio j. Cap. 1.

ET factum est verbum Dómini ad Jonam filium Amáthi, dicens : Surge, et vade in Niniven civitátem grandem, et prædica in ea : quia ascéndit malitia ejus coram me. Et surrexit Jonas, ut fúgeret in Tharsis a fácie Dómini, et descendit in Joppen, et invénit navem eúntem in Tharsis : et dedit náulum ejus, et descendit in eam ut iret cum eis in Tharsis a fácie Dómini. Dóminus áutem misit ventum magnum in mare : et facta est tempéstas magna in mari, et navis periclitabátur cónterí.

℞. Laudábilis. 231.

Lectio ij.

ET timuérent náutæ, et clamavérunt viri ad deum suum : et misérunt vasa, quæ erant in navi, in mare, ut alleviarétur ab eis : et Jonas descendit ad interióra navis, et dormiébat sopóre gravi. Et accéssit ad eum

gubernátor, et dixit ei : Quid tu sopóre deprimeris? surge, invoca Deum tuum, si forte recógitet Deus de nobis, et non pereámus. Et dixit vir ad collégam suum : Venite, et miltámus sortes, et sciámus quare hoc malum sit nobis. Et miserunt sortes : et cécidit sors super Jonam.

℞. Angústiæ. 231.

Lectio iij.

ET dixerunt ad eum : Indica nobis cujus cáusa malum istud sit nobis : quod est opus tuum? quæ terra tua, et quo vadis? vel ex quo pópulo es tu? Et dixit ad eos : Hebræus ego sum, et Dóminum Deum cæli ego timeo, qui fecit mare et áridam. Et timuérunt viri timóre magno, et dixerunt ad eum : Quid hoc fecisti? (Cognovérunt enim viri quod a fácie Dómini fúgeret, quia indicáverat eis.) Et dixerunt ad eum : Quid faciémus tibi, et cessábit mare a nobis? quia mare ibat, et intumescébat. Et dixit ad eos : Tóllite me, et miltite in mare, et cessábit mare a vobis : scio enim ego quóniam propter me tempésta hæc grandis venit super vos.

℞. Misit. 232.

SABBATO

ANTE DOM. V. NOVEMBRIS

Ad Magnif. Ant. Super muros tuos * Jerúsalem constitui custódes : tota die et

nocte non tacébunt laudáre nomen Dómini.

℣. Vespertina orátio ascéndat ad te Dómine. ℞. Et descéndat super nos misericórdia tua.

DOM. V. NOVEMBRIS

IN I. NOCTURNO

Incipit Michæas Prophéta.

Lectio j. Cap. 1.

VERBUM Dómini, quod factum est ad Michæam Morasthiten, in diébus Jóathan, Achaz, et Ezechíæ, regum Juda : quod vidit super Samariám, et Jerúsalem. Audite pópuli omnes, et atténdat terra, et plenitúdo ejus : et sit Dóminus Deus vobis in testem, Dóminus de templo sancto suo. Quia ecce Dóminus egrediétur de loco suo : et descendet, et calcábit super excélsa terræ.

℞. Vidi Dóminum. 251.

Lectio ij.

ET consuméntur montes subtus eum : et valles scindéntur sicut cera a fácie ignis, et sicut aquæ, quæ decúrrunt in præceps. In scélere Jacob omne istud, et in peccátis domus Israël. Quod scelus Jacob? nonne Samaria? et quæ excélsa Judæ? nonne Jerúsalem? et ponam Samariám quasi acér-vum lápidum in agro cum plantátur vinea : et détraham in vallem lápidés ejus, et fundaménta ejus revelábo.

℞. Adspice. 251.

Lectio iij.

ET ómnia sculptília ejus concidéntur, et omnes mercédes ejus comburéntur igne, et ómnia idóla ejus ponam in perditionem : quia de mercédibus meretricis congregáta sunt, et usque ad mercédem meretricis reverténtur. Super hoc plan-gam, et ululábo : vadam spoliátus, et nudus : fáciam planctum velut draconum, et luctum quasi struthiónum. Quia desperáta est plaga ejus, quia venit usque ad Judam, tétigit portam pó-puli mei usque ad Jerúsalem.

℞. Adspice. 252.

IN II. NOCTURNO

De Sermóne sancti Basilii
Magni in Psalmum trigé-simum tértium.

Lectio iv.

CUM te appetitus inváserit peccándi, velim cógites horribile illud et intolerá-bile Christi tribúnal, in quo præsidébit iudex in alto et excélso throno : adstábit áu-tem omnis creatúra, ad glo-riósum illíus conspéctum contremiscens. Adducéndi étiam nos sumus singuli, eó-rum quæ in vitá gesserimus, ratióne redditúri. Mox illis qui multa mala in vita per-petrárint, terribiles quidam et defórmes assistant ángeli, igneos vultus præ se ferén-tes, atque ignem spirántes, ea re propósi et voluntátis acerbitátem ostendéntes, nocti vultu símiles, propter

mœrórem et ódium in humá-num genus.

℞. Super muros. 252.

Lectio v.

AD hæc cógites profúndum bárathrum, inextricá-biles ténebras, ignem carén-tem splendóre, uréndi qui-dem vim habéntem, sed pri-vátum lúmine : deinde vér-mium genus venénium im-mittens, et carnem vorans, inexplébiliter edens, neque umquam saturitátem sên-tiens, intolerábiles dolóres corrosiône ipsa infigens. Po-strémo, quod suppliciórum ómnium gravíssimum est, oppróbrium illud et confu-siónem sempitérnam. Hæc time, et hoc timóre corré-ptus, ánimam a peccatórum concupiscéntia tamquam fre-no quodam réprime.

℞. Muro tuo. 252.

Lectio vj.

HUNC timórem Dómini se doctúrum Prophéta promísit : docére áutem non simpliciter promísit, sed eos qui eum audire volúe-rint : non eos qui lóngius prolápsi sunt, sed qui salú-tem appeténtes accúrrunt : non aliénos a promissióni-bus, sed ex baptísmate filió-rum adoptiόνis, verbo ipsi conciliátos atque conjún-ctos. Proptérea, Veníte, in-quit, hoc est, per bona ópera accédite ad me filii, quippe qui per regeneratió-nem filii lucis éffici digni facti estis : audite, qui áures

cordis habétis apértas; timórem Dómini docébo vos : illum scilicet, quem páulo ante oratióne nostra descripsimus.

℞. Sustinúimus. 253.

℞. vij. Laudábilis. *ibid.*

℞. viij. Duo Séraphim. *ibid.*

FERIA SECUNDA

Incipit Nahum Prophéta.

Lectio j. Cap. 1.

ONUS Ninive : Liber visiónis Nahum Elcesæi. Deus æmulátor, et ulciscens Dóminus : ulciscens Dóminus, et habens furórem : ulciscens Dóminus in hostes suos, et iráscens ipse inimicis suis. Dóminus pátiens, et magnus fortitúidine, et mundans non fáciat innocentem. Dóminus in tempestáte et túrbine viæ ejus, et nébulæ pulvis pedum ejus. Increpans mare, et exsiccans illud : et ómnia flúmina ad desértum dedúcens.

℞. Redémit. 231.

Lectio ij.

INFIRMÁTUS est Basan, et Carmélus : et flos Líbani elánguit. Montes commóti sunt ab eo, et colles desoláti sunt : et contrémuit terra a fácie ejus, et orbis, et omnes habitántes in eo. Ante fáciem indignatiónis ejus quis stabit? et quis resistet in ira furóris ejus? indignatio ejus effúsa est ut ignis : et petrae dissolútæ sunt ab eo.

℞. Angústia. 231.

Lectio iij.

BONUS Dóminus, et cófortans in die tribulatiónis : et sciens sperántes in se. Et in dilúvio prætereúnte, consummatióne fáciat loci ejus : et inimicos ejus persequéntur ténebræ. Quid cogitátis contra Dóminum? consummatióne ipse fáciat : non consúrget duplex tribulatio. Quia sicut spinæ se invicem complectúntur, sic convívium eórum páriter potántium : consuméntur quasi stípula ariditate plena.

℞. Misit Dóminus. 232.

FERIA TERTIA

Incipit Hábacuc Prophéta.

Lectio j. Cap. 1.

ONUS quod vidit Hábacuc prophéta. Usquequo Dómine clamábo, et non exáudies? vociferábor ad te vim pátiens, et non salvábis? Quare ostendisti mihi iniquitatem, et labórem, vidére prædam, et injustitiam contra me? et factum est judícium, et contradictio poténtior. Propter hoc laceráta est lex, et non pervénit usque ad finem judícium : quia impius prævalet advérsus justum, propterea egréditur judícium perversum.

℞. A fácie. 232.

Lectio ij.

ADSPÍCITE in géntibus, et vidéte : admirámini, et obstupéscite : quia opus factum est in diébus vestris, quod nemo credet cum nar-

rabitur. Quia ecce ego suscitabo Chaldaeos; gentem amaram, et velocem, ambulantem super latitudinem terrae, ut possideat tabernacula non sua. Horribilis, et terribilis est: ex semetipsa iudicium, et onus ejus egrediatur.

℞. Civitatem. 232.

Lectio iij.

LEVIÓRES pardis equi ejus, et velocióres lupis verspertinis; et diffundentur equites ejus: equites namque ejus de longe venient, volabunt quasi aquila festinans ad comedendum. Omnes ad praedam venient: facies eorum ventus urens: et congregabit quasi arenam, captivitatem. Et ipse de regionibus triumphabit, et tyranni ridiculi ejus erunt: ipse super omnem munitionem ridebit, et comportabit aggerem, et capiet eam.

℞. Genti peccatrici. 233.

FERIA QUARTA

Incipit Sophonias Propheta.

Lectio j. Cap. 1.

VERBUM Domini, quod factum est ad Sophoniam filium Chusi, filii Godoliae, filii Amariae, filii Ezechie, in diebus Josiae filii Amon regis Judae. Congregans congregabo omnia a facie terrae, dicit Dominus: congregans hominem, et pecus, congregans volatilia caeli, et pisces maris: et ruinae impiorum erunt: et disperdam homi-

nes a facie terrae, dicit Dominus.

℞. Indicabo. 233.

Lectio ij.

ET extendam manum meam super Judam, et super omnes habitantes Jerusalem: et disperdam de loco hoc reliquias Baal, et nomina aedituorum cum sacerdotibus: et eos, qui adorant super tecta militiam caeli, et adorant, et jurant in Domino, et jurant in Melchom. Et qui avertuntur de post tergum Domini, et qui non quaesierunt Dominum, nec investigaverunt eum.

℞. Angustiae. 233.

Lectio iij.

SILÉTE a facie Domini Dei: Quia juxta est dies Domini, quia preparavit Dominus hostiam, sanctificavit vocatos suos. Et erit: in die hostiae Domini visitabo super principes, et super filios regis, et super omnes, qui induti sunt veste peregrina: et visitabo super omnem, qui arroganter ingreditur super limen in die illa: qui complent domum Domini Dei sui iniquitate, et dolo.

℞. Misit Dominus. 234.

FERIA QUINTA

Incipit Aggaeus Propheta.

Lectio j. Cap. 1.

IN anno secundo Darii regis, in mense sexto, in die una mensis, factum est verbum Domini in manu Aggaei prophetae ad Zorobabel fi-

lium Saláthiel, ducem Juda, et ad Jesum filium Jósedec, sacerdotem magnum, dicens: Hæc ait Dóminus exercituum, dicens: Pópulus iste dicit: Nondum venit tempus domus Dómini ædificándæ.

℞. Vidi Dóminum. 251.

Lectio ij.

ET factum est verbum Dómini in manu Aggæi prophétæ, dicens: Numquid tempus vobis est ut habitétis in dómibus laqueátis, et domus ista desérta? Et nunc hæc dicit Dóminus exercituum: Pónite corda vestra super vias vestras. Seminástis multum, et intulistis parum: comedistis, et non estis satiáti: bibístis, et non estis inebriáti: operuistis vos, et non estis calefacti: et qui mercédes congregávit, misit eas in sácculum pertúsum.

℞. Adspice Dómine. 251.

Lectio iij.

HÆC dicit Dóminus exercituum: Pónite corda vestra super vias vestras: ascéndite in montem, portáte ligna, et ædificáte domum: et acceptábilis mihi erit, et glorificábor, dicit Dóminus. Respexistis ad amplius, et ecce factum est minus: et intulistis in domum, et exsufflávi illud: quam ob cáusam, dicit Dóminus exercituum? quia domus mea desérta est, et vos festinátis unusquisque in domum suam. Propter hoc super vos

prohibiti sunt cæli ne darent rorem, et terra prohibita est ne daret germen suum.

℞. Adspice Dómine. 252.

FERIA SEXTA

Incipit Zachariás Prophéta.

Lectio j. Cap. 1.

IN mense octávo in anno secúndo Darii regis, factum est verbum Dómini ad Zachariám, filium Barachíæ filii Addo, prophétam, dicens: Irátus est Dóminus super patres vestros iracúndia. Et dices ad eos: Hæc dicit Dóminus exercituum: Convertimini ad me, ait Dóminus exercituum: et convertar ad vos, dicit Dóminus exercituum.

℞. Super muros. 252.

Lectio ij.

NE sitis sicut patres vestri, ad quos clamábant Prophétæ prióres, dicéntes: Hæc dicit Dóminus exercituum: Convertimini de viis vestris malis, et de cogitationibus vestris péssimis: et non audiérunt, neque attendérunt ad me, dicit Dóminus. Patres vestri ubi sunt? et prophétæ numquid in sempitérnum vivent?

℞. Muro tuo. 252.

Lectio iij.

VERÚMTAMEN verba mea, et légítima mea, quæ mandávi servis meis prophétis, numquid non comprehenderunt patres vestros, et convérsi sunt, et dixerunt: Sicut cogitávit Dóminus exer-

cítuum fácere nobis secúndum vias nostras, et secúndum adinventiões nostras fecit nobis.

℞. Sustinúimus. 253.

SABBATO

Incipit Malachías Prophéta.

Lectio j. Cap. 1.

ONUS verbi Dómini ad Israël in manu Malachíæ. Diléxi vos, dicit Dóminus, et dixistis : In quo dilexisti nos? Nonne frater erat Esau Jacob, dicit Dóminus, et diléxi Jacob, Esau áutem ódio hábui? et pósui montes ejus in solitúdinem, et hereditátem ejus in dracones desérti. Quod si dixerit Idu-mæa : Destrúcti sumus, sed reverténtes ædificábimus quæ destrúcta sunt : Hæc dicit Dóminus exercítuum : Isti ædificábunt, et ego déstruam : et vocabúntur términi impietátis, et pópulus, cui irátus est Dóminus usque in ætérnum.

℞. Laudábilis. 231.

Lectio ij.

ET óculi vestri vidébunt : et vos dicétis : Magnificétur Dóminus super términum Israël. Fílius honórat patrem, et servus dóminum suum : si ergo Pater ego sum, ubi est honor meus? et si Dóminus ego sum, ubi est timor meus, dicit Dóminus exercítuum? ad vos, o sacerdótes, qui despíctis nomen meum, et dixistis : In quo despéximus nomen tuum?

Offértis super altáre meum panem pollútum, et dicitis : In quo pollúimus te? In eo quod dicitis : Mensa Dómini despécta est.

℞. Angústíæ. 231.

Lectio iij.

SI offerátis cæcum ad im-molándum, nonne malum est? et si offerátis cláudum, et lánguidum, nonne malum est? offer illud duci tuo, si placúerit ei, aut si suscepérit fáciem tuam, dicit Dóminus exercítuum. Et nunc deprecámini vultum Dei ut misereátur vestri (de manu enim vestra factum est hoc) si quo modo suscípiat fácies vestras, dicit Dóminus exercítuum. Quis est in vobis, qui cláudat óstia, et incéndat altáre meum grátuito? non est mihi volúntas in vobis, dicit Dóminus exercítuum : et munus non suscípiam de manu vestra. Ab ortu enim solis usque ad occásum, magnum est nomen meum in géntibus, et in omni loco sacrificátur, et offértur nómini meo oblátio munda : quia magnum est nomen meum in géntibus, dicit Dóminus exercítuum.

℞. Misit Dóminus. 232.

SABBATO

ANTE DOM. I. ADVENTUS

AD VESPERAS

Ant. et Pss. de Psalt. 142.

Capitulum. Rom. 13. d

FRATRES : Hora est jam nos de somno súrgere. Nunc

enim propior est nostra salus, quam cum credidimus.

R. Deo grátias.

Hymnus.

CREÁTOR alme siderum,
Ætérna lux credéntium,
Jesu Redémptor ómnium,
Inténde votis súpplicum.

Qui dáemonis ne fráudibus
Períret orbis, impetu
Amóris actus, lánguidi
Mundi medéla factus es.

Commúne qui mundi ne-
fas

Ut expiáres; ad crucem
E Vírginis sacrário
Intácta prodis víctima.

Cujus potéstas glóriæ,
Noménque cum primum so-
nat;

Et cælités et ínferi
Treménte curvántur genu.

Te deprecámur últimæ
Magnum diéi Júdicem,
Armis supérnæ grátiae
Defénde nos ab hóstibus.

Virtus, honor, laus, glória
Deo Patri cum Fílio,
Sancto simul Paráclito,
In sæculórum sækula. Amen.

V. Roráte cæli désuper, et
nubes pluant justum. *R.* Ape-
riátur terra, et gérminet Sal-
vatórem.

Ad Magnif. Ant. Ecce no-
men Dómini * venit de lon-
gínquo, et cláritas ejus replet
orbem terrárum.

Oratio.

EXCITA; quæsumus Dómi-
ne, poténtiam tuam, et
veni : ut ab imminéntibus
peccatórum nostrórum perí-
culis, te mereámur prote-
génté éripi, te liberánte sal-
vári : Qui vivis et regnas
cum Deo Patre.

Commem. seu Suffragia
Sanctorum non fiunt per
totum Adventum, etiam in
Officio de Sanctis, nec de
Cruce in feriali Officio.

HOMILIE ET ORATIONES

IN DOMINICIS

PER ORDINEM DISPOSITÆ, AB UNDECIMA POST PENTECOSTEN
USQUE AD ADVENTUM

DOM. XI. POST PENTEC.

Oratio.

OMNÍPOTENS sempitérne
Deus, qui abundántia
pietátis tuæ, et mérita súp-
plicum excédis et vota : ef-
fúnde super nos misericór-
diam tuam; ut dimittas quæ
consciéntia métuit, et adjí-

cias quod orátio non præ-
súmit. Per Dóminum no-
strum.

Léctio sancti Evangélíi se-
cúndum Marcum.

Lectio vij. Cap. 7. d

IN illo témpore : Exiens Je-
sus de finibus Tyri, venit
per Sidónem ad mare Gali-

lææ, inter médios fines Decapóleos. Et réliqua.

Homilia sancti Gregórii
Papæ.

**Homil. 10. liber 1. in Ezech.,
ante medium.**

QUID est, quod créator ómnium Deus, cum surdum et mutum sanare voluisset, in áures illius suos digitos misit, et éxspuens linguam ejus tétigit? Quid per digitos Redemptóris, nisi dona sancti Spíritus designántur? Unde cum in álio loco ejecisset dæmónium, dixit: Si in digito Dei ejicio dæmónia, profecto pervénit in vos regnum Dei. Qua de re per Evangelístam álium dixisse describitur: Si ego in Spíritu Dei ejicio dæmones, igitur pervénit in vos regnum Dei. Ex quo utróque loco colligitur, quia digitus Spíritus vocátur. Digtos ergo in aurículas mittere, est per dona Spíritus sancti mentem surdi ad obediéndum aperire.

Lectio viij.

QUID est vero, quod éxspuens linguam ejus tétigit? Salíva nobis est ex ore Redemptóris, accépta sapiéntia in elóquio divíno. Saliva quippe ex cápite défluit in ore. Ea ergo sapiéntia, quæ ipse est, dum lingua nostra tángitur, mox ad prædicatiónis verba formátur. Qui suspiciens in cælum, ingémuit: non quod ipse necessárium gémitum

habéret, qui dabat quod postulábat: sed nos ad eum gémere, qui cælo præsidet, dócuit: ut et áures nostræ per donum Spíritus sancti aperiri, et lingua per salívam oris, id est, per sciéntiam divínæ locutiónis, solvi débeat ad verba prædicatiónis.

Lectio ix.

CUI mox, Ephphetha, id est, Adaperire dicitur: et statim apértæ sunt áures ejus, et solútum est vñculum linguæ ejus. Qua in re notándum est, quia propter cláusas áures dictum est, adaperire. Sed cui áures cordis ad obediéndum apértæ fúerint, ex subsequénti procul dúbio étiam linguæ ejus vñculum sólvitur: ut bona quæ ipse fécerit, étiam faciéndá áliis loquátur. Ubi bene ádditur: Et loquebátur recte. Ille enim recte lóquitur, qui prius obediéndó fécerit, quæ loquéndó ádmonet esse faciéndá.

Te Deum laudámus. 16.

Ad Bened. Ant. Cum transisset Dóminus * fines Tyri, surdos fecit audire, et mutos loqui.

V. Dóminus regnávít, decórem induit. **R.** Induit Dóminus fortitúdinem, et præcínxit se virtúte.

Ad Magnif. Ant. Bene ómnia fecit, * et surdos fecit audire, et mutos loqui.

V. Dirigátur Dómine orátio mea. **R.** Sicut incénsum in conspéctu tuo.

DOM. XII. POST PENTEC.

Oratio.

OMNÍPOTENS et miséricors Deus, de cujus múnere venit, ut tibi a fídelibus tuis digne et laudabiliter serviátur : tribue quæsumus nobis ; ut ad promissiones tuas sine offensione currámus. Per Dóminum.

Lectio sancti Evangélíi secúndum Lucam.

Lectio vij. Cap. 10. d

IN illo témpore : Dixit Jesus discipulis suis : Beáti óculi, qui vident quæ vos vidétis. Dico enim vobis, quod multi prophætæ et reges voluerunt vidére quæ vos vidétis, et non vidérunt. Et reliqua.

Homilia venerábilis Bedæ
Presbýteri.

Lib. 3. cap. 43. in Lucae 10.

NON óculi scribárum et pharisæórum, qui corpus tantum Dómini vidére ; sed illi beáti óculi, qui ejus possunt cognóscere sacraménta, de quibus dicitur : Et revelásti ea párvulis. Beáti óculi parvulórum, quibus et se et Patrem Fílius reveláre dignátur. Abraham exsultávit ut vidéret diem Christi : et vidit, et gavisus est. Isaías quoque, et Michæas, et multi álíi prophætæ vidérunt glóriam Dómini : qui et propterea Vidéntes sunt appelláti : sed hi omnes a longe adspiciéntes et salutántes,

per spéculum et in ænigmate vidérunt.

Lectio viij.

APÓSTOLI áutem in præsentíarum habéntes Dóminum, convalescentésque ei, et quæcúmque voluissent interrogádo discéntes, nequáquam per Angelos, aut várias visiónum spécies opus habébant docéri. Quos vero Lucas multos prophétas et reges dicit, Matthæus apértius prophétas et justos appellat. Ipsi sunt enim reges magni : quia tentatiónum suárum mótibus non consentiéndo succumbere, sed regéndo præesse novérunt.

Lectio ix.

ET ecce quidam legisperitus surréxit, tentans eum, et dicens : Magister, quid faciéndo vitam ætérnam possidébo? Legisperitus, qui de vita ætérna Dóminum tentans intérogat, occasiõem, ut reor, tentándi de ipsis Dómini sermónibus sumpsit, ubi ait : Gaudéte áutem quod nómina vestra scripta sunt in cælis. Sed ipsa sua tentatióne declárat, quam vera sit illa Dómini conféssio, qua Patri lóquitur : Quod abscondísti hæc a sapiéntibus et prudéntibus, et revelásti ea párvulis.

Te Deum laudámus. 16.

Ad Bened. Ant. Magister,* quid faciéndo vitam ætérnam possidébo? at ille dixit ad eum : In lege quid scriptum est? quómodo legis? Dí-

liges Dóminum Deum tuum ex toto corde tuo, allelúia.

V. Dóminus regnávit, decórem induit. **R.** Induit Dóminus fortitúdinem, et præcinxit se virtúte.

Ad Magnif. Ant. Homo quidam * descendébat a Jerúsalem in Jérico, et incidit in latrónes; qui étiam despoliavérunt eum, et plagis impóstitis abiérunt, semi-vivo relicto.

V. Dirigátur Dómine orátio mea. **R.** Sicut incénsum in conspéctu tuo.

DOM. XIII. POST PENTEC.

Oratio.

OMNÍPOTENS sempitérne Deus, da nobis fidei, spei, et caritátis augméntum : et ut mereámur ásequi quod promittis, fac nos amáre quod præcipis. Per Dóminum.

Léctio sancti Evangélíi secúndum Lucam.

Lectio vij. Cap. 17. c

IN illo témpore : Dum iret Jesus in Jerúsalem, transibat per médiam Samariam, et Galilæam. Et cum ingrederétur quoddam castéllum, occurrérunt ei decem viri leprósi. Et réliqua.

Homilia sancti Augustíni
Episcopi.

Lib. 2. quæst. Evang. cap. 40.

DE decem leprósis, quos Dóminus ita mundávit, cum ait : Ite, osténdite vos sacerdotibus; quæri potest, cur eos ad sacerdótes mise-

rit, ut cum irent, munda-réntur. Nullum enim eórum, quibus hæc corporália benefícia præstitit, invenitur misisse ad sacerdótes, nisi leprósos. Nam et illum a lepra mundáverat, cui dixit : Vade, osténde te sacerdotibus, et offer pro te sacrificium, quod præcépit Móyses, in testimónium illis. Quæréndum igitur est, quid ipsa lepra significet : non enim sanáti, sed mundáti dicúntur, qui ea caruérunt. Colóris quippe vitium est, non valetúdinis, aut integritátis sénsuum atque membrórum.

Lectio viij.

LEPRÓSI ergo non absúrde intélligi possunt, qui sciéntiam veræ fidei non habéntes, várias doctrínas profiténtur erroris. Non enim abscondunt imperítiam suam : sed pro summa perítia próferunt in lucem, et jactántia sermónis osténtant. Nulla porro falsa doctrína est, quæ non áliqua vera intermisceat. Vera ergo falsis inordináte permíxta, in una disputatione vel narratione hóminis, tamquam in unius córporis colóre apparentia, significant lepram, tamquam veris falsisque colórum fucis humana córpora variántem atque maculántem.

Lectio ix.

HI autem tam vitándi sunt Ecclésiæ, ut si fieri potest, lóngius remóti, magno

clamóre Christum interpél-
lent : sicut isti decem stetér-
runt a longe, et levavérunt
vocem, dicéntes : Jesu præ-
céptor, miserére nostri. Nam
et quod præceptórem vo-
cant, quo nómine nésco
utrum quisquam Dóminum
interpelláverit pro medicína
corporáli; satis puto signi-
ficáre, lepram falsam esse
doctrínam, quam bonus præ-
céptor abstérgit.

Te Deum laudámus. 16.

Ad Bened. Ant. Cum trans-
íret Jesus * quoddam castél-
lum, occurrérunt ei decem
viri leprosi : qui stetérunt a
longe, et levavérunt vocem,
dicéntes : Jesu præcéptor,
miserére nostri.

V. Dóminus regnávit, de-
córem induit. **R.** Induit Dó-
minus fortitúdinem, et præ-
cínxit se virtúte.

Ad Magnif. Ant. Unus áu-
tem * ex illis, ut vidit quod
mundátus est, regréssus est
cum magna voce magnífi-
cans Deum, allelúia.

V. Dirigátur Dómine orá-
tio mea. **R.** Sicut incénsum
in conspectu tuo.

DOM. XIV. POST PENTEC.

Oratio.

CUSTÓDI, Dómine quæsu-
mus, Ecclésiám tuam
propitiatióne perpétua : et
quia sine te lábitur humána
mortálitás, tuis semper au-
xiliis et abstrahátur a nóxiis,
et ad salutária dirigátur. Per
Dóminum.

Léctio sancti Evangélíi se-
cúndum Matthæum.

Lectio vij. Cap. 6. c

In illo témpore : Dixit Jesus
discípulis suis : Nemo po-
test duóbus dóminis servíre.
Et réliqua.

Homilia sancti Augustíni
Epíscopi.

**Lib. 2. de Sermone Domini
in monte, cap. 14.**

NEMO potest duóbus dó-
minis servíre. Ad hanc
ipsam intentiónem referén-
dum est quod consequénte
expónit, dicens : Aut enim
unum ódio habébit, et álte-
rum diliget : aut álterum
patiétur, et álterum contém-
net. Quæ verba diligénte
consideránda sunt : nam,
qui sint duo dómini, deín-
ceps osténdit, cum dicit :
Non potéstis Deo servíre, et
mammónæ. Mammóna apud
Hebræos divitiæ appellári
dicúntur. Cóngruit et Púni-
cum nomen : nam lucrum
Púnice mammon dicitur.

Lectio viij.

SED qui servit mammónæ,
illi útique servit, qui rebus
istis terrénis mérito suæ per-
versitátis præpósitus, magi-
strátus hujus sáeculi a Dómi-
no dicitur. Aut enim unum
ódio habébit homo, et álte-
rum diliget, id est, Deum :
aut álterum patiétur, et álte-
rum contémnet. Patiétur
enim durum et perniciosum
dóminum, quisquis servit
mammónæ : sua enim cupi-
ditáte implicátus, súbditur

diábolo, et non eum diligit. Quis enim est qui diligit diabolum? sed tamen pátitur.

Lectio ix.

IDEO, inquit, dico vobis, non habere sollicitudinem animæ vestræ quid edátis, neque cõrpori vestro quid induátis: ne forte, quamvis jam supérflua non quærántur, propter ipsa necessária cor duplicétur, et ad ipsa conquirenda, nostra detorqueátur inténtio, cum aliquid quasi misericórditer operámur: id est, ut cum consúlere alicui vidéri vólumus, nostrum emoluméntum ibi pótius, quam illius utilitatem attendámus; et ideo nobis non videámur peccáre, quia non supérflua, sed necessária sunt, quæ cónsequi vólumus.

Te Deum laudámus. 16.

Ad Bened. Ant. Nolite solliciti esse, * dicéntes: Quid manducábimus, aut quid bibémus? scit enim Pater vester, quid vobis necesse sit, allelúia.

Ÿ. Dóminus regnávít. **ut supra.** 267.

Ad Magnif. Ant. Quærite primum * regnum Dei et iustítiam ejus, et hæc ómnia adjiciéntur vobis, allelúia.

Ÿ. Dirigátur. 267.

DOM. XV. POST PENTEC.

Oratio.

ECCLÉSIAM tuam Dómine miserátio continuáta mundet et múníat: et quia sine

te non potest salva consistere, tuo semper múnere gubernétur. Per Dóminum. Lécio sancti Evangélii secúndum Lucam.

Lectio vij. Cap. 7. b

IN illo témpore: Ibat Jesus in civitatem, quæ vocátur Naïm: et ibant cum eo discipuli ejus, et turba copiósa. Et réliqua.

Homilia sancti Augustini
Episcopi.

**Sermo 44. de verbis Domini,
circa initium.**

DE júvene illo resuscitáto gavisá est mater vídua: de homínibus in spíritu quotidie suscitátis gáudet mater Ecclésia. Ille quidem mórtuus erat cõrpo: illi áutem mente. Illius mors visibilis visibíliter plangebátur: illórum mors invisibilis nec quærebátur, nec videbátur. Quæsivit ille, qui nóverat mórtuos. Ille solus nóverat mórtuos, qui póterat fácere vivos. Nisi enim ad mórtuos suscitándos venisset, Apóstolus non diceret: Surge, qui dormis, et exsúrge a mórtuis, et illuminábit te Christus.

Lectio viij.

TRES áutem mórtuos invenimus a Dómino resuscitátos visibíliter, míllia invisibíliter. Quot áutem mórtuos visibíliter suscitáverit, quis novit? Non enim ómnia, quæ fecit, scripta sunt. Joánnes hoc dixit: Multa ália fecit Jesus: quæ si scripta essent,

árbitror totum mundum non posse libros cápere. Multi ergo sunt álii sine dúbio suscitáti, sed non tres frustra commemoráti. Dóminus enim noster Jesus Christus, ea quæ faciébat corporáliter, étiam spiritaliter volébat intélligi. Neque enim tantum mirácula propter mirácula faciébat : sed ut illa quæ faciébat, mira essent vidéntibus, vera essent intelligéntibus.

Lectio ix.

QUEMÁDMODUM qui videt litteras in códice óptime scripto, et non novit légere, láudat quidem antiquárii manum, admirans ápicum pulchritúdinem : sed quid sibi velint, quid índicent illi ápices, nescit, et est óculis laudátor, mente non cógnitor. Alius áutem et láudat artificium, et capit intelléctum : ille útique, qui non solum vidére, quod comúné est ómnibus, potest, sed étiam légere; quod qui non didicit, non potest. Ita qui vidérunt Christi mirácula, et non intellexérunt quid sibi vellent, et quid intelligéntibus quodámmodo innúerent, miráti sunt tantum quia facta sunt : álii vero et facta miráti, et intellécta assecúti. Tales nos in schola Christi esse debémus.

Te Deum laudámus. 16.

Ad Bened. Ant. Ibat Jesus* in civitátem quæ vocátur Naïm : et ecce defúctus effe-

rebátur filius únicus matris suæ.

v. Dóminus regnávít. 267.

Ad Magnif. Ant. Prophéta magnus* surréxit in nobis, et quia Deus visitávit plebem suam.

v. Dirigátur Dómine. 267.

DOM. XVI. POST PENT.

Oratio.

TUA nos, quæsumus Dómine, grátia semper et prævéniat et sequátur : ac bonis opéribus júgiter præstet esse inténtos. Per Dóminum.

Léctio sancti Evangélii secundum Lucam.

Lectio vij. Cap. 14.

IN illo témpore : Cum intráret Jesus in domum cujúsdam princípis pharisæórum sábbato manducáre panem, et ipsi observábant eum. Et ecce homo quidam hydrópicus erat ante illum. Et reliqua.

Homilia sancti Ambrósii
Episcopi.

Liber 7. in Lucæ cap. 14.

CURÁTUR hydrópicus, in quo fluxus carnis exúberans ánimæ gravábat officia, spiritus exstinguébat ardórem. Deínde docétur humilitas, dum in illo convivio nuptiáli appeténtia loci superióri arcétur : cleménter tamen, ut persuásio humanitátis asperitátem coercitiónis exclúderet, rátio proficeret ad persuasiónis effectum, et corréctio emen-

dáret afféctum. Huic quasi próximo limine humanitas copulatur : quæ ita Dominicæ sententiæ definitione distinguitur, si in pauperes et debiles conferatur : nam hospitalem esse remuneraturis, affectus avaritiæ est.

Lectio viij.

POSTRÉMO jam quasi emeritæ militiæ viro contemnendarum stipendium præscribitur facultatum : quod neque ille, qui studiis intentus inferioribus possessiones sibi terrenas cõmit, regnum cæli possit adipisci, cum Dõminus dicat : Vende omnia tua, et sequere me : nec ille, qui emit boves : cum Elisæus occiderit, et pópulo diviserit quos habebat : et ille qui duxit uxorem, cõgitet quæ mundi sunt, non quæ Dei. Non quo conjugium reprehendatur, sed quia ad majorem honorem vocetur integritas : quoniam mulier innupta et vidua cõgitat quæ sunt Dõmini, ut sit sancta corpore et spiritu.

Lectio ix.

SED ut in grátiam, ut supra cum viduis, ita nunc etiam cum conjugibus revertámur : non refúgimus opiniõnem, quam sequuntur plerique, ut tria gênera hominum a consórtio magnæ illius cœnæ æstimemus excludi : Gentilium, Judæorum, Hæreticorum. Et ideo Apóstolus avaritiã dicit

esse fugiendam : ne impediti more gentili, iniquitate, malitia, impudicitia, avaritia, ad regnum Christi pervenire nequeamus. Omnis enim immundus, aut avarus, quod est idolorum servitus, non habet hereditatem in regno Christi et Dei.

Te Deum laudamus. 16.

Ad Bened. Ant. Cum intraret * Jesus in domum cuiusdam principis pharisæorum sabbato manducare panem : ecce homo quidam hydrópicus erat ante illum : ipse vero apprehensum sanavit eum, ac dimisit.

V. Dõminus regnavit. 267.

Ad Magnif. Ant. Cum vocatus fueris * ad nuptias, recumbe in novissimo loco ; dicat tibi qui te invitavit : Amice ascende superius ; et erit tibi glória coram simul discumbentibus, allelúia.

V. Dirigatur Dõmine. 267.

DOM. XVII. POST PENT.

Oratio.

DA, quæsumus Dõmine, pópulo tuo diabólica vitare contagia : et te solum Deum pura mente sectári. Per Dõminum.

Lectio sancti Evangélii secundum Matthæum.

Lectio vij. Cap. 22. d

IN illo tempore : Accesserunt ad Jesum pharisæi : et interrogavit eum unus ex eis legis doctor, tentans eum : Magister, quod est

mandátum magnum in lege?
Et reliqua.

Homilia sancti Joannis
Chrysostomi.

Homil. 72. in Matthæum.

SADDUCÆIS confúsis, pharisæi rursus aggrediuntur: cumque quiescere oporteret, decertare voluerunt: et legis peritiam profitentem præmittunt, non discere, sed tentare cupientes: ac ita interrogant: Quodnam primum mandátum in lege sit? Nam cum primum illud sit, Diliges Dóminum Deum tuum: putantes causas sibi allaturum ad mandátum hoc corrigendum, aliquid addendo, quóniam Deum se faciēbat, hoc modo interrogant. Quid igitur Christus? Ut ostēdat idcirco ad hæc eos devenisse, quia nulla in eis esset caritas, sed invidiæ livore tabescerent: Diliges, inquit, Dóminum Deum tuum: hoc primum et magnum mandátum est. Secundum autem simile huic: Diliges próximum tuum sicut teipsum.

Lectio viij.

QUAMÓBREM simile est huic? quóniam hoc illud inducit, et ab illo rursus munitur. Quicumque enim male agit, odio habet lucem, et non venit ad lucem. Et rursus: Dixit insipiens in corde suo, Non est Deus. Deinde sequitur: Corrupti sunt, et abominabiles facti sunt in studiis suis. Et ite-

rum: Radix ómnium malórum avaritia est: quam quidam appetentes, erraverunt a fide. Et, Qui diligit me, mandata mea servabit: quorum caput et radix est: Diliges Dóminum Deum tuum, et próximum tuum sicut teipsum.

Lectio ix.

Si ergo diligere Deum, diligere próximum est (nam si diligis me, o Petre, inquit, pasce oves meas): si etiam diléctio próximi facit ut mandata custodias: mérito ait in his totam legem et Prophétas pendere. Et quemadmodum in superioribus, cum de resurrectione interrogaretur, plus docuit quam tentantes petebant: sic in hoc loco de primo interrogatus mandato, secundum etiam non valde quam primum inférius, sponte attulit: secundum enim est primo simile. Ita occulte insinuavit, odio illos ad quærendum incitari. Caritas enim, inquit, non æmulatur.

Te Deum laudamus. 16.

Ad Bened. Ant. Magister,* quod est mandátum magnum in lege? Ait illi Jesus: Diliges Dóminum Deum tuum ex toto corde tuo, allelúia.

✠. Dóminus regnavit. 267.

Ad Magnif. Ant. Quid vobis videtur de Christo? *cujus filius est? Dicunt ei omnes: David. Dicit eis Jesus: Quómodo David in spiritu vocat eum Dóminum,

dicens : Dixit Dóminus Dómino meo : Sede a dextris meis?

✠. Dirigátur Dómine. 267.

DOM. XVIII. POST PENT.

Oratio.

DIRIGAT corda nostra, quæsumus Dómine, tuæ miserationis operatio : quia tibi sine te placere non possumus. Per Dóminum.

Lectio sancti Evangelii secundum Matthæum.

Lectio vii. Cap. 9.

IN illo tempore : Ascendens Jesus in naviculam, transfretavit, et venit in civitatem suam. Et reliqua.

Homilia sancti Petri Chrysologi Episcopi.

Sermone 50.

CHRISTUM in humanis actibus divina gessisse mysteria, et in rebus visibilibus invisibilia exercuisse negotia, lectio hodierna monstravit. Ascendit, inquit, in naviculam, et transfretavit, et venit in civitatem suam. Nonne ipse est, qui fugatis fluctibus, maris profunda nudavit, ut Israëliticus populus inter stupentes undas sicco vestigio velut montium concava pertransiret? Nonne hic est, qui Petri pedibus marinos vortices inclinavit, ut iter liquidum humanis gressibus solidum præberet obséquium?

Lectio viij.

ET quid est, quod ipse sibi sic maris denegat servi-

tutem, ut brevissimi lacus transitum sub mercède navtica transfretaret? Ascendit, inquit, in naviculam, et transfretavit. Et quid mirum, fratres? Christus venit suscipere infirmitates nostras, et suas nobis conferre virtutes : humana querere, præstare divina : accipere injurias, reddere dignitates : ferre tædia, referre sanitates : quia medicus, qui non fert infirmitates, curare nescit; et qui non fuerit cum infirmo infirmatus, infirmo non potest conferre sanitatem.

Lectio ix.

CHRISTUS ergo, si in suis mansisset virtutibus, commune cum hominibus nil haberet : et nisi impleret carnis ordinem, carnis in illo esset otiosa susceptio. Ascendit, inquit, in naviculam, et transfretavit, et venit in civitatem suam. Creator rerum orbis Dóminus, posteaquam se propter nos nostra angustavit in carne, coepit habere humanam patriam, coepit civitatis Judæicæ esse civis, parentes habere coepit parentum omnium ipse parens : ut invitaret amor, attraheret caritas, vinciret affectio, suaderet humanitas, quos fugarat dominatio, metus disperserat, fecerat vis potestatis extorres.

Te Deum laudamus. 16.

Ad Bened. Ant. Dixit Dó-

minus * paralytico : Confide fili, remittuntur tibi peccata tua.

✠. Dóminus regnavit. *ut supra.* 267.

Ad Magnif. Ant. Tulitergo * paralyticus lectum suum, in quo jacebat, magnificans Deum : et omnis plebs, ut vidit, dedit laudem Deo.

✠. Dirigatur. *ut supra.* 267.

DOM. XIX. POST PENT.

Oratio.

OMNÍPOTENS et miséricors Deus, universa nobis adversántia propitiátus excludé : ut mente et corpore páriter expediti, quæ tua sunt, liberis méntibus exsequámur. Per Dóminum nostrum.

Lectio sancti Evangelii secúndum Matthæum.

Lectio viij. Cap. 22.

IN illo témpore : Loquebátur Jesus principibus sacerdotum et pharisæis in parábolis, dicens : Simile factum est regnum cælórum hómini regi, qui fecit núptias filio suo. Et réliqua.

Homilia sancti Gregórii Papæ.

Homilia 38. in Evangelia, post initium.

SÆPE jam me dixisse mémini, quod plerúmque in sancto Evangelio regnum cælórum præsens Ecclésiá nominátur : congregátio quippe justórum, regnum

cælórum dicitur. Quia enim per Prophétam Dóminus dicit : Cælum mihi sedes est : et Sálomon ait : Anima justí sedes sapiéntiæ : Páulus étiam dicit Christum Dei virtútem, et Dei sapiéntiam : liquido colligere debémus, quia si Deus sapiéntia, ánima autem justí, sedes sapiéntiæ, dum cælum dicitur sedes Dei, cælum ergo est ánima justí. Hinc per Psalmistam de sanctis prædicatóribus dicitur : Cæli enarrant glóriam Dei.

Lectio viij.

REGNUM ergo cælórum est Ecclésiá justórum : quia dum eórum corda in terra nil ámbiunt, per hoc quod ad supérna suspírant, jam in eis Dóminus quasi in cælestibus regnat. Dicátur ergo : Simile est regnum cælórum hómini regi, qui fecit núptias filio suo. Jam intélligit caritas vestra, quis est iste Rex Regis filii pater : ille nimirum, cui Psalmista ait : Deus judícium tuum Regi da, et justítiam tuam filio Regis. Qui fecit núptias filio suo. Tunc enim Deus Pater Deo Filio suo núptias fecit, quando hunc in útero Vírginis humánæ natúræ conjúnxit, quando Deum ante sæcula fieri vóluit hóminem in fine sæculórum.

Lectio ix.

SED quia ex duábus persónis fieri solet ista nuptiális conjunctio ; absit hoc ab

intelléctibus nostris, ut personam Dei et hominis Redemptoris nostri Jesu Christi, ex duabus personis credamus unitam. Ex duabus quippe, atque in duabus hunc naturis exsistere dicimus : sed ex duabus personis compositum credi, ut nefas, vitamus. Apertius ergo atque securius dici potest, quia in hoc Pater Regi Filio nuptias fecit, quo ei per incarnationis mysterium sanctam Ecclesiam sociavit. Uterus autem Genitricis Virginis, hujus sponsi thalamus fuit. Unde et Psalmista dicit : In sole posuit tabernaculum suum, et ipse tamquam sponsus procedens de thalamo suo.

Te Deum laudamus. 16.

Ad Bened. Ant. Dicite invitatis : * Ecce prandium meum paravi, venite ad nuptias, alleluia.

✠. Dominus regnavit. 267.

Ad Magnif. Ant. Intravit autem Rex, * ut videret discumbentes : et vidit ibi hominem non vestitum veste nuptiali, et ait illi : Amice, quomodo huc intrasti, non habens vestem nuptialem?

✠. Dirigatur Domine. 267.

DOM. XX. POST PENT.

Oratio.

LARGIRE, quaesumus Domine, fidelibus tuis indulgentiam placatus, et pacem : ut pariter ab omnibus mundentur offensas, et se-

cúra tibi mente deserviant. Per Dominum.

Lectio sancti Evangelii secundum Joannem.

Lectio vij. Cap. 4. f

IN illo tempore : Erat quidam regulus, cujus filius infirmabatur Capharnaum. Et reliqua.

Homilia sancti Gregorii Papae.

Homil. 28. in Evangelia.

LECTIO sancti Evangelii, quam modo, fratres, audistis, expositione non indiget : sed ne hanc taciti praeteriisse videamur, exhortando potius, quam exponendo in ea aliquid loquamur. Hoc autem nobis solummodo de expositione video esse requirendum, cur is, qui ad salutem filio petendam venerat, audivit : Nisi signa et prodigia videritis, non creditis. Qui enim salutem filio quaerebat, proculdubio credebat : neque enim ab eo quaereret salutem, quem non crederet Salvatorem. Quare ergo dicitur : Nisi signa et prodigia videritis, non creditis : qui ante credidit, quam signa videret?

Lectio viij.

SED mementote quid petiit : et aperte cognoscetis, quia in fide dubitavit. Poposcit namque, ut descenderet et sanaret filium ejus. Corporalem ergo praesentiam Domini quaerebat, qui per spiritum nusquam deerat. Minus itaque in il-

lum credidit, quem non putavit posse salutem dare, nisi præsens esset et corpore. Si enim perfecte credidisset, proculdubio sciret, quia non esset locus ubi non esset Deus.

Lectio ix.

Ex magna ergo parte diffusus est, qui virtutem non dedit majestati, sed præsentiæ corporali. Salutem itaque filio petiit, et tamen in fide dubitavit : quia eum ad quem venerat, et potentem ad curandum credidit, et tamen morienti filio esse absentem putavit. Sed Dominus, qui rogatur ut vadat ; quia non desit ubi invitatur, indicat : solo jussu salutem reddidit, qui voluntate omnia creavit.

Te Deum laudamus. 16.

Ad Bened. Ant. Erat quidam regulus, * cujus filius infirmabatur Capharnaum : hic cum audisset quod Jesus veniret in Galilæam, rogabat eum, ut sanaret filium ejus.

Ÿ. Dominus regnavit. 267.

Ad Magnif. Ant. Cognovit autem pater, * quia illa hora erat, in qua dixit Jesus : Filius tuus vivit : et credidit ipse, et domus ejus tota.

Ÿ. Dirigatur Domine. 267.

DOM. XXI. POST PENT.

Oratio.

FAMILIAM tuam, quæsumus Domine, continua pietate custodi : ut a cunctis

adversitatibus te protegente sit libera ; et in bonis actibus tuo nomini sit devota. Per Dominum.

Lectio sancti Evangelii secundum Matthæum.

Lectio vij. Cap. 18. c

In illo tempore : Dixit Jesus discipulis suis parabolam hanc : Assimilatum est regnum cælorum homini regi, qui voluit rationem ponere cum servis suis. Et reliqua.

Homilia sancti Hieronymi Presbyteri.

Lib. 3. Comm. in cap. 18. Matthæi.

FAMILIARE est Syris, et maxime Palæstinis, ad omnem sermonem suum parabolas jungere : ut quod per simplex præceptum teneri ab auditoribus non potest, per similitudinem exemplaque teneatur. Præcepit itaque Dominus Petro sub comparatione regis et domini, et servi, qui debitor decem millium talentorum a domino rogans veniam impetraverat, ut ipse quoque dimittat conservis suis minora peccantibus. Si enim ille rex et dominus servo debitori decem millia talentorum tam facile dimisit : quanto magis servi conservis suis debent minora dimittere ?

Lectio viij.

QUOD ut manifestius fiat, dicamus sub exemplo. Si quis nostrum commiserit adultrium, homicidium, sa-

crilégium; majóra crimina decem millium talentorum rogántibus dimittúntur, si et ipsi dimittant minóra peccántibus. Sin áutem ob factam contuméliam simus implacábiles, et propter amárum verbum pérpetes habeámus discórdias; nonne nobis vidémur recte redigéndi in cárcerem, et sub exémplo óperis nostri hoc ágere, ut majórum nobis delictórum vénia non relaxétur?

Lectio ix.

SIC et Pater meus cæléstis fáciat vobis, si non remiséritis unusquisque fratri suo de córdibus vestris. Formidolósa senténtia, si juxta nostram mentem senténtia Dei fléctitur, atque mutátur: si parva frátribus non dimittimus, magna nobis a Deo non dimitténtur. Et quia potest unusquisque dicere: Nihil hábeo contra eum, ipse novit, habet Deum júdicem; non mihi curæ est quid velit ágere, ego ignóvi ei: confirmat senténtiam suam, et omnem simulatióem fictæ pacis evértit, dicens: Si non remiséritis unusquisque fratri suo de córdibus vestris.

Te Deum laudámus. 16.

Ad Bened. Ant. Dixit áutem * dónus servo: Redde quod debes. Prócidens áutem servus ille rogábat eum, dicens: Patiéntiam habe in me, et ómnia redam tibi.

✠. Dónus regnávít. 267.

Ad Magnif. Ant. Serve nequam, * omne débitum dimisi tibi, quóniam rogásti me: nonne ergo opórtuit et te miseréri consérvi tui, sicut et ego tui misértus sum? allelúia.

✠. Dirigátur Dómine. 267.

DOM. XXII. POST PENT.

Oratio.

DEUS, refúgium nostrum, et virtus: adésto piis Ecclésiæ tuæ précibus, áuctor ipse pietátis, et præsta: ut quod fidéliter pétimus, effícaciter consequámur. Per Dónum.

Léctio sancti Evangélii secundum Matthæum.

Lectio vij. Cap. 22. b

IN illo témpore: Abeúntes pharisæi, consílium iniérunt ut cáperent Jesum in sermóne. Et reliqua.

Homília sancti Hilárii
Episcopi.

In Comment. in Matth. c. 23.

FREQUÉNTER pharisæi commovéntur, et occasiódinem insimulándi eum habére ex prætéritis non possunt. Cádere enim vítium in gesta ejus et dicta non póterat: sed de malitiæ afféctu, in omnem se inquisitióem repériúndæ accusatiónis exténdunt. Namque a sáculi vítiis, atque a superstitionibus humanárum religiódinum, univérsos ad spem regni cæléstis vocábat. Igitur an violáret sáculi potestátem,

de propósitæ interrogatió-
nis conditióne perténtant :
an videlicet reddi tribútum
Cæsari oportéret.

Lectio viij.

QUI intérna cognitiónum
sekrétá cognóscens (Deus
enim nihil eórum quæ intra
hóminem sunt abscónsa,
non speculátur) afférri sibi
denárium jussit, et quæsiuit
cujus et inscriptio esset et
forma. Pharisæi respondé-
runt : Cæsaris eam esse.
Quibus ait : Cæsari redhi-
bénda esse, quæ Cæsaris
sunt : Deo áutem reddénda
esse, quæ Dei sunt. O ple-
nam miráculi responsi-
onem, et perféctam dicti cælé-
stis absolutiõem ! Ita ómnia
inter contéptum sæculi, et
contuméliam lædéndi Cæ-
sarís temperávit, ut curis
ómnibus et officiis humanis
devótas Deo mentes absol-
veret, cum Cæsari quæ ejus
essent, reddénda decérnit.

Lectio ix.

SI enim nihil ejus penes
nos reséderit, conditióne
reddéndi ei quæ sua sunt,
non tenébimur. Porro áu-
tem si rebus illius incubá-
mus, si jure potestátis ejus
útimur, et nos tamquam
mercenários aliéni patrimó-
nii procuratióni subjicimus :
extra querélam injúriæ est,
Cæsari redhibéri quod Cæ-
sarís est; Deo áutem quæ
ejus sunt própria, réddere
nos oportére, corpus, áni-
mam, voluntátem. Ab eo

enim hæc profécta atque
áucta retinémus : proinde
condignum est, ut ei se to-
tum reddant, cui debére se
récolunt et originem et pro-
féctum.

Te Deum laudámus. 16.

Ad Bened. Ant. Magíster, *
scimus quia verax es, et viam
Dei in veritaté doces, alle-
lúia.

✠. Dóminus regnávit. **ut
supra.** 267.

Ad Magnif. Ant. Réddite
ergo * quæ sunt Cæsaris,
Cæsari : et quæ sunt Dei,
Deo, allelúia.

✠. Dirigátur. **ut supra.** 267.

**Si sequens Dominica fue-
rit ultima post Pentecosten,
ejus loco ponitur XXIV. ut
infra 283. et Officium hujus
Dominicæ ponitur in Sab-
bato præcedenti, non impe-
dito Festo novem Lectio-
num, alioquin FERIA VI., vel
alia similiter non impedita.**

DOM. XXIII. POST PENT.

Oratio.

ABSÓLVE, quæsumus Dó-
mine, tuórum delícta po-
pulórum : ut a peccatórum
néxibus, quæ pro nostra
fragilitáte contráximus, tua
benignitáte liberémur. Per
Dóminum.

Léctio sancti Evangélíi se-
cúndum Matthæum.

Lectio vij. Cap. 9. c

IN illo témpore : Loquente
Jesu ad turbas, ecce
princeps unus accéssit, et
adorábat eum, dicens : Dó-

mine, filia mea modo defuncta est. Et reliqua.

Homilia sancti Hierónymi
Presbýteri.

**Lib. 1. Comment. in cap. 9.
Matthæi.**

OCTÁVUM signum est, in quo princeps suscitári póstulat filiam suam, nolens de mystério veræ circumcisiónis exclúdi : sed subintrat múlter sángine fluens, et octávo sanátur loco : ut principis filia de hoc exclúsa número, véniat ad nonum, juxta illud quod in Psalmis dicitur : Æthiopia præveniet manus ejus Deo : et, Cum intráverit plenitúdo géntium, tunc omnis Israël salvus fiet.

Lectio viij.

ET ecce múlter, quæ ságuinis fluxum patiebátur duódecim annis, accéssit retro, et tétigit fimbriam vestiménti ejus. In Evangélio secúndum Lucam scribitur, quod principis filia duódecim annos habéret ætátis. Nota ergo, quod eo témpore hæc múlter, id est, géntium pópulus cœperit ægrotáre, quo genus Judæórum crediderat. Nisi enim ex comparatióne virtútum, virtutum non osténditur.

Lectio ix.

HÆC áutem múlter ságuine fluens, non in domo, non in urbe accédit ad Dóminum, quia juxta legem úrbibus excludébatur : sed in itinere ambulánte Dómi-

no ; ut dum pergit ad áliam, ália curarétur. Unde dicunt et Apóstoli : Vobis quidem oportébat prædicári verbum Dei : sed quóniam vos judicástis indignos salúte, transgrédimur ad gentes.

Te Deum laudámus. 16.

Ad Bened. Ant. Dicébat enim * intra se : Si tetigero fimbriam vestiménti ejus tantum, salva ero.

Ÿ. Dóminus regnávít. 267.

Ad Magnif. Ant. At Jesus convérsus, * et videns eam, dixit : Confíde filia, fides tua te salvam fecit, allelúia.

Ÿ. Dirigátur Dómine. 267.

Dominicæ post Pentecosten non possunt esse pauciores XXIII., neque plures XXVIII. Cum autem fuerint plures viginti quatuor, tunc post XXIII. Dominicam resumuntur, quæ eo anno superfuerunt post Epiphaniam, quoad Orationem, Homiliam, et Antiphonas ad Benedictus, et Magnificat, hoc ordine.

Si Dominicæ post Pentecosten fuerint XXV., Dominica XXIV. post Pentecosten erit quæ est VI. post Epiphaniam.

Si fuerint XXVI., Dominica XXIV. erit quæ est V. post Epiphaniam, et XXV. quæ est VI.

Si fuerint XXVII., Dominica XXIV. erit quæ est IV. post Epiphaniam, XXV. erit V. et XXVI. erit VI.

Si fuerint XXVIII., Domi-

nica XXIV. erit quæ est III. post Epiphaniam, XXV. erit IV. et XXVI. erit V. et XXVII. erit VI. et ultimo loco semper ponitur, quæ sequitur hic in ordine XXIV.

DOMINICA III.

QUÆ SUPERFUIT POST EPIPHANIAM

Oratio.

OMNÍPOTENS sempitérne Deus, infirmitátem nostram propítius réspice : atque ad protegéndum nos, dexteram tuæ majestátis exténde. Per Dóminum.

Léctio sancti Evangélii secundum Matthæum.

Lectio vij. Cap. 8.

IN illo témpore : Cum descendisset Jesus de monte, secútæ sunt eum turbæ multæ; et ecce leprósus véniens, adorábat eum. Et reliqua.

Homilia sancti Hierónymi Presbyteri.

Lib. 1. Comm. in c. 8. Matth.

DE monte Dómino descendente, occurrunt turbæ, quia ad altióra ascendere non valuérunt. Et primus ei occurrít leprósus : necdum enim póterat cum lepra tam multiplicem in monte Salvatóris audíre sermónem. Et notándum quod hic primus speciáliter curátus sit : secúndo, puer centuriónis : tertio, socrus Petri fébriens in Caphárnaum : quarto loco, qui obláti sunt ei a dæmónio vexáti : quorum spíritus verbo ejiciébat, quando

et omnes male habéntes curávit.

Lectio viij.

ET ecce leprósus véniens adorábat eum, dicens. Recte post prædicatióem atque doctrinam signi offerretur occasio, ut per virtutem miráculi prætéritus apud audiéntes sermo firmétur. Dómine, si vis, potes me mundáre. Qui voluntátem rogat, de virtúte non dubitat. Et exténdens Jesus manum, tétigít eum, dicens : Volo, mundáre. Extendente manum Dómino, statim lepra fugit. Simúlque considera, quam húmilis et sine jactántia respónsio. Ille dixerat, Si vis : Dóminus respóndit, Volo. Ille præmiserat, Potes me mundáre : Dóminus jungit, et dicit, Mundáre. Non ergo, ut plerique Latinórum putant, jungéndum est et legéndum, Volo mundáre : sed separátim, ut primum dicat, Volo : deínde imperet, Mundáre.

Lectio ix.

ET ait illi Jesus : Vide, némini díxeris. Et revéra quid erat necesse ut sermóne jactáret, quod corpore præferébat? Sed vade, osténde te sacerdoti. Várias ob cáusas mittit eum ad sacerdotem : primum propter humilitátem, ut sacerdotibus deférre honórem videátur. Erat enim lege præcéptum, ut qui mundáti fuérant a lepra, offerrent mú

nera sacerdotibus. Deinde ut mundatum videntes leprosum, aut crederent Salvatori, aut non crederent: si crederent, salvarentur: si non crederent, inexcusabiles forent. Et simul, ne, quod in eo sæpissime criminabantur, legem videretur infringere.

Te Deum laudamus. 16.

Ad Bened. Ant. Cum descendisset * Jesus de monte, ecce leprosus veniens adorabat eum, dicens: Domine, si vis, potes me mundare; et extendens manum, tetigit eum, dicens: Volo, mundare.

Y. Dominus regnavit. 267.

Ad Magnif. Ant. Domine, * si vis, potes me mundare: et ait Jesus: Volo, mundare.

V. Dirigatur Domine. 267.

DOMINICA IV.

QUÆ SUPERFUIT POST EPIPHANIAM

Oratio.

DEUS, qui nos in tantis periculis constitutos, pro humana scis fragilitate non posse subsistere: da nobis salutem mentis et corporis; ut ea, quæ pro peccatis nostris patimur, te adjuvante, vincamus. Per Dominum. Lectio sancti Evangelii secundum Matthæum.

Lectio vij. Cap. 8. c

IN illo tempore: Ascendente Jesu in naviculam, secuti sunt eum discipuli ejus: et ecce motus magnus factus est in mari, ita ut

navicula operiretur fluctibus, ipse vero dormiebat. Et reliqua.

Homilia sancti Hieronymi Presbyteri.

Lib. 1. Comm. in c. 8. Matth.

QUINTUM signum fecit, quando ascendens navem de Capharnaum, ventis imperavit et mari. Sextum, quando in regione Gerasenorum dedit potestatem demonibus in porcos. Septimum, quando ingrediens civitatem suam, paralyticum secundum curavit in lectulo. Primus enim paralyticus est puer centurionis.

Lectio viij.

IPSE vero dormiebat, et accesserunt ad eum, et suscitaverunt eum, dicentes: Domine salva nos. Hujus signi typum in Jona legimus, quando, cæteris periclitantibus, ipse securus est, et dormit, et suscitatur; et imperio ac sacramento passionis suæ liberat suscitantes. Tunc surgens imperavit ventis et mari. Ex hoc loco intelligimus quod omnes creaturæ sentiant Creatorem. Quas enim increpavit, et quibus imperavit, sentiunt imperantem: non errore hæreticorum, qui omnia putant animantia; sed maiestate Conditoris, quæ apud nos insensibilia, illi sensibilia sunt.

Lectio ix.

PORRO homines mirati sunt, dicentes: Qualis est

hic, quia venti et mare obediunt ei? Non discipuli, sed nautæ et cæteri, qui in navi erant, mirabântur. Sin autem quis contentiöse voluerit, eos, qui mirabântur, fuisse discipulos, respondëbimus, recte hómines appellátos qui necdum nóverant poténtiam Salvatóris.

Te Deum laudámus. 16.

Ad Bened. Ant. Ascendénte Jesu * in naviculam, ecce motus magnus factus est in mari : et suscitavérunt eum discipuli ejus, dicéntes : Dómine salva nos, perimus.

Ÿ. Dóminus regnávít. 267.

Ad Magnif. Ant. Dómine * salva nos, perimus : impera, et fac Deus tranquillitatem.

Ÿ. Dirigátur Dómine. 267.

DOMINICA V.

QUÆ SUPERFUIT POST EPIPHANIAM

Oratio.

FAMÍLIAM tuam, quæsumus Dómine, continúa pietáte custódi : ut quæ in sola spe grátiae cæléstis innítitur, tua semper protectiône muniátur. Per Dóminum.

Léctio sancti Evangélíi secúndum Matthæum.

Lectio vij. Cap. 13. c

IN illo témpore : Dixit Jesus turbis parábolam hanc : Simile factum est regnum cælórum hómini qui seminávit bonum semen in agro suo. Et réliqua.

Homilia sancti Augustini
Epíscopi.

Lib. quæst. Evang. in Matth. cap. 11., tom. 4.

CUM negligéntius ágerent præpósiti Ecclésiæ, aut cum dormitióem mortis accíperent Apóstoli, venit diábolus, et superseminávit eos, quos malos filios Dóminus interpretátur. Sed quæritur, utrum hærétiци sint, an male vivéntes cathólici. Possunt enim dici filii mali étiam hærétiци, quia ex eódem Evangélíi sémine, et Christi nómine procreáti, pravis opinió nibus ad falsa dógmata convertúntur.

Lectio viij.

SED quod dicit eos in médio trítici seminátos, quasi vidéntur illi significári, qui unius communiónis sunt. Verúmtamen quóniam Dóminus agrum ipsum, non Ecclésiám, sed hunc mundum interpretátus est : bene intelligúntur hærétiци, quia non societáte unius Ecclésiæ, vel unius fidei, sed societátesolius nóminis christiáni in hoc mundo permiscéntur bonis. At illi qui in eádem fide mali sunt, pálea pótius quam zizánia reputántur : quia pálea étiam fundaméntum ipsum habet cum fruménto, radicémque commúnem.

Lectio ix.

IN illa plane sagéna qua concludúntur et mali et boni pisces, non absúrde

mali cathólici intelligúntur. Aliud est enim mare, quod magis mundum istum significat : áliud sagéna, quæ unius fidei, vel unius Ecclesiæ communionem vidétur osténdere. Inter hæréticos et malos cathólicos hoc interest, quod hærétici falsa credunt : illi áutem vera credéntes, non vivunt ita ut credunt.

Te Deum laudámus. 16.

Ad Bened. Ant. Dómine, * nonne bonum semen seminásti in agro tuo? unde ergo habet zizánia? Et ait illis : Hoc fecit inimicus homo.

Ÿ. Dóminus regnávit. **ut supra.** 267.

Ad Magnif. Ant. Colligite primum zizánia, * et alligáte ea in fasciculos ad comburéndum : triticum áutem congregáte in hórreum meum, dicit Dóminus.

Ÿ. Dirigátur. **ut supra.** 267.

DOMINICA VI.

QUÆ SUPERFUIT POST EPIPHANIAM

Oratio.

PRÆSTA, quæsumus omnipotens Deus : ut semper rationabília meditántes, quæ tibi sunt plácita, et dictis exsequámur, et factis. Per Dóminum.

Léctio sancti Evangélíi secúndum Matthæum.

Lectio vij. Cap. 13. d

IN illo témpore : Dixit Jesus turbis parábolam hanc : Símile est regnum cælórum

grano sinápis, quod accípiens homo seminávit in agro suo. Et réliqua.

Homilia sancti Hierónymi Presbýteri.

Lib. 2. Comm. in cap. 13.

Matthæi.

REGNUM cælórum prædicatio Evangélíi est, et notítia Scripturárum, quæ ducit ad vitam, et de qua dicitur ad Judæos : Auferétur a vobis regnum Dei, et dábitur genti faciénti fructus ejus. Símile est ergo hujuscémodi regnum grano sinápis, quod accípiens homo seminávit in agro suo. Homo qui séminat in agro suo, a plerisque Salvátor intelligitur, quod in ánimis credéntium séminet : ab áliis ipse homo séminans in agro suo, hoc est in semetípso, et in corde suo.

Lectio viij.

QUIS est iste qui séminat, nisi sensus noster, et ánimus, qui suscípiens granum prædicatiónis, et fovens seméntem, humóre fidei facit in agro sui pectoris pulluláre? Prædicatio Evangélíi mínima est ómnibus disciplínis. Ad primam quippe doctrínam, fidem non habet veritátis, hóminem Deum, Christum mórtuum, et scándalum crucis prædicans. Confer hujuscémodi doctrinam dogmátibus philosophórum, et libris eórum, et splendóri eloquéntiæ, et compositioni sermónum : et

vidébis quanto minor sit cæteris seminibus seméntis Evangélii.

Lectio ix.

SED illa cum créverint, nihil mordax, nihil vividum, nihil vitále demónstrant: sed totum fláccidum marcidúmque et mollitum ebúllit in ólera et in herbas, quæ cito aréscunt et córruunt. Hæc áutem prædicatio, quæ parva videbátur in principio, cum vel in ánima credéntis, vel in toto mundo sata fúerit, non exsúrgit in ólera, sed crescit in árbo-rem: ita ut vólucres cæli (quas vel ánimas credéntium, vel fortitúdines, Dei servitio mancipátas, sentire debémus) véniant et hábitent in ramis ejus. Ramos puto evangélicæ árboris, quæ de grano sinápis créverit, dógmatum esse diversitátes, in quibus supradictárum vólucrum unaquæque requiéscit.

Te Deum laudámus. 16.

Ad Bened. Ant. Simile est * regnum cælórum grano sinápis, quod minimum est ómnibus seminibus: cum áutem créverit, majus est ómnibus oléribus.

Ÿ. Dóminus regnávit. 267.

Ad Magnif. Ant. Simile est * regnum cælórum fermento, quod accéptum múlier abscondit in farinæ satis tribus, donec fermentátum est totum.

Ÿ. Dirigátur Dómine. 267.

DOMINICA XXIV.

ET ULTIMA POST PENTECOSTEN

Oratio.

EXCITA, quæsumus Dómine, tuórum fidélium voluntátes: ut divini óperis fructum propénsius exsequéntes, pietátis tuæ remédia majóra percípiant. Per Dóminum.

Lectio sancti Evangélii secundum Matthæum.

Lectio vij. Cap. 24. b

IN illo témpore: Dixit Jesus discipulis suis: Cum vidéritis abominatióem desolatiónis, quæ dicta est a Daniéle prophéta, stantem in loco sancto: qui legit, intélligat. Et reliqua.

Homilia sancti Hierónymi Presbýteri.

Lib. 4. Comment. in cap. 24. Matthæi.

QUANDO ad intelligéntiam provocámur, mýsticum monstrátur esse quod dictum est. Légimus áutem in Daniéle hoc modo: Et in dimidio hebdomadis auferétur sacrificium et libámina: et in templo abominatio desolatiónum erit, usque ad consummationem témporis, et consummatio dábitur super solitúdinem. De hoc et Apóstolus lóquitur, quod homo iniquitátis, et adversárius elevándus sit contra omne quod dicitur Deus et cólitur: ita ut áudeat stare in templo Dei, et osténdere quod ipse sit Deus: cujus advéntus se-

cúndum operatióem sátnæ déstruat eos, et ad Dei solitúdinem rédigat, qui se suscepérunt.

Lectio viij.

POTEST áutem simpliciter aut de Antichrísto áccipi, aut de imágine Cæsaris, quam Pilátus pósuit in templo, aut de Hadriáni equéstri státua, quæ in ipso sancto sanctórum loco usque in præsentem diem stetit. Abominátio quoque secúndum véterem scriptúram idóolum nuncupátur : et idcirco ádditur, desolatiónis, quod in desoláto templo atque destrúcto idóolum pósitum sit.

Lectio ix.

ABOMINÁTIO desolatiónis intélligi potest et omne dogma pervérsus : quod cum vidérimus stare in loco sancto, hoc est in Ecclésia, et se osténdere Deum : debémus fúgere de Judæa ad montes, hoc est, dimissa occidenté littera, et Judáica pravitate, appropinquare

móntibus ætéris, de quibus illúminat mirabíliter Deus; et esse in tecto, et in dómate, quo non possint ignita diáboli jácula pervenire, nec descéndere et tollere áliquíd de domo conversatiónis pristinæ, nec quærere quæ retrórsū sunt : sed magis sérere in agro spirituálium scripturárum, ut fructus capiámus ex eo : nec tollere álteram túnica, quam Apóstoli habére prohibéntur.

Te Deum laudámus. 16.


Ad Bened. Ant. Cum vidéritis * abominatióem desolatiónis, quæ dicta est a Daniéle Prophéta, stantem in loco sancto : qui legit, intélligat.

✠. Dóminus regnávít. 267.

Ad Magnif. Ant. Amen dico vobis, * quia non præteríbit generátio hæc, donec ómnia fiant : cælum et terra transibunt, verba áutem mea non transibunt, dicit Dóminus.

✠ Dirigátur Dómine. 267.





PROPRIUM SANCTORUM

FESTA AUGUSTI

DIE XXVII

S. JOSEPHI CALASANTII
CONFESSORIS

Duplex.

**Omnia de Comm. Conf.
non Pont. 76*, præter seq.
(m. t. v.)**

Oratio.

DEUS, qui per sanctum Joséphum Confessorem tuum, ad erudiendam spiritu intelligentiæ ac pietatis juventutem, novum Ecclesiæ tuæ subsidium providere dignatus es : præsta, quæsumus ; nos, ejus exemplo et intercessione, ita facere et docere, ut præmia consequamur æterna. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

JOSÉPHUS Calasáncius a Matre Dei, Petráltæ in Aragónia nobili genere natus, a teneris annis futuræ in púeros caritátis et eórum

institutiónis indícia præbuit. Nam adhuc párvulus eos ad se convocátos in mystériis fidei et sacris précibus erudiébat. Humánis divinisque litteris egrégie doctus, cum stúdiis theológicis Valéntiæ óperam daret, nóbilis potentisque fémínæ illécebris fórtiter superátis, virginitatem, quam Deo vóverat, inoffénsam insigni victória servávit. Sacerdos ex voto factus, a complúribus episcopis in Castéllæ Novæ, Aragóniæ et Cataláuniæ regnis in partem labóris adscitus, exspectatiónem ómnium vicit, pravis ubique móribus emendátis, ecclesiástica disciplina restitúta, inimicitiis cruentisque factiόνibus mirífice exstinctis. At cælésti visióne et Dei voce frequenter admónitus, Romam proféctus est.

℟. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætéram. **℣.**

Justum deduxit Dominus per vias rectas, et ostendit illi regnum Dei. Et dedit.

Lectio v.

IN Urbe summa vitæ asperitate, vigiliis et jejuniis corpus affligens, in orationibus et cælestium rerum contemplatione dies noctesque versabatur, septem ejusdem Urbis ecclesias singulis fere noctibus obire solitus : quem inde morem complures annos servavit. Dato piis sodalitatibus nomine, mirum quanto ardore pauperes, infirmos potissimum, aut carceribus detentos eleemosynis omnique pietatis officio sublevaret. Lue Urbem depopulante, una cum sancto Camillo, tanto fuit actus impetu caritatis, ut præter subsidia ægrôtis pauperibus large collata, ipsa etiam defunctorum cadavera suis humeris tumulanda transferreret. Verum cum divinitus accepisset, se ad informandos intelligentiæ ac pietatis spiritu adolescentulos, præcipue pauperes, destinari, ordinem Clericorum regularium pauperum Matris Dei scholarum piarum fundavit, qui peculiarem curam circa puerorum eruditionem ex proprio instituto profiterentur : ipsumque ordinem a Clemente octavo, a Paulo quinto, aliisque Summis Pontificibus magnopere probatum, brevi tempore per plurimas Europæ provincias et

regna mirabiliter propagavit. In hoc autem tot labores perpessus est, ac tot ærumnas invicto animo toleravit, ut omnium voce miraculum fortitudinis, et sancti Jobi exemplum diceretur.

R. Amavit eum Dominus, et ornavit eum : stolam gloriæ induit eum, * Et ad portas paradisi coronavit eum. **Y.** Induit eum Dominus lorricam fidei, et ornavit eum. Et ad.

Lectio vj.

QUAMVIS ordini universo præesset, totisque viribus ad animarum salutem incumberet, numquam tamen intermisit pueros, præsertim pauperiores, erudire, quorum scholas verrere, eosque domum comitari consuevit. In eo summæ patientiæ et humilitatis munere, valetudine etiam infirma, duos et quinquaginta annos perseveravit : dignus propterea, quem crebris Deus miraculis coram discipulis illustraret, et cui beatissima Virgo cum puero Jesu illis orantibus benedicente, appareret. Amplissimis interim dignitatibus repudiatis, prophetia, abdita cordium et absentiæ cognoscendi donis et miraculis clarus, Deiparæ Virginis, quam singulari pietate et ipse ab infanzia coluit, et suis maxime commendavit, aliorumque cælitum frequenti apparitione

dignátus, cum óbitus sui diem, et órdinis tunc prope evérsi restitutionem atque incrementum prænuntiáset, secúndum et nonagésimum annum agens, Romæ obdormívit in Dómino, octávo Kaléndas Septémbris, anno millésimo sexcentésimo quadragésimo octávo. Ejus cor et lingua post sáeculum integra et incorrúpta repérta sunt. Ipse vero multis post óbitum quoque signis a Deo illustrátus, primum a Benedicto décimo quarto beatórum cultu decorátus fuit, ac deínde a Cleménte décimo tértio inter sanctos solémniter est relátus.

℞. Iste homo. 83*.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 18.

IN illo témpore : Accessérunt discípuli ad Jesum, dicéntes : Quis, putas, major est in regno cælórum? Et réliqua.

Homília sancti Joánnis Chrysóstomi.

In cap. 18. Matth. Homil. 60.

VIDÉTE ne áliquem istórum contempsérítis parvulórum, quia eórum Angeli Patris mei fáciem semper adspiciunt, et quia ego propter eos veni, et hæc Patris mei volúntas est. Ad tuéndos conservandósque pusillos diligentióres nos reddit. Pécipícis quam ingéntia in tuté-

lam tenúium máenia eréxerit, et quantum stúdiu curámque hábeat, ne perdántur, tum quia suprémás despiciéntibus eos pœnas stáuit, tum quia summam pollicétur mercédem his, qui curam eórum suscipiunt; idque tam suo, quam Patris exémplo corróborat.

℞. Iste est qui ante Deum magnas virtútes operátus est, et de omni corde suo laudávit Dóminu : * Ipse intercédat pro peccátis ómnium populórum. V. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

Lectio viij.

DÓMINU igitur étiam nos imitémur, et nihil pro frátribus omittámus, étiam eórum quæ humilia víliaque nímiu vidéntur : sed si administratióne nostra étiam opus fúerit, quamvis ténuis atque abjéctus quidem, cui administrándum sit, fúerit, quamvis árdua nobis res atque labóris plena esse videátur, ómnia hæc pro frátris salúte tolerabilióra facilióraque, oro, videántur : tanto enim stúdio tantáque cura Deus dignam esse ánimam osténdit, ut neque Filio suo pepércerit.

℞. Sint lumbi vestri præcincti, et lucérnæ ardéntes in mánibus vestris : * Et vos similes homínibus expectántibus dóminu suu,

quando revertátur a núptiis.
V. Vigiláte ergo, quia nescitis qua hora Dóminus vester ventúrus sit. Et vos. Glória Patri. Et vos.

Lectio ix.

Si non est nobis satis ad salutem, quod virtuosé ipsi vivámus, sed opórtet aliórum salutem re ipsa desideráre; cum neque nos recte vivámus, neque álios hortémur, quid respondébimus? Quæ nobis spes salutis réliqua erit? Quid majus, quam ánimis moderári, quam adolescentulórum fingere mores? Omni certe pictóre, omni certe statuário, cæterisque hujúsmodi ómnibus excellentiorem hunc ducó, qui júvenum ánimos fingere non ignóret.

Te Deum laudámus. 16.

DIE XXVIII

SANCTI AUGUSTINI

EPISC. CONF. ET ECCL. DOCT.

Duplex.

Omnia de Comm. Conf. Pont. 55*, præter sequentia.

In utrisque Vesp. ad Magnif. Ant. O Doctor óptime, Ecclesiæ sanctæ lumen, beáte Augustíne, divínæ legis amátor, deprecáre pro nobis Fílium Dei.

Oratio.

ADÉSTO supplicatióibus nostris, omnipotens Deus : et quibus fidúciam spe-

rándæ pietátis indúlges, intercedénte beáto Augustíno Confessóre tuo atque Pontífice, consuétæ misericórdiæ tribue benígnus efféctum. Per Dóminum.

IN I. NOCTURNO

Lect. Sapiéntiam. de Comuni Doctorum. 71*.

IN II. NOCTURNO

Lectio iv.

AUGUSTÍNUS, Tagáste in Africa honéstis paréntibus natus, ac puer docilitáte ingénii æquáles longe súperans, brevi ómnibus doctrína antecélluit. Adolésceus, dum esset Carthágine, in Manichæórum hæresim incidit. Póstea Romam proféctus, inde Mediolánum missus ut rhetóricam docéret, cum ibi frequens Ambrosii episcopi esset auditor, ejus ópera incénsus stúdio cathólicæ fidei, annos natus trigínta tres ab ipso baptizátur. Revérsus in Africam, cum religióne vitæ sanctimóniam conjúgens, a Valério notæ sanctitátis episcopo Hipponénsi præsbyter factus est. Quo témpore familiam instituit religiosórum, quibúscum victu commúni eodémque cultu utens, eos ad apostólicæ vitæ doctrinæque disciplínam diligentíssime erudiébat. Sed cum vigéret Manichæórum hæresis, veheméntius in illam invehi cœpit, Fortunátumque hæresiárcham confutávit.

¶ Invéni David servum meum, óleo sancto meo unxi eum : * Manus enim mea auxiliabitur ei. ¶ Nihil proficiet inimicus in eo, et filius iniquitátis non nocébit ei. Manus.

Lectio v.

HAC Augustini pietáte com-mótus Valérius, eum ad-jutórem adhibuit episcopá-lis officii. Nihil illo fuit hu-mílius, nihil continéntius. Lectus ac vestitus moderátus, vulgáris mensa, quam semper sacra vel lectióne vel disputatióne condiebat. Tanta benignitáte fuit in páu-peres, ut, cum non esset ália facultas, sacra vasa frángeret ad eórum inópíam susten-tándam. Feminárum, et in eis soróris, et fratris filiæ, contubérnium familiarita-témque vitávit : quippe qui diceret, etsi propínquæ mu-lieres suspéctæ non essent, ta-men quæ ad eas ventitárent, posse suspicióne effícere. Nullum finem fecit prædi-cándi Dei verbum, nisi gravi morbo opprèssus. Hæreticos perpétuo insectátus et coram et scriptis, ac nullo loco pas-sus consistere, Africam a Ma-nichæórum, Donatistárum, Pelagianórum, aliorúmque prætèrea hæreticórum erró-re magna ex parte liberávit.

¶ Pósui adjutórium super poténtem, et exaltávi elé-ctum de plebe mea : * Ma-nus enim mea auxiliabitur ei. ¶ Invéni David servum

meum, óleo sancto meo unxi eum. Manus.

Lectio vj.

TAM multa pie, subtiliter et copióse scripsit, ut christiánam doctrinam má-xime illustrárit. Quem in primissecúti sunt, qui póstea theológicam disciplinam via et ratióne tradidérunt. Wán-dalis Africam bello vastán-tibus, et Hippónem tértium jam mensem obsidéntibus, in febrim incidit. Itaque cum discéssum e vita sibi instáre intelligeret, Psalmos David qui ad pœniténtiam pèrti-nent, in conspéctu pòsitos profúsis lácrymis legébat. Solébat áutem dicere némi-nem, etsi nullius scéleris sibi cónscius esset, com-mittere debére, ut sine pœ-niténtia migrárete vita. Ergo sénsibus íntegris, in oratióne defixus, adstántibus frátri-bus, quos ad caritátem, pie-tátem, virtutésque omnes erat adhortátus, migrávit in cælum. Vixit annos septua-gínta sex, in episcopátu ad trigínta sex. Cujus corpus primum in Sardiniam delá-tum, deínde a Luitprándo, Longobardórum rege, ma-gno prétio redéemptum, Ti-cinum translátum est, ibíque honorífice cónditum.

¶ Iste est qui. 62*.

IN III. NOCTURNO

Homil. in Evang. Vos estis. de Comm. Doct. 1º loco. 73*.

Vesp. de seq. Commem. præced. et S. Sabinæ Mart.

DIE XXIX

IN DECOLLATIONE

S. JOANNIS BAPTISTÆ

Duplex majus.

IN I. VESPERIS

Ant. et Capit. de Laud.
294; **Pss. ut in I. Vesp. de**
Communi Apostolorum. 2*.

Hymn. Deus tuorum. 24*.

V. Glória et honóre coro-
násti eum Dómine. **R.** Et
constituisti eum super ópera
mánuum tuárum.

Ad Magnif. Ant. Misso He-
ródes spiculátore, præcépit
amputári caput Joánnis in
cárcere. Quo audito, disci-
puli ejus venérunt, et tulé-
runt corpus ejus, et posué-
runt illud in monuménto.

Oratio.

SANCTI Joánnis Baptistæ
Præcursóris et Mártiris
tui, quæsumus Dómine: ve-
neránda festívitás, salutáris
auxílii nobis præstet effé-
ctum: Qui vivis et regnas.

**Et fit Commem. S. Augu-
stini.**

Ant. O Doctor óptime,
Ecclésiæ sanctæ lumen, beá-
te Augustine, divínæ legis
amátor, deprecáre pro nobis
Fílium Dei.

V. Justum dedúxit Dómi-
nus per vias rectas. **R.** Et
osténdit illi regnum Dei.

Oratio.

ADÉSTO supplicatióibus
nostris omnipotens Deus:
et quibus fidúciám sperán-
dæ pietátis indúlges, in-
tercedénte beáto Augustino

Confessóre tuo atque Ponti-
fice, consuétæ misericórdiæ
tribue benígnus efféctum.

**Postea sanctæ Sabinæ
Martyris.**

Ant. Símile est regnum
cælórum hómini negotiátóri
quærénti bonas margaritas:
invénta una pretiósa, dedit
ómnia sua, et comparávit
eam.

V. Spécie tua et pulchri-
túdine tua. **R.** Inténde, pró-
spere procéde, et regna.

Oratio.

DEUS, qui inter cætera po-
téntiæ tuæ mirácula,
étiam in sexu frágili victó-
riam mártýrii contulisti:
concéde propitius; ut qui
beátæ Sabinæ Mártýris tuæ
natalítia cólimus, per ejus
ad te exémpa gradiámur.
Per Dóminum.

AD MATUTINUM

**Omnia de Comm. unius
Mart. 24*, præter seq.**

IN I. NOCTURNO

Incipit Jeremías Prophéta.

Lectio j. Cap. 1.

VERBA Jeremiæ filii Hel-
ciæ, de sacerdotibus,
qui fuérunt in Anathoth, in
Terra Bénjamin. Quod fa-
ctum est verbum Dómini ad
eum in diébus Josiæ filii
Amon regis Juda, in tertio-
décimo anno regni ejus. Et
factum est in diébus Jóa-
kim filii Josiæ regis Juda,
usque ad consummationem
undécimi anni Sedeciæ filii
Josiæ regis Juda, usque
ad transmigratióem Jerúsa-

lem, in mense quinto. Et factum est verbum Dómini ad me, dicens : Priúsqvam te formárem in útero, novi te : et ántequam exíres de vulva, sanctificávi te, et prophétam in géntibus dedi te.

¶ Misit Heródes rex manus, ac tenuit Joánnem, et vinxit eum in cárcere, quia metuébat eum, propter Herodiádem, * Quam túlerat fratri suo Philippo uxórem. ¶ Arguébat Heródem Joánnes propter Herodiádem. Quam.

Lectio ij.

ET dixi, A a a, Dómine Deus : ecce nescio loqui, quia puer ego sum. Et dixit Dóminus ad me : Noli dicere : Puer sum : quóniam ad ómnia, quæ mittam te, ibis : et univérsa, quaecúmque mandávero tibi, loqueris. Ne tíneas a fácie eórum : quia tecum ego sum ut éruam te, dicit Dóminus. Et misit Dóminus manum suam, et tétigit os meum : et dixit Dóminus ad me : Ecce dedi verba mea in ore tuo : ecce constitui te hódie super gentes, et super regna, ut evéllas, et déstruas, et dispérdas, et dissipes, et ædífices, et plantes.

¶ Joánnes Baptista arguébat Heródem * Propter Herodiádem, quam túlerat fratri suo vivénti uxórem. ¶ Misso Heródes spiculátore, præcépit amputári caput Joánnis in cárcere. Propter.

Lectio iij.

TU ergo accíinge lumbos tuos, et surge, et lóquere ad eos ómnia quæ ego præcípíó tibi. Ne formídes a fácie eórum : nec enim tímere te fáciám vultum eórum. Ego quippe dedi te hódie in civitátem munitam, et in colúmnam férream, et in murum æreum, super omnem terram, régibus Juda, principibus ejus, et sacerdotibus, et pópulo terræ. Et bellábunt advérsus te, et non prævalébunt : quia ego tecum sum, ait Dóminus, ut liberem te.

¶ Puéllæ saltánti imperávit mater : * Nihil áliud petas, nisi caput Joánnis. * Et contristátus est rex propter jusjurándum, et propter simul discumbéntes. ¶ Ait puélla matri suæ : Quid petam? At illa ait. Nihil. Glória Patri. Et.

IN II. NOCTURNO

Ex libro sancti Ambrósii
Episcopi de Virgínibus.

Líber 3. post initium.

Lectio iv.

QUÓNIAM beáti Joánnis Baptistæ non strictim prætereúnda est recordátio, interés ut quis, et a quibus, et quam ob cáusam, quo modo, et quo témpore sit occísus, advértere debeámus. Ab adúlteris justus occíditur, et a reis in júdicem capitális scéleris pœna convertitur. Deínde præmium saltatrícis, mors est prophé-

tæ. Postrémo (quod étiam omnes bárbari horrére consuevérunt) inter épulas atque convivia consummándæ crudelitátis profértur edictum : et a convivio ad cárcerem, de cárcere ad convivium ferális flagitii circumfértur obséquium. Quanta in uno facinore sunt crimina !

¶ Justus germinábit sicut lilium : * Et florébit in ætérnum ante Dóminum. ¶ Plan-tátus in domo Dómini, in átriis domus Dei nostri. Et florébit.

Lectio v.

QUIS non, cum e convivio ad cárcerem cursári videret, putáret prophétam jussum esse dimitti? Quis, inquam, cum audisset natálem esse Heródis, solémne convivium, puéllæ optiónem eligéndi quod vellet datam, missum ad Joánnem ob solutióne non arbitrarétur? Quid crudelitáti cum deliciis? quid cum funéribus voluptáti? Rápitur ad pœnam prophéta conviváli témpore, conviváli præcépto, quo non cúperet vel absólvi : perimitur gládio, caput ejus affértur in disco. Hoc crudelitáti férculum debebátur, quo insatiáta épulis féritas vescerétur.

¶ Iste cognóvit justítiam, et vidit mirabilia magna, et exorávit Altíssimum : * Et invéntus est in número sanctórum. ¶ Iste est qui con-

témpsit vitam mundi, et pervénit ad cæléstia regna. Et invéntus.

Lectio vj.

INTUÉRE rex acerbissime tuo spectácula digna convivio. Pórrige dexteram, ne quid sævitíæ tuæ desit, ut inter digitos tuos rivi défluant sacri cruóris. Et quóniam non exsaturári épulis fames, non restíngui póculis pótuit inauditæ sævitíæ sitis : bibe sánguinem scaturiéntibus adhuc venis exsécti cá-pitis profluéntem. Cerne óculos in ipsa morte scéleris tui testes, aversántes conspéctum deliciárum. Claudúntur lúmina non tam mortis necessitáte, quam horróre luxúriæ. Os áureum illud exsángine, cujus senténtiam ferre non póteras, conticéscit, et adhuc timétur.

¶ Honéstum fecit illum Dóminus, et custodívit eum ab inimicis, et a seductóribus tutávit illum : * Et dedit illi claritátem ætérnam. ¶ Descenditque cum illo in fóveam, et in vinctulis non dereliquit eum. Et. Glória Patri. Et.

IN III. NOCTURNO
Léctio sancti Evangélii secúndum Marcum.

Lectio vij. Cap. 6. c.

IN illo témpore : Misit Heródes, ac tenuit Joánnem, et vinxit eum in cárcere, propter Herodiadem, uxórem Philippi fratris sui, quia dúxerat eam. Et réliqua.

Homilia sancti Augustini
Episcopi.

Serm. 10. in novis. Serm.

CUM sanctum Evangelium legeretur, crudèle spectaculum ante oculos nostros constitutum est : caput sancti Joannis in disco, ferális missus crudelitatis propter odium veritatis. Puella saltat, et sævit mater : et inter lascivias et delicias convivantium témere juratur, et impie quod juratur, implètur. Factum est Joanni, quod ipse prædixerat. De Dómino enim Jesu Christo dixerat : Illum opórtet crescere, me autem minui. Iste minutus est in cápite, ille crevit in cruce. Odium peperit véritas. Non pótuit æquo ánimo tolerári, quod homo Dei sanctus monébat : qui útique salutem eórum quærébat, quos sic monébat. Respondérunt illi mala pro bonis.

R. Desidérium animæ ejus tribuisti ei Dómine, * Et voluntáte labiórum ejus non fraudásti eum. **V.** Quóniam prævenisti eum in benedictionibus dulcédinis : posuisti in cápite ejus corónam de lápide pretiósó. Et.

Lectio viij.

QUID enim ille diceret, nisi quo plenus erat? Et quid illi respondérent, nisi quo pleni erant? Ille triticum seminávit, sed spinas invénit. Dicébat regi : Non licet tibi habére uxórem fratris tui.

Vincébat enim regem libido : tenébat apud se prohibítam uxórem fratris sui. Sed eum tamen sic libébat, ut non sævíret. Honorábat eum a quo verum audiébat : sed múlter detestábilis ódium concipiébat, quod aliquándó dato témpore páreret. Quando autem parturiébat, péperit filiam, filiam saltántem.

R. Stola jucunditátis induit eum Dóminus : * Et corónam pulchritúdinis posuit super caput ejus. **V.** Cibávit illum Dóminus pane vitæ et intelléctus : et aqua sapiéntiæ salutáris potávit illum. Et. Glória Patri. Et.

Pro sancta Sabina Martyre.

Lectio ix.

SABÍNA múlter Romána, Valentini viri clarissimi uxor, a Seráphia vírgine christiánæ fidei præcéptis institúta, post sanctæ Virginis martýrium colléctas ejus reliquias piis exséquiis sepelívit. Quæ propter eam cáusam páulo post Hadriáno imperatóre comprehénsa, Elpidio júdici sistitur. Cui is : Tu ne illa Sabína et génere et matrimónio nobilíssima? At illa, Sum, inquit : sed Dómino meo Jesu Christo grátias ago, qui me, intercessióne Seráphiæ fámulæ suæ, e dæmonum potestáte liberávit. Quam várie tentátam, ut propósitum mutáret, cum a fidei constántia movére non posset, præféctus, pronuntiáta senténtia

quod deos contemneret, capitis damnávit. Ejus corpus a Christianis in eodem sepúlcro cónditum est, in quo ipsa magistram fidei suæ Seráphiam posúerat.

Te Deum laudámus. 16.

AD LAUDES

ET PER HORAS

Ant. 1. Heródes enim ténuít * et ligávit Joánnem, et pósuit in cárcerem propter Herodiadem.

Ps. Dóminus regnávit. **cum reliq.** 17.

2. Dómine mi rex, * da mihi in disco caput Joánnis Baptistæ.

3. Puéllæ saltánti * imperávit mater : Nihil áliud petas, nisi caput Joánnis.

4. Arguébat Heródem * Joánnes propter Herodiadem, quam túlerat fratri suo Philippo uxórem.

5. Da mihi in disco * caput Joánnis Baptistæ : et contristátus est rex propter jusjurándum.

Capitulum. Jac. 1. b

BEÁTUS vir qui suffert tentationem : quóniam, cum probátus fúerit, accipiet coronam vitæ, quam repromísit Deus diligéntibus se.

Hymn. Invicte Martyr. 34*.

Y. Justus ut palma florébit. **R.** Sicut cedrus Libani multiplicábitur.

Ad Bened. Ant. Misso Heródes spiculátore, præcépit amputári caput Joánnis in cárcere. Quo audíto, discipuli ejus venérunt, et tulé-

runt corpus ejus, et posué-runt illud in monuménto.

Oratio.

SANCTI Joánnis Baptistæ Præcursóris et Mártiris tui, quæsumus Dómine : veneránda festívitás, salutáris auxilií nobis præstet efféctum : Qui vivis et regnas.

Et fit Commem. sanctæ Sabinæ.

Ant. Date ei de fructu mánuum suárum, et láudent eam in portis ópera ejus.

Y. Diffúsa est grátia in lábiis tuis. **R.** Proptérea benedixit te Deus in ætérnum.

Oratio.

DEUS, qui inter cætera poténtiæ tuæ miracula étiam in sexu frágili victóriam mártýrii contulisti : concéde propítius, ut qui beátæ Sabinæ Mártiris tuæ natalítia cólimus, per ejus ad te exémp-la gradiámur. Per Dóminum.

AD TERTIAM

Ant. Dómine mi rex.

Capit. Beátus vir. **ut supra.**

R. **br.** Glória et honóre * Coronásti eum Dómine. Glória et honóre. **Y.** Et constituísti eum super ópera mánuum tuárum. Coronásti. Glória Patri. Glória et.

Y. Posuísti Dómine super caput ejus. **R.** Corónam de lápide pretióso.

AD SEXTAM

Ant. Puéllæ saltánti.

Capitulum. Eccli. 15.

CIBÁVIT illum pane vitæ et **I**ntelléctus, et aqua sa-

piéntiæ salutáris potávit illum Dóminus Deus noster.

R. br. Posuisti Dómine * Super caput ejus. Posuisti. **V.** Corónam de lápide pretiósso. Super. Glória Patri. Posuisti.

V. Magna est glória ejus in salutári tuo. **R.** Glóriam et magnum decórem impónes super eum.

AD NONAM

Ant. Da mihi in disco.

Capitulum. Eccli. 39.

JUSTUS cor suum trádidit ad vigilándum dilúculo ad Dóminum, qui fecit illum, et in conspéctu Altissimi deprecábitur.

R. br. Magna est glória ejus * In salutári tuo. Magna. **V.** Glóriam et magnum decórem impónes super eum. In salutári. Glória Patri. Magna est.

V. Justus ut palma florébit. **R.** Sicut cedrus Libani multiplicábitur.

IN II. VESPERIS

Ant. et **Capit.** de Laud.; **Pss.** ut in I. **Vesp.** de Comm. **Apost.** 2*, et ultimo loco **Ps.** Crédidi. 35*.

Hymn. Deus tuórum. 24*.

V. Justus ut palma florébit. **R.** Sicut cedrus Libani multiplicábitur.

Ad Magnif. **Ant.** Misit rex incredulus ministros detestábiles, et amputári jussit caput Joánnis Baptistæ.

Deinde fit Commem. seq., et SS. Felicis et Adaucti Martyrum.

DIE XXX

SANCTÆ ROSÆ A SANCTA MARIA

VIRGINIS LIMANÆ

Duplex.

Omnia de Comm. Virg. 95*, **præter seq.**

Ant. Veni sponsa Christi, áccipe corónam, quam tibi Dóminus præparávit in ætérnum.

V. Spécie tua et pulchritúdine tua. **R.** Inténde, prospere procéde, et regna.

Oratio.

BONÓRUM ómnium largitor, omnípotens Deus, qui beátam Rosam, cæléstis grátiæ rore prævéntam, virginitátis et patiéntiæ decóre Indis floréscere voluisti: da nobis fámulis tuis; ut in odórem suavitátis ejus curréntes, Christi bonus odor éffici mereámur: Qui tecum vivit.

Et fit Commem. SS. Felicis et Adaucti Martyrum.

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

V. Lætámini in Dómino, et exsultáte justí. **R.** Et gloriámini omnes recti corde.

Oratio.

MAJESTÁTEM tuam Dómine súpplices exorámus: ut sicut nos júgiter sanctórum tuórum commemoratióne lætificas; ita semper supplicatióne deféndas. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

Primus Americæ Meridionalis flos sanctitatis, virgo Rosa, christiānis parēntibus Limæ progénita, mox ab incunābulis clāruit futūræ sanctimōniæ indiciis. Nam vultus infāntis mirabiliter in rosæ effigiem transfigurātus, huic nōmini occasiōnem dedit: cui pōstea Virgo Deipara cognōmen adjécit, jubens vocāri deinceps Rosam a sancta Mariā. Quinquēnnis votum perpētuae virginitātis emisit. Adūltior, ne a parēntibus ad nūptias cogerētur, clam sibimet venustissimam cāpitis cēsāriem præscidit. Jejúniis supra humānum modum addicta, integras Quadragesimas transégit, pane abstinens, ac diētim solis quinque grānulis mali citrini victitans.

R. Propter veritatem, et mansuetudinem, et justitiam: * Et deducet te mirabiliter dextera tua. **V.** Spēcie tua et pulchritūdine tua intēde, prospere procéde, et regna. Et deducet.

Lectio v.

Hābitu tertiū ordinis sancti Domīnici assumpto, pristinas vitæ austeritātes duplicāvit: oblōngo asperimōque cilicio sparsim minūsculas acus innēxuit: sub velo corōnam densis aculeis intrōrsus obarmātā inter-

diu noctūque gestāvit. Sanctæ Catharinæ Senēnsis ardua premens vestigia, catēna fērrea, triplici nexu circumducta, lumbos cinxit. Lēctulum sibi e truncis nodosis compōsuit, horūmq; vācuas commissūras fragmīnibus testārum implēvit. Cēlulam sibi angustissimam struxit in extrēmo horti āngulo, ubi cēlestium contemplatiōni dēdita, crebris disciplinis, inēdia, vigiliis corpūsculum extēnuans, at spiritu vegetāta, larvas dēmonum, frequēti certāmine victrix, impāvide protrivit ac superāvit.

R. Dilexisti justitiam, et odisti iniquitatem: * Propterea unxit te Deus, Deus tuus oleo lætitiæ. **V.** Propter veritatem, et mansuetudinem, et justitiam. Propterea.

Lectio vj.

Agritudinum tormētis, domesticōrum insūltibus, linguārum mōrsibus dire agitāta, nondum satis pro mērito se affligi quærebātur. Per quīdecim annos ad plūsculas horas desolatiōne spīritus et ariditate miserrime contabēscens, forti ānimo tulit agōnes omni morte amariōres. Exīnde cœpit supērnis abundāre deliciis, illustrāri visiōnibus, colliquēscereserāphicis ardōribus. Angelo tutelāri, sanctæ Catharinæ Senēnsi, Virgini Deiparæ inter assīduas apparitiōnes mire fa-

miliáris, a Christo has voces audire mérui: Rosa cordis mei, tu mihi sponsa esto. Dénique Sponsi hujus paradiso feliciter invéctam, plurimisque ante et post óbitum miraculis corúscam, Clemens décimus Póntifex Máximus sanctárum Virginum catálogo ritu solémni adscripsit.

¶ Afferéntur. 104*.

IN III. NOCTURNO

Homil. in Evang. Simile erit. de Comm. Virg. 1º loco. 106*.

Pro SS. Felice et Adaucto Mart.

Lectio ix.

FELIX, Diocletiano et Maximiano imperatoribus, propter susceptam Christi religionem comprehensus, in Serapidis templum adductus est. Cui sacrificare cum juberetur, os simulacri conspuat. Quo facto, statim aerea statua corrui. Quod cum iterum ac tertio in aede Mercurii Dianaeque factum esset, impietatis et magicæ artis accusatus, equuleo torquetur. Mox ad secundum ab Urbe lapidem via Ostiensi ducitur, ut securi feriretur. Cui inter viam oblatus quidam Christianus, cum Felicem agnoscens ad martirium duci videtur, Ego quoque, clara voce inquit, eadem, qua iste, lege vivo: ego eundem Jesum Christum colo. Itaque Felicem osculatus, cum eo securi per-

cutitur, tertio Kalendas Septembris. Cujus nomen cum ignotum esset Christianis, is Adaucti nomine nobilitatus est, quod sancto Martyri Felici adauctus sit ad coronam.

Te Deum laudamus. 16.

In Laud. fit Commem. SS. Martyrum.

Ant. Vestri capilli capitis omnes numerati sunt: nolite timere: multis passeribus meliores estis vos.

¶ Exsultabunt sancti in gloria. ¶ Lætabuntur in cubilibus suis.

Orat. Majestatem. 295.

Vesp. a Capit. de seq., cum Commem. præced.

DIE XXXI

S. RAYMUNDI NONNATI

CONFESSORIS

Duplex.

Omnia de Comm. Conf. non Pont. 76*, præter seq. (m. t. v.)

Oratio.

DEUS, qui in liberandis fidelibus tuis ab impiorum captivitate beatum Raymundum Confessorem tuum mirabilem effecisti: ejus nobis intercessione concede; ut a peccatorum vinculis absoluti, quæ tibi sunt placita, liberis mentibus exsequamur. Per Dominum.

Et fit Commem. præced.

Ant. Veni sponsa Christi, accipe coronam, quam tibi Dominus præparavit in æternum.

¶ Diffusa est gratia in lá-

biis tuis. **R.** Propterea benedixit te Deus in ætérnum.

Orat. Bonórum. 295.

IN I. NOCTURNO

Lect. de Script. occur.

IN II. NOCTURNO

Lectio iv.

RAYMÚNDUS, Nonnátus cognomento dictus, quia præter communem naturæ legem e mórtuæ matris dissecto latere in lucem eductus fuit, Portélli in Cataláunia piis et nobilibus paréntibus ortus, ab ipsa infántia futuræ sanctitátis indícia dedit. Nam puerilia oblectaménta, mundique illécebras respuens, ita pietáti óperam dabat, ut omnes in púero adúltam virtútem admirarentur. Crescénte vero ætáte, litterárum stúdiis incúbuit : sed mox jubénte patre vitam ruri agens, sacéllum sancti Nicolái in Portélli finibus situm crebro adibat, ut sacram Deiparæ imáginem, quæ in eo summa fidélium veneratióne étiam nunc cólitur, visitáret. Ibi effúsus in preces, ipsam Dei paréntem, ut se in filium adoptáre viámque salutis ac sciéntiam sanctórum edocére dignáretur, enixe deprecabátur.

R. Honéstum fecit illum Dóminus, et custodívit eum ab inimícis, et a seductóribus tutávit illum : Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. Et.

Lectio v.

NEC defuit votis ejus benigníssima Virgo. Ab ipsa enim intelléxit gratíssimum sibi fore, si religiónem sub título de Mercéde, seu de Misericórdia redemptiόνis captivórum, ea suggerénte nuper fundátam, ingrederetur. Qua monitióne percépta, Barcinónam statim proféctus, illud tam præcelléntis erga próximum caritátis institútum ampléxus est. Regulári igitur militiæ adscriptus, virginitátem, quam pridem beátæ Virgini consecráverat, perpétuo cóluit, cæterisque virtútibus eníuit, caritáte præsertim erga Christiános, qui sub potestáte paganórum miseram in captivitáte vitam degébant. Hos ut redimeret, in Africam missus, cum jam multos a servitúte liberásset, ne, consúmpta pecúnia, áliis item in próximo abnegándæ fidei discrimine constitútis deéssset, se ipsum pignori dedit ; sed cum ardentíssimo salutis animárum desidério succénsus, plures Mahométtanos suis conciónibus ad Christum convérteret, in arctam custódiam a bárbaris conjéctus, variisque suppliciis cruciátus, mox lábiis perforátis et sera férrea cláusis, crudéle martýrium diu sustinuit.

R. Amávit eum Dóminus, et ornávit eum : stolam glóriæ induit eum, Et ad portas paradísi coronávit eum. **V.**

Induit eum Dóminus lorícā fidei, et ornávit eum. Et ad portas.

Lectio vj.

OB hæc et ália fórtiter gesta sanctitátis ejus fama longe latéque diffúsa est. Qua permótus Gregórius nonus, in amplíssimum sanctæ Románæ Ecclesiæ cardinálium collégium Raymúndum adscripsit : sed vir Dei in ea dignitáte ab omni pompa abhórrens, religiósæ humilitátis tenacíssimus semper fuit. Romam vero pergens, statim ac Cardónam pervénit, extrémō morbo confectus, ecclesiásticis sacraméntis muniri summis precibus postulávit. Cumque morbus ingravésceret, et sacerdos diútius tardáret, Angelórum ministério, sub spécie religiosórum sui órdinis apparéntium, salutári viático refectus fuit. Quo

sumpto, et grátiis Deo peractis, migrávit ad Dóminum Domínica última Augústi, anno millésimo ducentésimo quadragésimo. Mórtui corpus, cum circa locum sepultúræ conténtio orta esset, arcæ inclúsum, et mulæ cæcæ impósitum, ad sacellum sancti Nicolái Dei nutu delátum fuit, ut ibi tumularetur, ubi prima jécerat sanctiórís vitæ fundaménta. Illic constrúcto sui órdinis cœnóbio, a confluéntibus votí cáusā ex univérsa Cataláunia fidélibus pópulis honorátur, váriis miráculis et signis gloriósus.

R. Iste homo. 83*.

IN III. NOCTURNO

Homil. in Evang. Sint lumbi. de eodem Comm. 1^o loco. 85*.

In II. Vesp. fit Commem. seq., ac SS. Duodecim Fratrum Martyrum.

FESTA SEPTEMBRIS

Prima die non impedita dicitur Officium Defunctorum.

DIE I

S. ÆGIDII ABBATIS

Ad Vesp. Ant. Similábo eum viro sapiénti, qui ædificávit domum suam supra petram.

V. Amávit eum Dóminus, et ornávit eum. **R.** Stolam glóriæ induit eum.

Oratio.

INTERCÉSSIO nos, quæsumus Dómine, beáti Ægidii Abbátis comméndet : ut quod nostris méritis non valémus, ejus patrocínio assequámur. Per Dóminum nostrum.

Deinde fit Commem. SS. Duodecim Fratrum Martyrum.

Ant. Istórum est enim regnum cælórum, qui con-

tempserunt vitam mundi, et pervenerunt ad præmia regni, et laverunt stolas suas in sanguine Agni.

℣. Lætâmini in Dómino, et exsultâte justi. ℞. Et gloriâmini omnes recti corde.

Oratio.

FRATÉRNA nos Dómine Mártyrum tuórum corónâ lætificet : quæ et fidei nostræ præbeat incrementa virtútum, et multiplici nos suffrágio consolétur. Per Dóminum.

Lectio iij.

ÆGIDIUS Atheniënsis, régiæ stirpis, a prima ætate divinis litteris et caritátis officiis ita deditus fuit, ut nihil præterea curâre viderétur. Itaque paréntibus mórtuis, totum patrimonium in páuperes erogávit : quin étiam tunicam éxuit, ut ægrótum egéntem tégeret ; qua ille indútus statim conváluit. Sed multis deinceps clárior miráculis, timens sui nóminis celebritátem, Arélatem ad beátum Cæsárium conténdit : a quo post biénium discédens, secéssit in erémum, ubi diútius herbárum radicibus et cervæ lacte, quæ statis ad eum horis veniébat, admirábili sanctitáte vixit. Quæ cerva, insequéntibus quodam die cánibus régiis, cum in antrum Ægidii refugisset, Gálliaë regem impulit, ut ab eo summis précibus péteret, ut in loco spelúncæ mona-

stérium éxstrui paterétur. Cujus administratióem, flagitánte rege, invítus suscepit : eóque múnere áliquot annis prudénter piéque gesto, migrávit in cælum.

Te Deum laudámus. 16.

Ad Laud. pro S. Ægidio.

Ant. Euge serve bone et fidélis, quia in páuca fuisti fidélis, supra multa te constituam : intra in gáudium Dómini tui.

℣. Justum dedúxit Dóminus per vias rectas. ℞. Et osténdit illi regnum Dei.

Et fit Commem. SS. Mártyrum.

Ant. Vestri capilli cápitis omnes numeráti sunt : nolite timére : multis passéribus meliôres estis vos.

℣. Exsultábunt sancti in glória. ℞. Lætabúntur in cubilibus suis.

Orat. Fratérna nos Dómine. *ut supra.*

DIE II

SANCTI STEPHANI

HUNGARIÆ REGIS CONF.

Semiduplex.

Omnia de Comm. Conf. non Pont. 76, præter seq. (m. t. v.)*

Oratio.

CONCÉDE, quæsumus, Ecclésiæ tuæ omnipotens Deus : ut beátum Stéphanum Confessórem tuum, quem regnántem in terris propagatórem hábuit, propugnatórem habére mereáture glóriósum in cælis. Per Dñum.

IN I. NOCTURNO

Lect. de Script. occur.

IN II. NOCTURNO

Lectio iv.

STÉPHANUS in Hungáriam Christi fidem et régium nomen invéxit. Régia coróna a Románo Pontífice impetrata, ejúsque jussu in regem inúctus, regnum Sedi apostolicæ obtulit. Vária pietatis domicilia Romæ, Jerosólymis, Constantinópoli; in Hungária archiepiscopátum Strigoniensem, episcopátus decem, admirábili religióne et munificéntia fundávit. Par in páuperes amor et liberálitas, quos véluti Christum ipsum compléctens, néminem a se mœrentem ac vácuum umquam dimisit; quin ad eórum inópiam sublevándam amplissimis facultatibus erogátis, domesticam quoque supelléctilem exímia benignitáte frequenter distribuit: suis insuper manibus laváre páuperum pedes, noctu solus et ignótus nosocomia frequentáre, decumbéntibus inservíre, ac cætera caritátis officia exhibére consuévit: quarum virtútum mérito illius dextera, resolutó cætero corpore, incorrupta permansit.

R. Honéstum fecit illum Dóminus, et custodívit eum ab inimicis, et a seductóribus tutávit illum: * Et dedit illi claritátem ætérnam. *Y.* Justum dedúxit Dóminus per

vias rectas, et osténdit illi regnum Dei. Et dedit.

Lectio v.

ORÁNDI stúdio noctes pene totas ducébat insómnes, atque in cæléstium rerum contemplatióne defíxus, interdum extra sensus raptus, sublimis in aëra ferri visus fuit. Perduéllium conspiratiónes, ac validórum hostium impetus, miro prorsus modo, non semel oratiónis præsidio evitávit. Suscéptum ex Ghisélla Bavárica, sancti Henrici imperatóris soróre, quam sibi matrimónio júnxerat, Emericum filium tanta morum disciplina, talique pietáte enutrivit, quantum ejus póstea sanctitas declarávit. Regni vero negótia ita dispósuit, ut accitis úndique prudentissimis et sanctissimis viris, nihil umquam sine illórum consilio molirétur. Humíllimis interim précibus in cinere et cilicio Deum déprecans, ut univérsum Hungáriæ regnum, ántequam e vita migráret, cathólicum vidére mererétur. Vere propter ingens dilatandæ fidei stúdiū, illius gentis Apóstolus nuncupátus, facta a Románo Pontífice ipsi, posterisque régibus præferendæ crucis potestáte.

R. Amávit eum Dóminus, et ornávit eum: stolam glóriæ induit eum, * Et ad portas paradisi coronávit eum. *Y.* Induit eum Dóminus lo-

ricam fidei, et ornávit eum.
Et ad portas.

Lectio vj.

DEI Genitricem, quam ardentissime venerabátur, amplíssimo in ejus honórem constrúcto templo, Hungáriæ Patrónam instituit, ab eádem vicíssim Virgine receptus in cælum ipso suæ Assumptiónis die, quem Húngari, e sancti regis institúto, Magnæ Dóminæ diem appellánt. Sacrum ejus corpus suavíssimo fragrans odóre, liquóre cælésti scatens, inter multa et vária miracula, Románi Pontificis jussu, nobiliórem in locum translátum est, atque honorificentius cónditum. Ejus áutem festum Innocéntius undécimus Póntifex Máximus, quarto Nonas Septémbris, ob insignem victóriam ab exércitu Leopóldi primi Romanórum elécti imperatóris et Hungáriæ regis, eádem die in Budæ expugnatione, ope divina e Turcis reportátam, celebrándum instituit.

R. Iste homo. 83*.

IN III. NOCTURNO

Léctio sancti Evangélíi secúndum Lucam.

Lectio vij. Cap. 19. b

IN illo témpore : Dixit Jesus discipulis suis parábolam hanc : Homo quidam nóbilis ábiit in regiónem longinquam, accipere sibi regnum, et revérti. Et réliqua.

Homilía sancti Ambrósii
Episcopi.

Lib. 8. in Lucam.

BONUS ordo, ut vocatúrus gentes, et Judæos jussurus intérfici, qui noluérunt regnare supra se Christum, hanc præmitteret comparationem, ne dicerétur : Nihil déderat pópulo Judæórum, unde póterat mélior fieri? ut quid ab eo qui nihil recepit, exigitur? Non mediocris ista est mna, quam supra múlíer evangélica quia non invénit, lucérnam accéndit, lúmine quærit admóto, gratulátur invéntam.

R. Iste est qui ante Deum magnas virtútes operátus est, et de omni corde suo laudávit Dóminum : * Ipse intercedat pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et pérmanens in innocentia sua. Ipse.

Lectio viij.

DÉNIQUE ex una decem mnas álius fecit, álius quinque. Fortásse iste morália habet, quia quinque sunt córporis sensus : ille duplicia, id est, mystica legis, et morália probitátis. Unde et Matthæus quinque talénta, et duo talénta pósuit : in quinque taléntis ut sint morália, in duóbus utrúmque, mysticum atque morale. Ita quod número infériorius, re ubérius.

R. Sint lumbi vestri præ-

cincti, et lucernæ ardentes in manibus vestris : * Et vos similes hominibus expectantibus dominum suum, quando revertatur a nuptiis.

✠ Vigilate ergo, quia nescitis qua hora Dominus vester venturus sit. Et. Glória Patri. Et.

Lectio ix.

ET hic possumus decem mnas decem verba intelligere, id est, legis doctrinam : quinque autem mnas, magisteria disciplinæ. Sed legisperitum in omnibus volo esse perfectum. Non enim in sermone, sed in virtute est regnum Dei. Bene autem, quia de Judæis dicit, duo soli multiplicatam pecuniam deferunt, non utique æris, sed dispensationis usuris. Alia est enim pecuniæ fœnebris, alia doctrinæ cælestis usura.

Te Deum laudamus. 16.

DIE V

S. LAURENTII JUSTINIANI

EPISCOPI ET CONFESSORIS

Semiduplex.

Omnia de Comm. Conf.

Pont. 55*, præter seq. (m. t. v.)

Oratio.

DA, quæsumus omnipotens Deus : ut beati Laurentii Confessoris tui atque Pontificis veneranda sollemnitas et devotionem nobis augeat et salutem. Per Dñm.

IN I. NOCTURNO

Lect. de Script. occur.

IN II. NOCTURNO

Lectio iv.

LAURÉNTIUS, ex illustri Justinianorum familia Venetiis natus, eximiam vel puer morum gravitatem præ se tulit. Exacta inter pietatis officia adolescência, ad castum verbi et animæ conubium a divina sapientia invitatus, de religiosæ vitæ instituto capessendo deliberare coepit. Novæ itaque militiæ clam proludens, præter alias corporis afflictationes, super nudos cubabat asserses, sedensque velut arbiter hinc inter sæculi blandimenta, paratasque a matre nuptias, illinc claustrales inter austeritates, oculis in Christi patientis crucem conversis : Tu, inquit, es Domine spes mea : ibi posuisti certissimum refugium tuum ; ad canonicorum sancti Georgii in Alga congregationem convolvit : ubi novis excoGitatis cruciatibus acrius in seipsum, veluti in hostem infensissimum, instaurans bellum, nullam adeo sibi oblectationem indulgebat, ut ne in domesticum umquam hortum, nec in paternam quidem domum, nisi cum morienti matri extréma pietatis officia siccis oculis persolvit, exinde intraverit. Par erat obediëntiæ, mansuetudinis, ac præcipue humilitatis studium, cum abjectissima quæque cœnobii mûnia sibi ultro desumeret,

celebérrima per urbis loca, non tam victum quam ludibria emendicaret, illatasque contumelias ac calumnias immotus ac silens perferret; assidue præsertim orationis subsidio, qua sæpe per mentis excessum rapiebatur in Deum; tantoque cor ejus aestuabat ardore, ut nutantes etiam sodales ad perseverantiam ac Jesu Christi amorem inflammaret.

R. Inveni David servum meum, oleo sancto meo unxi eum : * Manus enim mea auxiliabitur ei. **V.** Nihil proficiet inimicus in eo, et filius iniquitatis non nocébit ei. Manus.

Lectio v.

AB Eugénio quarto patriæ episcopus designatus, quem magna contentione honorem detrectaverat, majori gessit cum laude. Nam consueta vivendi ratione nihil admodum immutata, paupertatem, quam semper coluerat, in mensa, supelllectili ac lecto perpetuo retinuit. Modicam domi alebat familiam, quod grandem alteram sibi esse diceret, pauperes Christi significans. Quacumque adiretur hora, præsto omnibus erat, paterna omnes caritate allevabat, non renuens vel ære se alieno gravare, illorum ne inopiæ deesset. Rogatus qua spe id faceret? Domini mei, qui pro me dissolvere facile poterit, respondebat. Spem autem

non confundere divina providentia submissis inopinato subsidiis jûgiter declarabat. Plura virginum monasteria construxit, quas etiam ad perfectioris vitæ rationem sua vigilantia composuit. Matronis a sæculi pompis et ornatus vanitate revocandis, ecclesiasticæ disciplinæ ac moribus reformandis maxime studebat; dignus sane qui ab eodem Eugénio glória et decus præsulum coram cardinalibus vocaretur, et qui a Nicoláo quinto ejus successore, translato e Gradensi civitate titulo, primus Venetiârum patriarcha renuntiaretur.

R. Põsui adjutorium super potentem, et exaltavi electum de plebe mea : * Manus enim mea auxiliabitur ei. **V.** Inveni David servum meum, oleo sancto meo unxi eum. Manus.

Lectio vj.

LACRYMARUM dono insignitus, omnipotenti Deo placationis hostiam quotidie offerébat. Quod cum aliquando nocte Dominicæ Nativitatis perageret, Christum Jesum sub pulcherrimi infantis specie videre promeruit; tantumque in eo erat commissi gregis præsidium, ut cælitus aliquando acceptum fuerit, pontificis sui intercessione ac meritis stetit rempublicam. Prophetiæ spiritu afflatus, plura humanæ cognitioni prorsus

impervia prædixit : morbos ac dæmones suis præcibus sæpe fugavit : libros étiam cælestem doctrinam ac pietatem spirantes, grammaticæ pene rudis, conscripsit. Dénique cum lethálem incidisset in morbum, et commodiorem doméstici lectum seni atque ægro pararent, aversátus ejúsmodi delicias, tamquam a durissima morientis Dómini sui cruce plus nimio abhorréntes, consueto in strámine se jussit depóni, et finem vitæ suæ adventáre prænóscens, sublátis in cælum óculis : Vénio, inquit, ad te, o bone Jesu; ac die octáva Januárii obdormívit in Dómino. Pretiósam ejus mortem testáti sunt angélici concéntus, a Carthusiánis quibúsdam mónachis audíti, et sacrum cadáver per duos ultra menses inhumátum, suávi fragrans odóre, et rubescénte fácie, integrum atque incorrúptum, ac nova post mortem patrata miracula : quibus permótus Alexánder octávus Póntifex Máximus eum sanctórum número adscripsit. Innocéntius vero duodécimus quintam Septémbris diem qua vir sanctus ad pontificiam primo cáthedram fúerat evéctus, celebrándo illius festo assignávit.

¶ Iste est. 62*.

IN III. NOCTURNO

Homil. in Evang. Homo péregre. de eodem Comm. 1º loco. 64*.

DIE VIII

IN NATIVITATE B. M. V.

Duplex 2. classis.

IN I. VESPERIS

Ant. de Laud. 309*; Pss. ut in Festis B. M. V. per annum. 145*.

Capitulum. Eccli. 24. b

AB initio, et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi.

Hymn. Ave maris. 147*.

V. Nativitas est hódie sanctæ Mariæ Virginis. ¶. Cujus vita inclyta cunctas illustrat eccléasias.

Ad Magnif. Ant. Gloriósæ Virginis Mariæ ortum dignissimum recolámus, quæ et Genitrícis dignitatem obtinuit, et virginálem pudicitiam non amisit.

Oratio.

FÁMULIS tuis, quæsumus Dómine, cælestis grátiae munus impertire : ut quibus beátæ Virginis partus exstitit salutis exórdium, Nativitátis ejus votíva solémnitas pacis tribuat incrementum. Per Dóminum.

Ad Complet. et Horas diei, ac per totam Octav., in fine Hymn. ejusdem metri, dicitur :

Jesu tibi sit glória,
Qui natus es de Virgine.

AD MATUTINUM

Invit. Nativitatem Virginitatis Mariæ celebrémus : * Chri-

stum ejus Filium adorémus
Dóminum.

Ps. Venite, exsultémus. 2.

Hymn. Quem terra. 147*.

IN I. NOCTURNO

Ant., Pss. et Vv. Nocturnorum, ut in Festis B. M. V.
148*.

Incipiunt Cántica cantí-
córum.

Lectio j. Cap. 1.

OSCULÉTUR me ósculo oris
sui : quia melióra sunt
úbera tua vino, fragrántia
unguéntis óptimis. Oleum
effúsum nomen tuum : ideo
adolescéntulæ dilexérunt te.
Trahe me : post te currémus
in odórem unguentórum tuó-
rum. Introduxit me rex in
cellária sua : exsultábimus
et lætábimur in te, mémores
úberum tuórum super vi-
num : recti diligunt te. Nigra
sum, sed formósa, filiæ Je-
rúsalem, sicut tabernácula
Cedar, sicut pelles Salo-
mónis.

R. Hódie nata est beáta
Virgo María ex progénie Da-
vid : * Per quam salus mundi
credéntibus appáruit, cujus
vita gloriósa lucem dedit
sæculo. **V.** Nativitátem beátæ
Mariæ Virginis cum gáudio
celebrémus. Per quam.

Lectio ij.

NOLÍTE me consideráre
quod fusca sim, quia
decolorávit me sol : filii ma-
tris meæ pugnávérunt con-
tra me, posuérunt me custó-
dem in vineis : vineam
meam non custodívi. Indica

mihi, quem diligit ánima
mea, ubi pascas, ubi cubes
in meridie, ne vagári inci-
piam post greges sodálium
tuórum. Si ignóras te o pul-
chérrima inter mulieres,
egrédere, et abi post vesti-
gia gregum, et pasce hœdos
tuos juxta tabernácula pastó-
rum. Equitátui meo in cúr-
ribus Pharaónis assimilávi
te amíca mea. Pulchræ sunt
genæ tuæ sicut túrturis :
collum tuum sicut monília.

R. Beatissimæ Virginitatis Ma-
riæ Nativitátem devotissime
celebrémus : * Ut ipsa pro
nobis intercédât ad Dómi-
num Jesum Christum. **V.**
Cum jucunditáte Nativitátem
beátæ Mariæ Virginis devo-
tissime celebrémus. Ut.

Lectio iij.

MURÉNULAS áureas facié-
mus tibi, vermiculátas
argénto. Dum esset rex in
accúbitu suo, nardus mea
dedit odórem suum. Fasci-
culus myrrhæ diléctus meus
mihi, inter úbera mea com-
morábitur. Botrus Cypri di-
léctus meus mihi, in vineis
Engáddi. Ecce tu pulchra es
amíca mea, ecce tu pulchra
es, óculi tui columbárum.
Ecce tu pulcher es dilécte
mi, et decórus. Léctulus
noster flóridus : tigna domó-
rum nostrárum cédrina, la-
queária nostra cypréssina.

R. Gloriósa Virginitatis Mariæ
ortum digníssimum recolá-
mus, * Cujus Dóminus humi-
litátem respéxit, quæ Angelo

nuntiante concépit Salvatórem mundi. **Ÿ.** Beatissimæ Virginis Mariæ Nativitatem devotissime celebrémus. Cujus Dóminus. Glória Patri. Cujus.

IN II. NOCTURNO

Sermo sancti Augustini
Episcopi.

Serm. 18. de Sanctis, qui est
2. de Annunt. Dominica.

Lectio iv.

ADEST nobis, dilectíssimi, optátus dies beátæ ac venerábilis semper Virginis Mariæ : ideo cum summa exsultatióne gáudeat terra nostra, tantæ Virginis illustráta natáli. Hæc est enim flos campi, de qua ortum est pretiósum lílium convál-lium, per cuius partum mutátur natúra protoplastórum, delétur et culpa. Præcisum est in ea illud Hevæ infelicitátis elógium, quo dicitur : In dolóre páries filios tuos ; quia ista in lætitia Dóminum péperit.

R. Nativitas gloriósæ Virginis Mariæ ex sémine Abrahamæ, ortæ de tribu Juda, clara ex stirpe David : * Cujus vita inclýta cunctas illústrat eccléasias. **Ÿ.** Hódie nata est beáta Virgo María ex progénie David. Cujus.

Lectio v.

HEVÆ enim luxit, ista exsultávit : Hevalácrymas, María gáudium in ventre portávit : quia illa peccatórem, ista édedit innocéntem. Mater géneris nostri pœnam

intulit mundo, Génitrix Dómini nostri salútem intulit mundo. Auctrix peccáti Heva, áuctrix mérili María. Heva occidéndo óbfruit, María vivificándo prófruit. Illa percússit, ista sanávit. Pro inobediéntia enim obediéntia commutátur, fides pro perfidia compensátur.

R. Cum jucunditáte Nativitatem beátæ Mariæ celebrémus : * Ut ipsa pro nobis intercédât ad Dóminum Jesum Christum. **V.** Corde et ánimo Christo canámus glóriam in hac sacra solemnitáte præcélsæ Genitricis Dei Mariæ. Ut.

Lectio vj.

PLÁUDAT nunc órganis María, et inter velóces artículos týmpána puérperæ cóncrepent. Cóncinant lætántes chori, et alternántibus módulis dulcisona cámina misceántur. Audite igitur quemádmódum tympanístria nostra cantáverit. Ait enim : Magnificat ánima mea Dóminum : et exsultávit spíritus meus in Deo salutári meo. Quia respéxit humilitátem ancillæ suæ : ecce enim ex hoc beátam me dicent omnes generatiónes. Quia fecit mihi magna qui potens est. Cáusam igitur invalescéntis erráti miráculum novi partus evícit, et Hevæ planctum Mariæ cantus exclúsit.

R. Nativitas tua Dei Génitrix Virgo gáudium annun-

tiávit univérso mundo : * Ex te enim ortus est sol justitiæ, Christus Deus noster : * Qui solvens maledictiōnem, dedit benedictiōnem : et confúndens mortem, donávit nobis vitam sempitérnam. **V.** Benedicta tu in muliéribus, et benedictus fructus ventris tui. Ex. Glória Patri. Qui.

IN III. NOCTURNO

Léctio sancti Evangélii secúndum Matthæum.

Lectio vij. Cap. 1.

LIBER generatiōnis Jesu Christi filii David, filii Abraham. Abraham genuit Isaac. Isaac áutem genuit Jacob. Et reliqua.

Homilia sancti Hierónymi Presbyteri.

Lib. 1. Comm. in Matth., in initio.

IN Isaia légimus : Generatiōnem ejus quis enarrábit? Non ergo putémus Evangelistam Prophétæ esse contrárium, ut quod ille impossibile dixit effátu, hic narráre incipiat : quia ibi de generatiōne divinitátis, hic de incarnatiōne est dictum. A carnálibus áutem cœpit, ut per hóminem, Deum discere incipiámus. Filii David, filii Abraham. Ordo præpósterus, sed necessarió commutátus. Si enim primum posuisset Abraham, et póstea David, rursus ei repeténdus fúerat Abraham, ut generatiōnis séries texerétur.

R. Beátam me dicent

omnes generatiōnes : * Quia fecit mihi Dóminus magna qui potens est, et sanctum nomen ejus. **V.** Et misericórdia ejus a progénie in progénies timéntibus eum. Quia fecit.

Bened. Cujus festum cólimus, ipsa Virgo vírginum.

Lectio viij.

IDEO áutem cæteris prætermisissis, horum filium nuncupávit : quia ad hos tantum facta est de Christo reproductio. Ad Abraham : In sémine, inquit, tuo benedicéntur omnes gentes : quod est Christus. Ad David : De fructu ventris tui ponam super sedem tuam. Judas áutem genuit Phares et Zaram de Thamar. Notándum, in genealogía Salvatóris nullam sanctárum assúmi mulierum, sed eas quas Scriptúra reprehéndit : ut qui propter peccatóres vénerat, de peccatóribus nascens, ómnium peccáta deléret. Unde et in consequéntibus Ruth Moabitis pónitur, et Bethsabée uxor Uriæ.

R. Felix namque es, sacra Virgo María, et omni láude digníssima : * Quia ex te ortus est sol justitiæ, * Christus Deus noster. **V.** Ora pro pópulo, intérvieni pro clero, intercède pro devóto femíneo sexu : sentiant omnes tuum juvámén, quicúmque celebrant tuam sanctam Nativitátem. Quia. Glória Patri. Christus.

Pro S. Hadriano Martyre.

Lectio ix.

HADRIANUS jussu Maximiani imperatoris apud Nicomediam persequens Christianos, cum sæpius eorum in fidei confessione et tormentorum perpessione constantiam demiratus esset, vehementer ea re commotus, ad Christum sese convertit. Quamobrem cum aliis viginti tribus Christianis conjectus est in carcerem: ubi eum visitans Natalia uxor, quæ et ipsa antea in Christum crediderat, ad martyrium incendit. Itaque e custodia eductus, tamdiu flagellis cæsus est, donec intestina diffluerent. Postræmo fractis cruribus, manibus pedibusque præcisis, una cum multis aliis martyrii certamen feliciter absolvit.

Te Deum laudamus. 16.

AD LAUDES

ET PER HORAS

Ant. 1. Nativitas gloriosa Virginis Mariæ * ex semine Abrahæ, ortæ de tribu Juda, clara ex stirpe David.

Ps. Dominus regnavit. cum reliq. 17.

2. Nativitas est hodie * sanctæ Mariæ Virginis, cujus vita incluta cunctas illustrat ecclesias.

3. Regali ex progénie * Mariæ exorta refulget: cujus precibus nos adjuvari mente et spiritu devotissime poscimus.

4. Corde et ánimo * Chri-

sto canamus glóriam in hac sacra solemnitate præcelsæ Genitricis Dei Mariæ.

5. Cum jucunditate * Nativitatem beætæ Mariæ celebrémus, ut ipsa pro nobis intercédât ad Dóminum Jesum Christum.

Capitulum. Eccli. 24. b

AB initio, et ante sæcula creata sum, et usque ad futurum sæculum non desinam, et in habitatione sancta coram ipso ministravi.

Hymn. O gloriosa virginum. 157*.

V. Nativitas est hodie sanctæ Mariæ Virginis. **R.** Cujus vita incluta cunctas illustrat ecclesias.

Ad Bened. Ant. Nativitatem hodiernam * perpétuæ Virginis Genitricis Dei Mariæ solémniter celebrémus, qua celsitudo throni processit, allelúia.

Oratio.

FÁMULIS tuis, quæsumus Dómine, cælestis gratiæ munus impertire: ut quibus beætæ Virginis partus exstitit salutis exórdium, Nativitatis ejus votiva solémnitas pacis tribuat incrementum. Per Dóminum.

Et fit Commem. S. Hadriani Martyris, hoc loco tantum.

Ant. Qui odit animam suam in hoc mundo, in vitam ætérnam custódit eam.

V. Justus ut palma florébit. **R.** Sicut cedrus Líbani multiplicábitur.

Oratio.

PRÆSTA, quæsumus omnipotens Deus : ut qui beati Hadriani Mártiris tui natalitia cólimus, intercessióne ejus in tui nóminis amóre roborémur. Per Dóminum.

AD PRIMAM

In **R.** br. dicitur **V.** Qui natus es de María Virgine. Et sic dicitur per totam Octavam, etiam in Festis.

AD TERTIAM

Ant. Nativitas est hódie.

Capit. Ab initio. 309.

R. br. Spécie tua * Et pulchritúdine tua. Spécie. **V.** Inténde, prospere procéde, et regna. Et. Glória Patri. Spécie.

V. Adjuvabit eam Deus vultu suo. **R.** Deus in médio ejus, non commovébitur.

AD SEXTAM

Ant. Regáli ex progénie.

Capitulum. Eccli. 24. b

ET sic in Sion firmáta sum, et in civitaté sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illius, et in plenitúdine sanctórum deténtio mea.

R. br. Adjuvabit eam * Deus vultu suo. Adjuvabit.

V. Deus in médio ejus, non commovébitur. Deus. Glória Patri. Adjuvabit.

V. Elégit eam Deus, et præelégit eam. **R.** In tabernáculo suo habitáre facit eam.

AD NONAM

Ant. Cum jucunditáte.

Capitulum. Eccli. 24. b

IN platéis sicut cinnamómum et bálsamum aromatizans odórem dedi : quasi myrrha elécta, dedi suavitátem odóris.

R. br. Elégit eam Deus, * Et præelégit eam. Elégit. **V.** In tabernáculo suo habitáre facit eam. Et. Glória Patri. Elégit.

V. Diffúsa est grátia in lábiis tuis. **R.** Proptérea benedixit te Deus in ætérnum.

IN II. VESPERIS

Ant. de Laud., Pss., Capit. et Hymn. ut in Fest. B. M. V. 145*.

V. Nativitas est hódie sanctæ Mariæ Virginis. **R.** Cujus vita inclyta cunctas illústrat ecclésiās.

Ad Magnif. Ant. Nativitas tua, * Dei Génitrix Virgo, gáudium annuntiávit univérso mundo : ex te enim ortus est sol justitiæ, Christus Deus noster : qui solvens maledictiónem, dedit benedictiónem, et confúndens mortem, donávit nobis vitam sempitérnam.

Orat. Fámulis. ut supra.

Et fit Commem. S. Gorgonii Mártiris.

Ant. Iste sanctus pro lege Dei sui certávit usque ad mortem, et a verbis impiórum non timuit : fundátus enim erat supra firmam petram.

V. Glória et honóre coro-

násti eum Dómine. **R.** Et constituísti eum super ópera mánuum tuárum.

Oratio.

SANCTUS tuus Dómine Gorgónius sua nos intercessióne lætíficet : et pia fáciat solemnitáte gaudére. Per Dóminum.

DOM. INFRA OCT. NATIV.

B. M. V.

SS. NOMINIS B. M. V.

Duplex majus.

¶ Si hæc Dominica immediate sequatur Festum Nativ., Vesperæ dicuntur integræ de Nativ. sine Commem. SS. Nominis. Si autem Festum SS. Nominis incidat in diem Oct. Nativ., Officium fit de eo, absque Commem. diei Oct.

Omnia ut in Festis B. M. V. per annum. 145*, præter seq.

IN I. VESPERIS

Ad Magnif. Ant. Sancta Maria * succúrre miseris, juva pusillánimes, réfove flébiles, ora pro pópulo, intérvieni pro clero, intercède pro devóto femíneo sexu : sentiant omnes tuum juvámén, quicúmque célebrant tui sancti Nóminis commemoratiónem.

Oratio.

CONCÉDE, quæsumus omnipotens Deus : ut fidéles tui, qui sub sanctissimæ Virgini Mariæ Nómine et protectióne lætántur; ejus pia intercessióne, a cunctis ma-

lis liberéntur in terris, et ad gáudia ætérna pervenire mereántur in cælis. Per Dóminum.

Et fit Commem. Dom. occur.

IN I. NOCTURNO

Lect. Ego sapiéntia. 149*.

IN II. NOCTURNO

Sermo sancti Bernárdi Abbátis.

Ex Homil. 2. super Missus est, circa finem.

Lectio iv.

ET nomen, inquit, Virginis Maria. Loquámur páuca, et super hoc nómine, quod interpretátum maris stella dicitur, et Matri Virgini valde conveniénter aptátur. Ipsa namque aptissime síderi comparátur, quia sicut sine sui corruptiÓne sidus suum emíttit rádium, sic absque sui læsiÓne Virgo parturívit filium. Nec síderi rádus suam mínuit claritátem, nec Virgini filius suam integritátem. Ipsa est igitur nóbilis illa stella ex Jacob orta, cujus rádus univérsum orbem illúminat : cujus splendor et præfulget in supérnis, et inferos pénétrat, terras étiam perlústrans, et calefáciens magis mentes quam córpora : fovet virtútes, éxcoquit vítia. Ipsa, inquam, est præclára et eximia stella super hoc mare magnum et spatiósum necessarió subleváta, micans méritis, illústrans exémplis.

R. Sicut cedrus exaltáta

sum in Líbano; et sicut cypréssus in monte Sion: quasi myrrha elécta, * Dedi suavitátem odóris. *Ÿ*. Et sicut cinnamómum et bálsamum aromatizans. Dedi.

Lectio v.

O quisquis te intélligis in hujus sæculi proflúvio magis inter procéllas et tempestátes fluctuáre, quam per terram ambuláre: ne avértas óculos a fulgóre hujus sideris, si non vis óbrui procéllis. Si insúrgant venti tentatiónum, si incúrras scópulos tribulatiónum, réspice stellam, voca Mariám. Si jactáris supérbiæ undis, si ambitiónis, si detractiónis, si æmulatiónis, réspice stellam, voca Mariám. Si iracúndia, aut avarítia, aut carnis illécebra navículam concússerit mentis, réspice ad Mariám. Si criminum immanitáte turbátus, consciéntiæ foeditáte confusus, judicii horróre pertérritus, bárathro incípias absorbéri tristitiæ, desperatiónis abýsso, cógita Mariám.

Ŗ. Quæ est ista quæ processit sicut sol, et formósa tamquam Jerúsalem? * Vidérunt eam filiæ Sion, et beátam dixerunt, et reginæ laudavérunt eam. *Ÿ*. Et sicut dies verni circúmdabant eam flores rosárum et lilia convállium. Vidérunt.

Lectio vj.

In periculis, in angústiis, in rebus dúbiis Mariám

cógita, Mariám invoca. Non recédát ab ore, non recédát a corde, et ut impetres ejus oratiónis suffrágium, non déseras conversatiónis exémpulum. Ipsam sequens non dévias: ipsam rogans non despéras: ipsam cógitans non erras: ipsa tenénce non córruis: ipsa protegénce non métuís: ipsa duce non fatigáris: ipsa propítia pervenis, et sic in temetípso experíris quam mérito dictum sit: Et nomen Virginis Maria. Quod quidem venerábile nomen, jamprídem in quibúsdam christiáni orbis pártibus speciáli ritu cultum, Innocéntius undécimus Románus Póntifex, ob insígnem victóriam sub ejúsdem Virginis Mariæ præsidio de immaníssimo Turcárum tyránno, cervicibus pópuli christiáni insultánte Viénnæ in Austria partam, et in perénne tanti beneficii monuméntum, in Ecclesiá universáli singulis annis Dominica infra Octávam Nativitátis beátæ Virginis Mariæ celebrári præcépit.

Ŗ. Ornátam. 153*.

IN III. NOCTURNO
Léctio sancti Evangélii secundum Lucam.

Lectio vij. Cap. 1. c

In illo témpore: Missus est Angelus Gábriel a Deo in civitátem Galilææ, cui nomen Názareth, ad Virginem desponsátam virgo, cui nomen erat Joseph, de domo

David : et nomen Virginis
María. Et reliqua.

Homilia sancti Petri Chry-
sólogi.

Serm. 142. de Annuntiat.

AUDÍSTIS hódie, fratres
caríssimi, Angelum cum
muliere de hóminis repara-
tíone tractántem. Audístis
agi, ut homo cúrsibus eis-
dem quibus dilápsus fúerat
ad mortem, redíret ad vi-
tam. Agit, agit cum María
Angelus de salúte, quia cum
Heva ángelus égerat de rui-
na. Audístis Angelum de car-
nis nostræ limo templum di-
vinæ majestátis arte ineffá-
bili construéntem. Audístis
in terris Deum, in cælis hó-
minem sacraménto incom-
prehensibili collocári. Audi-
stis inaudita ratióne in uno
córpoře Deum hominémque
miscéri. Audístis fráguilem
nostræ carnis natúram, ad
portándam totam Deitátis
glóriam, angélica exhorta-
tíone roborári.

R. Felix namque es, sacra
Virgo María, et omni láude
digníssima : * Quia ex te or-
tus est sol justitiæ, Christus
Deus noster. **V.** Ora pro
pópulo, intérvieni pro clero,
intercéde pro devóto femi-
neo sexu : séntiant omnes
tuum juvámen, quicúmque
celebrant tui sancti Nó-
minis commemoratióem.
Quia.

Bened. Cujus festum cóli-
mus, ipsa Virgo víginum.

Lectio viij.

DÉNIQUE, ne tanto pónderi
cæléstis fábricae in Ma-
ría subtilis nostri córporis
aréna succumberet, et in
Virgine totíus géneris hu-
máni portatúra fructum,
virga ténuis frangerétur, fu-
gatúra metum vox Angeli
mox præcéssit, dicens : Ne
timeas María. Ante cáusam
dignitas Vírginis annuntiá-
tur ex nómine; nam Ma-
ría hebræo sermóne, latíne
Dómina nuncupátur. Vocat
ergo Angelus Dóminam, ut
Dominatoris Genitricem tre-
pidátio déserat servitútis,
quam nasci et vocári Dómi-
nam ipsa sui gérmis fecit
et impetrávit auctóritas. Ne
timeas María : invenísti enim
grátiam. Verum est, quia qui
invenit grátiam, nescit timé-
re : invenísti grátiam.

R. Beátam me dicent
omnes generatióes : * Quia
fecit mihi Dóminus magna
qui potens est, et sanctum
nomen ejus. **V.** Et miseri-
córdia ejus a progénie in
progénies timéntibus eum.
Quia. Glória Patri. Quia.

**ix. Lect. de Homil. Dom
occur., cum ejus Commem.
in Laudibus et in II. Vesperis.**

Si autem idem Officium,
juxta Rubricas Breviarii Ro-
mani, transferendum sit,
**ix. Lect. sumatur eo anno
ex Officio B. Mariæ in Sab-
bato de mense, ad quem
transfertur.**

DIE IX

II. DIE INFRA OCTAVAM

NATIVITATIS B. M. V.

IN I. NOCTURNO

Lect. de Script. occur.

IN II. NOCTURNO

De Sermóne sancti Augustini Episcopi.

Serm. 18. de Sanctis, in med.**Lectio iv.**

EXSÚLTAT María, et matrem se læta mirátur, et de Spiritu sancto se peperisse gáudet; nec quia péperit innúpta, terrétur; sed quia genúerit, cum exsultatióne mirátur. O fémina super féminas benedicta, quæ virum omnino non novit, et virum suo útero circúmdedit! Circúmdat virum María Angelo fidem dando, quia Heva pérdidit virum, serpénti consentiendo. O felix obediéntia, o insignis grátia! quæ dum fidem humiliter dedit, cæli in se opíficem corporávit. Hinc promérui glóriam, quam ipsa póstmódum áuxit. Ecce, ait, ex hoc beátam me dicent omnes generatiónes.

ñ. Nativitas. 307.**Lectio v.**

OBEÁTA María, quis tibi digne váleat jura gratiárum ac láudum præcónia repéndere, quæ singulári tuo assénsu mundo succurristi pérdito? Quas tibi láudes fragilitas humáni géneris persólvat, quæ solo tuo

commércio recuperándi áditum invénit? Accipe itaque quascúmque éxiles, quascúmque méritis tuis impares gratiárum actiões: et cum suscéperis vota, culpas nostras orándo excúsa. Admitte nostras preces intra sacrárium exauditiónis, et repórta nobis antídoto re-conciliatiónis.

ñ. Cum jucunditáte. 307.**Lectio vj.**

SIT per te excusábile quod per te ingérimus: fiat impetrábile quod fida mente póscimus. Accipe quod offérimus, redóna quod rogámus, excúsa quod timémus: quia tu es spes única peccatórum. Per te sperámus véniam delictórum, et in te beatissima nostrórum est expectátió præmiórum. Sancta María, succúrre míseris, juva pusillánimes, réfove flébiles, ora pro pópulo, intérvieni pro clero, intercéde pro devóto femineo sexu: séntiant omnes tuum juvámen, quicúmque celebrant tuam sanctam Nativitátem.

ñ. Nativitas tua. 307.

IN III. NOCTURNO

Léctio sancti Evangélii secúndum Matthæum.

Lectio vij. Cap. 1.

LIBER generatiónis Jesu Christi filii David, filii Abraham. Abraham génuít Isaac. Isaac áutem génuít Jacob. Et réliqua.

De Homiliâ sancti Hierónymi
Presbýteri.

Lib. 1. Comm. in Matth.

JACOB autem genuit Joseph. Hunc locum objecit nobis Juliánus Augústus de dissonántia Evangelistárum, cur Evangelista Matthæus Joseph dixerit filium Jacob, et Lucas eum filium appellárit Heli : non intélligens consuetúdinem Scripturárum, quod alter secúndum natúram, alter secúndum legem ei pater sit. Scimus enim hoc per Móysen, Deo jubénte, præcéptum, ut sit frater aut propinquus absque liberis mórtuus fúerit, álius accipiat uxórem ad suscitándum semen fratris vel propinqui sui. Joseph virum Mariæ. Cum virum audieris, suspício tibi non súbbeat nuptiárum : sed recordáre consuetúdinis Scripturárum, quod sponsi viri, et sponsæ vocéntur uxóres.

℞. Beátam. 308.

Lectio viij.

ET a transmigratióne Babylónis usque ad Christum generatiónes quatuórdecim. Númera a Jechonía usque ad Joseph, et invénies generatiónes trédecim. Quartadécima ergo generátio in ipsum Christum reputábitur. Christi autem generátio sic erat. Quærat diligens lector, et dicat : Cum Joseph non sit pater Dómini Salvatóris, quid pértinet ad

Dóminum generatiónis ordo dedúctus usque ad Joseph? Cui respondébimus, primum, non esse consuetúdinis Scripturárum, ut mulierum in generatióibus ordo texátur. Deinde, ex una tribu fuisse Joseph et Mariám, unde ex lege eam accipere cogebátur ut propínquam : et quod simul censéntur in Béthlehem, ut de una videlicet stirpe generáti.

℞. Felix namque. 308.

Pro S. Gorgonio Mart.

Lectio ix.

GORGÓNII Nicomediæ nativus, Diocletiáni imperatóris cubiculárius, Dorótheo colléga suo adjutóre, reliquos omnes cubiculi ministros ad Christi fidem perduxit. Utérque autem cum vidisset quodam die Mátyrem coram Diocletiáno acerbíssime cruciári, ejus exemplo martýrii amore incénsus est. Itaque ambórum hæc vox erúpit : Quid est, imperátor, quod hujus condemnáta senténtia, quæ nobis cum eo commúnis est, unum illum punis? Istius nostra étiam est fides, idem propósitum. Eos igitur vinctos imperátor flagéllis concídi jubet, ita ut toto corpore cutis dirumperétur, et in plagas acétum infúndi sale permíxtum : mox revinctis in craticula súbjici ímpérat vim candéntium carbónum. Dénique várie torti, suspéndio necáti sunt. Ac sancti

Gorgónii corpus aliquándo Romam portátum, inter duas láuros via Latína sepúltum, póstea a Gregório quarto Summo Pontífice in basilicam princípis Apostolorum translátum est.

Te Deum laudámus. 16.

In Laud. fit Commem. S. Gorgonii.

Ant. Qui odit ánimam suam in hoc mundo, in vitam ætérnam custódit eam.

Ÿ. Justus ut palma florébit. R. Sicut cedrus Libani multiplicábitur.

Oratio.

SANCTUS tuus Dómine Gorgónius sua nos intercessióne lætíficet : et pia fáciat solemnitáte gaudére. Per Dóminum.

Vesp. de seq., cum Commem. Oct.

DIE X

S. NICOLAI DE TOLENTINO
CONFESSORIS

Duplex.

Omnia de Comm. Conf. non Pont. 76*, præter seq.

Oratio.

ADÉSTO Dómine supplicatiónibus nostris, quas in beáti Nicolái Confessoris tui solemnitáte deférimus : ut qui nostræ justitiæ fidúciám non habémus, ejus qui tibi plácuít, précibus adjuvémur. Per Dóminum.

Deinde fit Commem. Oct. Nativit. Ant. Nativitas tua. Ÿ. Nativitas est. 310. et Orat. Fámulis. 309.

IN I. NOCTURNO

Lect. de Script. occur.

IN II. NOCTURNO

Lectio iv.

NICOLÁUS, Tolentinas a diutúrno illius civitátis domicílio appellátus, in ópido sancti Angeli in Picéno est natus piis paréntibus : qui liberórum desidério Bárium voti cáusa profécti, ibíque a sancto Nicoláo de futura prole confirmáti, quem suscepérunt filium de illius nómine appellárunť. Is ab infántia multárum virtútum, sed abstinéntiæ in primis spécimen dedit. Nam anno vix séptimo, beátum ipsum Nicoláum imitátus, complúres hebdomadæ dies jejunáre cœpit, eámque póstea consuetúdinem retinuit, solo pane et aqua conténtus.

R. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. Ÿ. Justum dedúxit Dóminus per vias rectas, et osténdit illi regnum Dei. Et.

Lectio v.

ADÚLTA ætáte jam clericáli militiæ adscriptus, et canónicus factus, cum quodam die concionatórem órdis Eremitárum sancti Augustini de mundi contémpťu dicéntem audisset, eo sermóne inflammátus, statim eúmdem órđinem est ingræssus. In quo tam exáctam religiósæ vitæ ratióne cõ-

luit, ut áspero vestitu, verbéribus et férrea caténa corpus domans, atque a carne et omni fere obsónio ábstinens, caritáte, humilitáte, patiéntia, cæterisque virtútibus áliis prælucéret.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. **V.** Induit eum Dóminus lorícam fidei, et ornávit eum. Et ad portas.

Lectio vj.

ORÁNDI assíduum stúdiu, quamvis sátanæ insídiis várie vexátus, et flagéllis intérdum cæsus, non intérmittébat. Demum sex ante óbitu ménsibus, singulis nóctibus angélicu concén-tu audívit, cujus suavité cum jam paradisi gáudia prægustáret, crebro illud Apóstoli repetébat : Cúpio dissólvi, et esse cum Christo. Dénique óbitu sui diem frátribus prædixit, qui fuit quarto Idus Septémbris. Miráculis multis étiam post mortem cláruit, quibus rite et órdine cógnitis, ab Eugénio Papa quarto in sanctórum númeru est relátus.

R. Iste homo. 83*.

IN III. NOCTURNO

Homil. in Evang. Nolite timére. **de eodem Comm.** 2º loco. 90*.

In Laud. Commem. Oct. **Ant.** Nativitátem. **V.** Nativitas est. 310. **et Orat.** Fámulis. 309.

In II. Vesp. fit Commem. ejusdem Octavæ. **Ant.** Nativitas tua. **V.** Nativitas est. 310. **et Orat.** Fámulis. 309.

Deinde SS. Mart. Proti et Hyacinthi.

Ant. Istórum est enim regnu cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

V. Lætámini in Dómino, et exsultáte justí. **R.** Et gloriámini omnes recti corde.

Oratio.

BEATÓRUM Mártýrum tuórum Proti et Hyacinthi nos Dómine foveat pretiósá conféssio : et pia júgiter intercéssio tueátur. Per Dóminu.

DIE XI

IV. DIE INFRA OCTAV.

NATIVITATIS B. M. V.

IN I. NOCTURNO

Lect. de Script. occur.

IN II. NOCTURNO

Sermo sancti Bernárdi Abbátis.

Serm. in cap. 12. Apoc., ante medium.

Lectio iv.

NOVUM fecit Dóminus super terram, ut múlíer circúmdaret viru, nec áliu quam Christu, de quo dicitur : Ecce vir, Oriens nomen ejus. Novu quoque fecit in cælo, ut múlíer sole apparéret amícta. Dénique et coronávit eum, et vicissim ab eo méruit coronári.

Egredimini filiae Sion, et videte regem Salomónem in diadémate, quo coronávit eum mater sua. Verum hoc alias. Interim sane ingredi mini magis, et videte Reginam in diadémate, quo coronávit eam filius suus. In cápite, inquit, ejus corónastellárum duódecim.

℞. Nativitas. 307.

Lectio v.

DIGNUM plane stellis coronári caput, quod et ipsis longe clárius micans, ornet eas pótius quam ornétur ab eis. Quidni coronent sidera, quam sol vestit? Sicut dies verni circúmdabant eam flores rosárum et lilia conválium. Nimirum læva sponsi sub cápite ejus, et jam dextera illíus amplexátur eam. Quis illas æstimet gemmas? Quis stellas nóminet, quibus Mariæ régium diadéma compactum est?

℞. Cum jucunditate. 307.

Lectio vj.

QUID ergo sidereum micat in generatióne Mariæ? Plane quod ex régibus orta, quod ex sémine Abrahæ, quod generósa ex stirpe David. Si id parum vidétur, adde quod generatióni illi ob singuláre privilégium sanctitátis divínitus nóscitur esse concessa, quod longe ante eisdem pátribus cælitus repromissa, quod mýsticis præfiguráta miraculis, quod oráculis prænuntiáta prophéticis. Hanc

enim sacerdotális virga, dum sine radice flóruit : hanc Ge-deónis vellus, dum in médio siccae áreæ máduit : hanc in Ezechiélis visióne Orientális porta, quæ nulli umquam páuit, præsignábat.

℞. Nativitas tua. 307.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 1.

LIBER generatiónis Jesu Christi filii David, filii Abraham. Abraham génuit Isaac. Isaac áutem génuit Jacob. Et réliqua.

Homilia sancti Hiláarii
Episcopi.

Comment. in Matth. cap. 1.

GRESSUS quem Matthæus in órdine régiae successiós edíderat, et quem Lucas per sacerdotálem órdinem dinúmerat, utérque agnatióem in Dómino utriúsque tribus significat, et rectæ generatiónis gradum ponit : quia sacerdotális et régiae tribus societas, per David ex conjúgio ínita, jam a Saláthiel in Zoróbabel confirmátur ex genere. Atque ita, dum Matthæus páternam oríginem, quæ ex Juda proficiscebátur, recénsset; Lucas vero accéptum per Nathan ex tribu Levi genus édocet; suis utérque pártibus Dómino nostro Jesu Christo, qui est ætérnus et Rex et Sacérdos, étiam in carnáli ortu utriúsque

géneris glóriam probaverunt.

℞. Beátam. 308.

Lectio viij.

QUOD vero Joseph pótius quam Mariæ nativitas recensétur, nihil refert : eadem enim est totius tribus atque una cognátio. Exéplum áutem étiam Matthæus et Lucas dedérunt, patres invicem appellántes, non tam gènere, quam gente : quia ab una tribu cœpta, sub unius successiónis et originis familia continétur. Cum enim filius David atque Abrahæ sit ostendéndus, ita Matthæus cœpit : Liber generatiónis Jesu Christi filii David, filii Abraham.

℞. Felix namque. 308.

Pro SS. Martyribus Proto et Hyacintho.

Lectio ix.

PROTUS et Hyacinthus fratres, beátæ Eugénia virginis eunúchi, una cum illa ab Héleno episcopo baptizáti, ac stúdiis dediti divinarum litterarum, aliquándiu in Ægýpto inter ascétas mira humilitáte et vitæ sanctitáte vixerunt. Sed póstea sanctam virginem Eugéniam Romam prosecúti, Galliéno imperatóre, in Urbe propter christiánæ fidei professiönem comprehénsi sunt. A quibus cum nullo modo impetrári posset, ut christiánam religiönem deseréntes, deos cólerent, acérbis verbéribus cæsi, secúri fe-

riúntur tértio Idus Septémbris.

Te Deum laudámus. 16.

In Laud. fit Commem. SS.

Martyrum.

Ant. Vestri capilli cápitis omnes numeráti sunt : nolíte timére : multis passéribus meliôres estis vos.

Ÿ. Exsultábunt sancti in glória. ℞. Lætábúntur in cubilibus suis.

Orat. Beatórum Mátyrum tuórum. 317.

DIE XII

V. DIE INFRA OCTAVAM

NATIVITATIS B. M. V.

IN I. NOCTURNO

Lect. de Script. occur.

IN II. NOCTURNO

Sermo sancti Joánnis Chrysóstomi.

Apud Metaphrasten.

Lectio iv.

DEI Filius non dívitem aut locuplétem áliquam féminam sibi matrem elégit, sed beátam Virginem illam, cujus ánima virtútibus ornáta erat. Cum enim beáta María supra omnem humanam natúram castitátem serváret, proptérea Christum Dóminum in ventre concépit. Ad hanc igitur sanctissimam Virginem et Dei Matrem accurréntes, ejus patrocínii utilitátem assequámur. Itaque quaecúmque estis vírgines ad Matrem Dómini confúgite. Ille enim pulchérissimam, pretiosissimam, et incorruptibilem

possessionem patrocínio suo vobis conservábit.

℟. Nativitas. 307.

Lectio v.

MAGNUM revéra miraculum, fratres dilectissimi, fuit beáta semper Virgo María. Quid namque illa majus aut illústrius ullo umquam témpore invéntum est, seu aliquándo inveniri póterit? Hæc sola cælum ac terram amplitúdine superávit. Quidnam illa sánctius? Non Prophétæ, non Apóstoli, non Mártyres, non Patriárchæ, non Angeli, non Throni, non Dominationes, non Séraphim, non Chérubim : non dénique áliud quídpian inter creatas res visibiles aut invisibiles, majus aut excellentius, inveniri potest. Eadem ancilla Dei est et mater : éadem Virgo et Génitrix.

℟. Cum jucunditáte. 307.

Lectio vj.

HÆC ejus mater est, qui a Patre ante omne principium génius fuit, quem Angeli et hómines agnóscunt Dóminum rerum ómnium. Visne cognóscere quanto Virgo hæc præstántior sit cælestibus Poténtiis? Illæ cum timóre et tremóre assistunt, faciém velántes suam : hæc humánum genus illi offert, quem genuit. Per hanc et peccatórum véniam conséquimur. Ave igitur mater, cælum, puélla, virgo, thronus, Ecclesiæ nostræ decus,

glória et firmaméntum, assidue pro nobis precáre Jesum Filium tuum, et Dóminum nostrum : ut per te misericórdiam invenire in die judicii, et quæ repósita sunt iis, qui diligunt Deum, bona cónsequi possimus, grátia et benignitáte Dómini nostri Jesu Christi : cum quo Patri simul, et sancto Spiritui glória, et honor, et impérium, nunc et semper in sæcula sæculórum. Amen.

℟. Nativitas tua. 307.

IN III. NOCTURNO

Léctio sancti Evangélii secundum Matthæum.

Lectio vij. Cap. 1.

LIBER generatiónis Jesu Christi filii David, filii Abraham. Abraham génuít Isaac. Isaac áutem génuít Jacob. Et réliqua.

De Homilia sancti Hilárii Episcopi.

Comment. in Matth. cap. 1.

NON refert quis in originis número atque órđine collocétur, dúmmodo universórum familia cœpta esse intelligátur ab uno. Itaque cum ejúsdem tribus sit Joseph et María, dum profectus esse ex Abrahæ genere Joseph osténditur, profecta quoque docétur et María. Hæc enim in lege rátio serváta est, ut si mórtuus sine filiis familiæ princeps esset, defúnti uxórem postérior frater ejúsdem cognatiónis accíperet, susceptósque filios in familiam ejus qui

mórtuus esset, reférret : manerétque ita in primogénitis successiónis ordo, cum patris eórum qui post se nati essent, aut nómine haberéntur, aut gènere.

¶ Beátam. 308.

Lectio viij.

SSEQUENS illud est, ut quia diximus secúndum rerum fidem generatiónis istíus ór-dinem nec número sibi nec successióne constáre, hujus quoque rei rátio afferátur. Non enim levis cáusa est, ut áliud in narratióne sit, áliud fúerit in gestis : et áliud referátur in summa, áliud vero teneátur in número. Namque ab Abraham usque ad David quatuórdecim generatiónes numerátæ sunt : et a David usque ad transmigratiónem Babylónis in quibúsdam libris decem et septem deprehendúntur. Sed in hoc non mendácii aut negligéntiæ vitium est. Tres enim generatiónes præteritæ sunt. Nam Joras génuit Ochoziam, Ochozias vero génuit Joam, Joas deínde Amasiam, Amasias áutem Oziam : et in Matthæo Joras Oziam genuisse scribitur, cum quartus ab eo sit. Hoc ita, quia ex gentili fémina Joras Ochoziam génuit, ex Achab scilicet, qui Jézabel hábuit uxórem.

¶ Felix namque. 308.

Lectio ix.

DÉNIQUE per prophétam non nisi quarta generatióne in throno régio Israël

quemquam de domo Achab esse sessúrum dicitur. Pur-gáta igitur labe familiæ gentilis, tribus, quæ præteritis jam régulis in quarto generatiónum consequéntium ór-dine numerátur, et usque ad Mariam generatiónes quatuórdecim esse scribúntur, cum in número decem et septem reperiántur, nullus error esse póterit sciéntibus non eam solum esse Dómino nostro Jesu Christo originem, quæ cœpit ex María : sed in procreatióne corpórea, nativitátis æternæ significántiam comprehendí.

Te Deum laudámus. 16.

DIE XIII

VI. DIE INFRA OCTAVAM

NATIVITATIS B. M. V.

IN I. NOCTURNO

Lect. de Script. occur.

IN II. NOCTURNO

Ex libro sancti Epiphánii
Episcopi advérsus hæreses.

Lib. 3. hæresi 78. post med.

Lectio iv.

BEÁTA Mater Dei María per Hevam significátur, quæ per ænigma accépit, ut mater vivéntium vocétur. Illa etenim mater vivéntium vocáta est, étiam postquam audivit : Terra es, et in terram revertéris, post transgressiónem. Et mirum est, quod post trangressiónem hoc magnum cognómen hábuit. Et quod quidem pértinet ad

rem sensibilem, ab illa Heva omnis hóminum generátio dedúcta est in terra : hic áutem vere a Maria hæc vita mundo génita est, ut vivéntem gígheret, et fieret Maria mater vivéntium. Per ænigma igitur María mater vivéntium appelláta est.

¶ Nativitas. 307.

Lectio v.

HEVÆ datum est operíre corpus sensibile propter nuditátem sensibilem : Mariæ vero datum est a Deo, ut páreret nobis Agnum et ovem, et ex glória ipsíus Agni et ovis fieret nobis velut a vellere in sapiéntia per virtútem ipsíus indumentum incorruptibilitátis. Heva étiám mortis cáusa facta est homínibus : per ipsam enim mors ingrèssa est in mundum : María vero cáusa vitæ, per quam génita est nobis vita, et per hanc Fílius Dei advénit in mundum : et ubi abundávit peccátum, ibi superabundávit et grátia : et unde illáta est mors, illinc procéssit et vita, ut vita pro morte fieret : et qui per mulierem nobis vita factus est, mortem ex muliere indúctam exclúderet. Et quóniam illic Heva, cum adhuc esset virgo, per inobediéntiam transgrèssa est : e contráριο per Virgínem obediéntia grátia facta est, annuntiáto advéntu in carne de cælo, et vita ætérna.

¶ Cum jucunditáte. 307.

Lectio vj.

DE Maria accipitur (liceat mihi hoc dicere) quod scriptum est de Ecclesiá : Relinquet homo patrem suum et matrem suam, et adhærébit uxóri suæ : et erunt duo in carne una. Sanctus áutem Apóstolus dicit : Mystérium hoc magnum est, ego áutem dico in Christo et Ecclesiá. Et vide Scripturárum accurátam dicéndi proprietátem, quod de Adam quidem dixit, formávit : de Heva vero non formátam esse, sed ædificátam. Accépit enim, inquit, unam de costis ejus, et ædificávit ipsi in uxórem. Quo osténdat, Dóminum quidem de María efformásse sibi ipsi corpus, ab ipsa vero costa ædificátam esse Ecclesiám, in eo quod punctum et apértum est ipsíus latus, et mystéria sánguinis et aquæ, prætia redemptionis facta sunt.

¶ Nativitas tua. 307.

IN III. NOCTURNO

Lectio sancti Evangélíi secúndum Matthæum.

Lectio vij. Cap. 1.

LIBER generatiónis Jesu Christi filii David, filii Abraham. Abraham génuit Isaac. Isaac áutem génuit Jacob. Et reliqua.

Homília sancti Augustíni Epíscopi.

Lib. 2. de consensu Evangelistarum. Cap. 1.

MATTHÆUS Evangelísta sic orsus est : Liber gene-

rationis Jesu Christi filii David, filii Abraham. Quo exórdio suo satis osténdit generatióem Christi secúndum carnem se suscepisse narrándam. Secúndum hanc enim Christus filius hóminis est : quod étiam se ipse sæpissime appellat, comméndans nobis quid misericórditer dignátus sit esse pro nobis. Nam illa supérna et ætérna generatió, secúndum quam Fílius Dei unigénitus est ante omnem creatúram, quia ómnia per ipsum facta sunt, ita ineffábilis est, ut de illa dictum a prophéta intelligátur : Generatióem ejus quis enarrábit?

℞. Beátam. 308.

Lectio viij.

EXSÉQUITUR ergo humánam generatióem Christi Matthæus, ab Abraham generatóres commémorans, quos perdúcit ad Joseph virum Mariæ, de qua natus est Jesus. Neque enim fas erat, ut ob hoc eum a conjúgio Mariæ separándum putáret, quod non ex ejus concúbitu, sed virgo péperit Christum. Hoc enim exémplo magnifice insinuátur fidélibus conjugátis, étiam serváta pari consénsu continéntia, posse permanére vocaríque conjúgium, non permixto córporis sexu, sed custodito mentis afféctu : præsertim quia nasci eis étiam filius pótuit sine ullo compléxu carnáli, qui pro-

pter solos gignéndos filios adhibéndus est.

℞. Felix namque. 308.

Lectio ix. Cap. 2.

CUM áutem evidénter dicat Apóstolus Páulus ex sémine David secúndum carnem Christum; ipsam quoque Mariam de stirpe David áliquam consanguinitátem duxisse, dubitáre útique non debémus. Cujus fémínæ quóniam nec sacerdotále genus tacétur, insinuánte Luca quod cognáta ejus esset Elisabeth, quam dicit de filiábus Aaron : firmíssime tenéndum est, carnem Christi ex utróque génere propagátam, et regum scilicet, et sacerdotum; in quibus personis apud illum pópulum Hebræórum étiam mýstica únctio figurabátur, id est, chrisma, unde Christi nomen elúcet, tanto ante étiam ista evidentíssima significatióne prænuntiátum.

Te Deum laudámus. 16.

Vesp. de seq. cum Commem. Oct.

DIE XIV

IN EXALTATIONE STÆ CRUCIS

Duplex majus.

IN I. VESPERIS

Ant. et Capit. de Laud.;
Pss. ut in I. Vesp. de Comm.
Apost. 2*.

Hymnus.

VEXÍLLA Regis pródeunt :
Fulget Crucis mystérium,
Qua vita mortem pértulit,
Et morte vitam prótulit.

Quæ vulnerata lanceæ
Mucrone diro, criminum
Ut nos lavaret sordibus,
Manavit unda, et sanguine.

Impléta sunt quæ concinit
David fideli carmine,
Dicendo nationibus :
Regnavit a ligno Deus.

Arbor decora et fulgida,
Ornata Regis purpura,
Electa digno stipite
Tam sancta membra tan-
gere.

Beata, cujus brachiis
Præitium pependit sæculi,
Statéra facta corporis,
Tulitque prædam tartari.

O Crux ave spes unica,
In hac triumphi gloria
Piis adauge gratiam,
Reisque dele crimina.

Te, fons salutis Trinitas,
Collaudet omnis spiritus :
Quibus Crucis victoriam
Largiris, adde præmium.

Amen.

V. Hoc signum Crucis erit
in cælo. **R.** Cum Dominus
ad judicandum venerit.

Ad Magnif. Ant. O Crux,
splendidior cunctis astris,
mundo celebris, hominibus
multum amabilis, sanctior
universis, quæ sola fuisti
digna portare talentum mun-
di : dulce lignum, dulces
clavos, dulcia ferens pón-
dera : salva præsentem ca-
tervam in tuis hodie laudi-
bus congregatam.

Orat. ut infra in Laud.

Et fit Commem. Oct. Ant.
Nativitas tua. **V.** Nativitas
est. 310. **Orat.** Famulis. 309.

AD MATUTINUM

Invitat. Christum Regem
pro nobis in Cruce exaltá-
tum, * Venite, adorémus.

Ps. Venite, exsultémus. 2.

Hymnus.

PANGE lingua gloriósi
Láuream certáminis,
Et super Crucis trophæo
Dic triúmphum nóbilem,
Quáliter Redémptor orbis
Immolátus vicerit.

De Paréntis protoplásti
Fráude Factor cóndolens,
Quando pomi noxiális
In necem morsu ruit :
Ipse lignum tunc notávit,
Damna ligni ut sólveret.

Hoc opus nostræ salutis
Ordo depopóscerat;
Multifórmis proditóris
Ars ut artem fálleret,
Et medélam ferret inde,
Hostis unde læserat.

Quando venit ergo sacri
Plenitúdo témporis,
Missus est ab arce Patris
Natus, orbis Cónditor;
Atque ventre virgináli
Carne amictus pródiit.

Vagit infans inter arcta
Cónditus præsépia :
Membra pannis involúta
Virgo Mater álligat :
Et Dei manus pedésque
Stricta cingit fáschia.

Sempitérna sit beátæ
Trinitáti glória,
Æqua Patri, Filióque ;
Par decus Paráclito :
Uníus Trinique nomen
Láudet universitas. Amen.

IN I. NOCTURNO

Ant. Nóbile lignum exal-

tátur, Christi fides rútilat, dum Crux ab ómnibus venerátur.

Pss. de Communi unius Mart. 25.*

Ant. Sancta Crux extóllitur a cunctis régibus, virga régia erígitur, in qua Salvátor triumphávit.

Ant. O Crux venerábilis, quæ salútem attulísti miseris, quibus te éfferam præcóniis, quóniam vitam nobis cæliternam præparásti?

Ÿ. Hoc signum Crucis erit in cælo. *R.* Cum Dóminus ad judicándum vénerit.

De libro Numerórum.

Lectio j. Cap. 21.

CUM audisset Chananæus rex Arad, qui habitábat ad merídiem, venísse scíllicet Israél per exploratórum viam, pugnávit contra illum, et victor existens, duxit ex eo prædam. At Israél voto se Dómino óbligans, ait : Si tradideris pópulum istum in manu mea, delébo urbes ejus. Exaudivitque Dóminus preces Israél, et trádedit Chananæum, quem ille interfécit subvérsis úrbibus ejus : et vocávit nomen loci illius Horma, id est, anáthema.

R. Gloriósum diem sacra venerátur Ecclésia, dum triumphále exaltátur lignum,

** In quo Redémptor noster mortis víncula rumpens, cálidum áspidem superávit. Ÿ.* In ligno pendens nostræ salútis sémitam Verbum Patris invénit. In quo.

Lectio ij.

PROFÉCTI sunt áutem et de monte Hor, per viam, quæ ducit ad mare Rubrum, ut circumírent terram Edom. Et tædere cœpit pópulum itineris ac labóris : locútusque contra Deum et Móysen, ait : Cur eduxisti nos de Ægýpto, ut morerémur in solitúdine? Deest panis, non sunt aquæ : ánima nostra jam náuseat super cibo isto levíssimo. Quamóbrem misit Dóminus in pópulum ignitos serpéntes.

R. Crux fidélis, inter omnes arbor una nóbilis : nulla silva talem profert, fronde, flore, gérmine : Dulce lignum, dulces clavos, dulce pondus sustínuit. *Ÿ.* Super ómnia ligna cedrórurum tu sola excélsior. Dulce.

Lectio iij.

AD quorum plagas et mortes plurimórum, venérunt ad Móysen, atque dixerunt : Peccávimus, quia locúti sumus contra Dóminum et te : ora ut tollat a nobis serpéntes. Oravítque Móyses pro pópulo, et locútus est Dóminus ad eum : Fac serpéntem æneum, et pone eum pro signo : qui percússus adspéxerit eum, vivet. Fecit ergo Móyses serpéntem æneum, et pósuit eum pro signo : quem cum percússi adspícèrent, sanabántur.

R. Hæc est arbor digníssima, in paradísi médio si-

tuâta, * In qua salutis auctor propria morte mortem omnium superavit. *Y.* Crux præcellenti decore fulgida, quam Heraclius imperator concupiscienti animo recuperavit. In qua. Glória Patri. In qua.

IN II. NOCTURNO

Ant. O Crucis victória, et admirabile signum, in cælesti cûria fac nos captâre triûmphum.

Psalmus 4.

CUM invocârem, exaudivit me Deus justitiæ meæ : * in tribulatione dilatasti mihi.

Miserere mei, * et exaudi orationem meam.

Filii hominum usquequo gravi corde? * ut quid diligitis vanitatem, et quæritis mendacium?

Et scitote quoniam mirificavit Dominus sanctum suum : * Dominus exaudiet me cum clamâvero ad eum.

Irascimini, et nolite peccare : * quæ dicitis in cordibus vestris, in cubilibus vestris compungimini.

Sacrificâte sacrificium justitiæ, et sperate in Domino. * Multi dicunt : Quis ostendit nobis bona?

Signatum est super nos lumen vultus tui Domine : * dedisti lætitiâ in corde meo.

A fructu frumenti, vini et olei sui * multiplicati sunt.

In pace in idipsum * dormiam, et requiescam;

Quoniam tu Domine sin-

gulariter in spe * constituisti me.

Ant. O Crucis victória, et admirabile signum, in cælesti cûria fac nos captâre triûmphum.

Ant. Funestæ mortis damnatur supplicium, dum Christus in Cruce nostra destruxit vincula criminum.

Psalmus 10.

IN Domino confido : quomodo dicitis animæ meæ : * Trâsmigra in montem sicut passer?

Quoniam ecce peccatores intenderunt arcum, paraverunt sagittas suas in pharetra, * ut sagittent in obscuro rectos corde.

Quoniam quæ perfecisti, destruxerunt : * justus autem quid fecit?

Dominus in templo sancto suo, * Dominus in cælo sedes ejus :

Oculi ejus in pauperem respiciunt : * palpebræ ejus interrogant filios hominum.

Dominus interrogat justum et impium : * qui autem diligit iniquitatem, odit animam suam.

Pluet super peccatores laqueos : * ignis, et sulphur, et spiritus procellarum pars calicis eorum.

Quoniam justus Dominus, et justitias dilexit : * æquitatem vidit vultus ejus.

Ant. Funestæ mortis damnatur supplicium, dum Christus in Cruce nostra destruxit vincula criminum.

Ant. Rex exaltatur in æthere, cum nobile trophæum Crucis ab universis Christicolis adoratur per sæcula.

Psalmus 20.

DÓMINE in virtute tua lætabitur rex : * et super salutare tuum exsultabit vehementer.

Desiderium cordis ejus tribuisti ei : * et voluntate labiorum ejus non fraudasti eum.

Quoniam prævenisti eum in benedictionibus dulcedinis : * posuisti in capite ejus coronam de lapide pretioso.

Vitam petiit a te : * et tribuisti ei longitudinem dierum in sæculum, et in sæculum sæculi.

Magna est gloria ejus in salutari tuo : * gloriam et magnum decorem impones super eum.

Quoniam dabis eum in benedictionem in sæculum sæculi : * lætificabis eum in gaudio cum vultu tuo.

Quoniam rex sperat in Domino : * et in misericordia Altissimi non commovetur.

Inveniatur manus tua omnibus inimicis tuis : * dextera tua inveniat omnes, qui te oderunt.

Pones eos ut clibanum ignis in tempore vultus tui : * Dominus in ira sua conturbabit eos, et devorabit eos ignis.

Fructum eorum de terra

perdes : * et semen eorum a filiis hominum.

Quoniam declinaverunt in te mala : * cogitaverunt consilia, quæ non potuerunt stabilire.

Quoniam pones eos dorsum : * in reliquiis tuis præparabis vultum eorum.

Exaltare Domine in virtute tua : * cantabimus et psallemus virtutes tuas.

Ant. Rex exaltatur in æthere, cum nobile trophæum Crucis ab universis Christicolis adoratur per sæcula.

V. Adoramus te Christe, et benedicimus tibi. **R.** Quia per Crucem tuam redemisti mundum.

Lectio iv.

CHÓSROAS Persarum rex, extrémis Phocæ impèrii temporibus, Ægypto et Africa occupata, ac Jerosolyma capta, multisque ibi cæsis Christianorū millibus, Christi Domini Crucem, quam Helena in monte Calvariae collocarat, in Persidem abstulit. Itaque Heraclius, qui Phocæ successerat, multis belli incommodis et calamitatibus affectus, pacem petebat, quam a Chósroa victoriis insolente ne iniquis quidem conditionibus impetrare poterat. Quare in summo discrimine se assiduis jejuniis et orationibus exercens, opem a Deo vehementer implorabat : cujus monitu exercitu comparato, signa cum hoste contulit, ac

tres duces Chósroæ cum tribus exercitibus superávit.

R. Nos autem gloriári oportet in Cruce Dómini nostri Jesu Christi, in quo est salus, vita et resurréctio nostra : * Per quem salváti et liberáti sumus. **V.** Tuam Crucem adorámus Dómine, et recólimus tuam gloriósam passióem. Per quem.

Lectio v.

QUIBUS cládibus fractus Chósroas, in fuga, qua trajicere Tigrim parábat, Medársen filium sócium regni designat. Sed eam contuméliam cum Síroës Chósroæ major natus filius ferret atrociter, patri simul et fratri necem machinátur : quam páulo post utrique ex fuga retrácto áttulit, regnúmque ab Heraclio impetrávit, quibúsdam accéptis conditióibus, quarum ea prima fuit, ut Crucem Christi Dómini restitúeret. Ergo Crux, quatuórdecim annis postquam vénerat in potestátem Persárum, recépta est : quam rédiens Jerosólymam Heraclius solémni celebritáte suis húmeris rétulit in eum montem, quo eam Salvátor túlerat.

R. Dum sacrum pignus cælitus exaltáture, Christi fides roboráture : * Adsunt prodigia divína in virga Móysi primitus figuráta. **V.** Ad Crucis contáctum resúrgunt mórtui, et Dei magnália reserántur. Adsunt.

Lectio vj.

QUOD factum illústri miraculo commendátum est. Nam Heraclius, ut erat áuro et gemmis ornátus, insistere coáctus est in porta, quæ ad Calváriæ montem ducébat. Quo enim magis prógredi conabáture, eo magis retinéri videbátur. Cumque ea re et ipse Heraclius, et réliqui omnes obstupéscerent : Zachariás Jerosolymórum antístes, Vide, inquit, imperátor, ne isto triumpháli ornátu, in Cruce ferénda parum Jesu Christi paupertátem et humilitátem imitére. Tum Heraclius abjécto amplíssimo vestitu, detractisque cálceis, ac plebéio amictu indútus, réliquum viæ fáciie confécit, et in eódem Calváriæ loco Crucem stáruit, unde fúerat a Persis asportáta. Itaque Exaltatiónis sanctæ Crucis solémnitas, quæ hac die quotánnis celebrabátur, illústrior habéri cœpit ob ejus rei memoriám, quod ibidem fúerit repósita ab Heraclio, ubi Salvatóri primum fúerat constitúta.

R. Hoc signum Crucis erit in cælo, cum Dóminus ad judicándum vénerit : * Tunc manifestá erunt abscondita cordis nostri. **V.** Cum séderit Filius hóminis in sede majestátis suæ, et cœperit judicáre sáeculum per ignem. Tunc manifestá. Glória Patri. Tunc manifestá.

IN III. NOCTURNO

Ant. Adoramus te Christe, et benedicimus tibi, quia per Crucem tuam redemisti mundum.

Pss. ut in III. Noct. de Comm. Virg. 104*.

Ant. Per lignum servi facti sumus, et per sanctam Crucem liberati sumus: fructus arboris seduxit nos: Filius Dei redemit nos, alleluia.

Ant. Salvator mundi salva nos: qui per Crucem et sanguinem tuum redemisti nos, auxiliare nobis, te deprecamur Deus noster.

V. Omnis terra adoret te, et psallat tibi. **R.** Psalmum dicat nomini tuo Domine. **Lectio sancti Evangelii secundum Joannem.**

Lectio vij. Cap. 12. c

In illo tempore: Dixit Jesus turbis Judæorum: Nunc judicium est mundi: nunc princeps hujus mundi ejicietur foras. Et reliqua.

Homilia sancti Leonis
Papæ.

Serm. 8. de Passione Dom., post medium.

Exaltato, dilectissimi, per Crucem Christo, non illa tantum species adspectui mentis occurrat, quæ fuit in oculis impiorum, quibus per Moysen dictum est: Et erit pendens vita tua ante oculos tuos, et timebis die ac nocte, et non credes vitæ tuæ. Isti enim nihil in crucifixo Domino præter faci-

nus suum cogitare potuerunt, habentes timorem, non quo fides vera justificatur, sed quo conscientia iniqua torquetur. Noster vero intellectus, quem spiritus veritatis illuminat, gloriam Crucis, cælo terræque radiantem, puro ac libero corde suscipiat, et interiore acie videat, quale sit quod Dominus, cum de passionis suæ loqueretur instantia, dixit: Nunc judicium mundi est, nunc princeps hujus mundi ejicietur foras. Et ego si exaltatus fuero a terra, omnia traham ad meipsum.

R. Dulce lignum, dulces clavos, dulce pondus sustinuit: * Quæ sola digna fuit portare pretium hujus sæculi. **V.** Hoc signum Crucis erit in cælo cum Dominus ad judicandum venerit. Quæ.

Bened. Divinum auxilium maneat.

Lectio viij.

O ADMIRABILIS potentia Crucis! o ineffabilis gloria passionis, in qua et tribunal Domini, et judicium mundi, et potestas est Crucifixi! Traxisti enim Domine omnia ad te, et cum expandisses tota die manus tuas ad populum non credentem et contradicentem tibi, confitendæ majestatis tuæ sensum totus mundus accepit. Traxisti Domine omnia ad te, cum in execrationem Judæici sceleris, unam protulerunt omnia elementa sententiam,

cum, obscurátis lumináribus cæli, et convérso in noctem die, terra quoque mótibus quaterétur insólitis, univérsaque creatúra impiórum úsui se negáret. Traxísti Dómine ómnia ad te, quóniam scisso templi velo, Sanctas sanctórum ab indignis pontificibus recessérunt, ut figúra in veritátem, prophetia in manifestatiónem, et lex in Evagélium verterétur.

℞. Sicut Móyses exaltávit serpéntem in desérto, ita exaltári opórtet Filium hóminis: * Ut omnis qui credit in ipsum, non péreat, sed hábeat vitam ætérnam. v. Non misit Deus Filium suum in mundum ut júdicet mundum, sed ut salvétur mundus per ipsum. Ut. Glória Patri. Ut.

Lectio ix.

TRAXISTI Dómine ómnia ad te, ut quod in uno Judææ templo obumbrátis significatióibus tegebátur, pleno apertóque sacraménto universárum ubique natiónum devótio celebráret. Nunc étenim et ordo clárior levitárum, et dignitas ámplior seniórum, et sacrátior est únctio sacerdótum: quia Crux tua ómnium fons benedictiόνis, ómnium est cáusa gratiárum: per quam credéntibus datur virtus de infirmitáte, glória de oppróbrio, vita de morte. Nunc étiam carnálium sacrificiórum varietáte cessánte,

omnes differentias hostiárum una Córporis et Sánguinis tui implet oblátio: quóniam tu es verus Agnus Dei, qui tollis peccáta mundi; et ita in te univérsa pérficis mystéria, ut sicut unum est pro omni víctima sacrificium, ita unum de omni gente sit regnum.

Te Deum laudámus. 16.

AD LAUDES

ET PER HORAS

Ant. 1. O magnum pietátis opus: * mors mórtua tunc est, in ligno quando mórtua vita fuit.

Ps. Dóminus regnávit. **cum reliq.** 17.

2. Salva nos * Christe Salvátor per virtútem Crucis: qui salvásti Petrum in mari, miserére nobis.

3. Ecce Crucem Dómini, * fúgite partes advérsæ: vicit leo de tribu Juda, radix David, allelúia.

4. Nos áutem gloriári * opórtet in Cruce Dómini nostri Jesu Christi.

5. Per signum Crucis* de inimícis nostris libera nos Deus noster.

Capitulum. **Philipp. 2.**

FRATRES: Hoc enim sentite in vobis quod et in Christo Jesu: qui cum in forma Dei esset, non rapínam arbitrátus est esse se æquálem Deo: sed semetípsum exinanívit, formam servi accípiens, in similitúdinem hóminum factus, et hábitu invéntus ut homo.

Hymnus.

LUSTRA sex qui jam per-
 légit,
 Tempus implens corpóris,
 Sponte libera Redemptor,
 Passióni déditus,
 Agnus in Crucis levátur
 Immolándus stípíte.

Felle potus ecce languet :
 Spina, clavi, láncea
 Mite corpus perforárunt :
 Unda manat, et cruor :
 Terra, pontus, astra, mun-
 dus,
 Quo lavántur flúmine!

Crux fidélis, inter omnes
 Arbor una nóbilis :
 Silva talem nulla profert
 Fronde, flore, gérmine :
 Dulce ferrum, dulce lignum,
 Dulce pondus sústinent.

Flecte ramos, arbor alta,
 Tensa laxa víscera,
 Et rigor lentéscat ille,
 Quem dedit natívitas ;
 Et supérni membra Regis
 Tende miti stípíte.

Sola digna tu fuisti
 Ferre mundi víctimam,
 Atque portum præparáre
 Arca mundo náufrago,
 Quam sacer cruor perúnxit,
 Fusus Agni corpore.

Sempitérna sit beátæ
 Trinitáti glória,
 Æqua Patri Filióque ;
 Par decus Paráclito :
 Unius Triníque nomen
 Láudet univérsitas. Amen.

Ÿ. Adorámus te Christe,
 et benedicimus tibi. **R.** Quia
 per Crucem tuam redemisti
 mundum.

Ad Bened. Ant. Super

ómnia ligna cedrórum tu
 sola excélsior, in qua vita
 mundi pepéndit, in qua Chri-
 stus triumphávit, et mors
 mortem superávit in ætér-
 num.

Oratio.

DEUS, qui nos hodiérna
 die Exaltatiónis sanctæ
 Crucis ánnua solemnitate
 lætíficas : præsta, quæsu-
 mus ; ut cujus mystérium in
 terra cognóvimus, ejus red-
 emptiόνis præmia in cælo
 mereámur. Per eúmdem Dó-
 minum.

**Postea fit Commem. Oc-
 tavæ. Ant.** Nativitatem. **Ÿ.**
 Nativitas. **et Orat.** Fámulis.
 309.

AD TERTIAM

Ant. Salva nos.

Capit. Fratres : Hoc enim.

R. br. Hoc signum Crucis

* Erit in cælo. Hoc. **Ÿ.** Cum
 Dóminus ad judicándum vé-
 nerit. Erit. Glória Patri. Hoc.

Ÿ. Adorémus te Christe,
 et benedicimus tibi. **R.** Quia
 per Crucem tuam redemisti
 mundum.

AD SEXTAM

Ant. Ecce Crucem Dómini.

Capitulum. Galat. 6. d

MIHÍ áutem absit gloriári,
 nisi in Cruce Dómini
 nostri Jesu Christi : per quem
 mihi mundus crucifíxus est,
 et ego mundo.

R. br. Adorámus te Chri-
 ste, * Et benedicimus tibi.
 Adorámus. **Ÿ.** Quia per Cru-
 cem tuam redemisti mun-
 dum. Et. Glória. Adorámus.

Ÿ. Omnis terra adóret te, et psallat tibi. **R.** Psalmum dicat nómini tuo Dómine.

AD NONAM

Ant. Per signum Crucis.

Capitulum. Philipp. 2.

HUMILIÁVIT semetípsum factus obédiens usque ad mortem, mortem áutem Crucis. Propter quod et Deus exaltávit illum, et donávit illi nomen, quod est super omne nomen.

R. br. Omnis terra adóret te, * Et psallat tibi. Omnis.

Ÿ. Psalmum dicat nómini tuo Dómine. Et. Glória Patri. Omnis.

Ÿ. Hoc signum Crucis erit in cælo. **R.** Cum Dóminus ad judicándum vénerit.

IN II. VESPERIS

Omnia ut in I. Vesp. 323.

Ad Magnif. Ant. O Crux benedicta, quæ sola fuisti digna portáre Regem cælórum et Dóminum, allelúia.

Oratio Deus, qui. *ut supra.*

Deinde fit Commem. diei Octavæ Nativitatis B. Mariæ ut in I. Vesperis Festi.

Ant. Gloriósæ. **Ÿ.** Nativitas. **et Orat.** Fámulis. 305.

Postea S. Nicomedis Mart.

Ant. Iste sanctus pro lege Dei sui certávit usque ad mortem, et a verbis impiórum non timuit : fundátus enim erat supra firmam petram.

Ÿ. Glória et honóre coronásti eum Dómine. **R.** Et constituísti eum super ópera mánuum tuárum.

Oratio.

ADÉSTO Dómine pópulo tuo : ut beáti Nicomédís Mártiris tui mérita præclára suscípiens, ad impetrándam misericórdiam tuam semper ejus patrocíniis adjuvétur. Per Dóminum.

DIE XV

IN OCTAVA

NATIVITATIS B. M. V.

Duplex.

IN I. NOCTURNO

De Cánticis canticórum.

Lectio j. Cap. 8. b

QUÆ est ista, quæ ascéndit de desérto, deliciis áfluens, innixa super diléctum suum? Sub árbore malo suscitávi te : ibi corrúpta est mater tua, ibi violáta est génitrix tua. Pone me ut signáculum super cor tuum, ut signáculum super bráchium tuum : quia fortis est ut mors diléctio : dura sicut inférnus æmulátio, lámpades ejus lámpades ignis atque flammárum.

R. Hódie nata est beáta Virgo María ex progénie David : * Per quam salus mundi credéntibus appáruit, cujus vita gloriósa lucem dedit sæculo. **Ÿ.** Nativitátem beátæ Mariæ Virginis cum gáudio celebrémus. Per quam.

Lectio ij.

AQUÆ multæ non potué-
runt exstinguere caritátem, nec flúmina óbruunt illam : si déderit homo omnem substántiam domus

suæ pro dilectiōne, quasi nihil despiciet eam. Soror nostra parva, et úbera non habet : quid faciémus soróri nostræ in die quando alloquenda est? Si murus est, ædificémus super eum propugnacula argentea : si óstium est, compingámus illud tábulis cédrinis.

℟. Beatissimæ Virginis Mariæ Nativitatem devotissime celebrémus : * Ut ipsa pro nobis intercédât ad Dóminum Jesum Christum. ℣. Cum jucunditate Nativitatem beátæ Mariæ Virginis devotissime celebrémus. Ut.

Lectio iij.

Ego murus : et úbera mea sicut turris, ex quo facta sum coram eo quasi pacem repériens. Vineâ fuit pacífico in ea, quæ habet pópulos : trádedit eam custódibus, vir affert pro fructu ejus mille argenteos. Vineâ mea coram me est. Mille tui pacífici, et ducénti his, qui custódiunt fructus ejus. Quæ hábitas in hortis, amíci auscúltant : fac me audire vocem tuam. Fuge dilécte mi, et assimiláre cápree hinnulóque cervórum super montes arómatum.

℟. Gloriósæ Virginis Mariæ ortum digníssimum recolámus, * Cujus Dóminus humilitatem respéxit, quæ Angelo nuntiánte concépit Salvátorem mundi. ℣. Beatissimæ Virginis Mariæ Nativitatem devotissime celebrémus. Cujus. Glória Patri. Cujus.

IN II. NOCTURNO

Sermo sancti Cyrilli Episcopi Alexandrini.

Homilia contra Nestorium.

Lectio iv.

HÍLAREM video cœtum Sanctórum ómnium, qui convenérunt promptis ánimis, a sancta et Dei Matre Mariâ semper Virgine convocáti. Laus et glória sit tibi sancta Trinitas, quæ omnes nos ad hanc celebritatem convocásti. Sit étiam tibi sancta Dei Mater laus. Tu enim es pretiósâ margarita orbis terrarum : tu lampas inextinguibilis, corónâ virginitatis, sceptrum orthodoxæ fidei, templum indissolúbile, cóninens eum qui nusquam continéri potest, Mater et Virgo; per quam benedictus, qui venit in nómine Dómini, in sanctis Evangéliis nominátur.

℟. Nativitas gloriósæ Virginis Mariæ ex sémine Abrahamæ, ortæ de tribu Juda, clara ex stirpe David, * Cujus vita inclyta cunctas illústrat ecclésiâs. ℣. Hódie nata est beáta Virgo Mariâ ex progénie David. Cujus.

Lectio v.

PER te Trinitas sanctificátur : per te crux pretiósâ celebrátur et adorátur in toto orbe terrarum. Per te exsultat cælum, lætántur Angeli et Archángeli, fugántur dæmones, et homo ipse ad cælum revocátur. Per te omnis creatúra idolórum errore de-

ténta, convérſa eſt ad agnitióſem veritátis, et fidéles hómínes ad ſanctum baptiſma pervenérunt, atque in toto orbe terrárum conſtrúctæ ſunt eccléſiæ.

R. Cum jucunditatē Nativitatem beátæ Mariæ celebrémus : * Ut ipſa pro nobis intercédât ad Dóminum Jeſum Chriſtum. **V.** Corde et ánimo Chriſto canámus glóriam in hac ſacra ſolemnitatē præcélsæ Genitricis Dei Mariæ. Ut ipſa.

Lectio vj.

TE adjutrice gentes véniunt ad pœniténtiam. Quid plura? Per te unigénitus Dei Filius, vera illa lux effúlsit ſedéntibus in ténebris et umbra mortis. Per te Prophétæ prænuntiáruſt, per te Apóſtoli ſalútem géntibus prædicáruſt. Quisnam póterit tuárum láudum præcónia explicáre, María Mater et Virgo? Hanc, fratres dilectiſſimi, celebrémus, ejus Filium Eccléſiæ ſponſum immaculátum adorántes : cui honor et glória in ſæcula ſæculórum. Amen.

R. Nativitas tua, Dei Génitrix Virgo, gáudium annuntiávit univérſo mundo : * Ex te enim ortus eſt ſol juſtitiae, Chriſtus Deus noſter : * Qui ſolvens maledictiόem, dedit benedictiόem : et confúndens mortem, donávit nobis vitam ſempitérnam. **V.** Benedicta tu in muliéribus, et benedictus fructus

ventris tui. Ex te. Glória Patri. Qui ſolvens.

IN III. NOCTURNO

Léctio ſancti Evangélii ſcúndum Matthæum.

Lectio vij. Cap. 1.

LIBER generatiόis Jeſu Chriſti filii David, filii Abraham. Abraham génuit Isaac. Isaac áutem génuit Jacob. Et réliqua.

Homilia ſancti Joánnis Chryſóſtomi.

Homil. 2. in Matth., poſt init.

AUDÍTU quidem mirábile eſt quod ineffábilis Deus, et qui nec ſermónibus explicári poſteſt, nec cogitatiόibus comprehéſdi, Patrique per ómnia coæquális, per Virginis ad nos venit úterum, et fieri ex muliere dignátus eſt, et habére progenitóres David et Abraham : et quid dico, David et Abraham? étiam illas, quod magis ſtupéndum eſt, féminas, quas páulo ante memorávi. Hæc igitur áudiens mente conſúrge, nihilque húmile ſuſpicéris, ſed pótius propter hoc ipſum máxime miráre, quia cum verus et dilectus Filius ſit ſempitérni Dei, étiam filius David eſſe dignátus eſt, modo ut te filium fáceret Dei : ſervum patrem habére dignátus eſt, ut tibi ſervo patrem fáceret ipſum Deum.

R. Beátam me dicent omnes generatiόes : * Quia fecit mihi Dóminus magna qui potens eſt, et ſanctum

nomen ejus. **Ÿ.** Et misericordia ejus a progénie in progénies timéntibus eum. Quia fecit.

Lectio viij.

VIDES ab ipso statim principio, quam læta sint hæc nuntia. Quod si ámbigis de his quæ ad tuum spectant honórem, ab iis quæ illius sunt, étiam tua disce credere. Quantum enim cónsequi potest humana rátio, multo est difficilius Deum hóminem fieri, quam hóminem Dei fílium consecrári. Cum ergo audieris, quia Filius Dei filius sit et David et Abrahæ: dubitáre jam désine, quod et tu, qui filius es Adæ, futúrus sis filius Dei. Non enim semetípsum ita humiliáset, nisi nos esset exaltatúrus. Natus est enim secúndum carnem, ut tu nascerére spíritu: natus est ex muliere, ut tu desineres filius esse mulieris.

Ŕ. Felix namque es, sacra Virgo Maria, et omni láude digníssima: * Quia ex te ortus est sol justitiæ, * Christus Deus noster. **Ÿ.** Ora pro pópulo, intérvieni pro clero, intercède pro devóto femíneo sexu: séntiant omnes tuum juvámen, quicúmque célebrant tuam sanctam Nativitátem. Quia ex te. Glória Patri. Christus.

Pro S. Nicomede Mart.

Lectio ix.

NICOMÉDES présbyter, persequénte Christiános Do-

mitiáno imperatóre, quod corpus Feliculæ vírginis, propter confessiónem cristiánæ fidei a Flacco cómite interféctæ, sepelisset, comprehénsi jussus est: ductúsque ad státuas deórum, cum eis sacrificáre velle (quod fácere jubebátur) constánter negavisset, proptérea quod sacrificium uni Deo vero, qui regnat in cælis, deberétur, plumbátis cæsus, in eo martýrio ánimam Deo réddidit. Cujus corpus cum idem comes in profluéntem Tiberim prójici imperáset: Justus Nicomédis cléricus diligénter conquisítum, ad muros Urbis, via Nomentána, honorífice in sepúlcro cóndidit.

Te Deum laudámus. 16.

In Laudibus fit Commem. S. Nicomedis.

Ant. Qui odit ánimam suam in hoc mundo, in vitam ætérnam custódit eam.

Ÿ. Justus ut palma florébit. **Ŕ.** Sicut cedrus Líbani multiplicábitur.

Orat. Adéstó. 332.

In II. Vesp. fit Commem. de SS. Mart. Cornelio et Cypriano, et aliis ut infra. 348.

DOMINICA III. SEPTEMBRIS
SEPTEM DOLORUM B. M. V.

Duplex majus.

Impedita Dom. III. Sept. ob occursum Festi Duplicis 1. vel 2. classis, vel alicujus diei Octavæ, vel Duplicis

majoris primarii, vel potioris dignitatis, Festum Septem Dolorum B. M. V. transfertur in proximiorē seq. Dom., simili modo non impeditam. Quod si usque ad Advent. nulla supersit Dom. libera, Festum VII Dolorum ponatur juxta Rubricas, in prima die non impedita post Dom. III. Septembris.

IN I. VESPERIS

Ant. et Capit. de Laud.
346; **Pss. ut in Festis B. M. V.**
145*.

Hymnus.

QUOT undis lacrymarum,
Quo dolore volvitur,
Luctuosa de cruento
Dum, revulsum stipite,
Cernit ulnis incubantem
Virgo Mater filium!

Os suave, mite pectus,
Et latus dulcissimum,
Dexteramque vulneratam,
Et sinistram sauciam,
Et rubras cruore plantas
Ægra tingit lacrymis.

Centiesque milliesque
Stringit arctis nexibus
Pectus illud, et lacertos,
Illa figit vulnera:
Sicque tota colliquescit
In doloris osculis.

Eia Mater, obsecramus
Per tuas has lacrymas,
Filiique triste funus,
Vulnerumque purpuram,
Hunc tui cordis dolorem
Conde nostris cordibus.

Esto Patri, Filioque,
Et coævo Flámini,
Esto summæ Trinitati
Sempiterna gloria,

Et perennis laus, honorque
Hoc, et omni sæculo.

Amen.

Ÿ. Regina Mátyrum ora
pro nobis. **Ŕ.** Quæ juxta cruce
Jesu constitisti.

Ad Magnif. Ant. Nolite
me considerare, quod fusca
sim, quia decoloravit me
sol, filii matris meæ pugna
verunt contra me.

Oratio.

DEUS, in cujus passione,
secundum Simeonis proph
etiam, dulcissimam ani
mam gloriosæ Virginis et
Matris Mariæ doloris gladius
pertransivit: concede prop
itius; ut qui dolores ejus
venerando recolimus, pas
sionis tuæ effectum felicem
consequamur: Qui vivis.

Deinde fit Commem. Dom.

**Ad Completorium et per
Horas, in fine Hymn. dicitur**

Jesu tibi sit gloria,
Qui passus es pro servulis,
Cum Patre et almo Spiritu,
In sempiterna sæcula.

Amen.

AD MATUTINUM

Invit. Stemus juxta cruce
cum Maria Matre Jesu,
* Cujus animam doloris gladius
pertransivit.

Ps. Venite, exultemus. 2.

Hymnus.

JAM toto subitus vesper eat
polo,
Et sol attonitum præcipitet
diem,
Dum sævæ recolo ludibrium
necis,
Divinamque catástrophen.

Spectatrix áderas suppli-
cio Parens,
Malis uda, gerens cor ad-
amántinum :
Natus funérea péndulus in
cruce
Altos dum gémitus da-
bat.
Pendens ante óculos Na-
tus, atróribus
Sectus verbéribus, Natus
hiántibus
Fossus vulnéribus, quot pe-
netrántibus
Te confixit acúleis!
Heu! sputa, álapæ, vér-
bera, vúlnera,
Clavi, fel, áloë, spóngia,
láncea,
Sitis, spina, cruor, quam
vária pium
Cor pressére tyránnide!
Cunctis intérea stat gene-
rósior
Virgo Martíribus : prodigio
novo,
In tantis móriens non móre-
ris Parens,
Diris fixa dolóribus.
Sit summæ Triadi glória,
laus, honor,
A qua suppliciter, sollicita
prece,
Posco virginei róboris æmu-
las
Vires rebus in áspers.
Amen.

IN I. NOCTURNO

Ant. Multiplicáti sunt, qui
tribulant me : multi insúr-
gunt advérsus me.

Psalmus 3.

DÓMINE quid multiplicáti
sunt qui tribulant me? *

multi insúrgunt advérsus
me.

Multi dicunt ánimæ meæ : *
Non est salus ipsi in Deo ejus.

Tu áutem Dómine suscé-
ptor meus es, * glória mea,
et exáltans caput meum.

Voce mea ad Dóminum
clamávi : * et exaudivit me
de monte sancto suo.

Ego dormívi, et soporátus
sum : * et exsurrexi, quia
Dóminus suscepit me.

Non timébo millia pópuli
circumdántis me : * exsúrge
Dómine, salvum me fac
Deus meus.

Quóniam tu percussisti
omnes adversántes mihi sine
cáusa : * dentes peccatórum
contrivisti.

Dómini est salus : * et su-
per pópulum tuum benedi-
ctio tua.

Ant. Multiplicáti sunt, qui
tribulant me : multi insúr-
gunt advérsus me.

Ant. Paravérunt sagittas
suas in pháretra, ut sagit-
tent in obscúro rectos corde.

Psalmus 10.

IN Dómino confido : quómo-
do dicitis ánimæ meæ : *
Trásmigra in montem sicut
passer?

Quóniam ecce peccatóres
intendérunt arcum, paravé-
runt sagittas suas in pháre-
tra, * ut sagittent in obscúro
rectos corde.

Quóniam quæ perfecisti,
destruxérunt : * justus áutem
quid fecit?

Dóminus in templo sancto

suo : * Dóminus in cælo sedes ejus :

Oculi ejus in páuperem respiciunt : * pálpebræ ejus interrogant filios hóminum.

Dóminus intérogat justum et impium : * qui áutem diligit iniquitatem, odit animam suam.

Pluet super peccatores láqueos : * ignis, et sulphur, et spíritus procellarum pars cálicis eorum.

Quóniam justus Dóminus, et justitias diléxit : * æquitatem vidit vultus ejus.

Ant. Paravérunt sagittas suas in pháretra, ut sagittent in obscúro rectos corde.

Ant. Defécit in dolore vita mea, et anni mei in gemitibus.

Psalmus 30.

IN te Dómine sperávi, non confúndar in ætérnum : * in justitia tua libera me.

Inclína ad me áurem tuam, * accélera ut éruas me.

Esto mihi in Deum protectórem : et in domum refúgii, * ut salvum me fácias.

Quóniam fortitúdo mea, et refúgium meum es tu : * et propter nomen tuum dedúces me, et enútries me.

Edúces me de láqueo hoc, quem abscondérunt mihi : * quóniam tu es protéctor meus.

In manus tuas comméndo spíritum meum : * redemísti me Dómine Deus veritátis.

Odísti observántes vanitátes, * supervácue.

Ego áutem in Dómino sperávi : * exsultábo, et lætabor in misericórdia tua.

Quóniam respexisti humilitátem meam, * salvásti de necessitatibus ánimam meam.

Nec conclusísti me in mánibus inimici : * statuísti in loco spatióso pedes meos.

Miserére mei Dómine quóniam tribulor : * conturbátus est in ira óculus meus, ánima mea, et venter meus :

Quóniam defécit in dolore vita mea : * et anni mei in gemitibus.

Infirmáta est in paupertáte virtus mea : * et ossa mea conturbáta sunt.

Super omnes inimícos meos factus sum oppróbrium et vicinis meis valde : * et timor notis meis.

Qui vidébant me, foras fugérunt a me : * obliuioni datus sum, tamquam mórtuus a corde.

Factus sum tamquam vas pérditum : * quóniam audiui vituperatió nem multórum commorántium in circúitu.

In eo dum convenirent simul advérsus me, * accipere ánimam meam consiliáti sunt.

Ego áutem in te sperávi Dómine : * dixi : Deus meus es tu : in mánibus tuis sortes meæ.

Eripe me de manu inimicórum meórum, * et a persequéntibus me.

Illústra faciém tuam super

servum tuum, salvum me fac in misericórdia tua : * Dómine non confúndar, quóniam invocávi te.

Erubéscant impíi, et deducántur in inférnum : * muta fiant lábia dolósa.

Quæ loquúntur advérsus justum iniquitátem, * in supérbia, et in abusióne.

Quam magna multitúdo dulcédinis tuæ Dómine, * quam abscondisti timéntibus te.

Perfecisti eis, qui sperant in te, * in conspéctu filiórum hóminum.

Abscóndes eos in abscón-dito faciëi tuæ * a conturbatióne hóminum.

Próteges eos in taberná-culo tuo * a contradicióne linguárum.

Benedictus Dóminus : * quóniam mirificávit misericórdiam suam mihi in civitáte muníta.

Ego áutem dixi in excéssu mentis meæ : * Projéctus sum a fácie oculórum tuórum.

Ideo exaudisti vocem oratiónis meæ, * dum clamárem ad te.

Diligite Dóminum omnes sancti ejus : * quóniam veritátem requíret Dóminus, et retribuet abundánter faciéntibus supérbiam.

Viriliter ágite, et confortétur cor vestrum, * omnes qui sperátis in Dómino.

Ant. Defécit in dolóre vita mea, et anni mei in gemí-tibus.

Ÿ. Regina Mártýrum ora pro nobis. **R.** Quæ juxta crucem Jesu constitisti.

De Jeremia Prophéta.

Lectio j. Thren. 1.

PLORANS plorávit in nocte, et lácrymæ ejus in maxillis ejus : non est qui consolétur eam ex ómnibus caris ejus : omnes amici ejus spreverunt eam, et facti sunt ei inimici. Vide Dómine quóniam tribulor, conturbátus est venter meus : subvérsus est cor meum in memetipsa, quóniam amaritúdine plena sum. Foris intérficit gládius, et domi mors similis est. Audiérunt quia ingemisco ego, et non est qui consolétur me.

R. Simeon vir justus et timorátus, dixit ad Mariam : * Tuam ipsíus ánimam pertransíbit gládius. **Ÿ.** Ne vocétis me pulchram, sed amáram, quia amaritúdine valde replévit me Omnípotens. Tuam.

Lectio ij. Thren. 2. d

CUI comparábo te? vel cui assimilábo te filia Jerúsalem? cui exæquábo te, et consolábor te virgo filia Sion? magna est enim velut mare contritio tua : quis medébitur tui? Plausérunt super te mánibus omnes transeúntes per viam : sibilaverunt, et movérunt caput suum super filiam Jerúsalem : Hæc-cine est urbs, dicéntes, perfecti decóris, gáudium univérsæ terræ? Aperuérunt

super te os suum omnes inimici tui : sibilaverunt, et fremuerunt dentibus, et dixerunt : Devorabimus.

R. Surge, et accipe puerum et matrem ejus, et fuge in Ægyptum : * Et esto ibi usque dum dicam tibi. **V.** Vocavi filium meum ex Ægypto, ut veniat salus in Israël. Et.

Lectio iij.

FECIT Dominus quæ cogitavit, complévit sermonem suum, quem præceperat a diébus antiquis : destruxit, et non pepércit, et lætificávit super te inimicum, et exaltávit cornu hostium tuorum. Clamávit cor eorum ad Dóminum super muros filiae Sion : Deduc quasi torrentem lacrymas per diem, et noctem : non des réquiem tibi, neque taceat pupilla oculi tui.

R. Fili quid fecisti nobis sic? * Ego et pater tuus * Doléntes quærebámus te. **V.** Quid est, quod me quærebátis? In his, quæ Patris mei sunt, opórtet me esse. Ego. Glória Patri. Doléntes.

IN II. NOCTURNO

Ant. Factum est cor meum tamquam cera liquéscens in médio ventris mei.

Psalmus 21.

DEUS Deus meus respice in me : quare me dereliquisti? * longe a salute mea verba delictorum meorum.

Deus meus clamábo per diem, et non exáudies : * et

nocte, et non ad insipientiam mihi.

Tu áutem in sancto habitas, * laus Israël.

In te speraverunt patres nostri : * speraverunt, et liberásti eos.

Ad te clamaverunt, et salvi facti sunt : * in te speraverunt, et non sunt confúsi.

Ego áutem sum vermis, et non homo : * oppróbrium hóminum, et abjéctio plebis.

Omnes vidéntes me, deriserunt me : * locúti sunt lábiis, et moverunt caput.

Sperávit in Dómino, eripiat eum : * salvum fáciat eum, quóniam vult eum.

Quóniam tu es, qui extraxisti me de ventre : * spes mea ab ubéribus matris meæ. In te projéctus sum ex útero :

De ventre matris meæ Deus meus es tu, * ne discéseris a me :

Quóniam tribulatio próxima est : * quóniam non est qui adjuvet.

Circumdederunt me vituli multi : * tauri pingues obsederunt me.

Aperuerunt super me os suum, * sicut leo rápiens et rúgiens.

Sicut aqua effúsus sum : * et dispérsa sunt ómnia ossa mea.

Factum est cor meum tamquam cera liquéscens * in médio ventris mei.

Aruit tamquam testa virtus mea, et lingua mea adhæsit fáucibus meis : * et in

púlverem mortis deduxísti me.

Quóniam circumdedérunt me canes multi : * concilium malignántium obsédit me.

Fodérunt manus meas et pedes meos : * dinumeravérunt ómnia ossa mea.

Ipsi vero consideravérunt et inspexérunt me : * divisérunt sibi vestiménta mea, et super vestem meam misérunt sortem.

Tu áutem Dómine ne elongáveris auxiliium tuum a me : * ad defensiónem meam cónspecte.

Erue a frámea Deus ánimam meam : * et de manu canis únicam meam :

Salva me ex ore leónis : * et a cór nibus unicórnium humilitátem meam.

Narrábo nomen tuum fratribus meis : * in médio ecclésiæ laudábo te.

Qui timétis Dóminum, laudáte eum : * univérsū semen Jacob glorificáte eum.

Tímeat eum omne semen Israël : * quóniam non sprevit, neque despéxit deprecationem páuperis :

Nec avértit fáciem suam a me : * et cum clamárem ad eum, exaudivit me.

Apud te laus mea in ecclésia magna : * vota mea reddam in conspéctu timéntium eum.

Edent páuperes, et saturabúntur : et laudábunt Dóminum qui requirunt eum : *

vivent corda eórum in sáeculum sáeculi.

Reminiscéntur et converténtur ad Dóminum * univérsi fines terræ :

Et adorábunt in conspéctu ejus * univérsæ familiæ géntium.

Quóniam Dómini est regnum : * et ipse dominábitur géntium.

Manducavérunt et adoravérunt omnes pingues terræ : * in conspéctu ejus cadent omnes qui descéndunt in terram.

Et ánima mea illi vivet : * et semen meum sérviet ipsi.

Annuntiábitur Dómino generátio ventúra : * et annuntiábunt cæli justítiam ejus pópulo qui nascétur, quem fecit Dóminus.

Ant. Factum est cor meum tamquam cera liquéscens in médio ventris mei.

Ant. Deus vitam meam nuntiávi tibi : posuísti lácrymas meas in conspéctu tuo.

Psalmus 55.

MISERÉRE mei Deus, quóniam conculcávit me homo : * tota die impúgnans tribulávit me.

Conculcavérunt me inimíci mei tota die : * quóniam multi bellántes advérsum me.

Ab altitúdine diéi timébo : * ego vero in te sperábo.

In Deo laudábo sermónes meos, in Deo sperávi : * non timébo quid fáciat mihi caro.

Tota die verba mea exsecrabántur : * advérsus me omnes cogitatiónes eórum in malum.

Inhabitábunt et abscóndent : * ipsi calcáneum meum observábunt.

Sicut sustinuérunt ánimam meam, pro níhilo salvos fácies illos : * in ira pópulos confringes.

Deus, vitam meam annuntiávi tibi : * posuisti lácrymas meas in conspéctu tuo,

Sicut et in promissióne tua : * tunc converténtur inimici mei retrórsus :

In quacúmque die invocávero te : * ecce cognóvi quóniam Deus meus es.

In Deo laudábo verbum, in Dómino laudábo sermónem : * in Deo sperávi, non timébo quid fáciat mihi homo.

In me sunt Deus vota tua, * quæ reddam, laudatiónes tibi.

Quóniam eripuisti ánimam meam de morte, et pedes meos de lapsu : * ut pláceam coram Deo in lúmine vivéntium.

Ant. Deus vitam meam annuntiávi tibi : posuisti lácrymas meas in conspéctu tuo.

Ant. Fuérunt mihi lácrymæ meæ panes die ac nocte.

Psalmus 41.

QUEMÁDMODUM desiderat cervus ad fontes aquarum : * ita desiderat ánima mea ad te Deus.

Sitívit ánima mea ad Deum fortem vivum : * quando vé-

niam, et apparebo ante fáciem Dei?

Fuérunt mihi lácrymæ meæ panes die ac nocte : * dum dicitur mihi quotidie : Ubi est Deus tuus?

Hæc recordátus sum, et effúdi in me ánimam meam : * quóniam transibo in locum tabernáculi admirábilis, usque ad domum Dei.

In voce exsultatiónis, et confessiόnis : * sonus epulántis.

Quare tristis es ánima mea? * et quare contúrbas me?

Spera in Deo, quóniam adhuc confitébor illi : * salutare vultus mei, et Deus meus.

Ad meípsum ánima mea conturbáta est : * propterea memor ero tui de terra Jordánis, et Hermóniim a monte módico.

Abýssus abýssum invocát, * in voce cataractárum tuárum.

Omnia excélsa tua, et fluctus tui * super me transiérunt.

In die mandávit Dóminus misericórdiam suam : * et nocte cánticum ejus.

Apud me orátio Deo vitæ meæ, * dicam Deo : Suscéptor meus es.

Quare oblitus es mei? * et quare contristátus incédo, dum affligit me inimicus?

Dum confringúntur ossa mea, * exprobravérunt mihi qui tribulant me inimici mei.

Dum dicunt mihi per singulos dies : Ubi est Deus tuus? * quare tristis es anima mea, et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Ant. Fuérunt mihi lácrymæ meæ panes die ac nocte.

Ÿ. Fascículus myrrhæ dilectus meus mihi. **Ŕ.** Inter úbera mea commorábitur.

Sermo sancti Bernárdi Abbátis.

Ex Sermone de duodecim stellis.

Lectio iv.

MARTYRIUM Virginitatis tam in Simeónis prophetia, quam in ipsa Dominicæ passionis história commendatur. Pósitus est hic (ait sanctus senex de púero Jesu) in signum cui contradicetur; et tuam ipsius animam (ad Mariam autem dicebat) pertransibit gladius. Vere tuam, o beáta Mater, animam pertransiuit : alióquin, nónnisi eam pertransiens, carnem Filii tui penetráret. Et quidem posteaquam emisit spíritum tuus ille Jesus, ipsius plane non áttigit animam crudélisláncea, quæ ipsius apéruiť latus, sed tuam útique animam pertransiuit. Ipsius nimirum anima jam ibi non erat, sed tua plane inde nequibat avélli.

Ŕ. Jesum bajulántem sibi

crucem * Sequebátur turba mulierum, quæ plangébant et lamentabántur eum. **Ÿ.** Filiæ Jerúsalem super vos ipsas flete, et super filios vestros. Sequebátur.

Lectio v.

TUAM ergo pertransiuit animam vis dolóris, ut plusquam Mártirem non inmérito prædicémus, in qua nimirum corpóreæ sensum passionis excésserit compassionis afféctus. An non tibi plusquam gladius fuit sermo ille, revéra pertransiens animam, et pertingens usque ad divisionem animæ et spíritus : Múlier, ecce filius tuus? O commutatióne! Joánnes tibi pro Jesu tráditur, servus pro Dómino, discipulus pro Magistro, filius Zebedæi pro Filio Dei, homo purus pro Deo vero. Quómodo non tuam affectuosíssimam animam pertransiret hæc audítio, quando et nostra, licet sáxea, licet férrea péctora, sola recordátio scindit?

Ŕ. Postquam venérunt in locum, qui dicitur Calváriæ, ibi crucifixérunt eum : * Stabat autem juxta crucem Jesu Mater ejus. **Ÿ.** Tunc beátam illius animam dolóris gladius pertransiuit. Stabat.

Lectio vj.

NON mirémini fratres quod Maria Martyr in anima fuisse dicátur. Mirétur qui non memínerit se audivísse Páulum inter máxima géntium crimina memorántem,

quod sine affectiōne fuissent. Longe id fuit a Mariæ visceribus, longe sit a sêrvulis ejus. Sed forte quis dicat : Numquid non eum præscierat moritûrum? Et indubitanter. Numquid non sperabat continuo resurrectûrum? Et fideliter. Super hæc dóluit crucifixum? Et vehementer. Alióquin quisnam tu, frater, aut unde tibi hæc sapiéntia, ut miréris plus Mariam compatiéntem, quam Mariæ Filium patientem? Ille étiam mori corpore pótuit; ista cómmori corde non pótuit? Fecit illud caritas, qua majorem nemo hábuit : fecit et hoc caritas, cui post illam similis áltera non fuit.

¶ Joseph ab Arimathæa * Pétiiit corpus Jesu, quod, de cruce depósitum, * Suo compléxu Mater excépit. **¶** Dolens Sunamitis sinu et génibus suis sustinuit mortuum filium. Pétiiit. Glória Patri. Suo.

IN III. NOCTURNO

Ant. Intendérunt arcum rem amáram, ut sagittent in occúltis immaculátum.

Psalmus 63.

EXÁUDI Deus oratióem meam cum deprecor : * a timóre inimici éripe ánimam meam.

Protexisti me a convéntu malignántium : * a multitudine operántium iniquitatem.

Quia exacuérunt ut gládium linguas suas : * inten-

dérunt arcum rem amáram, ut sagittent in occúltis immaculátum.

Súbito sagittábunt eum, et non timébunt : * firmavérunt sibi sermónem nequam.

Narravérunt ut absconderent láqueos : * dixerunt : Quis vidébit eos?

Scrutati sunt iniquitates : * defecerunt scrutantes scrutiny.

Accedet homo ad cor altum : * et exaltabitur Deus.

Sagittæ parvulorum factæ sunt plagæ eorum : * et infirmatæ sunt contra eos lingue eorum.

Conturbati sunt omnes qui vidébant eos : * et timuit omnis homo.

Et annuntiavérunt ópera Dei : * et facta ejus intellexerunt.

Lætabitur justus in Dómino, et sperábit in eo, * et laudabúntur omnes recti corde.

Ant. Intendérunt arcum rem amáram, ut sagittent in occúltis immaculátum.

Ant. Anima mea turbata est valde : sed tu Dómine úsquequo?

Psalmus 6.

DÓMINE ne in furóre tuo árguas me, * neque in ira tua corripias me.

Miserére mei Dómine quóniam infirmus sum : * sana me Dómine quóniam conturbata sunt ossa mea.

Et ánima mea turbata est valde : * sed tu Dómine úsquequo?

Convértere Dómine, et éripe ánimam meam : * sal-
vum me fac propter miseri-
córdiam tuam,

Quóniam non est in morte
qui memor sit tui : * in in-
férno áutem quis confitébi-
tur tibi?

Laborávi in gémitu meo,
lavábo per singulas noctes
lectum meum : * lácrymis
meis stratum meum rigá-
bo.

Turbátus est a furóre ócu-
lus meus : * inveterávi inter
omnes inimicos meos.

Discédite a me omnes, qui
operámini iniquitatem : *
quóniam exaudivit Dóminus
vocem fletus mei.

Exaudivit Dóminus depre-
caciónem meam, * Dóminus
orationem meam suscepit.

Erubéscant, et conturbén-
tur veheménter omnes ini-
mici mei : * convertántur et
erubéscant valde velóciter.

Ant. Anima mea turbáta
est valde : sed tu Dómine
úsquequo?

Ant. Deus adjútor in tri-
bulatióibus quæ invenérunt
nos nimis.

Psalmus 45.

DEUS noster refúgium, et
virtus : * adjútor in tri-
bulatióibus, quæ invené-
runt nos nimis.

Proptérea non timébimus
dum turbábitur terra : * et
transferéntur montes in cor-
maris.

Sonuérunt, et turbátæ sunt
aquæ eórum : * conturbáti

sunt montes in fortitúdine
ejus.

Flúminis impetus lætificat
civitatem Dei : * sanctificá-
vit tabernáculum suum Al-
tíssimus.

Deus in médio ejus, non
commovébitur : * adjuvábít
eam Deus mane dilúculo.

Conturbátæ sunt gentes,
et inclináta sunt regna : *
dedit vocem suam, mota est
terra.

Dóminus virtútum nobís-
cum : * suscepitor noster Deus
Jacob.

Veníte, et vidéte ópera
Dómini, quæ pósuit prodigia
super terram : * áuferens
bella usque ad finem terræ.

Arcam cónteret, et con-
fringet arma : * et scuta
combúret igni.

Vacáte, et vidéte quóniam
ego sum Deus : * exaltábor
in géntibus, et exaltábor in
terra.

Dóminus virtútum nobís-
cum : * suscepitor noster
Deus Jacob.

Ant. Deus adjútor in tribu-
latióibus quæ invenérunt
nos nimis.

V. Per te salútem hauriá-
mus, Virgo María. **R.** Ex vul-
néribus Christi.

Léctio sancti Evangélii se-
cúndum Joánnem.

Lectio vij. Cap. 19. e

IN illo témpore : Stabant
juxta crucem Jesu Mater
ejus, et soror Matris ejus
María Cléophæ, et María
Magdaléne. Et réliqua.

Homilia sancti Ambrósii
Episcopi.

De Institut. Virg. cap. 7.

STABAT juxta crucem Mater, et fugiéntibus viris, stabat intrépida. Vidéte, utrum pudórem mutáre potúerit Mater Jesu, quæ ánimum non mutávit. Spectábat piis óculis Filii vúlnera, per quæ sciébat ómnibus futúram redemptionem. Spectábat non degéneri Mater spectáculo, quæ non metúerat peremptórem. Pendébat in cruce Fílius : Mater se persecutóribus offerébat.

R. Quis tibi sensus fuit, o Mater dolórum, * Dum Joseph síndone Fílium tuum invólvit, et pósuit eum in monuménto? **V.** Consideráte et vidéte, si est dolor sicut dolor meus. Dum.

Bened. Cujus festum cólimus, ipsa Virgo vírginum.

Lectio viij.

Ex ejusdem Epist. 25.
ad Ecclesiam Vercellensem,
prope finem.

MARÍA Mater Dómini ante crucem Filii stabat. Nul-
lus me hoc dócuit, nisi sanctus Joáñnes Evangelista. Mundum álii concússum in passióne Dómini conscripserunt, cælum ténebris obductum, refugisse solem, in paradísium latrónem, sed post piam confessiónem, receptum. Joáñnes dócuit quod álii non docuerunt, quem ádmodum in cruce pósitus Matrem appelláverit. Pluris

putátur, quod victor suppliciórum pietátis officia Matri exhibébat, quam quod regnum cæléste donábat. Nam si religiósus est, quod latróni donátur vénia, multo uberióris pietátis est, quod a Filio Mater tanto afféctu honorátur.

R. In toto corde tuo gémis Matris tuæ ne obliviscáris, * Ut perficiátur propitiatio et benedictio. **V.** Ave princeps generósa, Martyrúmque prima rosa, Virgínúmque lílium. Ut. Glória Patri. Ut.

Lectio ix. de Homilia Dominicana occurrentis.

Te Deum laudámus. 16.

AD LAUDES

ET PER HORAS

Ant. 1. Quo ábiit diléctus tuus, * o pulchérissima mulierum? quo declinávit diléctus tuus, et quærémus eum tecum?

Ps. Dóminus regnávit. **cum reliq. 17.**

2. Recédite a me, * amáre flebo, nolite incumbere, ut consolémini me.

3. Non est ei spécies, * neque decor, et vidimus eum, et non erat adspéctus.

4. A planta pedis * usque ad vérticem cápitis, non est in eo sánitas.

5. Fulcíte me flóribus, * stipáte me malis, quia amóre lángueo.

Capitulum. Thren. 2. d

CUI comparábo te? vel cui
Assimilábo te filia Jerú-

saalem? cui exæquábo te, et consolábor te virgo filia Sion? magna est velut mare contritio tua.

Hymnus.

SUMMÆ Deus cleméntiæ,
Septem dolóres Virginitis
Plagásque Jesu Filii
Fac rite nos revólvere.

Nobis salútem cónferant
Deiparæ tot lácrymæ,
Quibus laváre súfficiis
Totius orbis crimina.

Sit quinque Jesu vúlne-
rum

Amára contemplátio,
Sint et dolóres Virginitis
Ætérna cunctis gáudia.

Jesu tibi sit glória,
Qui passus es pro sérvulis,
Cum Patre et almo Spírítu,
In sempitérna sácula.

Amen.

Ÿ. María Virgo per virtú-
tem tot dolórum. R̃. Fac nos
gaudére in regno cælórum.

Ad Bened. Ant. Veníte,
ascendámus ad montem Dó-
mini, et vidéte si est dolor,
sicut dolor meus.

Oratio.

DEUS, in cujus passióne,
secúndum Simeónis pro-
phetiam, dulcíssimam áni-
mam gloriósæ Virginitis et
Matris Mariæ dolóris gládus
pertransivit : concéde pro-
pítius; ut qui dolóres ejus
venerádo recólimus, pas-
siónis tuæ efféctum felicem
consequámur : Qui vivis et
regnas.

**Et fit Commem. Dominicæ
occur.**

AD PRIMAM

In R̃. br. Ÿ. Qui passus es
propter nostram salútem.

AD TERTIAM

Ant. Recédite a me.

Capit. Cui comparábo. **ut
supra.**

R̃. br. O vos omnes, * Qui
transitis per viam. O vos.
Ÿ. Atténdite et vidéte, si est
dolor sicut dolor meus. Qui.
Glória Patri. O vos.

Ÿ. Defecérunt præ lácry-
mis óculi mei. R̃. Contur-
báta sunt ómnia viscera mea.

AD SEXTAM

Ant. Non est ei spécies.

Capitulum. **Thren. 1.**

PLORANS plorávit in nocte,
et lácrymæ ejus in ma-
xillis ejus : non est qui con-
solétur eam ex ómnibus ca-
ris ejus.

R̃. br. Defecérunt * Præ
lácrymis óculi mei. Defe-
cérunt. Ÿ. Conturbáta sunt
ómnia viscera mea. Præ.
Glória Patri. Defecérunt.

Ÿ. Fascículus myrrhæ di-
léctus meus mihi. R̃. Inter
úbera mea commorábitur.

AD NONAM

Ant. Fulcíte me flóribus.

Capitulum. **Thren. 2. f**

DEDUC quasi torréntem
lácrymas per diem, et
noctem : non des réquiem
tibi, neque táceat pupilla
óculi tui.

R̃. br. Fascículus myr-
rhæ * Diléctus meus mihi.
Fascículus. Ÿ. Inter úbera
mea commorábitur. Dilé-
ctus. Glória. Fascículus.

Ÿ. Anima mea liquefacta est. *Ŕ.* Ut dilectus locutus est.

IN II. VESPERIS

Omnia ut in I. Vesp. 336.

Ÿ. Regina Mártýrum ora pro nobis. *Ŕ.* Quæ juxta crucem Jesu constitisti.

Ad Magnif. Ant. Opprëssit me dolor, et fácies mea intúmuit a fletu, et pálpebræ meæ caligáverunt.

*Et fit Commem. Domini-
cæ occur.*

DIE XVI

SS. CORNELII ET CYPRIANI
PONTIFICUM ET MARTYRUM
Semiduplex.

*Omnia de Communi plur.
Mart. 39*, præter seq.*

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

Ÿ. Lætámini in Dómino, et exsultáte justí. *Ŕ.* Et gloriámini omnes recti corde.

Oratio.

BEATÓRUM Mártýrum, paritérque Pontificum Cornélii et Cypriáni nos, quæsumus Dómine, festa tueántur : et eórum comméndet orátio veneránda. Per Dóminum.

Et fit Commem. SS. Euphemíæ, Lucíæ et Geminiani Mártýrum.

Ant. Gáudent in cælis ánimæ sanctórum, qui Christi vestigia sunt secúti : et quia

pro ejus amóre sánguinem suum fuderunt, ideo cum Christo exsúltant sine fine.

Ÿ. Exsultábunt sancti in glória. *Ŕ.* Lætábúntur in cubilibus suis.

Oratio.

PRÆSTA Dómine précibus nostris cum exsultatióne provéntum : ut sanctórum Mártýrum Euphemíæ, Lucíæ et Geminiani, quorum diem passiónis ánnua devotióne recólimus, étiam fidei constántiam subsequámur. Per Dóminum.

Si Festum SS. Cornelii et Cypriani occurrerit in Dominica, fit Officium de Festo Septem Dolorum B. M. V., cum ix. Lect. de Homil. et Commem. Dom., ac SS. Mártýrum Pontificum in utrisque Vesp. et Laud., necnon SS. Euphemíæ, Lucíæ et Geminiani Mm. in I. Vesp. et Laud. tantum.

IN I. NOCTURNO

Lect. de Script. occur.

In Quatuor Temp. Fratres : Debitóres. 42, et ix. Lect. de Homil. Fer. occur., cum ejus Commem. ad Laudes tantum.*

IN II. NOCTURNO

Lectio iv.

CORNÉLIUS RománuS, Gallo et Volusiáno imperatóribus, pontificátum gerens, cum Lucína fémina sanctissima, córpora Apostolórum Petri et Páuli e catácúmbis in opportuniórem locum tránstulit : ac Páuli corpus

Lucina in suo prædio via Ostiensi, prope eum locum, ubi fúerat gládio percússus, collocávit : Cornélius Principis Apostolorum corpus non longe inde, ubi crucifixus fúerat, repósuit. Quod cum ad imperatóres delátum esset, et Pontifice auctóre multos fieri Christiános, mittitur is in exsilium ad Centum cellas : ubi eum sanctus Cypriánus episcopus Carthaginiensis per litteras est consolátus.

R. Sancti tui Dómine mirábile consecúti sunt iter, serviéntes præcéptis tuis, ut inveniréntur illæsi in aquis válidis : * Terra apparuit árida, et in mari Rubro via sine impediménto. **V.** Quóniam percússit petram, et fluxérunt aquæ, et torréntes inundavérunt. Terra.

Lectio v.

Hoc áutem cristiánæ caritátis officium cum frequens alter álteri persólveret, deteriórem in partem id accipiéntes imperatóres, accersitum Romam Cornélium, tamquam de maiestate reum plumbátis cædi, raptúmque ad Martis simulácrum ei sacrificáre jubent. Quam impietátem cum ille detestarétur, ei caput abscissum est décimo octávo Kaléndas Octóbris : cujus corpus beáta Lucina cléricis adjutóribus humávit in arenária prædii sui prope cœmetérium Callísti. Vixit in

pontificátu annos circiter duos.

R. Vérbera carníficum non timuérunt sancti Dei, moriéntes pro Christi nómine, * Ut herédes fierent in domo Dómini. **V.** Tradidérunt corpóra sua propter Deum ad supplicia. Ut.

Ex libro sancti Hierónymi
Presbýteri de Scriptóribus ecclesiásticis.

Lectio vj.

CYPRIÁNUS Afer primum glorióse rhetóricam dócuit : exinde, suadénte presbýtero Cæcilio, a quo et cognoménum sortitus est, Christiánus factus, omnem substantiam suam paupéribus erogávit. Ac post non multum témporis eléctus in presbýterum, étiam episcopus Carthaginiensis constitútus est. Hujus ingénii superfluum est indicem téxere, cum sole clarióra sint ejus ópera. Passus est sub Valeriáno et Galliéno principibus, persecutióne octáva, eódem die quo Romæ Cornélius, sed non eódem anno.

R. Tamquam. 46*.

IN III. NOCTURNO

Homil. in Evang. Cum audiéritis. **de eodem Comm.** 1º loco. 48*.

Pro SS. Mart. Euphemia, Lucia et Geminiano.

Lectio ix.

EUPHÉMIA, Lúcia et Geminíanus, in persecutióne Diocletiáni, non eódem lo-

co, sed eodem die, martyrio coronati sunt. Euphemia virgo apud Chalcédonem, Prisco procónsule, vária tormentorum génera, virgarum, equulei, rotarum, ignis constanter passa : deum bestiis objecta, una ex iis morsum sancto corpore infigente, cæteris pedes ejus lambentibus, immaculatum spiritum Deo reddidit. Lúcia, vídua Romána, a filio Eutrópio, quod Christum multos annos coluisset, accusata, in ollam pice ac plumbo ferventem demittitur : unde incolumis evadens, cum ferro plumboque onerata per Urbem duceretur, Geminiánum, nobilem virum, constantia fidei et martyrii ad Christum convertit : quem etiam cum multis aliis ad fidem perductis, várie tortum, gloriosi martyrii abscisso capite socium habuit. Quorum corpora Máxima, mulier christiana, honorifice sepelivit.

Te Deum laudamus. 16.

In Laud. Commem. SS. Mart.

Ant. Istorum est enim regnum cælorum, qui contempsérunt vitam mundi, et pervenerunt ad præmia regni, et laverunt stolas suas in sanguine Agni.

Ÿ. Lætámini in Dómino, et exsultáte justí. R. Et gloriámini omnes recti corde.

Vesp. de seq. cum Commem. præced.

DIE XVII

IMPRESS. SS. STIGMATUM

IN CORPORE S. FRANCISCI

CONFESSORIS

Duplex.

Omnia de Comm. Conf. non Pont. 76*, præter seq.

In Hymno Iste Confessor dicitur :

Hac die lætus méruit beáta Vúlnera Christi.

In utrisque Vesperis.

Ÿ. Signásti Dómine servum tuum Franciscum. R. Signis redemptionis nostræ.

Ad Magnif. Ant. Similábo eum viro sapiénti, qui ædificávit domum suam supra petram.

Oratio.

DÓMINE Jesu Christe, qui frigescénte mundo, ad inflammándum corda nostra tui amoris igne, in carne beatissimi Francisci, passionis tuæ sacra stigmata renovásti : concéde propitius ; ut ejus méritis et precibus crucem júgiter ferámus, et dignos fructus pœniténtiæ faciámus : Qui vivis et regnas.

Et fit Commem. præced.

Ant. Gáudent in cælis animæ sanctórum, qui Christi vestigia sunt secúti : et quia pro ejus amore sanguíne suum fuderunt, ideo cum Christo exsultant sine fine.

Ÿ. Exsultábunt sancti in glória. R. Lætabúntur in cubilibus suis.

Orat. Beatórum. 348.

IN I. NOCTURNO

De Epístola beáti Páuli
Apóstoli ad Gálatas.

Lectio j. Cap. 5. d et 6.

SI spíritu vivimus, spiritu et ambulémus. Non efficiámur inánis glóriæ cúpidi, invicem provocántes, invicem invidéntes. Fratres, et si præoccupátus fúerit homo in áliquo delicto, vos, qui spirituáles estis, hujúsmodi instrúite in spíritu lenitátis, considerans te ipsum, ne et tu tentéris. Alter altérius ónera portáte, et sic adimplébitis legem Christi. Nam si quis existimat se áliquid esse, cum nihil sit, ipse se sedúcit. Opus áutem suum probet unusquisque, et sic in semetípso tantum glóriam habébit, et non in áltero. Unusquisque enim onus suum portábit. Commúnicet áutem is, qui catechizátur verbo, ei, qui se catechizat, in ómnibus bonis.

R. Euge serve bone et fidélis, quia in páuca fuísti fidélis, supra multa te constituam : * Intra in gáudium Dómini tui. **V.** Dómine quinque talénta tradidisti mihi, ecce ália quinque superlucrátus sum. Intra.

Lectio ij.

NOLÍTE erráre : Deus non irridétur. Quæ enim semináverit homo, hæc et metet. Quóniam qui séminat in carne sua, de carne et metet corruptiónem : qui áutem séminat in spiritu, de spi-

ritu metet vitam ætérnam. Bonum áutem faciéntes, non deficiámus ; témpore enim suo metémus non deficiéntes. Ergo dum tempus habémus, operémur bonum ad omnes, máxime áutem ad domésticos fidei. Vidéte quálibus lítteris scripsi vobis mea manu. Quicúmque enim volunt placére in carne, hi cogunt vos circumcidi, tantum ut crucis Christi persecutió nem non patiántur. Neque enim qui circumcidúntur, legem custódiunt : sed volunt vos circumcidi, ut in carne vestra gloriéntur.

R. Justus germinábit sicut lílium : * Et florébit in ætérnum ante Dóminum. **V.** Plantátus in domo Dómini, in átriis domus Dei nostri. Et florébit.

Lectio iij.

MIHI áutem absit gloriári, nisi in cruce Dómini nostri Jesu Christi : per quem mihi mundus crucifixus est, et ego mundo. In Christo enim Jesu neque circumcisio áliquid valet, neque præpútium, sed nova creatúra. Et quicúmque hanc régulam secúti fúerint, pax super illos, et misericórdia, et super Israél Dei. De cætero nemo mihi moléstus sit : ego enim stigmata Dómini Jesu in córpore meo porto. Grátia Dómini nostri Jesu Christi, cum spíritu vestro fratres. Amen.

R. Iste cognóvit. 80*.

IN II. NOCTURNO

Div. Bonaventura in Legenda
S. Francisci, cap. 13.

Lectio iv.

FIDÉLIS revéra fámulus et mínister Christi Franciscus, biénnio ántequam spíritum rédderet cælo, cum in loco excélso seórsum, qui mons Alvérniæ dicitur, quadragenarium ad honórem Archángeli Michaélis jejúnium inchoáset, supérnæ contemplatiónis dulcédine abundántius sólito superfúsus, ac cæléstium desideriorum ardentiori flamma succénsus, supernarum cœpit immissiônium cumulátius dona sentire. Dum igitur seráphicis desideriorum ardóribus sursum agerétur in Deum, et afféctus compassiva teneritúdine in eum transformarétur, cui ex caritaté nímia crucifigi compláuit: quodam mane circa festum Exaltatiónis sanctæ Crucis, in látere montis orans, vidit quasi spéciem unius Séraphim sex alas tam fúlidas quam ignitas habéntem de cælórum sublimitáte descéndere: qui volátu celérrimo ad áëris locum viro Dei propínquum perveniens, non solum alátus, sed et crucifixus apparuit: manus quidem et pedes habens exténsos, et cruci affixos, alas vero sic miro modo hinc inde dispóitas, ut duas supra caput erigeret, duas ad volándum

exténdere, duábus vero réliquis totum corpus circumplecténdo veláret. Hoc videns, veheménter obstupuit, mixtúmque dolóri gáudium mens ejus incúrrit, dum et in gratiósio ejus aspéctu sibi tam mirabiliter quam familiáriter apparentis excessivam quamdam concipiébat lætitiám, et dira conspécta crucis affixio ipsius ánimam compassivi dolóris gládio pertransivit.

R. Honéstum fecit illum Dóminus, et custodivit eum ab inimicis, et a seductóribus tutávit illum: * Et dedit illi claritátem ætérnam.
V. Justum dedúxit Dóminus per vias rectas, et osténdit illi regnum Dei. Et.

Lectio v.

INTELLÉXIT quídem illo docénte intérius, qui et apparébat extérius: quod licet passiónis infirmitas cum immortalitáte spíritus Seráphici nullátenuis conveniret, ideo tamen hujúsmodi visio suis fúerat præsentáta, conspéctibus; ut amicus ipse Christi prænosceret, se non per martýrium carnis, sed per incéndium mentis totum in Christi Jesu crucifixi expréssam similitúdinem transformándum. Dispárens itaque visio post arcánium ac familiáre collóquium mentem ipsius seráphico intérius inflammávit ardóre; carnem vero Crucifixo confórmi extérius insi-

gnivit effigie, tamquam si ad ignis liquefactivam virtutem præambulam sigillativa quædam esset impressio subsecuta. Statim namque in manibus et pedibus ejus apparere cœperunt signa clavorum, ipsorum capitibus in inferiori parte manuum et superiori pedum apparentibus, et eorum acuminibus existentibus ex adverso. Dextrum quoque latus quasi lancea transfixum rubra cicatrice obductum erat : quod sæpe sanguinem sacrum effundens, tunicam et femoralia respergebat.

¶. Amavit eum Dominus, et ornavit eum : stolam gloriæ induit eum, * Et ad portas paradisi coronavit eum.

¶. Induit eum Dominus lorricam fidei, et ornavit eum. Et.

Lectio vj.

POSTQUAM igitur novus homo Franciscus novo et stupendo miraculo clauit, cum singulari privilegio retroactis sæculis non concessio insignitus apparuit, sacris videlicet stigmatibus decoratus, descendit de monte secum ferens Crucifixi effigiem, non in tabulis lapideis vel ligneis manu figuratam artificis, sed in carneis membris descriptam digito Dei vivi : quoniam sacramentum regis Seraphicus vir abscondere bonum esse optime norat, secreti

regalis conscius, signacula illa sacra pro viribus occultabat. Verum quia Dei est ad gloriam suam magna revelare, quæ facit Dominus ipse, qui signacula illa secreta impresserat, miracula quædam aperte per ipsa monstravit, ut illorum occulta et mira vis stigmatum, manifesta pateret claritate signorum. Porro rem admirabilem, ac tantopere testatam, atque in pontificiis diplomatibus præcipuis laudibus et favoribus exaltatam, Benedictus Papa undecimus anniversaria solemnitate celebrari voluit : quam postea Paulus quintus Pontifex Maximus, ut corda fidelium in Christi crucifixi accenderentur amorem, ad universam Ecclesiam propagavit.

¶. Iste homo. 83*.

IN III. NOCTURNO

Lectio sancti Evangelii secundum Matthæum.

Lectio vij. Cap. 16. d

IN illo tempore : Dixit Jesus discipulis suis : Si quis vult post me venire, abneget semetipsum, et tollat crucem suam, et sequatur me. Et reliqua.

Homilia sancti Gregorii Papæ.

Homil. 32. in Evang.

QUIA Dominus ac Redemptor noster novus homo venit in mundum, nova præcepta dedit mundo. Vitæ etenim nostræ veteri in vitiis enutritæ contrarietate-

tem oppósuit novitátis suæ. Quid enim vetus, quid carnális homo nóverat, nisi sua retinére, aliéna rápere, si posset; concupiscere, si non posset? Sed cæléstis médicus singulis quibúsque vítiis obviántia ádhibet medicaménta. Nam sicut arte medicínæ cálida frigidis, frigida cálidis curántur : ita Dóminus noster contrária oppósuit medicaménta peccátis, ut lúbricis continéntiam, tenácibus largitátem, iracúndis mansuetúdinem, elátis præcíperet humilitátem.

¶. Iste est qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. ¶. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

Lectio viij.

CERTE cum se sequéntibus nova mandáta propóneret, dixit : Nisi quis renuntiáverit ómnibus quæ póssidet, non potest meus esse discipulus. Ac si apérte dicat : Qui per vitam véterem aliéna concupiscitis, per novæ conversatiónis stúdiu et vestra largimini. Quid vero in hac lectione dicat, audiámus : Qui vult post me venire, ábneget semetipsum. Ibi dicitur, ut abnegémus nostra : hic dicitur ut abnegémus nos. Et fortásse la-

boriósum non est hómini relinquere sua; sed valde laboriósum est relinquere semetipsum. Minus quippe est abnegáre quod habet; valde áutem multum est abnegáre quod est.

¶. Mihi absit gloriári, nisi in cruce Dómini nostri Jesu Christi : * Per quem mihi mundus crucifíxus est, et ego mundo. ¶. Ego enim stigmata Dómini Jesu in corpore meo porto. Per. Glória Patri. Per.

In Quatuor Temp. Lect. ix. de Homil. Feriæ et ejus Commem. in Laud.

Lectio ix.

AD se áutem nobis veniéntibus Dóminus præcépit, ut renuntiémus nostris : quia quicúmque ad fidei agónem venimus, luctámen contra malignos spiritus súmimus. Nihil áutem maligni spíritus in hoc mundo próprium póssident : nudi ergo cum nudis luctári debémus. Nam si vestitus quisque cum nudo luctátur, citius ad terram dejícitur, quia habet unde teneátur. Quid enim sunt terréna ómnia, nisi quædam córporis induménta? Qui ergo contra diábolu ad certámen própérat, vestiménta adjíciat, ne succúmbat.

Te Deum laudámus. 16.

AD LAUDES

Hymnus.

JESU coróna célsior,
Et véritas sublírior,

Qui confitēti sērvulo
Reddis perēnne prēmium :

Da supplicānti cōetui,
Hujus rogātu, nōxii
Remissionē criminis,
Rumpēdo nexum vīculi.

Anni revēso tēpore,
Dies refūlsit lūmine,
Quo Sanctus hic de cōr-
pore

Christi recēpit stigmata.

Hic vana terræ gāudia,
Et luculēta prædia,
Pollūta sorde dēputans,
Ovans tenet cælēstia.

Te Christe Rex piīssime,
Hic confitēdo jūgiter,
Calcāvit artes dæmonum,
Sævūmque avēni - princi-
pem.

Virtūte clarus, et fide,
Confessione sēdulus,
Jejūna membra dēferens,
Dapes supērnas obtinet.

Proinde te piīssime
Precāmur omnes sūpplices:
Nobis ut hujus grātia
Pœnas remittas dēbitas.

Patri perēnnis glória,
Natōque Patris único,
Sanctōque sit Paráclito,
Per omne semper sæculum.
Amen.

Ÿ. Justum dedūxit Dōmi-
nus per vias rectas. R̃. Et
ostēndit illi regnum Dei.

Ad Bened. Ant. Euge ser-
ve bone et fidēlis, quia in
pauca fuisti fidēlis, supra
multa te constituam : intra
in gāudium Dōmini tui.

Orat. ut supra. 350.

Vesp. de seq., cum Com-
mem. SS. Stigmatum.

DIE XVIII

S. JOSEPHI A CUPERTINO

CONFESSORIS

Duplex.

Omnia de Comm. Conf.
non Pont. 76*, præter seq.
Ad Magnif. Ant. Mōrtuus
sum, et vita mea est abscon-
dita cum Christo in Deo.

Oratio.

DEUS, qui ad unigénitum
Filiū tuū exaltātum
a terra omnia trāhere dispo-
suisti : pērfice propitius; ut
mēritis et exēplo serāphici
Confessoris tui Josēphi su-
pra terrēnas omnes cupiditā-
tes elevāti, ad eūm perve-
nīre mereāmur : Qui tecum
vivit.

Et fit Commem. SS. Sti-
gmatum S. Francisci.

Ant. Hic vir despiciens
mundum et terrēna, triūm-
phans, divitias cælo cōdi-
dit ore, manu.

Ÿ. Signāsti Dōmine ser-
vum tuū Franciscum. R̃.
Signis redemptionis nostræ.

IN I. NOCTURNO

De Epistola secūda beāti
Pāuli Apóstoli ad Corin-
thios.

Lectio j. Cap. 4. b

DEUS, qui dixit de tēne-
bris lucem splendēscere,
ipse illūxit in cōrdibus
nostris ad illuminationē
sciētiæ claritātis Dei, in
facie Christi Jesu. Habēmus
autem thesaurum istum in
vasis fictilibus : ut sublimi-
tas sit virtūtis Dei, et non

ex nobis. In ómnibus tribulationem pátimur, sed non angustiamur : aporiamur, sed non destituimur : persecutionem pátimur, sed non derelinquimur : deijcitur, sed non perimus : semper mortificationem Jesu in corpore nostro circumferentes, ut et vita Jesu manifestetur in corpóribus nostris. Semper enim nos, qui vivimus, in mortem tradimur propter Jesum : ut et vita Jesu manifestetur in carne nostra mortáli.

R. Euge serve bone et fidélis, quia in páuca fuisti fidélis, supra multa te constituam : * Intra in gáudium Dómini tui. **V.** Dómine quinque talénta tradidisti mihi, ecce ália quinque superlucrátus sum. Intra.

Lectio ij. Cap. 5.

SCIMUS enim quóniam si terréstris domus nostra hujus habitatiónis dissolvátur, quod ædificationem ex Deo habémus, domum non manufactam, ætérnam in cælis. Nam et in hoc ingemiscimus, habitatióem nostram, quæ de cælo est, superindui cupiéntes : si tamen vestiti, non nudi inveniamur. Nam et qui sumus in hoc tabernáculo, ingemiscimus graváti : eo quod nólumus exspoliári, sed supervestiri, ut absorbeatur quod mortále est, a vita. Qui áutem éfficit nos in hoc ipsum, Deus, qui dedit no-

bis pignus spíritus. Audéntes igitur semper, sciéntes quóniam dum sumus in corpore, peregrinámur a Dómino (per fidem enim ambulámus, et non per spéciem) : audémus áutem, et bonam voluntátem habémus magis peregrinári a corpore, et præséntes esse ad Dóminum.

R. Justus germinábit sicut lilium : * Et florébit in ætérnum ante Dóminum. **V.** Plantátus in domo Dómini, in átriis domus Dei nostri. Et florébit.

Lectio iij. Cap. 12.

SI gloriári opórtet (non expedit quidem) : véniam áutem ad visiónes, et revelatiónes Dómini. Scio hómínem in Christo ante annos quatuórdecim, sive in corpore, nescio, sive extra corpus, nescio, Deus scit, raptum hujúsmodi usque ad tértium cælum. Et scio hujúsmodi hómínem sive in corpore, sive extra corpus, nescio, Deus scit : quóniam raptus est in paradísum : et audivit arcána verba, quæ non licet hómíni loqui. Pro hujúsmodi gloriábor : pro me áutem nihil gloriábor, nisi in infirmitátibus meis. Nam, et si volúero gloriári, non ero insipiens : veritátem enim dicam : parco áutem, ne quis me existimet supra id, quod videt in me, aut áliquíd áudit ex me. Et ne magnitúdo revelatiónum ex-

tóllat me, datus est mihi stimulus carnis meæ, ángelus sátanæ, qui me colaphizet. Propter quod ter Dóminus rogávi, ut discéderet a me : et dixit mihi : Súfficit tibi grátia mea : nam virtus in infirmitáte perficitur. Libénter igitur gloriábor in infirmitátibus meis, ut inhábitet in me virtus Christi.

℟. Iste cognóvit. 80*.

IN II. NOCTURNO

Lectio iv.

JOSÉPHUS a Cupertino, óppido in Salentínis diécésis Neritonénsis, anno reparátæ salútis millésimo sexcentésimo tértio, piis ibidem paréntibus ortus, Deíque amóre prævéntus, puerítiam atque adolescéntiam summa cum simplicitáte morúmque innocentia transégit. A diutúrno molestóque morbo patientíssime toleráto, Deíparæ Vírginis ope liberátus, se totum pietátis opéribus ac excoléndis virtútibus dedit : utque Deo ad majóra vocánti se intímus conjúngeret, órđini seráphico nomen dare constituit. Post vários événtus voti tandem compos factus, apud Minóres Conventuáles in cœnóbio Crýptulæ, inter láicos primum ob litterárum imperítiam, deinde inter cléricos divína dispositione connumerátus est. Sacerdótio post solémnia vota initiátus, perféctius sibi vitæ institútum propósuit. Quamóbre[m] mundánis qui-

buscúmque afféctibus, terrenisque rebus pene ad vitam necessariis illico a se abdicátis, ciliciis, flagéllis, caténis, omni demum asperitátum ac pœnarum génere corpus afflíxit : spíritum vero sanctæ oratiónis altissimæque contemplatiónis assiduitáte dúlciter enutrivit. Hinc factum est, ut cáritas Dei, quæ jam erat in ejus corde a prima ætáte diffúsa, miro planéque singulári modo in dies coruscáverit.

℟. Honéstum fecit illum Dóminus, et custodívit eum ab inimicis, et a seductóribus tutávit illum : * Et dedit illi claritátem ætérnam. V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

ELÚXIT præcípuè ardentíssima ejus cáritas in extásibus ad Deum suavíssimis, stupendisqu[e] ráptibus, quibus frequénter afficiebátur. Mirum áutem, quod alienáto a sénsibus ánimo statim ab éxtasi eum revocábat sola obediéntia. Hanc quippe virtútem exímio stúdio prosequébátur, dicere sólitus, se ab ea véluti cæcum circumdúci, et mori pótius velle, quam non obedíre. Paupertátem vero seráphici patriárchæ ita æmulátus est, ut morti próxímus præláto suo assérere vere potúerit, se nihil habére, quod more religiosórum re-

signáret. Itaque mundo sibi-
que mórtuus, vitam Jesu
manifestábat in carne sua,
quæ dum in aliquibus ex
turpitudine obscénum fla-
gitium sentiébat, prodigió-
sum de se efflábat odórem,
indícium nitidissimæ illius
puritátis, quam, immúndo
spíritu vehementissimis ten-
tationibus frustra obnubi-
lâre diu conánte, servávit
illæsam, tum arcta sènsuum
custódia, tum jugi córporis
maceratione, tum dénique
speciáli protectione purissi-
mæ Virginis Mariæ, quam
matrem suam appellâre con-
suévit, ac véluti Matrem dul-
cissimam íntimo cordis affé-
ctu venerabátur, eámque ab
áliis venerári exóptábat, ut
cum ejúsdem patrocínio,
sicut ipse aiébat, ómnia
bona consequeréntur.

¶. Amávit eum Dóminus,
et ornávit eum: stolam gló-
riæ induit eum,* Et ad por-
tas paradisi coronávit eum.
¶. Induit eum Dóminus lori-
cam fidei, et ornávit eum. Et.

Lectio vj.

HÆC beáti Joséphi sollici-
túdo a sua erga próxi-
mos caritáte prodíbat: tanto
enim animárum zelo exar-
debat, ut ómnium salútem
modis ómnibus instantissime
procuráret. Exténdens pári-
ter caritátem suam in pró-
ximum sive páuperem, sive
infirmum, sive quacúmque
ália tribulatione vexátum,
quantum in ipso erat, illum

recreábat. Nec aliéni erant
ab ejus caritáte, qui objur-
gationibus, probris, omnis-
que géneris injúriis ipsum
appéterent; nam eádem pa-
tiéntia, mansuetúdine, vul-
túsque hilaritáte tália exci-
piébat, qua tot inter ac tan-
tas vicissitudines resplén-
duit, dum vel moderatórum
órdinis, vel sacrae Inquisi-
tiónis jussu hac illac errá-
re versarique coáctus est.
Quamquam vero pópuli non
solum, sed viri príncipes
eximiam ejus sanctitátem et
supérna charismata admira-
réntur, ea nihilóminus erat
humilitáte, ut magnum se
peccatórem réputans Deum
enixe deprecaretur, ut sua
ab eo illústria dona remo-
véret, hómines vero exorá-
ret, ut in eum locum mórtu-
um ejus corpus injicerent,
ubi memória sui esset pror-
sus oblitteráta. At Deus, qui
ponit húmiles in sublime,
quique servum suum, dum
viveret, cælésti sapiéntia,
prophetia, córdium per-
scrutatione, curationum grá-
tia, cæterisque donis cumu-
latissime exornáverat, ejus
quoque mortem iis, quibus
ipse ántea prædixerat, loco
ac témpore, anno ætátis
suæ sexagésimo primo, Au-
xími in Picéno pretiósam
réddidit, sepulcrúmque glo-
riósum. Illum dénique étiam
post óbitum miráculis coru-
scántem Benedictus quartus
décimus beatórum, Clemens

tértius décimus sanctórum fastis adscripsit. Ejus áutem Officium et Missam Clemens quartus décimus ejúsdem órdis ad univérsum Ecclésiám exténdit.

R. Iste homo. 83*.

IN III. NOCTURNO

Léctio sancti Evangélii secúndum Matthæum.

Lectio vij. Cap. 22.

IN illo témpore : Loquebátur Jesus princípibus sacerdotum et pharisæis in parábolis, dicens : Simile factum est regnum cælórum hómini regi, qui fecit nuptias filio suo. Et reliqua.

Homilia sancti Gregórii Papæ.

Lib. 2. Homiliar. Hom. 38., circa medium.

QUIA jam, largiénte Dómino, nuptiarum domum, id est, sanctam Ecclésiám, intrástis, solérter fratres adspicite, ne áliquíd de mentis vestræ hábitu rex ingrédiens reprehéndat. Cum magno enim cordis timóre pensándum est quod prótinus súbditur : Intrávit áutem rex, ut vidéret discumbéntes; et vidit ibi hóminem non vestitum veste nuptiáli. Quid, fratres caríssimi, éxprimi per nuptiálem vestem putámus? Si enim vestem nuptiálem baptisma vel fidem dicimus, quis sine baptismo et fide has nuptias intrávit? Eo enim ipso foris est, qui necdum crédidit. Quid ergo debémus intelligere per nu-

ptiálem vestem, nisi caritátem? Intrat enim ad nuptias, sed cum nuptiáli veste non intrat, qui in sancta Ecclésiá assístens, fidem habet, sed caritátem non habet. Recte enim caritas nuptiális vestis vocátur, quia hanc in se Cónditor noster hábuit, dum ad sociándæ sibi Ecclésiæ nuptias venit.

R. Iste est qui ante Deum magnas virtútes operátus est, et de omni corde suo laudávit Dóminum : Ipse intercédat pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et pérmanens in innocentia sua. Ipse intercédat.

Lectio viij.

SOLA quippe dilectióne Dei actum est, ut ejus Unigénitus mentes sibi electórum hóminum uníret. Unde et Joánnes dicit : Sic enim diléxit Deus mundum, ut Filium suum unigénitum daret pro nobis. Qui ergo per caritátem venit ad hómines, eámdem caritátem innótuít vestem esse nuptiálem. Omnis ergo vestrum, qui in Ecclésiá pósitus Deo crédidit, jam ad nuptias intrávit : sed cum nuptiáli veste non venit, si caritátis grátiam non custódit. Et certe, fratres, si quis ad carnáles nuptias esset invitátus, vestem mutáret, congaudéresesponsos et sponsæ ex ipso sui há-

bitus decóre osténderet, inter gaudéntes et festa celebrántes despéctis véstibus apparére erubésceret. Nos ad Dei núptias venímus, et cordis vestem mutáre dissimulámus. Congáudent Angeli, cum ad cælum assumúntur elécti. Qua ergo mente hæc spirituália festa conspíci-
mus, qui nuptiálem vestem, id est, caritátem, quæ sola nos speciósos éxhibet, non habémus?

R. Sint lumbi vestri præcincti, et lucérnæ ardéntes in má nibus vestris: * Et vos símiles homínibus expectántibus dómínium suum, quando revertátur a núptiis.

V. Vigiláte ergo, quia nescitis qua hora Dóminus vester ventúrus sit. Et. Glória Patri. Et.

In Quatuor Temp. Lect. ix. de Homil. Feriæ, et ejus Commem. in Laud. tantum.

Lectio ix.

SCIÉNDUM vero est, quia sicut in duóbus lignis, superióre vidélicet et inférióre, vestis téxitur: ita in duóbus præcéptis caritas habétur, in dilectióne scilicet Dei et próximi. Scriptum quippe est: Diliges Dóminum Deum tuum ex toto corde tuo, et ex tota ánima tua, et ex tota virtúte tua, et próximum tuum sicut te ipsum. Qua in re notándum est, quia in dilectióne próximi mensúra amóris pónitur, cum dicitur: Diliges

próximum tuum sicut te ipsum. Dei áutem diléctio nulla mensúra constringitur, cum dicitur: Diliges Dóminum Deum tuum ex toto corde tuo, ex tota ánima tua, ex tota virtúte tua. Non enim jubétur quisque quantum diligat, sed ex quanto, cum dicitur, Ex toto; quia ille veráriter Deum diligit, qui sibi de se nihil relinquit. Duo ergo necesse est ut caritátis præcépta custódiat, quisquis habére in núptiis vestem nuptiálem curat.

Te Deum laudámus. 16.

Ad Bened. Ant. Osténdit mihi Dóminus flúvium aquæ vivæ, spléndidum tamquam crystállum, procedéntem de sede Dei et Agni.

Orat. Deus, qui ad. 355.

Vesp. a Capit. de seq., cum Commem. præced.

DIE XIX

SS. JANUARIi EPISC.

ET SOC. MART.

Duplex.

Omnia de Comm. plurim.

Mart. 39*, præter seq.

Oratio.

DEUS, qui nos ánnua sanctorum Mártyrum tuórum Januárii et Sociórum ejus solemnitáte lætíficas: concéde propítius; ut quorum gaudémus méritis, accendámur exémp lis. Per Dóminum.

Et fit Commem. præced.

Ant. Existimo ómnia detriméntum esse propter emi-

néntem sciéntiam Jesu Christi Dómini mei.

Ÿ. Justum dedúxit Dóminus per vias rectas. R. Et osténdit illi regnum Dei.

Orat. Deus, qui. 355.

IN I. NOCTURNO

Lect. de Script. occur.

In Quatuor Temp. Lect. Fratres : Debitóres. de eodem Comm. 42*, et ix. Lect. de Homil. Fer. occur. cum ejus Commem. ad Laudes tantum.

IN II. NOCTURNO

Lectio iv.

JANUÁRIUS, Benevénti episcopus, Diocletiáno et Maximiano in Christiános sæviéntibus, ad Timótheum Campániæpræsidem ob christiánæ fidei professiónem Nolum perducitur. Ibi ejus constántia várie tentáta, in ardéntem fornácem conjéctus, ita illæsus evásit, ut ne vestiméntum aut capillum quidem flamma violáverit. Hinc præses accénsus iracúndia, Mártiris corpus imperat usque eo distrahi, quoad nervórum compáges artuúmquesolvántur. Festus intérea ejus diáconus, et Desidérius lector comprehénsi, vinctique, una cum episcopo ante rhedam præsidis Putéolos pertrahúntur, et in eúmdem cárcerem, in quo Sósius Misénas, et Próculus Puteolánus diáconus, Eutyches et Acútiús láici ad béstias damnáti detinebántur, simul conjiciúntur.

R. Sancti tui Dómine mirábile consecúti sunt iter, serviéntes præcéptis tuis, ut inveniréntur illæsi in aquis válidis : * Terra apáruit árida, et in mari Rubro via sine impediménto. Ÿ. Quóniam percússit petram, et fluxérunt aquæ, et torréntes inundavérunt. Terra.

Lectio v.

PÓSTERO die omnes in amphitheatro feris objecti sunt : quæ naturalis oblité feritátis, ad Januárii pedes se prostravére. Id Timótheus mágicis cantiónibus tribuens, cum senténtiam cápitis in Christi Mártires pronuntiáset, óculis repénte captus, oránte mox beáto Januário, lumen recépit : quo miráculo hóminum millia fere quinque Christi fidem suscepérunt. Verum ingrátus judex níhilo placátior factus beneficio, sed conversióne tantæ multitudinis actus in rábiem ; véritus máxime princípum decreta, sanctum episcopum cum sóciis gládio pércuti jussit.

R. Vérbera carníficum non timuérent sancti Dei, moriéntes pro Christi nómine, * Ut herédes fierent in domo Dómini. Ÿ. Tradidérunt córpora sua propter Deum ad supplicia. Ut.

Lectio vj.

HORUM córpora finitimæ urbes, pro suo quæque stúdio certum sibi patrónum

ex iis apud Deum adoptandi, sepelienda curarunt. Januárii corpus Neapolitáni divíno admónitu extulére : quod primo Benevéntum, inde ad monastérium montis Virgínis, postrémo Neápolim translátum, et in majóri ecclésia cónditum, multis miráculis cláruit. Sed illud in primis memorándum, quod erumpéntes olim e monte Vesúvio flammárum globos, nec vicinis modo, sed longínquis étiam regiónibus vastitátis metum afféréntes, exstínxit. Præclárum illud quoque, quod ejus sanguis, qui in ampúlla vítrea concrétus asservátur, cum in conspéctu cápitis ejúsdem Mártyris pónitur, admirándum in modum colliquefieri et ebullíre, perinde atque recens effúsus, ad hæc usque témpora cérnitur.

¶. Tamquam áurum. 46*.

IN III. NOCTURNO

Léctio sancti Evangélii secúndum Matthæum.

Lectio vij. Cap. 24.

IN illo témpore : Sedénte Jesu super montem Olivéti, accessérunt ad eum discípuli secréto, dicéntes : Dic nobis quando hæc erunt. Et réliqua.

Homília sancti Hiláarii

Episcopi.

Comment. in Matth. cap. 25.

DISCÍPULI Dóminum intérogant quando hæc fierent, quodve signum et advéntus sui et consummatió-

nis sæculi nóscerent. Et quia tria hæc in unum quæsita sunt, distinctis et témporis et intelligéntiæ significatióibus separántur. Respondétur igitur primum de civitátis occásu, et confirmántur veritáte doctrinæ, ne quis fallax ignorántibus posset obrépere. Ventúri enim erant étiam eórum témpore, qui se Christum essent nuncupatúri. Ut igitur fides pestífero mendácio détrahi posset, admonitio præcésit.

¶. Propter testaméntum Dómini, et leges patérnas, sancti Dei perstitérunt in amóre fraternitátis : * Quia unus fuit semper spíritus in eis, et una fides. ¶. Ecce quam bonum et quam jucúndum habitáre fratres in unum ! Quia.

Lectio viij.

CONFÍRMAT igitur eos ad tolerántiam passiónum, fugæ, verberatiónis, intéritus, et públici in eos ódii propter nomen ejus. Atque his quidem vexatióibus multi turbabúntur, et tantis insurgéntibus malis scandalizabúntur, et usque in mútuum ódium excitabúntur. Et falsi prophétæ erunt (ut Nicoláus unus ex septem diacónibus fuit), multósque ementíta veritáte pervértent : et abundánte nequitia cáritas refrigéscet.

¶. Sancti mei, qui in carne pósito, certámen habuístis : *

Mercédem labóris ego red-
dam vobis. **V.** Venite bene-
dicti Patris mei, percipite
regnum. Mercédem. Glória
Patri. Mercédem.

Lectio ix.

SED usque in finem perse-
verántibus salus reser-
váta est : ac tum per omnes
orbis partes viris apostólicis
dispérsis, Evangélíi véritas
prædicábitur. Et cum uni-
vérsis fúerit cognítio sacra-
ménti cæléstis invécta, tum
Jerúsalem occásus et finis
incumbet : ut prædicatiónis
fidem et infidélium pœna,
et metus civitátis érutæ con-
sequátur. Hæc igitur in eam,
ut fúerant prædicta, perfé-
cta sunt : et lapidátis, fugá-
tis, perémp-tis Apóstolis,
fame, bello, captivitáte con-
súmpta est. Ac tum fuit
digna non esse, cum ejéctis
prædicatóribus Christi, in-
dignam Dei prædicatióne se
præbuit.

Te Deum laudámus. 16.

**Vesp. a Capit. de seq. cum
Comm. præced.**

DIE XX

SS. EUSTACHII ET SOC.

MARTYRUM

Duplex.

Omnia de Comm. plurim.

Mart. 39*, præter seq.

Oratio.

DEUS, qui nos concédissan-
ctórum Mártyrum tuó-
rum Eustáchii et Sociórum
ejus natalitia cólere : da no-
bis in ætéRNA beatitúdine de

eórum societáte gaudére.
Per Dóminum.

Et fit Comm. præced.

Ant. Gáudent in cælis áni-
mæ sanctórum, qui Christi
vestigia sunt secúti : et quia
pro ejus amóre sánguinem
suum fuderunt, ídeo cum
Christo exsultant sine fine.

V. Exsultábunt sancti in
glória. **R.** Lætabúntur in cu-
bilibus suis.

Orat. Deus, qui nos. 360.

IN I. NOCTURNO

In Quatuor Temp. Lect.
Fratres : Debitóres. **de eo-
dem Comm. 42*. Lect. ix.**
legitur de Homil. Fer. occur.
cum ejus Comm. in Lau-
dis tantum ; et de Vigilia
nihil fit, nisi in Missa.

**Si non venerit in Quatuor
Temp., in I. Noct. Lect. de
Script. occur. ; ix. Lectio
erit de Vigilia, cujus Com-
mem. fit in Laudibus.**

IN II. NOCTURNO

Lectio iv.

EUSTÁCHIUS, qui et Pláci-
dus, génere, ópibus et
militári glória inter Romá-
nos insignis, sub Trajáno
imperatóre magístri militum
titulum mériuit. Cum vero
sese aliquándo in venatióne
exerceret, ac fugiéntem mi-
ræ magnitúdinis cervum in-
sequerétur, vidit repén-
te inter consistentis feræ cór-
nua excélsam atque fulgén-
tem Christi Dómini e cruce
pendéntis imáginem, cujus
voce ad immortális vitæ præ-
dam invitátus, una cum

uxóre Theopísta, ac duóbus párvulis filiis Agapíto et Theopísto, christiánæ militiæ nomen dedit.

℟. Sancti tui Dómine mirábile consecúti sunt iter, serviéntes præcéptis tuis, ut inveniréntur illæsi in aquis válidis: *Terra appáruit árida, et in mari Rubro via sine impediménto. ✠. Quóniam percússit petram, et fluxérunt aquæ, et torréntes inundavérunt. Terra appáruit.

Lectio v.

Mox ad visiónis pristinæ locum, sicut ei Dóminus præcéperat, regréssus, illum prænuntiántem audiuit, quanta sibi deinceps pro ejus glória perferénda essent. Quocírca incredibiles calamitátes mira patiéntia perpéssus, brevi in summam egestátem redáctus est. Cumque clam se subducere cogerétur, in itinere cónjugem primum, deínde étiam líberos sibi miserabiliter eréptos ingémuit. Tantis obvolútus ærúmnis, in regióne longínqua villicum agéns, longo témpore delítuit, donec cælésti voce recreátus, ac nova occasióne a Trajáno conquisítus, íterum bello præficitur.

℟. Vérbera carníficum non timuérunt sancti Dei, moriéntes pro Christi nómine, * Ut herédes fierent in domo Dómini. ✠. Tradidérunt córpora sua propter Deum ad supplicia. Ut herédes.

Lectio vj.

ILLA in expeditióne, líberis simul cum uxóre insperáto recéptis, victor Urbem ingénti ómnium gratulatióne ingréditur. Sed páulo post inánibus diis pro parta victória sacrificáre jussus, constantíssime rénuít. Cumque váriis ártibus ad Christi fidem ejurándam frustra tentarétur, una cum uxóre et líberis leónibus objicitur. Horum mansuetúdine concitátus imperátor, æneum in táurum subjéctis flammis candéntemeos immíttijubet, ubi divinis in láudibus consummáto martýrio, duodécimo Kaléndas Octóbris ad sempitérnam felicitátem convolárunť. Quorum illæsa córpora religióse a fidélibus sepúlta, póstmodum ad ecclésiám, eórum nómine eréctam, honorífice transláta sunt.

℟. Tamquam. 46*.

IN III. NOCTURNO

Homil. in Evang. Descéndens Jesus. **de eodem Comuni 2º loco.** 53*.

Pro Vigilia sancti Matthæi.

Bened. Per Evangélica dicta.

Léctio sancti Evangélii secúndum Lucam.

Lectio ix. Cap. 5. e

IN illo témpore: Vidit Jesus publicánum, nómine Levi, sedéntem ad telónium; et ait illi: Séquere me. Et réliqua.

Homilia sancti Ambrósii
Episcopi.

Lib. 5. Comment. in Luc.
cap. 5. post initium.

MYSTICA est hæc vocatio publicani, quem sequi jubet, non corporis gressu, sed mentis affectu. Itaque ille prius avára de mercèdibus, dura de laboribus periculisque nautarum emolumenta convertens, verbo vocatus propria derelinquit, qui rapièbat alièna : ac vile illud sedile destituens, toto post Dóminum vestigio mentis incédit : convivii quoque magni exhibet apparátum. Qui enim domicílio Christum récipit intèrno, máximis delectationibus exuberántium páscitur voluptátum.

Te Deum laudámus. 16.

In Laud. pro Commem.
Vigil., Ant. et ŷ. de Fer. occur.

Oratio

DA, quæsumus omnípotens Deus : ut beáti Matthæi Apóstoli tui et Evangelistæ, quam prævenimus, veneránda solémnitas, et devotióne nobis áugeat et salútem. Per Dóminum.

Vesp. de seq. cum Commem. præced.

DIE XXI

SANCTI MATTHÆI

APOSTOLI ET EVANGELISTÆ

Duplex 2. classis.

Omnia de Comm. Apost.
2*, præter seq.

Oratio.

BEÁTI Apóstoli et Evangelistæ Matthæi, Dómine, precibus adjuvémur : ut, quod possibilitas nostra non óbtinet, ejus nobis intercessiõe donétur. Per Dóminum.

Et fit Commem. præced.

Ant. Gáudent in cælis animæ sanctórum, qui Christi vestigia sunt secúti : et quia pro ejus amóre sánguinem suum fuderunt; ideo cum Christo exsúltant sine fine.

ŷ. Exsultábunt sancti in glória. R. Lætabúntur in cubilibus suis.

Orat. Deus, qui nos. 363.

IN I. NOCTURNO

Lect. Et factum est in trigésimo anno. de Comm. Evang. 20*.

IN II. NOCTURNO

Lectio iv.

MATTHÆUS, qui et Levi, Apóstolus et Evangelista, Caphárnai cum ad telónium sedéret, a Christo vocátus, statim secútus est ipsum : quem étiam cum réliquis discipulis convivio excépit. Post Christi resurrectionem, ántequam in provinciam proficiscerétur, quæ ei ad prædicándum obtigerat, primus in Judæa, propter eos qui ex circumcisiõe crediderant, Evangelium Jesu Christi hebraíce scripsit. Mox in Æthiópiam profectus, Evangelium prædicávit, ac prædicationem

multis miráculis confirmávit.

R. Vidi conjúctos viros, habéntes spléndidas vestes, et Angelus Dómini locútus est ad me, dicens : * Isti sunt viri sancti facti amici Dei. **V.** Vidi Angelum Dei fortem, volántem per médium cælum, voce magna clamántem et dicéntem. Isti sunt viri.

Lectio v.

ILLO igitur in primis miráculo, quo regis filiam a mórtuis excitávit, regem patrem, et uxórem ejus, cum univérſa provincia ad Christi fidem convértit. Rege mórtuo, Hírtacus, ejus succéſſor, cum Iphigeniam, régiam filiam, vellet sibi dari in matrimónium, Matthæum, cujus ópera illa virginitátem Deo vóverat, et in sancto propósito perseverábat, ad altáre mystérium celebrántem jussit occídi. Qui undécimo Kaléndas Octóbris munus apostólicum martýrii glória cumulávit. Cujus corpus Salérnum translátum, ac póſtmodum in ecclésia ejus nómine dedicáta, Gregório séptimo Summo Pontifice cónditum, ibídem magno hóminum concúrsu ac pietáte cólitur.

R. Beáti estis, cum maledixerint vobis hómines, et persecúti vos fúerint, et dixerint omne malum advérsus vos, mentiéntes, propter me: * Gaudéte et exsultáte, quó-

niam merces vestra copiósá est in cælis. **V.** Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Filium hóminis. Gaudéte.

De Expositione sancti Gregórii Papæ super Ezechíelem Prophétam.

Lectio vj. Hom. 3. Lib. 1.

SANCTA quátuor animália, quæ prophetiæ spírítu futúra prævidéntur, subtili narratióne describúntur, cum dicitur : Quátuor fácies uni, et quátuor pennæ uni. Quid per fáciem, nisi notitia; et quid per pennas, nisi volátus exprimitur? Per fáciem quippe unusquisque cognóscitur : per pennas vero in altum ávium córpora sublevántur. Fácies itaque ad fidem pértinet, penna ad contemplatiónem. Per fidem namque ab omnipoténti Deo cognóscimur, sicut ipse de suis óvibus dicit : Ego sum pastor bonus, et cognóſco oves meas, et cognóſcunt me meæ. Qui rursus ait : Ego scio quos elégerim. Per contemplatiónem vero, qua super nosmetipsos tóllimur, quasi in áëra levámur.

R. Isti sunt. 11*.

IN III. NOCTURNO
Léctio sancti Evangélii secúndum Matthæum.

Lectio vij. Cap. 9. b

In illo témpore : Vidit Jesus hóminem sedéntem in te-

lónio, Matthæum nómine. Et ait illi : Séquere me. Et reliqua.

Homilia sancti Hierónymi
Presbýteri.

**Lib. 1. Comm. in Matth.
cap. 9.**

CÆTERI Evangelistæ, propter verecúndiam et honórem Matthæi, noluérunt eum nómine appelláre vulgáto, sed dixerunt, Levi: dúplici quippe vocábulo fuit. Ipse áutem Matthæus (secúndum illud quod dicitur a Salomóne : Justus accusátor est sui in principio sermonis : et in álio loco : Dic tu peccáta tua, ut justificéris) Matthæum se et publicánum nóminat, ut osténdat legéntibus nullum debére salutem desperáre, si ad melióra convérsus sit, cum ipse de publicáno in Apóstolum sit repénite mutátus.

R. Isti sunt qui vivéntes in carne, plantavérunt Ecclésiám ságuine suo : * Cálicem Dómini bibérunt, et amici Dei facti sunt. **V.** In omnem terram exívit sonus eórum, et in fines orbis terræ verba eórum. Cálicem.

Lectio viij.

ARGUIT in hoc loco Porphýrius, et Juliánus Augústus, vel imperítiam histórici mentiéntis, vel stultítiam eórum, qui statim secúti sint Salvatórem, quasi irrationabiliter quémlibet vocántem hóminem sint secúti : cum tantæ virtútes tán-

taque signa præcésse-rint, quæ Apóstolos, ántequam créderent, vidisse non dubium est. Certe fulgor ipse, et majéstas divinitátis occúltæ, quæ étiam in humána fácie relucébat, ex primo ad se vidéntes tráhere póterat adspéctu. Si enim in magnéte lápide et súccinis hæc esse vis dicitur, ut ánnulos, et stípulam, et festúcas sibi cópulent : quanto magis Dóminus ómnium creaturárum ad se tráhere póterat quos vocábat?

R. Isti sunt viri sancti, quos elégit Dóminus in caritáte non ficta, et dedit illis glóriam sempitérnam : * Quorum doctrína fulget Ecclésia, ut sole luna. **V.** Sancti per fidem vicérunt regna : operáti sunt justítiam. Quorum. Glória Patri. Quorum.

Lectio ix.

ET factum est, discumbénte eo in domo, ecce multi publicáni et peccatóres veniéntes discumbébant cum Jesu. Vidébant publicánum a peccátis ad melióra convérsus, locum invenisse pœniténtiæ, et ob id étiam ipsi non despérant salutem. Neque vero in prístinis vítiis permanéntes véniunt ad Jesum, ut pharisæi et scribæ múrmurant : sed pœniténtiam ágéntes, ut sequens Dómini sermo significat, dicens : Misericórdiam volo, et non sacrificium : non enim veni vocáre justos,

sed peccatóres. Ibat áutem Dóminus ad convivia peccatórum, ut occasiõnem haberet docéndi, et spirituáles invitatóribus suis præberet cibos.

Te Deum laudámus. 16.

In II. Vesp. Commem. seq. et SS. Mauritii et Soc. Mart.

DIE XXII

S. THOMÆ DE VILLANOVA

EPISC. ET CONF.

Duplex.

Omnia de Communi Conf. Pont. 55*, præter seq. (m. t. v.)

In utrisque Vesp. ad Magnif.

Ant. Dispérsit, dedit pauperibus : justitia ejus manet in sæculum sæculi.

Ÿ. Amávit eum Dóminus, et ornávit eum. R. Stolum glóriæ induit eum.

Oratio.

DEUS, qui beátum Thomam Pontificem insignis in páuperes misericórdiæ virtúte decorásti : quæsumus ; ut ejus intercessiõne in omnes qui te deprecántur, divítias misericórdiæ tuæ benignus effúndas. Per Dóminum.

Deinde fit Commem. SS. Martyrum Mauritii et Soc.

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

Ÿ. Lætámini in Dómino, et exsultáte justí. R. Et gloriámini omnes recti corde.

Oratio.

ANNUE, quæsumus omnipotens Deus : ut sanctorum Mátyrum tuórum Mauritii et Sociórum ejus nos lætificet festiva solémnitas ; ut quorum suffrágiis nitimur, eórum natalitiis gloriémur. Per Dóminum.

IN I. NOCTURNO

Lect. de Script. occur.

In Quatuor Temporibus Lect. Fidélis sermo. de eodem Comm. 1º loco. 58*. Lect. ix. de Feria et ejus Commem. in Laud. tantum.

IN II. NOCTURNO

Lectio iv.

THOMAS in óppido Fontis-pláni Toletánæ diocéseos in Hispánia natus anno Dómini millésimo quadringentésimo octogésimo octavo, ab óptimis paréntibus ineúnte vita pietátem et singulárem in páuperes misericórdiam accépit : cujus adhuc puer complúra dedit exémpa ; sed illud in primis nóbile, quod ut nudos operíret, própriis véstibus non semel seípsum éxuit. Exácta puerítia, Complúto, quo missus fúerat, ut alúmnu in collégio majóri sancti Ildefónsi litteris óperam daret, patris óbitu revocatús, univérsam hereditátem egénis virgínibus aléndis dicávit ; eodémque statim révérsus est, et sacræ theologiæ

curso confecto, adeo doctrina excelluit, ut in eadem Universitate cathedram ascendere jussus, philosophicas theologicasque quaestiones mirabiliter explanaverit : interim assiduus precibus scientiam sanctorum, et rectam vitae morumque normam a Domino vehementissime postulans. Quare divino instinctu Eremitarum sancti Augustini amplexus est institutum.

R. Inveni David servum meum, oleo sancto meo unxi eum : * Manus enim mea auxiliabitur ei. **V.** Nihil proficiet inimicus in eo, et filius iniquitatis non nocet ei. Manus.

Lectio v.

RELIGIONEM professus, omnibus religiosi hominis virtutibus et ornamentis excelluit, humilitate, patientia, continentia, sed ardentissima caritate summe conspicuus : inter varios et assiduos labores orationi rerumque divinarum meditationi invicto spiritu semper intentus. Praedicandi onus, utpote sanctimonia et doctrina praestans, subire jussus, caelesti adspirante gratia, innumerabiles evitiarum ceno in viam salutis eduxit. Regendis deinde fratribus admotus, prudentiam, aequitatem et mansuetudinem pari sedulitate ac severitate conjunxit : adeo ut priscam sui ordinis disciplinam multis

in locis vel firmaverit, vel restituerit.

R. Posui adjutorium super potentem, et exaltavi electum de plebe mea : * Manus enim mea auxiliabitur ei. **V.** Inveni David servum meum, oleo sancto meo unxi eum. Manus.

Lectio vj.

GRANATENSIS archiepiscopus designatus, mira humilitate et constantia insigne munus rejecit. Verum non multo post Valentianam ecclesiam, superiorum auctoritate coactus, gubernandam suscepit : quam annis ferme undecim ita rexit, ut sanctissimi et vigilantissimi pastoris partes expleret. Caeterum consueta vivendi ratione nihil admodum immutata, inexplabili caritati multo magis indulsit, cum amplos ecclesiae redditus in egenos dispersit, ne lectulo quidem sibi relicto : nam eum, in quo decumbebat, cum in caelum evocaretur, ab eodem commodatum habuit, cui paulo ante eleemosynae loco donaverat. Obdormivit in Domino sexto Idus Septembris, annos natus octo et sexaginta. Servi sui sanctitatem adhuc viventis, et exinde post mortem, miraculis Deus testatam voluit ; praesertim, cum horreum, frumento pauperibus distributo, penitus vacuum, repente plenum inventum est, et cum ad ejus sepulcrum puer mor-

tuus revixit. Quibus aliisque non paucis fulgentem signis Alexánder séptimus Póntifex Máximus sanctorum número adscripsit, atque ejus memoriam quarto décimo Kaléndas Octóbris celebrári mandávit.

R. Iste est. 62*.

IN III. NOCTURNO

Homil. in Evang. Homo péregre proficiscens. **de eodem Communi 1º loco.** 64*.

Pro SS. Mauritio et Sociis Martyribus.

Lectio ix.

CUM Maximianus imperátor, ducto in Gálliam exercitu, in finibus Sedunorum sacrificii cáusa constitisset, Thebæorum légio, ne se impiórum sacrorum societate contamináret, a reliquis cópiis discéssit. Quare imperátor misit ad eos milites, qui suo nómine nuntiarent, ut, si salvi esse velent, in castra ad sacrificia redirent. Qui se christiana religione impediri responderunt. Quorum respónsum ille indignissime ferens, majóri iracúndia, quam ántea, exársit. Itaque immissa parte exercitus in Thebæos, decimum quemque eorum primum occídí jussit : quod martýrium sua sponte, maximeque hortatóre Mauritio, ferre maluerunt quam imperáta fácere nefárii imperatóris : ac deinde reliquos omnes, constantissime Christum prædicántes, décimo

Kaléndas Octóbris ab universo exercitu trucidári imperat.

Te Deum laudámus. 16.

AD LAUDES

Ad Bened. Ant. Eleemósynas illius enarrábit omnis ecclésia sanctorum.

Orat. Deus, qui beátum. **supra.**

Et fit Commem. SS. Mart.

Ant. Vestri capilli cápitis omnes numeráti sunt : nolite timére : multis passéribus meliôres estis vos.

V. Exsultábunt sancti in glória. **R.** Lætabúntur in cubilibus suis.

Oratio. Annue. 368.

In II. Vesp. ad Magnif.

Ant. Dispérsit, dedit paupéribus : justitia ejus manet in sæculum sæculi.

V. Justum dedúxit Dóminus per vias rectas. **R.** Et osténdit illi regnum Dei.

Et fit Commem. seq. et S. Theclæ Virg. et Mart.

DIE XXIII

S. LINI PAPÆ ET MART.

Semiduplex.

Omnia de Communi unius Mart. 24*, præter seq.

Ant. Iste sanctus pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

V. Glória et honóre coronásti eum Dómine. **R.** Et constituísti eum super ópera mánuum tuárum.

Oratio.

DEUS, qui nos beáti Lini Mártiris tui atque Pontificis ánnua solemnitate lætificas : concéde propítius ; ut ejusdem étiam protectione gaudeámus. Per Dóminum.

Deinde fit Commem. sanctæ Theclæ Virginis et Mártiris.

Ant. Veni sponsa Christi, áccipe corónam, quam tibi Dóminus præparávit in ætérnum.

Ÿ. Spécie tua et pulchritúdine tua. **R.** Inténde, prospere procéde, et regna.

Oratio.

DA, quæsumus omnipotens Deus : ut qui beátæ Theclæ Virginis et Mártiris tuæ natalitia cólimus, et ánnua solemnitate lætémur, et tantæ fidei proficiámus exémplo. Per Dóminum.

IN I. NOCTURNO

Lect. de Script. occur.

In Quatuor Temp. Lect. A Miléto. de eodem Comm. 1º loco. 26*. Lectio ix. de Homil. Feriæ, et ejus Commem. in Laudibus.

IN II. NOCTURNO

Lectio iv.

LINUS Póntifex, Volatérri in Etrúria natus, primus post Petrum gubernávit Ecclésiám. Cujus tanta fides et sáncritas fuit, ut non solum dæmones ejiceret, sed étiam mórtuos revocáret ad vitam. Scripsit res gestas beáti Petri, et ea máxime quæ ab

illo acta sunt contra Simónem magum. Sancívit, ne qua múlter, nisi veláto cápite in ecclésiám introíret. Huic Pontifici caput amputátum est ob constántiam cristiánæ fidei, jussu Saturnini impii et ingratissimi consularis, cujus filiam a dæmonum vexatione liberáverat. Sepúltus est in Vaticáno prope sepúlcrum principis Apostolorum, nono Kaléndas Octóbris. Sedit annos úndecim, menses duos, dies viginti tres, creatis bismense Decémbri episcopis quíndecim, presbýteris decem et octo.

R. Honéstum fecit illum Dóminus, et custodívit eum ab inimicis, et a seductóribus tutávit illum : * Et dedit illi claritátem ætérnam.

Ÿ. Descenditque cum illo in fóveam, et in vinculis non derelíquit eum. Et.

De Expositione sancti Ambrósii Episcopi in Psalmum centésimum decimum octávum.

Sermone 21.

Lectio v.

PRÍNCIPES persecúti sunt me gratis : et a verbis tuis trepidávit cor meum. Bene hoc Martyr dicit, quod injúste persecutiónum tormenta sustineat : qui nihil rapúerit, nullum violéntus opprèsserit, nullius sánguinem fúderit, nullius torum putáverit esse violándum : qui nihil légibus débeat, et

gravióra latrónum sustinére cogátur supplicia : qui loquátur juste, et non audiátur : qui loquátur plena salútis, et impugnétur : ut possit dicere, Cum loquébar illis, impugnábant me gratis. Gratis ígitur persecutió nem pátitur, qui impugnátur sine crimine : impugnátur ut nóxius, cum sit in tali confessi ó ne laudábilis : impugnátur quasi venéficus, qui in nómine Dómini gloriátur, cum pietas virtútum ó mni um fundaméntum sit.

R. Desidérium ánimæ ejus tribuisti ei Dómine, * Et voluntáte labi ó rum ejus non fraudásti eum. **V.** Quó niam prævenisti eum in benedicti ó nibus dulcédinis : posuisti in cápite ejus coró nam de lápide preti ó so. Et.

Lectio vj.

VERE frustra impugnátur, qui apud ímpios et infidos impietátis arcéssitur, cum fidei sit magister. Verum qui gratis impugnátur, fortis debet esse et constans. Quó modo ergo subtéxuit : Et a verbis tuis trepidávit cor meum? Trepidáre infirmitátis est, timóris atque formidinis. Sed est étiam infirmitas ad salútem, est étiam timor sanctórum. Timéte Dóminum omnes sancti ejus : et, Beátus vir, qui timet Dóminum. Qua rati ó ne beátus? Quia in mandátis ejus cupit nimis.

R. Stola jucunditátis. 30*.

IN III. NOCTURNO

Homil. in Evang. Si quis. de eodem Comm. 1º loco. 32*.

Pro S. Thecla Virg. et Mart.

Lectio ix.

THECLA virgo, ex illústribus paréntibus Icónii nata, a Páulo Apóstolo fidei præcéptis institúta, miris sanctórum Patrum láudibus celebrátur. Quæ décimum octávum annum agens, Thámiride sponso relicto, cum eam paréntes, quod Christiána esset, accusássent, in ardéntem rogum, qui, nisi Christo renuntiáret, ei parátus erat, prius signo crucis armáta seipsam injécit. Sed igne plúvia, quæ repén te exórta est, extincto, Antiochiám venit : ubi feris objécta, et táuris in diversa incitátis alligáta, mox conjécta in fossam plenam serpéntibus, ex ómnibus Jesu Christi grátia liberátur. Cujus ardóre fidei et vitæ sanctitáte multi ad Christum convérsi sunt. Iterum in pátriám rédiens, in montem sola secéssit : deínde multis virtútibus et miráculis insignis, nonagenária migrávit ad Dóminum, ac Seleuciæ sepúlta est.

Te Deum laudámus. 16.

In Laud. fit Commem. sanctæ Theclæ.

Ant. Simile est regnum cælórum hómini negotiatóri quærénti bonas margarítas : invénta una preti ó sa, dedit ó mnia sua, et comparávit eam.

Ÿ. Diffusa est grátia in lábiis tuis. **R.** Propterea benedixit te Deus in ætérnum.

Orat. Da, quæsumus. 371.

Vesp. de seq. cum Commem. præced.

DIE XXIV

B. M. V. DE MERCEDE

Duplex majus.

Omnia ut in Festis B. M. V. per annum. 145*, præter seq.

Oratio.

DEUS, qui per gloriosissimam Filii tui Matrem ad liberandos Christifidéles a potestate paganorum nova Ecclesiam tuam prole amplificare dignatus es : præsta quæsumus; ut, quam pie venerámur tanti óperis institutricem, ejus páriter méritis et intercessióne a peccátis omnibus, et captivitate dæmonis liberémur. Per eúdem Dóminum nostrum.

Et fit Commem. præced.

Ant. Qui vult venire post me, ábneget semetipsum, et tollat crucem suam, et sequátur me.

Ÿ. Justus ut palma florébit. **R.** Sicut cedrus Libani multiplicábitur.

Orat. Deus, qui nos. 371.

IN I. NOCTURNO

Lect. Ego sapiéntia. 149*.

IN II. NOCTURNO

Lectio iv.

QUO témpore major feliciórque Hispaniárum pars diro Saracenórum opprimebátur jugo, innumerí-

que fidéles sub immáni servitúte, máximo cum periculo christiánæ fidei abjurándæ amittendæque salutis æternæ, infelíciter detinebántur, beatíssima cælórum Regina, tot tantisque benigniter occúrrens malis, nímiam caritátem suam in iis redimendis osténdit. Nam sancto Petro Nolásco, pietáte et ópibus florénti, qui sanctis vacans meditatióibus júgiter ánimo recogitábat quarratióne tot Christianórum ærúmnis sub Maurórum captivitate degéntium succúrri posset, ipsamet beatíssima Virgo seréna fronte se conspiciéndam dedit, et acceptíssimum sibi ac unigénito suo Filio fore dixit, si suum in honórem instituerétur ordo religiosórum, quibus cura incumberet captívos e Turcárum tyránnide liberándi. Qua cælésti visióne vir Dei recreátus, mirum est, quo caritátis ardóre flagrare cœperit, hoc unum servans in corde suo, ut ipse, ac instituenda ab eo religio máximam illam caritátem sédulo exercérent, ut quisque ánimam suam póneret pro amicis et próximis suis.

R. Sicut cedrus exaltáta sum in Líbano, et sicut cypréssus in monte Sion : quasi myrrha elécta, * Dedi suavitátem odóris. Ÿ. Et sicut cinnamómum et bálsamum aromatizans. Dedi.

Lectio v.

EA ipsa nocte eadem Virgo sanctissima beato Raymundo de Pénnafort, et Jacobo Aragóniæ regi apparuit; idipsum de religiõsis instituendis admonens, suadensque, ut opem pro constructione tanti operis ferrent. Petrus autem statim ad Raymundi pedes, qui ipsi erat a sacris confessionibus, advolans, ei rem omnem aperuit: quem etiam cælitus instructum reperit, ejusque directioni se humillime subjecit. At superveniens Jacobus rex, quam et ipse acciperat a beatissima Virgine, revelationem exsequi statuit. Unde collatis inter se consiliis, et consentientibus animis, in honorem ejusdem Virginis Matris ordinem instituere aggressi sunt, sub invocatione sanctæ Mariæ de Mercède Redemptionis captivorum.

R. Quæ est ista, quæ processit sicut sol, et formosa tamquam Jerúsalem? * Viderunt eam filiæ Sion, et beatam dixerunt, et reginæ laudaverunt eam. **V.** Et sicut dies verni circumdabant eam flores rosarum et lilia convallium. Viderunt.

Lectio vj.

DIE igitur decima Augusti anno Domini millésimo ducentésimo decimo octavo, rex idem Jacobus eam institutionem jam pridem ab iisdem sanctis viris concé-

ptam exsequi statuit, sodalibus quarto voto adstrictis, manendi in pignus sub paganorum potestate, si pro Christianorum liberatione opus fuerit. Quibus rex ipse arma sua régia in pectore deferre concessit, et a Gregorio nono illud tam præcellentis erga proximum caritatis institutum et religionem confirmari curavit. Sed et ipse Deus per Virginem Matrem incrementum dedit, ut talis institutio celèrius ac felicius totum per orbem divulgaretur, sanctisque viris floruerit caritate ac pietate insignibus, qui eleemosynas a Christi fidelibus collectas in pretium redemptionis suorum proximorum expenderent, seque ipsos interdum darent in redemptionem multorum. Ut autem tanti beneficii et institutionis debitæ Deo et Virgini Matri referantur gratiæ, Sedes apostolica hanc peculiarem festivitatem celebrari, et Officium recitari indulsit, cum alia fere innúmera eidem ordini privilégia pariter contulisset.

R. Ornátam. 153*.

IN III. NOCTURNO

Homil. in Evang. Loquente Jesu. **ut in Fest. B. M. V.** 155*.

DIE XXVI

SS. CYPRIANI ET JUSTINÆ

MARTYRUM

Ant. Istorum est enim regnum cælorum, qui contem-

psérunt vitam mundi, et pervenérunt ad præmia regni, et lavérunt stolas suas in ságuine Agni.

Ÿ. Lætámini in Dómino, et exsultáte justi. *R.* Et gloriámini omnes recti corde.

Oratio.

BEATÓRUM Mártýrum Cypriáni et Justinæ nos Dómine fóveant continuáta præsidia : quia non désinis propítius intuéri, quos tali-bus auxiliis concésseris adjuvári. Per Dóminum.

Lectio ij.

CYPRIÁNUS primum magus, póstea Martyr, cum Justinam, christiánam virginem, quam júvenis quidam ardénter amábat, cantiónibus ac veneficiis ad ejus libidinis assénsu allicere conarétur, dæmonem consúluit, quam id re cónsequi posset. Cui dæmon respóndit, nullam illi artem processúram advérsus eos, qui vere Christum cólerent. Quo respónso commótus Cypriánus, veheménter dolére cœpit vitæ superiórís institútum. Itaque relictis mágicis ártibus, se totum ad Christi Dómini fidem convértit.

Lectio iij.

QUAM ob cáusam una cum vírgine Justina comprehénsus est, et ambo cólaphis flagellisq; cæsi sunt : mox in cárcerem conjécti, si forte senténtiam commutárent. Verum inde póstea emissi, cum in christiána

religióne constantissimi reperiréntur, in sartáginem plenam fervéntis picis, ádipis et ceræ injécti sunt. Demum Nicomediæ secúri feriúntur. Quorum projécta córpora, cum sex dies inhumáta jacuissent, noctu quidam náutæ clam ea in navem impósita Romam portavérunt : ac primum in prædio Rufinæ nóbilis fémínæ sepúlta sunt : póstea transláta in Urbem, in basilica Constantiniána cóndita sunt prope baptistérium.

Te Deum laudámus. 16.

Ad Laud. Ant. Vestri capilli cápitis omnes numeráti sunt : nolite timére : multis passéribus meliôres estis vos.

Ÿ. Exsultábunt sancti in glória. *R.* Lætabúntur in cubilibus suis.

DIE XXVII

SS. COSMÆ ET DAMIANI

MARTYRUM

Semiduplex.

Omnia de Comm. plurim. Mart. 39, præter seq.*

Oratio.

PRÆSTA, quæsumus omnipotens Deus : ut qui sanctorum Mártýrum tuorum Cosmæ et Damiáni natalítia cólimus, a cunctis malis imminéntibus, eórum intercessionibus liberémur. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

COSMAS et Damiánus, fratres Arabes, in Ægæa urbe nati, nobiles medici, imperatoribus Diocletiano et Maximiano, non magis medicinæ sciëntia quam Christi virtute, morbis etiam insanabilibus medebantur. Quorum religionem cum Lysias præfectus cognovisset, adduci eos ad se jubet, ac de vivendi instituto et de fidei professione interrogatos, cum se et Christianos esse, et christianam fidem esse ad salutem necessariam, libere prædicarent, deos venerari imperat; et si id recusent, minatur cruciatus et necem acerbissimam.

R. Sancti tui Dómine mirabile consecuti sunt iter, serviētes præceptis tuis, ut invenirentur illæsi in aquis validis : * Terra apparuit árida, et in mari Rubro via sine impedimento. **V.** Quoniam percussit petram, et fluxerunt aquæ, et torrentes inundaverunt. Terra.

Lectio v.

VERUM ut se frustra hæc illis proponere intelligit : Colligáte, inquit, manus et pedes istorum, eosque exquisitis torquēte suppliciis. Quibus jussa exsequētibz, nihilominus Cosmas et Damiánus in sententia persistebant. Quare ut erant vincti, in profundum mare jaciuntur : unde cum salvi

ac soluti essent egressi, magis artibus præfectus factum assignans, in carcerem tradit, ac postridie eductos, in ardentem rogam injici jubet : ubi cum ab ipsis flamma refugeret, varie et crudeliter tortos securi percuti voluit. Itaque in Jesu Christi confessione martyrii palmam acceperunt.

R. Verbera carnificum non timuerunt sancti Dei, morientes pro Christi nomine, * Ut heredes fierent in domo Dómini. **V.** Tradiderunt corpora sua propter Deum ad supplicia. Ut heredes.

Sermo sancti Augustini
Episcopi.

Serm. 47. de Sanctis.

Lectio vj.

QUOTIESCUMQUE, fratres carissimi, sanctorum Martyrum solémnia celebramus, ita, ipsis intercedētibz, exspectemus a Dómino consequi temporalia beneficia, ut ipsos Martyres imitando accipere mereamur æterna. Ab ipsis enim sanctorum Martyrum in veritate festivitatum gaudia celebrantur, qui ipsorum Martyrum exempla sequuntur. Solemnitates enim Martyrum exhortationes sunt martyriorum : ut imitari non pigeat, quod celebrare delectat.

R. Tamquam aurum. 46*.

IN III. NOCTURNO

Homil. in Evang. Descendens Jesus. **de eodem Comuni 2º loco.** 53*.

℞. viij. Hæc est vera. 49*.
Vesp. a Capit. de seq. cum
Commem. præced.

DIE XXVIII
SANCTI WENCESLAI
DUCIS ET MARTYRIS
Semiduplex.

Omnia de Comm. unius
Mart. 24*, præter seq.
Oratio.

DEUS, qui beatum Wenceslāum per martýrii palmam a terrēno principātu ad cælestem glóriam transtulisti : ejus précibus nos ab omni adversitatē custodi, et ejusdem tribue gaudere consortio. Per Dóminum.

Et fit Commem. præced.

Ant. Gáudent in cælis animæ sanctórum, qui Christi vestigia sunt secúti : et quia pro ejus amóre sánguinem suum fuderunt, ideo cum Christo exsultant sine fine.

ŷ. Exsultábunt sancti in glória. ℞. Lætabúntur in cubilibus suis.

Orat. Præsta. ut supra.
375.

IN I. NOCTURNO

Lect. de Script. occur.

IN II. NOCTURNO

Lectio iv.

WENCESLÁUS Bohémiae dux, Wratisláo patre christiáno, Drahomira matre gentili natus, ab ávia Ludmilla fémina sanctissima, pie educátus, omni virtútum genere insignis, summo stúdio virginitatem per omnem vitam servávit illibátam. Mater

per nefáriam Ludmillæ necem regni administratiónem assecúta, impie cum junióre filio Bolesláo vivens, concitávit in se prócerum indignatiónem : quare tyránnici et impii regíminis pertæsi, utriúsque excússo jugo, Wenceslāum in urbe Pragénsi regem salutárunt.

℞. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritatem ætérnam. ŷ. Descenditque cum illo in fóveam, et in vinculis non dereliquit eum. Et.

Lectio v.

ILLE regnum pietate magis quam império regens, órphanis, víduis, egénis tanta caritate subvénit, ut propriis húmeris aliquándo ligna indigéntibus noctu comportárit, paupéribus húmándis frequenter adfúerit, captivos liberárit, carcéribus deténtos nocte intempesta visitárit, pecúniis et consilio sæpissime consolátus. Miti ánimo princeps veheménter dolébat quém-piam, etsi reum, morti adjudicári. Summa religióne sacerdótes venerátus, suis manibus tritícum serébat, et vinum exprimébat, quibus in Missæ sacrificio uteréntur. Nocte nudis pédibus super nivem et gláciem circuibat ecclésiās, sanguinea et terram calefaciéntia post se relinquens vestigia.

R. Desidérium ánimæ ejus tribuisti ei Dómine, * Et voluntáte labiórurn ejus non fraudásti eum. **V.** Quóniam prævenisti eum in benedictiónibus dulcédinis : posuisti in cápite ejus corónam de lápide pretiósó. Et voluntáte.

Lectio vj.

ANGELOS hábuit sui córporis custódes. Cum enim ad singuláre certámen advérsus Radisláum, ducem Curiménsem, eo fine accéderet, ut suórum salúti prospiceret, visi sunt Angeli arma ministrásse, et dixisse adversário, Ne fériás. Perterritus hostis, venerabúndus prócidens véniam exorávit. Cum in Germániam proféctus esset, imperátor, conspéctis duóbus Angelis áurea cruce ad se accedéntem ornántibus, e sólio pro-siliens bráchiis excépit, ré-giis insignibus decorávit, eíque sancti Viti bráchium donávit. Nihilóminus impius frater, matre hortánte, convívio excéptum, et póstea in ecclésia orántem, parátæ sibi mortis præscium, adhibitis scéleris comitibus, interfécit. Sanguis per parietes aspérsus adhuc conspíci-tur : et, Deo vindice, matrem inhumánam terra absórbuit ; interfectóres váriis modis misere periérunt.

R. Stola jucunditátis. 30*.

IN III. NOCTURNO

Homil. in Evang. Si quis

vult post me venire. de eodem Comm. 2º loco. 37*.

Vesp. de seq., sine Commem. præced.

DIE XXIX

IN DEDICATIONE

S. MICHAELIS ARCHANG.

Duplex 2. classis.

IN I. VESPERIS

Ant. de Laud. 383 ; **Pss. ut in I. Vesp. de Comm. Apostolorum.** 2*.

Capitulum. Apoc. 1.

SIGNIFICÁVIT Deus quæ opórtet fieri cito, loquens per Angelum suum servo suo Joánni, qui testimónium perhibuit verbo Dei, et testimónium Jesu Christi, quæcúmque vidit.

Hymnus.

TE splendor et virtus Patris,
Te vita, Jesu, córdium,
Ab ore qui pendent tuo,
Laudámus inter Angelos.

Tibi mille densa millium
Ducum coróna militat :
Sed éxplicat victor crucem
Michaël salútis signifer.

Draconis hic dirum caput
In ima pellit tártara,
Ducémque cum rebéllibus
Cælésti ab arce fúlminat.

Contra ducem superbiæ
Sequámur hunc nos príncipem,

Ut detur ex Agni throno
Nobis coróna glóriæ.

Patri, simúlque Filio,
Tibique sancte Spiritus,

Sicut fuit, sit júgiter
Sæclum per omne glória.

Amen.

Ÿ. Stetit Angelus juxta
aram templi. R̃. Habens thu-
ribulum áureum in manu
sua.

Ad Magnif. Ant. Dum sa-
crum mystérium cérneret
Joánnes, Archángelus Mí-
chaël tuba cécinit : Ignósce
Dómine Deus noster, qui
áperis librum, et solvis si-
gnácula ejus, allelúia.

Oratio.

DEUS, qui miro órđine An-
gelórum ministéria, ho-
minúmque dispéncias : con-
céde propítius; ut a quibus
tibi ministrántibus in cælo
semper assístitur, ab his in
terra vita nostra muniátur.
Per Dóminum.

AD MATUTINUM

Invit. Regem Archangeló-
rum Dóminum, * Venite,
adorémus.

Ps. Veníte, exsultémus. 2.

Hymn. Te splendor. **ut**
supra.

IN I. NOCTURNO

Ant. Concússum est mare,
et contrémuit terra, ubi Ar-
chángelus Michaël descen-
debát de cælo.

**Pss. trium Noct. ut in Of-
ficio votivo de SS. Angelis.**
222*.

Ant. Laudémus Dóminum,
quem láudant Angeli, quem
Chérubim et Séraphim, San-
ctus, Sanctus, Sanctus pro-
clámant.

Ant. Ascéndit fumus aró-

matum in conspéctu Dómini
de manu Angeli.

Ÿ. Stetit Angelus juxta
aram templi. R̃. Habens thu-
ribulum áureum in manu
sua.

Ex Daniéle Prophéta.

Lectio j. Cap. 7. c

ADSPICIÉBAM donec throni
pósi sunt, et antiquus
diérum sedit : vestiméntum
ejus cándidum quasi nix,
et capilli cápitis ejus quasi
lana munda : thronus ejus
flammæ ignis : rotæ ejus ignis
accénsus. Flúvius igneus,
rapidúsque egrediebátur a
fácie ejus. Millia millium
ministrábant ei, et décies
millies centéna millia assi-
stébant ei : judicium sedit,
et libri apérti sunt. Adspi-
ciébam propter vocem ser-
mónum grándium, quos
cornu illud loquebátur : et
vidi quóniam interfécta es-
set béstia, et periísset cor-
pus ejus, et tráditum esset
ad comburéndum igni.

R̃. Factum est siléntium
in cælo, dum committeret
bellum draco cum Michaële
Archángelo : * Audíta est vox
millia millium dicéntium :
Salus, honor et virtus omni-
poténti Deo. Ÿ. Millia mí-
llium ministrábant ei, et dé-
cies centéna millia assisté-
bant ei. Audíta est.

Lectio ij. Cap. 10.

DIE áutem vigésima et
quarta mensis primi,
eram juxta flúvium magnum,
qui est Tigris. Et levávi ócu-

los meos, et vidi : et ecce vir unus vestitus lineis, et renes ejus accincti auro obrizo : et corpus ejus quasi chrysólithus, et fácies ejus velut spécies fúlguris, et óculi ejus ut lampas ardens : et bráchia ejus, et quæ deórsum sunt usque ad pedes, quasi spécies æris candéntis : et vox sermónum ejus ut vox multitudinis. Vidi áutem ego Dániel solus visiónem : porro viri qui erant mecum, non vidérunt : sed terror nimius irruit super eos, et fugérunt in absconditum. Ego áutem relictus solus vidi visiónem grandem hanc : et non remánsit in me fortitúdo, sed et spécies mea immutáta est in me, et emárcui, nec hábui quidquam vírium.

R. Stetit Angelus juxta aram templi, habens thuribulum áureum in manu sua, et data sunt ei incénsa multa : * Et ascéndit fumus arómatum de manu Angeli in conspéctu Dómini. **V.** In conspéctu Angelórum psallam tibi : adorábo ad templum sanctum tuum, et confitébor nómini tuo Dómine. Et.

Lectio iij.

Et audivi vocem sermónum ejus : et áudiens jacébam consternátus super fáciem meam, et vultus meus hærébat terræ. Et ecce manus tétigit me, et eréxit me super génua mea, et super artículos mánuum meárum. Et dixit ad me : Dániel vir

desideriórum, intéllige verba, quæ ego loquor ad te, et sta in gradu tuo : nunc enim sum missus ad te. Cumque dixisset mihi sermónem istum, steti tremens. Et ait ad me : Noli metúere Dániel : quia ex die primo quo posuisti cor tuum ad intelligéndum ut te afflígeres in conspéctu Dei tui, exaudita sunt verba tua : et ego veni propter sermónes tuos. Princeps áutem regni Persárum réstitit mihi viginti et uno diébus : et ecce Michaël, unus de principibus primis, venit in adjutórium meum, et ego remánsi ibi juxta regem Persárum. Veni áutem ut docérem te quæ ventúra sunt pópulo tuo in novíssimis diébus, quóniam adhuc visio in dies.

R. In conspéctu Angelórum psallam tibi, et adorábo ad templum sanctum tuum : * Et confitébor nómini tuo Dómine. **V.** Super misericórdia tua et veritáte tua : quóniam magnificásti super nos nomen sanctum tuum. Et. Glória Patri. Et.

IN II. NOCTURNO

Ant. Michaël Archángele, veni in adjutórium pópulo Dei.

Ant. Michaël præpósitus paradísi, quem honoríficant Angelórum cives.

Ant. Gloriósus apparuísti in conspéctu Dómini : proptérea decórem induit te Dóminus.

Ÿ. Ascéndit fumus arómatum in conspéctu Dómini. R.
De manu Angeli.

Sermo sancti Gregórii
Papæ.

Ex Homil. 34. in Evang.,
ante medium.

Lectio iv.

NOVEM Angelórum órdenes dicimus, quia vidélicet esse, testánte sacro elóquio scimus : Angelos, Archángelos, Virtútes, Potestátes, Principátus, Dominatiónes, Thronos, Chérubim atque Séraphim. Esse namque Angelos et Archángelos pene omnes sacri elóquii páginæ testántur : Chérubim vero atque Séraphim sæpe, ut notum est, libri prophetárum loquúntur. Quátuor quoque órдинum nómina Páulus Apóstolus ad Ephésios enúmerat, dicens : Supra omnem Principátum, et Potestátem, et Virtútem, et Dominatió-nem. Qui rursus ad Colossenses scribens, ait : Sive Throni, sive Potestátes, sive Principátus, sive Dominatiónes. Dum ergo illis quátuor, quæ ad Ephésios dixit, conjungúntur Throni, quinque sunt órdenes : quibus dum Angeli et Archángeli, Chérubim atque Séraphim adjúcta sunt, procul dúbio novem esse Angelórum órdenes inveniúntur.

R. Hic est Michaël Archángelus, princeps militiæ Angelórum, * Cujus honor præstat beneficia populórum, et

orátio perdúcit ad regna cælórum. Ÿ. Archángelus Michaël, præpósitus paradisi, quem honoríficant Angelórum cives. Cujus honor.

Lectio v.

SCIÉNDUM vero quod Angelórum vocábulum nomen est officii, non natúræ. Nam sancti illi cæléstis patriæ spíritus semper quidem sunt spíritus, sed semper vocári Angeli nequáquam possunt : quia tunc solum sunt Angeli, cum per eos aliqua nuntiántur. Unde et per Psalmístam dicitur : Qui facit Angelos suos spíritus. Ac si paténter dicat : Qui eos, quos semper habet spíritus, étiam cum volúerit, Angelos facit. Hi áutem qui mínima núntiant, Angeli : qui vero summa annúntiant, Archángeli vocántur. Hinc est enim quod ad Mariam Virginem non quilibet Angelus, sed Gábriel Archángelus mittitur. Ad hoc quippe ministérium, summum Angelum veníre dignum fúerat, qui summum ómnium nuntiábat. Qui idcirco étiam privátis nomínibus censéntur, ut signétur per vocábula, étiam in operatióne quid váleant. Michaël namque, Quis ut Deus? Gábriel áutem, Fortitúdo Dei : Ráphaël vero dicitur Medicina Dei.

R. Venit Michaël Archángelus cum multitudíne Angelórum, cui trádedit Deus ánimas sanctórum, * Ut per-

dúcat eas in paradísium exsultatiónis. **Y.** Emitte Dómine Spíritum sanctum tuum de cælis, spíritum sapiéntiæ et intelléctus. Ut.

Lectio vj.

ET quóties miræ virtútis áliquíd ágitur, Michaël mitti perhibétur : ut ex ipso actu et nómine detur intél-
ligi, quia nullus potest fáce-
re, quod fácere prævalet
Deus. Unde et ille antiquus
hostis, qui Deo esse per su-
pérbiam similis concupívit,
dicens : In cælum conscén-
dam, super astra cæli exal-
tábo sólium meum, similis
ero Altissimo : dum in fine
mundi in sua virtúte relin-
quétur extrémó supplicio
periméndus, cum Michaële
Archángelo præliatúrus esse
perhibétur, sicut per Joán-
nem dicitur : Factum est
prælium cum Michaële Ar-
chángelo. Ad Mariam quo-
que Gábriel mittitur, qui Dei
Fortitúdo nominátur. Illum
quippe nuntiáre veniébat,
qui ad debellándas aéreas
potestátes húmilis apparére
dignátus est. Ráphaël quo-
que interpretátur, ut dixi-
mus, Medicina Dei : quia
videlicet dum Tobíæ óculos
quasi per officium curatiónis
tétigit, cæcitátis ejus téne-
bras tersit.

R. In témpore illo consúr-
get Michaël, qui stat pro
filiis vestris : * Et véniet
tempus, quale non fuit, ex
quo gentes esse cœpérunt

usque ad illud. **Y.** Intémpore
illo salvábitur pópulus tuus
omnis, qui invéntus fúerit
scriptus in libro vitæ. Et.
Glória Patri. Et.

IN III. NOCTURNO

Ant. Angelus Archángelus
Michaël, Dei nún-
tius pro
animábus justis, allelúia, al-
lelúia.

Ant. Data sunt ei incénsa
multa, ut adoléret ea ante
altáre áureum, quod est
ante óculos Dómini.

Ant. Multa magnália de
Michaële Archángelo, qui
fortis in prælio fecit victó-
riam.

Y. In conspéctu Angeló-
rum psallam tibi Deus meus.

R. Adorábo ad templum san-
ctum tuum, et confitébor
nómini tuo.

Léctio sancti Evangélíi se-
cúndum Matthæum.

Lectio vij. Cap. 18.

IN illo témpore : Accessé-
runt discípuli ad Jesum,
dicétes : Quis, putas, ma-
jor est in regno cælórum?
Et réliqua.

Homília sancti Hierónymi
Presbýteri.

Lib. 3. Comment. in cap. 18.
Matth.

POST invéntum statérem,
post tribúta réddita, quid
sibi vult Apostolórum repen-
tína interrogátio, Quis, pu-
tas, major est in regno cæ-
lórum? Quia viderant pro
Petro et Dómino idem tri-
bútum rédditum, ex æqua-
litate prétii arbitrátí sunt

Petrum ómnibus Apóstolis esse praelátum, qui in reditióne tribúti Dómino fúerat comparátus : ídeo intérogant quis major sit in regno cælórum. Vidénsque Jesus cogitatiónes eórum, et causas erróris intélligens, vult desidérium glóriæ humilitátis contentiône sanáre.

℞. In conspéctu géntium nolite timére : vos enim in córdibus vestris adoráte et timéte Dóminum : * Angelus enim ejus vobíscum est. ʒ. Stetit Angelus juxta aram templi, habens thuríbulum áureum in manu sua. Angelus.

Bened. Quorum festum.

Lectio viij.

SI áutem manus tua, vel pes tuus scandalizat te, abscínde eum, et prójice abs te. Necesse est quidem veníre scándala : vae tamen ei est hómini, qui, quod necesse est ut fiat in mundo, vitio suo facit ut per se fiat. Igitur omnis truncátur afféctus, et univérsa propínquitas amputátur, ne per occasiõem pietátis unusquisque credéntium scándalis páteat. Si, inquit, ita est quis tibi conjúctus, ut manus, pes, óculus; et est útilis atque sollicitus, et acútus ad perspiciéndum : scándalum áutem tibi facit, et propter dissonántiam morum te pértrahit in gehénnam : mélius est ut et propínquitate ejus, et emolumentis carnálibus

careas : ne dum vis lucrifacere cognátos et necessários, causam hábeas ruinárum.

℞. Michaël Archángelus venit in adjutórium pópulo Dei. * Stetit in auxílium pro animábus justis. ʒ. Stetit Angelus juxta aram templi, habens thuríbulum áureum in manu sua. Stetit. Glória Patri. Stetit.

Lectio ix.

DICO vobis, quia Angeli eórum in cælis semper vident faciém Patris mei. Supra dixerat, per manum, et pedem, et óculum omnes propínquitates et necessitudines, quæscándalum fácere póterant, amputándas : austeritátem itaque senténtiæ subjécto præcépto téperat, dicens : Vidéte ne contemnátis unum ex pusillis istis. Sic, inquit, præcipio severitátem, ut commiscéri clementiam dóceam : quia Angeli eórum in cælis vident semper faciém Patris. Magna dignitas animárum, ut unaquæque hábeat ab ortu nativitátis in custódiam sui Angelum delegátum. Unde légimus in Apocalýpsi Joánnis : Angelo Ephesi, et reliquárum ecclesiárum, scribe hæc. Apóstolus quoque præcipit velári cápita in ecclésiis feminárum propter Angelos.

Te Deum laudámus. 16.

AD LAUDES

ET PER HORAS

Ant. 1. Stetit Angelus *

juxta aram templi, habens
thuribulum áureum in manu
sua.

Ps. Dóminus regnávít. **cum**
reliq. 17.

2. Dum præliarétur * Mí-
chaël Archángelus cum dra-
cóne, audita est vox dicén-
tium : Salus Deo nostro, al-
lelúia.

3. Archángele Míchaël, *
constítui te príncipem super
omnes ánimas suscipiéndas.

4. Angeli Dómini * Dómi-
num benedicite in ætérnum.

5. Angeli, Archángeli, *
Throni et Dominatiónes,
Principátus et Potestátes,
Virtútes cælórum, laudáte
Dóminum de cælis, allelúia.

Capitulum. Apoc. 1.

SIGNIFICÁVIT Deus quæ
Opórtet fieri cito, loquens
per Angelum suum servo
suo Joánni, qui testimónium
perhibuit verbo Dei, et testi-
mónium Jesu Christi, quæ-
cúmque vidit.

Hymnus.

CHRISTE, sanctórum decus
Angelórum,
Gentis humanæ sator et red-
émptor,
Cælitum nobis tribuas beátas
Scándere sedes.

Angelus pacis Michaël in
ædes

Cælitus nostras véniat, se-
rénæ

Auctor ut pacis lacrymósa
in orcum

Bella reléget.

Angelus fortis Gábiel, ut
hostes

Pellat antiquos, et amica
cælo,

Quæ triumphátor státuit per
orbem,

Templa revisat.

Angelus nostræ médicus
salútis,

Adsit e cælo Ráphaël, ut
omnes

Sanet ægrótos, dubiósque
vitæ

Dírigat actus.

Virgo dux pacis, Genitrix-
que lucis,

Et sacer nobis chorus Ange-
lórum

Semper assistat, simul et mi-
cántis

Régia cæli.

Præstet hoc nobis Déitas
beáta

Patris, ac Nati, paritérque
sancti

Spiritus, cujus résonat per
omnem

Glória mundum. Amen.

Ÿ. Stetit Angelus juxta
aram templi. R. Habens thu-
ribulum áureum in manu
sua.

Ad Bened. Ant. Factum
est siléntium in cælo, dum
draco committeret bellum :
et Michaël pugnávít cum eo,
et fecit victóriam, allelúia.

Oratio.

DEUS, qui miro órđine An-
gelórum ministéria, ho-
minúmque dispénsas : con-
céde propítius; ut a quibus
tibi ministrántibus in cælo
semper assistitur, ab his in
terra vita nostra muniátur.
Per Dóminum.

AD TERTIAM

Ant. Dum præliarétur.**Capit.** Significávit Deus. *ut supra.***R̃. br.** Stetit Angelus * Juxta aram templi. Stetit. **Ṽ.** Habens thuribulum áureum in manu sua. Juxta. Glória Patri. Stetit.**Ṽ.** Ascéndit fumus arómatum in conspéctu Dómini. **R̃.** De manu Angeli.

AD SEXTAM

Ant. Archángele Michaël.**Capitulum.** Apoc. 5. c**A**UDÍVI vocem Angelórum multórum in circúitu throni, et animálium, et seniórum : et erat númerus eórum millia millium, voce magna dicéntium : Salus Deo nostro.**R̃. br.** Ascéndit fumus arómatum * In conspéctu Dómini. Ascéndit. **Ṽ.** De manu Angeli. In conspéctu. Glória Patri. Ascéndit.**Ṽ.** In conspéctu Angelórum psallam tibi Deus meus. **R̃.** Adorábo ad templum sanctum tuum, et confitébor nómini tuo.

AD NONAM

Ant. Angeli, Archángeli.**Capitulum.** Apoc. 12. b**F**ACTUM est prælium magnum in cælo : Michaël et Angeli ejus præliabántur cum dracóne, et draco pugnábat, et ángeli ejus : et non prævaluérunt, neque locus invéntus est eórum amplius in cælo.**R̃. br.** In conspéctu Ange-lórum *. Psallam tibi Deus meus. In. **Ṽ.** Adorábo ad templum sanctum tuum, et confitébor nómini tuo. Psallam. Glória Patri. In conspéctu.**Ṽ.** Adoráte Deum. **R̃.** Omnes Angeli ejus.

IN II. VESPERIS

Ant. et Capit. de Laud. 384; **Pss. de Dominica, et loco ultimi, Ps. 137.** Confitébor tibi... quóniam. 139.**Hymnus** Te splendor. *ut in I. Vesp. 378.***Ṽ.** In conspéctu Angelórum psallam tibi Deus meus. **R̃.** Adorábo ad templum sanctum tuum, et confitébor nómini tuo.**Ad Magnif. Ant.** Princeps gloriosissime, Michaël Archángele, esto memor nostri : hic et ubique semper precáre pro nobis Filium Dei, allelúia, allelúia.**Et fit Commem. seq.**

DIE XXX

SANCTI HIERONYMI

PRESB. CONF. ET ECCL. DOCT.

Duplex.**Omnia de Communi Conf.** non Pont. 76*, præter seq.**Ad Magnif. in utrisque Vesp. Ant.** O Doctor óptime, Ecclesiæ sanctæ lumen, beáte Hierónyme, divínæ legis amátor, deprecáre pro nobis Filium Dei.**Ṽ.** Amávit eum Dóminus, et ornávit eum. **R̃.** Stolam glóriæ induit eum.

Oratio. •

DEUS, qui Ecclesiæ tuæ in exponendis sacris Scripturis beatum Hieronymum Confessorem tuum, Doctorem a maximum providere dignatus es : præsta quæsumus ; ut ejus suffragantibus meritis, quod ore simul et opere docuit, te adjuvante, exercere valeamus. Per Dominum.

IN I. NOCTURNO

Lect. Sapientiam. **de Comuni Doct.** 71*.

IN II. NOCTURNO

Lectio iv.

HIERONYMUS, Eusebii filius, Stridone in Dalmatia Constantio imperatore natus, Romæ adolescens est baptizatus, et in liberalibus disciplinis a Donato et aliis viris doctissimis eruditus. Tum discendi studio Galliam peragravit : ubi pios aliquot, et in divinis litteris eruditos viros coluit, multosque sacros libros sua manu descripsit. Mox se in Græciam conferens, philosophia et eloquentia instructus, summorum theologorum consuetudine floruit : in primis vero Gregorio Nazianzeno Constantinopoli operam dedit : quo doctore se sacras litteras didicisse proficitur. Tum religionis causa visit Christi Domini incunabula, totamque lustravit Palæstinam : quam peregrinationem, adhibitis Hebræorum eruditissimis, ad sacræ Scri-

pturæ intelligentiam sibi multum profuisse testatur.

R. Honestum fecit illum Dominus, et custodivit eum ab inimicis, et a seductoribus tutavit illum : * Et dedit illi claritatem æternam. **V.** Justum deduxit Dominus per vias rectas, et ostendit illi regnum Dei. Et dedit.

Lectio v.

DEINDE secëssit in vastam Syriæ solitudinem : ubi quadriennium in lectione divinorum librorum, cælestisque beatitudinis contemplatione consumpsit, assidua se abstinencia, vi lacrymarum, et corporis afflictatione discrucians. Presbyter a Paulino episcopo Antiochiæ factus, Romam de contriversiis quorundam episcoporum cum Paulino et Epiphânio ad Damasum Pontificem profectus, ejus ecclesiasticis epistolis scribendis adjutor fuit. Verum cum pristinae solitudinis desiderio teneretur, in Palæstinam reversus, Bèthlehem ad Christi Domini præsepe in monasterio, quod a Paula Romána extructum erat, cælestem quamdam vitæ rationem instituit : et quamquam varie morbis doloribusque tentaretur, tamen corporis incómmoda piis laboribus et perpétua lectione ac scriptione superabat.

R. Amavit eum Dominus, et ornavit eum : stolam gloriæ induit eum, * Et ad por-

tas paradisi coronávit eum.
Y. Induit eum Dóminus lor-
 ricam fidei, et ornávit eum.
 Et ad portas.

Lectio vj.

TAMQUAM ad oráculum, ex
 ómnibus orbis terræ pár-
 tibus, ad ipsum divínæ Scri-
 ptúræ quæstiónes explicán-
 dæ referebántur. Illum Dá-
 masus Póntifex, illum san-
 ctus Augustínus de locis
 Scriptúræ difficillimis sæpe
 consúluit, propter ejus sin-
 gulárem doctrinam, et lin-
 guæ non solum latínæ et
 græcæ, sed hebráicæ étiam
 et chaldáicæ intelligéntiam :
 et quod omnes pene scri-
 ptóres, ejúsdem Augustini
 testimonio, légerat. Hæré-
 ticos acérrimis scriptis exa-
 gitávit : piórum et catholi-
 córum patrocínium semper
 suscepit. Vetus Testamén-
 tum ex hebræo convértit :
 novum, jussu Dámasi, Græ-
 cæ fidei réddidit, magna
 étiam ex parte explicávit.
 Multa prætérea latine réddi-
 dit scripta doctórum viró-
 rum, et ipse áliis próprii in-
 génii monuméntis christiá-
 nam disciplinam illustrávit.
 Qui ad summam senectútem
 pervéniens, sanctitáte et
 doctrína illústris, Honório
 imperatóre migrávit in cæ-
 lum. Cujus corpus ad Béth-
 lehem sepúltum, póstea Ro-
 mam in basilicam sanctæ
 Mariæ ad Præsépe translá-
 tum est.

R. Iste homo. 83*.

IN III. NOCTURNO

Léctio sancti Evangélii se-
 cúndum Matthæum.

Lectio vij. Cap. 5. b

In illo témpore : Dixit Jesus
 discípulis suis : Vos éstis
 sal terræ. Quod si sal eva-
 núerit, in quo saliétur? Et
 réliqua.

Homilia sancti Hierónymi
 Presbýteri.

**Lib. 1. Comm. in cap. 5
 Matth.**

SAL appellántur Apóstoli et
 Doctóres : quia per illos
 univérsum hóminum condi-
 tur genus. Quod si sal eva-
 núerit, in quo saliétur? Si
 doctor erráverit, a quo álio
 doctóre emendábitur? Ad ni-
 hilum valet ultra, nisi ut
 mittátur foras, et concúlcé-
 tur ab homínibus. Exémplum
 de agricultúra sumptum est.
 Sal étenim sicut in cibórum
 condiméntum, et ad siccán-
 das carnes necessárium est,
 ita álium usum non habet.
 Certe légimus in Scriptúris
 urbes quasdam ira victó-
 rum sale seminátas, ut nul-
 lum in ipsis germen orirétur.

R. Iste est qui ante Deum
 magnas virtútes operátus est,
 et de omni corde suo laudá-
 vit Dóminum : * Ipse inter-
 cédat pro peccátis ómnium
 populórum. **Y.** Ecce homo
 sine queréla, verus Dei
 cultor, ábstinens se ab omni
 ópere malo, et pérmanens
 in innocéntia sua. Ipse in-
 tercédát.

Lectio viij.

CÁVEANT ergo doctóres et episcopi, et videant poténtes poténter torménta sustinére, nihilque esse remédii, sed majórum ruínam ad tártarum dúcere. Vos estis lux mundi. Non potest civitas abscondi supra montem pósita : neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Docet fidúciam prædicándi, ne Apóstoli abscondántur ob metum, et sint similes lucérnæ sub módio ; sed tota libertáte se prodant, ut quod audiérunt in cubiculis, prædicent in tectis.

℞. In médio Ecclésiæ apéruit os ejus, * Et implévit eum Dóminus spiritu sapiéntiæ et intelléctus. ʒ. Jucunditatem et exultatióem the-

saurizávit super eum. Et. Glória Patri. Et.

Lectio ix.

NOLÍTE putáre quóniam veni sólvere legem aut prophétas : non veni sólvere, sed adimplére. Sive quod de se per álios prophetáta compléverit, sive quod ea quæ ante propter infirmitatem audiéntium rúdia et imperfécata fúerant, sua prædicatióne compléverit, iram tollens, et vicem taliónis exclúdens, et occúltam in mente concupiscéntiam damnans. Donec tráns-eat cælum et terra. Promittúntur nobis cæli novi, et terra nova, quæ factúrus est Dóminus Deus. Si ergo nova creánda sunt, consequénter vétera transitúra.

Te Deum laudámus. 16.

In II. Vesp. fit Commem. S. Remigii, ut infra. 396.

FESTA OCTOBRIS

Prima die non impedita dicitur Officium Defunctorum.

DOMINICA I. OCTOBRIS

IN SOLEMNITATE

SS. ROSARII B. M. V.

Duplex 2. classis.

Si hoc Festum alicubi non habeat primas Vesperas, Hymnus Cæléstis áulæ conjungitur cum Hymno In monte olivis. ad Matutinum.

IN I. VESPERIS

Ant. 1. Quæ est ista, * speciósá sicut colúmba, quasi rosa plantáta super rivos aquárum ?

Pss. ut in Festis B. M. V. 145*.

2. Virgo potens, * sicut turris David ; mille clýpei pendent ex ea, omnis armatúra fórtium.

3. Ave María, * grátia plena : Dóminus tecum, benedicta tu in muliéribus.

4. Benedixit te Dóminus *
in virtúte sua, quia per te
ad nihilum redégit inimicos
nostros.

5. Vidérunt eam * filiae
Sion vernántem in flóribus
rosárum, et beatissimam
prædicavérunt.

Capitulum. Eccli. 24. 39.

IN me grátia omnis
viæ et veritátis, in
me omnis spes vitæ
et virtútis : ego
quasi rosa plantáta super
rivos aquárum fructificávi.

Hymnus.

CELÉSTIS áulæ núntius,
Arcána pandens Núminis,
Plenam salútat grátia
Dei paréntem Virginem.

Virgo propínquam sán-
guine

Matrem Joánnis visitat,
Qui cláusus alvo géstiens
Adesse Christum núntiat.

Verbum, quod ante sácula
E mente Patris pródiit,
E matris alvo Virgínis
Mortális infans nascitur.

Templo puéllus sistitur,
Legique paret Légifer.
Hic se Redémptor páupere
Prétio redémptus immolat.

Quem jam dolébat pérdi-
tum,
Mox læta Mater invenit
Ignóta doctis méntibus
Edisseréntem Filium.

Jesu tibi sit glória,
Qui natus es de Virgine,
Cum Patre et almo Spíritu,
In sempitérna sácula. Amen.

Sic terminantur Hymni ad
Completor. et ad Horas.

¶ Regina sacratissimi Ro-
sárii, ora pro nobis. **R.** Ut
digni efficiámur promissió-
nibus Christi.

Ad Magnif. Ant. Beáta es, *
Virgo Maria, Dei Génitrix,
quæ credidisti Dómino : per-
fécta sunt in te quæ dicta
sunt tibi : intercède pro no-
bis ad Dóminum Deum no-
strum.

Oratio.

DEUS, cujus Unigénitus per
vitam, mortem et resur-
rectiónem suam nobis salú-
tis æternæ præmia compa-
rávit : concède, quæsumus ;
ut hæc mystéria sanctíssimo
beátæ Mariæ Virgínis Rosá-
rio recoléntes, et imitémur
quod contémment, et quod pro-
mittunt, assequámur. Per
eúmdem Dóminum nostrum
Jesum Christum.

**Et fit Commem. Dom. oc-
cur.**

AD MATUTINUM

Invit. Solemnitátem Ro-
sárii Virgínis Mariæ celebré-
mus : *Christum ejus Filium
adorémus Dóminum.

Ps. Veníte, exsultémus. 2.

Hymnus.

IN monte olivis cónsito
Redémptor orans, próci-
dit,

Mœret, pavéscit, déficit,
Sudóre manans sánguineis.

A proditóre tráditus
Raptátur in pœnas Deus,
Durisque vinctus nexibus
Flagris cruéntis cæditur.

Intéxta acútis séntibus,
Coróna contuméliæ,

Squallénti amictum púrpu-
ra,

Regem corónat glóriæ.

Molis crucem ter árduæ,
Sudans, anhélans cónci-
dens,

Ad montis usque vérticem
Gestáre vi compéllitur.

Confíxus atro stípite
Inter sceléstos innocens,
Orándo pro tortóribus;
Exsánguis efflat spiritum.

Jesu tibi sit glória,
Qui natus es de Vírgine,
Cum Patre et almo Spírítu,
In sempitérna sæcula.

Amen.

IN I. NOCTURNO

Ant. Angelus Gábriel *
nuntiávit Mariæ : et concé-
pit de Spírítu sancto.

**Pss. trium Noct. ut in Fe-
stis B. M. V. 148*.**

Ant. Intrávit Maria * in
domum Zachariæ, et salutá-
vit Elisabeth.

Ant. Péperit Filium * suum
primogénitum, et reclinávit
eum in præsepío.

Ÿ. Sancta Dei Génitrix
semper Virgo María. **R̃.** In-
tercède pro nobis ad Dómi-
num Deum nostrum.

De libro Ecclesiástici.

Lectio j. Cap. 24.

IN ómnibus réquiem quæ-
sivi, et in hereditáte Dó-
mini morábor. Tunc præcé-
pit, et dixit mihi Créator
ómnium : et qui creávit
me, requiévít in tabernáculo
meo, et dixit mihi : In Ja-
cob inhábita, et in Israél
hereditáre, et in eléctis meis

mitte radices. Ab initio, et
ante sæcula creáta sum, et
usque ad futúrum sæculum
non désinam, et in habita-
tiónes sancta coram ipso mini-
strávi. Et sic in Sion firmáta
sum, et in civitáte sanctifi-
cáta similiter requiéví, et
in Jerúsalem potéstas mea.
Et radicávi in pópulo hono-
rificáto, et in parte Dei mei
heréditas illius, et in pleni-
túdine Sanctórum deténtio
mea.

R̃. Súmite psaltéríum ju-
cúndum in insigni die sole-
mnitátis vestræ : * Et exsul-
táte Virgini adjutrici nostræ.
Ÿ. Cantáte ei cánticum no-
vum : annuntiáte inter gen-
tes glóriam ejus. Et exsultáte.

Lectio ij.

QUASI cedrus exaltáta sum
in Líbano, et quasi cy-
préssus in monte Sion : quasi
palma exaltáta sum in Ca-
des, et quasi plantátio rosæ
in Jéricho : quasi olíva spe-
ciósa in campis, et quasi
plátanus exaltáta sum juxta
aquam in platéis. Sicut cin-
namómum, et bálsamum aro-
matízans odórem dedi : quasi
myrrha elécta dedi suavítá-
tem odóris : et quasi storax,
et gálbanus, et úngula, et
gutta, et quasi Libanus non
incisus vaporávi habitatió-
nem meam, et quasi bálsa-
mum non mixtum odorem meum.
Ego quasi terebínthus ex-
téndi ramos meos, et rami
mei honóris et grátiae.

R̃. Vidi speciósam ascen-

déntem désuper rivos aquárum, cujus inæstimábilis odor erat nimis : * Et sicut dies verni circúmdabant eam flores rosárum et lilia convállium. *Ÿ.* Adstitit Regina a dextris tuis in vestítu deauráto, circúmdata varietáte. Et.

Lectio iij.

EGO mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis, in me omnis spes vitæ et virtútis. Transíte ad me omnes qui concupiscitis me, et a generatióibus meis implémini : Spiritus enim meus super mel dulcis, et heréditas mea super mel et favum : memória mea in generatióes sæculórum. Qui edunt me, adhuc esúrient : et qui bibunt me, adhuc sitiunt. Qui áudit me, non confundétur : et qui operántur in me, non peccábunt. Qui elúcidant me, vitam ætérnam habébunt.

R. Quæ est ista quæ processit sicut sol, et formósa tamquam Jerúsalem? Vidérunt eam filiæ Sion, et beátam dixerunt : * Et reginæ laudavérunt eam. *Ÿ.* Et sicut dies verni circúmdabant eam flores rosárum et lilia convállium. Et reginæ. Glória Patri. Et reginæ.

IN II. NOCTURNO

Ant. Cum indúcerent * Jesum paréntes ejus, ut sisterent eum Dómino, Simeon

accépit eum in ulnas suas, et benedixit eum.

Ant. Requirentes * Jesum paréntes ejus, invenérunt illum post trídium in médio doctórum.

Ant. Cœpit contristári, * et factus est sudor ejus in horto, sicut guttæ sánguinis.

Ÿ. Post partum Virgo invioláta permansisti. *R.* Dei Génitrix intercéde pro nobis.

Lectio iv.

CUM Albigénsium hæresis per Tolosátium regiónem impie grassarétur, atque áltius in dies radices ágeret, sanctus Dominicus, qui nuper Prædicatórum órdis fundaménta jecerat, ad eam convelléndam totus incubuit. Id ut præstáret validius, auxilium beátæ Virginis, cujus dignitas illis erróribus impudentissime petebátur, cuique datum est cunctas hæreses interimere in univérso mundo, enixis précibus implorávit. A qua (ut memóriæ próditum est) cum mónitus esset ut Rosárium pópulis prædicáret, velut singuláre advérsus hæreses ac vítia præsidium; mirum est, quanto mentis fervóre et quam felici succéssu injúctum sibi munus sit exsecútus. Est áutem Rosárium certa precándi fórmula, qua quíndecim angelicárum salutatiónum décade, oratióne dominica interjécta, distinguimus, et

ad earum singulas totidem nostrae reparationis mysteria pia meditatione recolimus. Ex eo ergo tempore pius hic orandi modus mirabiliter per sanctum Dominicum promulgari augeri-que coepit; quem ejusdem institutorem auctoremque fuisse Summi Pontifices apostolicis litteris passim affirmarunt.

R. Tu gloria Jerúsalem, tu lætitia Israël, tu honorificentia populi nostri, fecisti viriliter: * Quia cunctas hæreses sola interemisti. **V.** Pulchra es et decora, terribilis ut castrorum acies ordinata. Quia.

Lectio v.

INNUMERABILES porro fructus ex hac tam salutari institutione in christianam rempublicam dimanarunt, inter quos victoria illa merito numeratur, quam sanctissimus Pontifex Pius quintus, et ab eo inflammati christiani principes apud Echinadas insulas de Turcarum tyranno potentissimo reportarunt. Nam cum illa ipsa die ea victoria relata sit, qua die sanctissimi Rosarii sodalitates per universum orbem consuetas supplicationes peragerent, statutasque preces de more funderent, iis precibus haud immerito refertur accepta. Quod quidem cum etiam Gregorius tertius decimus testatus esset, ut pro tam

singulari beneficio beatæ Virginis sub appellatione Rosarii perennes gratiæ ubique terrarum haberentur, in ecclesiis omnibus, in quibus altare Rosarii foret, prima quaque Octobris Dominica Officium ritu duplici majori perpetuo celebrandum indixit: alique Pontifices Rosarium recitantibus, ejusdemque Rosarii sodalitatibus indulgentias pene innumeras concessere.

R. Dextera tua magnificata est in fortitudine, dextera tua confrégit inimicos. * Submersi sunt in aquis vehementibus, et operuit eos mare. **V.** Benedixit te Dominus in virtute sua, quia per te ad nihilum redégit inimicos nostros. Submersi.

Lectio vj.

CLEMENS vero undecimus, C animo reputans insignem pariter victoriam anno millesimo septingentesimo decimo sexto in Hungariæ regno a Carolo sexto in imperatorem Romanorum electo de innumeris Turcarum copiis relatum, eo die contigisse quo festum Dedicatiónis sanctæ Mariæ ad Nives celebraretur, atque eodem ferme tempore, quo sanctissimi Rosarii confratres publicam solemnemque supplicationem in alma Urbe ingenti populi concursu magnaque religione peragentes, fervidas ad Deum preces pro Turcarum depres-

sióne fúnderent, ac potén-tem opem Deiparæ Virginis in auxilium Christianórum humiliter implorárent: eam ob rem, victóriam illam, nec non liberátam páulo post eorúmdem Turcárum obsidióne Corcyrénsem insulam, ejúsdem beátæ Virginis patrocínio pie cénsuit adscribendam. Quamóbrem ut hujus quoque tam insignis beneficii perénis semper et memória exstáret et grátia, sanctissimi Rosárii festum eádem die eodémque ritu celebrándum ad Ecclésiám univérsam exténdit. Hæc ómnia Benedictus décimus tértius in Breviário Románo appóni jussit. Leo áutem tértius décimus in turbulentissimis Ecclésiæ temporibus, diúque preméntium malórum sæva tempestáte, cunctos in orbe fidéles, iterátis apostólicis litteris ad Mariális Rosárii, præsertim per Octóbrem mensem, frequentiam veheménter incéndit, áucto quoque ánnui festi solemnitátis ritu, additáque Litaniis Lauretánis Reginæ sacratissimi Rosárii invocatióne, et officio de eádem solemnitáte próprio Ecclésiæ univérsæ concéso. Sanctissimam ergo Dei Genitricem cultu hoc eidem gratissimo júgiter venerémur: ut quæ tóties Christi fidélibus, Rosárii précibus exoráta, terrénos hostes profligáre dedit ac pérdere, in-

férnos páriter superáre concédát.

R. Signum magnum appáruit in cælo: múlter amícta sole, et luna sub pédibus ejus: * Et in cápite ejus coróna stellárum duódecim. **V.** Dábitur cápiti tuo augmentum gratiárum, et coróna inclyta próteget te. Et. Glória Patri. Et.

IN III. NOCTURNO

Ant. Apprehéndit * Pilátus Jesum, et flagellávit.

Ant. Milites plecténtes * corónam de spinis, imposuérunt super caput ejus.

Ant. Crucis impérium * super húmerum ejus: regnávit a ligno Deus.

V. Speciósá facta es et suávis. **R.** In deliciis tuis, sancta Dei Génitrix.

Lectio sancti Evangélii secúndum Lucam.

Lectio vij. Cap. 1.

IN illo témpore: Missus est Angelus Gábriel a Deo in civitátem Galiléæ, cui nomen Názareth, ad Virginem desponsátam viro, cui nomen erat Joseph, de domo David, et nomen Virginis María. Et reliqua.

Homilia sancti Bernárdi Abbátis.

Sermo de S. Maria.

AD commendatióem grátia suæ et ad destructiόnem humánæ sapiéntiæ, Deus de fémina, sed Virgine dignátus est carnem assumere, ut símilem símili réderet, contrárium contrário

curáret, pestiferam spinam evélleret, peccáti chirógraphum potentissime deléret. Eva spina fuit, María rosa éxstitit. Eva spina vulnérando, María rosa ómnium afféctus mulcéndo. Eva spina infigens ómnibus mortem, María rosa reddens salutiferam ómnibus sortem. María rosa fuit cándida per virginitátem, rubicúnda per caritátem. Cándida carne, rubicúnda mente, cándida virtútem sectándo, rubicúnda vítia calcándo. Cándida afféctum purificándo, rubicúnda carnem mortificándo : cándida Deum diligéndo, rubicúnda próximo compatiéndo.

℟. Ego quasi vitis fructificávi suavitátem odóris, * Et flores mei fructus honoris et honestátis. ℣. Ego mater pulchræ dilectiónis, et timóris, et agnitiónis, et sanctæ spei. Et flores.

Lectio viij.

In serm. de Aquæductu.

VERBUM caro factum est, et hábitat jam in nobis. Hábitat in memória nostra, hábitat in cogitatíone, quia usque ad ipsam descéndit imaginatióem. Quonam modo, inquis? Nimirum jacens in præsepío, in virgináli grémio cubans, in monte prædicans, in oratióne pernóctans, in cruce pendens, in morte pallens, liber inter mórtuos et in inférno imperans, seu étiam

tértia die resúrgens et Apóstolis loca clavórum, victóriæ signa demónstrans, novissime coram eis cæli secréta conscéndens. Quid horum non vere, non pie, non sancte cogitátur? Quidquid horum cógito, Deum cógito, et per ómnia est Deus meus. Hæc ego meditári dixi sapiéntiam, et prudéntiam judicávi eructáre memóriam suavitátis : quóniam in hujuscémodi núcleis virga sacerdotális copiósa produxit, quam in supérnis háuriens, ubérius nobis María refúdit. In supérnis plane et ultra Angelos, quæ Verbum ex ipso Patris corde suscepit.

℟. Surge, própéra amica mea : jam enim hiems tránsiit, imber ábiit et recéssit : * Flores apparuérunt in terra nostra. ℣. Dóminus dabit benignitátem, et terra nostra dabit fructum suum. Flores. Glória Patri. Flores.

Lect. ix. de Homil. Dominicæ.

AD LAUDES

ET PER HORAS

Ant. 1. Lætáre * Virgo Mater : surréxit Christus de sepúlcro.

Ps. Dóminus regnávit. 17.

2. Ascéndit Deus * in jubilatione, et Dóminus in voce tubæ.

3. Spíritus Dómini * replévit orbem terrárum.

4. Assúpta est * María in cælum; gáudent Angeli;

laudantes benedicunt Dóminum, allelúia.

5. Exaltáta est * Virgo Mariá super choros Angelórum, et in cápite ejus coróna stellárum duódecim.

Capitulum. Eccli. 24. 39.

IN me grátia omnis viæ et veritátis, in me omnis spes vitæ et virtútis : ego quasi rosa plantáta super rivos aquárum fructificávi.

Hymnus.

JAM morte victor óbruta
Ab inferis Christus redit,
Fractisque culpæ vinculis,
Cæli reclúdit limina.

Visus satis mortálibus
Ascéndit ad cæléstia,
Dextræque Patris ássidet
Consors patrænæ glóriæ.

Quem jam suis promiserat,
Sanctum datúrus Spíritum,
Linguis amóris igneis
Moestis alúmniis impluit.

Solúta carnis póndere
Ad astra Virgo tóllitur,
Excépta cæli júbilo,
Et Angelórum cánticis.

Bis sena cingunt sídera
Almæ paréntis vérticem :
Throno propínqua Filii
Cunctis créatis imperat.

Jesu tibi sit glória,
Qui natus es de Virgine,
Cum Patre et almo Spíritu,
In sempitérna sæcula. Amen.

Ÿ. Elégit eam Deus, et præ-
elégit eam. R. Et habitáre
eam fecit in tabernáculo
suo.

Ad Bened. Ant. Solemni-
tátem * hodiérnam sanctis-
simi Rosárii Genitricis Dei

Mariæ devóte celebrémus,
ut ipsa pro nobis intercédât
ad Dóminum Jesum Chri-
stum.

Oratio.

DEUS, cujus Unigénitus
per vitam, mortem, et
resurrectiónem suam nobis
salútis æternæ præmia com-
parávit : concéde, quæsu-
mus; ut hæc mystéria san-
ctissimo beátæ Mariæ Vir-
ginis Rosário recoléntes, et
imitémur quod cónitent,
et quod promittunt, asse-
quámur. Per eúmdem Dó-
minum.

**Et fit Commem. Dominicæ
occur.**

AD PRIMAM

In R. br. Ÿ. Qui natus es.

AD TERTIAM

Capit. de Laud.

R. br. Sancta Dei Génit-
rix, * Semper Virgo Mariá.
Sancta. Ÿ. Intercéde pro
nobis ad Dóminum Deum
nostrum. Semper. Glória Pa-
tri. Sancta.

Ÿ. Post partum Virgo in-
violáta permansisti. R. Dei
Génitrix intercéde pro no-
bis.

AD SEXTAM

Capitulum. Eccli. 30.

FLORÉTE flores quasi li-
lium, et date odórem,
et frondéte in grátiam : col-
laudáte cánticum, et bene-
dicite Dóminum in opéribus
suis.

R. br. Post partum Virgo *
Invioláta permansisti. Post
partum. Ÿ. Dei Génitrix in-

tercéde pro nobis. Invio-
láta. Glória Patri. Post par-
tum.

Ÿ. Speciósá facta es et
suávis. R̃. In deliciis tuis,
sancta Dei Génitrix.

AD NONAM

Capitulum. Eccli. 24.

QUASI cedrus exaltáta sum
in Líbano, et quasi cy-
préssus in monte Sion :
quasi palma exaltáta sum in
Cades, et quasi plantátio
rosæ in Jéricho.

R̃. br. Speciósá facta es,
* Et suávis. Speciósá. Ÿ. In
deliciis tuis, sancta Dei Gé-
nitrix. Et suávis. Glória Pa-
tri. Speciósá.

Ÿ. Elégit eam Deus, et
præelégit eam. R̃. Et habi-
táre eam fecit in taberná-
culo suo.

IN II. VESPERIS

Omnia ut in I., præter
seq.

Hymnus.

TE gestiéntem gáudiis,
Te sáuciam dolóribus,
Te jugi amíctam glória,
O Virgo Mater, pángimus.

Ave, redúndans gáudio
Dum cóncipis, dum visitas,
Et edis, offers, invenis,
Mater beáta, Fílium.

Ave, dolens, et íntimo
In corde agónem, vérbera,
Spinas, crucémque Filii
Perpéssa, princeps mártý-
rum.

Ave, in triúmphis Filii,
In ignibus Paráclyti,
In regni honóre et lúmine,
Regina fulgens glória.

Venite gentes, cárpite
Ex his rosas mystériis,
Et pulchri amóris ínclytæ
Matri corónas néctite.

Jesu tibi sit glória,
Qui natus es de Vírgine,
Cum Patre et almo Spíritu,
In sempitérna sæcula.

Amen.

Ÿ. Regína sacratíssimi Ro-
sárii, ora pro nobis. R̃. Ut
digni efficiámur promissió-
nibus Christi.

Ad Magnif. Ant. Beáta
Mater* et intácta Virgo, glo-
riósá Regina mundi, sén-
tiant omnes tuum juvámen
quicúmque célebrant tuam
sanctíssimi Rosárii solemni-
tátem.

Orat. de Laud.

Et sit Commem. Dom. oc-
cur.

DIE I

SANCTI REMIGII

EPISCOPI ET CONFESSORIS

Semiduplex ad libitum, vel
Simplex de præcepto.

¶ Si hoc Festum celebre-
tur 'sub ritu simplici, ix.
Lect. erit Remígius Episco-
pus. ut infra, cum Com-
mem. de eo in Vesp. et
Laud.

Omnia de Comm. Conf.
Pont. 55*, præter seq. (m.
t. v.)

Ant. Sacérdos et Pónti-
fex, et virtútum ópifex, pa-
stor bone in pópulo, ora pro
nobis Dóminum.

Ÿ. Amávit eum Dóminus,

et ornávit eum. *R.* Stolam glóriæ induit eum.

Oratio.

DA, quæsumus omnipotens Deus : ut beáti Remigii Confessóris tui atque Pontíficis veneránda solémnitas, et devotiónem nobis áugeat et salútem. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

REMÍGIUS, episcopus Rhémensis, flóruit Clodovéo rege Francórum, quem étiam baptizávit, et primus ómnium doctrina et miráculis Francos ad Christi Dómini fidem perdúxit. Ejus oratióne mórtua puélla revixit. Multos interpretátus est divinæ Scriptúræ libros. Amplius septuaginta annos summa cum láude Rheménsem ecclésiám administrávit. Cujus vitæ et mortis sanctitátem multa, quæ consecúta sunt, mirácula comprobárunť.

R. Invéni David servum meum. 61*.

Lectio v. Ad sancti. vj. Quidquid igitur. **de eodem Comm. 1º loco. 61*, cum R. v. et vj. 61*.**

IN III. NOCTURNO

Homil. in Evang. Homo peregře. de eodem Comm. 1º loco. 64*.

Vesp. de seq. Commem. sancti Remigii.

DIE II

SS. ANGELORUM CUSTODUM

Duplex majus.

IN I. VESPERIS

Ant. et Capit. de Laud. 402; Pss. ut in I. Vesp. de Comm. Apost. 2*.

Hymnus.

CUSTÓDES hóminum psállimus Angelos,
Natúræ frágili quos Pater áddidit
Cæléstis cómites, insidiántibus

Ne succumberet hóstibus.

Nam quod corrúerit proditor ángelus,
Concéssis mérito pulsus honóribus,
Ardens invidia péllere nítitur

Quos cælo Deus ádvocat.

Huc custos igitur pérvigil ádvola,
Avértens pátria de tibi crédita

Tam morbos ánimi, quam requiércere

Quidquid non sinit incolás.

Sanctæ sit Triádi laus pia júgiter,

Cujus perpétuo númine máchina

Triplex hæc régitur, cujus in ómnia

Regnat glória sácula. Amen.

V. In conspéctu Angelórum psallam tibi Deus meus.

R. Adorábo ad templum sanctum tuum, et confitébor nómini tuo.

Ad Magnif. Ant. Omnes sunt administratórii spíritus

in ministérium missi propter eos, qui hereditatem capiunt salutis.

Orat. ut infra in Laud. 403.

Et fit Commem. S. Remigii.

Ant. Amavit eum Dominus, et ornavit eum: stolam gloriæ induit eum, et ad portas paradisi coronavit eum.

Ÿ. Justum deduxit Dominus per vias rectas. *R.* Et ostendit illi regnum Dei.

Orat. Da, quæsumus. 397.

AD MATUTINUM

Invit. Regem Angelorum Dominum, * Venite, adoramus.

Ps. Venite, exultemus. 2.

Hymn. Custodes. *supra.*

IN I. NOCTURNO

Ant. Dominus Deus * cæli et terræ, ipse mittet Angelum suum coram te.

Pss. trium Noct. ut in Officio votivo de SS. Angelis. 222.*

Ant. Deus meus * misit Angelum suum, et conclusit ora leonum, et non nocuerunt mihi.

Ant. Bene ambulétis, * et Dominus sit in itinere vestro, et Angelus ejus comitetur vobiscum.

Ÿ. Stetit Angelus juxta aram templi. *R.* Habens thuribulum aureum in manu sua.

De libro Exodi.

Lectio j. Cap. 23. d

ECCE ego mittam Angelum meum, qui præcedat te,

et custodiat in via, et introducat in locum quem paravi. Observa eum, et audi vocem ejus, nec contemnendum putes: quia non dimittet cum peccaveris, et est nomen meum in illo. Quod si audieris vocem ejus, et feceris omnia quæ loquor, inimicus ero inimicis tuis, et affligam affligentes te. Præcedetque te Angelus meus.

R. Angelis suis Deus mandavit de te, ut custodiant te in omnibus viis tuis: * In manibus portabunt te, ne umquam offendas ad lapidem pedem tuum. *Ÿ.* Millia millium ministrabant ei, et decies millies centena millia assistebant ei. In.

Ex Zacharia Propheta.

Lectio ij. Cap. 1. b

FACTUM est verbum Domini ad Zachariam filium Barachiae, filii Addo, prophetam, dicens: Vidi per noctem, et ecce vir ascendens super equum rufum, et ipse stabat inter myrteta quæ erant in profundo: et post eum equi rufi, varii, et albi. Et dixi: Quid sunt isti, Domine mi? Et dixit ad me Angelus, qui loquebatur in me: Ego ostendam tibi quid sint hæc. Et respondit vir, qui stabat inter myrteta, et dixit: Isti sunt quos misit Dominus ut perambulent terram. Et responderunt Angelo Domini, qui stabat inter myrteta, et dixerunt: Perambulavimus terram, et

ecce omnis terra habitatur, et quiescit.

R. Respondit Angelus Domini, et dixit : Domine exercituum, * Usquequo tu non misereris Jerúsalem et úrbium Juda, quibus irátus es? **V.** Iste enim septuagésimus annus est. Usquequo.

Lectio iij. Cap. 2.

ET levávi óculos meos, et vidi : et ecce vir, et in manu ejus funículus mensórum. Et dixi : Quo tu vadis? Et dixit ad me : Ut métiar Jerúsalem, et videam quanta sit latitúdo ejus, et quanta longitúdo ejus. Et ecce Angelus qui loquebátur in me, egrediebátur, et Angelus álius egrediebátur in occúrsum ejus. Et dixit ad eum : Curre, lóquere ad púerum istum dicens : Absque muro habitábitur Jerúsalem præ multitúidine hóminum, et jumentórum in médio ejus. Et ego ero ei, ait Dóminus, murus ignis in circúitu : et in glória ero in médio ejus.

R. In conspéctu géntium nolite timére : vos enim in córdibus vestris adoráte et timéte Dóminum : * Angelus enim ejus vobíscum est. **V.** Stetit Angelus juxta aram templi, habens thuribulum áureum in manu sua. Angelus. Glória Patri. Angelus.

IN II. NOCTURNO

Ant. Cum essem vobíscum, * per voluntátem Dei eram : ipsum benedicite, et cantáte ei.

Ant. Tollens se Angelus Dómini, * qui præcedébat castra Israél, ábiit post eos.

Ant. Immittet Angelus Dómini * in circúitu timéntium eum, et eripiet eos.

V. Ascéndit fumus arómatum in conspéctu Dómini.

R. De manu Angeli.

Sermo sancti Bernárdi Abbátis.

In Psalmum Qui hábitat.

Lectio iv.

ANGELIS suis mandávit de te. Mira dignátio, et vere magna diléctio caritátis. Quis enim? quibus? de quo? quid mandávit? Studiósè considerémus, fratres, diligénter commendémus memóriæ hoc tam grande mandátum. Quis enim mandávit? cujus sunt Angeli? cujus mandátis obtémperant? cujus obédiunt voluntáti? Nempe Angelis suis mandávit de te, ut custódiant te in ómnibus viis tuis. Nec cunctántur, quin étiam in mánibus tollant te. Summa ergo majéstas mandávit Angelis, et Angelis suis mandávit. Illis útique sublimibus, tam beáttis quam próximis sibi cohæréntibus, et vere domésticis mandávit de te. Tu quis es? Quid est homo, quod memor es ejus? aut filius hóminis, quóniam réputas eum? Quasi vero non sit homo putrédo, et filius hóminis vermis. Sed quid putas mandávit de te? Ut custódiant te.

R. Vivit ipse Dóminus, * Quóniam custodívit me Angelus ejus, et hinc eúntem, et ibi commorántem, et inde huc reverténtem. **V.** Et non permísit me Dóminus ancillam suam coinquinári. Quóniam.

Lectio v.

QUANTAM tibi debet hoc verbum inférre reveréntiam, afférre devotiónem, conférre fidúciam! Reveréntiam pro præséntia, devotiónem pro benevoléntia, fidúciam pro custódia. Cáute ámbula, ut vidélicet, cui adsunt Angeli, sicut eis mandátum est, in ómnibus viis tuis. In quovis diversório, in quovis ángulo Angelo tuo reveréntiam habe. Tu ne áudeas illo præsente, quod vidénte me non audéres. An præséntem esse dúbitas, quem non vides? Quid si audíres? Quid si tangeres? Quid si olfáceres? Vide, quia non solo visu rerum præséntia comprobétur.

R. Angelus Dómini descendit cum Azaria et sóciis ejus in fornácem, et excússit flammam ignis de fornáce : * Et non tétigit eos omníno ignis, neque contristávit. **V.** Benedictus Deus eórum, qui misit Angelum suum, et éruit servos suos qui credidérunt in eum. Et non tétigit eos.

Lectio vj.

IN ipso itaque, fratres, affectuóse diligámus Angelos

ejus, tamquam futúros aliquándo coherédes nostros, interim vero actóres et tutóres a Patre pósitos, et præpósitos nobis. Quid sub tantis custódibus timeámus? Nec superári, nec sedúci, minus áutem sedúcere possunt, qui custódiunt nos in ómnibus viis nostris. Fidéles sunt, prudéntes sunt, poténtes sunt : quid trepidámus? Tantum sequámur eos, adhæreámus eis, et in protectiône Dei cæli commoremur. Quóties ergo gravíssima cérnitur urgére tentátio, et tribulátio véhemens imminére, invoca custódem tuum, ductórem tuum, adjutórem tuum in opportunitátibus, in tribulatióne : incláma eum, et dic : Dómine salva nos, perímus.

R. In omni tribulatióne eórum non est tribulátus, * Et Angelus faciéi ejus salvávit eos. **V.** In dilectiône sua et indulgéntia sua ipse redémit eos, et portávit eos, et elevávit eos cunctis diébus sæculi. Et. Glória Patri. Et.

IN III. NOCTURNO

Ant. Misit Dóminus * Angelum suum, qui percússit omnem virum robústum, et bellatórem, et principem exercitus regis Assyriórum.

Ant. Adoráte Dóminum * omnes Angeli ejus : audivit, et lætáta est Sion.

Ant. Benedícite Dómino * omnes Angeli ejus, poténtes virtúte, faciéntes verbum

illius, ad audiendam vocem sermonum ejus.

¶ In conspectu Angelorum psallam tibi Deus meus.

¶ Adorabo ad templum sanctum tuum, et confitebor nomini tuo.

Lectio sancti Evangelii secundum Matthaeum.

Lectio vij. Cap. 18.

IN illo tempore : Accesserunt discipuli ad Jesum, dicentes : Quis, putas, major est in regno caelorum? Et reliqua.

Homilia sancti Hilarii
Episcopi.

**Comment. in Matth. c. 18.,
post initium.**

NONNISI reversos in naturam puerorum introire regnum caelorum Dominus docet : id est, per simplicitatem puerilem vitia corporum nostrorum animaeque revocanda. Pueros autem credentes omnes peraudientiae fidem nuncupavit. Hi enim patrem sequuntur, matrem amant, proximo velle malum nesciunt, curam opum negligunt : non insolescunt, non oderunt, non mentiuntur, dictis credunt, et quod audiunt, verum habent. Revertendum igitur est ad simplicitatem infantium, quia in ea collocati, speciem humilitatis dominicae circumferemus.

¶ Machabaeus, et qui cum eo erant, cognoverunt expugnari praesidia : * Cum fletu et lacrymis rogabant

Dominum, et omnis turba simul, ut bonum Angelum mitteret ad salutem Israel.

¶ Cum pariter prompto animo procederent Jerosolymis, apparuit praecedens eos eques in veste candida. Cum.

Bened. Quorum festum.

Lectio viij.

VAEC huic mundo ab scandalis. Humilitas passionis scandalum mundo est. In hoc enim maxime ignorantia detinetur humana, quod sub deformitate crucis, aeternae gloriae Dominum noluit accipere. Et quid mundo tam periculosum, quam non recepisse Christum? Ideo vero necesse esse ait venire scandala : quia ad sacramentum reddendae nobis aeternitatis, omnis in eo passionis humilitas esset explenda.

¶ Tu Domine, qui misisti Angelum tuum sub Ezechia rege Juda, et interfecisti de castris Sennacherib centum octoginta quinque millia : * Et nunc Dominator caelorum mitte Angelum tuum bonum ante nos, in timore et tremore magnitudinis brachii tui. ¶ Ut metuant qui cum blasphemia veniunt adversus sanctum populum tuum. Et nunc. Gloria Patri. Et nunc.

Lectio ix.

VIDEATE ne contemnatis unum de pusillis istis qui credunt in me. Aptissimum

vínculum mútui amóris impósuit, ad eos præcipue qui vere in Dómino credidissent. Pusillórum enim Angeli quotidie Deum vident : quia Fílius hóminis venit salváre quæ pérdita sunt. Ergo et Fílius hóminis salvat, et Deum Angeli vident, et Angeli pusillórum præsent fidélium oratióibus. Præesse Angelos absolúta auctoritas est. Salvatórum ígitur per Christum oratióes Angeli quotidie Deo ófferunt. Ergo periculóse ille contemnitur, cujus desidéria, ac postulatióes ad ætérnum, et invisibilem Deum ambióioso Angelórum famulátu ac ministério pervehúntur.

Te Deum laudámus. 16.

AD LAUDES

ET PER HORAS

Ant. 1. Angelis suis * Deus mandávit de te, ut custódiant te in ómnibus viis tuis.

Ps. Dóminus regnávit. **cum reliq.** 17.

2. Laudémus Dóminum, * quem láudant Angeli, quem Chérubim et Séraphim, Sanctus, Sanctus, Sanctus proclamant.

3. Angeli eórum * semper vident fáciem Patris mei, qui est in cælis.

4. Benedictus Deus, * qui misit Angelum suum, et éruit servos suos, qui crediderunt in eum.

5. Laudáte Deum * omnes Angeli ejus, laudáte eum omnes virtútes ejus.

Capitulum. Exod. 23. d

ECCE ego mittam Angelum meum, qui præcedat te, et custódiat in via, et introducat in locum, quem parávi. Obsérva eum, et áudi vocem ejus.

Hymnus.

ÆTÉRNE Rector siderum,
Qui, quidquid est, poténtia

Magna creásti, nec regis
Minóre providéntia :

Adéstó supplicántium
Tibi reórum cœtui,
Lucisque sub crepúsculum
Lucem novam da méntibus.

Tuúsque nobis Angelus
Eléctus ad custódiam,
Hic adsit; a contágio
Ut criminum nos prótegat.

Nobis draconis æmuli
Versútias extérminet;
Ne rete frauduléntiæ
Incáuta nectat péctora.

Metum repéllat hóstium
Nostris procul de finibus :
Pacem procúret civium,
Fugétque pestiléntiam.

Deo Patri sit glória,
Qui, quos redémit Fílius,
Et sanctus unxit Spíritus,
Per Angelos custódiat.

Amen.

Ÿ. In conspéctu Angelórum psallam tibi Deus meus.
Ŗ. Adorábo ad templum sanctum tuum, et confitébor nómini tuo.

Ad Bened. Ant. Revérsus est Angelus * qui loquebátur in me, et suscitávit me, quasi virum qui suscitátur a somno suo.

Oratio.

DEUS, qui ineffabili provi-
déntia sanctos Angelos
tuos ad nostram custódi-
am mittere dignáris : largire
supplicibus tuis; et eórum
semper protectióne defé-
ndi, et ætérna societáte gaudére.
Per Dóminum.

AD TERTIAM

Ant. Laudémus Dóminum.

Capit. Ecce ego. **ut su-
pra.**

R. br. Stetit Angelus *
Juxta aram templi. Stetit. **V.**
Habens thuribulum áureum
in manu sua. Juxta. Glória
Patri. Stetit.

V. Ascéndit fumus aróma-
tum in conspéctu Dómini.
R. De manu Angeli.

AD SEXTAM

Ant. Angeli eórum.

Capitulum. Exod. 23. d

NEC contemnéndum putes :
quia non dimittet cum
peccáveris : et est nomen
meum in illo.

R. br. Ascéndit fumus aró-
matum * In conspéctu Dó-
mini. Ascéndit. **V.** De manu
Angeli. In. Glória Patri.
Ascéndit.

V. In conspéctu Angeló-
rum psallam tibi Deus meus.
R. Adorábo ad templum san-
ctum tuum, et confitébor nó-
mini tuo.

AD NONAM

Ant. Laudáte Deum.

Capitulum. Exod. 23. e

QUOD si audieris vocem
ejus, et féceris ómnia
quæ loquor, inimicus ero

inimicis tuis, et affligam
affligéntes te. Præcedétque
te Angelus meus.

R. br. In conspéctu An-
gelórum * Psallam tibi Deus
meus. In. **V.** Adorábo ad tem-
plum sanctum tuum, et con-
fitebór nómini tuo. Psallam.
Glória Patri. In.

V. Adoráte Deum. **R.** Om-
nes Angeli ejus.

IN II. VESPERIS

Ant. et Capit. de Laud.
402. **Pss. de Dominica, et
loco ult. Ps. 137.** Confité-
bor... quóniam. 139.

Hymn. ut in I. Vesperis.
397.

V. In conspéctu Angeló-
rum psallam tibi Deus meus.
R. Adorábo ad templum san-
ctum tuum, et confitébor
nómini tuo.

Ad Magnif. Ant. Sancti
Angeli * Custódes nostri, de-
féndite nos in prælio, ut
non pereámus in treméndo
judicio.

DIE IV**S. FRANCISCI CONF.****Duplex majus.**

**Omnia de Communi Con-
fessoris non Pont. 76*, præ-
ter seq.**

Oratio.

DEUS, qui Ecclésiám tuam
beáti Francisci méritis
fœtu novæ prolis amplificas :
tribue nobis ex ejus imita-
tione terréna despicere, et
cæléstium donórum semper
participatióne gaudére. Per
Dóminum.

IN I. NOCTURNO

Lect. Justus si morte. de eodem Comm. 1^o loco. 79*.

IN II. NOCTURNO

Lectio iv.

FRANCISCUS, Assisii in Umbria natus, patris exemplum secutus, a prima ætate mercatûram fecit. Qui quodam die páuperem, pro Christi amore flagitantem pecuniam, cum præter consuetudinem repulisset, repente eo facto commotus, large ei misericórdiam impertivit : et ex eo die Deo promisit se némini umquam poscènti eleemósynam negatûrum. Cum vero post in gravem morbum incidisset, ex eo aliquándo confirmátus, cœpit ardéntius cólere officia caritátis. Qua in exercitatio[n]e tantum profécit, ut evangélicæ perfectio[n]is cupidus, quidquid habéret, paupéribus largirétur. Quod ferens iniquius pater, eum ad Assisinátè[m] episcopum duxit, ut coram illo bonis cederet patérnis : qui rejéctis étiam véstibus, patri concéssit ómnia, illud subjúgens, sibi in pósterum majórem facultátem fore dicé[n]di : Pater noster, qui es in cælis.

R. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætérnam. *V.* Justum dedúxit Dóminus per vias rectas, et osténdit illi regnum Dei. Et.

Lectio v.

CUM áutem illud ex Evangelio audisset : Nolite possidére áurum, neque argéntum, neque pecúniám in zonis vestris, non peram in via, neque duas túnicas, neque calceaménta : sibi eam régulam servándam propósuit. Itaque detráctis calceis, et una conténtus túnica, cum duódecim sócios adhibuisset, órđinem Minórum instituit. Quare Romam venit, anno salutis millésimo ducentésimo nono, ut sui órđinis régula ab Apostólica Sede confirmarétur. Quem cum accedéntem ad se Summus Póntifex Innocéntius tértius rejecisset; quod in somnis póstea sibi ille, quem repúlerat, collabéntem Lateranénsem basilicam suis húmeris sustinére visus esset, conquisitum accersiri jussit : benignéque accipiens, omnem ejus institutórum ratió[n]em confirmávit. Franciscus igitur, dimissis in omnes orbis terræ partes frátribus ad prædicándum Christi Evangelium, ipse cúpiens sibi áliquam dari martýrii occasió[n]em, navigávit in Sýriam : ubi a rege Soldáno liberalissime tractátus, cum nihil proficeret, rédiit in Itáliam.

R. Amávit eum Dóminus, et ornávit eum : stollam glóriæ induit eum, * Et ad portas paradisi coronávit eum. *V.* Induit eum

Dóminus lorícam fidei, et ornávit eum. Et ad portas.

Lectio vj.

MULTIS igitur exstrúctis suæ familiæ domicíliis, se in solitúdinem montis Alvérni cóntulit : ubi quadraginta diérum, propter honórem sancti Michaélis Archángeli, jejúnio inchoáto, festo die Exaltatiónis sanctæ Crucis ei Séraphim crucifixi effigiem inter alas cóntinens apparuit : qui ejus et máribus, et pédibus, et láteri vestigia clavórum impréssit : quæ sanctus Bonaventúra, cum Alexándri quarti Summi Pontificis prædicatióni interésset, narrásse Pontificem a se visa esse, litteris commendávit. His insignibus summi in eum Christi amóris, máximam habébat ómnium admiratiónem. Ac biénio post gráviter ægrótans, deferri voluit in ecclésiám sanctæ Mariæ Angelórum, ut ubi grátiae spíritum a Deo accéperat, ibi spíritum vitæ rédderet. Eo in loco fratres ad paupertátem ac patiéntiam, et sanctæ Románæ Ecclésiæ fidem servándam cohortátus, Psalmum illum pronúntians, Voce mea ad Dóminum clamávi; in eo versículo, Me exspéctant justí, donec retribuas mihi : efflávit ánimam quarto Nonas Octóbris. Quem miráculis clarum Gregórius nonus Póntifex

Máximus in sanctórum número adscrípsit.

℟. Iste homo. 83*.

IN III. NOCTURNO

Homil. in Evang. Confiteor tibi. de Comm. Abbat. 2º loco. 92*.

In II. Vesp. fit Commem. seq.

DIE V

SS. PLACIDI ET SOC.

MARTYRUM

Ad Vesp. Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

V. Lætámini in Dómino, et exsultáte justí. ℟. Et gloriámini omnes recti corde.

Oratio.

DEUS, qui nos concédissanctorum Mátyrum tuórum Plácidi et Sociórum ejus natalítia cólere : da nobis in æténa beatitúdine de eórum societáte gaudére. Per Dóminum.

Lectio iij.

PLÁCIDUS Romæ, Tertúlo patre in primis nóbili natus, puer Deo oblátus, et sancto Benedicto tráditus, tantum ejus disciplina et monástica vitæ institútis profécit, ut inter præcipuos illius discipulos numerétur. Ab eo in Siciliam missus, monastérium et ecclésiám in honórem sancti Joánnis Baptistæ prope Messánæ portum constrúxit, ubi cum

mónachis admirábili sanctitáte vixit. Ejus viséndi cáusa cum eo venissent Eutýchius et Victorinus illíus fratres, et Flávia virgo soror, eódem témpore illuc áppulit immánis quidam piráta, Manúcha nómine : qui capto monastério, cum Plácidum et cæteros nullo modo addúcere potuisset, ut Christum negárent, ipsum fratresque illíus ac sorórem crudéliter necári jussit. Cum quibus étiam Donátus, Firmátus diáconus, Fáustus, aliique triginta mónachi, martýrii agónem feliciter consummá- runt, tértio Nonas Octóbris, anno salútis quingentésimo trigésimo nono.

Te Deum laudámus. 16.

Ad Bened. Ant. Vestri capilli cápitis omnes numeráti sunt : nolite timére : multis passéribus meliôres estis vos.

Ÿ. Exsultábunt sancti in glória. **R.** Lætabúntur in cubilibus suis.

DIE VI

S. BRUNONIS CONF.

Duplex.

Omnia de Comm. Conf.
non Pont. 76*, præter seq.

Oratio.

SANCTI Brunónis Confessóris tui, quæsumus Dómine, intercessiônibus adjuvémur : ut, qui majestátem tuam gráviter delinquéndo offéndimus, ejus méritis et précibus nostrórum delictó-

rum véniam consequámur. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

BRUNO Carthusiánæ religiónis institutor, Colóniæ Agrippinæ natus est. Ab ipsis incunábulis spécimen futúre sanctitátis præferens, morum gravitáte puerilia illíus ætátis, divína favénte grátia, declinans ádeo excélluit, ut jam inde monachórum pater vitæque anachoréticæ futurus instaurátor agnoscerétur. A paréntibus génere ac virtúte claris, Lutétiam Parisiórum missus, tantum ibi in philosophiæ ac theologiæ stúdiis profécit, ut doctóris ac magístri munus in utrâque facultáte sit adéptus : nec multo post, ob egrégias ipsíus virtútes, ecclésiæ Rheménsis canonicátu potitus.

R. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætérnam. **Ÿ.** Justum dedúxit Dóminus per vias rectas, et osténdit illi regnum Dei. Et dedit.

Lectio v.

ELÁPSIS áliquot annis, cum sex áliis familiáribus mundo renúntians, sanctum Hugónem episcopum Gratianopolitánum ádiit. Qui cáusa eórum advéntus cógnita, eosdémque intélligens esse,

quos eâdem nocte véluti septem stellas ad suos pedes corruéntes in somnis viderat, montes suæ diocésis aspérrimos, quos Carthusiânos appellânt, illis concessit. Illuc Bruno cum sóciis, ipso Hugóne comitánte, secédens, cum per áliquot annos eremiticam vitam egisset, ab Urbáno secúndo, qui ejúsdem Brunónis discipulus fúerat, Romam accersitur. Ejus consilio ac doctrina Póntifex, in tot illis Ecclésiæ calamitátibus, per áliquot annos usus est, donec Bruno, recusáto Rhegiénsi archiepiscopátu, discedéndi facultatem obtinuit.

℞. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum.
 ♣. Induit eum Dóminus lorícam fidei, et ornávit eum. Et.

Lectio xj.

IGITUR solitúdinis amore erémum quamdam apud Squillácum in Calábriæ finibus pétiiit. Quo in loco, cum ipsum orántem Rogérius comes Calábriæ inter venándum, latrántibus ad illius spelúncam cánibus, reperisset, sanctitáte viri permótus, illum ac sócios fovére et cólere impénse cœpit. Nec liberálitas sine præmio fuit. Cum enim idem Rogérius Cápuam obsidéret, eúmque Sérgius quidam excubiárum magister pródere statuisset, Bruno adhuc in dicta erémo

vivens, in somnis illi ómnia apériens, ab imminénti periculo cómitem liberávit. Tandem virtútibus ac méritis plenus, nec sanctitáte minus quam doctrínæ fama clarus, obdormívit in Dómino, sepultúsque est in monastério sancti Stéphaní, ab ipso Rogério constrúcto, ubi háctenus honorífice cólitur.

℞. Iste homo. 83*.

IN III. NOCTURNO

Homil. in Evang. Sint lumbi vestri. **de eodem Comm. 1º loco. 85*.**

In II. Vesp. Commem. seq. et SS. Mart. ut infra.

DIE VII

S. MARCI PAPÆ ET CONF.

Ad Vesp. Ant. Sacerdos et Póntifex, et virtútum ópifex, pastor bone in pópulo, ora pro nobis Dóminum.

♣. Amávit eum Dóminus, et ornávit eum. ℞. Stolam glóriæ induit eum.

Oratio.

EXÁUDI Dómine preces nostras : et, interveniénte beáto Marco Confessóre tuo atque Pontífice, indulgéntiam nobis tribue placátus et pacem. Per Dóminum.

Deinde fit Commem. SS. Mart. Sergii, Bacchi, Marcelli et Apuleii.

Ant. Istórum est. ♣. Lætámini. 40*.

Oratio.

SANCTORUM Mártyrum tuórum nos, Dómine, Sér-gii, Bacchi, Marcelli et Apu-

léii beáta mérita proseguántur : et tuo semper fáciant amóre fervéntes. Per Dóminum.

Lectio iij.

MARCUS RománuS, Constantino magno imperatóre Póntifex, instituit ut episcopus Ostiénsis, a quo RománuS Póntifex consecrátur, pállio uterétur. Duas Romæ basilicas ædificávit, álteram in Urbe, álteram via Ardeatína : quas Constantinus áuctas, magnis munéribus exornávit. Vixit in pontificátu menses octo, sepultúsque est in coemetério Balbínæ.

Te Deum laudámus. 16.

Ad Laud. Ant. Euge serve.

Ÿ. Justum. 65*.

Et fit Commem. SS. Martyrum.

Ant. Vestri capilli. Ÿ. Exsultábunt. 50*.

Orat. Sanctórum Mátyrum. *ut supra.*

DIE VIII

SANCTÆ BIRGITTÆ

VIDUÆ

Duplex.

Omnia de Comm. nec Virg. nec Mart. 113*, præter seq.

Oratio.

DÓMINE Deus noster, qui beáta Birgittæ per Fílium tuum unigénitum secréta cæléstia revelásti : ipsius pia intercessióne da nobis fámulis tuis, in revelatióne sempitérnæ glóriæ tuæ gaudére

lætántes. Per eúmdem Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

BIRGÍTTA in Suécia illústri-bus et piis paréntibus orta, sanctíssime vixit. Cum adhuc in útero gestarétur, a naufrágio propter eam mater erépta est. Decénis post auditum de passióne Dómini sermónem, sequénti nocte Jesum in cruce, recénti sanguine perfúsum, vidit, et de eádem passióne secum loquéntem. Quo ex témpore in ejúsdem meditatióne ita afficiebátur, ut de ea sine lácrymis cogitare deinceps numquam posset.

R. Propter veritátem, et mansuetúdinem, et justitiam : * Et dedúcet te mirabiliter dextera tua. Ÿ. Spécie tua, et pulchritúde tua inténde, próspere procéde, et regna. Et.

Lectio v.

ULFÓNI Nericiæ príncipi in matrimónium trádicta, virum ipsum ad pietátis officia, tum óptimis exémpis, tum efficácibus verbis adhortáta est. In filiórum educatióne piíssima; paupéribus, et máxime infirmis, domo ad id múnus dicáta, inserviébat quam diligentíssime, illórum pedes sólita laváre et osculári. Cum áutem una cum viro suo rediret Compostélla, ubi sancti

Jacóbi Apóstoli sepúlcrum visitáverant, et Atrébati Ulfo gráviter ægrotáret, sanctus Dionýsius Birgittæ noctu apparuit, et de maríti salúte aliisque de rebus, quæ futúræ erant, præmónuit.

℞. Dilexísti justitiam, et odísti iniquitátem : * Proptérea unxit te Deus, Deus tuus, óleo lætitiæ. ʒ. Propter veritátem, et mansuetúdinem, et justitiam. Proptérea.

Lectio vj.

VIRO Cisterciénsi mónacho facto, et páulo post defúncto, Birgitta, audita Christi voce in somnis, arctiorem vitæ formam est aggréssa. Cui deinde arcána multa fuérunt divinitus reveláta. Monastérium Vastanénse sub régula sancti Salvatóris, ab ipso Dómino accépta, instituit. Romam Dei jussu venit, ubi plúrimos ad amórem divinum veheménter accéndit. Inde Jerosólymam pétiit, et iterum Romam. Qua ex peregrinatióne cum in febrim incidisset, grávibus per annum integrum afflictáta morbis, cumuláta méritis, prænuntiáto mortis die, migrávit in cælum. Corpus ejus ad Vastanénse monastérium translátum est : et miráculis illústrem Bonifácus nonus in sanctorum númerum rétulit.

℞. Fallax grátia, et vana est pulchritúdo : * Múlier timens Deum, ipsa laudábi-

tur. ʒ. Date ei de fructu mánuum suárum, et láudent eam in portis ópera ejus. Múlier. Glória Patri. Múlier.

IN III. NOCTURNO

Homil. in Evang. Símile est. de eodem Comm. 116*.

In II. Vesp. fit Commem. seq.

DIE IX

SS. DIONYSII EPISCOPI
RUSTICI ET ELEUTHERII

MARTYRUM

Semiduplex.

Omnia de Comm. plur.
Mart. 39*, præter seq.

Ant. Istórum est enim regnum cælórum, qui contempserunt vitam mundi, et pervenerunt ad præmia regni, et laverunt stolas suas in sanguine Agni.

ʒ. Lætámini in Dómino, et exsultáte justi. ℞. Et gloriámini omnes recti corde.

Oratio.

DEUS, qui hodiérna die beátum Dionýsium Mártirem tuum atque Pontificem, virtúte constántiæ in passióne roborásti, quique illi, ad prædicándum géntibus glóriam tuam, Rústicum et Eleuthérium sociáre dignátuses : tribue nobis, quæsumus; eórum imitatióne, pro amóre tuo próspéra mundi despicere, et nulla ejus advérsa formidáre. Per Dóminum.

IN I. NOCTURNO

Lect. de Script. occurrente.

Lectio iv.

DIONYSIUS Atheniënsis, unus ex Areopagitis iudicibus, vir fuit omni doctrinæ genere instructus. Qui cum adhuc in gentilitatis errore versaretur, eo die quo Christus Dominus cruci affixus est, solem præter naturam defecisse animadvertens, exclamasse traditur: Aut Deus naturæ patitur, aut mundi machina dissolvetur. Sed cum Paulus Apostolus veniens Athenas, et in Areopagum ductus, rationem reddidisset ejus doctrinæ quam prædicabat, affirmans Christum Dominum resurrexisse, et mortuos omnes in vitam reddituros esse: cum alii multi, tum ipse Dionysius in Christum credidit.

R. Sancti tui Domine mirabile consecuti sunt iter, serviéntes præceptis tuis, ut invenirentur illæsi in aquis validis: * Terra apparuit arida, et in mari Rubro via sine impedimento. **V.** Quoniam percussit petram, et fluxerunt aquæ, et torrentes inundaverunt. Terra.

Lectio v.

ITaque et baptizatus est ab Apostolo, et Atheniensium ecclesiæ præfectus. Qui cum postea Romam venisset, a Clemente Pontifice missus est in Galliam prædicandi Evangelii causa. Quem Lutetiam usque Parisiorum Rusticus presbyter, et Eleu-

therius diaconus prosecuti sunt: ubi a Fescennio præfecto, quod multos ad christianam religionem conver-tisset, ipse cum sociis virgis cæsus est: cumque in prædicatione christianæ fidei constantissime perseveraret, in craticulam subiecto igne injicitur, multisque præterea suppliciis una cum sociis cruciatur.

R. Verbera carnificum non timuerunt sancti Dei, morientes pro Christi nomine, * Ut heredes fierent in domo Domini. **V.** Tradiderunt corpora sua propter Deum ad supplicia. Ut.

Lectio vj.

SED ea tormentorum genera omnibus forti ac libenti animo perferentibus, Dionysius annum agens supra centesimum, cum reliquis securi percutitur septimo Idus Octobris. De quo illud memoriæ pròditum est, abscissum suum caput sustulisse, et progressum ad duo millia passuum in manibus gestasse. Libros scripsit admirabiles, ac plane cælestes, de divinis nominibus, de cælesti et ecclesiastica hierarchia, de mystica theologia, et alios quosdam.

R. Tamquam aurum. 46*.

Homil. in Evang. Attēdite a fermento. **de eodem Comm. 3º loco. 54*.**

Vesp. a Capit. de seq. cum Commem. præced.

DIE X

S. FRANCISCI BORGIAE

CONFESSORIS

Semiduplex.

Omnia de Comm. Conf.
non Pont. 76*, præter seq.
 (m. t. v.)

Oratio.

DÓMINE Jesu Christe, veræ humilitatis et exemplar, et præmium : quæsumus; ut, sicut beatum Franciscum in terræni honôris contemptu imitátorem tui gloriósum effecisti, ita nos ejúsdem imitationis et glóriæ tribuas esse consórtes : Qui vivis et regnas.

Et fit Commem. præced.

Ant. Gáudent in cælis animæ sanctórum, qui Christi vestigia sunt secúti : et quia pro ejus amóre sánguinem suum fuderunt, ideo cum Christo exsúltant sine fine.

V. Exsultábunt sancti in glória. **R.** Lætabúntur in cubilibus suis.

Orat. Deus, qui hodiérna. **supra.** 409.

IN I. NOCTURNO

Lect. de Script. occur.

IN II. NOCTURNO

Lectio iv.

FRANCISCUS Gándiæ dux quartus, Joánnæ Bórgia et Joánnæ Aragónia Ferdinándi Cathólici nepte génius, post puerilem ætatem inter domésticos mira innocentia et pietate transáctam, in áula primum Cároli quinti Cæsaris, mox in Cataláuniæ

administratióne admirabilior fuit christiánæ virtútis et vitæ austeriôris exémpilis. Ad Granatense sepúlcrum Isabéllam imperatricem cum detulisset, in ejus vultu fœde commutáto, mortálium ómnium caducitatem rélegens, voto se adstrinxit, rebus ómnibus, cum primum licéret, abjéctis, regum Regi únice inserviendi. Inde tantum virtútis incrementum fecit, ut inter negotiórum turbas religiósæ perfectiônis simillimam imáginem réferens, miraculum principum appellarétur.

R. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritatem ætérnam. **V.** Justum dedúxit Dóminus per vias rectas, et osténdit illi regnum Dei. Et.

Lectio v.

MÓRTUA Eleonóra de Castro cónjuge, ingressus est Societatem Jesu, ut in ea latéret secúrius; et præclúderet dignitatibus áditum, interpósita voti religiône : dignus, quem et viri principes complúres in amplectendo severiôri institúto fúerint secúti, et Cárolus quintus ipse in abdicándo império hortatórem sibi, aut ducem exstitisse non diffiterétur. In eo arctiôris vitæ stúdio Franciscus jejúniis, caténis férreis, aspérrimo cilício, cruéntis longisque

verberationibus, somno brevissimo, corpus ad extremam usque maciem redégit: nullis præterea parcens laboribus ad sui victoriam et ad salutem animarum. Tot itaque instructus virtutibus, a sancto Ignatio primum Generalis Commissarius in Hispaniis, nec multo post Præpositus Generalis tertius a Societate universa, licet invitatus, eligitur. Quo in munere principibus ac Summis Pontificibus prudentia ac morum sanctitate apprime carus, præter complura vel condita vel aucta ubique domicilia, socios in regnum Poloniæ, in insulas Oceani, in Mexicanam et Peruanam provincias invexit: missis quoque in alias regiones apostolicis viris, qui prædicatione, sudoribus, sanguine, fidem catholicam Romanam propagarunt.

R. Amavit eum Dominus, et ornavit eum: stolam gloriæ induit eum, * Et ad portas paradisi coronavit eum.

V. Induit eum Dominus lorica fidei, et ornavit eum. Et ad portas.

Lectio vj.

DE se ita demisse sentiebat, ut peccatoris nomen sibi proprium faceret. Romanam purpuram, a Summis Pontificibus sæpius oblata, invicta humilitatis constantia recusavit. Verrere sordes, emendicare victum ostiatim, ægris ministrare in

nosocomiis, mundi ac sui contemptor, in deliciis habuit. Singulis diebus multas continenter horas, frequenter octo, quandoque decem dabat cælestium contemplationi. Centies quotidie de genu Deum adorabat. Numquam a sacrificando abstinuit, prodebaturque sese divinus, quo æstuabat, ardor, ejus vultu sacram Hostiam offerentis, aut concionantis interdum radiante. Sanctissimum Christi corpus in Eucharistia latens, ubi asservaretur, instinctu cælesti sentiebat. Cardinali Alexandrino, ad conjungendos contra Turcas christianos principes, legato comes additus a beato Pio quinto, arduum iter, fractis jam pene viribus, suscepit ex obedientia, in qua et vitæ cursum Romæ, ut optarat, feliciter consummavit, anno ætatis suæ sexagesimo secundo, salutis vero millesimo quingentesimo septuagesimo secundo. A sancta Teresia, quæ ejus utebatur consiliis, vir sanctus, a Gregorio decimotertio fidelis administer appellatus; demum a Clemente decimo, pluribus magnisque claris miraculis, in sanctorum numerum est adscriptus.

R. Iste homo. 83*.

IN III. NOCTURNO

Homil. in Evang. Ecce nos reliquimus. **de Comm. Abbat.** 1º loco. 91*.

DIE XIII

SANCTI EDUARDI

REGIS ET CONFESSORIS

Semiduplex.

Omnia de Comm. Conf.
non Pont. 76*, præter seq.
 (m. t. v.)

Oratio.

DEUS, qui beátum regem
 Eduárdum Confessórem
 tuum æternitátis glória coro-
 násti : fac nos, quæsumus;
 ita eum venerári in terris,
 ut cum eo regnâre possimus
 in cælis. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

EDUÁRDUS, cognomento
 Conféssor, nepos sancti
 Eduárdi Regis et Mártiris,
 Anglo-Sáxonum regum últi-
 mus, quem futúrum regem
 Brithuáldo viro sanctíssimo
 in mentis excéssu Dóminus
 demonstrávit, decénis a
 Danis Angliam vastántibus
 quæsitus ad necem, exsulâre
 cógitur apud avúnculum,
 Normánniæ ducem : ubi in
 médiis vitiórum illécebris
 talem se exhibuit integritate
 vitæ, morúmque innocentia,
 ut ómnibus admiratióni es-
 set. Elúxit in eo vel tum mira
 pietas in Deum ac res divi-
 nas, fuitque ingénio mitissi-
 mo, atque ab omni dominán-
 di cupiditate aliéno. Cujus
 ea vox fertur, Malle se regno
 carere, quod sine cæde et
 ságuine obtinéri non possit.

H. Honéstum fecit illum
 Dóminus, et custodivit eum
 ab inimicis, et a seductóri-
 bus tutávit illum : * Et dedit
 illi claritátem ætérnam. **V.**
 Justum dedúxit Dóminus per
 vias rectas, et osténdit illi
 regnum Dei. Et.

Lectio v.

EXSTÍNCTIS mox tyránnis,
 qui frátribus suis vitam
 et regnum eripúerant, revo-
 cátur in pátriam : ubi sum-
 mis ómnium votis et gratu-
 latióne regno potitus, ad
 hostilium irárum delénda ve-
 stigia totum se convértit, a
 sacris exórsus ac Divórum
 templis : quorum ália a fun-
 daméntis eréxit, ália refécit,
 auxitque reditibus ac privi-
 légiis; in eam curam potis-
 simum inténtus, ut refluere-
 sceret collápsa religio. Ab
 áulæ procéribus compúlsum
 ad núptias, constans est as-
 sértio scriptórum, cum vír-
 gine sponsa virginitátem in
 matrimónio servásse. Tan-
 tus in eo fuit in Christum
 amor et fides, ut illum ali-
 quándo inter Missárum solé-
 mnia vidére merúerit blando
 vultu et divina luce fulgén-
 tem. Ob profúsam caritá-
 tem, orphanórum et egenó-
 rum pater passim dicebátur,
 numquam lætior, quam cum
 régios thesáuros exhausisset
 in páuperes.

H. Amávit eum Dóminus,
 et ornávit eum : stolam gló-
 riæ induit eum, * Et ad por-
 tas paradísi coronávit eum.

Ꝛ. Induit eum Dóminus lorícam fidei, et ornávit eum. Et ad portas.

Lectio vj.

PROPHETIÆ dono illústris, de Angliæ futúro statu multa cælitus prævidit: et illud in primis memorábile, quod Sweýni Danórum regis in mare demérsi mortem, dum Angliam invadéndi ánimó classem conscénderet, eódem quo áccidit mométo, divinitus intelléxit. Joánnem Evangelístam mirífice cóluit, nihil cuiquam, quod ejus nómine peterétur, negáre sólitus. Qui olim sub lácera veste suo nómine stipem rogánti, cum nummi deéssent, detráctum ex dígito ánnulum porréxit, quem Divus non ita multo post Eduárdo remisit, una cum núntio secutúráe mortis. Quare rex, indictis pro se précibus, ipso ab Evangelista prædicto die, piíssime óbiit Nonis vidélicet Januárii, anno salutis millésimo sexagésimo sexto. Quem, sequénti sæculo, Alexánder Papa tertiús miráculis clarum sanctorum fastis adscripsit. At ejus memóriam Innocéntius undécimus Officio público per univérsam Ecclésiám eo die celebrári præcépit, quo annis ab óbitu sex et triginta translátum ejus corpus incorrúptum, et suávem spirans odórem, repértum est.

Ꝛ. Iste homo. 83*.

IN III. NOCTURNO

Homilia in Evang. Sint lumbi. de eodem Comm. 1^o loco. 85*.

Vesp. de seq. cum Commem. præced.

DIE XIV

SANCTI CALLISTI I.

PAPÆ ET MART.

Duplex.

Omnia de Comuni unius Mart. 24*, præter seq.

Oratio.

DEUS, qui nos cónspicis ex nostra infirmitáte defícere: ad amórem tuum nos misericórditer per sanctorum tuorum exémpa restáura. Per Dóminum.

Et fit Commem. præced.

Ant. Hic vir despiciens mundum et terréna, triúmphans, divítias cælo cóndidit ore, manu.

Ꝛ. Justum dedúxit Dóminus per vias rectas. Ꝛ. Et osténdit illi regnum Dei.

Orat. Deus, qui. 413.

IN I. NOCTURNO

Lect. de Script. occur.

IN II. NOCTURNO

Lectio iv.

CALLÍSTUS Románus præfuit Ecclésiæ Antoníno Heliogábalo imperátore. Constituit quátuor anni témpora, quibus jejúnium ex apostólica traditióne accéptum ab ómnibus servarétur. Ædificávit basilícam sanctæ Mariæ trans Tiberim, et in via Appia vetus cœmetérium ampliávit, in

quo multi sancti Sacerdotes et Martyres sepulti sunt : unde ab eo Callisti cœmetérium appellatur.

R. Honestum fecit illum Dominus, et custodivit eum ab inimicis, et a seductoribus tutavit illum : * Et dedit illi claritatem æternam. **V.** Descenditque cum illo in foveam, et in vinculis non dereliquit eum. Et.

Lectio v.

EJUSDEM pietatis fuit, quod beati Calepodii Presbyteri et Martyris corpus jactatum in Tiberim conquiri diligenter curavit, et inventum honorifice sepelivit. Palmatium consulari, Simplicium senatoria dignitate illustres, Felicem et Blandam, qui deinde omnes martyrium subire, cum baptismo lustrasset, missus est in carcerem, ubi Privatum militem, ulceribus plenum, admirabiliter sanitati restitutum, Christo adjunxit : pro quo idem, recens adhuc a fide suscepta, plumbatis usque ad mortem cæsus occubuit.

R. Desiderium animæ ejus tribuisti ei Domine, * Et voluntate labiorum ejus non fraudasti eum. **V.** Quoniam prævenisti eum in benedictionibus dulcedinis : posuisti in capite ejus coronam de lapide pretioso. Et.

Lectio vj.

SEDIT Callistus annos quinque, mensem unum,

dies duodecim. Ordinationibus quinque mense Decembri, creavit presbyteros sexdecim, diaconos quatuor, episcopos octo. Post longam famem crebrasque verberationes, præceps jactus in puteum, atque ita martyrio coronatus sub Alexandro imperatore, illatus est in cœmetérium Calepodii, via Aurélia, tertio ab Urbe lapide, pridie Idus Octobris. Ejus postmodum corpus in basilicam sanctæ Mariæ trans Tiberim, ab ipso ædificatam, delatum, sub ara majori, máxima veneratione colitur.

R. Stola jucunditatis. 30*.

IN III. NOCTURNO

Homil. in Evang. Nihil est opertum. **de eodem Comm.** 3º loco. 38*.

Vesp. a Capit. de seq., cum Commem. præced.

DIE XV

SANCTÆ TERESIÆ

VIRGINIS

Duplex.

Omnia de Communi Virg.

95*, præter seq.

IN UTRISQUE VESPERIS

ET IN LAUDIBUS

Hymnus.

REGIS superni nuntia,
Domum paternam deseris,
Terris Terésa barbaris
Christum datúra, aut sanguinem.

Sed te manet suavior
Mors, pœna poscit dulcior :

Divini amoris cuspide
In vulnus icta concides.

O caritatis victima!
Tu corda nostra concrema,
Tibique gentes creditas
Averni ab igne libera.

* Sit laus Patri cum Filio
Et Spiritu Paráclito,
Tibique sancta Trinitas,
Nunc, et per omne sæculum.
Amen.

V. Spécie tua et pulchritudine tua. **R.** Intende, prospere procede, et regna.

Ad Magnif. Ant. Veni sponsa Christi: accipe coronam, quam tibi Dominus præparavit in ætérnum.

Oratio.

EXÁUDI nos, Deus salutáris noster: ut, sicut de beatæ Teresiæ Virginis tuæ festivitáte gaudémus; ita cæléstis ejus doctrinæ pábulo nutriámur, et piæ devotiõnis erudiámur afféctu. Per.

Et fit Commem. præced.

Ant. Qui vult venire post me, abneget semetipsum, et tollat crucem suam, et sequátur me.

V. Justus ut palma florébit. **R.** Sicut cedrus Libani multiplicábitur.

Orat. Deus, qui nos. 414.

AD MATUTINUM

Invit. Regem Virginum Dominum, * Venite, adorémus.

Ps. Venite, exsultémus. 2.

Hymnus.

HÆC est dies, qua cándidæ
Instar columbæ, cælitum

Ad sacra templa spíritus
Se tránstulit Teresiæ.

Sponsique voces áudiit:
Veni soror de vértice
Carméli ad Agni núptias:
Veni ad coronam glóriæ.

Te sponse Jesu Virginum
Beáti adórent órdenes,
Et nuptiáli cántico
Láudent per omne sæculum.
Amen.

IN I. NOCTURNO

Lect. de Script. occur.

IN II. NOCTURNO

Lectio iv.

TERESIA virgo nata est Abulæ in Hispânia, parentibus tum genere, tum pietáte præcláris. Ab iis divini timóris lacte educáta, admirándum futúræ sanctitátis in tenérrima adhuc ætáte spécimen dedit. Nam cum sanctorum Mártyrum acta perlégeret, ádeo in ejus meditatióne sancti Spíritus ignis exársit, ut domo affúgiens, in Africam trajiceret, ubi vitam pro glória Jesu Christi et animárum salúte profúnderet. A pátruo revocáta, ardens mártýrii desidérium eleemósynis aliisque piis opéribus compensávit, júgibus lácrymis deplórans óptimam sibi sortem fuisse præréptam. Mórtua matre, cum a beatíssima Virgine péteret, ut se matrem esse monstráret, pii voti compos effécta est; semper perinde ac filia patrocínio Deiparæ pérfruens. Vigésimum ætátis annum

agens, ad moniâles sanctæ Mariæ de Monte Carmélo se cõntulit : ibi per duodeviginti annos gravissimis morbis et váriis tentatiõibus vexâta, constantissime merruit in castris christiânæ pœnitentiæ, nullo refecta pábulo cæléstium eárum consolatiõnum, quibus solet etiã in terris sãnctitas abundãre.

¶ Propter veritãtem, et mansuetudinẽ, et justitiã : * Et deducet te mirabiliter dẽxtera tua. ¶ Spẽcie tua et pulchritudine tua intẽde, prospere procẽde, et regna. Et.

Lectio v.

ANGÉLICIS ditãta virtútibus, non modo propriã, sed públicã etiã salutẽ sollicita caritate curãvit. Quare severiõrẽ vetterum Carmelitãrum regulã, Deo afflãte, et Pio quarto approbãte, primum muliëribus, deĩnde viris observãdam propõsuit. Efflõruit in eo consilio omnipotens miserẽtis Dõmini benedictio : nam duo supra triginta monastéria inops Virgo põtuit ædificãre, õmnibus humanis destitũta auxiliis, quinĩmo adversãntibus plerũque sæculi principibus. Infideliũ et hæreticõrum tenebras perpẽtuis deflebat lãcrymis, atque ad placãdam diviñe ultiõnis irã, voluntãrios proprii cõrporis cruciãtus Deo pro

eõrum salutẽ dicãbat. Tanto autẽ divini amoris incendio cor ejus conflagrãvit, ut merrito viderit Angelum ignito jãculo sibi præcõrdia transverberãntẽ, et audiẽrit Christum data dẽxtera dicẽntẽ sibi : Deinceps ut vera sponsa meum zelãbis honõrẽ. Eo consiliãte, mãmxe árdũm votũ emisit, efficiẽdi semper quidquid perfectius esse intelligeret. Multa cæléstis sapiẽtiæ documẽta conscripsit, quibus fideliũ mentes ad supẽrnæ patriæ desidériũ mãmxe excitãntur.

¶ Dilexisti justitiã, et odisti iniquitãtem : * Propterea unxit te Deus, Deus tuus, óleo lætitiæ. ¶ Propter veritãtem, et mansuetudinẽ, et justitiã. Propterea.

Lectio vj.

CUM autẽ assidua éderet exẽpla virtútũ, tam anxio castigãdi cõrporis desidério æstuãbat, ut quãvis secus suaderẽt morbi quibus afflictabãtur, corpus ciliciis, catenis, urticãrum manipulis, aliisque asperrimis flagellis sæpe cruciãret, et aliquãdo inter spinas volutãret, sic Deum álloqui sõlita : Dõmine aut pati, aut mori : se semper miserri-ma morte pereũntẽ existimans, quãmdiu a cælésti æternæ vitæ fonte abesset. Prophetiæ dono excelluit, eãmq; divinis charismãti-

bus tam liberáliter locupletábat Dóminus, ut sæpius exclámans péteret beneficiis in se divinis modum impóni, nec tam céleri obliuione culpárum suárum memóriam aboléri. Intolerábili igitur divini amóris incéndio pótius quam vi morbi, Albæ cum decumberet, prænuntiáto suæ mortis die, ecclesiásticis sacraméntis munita, alúmnos ad pacem, caritátem et regulárem observántiam adhortáta, sub colúmbæ spécie puríssimam ánimam Deo réddidit, annos nata sexaginta septem, anno millésimo quingentésimo octogésimo secúndo, Idibus Octóbris, juxta Kalendaríi Románi emendatiónem. Ei moriénti adesse visus est inter Angelórum ágmina Christus Jesus : et arbor árida cellæ próxima statim efflóruit. Ejus corpus usque ad hanc diem incorruptum, odoráto liquóre circumfúsum, pia veneratióne cólitur. Miráculis cláruit ante et post óbitum, eámque Gregórius décimus quintus in sanctórum númerum rétulit.

℞. Afferéntur. 104*.

IN III. NOCTURNO

Homil. in Evang. Símile erit regnum cælórum. de eodem Communi 1º loco. 106*.

In Laudibus et II. Vespers Hymnus ut in I. Vespers. 415.

DIE XVII

SANCTÆ HEDWIGIS

VIDUÆ

Semiduplex.

Omnia de Communi nec Virg. nec Mart. 113*, præter seq.

Oratio.

DEUS, qui beátam Hedwigem a sæculi pompa ad húmilem tuæ crucis sequélam toto corde transire docuisti : concéde; ut ejus méritis et exémplo discámus peritúras mundi calcáre delicias, et in ampléxu tuæ crucis ómnia nobis adversántia superáre : Qui vivis et regnas.

IN I. NOCTURNO

Lect. de Script. occur.

IN II. NOCTURNO

Lectio iv.

HEDWIGIS, régiis clara natalibus, innocéntia tamen vitæ longe clárior, sanctæ Elisabéthæ filiæ regis Hungáriæ matértera, Berthóldi et Agnétis Moráviæ marchiónum filia, ánimi ab ineúnte ætáte moderatiónem proutulit. Adhuc enim puélula puerilibus abstínuit, et duodénnis Henrico Polóniæ duci a paréntibus núptui trádicta, thálami fide sancte serváta, prolem inde susceptam in Dei timóre erudívit. Ut áutem commódus Deo vacáret, ex pari voto et consénsu unánimi ad separatiónem thori virum indúxit. Quo defúnto, ipsa in mo-

nastério Trebnicénsi, Deo, quem assíduis précibus exoráverat, inspiránte, Cisterciensem devóta sumpsit hábitum; in eóque contemplatióni inténta, divínis Officiis et Missárum solémniis a solis ortu ad meridiem usque assídua assistens, antiquum húmáni géneris hostem fortis contémpsit.

R. Propter veritátem, et mansuetúdinem, et justitiam : * Et dedúcet te mirabiliter délixtera tua. **V.** Spécie tua et pulchritúdine tua inténde, prospere procéde, et regna. Et.

Lectio v.

SÆCULI áutem commércea, ni divína, vel animárum salútem attingerent, audíre vel loqui non sustínuit. Prudentia in agéndis sic emícuit, ut neque excéssus esset in modo, nec error in órđine, comis alióqui, et mansuéta in próximum. Grandem áutem de se triúmphum, jejúniis et vigiliis, vestiúmq; asperitáte austéra carnem mácerans, reportávit; hinc sublimióribus florens virtútibus christiánis, consiliórum gravitáte, animíque candóre et quiéte, in exímium religiósæ pietátis evásit exémpar : ómnibus se ultro subjicere, atque viliora præ cæteris moniálibus alácriter múnia subíre; paupéribus étiam flexo genu ministráre, leprosórum pedes ablúere et osculári, ipsi

familiáre erat, neque illórum úlcera sánie manántia sui victrix abhórruit.

R. Dilexisti justitiam, et odisti iniquitátem : * Proptérea unxit te Deus, Deus tuus, óleo lælitiæ. **V.** Propter veritátem, et mansuetúdinem, et justitiam. Proptérea.

Lectio vj.

MIRA fuit ejus patiéntia animíque constántia; præcipue vero in morte Henríci ducis Silésiae sui, quem matérne diligébat, filii, in bello a Tártaris cæsi, eníluit : pótius enim grátias Deo, quam filio lácrymas réddidit. Miraculórum dénique glória percrebuit; púerum enim demersum, et molenđini rotis allisum et prorsus attrítum, invocáta, vitæ restituit; aliaque præstitit, ut rite iis Clemens quartus probátis, sanctórum número eam adscripserit, ejúsque festum in Polónia, ubi præcipua veneratióne uti Patróna cólitur, die décima quinta Octóbris celebrári concésserit; quod deínde ut décima séptima in tota Ecclesia fieret, Innocéntius undécimus ampliávit.

R. Fallax grátia. 116*.

IN III. NOCTURNO

Homil. in Evang. Símile est regnum. **de eodem Comuni 1º loco.** 116*.

Vesperæ de sequenti, sine Commemoratione præcedentis.

DIE XVIII

S. LUCÆ EVANGELISTÆ

Duplex 2. classis.

Omnia de Comm. Apost.

2*, præter seq.

Oratio.

INTERVÉNIAT pro nobis, quæsumus Dómine, sanctus tuus Lucas Evangelista: qui crucis mortificationem júgiter in suo corpore, pro tui nóminis honóre portávit. Per Dóminum.

IN I. NOCTURNO

Lect. Et factum est. **de Comm. Evang.** 20*.

IN II. NOCTURNO

Ex libro sancti Hierónymi Presbýteri de Scriptóribus Ecclesiásticis.

Lectio iv.

LUCAS médicus Antiochén-sis, ut ejus scripta indicant, græci sermónis non ignárus, fuit sectátor Apóstoli Páuli, et omnis peregrinationis ejus comes. Scripsit Evangélium, de quo idem Páulus: Mísimus, inquit, cum illo fratrem, cujus laus est in Evangélio per omnes ecclésiās. Et ad Colossénses: Salútat vos Lucas, médicus caríssimus. Et ad Timótheum: Lucas est mecum solus. Aliud quoque édedit volúmen egrégium, quod titulo, Acta Apostolórum, prænotátur: cujus história usque ad biénnum Romæ commorántis Páuli

pérvénit, id est, usque ad quartum Nerónis annum. Ex quo intelligimus in eádem urbe librum esse compósitum.

R. Vidi conjúctos viros, habéntes spléndidas vestes, et Angelus Dómini locútus est ad me, dicens: * Isti sunt viri sancti facti amici Dei. **V.** Vidi Angelum Dei fortem, volántem per médiū cælum, voce magna clamántem et dicéntem. Isti.

Lectio v.

IGITUR periodos Páuli et Theclæ, et totam baptizáti Leónis fábulam, inter apócrifas scriptúras computámus. Quale enim est, ut individuus comes Apóstoli, inter cæteras ejus res, hoc solum ignoráverit? Sed et Tertulliánus, vicinus eórum téporum, refert presbýterum quemdam in Asia amatórem Apóstoli Páuli, convictum a Joánnē, quod áuctor esset libri, et conféssum se hoc Páuli amóre fecisse, et ob id loco excidisse. Quidam suspicántur, quotiescúmque in epístolis suis Páulus dicit, Juxta Evangélum meum, de Lucæ significáre volúmine.

R. Beáti estis, cum maledixerint vobis hómines, et persecúti vos fúerint, et dixerint omne malum advérsus vos, mentientes, propter me: * Gaudéte et exultáte, quóniam merces vestra copiósa est in cælis. **V.** Cum

vos óderint hómines, et cum separáverint vos, et exprobráverint, et ejécerint nomen vestrum tamquam malum propter Filium hóminis. Gaudéte.

Lectio vj.

LUCAM áutem non solum ab Apóstolo Páulo didicisse Evangélium, qui cum Dómino in carne non fúerat, sed a cæteris Apóstolis : quod ipse quoque in principio sui volúminis declárat, dicens : Sicut tradiderunt nobis, qui a principio ipsi vidérunt, et ministri fuérunt sermónis. Igitur Evangélium, sicut audierat, scripsit : Acta vero Apostolorum, sicut viderat ipse, compósuit. Vixit octogínta et quátuor annos, uxórem non habens : sepúltus est Constantinópoli, ad quam urbem vigésimo Constantini anno ossa ejus cum reliquiis Andréæ Apóstoli transláta sunt de Acháia.

ñ. Isti sunt. 11*.

IN III. NOCTURNO

Homil. in Evang. Designávit Dóminus. **de Comm. Evangelist.** 22*.

In II. Vesp. fit Commem. seq.

DIE XIX
S. PETRI DE ALCANTARA
CONFESSORIS
Duplex.

Omnia de Communi Conf.
non Pont. 76*, præter seq.
(m. t. v.)

Ant. Similábo eum viro sapiénti, qui ædificávit domum suam supra petram.

V. Amávit eum Dóminus, et ornávit eum. **ñ.** Stolum glóriæ induit eum.

Oratio.

DEUS, qui beátum Petrum Confessórem tuum admirábilis pœniténtiæ et altíssimæ contemplatiónis múnere illustráre dignátus es : da nobis, quæsumus ; ut ejus suffragántibus méritis, carne mortificáti, facilius cæléstia capiámus. Per Dñm.

IN I. NOCTURNO

Lect. de Script. occur.

IN II. NOCTURNO

Lectio iv.

PETRUS, Alcántaræ in Hispânia nobilibus paréntibus natus, a téneris annis futúre sanctitátis indicia præbuit. Décimo sexto ætátis anno órdenem Minórum ingressus, se ómnium virtútum exémpplar exhibuit. Tum munus concionatóris ex obediéntia exércens, innúmeros a vítiis ad veram pœniténtiam tradúxit. Primævum sancti Francisci institútum exactíssime reparáre cúpiens, ope divína fretus, et apostólica múnitus auctoritaté, angustíssimum et paupérrimum cœnóbium juxta Pedrósum fundávit : quod vitæ genus aspérrimum, ibi feliciter cœptum, per diversas Hispániæ provincias, usque ad Indias mirífice propagátum fuit. Sanctæ Teré-

siae, cujus probáverat spiritum, in promovenda Carmelitárum reformatiōe adiutor fuit. Ipsa áutem a Deo edocta, quod Petri nómine nihil quisquam péteret, quin prótinus exaudirétur, ejus précibus se commendáre, et ipsum adhuc vivéntem Sanctum appelláre consuévit.

R. Honéstum fecit illum Dóminus, et custodivit eum ab inimícis, et a seductóribus tutávit illum: * Et dedit illi claritátem aetérnam. **V.** Justum dedúxit Dóminus per vias rectas, et osténdit illi regnum Dei. Et.

Lectio v.

PRÍNCIPUM obséquia, qui ipsum velut oráculum consulébant, summa humilitáte declinans, Cárolo quinto imperatóri a confessiōibus esse recusávit. Paupertátis rigidissimus custos, una túnica, qua nulla detérior esset, conténtus erat. Puritátem ita cóluit, ut a fratre, in extrémō morbo sibi inserviēte, nec léviter quidem tangi passus sit. Corpus suum perpétuis vigiliis, jejúniis, flagéllis, frígore, nuditáte, atque omni génere asperitátum in servitútem redégit, cum quo pactum iníerat, ne ullam in hoc sáculo ei réquiem præbéret. Cáritas Dei et próximi in ejus corde diffúsa tantum quandóque excitábat incéndium, ut e cellæ angústiis in apértum campum prosilire, aërisque

refrigério concéptum ardórem temperáre cogerétur.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. **V.** Induit eum Dóminus lorícam fidei, et ornávit eum. Et.

Lectio vj.

GRÁTIA contemplatiōnis admirábilis in eo fuit, quacum assidue spiritus reficerétur, intérdum accidit, ut ab omni cibo et potu plúribus diébus abstinúerit. In áëra frequénter sublátus, miro fulgóre coruscáre visus est. Rápidos flúvios sicco pede trajécit. Fratres in extrémā penúria, cælitus deláta alimónia cibávit. Báculus ab ipso terræ defixus, mox in viridem ficúlneam excrevit. Cum noctu iter ágeret, densa nive cadénte, dirutam domum sine tecto ingressus est, eique nix in áëre péndula pro tecto fuit, ne illius cópia suffocarétur. Dono prophetiæ ac discretiōnis spirituum imbútum fuisse sancta Terésia testátur. Dénique annum agens sexagésimum tértium, hora qua prædixerat, migrávit ad Dóminum, mirábili visiōe, sanctorúmque præsentia confortátus. Quem eódem mométo in cælum ferri beáta Terésia procul distans vidit; cui póstea appárens dixit : O felix pœniténtia, quæ tantam mihi promérui

glóriam! Post mortem vero plúrimis miráculis cláruit, et a Cleménte nono sanctórum número adscriptus est.

¶ Iste homo. 83*.

IN III. NOCTURNO

Homil. in Evang. Nolite timére. **de eodem Comuni 2º loco.** 90*.

Vesp. a Capit. de seq. cum Commem. præced.

DIE XX

S. JOANNIS CANTII CONF.

Duplex.

Omnia de Comm. Conf. non Pont. 76*, **præter seq.**

IN I. VESPERIS

Hymnus.

GENTIS Polónæ glória,
Clerique splendor nóbilis,

Decus Lycæi, et pátriæ
Pater, Joánnes ínclýte,

Legem supérni Núminis
Doces magíster, et facis.

Nil scire prodest : sédulo
Legem nitámur éxsequi.

Apostolórum limina

Pedes viátor visitas;

Ad pátriám, ad quam téndimus,

Gressus viámque dirige.

Urbem petis Jerúsalem :

Signáta sacro sáanguine

Christi colis vestigia,

Rigásque fúsis flétibus.

Acérba Christi vúlnera,

Hæréte nostris córdibus,

Ut cogitémus cónsequi

Redemptiónis prétium.

Te prona mundi máchina,

Clemens adóret Trínitas,

Et nos novi per grátiam
Novum canámus cánticum.
Amen.

¶ Amávit eum Dóminus,
et ornávit eum. ¶ Stólám
glóriæ índuit eum.

Ad Magnif. Ant. Similábo
eum viro sapiénti, qui ædi-
ficávit domum suam supra
petram.

Oratio.

DA, quæsumus omnipo-
tens Deus : ut, sancti
Joánnis Confessóris exémplo
in sciéntia sanctórum profi-
ciéntes, atque áliis miseri-
córdiam exhibéntes, ejus
méritis indulgéntiam apud
te consequámur. Per Dómi-
num nostrum.

**Deinde fit Commemoratio
præced.**

Ant. Hic vir despiciens
mundum et terréna, triúm-
phans, divítias cælo cón-
didit ore, manu.

¶ Justum dedúxit Dómi-
nus per vias rectas. ¶ Et
osténdit illi regnum Dei.

Oratio Deus, qui. 421.

AD MATUTINUM

Invit. Regem Confessórum
Dóminum, * Veníte, adoré-
mus.

Ps. Veníte, exsultémus. 2.

Hymnus.

CORPUS domas jejúniis,
Cædis cruénto vérbere,
Ut castra pœniténtium
Miles sequáris innocens.

Sequámur et nos sédulo
Gressus paréntis óptimi :
Sequámur, ut licéntiam
Carnis refrénet spíritus.

Rigente bruma pròvidum
Præbes amictum pàuperi,
Sitim famémque egéntium
Esca potúque sùblevas.

O qui negásti némini
Opem rogánti, pátrium
Regnum tuère, póstulant
Cives Polóni et éxteri.

Sit laus Patri, sit Filio,
Tibique sancte Spíritus :
Preces Joánnis impetrent
Beáta nobis gáudia. Amen.

IN I. NOCTURNO

Lect. de Script. occur.

IN II. NOCTURNO

Lectio iv.

JOÁNNES in óppido Kenty Cracoviénsis diocésis, a quo Cántii cognómen duxit, Stanisláo et Anna piis et honestis paréntibus natus, morum suavitate, innocentia, gravitate ab ipsa infántia spem fecit máximæ virtútis. In universitáte Cracoviénsi philosophiæ ac theologiæ primum auditor, tum per omnes academiæ gradus ascendéndo proféssor ac doctor, sacra, quam annis multis trádidit, doctrina mentes audiéntium non illustrábat modo, sed et ad omnem pietátem inflammábat, simul docens scilicet, et fáciens. Sacerdos factus, nihil de literarum stúdio remittens, stúdiúm áuxit christiánæ perfectionis. Utque passim offéndi Deum máxime dolébat, sic eum sibi et pópulo placáre obláto quotidie non sine multis lácrymis incruénto sacrificio satagébat. Il-

kusiensem paróchiam annis áliquot egrégie administrávit; sed animárum periculo commótus póstea dimisit, ac postulánte academiá ad pristinum docéndi officium rédiit.

R. Honéstum fecit illum Dóminus, et custodívit eum ab inimicis, et a seductóribus tutávit illum : • Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. Et dedit.

Lectio v.

QUIDQUID témporis ab stúdio supérerat, partim salúti proximórum, sacris præsértim conciónibus curándæ, partim oratióni dabat, in qua cæléstibus quandoque visiόνibus et collóquiis dignátus fertur. Christi vero passióne sic afficiebátur, ut in ea contemplánda totas intérdum noctes dúceret insómnes, ejúsque cáusa mélius recoléndæ Hierosólymam peregrinátus sit : ubi et martýrii desidério flammans, Turcis ipsis Christum crucifixum prædicáre non dubitávit. Quater étiam ad Apostolorum limina pedes, atque viária onústus sárcina Romam venit, tum ut Sedem apostólicam, cui máxime addictus fuit, honoráret, tum ut sui (sic enim aiébat) purgatórii pœnas expósita illic quotidie peccatórum vénia redimeret. Quo in itinere a latrónibus olim spoliátus, et

numquid haberet præterea interrogatus, cum negasset, aureos deinde aliquot suo insutos pallio recordatus, fugientibus hos etiam clamans obtulit latronibus: qui viri sancti candorem simul, et largitatem admirati, etiam ablatos ultro reddidere. Alienæ famæ ne quis detráheret, descriptis beáti Augustini exemplo, in pariete versiculis, se atque alios perpétuo voluit admónitos. Famélicos de suo etiam obsónio satiabat: nudos autem non emptis modo, sed detráctis quoque sibi véslibus et calceis operiebat, demisso ipse interim usque ad terram pallio, ne domum nudipes redire videretur.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum.

V. Induit eum Dóminus lorícam fidei, et ornávit eum. Et ad portas.

Lectio vj.

BREVIS illi somnus, atque humi; vestis, quæ nuditatem, cibis, qui mortem dumtaxat arceret. Virginálem pudicitiam, velut lílium inter spinas, áspero cilicio, flagéllis atque jejúniis custodivit. Quin et per annos ante óbitum triginta circiter et quinque ab esu cárniū perpétuo abstínuit. Tandem díerum juxta ac meritórum plenus, cum vicinæ, quam præsensit, morti se diu díligen-

térque præparáset, ne quare ámplius teneretur, si quid domi supérat, id omnino paupéribus distribuit. Tum Ecclésiæ sacraméntis rite munitus, dissólvi jam cúpiens, et esse cum Christo, pridie Nativitátis ejus, in cælum evolávit miráculis ante et post mortem clarus. Mórtuus ad próximam academiæ ecclésiám sanctæ Annæ delátus est, ibíque honorífice sepúltus. Auctaque in dies pópuli veneratióne ac frequentia inter primários Polóniæ ac Lithuániæ Patrónos religiosissime cólitur. Novisque corúscans miráculis, a Cleménte décimo tertio Pontífice Máximo décimo séptimo Kaléndas Augústi, anno millésimo septingentésimo sexagésimo séptimo, solémni ritu sanctórum fastis adscriptus est.

R. Iste homo. 83*.

IN III. NOCTURNO

Homil. in Evang. Sint lumbi. de eodem Comm. 1º loco. 85*.

Ad Laudes, Hymnus ut in I. Vesp. vel Te deprecánte córporum. si non habeat II. Vesp. integras.

IN II. VESPERIS

Hymnus.

TE deprecánte, córporum Lues recédit, improbi Morbí fugántur, pristína Rédeunt salútis múnera.

Phthisi, febríque, et úlcere

Diram redáctos ad necem,

Sacrátas morti víctimas,
Ejus rapis e fáucibus.

Te deprecánte, tímido
Merces abáctæ flúmine,
Tractæ Dei poténtia
Sursum fluunt retrógradæ.

Cum tanta possis, sédibus
Cæli locátus, póscimus :
Respónde votis súpplicum,
Et invocátus súbveni.

O una semper Trinitas,
O trina semper Unitas :
Da, supplicánte Cántio,
Ætérna nobis præmia. Amen.

Ÿ. Justum dedúxit Dóminus
per vias rectas. R̃. Et
osténdit illi regnum Dei.

Ad Magnif. Ant. Hic vir
despiciens mundum et ter-
réna, triúmphans, divitias
cælo cóndidit ore, manu.

Et fit Commem. seq. etc.
ut infra.

DIE XXI

S. HILARIONIS ABBATIS

Ad Vesp. Ant. Similábo
eum viro sapiénti, qui ædi-
ficávit domum suam supra
petram.

Ÿ. Amávit eum Dóminus,
et ornávit eum. R̃. Stola
glóriæ induit eum.

Oratio.

I NTERCÉSSIO nos, quæsu-
mus Dómine, beáti Hila-
rionis Abbátis comméndet :
ut quod nostris méritis non
valémus, ejus patrocínio as-
sequámur. Per Dóminum.

Et fit Commem. SS. Ur-
sulæ et Soc. Virg. et Mart.

In Vesp. et Laud. Ant.
Prudentes vírgines, aptáte

vestras lámpades : ecce spon-
sus venit, exíte óbviám ei.

Ÿ. Adducéntur Regi Vír-
gines post eam. R̃. Próximæ
ejus afferéntur tibi.

Oratio.

D A nobis, quæsumus Dó-
mine Deus noster : san-
ctárum Virginum et Máty-
rum tuárum Ursulæ et So-
ciárum ejus palmas inces-
sábili devotióne venerári ; ut
quas digna mente non pòs-
sumus celebráre, humilibus
saltem frequentémus obsé-
quiis. Per Dóminum.

Lectio ij.

H ILARION, ortus Tabáthæ
in Palæstina ex parénti-
bus infidélibus, Alexandríam
missus studiórum cáusa, ibi
morum et ingénii láude fló-
ruit : ac Jesu Christi suscé-
pta religióne, in fide et ca-
ritáte mirabiliter profécit.
Frequens enim erat in ecclé-
sia, assiduus in jejúnio et
oratióne : omnes voluptátum
illécebras et terrenárum re-
rum cupiditátes contemné-
bat. Cum áutem Antónii no-
men in Ægýpto celebérri-
mum esset, ejus vidéndi
stúdio in solitúdinem con-
téndit : apud quem duóbus
ménsibus omnem ejus vitæ
rationem didicit. Domum
revérsus, mórtuis parénti-
bus, facultátes suas paupéri-
bus dilargitus est : necdum
quintum decimum annum
egressus, rédiit in solitúdi-
nem, ubi, exstrúcta exigua
casa, quæ vix ipsum cápe-

ret, humi cubabat. Nec vero saccum, quo semel amictus est, umquam aut lavit, aut mutavit, cum supervacaneum esse diceret, munditias in cilicio quærere.

Lectio iij.

IN sanctarum litterarum lectione et meditatione multus erat. Pauca ficus et succum herbarum ad victum adhibebat; nec illis ante solis occasum vescebatur. Continentia et humilitate fuit incredibili. Quibus aliisque virtutibus varias horribilesque tentationes diaboli superavit, et innumerabiles demones in multis orbis terrae partibus ex hominum corporibus eiecit. Qui octogesimum annum agens, multis aedificatis monasteriis, et clarus miraculis, in morbum incidit: cujus vi cum extremo pene spiritu conflictaretur, dicebat: Egrederere, quid times? egrederere anima mea, quid dubitas? septuaginta prope annis servisti Christo, et mortem times? Quibus in verbis spiritum exhalavit.

Te Deum laudamus. 16.

Ad Laud. pro S. Hilarione.

Ant. Euge serve bone et fidelis, quia in pauca fuisti fidelis, supra multa te constituam, intra in gaudium Domini tui.

Ÿ. Justum deduxit Dominus per vias rectas. **R.** Et ostendit illi regnum Dei.

Pro SS. Ursula et Soc. ut supra in Vesp.

DIE XXV

SS. CHRYSANTHI ET DARIÆ

MARTYRUM

In Vesp. Ant. Istorum est enim regnum celorum, qui contempserunt vitam mundi, et pervenerunt ad premia regni, et laverunt stolas suas in sanguine Agni.

Ÿ. Lætamini in Domino, et exultate justi. **R.** Et gloriamini omnes recti corde.

Oratio.

BEATORUM Martyrum tuorum Domine Chrysanthi et Dariæ, quæsumus, adsit nobis oratio: ut, quos veneramur obsequio, eorum pium jûgiter experiâmur auxilium. Per Dominum.

Lectio ij.

CHRYSANTHUS et Daria conjuges, nobili genere nati, fide etiam clariôres, quam Daria, mariti opera, cum baptismo suscepêrat; Romæ innumerabilem hominum multitudinem, hæc mulierum, ille virorum, ad Christum convertêrunt. Quare Celerinus præfectus comprehensos tradidit Claudio tribuno: qui jussit a militibus Chrysanthum vinctum cruciatibus torqueri; sed vincula omnia resoluta sunt; mox compedes, in quos conjectus fuerat, confracti.

Lectio iij.

DEINDE bovis corio inclusum, in ardentissimo sole constituunt; tum pedibus ac manibus catena con-

strictis, in obscurum carcerem detrudunt : ubi solutis catenis, clarissima lux locum illustravit. Daria vero in lupanar compulsa, leonis tutela, dum in oratione defixa est, a contumelia divinitus defensa est. Denique in arenariam, quæ est via Salaria, uterque ductus, effossa terra, lapidibus obruti, parem martyrii coronam adepti sunt.

Te Deum laudamus. 16.

Ad Laud. Ant. Vestri capilli capitis omnes numerati sunt : nolite timere : multis passeribus meliores estis vos.

V. Exsultabunt sancti in gloria. **R.** Lætabuntur in cubilibus suis.

DIE XXVI
SANCTI EVARISTI
PAPÆ ET MART.

Ad Vesp. Ant. Iste sanctus pro lege Dei sui certavit usque ad mortem, et a verbis impiorum non timuit : fundatus enim erat supra firmam petram.

V. Gloria et honore coronasti eum Domine. **R.** Et constituisti eum super opera manuum tuarum.

Oratio.

INFIRMITATEM nostram respice omnipotens Deus : et quia pondus propriæ actionis gravat, beati Evaristi Martyris tui atque Pontificis intercessio gloriosa nos protegat. Per Dominum.

Lectio iij.

EVARISTUS Græcus ex Judæo patre, Trajano imperatore, pontificatum gessit. Qui ecclesiarum titulos urbis Romæ presbyteris divisit, et ordinavit, ut septem diaconi episcopum custodirent, dum evangelicæ prædicationis officio fungeretur. Idem constituit ex traditione apostolica, ut matrimonium publice celebretur, et sacerdotis benedictio adhibeatur. Præfuit Ecclesiæ annos novem, menses tres, presbyteris decem et septem, diaconis duobus, episcopis quindecim, quater mense Decembri ordinatis. Martyrio coronatus, prope sepulcrum Principis Apostolorum in Vaticano sepultus est, septimo Kalendas Novembris.

Te Deum laudamus. 16.

Ad Laud. Ant. Qui odit animam suam in hoc mundo, in vitam æternam custodit eam.

V. Justus ut palma florebit.

R. Sicut cedrus Libani multiplicabitur.

DIE XXVII
IN VIGILIA
SS. SIMONIS ET JUDÆ
APOSTOLORUM

Lectio sancti Evangelii secundum Joannem.

Lectio j. Cap. 15. c.

IN illo tempore : Dixit Jesus discipulis suis : Ego sum vitis vera : et Pater meus agricola est. Et reliqua.

Homilia sancti Augustini
Episcopi.

Tractatus 80. in Joannem.

ISTE locus evangélicus, fratres, ubi se dicit Dóminus vitem, et discipulos suos pálmities, secúndum hoc dicit, quod est caput Ecclésiæ, nosque membra ejus, mediátor Dei, et hóminum homo Christus Jesus. Unius quippe natúræ sunt vitis et pálmities. Propter quod cum esset Deus, cujus natúræ non sumus, factus est homo, ut in illo esset vitis humana nátura, cujus et nos hómines pálmities esse possémus.

de Feria occurrente.

Lectio ij.

QUID ergo est, Ego sum vitis vera? Numquid ut ádderet, vera, hoc ad eam vitem rétulit, unde ista similitúdo transláta est? Sic enim dicitur vitis per similitúdinem, non per proprietátem : quemádmódum dicitur ovis, agnus, leo, petra, lapis anguláris, et cætera hujúsmodi, quæ magis ipsa sunt vera, ex quibus ducúntur istæ similitúdines, non proprietátes. Sed cum dicit, Ego sum vitis vera : ab illa se útique discérnit, cui dicitur : Quómodo convérta es in amaritúdinem vitis aliéna? Nam quo pacto est vitis vera, quæ exspectáta est ut fáceret uvam, fecit áutem spinas?

Lectio iij.

EGO sum, inquit, vitis vera : et Pater meus agricola

est. Numquid unum sunt agricola et vitis? Secúndum hoc ergo vitis Christus, secúndum quod ait : Pater major me est. Secúndum áutem id, quod ait : Ego, et Pater unum sumus ; et ipse agricola est : nec talis, quales sunt, qui extrinsecus operádo éxhibent ministérium ; sed talis, ut det étiam intrínsecus increméntum. Nam neque qui plantat est áliquíd, neque qui rigat : sed, qui increméntum dat, Deus. Sed útique Deus est Christus, quia Deus erat Verbum : unde ipse, et Pater unum sunt : et, si Verbum caro factum est, quod non erat, manet quod erat.

**In Laud. dicuntur Preces
feriales flex genibus. 60.**

Oratio.

CONCÉDE, quæsumus omnipotens Deus : ut, sicut Apostolórum tuórum Simónis et Judæ gloriósa natalítia prævenimus ; sic ad tua benefícia prómerénda majestátem tuam pro nobis ipsi præveniant. Per Dóminum.

DIE XXVIII

SS. SIMONIS ET JUDÆ APOST.

Duplex 2. classis.

Omnia de Comm. Apost.

2*, præter seq.

Oratio.

DEUS, qui nos per beátos Apóstolos tuos Simónem et Judam ad agnitió-nem tui nóminis venire tri-

buisti : da nobis eórum glóriam sempitérnam et proficiéndo celebráre, et celebrándo proficere. Per Dñ.

IN I. NOCTURNO

Incipit Epístola cathólica
beáti Judæ Apóstoli.

Lectio j.

JUDAS Jesu Christi servus, frater áutem Jacóbi, his qui sunt in Deo Patre diléctis, et Christo Jesu conservátis, et vocátis. Misericórdia vobis, et pax, et caritas adimpleátur. Carissimi, omnem sollicitúdinem faciēns scribēdi vobis de commúni vestra salúte, necesse hábui scribere vobis : déprecans supercertári semel tráditæ sanctis fidei. Subintroiérunt enim quidam hómines (qui olim præscripti sunt in hoc iudicium) impii, Dei nostri grátiam transferētes in luxúriam, et solum Dominatórem et Dóminum nostrum Jesum Christum negántes.

℞. Ecce ego mitto vos sicut oves in médio lupórum, dicit Dóminus : * Estóte ergo prudentes sicut serpētes, et simplices sicut colúmbæ. V. Dum lucem habétis, créдите in lucem, ut filii lucis sitis. Estóte.

Lectio ij.

COMMONÉRE áutem vos volo, sciētes semel ómnia, quóniam Jesus pópulum de terra Ægýpti salvans, secúndo eos, qui non crediderunt, pēdidit : ángelos

vero, qui non servavérunt suum principátum, sed dereliquérunt suum domicílium, in iudiciū magni diéi, vinctulis ætérnis sub caligine reservávit. Sicut Sódoma, et Gomórrha, et finitimæ civitátes simili modo exornicatæ, et abeúntes post carnem álteram, factæ sunt exémpulum, ignis ætérni pœnam sustinētes. Similiter et hi carnem quidem máculant, dominationem áutem spernunt, majestátem áutem blasphemant.

℞. Tóllite jugum meum super vos, dicit Dóminus, et discite a me, quia mitis sum et húmilis corde : * Jugum enim meum suáve est, et onus meum leve. V. Et inveniétis réquiem animábus vestris. Jugum.

Lectio iij.

CUM Michaël Archángelus cum diabólo disputans altercarétur de Móysi corpore, non est áusus iudiciū inférre blasphemíæ : sed dixit : Imperet tibi Dóminus. Hi áutem quæcúmque quidem ignórant, blasphemant : quæcúmque áutem naturaliter, tamquam muta animália, norunt, in his corrumpúntur. Væ illis, quia in via Cain abiérunt, et erróre Bálaam mercéde effúsi sunt, et in contradiccióne Coreperiérunt. Hi sunt in épulis suis máculæ, convivántes sine timóre, semetipsos pascētes, nubes sine aqua, quæ a

ventis circumferúntur, árbores autumnáles, infructuósæ, bis mórtuæ, eradícatæ, fluctus feri maris, despumántes suas confusiónes, sídera errántia : quibus procélla tenebrárum serváta est in ætérnum.

R. Dum stetéritis. 8*.

IN II. NOCTURNO

Lectio iv.

SIMON Chananæus, qui et Zelótes, et Thaddæus, qui et Judas Jacóbi appellátur in Evangélio, unius ex cathólicis Epístolis scriptor, hic Mesopotámiam, ille Ægyptum evangélica prædicatione peragravit. Póstea in Pérsidem conveniéntes, cum innumerábiles filios Jesu Christo peperissent, fidémque in vastissimis illis regiónibus et efferátis géntibus disseminássent, doctrína et miráculis, ac dénique glorióso martýrio, simul sanctíssimum Jesu Christi nomen illustrárunť.

R. Vidi conjúntos viros, habéntes spléndidas vestes, et Angelus Dómini locútus est ad me, dicens : * Isti sunt viri sancti facti amíci Dei. **V.** Vidi Angelum Dei fortem, volántem per médium cælum, voce magna clamántem et dicéntem. Isti.

Sermo sancti Gregórii
Papæ.

Homil. 30. in Ev. post med.

Lectio v.

SCRIPtum est : Spíritus Dómini ornávit cælos. Or-

naménta enim cælórum sunt virtútes prædicántium. Quæ vidélicet ornáménta Páulus enúmerat, dicens : Alii datur per Spíritum sermo sapiéntiæ, álii sermo sciéntiæ secúndum eúmdem Spíritum, áliteri fides in eódem Spíritu, álii grátia sanitátum in uno Spíritu, álii operátio virtútum, álii prophetía, álii discrétio spírituum, álii génera linguárum, álii interpretátio sermónum. Hæc áutem ómnia operátur unus atque idem Spíritus, dívidens singulis prout vult.

R. Beáti estis, cum maledixerint vobis hómines, et persecúti vos fúerint, et dixerint omne malum advérsus vos, mentiéntes, propter me : * Gaudéte et exultáte, quóniam merces vestra copiósa est in cælis. **V.** Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. Gaudéte.

Lectio vj.

QUOT ergo sunt bona prædicántium, tot sunt ornáménta cælórum. Hinc rursus scriptum est : Verbo Dómini cæli firmáti sunt. Verbum enim Dómini Fílius est Patris. Sed eósdem cælos, vidélicet sanctos Apóstolos, ut tota simul sancta Trinitas ostendátur operáta, repénťe de sancti Spíritus divinitáte adjúngitur : Et

Spiritu oris ejus omnis virtus eorum. Cælorum ergo virtus de Spiritu sumpta est : quia mundi hujus potestatibus contraire non præsumerent, nisi eos sancti Spiritus fortitudo solidasset. Quales namque doctores sanctæ Ecclesiæ ante adventum hujus Spiritus fuerint, scimus; et post adventum illius, cujus fortitudinis facti sint, conspiciamus.

A. Isti sunt. 11*.

IN III. NOCTURNO

Lectio sancti Evangelii secundum Joannem.

Lectio vij. Cap. 15. c

IN illo tempore : Dixit Jesus discipulis suis : Hæc mando vobis, ut diligatis invicem. Si mundus vos odit : scitote quia me priorem vobis odio habuit. Et reliqua.

Homilia sancti Augustini
Episcopi.

Tractatus 87. in Joannem.

In lectione evangelica quæ hanc antecedit, dixerat Dominus : Non vos me elegistis : sed ego elegi vos, et posui vos, ut eatis, et fructum afferatis, et fructus vester maneat : ut quodcumque petieritis Patrem in nomine meo, det vobis. Hic autem dicit : Hæc mando vobis, ut diligatis invicem. Ac per hoc intelligere debemus hunc esse fructum nostrum, de quo ait : Ego vos elegi, ut eatis, et fructum afferatis, et fructus vester maneat. Et quod adjunxit,

Ut quodcumque petieritis Patrem in nomine meo, det vobis, tunc utique dabit nobis, si diligamus invicem : cum et hoc ipsum ipse dederit nobis, qui nos elegit non habentes fructum, quia non eum nos elegeramus, et posuit nos ut fructum afferamus, hoc est, invicem diligamus.

A. Isti sunt qui viventes in carne, plantaverunt Ecclesiam sanguine suo : Calicem Domini biberunt, et amici Dei facti sunt. **¶** In omnem terram exivit sonus eorum, et in fines orbis terræ verba eorum. Calicem.

Bened. Quorum festum colimus.

Lectio viij.

CARITAS ergo est fructus nostræ, quam definit Apostolus, de corde puro, et conscientia bona, et fide non ficta. Hac diligimus invicem, hac diligimus Deum : neque enim vera dilectione diligere-mus invicem, nisi diligentes Deum. Diligit enim unusquisque proximum suum tamquam seipsum, si diligit Deum : nam si non diligit Deum, non diligit seipsum. In his enim duobus præceptis caritatis, tota lex pendet et prophetæ. Hic est fructus noster. De fructu itaque nobis mandans, Hæc mando, inquit, vobis, ut diligatis invicem. Unde et Apostolus Paulus, cum contra opera carnis commendare fructum

spiritus vellet, a capite hoc posuit: Fructus, inquit, spiritus, caritas est: ac deinde cætera, tamquam ex isto capite exorta et religata contexit, quæ sunt, gaudium, pax, longanimitas, benignitas, bonitas, fides, mansuetudo, continentia, castitas.

¶ Isti sunt viri sancti, quos elegit Dominus in caritate non ficta, et dedit illis gloriam sempiternam: *Quorum doctrina fulget Ecclesia, ut sole luna. ¶ Sancti per fidem vicerunt regna: operati sunt iustitiam. Quorum. Gloria Patri. Quorum.

Lectio ix.

QUIS autem bene gaudet, qui bonum non diligit unde gaudet? Quis pacem veram, nisi cum illo potest habere, quem veraciter diligit? Quis est longanimis in bono opere perseveranter manendo, nisi ferveat diligendo? Quis est benignus, nisi diligit, cui opitulatur? Quis bonus, nisi diligendo efficiatur? Quis salubriter fidelis, nisi ea fide quæ per dilectionem operatur? Quis

utiliter mansuetus, cui non dilectio moderetur? Quis ab eo continet unde turpatur, nisi diligit unde honestatur? Merito itaque magister bonus dilectionem sic sæpe commendat, tamquam sola præcipienda sit, sine qua non possunt prodesse cætera bona, et quæ non potest haberi sine cæteris bonis, quibus homo efficitur bonus.

Te Deum laudamus. 16.

DIE XXXI

IN VIGILIA

OMNIUM SANCTORUM

Tres Lectiones leguntur de Homil. in Evang. Descendens Jesus. de Comm. plur. Mart. 2º loco. 53*, cum RR. de Feria occurrente.

In Laud. dicuntur Preces feriales flexis genibus. 60.

Oratio.

DOMINE Deus noster, multiplica super nos gratiam tuam: et quorum prævenimus gloriósa solémnia, tribue subsequi in sancta professione lætitiám. Per Dóminum.

Vesp. de seq. Festo.





FESTA NOVEMBRIS

Prima die non impedita, dicitur Officium Defunctorum.

DIE I

IN FESTO OMNIUM SANCTORUM

Duplex 1. classis.

IN I. VESPERIS

**Ant. de Laud. 444; Pss. ut
in I. Vesp. de Comm. Apost. 2*.
Capitulum. Apoc. 7.**

ECCE ego Joánnes vi-
di álterum Ange-
lum ascendéntem
ab ortu solis, ha-
béntem signum Dei vivi : et
clamávit voce magna quá-
tuor Angelis, quibus datum
est nocére terræ et mari,
dicens : Nolite nocére terræ
et mari, neque arbóribus,
quoadúsque signémus ser-
vos Dei nostri in fróntibus
eórum.

Hymnus.

PLACÁRE Christe sérvulis,
Quibus Patris cleméntiam
Tuæ ad tribúnal grátiae
Patróna Virgo póstulat.

Et vos beáta per novem
Distincta gyros ágmina,
Antiqua cum præsentibus,
Futúra damna péllite.

Apóstoli cum Vátibus,
Apud sevérum Júdicem,
Veris reórum flétibus
Expóscite indulgéntiam.

Vos purpuráti Mártyres,
Vos candidáti præmio
Confessiónis, éxsules
Vocáte nos in pátriam.

Choréa casta Virginum,
Et quos erémus incolas
Transmisit astris, cælitum
Locáte nos in sédibus.

Auférte gentem pérfidam
Credéntium de finibus,
Ut unus omnes únicum
Ovile nos pastor regat.

Deo Patri sit glória,
Natóque Patris único,
Sancto simul Paráclito,
In sempitérna sæcula.

Amen.

V. Lætámini in Dómino,
et exultáte justí. **R.** Et glo-
riámini omnes recti corde.

Ad Magnif. Ant. Angeli,
Archángeli, Throni et Do-
minatiónes, Principátus et
Potestátes, Virtútes cæló-
rum, Chérubim atque Séra-
phim, Patriárchæ et Pro-
phétæ, sancti legis Doctóres,
Apóstoli, omnes Christi Már-
tyres, sancti Confessóres,
Virgines Dómini, Anacho-

ritæ, Sanctique omnes intercedite pro nobis.

Oratio.

OMNÍPOTENS sempitérne Deus, qui nos ómnium Sanctorum tuorum mérita sub una tribuisti celebritáte venerári: quæsumus; ut desideratam nobis tuæ propitiatiónis abundantiam, multiplicátis intercessóribus largiáris. Per Dóminum.

AD MATUTINUM

Invit. Regem regum Dóminum veníte, adorémus: * Quia ipse est coróna Sanctorum ómnium.

Ps. Veníte, exsultémus. 2.

Hymn. Placáre. 434.

IN I. NOCTURNO

Ant. Novit Dóminus * viam justórum, qui in lege ejus meditantur die ac nocte.

Psalmus 1.

BEÁTUS vir, qui non ábiit in consílio impiórum, et in via peccatórum non stetit, * et in cáthedra pestiléntiæ non sedit.

Sed in lege Dómini voluntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo:

Et fólium ejus non defluet: * et ómnia quæcúmque fáciat, prosperabúntur.

Non sic impii, non sic: * sed tamquam pulvis, quem prójicit ventus a fácie terræ.

Ideo non resúrgent impii

in judicio: * neque peccatóres in concílio justórum.

Quóniam novit Dóminus viam justórum: * et iter impiórum peribit.

Ant. Novit Dóminus viam justórum, qui in lege ejus meditantur die ac nocte.

Ant. Mirificávit Dóminus * Sanctos suos, et exaudivit eos clamántes ad se.

Psalmus 4.

CUM invocárem exaudivit me Deus justitiæ meæ: * in tribulatióne dilatásti mihi.

Miserére mei, * et exáudi oratiómem meam.

Filii hóminum, úsquequo gravi corde? * ut quid diligitis vanitátem, et quæritis mendácium?

Et scitóte quóniam mirificávit Dóminus sanctum suum: * Dóminus exáudiet me, cum clamávero ad eum.

Irascimini, et nolite peccáre: * quæ dicitis in córdibus vestris, in cubilibus vestris compungimini.

Sacrificáte sacrificium justitiæ, et speráte in Dómino: * multi dicunt: Quis osténdit nobis bona?

Signátum est super nos lumen vultus tui Dómine: * dedísti lætítiam in corde meo.

A fructu fruménti, vini, et olei sui * multiplicáti sunt.

In pace in idípsum * dormiam, et requiescam;

Quóniam tu Dómine singulariter in spe * constituísti me.

Ant. Mirificávit Dóminus

Sanctos suos, et exaudivit eos clamantes ad se.

Ant. Admirabile est * nomen tuum Dómine : quia glória et honóre coronásti Sanctos tuos, et constituísti eos super ópera mánuum tuárum.

Psalmus 8.

DÓMINE Dóminus noster, * quam admirabile est nomen tuum in univérſa terra !

Quóniam eleváta est magnificéntia tua, * super cælos.

Ex ore infántium et lacténtium perfecísti láudem propter inimicos tuos, * ut déstruas inimicum et ultórem.

Quóniam vidébo cælos tuos, ópera digitorum tuórum : * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam visitas eum?

Minuísti eum páulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pédibus ejus, * oves et boves univérſas : insuper et pécora campi.

Vólucres cæli, et pisces maris, * qui perámbulant sémitas maris.

Dómine Dóminus noster, * quam admirabile est nomen tuum in univérſa terra !

Ant. Admirabile est nomen tuum Dómine : quia glória et honóre coronásti San-

ctos tuos, et constituísti eos super ópera mánuum tuárum.

V. Lætámini in Dómino, et exsultáte justi. **R.** Et gloriámini omnes recti corde.

Ex libro Apocalýpsis beáti Joánnis Apóstoli.

Lectio j. Cap. 4.

ET ecce sedes pósita erat in cælo, et supra sedem sedens. Et qui sedébat similis erat adspéctui lápidis jáspidis, et sárdinis : et iris erat in circúitu sedis similis visióni smarágdinæ. Et in circúitu sedis sedilia viginti quátuor : et super thronos viginti quátuor senióres sedéntes, circumamícti vestiméntis albis, et in capitibus eórum corónæ áureæ. Et de throno procedébant fúlgura, et voces, et tonítrua : et septem lámpades ardéntes ante thronum, qui sunt septem spíritus Dei. Et in conspéctu sedis tamquam mare vitreum simile crystállo : et in médio sedis, et in circúitu sedis, quátuor animália plena óculis ante et retro. Et ánimál primum símile leóni, et secúndum ánimál símile vítulo, et tértium ánimál habens fáciem quasi hóminis, et quartum ánimál símile áquilæ volánti. Et quátuor animália, singula eórum habébant alas senas : et in circúitu, et intus plena sunt óculis : et réquiem non habébant die ac nocte, dicéntia : Sanctus, Sanctus, Sanctus Dóminus

Deus omnipotens, qui erat, et qui est, et qui venturus est.

R. Vidi Dóminum sedentem super solum excelsum et elevatum : et plena erat omnis terra maiestate ejus :

* Et ea quæ sub ipso erant, replébant templum. **V.** Séraphim stabant super illud : sex alæ uni, et sex alæ alteri. Et ea.

Lectio ij. Cap. 5.

ET vidi in dextera sedentis supra thronum, librum scriptum intus et foris, signatum sigillis septem. Et vidi Angelum fortem, prædicantem voce magna : Quis est dignus aperire librum, et solvere signacula ejus? Et nemo poterat neque in cælo, neque in terra, neque sub terra, aperire librum, neque respicere illum. Et ego flebam multum, quoniam nemo dignus inventus est aperire librum, nec videre eum. Et unus de senioribus dixit mihi : Ne fléveris : ecce vicit leo de tribu Juda, radix David, aperire librum, et solvere septem signacula ejus. Et vidi : et ecce in medio throni et quatuor animalium, et in medio seniorum, Agnum stantem, tamquam occisum, habentem cornua septem et oculos septem : qui sunt septem spiritus Dei, missi in omnem terram. Et venit : et accepit de dextera sedentis in throno librum. Et cum aperuisset

librum, quatuor animalia et viginti quatuor seniores ceciderunt coram Agno, habentes singuli citharas, et phialas aureas plenas odorum, quæ sunt orationes sanctorum.

R. Beata es Virgo Maria, Dei Génitrix, quæ credidisti Dómino : perfecta sunt in te quæ dicta sunt tibi : ecce exaltata es super choros Angelorum : * Intercède pro nobis ad Dóminum Deum nostrum. **V.** Ave Maria, gratia plena, Dóminus tecum. Intercède.

Lectio iij.

ET cantabant canticum novum, dicentes : Dignus es Dómine accipere librum, et aperire signacula ejus : quoniam occisus es, et redemisti nos Deo in sanguine tuo ex omni tribu, et lingua, et populo, et natione : et fecisti nos Deo nostro regnum, et sacerdotes : et regnabimus super terram. Et vidi, et audivi vocem Angelorum multorum in circuitu throni, et animalium, et seniorum : et erat numerus eorum millia millium, dicentium voce magna : Dignus est Agnus qui occisus est, accipere virtutem, et divinitatem, et sapientiam, et fortitudinem, et honorem, et gloriam, et benedictionem. Et omnem creaturam quæ in cælo est, et super terram, et sub terra, et quæ sunt in mari, et quæ in eo : omnes audivi dicen-

tes : Sedénti in throno, et Agno : benedictio, et honor, et glória, et potéstas in sæcula sæculórum. Et quátuor animália dicébant : Amen. Et viginti quátuor senióres cecidérunt in fácies suas : et adoravérunt vivéntem in sæcula sæculórum.

R. In conspéctu Angelórum psallam tibi : * Et adorábo ad templum sanctum tuum, et confitébor nómini tuo Dómine. **V.** Super misericórdia tua et veritáte tua, quóniam magnificásti super nos nomen sanctum tuum. Et. Glória Patri. Et.

IN II. NOCTURNO

Ant. Dómine, * qui operáti sunt justitiam, habitábunt in tabernáculo tuo, et requiescent in monte sancto tuo.

Psalmus 14.

DÓMINE quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justitiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * timéntes áutem Dóminum glorificat :

Qui jurat próximo suo, et non decipit, * qui pecúniám

suam non dedit ad usúram, et múnera super innocentem non accépit.

Qui facit hæc, * non móvêbitur in ætérnum.

Ant. Dómine, qui operáti sunt justitiam, habitábunt in tabernáculo tuo, et requiescent in monte sancto tuo.

Ant. Hæc est generatio * quæréntium Dóminum, quæréntium faciém Dei Jacob.

Psalmus 23.

DÓMINI est terra, et plénitúdo ejus : * orbis terrárum, et univérsi qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accipiet benedictiónem a Dómino : * et misericórdiam a Deo salutári suo.

Hæc est generatio quæréntium eum, * quæréntium faciém Dei Jacob.

Attóllite portas príncipes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas príncipes vestras, et elevámini portæ æternáles : * et introíbit Rex glóriæ.

Quis est iste Rex glóriæ? *
Dóminus virtútum ipse est
Rex glóriæ.

Ant. Hæc est generatio
quærentium Dóminum, quæ-
rentium faciẽm Dei Jacob.

Ant. Lætâmini in Dómi-
no, * et exsultate justi, et
gloriâmini omnes recti cor-
de.

Psalmus 31.

BEÁTI, quorum remissæ
sunt iniquitates: * et quo-
rum tecta sunt peccata.

Beátus vir, cui non impu-
távit Dóminus peccátum, *
nec est in spíritu ejus dol-
lus.

Quóniam tãcui, invetera-
vêrunt ossa mea, * dum cla-
mârem tota die.

Quóniam die ac nocte
gravata est super me manus
tua: * convêrsus sum in
ærumna mea, dum configi-
tur spina.

Delictum meum cõgni-
tum tibi feci: * et injustitiam
meam non abscondi.

Dixi: Confitebor adver-
sum me injustitiam meam
Dómino: * et tu remisisti
impietatem peccati mei.

Pro hac orabit ad te omnis
sanctus * in tempore oppor-
tuno.

Verumtamen in dilúvio
aquarum multarum, * ad
eum non approximabunt.

Tu es refúgium meum a
tribulatione, quæ circũ-
dedit me: * exsultatio mea
erue me a circumdantibus
me.

Intellẽctum tibi dabo, et
instruam te in via hac qua
gradiêris: * firmabo super
te oculos meos.

Nolite fieri sicut equus et
mulus, * quibus non est in-
tellẽctus.

In camo et fræno maxil-
las eorum constringe, * qui
non appróximant ad te.

Multa flagella peccatõris: *
sperantem autem in Dómino
misericordia circũdabit.

Lætâmini in Dómino, et
exsultate justi: * et gloriâ-
mini omnes recti corde.

Ant. Lætâmini in Dómi-
no, et exsultate justi, et
gloriâmini omnes recti cor-
de.

Ÿ. Exsultent justi in con-
spẽctu Dei. **R̃.** Et delecten-
tur in lælitia.

Sermo venerabilis Bedæ
Presbýteri.

Sermo 18. de Sanctis.

Lectio iv.

HÓDIE, dilectissimi,
omnium Sanctorum sub
una solemnitatis lætitia ce-
lebramus festivitatem: quo-
rum societate cælum ex-
sultat, quorum patrociniis
terra lætatur, triúmphis Ec-
clésia sancta coronatur, quo-
rum confessio quanto in pas-
sione fortior, tanto est clá-
rior in honóre: quia, dum
crevit pugna, crevit et pu-
gnantium glória, et martýrii
triúmphus multiplici pas-
sionum genere adornatur:
perque gravióra torménta,
gravióra fuere et præmia:

dum cathólica mater Ecclesi-
sia, quæ per totum orbem
longe latèque diffûsa est, in
ipso cápite suo Christo Jesu
edócta est, contumélias,
cruces et mortem non timé-
re; magis magisque roborá-
ta, non resisténdo, sed per-
feréndo, univérsis, quos
ágmine inclyto carcer pœ-
nális inclúsit, pari et símili
calóre virtútis ad geréndum
certámen, glóriam trium-
phálem inspirávit.

R. Præcúrsor Dómini ve-
nit, de quo ipse testátur : *
Nullus major inter natos
mulierum Joánne Baptista.

V. Hic est prophéta, et plus
quam prophéta, de quo Sal-
vátor ait. Nullus.

Lectio v.

O VERE beáta mater Ecclé-
sia, quam sic honor di-
vinæ dignatiónis illúminat,
quam vincéntium gloriósus
Mártýrum sanguis exórnat,
quam inviolátæ confessiόνis
cándida induit virginitas!
Flóribus ejus nec rosæ nec
lilia desunt. Certent nunc,
carissimi, singuli, ut ad
utrósque honóres amplissi-
mam accípiant dignitátem,
corónas, vel de virginitáte
cándidas, vel de passióne
purpúreas. In cæléstibus ca-
stris pax et ácies habent flo-
res suos, quibus mílites Chri-
sti coronántur.

R. Isti sunt qui vivéntes
in carne, plantavérunt Ec-
clésiám sánguine suo : * Cá-
licem Dómini hibérunt, et

amíci Dei facti sunt. **V.** In
omnem terram exívit sonus
eórum, et in fines orbis ter-
ræ verba eórum. Cálicem.

Lectio vj.

D EI enim ineffábilis et im-
ménsa bónitas étiam hoc
providit, ut labórum qui-
dem tempus et agónis non
exténderet, nec longum fá-
ceret, aut ætérnum, sed bre-
ve, et ut ita dicam, mo-
mentáneum : ut in hac brevi
et exígua vita agónes essent
et labóres; in illa vero quæ
ætérna est, coronæ et præ-
mia meritórum : ut labóres
quidem cito finiréntur, me-
ritórum vero præmia sine
fine durárent : ut post hujus
mundi ténebras visúri es-
sent candidissimam lucem,
et acceptúri majórem pas-
siónum cunctárum acerbi-
tátibus beatitúdinem, testán-
te hoc idem Apóstolo, ubi
ait : Non sunt condignæ pas-
siónes hujus témporis ad su-
perventúram glóriam, quæ
revelábitur in nobis.

R. Sancti mei, qui in car-
ne pósti, certámen habui-
stis : * Mercédem labóris
ego reddam vobis. **V.** Veníte
benedicti Patris mei, perci-
pite regnum. Mercédem.
Glória Patri. Mercédem.

IN III. NOCTURNO

Ant. Timéte Dóminum *
omnes Sancti ejus, quóniam
nihil deest timéntibus eum :
ecce óculi Dómini super ju-
stos, et áures ejus ad pre-
ces eórum.

Psalmus 33.

BENEDÍCAM Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuétí, et læténtur.

Magnificáte Dóminum mecum : * et exaltémus nomen ejus in idípsum.

Exquisívi Dóminum, et exaudivit me : * et ex ómnibus tribulatióibus meis erípuít me.

Accédite ad eum, et illuminámini : * et fácies vestræ non confundéntur.

Iste páuper clamávit, et Dóminus exaudivit eum : * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : * et erípiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum omnes sancti ejus : * quóniam non est inópia timéntibus eum.

Dívites eguérunt et esuriérunt : * inquirentes áutem Dóminum non minuéntur omni bono.

Venite filii, audíte me : * timórem Dómini docébo vos.

Quis est homo qui vult vitam : * diligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bo-

num : * inquire pacem, et perséquare eam.

Oculi Dómini super justos : * et áures ejus in preces eórum.

Vultus áutem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : * et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : * et húmiles spíritu salvábit.

Multæ tribulatióes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum delinquent.

Rédimet Dóminus ánimas servórum suórum : * et non delinquent omnes qui sperant in eo.

Ant. Timéte Dóminum omnes Sancti ejus, quóniam nihil deest timéntibus eum : ecce óculi Dómini super justos, et áures ejus ad preces eórum.

Ant. Dómine * spes Sanctorum, et turris fortitúdinis eórum, dedisti hereditátem timéntibus nomen tuum, et habitábunt in tabernáculo tuo in sácula.

Psalmus 60.

EXÁUDI Deus deprecatió-nem meam : * inténde oratióni meæ.

A finibus terræ ad te clamavi : * dum anxietur cor meum, in petra exaltasti me.

Deduxisti me, quia factus es spes mea : * turris fortitudinis a facie inimici.

Inhabitabo in tabernaculo tuo in sæcula : * protegar in velamento alarum tuarum.

Quoniam tu Deus meus exaudisti orationem meam : * dedisti hereditatem timentibus nomen tuum.

Dies super dies regis adjicias : * annos ejus usque in diem generationis et generationis.

Permanet in æternum in conspectu Dei : * misericordiam et veritatem ejus quis requireret?

Sic psalmum dicam nomini tuo in sæculum sæculi : * ut reddam vota mea de die in diem.

Ant. Domine spes Sanctorum, et turris fortitudinis eorum, dedisti hereditatem timentibus nomen tuum, et habitabunt in tabernaculo tuo in sæcula.

Ant. Qui diligitis Dominum, * lætāmini in Domino, et confitemini memoriæ sanctitatis ejus.

Psalmus 96.

DOMINUS regnavit, exsultet terra : * lætentur insulæ multæ.

Nubes, et caligo in circuitu ejus : * justitia, et iudicium correctio sedis ejus.

Ignis ante ipsum præcedet, * et inflammabit in circuitu inimicos ejus.

Illuxerunt fulgura ejus orbi terræ : * vidit, et commota est terra.

Montes, sicut cera fluxerunt a facie Domini : * a facie Domini omnis terra.

Annuntiaverunt cæli justitiam ejus : * et viderunt omnes populi gloriam ejus.

Confundantur omnes, qui adorant sculptilia : * et qui gloriantur in simulacris suis.

Adorate eum omnes Angeli ejus : * audivit, et lætata est Sion.

Et exsultaverunt filiæ Judæ, * propter judicia tua Domine :

Quoniam tu Dominus Altissimus super omnem terram : * nimis exaltatus es super omnes deos.

Qui diligitis Dominum, odite malum : * custodit Dominus animas sanctorum suorum, de manu peccatoris liberabit eos.

Lux orta est justo, * et rectis corde lætitia.

Lætāmini justi in Domino : * et confitemini memoriæ sanctificationis ejus.

Ant. Qui diligitis Dominum, lætāmini in Domino, et confitemini memoriæ sanctitatis ejus.

V. Justi autem in perpetuum vivent. **R.** Et apud Dominum est merces eorum.

Léctio sancti Evangélíi secúndum Matthæum.

Lectio vij. Cap. 5.

In illo témpore : Videns Jesus turbas, ascéndit in montem, et cum sedísset, accessérunt ad eum discipuli ejus. Et réliqua.

Homilia sancti Augustini
Epíscopi.

Lib. 1. de Sermone Domini
in monte, sub initium.

Si quæritur quid significet mons, bene intelligitur significáre majóra præcépta justitiæ, quia minóra erant, quæ Judæis data sunt. Unus tamen Deus per sanctos prophétas et fámulos suos, secúndum ordinatissimam distributióem témporum, dedit minóra præcépta pópulo. quem adhuc timóre alligári oportébat : et per Filium suum majóra pópulo, quem caritate jam liberári convénierat. Cum áutem minóra minóribus, majóra majóribus dantur, ab eo dantur, qui solus novit congruentem suis tempóribus géneri humano exhibére medicinam.

¶. Sint lumbi vestri præcincti, et lucernæ ardéntes in mánibus vestris : * Et vos similes hominibus expectántibus dóminum suum, quando revertátur a núptiis. ¶. Vigilate ergo, quia nescitis qua hora Dóminus vester ventúrus sit. Et vos.

Bened. Quorum festum.

Lectio viij.

Nec mirum est, quod dantur præcépta majóra propter regnum cælórum, et minóra data sunt propter regnum terrénum, ab eódem uno Deo, qui fecit cælum et terram. De hac ergo justitia, quæ major est, per prophétam dicitur : Justitia tua sicut montes Dei : et hoc bene significat, quod ab uno magistro, solo docéndis tantis rebus idóneo, docétur in monte. Sedens áutem docet, quod pértinet ad dignitátem magistérii. Et accédunt ad eum discipuli ejus, ut audiéndis illius verbis hi essent étiam córpore vicinióres, qui præcéptis adimpléndis étiam ánimo propinquábant. Et apériens os suum docébat eos, dicens. Istá circumlocútió, qua scribitur, Et apériens os suum, fortáassis ipsa mora comméndat aliquánto longiorem futúrum esse sermónem. Nisi forte non vacet, quod nunc eum dictum est aperuisse os suum, quod ipse in lege véteri aperíre soléret ora prophetárum.

¶. Média nocte clamor factus est : * Ecce sponsus venit, exíte óbviám ei. ¶. Prudentes Vírgines aptáte vestras lámpades. Ecce. Glória Patri. Ecce.

Lectio ix.

Quid ergo dicit? Beáti pauperes spiritu : quóniam ipsórum est regnum cæló-

rum. Légimus scriptum de appetitióne rerum temporálium : Omnia vánitas, et præsumptio spíritus. Præsumptio áutem spíritus, audáciam et supérbiam significat. Vulgo étiam magnos spíritus supérbi habére dicúntur : et recte, quandóquidem spíritus étiam ventus vocátur. Unde scriptum est : Ignis, grando, nix, glácies, spíritus procellárum. Quis vero nésciat supérbos inflátos dici, tamquam vento disténtos? Unde est étiam illud Apóstoli : Sciéntia inflat, cáritas vero ædificat. Quaprópter recte hic intelligúntur páuperes spíritu, húmiles et timéntes Deum, id est, non habéntes inflánte spíritum.

Te Deum laudámus. 16.

AD LAUDES

ET PER HORAS

Ant. 1. Vidi turbam magnam, * quam dinumeráre nemo póterat, ex ómnibus géntibus, stantes ante thronum.

Ps. Dóminus regnávit. **cum reliq. 17.**

2. Et omnes Angeli * stabant in circúitu throni, et cecidérunt in conspéctu throni in fácies suas, et adoravérunt Deum.

3. Redemísti nos * Dómine Deus in ságuine tuo ex omni tribu, et lingua, et pópulo, et natióne, et fecisti nos Deo nostro regnum.

4. Benedícite Dóminum *

omnes elécti ejus : ágite dies lætitiæ, et confitémini illi.

5. Hymnus ómnibus Sanctis ejus : * filiis Israël, pópulo appropinquánti sibi : glória hæc est ómnibus Sanctis ejus.

Capitulum. Apoc. 7.

Ecce ego Joánnes vidi áliterum Angelum ascendéntem ab ortu solis, habéntem signum Dei vivi : et clamávit voce magna quátuor Angelis, quibus datum est nocére terræ et mari, dicens : Nolite nocére terræ et mari, neque arbóribus, quoadúsque signémus servos Dei nostri in fróntibus eórum.

Hymnus.

SALÚTIS æternæ dator,
Jesu, redémptis súbveni :

Virgo parens cleméntiæ
Dona salútem sérvulis.

Vos Angelórum millia,
Patrúmque cœtus, ágmina
Canóra Vatum : vos reis
Precámini indulgéntiam.

Baptísta Christi prævius,
Summique cæli Cláviger,
Cum cæteris Apóstolis
Nexus resólvant críminum.

Cohors triúmphans Mártyrum,
Almus Sacerdótum chorus,
Et virginális cástitas
Nostros reátus ábluant.

Quicúmque in alta siderum

Regnátis áula príncipes,
Favéte votis súpplicum,
Qui dona cæli flágitant.

Virtus, honor, laus, gló-
ria

Deo Patri cum Fílio,
Sancto simul Paráclito,
In sæculórum sæcula.

Amen.

ŷ. Exsultábunt sancti in
glória. **R.** Lætábúntur in
cubilibus suis.

Ad Bened. Ant. Te glo-
riósus * Apostolórum cho-
rus, te Prophetárum laudá-
bilis númerus, te Mártyrum
candidátus láudat exércitus,
te omnes Sancti et elécti
voce confiténtur unánimes,
beáta Trinitas, unus Deus.

Oratio.

OMNÍPOTENS sempitérne
Deus, qui nos ómnium
Sanctorum tuórum mérita
sub una tribuisti celebritáte
venerári : quæsumus ; ut de-
siderátam nobis tuæ propi-
tiationis abundántiam, mul-
tiplicátis intercessóribus lar-
giáris. Per Dóminum.

AD TERTIAM

Ant. Et omnes Angeli.

Capit. Ecce ego Joánnes.
ut supra.

R. br. Lætámini in Dó-
mino, * Et exsultáte justi.
Lætámini. **v.** Et gloriámini
omnes recti corde. Et. Gló-
ria Patri. Lætámini.

v. Exsúltent justi in con-
spéctu Dei. **R.** Et delectén-
tur in lætítia.

AD SEXTAM

Ant. Redemísti nos.

Capitulum. Apoc. 7. c

POST hæc vidi turbam ma-
gnam, quam dinumeráre

nemo póterat ex ómnibus
géntibus, et tribubus, et pó-
pulis, et linguis, stantes
ante thronum Dei, in con-
spéctu Agni, amicti stolis
albis, et palmæ in mánibus
eórum.

R. br. Exsúltent justi * In
conspéctu Dei. Exsúltent. **v.**
Et delecténtur in lætítia. In.
Glória Patri. Exsúltent.

v. Justi áutem in perpé-
tuum vivent. **R.** Et apud
Dóminum est merces eórum.

AD NONAM

Ant. Hymnus ómnibus
Sanctis ejus.

Capitulum. Apoc. 7. c

BENEDÍCTIO, et cláritas, et
sapiéntia, et gratiárum
actio, honor, virtus, et for-
titúdo Deo nostro, in sæcula
sæculórum. Amen.

R. br. Justi áutem * In per-
pétuum vivent. Justi. **v.** Et
apud Dóminum est merces
eórum. In. Glória Patri.
Justi.

v. Exsultábunt sancti in
glória. **R.** Lætábúntur in cu-
bilibus suis.

IN II. VESPERIS

Ant. et Capit. de Laud.
444 ; **Pss. ut in I. Vesp. de**
Comm. Apost. 2*, et loco
ult., Ps. Crédidi. 16*.

Hymnus ut in I. Vesp. 434.

v. Exsultábunt sancti in
glória. **R.** Lætábúntur in cu-
bilibus suis.

Ad Magnif. Ant. O quam
gloriósum * est regnum in
quo cum Christo gáudent
omnes Sancti, amicti stolis

albis sequuntur Agnum quocumque ierit.

Orat. Omnipotens. ut supra.

Dicto Benedicamus Domino. dicuntur Vesp. Defunct., incipiendo ab Ant. Placébo Domino. quæ integra dicitur ante et post Psalmum, similiter et aliæ Ant. ad modum Duplicis. Ps. Diléxi. et reliqua omnia ut in Vesp. Defunctorum, infra. 171*, excepto Ps. Láuda ánima. qui post Pater noster non dicitur : sed dic. tantum Orat. Fidélium. cum sua longiori conclusione et suis VV. et RR., ut ibidem notatur.

Si prima dies post Festum Omnium Sanctorum fuerit Dominica, fit Officium de ea, ut in Rubricis generalibus, et Officium Defunct. transfertur in seq. Fer. II., ita ut post Vesp. Dom. dic. Vesp. Defunct. : Matutinum vero post Laudes Fer. II., quæ erit tertia dies infra Octavam.

DIE II

II. DIE INFRA OCTAV.

OMNIUM SANCTORUM

IN I. NOCTURNO

Lect. de Script. occur.

IN II. NOCTURNO

De Sermóne venerábilis Be-
dæ Presbýteri.

Ex Sermone 18. de Sanctis.

Lectio iv.

QUAM laxo sinu de prælio revertentes civitas cælestis excipit, de hoste pro-

stráto trophæa feréntibus occurrít. Cum triumphántibus viris et féminæ véniunt, quæ cum sæculo sexum quoque vicérunt, et gemináta glória militiæ, vírgines cum púeris téneros annos virtútibus transeúntes : sed et cætera fidélium turba áulæ perpétuæ régiam intrábit, qui sinceritátem fidei inconcússis præceptórum cælestium disciplínis unita pace observavérunt.

RR. Præcursor Domini. 440.

Lectio v.

ERGO ágite nunc fratres, aggrediámur iter vitæ, revertámur ad civitátem cælestem, in qua scripti sumus, et cives decreti. Non sumus hóspites, sed cives Sanctorum et doméstici Dei, étiam illius herédes, coheredes áutem Christi. Hujus nobis urbis jánuas apériet fortitúdo, et fidúcia latum præbébit ingrèssum. Considerémus ergo inclytam urbis illius felicitátem, in quantum consideráre possibile est : ut enim vere est, comprehendere nullus sermo sufficiet.

RR. Isti sunt qui. 440.

Lectio vj.

DÍCITUR de ea in quodam loco sic, Quod aufúgiét ibi dolor, et tristitia, et gémitus. Quid hac vita beátius, ubi non est paupertátis metus, non ægritúdinis imbecillitas? Nemo lædétur, irascétur nemo, nemo invidet,

cupíditas nulla exardéscit : nullum ibi desidérium honoris pulsát, aut potestátis ambitio. Nullus ibi diáboli metus, insidiæ dæmonum nullæ, terror gehénnæ procul : mors neque córporis neque ánimæ erit, sed immortalitátis múnere vita jucúnda.

℞. Sancti mei. 440.

IN III. NOCTURNO

Léctio sancti Evangélii secúndum Matthæum.

Lectio vii. Cap. 5.

IN illo témpore : Videns Jesus turbas, ascéndit in montem, et cum sedisset, accessérunt ad eum discipuli ejus. Et réliqua.

De Homilia sancti Augustini Episcopi.

Ex lib. 1. de Serm. Domini in monte. Cap. 1. et 2.

NEC aliúnde omnino incipere opórtuit beatitúdinem, quam a paupertáte spíritus, síquidem pervéntúra est ad summam sapiéntiam. Initium áutem sapiéntiæ timor Dómini : quóniam et e contrário, Initium omnis peccáti supérbia scribitur. Supérbi áutem appetunt et diligunt regna terrárum. Beáti mites : quóniam ipsi hereditáte possidébunt terram : illam credo terram, de qua in Psalmo dicitur : Spes mea es tu, pórtio mea in terra vivéntium. Significat enim quamdam soliditatem et stabilitátem hereditátis perpétuæ, ubi ánima per

bonum afféctum, tamquam loco suo requiéscit, sicut corpus in terra : et inde cibo suo álitur, sicut corpus ex terra : ipsa est réquies et vita Sanctórum. Mites áutem sunt, qui cedunt improbitatibus, et non resistunt malo, sed vincunt in bono malum.

℞. Sint lumbi. 443.

Lectio viij.

BEÁTI lugéntes : quóniam ipsi consolabúntur. Luctus est tristitia de amissióne carórum : convérsi áutem ad Deum, ea, quæ in hoc mundo cara amplectebántur, amittunt. Non enim gáudent his rebus, quibus ante gaudébant : et donec fiat in illis amor æternórum, non-úlla mœstitia sauciántur. Consolabúntur ergo Spíritu sancto, qui máxime proptérea Paráclitus nominá-tur, id est, Consolátor : ut temporália amitténtes, æterna lætítia perfruántur.

℞. Média nocte. 443.

Lectio ix.

BEÁTI qui esúriunt et sitiunt justítiam : quóniam ipsi saturabúntur. Jam istos amatóres dicit veri et inconcússi boni. Illo ergo cibo saturabúntur, de quo ipse Dóminus dicit : Meus cibus est, ut fáciam voluntátem Patris mei, quod est justitia : et illa aqua, de qua quisquis biberit, ut idem dicit, fiet in eo fons aquæ salientis in vitam æternam. Beáti misericórdes : quóniam

ipsórum miserébitur Deus. Beátos esse dicit, qui subvéniant míseris : quod eis ita repénditur, ut de miséria liberéntur.

Te Deum laudámus. 16.

Post Laudes diei, dicto Benedicámus Dómino. absolute incipit Matutinum Defunctorum ab Invitat. cum Ps. Veníte. et tribus Nocturnis, in quibus duplicantur Ant. Dicitur R̃. ix. Libera me Dómine de morte ætérna.

Ad Laudes similiter duplicantur Ant., et in fine Laudum non dicitur Ps. De profundis : sed dicto Pater noster. dicuntur Preces et Oratio Fidélium. tantum, ut supra in Vesp.

DIE III

III. DIE INFRA OCTAV.

OMNIUM SANCTORUM

IN I. NOCTURNO

Lect. de Script. occur.

IN II. NOCTURNO

De Sermóne venerábilis Be-
dæ Presbýteri.

Ex Sermone 18. de Sanctis.

Lectio iv.

NULLA erit tunc usquam discórdia, sed cuncta cónsona, cuncta conveniéntia, quia ómnium erit Sanctórum una concórdia, pax cuncta et lætítia cóntinet. Tranquilla sunt ómnia et quiéta : jugis splendor, non iste qui nunc est, sed tanto clárior, quanto felícior : quia civitas, ut légitur, illa non egébit lúmine solis, sed Dó-

minus omnipotens illuminábit eam, et lucérna ejus est Agnus. Ibi Sancti fulgébunt ut stellæ in perpétuas æternitátes, et sicut splendor firmaménti, qui erúdiunt multos.

R̃. Præcúrsor Dómini. 440.

Lectio v.

QUAPRÓPTER nox ibi nulla, nullæ ténebræ, concúr-
sus núbium nullus, nec frí-
goris aut ardóris aspéritas
ulla : sed talis quædam erit
rerum tempéries, qualem
nec óculus vidit, nec áuris
audivit, nec in cor hóminis
ascéndit, nisi illórum qui ea
pérfrui digni inveniúntur,
quorum nómina scripta sunt
in libro vitæ, qui et lavé-
runt stolas suas in ságuine
Agni, et sunt ante sedem
Dei, serviúntque ei die ac
nocte. Non est senéctus ibi,
nec senectútis miséria, dum
omnes occúrrunt in virum
perféctum, in mensúram
ætátis plenitúdinis Christi.

R̃. Isti sunt qui. 440.

Lectio vj.

VERUM super hæc ómnia
est, consociári Angeló-
rum et Archangelórum cœ-
tibus : Thronis étiam et Do-
minatió nibus, Principátibus
et Potestátibus, omniúmque
cæléstium supernárum Vir-
tútum contubérniis pérfrui,
et intuéri ágmina Sanctórum
splendídius sidéribus micán-
tia, Patriarchárum fide ful-
géntia, Prophetárum spe
lætántia, Apostolórum in

duódecim tribubus Israël orbem judicántia, Mártyrum purpúreis victóriæ corónis lucéntia, Virginum quoque choros candéntia sarta gestántes inspicere.

℞. Sancti mei. 440.

IN III. NOCTURNO

Léctio sancti Evangélii secúndum Matthæum.

Lectio vij. Cap. 5.

IN illo témpore : Videns Jesus turbas, ascéndit in montem, et cum sedisset, accessérunt ad eum discipuli ejus. Et réliqua.

De Homilia sancti Augustini Episcopi.

Ex lib. 1. de Serm. Domini in monte. Cap. 2. et 3.

BEÁTI mundo corde : quóniam ipsi Deum vidébunt. Quam ergo stulti sunt, qui Deum istis exterióribus óculis quærunť, cum corde videátur, sicut álibi scriptum est : Et in simplicitáte cordis quærite illum. Hoc est enim mundum cor, quod est simplex cor : et quemádmundum lumen hoc vidéri non potest, nisi óculis mundis, ita nec Deus vidétur, nisi mundum sit illud quo vidéri potest. Beáti pacífici : quóniam ipsi filii Dei vocabúntur. In pace perféctio est, ubi nihil repúgnat : et ideo filii Dei pacífici, quóniam nihil in his resístit Deo, et útique filii similitúdinem patris habére debent.

℞. Sint lumbi. 443.

Lectio viij.

PACÍFICI áutem in semetipsis sunt, qui omnes ánimi sui motus componéntes et subjiciéntes ratióni, id est, menti et spiritui, carnalésque concupiscéntias habéntes edómitas, fiunt regnum Dei : in quo ita sunt ordináta ómnia, ut id quod est in hómine præcípuum et excéllens, hoc imperet cæteris non reluctántibus, quæ sunt nobis bestiisque comúnia ; atque idípsum quod excéllit in hómine, id est, mens et rátió, subjiciátur potióri, quod est ipsa Véritas, unigénitus Fílius Dei. Neque enim imperáre inferióribus potest, nisi superiori se ipse subjíciat. Et hæc est pax quæ datur in terra homínibus bonæ voluntátis : hæc vita consummáti perfectíque sapiéntis.

℞. Média nocte. 443.

Lectio ix.

DE hujúsmodi regno pacatissimo et ordinatissimo missus est foras princeps hujus sáculi, qui pervérsis inordinatisque dominátur. Hac pace intrinsecus constitúta atque firmáta, quascúmque persecutiónes ille qui foras missus est, forinsecus concitáverit, áuget glóriam quæ secúndum Deum est ; non áliquid in illo ædificio labefáctans, sed deficientibus máchinis suis innotéscere fáciens, quanta firmitas intus extrúcta sit.

Ideo séquitur : Beáti, qui persecutióne patiúntur propter justitiam : quóniam ipsórum est regnum cælórum.

Te Deum laudámus. 16.

Vesp. de seq. cum Commem. Oct. ac SS. Vitalis et Agricolæ Marf.

DIE IV

SANCTI CAROLI

EPISCOPI ET CONFESSORIS

Duplex.

Omnia de Communi Confessoris Pontificis. 55*, præter seq.

Oratio.

ECCLÉSIAM tuam Dómine sancti Cároli Confessoris tui atque Pontificis continua protectiõe custódi : ut sicut illum pastorális sollicitúdo gloriósum réddidit ; ita nos ejus intercessiõ in tuo semper fáciat amóre ferventes. Per Dóminum.

Et fit Commemoratio Octavæ.

Ant. O quam gloriósum est regnum in quo cum Christo gáudent omnes Sancti ! Amicti stolis albis , sequúntur Agnum quocúmque ierit.

Ÿ. Exsultábunt Sancti in glória. **R̃.** Lætabúntur in cubilibus suis.

Oratio.

OMNÍPOTENS sempitérne Deus, qui nos ómnium Sanctórum tuórum mérita sub una tribuisti celebritáte

venerári : quæsumus ; ut considerátam nobis tuæ propitiatiõis abundantiam, multiplicátis intercessóribus largiáris.

Postea SS. Martyrum Vitalis et Agricolæ.

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

Ÿ. Lætámini in Dómino, et exsultáte justí. **R̃.** Et gloriámini omnes recti corde.

Oratio.

PRÆSTA, quæsumus omnipotens Deus : ut, qui sanctórum Mártyrum tuórum Vitális et Agricolæ solémnia cólimus, eórum apud te intercessiõnibus adjuvémur. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

CÁROLUS, Medioláni nóbili Borromæórum familia natus, quanta futúrus esset sanctitáte conspicuus, divína lux super parientiis matris cubiculum noctu coruscans præsignávit. A pueritia clericáli militiæ adscriptus, abbatia postmodum insignitus, patrem admónuit, ne réditus in rem familiárem converteréntur : quorum ipse nactus administratiõnem, quidquid supererat, expendébat in páuperes. Adoléscens liberalibus

disciplinis Papiæ óperam dedit. Castitátem ádeo cóluit, ut impudicas étiam mulieres ad labefactándam ejus pudicitiam plúries immissas invicta constántia fugáverit. Vigésimum tértium ætátis annum agens, a Pio quarto ejus avúnculo in sacrum Cardinálium collégium cooptátus, insigni pietátis ac virtútum ómnium splendóre præluxit. Mox ab eódem Mediolanénsis archiepiscopus creátus, in eo plúrimam óperam adhíbuit, ut juxta sacrosánctum Tridentinum concílium, quod ejus potissimum sollicitúdine jam tum fúerat absolútum, ecclésiám sibi commissam compóneret; atque ut depravátos plebis suæ mores reformáret, præter iterátam sápius synodórum celebratióem, seípsum eximíæ sanctitátis præbuit exémpLAR. In profligándis hæréticis e pártibus Rhætórum et Helvetiórum, quorum plúrimos ad christiánam fidem convértit, máxime laborávit.

✠. Inveni David servum meum, óleo sancto meo unxi eum : * Manus enim mea auxiliábitur ei. ✠. Nihil proficiet inimicus in eo, et filius iniquitátis non nocébit ei. Manus enim.

Lectio v.

HUJUS viri caritas præcipue enítuit, cum, Urinó principátu vëndito, prætium univérsum ad quadra-

ginta aureórum millia, una die in páuperes erogávit. Nec minóre pietáte viginti millia, quæ sibi fúerant legáta, distribuit. Ecclesiásticos provéntus, quibus ab avúnculo copióse fúerat cumulátus, dimisit, nonnúlhis reténtis, quibus ad próprios usus et egenórum necessitátes utebátur. Quo témpore pestis Medioláni grassabátur, domésticam supelléctilem, ne relicto sibi léctulo, in eósdem aléndos cóntulit, super nuda in pósterum tábula decúmbens; eóque morbo laborántes sédulo invísens, patérno reficiébat afféctu, et Ecclesiæ sacraménta próprio ipse mánibus ministrans, mirum in modum solabátur : humillimis interim précibus reconciliátor accédens, pública supplicatióne indicta, fune sibi ad collum alligáto, nudis pédibus, étiam offendiculo cruentátis, crucem bájulans, semetípsum pro peccátis pópuli hóstiam ófferens, divínam indignatióem avértere satagébat. Ecclesiástica libertátis fuit acérrimus propugnátor. Disciplinæ vero restituéndæ sollicitus, a seditiósis, dum oratióni insisteret, torménti béllici laxáta rota ígneo glóbulo percússus, divína virtúte servátur illæsus.

✠. Pósui adjutórium super poténtem, et exaltávi eléctum de plebe mea : * Manus

enim mea auxiliábitur ei. **Ÿ.** Inveni David servum meum, óleo sancto meo unxi eum. Manus enim.

Lectio vj.

ABSTINÉNTIA fuit admirábili : jejunábat sæpissime, pane tantum et aqua, solis quandóque lupinis conténtus. Noctúrnis vigiliis, aspérriamo cilicio, assiduís flagéllis corpus domábat. Humilitátis ac mansuetúdinis studiosissimus fuit. Orationem ac verbi Dei prædicationem, gravíssimis licet curis occupátus, numquam intermisit. Multas ecclésiás, monastéria, collégia ædificávit. Plura scripsit, ad episcopórum præsertim instructionem utilíssima : cujus étiam ópera parochórum catechismus pródiit. Demum in solitúdinem Varálli montis, ubi sculptis imaginibus Dominicæ passiónis mystéria ad vivum repræsentántur, secéssit : ibique, diébus áliquot voluntária castigatióne ásperam, sed Christi dolórum meditatióne suávenem vitam ducens, in febrim incidit. Mediolánum reversus, ingravescente morbo, cinere ac cilicio coopértus, et óculis in crucifixi imáginem defíxis, migrávit in cælum, ætátis anno quadragésimo séptimo, Dómini vero millésimo quingentésimo octogésimo quarto, tértio Nonas Novémbris. Quem miráculis clarum Páulus quintus

Póntifex Máximus in sanctorum númerum rétulit.

R. Iste est qui ante. 62*.

IN III. NOCTURNO

Homil. in Evang. Homo pègre. **de eodem Comm.** 1^o loco. 64*.

Pro SS. Vitale et Agricola Martyribus.

Lectio ix.

VITÁLIS, et Agricola ejus dóminus, in persecutióne Diocletiáni et Maximiani Bonóniæ ob Jesu Christi prædicationem comprehénsi sunt : cumque Vitális, quo magis précibus et minis tentarétur ut senténtiam mutáret, eo magis se Christi cultórem ac servum profiterétur ; vário tormentórum génere cruciátus, constánter ómnia pérferens, in oratióne spíritum Deo réddidit. Agricola vero, cum ejus supplicium dilátum esset, si forte tormentis servi permótus, Christo vellet renuntiáre, ejus exémplo magis confirmátus est. Itaque cruci affíxus, Vitáli servo consors et sócius fuit nóbilis martyrii. Eórum córpora ad Judæórum sepúlcrá cum essent humáta, a sancto Ambrósio invénta, in sacrum celebrémque locum transláta sunt.

Te Deum laudámus. 16.

In Laud. fit Commem. Oct.

Ant. Te gloriósus Apostolórum chorus, te Prophetárum laudábilis númerus, te Mártyrum candidátus láudat exércitus, te omnes Sancti

et elécti voce confiténtur unánimes, beáta Trinitas, unus Deus.

V. Exsultábunt sancti in glória. **R.** Lætábúntur in cubilibus suis.

Orat. Omnipotens. 450.

Deinde SS. Martyrum.

Ant. Vestri capilli cápitis omnes numeráti sunt : nolite timére : multis passéribus meliôres estis vos.

V. Exsúltent justí in conspéctu Dei. **R.** Et delectén-tur in lætitia.

Orat. Præsta, quæsumus. 450.

In II. Vesp. fit Commem.

Oct. Ant. O quam. **V.** Exsultábunt. **et Orat.** Omnipotens. 450.

DIE V

V. DIE INFRA OCTAVAM

OMNIUM SANCTORUM

IN I. NOCTURNO

Lect. de Script. occur.

IN II. NOCTURNO

De Sermône venerábilis Be-dæ Presbýteri.

Ex Sermone 18. de Sanctis.

Lectio iv.

AD hanc igitur óperum salutárium deléctet nos pervenire palmam. Libénter ac prompte certémus, omnes in agóne justitiæ Deo et Christo spectánte currámus; et qui sæculo et mundo majóres esse jam cœpimus, cursum nostrum nulla sæculi cupiditate tardémus. Si expeditos, si céleres in óperis agóne curréntes dies nos

últimus invénerit, nusquam Dóminus méritis nostris dé-erit remunerátor.

R. Præcúrsor Dómini. 440.

Lectio v.

QUI corónam in persecutióne purpúream pro passióne donábit, ipse in pace vincéntibus pro justitiæ méritis dabit et cándidam. Nam nec Abraham, nec Isaac, nec Jacob occisi sunt; et tamen fidei et justitiæ méritis honoráti inter patriárchas primi esse meruérunt : ad quorum congregátur convivium quisquis fidélis, et justus, et laudábilis invenitur. Mémorese debémus, voluntátem non nostram, sed Dei fácere debére ; quia qui fécerit ejus voluntátem, manet in ætérnum, quo modo et ille manet in ætérnum.

R. Isti sunt. 440.

Lectio vj.

QUAPRÓPTER, caríssimi, mente integra, fide firma, virtúte robústa, caritate perfécta, paráti ad omnem voluntátem Dei simus, conservántes fórtiter Domínica mandáta, in simplicitate innocéntiam, in caritate concórdiam, modéstiam in humilitate, diligéntiam in administratióne, vigilántiam in adjuvándis laborántibus, misericórdiam in fovéndis paupéribus, in defendénda veritate constántiam, in disciplinæ severitate censúram, ne áliquíd ad exem-

plum bonórum factórum desit in nobis. Hæc sunt enim vestigia quæ nobis Sancti quique reverténtes in pátriam reliquérent, ut illórum sémitis inhæréntes, sequerémur et gáudia.

℞. Sancti mei. 440.

IN III. NOCTURNO

Léctio sancti Evangélíi secúndum Matthæum.

Lectio vii. Cap. 5.

IN illo témpore : Videns Jesus turbas, ascéndit in montem, et cum sedisset, accessérunt ad eum discipuli ejus. Et réliqua.

De Homilia sancti Augustíni Episcopi.

Ex lib. 1. de Sermone Domini in monte. Cap. 3. et 4.

ITAQUE in hoc tértio gradu, in quo sciéntia est, lugétur amíssio summi boni, quia inhærétur extrémis. In quarto áutem gradu labor est : ubi veheménter incúmbitur, ut sese ánimus avéllat ab eis quibus pestífera dulcédine innexus est. Hic ergo esuritur et sititur justítia, et multum necessária est fortitúdo : quia non relínquitur sine dolóre, quod cum delectatióne retinéatur. Quinto áutem gradu perseverántibus in labóre datur evadéndi consílium : quia, nisi quisque adjuvétur a superióre, nullo modo sibi est idóneus, ut sese tantis miseriárum implicaméntis expédíat. Est áutem justum consílium, ut qui se a potentióri adjuvári

vult, ádjuvet et infirmiórem, in quo est ipse poténtior. Itaque, Beáti misericórdes : quia ipsórum miserébitur Deus.

℞. Sint lumbi. 443.

Lectio viij.

SEXTO gradu est cordis mundítia de bona consciéntia bonórum óperum, valens ad contemplándum summum illud bonum, quod solo puro et seréno intelléctu cerni potest. Postrémo est séptima ipsa sapiéntia, id est, contemplátio veritátis, pacíficans totum hóminem, et suscípiens similitúdinem Dei, quæ ita conclúditur : Beáti pacífici : quóniam ipsi filii Dei vocabúntur. Octáva tamquam ad caput redit, quia consummátum perfectúmque osténdit et probat. Itaque in prima et in octáva nominátum est regnum cælórum : Beáti páuperes spíritu : quóniam ipsórum est regnum cælórum ; et, Beáti qui persecutiónem patiúntur propter justítiam : quóniam ipsórum est regnum cælórum.

℞. Média nocte. 443.

Lectio ix.

CUM jam dicitur : Quis nos separábit a caritaté Christi? Tribulátio, an angústia, an persecútio, an fames, an núditas, an perículum, an gládus? Septem sunt ergo, quæ perficiunt : nam octáva clarícat, et quod perfectum est, demónstrat, ut per hos gradus perficiántur et cæ-

teri, tamquam a cápite rursum exórdiens. Vidétur ergo mihi étiam septifórmis opératio Spíritus sancti, de qua Isaías lóquitur, his grádibus sentiis que congruere. Sed interés órdis : nam ibi enumerátio ab excellentióribus cœpit, hic vero ab inferioribus. Ibi namque incipit a sapiéntia Dei, et désinit ad timórem Dei : sed inítium sapiéntiæ timor Dómini est. Te Deum laudámus. 16.

DIE VI

VI. DIE INFRA OCTAVAM

OMNIUM SANCTORUM

IN I. NOCTURNO

Lect. de Script. occur.

IN II. NOCTURNO

Sermo sancti Bernárdi
Abbátis.

Serm. 2. de Festo Omnium
Sanctorum.

Lectio iv.

QUIA Sanctórum ómnium festívam hódie, dilectissimi, omnique digníssimam devotióne memóriam celebrámus, óperæ prétium puto, de commúni eórum felicitáte, in qua beáta jam réquie perfruúntur, et futúra quam præstolántur consummatione, adjuvánte Spíritu sancto, sermónem fácere caritati vestræ. Fidélis quippe sermo, et omni acceptione dignus : ut quos solémni veneratióne proséquimur, étiam simili conversatióne sequámur : quos beatíssimos prædicámus, ad eórum bea-

titudinem tota aviditáte curámus : quorum delectámur præcóniis, sublevémur eórum patrociniis.

℞. Præcúrsor. 440.

Lectio v.

Serm. 5. de eodem Festo,
circa medium.

Ad quid ergo Sanctis laus nostra? ad quid glorificatió nostra? ad quid nostra hæc ipsa solémnitas? Quo eis terrénos honóres, quos juxta verácem Filii promissionem honorificat Pater cæléstis? Quo eis præcónia nostra? Pleni sunt. Prorsus ita est, dilectissimi : bonórum nostrórum Sancti non egent, nec quidquam eis nostra devotióne præstátur. Plane, quod eórum memóriam venerámur, nostra interés, non ipsórum. Vultis scire quantum interés nostra? Ego in me (fáteor) ex hac recordatióne sentio desidérium véhemens inflam-mári, et desidérium triplex.

℞. Isti sunt. 440.

Lectio vj.

VULGO dicitur : Quod non videt óculus, cor non dolet. Oculus meus, memória mea : et cogitare de Sanctis, quodámmodo eos vidére est. Sic nempe pórtio nostra in terra vivéntium; nec módica sane pórtio, si tamen, ut decet, memóriam afféctio comitétur : sic, inquam, conversatió nostra in cælis est. Verúmtamen non sic nostra, sicut illórum.

Ipsórum enim substántia ibi est, nostra áutem desidéria : ipsi per præsentiam, nos per memóriam ibi sumus.

R. Sancti mei. 440.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 5.

IN illo témpore : Videns Jesus turbas, ascéndit in montem, et cum sedisset, accessérunt ad eum discipuli ejus. Et réliqua.

De Homília sancti Augustini Episcopi.

Ex lib. 1. de Serm. Domini in monte. Cap. 4.

QUAPRÓPTER, si gradátim tamquam ascendéntes numerémus, primus ibi est timor Dei, secúnda pietas, tértia sciéntia, quarta fortitúdo, quintum consílium, sextus intelléctus, séptima sapiéntia. Timor Dei cóngruit humilibus, de quibus hic dicitur : Beáti páuperes spíritu : quóniam ipsórum est regnum cælórum; id est, non infláti, non supérbi, de quibus Apóstolus dicit : Noli altum sápere, sed time; id est, noli extólli. Pietas cóngruit mítibus. Qui enim pie quærit, honórat sanctam Scriptúram, et non reprehéndit quod nondum intélligit, et proptérea non resistit; quod est mitem esse. Unde hic dicitur : Beáti mites : quóniam ipsi hereditáte possidébunt terram.

R. Sint lumbi. 443.

Lectio viij.

SCIÉNTIA cóngruit lugéntibus, qui jam cognovérunt in Scriptúris, quibus malis vincti teneántur, quæ tamquam bona et utilia ignorántes appetiérunt; de quibus hic dicitur : Beáti qui lugent nunc. Fortitúdo cóngruit esuriéntibus et sitiéntibus : labórant enim desiderántes gáudium de veris bonis, et amórem a terrénis et corporálibus avértere cupiéntes; de quibus hic dicitur : Beáti qui esúriunt et sitiunt justitiam. Consílium cóngruit misericórdibus : hoc enim unum remédiu[m] est de tantis malis evadéndi, ut dimittámus, sicut nobis dimítti vólumus : et adjuvémus, in quo póssumus, álios, sicut et nos, in quo non póssumus, cúpimus adjuvári; de quibus hic dicitur : Beáti misericórdes : quóniam ipsórum miserébitur Deus.

R. Média nocte. 443.

Lectio ix.

INTELLÉCTUS cóngruit mundis corde, tamquam purgáto óculo, quo cerni possit, quod corpóreus óculus non vidit, nec áuris audívit, nec in cor hómínis ascéndit; de quibus hic dicitur : Beáti mundo corde : quóniam ipsi Deum vidébunt. Sapiéntia cóngruit pacíficis, in quibus jam ordináta sunt ómnia, nullúsque motus advérsus ratióne[m] rebéllis est, sed cuncta obtémperant spíritui

hóminis, cum et ipse obtémperet Deo; de quibus hic dicitur: Beáti pacífici. Unum autem præmium, quod est regnum cælórum, pro his grá-dibus várie nominátum est.

Te Deum laudámus. 16.

DIE VII

VII. DIE INFRA OCTAVAM

OMNIUM SANCTORUM

IN I. NOCTURNO

Lect. de Script. occur.

IN II. NOCTURNO

Sermo sancti Joánnis

Chrysóstomi.

Sermo de Mart.; quod aut imitandi sunt, aut non laudandi. Tom. 3.

Lectio iv.

QUI Sanctórum mérita religiósa caritáte mirátur, quique justórum glórias frequénti láude collóquitur, eórum mores sanctos atque justítiam imitétur: quóniam quem deléctat Sancti alicújus méritum, delectáre debet par circa cultum Dei obséquium. Quare aut imitári debet, si láudat: aut laudáre non debet, si imitári detréctat: ut qui álium láudat, laudábilem se reddat: et qui Sanctórum mérita admirátur, mirábilis ipse vitæ sanctitáte reddátur. Nam si proptérea justos fidelésque diligimus, quod in ipsis justítiam fidémque suspici-mus, póssumus nos quoque esse quod sunt, si faciámus ipsi quod faciunt.

R. Præcúrsor. 440.

Lectio v.

NEQVE enim difficile nobis est, quod ab ipsis géritur, imitári, cum sine præcedénti exémplo ab antíquis tália gesta conspíci-mus: ut non ipsi aliórum æmuli redderéntur, sed æmulándæ virtútis seípsos nobis præbérent exémpulum: ut dum nos ex ipsis, et ex nobis álii proficiunt, sic Christus in suis semper servis in Ecclesia sancta laudétur. Unde ab origine mundi innocens Abel occíditur, Enoch Deo placens transfértur, justus Noë invenitur, Abraham fidelis probátur, Móyses mansuétus dignóscitur, Jesus castus, David lenis, Elías ac-céptus, Dániel sanctus, tres púeri victóres reddúntur.

R. Isti sunt. 440.

Lectio vj.

APÓSTOLI discípuli Christi, credéntium magistri habéntur: e quibus eruditi Confessóres fortissimi pugnant, Mártyres perfécti triúmphánt, et christiáni semper exércitus diábolum Deo armáti debéllant. In istis semper pares virtútes, dissímiles pugnæ, gloriósæ victóriæ. Unde tu Christiáne delicátus es miles, si putas te posse sine pugna vincere, sine certámine triúmpháre. Exsere vires, fórtiter dímica, atróciter in prælio isto concérta. Considera pactum, conditiónem attén-de, militiam nosce: pactum quod

spopondisti; conditionem qua accessisti; militiam cui nomen dedisti.

℞. Sancti mei. 440.

IN III. NOCTURNO

Lectio sancti Evangelii secundum Matthæum.

Lectio vij. Cap. 5.

IN illo tempore: Videns Jesus turbas, ascendit in montem, et cum sedisset, accesserunt ad eum discipuli ejus. Et reliqua.

De Homilia sancti Augustini Episcopi.

Ex lib. 1. de Serm. Domini in monte. Cap. 4.

IN primo gradu, sicut oportebat, positum est regnum cælorum, quod est perfectæ summæque sapientiæ animæ rationalis. Sic itaque dictum est: Beati pauperes spiritu: quoniam ipsorum est regnum cælorum; tamquam diceretur: Initium sapientiæ timor Domini. Mitibus hereditas data est, tamquam testamentum patris cum pietate querentibus. Beati mites: quoniam ipsi hereditate possidebunt terram. Lugentibus consolatio, tamquam scientibus quid amiserint, et quibus mersi sunt. Beati qui lugent nunc: quoniam ipsi consolabuntur. Esurientibus et sitiendentibus saturitas, tamquam refectio laborantibus fortiterque certantibus ad salutem. Beati qui esuriunt et sitiunt justitiam, quoniam ipsi saturabuntur.

℞. Sint lumbi. 443.

Lectio viij.

MISERICORDIBUS misericordia, tamquam vero et optimo consilio utentibus, ut hoc eis exhibeatur a potentiore, quod invalidioribus ipsi exhibent. Beati misericordes: quoniam ipsorum miseretur Deus. Mundis corde facultas est videndi Deum, tamquam purum oculum ad intelligenda æterna gerentibus. Beati mundo corde: quoniam ipsi Deum videbunt. Pacificis Dei similitudo est, tamquam perfecte sapientibus, formatisque ad imaginem Dei per regenerationem renovati hominis. Beati pacifici: quoniam ipsi filii Dei vocabuntur. Et ista quidem in hac vita possunt compleri, sicut completa esse in Apostolis credimus. Nam illa omnimoda et in angelicam formam mutatio, quæ post hanc vitam promittitur, nullis verbis exponi potest.

℞. Média nocte. 443.

Lectio ix.

BEATI ergo, qui persecutionem patiuntur propter justitiam: quoniam ipsorum est regnum cælorum. Hæc octáva sententia, quæ ad caput redit, perfectumque hominem declarat, significatur fortasse et circumcissione octáva die in veteri testamento; et Domini resurrectione post sabbatum, qui est utique octávus, idemque primus dies; et celebratione

octavárum feriárum, quas in regeneratióne novi hóminis celebrámus; et número ipso Pentecóstes: nam septenário número sépties multiplicáto, quo fiunt quadraginta novem, quasi octávus ádditur, ut quinquaginta compleántur. Et tamquam redeátur ad caput, quo die missus est Spíritus sanctus, eo in regnum cælórum dúcimur, et hereditátem accípimus, et consolámur, et páscimur, et misericórdiam conséquimur, et mundámur, et pacificámur. Atque ita perfecti omnes extrinsecus illátas moléstias pro veritáte et iustitia sustinémus.

Te Deum laudámus. 16.

AD VESPERAS

Duplex.

Omnia ut in I. Vesp. Festi.
434.

Et fit Commem. SS. Mart. Quatuor Coronatorum.

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

V. Exsultábunt sancti in glória. **R.** Lætábúntur in cubilibus suis.

Oratio.

PRÆSTA, quæsumus omnipotens Deus: ut, qui gloriósos Mártyres fortes in sua confessiône cognóvimus, pios apud te in nostra intercessiône sentiámus. Per Dóminum.

DIE VIII

IN OCTAVA

OMNIUM SANCTORUM

Duplex.

IN I. NOCTURNO

Lect. de Script. occur.

IN II. NOCTURNO

Ex libro sancti Cypriáni Episcopi et Mártyris de mortalitáte.

Lectio iv. In fine.

CONSIDERÁNDUM est, fratres dilectissimi, et idéntidem cogitándum, renuntiásse nos mundo, et tamquam hóspites et peregrínos hic interim dēgere. Amplectámur diem, qui assignat singulos domicilio suo, qui nos istinc eréptos, et láqueis sæculáribus exsolútos, paradiso restituit, et regno cælésti. Quis non péregre constitútus properáret in pátriam régredi? Quis non ad suos navigáre festinans, ventum próspere cupídius optáret, ut velóciter caros licéret amplécti?

R. Præcúrsor Dómini venit, de quo ipse testátur: * Nullus major inter natos mulierum Joánne Baptísta. **V.** Hic est Prophéta, et plus quam Prophéta, de quo Salvátor ait. Nullus.

Lectio v.

PÁTRIAM nostram paradísus computámus, párentes Patriárchas habére jam cēpimus: quid non properámus et cúrrimus, ut pátriam nostram vidére, ut

paréntes salutáre possimus? Magnus illic nos carórum númerus expéctat, paréntum, fratrum, filiórum frequens nos et copiósá turba desiderat, jam de sua immortalitáte secúra, et adhuc de nostra salute sollicita. Ad horum conspéctum et compléxum veníre, quanta et illis et nobis in commúne lætítia est! Qualis illic cæléstium regnórum volúptas sine timóre moriéndi, et cum æternitáte vivéndi! Quam summa et perpétua felicitas!

¶ Isti sunt qui vivéntes in carne, plantavérunt Ecclesiám ságuine suo: * Cálicem Dómini bibérunt, et amíci Dei facti sunt. ¶ In omnem terram exivit sonus eórum, et in fines orbis terræ verba eórum. Cálicem.

Lectio vj.

ILLIC Apostolórum gloriósus chorus, illic Prophetárum exsultántium númerus, illic Mártyrum innumerábilis pópulus, ob certáminis et passiónis victóriam coronátus. Triumphántes illic Virgines, quæ concupiscéntiam carnis et córporis continéntiæ róbre subegérunt. Remuneráti misericórdes, qui aliméntis et largitióibus páuperum justítiæ ópera fecérunt, qui Dominica præcépta servántes, ad cæléstes thesauros terréna patrimónia transtulérunt. Ad hos, fratres dilectíssimi, ávida cupiditáte properémus, et

cum his cito esse, ut cito ad Christum veníre contingat, optémus.

¶ Sancti mei. 440.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 5.

IN illo témpore: Videns Jesus turbas, ascéndit in montem, et cum sedísset, accessérunt ad eum discipuli ejus. Et réliqua.

De Homilia sancti Augustini Episcopi.

Ex lib. 1. de Serm. Domini in monte. Cap. 5.

BEÁTIÉritis, inquit, cum vobis maledicent, et persequéntur vos, et dicent omne malum advérsus vos mentiéntes, propter me: gaudéte et exsultáte, quóniam merces vestra multa est in cælis. Animadvértat quisquis delicias hujus sæculi, et facultátes rerum temporálium quærit in nómine christiáno, intrínsecus esse beatitúdinem nostram, sicut de ánima ecclesiástica ore prophético dicitur: Omnis glória ejus filiæ regis ab intus. Nam extrínsecus maledicta, et persecutiónes, et detractiões promittúntur: de quibustamen magna merces est in cælis, quæ sentitur in corde patiéntium, eórum qui jam possunt dicere: Gloriámur in tribulatióibus: sciéntes quod tribulatio patiéntiam operátur, patientia áutem probatió-

nem, probatio vero spem, spes autem non confundit : quia caritas Dei diffusa est in cordibus nostris per Spiritum sanctum, qui datus est nobis.

R. Sint lumbi vestri praecincti, et lucernae ardentes in manibus vestris : * Et vos similes hominibus expectantibus dominum suum, quando revertatur a nuptiis.

V. Vigilate ergo, quia nescitis qua hora Dominus vester venturus sit. Et vos.

Lectio viij.

NON enim ista perpeti fructuosum est, sed ista pro Christi nomine non solum aequo animo, sed etiam cum exultatione tolerare. Nam multi haeretici nomine christiano animas decipientes, multa talia patiuntur : sed ideo excluduntur ab ista mercede, quia non dictum est tantum : Beati qui persecutionem patiuntur ; sed additum est : Propter justitiam. Ubi autem sana fides non est, non potest esse justitia : quia justus ex fide vivit. Neque schismatici aliquid sibi ex ista mercede promittant : quia similiter, ubi caritas non est, non potest esse justitia. Dillectio enim proximi malum non operatur : quam si haberent, non dilaniarent corpus Christi, quod est Ecclesia.

R. Media nocte clamor factus est : * Ecce sponsus venit, exite obviam ei. **V.**

Prudentes Virgines aptate vestras lampades. Ecce sponsus. Gloria Patri. Ecce sponsus.

Pro SS. Mart. IV. Coronatis.

Lectio ix.

SEVERUS, Severianus, Carphorus et Victorinus fratres, in persecutione Diocletiani deorum cultum libere detestantes, plumbatis caesi, in verbis vitam pro Christi nomine profuderunt. Quorum corpora canibus obiecta, cum ab illis intacta diu fuissent, sublata a Christianis, via Lavicana, tertio ab Urbe lapide, in arenaria sepeliuntur prope sepulcrum sanctorum Martyrum Claudii, Nicostri, Symphoriani, Castorii et Simplicii, qui eodem imperatore passi erant : quod, cum essent summi sculptores, nullo modo adduci potuerant ut idolorum statuas facerent ; et ad Solis simulacrum ducti, ut illud venerarentur, numquam commissuros se dixerunt, ut adorarent opera manuum hominum. Quamobrem in carcerem conjecti, cum ibi multos dies in eodem proposito perstitissent, primum scorpionibus caesi, deinde vivi plumbeis loculis inclusi in flumen dejiciuntur. Exstat in Urbe ecclesia sub nomine sanctorum Quatuor Coronatorum, quorum diu ignota nomina, divinitus postea patefacta sunt : ubi

non solum illórum quátuor, sed étiam horum quinque Mártyrum córpora honorífice sepúlta sunt, et eórum festiuitas sexto Idus Novémbris celebrátur.

Te Deum laudámus. 16.

In Laud. fit Commem. SS. Martyrum.

Ant. Vestri capilli cápitis omnes numeráti sunt : nolite timére : multis passéribus meliôres estis vos.

Ÿ. Lætámini in Dómino, et exsultáte iusti. R̃. Et gloriámini omnes recti corde.

Oratio Præsta. 459.

Vesp. de seq., cum Commem. Oct. et S. Theodori Mart.

DIE IX

IN DEDICATIONE
ARCHIBASILICÆ SS. SALVATORIS

Duplex majus.

Omnia de Comm. Dedicationis Ecclesiæ. 120*, præter seq.

Et fit Commem. Omnium Sanctorum.

Ant. O quam gloriósum est regnum, in quo cum Christo gáudent omnes Sancti; amicti stolis albis sequúntur Agnum quocúmque ierit.

Ÿ. Exsultábunt sancti in glória. R̃. Lætábúntur in cubilibus suis.

Oratio.

OMNÍPOTENS sempitérne Deus, qui nos ómnium Sanctorum tuórum mérita sub una tribuísti celebritáte

venerári : quæsumus; ut desiderátam nobis tuæ propitiatiónis abundántiam, multiplicátis intercessóribus largiáris.

Deinde S. Theodori Mart.

Ant. Iste sanctus pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

Ÿ. Glória et honóre coronásti eum Dómine. R̃. Et constituisti eum super ópera mánuum tuárum.

Oratio.

DEUS, qui nos beáti Theodóri Mártyris tui confessióne gloriósa circúmdas et prótegis : præsta nobis ex ejus imitatione proficere, et oratióne fulciri. Per Dóminum.

IN I. NOCTURNO

De libro Apocalýpsis beáti Joánnis Apóstoli.

Lectio j. Cap. 21. c

ET venit unus de septem Angelis habéntibus phialas plenas septem plagis novíssimis, et locútus est mecum, dicens : Veni, et osténdam tibi sponsam, uxórem Agni. Et sústulit me in spíritu in montem magnum et altum, et osténdit mihi civitátem sanctam Jerúsalem descendéntem de cælo a Deo, habéntem claritátem Dei : et lumen ejus simile lápidi pretióso tamquam lápidi jáspidis, sicut crystal-lum.

℞. In dedicatióne templi decantábat pópulus láudem :

* Et in ore eórum dulcis resonábat sonus. √. Fundáta est domus Dómini supra vérticem móntium, et vénient ad eam omnes gentes. Et in ore.

Lectio ij.

ET habébat murum magnum, et altum, habéntem portas duódecim : et in portis Angelos duódecim, et nómina inscripta, quæ sunt nómina duódecim tribuum filiórum Israël. Ab Oriénte portæ tres : et ab Aquilóne portæ tres : et ab Austro portæ tres : et ab Occásu portæ tres. Et murus civitátis habens fundaménta duódecim, et in ipsis duódecim nómina duódecim Apostolorum Agni. Et qui loquebátur mecum, habébat mensúram arundineam áuream, ut metirétur civitátem, et portas ejus, et murum.

℞. Fundáta est domus Dómini supra vérticem mόνtium, et exaltáta est super omnes colles : * Et vénient ad eam omnes gentes, et dicent : Glória tibi Dómine. √. Veniéntes áutem vénient cum exsultatióne, portántes manípulos suos. Et vénient.

Lectio iij.

ET civitas in quadro pósita est, et longitúdo ejus tanta est quanta et latitúdo : et mensus est civitátem de arúndine áurea per stádia duódecim millia : et longi-

túdo, et altitúdo, et latitúdo ejus æquália sunt. Et mensus est murum ejus centum quadraginta quátuor cubitórum, mensúra hómínis, quæ est Angeli. Et erat structúra muri ejus ex lápide jáspide : ipsa vero civitas áurum mundum simile vitro mundo.

℞. Bénedic Dómine. 125*.

IN II. NOCTURNO

Lectio iv.

RITUS quos in consecrándis ecclésiis et altáribus Romána servat Ecclésia, beátus Silvéster Papa primus instituit. Nam etsi jam ab Apostolorum témpore loca fuérunt Deo dicáta, quæ a quibúsdam Oratória, ab áliis Ecclésiæ dicebántur, ubi colléctæ fiébant per unam sabbati, et christiánus pópulus oráre, Dei verbum audire, et Eucharístiam súmere sólitus erat : non tamen illa ádeo solémni ritu consecrabántur, nec in eis adhuc in titulum eréctum erat altáre, quod chrísmate delibútum, Dómini nostri Jesu Christi, qui altáre, hóstia et sacérdos noster est, figuram exprimeret.

℞. Orántibus in loco isto, * Dimitte peccáta pópuli tui, Deus, et osténde eis viam bonam, per quam ámbulent, et da glóriam in loco isto. √. Qui regis Israël, inténde, qui dedúcis velut ovem Joseph, qui sedes super Chérubim. Dimitte.

Lectio v. p. 391⁺

SED ubi Constantinus imperátor per baptismi sacraméntum sanitátem salutémque consecútus est, tum primum lege ab eo lata concéssum est toto orbe terrárum, Christiáni ut ecclésiás ædificárent : quos ille non solum edicto, sed étiam exémplo ad sacram ædificatióem est cohortátus. Nam et in suo Lateranénsi palátio ecclésiám Salvatóri dedicávit, et ei continéntem basilicam nómine sancti Joánnis Baptistæ cóndidit, eo loco quo ipse, baptizátus a sancto Silvέstro, a lepra mundátus est : quam idem Póntifex consecrávit quinto Idus Novémbris : cujus consecratióis memória celebrátur hodiérno die, quo primum Romæ públice ecclésiá consecráta est, et imágo Salvatóris in pariete depicta pópulo románo appáruit.

R. O quam metuéndus est locus iste : * Vere non est hic áliud, nisi domus Dei, et porta cæli. **V.** Hæc est domus Dómini firmiter ædificáta, bene fundáta est supra firmam petram. Vere.

Lectio vj. p. 391⁺

QUOD si beátus Silvέster póstea in consecratióne altáris Principis Apostolórum decrevit, ut deinceps nisi ex lápide altária non ædificaréntur, tamen basilicæ Lateranénsis altáre fuit e ligno eréctum : quod mi-

rum non est. Nam cum a sancto Petro usque ad Silvέstrum, propter persecutiónes, Pontífices certo loco consistere non possent : quocúmque eos necéssitas compulisset, sive in cryptas, sive in cœmetéria, sive in ædes piórum, super illo altári ligneo ad arcæ similitúdinem cóncavo, sacra faciébant. Quo altári sanctus Silvéster, réddita Ecclésiæ pace, honóris cáusa Principis Apostolórum, qui in illo sacrificásse dicitur, et reliquórum Pontificum, qui usque ad id tempus ad mystéria conficiénda eo usi fúerant, in Lateranénsi prima ecclésiá collocáto, sancívit ne quisquam in eo, præter Románum Pontificem, Missam deinceps celebráret. Eámdem ecclésiám incéndiis, vastatióibus, terræ insuper mótibus disjéctam eversámque, ac sédula Summórum Pontificum curá reparátam, nova póstmodum molitióne restitútam, Benedictus décimus tértius Póntifex Máximus órdinis Prædicatórum, die vigésima octáva Aprilis anni millésimi septingentésimi vigésimi sexti, ritu solémni consecrávit, ejúsque celebritátis memóriam hac die recoléndam státuit.

R. Mane surgens. 127*.

IN III. NOCTURNO

Homil. in Evang. Ingressus. de eodem Comm. 130*.

Pro S. Theodoro Mart.

Lectio ix.

THEODÓRUS, miles christiánus Maximiano imperatore, quod idolórum fanum incendisset, comprehensus, cum a præfeco legiónis pœna ei remitteretur, si pœnitens facti christiánam fidem exsecraretur, constanter in fidei confessione perseverans, missus est in cárcerem: ubi úngulis excarnificátus, dum costæ nudarentur, lætus canebat: Benedicam Dóminum in omni témpore. Quare in ardentem rogum injéctus, in oratione et divinis láudibus ánimam Christo reddidit, quinto Idus Novembris. Cujus corpus Eusébia matróna sindone involútum sepelivit in suo prædio.

Te Deum laudámus. 16.

In Laudibus fit Commem.
S. Theodori Mart.

Ant. Qui odit ánimam suam in hoc mundo, in vitam ætérnam custódit eam.

V. Justus ut palma florébit. **R.** Sicut cedrus Líbani multiplicábitur.

Orat. Deus, qui nos. 462.

In II. Vesp. Commem. seq.
ac SS. Mart. Tryphonis et Soc.

DIE X

S. ANDREÆ AVELLINI

CONFESSORIS

Duplex.

Omnia de Comm. Conf.
non Pont. 76*, præter seq.

Ant. Similábo eum viro sapiénti, qui ædificávit domum suam supra petram.

V. Amávit eum Dóminus, et ornávit eum. **R.** Stulam glóriæ induit eum.

Oratio.

DEUS, qui in corde beáti Andreæ Confessoris tui, per árduum quotidie in virtutibus proficiéndi votum, admirábiles ad te ascensionnes disposuisti: concéde nobis, ipsius méritis et intercessióne, ita ejúsdem grátiae participes fieri; ut perfectióra semper exsequéntes, ad glóriæ tuæ fastigium feliciter perducámur. Per Dóminum nostrum Jesum Christum.

Deinde SS. Tryphonis et Soc. Mart.

Ant. Istórum est enim regnum cælórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

V. Lætámini in Dómino, et exsultáte justi. **R.** Et gloriámini omnes recti corde.

Oratio.

FAC nos, quæsumus Dómine, sanctórum Mártyrum tuórum Tryphónis, Respíci et Nymphæ semper festa sectári: quorum suffrágiis protectiónis tuæ dona sentiámus. Per Dóminum nostrum.

IN I. NOCTURNO

Lect. de Script. occurrente.

IN II. NOCTURNO

Lectio iv.

ANDRÉAS Avellinus, dictus ántea Lancellóttus, apud Castrum Novum Lucániæ pagum natus, inter ipsa infántiæ primórdia, futúrae sanctitátis non obsúra præbuit indícia. Adolésceus ad litteras addiscéudas patérna e domo egréssus, lúbricam illius ætátis sémitam inter bonárum ártium stúdia ita perégit, ut sapiétiæ initium, quod est timor Dómini, ob óculos potissimum habére numquam prætermiserit. Cum egrégia proinde forma eximium castitátis stúdiu conjúnxit, quo impudicas sæpe mulierum insidias elúsit, intérdum étiam apértam vim propulsávit. Clericali militiæ jam pridem adscriptus, Neápolim se cóntulit, ut legálibus disciplinis vacáret, ibique jurisprudentiæ láuream adeptus, atque intérea ad sacerdotálem dignitatem evéctus, causárum patrocínia in forodumtaxat ecclesiástico, proque privátis quibúsdam personis, juxta sacrórum cánonum sanctiónes ágere cœpit. Verum cum aliquádo inter cáusam agéndam leve ei mendácium excidisset, mox vero fortúita sacrárum Scripturárum lectióne in illa verba incidisset : Os, quod mentitur, occidit ánimam; tanto ejus culpæ dolóre ac pœniténtia corréptus est, ut

statim ab ejúsmodi vitæ institúto sibi recedéndum esse dúxerit. Itaque, abdicátis forénsibus curis, se totum divíno cúltoi sacrisque ministériis mancipávit. Cumque ecclesiástica virtútis exemplis eminéret, sanctimoniáliu regimini a tunc existénte archiepiscopo Neapolitano præfécus fuit. Quo in múnere cum pravórum hóminu ódia subiisset, primo quidem intentátæ sibi necis periculum declinávit; mox vero per sicárium tribus in fácie accéptis vulneribus, injúriæ atrocitatem æquo ánimo pértulit. Tunc perfectióri vitæ desiderio flagrans, ut inter Cléricos Reguláres adscriberétur, suppliciter postulávit, votique compos factus, ob ingéntem, quo æstuábat, crucis amórem, ut sibi Andréæ nomen imponerétur, précibus impetrávit.

R. Honéstum fecit illum Dóminus, et custodívit eum ab inimicis, et a seductóribus tutávit illum : *Et dedit illi claritatem ætérnam. **V.** Justum dedúxit Dóminus per vias rectas, et osténdit illi regnum Dei. Et dedit illi.

Lectio v.

ARTIÓRIS itaque vitæ curriculum álacri stúdio ingréssus, in eas máxime virtútis exercitatiónes incúbuit, ad quas sese árduis étiam emissis votis obstrinxit, áltero scilicet suæ ipsíus volun-

táti júgiter obsisténdi, áltero vero in via cristiánæ perfectiónis semper ultérius progrediéndi. Reguláris disciplínæ cultor assiduus, et in ea promovénda, cum áliis præ-éssset, studiosíssimus fuit. Quidquid ab institúti sui officii et régulæ præscripto supérrerat témporis, oratióni et animárum salúti tribuébat. In confessiόνibus excipiéndis mira ejus píetas et prudéntia enítuit: vicos et óp-pida Neápoli finítima evangélicis ministériis magno cum animárum lucro frequens lustrábat. Quam ardéntem erga próximos sancti viri caritátem signis étiam Dóminus illustrávit. Cum enim intem-pésta nocte ab audita ægri confessiόνem domum redíret, ac plúviæ ventorúmque vis prælucéntem facem extin-xisset, non solum ipse cum sóciis inter effusíssimos im-bres nihil madefáctus est; verum étiam, inusitáto splendóre e suo córpore mirábiliter emicánte, sóciis inter densíssimas ténebras iter monstrávit. Abstinéntia et patiéntia, nec non abjectiόνem atque ódio sui summópere præstitit. Necem fratris filio illátam imperturbáto ánimo tulit, ac suos ab omni ulci-scéendi cupiditáte compé-scuit, imo étiam pro interfectóribus opem et misericórdiam júdicum implorávit.

A: Amávit eum Dóminus, et ornávit eum: stolam gló-

riæ induit eum, * Et ad portas paradísi coronávit eum. **V.** Induit eum Dóminus lorícám fidei, et ornávit eum. Et ad portas.

Lectio vj.

PLÚRIBUS in locis Clericó-rum Regulárium órđinem propagávit, eorúmque domicilia Medióláni et Placéntiæ instituit. Illíus óperam sanctus Cárolus Borromæus, et Páulus de Arétio Cléricus Reguláris, Cardináles, quibus erat acceptíssimus, in pastorális múnere curis adhibuérunt. Deíparam Virgí-nem singulári amóre et cultu prosequébatur. Angelórum collóquio pérfrui méruit, quos, cum divínas láudes persólveret, e regiόνem concinéntes se audisse testátus est. Dénique post heróica virtútum exémp-la, prophetiæ quoque dono illústris, quo et secréta córdium, et abséntia, et futúra prospé-xit, annis gravis, et labóribus fractus, ad aram celebráturus in verbis illis tértio repetítis: Introibo ad altáre Dei, repentino apopléxiæ morbo corréptus est; mox sacraméntis rite munitus, placidíssime inter suos ánimam efflávit. Ejus corpus Neápoli in ecclésia sancti Páuli ad hæc usque témpora eo frequentíssimo pópuli concúrso cólitur, quo fuit elátum. Illum dénique insi-gnibus in vita et post mortem miráculis clarum Clemens

undécimus Póntifex Máximus solémni ritu sanctórum catálogo adscripsit.

℟. Iste homo. 83*.

IN III. NOCTURNO

Homil. in Evang. Sint lumbi. de eodem Communi 1º loco. 85*.

Pro SS. Mart. Tryphone, Respicio et Nympha.

Lectio ix.

TRYPHON Décio imperatóre, cum Jesu Christi fidem prædicans, omnes ad ejus cultum perducere conarétur, a Décii satellitibus comprehensus, primum equúleo torquétur, et úngulis férreis excarnificátur : deinde sublimibus pèdibus candéntibus clavis confixus, fústibus cæditur, et admótiis fácibus ardéntibus adúritur. Quæ cum ómnia fórtiter feréntem vidisset Respicius tribúnus, ad Christi Dómini fidem convérsus, statim se Christiánum esse palam professus est. Qui várie cruciátus, una cum Tryphóne rápitur ad Jovis simulácrum : quæ státua Tryphóne oránte cóncidit. Quare plumbátis crudelissime contúsi, nobilissimum martýrium consecúti sunt quarto Idus Novémbris. Eódem die virgo quædam, cui nomen Nympha, cum Jesum Christum verum esse Deum clara voce testarétur, martýrii palmam ad virginitátis corónam adjúxit.

Te Deum laudámus. 16.

In Laudibus fit Commem. SS. Mart.

Ant. Vestri capilli cápitis omnes numeráti sunt : nolite timére : multis passéribus meliôres estis vos.

ŷ. Exsultábunt sancti in glória. ℟. Lætábúntur in cubilibus suis.

Orat. Fac nos, quæsumus. 465.

Vesp. a Capit. de seq., Commem. præced. et S. Mennæ Mart.

DIE XI

SANCTI MARTINI

EPISCOPI ET CONFESSORIS

Duplex.

IN I. VESPERIS

Si dicendæ sint integræ, Ant. erunt de Laudibus. 473; Pss. ut in I. Vesp. de Communi Apost. 2*.

Capit., Hymnus et ŷ. de Communi Conf. Pont. 55*.

Ad Magnif. Ant. O beátum virum, cujus ánima paradísus pössidet : unde exsúltant Angeli, lætántur Archángeli, chorus Sanctórum proclámat, turba Vírginum invitat, Mane nobíscum in ætérnum.

Orat. ut ad Laud. 473.

Et fit Commem. præcedentis.

Ant. Hic vir despiciens mundum et terréna, triúmphans, divítias cælo cóndidit ore, manu.

ŷ. Justum dedúxit Dóminus per vias rectas. ℟. Et osténdit illi regnum Dei.

Orat. Deus, qui in corde beáti Andréæ. 465.

Deinde S. Mennæ Mart.

Ant. Iste sanctus pro lege Dei sui certávit usque ad mortem, et a verbis impiórum non tímuit : fundátus enim erat supra firmam pe-
tram.

Ÿ. Glória et honóre coronásti eum Dómine. **R.** Et constituísti eum super ópera mánuum tuárum.

Oratio.

PRÆSTA, quæsumus omnipotens Deus : ut qui beáti Mennæ Mártiris tui natalitia cólimus, intercessióne ejus in tui nóminis amóre roborémur. Per Dóminum.

AD MATUTINUM

Invit. Laudémus Deum nostrum * In confessióne beáti Martini.

Ps. Veníte, exsultémus Dómino. 2.

Hymn. Iste Conféssor. ut in Communi. 55*.

IN I. NOCTURNO

Ant. Martínus adhuc catechúmenus hac me veste contéxit.

Pss. de Communi Conf. Pont. 56*.

Ant. Sanctæ Trinitátis fidem Martínus conféssus est, et baptismi grátiam percépit.

Ant. Ego signo crucis, non clýpeo protéctus, aut gálea, hóstium cúneos penetrábo secúrus.

Ÿ. Amávit eum Dóminus, et ornávit eum. **R.** Stolum glóriæ induit eum.

De Epístola prima beáti Páuli Apóstoli ad Timótheum.

Lectio j. Cap. 3.

FIDÉLIS sermo : Si quis episcopátum desiderat, bonum opus desiderat. Opórtet ergo episcopum irreprehensibilem esse, unius uxóris virum, sóbrium, prudéntem, ornátum, pudicum, hospitálem, doctórem, non vinoléntum, non percussórem, sed modéstum ; non litigiósum ; non cúpidum, sed suæ dómui bene præpósitum, filios habéntem súbditos cum omni castitáte. Si quis áutem dómui suæ præesse nescit, quómodo Ecclesiæ Dei diligéntiam habébit? Non neóphytum : ne in supérbiam elátus, in iudícium incidat diabóli. Opórtet áutem illum et testimónium habére bonum ab iis qui foris sunt, ut non in opprobrium incidat, et in láqueum diabóli.

R. Hic est Martinus eléctus Dei Póntifex, cui Dóminus post Apóstolos tantam grátiam conférre dignátus est, * Ut in virtúte Trinitátis Deificæ mererétur fieri trium mortuórum suscitátor magníficus. **Ÿ.** Sanctæ Trinitátis fidem Martínus conféssus est. Ut in virtúte.

De Epístola ad Titum.

Lectio ij. Cap. 1. b

OPÓRTET enim episcopum sine crimine esse, sicut Dei dispensatórem : non supérbum, non iracúndum,

non vinoléntum, non percussórem, non turpis lucrí cúpidum: sed hospitálem, benígnum, sóbrium, justum, sanctum, continéntem, amplecténtem eum, qui secúndum doctrínam est, fidélem sermónem: ut potens sit exhortári in doctrína sana, et eos, qui contradícunt, argúere. Sunt enim multi étiam inobediéntes, vaniloqui, et seductóres: máxime qui de circumcisióne sunt: quos opórtet redárgui: qui universas domos subvértunt, docéntes quæ non opórtet, turpis lucrí grátia.

℞. Dómine, si adhuc pópulo tuo sum necessárius, non recúso subire propter eos labórem: *Fiat volúntas tua. ̃. Oculis ac mánibus in cælum semper inténtus, invictum ab oratióne spiritum non relaxábat. Fiat.

Lectio iij. Cap. 2.

Tu áutem lóquere quæ decent sanam doctrínam: Senes ut sóbrii sint, pudici, prudentes, sani in fide, in dilectiόne, in patiéntia: Anus similiter in hábitu sancto, non criminatríces, non multo vino serviéntes, bene docéntes: ut prudentiam dóceant adolescéntulas, ut viros suos ament, filios suos diligant, prudentes, castas, sóbrias, domus curam habéntes, benígnas, súbditas viris suis, ut non blasphemétur verbum Dei. Júvenes similiter hortáre ut sóbrii

sint. In ómnibus teipsun, præbe exéplum bonórum óperum, in doctrína, in integritáte, in gravitáte, verbum sanum, irreprehensibile: ut is qui ex advérso est, vereátur, nihil habens malum dícere de nobis.

℞. O beátum virum Martinum Antistitem, * Qui nec mori tímuit, nec vivere recusávit! ̃. Dómine, si adhuc pópulo tuo sum necessárius, non recúso labórem: fiat volúntas tua. Qui. Glória Patri. Qui.

IN II. NOCTURNO

Ant. Confido in Dómino, quod filia mea précibus tuis reddénda sit sanitáti.

Pss. de Communi Conf. Pont. 59*.

Ant. Tetrádus cógnita Dei virtúte, ad baptísmi grátiam pervénit.

Ant. O ineffáblem virum, per quem nobis tanta miracula corúscant!

̃. Elégit eum Dóminus sacerdotem sibi. ℞. Ad sacrificándum ei hóstiam láudis.

Lectio iv.

MARTÍNUS, Sabáriæ in Panónia natus, cum decimum attigisset annum, invitis paréntibus ad Ecclésiám confúgiens, in catechumenórum númerum adscribi vóluit. Quíndecim annos natus in militiam proféctus, primum in Constántii, deínde Juliáni exércitu militávit. Qui cum nihil habéret præter arma, et vestiméntum quo

tegebátur, Ambíáni, páuperi ac nudo ab eo peténti, ut Christi nómine sibi eleemósynam tribúeret, partem chlámýdis dedit. Cui sequénti nocte Christus dimidiáta illa veste indútus apparuit, hanc mittens vocem : Martinus catechúmenus hac me veste contéxit.

℞. Oculis ac mánibus in cælum semper inténtus, * Invictum ab oratióne spíritum non relaxábat. ✠. Dumsacraménta offérret beátus Martinus, globus ígneus apparuit super caput ejus. Invictum.

Lectio v.

DECЕМ et octo annos cum habéret, baptizátus est. Quare relicta militári vita, ad Hilárium Pictaviénsem episcopum se cóntulit, a quo in acolythórum númerum redáctus est. Post factus episcopus Turonénsis monastérium ædificávit, ubi cum octoginta mónachis sanctissime aliquámdiu vixit. Qui cum póstea ad Candacénsem vicum suæ diocécis in gravem febrim incidisset, assidua Deum oratióne precabátur, ut se ex illo mortáli cárcere liberáret. Quem audiéntes discípuli, sic rogábant: Cur nos pater déservis? cui nos miseros derelinquis? Quorum voce commótus Martinus, ita Deum orábat : Dómine, si adhuc pópulo tuo sum necessárius, non recúso labórem.

℞. Beátus Martinus óbitum

suum longe ante præscívit, dixítque frátribus, * Dissolutiónem sui córporis immínere, quia judicábat se jam resólví. ✠. Viribus córporis cœpit repénite destítui, convocatisque discípulis dixit. Dissolutiónem.

Lectio vj.

SED cum eum in illa vehementi febre supinum orántem vidérent discípuli, suppliciter ab eo petiérunt, ut convérso córpore tantisper, dum remitteret morbi vis, pronus conquiesceret. Quibus Martinus, Sinite me, inquit, cælum pótius, quam terram adspicere, ut suo jam itinere itúrus ad Dóminum spíritus dirigátur. Instánte jam morte, viso humáni géneris hoste, Quid, inquit, adstas, cruénta béstia? nihil in me funéste repéries. Ea in voce, unum et octoginta annos natus, ánimam Deo réddidit : quam Angelórum chorus excépit, eósque divinas canéntes láudes multi, in primisque sanctus Severínus Coloniénsis episcopus, audiérunt.

℞. Dixérunt discípuli ad beátum Martinum : Cur nos pater déservis, aut cui nos desolátos relinquis? * Invádent enim gregem tuum lupi rapáces. ✠. Scimus quidem desideráre te Christum, sed salva sunt tibi tua præmia : nostri pótius miserére, quos déservis. Invádent. Glória Patri. Invádent.

IN III. NOCTURNO

Ant. Dóminus Jesus Christus non purpurátum, aut diadémate reniténtem se ventúrum esse prædixit.

Pss. ex III. Noct. de Comm. unius Mart. 31*.

Ant. Sacérdos Dei Martine, apérti sunt tibi cæli, et regnum Patris mei.

Ant. Sacérdos Dei Martine, pastor egrégie, ora pro nobis Deum.

Ÿ. Tu es sacérdos in ætérnum. **R.** Secúndum órđinem Melchisedech.

Léctio sancti Evangélĳi secúndum Lucam.

Lectio vij. Cap. 11. d

In illo témpore : Dixit Jesus discipulis suis : Nemo lucérnam accéndit, et in abscóndito ponit, neque sub módio : sed supra candelábrum, ut qui ingrediúntur, lumen videant. Et réliqua.

Homília sancti Ambrósĳi
Episcopi.

Lib. 7. Comment. in Luc. c. 11. post init.

QUIA in superiórĳbus Ecclésiám Synagógæ prætulit, hortátur nos, ut fidem pótius nostram ad Ecclésiám transferámus. Lucérna enim fides est, juxta quod scriptum est : Lucérna pédibus meis verbum tuum Dómine. Verbum enim Dei fides nostra est : verbum Dei lux est. Lucérna est fides. Erat lux vera quæ illúminat omnem hóminem veniéntem in hunc mundum. Lucérna áutem lu-

cére non potest, nisi aliúnde lumen accéperit.

R. O beátum virum, in cujus tránsitu Sanctórum canit númerus, Angelórum exsultat chorus, * Omniúmque cæléstium Virtútum occúrrit psalléntium exércitus!

Ÿ. Ecclésia virtúte roborátur, sacerdótes Dei revelatióne glorificántur, quem Michaél assúmpsit cum Angelis. Omniúmque cæléstium.

Lectio viij.

HÆC est lucérna quæ accénditur, virtus scilicet nostræ mentis et sensus, ut drachma illa possit, quæ perierat, reperiri. Nemo ergo fidem sub lege constituat. Lex enim intra mensúram est, ultra mensúram grátia : lex obúmbrat, grátia clarificat. Et ideo nemo fidem suam intra mensúram legis inclúdat, sed ad Ecclésiám cónferat, in qua septifórmis Spíritus relúcet grátia, quam princeps ille sacerdótum fulgóre supérnæ divinitátis illúminat, ne eam legis umbra restínguat. † Dénique lucérna illa, quam matutínis vespertínisque tempóribus ritu véteri Judæórum princeps sacerdótum solébat accéndere, velut sub módio sita legis evánuit; et civitas illa Jerúsalem, quæ in terris est, quæ occidit prophétas, quasi in conválle fletus pósita delitescit : illa áutem Jerúsalem, quæ in cælo est, in qua militat fides nostra,

in illo altissimo ómnium locata monte, hoc est Christo, non potest ténebris et ruinis hujus mundi abscondi, sed fulgens candóre solis æterni, luce nos grátiae spiritalis illuminat.

R. Martinus Abrahæ sinu lætus excipitur : Martinus, hic páuper et módicus, * Cælum dives ingreditur, hymnis cælestibus honorátur. **Y.** Martinus episcopus migrávit a sæculo : vivit in Christo gemma sacerdotum. Cælum. Glória Patri. Cælum.

Pro sancto Menna Mart.

Lectio ix.

MENNAS Ægyptius, christiánus miles in persecutióne Diocletiani et Maximiani imperatórum, cum poenitentiae cáusa in solitudinem secessisset, natáli die imperatórum, quo pópulus célebri spectáculo tenebatur, in theátrum prosiliens, libera voce gentilium superstitionem insectabatur. Quamóbrem comprehensus, et Pyrrho præsidente, in metrópoli Cottiensium Phrygiæ vinctus, loris crudéliter cæditur : deinde equúleo tortus, lampádibus ardéntibus ad corpus admóti, plagisque cilicio confricáti, tum per tribulos et virgas férreas manibus ac pédibus colligáti tractus, plumbáti étiam contúsus, demum gládio interficitur, in ignémque conjicitur. Corpus inde a Christiánis eréptum sepúltum

est, ac póstea Constantinópolis translátum.

Te Deum laudámus. 16.

AD LAUDES

ET PER HORAS

Ant. 1. Dixérunt discipuli * ad beátum Martinum : Cur nos pater déseris, aut cui nos desolátos relinquis? Invádent enim gregem tuum lupi rapáces.

Ps. Dóminus regnávit. **cum reliq.** 17.

2. Dómine, * si adhuc pópulo tuo sum necessárius, non recúso labórem : fiat volúntas tua.

3. Ovium ineffábilem, * nec labóre victum, nec morte vincéndum, qui nec mori tímuit, nec vivere recusávit!

4. Oculis ac manibus * in cælum semper inténtus, invictum ab oratióne spíritum non relaxábat, allelúia.

5. Martinus Abrahæ sinu * lætus excipitur : Martinus, hic páuper et módicus, cælum dives ingreditur, hymnis cælestibus honorátur.

Capit., Hymnus et Y. de Comm. Conf. Pont. 65⁴.

Ad Bened. Ant. O beátum virum, cujus ánima paradísus pössidet : unde exsúltant Angeli, lætántur Archángeli, chorus Sanctórum proclámat, turba Víginum invítat, Mane nobiscum in ætérnum.

Oratio.

DEUS, qui cónspicis, quia ex nulla nostra virtúte subsistimus : concéde propítius ; ut intercessióne beáti

Martini Confessóris tui atque Pontificis contra ómnia adversa muniámur. Per Dñm.

Et fit Commem. S. Mennæ.

Ant. Qui odit ánimam suam in hoc mundo, in vitam ætérnam custódit eam.

Ÿ. Justus ut palma florébit. **R.** Sicut cedrus Libani multiplicábitur.

Oratio. Præsta. 469.

AD HORAS

Ant. de Laud.; Capit. et R. br. de Comuni Conf. Pont. 66*.

IN II. VESPERIS

Ant. de Laud.; Pss. ut in I. Vesp. de Comm. Apost. 2*, et loco ultimi, Ps. Meménto. 66*.

Capit. et Hymnus ut in I. Vesp. de Comuni Conf. Pont. 55*.

Ÿ. Justum deduxit Dóminus per vias rectas. **R.** Et osténdit illi regnum Dei.

Ad Magnif. Ant. O beátum Pontificem, qui totis viscéribus diligébat Christum Regem, et non formidábat impérii principátum : o sanctíssima ánima, quam etsi gládus persecutóris non ábs tulit, palmam tamen martýrii non amisit!

Orat. ut supra ad Laudes.

Deinde fit Commem. seq.

DIE XII

SANCTI MARTINI I.

PAPÆ ET MARTYRIS

Semiduplex.

Omnia de Comm. unius Mart. 24*, præter seq.

Ant. Iste sanctus pro lege Dei sui certávit usque ad mortem, et a verbis impiórum non timuit : fundátus enim erat supra firmam petram.

Ÿ. Glória et honóre coronásti eum Dómine. **R.** Et constituísti eum super ópera mánuum tuárum.

Oratio.

DEUS, qui nos beáti Martini Mártyris tui atque Pontificis ánnua solemnitate lætificas : concéde propítius ; ut cujus natalitia cólimus, de ejúsdem étiam protectióne gaudeámus. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

MARTÍNUS, Tudérti in Umbria natus, initio pontificátus, et litteris et legatióibus missis óperam dedit, ut Páulum Constantinopolitánum Patriárcham a nefária hæresi ad cathólicæ fidei veritátem revocáret. Qui Constánte imperatóre hærético fretus, eo améntiæ progressus fúerat, ut Sedis apostólicæ legátos várie in insulas relegárit. Quo ejus scélere commótus Póntifex, coácto Romæ concílio centum quinque episcopórum, cum condemnávit.

R. Honéstum fecit illum Dóminus, et custodivit eum ab inimicis, et a seductóribus tutávit illum : Et dedit illi claritátem ætérnam. **Ÿ.**

Descenditque cum illo in fóveam, et in vñculis non dereliquit eum. Et dedit.

Lectio v.

QUÆ cáusa fuit Constánti mitténdi in Itáliam Olýmpium exárchum, ut Martinum Pontificem interficiéndum, aut ad se perducéndum curáret. Igitur Olýmpius Romam véniens lictóri mandat, ut Pontificem, dum in basilica sanctæ Mariæ ad Præsépe Missárum solémnia celebráret, occideret. Quod ubi lictor aggréditur, cæcus repén-te factus est.

R. Desidérium ánimæ ejus tribuisti ei Dómine : * Et voluntáte labiórurn ejus non fraudásti eum. **V.** Quóniam prævenisti eum in benedictiónibus dulcédinis : posuisti in cápite ejus corónam de lápide pretiósó. Et voluntáte.

Lectio vj.

CONSTÁNTI áutem imperatóri ex eo témpore multæ calamitátes incidérunt : quibus níhilo mélior factus, Theodórum Calliopam ad Urbem mittens, imperat ut Pontifici manus injíciat. A quo per fráudem captus Martinus, et Constantinópolim perdúctus, deinde in Chersonésurn relegátus, ibi ob cathólicam fidem ærúmnis conféctus, pridie Idus Novémbris cessit e vita clarus miráculis. Cujus corpus Romam póstea translátum, in ecclesiá cónditum est, quæ

sanctórum Silvèstri et Martini nómine dedicáta erat. Præfuit Ecclesiæ annos sex, mensem unum, dies viginti sex. Hábit ordinatiónes duas mense Decémbri, quibus creávit presbýteros úndecim, diáconos quinque, episcopos per diversa loca triginta tres.

R. Stola jucunditátis. 30*.

• IN III. NOCTURNO

Homil. in Evang. Si quis venit. **de eodem Comm. 1º loco.** 32*.

R. viij. Dómine prævenisti. 33*.

Vesp. a Capit. de seq. cum Commem. præced.

DIE XIII

SANCTI DIDACI CONF.

Semiduplex.

Omnia de Comm. Conf. non Pont. 76*, præter seq.

Oratio.

OMNÍPOTENS sempitérne Deus, qui dispositiône mirábili infirma mundi éligis, ut fórtia quæque confúndas : concéde propítius humilitáti nostræ; ut piis beáti Didaci Confessóris tui précibus, ad perénnem in cælis glóriam sublimári mereámur. Per Dóminum.

Et fit Commem. præced.

Ant. Qui vult veníre post me, ábneget semetípsum, et tollat crucem suam, et sequá-tur me.

V. Justus ut palma florébit. **R.** Sicut cedrus Líbani multiplicábitur.

Orat. Deus, qui nos. **supra.**

IN I. NOCTURNO

Lect. de Script. occur.

IN II. NOCTURNO

Lectio iv.

DÍDACUS Hispánus, ex ópido sancti Nicolái de Portu diocésis Hispalénsis, ab ineunte ætate pii sub sacerdotis disciplina, sanctioris vitæ solitaria in ecclésia, tyrocinium exércuit. Deinde ut firmius Deo se conjungeret, in convéntu de Arrizzáfa fratrum Minórum (quos Observántes vocant) sancti Francisci régulam in statu laicali professus est. Magna ibi alacritate húmilis obediéntiæ et reguláris observántiæ jugum súbiens, contemplationi in primis deditus, mira Dei luce perfundebátur, ádeo ut de rebus cæléstibus, litterárum expers, mirándum in modum et plane divinitus loqueretur.

R. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætérmam. **V.** Justum dedúxit Dóminus per vias rectas, et osténdit illi regnum Dei. Et dedit.

Lectio v.

CANÁRIIS in insulis, ubi fratribus sui órdinis præfuit, multa perpéssus, martyrii æstuans desidério, plures infidéles verbo et exémplo ad Christi fidem con-

vértit. Romam véniens anno jubiléi, Nicoláo quinto Pontífice, ægrotórum curæ in convéntu Aræ cæli destinátus, eo caritátis afféctu munus hoc exércuit, ut Urbe annónæ inópia laboránte, ægrótis tamen, quorum aliquándo úlcerá étiam lambéndo abstergébat, nihil pénitus necessarii defécerit. Exímia quoque fides et grátia curatiónum in eo elúxit, cum lámpadis, quæ collucebat ante imáginem beatissimæ Dei Genitricis, quam summa devotióne colébat, óleo ægros inúngens, signo crucis impréssó, multórum morbos mirabiliter sanáverit.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. **V.** Induit eum Dóminus lorícam fidei, et ornávit eum. Et ad portas.

Lectio vj.

DEMUM Complúti finem sibi vitæ adesse intélligens, lácera et obsoléta indútus túnica, conjéctis in crucem óculis, singuláři devotióne illis verbis ex sacro hymno pronuntiátis : Dulce lignum, dulces clavos, dúlcia ferens póndera, quæ fuisti digna portáre Regem cælórum et Dóminum, ánimam Deo redidit, pridie Idus Novémbris, anno Dómini supra millésimum quadringentésimo sexagésimo tértio. Ejus

corpus cum menses non paucos (ut pio confluentium desiderio fieret satis) in sepulchrum mansisset, quasi jam incorruptionem induerit, odorem suavissimum efflavit. Illum multis et illustribus miraculis clarum Sixtus quintus Pontifex Maximus sanctorum numero adscripsit.

R. Iste homo. 83*.

IN III. NOCTURNO

Homil. in Evang. Nolite timere. **de eodem Communi 2º loco.** 90*.

Vesp. de seq. Commem. præced.

DIE XIV

SANCTI JOSAPHAT

EPISC. ET MART.

Duplex.

Omnia de Comm. unius Mart. Pont. 24*, præter seq.

Oratio.

EXCITA, quæsumus Dómine, in Ecclesia tua Spiritum, quo replétus beátus Josaphat Martyr et Pontifex tuus ánimam suam pro óvibus pósuit: ut, eo intercedente, nos quoque eodem Spiritu moti ac roboráti, ánimam nostram pro fratribus pónere non vereámur. Per Dóminum... in unitate ejusdem Spiritus.

Et fit Commem. præced.

Ant. Hic vir despiciens mundum et terréna, triúmphans, divitias cælo cóndidit ore, manu.

V. Justum dedúxit Dómi-

nus per vias rectas. **R.** Et osténdit illi regnum Dei.

IN I. NOCTURNO

Lect. de Script. occur.

IN II. NOCTURNO

Lectio iv.

JÓSAPHAT Kuncewítius nobilibus et cathólicis parentibus Vladimiriæ in Volhínia natus, cum puérulus matrem de Christi passióne loquentem audiret, jáculo a latere imáginis Jesu crucifixi immisso, vulnus in corde suscepit. Dei amore incensus, ádeo oratióni aliisque piis opéribus instáre cœpit, ut provecióribus adolescentibus exémplo et admiratióni esset. Vicénis inter claustráles sancti Basilii alúmnos monásticam régulam proféssus, mirum quos in evangélica perfectióne progréssus fécerit. Nudis pedibus, frigidíssima licet sæviénte regiónis hieme, incedébat: carnes numquam, vinum nónnisi ex obediéntia adhibuit, asperrimóque cilicio ad óbitum usque corpus afflixit. Castitátis florem, quem ab adolescéntia Virgini Deíparæ vóverat, inviolátum servávit. Virtútis doctrinæque ejus brevi sic fama percrebuit, ut quamvis júnior, Byténii monastério præféctus sit; mox Vilnénsis archimandrita, ac demum archiepiscopus Polocénsis, invitus quidem, sed Cathólicis gestiéntibus, fúerit renuntiátus.

R̃. Honéstum fecit illum Dóminus, et custodívit eum ab inimicis, et a seductóribus tutávit illum : * Et dedit illi claritátem ætérnam. **Ṽ.** Descenditque cum illo in foveam, et in vinculis non dereliquit eum. Et dedit.

Lectio v.

HAC dignitáte áuctus, nihil de prióri vivéndi ratióne remittens, nónnisi divinum cultum et creditárum sibi óvium salútem cordi hábuit. Cathólicæ unitátis ac veritátis strénuus propugnátor, totis viribus adlaborávit ut schismáticos hæreticósque ad communionem cum beáti Petri sede reduceret. Summum Pontificem ejúsque potestátis plenitúdinem ab impudentissimis impiórum calúmniis et erróribus, qua conciónibus, qua scriptis pietáte ac doctrina refértis deféndere numquam déstitit. Episcopálem jurisdictiónem et Ecclésiæ bona a láicis usurpáta vindicávit. Incredibile dictu est quot hæreticos in sinum matris Ecclésiæ revocáverit. Uniónis vero Græcæ Ecclésiæ cum Latína Josaphátum promotórem exstitisse præclarissimum, étiam pontificia oracula disérte testántur. Ad hæc, et templi Dei decóri instaurándo, et sacrárum virginum exstruéndis ædibus, aliisque piis opéribus juvándis, mensæ suæ proventus ultro erogávit. In

páuperes ádeo effúsus, ut cum olim inópiæ cujúsdam viduæ sublevándæ nihil occurreret, episcopále pállium, seu omophórion, oppignorári jússet.

R̃. Desidérium ánimæ ejus tribuisti ei Dómine, * Et voluntáte labiórum ejus non fraudásti eum. **Ṽ.** Quóniam prævenisti eum in benedictiónibus dulcédinis : posuisti in cápite ejus coronam de lápide pretióso. Et voluntáte.

Lectio vj.

TOT cathólicæ fidei incrementa perditissimórum hóminum ádeo excitavérunt ódia, ut, conspiratióne inita, Christi athlétam ad necem quærerent; quam sibi imminére ipse in suo ad pópulum sermóne prænuntiávit. Cum itaque Vitépsum pastorális visitatiónis grátia profectus esset, illi archiepiscopáles invádunt ædes; óbvios quosque fériunt ac cædunt. Tum vir mitissimus quærentibus sponte occurrít, eósque amice compellans, Filioli, inquit, quare familiáres meos cæditis? Si quid contra me habétis, ecce adsum. Hinc ímpetu facto, eum verbéribus contúndunt, telis confódiunt, ac demum immáni secúri necátum, in flumen projiciunt, die duodécima Novémbris anni sexcentésimi vicésimi tértii supra millésimum, ætátis ejus quadragésimi tértii. Corpus

mirábili luce circumfúsum, ex imo flúminis álveo elátum est. Sanguis Mártyris parri- cidis ipsis in primis prófuit, qui fere omnes cápitis dam- náti, ejuráto schismate suum scelus detestáti sunt. Cum tantus præsul plúrimis post óbitum coruscáret mi- ráculis, eum Urbánus octá- vus Póntifex Máximus Bea- tórum honóribus decorávit. Pius nonus tértio Kaléndas Júlias anni millésimi octin- gentésimi sexagésimi sépti- mi, cum sæculária Aposto- lórum Principum solémnia celebraréntur, coram Pa- trum Cardinálium senátu, simúlque adstántibus fere quingéntis patriárchis, me- tropolitis et episcopis cujus- cúmque ritus, qui ex toto terrárum orbe convénerant, hunc ecclesiásticæ unitátis assertórem, primum ex o- rientálibus, solémni ritu in Vaticána basilica Sanctórum órdini accénsuit. Cujus Offi- cium ac Missam Leo déci- mus tértius Summus Pónti- fex ad univérsam exténdit Ecclésiam.

R. Stola jucunditátis ín- duit eum. 30*.

IN III. NOCTURNO

Léctio sancti Evangélii se- cúndum Joánnem.

Lectio vij. Cap. 10.

In illo témpore : Dixit Jesus pharisæis : Ego sum pa- stor bonus. Bonus pastor ánimam suam dat pro óvi- bus suis. Et reliqua.

Homilia sancti Joánnis
Chrysóstomi.

Hom. 59. in Joannem.

MAGNUM quiddam, dilectís- simi, magnum, inquam, est Ecclesiæ prælátio, et quæ multa indiget sapiéntia et fortitúdine, qualem Christus propósuit : ut ánimam pro óvibus ponámus, et num- quam illas deserámus : ut lupo generóse resistámus. Hæc enim inter pastórem et mercenárium est différentia. Alter própriae, contéptis óvibus : alter, sua contém- pta, óvium semper salúti invigilat. Pastóris ergo ex- émplo demonstráto, dece- ptóres duos méminit; furem mactántem et rapiéntem oves; et mercenárium per- mitténtem, neque defendén- tem commissas.

R. Coróna áurea super caput ejus, * Expréssa signo sanctitátis, glória honóris, et opus fortitúdinis. **V.** Quóniam prævenísti eum in be- nedictiónibus dulcédinis, posuísti in cápite ejus corónam de lápide pretióso. Expréssa.

Lectio viij.

QUOD superióri témpore Ezéchiél his verbis in- sectátus est : Væ pastóribus Israél : nonne pascébant se- metípsos? nonne greges pas- cúntur a pastóribus? Sed illi contrárium faciébant, quod máximæ malitiæ genus est, et plurimórum cáusa malórum. Idcirco inquit :

Neque quod abjéctum erat, reducébant : neque quod perierat quærébant : neque confráctum alligábant : neque infirmum consolidábant : quóniam se, non gregem pascébant. Idem et Páulus áliis verbis significat : Omnes quæ sua sunt, quærunt, non quæ Jesu Christi.

R. Hic est vere Martyr, qui pro Christi nómine sanguinem suum fudit : * Qui minas júdicum non timuit, nec terrénæ dignitátis glóriam quæsivit, sed ad cælestia regna pervénit. **V.** Justum dedúxit Dóminus per vias rectas, et osténdit illi regnum Dei. Qui. Glória Patri. Qui.

Lectio ix.

VERUM ab utrôque se dissidére osténdit Christus : ab illis quidem, qui in aliórum perniciem véniunt, cum dicat, se proptérea venisse, ut vitam habérent et abundantius habérent : ab his áutem, qui oves a lupis rapi negligébant, dicéndo se propter eas ánimam pónere, ne oves perírent. Nam cum Judæi ipsum interimere velent, non proptérea déstitit a doctrina, neque credéntes trádidit, sed pérstitit, et pértulit mortem : ideo fréquenter inquit : Ego sum pastor bonus. Quæ cum nullo niti testimonio videréntur (quod enim póneret ánimam suam, non multo post re demonstrátum est ;

quod áutem vitam habérent et abundantius habérent, eventúrum erat in futuro sæculo) álterum ab áltero confirmat.

Te Deum laudámus. 16.

Vesp. a Capit. de seq.
Commém. præced.

DIE XV

SANCTÆ GERTRUDIS VIRG.

Duplex.

Omnia de Communi Virg.
95*, præter seq.

Oratio.

DEUS, qui in corde beátæ Gertrúdis Virginis jucúndam tibi mansiónem præparásti : ipsius méritis et intercessióne cordis nostri máculas cleménter abstérge, et ejúsdem tribue gaudére consórtio. Per Dóminum.

Et fit Commém. præced.

Ant. Qui vult veníre post me, abneget semetípsum, et tollat crucem suam, et sequátur me.

V. Justus ut palma florébit. **R.** Sicut cedrus Libani multiplicábitur.

Orat. Excita. 477.

IN I. NOCTURNO

Lect. de Script. occur.

IN II. NOCTURNO

Lectio iv.

GERTRÚDIS Islébii in Saxónia nóbili génere nata, quinquénis in monastério Rodardénsi, órdis sancti Benedicti, virginitátem suam ac seipsam Jesu Christo óbtulit. Quo ex témpore a múnánis rebus prorsus aliéna,

virtutique sêdulo intênta, cælêstis vitæ genus instituit. Ad humaniôrum litterârûm notitiam rerum divinârûm cognitiônem adjûnxit. Quârûm meditatiônem vehemêntius ad virtûtém incênsa, brevi christiânam perfectiônem adêpta est. De Christo ejûsque vitæ mystériis sæpenûmero pio cum ânimi sensu loquebâtur, unâmque Dei glóriam cógitans, ad illam vota sua ômnia et actiônes referêbat. Quamvis âutem multis eximiis naturæ et grâtiæ donis a Deo âucta esset, ita tamen sibi ipsa vilescêbat, ut inter præcípua divinæ bonitâtis mirâcula, hoc item memorâret, quod se indignissimam misericórditer sustinêret.

R. Propter veritatem, et mansuetudinem, et justitiam : * Et deducet te mirabiliter dextera tua. **V.** Spécie tua et pulchritudine tua intênde, prospere procéde, et regna. Et.

Lectio v.

TRIGÉSIMUM ætâtis annum agens, primum Rodardénsis monastérii, ubi religiôsam vitam est professâ, deinde Elpediâni præses elêcta, quadraginta annôrûm spâtio, ea caritatê, prudêntia, et regulâris disciplinæ stûdio munus obîvit, ut cœnôbium religiôsæ perfectiônis domicilium viderêtur. Utrobique vero, licet esset ômnium mater et magistra,

ômnium tamen minima habêri volêbat, ac demissiône pari ministram se exhibêbat. Quo libérius Deo vacâret, vigiliis, abstinêntia, aliisque cruciâtibus corpus afflixit : sempêrque sui similis, môrûm innocêntiam, mansuetudinem, ac patiêntiam prætulit singulârem. Proximôrûm salûti omni ope stûduit, piæque curæ copiósum fructum rétulit. Divini amoris vi frequêntes patiebâtur êxtases, altissimæque contemplatiônis et divinæ uniônis donum obtinuit.

R. Dilexisti justitiam, et odisti iniquitatem : * Propterea unxit te Deus, Deus tuus, ôleo lætitiæ. **V.** Propter veritatem, et mansuetudinem, et justitiam. Propterea.

Lectio vj.

UT mérium acceptissimæ sibi sponsæ Christus ostênderet, in corde Gertrûdis jucundam sibi esse mansiônem testâtus est. Deiparam Virginem véluti matrem et curatricem a Jesu acceptam pietatê præcípua prosequébâtur, ab eâque multa accépit benefícia. Erga divinissimum Eucharistiæ sacraméntum et passiônem Dómini tanto amore cum grati ânimi sensu afficiebâtur, ut intêrdum ubéribus lácrymis perfunderêtur. Justôrûm ânimas, piaculâribus flammis addictas, quotidiânis subsidiis et précibus ju-

vábat. Multa ad confovéndam pietátem scripsit. Divinárum étiam revelatiónum et prophetiæ dono cláruit. Dénique flagrantissimo Dei amóre pótius quam morbo languescens, anno Dómini millésimo ducentésimo nonagésimo secúndo vita decéssit. Miráculis vivens et post mortem a Deo illustráta est.

R. Afferéntur. 104*.

IN III. NOCTURNO

Homil. in Evang. Simile erit regnum cælórum. **de eodem Comm. 1º loco.** 106*.

DIE XVII

S. GREGORII THAUMATURGI
EPISCOPI ET CONFESSORIS

Semiduplex.

Omnia de Comm. Conf. Pont. 55*, præter seq.

Oratio.

DA, quæsumus omnipotens Deus : ut beáti Gregórii Confessóris tui atque Pontíficis veneránda solémnitas, et devotióne nobis áugeat et salútem. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

GREGÓRIUS Neocæsaréæ Ponti episcopus sanctitáte doctrináque illústris, signis vero ac miráculis multo illústrior, quorum multitudíne atque præstantia Thaumaturgus appellátus est, et

sancti Basilii testimónio cum Móyse, Prophétis et Apóstolis comparátus ; montem, qui ecclésiæ ædificatióne impediébat, oratióne álio transtulit. Item palúdem, inter fratres cáusam discordiárum, exsiccávit. Lycum flúvium, perniciosé agros inundántem, defixo ad ripam, quo sustentabátur, báculo, qui statim viréntem crevit in árborem, coércuit, ut póstea ultra eum términum non efflúxerit.

R. Invéni David servum meum, óleo sancto meo unxi eum : * Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

Lectio v.

SÆPÍSSIME dæmones ex idólorum simulácris, atque ex hóminum corpóribus ejécit, múltaque ália mirábiliter effécit, quibus innumérabiles hómines traxit ad Jesu Christi fidem, cum étiam prophético spíritu futúra prædiceret. Qui migráturus e vita, cum quæsisset quot in civitáte Neocæsariénsi réliqui essent infidéles, responsúmque esset tantum esse septémdecim ; Deo grátias agens, Tótidem, inquit, erant fidéles, cum coepi episcopátum. Plura scripsit, quibus étiam, non solum miráculis, Dei Ecclésiám illustrávit.

R. Pósuí adjutórium su-

per poténtem, et exaltávi
eléctum de plebe mea : *
Manus enim mea auxiliábi-
tur ei. **Ÿ.** Inveni David
servum meum, óleo sancto
meo unxi eum. Manus enim
mea.

Sermo sancti Máximi
Episcopi.

Ex Homil. 59., quæ est 2.
de S. Eusebio.

Lectio vj.

BEÁTI Patris Gregórii mé-
rita jam in tuto pósita
secúri magnificémus : qui
gubernáculum fidei viriliter
tenens, áncoram spei tran-
quilla jam in statióne com-
pósuit, et plenam cæléstibus
divítiis et ætérnis mércibus
navem optáto in littore col-
locávit : qui contra omnes
adversários scutum timóris
Dei támdiu infatigabiliter
ténuit, donec ad victóriam
perveniret. Quid enim fuit
totus vitæ illius cursus, nisi
unus cum vigili hoste con-
flictus?

R. Iste est qui. 62*.

IN III. NOCTURNO

Léctio sancti Evangélii se-
cúndum Marcum.

Lectio vij. Cap. 11. c

IN illo témpore : Respón-
dens Jesus discípulis suis,
ait illis : Habéte fidem Dei.
Amen dico vobis, quia qui-
cúmque dixerit huic monti :
Tóllere, et mittere in mare,
et non hæsitáverit in corde
suo, sed crediderit quia
quodcúmque dixerit fiat, fiet
ei. Et réliqua.

Homilia venerábilis Bedæ
Presbýteri.

Liber 3. Comment. in Marc.
cap. 11.

SOLENT gentiles, qui contra
Ecclésiám maledicta scri-
psére, improperáre nostris,
quod non habúerint plenam
fidem Dei, quia numquam
montes transférre potúerint.
Quibus respondéndum est,
non ómnia scripta esse, quæ
in Ecclésia sunt gesta, sicut
étiam de factis ipsius Christi
et Dómini nostri Scriptúra
testátur. Unde et hoc quo-
que fieri potuisset, ut mons
ablátus de terra mitterétur
in mare, si necéssitas id
fieri poposcisset. Quómodo
légimus factum précibus
beáti Patris Gregórii Neo-
cæsaráe Ponti antistitis viri
méritis et virtútibus eximii,
ut mons in terra tantum loco
céderet, quantum incolæ
civitátis opus habébant.

R. Amávit eum Dóminus,
et ornávit eum : stolam gló-
riæ induit eum : * Et ad
portas paradisi coronávit
eum. **Ÿ.** Induit eum Dómi-
nus loricam fidei, et ornávit
eum. Et ad portas.

Lectio viij.

CUM enim volens ædificáre
Ecclésiám in loco apto,
vidéret eum angustiórem
esse quam res exigébat, eo
quod ex una parte rupe ma-
ris, ex ália monte próximo
coarctarétur, venit nocte ad
locum, et génibus flexis ad-
mónuit Dóminum promiss-

siónis suæ, ut montem lón-
gius juxta fidem peténtis áge-
ret. Et mane facto revérsus
invénit montem tantum spá-
tii reliquisse structóribus
ecclésiæ, quantum opus ha-
búerant. Póterat ergo hic,
póterat álius quis ejúsdem
mériti vir, si opportúnitas
exegisset, impetráre a Dó-
mino mérito fidei, ut étiam
mons tollerétur et mitteré-
tur in mare.

℞. Sint lumbi vestri præ-
cincti, et lucernæ ardéntes
in mánibus vestris : * Et
vos similes hominibus ex-
spectántibus dóminum su-
um, quando revertátur a
núptiis. Ÿ. Vigiláte ergo,
quia nescitis qua hora Dó-
minus vester ventúrus sit.
Et vos. Glória Patri. Et vos.

Lectio ix.

VERUM quia montis nómine
nonnúnquam diábolus
significátur, vidélicet pro-
pter supérbiam qua se con-
tra Deum érigit, et esse vult
similis Altissimo; mons ad
præcéptum eórum, qui fortes
fide sunt, tóllitur de terra,
et in mare projicitur, cum
prædicántibus verbum do-
ctóribus sanctis, immúndus
spíritus ab eórum corde re-
péllitur, qui ad vitam sunt
præordináti, et in turbuléntis
amarisque infidélium mén-
tibus vesániam suæ tyrán-
nidis exercére permittitur.

Te Deum laudámus. 16.

Vesp. de seq. cum Com-
mem. præced.

DIE XVIII

IN DEDICATIONE BASILICARUM SS. APOST. PETRI ET PAULI

Duplex majus.

Omnia de Comm. Dedi-
cationis Eccl. 120*, præter
seq.

In I. Vesp. fit Commem.
præced.

Ant. Amávit eum Dómi-
nus, et ornávit eum, stolam
glóriæ induit eum : et ad
portas paradisi coronávit
eum.

Ÿ. Justum dedúxit Dómi-
nus per vias rectas. ℞. Et
osténdit illi regnum Dei.

Orat. Da, quæsumus. 482.

IN I. NOCTURNO
De libro Apocalýpsis beáti
Joánnis Apóstoli.

Lectio j. Cap. 21, e

ET erat structúra muri ejus
ex lápide jáspide : ipsa
vero civitas áurum mundum
simile vitro mundo. Et fun-
daménta muri civitátis omni
lápide pretióso ornáta. Fun-
daméntum primum, jaspis :
secúndum, sapphírus : tér-
tium, chalcedónius : quar-
tum, smarágdus : quintum,
sárdonyx : sextum, sárdius :
séptimum, chrysólithus :
octávum, berýllus : nonum,
topázus : décimum, chry-
sóprasus : undécimum, hya-
cínthus : duodécimum, ame-
thýstus.

℞. In dedicatióne templi
decantábat pópulus láudem,
* Et in ore eórum dulcis

resonábat sonus. *Ÿ.* Fundáta est domus Dómini supra vérticem móntium, et vénient ad eam omnes gentes. Et in ore.

Lectio ij.

ET duódecim portæ, duódecim margaritæ sunt per singulas : et singulæ portæ erant ex singulis margaritis : et platéa civitátis áurum mundum, tamquam vitrum perlúcidum. Et templum non vidi in ea. Dóminus enim Deus omnipotens templum illius est, et Agnus. Et civitas non eget sole, neque luna, ut lúceant in ea. Nam cláritas Dei illuminávit eam, et lucérna ejus est Agnus.

R. Fundáta est domus Dómini supra vérticem móntium, et exaltáta est super omnes colles : * Et vénient ad eam omnes gentes, et dicent : Glória tibi Dómine. *Ÿ.* Veniéntes áutem vénient cum exultatióne, portántes manipulos suos. Et.

Lectio iij.

ET ambulábunt gentes in lúmine ejus : et reges terræ áfferent glóriam suam, et honórem in illam. Et portæ ejus non claudéntur per diem : nox enim non erit illic. Et áfferent glóriam, et honórem géntium in illam. Non intrábit in eam áliquod coínquinátum, aut abominatióem fáciens, et mendácium, nisi qui scripti sunt in libro vitæ Agni.

R. Bénedic Dómine do-

mum istam, quam ædificávi nómini tuo : veniéntium in loco isto, * Exáudi preces in excélso sólio glóriæ tuæ. *Ÿ.* Dómine, si convérsus fúerit pópulus tuus, et oráverit ad sanctuárium tuum. Exáudi. Glória Patri. Exáudi.

IN II. NOCTURNO

Lectio iv.

Ex locis sacris quæ olim apud Christiános veneratiónem habuérunt, illa celebérrima et frequentíssima fuérunt, in quibus cóndita sanctórum córpora, vel áliquod Mártyrum vestigium aut monuméntum esset. In quorum número sanctórum locórum, in primis semper fuit insignis ea Vaticáni pars, quam sancti Petri Confessióne appellábant. Nam eo Christiáni ex ómnibus orbis terræ pártibus, tamquam ad fidei petram et Ecclesiæ fundaméntum conveniéntes, locum Principis Apostolórum sepúlcro consecrátum, summa religióne ac pietáte venerábantur.

R. Orántibus in loco isto, * Dimítte peccáta pópuli tui Deus, et osténde eis viam bonam, per quam ámbulent, et da glóriam in loco isto. *Ÿ.* Qui regis Israél inténde, qui dedúcis velut ovem Joseph, qui sedes super Chérubim. Dimítte.

Lectio v.

ILLUC Constantínus Magnus imperátor octávo die post susceptum baptismum venit,

depositoque diadémate, et humi jacens, vim lacrymarum profudit : mox sumpto ligone ac bidente, terram eruit : indeque duodecim terræcophinis, honoris causa duodecim Apostolorum, ablatis, ac loco basilicæ Principis Apostolorum designato, ecclesiam ædificavit. Quam sanctus Silvester Papa decimo quarto Kalendas Decembris, eo modo quo Lateranensem ecclesiam quinto Idus Novembris consecraverat, dedicavit : et in ea altare lapideum chrismate delibutum erexit ; atque ex eo tempore sancivit, ne deinceps altaria nisi ex lapide fierent. Idem beatus Silvester basilicam sancti Pauli Apostoli in via Ostiensi ab eodem Constantino imperatore magnificentissime ædificatam dedicavit. Quas basilicas idem imperator multis prædiis attributis locupletavit, ac muneribus amplissimis exornavit.

℞. O quam metuendus est locus iste : * Vere non est hic aliud, nisi domus Dei, et porta cæli. ℥. Hæc est domus Domini firmiter ædificata, benefundata est supra firmam petram. Vere.

Lectio vj.

PORRO. Vaticanam basilicam vetustate jam pridem collabentem, ac propterea multorum Pontificum pietate latus ac magnificentius a fundamentis erectam, Ur-

bānus octavus hac eadem recurrente die anni millésimi sexcentésimi vigésimi sexti, solémni ritu consecravit. Basilicam vero Ostiensem, cum dira incendiis vis, anno millésimo octingentésimo vigésimo tertio penitus consumpsisset, indefessa quatuor Pontificum cura splendidius quam antea erectam, et ab interitu veluti vindicatam, Pius nonus auspiciatissimam nactus occasionem qua dogma de Immaculata beatæ Mariæ Virginis Conceptione nuper ab ipso proclamatum, ingentem cardinalium et episcoporum numerum ex dissitis etiam catholici orbis regionibus Romam attraxerat, die decima Decembris anni millésimi octingentésimi quinquagésimi quarti, tanta circumdatus purpuratorum patrum et antistitum corona solémniter dedicavit, ejusque celebritatis memoriam hac die recolendam decrevit.

℞. Mane surgens. 127*.

IN III. NOCTURNO

Homil. in Evang. Ingressus Jesus. **de iv. die infra Oct. Dedic. Eccles.** 137*.

In II. Vesp. Commem. seq. et S. Pontiani Papæ et Mart.

DIE XIX

SANCTÆ ELISABETH

VIDUÆ

Duplex.

Omnia de Comm. nec Virg. nec Mart. 113*, præter seq.

Ant. Simile est regnum cælórum hómini negotiatóri quærénti bonas margarítas: invénta una pretiósa, dedit ómnia sua, et comparávit eam.

Ÿ. Spécie tua et pulchritúdine tua. **R.** Inténde, prospere procéde, et regna.

Oratio.

TUÓRUM corda fidélium Deus miserátor illústra: et beátæ Elisabeth précibus gloriósis fac nos próspéra mundi despícere; et cælésti semper consolatióne gaudére. Per Dóminum nostrum.

Postea S. Pontiani Papæ et Martyris.

Ant. Íste sanctus pro lege Dei sui certávit usque ad mortem, et a verbis impiórum non tímuit: fundátus enim erat supra firmam petram.

Ÿ. Glória et honóre coronásti eum Dómine. **R.** Et constituísti eum super ópera mánuum tuárum.

Oratio.

INFIRMITÁTEM nostram respice omnipotens Deus: et quia pondus propriæ actiόνis gravat, beáti Pontiani Mátyris tui atque Pontificis intercéssio gloriósa nos prótegat. Per Dóminum nostrum.

IN I. NOCTURNO

Lect. de Script. occurrente.

IN II. NOCTURNO

Lectio iv.

ELÍSBETH Andréæ regis Hungáriæ filia ab infántia Deum timére cœpit: et crescens ætáte, crevit étiam pietáte. Ludovico Lantgrávio Hássix et Thuringiæ in cónjugem copuláta, non minóri cura quæ Dei, quam quæ viri sui erant, exsequebátur. Surgens enim noctúrno témpore, oratióni diu incumbébat; ac váriis misericórdiæ officiis dédita, viduis, pupillis, ægrótiis, egéntibus sédulo inserviebat; gravique fame urgénte, domus suæ fruménta liberáliter erogábat. Leprósos hospitio suscipiens, manus eórum et pedes osculabátur. Curándis áutem et aléndis paupéribus insigne xenodochium constrúxit.

R. Propter veritátem, et mansuetúdinem, et justitiam: * Et dedúcet te mirabiliter délixtera tua. **Ÿ.** Spécie tua et pulchritúdine tua inténde, prospere procéde, et regna. Et.

Lectio v.

DEFÚNCTO cónjuge, ut Deo libérius servíret, depósitis ómnibus sæculáris glóriæ indumentis, vili túnica indúta est, atque órđinem Pœniténtium sancti Francisci ingrèssa, patiéntiæ et humilitátis virtúte máxime enítuit. Nam bonis ómnibus exúta, a própriis ædibus ejécta, ab ómnibus derelicta,

contumélias, irrisiones, obtreccionés invicto ánimo tolerávit, ádeo ut summó-pere gauderet, se tália pro Deo pati. Ad infima quæque ministéria erga páuperes et ægrótos se abjiciens, eis necessária procurábat, solis oléribus et leguminibus pro suo victu conténta.

R. Dilexisti justitiam, et odisti iniquitatem : * Propterea unxit te Deus, Deus tuus, óleo lætitiæ. **V.** Propter veritatem, et mansuetudinem, et justitiam. Propterea.

Lectio vj.

CUM vero in his aliisque plurimis sanctis opéribus vitam religiosissime transigisset, finis tandem suæ peregrinationis advénit, quem domésticis suis ante prædixit. Cumque defixis in cælum óculis divinæ contemplationi vacáret, a Deo mirabiliter recreáta, a sacraméntis refecta, obdormivit in Dómino. Statimque plurima ad ejus túmulum miracula patrata sunt. Quibus auditis, et rite probátis, Gregórius nonus sanctorum número eam adscripsit.

R. Fallax grátia. 116*.

IN III. NOCTURNO

Homil. in Evang. Simile est. de eodem Comm. 116*.

Pro sancto Pontiano Papa et Martyre.

Lectio ix.

PONTIÁNUS Románus præfuit Ecclesiæ Alexandro imperatóre : qui sanctum

Pontificem, propter christiánæ fidei confessionem, in Sardiniam insulam cum Hippolyto presbytero relegávit. Ubi is pro Christi fide multis calamitatibus afflictus, décimo tertio Kalendas Decembris e vita migrávit. Ejus corpus Fabiano Pontifice, cum clero Romam delátum, in cœmetério Callisti via Appia sepelitur. Sedit annos quatuor, menses quatuor, dies viginti quinque. Fecit ordinationes duas mense Decembri, quibus creávit presbyteros sex, diaconos quinque, episcopos per diversa loca sex.

Te Deum laudamus. 16.

In Laudibus fit Commem. S. Pontiani.

Ant. Qui odit animam suam in hoc mundo, in vitam æternam custódit eam.

V. Justus ut palma florébit. **R.** Sicut cedrus Libani multiplicabitur.

Orat. Infirmitatem. **supra.**

Vesp. a Capit. de seq. cum Commem. præced.

DIE XX

S. FELICIS DE VALOIS

CONFESSORIS

Duplex.

Omnia de Comm. Conf. non Pont. 76*, præter seq. (m. t. v.)

Oratio.

DEUS, qui beátum Felicem Confessórem tuum ex eremo ad munus rediméndi captivos cælitus vocáre di-

gnátus es : præsta, quæsumus; ut per grátiam tuam ex peccatórum nostrórum captivité, ejus intercessióne liberáti, ad cæléstem pátriam perducámur. Per Dóminum.

Et fit Commem. præced.

Ant. Manum suam aperuit inopi, et palmas suas extendit ad páuperem, et panem otíosa non comédit.

Y. Diffúsa est grátia in lábiis tuis. **R.** Propterea benedixit te Deus in ætérnum.

Orat. Tuórum. **supra.** 486.

IN I. NOCTURNO

Lect. de Script. occur.

IN II. NOCTURNO

Lectio iv.

FELIX, Hugo ántea dictus, ex regáli Valesiórum familia ortus in Gállia, ab inéunte ætáte non lévia dedit futúrae sanctitátis indicia, præsertim misericórdiæ erga páuperes : nam adhuc infántulus, manu própria, ac si grándior esset, et judicii maturitáte polléret, nummos egénis distribuit. Jam grandíusculus, solébat ex appóstitis in mensa dápiis ad ipsos mittere, et ferme eo, quod sapídius erat, obsonio paupérculos púeros recreábat. Adoléscens non semel véstibus se expoliávit, ut inopes cooperíret. Ab avúnculo Theobáldo, Xamphánæ et Blésii cómite, vitam reo mortis impetrávit, prædicens hunc infámem háctenus sicárium, mox sanctissimis præditum móribus

evasúrum : verídicum testimoniúm monstrávit événtus.

R. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. **Y.** Justum dedúxit Dóminus per vias rectas, et osténdit illi regnum Dei. Et.

Lectio v.

Post exáctam laudabíliter adolescéntiam, cœpit ex cæléstis contemplatiónis stúdio solitúdinem cogitare; prius tamen vóluit sacris initiári, ut omnem regni, a cujus successióne jure legis Sálicæ non longe distábat, spem sibi præcideret. Sacerdos factus, et prima Missa devotíssime celebráta, non multo post in erémum secéssit, ubi summa abstinentia victitans, cæléstium charismatum abundántia pascebátur. Ibi cum sancto Joánnē de Matha Parisiénsi doctóre, a quo ex divína inspiratióne quæsitus et invéntus, per áliquot annos sanctíssime vixit; donec ambo per Angelum a Deo admóniti Romam petiérunt, speciálem a Summo Pontífice vivéndi régulam impetráturi. Facta igitur Innocéntio Papæ tértio inter Missárum solémnia revelatióne religiónis et institúti de rediméndis captivis, ab ipso Pontífice, simul cum sócio, cándidis véstibus bicolóri cruce signátis induítur, ad eam formam qua Angelus

indútus appáruit : et insuper voluit Póntifex, ut nova religio juxta tríplicem colórem, quo hábitus constat, sanctissimæ Trinitátis título decorarétur.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum.

V. Induit eum Dóminus lorícam fidei, et ornávit eum. Et ad portas.

Lectio vj.

RÉGULA própria ex Summi Pontificis Innocéntii confirmatióne accépta, in diocési Meldénsi apud locum, qui Cervus Frigidus dicitur, primum órdis páulo ante a se et sócio extrúctum cœnóbium ampliávit, ubi religiósam observántiam, et Redemptiónis institútum mirífice coluit, ac inde per alúmnos in álias provincias diligentíssime propagávit. Illústrem hic a beáta Vírgine Matre favórem accépit : dormiéntibus síquidem cunctis frátribus, et ad matutinas preces in pervigílio Nativitátis Deiparæ média nocte recitándas, Deo sic disponénte, non surgéntibus, Félix de more vigilans, et horas prævéniens, chorum ingrésus, réperit beátam Virginem in médio chori hábitu cruce órdis insignito indútam, ac cælitibus similiter indútis sociátam. Quibus permixtus Felix, præcinénte Deipara, láudes divinas concínuit, ri-

téque persólvit. Et quasi jam a terréstri ad cæléstem chorum evocarétur, instántis mortis ab Angelo cértior factus, filios ad caritátem erga páuperes et captivos adhórtans, ánimam Deo réddidit, ætáte ac méritis consummátus, anno post Christum natum ducentésimo duodécimo supra millésimum, sub eódem Pontifice Innocéntio tértio.

R. Iste homo. 83*.

IN III. NOCTURNO

Homil. in Evang. Nolite timére. **de eodem Comm.** 2º loco. 90*.

Vesp. de seq. Commem. præced.

DIE XXI

IN PRÆSENTATIONE B. M. V.

Duplex majus.

Omnia ut in Festis B. M. V. per annum. 145*, præter seq.

In utrisque Vesp. ad Magnif. Ant. Beáta Dei Génitrix María, Virgo perpétua, templum Dómini, sacrárium Spíritus sancti, sola sine exémplo placuísti Dómino nostro Jesu Christo, allelúia.

Oratio.

DEUS, qui beátam Mariám semper Virginem, Spíritus sancti habitáculum, hodiérna die in templo præsentári voluísti : præsta, quæsumus; ut ejus intercessióne in templo glóriæ tuæ præsentári mereámur. Per Dóminum... in unitáte ejúsdem Spíritus.

Et fit Commem. præced.

Ant. Hic vir despiciens mundum et terræna, triumphans, divitias cælo condidit ore, manu.

Ÿ. Justum deduxit Dominus per vias rectas. **R.** Et ostendit illi regnum Dei.

Oratio Deus, qui. 488.

IN I. NOCTURNO

Lect. Ego sapientia. 149*.

IN II. NOCTURNO

Ex libro sancti Joannis Damasceni de fide orthodoxa.

Lib. 4. Cap. 15.

Lectio iv.

JÓACHIM lectissimam illam ac summis laudibus dignam mulierem Annam matrimonio sibi copulavit. Verum, quemadmodum priscæ illa Anna, cum sterilitatis morbo laboraret, per orationem ac promissionem Samuelem procreavit: eodem modo hæc etiam per obsecrationem et promissionem Dei Genitricem a Deo accepit, ut ne hic quoque cuiquam ex illustribus matronis cederet. Itaque grátia (nam hoc sonat Annæ vocabulum) Dóminam parit (id enim Mariæ nómine significatur): vere etenim rerum ómnium conditárum Dómina facta est, cum Creatóris Mater exstitit. In lucem autem editur in domo probaticæ Jóachim, atque ad templum adducitur: ac deinde in domo Dei plantata, atque per Spiritum saginata, in-

star olivæ frugiferæ virtutum ómnium domicilium efficitur: ut quæ videlicet ab omni hujusce vitæ et carnis concupiscéntia mentem abstraxisset, atque ita virginem una cum corpore ánimam conservasset, ut eam decébat, quæ Deum sinu suo exceptúra erat.

R. Sicut cedrus exaltáta sum in Libano, et sicut cypréssus in monte Sion: quasi myrrha elécta, * Dedi suavitatem odóris. **Ÿ.** Et sicut cinnamómum et bálsamum aromatizans. Dedi.

Ex libro sancti Ambrósii Episcopi de Virgínibus.

Lib. 2. post init.

Lectio v.

TALIS fuit María, ut ejus unius vita ómnium sit disciplína. Si igitur áuctor non displicet, opus probemus: ut quæcúmque sibi ejus exóptat præmium, imitétur exéplum. Quantæ in una vírgine spécies virtútum émicant! Secrétum verecúndiæ, vexillum fidei, devotiónis obséquium: virgo intra domum, comes ad ministérium, mater ad templum. O quantis illa virgínibus occurret! Quantas compléxa ad Dóminum trahet, dicens: Hæc torum filii mei, hæc thálamus nuptiáles immaculáto servávit pudóre!

R. Quæ est ista, quæ processit sicut sol, et formósa tamquam Jerúsalem? * Vidérunt eam filiæ Sion, et

beátam dixerunt, et reginæ laudaverunt eam. **V.** Et sic-ut dies verni circúmdabant eam flores rosárum et lília convállium. Vidérunt.

Lectio vj.

QUID ergo exsequar cibórum parcimóniam, officiórum redundántiam : áltérum ultra natúram superfuísse, áltérum pene ipsi natúræ defuisse? Illic nulla intermissa témpora, hic congeminátos jejúnio dies. Et si quando reficiéndi successisset volúntas, cibis plerúmque óbviis, qui mortem arcéret, non delicias ministráret. Dormire non prius cupiditas, quam necessità fuit : et tamen cum quiesceret corpus, vigiláret ánimus : qui frequénter in somnis aut lecta répetit, aut somno interrúpta continuat, aut dispósita gerit, aut gerénda prænúntiat.

R. Ornátam. 153*.

IN III. NOCTURNO

Homil. in Evang. Loquén-te Jesu. 155*.

R. vij. Felix namque es, sacra Virgo María, et omni láude digníssima : * Quia ex te ortus est sol justitiæ, Christus Deus noster. **V.** Ora pro pópulo, intérvieni pro clero, intercède pro devóto femíneo sexu : séntiant omnes tuum juvámen, quicúmque célebrant tuam sanctam Præsentatióem. Quia.

In II. Vesp. fit Commem. seq.

DIE XXII

SANCTÆ CÆCILIAE

VIRGINIS ET MARTYRIS

Duplex.

IN I. VESPERIS

Si I. Vesp. dicendæ sint integræ, Ant., Capit. et Hymn. erunt de Laud. 497; Pss. ut in I. Vesp. de Comm. Virg. 95*.

Ad Magnif. Ant. Est secretum Valeriáne, quod tibi volo dicere : Angelum Dei hábeo amatórem, qui nimio zelo custódit corpus meum.

V. Spécie tua et pulchritúdine tua. **R.** Inténde, prospere procéde, et regna.

Oratio.

DEUS, qui nos ánnua beátæ Cæciliæ Vírginis et Mártiris tuæ solemnitáte lætíficas : da, ut quam venerámur officio, étiam piæ conversatiónis sequámur exémplo. Per Dóminum.

AD MATUTINUM

Invitat. Regem Vírginum Dóminum, * Veníte, adorémus.

Ps. Veníte, exsultémus. 2. **Hymn.** Virginis Proles. 97*.

IN I. NOCTURNO

Ant. Cæcilia virgo Almáchium superábat : Tibúrtium et Valeriánum ad coronas vocábat.

Pss. trium Noct. de Comuni Virg. 98*.

Ant. Expánsis mánibus orábat ad Dóminum, ut eam eríperet de inimicis.

Ant. Cilicio Cæcilia mem-

bra domábat, Deum gemi-
tibus exorábat.

Ÿ. Spécie tua et pulchri-
túdine tua. R. Inténde, pró-
spere procéde, et regna.

De Epístola prima beáti Páuli
Apóstoli ad Corinthios.

Lectio j. Cap. 7. e

DE virgínibus præcéptum
Dómini non hábeo: con-
sílium áutem do, tamquam
misericórdiam consecútus a
Dómino, ut sim fidélis. Exi-
stimo ergo hoc bonum esse
propter instántem necessi-
tátem, quóniam bonum est
hómini sic esse. Alligátus es
uxóri? noli quærere solu-
tiónem. Solútus es ab uxóre?
noli quærere uxórem. Si áu-
tem accéperis uxórem,
non peccásti. Et si núpserit
virgo, non peccávit. Tribu-
latióne tamen carnis há-
bébunt hujúsmodi. Ego áu-
tem vobis parco. Hoc ita-
que dico, fratres: Tempus
breve est: réliquum est, ut
et qui habent uxóres, tam-
quam non habéntes sint: et
qui flent, tamquam non flen-
tes: et qui gáudent, tam-
quam non gaudéntes: et qui
emunt, tamquam non pos-
sidéntes: et qui utúntur hoc
mundo, tamquam non után-
tur: præterit enim figúra
hujus mundi.

R. Cantántibus órganis
Cæcília virgo in corde suo
soli Dómino decantábat,
dicens: * Fiat Dómine cor
meum et corpus meum im-
maculátum, ut non confún-

dar. Ÿ. Biduánis et triduánis
jejúniis orans, commendá-
bat Dómino quod timébat.
Fiat.

Lectio ij.

VOLO áutem vos sine solli-
cítudine esse. Qui sine
uxóre est, sollicitus est quæ
Dómini sunt, quómodo plá-
ceat Deo. Qui áutem cum
uxóre est, sollicitus est quæ
sunt mundi, quómodo plá-
ceat uxóri, et divisus est.
Et múlter innúpta, et virgo
cógitat quæ Dómini sunt, ut
sit sancta córpore et spíritu.
Quæ áutem nupta est, có-
gitat quæ sunt mundi, quó-
modo pláceat viro. Porro
hoc ad utilitátem vestram
dico: non ut láqueum vobis
injíciam, sed ad id, quod
honéstum est, et quod fa-
cultátem præbeat sine im-
pediménto Dóminum obse-
crándi.

R. O beáta Cæcília, quæ
duos fratres convertísti, Al-
máchium júdicem superá-
stí,* Urbánus episcopum in
vultu angélico demonstrá-
stí. Ÿ. Quasi apís argumen-
tósá Dómino deservísti. Ur-
bánus.

Lectio iij.

SI quis áutem turpem se
vidéri existimat super
vírgine sua, quod sit super-
adúlta, et ita opórtet fieri:
quod vult fáciat: non pec-
cat, si nubat. Nam qui stá-
tuit in corde suo firmus,
non habens necessitátem,
potestátem áutem habens

suæ voluntátis, et hoc iudicavit in corde suo, servare virginem suam, bene facit. Igitur et qui matrimonio jungit virginem suam, bene facit : et qui non jungit, melius facit. Mulier alligata est legi quanto tempore vir ejus vivit. Quod si dormierit vir ejus, liberata est : cui vult nubat, tantum in Domino. Beatior autem erit, si sic permanserit, secundum meum consilium : puto autem quod et ego Spiritum Dei habeam.

R. Virgo gloriosa semper Evangelium Christi gererat in pectore, et non diebus neque noctibus vacabat * A colloquiis divinis et oratione. **V.** Expansis manibus orabat ad Dominum, et cor ejus igne caelesti ardebat. A colloquiis. Gloria Patri. A colloquiis.

IN II. NOCTURNO

Ant. Domine Jesu Christe, seminator casti consilii, suscipe semen fructus, quos in Cæcilia seminasti.

Ant. Beata Cæcilia dixit ad Tiburtium : Hodie te fateor meum cognatum, quia amor Dei te fecit esse contemptorem idolorum.

Ant. Fiat Domine cor meum et corpus meum immaculatum, ut non confundar.

V. Adjuvabit eam Deus vultu suo. **R.** Deus in medio ejus, non commovetur.

Lectio iv.

CÆCILIA, virgo Romana, nobili genere nata, a prima ætate christianæ fidei præceptis instituta, virginitatem suam Deo vovit. Sed cum postea contra suam voluntatem data esset in matrimonium Valeriano, prima nuptiarum nocte hunc cum eo sermonem habuit : Ego, Valeriane, in Angeli tutela sum, qui virginitatem meam custodit : quare ne quid in me committas, quo ira Dei in te concitetur. Quibus verbis commotus Valerianus, illam attingere non est ausus : quin etiam addidit, se in Christum crediturum, si eum Angelum videret. Cui Cæcilia, cum sine baptismo negaret id fieri posse, incensus cupiditate videndi Angelum, se baptizari velle respondit. Quare hortatu virginis ad Urbanum Papam, qui propter persecutionem in Martyrum sepulcris via Appia latebat, veniens, ab eo baptizatur.

R. Cilicio Cæcilia membra domabat, Deum gemitibus exorabat : * Tiburtium et Valerianum ad coronas vocabat. **V.** Hæc est Virgo sapiens, et una de numero prudentum. Tiburtium.

Lectio v.

INDE ad Cæciliam reversus, orantem et cum ea Angelum divino splendore fulgentem invenit. Quo ad spectu obstupefactus, ut pri-

mun ex timóre confirmátus est, Tibúrtium fratrem suum accérsit : qui a Cæcilia Christi fide imbútus, et ab eódem Urbáno baptizátus, ipse étiam ejúsdem Angeli, quem frater ejus vídebat, adspéctu dignátus est. Utérque áutem páulo post Almáchio præfécto constánter martýrium súbiit. Qui mox Cæciliam comprehénderé imperat, ab eáque primum, ubi Tibúrtii et Valeriáni facultates sint, exquirít.

R. Cæciliam intra cubículum orántem invénit, et juxta eam stantem Angelum Dómini : * Quem videns Valeriánus, nimio terróre corréptus est. **V.** Angelus Dómini descéndit de cælo, et lumen refúlsit in habitáculo. Quem.

Lectio vj.

CUI cum virgo ómnia illórum paupéribus distribúta esse respondisset, eo furóre concitátus est, ut eam in ipsius ædes redúctam, in bálneo combúri jússerit. Quo in loco cum diem noctémque ita fuisset, ut ne flamma quidem illam attingeret; eo immissus est carnifex, qui ter secúri ictam, cum caput abscindere non potuisset, semivívam reliquit. Illa triduo post, décimo Kaléndas Decémbris Alexándro imperatóre dúplici virginitátis et martýrii palma decoráta, evolávit in cælum. Cujus corpus ab ipso

Urbáno Papa in Callisti cæmetério sepúltum est, in ejus ædibus ecclésia ipsius Cæciliæ nómine consecráta. Ejus et Urbáni ac Lúcii Pontificum, Tibúrtii, Valeriáni et Máximi córpora a Pascháli primo Pontifice inde transláta in Urbem, in eádem sanctæ Cæciliæ ecclésia cóndita sunt.

R. Dómine Jesu Christe, pastor bone, seminátor casti consilii, súscipe séminum fructus quos in Cæcilia seminásti : * Cæcilia fámula tua quasi apis tibi argumentósa desérvit. **V.** Nam sponsum, quem quasi leónem ferócem accépit, ad te quasi agnum mansuetíssimum destinávit. Cæcilia. Glória Patri. Cæcilia.

IN III. NOCTURNO

Ant. Crédimus Christum Filium Dei verum Deum esse, qui sibi talem elégit fámulam.

Ant. Nos sciéntes sanctum nomen ejus, omníno negáre non póssumus.

Ant. Tunc Valeriánus perrexit, et signo quod accéperat, invénit sanctum Urbánum.

V. Elégit eam Deus, et præelégit eam. **R.** In tabernáculo suo habitáre facit eam.

Léctio sancti Evangélíi secúndum Matthæum.

Lectio vij. Cap. 25.

IN illo témpore : Dixit Jesus discipulis suis pará-

bolam hanc : Simile erit regnum cælórum decem virginibus : quæ accipiéntes lámpades suas, exiérunt óbviam sponso, et sponsæ. Et réliqua.

Homilia sancti Joánnis
Chrysóstomi.

Homil. 79. in Matth.
post init.

QUAM ob cáusam in persóna virginum hanc parabolam profert, nec qualemcumque persónam sine discrimine súbjicit? Magna quædam de virginitáte disserúerat, dicens : Sunt eunúchi, qui seipsos castravérunt propter regnum cælórum; et, Qui potest cápere, cápiat. Nec ignorábat, de virginitáte magnam esse vulgo existimatióem, quippe cum sit ea res natúra sublimis : quod inde patet, quia neque in véteri testaménto a priscis illis sanctisque viris culta fuit, et in novo nulla legis necessitáte jubétur : non enim id imperávit, sed fidélium voluntáti permísit. Unde et Páulus ait : De virginibus áutem præcéptum Dómini non hábeo : et láudando quidem eum, qui hoc sectátur institútum; noléntem áutem non cogo, neque eam rem præcéptum fácio.

¶ Beáta Cæcília dixit Tíbúrtio : Hódie te fáteor meum esse cognátum, quia amor Dei te fecit esse * Contemptórem idolórum. ¶ Sic ut enim amor Dei mihi tuum

fratrem cónjugem fecit, ita te mihi cognátum fecit esse. Contemptórem.

Lectio viij.

QUÓNIAM igitur et magna res erat, ac de ea apud multos magna erat existimátió, ne quis ea perfécta se totum perfecisse putáret, ac cætera negligeret, hanc parabolam pósuit, ut osténderet virginitátem, quamvis cætera hábeat, si misericórdiæ bonis carúerit, cum fornicatóribus éjici. Ac mérito quidem inhumánum ac misericórdia caréntem cum illis cóllocat. Fornicátor enim córporum, istæ vero pecuniárum cupiditáte vincúntur. Non est áutem córporum et pecuniæ par cupiditas : sed ácrior multo atque veheméntior illa córporum est. Quanto igitur cum imbecillióre luctántur, tanto minus vénia dignæ sunt, si vincántur. Idcirco étiam fátuas appellávit : quóniam majóri certámine superáto, in facilióre totum perdidérunt.

¶ Cæcília me misit ad vos, ut ostendátis mihi sanctum antistitem : * Quia ad ipsum hábeo secréta, quæ pérferam. ¶ Tunc Valeriánus perréxit, et signo quod accéperat, invénit sanctum Urbánum. Quia. Glória Patri. Quia.

Lectio ix.

LÁMPADES áutem hoc loco illud ipsum virginitátis

donum appellat, et sancti-
móniæ puritatem : óleum
vero benignitatem, eleemó-
synam, impensum indigén-
tibus auxilium. Tardante
autem sponso, dormitavé-
runt omnes, et dormiérunt.
Non parvum témporis rursus
spátium interjéctum ostén-
dit, ut discipulos regnum
ipsius mox futúrum exspe-
ctantes, ab ea opinióne de-
dúceret; id enim illi sperá-
bant : quaprópter crebro ab
hujúsmodi eos spe révocat.
Ad hoc, illud quoque indi-
cat, somnum quemdam esse
mortem : Dormiérunt, in-
quit; média autem nocte
clamor factus est : vel, ut
in eádem parábola persistat,
vel rursus osténdit in nocte
futúram esse resurrectiónem.
Clamórem étiam Páulus
commémorat, dicens :
In jussu, in voce Archán-
geli, in novíssima tuba de-
scéndet de cælo.

Te Deum laudámus. 16.

AD LAUDES

ET PER HORAS

Ant. 1. Cantántibus orgá-
nis * Cæcilia Dómino de-
cantábat, dicens : Fiat cor
meum immaculátum, ut non
confúndar.

Psalm. Dóminus regnávit.
cum reliq. 17.

2. Valeriánus * in cubi-
culo Cæciliam cum Angelo
orántem invénit.

3. Cæcilia fámula tua, *
Dómine, quasi apis tibi ar-
gumentósa desérvit.

4. Benedico te * Pater Dó-
mini mei Jesu Christi, quia
per Filium tuum ignis ex-
stinctus est a látere meo.

5. Triduánas a Dómino *
popósci indúcias, ut domum
meam ecclésiám consecrá-
rem.

Capitulum. II. Cor. 10. d

FRATRES : Qui gloriátur, in
Dómino gloriétur. Non
enim qui seípsum commén-
dat, ille probátus est : sed
quem Deus comméndat.

Hymnus.

JESU coróna Virginum,
Quem mater illa cóncipit,
Quæ sola Virgo párturit,
Hæc vota clemens áccipe.

Qui pergis inter lilia,
Septus choréis Virginum,
Sponsus decórus glória,
Sponsisque reddens præ-
mia.

Quocúmque tendis, Vir-
gines

Sequúntur, atque láudibus
Post te canéntes cúrsitant,
Hymnósque dulces pèrso-
nant.

Te deprecámur súplices,
Nostris ut addas sénsibus,
Nescíre prorsus ómnia
Corruptiόνis vúlnera.

Virtus, honor, laus, glória
Deo Patri cum Filio,
Sancto simul Paráclito,
In sæculórum sæcula.

Amen.

Ÿ. Diffúsa est grátia in lá-
biis tuis. **Ŕ.** Proptérea bene-
dixit te Deus in ætérnum.

Ad Bened. Ant. Dum au-
róra finem daret, Cæcilia

exclamávit, dicens : Eia mílites Christi, abjícite ópera tenebrárum, et induimini arma lucis.

Oratio.

DEUS, qui nos ánnua beátæ Cæciliæ Virginis et Mártýris tuæ solemnitáte lætíficas : da, ut quam venerámur officio, étiam piæ conversatiónis sequámur exémplo. Per Dóminum.

AD TERTIAM

Ant. Valeriánus.

Capit. Fratres : Qui. *supra.*

R. br. Spécie tua * Et pulchritúdine tua. Spécie. **V.** Inténde, prósperè procéde, et regna. Et. Glória Patri. Spécie.

V. Adjuvábít eam Deus vultu suo. **R.** Deus in médio ejus, non commovébitur.

AD SEXTAM

Ant. Cæcília fámula tua.

Capitulum. II. Cor. 11.

ÆMULOR enim vos Dei æmulatione. Despóndi enim vos uni viro vírginem castam exhibére Christo.

R. br. Adjuvábít eam * Deus vultu suo. Adjuvábít.

V. Deus in médio ejus, non commovébitur. Deus. Glória Patri. Adjuvábít.

V. Elégít eam Deus, et præelégít eam. **R.** In tabernáculo suo habitáre facit eam.

AD NONAM

Ant. Triduánas a Dómino.

Capitulum. Eccli. 51. b

DÓMINE Deus meus, exaltásti super terram habitatióne meam, et pro

morte defluénte deprecátus sum. Invocávi Dóminum Patrem Dómini mei, ut non derelínquat me in die tribulatiónis meæ, et in témpore superbórum sine adjutório.

R. br. Elégít eam Deus, * Et præelégít eam. Elégít. **V.** In tabernáculo suo habitáre facit eam. Et. Glória Patri. Elégít.

V. Diffúsa est grátia in lábiis tuis. **R.** Proptérea benedixit te Deus in ætérnum.

IN II. VESPERIS

Ant. de Laud.; Pss. ut in I. Vesp. de Comm. Virg. 95*.

A Capit. fit de seq. cum Commem. præced. etc. ut infra.

DIE XXIII

S. CLEMENTIS I.

PAPÆ ET MARTYRIS

Duplex.

IN I. VESPERIS

Si I. Vesp. dicendæ sint integræ, **Ant.** erunt de Laud. 502; Pss. ut in I. Vesp. de Comm. Apost. 2*.

Capit. et Hymn. de Comuni unius Mart. 24*.

Ad Magnif. Ant. Orémus omnes ad Dóminum Jesum Christum, ut Confessóribus suis fontis venam apériat.

Oratio.

DEUS, qui nos ánnua beátí Cleméntis Mártýris tui atque Pontíficis solemnitáte lætíficas : concéde propítius; ut cujus natalítia cólimus, virtútem quoque passiónis imitémur. Per Dñum.

Et fit Commem. præced.

Ant. Virgo gloriôsa semper Evangélium Christi gerébat in pectore suo, et non diébus neque nóctibus a colloquiis divinis et oratione cessábat.

V. Diffûsa est grátia in lábiis tuis. **R.** Propterea benedixit te Deus in ætérnum.

Orat. Deus, qui nos. 498.

Deinde S. Felicitatis Mart.

Ant. Simile est regnum cælórum hómini negotiátóri quærénti bonas margarítas : invénta una pretiôsa, dedit ómnia sua, et comparávit eam.

V. Spécie tua et pulchritúdine tua. **R.** Inténde, prospere procéde, et regna.

Oratio.

PRÆSTA, quæsumus omnipotens Deus : ut, beátæ Felicitátis Mártyris tuæ solémnia recenséntes, méritis ipsíus protegámur et préciibus. Per Dóminum.

AD MATUTINUM

**Omnia usque ad Lectio-
nes de Comm. unius Mart.
24*.**

IN I. NOCTURNO

Lect. A Miléto. de Comuni. 26*.

R. j. Oránte sancto Cleménte, apparuit ei Agnus Dei : * De sub cujus pede fons vivus emánat, flúminis ímpetus lætificat civitátem Dei. **V.** Vidi supra montem Agnum stantem. De sub.

R. ij. Omnes una voce dixerunt : Ora pro nobis san-

cte Clemens : * Ut digni efficiámur promissionibus Christi. **V.** Non meis méritis ad vos me misit Dóminus vestris corónis participem fieri. Ut.

R. iij. Dedisti Dómine habitáculum Mártyri tuo Cleménte in mari, in modum templi marmórei angélicis mânibus præparátum : * Iter præbens pópulo terræ, ut enárrent mirabilia tua. **V.** Dedisti Dómine sanctis tuis viam in mari, et in flumínibus sémitam. Iter. Glória Patri. Iter.

IN II. NOCTURNO

Lectio iv.

CLEMENS Románus, Fausti-
ni filius, de regiône Cœlii montis, discipulus beáti Petri, cujus méminit Páulus scribens ad Philippéenses : Etiam rogo et te germáne compar, adjuva illas quæ mecum laboravérunt in Evangélio, cum Cleménte et cæteris adjutóribus meis, quorum nómina sunt in libro vitæ. Hic septem Urbis regiones divisit septem notáriis, singulas singulis attribuens, qui passiones Mártyrum et res ab eis gestas diligentissime conquistás litteris mandárent. Multa scripsit et ipse accuráte et salutáriter, quibus christiánam religiónem illustrávit.

R. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit

illi claritatem æternam. **V.** Descenditque cum illo in foveam, et in vinculis non dereliquit eum. Et.

Lectio v.

CUM autem doctrina ac vitæ sanctitate multos ad Christi fidem converteret, a Trajano imperatore relegatus est trans mare Ponicum in solitudine urbis Chersonæ, in qua duo millia Christianorum reperit, qui ab eodem Trajano condemnati fuerant. Qui cum in eruéndis et secándis marmóribus aquæ penúria laborarent, Clemens facta oratione, in vicinum collem ascendit, in cujus jugo vidit Agnum dextero pede fontem aquæ dulcis, qui inde scatébat, attingentem; ubi omnes sitim expleverunt: eoque miraculo multi infidèles ad Christi fidem conversi, Clementis etiam sanctitatem venerari cœperunt.

R. Desiderium animæ ejus tribuisti ei Dómine, * Et voluntate labiõrum ejus non fraudasti eum. **V.** Quoniam prævenisti eum in benedictionibus dulcedinis: posuisti in capite ejus coronam de lapide pretioso. Et voluntate.

Lectio vj.

QUIBUS concitatus Trajanus, misit illuc, qui Clementem, alligata ad ejus collum anchora, in profundum dejicerent. Quod cum factum esset, Christianis ad

littus orantibus, mare ad tria milliaria recessit: eoque illi accedentes, ædiculam marmoream in templi formam, et intus arcam lapideam, ubi Mártiris corpus conditum erat, et juxta illud anchoram, qua mersus fuerat, invenérunt. Quo miraculo incolæ permoti, Christi fidem suscepérunt. Ejus corpus postea Romam, Nicoláo primo Pontifice translátum, in ecclesia ipsius sancti Clementis conditum est. Ecclesia etiam in eo insulæ loco, unde divinitus fons manarat, ejusdem nomine dedicata est. Vixit in pontificatu annos novem, menses sex, dies sex. Fecit ordinationes duas mense Decémbri, quibus creávit presbyteros decem, diaconos duos, episcopos per diversa loca quindecim.

R. Stola jucunditatis. 30*.

IN III. NOCTURNO

Lectio sancti Evangelii secundum Matthæum.

Lectio vij. Cap. 24. d

IN illo tempore: Dixit Jesus discipulis suis: Vigilate, quia nescitis qua hora Dominus vester venturus sit. Et reliqua.

Homilia sancti Hilarii
Episcopi.

Comment. in Matth. cap. 26.

UT ignorantiam illam diéi omnibus taciti, non sine utilis silentii ratione esse scirémus, vigilare nos Dominus propter adventum fu-

ris admónuit, et oratiónum assiduitáte deténtos, ómnibus præceptórum suórum opéribus inhærere. Furem enim esse osténdit zábulum, ad detrahénda ex nobis spólia pervigilem, et córporum nostrórum dómibus insidiántem; ut ea incuriósis nobis, et somno déditis, consiliórum suórum atque illecebrárum jáculis perfódiat. Parátos igitur esse nos cónvenit : quia diéi ignorátio inténtam sollicitúdinem suspénsæ expectatiónis exágitet.

¶ Coróna áurea super caput ejus,* Exprésa signo sanctitátis, glória honóris, et opus fortitúdinis. ¶ Quóniam prævenisti eum in benedictiόνibus : dulcédinis, posuisti in cápite ejus corónam de lápide pretióso. Exprésa signo.

Lectio viij. Cap. 27.

QUISNAM est fidélis servus et prudens, quem constituit Dóminus super familiam suam? Quamquam in commúne nos ad indeféssam vigilántiæ curam adhortétur : speciálem tamen pópuli princípibus, id est, episcopis, in exspectatióne adventúque suo sollicitúdinem mandat. Hunc enim servum fidélem atque prudentem, præpósitum familiæ significat, cómmoda atque utilitátes commissi sibi pópuli curántem. Qui si dicto áudiens, et præceptis obédiens erit,

id est, si doctrínæ opportunitáte et veritáte infirma confirmet, disrúpta consólidet, depraváta convértat, et verbum vitæ in æternitátis cibum aléndæ familiæ dispéndat, atque hæc agens, hisque immorans deprehendátur : glóriam a Dómino tamquam dispensátor fidélis et villicus útilis consequétur, et super ómnia bona constituétur; id est, in Dei glória collocábitur, quia nihil sit ultra, quod mélius sit.

¶ Hic est vere Martyr, qui pro Christi nómine sanguinem suum fudit : * Qui minas júdicum non tímuit, nec terrénæ dignitátis glóriam quæsívit, sed ad cælestia regna pervénit. ¶ Justum dedúxit Dóminus per vias rectas, et osténdit illi regnum Dei. Qui. Glória Patri. Qui.

Pro S. Felicitate Mart.

Sermo sancti Gregórii Papæ.

Ex Homilia 3. in Evang.

Lectio ix.

BEÁTA Felicitas, cujus hodie natalitia celebrámus, septem filios sic post se tímuit vivos in carne relinquere, sicut carnáles paréntes solent metúere, ne mórtuos præmittant. In persecutiónis enim labóre deprehénsa, filiórum corda in amore supérnæ pátriæ prædicándo roborávit, et paritúrit spíritu, quos carne

pepérerat ; ut prædicatione páreret Deo, quos carne pepérerat mundo. Numquid ergo hanc féminam Mártyrem dixerim? Sed plus quam Mártyrem : quæ septem pignóribus ad regnum præmissis, tot ante se mórtuos transmisit. Ad pœnam prima venit, sed pervénit octáva.

Te Deum laudámus. 16.

AD LAUDES

ET PER HORAS

Ant. 1. Oránte sancto Clemente, * appáruit ei Agnus Dei.

Ps. Dóminus regnávit. cum reliq. 17.

2. Non meis méritis * ad vos me misit Dóminus, vestris coronis participem fieri.

3. Vidi supra montem * Agnum stantem, de sub cuius pede fons vivus emánat.

4. De sub cuius pede * fons vivus emánat, flúminis impetus lætíficat civitátem Dei.

5. Omnes gentes * per gyrum crediderunt Christo Dómino.

Capitulum. Jac. 1. b

BEÁTUS vir, qui suffert tentationem : quóniam cum probátus fúerit, accípiet coronam vitæ, quam repromisit Deus diligentibus se.

Hymnus.

INVÍCTE Martyr, únicum Patris secútus Fílium, Victis triúmphas hóstibus, Victor fruens cæléstibus.

Tui precátus múnere Nostrum reátum dilue,

Arcens mali contágium, Vitæ repéllens tædium.

Solúta sunt jam víncula Tui sacráti córporis : Nos solve vinclis sæculi Dono supérni Núminis.

Deo Patri sit glória, Ejúsque soli Fílio, Cum Spíritu Paráclito, Nunc, et per omne sæculum. Amen.

Y. Justus ut palma florébit. **R.** Sicut cedrus Líbani multiplicábitur.

Ad Bened. Ant. Cum iter ad mare cepisset, pópulus voce magna clamábat : Dómine Jesu Christe salva illum : et Clemens cum lácrymis dicébat : Súscipe Pater spíritum meum.

Oratio.

DEUS, qui nos ánnua beáti Clementis Mártyris tui atque Pontificis solemnitate lætíficas : concéde propítius ; ut cuius natalitia cólimus, virtútem quoque passiónis imitémur. Per Dóminum.

Et fit Commem. S. Felicitatis.

Ant. Date ei de fructu mánuum suárum, et láudent eam in portis ópera ejus.

Y. Diffúsa est grátia in lábiis tuis. **R.** Proptérea benedixit te Deus in ætérnum.

Oratio Præsta, quæsumus omnípotens. 499.

AD TERTIAM

Ant. Non meis méritis.

Capit. Beátus vir. *supra.*

R. br. Glória et honóre

* Coronásti eum Dómine.

Glória et honóre. *Ÿ.* Et constituisti eum super ópera mánuum tuárum. Coronásti. Glória Patri. Glória et honóre.

Ÿ. Posuisti Dómine super caput ejus. *R.* Corónam de lápide pretiósó.

AD SEXTAM

Ant. Vidi supra montem.

Capitulum. *Eccli.* 15.

CIBÁVIT illum pane vitæ et intelléctus, et aqua sapiéntiæ salutáris potávit illum Dóminus Deus noster.

R. *br.* Posuisti Dómine * Super caput ejus. Posuisti. *Ÿ.* Corónam de lápide pretiósó. Super. Glória Patri. Posuisti.

Ÿ. Magna est glória ejus in salutári tuo. *R.* Glóriam et magnum decórem impónes super eum.

AD NONAM

Ant. Omnes gentes.

Capitulum. *Eccli.* 39.

JUSTUS cor suum trádidit ad vigilándum dilúculo ad Dóminum, qui fecit illum, et in conspéctu Altíssimi deprecábitur.

R. *br.* Magna est glória ejus * In salutári tuo. Magna. *Ÿ.* Glóriam et magnum decórem impónes super eum. In salutári. Glória Patri. Magna.

Ÿ. Justus ut palma florébit. *R.* Sicut cedrus Libani multiplicábitur.

IN II. VESPERIS

Ant. de Laud.; *Pss. ut in I. Vesp. de Comm. Aposto-*

lorum. 2*, et loco ult., *Ps. Crédidi.* 16*.

A Capit. fit de seq. cum Commem. præced. et sancti Chrysogoni Mart.

DIE XXIV

S. JOANNIS A CRUCE

CONFESSORIS

Duplex.

Omnia de Comm. Conf. non Pont. 76, præter seq. (m. t. v.)*

Oratio.

DEUS, qui sanctum Joánnem Confessórem tuum perfectæ sui abnegatiónis, et crucis amatórem eximium effecisti : concéde ; ut ejus imitatióni júgiter inhærentes ; glóriam assequámur ætérnam. Per Dóminum.

Et fit Commem. præced.

Ant. Dedisti Dómine habitáculum Mártiri tuo Clementi in mari, in modum templi marmórei, angélicis manibus præparátum, iter præbens pópulo terræ, ut enárrent mirabília tua.

Ÿ. Justus ut palma florébit. *R.* Sicut cedrus Libani multiplicábitur.

Orat. Deus, qui nos. 502.

Deinde S. Chrysogoni Martyris.

Ant. Iste sanctus pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

Ÿ. Glória et honóre coronásti eum Dómine. *R.* Et

constituisti eum super ópera mánuum tuárum.

Oratio.

ADÉSTO Dómine supplicatiónibus nostris : ut qui ex iniquitatē nostra reos nos esse cognóscimus, beáti Chrysógoni Mártiris tui intercessióne liberémur. Per.

IN I. NOCTURNO

Lect. de Script. occur.

IN II. NOCTURNO

Lectio iv.

JOÁNNES a Cruce, Fonti-beri in Hispánia piis paréntibus natus, a primis annis certo innóuit, quam Deíparæ Virgini futúrus esset accéptus; nam quinquénis in púteum lapsus, ejúsdem Deíparæ manus sublátus, incóлумis evásit. Tanto áutem patiéndi desidério flagrávit, ut novénnis, spreto mollióri lecto, super sarméntis cubáre consuéverit. Adoléscens hospítio páuperum ægrotántium Metýmnæ Campi fámulum sese addixit, quibus magno caritátis ardóre vilíssima quæque compléctens officia, præsto áderat. Cujus exémplo excitáti cæteri, éadem caritátis múnera ardéntius obibant. Verum ad altióra vocátus, beátæ Mariæ Virginis de Monte Carmélo institútum ampléxus est : ubi sacérdos ex obediéntia factus, severiórís disciplinæ et arctiórís vitæ cupidíssimus, primitivam órdis régulam ex superiórís licéntia ita proféssus

est, ut, ob jugem Dóminicæ passiónis memóriam, bello in se, tamquam in infensissimum hostem indicto, vigiliis, jejúniis, férreis flagellis, omníque pœnárum genere, brevi carnem cum vitiis et concupiscéntiis suis crucifixerit : dignus plane, qui a sancta Terésia inter puriôres sanctiorésque ánimas Ecclesiám Dei id téporis illustrántes recenserétur.

R. Honéstum fecit illum Dóminus, et custodívit eum ab inimícis, et a seductóribus tutávit illum : * Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. Et dedit illi.

Lectio v.

SINGULÁRI vitæ austeritatē, et ómnium virtútum præsidio munitus, præ assídua rerum divinárum contemplatióne, diutúrnas et mirábiles éxtases frequénter patiebátur : tantóque in Deum æstuábat amóre, ut, cum divínus ignis sese intro diútius continére non posset, foras erúmpere, ejúsque vultum irradiáre visus sit. Proximórum salúti summóperé inténtus, tum in verbi Dei prædicatióne, tum in sacramentórum administratióne fuit assíduus. Hinc tot méritis áuctus, strictiorisque disciplinæ promovendæ ardóre veheménter accensus, sanctæ Terésiæ comes divínitus datus est, ut quam

ipsa inter soróres primævam Carméli órdinis observántiam instauráverat, eámdem et inter fratres, Joánnē adjutóre, restitúeret. Innúmeros itaque una cum Dei fámula in divíno ópere promovéndo perpéssus labóres, cœnóbia quæ ejúsdem sanctæ Virginis cura per totam Hispániam erécta fúerant, nullis vitæ incómodis et periculis térritus, síngula perlustrávit : in quibus aliisque quamplúrimis ejus ópera eréctis, restaurátam observántiam propagádo, verbo et exémplo firmávit; ut mérito primus post sanctam Terésiam Carmelitárum Excalceatórum órdinis proféssor et parens habeátur.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum.

V. Induit eum Dóminus lorícam fidei, et ornávit eum. Et ad portas.

Lectio vj.

VIRGINITÁTEM perpétuo cóluit, impudentesque mulieres ejus pudicitíæ insidiári conántes, non modo repulit, sed étiam Christo lucrifécit. In divínis explicándis arcánis æque ac sancta Terésia, apostólicæ sedis judicio, divínitus instructus, libros de mýstica theologia cælésti sapiéntia refertos conscripsit. Semel interrogátus a Christo, quid præmii pro tot labóribus

pósceret, respóndit : Dómine, pati, et contémni pro te. Império in dæmones, quos e corpóribus sæpe fugábat, discretiónē spírituum, prophetiæ dono, miraculorum glória celebratissimus, ea semper fuit humilitáte, ut sæpius a Dómino flagitáverit eo loco mori, ubi ómnibus esset ignótus. Voti compos factus, Ubédæ diro morbo, et in crure quinque plagis sánie manántibus, ad impléndum patiéndi desidérium constantissime tolerávis, Ecclesiæ sacraméntis pie sanctéque suscepvis, in Christi crucifixi ampléxu, quem semper in corde atque ore habúerat, post illa verba : In manus tuas comméndo spíritum meum, obdormívit in Dómino, die et hora a se prædictis, anno salútis millésimo quingentésimo nonagésimo primo, ætátis quadragésimo nono. Migrántem ejus ánimam splendíssimus ignis globus excépit : corpus vero suavíssimum odórem spirávit, quod etiámnum incorrúptum Segóviæ honorífice cólitur. Eum plúrimis ante et post óbitum fulgéntem signis Benedictus décimus tértius, Póntifex Máximus, in sanctórum númerum rétulit.

R. Iste homo. 83*.

IN III. NOCTURNO

Homil. in Evang. Sint lumbi. **de eodem Comm.** 1^o loco. 85*.

Pro S. Chrysogono
Mart.

Lectio ix.

CHRYSÓGONUS Diocletiáno imperatóre Romæ inclúsus in cárcere, ibi biénnum sanctæ Anastásiae facultátibus vixit : quam étiam afflictam propter Christum a viro suo Públio, propterea-que a suis oratióibus per litteras auxilium postulá-tem, mútuis epístolis est consolátus. Sed cum imperátor Romam scripsisset, ut, réliquis Christiánis, qui in vinculis essent, interféctis, Chrysógonus Aquiléiam ad se mitterétur, eo perductus est. Cui imperátor : Accersivi, inquit, te Chrysógone, ut honóribus áugeam, si modo indúxeris ánimum deos cólere. At ille : Ego eum qui vere est Deus, mente et oratióne véneror; deos áutem, qui nihil sunt nisi dáemonum simulácula, odi et éxsecror. Quo respónso excandéscens imperátor, ad Aquas Gradátas eum secúri pércuti jubet, octávo Kaléndas Decémbris. Cujus corpus projéctum in mare, páulo post in líttore invéntum, Zóilus présbyter in suis ædibus sepelivit.

Te Deum laudámus. 16.

In Laud. fit Commem. S. Chrysogoni.

Ant. Qui odit ánimam suam in hoc mundo, in vitam ætérnam custódit eam.

V. Justus ut palma floré-

bit. **R.** Sicut cedrus Líbani multiplicábitur.

Orat. Adéstó Dómine. 504.

Vesp. a Capit. de seq. cum Commem. præced.

DIE XXV

SANCTÆ CATHARINÆ

VIRG. ET MART.

Duplex.

Omnia de Comm. Virg. et Mart. 95*, præter seq.

Oratio.

DEUS, qui dedisti legem Móysi in summitáte montis Sinai, et in eódem loco per sanctos Angelos tuos corpus beátæ Catharinæ Virginis et Mártiris tuæ mirabiliter collocásti : præsta, quæsumus; ut ejus méritis et intercessióne, ad montem, qui Christus est, pervenire valeámus : Qui tecum vivit.

Et fit Commem. præced.

Ant. Hic vir despiciens mundum et terréna, triúmphans, divítias cælo cóndidit ore, manu.

V. Justum dedúxit Dóminus per vias rectas. **R.** Et osténdit illi regnum Dei.

Orat. Deus, qui. 503.

IN I. NOCTURNO

Lect. de Script. occur.

IN II. NOCTURNO

Lectio iv.

CATHARÍNA nóbilis virgo Alexandrina, a prima ætáte stúdia liberálium ártium cum fidei ardóre conjúgens, brevi ad eam sanctitátis et doctrinæ perfe-

ctiōnem pervēnit, ut decem et octo annos nata eruditissimum quemque superāret. Quæ cum Maximīni jussu multos propter christiānæ religiōnis professiōnem vārie tormētis cruciātos, ad supplicium rapi vidēret, non dubitāter ipsum adiit Maximinum, eīque nefāriam immanitatem objiciens, sapientissimis ratiōnibus Christi fidem ad salutem necessariam esse affirmāvit.

R. Propter veritatem, et mansuetudinem, et justitiam : * Et deducet te mirabiliter dextera tua. **V.** Specie tua et pulchritudine tua intēde, prospere procēde, et regna. Et.

Lectio v.

CUJUS prudentiam Maximinus admirātus, retinēri eam jubet, accersitis undique doctissimis hominibus, magnisque propōitis præmiis, qui convictam Catharinam a Christi fide ad idolorum cultum perduxissent. Quod contra accidit. Nam plures philosophi, qui ad eam coarguendam convenerant, vi ac subtilitate ejus disputationis tanto Jesu Christi amore sunt incēsi, ut pro illo mori non dubitarent. Quamobrem Maximinus blanditiis ac promissis Catharinam de sententia deducere aggreditur : verum id frustra fieri intēlligens, verberibus affectam, plumbatisque contusam, dies undecim

sine cibo ac potu inclusam tenet in carcere.

R. Dilexisti justitiam, et odisti iniquitatem : * Propterea unxit te Deus, Deus tuus oleo lætitiæ. **V.** Propter veritatem, et mansuetudinem, et justitiam. Propterea.

Lectio vj.

QUO tēpore Maximini uxor, et Porphyrius bellidux, visendæ virginis causa carcerem ingressi, et ejusdem prædicatione in Jesum Christum credentes, postea martyrio coronati sunt. Interim Catharina educitur e custodia, et rota expeditur, crebris et acutis præfixa gladiis, ut virginis corpus crudelissime dilaceraretur. Quæ machina brevi, Catharinæ oratione, confracta est : eoque miraculo multi Christi fidem suscepērunt. Ipse Maximinus in impietate et crudelitate obstinatio, Catharinam securi percuti imperat. Quæ fortiter dato capite, ad duplicatum virginitatis et martyrii præmium evolavit, septimo Kalendas Decembris : cujus corpus ab Angelis in Sina Arabiæ monte mirabiliter collocatum est.

R. Afferentur Regi. 104*.

IN III. NOCTURNO

Homil. in Evang. Simile erit regnum cælorum. **de eodem Comm. 1º loco.** 106*.

Vesp. a Capit. de seq. cum Commem. præced, et S. Petri Alexandrini Ep. et Mart.

DIE XXVI
SANCTI SILVESTRI
ABBATIS
Duplex.

Omnia de Comm. Conf.
non Pont. 76*, præter seq.
Oratio.

CLEMENTÍSSIME Deus, qui sanctum Silvēstrum Abbatē sāculi hujus vanitatem in apēto tūmulo pie meditantem ad erēmum vocāre, et præclāris vitæ mēritis decorāre dignātus es : te sūpplices exorāmus; ut ejus exēplo terrēna despiciētes, tui consōrtio perfruāmur ætérno. Per Dóminum.

Deinde fit Commem. præced.

Ant. Veni sponsa Christi, accipe corónam, quam tibi Dóminus præparāvit in ætérnum.

V. Diffūsa est grátia in lábiis tuis. **R.** Propterea benedixit te Deus in ætérnum.

• **Orat.** Deus, qui dedisti. 506.

Postea S. Petri Alexandrini Episc. et Mart.

Ant. Iste sanctus pro lege Dei sui certāvit usque ad mortem, et a verbis impiórum non tímuit : fundātus enim erat supra firmam petram.

V. Glória et honóre coronāsti eum Dómine. **R.** Et constituísti eum super ópera mánuum tuárum.

Oratio.

INFIRMITÁTEM nostram respice, omnipotens Deus :

et quia pondus próprie actiōnis gravat, beāti Petri Mártiris tui atque Pontificis intercēssio gloriósa nos próteget. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

SILVÉSTER, Auximi in Pi-
scēno nóbili gēnere ortus, statim puerilem ætatem litteris ac bonis móribus mirifice exornāvit. Adolēscens Bonóniam ad stúdia jurisprudentiæ missus a patre, cum sacris litteris a Deo mónitus dedisset óperam, paréntis incúrrit indignatió-
nem, quam æquo ánimo toto decénio pértulit. Ob egrégiam ejus virtútem a canónicis cathedrális Auximánæ ecclésiæ sócius honóris electus est; in quo múnere pópulo oratió-
nibus, exēplo et conció-
nibus opem tulit.

R. Honéstum fecit illum Dóminus, et custodivit eum ab inimícis, et a seductóribus tutāvit illum : * Et dedit illi claritatem ætérnam. **V.** Justum dedúxit Dóminus per vias rectas, et osténdit illi regnum Dei. Et.

Lectio v.

INTER funus nóbilis cujús-
dam defúnti, in apēto tūmulo formósi viri suique propínqui defórme cadáver conspiciens : Ego, inquit, sum, quod hic fuit; quod hic est, ego ero. Et mox, perácto fúnere, illa sibi Dó-

mini occurrēte sentētia : Qui vult venire post me, abneget semetipsum, et tollat crucem suam, et sequatur me, in solitudinem maioris perfectionis studio secēssit, ibique vigiliis, orationibus jejuniisque deditus, crudas tantum herbas in cibum sæpius adhibuit. Ut autem magis latēret homines, varias mutavit sedes; ac demum pervēnit ad montem Fanum, locum, quamvis prope Fabriānum, eo tamen tempore desērtum, ibique in honorem sanctissimi patris Benedicti templum erexit, congregationisque Silvestrinorum fundamenta jecit, sub regula et habitu in visione sibi ab eodem Sancto ostēsis.

R. Amavit eum Dominus, et ornavit eum : stolam gloriæ induit eum, *Et ad portas paradisi coronavit eum.
V. Induit eum Dominus lorricam fidei, et ornavit eum. Et.

Lectio vj.

AT invidens sathanas variis terroribus illius monachos turbare nitebatur, noctu monasterii januas hostiliter invadens. Sed vir Dei hostis impetum ita reprēssit, ut monachi in sancto instituto magis confirmarentur, ac patris sanctitatem agnoscerent. Spiritu prophetiæ aliisque donis enituit. Quæ ut semper profunda humilitate conservavit, ita contra se dæmonis invidiam conci-

tauit, a quo præceps actus per scalas oratorii, et prope interimendus, præsentissimo Virginis beneficio incolumitati redditus est. Quod beneficium perpétua et singulari in illam pietate commendavit ad ultimum usque vitæ spiritum, quem fere nonagenarius, sanctitate et miraculis clarus, Deo reddidit anno salutis millésimo ducentésimo sexagésimo séptimo, sexto Kalēdas Decēbris. Ejus Officium ac Missam Leo decimus tertius Pōntifex Máximus ad universam extendit Ecclēsiā.

R. Iste homo. 83*.

IN III. NOCTURNO

Homil. in Evang. Ecce nos. de Communi Abbatis 1^o loco. 91*.

Lectio ix.

PETRUS episcopus Alexandriæ, post Theónam virum sanctissimum, sanctitatis et doctrinæ splendore non solum illustravit Ægyptum, sed toti luxit Ecclēsiæ Dei. Qui in persecutiōne Maximiani Galerii illam temporum acerbitatem ita pertulit, ut multi admirabilem ejus patientiam intuentes, plurimum in christiana virtute proficerent. Is primus Arium diaconum Alexandrinum, propter schisma Meletianum, cui favēbat, a fidelium communiōne sejūnxit. Ad eum capitis ab eodem Maximiano damnatum in carcere cum Achilles et Ale-

xánder presbýteri deprecátóres Arii venissent, respóndit, noctu apparuisse sibi Jesum veste discissa, causámque rei sciscitánti dixisse : Arius vestem meam, quæ est Ecclésia, dilacerávit. Quibus étiam prædicens fore, ut sibi in episcopátu succéderent, præcepit ne umquam Arium in communionem reciperent, quem Deo mórtuum esse sciret. Et hanc divínam prænotiónem veram fuisse, non diu post rei probávit événtus. Dénique duodécimo sui episcopátus anno, sexto Kaléndas Decémbris abscisso cápite ad martýrii corónam evolávit.

Te Deum laudámus. 16.

In Laud. fit Commem. S. Petri Alexandrini.

Ant. Qui odit ánimam suam in hoc mundo, in vitam ætérnam custódit eam.

V. Justus ut palma florébit. R. Sicut cedrus Líbani multiplicábitur.

Orat. Infirmitátem. 508.

DIE XXIX

COMMEMORATIO

S. SATURNINI MARTYRIS

Pridie in Vesp. Ant. Iste sanctus pro lege Dei sui certávit usque ad mortem, et a verbis impiórum non tímuit : fundátus enim erat supra firmam petram.

V. Glória et honóre coronásti eum Dómine. R. Et constituísti eum super ópera mánum tuárum.

Oratio.

DEUS, qui nos beáti Saturnini Mátyristui concédís natalitio pérfrui : ejus nos tribue méritis adjuvári. Per.

IN VIGILIA

S. ANDREÆ APOSTOLI

Si Festum S. Andreae venerit Fer. II., de Vigil. fit Offic. in Sabbato præced. et Commem. S. Saturnini in Dom.

Offic. fit de Feria, ut dictum est in Rubricis generalibus, cum Homilia et Oratione de Vigilia ut infra.

Lectio sancti Evangelii secundum Joánnem.

Lectio j. Cap. 1. e

IN illo témpore : Stabat I Joánnes, et ex discipulis ejus duo. Et respiciens Jesum ambulántem, dicit : Ecce Agnus Dei. Et réliqua.

Homilia sancti Augustini Episcopi.

Tract. 7. in Joann., post init.

QUIA talis erat Joánnes amicus sponsi, non quærébat glóriam suam, sed testimónium perhibébat veritati : numquid vóluit apud se remanére discipulos suos, ut non sequeréntur Dóminum? Magis ipse osténdit discipulis suis quem sequeréntur : habébant enim illum tamquam agnum. Et ille : Quid me atténditis? Ego non sum agnus. Ecce Agnus Dei. De quo et supérius díxerat : Ecce Agnus Dei. Et quid nobis prodest Agnus Dei? Ecce, ait, qui tollit peccá-

tum mundi. Secúti sunt illum, hoc audito, duo qui erant cum Joánne.

R. de Feria occur.

Lectio ij.

VIDEÁMUS sequéntia. Ecce Agnus Dei. Hoc Joánnes. Et audiérunt eum duo discipuli loquéntem, et secúti sunt Jesum. Non sic illum sequebántur, quasi jam ut inhærérent illi : nam manifestum est, quando illi inhæserunt, quia de navi eos vocávit. In his enim duóbus erat Andréas, sicut modo audístis. Andréas áutem frater Petri erat. Et nóvimus in Evangélio quod Petrum et Andréam Dóminus de navi vocávit, dicens : Venite post me, et fáciam vos piscatóres hóminum. Et ex illo jam inhæserunt illi, ut non recederent.

Lectio iij.

MODO ergo quod illum sequúntur isti duo, non quasi non recessúri sequúntur, sed vidére voluérunt ubi habitáret, et fácere quod scriptum est : Limen ostiórum ejus éxerat pes tuus : surge ad illum venire assidue, et erudire præcéptis ejus. Osténdit eis ille ubi manéret : venérunt, et fuérunt cum illo. Quam beátum diem duxérunt, quam beátam noctem ! Quis est, qui nobis dicat quæ audierint illi a Dómino ? Ædificémus et nosmetipsi in corde nostro, et faciámus domum,

quo véniat ille, et dóceat nos, et colloquátur nobis.

Ad Laudes, ut in Psalt.

Et dicuntur Preces feriales flexis genibus. 60.

Oratio.

QUÆSUMUS omnipotens Deus : ut beátus Andréas Apóstolus, cujus prævenimus festivitátem, tuum pro nobis implóret auxilium ; ut a nostris reátibus absolúti, a cunctis étiam perículis eruámur. Per Dóminum.

Et fit Commem. S. Saturnini.

Ad Magnif. Ant. Qui odit ánimam suam in hoc mundo, in vitam ætérnam custódit eam.

Y. Justus ut palma florébit. *R.* Sicut cedrus Líbani multiplicábitur.

Orat. Deus, qui. 510.

DIE XXX

S. ANDREÆ APOSTOLI

Duplex 2. classis.

IN I. VESPERIS

Ant., Capit. et Hymn. de Laud. 516 ; Pss. ut in I. Vesp. de Comm. Apost. 2.*

Y. In omnem terram exívit sonus eórum. *R.* Et in fines orbis terræ verba eórum.

Ad Magnif. Ant. Unus ex duóbus, qui secúti sunt Dóminum, erat Andréas, frater Simónis Petri, alleluia.

Orat. ut ad Laudes. 517.

AD MATUTINUM

Invit. Regem Apostolórum Dóminum, * Veníte, adorémus.

Ps. Venite, exultémus. 2.

Hymn. Ætérna Christi. 4*.

IN I. NOCTURNO

Ant. Vidit Dóminus Petrum et Andréam, et vocávit eos.

Pss. in tribus Nocturnis de Comm. Apost. 5*.

Ant. Venite post me, dicit Dóminus, fáciam vos fieri piscatóres hóminum.

Ant. Relictis rétibus suis, secúti sunt Dóminum Redemptórem.

V. In omnem terram exívit sonus eórum. **R.** Et in fines orbis terræ verba eórum. De Epístola beáti Páuli Apóstoli ad Romános.

Lectio j. Cap. 10.

EINIS legis, Christus, ad justitiam omni credénti. Móyses enim scripsit, quóniam justitiam, quæ ex lege est, qui fécerit homo, vivet in ea. Quæ áutem ex fide est justítia, sic dicit: Ne díxeris in corde tuo: Quis ascéndet in cælum? id est, Christum dedúcere: Aut quis descéndet in abyssum? hoc est, Christum a mórtuis revocáre. Sed quid dicit Scriptúra? Prope est verbum in ore tuo, et in corde tuo: hoc est verbum fidei, quod prædicámus. Quia si confiteáris in ore tuo Dóminum Jesum, et in corde tuo credideris, quod Deus illum suscitávit a mórtuis, salvus eris.

R. Cum perambuláret Dó-

minus juxta mare Galilææ, vidit Petrum et Andréam rétia mitténtes in mare, et vocávit eos, dicens: * Venite post me, fáciam vos fieri piscatóres hóminum. **V.** Erant enim piscatóres, et ait illis. Veníte.

Lectio ij.

CORDE enim créditur ad justitiam: ore áutem conféssio fit ad salutem. Dicit enim Scriptúra: Omnis, qui credit in illum, non confundétur. Non enim est distinctio Judæi et Græci: nam idem Dóminus ómnium, dives in omnes qui invocant illum. Omnis enim, quicúmque invocáverit nomen Dómini, salvus erit. Quómodo ergo invocábunt, in quem non credidérunt? Aut quómodo credent ei, quem non audierunt? Quómodo áutem áudient sine prædicánte? Quómodo vero prædicábunt, nisi mittántur? sicut scriptum est: Quam speciósi pedes evangelizántium pacem, evangelizántium bona!

R. Mox ut vocem Dómini prædicántis audívit beátus Andréas, relictis rétibus, quorum usu actúque vivébat, * Ætérnæ vitæ secútus est præmia largiéntem. **V.** Hic est qui pro amóre Christi pepéndit in cruce, et pro lege ejus sustinuit passiónem. Ætérnæ.

Lectio iij.

SED non omnes obédiunt Evangélio. Isaías enim

dicat : Dómine quis crédidit auditui nostro? Ergo fides ex auditu, auditus áutem per verbum Christi. Sed dico : Numquid non audiérunt? Et quidem in omnem terram exívit sonus eórum, et in fines orbis terræ verba eórum. Sed dico : Numquid Israël non cognóvit? Primus Móyses dicit : Ego ad æmulatióem vos addúcam in non gentem : in gentem insipientem, in iram vos mittam. Isaías áutem áudet, et dicit : Invéntus sum a non quæréntibus me : palam apparui iis, qui me non interrogábant. Ad Israël áutem dicit : Tota die expándi manus meas ad pópulum non credéntem et contradicéntem.

R. Doctor bonus, et amicus Dei Andréas dúcitur ad crucem, quam a longe adspiciens, dixit : Salve crux, * Súscipe discipulum ejus, qui pepéndit in te magister meus Christus. **V.** Salve crux, quæ in corpore Christi dedicáta es : et ex membris ejus tamquam margaritis ornáta. Súscipe. Glória Patri. Súscipe.

IN II. NOCTURNO

Ant. Dignum sibi Dóminus computávit Mártirem, quem vocávit Apóstolum, dum esset in mari, allelúia.

Ant. Diléxit Andréam Dóminus in odórem suavitatis.

Ant. Bíduo vivens pendébat in cruce beátus Andréas pro Christi nómine, et docébat pópulum.

V. Constitues eos principes super omnem terram. **R.** Mémores erunt nóminis tui Dómine.

Lectio iv.

ANDRÉAS Apóstolus Bethsáidæ natus, qui est Galiléæ vicus, frater Petri, discipulus Joánnis Baptistæ, cum eum de Christo dicéntem audisset : Ecce Agnus Dei; secútus Jesum, fratrem quoque suum ad eúndem perdúxit : cum póstea una cum fratre piscaréture in mari Galiléæ, ambo a prætereúnte Christo Dómino ante álios Apóstolos vocáti illis verbis : Veníte post me, fáciam vós fieri piscatóres hóminum; nullam interponéntes moram, et relíctis rétib; secúti sunt eum. Post cujus passionem et resurrectionem, Andréas, cum in Scýthiam Európe, quæ ei provincia ad Christi fidem disseminándam obtigerat, venisset, deinde Epírum ac Thráciam peragrásset; doctrína et miraculis innumerábiles hómines ad Christum convértit. Post Patras Acháie profectus, et in ea urbe plúrimis ad veritátem evangélicam perductis, Ægéam procónsulem, prædicatióni evangélicæ resisténtem, liberrime increpávit, quod, qui iudex hóminum habéri vel-

let, Christum Deum ómnium júdicem a dæmónibus elúsus non agnósceret.

R. Homo Dei ducebátur ut crucifigerent eum : pópulus áutem clamábat voce magna, dicens : * Innocens ejus sanguis sine cáusa damnátur.

V. Cumque dúcerent eum ut crucifigerétur, factus est concúrsus populórum clamántium, et dicéntium. Innocens.

Lectio v.

CUM Ægéas irátus, Désine, inquit, Christum jactáre, cui simília verba nihil profuérunt, quo minus a Judæis crucifigerétur. Andréam vero de Christo nihilóminus libere prædicántem, quod pro salúte humáni géneris se crucifigéndum obtulisset, impia oratióne interpéllat, ac demum hortátur, ut sibi cónsulens, diis velit immoláre. Cui Andréas : Ego omnipoténti Deo, qui unus et verus est, immolo quotidie, non taurórum carnes, nec hircórum sánguinem, sed immaculátum Agnum in altári : cujus carnem posteaquam omnis pópulus credéntium manducáverit, Agnus, qui sacrificátus est, ínteger perseverat et vivus. Quamóbrem ira accénsus Ægéas, jubet eum in cárcerem detrúdi : unde pópulus Andréam fácite liberásset, nisi ipse sedásset multitudínem, veheméntius rogans, ne se ad optatissimam martýrii co-

rónam properántem impedirent.

R. O bona crux, quæ decórem et pulchritúdinem de membris Dómini suscepisti ; áccipe me ab homínibus, et redde me magistro meo : * Ut per te me recípiat, qui per te me redémit. **V.** Beátus Andréas expánsis má-nibus ad cælum orábat, dicens : Salva me bona crux. Ut.

Lectio vj.

IGITUR páulo post in tribúnal productum, cum Ægéas crucis extolléntem mystéria, sibique suam impietátem exprobrántem diú-tius ferre non posset, in crucem tolli, et Christi mortem imitári jussit. Addúctus Andréas ad locum martýrii, cum crucem vidisset, longe exclamáre cœpit : O bona crux, quæ decórem ex membris Dómini suscepisti, diu desideráta, solícite amáta, sine intermissiône quæsita, et aliquándo cupiénti ánimo præparáta : áccipe me ab homínibus, et redde me magistro meo : ut per te me recípiat, qui per te me redémit. Itaque cruci affixus est : in qua bíduum vivus pendens, et Christi fidem prædicáre numquam intermittens, ad eum migrávit, cujus mortis similitúdinem concupierat. Quæ ómnia presbýteri et diáconi Acháíæ, qui ejus passiónem scripsérunt, se ita ut com-

memorata sunt, audisse et vidisse testantur. Ejus ossa primum Constantino imperatore Constantinopolim, deinde Amalphim translata sunt. Caput, Pio secundo Pontifice, Romam allatum, in basilica sancti Petri collocatum est.

R. Expandi manus meas tota die in cruce ad populum non credentem, sed contradicentem mihi : * Qui ambulat vias non bonas, sed post peccata sua. **V.** Deus ultionum Dominus, Deus ultionum libere egit : exaltare qui iudicas terram, redde retributionem superbis. Qui. Glória Patri. Qui.

IN III. NOCTURNO

Ant. Non me permittas Domine, famulum tuum a te separari : tempus est ut commendetur terræ corpus meum, et me ad te venire iubeas.

Ant. Andréas vero rogabat populum, ut non impediret passionem ipsius.

Ant. Accipe me ab hominibus, et redde me magistro meo : ut per te me recipiat, qui per te me redemit, allelúia.

V. Nimis honorati sunt amici tui Deus. **R.** Nimis confortatus est principatus eorum.

Lectio sancti Evangelii secundum Matthæum.

Lectio vij. Cap. 4. c

In illo tempore : Ambulans Jesus juxta mare Galilææ,

vidit duos fratres, Simónem, qui vocatur Petrus, et Andréam fratrem ejus, mittentes rete in mare. Et reliqua.

Homilia sancti Gregorii Papæ.

Homil. 5. in Evang.

AUDISTIS, fratres carissimi mi, quia ad unius jussionis vocem Petrus et Andréas relictis retibus secuti sunt Redemptorem. Nulla vero hunc facere adhuc miracula viderant; nihil ab eo de præmio æternæ retributionis audierant : et tamen ad unum Domini præceptum, hoc quod possidere videbantur, obliti sunt. Quanta nos ejus miracula videmus, quot flagellis affligimur, quantis minarum asperitatibus deterrémur, et tamen vocantem sequi contemnimus?

R. Oravit sanctus Andreas, dum respiceret in cælum, et voce magna clamavit et dixit : Tu es Deus meus, quem vidi : ne me patiáris ab impio iudice depóni : * Quia virtutem sanctæ crucis agnovi. **V.** Tu es magister meus Christus, quem dilexi, quem cognovi, quem confessus sum : tantummodo in ista voce exaudi me. Quia.

Lectio viij.

In cælo jam sedet, qui de conversione nos admonet : jam iugo fidei colla gentium subdidit, jam mun-

di glóriam stravit, jam ruínis ejus crebrescéntibus, distrícti sui judícii diem propinquántem denúntiat : et tamen supérba mens nostra adhuc non vult hoc sponte desérere, quod quotidie perdit invíta. Quid ergo, fratres caríssimi, quid in ejus judício dictúri sumus, qui ab amóre præsentis sæculi nec præcéptis fléctimur, nec verbéribus emendámur?

R. Videns crucem Andréas exclamávit, dicens : O crux admirábilis, o crux desiderábilis, o crux quæ per totum mundum rútilas : * Súscipe discipulum Christi, ac per te me recípiat, qui per te móriens me redémit. **V.** O bona crux, quæ decórem et pulchritúdinem de membris Dómini suscepisti. Súscipe. Glória Patri. Súscipe.

Lectio ix.

SED fortásse áliquis táctis sibi cogitatiónibus dicat : Ad vocem Dominicam utérque iste piscátor quid, aut quantum dimisit, qui pene nihil hábuit? Sed hac in re, fratres caríssimi, afféctum debémus pótius pensáre, quam censem. Multum reliquit, qui sibi nihil retínuit : multum reliquit, qui quantumlibet parum, totum desérui. Certe nos et hábita cum amóre possidémus, et ea, quæ mínime habémus, ex desidério quærimus. Mul-

tum ergo Petrus et Andréas dimisit, quando utérque étiam desidéria habéndi dereliquit.

Te Deum laudámus. 16.

AD LAUDES

ET PER HORAS

Ant. 1. Salve crux pretiósá, * súscipe discipulum ejus, qui pepéndit in te magister meus Christus.

Ps. Dóminus regnávít. cum reliq. 17.

2. Beátus Andréas * orábat, dicens : Dómine Rex æternæ glóriæ, súscipe me pendéntem in patibulo.

3. Andréas Christi fámulus, * dignus Dei Apóstolus, germánus Petri, et in passióne sócius.

4. Maximílla Christo amábilis * tulit corpus Apóstoli, óptimo loco cum aromátibus sepelivit.

5. Qui persequébántur justum, * demersisti eos Dómine in inférno, et in ligno crucis dux justí fuisti.

Capitulum. Rom. 10. b

FRATRES : Corde enim créditur ad justítiam, ore autem conféssio fit ad salutem. Dicit enim Scriptúra : Omnis, qui credit in illum, non confundétur.

Hymnus.

EXSÚLTET orbis gáudiis : Cælum resúltet láudibus :

Apostolórum glóriam
Tellus et astra cóncinunt.

Vos sæculórum júdices,
Et vera mundi lúmina :

Votis precámur córdium,
Audíte voces súpplicum.

Qui templa cæli cláuditis,
Serásque verbo sólvitis,
Nos a reátu nóxios
Solvi jubéte, quæsumus.

Præcépta quorum próti-
nus

Languor salúsque séntiunt :
Sanáte mentes lánguidas ;
Augéte nos virtútibus.

Ut, cum redibit Arbiter
In fine Christus sæculi,
Nos sempitérni gáudii
Concédat esse cómpotes.

Patri, simúlque Filio,
Tibique sancte Spíritus,
Sicut fuit, sit júgiter
Sæclum per omne glória.

Amen.

Ÿ. Annuntiavérunt ópera
Dei. R̃. Et facta ejus intel-
lexérunt.

Ad Bened. Ant. Concéde
nobis hóminem justum, red-
de nobis hóminem sanctum :
ne interficias hóminem Deo
carum, justum, mansuétum,
et píum.

Oratio.

MAJESTÁTEM tuam Dómine
súppliciter exorámus :
ut sicut Ecclésiæ tuæ beátus
Andréas Apóstolus éxstitit
prædicátor et rector ; ita
apud te sit pro nobis perpé-
tuus intercéssor. Per Dó-
minum.

AD TERTIAM

Ant. Beátus Andréas.

Capit. Fratres : Corde
enim.

R̃. br. In omnem terram
* Exívit sonus eórum. In.

Ÿ. Et in fines orbis terræ
verba eórum. Exívit. Glória
Patri. In.

Ÿ. Constitues eos prínci-
pes super omnem terram.
R̃. Mémoires erunt nóminis
tui Dómine.

AD SEXTAM

Ant. Andréas Christi fá-
mulus.

Capitulum. Rom. 10. c

NON enim est distinctio
Judæi et Græci : nam
idem Dóminus ómnium, di-
ves in omnes, qui invocant
illum. Omnis enim, qui-
cúmque invocáverit nomen
Dómini, salvus erit.

R̃. br. Constitues eos prin-
cipes * Super omnem ter-
ram. Constitues. Ÿ. Mémoires
erunt nóminis tui Dómine.
Super. Glória Patri. Consti-
tues.

Ÿ. Nimis honoráti sunt
amíci tui Deus. R̃. Nimis con-
fortátus est principátus eó-
rum.

AD NONAM

Ant. Qui persequebántur
justum.

Capitulum. Rom. 10. c

ISAÍAS enim dicit : Dómine
I quis crédidit auditui no-
stro? Ergo fides ex auditu,
auditus áutem per verbum
Christi. Sed dico : Numquid
non audiérunt? Et quidem
in omnem terram exívit so-
nus eórum, et in fines orbis
terræ verba eórum.

R̃. br. Nimis honoráti sunt
* Amíci tui Deus. Nimis. Ÿ.
Nimis confortátus est prin-

cipátus eórum. Amíci. Gló-
ria Patri. Nimis.

Ÿ. Annuntiavérunt ópera
Dei. R̃. Et facta ejus intel-
lexérunt.

IN II. VESPERIS

Ant., Capit., Hymn. et Ÿ.
de Laud.; Pss. vero ut in II.
Vesp. de Communi Aposto-
lorum. 15*.

Ad Magnif. Ant. Cum per-

venisset beátus Andréas ad
locum, ubi crux paráta erat,
exclamávit et dixit : O bona
crux, diu desideráta, et jam
concupiscénti ánimo præ-
paráta : secúrus et gáudens
vénió ad te, ita et tu exsúl-
tans suscipias me discipu-
lum ejus, qui pepéndit in te.

Oratio Majestátem tuam.
ut supra.

FESTA DECEMBRIS

Ante Adventum, prima
die non impedita, dicitur
Officium Defunctorum.

DIE II

SANCTÆ BIBIANÆ

VIRGINIS ET MARTYRIS

Semiduplex.

Omnia dicuntur de Com-
muni Virg. 95*, præter seq.

Oratio.

DEUS ómnium largítor bo-
nórum, qui in fámula
tua Bibiána cum virginitátis
flore martýrii palmam con-
juxísti : mentes nostras ejus
intercessióne tibi caritáte
conjúnge; ut amóti perí-
culis præmia consequámur
æténa. Per Dóminum no-
strum.

IN I. NOCTURNO

Lect. de Script. occur.

IN II. NOCTURNO

Lectio iv.

BIBIÁNA virgo Romána,
nóbili génere nata, chri-
stiána fide nobilior fuit. Ejus

enim pater Flaviánus sub
Juliáno Apóstata impiíssimo
tyránno expræféctus, servi-
libúsque notis compúnctus,
ad Aquas Taurínas deportá-
tus, martyr occúbuit. Mater
Dafrósa, et filiæ primum con-
clúsæ domi, ut inédia confi-
ceréntur; mox relegáta mater
extra Urbem cápite plexa
est. Mórtuis áutem piis pa-
réntibus, Bibiána cum soróre
sua Demétria bonis ómni-
bus exspoliátur; Aproniánus
Urbis prætor, pecúniis in-
hians, soróres perséquitur;
quas humana prorsus ope
destitútas, Deo mirabiliter,
qui dat escam esuriéntibus,
enutriente, cum vivacióres
vegetiorésque conspexisset,
veheménter est admirátus.

R̃. Propter veritátem, et
mansuetúdinem, et justí-
tiam : * Et dedúcet te mira-
bíliter dextera tua. Ÿ. Spé-
cie tua et pulchritúdine tua
inténde, prospere procéde,
et regna. Et.

Lectio v.

SUÁDET nihilóminus Apro-
niánus, ut veneréntur
deos géntium, amissas ideo
opes, imperatóris grátiam,
præclarissimas núptias con-
secutúræ. Si secus fécerint,
minátur cárceres, virgas,
secúres. At illæ neque blan-
ditiis, neque minis a recta
fide declinántes, parátæ pó-
tius mori, quam fœdári mó-
ribus ethnicórum, prætoris
impietátem constantissime
detestántur. Quare Demé-
tria ob óculos Bibiánæ re-
pén-te córruens, óbiit in Dó-
mino : Bibiána Rufinæ mu-
lieri vaférrimæ seducénda
tráditur, quæ ab incunábulis
edócta christiánas leges,
et illibátum serváre virgini-
tátis florem, se ipsa fórtior,
féminæ superávit insidias,
et prætoris astus delúsit.

R. Dilexisti justitiam, et
odisti iniquitatem : * Pro-
ptérea unxit te Deus, Deus
tuus óleo lætitiæ. **V.** Propter
veritátem, et mansuetúdi-
nem, et justitiam. Proptérea.

Lectio vj.

NIHIL áutem proficiénte
Rufina, quæ, præter do-
lósá verba, illam quotidie
verbéribus affligébat, ut de
sancto propósito dimovéret,
spe sua frustrátus prætor,
accénsus ira, quod in Bi-
biána perdidisset óperam, a
lictóribus eam denudári,
vinctisque mánibus colú-
mnæ alligári, eámque plum-
bátis cædi jubet, donec ef-

fláret ánimam. Cujus sacrum
corpus, objéctum cánibus
bíduo jácuit in foro Táuri,
illæsum tamen, et divini-
tus servátum; quod deinde
Joánnes præsbyter sepelívit
noctu juxta sepúlcrum so-
rórís et matris ad palátium
Liciniánum, ubi usque in
præsens exstat ecclésia Deo,
sanctæ Bibiánæ nómine, di-
cáta, quam Urbánus octávus
instaurávit, sanctárum Bi-
biánæ, Demétríæ, et Dafró-
sæ corpóribus in ea repértis,
et sub ara máxima collo-
cátis.

R. Afferéntur Regi. 104*.

IN III. NOCTURNO

Léctio sancti Evangélíi se-
cúndum Matthæum.

Lectio vij. Cap. 13. f

IN illo témpore : Dixit Je-
sus discipulis suis pará-
bolam hanc : Simile est re-
gnum cælórum thesáuro abs-
córdito in agro. Et réliqua.

Homilia sancti Gregórii
Papæ.

Homil. 11. in Evang.

CÆLÓRUM regnum, fratres
caríssimi, idcirco terré-
nis rebus simile dicitur; ut
ex his quæ ánimus novit,
surgat ad incógnita quæ non
novit : quátenus exémplo vi-
sibílium se ad invisibília rá-
piat, et per ea, quæ usu di-
dicít, quasi confricátus in-
caléscat : ut per hoc, quod
scit notum diligere, discat et
incógnita amáre. Ecce enim
regnum cælórum thesáuro
abscórdito in agro compa-

rátur : quem qui invenit homo , abscóndit , et præ gáudio illius vadit , et vendit univérſa quæ habet , et emit agrum illum :

¶. Hæc est Virgo sápiens , quam Dóminus vigilántem invénit , quæ accéptis lampádibus , sumpsit secum óleum : * Et veniénte Dómino , introívit cum eo ad núptias. ¶. Média nocte clamor factus est : Ecce sponsus venit , exíte óbviám ei. Et.

Lectio viij.

QUA in re hoc quoque notándum est , quod invéntus thesáurus abscónditur , ut servétur : quia stúdiúm cæléstis desidérii a malígnis spiritibus custodíre non sùfficit , qui hoc ab humánis láudibus non abscóndit. In præſénti étenim vita , quasi in via sumus , qua ad pátriam pèrgimus. Malígni áutem spiritus iter nostrum quasi quidam latrúnculi óbsident. Deprædári ergo desidérat , qui thesáurum públice portat in via. Hoc áutem dico , non ut próximi ópera nostra bona non vídeant , cum scriptum sit : Videant ópera vestra bona , et gloríficent Pa-

trem vestrum , qui in cælis est : sed ut per hoc , quod ágimus , láudes extérius non quæramus. Sic áutem sit opus in público , quátenus inténtio máneat in occúlto : ut et de bono ópere próximis præbeámus exémplum , et tamen per intentiónem , qua Deo soli placére quærimus , semper optémus secretúm.

¶. Média nocte clamor factus est : * Ecce sponsus venit , exíte óbviám ei. ¶. Prudentes Virgines , aptáte vestras lámpades. Ecce. Glória Patri. Ecce.

Lectio ix.

THESÁURUS áutem cæléste est desidérium : ager vero , in quo thesáurus abscónditur , disciplina stúdií cæléstis. Quem profecto agrum , vénditis ómnibus , cómparat , qui voluptátibus carnis renúntians , cuncta sua terréna desidéria per disciplinæ cæléstis custódiam calcat : ut nihil jam , quod caro blanditur , libeat ; nihil quod carnálem vitam trucídat , spiritus perhorréscat.

Te Deum laudámus. 16.





COMMUNE SANCTORUM

IN VIGILIIS APOSTOLORUM

Officium fit de Feria, exceptis Lectionibus et Orationibus, quæ in propriis locis notantur.

Ubi vero non sunt propriæ Lectiones, legitur Evangelium cum Homilia sequenti.

Lectio sancti Evangelii secundum Joannem.

Lectio j. Cap. 15. b

IN illo tempore : Dixit Jesus discipulis suis : Hoc est præceptum meum, ut diligatis invicem, sicut dilexi vos. Et reliqua.

Homilia sancti Gregorii Papæ.

Homil. 27. in Evang.

CUM cuncta sacra elóquia Dominicis plena sint præceptis, quid est quod de dilectione, quasi de singulâri mandato, Dóminus dicit : Hoc est præceptum meum, ut diligatis invicem : nisi quia omne mandatum de sola dilectione est : et ómnia unum præ-

ceptum sunt? quia quidquid præcipitur, in sola caritate solidatur. Ut enim multi arboris rami ex una radice proudeunt : sic multæ virtutes ex una caritate generantur. Nec habet aliquid viriditatis ramus boni operis, si non manet in radice caritatis.

¶ de Feria pro tempore.

Lectio ij.

PRÆCÉPTA ergo Dominica et multa sunt, et unum : multa per diversitatem operis, unum in radice dilectionis. Quáliter autem ista dilectio tenenda sit, ipse insinuat, qui in plerisque Scripturæ suæ sententiis, et amicos jubet diligere in se, et inimicos propter se. Ille enim veraciter caritatem habet, qui et amicum diligit in Deo, et inimicum diligit propter Deum. Nam sunt nonnulli, qui diligunt proximos, sed per affectum cognitionis et carnis : quibus tamen in hac dilectione sacra

elóquia non contradicunt : sed áliud est quod sponte impénditur natúræ, áliud quod præcéptis Domínicis ex caritáte debétur obediéntiæ.

Lectio iij.

HI nimirum et próximum diligunt, et tamen illa sublimia dilectiónis præmia non assequúntur : quia amórem suum non spiritaliter, sed carnáliter impéndunt. Proinde cum Dóminus dice-

ret : Hoc est præcéptum meum, ut diligátis invicem : prótinus áddidit : Sicut diléxi vos ; ac si apérte dicat : Ad hoc amáte, ad quod amávi vos. Qua in re, fratres caríssimi, solérter intuéndum est, quod antiquus hostis, dum mentem nostram ad rerum temporálium dilectiónem trahit, infirmiórem contra nos próximum éxcitat, qui ea ipsa, quæ diligimus, auférre moliátur.

COMMUNE APOSTOLORUM ET EVANGELISTARUM

IN I. VESPERIS

Ant. Hoc est præcéptum meum, * ut diligátis invicem, sicut diléxi vos.

Psalmus 109.

DIXIT Dóminus Dómino meo : Sede a dextris meis :

Donec ponam inimicos tuos, * scabéllum pedum tuórum.

Virgam virtútis tuæ emit- tet Dóminus ex Sion : * domináre in médio inimicórum tuórum.

Tecum principium in die virtútis tuæ in splendóribus sanctórum : * ex útero ante luciferum génui te.

Jurávit Dóminus, et non pœnitébit eum : * Tu es sa- cérdos in ætérnum secún- dum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natió nibus,

implébit ruinas : * conquas- sábit cápita in terra multórum.

De torrén te in via bibet : * proptérea exaltábit caput.

Ant. Hoc est præcéptum meum, ut diligátis invicem, sicut diléxi vos.

Ant. Majórem caritátem * nemo habet, ut ánimam suam ponat quis pro amicis suis.

Psalmus 110.

CONFITÉBOR tibi Dómine in toto corde meo : * in consílio justórum, et congregatióne.

Magna ópera Dómini : * exquisíta in omnes voluntá- tes ejus.

Conféssio et magnificéntia opus ejus : * et justítia ejus manet in sáeculum sáeculi.

Memóriam fecit mirabi- lium suórum, miséricors et miserátor Dóminus : * escam dedit timéntibus se.

Memor erit in sæculum testaménti sui : * virtútem óperum suórum annuntiábit pópulo suo :

Ut det illis hereditátem géntium : * ópera mánuum ejus véritas, et judícium.

Fidélia ómnia mandáta ejus : confirmáta in sæculum sæculi, * facta in veritáte et æquitáte.

Redemptiónem misit pópulo suo : * mandávit in ætérnum testaméntum suum.

Sanctum, et terribile nomen ejus : * initium sapiéntiæ timor Dómini.

Intelléctus bonus ómnibus faciéntibus eum : * laudátio ejus manet in sæculum sæculi.

Ant. Majórem caritátem nemo habet, ut ánimam suam ponat quis pro amicis suis.

Ant. Vos amici mei estis, * si fecéritis quæ præcipio vobis, dicit Dóminus.

Psalmus 111.

BEÁTUS vir, qui timet Dóminum : * in mandátis ejus volet nimis.

Potens in terra erit semen ejus : * generátio rectórum benedicétur.

Glória, et divitiæ in domo ejus : * et justitia ejus manet in sæculum sæculi.

Exórtum est in ténebris lumen rectis : * miséricors, et miserátor, et justus.

Jucúndus homo qui miserétur et cómmodat, dispónet sermónes suos in judício : *

quia in ætérnum non commovébitur.

In memória ætérna erit justus : * ab auditióne mala non timébit.

Parátum cor ejus speráre in Dómino, confirmátum est cor ejus : * non commovébitur donec despiciat inimicos suos.

Dispérsit, dedit paupéribus : justitia ejus manet in sæculum sæculi, * cornu ejus exaltábitur in glória.

Peccátor vidébit, et irascétur, déntibus suis fremet et tabéscet : * desidérium peccatórum peribit.

Ant. Vos amici mei estis, si fecéritis quæ præcipio vobis, dicit Dóminus.

Ant. Beáti pacifici, * beáti mundo corde : quóniam ipsi Deum vidébunt.

Psalmus 112.

LAUDÁTE púeri Dóminum : * laudáte nomen Dómini.

Sit nomen Dómini benedíctum, * ex hoc nunc, et usque in sæculum.

A solis ortu usque ad occásum, * laudábile nomen Dómini.

Excélsus super omnes gentes Dóminus, * et super cælos glória ejus.

Quis sicut Dóminus Deus noster, qui in altis hábitat, * et humília réspicit in cælo et in terra?

Súscitans a terra inopem, * et de stércore érigens páuperem :

Ut cóllocet eum cum prin-

cipibus, * cum princípibus
pópuli sui.

Qui habitare facit stérilem
in domo, * matrem filiórum
lætántem.

Ant. Beáti pacífici, beáti
mundo corde : quóniam
ipsi Deum vidébunt.

Ant. In patiéntia vestra *
possidébitis ánimas vestras.

Psalmus 116.

LAUDÁTE Dóminum omnes
gentes : * laudáte eum
omnes pópuli :

Quóniam confirmáta est
supernos misericórdia ejus : *
et véritas Dómini manet in
ætérum.

Ant. In patiéntia vestra
possidébitis ánimas vestras.

Capitulum. Ephes. 2. d

FRATRES : Jam non estis
hóspites, et ádvenæ :
sed estis cives sanctórum,
et doméstici Dei : superædi-
ficáti super fundaméntum
Apostolórum, et Prophetá-
rum, ipso summo angulári
lápide Christo Jesu.

R. Deo grátias.

Hymnus.

EXSÚLTET orbis gáudiis :
Cælum resúltet láudibus :
Apostolórum glóriam
Tellus et astra cóncinunt.

Vos sæculórum júdices,
Et vera mundi lúmina :
Votis precámur córdium,
Audite voces súpplicum.

Qui templa cæli cláuditis,
Serásque verbo sólvitis,
Nos a reátu nóxios
Solvi jubéte, quæsumus.

Præcépta quorum próli-
nus

Languor salúsque séntiunt :
Sanáte mentes lánguidas ;
Augéte nos virtútibus.

Ut, cum redibit árbitet
In fine Christus sæculi,
Nos sempitérni gáudii
Concédat esse cómpotes.

Patri, simúlque Filio,
Tibique sancte Spíritus,
Sicut fuit, sit júgiter
Sæclum per omne glória.
Amen.

V. In omnem terram exívit
sonus eórum. **R.** Et in fines
orbis terræ verba eórum.

Ad Magnif. Ant. Tradent
enim vos * in conciliis, et in
synagógis suis flagellábunt
vos, et ante reges et præsides
ducémini propter me in te-
stimónium illis, et géntibus.

Oratio propria.

AD MATUTINUM

Invit. Regem Apostolórum
Dóminum, * Veníte, adoré-
mus.

Ps. Veníte, exsultémus. 2.

Hymnus.

ÆTÉRNA Christi múnera,
Apostolórum glóriam,
Palmas et hymnos débítos
Lætis canámus méntibus.

Ecclesiárum Príncipes,
Belli triumpháles duces,
Cæléstis áulæ mílites,
Et vera mundi lúmina.

Devóta sanctórum fides,
Invicta spes credéntium,
Perfécta Christi cáritas
Mundi tyránnum cónterit.

In his Patérna glória,
In his triúmphant Filius,

In his volúntas Spíritus,
Cælum replétur gáudio.

Patri, simúlque Filio,
Tibíque sancte Spíritus,
Sicut fuit, sit júgiter
Sæclum per omne glória.

Amen.

IN I. NOCTURNO

Ant. In omnem terram *
exívit sonus eórum, et in
fines orbis terræ verba eó-
rum.

Psalmus 18.

CÆLI enarrant glóriam Dei,*
et ópera mánuum ejus
annúntiat firmaméntum.

Dies diéi erúctat verbum,*
et nox nocti índicat scién-
tiam.

Non sunt loquélæ, neque
sermónes, * quorum non
audiántur voces eórum.

In omnem terram exívit
sonus eórum : * et in fines
orbis terræ verba eórum.

In sole pósuit tabernácu-
lum suum : * et ipse tam-
quam sponsus procédens de
thálamo suo :

Exsultávit ut gigas ad cur-
réndam viam, * a summo
cælo egréssio ejus :

Et occúrsus ejus usque ad
summum ejus : * nec est qui
se abscondat a calóre ejus.

Lex Dómini immaculáta
convértens ánimas : * testi-
mónium Dómini fidéle, sa-
piéntiam præstans párvulis.

Justitiæ Dómini rectæ,
lætificántes corda : * præcé-
ptum Dómini lúcidum; illú-
minans óculos.

Timor Dómini sanctus,

pérmanens in sæculum sæ-
culi : * judícia Dómini vera,
justificáta in semetipsa.

Desiderabilia super áurum
et lápidem pretiósus mul-
tum : * et dulcióra super mel
et favum.

Etenim servus tuus custó-
dit ea, * in custodiéndis illis
retribútio multa.

Delicta quis intélligit? ab
occúltis meis munda me : *
et ab aliénis parce servo
tuo.

Si mei non fúerint domi-
náti, tunc immaculátus ero : *
et emundábor a delicto má-
ximo.

Et erunt ut compláceant
elóquia oris mei : * et medi-
tátio cordis mei in conspé-
ctu tuo semper.

Dómine adjútor meus, *
et redémptor meus.

Ant. In omnem terram exí-
vit sonus eórum, et in fines
orbis terræ verba eórum.

Ant. Clamavérunt justí, *
et Dóminus exaudivit eos.

Psalmus 33.

BENEDÍCAM Dóminum in
omni témpore : * semper
laus ejus in ore meo.

In Dómino laudábitur áni-
ma mea : * áudiant mansué-
ti, et læténtur.

Magnificáte Dóminum me-
cum : * et exaltémus nomen
ejus in idípsum.

Exquisívi Dóminum, et
exaudivit me : * et ex ómni-
bus tribulatióibus meis erí-
puit me.

Accédite ad eum, et illu-

minámini : * et fácies vestráe non confundéntur.

Iste páuper clamávit, et Dóminus exaudivit eum : * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : * et erípiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum omnes sancti ejus : * quóniam non est inópia timéntibus eum.

Dívites eguérunt et esuriérunt : * inquirentes áutem Dóminum non minuéntur omni bono.

Veníte filii, audite me : * timórem Dómini docébo vos.

Quis est homo qui vult vitam : * diligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquire pacem, et perséquare eam.

Oculi Dómini super justos : * et áures ejus in preces eórum.

Vultus áutem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : * et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde : * et húmiles spíritu salvábit.

Multæ tribulatióes justó-

rum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum delinquent.

Rédimet Dóminus ánimas servórum suórum : * et non delinquent omnes qui sperant in eo.

Ant. Clamavérunt justí, et Dóminus exaudivit eos.

Ant. Constitues * eos príncipes super omnem terram : memores erunt nóminis tui Dómine.

Psalmus 44.

ERUCTÁVIT cor meum verbum bonum : * dico ego ópera mea regi.

Lingua mea cálamus scribæ, * velóriter scribéntis.

Speciósus forma præ filiis hóminum, diffúsa est grátia in lábiis tuis : * propterea benedixit te Deus in ætérnum.

Accíngere gládio tuo super femur tuum, * potentíssime.

Spécie tua et pulchritúdine tua * inténde, prospere procéde, et regna.

Propter veritátem, et mansuetúdinem, et justítiam : * et dedúcet te mirabíliter dextera tua.

Sagittæ tuæ acútæ, pópuli sub te cadent, * in corda inimicórum regis.

Sedes tua Deus in sæculum sæculi : * virga directiúnis virga regni tui.

Dilexisti iustitiam, et odisti iniquitatem : * propterea unxit te Deus Deus tuus oleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : * ex quibus delectavérunt te filiæ regum in honóre tuo.

Adstitit regína a dextris tuis in vestítu deauráto : * circúmdata varietáte.

Audi filia, et vide, et inclína áurem tuam : * et obli-viscere pópulum tuum, et domum patris tui.

Et concupiscet rex decórem tuum : * quóniam ipse est Dóminus Deus tuus, et adorábunt eum.

Et filiæ Tyri in munéribus * vultum tuum deprecabúntur : omnes divites plebis.

Omnis glória ejus filiæ regis ab intus, * in fimbriis áureis circumamicta varietátibus.

Adducéntur regi virgines post eam : * próximæ ejus afferéntur tibi.

Afferéntur in lætitia et exsultatióne : * adducéntur in templum regis.

Pro pátribus tuis nati sunt tibi filii : * constitues eos príncipes super omnem terram.

Mémores erunt nóminis tui : * in omni generatióne et generatióne.

Propterea pópuli confitebúntur tibi in ætérnum : * et in sæculum sæculi.

Ant. Constitues eos príncipes super omnem terram : mémores erunt nóminis tui Dómine.

Ÿ. In omnem terram exivit sonus eórum. **℞.** Et in fines orbis terræ verba eórum.

Pater noster.

Absolutio. Exáudi Dómine. **Ÿ.** Jube domne.

Bened. Benedictiône perpétua.

Lect. de Script. positæ in Communi Sanctorum leguntur, quando annotantur in Proprio Sanctorum per annum, et quando contingit fieri Offic. de aliquo Sancto illis diebus, in quibus in Offic. Feriæ non ponuntur Lect. de Script., sed tantum de Homilia, et quando aliquod Festum solemniter celebratur in propria ecclesia.

De Epístola prima beáti Páuli Apóstoli ad Corínthios.

Lectio j. Cap. 4.

Sic nos existimet homo ut ministros Christi : et dispensatóres mysteriórum Dei. Hic jam quæritur inter dispensatóres, ut fidélis quis inveniátur. Mihi áutem pro mínimo est ut a vobis júdicer, aut ab humáno die : sed neque meípsum júdico. Nihil enim mihi cóncius sum : sed non in hoc justificátus sum : qui áutem júdicat me, Dóminus est. Itaque nolite ante tempus júdicáre, quoad úsque véniat Dóminus : qui

et illuminábit abscondita tenebrarum, et manifestábit consília córdium; et tunc laus erit unicuique a Deo.

R. Ecce ego mitto vos sicut oves in médio lupórum, dicit Dóminus : * Estóte ergo prudentes sicut serpéntes, et simplices sicut columbæ. **V.** Dum lucem habétis, créдите in lucem, ut filii lucis sitis. Estóte ergo.

Bened. Unigénitus Dei Filius.

Lectio ij.

HÆC áutem, fratres, transfigurávi in me et Apóllo, propter vos : ut in nobis discátis, ne supra quam scriptum est, unus advérsus álterum inflétur pro álio. Quis enim te discernit? Quid áutem habes, quod non accepisti? Si áutem accepisti, quid gloriáris quasi non acceperis? Jam saturáti estis, jam divites facti estis : sine nobis regnátis : et útinam regnétis, ut et nos vobiscum regnémus. Puto enim quod Deus nos Apóstolos novissimos osténdit, tamquam morti destinátos : quia spectáculum facti sumus mundo, et Angelis, et hominibus.

R. Tóllite jugum meum super vos, dicit Dóminus; et discite a me, quia mitis sum et húmilis corde : * Jugum enim meum suáve est, et onus meum leve. **V.** Et invenietis réquiem animabus vestris. Jugum.

Bened. Spíritus sancti.

Lectio iij.

Nos stulti propter Christum, vos áutem prudentes in Christo : nos infirmi, vos áutem fortes : vos nóbiles, nos áutem ignóbiles. Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operántes mánibus nostris : maledicimur, et benedicimus : persecutióne pátimur, et sustinémus : blasphemámur, et obsecrámus : tamquam purgaménta hujus mundi facti sumus, ómnium peripséma usque adhuc. Non ut confúndam vos, hæc scribo, sed ut filios meos carissimos móneo. Nam si decem millia pædagogórum habeátis in Christo : sed non multos patres. Nam in Christo Jesu per Evangélium ego vos génui.

R. Dum stetéritis ante reges et præsides, nolite cogitare quómodo aut quid loquámini : * Dábitur enim vobis in illa hora, quid loquámini. **V.** Non enim vos estis qui loquimini : sed Spíritus Patris vestri, qui lóquitur in vobis. Dábitur. Glória Patri. Dábitur.

IN. II. NOCTURNO

Ant. Príncipes populórum * congregáti sunt cum Deo Abraham.

Psalmus 46.

OMNES gentes pláudite mánibus : * jubiláte Deo in voce exsultatiónis.

Quóniam Dóminus excélsus, terribilis : * rex magnus super omnem terram.

Subjécit pópulos nobis : * et gentes sub pédibus nostris.

Elégit nobis hereditátem suam : * spéciem Jacob, quam diléxit.

Ascéndit Deus in júbilo : * et Dóminus in voce tubæ.

Psállite Deo nostro, psállite : * psállite regi nostro, psállite.

Quóniam rex omnis terræ Deus : * psállite sapiénter.

Regnábit Deus super gentes : * Deus sedet super sedem sanctam suam.

Príncipes populórum congregáti sunt cum Deo Abraham : * quóniam dii fortes terræ, veheménter eleváti sunt.

Ant. Príncipes populórum congregáti sunt cum Deo Abraham.

Ant. Dedisti hereditátem * timéntibus nomen tuum Dómine.

Psalmus 60.

EXÁUDI Deus deprecatió-nem meam : * inténde oratióni meæ.

A finibus terræ ad te clamávi : * dum anxiarétur cor meum, in petra exaltásti me.

Deduxisti me, quia factus es spes mea : * turris fortitúdinis a fácie inimíci.

Inhabitábo in tabernáculo tuo in sæcula : * prótegar in velaménto alárum tuárum.

Quóniam tu Deus meus ex-

audisti oratió-nem meam : * dedisti hereditátem timéntibus nomen tuum.

Dies super dies regis adjicies : * annos ejus usque in diem generatió-nis et generatió-nis.

Pérmanet in ætérnum in conspéctu Dei : * misericórdiam et veritátem ejus quis requíret?

Sic psalmum dicam nómini tuo in sæculum sæculi : * ut reddam vota mea de die in diem.

Ant. Dedisti hereditátem timéntibus nomen tuum Dómine.

Ant. Annuntiavérunt * ópera Dei, et facta ejus intellexérunt.

Psalmus 63.

EXÁUDI Deus oratió-nem meam cum deprecor : * a timóre inimíci éripe ánimam meam.

Protexisti me a convéntu malignántium : * a multítudine operántium iniquitátem.

Quia exacuérunt ut gládium linguas suas : * inténdérunt arcum rem amáram, ut sagittent in occúltis immaculátum.

Súbito sagittábunt eum, et non timébunt : * firmavérunt sibi sermónem nequam.

Narravérunt ut absconderent láqueos : * dixerunt : Quis vidébit eos?

Scrutáti sunt iniquitátes : * defecérunt scrutántes scrútínio.

Accédet homo ad cor altum : * et exaltabitur Deus.

Sagittæ parvulorum factæ sunt plagæ eorum : * et infirmatæ sunt contra eos linguæ eorum.

Conturbati sunt omnes qui vidébant eos : * et tímuit omnis homo.

Et annuntiavérunt ópera Dei : * et facta ejus intellexerunt.

Lætábitur justus in Dómino, et sperábit in eo, * et laudabúntur omnes recti corde.

Ant. Annuntiavérunt ópera Dei : et facta ejus intellexerunt.

V. Constitues eos principes super omnem terram. **R.** Mémoires erunt nóminis tui Dómine.

Pater noster.

Absolutio. Ipsius píetas.

V. Jube domne.

Bened. Deus Pater omnipotens.

Sermo sancti Gregórii Papæ.

Homil. 30. in Evang., post medium.

Lectio iv.

SCRIPtum est : Spíritus Dómini ornávit cælos. Ornamenta enim cælorum sunt virtutes prædicantium. Quæ videlicet ornamenta Páulus enúmerat, dicens : Alii datur per Spíritum sermo sapiéntiæ, álii sermo sciéntiæ secúndum eúndem Spíritum, álii fides in eódem Spíritu, álii grátia sanitátum in uno Spíritu, álii

operátio virtútum, álii prophetia, álii discrétio spirituum, álii génera linguarum, álii interpretatio sermonum. Hæc áutem ómnia operátur unus atque idem Spíritus, dividens singulis prout vult.

R. Vidi conjúctos viros, habéntes spléndidas vestes, et Angelus Dómini locútus est ad me, dicens : * Isti sunt viri sancti facti amici Dei.

V. Vidi Angelum Dei fortem, volántem per médium cælum, voce magna clamántem et dicéntem. Isti.

Bened. Christus perpétuæ.

Lectio v.

QUOT ergo sunt bona prædicantium, tot sunt ornamenta cælorum. Hinc rursus scriptum est : Verbo Dómini cæli firmati sunt. Verbum enim Dómini Filius est Patris. Sed eósdem cælos, videlicet sanctos Apóstolos, ut tota simul sancta Trinitas ostendátur operata, repente de sancti Spíritus divinitate adjúngitur : Et spiritu oris ejus omnis virtus eorum. Cælorum ergo virtus de Spíritu sumpta est : quia mundi hujus potestátibus contraire non præsumerent, nisi eos sancti Spíritus fortitúdo solidasset. Quales namque doctóres sanctæ Ecclésiæ ante advéntum hujus Spíritus fuerint, scimus : et post advéntum illius, cujus fortitúdinis facti sint, conspícimus.

R. Beati estis, cum male-

dixerint vobis hómines, et persecúti vos fúerint, et dixerint omne malum advérsus vos, mentientes, propter me : * Gaudéte et exsultáte, quóniam merces vestra copiósa est in cælis. *ŷ.* Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. Gaudéte et exsultáte.

Bened. Ignem sui amóris.

Lectio vj.

CERTE iste ipse pastor Ecclésiæ, ad cujus sacratissimum corpus sedémus, quantæ debilitátis, quantæque formidinis ante advéntum Spiritus fúerit, ancilla ostiária requisita dicat. Una enim mulieris voce percussus, dum mori timuit, vitam negávit. Et pensándum, quia eum comprehénsus Petrus negávit in terra, quem suspénsus latro conféssus est in cruce. Sed vir iste tantæ formidinis, qualis post advéntum Spiritus exsistat, audiámus. Fit convéntus magistrátus atque seniórum, cæsis denuntiátur Apóstolis, ne in nómine Jesu loqui débent : Petrus magna auctoritáte respóndet : Obedire opórtet Deo magis quam hominibus.

R. Isti sunt triumphatóres et amici Dei, qui contemnentes jussa princípum, meruérunt præmia æterna : * Modo coronántur, et acci-

piunt palmam. *ŷ.* Isti sunt qui venérunt ex magna tribulatione, et lavérunt stolas suas in ságuine Agni. Modo. Glória Patri. Modo.

IN III. NOCTURNO

Ant. Exaltabúntur * cónua justi, allelúia.

Psalms 74.

CONFITÉBIMUR tibi Deus : * confitébimur, et invocábimus nomen tuum.

Narrábimus mirabilia tua : * cum accépero tempus, ego justitias judicábo.

Liquefacta est terra, et omnes qui hábitant in ea : * ego confirmávi colúmnas ejus.

Dixi iníquis : Nolite iníque ágere : * et delinquéntibus : Nolite exaltáre cornu :

Nolite extóllere in altum cornu vestrum : * nolite loqui advérsus Deum iniquitatem.

Quia neque ab Oriénte, neque ab Occidénte, neque a désertis móntibus : * quóniam Deus judex est.

Hunc humiliat, et hunc exáltat : * quia calix in manu Dómini vini meri plenus misto.

Et inclinávit ex hoc in hoc : verúmtamen fæx ejus non est exinaníta : * bibent omnes peccatóres terræ.

Ego áutem annuntiábo in sæculum : * cantábo Deo Jacob.

Et ómnia cónua peccatórum confringam : * et exaltabúntur cónua justi.

Ant. Exaltabúntur córnua
justi, allelúia.

Ant. Lux orta est * justo,
allelúia, rectis corde lætítia,
allelúia.

Psalmus 96.

DÓMINUS regnávít, exsúltet
terra : * læténtur ínsulæ
multæ.

Nubes, et caligo in cir-
cúitu ejus : * justítia, et judi-
cium corréctio sedis ejus.

Ignis ante ipsum præcé-
det, * et inflammábit in cir-
cúitu inimicos ejus.

Illuxérunt fúlgora ejus
orbi terræ : * vidit, et com-
móta est terra.

Montes, sicut cera fluxé-
runt a fácie Dómini : * a fá-
cie Dómini omnis terra.

Annuntiavérunt cælij justí-
tiam ejus : * et vidérunt
omnes pópuli glóriam ejus.

Confundántur omnes, qui
adórant sculptília : * et qui
gloriántur in simulácris suis.

Adoráte eum omnes An-
geli ejus : * audívit, et lætáta
est Sion.

Et exsultavérunt filiæ Ju-
dæ, * propter judícia tua
Dómine :

Quóniam tu Dóminus Al-
tíssimus super omnem ter-
ram : * nimis exaltátus es
super omnes deos.

Qui diligitis Dóminum,
odite malum : * custódit
Dóminus ánimas sanctórum
suórum, de manu peccató-
ris liberábit eos.

Lux orta est justo, * et
rectis corde lætítia.

Lætámini justí in Dómi-
no : * et confitémini memó-
riæ sanctificatiónis ejus.

Ant. Lux orta est justo,
allelúia, rectis corde lætítia,
allelúia.

Ant. Custodiébant * testi-
mónia ejus, et præcépta ejus,
allelúia.

Psalmus 98.

DÓMINUS regnávít, irascán-
tur pópuli : * qui sedet
super Chérubim, moveátur
terra.

Dóminus in Sion magnus : *
et excélsus super omnes pó-
pulos.

Confiteántur nómini tuo
magno : quóniam terríbile,
et sanctum est : * et honor
regis judícium diligit.

Tu parásti directiões : *
judícium et justítiam in Ja-
cob tu fecísti.

Exaltáte Dóminum Deum
nostrum, et adoráte scabél-
lum pedum ejus : * quóniam
sanctum est.

Móyses et Aaron in sacer-
dótibus ejus : * et Sámuël
inter eos, qui invocant no-
men ejus :

Invocábant Dóminum, et
ipse exaudiébat eos : * in
columna nubis loquebátur
ad eos.

Custodiébant testimónia
ejus, * et præcéptum quod
dedit illis.

Dómine Deus noster tu
exaudiébas eos : * Deus tu
propítius fuísti eis, et ulcí-
scens in omnes adinventi-
ones eórum.

Exaltáte Dóminum Deum nostrum, et adoráte in monte sancto ejus : * quóniam sanctus Dóminus Deus noster.

Ant. Custodiébant testimónia ejus, et præcépta ejus, allelúia.

Ÿ. Nimis honoráti sunt amici tui Deus. **℞.** Nimis confortátus est principátus eórum.

Pater noster.

Absolutio. A vinctulis.

Ÿ. Jube domne.

Bened. Evangélica léctio. Léctio sancti Evangélíi secúndum Matthæum.

Lectio vij. Cap. 19. d

IN illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et réliqua.

Homilia sancti Hierónymi Presbýteri.

Lib. 3. in Matth. cap. 19.

GRANDIS fidúcia! Petrus piscátor erat, dives non fúerat, cibos manu et arte quærébat : et tamen lóquitur confidénter : Reliquimus ómnia. Et quia non súfficit tantum relinquere, jungit quod perféctum est : Et secúti sumus te. Fécimus quod jussisti : quid igitur nobis dabis præmii? Jesus áutem dixit illis : Amen dico vobis, quod vos qui secúti estis me, in regeneratióne, cum séderit Filius hóminis in sede majestátis suæ, sedébitis et vos super sedes duódecim, judicántes duódecim tribus

Israël. Non dixit : Qui reliquistis ómnia; hoc enim et Crates fecit philósophus, et multi álii divítias contempsérunt : sed, Qui secúti estis me : quod próprie Apostolórum est atque credéntium.

℞. Isti sunt qui vivéntes in carne, plantavérunt Ecclesiám ságuine suo : * Cálicem Dómini bibérunt, et amici Dei facti sunt. **Ÿ.** In omnem terram exívit sonus eórum, et in fines orbis terræ verba eórum. Cálicem.

Bened. Cujus, **vel** Quorum festum cólimus.

Lectio viij.

IN regeneratióne, cum séderit Filius hóminis in sede majestátis suæ (quando et mórtui de corruptiÓne resúrgent incorrúpti), sedébitis et vos in sóliis judicántium, condemnántes duódecim tribus Israël : quia vobis credéntibus, illi credere noluérunt. Et omnis qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, cén-tuplum accípiet, et vitam ætérnam possidébit. Locus iste cum illa senténtia cóngruit, in qua Salvátor lóquitur : Non veni pacem mittere, sed gládium. Veni enim separáre hóminem a patre suo, et matrem a filia, et nurum a socru : et inimíci hóminis doméstici ejus. Qui ergo propter fidem Chri-

sti, et prædicationem Evangelii, omnes affectus contempserint, atque divitias et sæculi voluptates : isti centuplum recipient, et vitam æternam possidebunt.

R. Isti sunt viri sancti, quos elegit Dominus in caritate non ficta, et dedit illis gloriam sempiternam : * Quorum doctrina fulget Ecclesia, ut sole luna. **V.** Sancti per fidem vicerunt regna : operati sunt iustitiam. Quorum. Glória Patri. Quorum.

Bened. Ad societatem.

Lectio ix.

Ex occasione hujus sententiæ quidam introducunt mille annos post resurrectionem, dicentes, tunc nobis centuplum omnium rerum quas dimisimus, et vitam æternam esse reddendam : non intelligentes quod, si in cæteris digna sit re promissio, in uxoribus appareat turpitudine : ut qui unam pro Domino dimiserit, centum recipiat in futuro. Sensus ergo iste est : Qui carnalia pro Salvatore dimiserit, spiritalia recipiet : quæ comparatione et merito sui ita erunt, quasi si parvo numero centenarius numerus comparatur.

Deinde dicitur Hymnus :

Te Deum laudamus. 17.

AD LAUDES

ET PER HORAS

Ant. 1. Hoc est præceptum meum, * ut diligatis invicem, sicut dilexi vos.

Psalm. Dominus regnavit. cum reliq. 18.

2. Majorem caritatem * nemo habet, ut animam suam ponat quis pro amicis suis.

3. Vos amici mei estis, * si feceritis quæ præcipio vobis, dicit Dominus.

4. Beati pacifici, * beati mundo corde : quoniam ipsi Deum videbunt.

5. In patientia vestra * possidebitis animas vestras.

Capitulum. Ephes. 2. d

FRATRES : Jam non estis hóspites, et advenæ : sed estis cives sanctorum, et domestici Dei : superædificati super fundamentum Apostolorum et Prophetarum, ipso summo angulari lapide Christo Jesu.

R. Deo grátias.

Hymnus.

EXSULTET orbis gaudiis : Cælum resulet laudibus : Apostolorum gloriam Tellus et astra concinunt.

Vos sæculorum iudices, Et vera mundi lumina, Votis precamur cordium : Audite voces supplicum.

Qui templa cæli clauditis, Serasque verbo solvitis, Nos a reatu noxios Solvi jubete, quæsumus.

Præcepta quorum protinus

Languor salusque sentiunt ; Sanate mentes languidas : Augete nos virtutibus :

Ut, cum redibit arbiter In fine Christus sæculi,

Nos sempitérni gáudii
Concédat esse cómpotes.

Patri, simúlque Fílio,
Tibique sancte Spíritus,
Sicut fuit, sit júgiter
Sæclum per omne glória.

Amen.

Ÿ. Annuntiavérunt ópera
Dei. R. Et facta ejus intel-
lexérunt.

Ad Bened. Ant. Vos qui
reliquístis * ómnia, et secúti
estis me, céntuplum acci-
piétis, et vitam ætérnam
possidébitis.

AD TERTIAM

Ant. Majórem caritátem.

Capit. Fratres : Jam non
estis. ut supra.

R. br. In omnem terram
* Exívit sonus eórum. In
omnem. Ÿ. Et in fines orbis
terræ verba eórum. Exívit.
Glória Patri. In omnem.

Ÿ. Constitues eos princi-
pes super omnem terram.
R. Mémoires erunt nóminis
tui Dómine.

AD SEXTAM

Ant. Vos amici mei estis.

Capitulum. Act. 5. b

PER manus áutem Aposto-
lórum fiébant signa et
prodigia multa in plebe.

R. br. Constitues eos prin-
cipes * Super omnem ter-
ram. Constitues. Ÿ. Mémo-
res erunt nóminis tui Dó-
mine. Super. Glória Patri.
Constitues.

Ÿ. Nimis honoráti sunt
amici tui Deus. R. Nimis
confortátus est principátus
eórum.

AD NONAM

Ant. In patiéntia vestra.

Capitulum. Act. 5. c

I BANT Apóstoli gaudéntes a
conspéctu concílii, quó-
niam digni hábiti sunt pro
nómine Jesu contuméliam
pati.

R. br. Nimis honoráti sunt
* Amici tui Deus. Nimis. Ÿ.
Nimis confortátus est prin-
cipátus eórum. Amici. Gló-
ria Patri. Nimis.

Ÿ. Annuntiavérunt ópera
Dei. R. Et facta ejus intel-
lexérunt.

IN II. VESPERIS

Ant. Jurávit Dóminus, *
et non pœnitébit eum : Tu
es sacérdos in ætérnum.

Psalmus 109.

D IXIT Dóminus Dómino
meo : * Sede a dextris
meis :

Donec ponam inimícos
tuos, * scabéllum pedum tuó-
rum.

Virgam virtútis tuæ emit-
tet Dóminus ex Sion : * do-
mináre in médio inimicórum
tuórum.

Tecum princípium in die
virtútis tuæ in splendóribus
sanctórum : * ex útero ante
lucíferum genui te.

Jurávit Dóminus, et non
pœnitébit eum : * Tu es sa-
cérdos in ætérnum secún-
dum órđinem Melchisedech.

Dóminus a dextris tuis, *
confrégit in die iræ suæ re-
ges.

Judicábit in natió nibus,
implébit ruínas : * conquas-

sábit cápita in terra multórum.

De torrén-te in via bibet : *
proptérea exaltábit caput.

Ant. Jurávit Dóminus, et
non pœnitébit eum : Tu es
sacerdos in ætérnum.

Ant. Cóllocet eum * Dó-
minus cum princípibus pó-
puli sui.

Psalmus 112.

LAUDÁTE púeri Dóminum : *
laudáte nomen Dómini.

Sit nomen Dómini bene-
dictum, * ex hoc nunc, et
usque in sæculum.

A solis ortu usque ad oc-
cásum, * laudábile nomen
Dómini.

Excélsus super omnes
gentes Dóminus, * et super
cælos glória ejus.

Quis sicut Dóminus Deus
noster, qui in altis hábitat, *
et humília réspicit in cælo
et in terra?

Súscitans a terra inopem, *
et de stércore érigens páu-
perem :

Ut cóllocet eum cum prin-
cípibus, * cum princípibus
pópuli sui.

Qui habitáre facit stérilem
in domo, * matrem filiórum
lætántem.

Ant. Cóllocet eum Dóminus
cum princípibus pópuli sui.

Ant. Dirupisti Dómine *
víncula mea : tibi sacrifi-
cábo hóstiam láudis.

Psalmus 115.

CRÉDIDI, propter quod lo-
cútus sum : * ego áutem
humiliátus sum nimis.

Ego dixi in excéssu meo : *
Omnis homo mendax.

Quid retribuam Dómino, *
pro ómnibus, quæ retribuit
mihi?

Cálicem salutáris acci-
píam : * et nomen Dómini
invocábo.

Vota mea Dómino reddam
coram omni pópulo ejus : *
pretiósá in conspéctu Dó-
mini mors sanctórum ejus :

O Dómine quia ego servus
tuus : * ego servus tuus, et
filius ancillæ tuæ.

Dirupisti víncula mea : *
tibi sacrificábo hóstiam láu-
dis, et nomen Dómini invo-
cábo.

Vota mea Dómino reddam
in conspéctu omnis pópuli
ejus : * in átriis domus Dómi-
ni, in médio tui Jerúsalem.

Ant. Dirupisti Dómine
víncula mea : tibi sacrifi-
cábo hóstiam láudis.

Ant. Eúntes ibant * et fle-
bant, mitténtes sémína sua.

Psalmus 125.

IN converténdo Dóminus
captivitátem Sion : * facti
sumus sicut consoláti :

Tunc replétum est gáudio
os nostrum : * et lingua no-
stra exsultatíone.

Tunc dicent inter gen-
tes : * Magnificávit Dóminus
fácere cum eis.

Magnificávit Dóminus fá-
cere nobíscum : * facti su-
mus lætántes.

Convérte Dómine captivi-
tátem nostram, * sicut tor-
rens in Austro.

Qui séminant in lácrymis, * in exsultatióne mentent.

Eúntes ibant et flebant, * mitténtes sémína sua.

Veniéntes áutem vénient cum exsultatióne, * portántes manipulos suos.

Ant. Eúntes ibant et flebant, mitténtes sémína sua.

Ant. Confortátus est * principátus eórum, et honoráti sunt amici tui Deus.

Psalmus 138.

DÓMINE probásti me, et cognovísti me : * tu cognovísti sessiódinem meam, et resurrectiódinem meam.

Intellexísti cogitatiónes meas de longe : * sémítam meam, et funículum meum investigásti.

Et omnes vias meas prævidísti : * quia non est sermo in lingua mea.

Ecce Dómine tu cognovísti ómnia novíssima, et antiqua : * tu formásti me, et posuísti super me manum tuam.

Mirábilis facta est sciéntia tua ex me : * confortáta est, et non pótero ad eam.

Quo ibo a spíritu tuo? * et quo a fácie tua fúgiam?

Si ascéndero in cælum, tu illic es : * si descéndero in inférnum, ades.

Si sumpsero pennas meas dilúculo, * et habitávero in extrémis maris :

Etenim illuc manus tua dedúcet me : * et tenébit me délixtera tua.

Et dixi : Fórsitan ténebræ conculcábunt me : * et nox illuminátio mea in deliciis meis.

Quia ténebræ non obscurábúntur a te, et nox sicut dies illuminábitur : * sicut ténebræ ejus, ita et lumen ejus.

Quia tu possedísti renes meos : * suscepísti me de útero matris meæ.

Confitébor tibi quia terribíliter magnificátus es : * mirabilia ópera tua, et ánima mea cognóscit nimis.

Non est occultátum os meum a te, quod fecísti in occulto : * et substántia mea in inferióribus terræ.

Imperféctum meum vidé-runt óculi tui, et in libro tuo omnes scribéntur : * dies formabúntur, et nemo in eis.

Mihi áutem nimis honorificáti sunt amici tui Deus : * nimis confortátus est principátus eórum.

Dinumerábo eos, et super arénam multiplicabúntur : * exsurrexi, et adhuc sum tecum.

Si occideris Deus peccatóres : * viri sánguinem declínate a me :

Quia dicitis in cogitatióne : * accipient in vanitáte civitátes tuas.

Nonne qui odérunt te Dómine, óderam? * et super inimícos tuos tabescébam?

Perfécto ódio óderam illos : * et inimíci facti sunt mihi.

Proba me Deus et scito cor meum : * interroga me, et cognosce semitas meas.

Et vide, si via iniquitatis in me est : * et deduc me in via æterna.

Ant. Confortatus est principatus eorum, et honorati sunt amici tui Deus.

Capit. Fratres : Jam non.

Hymnus. Exsultet orbis. *Ÿ.* Annuntiaverunt. **ut in Laud.**

Ad Magnif. Ant. Estote fortes * in bello, et pugnate cum antiquo serpente : et accipietis regnum æternum, allelúia.

II. ALIÆ LECTIONES

PRO APOSTOLIS

IN II. NOCTURNO

De Expositione sancti Augustini Episcopi super Psalmum octogésimum sextum.

Lectio iv.

Ante medium.

FUNDAMENTA ejus in montibus sanctis : diligit Dominus portas Sion. Quare sunt fundamenta Apostoli, et Prophetæ? Quia eorum auctoritas portat infirmitatem nostram. Quare sunt portæ? Quia per ipsos intramus ad regnum Dei. Prædicant enim nobis : et cum per ipsos intramus, per Christum intramus. Ipse est enim janua. Et cum dicuntur duodecim portæ Jerúsalem, et una porta Christus, et duodecim portæ Christus, quia in duodecim portis

Christus : et ideo duodenarius numerus Apostolorum. Sacramentum magnum hujus duodenarii significatio est numeri. Sedebitis, inquit, super duodecim sedes, judicantes duodecim tribus Israël.

R. Vidi conjunctos viros, habentes splendidas vestes, et Angelus Domini locutus est ad me, dicens : * Isti sunt viri sancti facti amici Dei. *Ÿ.* Vidi Angelum Dei fortem, volantem per medium cælum, voce magna clamantem, et dicentem. Isti.

Lectio v.

SI duodecim sellæ ibi sunt, non est ubi sedeat tertius decimus Paulus Apostolus, et non erit quomodo judicet : et ipse se judicaturum dixit, non homines tantum, sed et angelos. Quos angelos, nisi apostatas angelos? Nescitis, inquit, quia angelos judicabimus? Responderet ergo turba : Quid te jactas judicaturum? Ubi sedebis? Duodecim sedes dixit Dominus duodecim Apostolis : unus cecidit Judas, in locum ipsius sanctus Mathias ordinatus est : impletus est duodenarius numerus sedium. Primo locum inveni, ubi sedeas, et sic te minare judicaturum. Duodecim ergo sedes quid sibi velint, videamus. Sacramentum est cujusdam universalitatis, quia per totum orbem

terrarum futura erat Ecclesia : unde vocatur hoc ædificium ad Christi compagem.

R. Beati estis, cum maledixerint vobis homines, et persecuti vos fuerint, et dixerint omne malum adversum vos, mentientes, propter me : * Gaudete et exultate, quoniam merces vestra copiosa est in caelis. **V.** Cum vos oderint homines, et cum separaverint vos, et exprobraverint, et ejecerint nomen vestrum tamquam malum, propter Filium hominis. Gaudete.

Lectio vj.

ET ideo quia undique venit ad iudicandum, duodecim sedes sunt : sicut quia undique intratur in illam civitatem, duodecim portae sunt. Non solum ergo illi duodecim et Apostolus Paulus, sed quotquot iudicaturi sunt, propter significationem universitatis ad sedes duodecim pertinent : quemadmodum quotquot intrabunt, ad duodecim portas pertinent. Partes enim mundi quatuor sunt, Oriens, Occidens, Aquilo et Meridies. Istae quatuor partes assidue nominantur in Scripturis. Ab istis quatuor ventis, sicut dicit Dominus in Evangelio, a quatuor ventis se collecturum electos suos : ab omnibus ergo istis quatuor ventis vocatur Ecclesia. Quomodo vocatur? Un-

dique in Trinitate vocatur. Non vocatur nisi per baptismum in nomine Patris, et Filii, et Spiritus sancti. Quatuor ergo ter ducta duodecim inveniuntur.

R. Isti sunt. 11*.

IN III. NOCTURNO

Lectio sancti Evangelii secundum Matthaeum.

Lectio vij. Cap. 19. d

IN illo tempore : Dixit Petrus ad Jesum : Ecce nos reliquimus omnia, et secuti sumus te : quid ergo erit nobis? Et reliqua.

Homilia venerabilis Bedae Presbyteri.

Homil. in Nat. S. Benedicti.

PERFECTUS ille est, qui abiens vendit omnia quae habet, et dat pauperibus, ac veniens, sequitur Christum : habebit enim thesaurum non deficientem in caelis. Unde bene interrogante Petro, dixit talibus Jesus : Amen dico vobis, quod vos qui secuti estis me, in regeneratione, cum sederit Filius hominis in sede maiestatis suae, sedebitis et vos super sedes duodecim, iudicantes duodecim tribus Israel. In hac quippe vita pro ejus nomine laborantes, in alia praemium sperare docuit : id est, in regeneratione ; cum videlicet in vitam immortalem fuerimus resurgendo regenerati, qui in vitam caducam mortaliter eramus geniti.

R. Isti sunt qui viventes

in carne, plantaverunt Ecclesiam sanguine suo : * Cálícem Dómini bibérunt, et amici Dei facti sunt. **Y.** In omnem terram exívit sonus eórum, et in fines orbis terræ verba eórum. Cálícem.

Lectio viij.

Et justa prorsus retribútio, ut qui hic pro Christo humanæ glóriam celsitudinis neglexérunt, illic a Christo júdices glorificáti singulariter cum eo assideant, qui a sequéndis ejus vestigiis nulla ratióne póterant avelli. Nemo áutem putet, duodecim tantum Apóstolos, quia pro Juda prævaricánte Mathías eléctus est, tunc esse judicatúros : sicut nec duodecim solæ sunt tribus Israël judicandæ : alióquin tribus Levi, quæ tertiadécima est, injudicáta recédet.

R. Isti sunt viri sancti, quos elégit Dóminus in caritate non ficta, et dedit illis glóriam sempitérnā : * Quorum doctrína fulget Ecclesiā, ut sole luna. **Y.** Sancti per fidem vicérunt regna : operáti sunt justitiam. Quorum. Glória Patri. Quorum.

Lectio ix.

Et Páulus, qui tertiusdémus est Apóstolus, judicándi sorte privábitur, cum ipse dicat : Nescitis quóniam ángelos judicábimus, quanto magis sæculária? Sciéndum namque est, omnes, qui ad exémplum Apostolórum sua reliquerunt

ómnia, et secúti sunt Christum, júdices cum eo ventúros, sicut étiam omne mortálium genus esse judicándum. Quia enim duodenário sæpe número solet in Scriptúris univérsitas designári, per duódecim sedes Apostolórum, ómnium numerósitas judicántium, et per duódecim tribus Israël, univérsitas eórum, qui judicándi sunt, osténditur.

Te Deum laudámus. 17.

PRO EVANGELISTIS

LECTIONES

IN I. NOCTURNO

Incipit liber Ezechiélis
Prophétæ.

Lectio j. Cap. 1.

Et factum est in trigésimo anno, in quarto, in quinta mensis, cum essem in médio captivórum juxta flúvium Chobar, apérti sunt cæli, et vidi visiones Dei. In quinta mensis, ipse est annus quintus transmigratiónis regis Jóachim, factum est verbum Dómini ad Ezechiélem, filium Buzi sacerdotem in terra Chaldæórum, secus flumen Chobar : et facta est super eum ibi manus Dómini. Et vidi, et ecce ventus túrbiniis veniebat ab Aquilóne : et nubes magna, et ignis invólvens, et splendor in circúitu ejus : et de médio ejus quasi spécies eléctri, id est, de médio ignis.

R. Ecce ego mitto vos sic-

ut oves in médio lupórum, dicit Dóminus : * Estóte ergo prudéntes sicut serpéntes, et simplices sicut colúmbæ. *ꝯ*. Dum lucem habétis, créдите in lucem, ut filii lucis sitis. Estóte.

Lectio ij.

ET in médio ejus similitúdo quátuor animálium : et hic adspéctus eórum, similitúdo hóminis in eis. Quátuor fácies uni, et quátuor pennæ uni. Pedes eórum pedes recti, et planta pedis eórum quasi planta pedis vituli, et scintillæ quasi adspéctus æris candéntis. Et manus hóminis sub pennis eórum in quátuor pártibus : et fácies, et pennas per quátuor partes habébant, junctæque erant pennæ eórum altérius ad álterum. Non revertebántur cum incéderent : sed unumquódque ante fáciem suam gradiebátur.

℞. Tóllite jugum meum super vos, dicit Dóminus, et discite a me, quia mitis sum et húmilis corde : * Jugum enim meum suáve est, et onus meum leve. *ꝯ*. Et inveniétis réquiem animábus vestris. Jugum.

Lectio iij.

SIMILITÚDO áutem vultus eórum : fácies hóminis, et fácies leónis a dextris ipsórum quátuor : fácies áutem bovis, a sinistris ipsórum quátuor, et fácies áquilæ désuper ipsórum quátuor. Fácies eórum, et pennæ

eórum exténtæ désuper : duæ pennæ singulórum jungebántur, et duæ tegébant córpora eórum : et unumquódque eórum coram fácie sua ambulábat : ubi erat impetus spíritus, illuc gradiebántur, nec revertébántur cum ambulárent.

℞. Dum stetéritis. 8*.

IN II. NOCTURNO

De Expositione sancti Gregórii Papæ super Ezechiélem Prophétam.

Homil. 3. Lib. 1.

Lectio iv.

SANCTA quátuor animália, quæ prophetiæ spíritus futúra prævidéntur, subtili narratione describúntur, cum dicitur : Quátuor fácies uni, et quátuor pennæ uni. Quid per fáciem, nisi notítia; et quid per pennas, nisi volátus exprimitur? Per fáciem quippe unusquisque cognóscitur : per pennas vero in altum ávium córpora sublevántur. Fácies itaque ad fidem pértinet, penna ad contemplatióem. Per fidem namque ab omnipoténti Deo cognóscimur, sicut ipse de suis óvibus dicit : Ego sum pastor bonus, et cognóscio oves meas, et cognóscunt me meæ. Qui rursus ait : Ego scio quos elégerim. Per contemplatióem vero, qua super nosmetipsos tóllimur, quasi in áëra levámur.

℞. Vidi conjúctos viros, habéntes spléndidas vestes, et Angelus Dómini locútus

est ad ine, dicens : * Isti sunt viri sancti facti amici Dei. *Ꝛ*. Vidi Angelum Dei fortem, volántem per médium cælum, voce magna clamántem et dicéntem. Isti sunt.

Lectio v.

QUÁTUOR ergo fácies uni sunt : quia si requiras quid Matthæus de incarnatione Dómini séntiat : hoc nimirum sentit; quod Marcus, Lucas, et Joánnēs. Si quæras quid Joánnēs séntiat; hoc procul dúbio, quod Lucas, Marcus, et Matthæus. Si quæras quid Marcus; hoc quod Matthæus, Joánnēs, et Lucas. Si quæras quid Lucas; hoc quod Joánnēs, Matthæus, et Marcus sentit. Quátuor ergo fácies uni sunt : quia notitia fidei, qua cognoscúntur a Deo, ipsa est in uno, quæ est simul in quátuor. Quidquid enim in uno invéneris, hoc in ómnibus simul quátuor cognóscēs.

℟. Beáti estis cum maledixerint vobis hómines, et persecúti vos fúerint, et dixerint omne malum advérsus vos, mentiéntes, propter me : * Gaudéte et exultáte, quóniam merces vestra copiósa est in cælis. *Ꝛ*. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Fílium hóminis. Gaudéte.

Lectio vj.

ET quátuor pennæ uni : quia Dei omnipoténtis Fílium Dóminum nostrum Jesum Christum simul omnes concórditer prædicant : et ad divinitátem ejus mentis óculos levántes, penna contemplatiónis volant. Evangelistárum ergo fácies ad humanitátem Dómini pértinet, penna ad divinitátem : quia in eum, quem corpóreum adspiciunt, quasi fácies inténdunt : sed dum hunc esse incircumscripsum atque incorpóreum ex divinitáte annúntiant, per contemplatiónis pennam quasi in áëra levántur. Quia itaque una est fides incarnationis ejus in ómnibus, et par contemplatio divinitátis ejus in singulis, recte nunc dicitur : Quátuor fácies uni, et quátuor pennæ uni.

℟. Isti sunt. 11*.

IN III. NOCTURNO
Léctio sancti Evangélíi secúndum Lucam.

Lectio vij. Cap. 10.

IN illo témpore : Designávit Dóminus et álios septuaginta duos : et misit illos binos ante fáciem suam, in omnem civitátem et locum, quo erat ipse ventúrus. Et réliqua.

Homília sancti Gregórii
Papæ.

Homil. 17. in Evang.

DÓMINUS et Salvátor noster, fratres caríssimi, aliquándo nos sermónibus,

aliquándo vero opéribus admonet. Ipsa étenim facta ejus præcépta sunt : quia dum áliquid tácitus facit, quid ágere debeámus innotéscit. Ecce enim binos in prædicatióem discipulos mittit : quia duo sunt præcépta caritátis, Dei vidélicet amor, et próximi : et minus quam inter duos cáritas habéri non potest. Nemo enim próprie ad semetipsum habére caritátem dicitur : sed diléctio in álterum tendit, ut cáritas esse possit.

℞. Isti sunt qui vivéntes in carne, plantavérunt Ecclésiám sánguine suo : * Cálicem Dómini bibérunt, et amici Dei facti sunt. √. In omnem terram exívit sonus eórum, et in fines orbis terræ verba eórum. Cálicem.

Lectio viij.

ECCE enim binos ad prædicándum discipulos Dóminus mittit : quátenus hoc nobis tácitus innuat, quia qui caritátem erga álterum non habet, prædicatiónis officium suscipere nullátenus debet. Bene áutem dicitur, quia misit eos ante fáciem suam in omnem civitátem et locum, quo erat ipse ventúrus. Prædicatóres enim suos Dóminus séquitur : quia

prædicatió prævenit, et tunc ad mentis nostræ habitáculum Dóminus venit, quando verba exhortatiónis præcúrrunt : atque per hoc véritas in mente suscipitur.

℞. Isti sunt viri sancti quos elégit Dóminus in caritáte non ficta, et dedit illis glóriam sempitérnam : * Quorum doctrína fulget Ecclésia, ut sole luna. √. Sancti per fidem vicérunt regna : operáti sunt justítiam. Quorum. Glória Patri. Quorum.

Lectio ix.

HINC namque eisdem prædicatóribus Isaías dicit : Paráte viam Dómini, rectas fácite sémitas Dei nostri. Hinc filiis Psalmista ait : Iter fácite ei, qui ascéndit super occásum. Super occásum namque Dóminus ascéndit : quia unde in passióne occúbuit, inde majórem suam glóriam resurgéndo manifestávit. Super occásum vidélicet ascéndit ; quia mortem quam pértulit, resurgéndo calcávit. Ei ergo qui ascéndit super occásum, iter fáчимus, cum nos ejus glóriam vestris méntibus prædicámus, ut eas et ipse post véniens, per amoris sui præsentiam illústret.

Te Deum laudámus. 17.

COMMUNE UNIUS MARTYRIS

IN I. VESPERIS

*Ant. de Laud. Pss. ut in
I. Vesp. de Comm. Apost. 2*.*

Capitulum. Jac. 1. b

BEÁTUS vir, qui suffert
tentationem : quón-
iam cum probátus
fuerit, accipiet cor-
ónam vitæ, quam repromi-
sit Deus diligentibus se.

Hymnus.

DEUS tuórum militum
Sors, et coróna, præ-
mium,

Láudes canéntes Mártyris
Absólve nexu criminis.

Hic nempe mundi gáudia,
Et blanda fráudum pábula
Imbúta felle députans,
Pervénit ad cæléstia.

Pœnas cucúrrit fórtiter,
Et sústulit viriliter,
Fundénsque pro te sángu-
inem,

ÆtéRNA dona póssidet.

Ob hoc precátu súpplici
Te póscimus, piíssime;
In hoc triúmpho Mártyris
Dimitte noxam sérvulis.

Laus et perénis glória
Patri sit, atque Filio,
Sancto simul Paráclito,
In sempitéRNA sæcula.

Amen.

✠ Glória et honóre coro-
násti eum Dómine. ✠. Et
constituísti eum super ópera
mánuum tuárum.

Ad Magnif. Ant. Iste san-
ctus * pro lege Dei sui cer-
távit usque ad mortem, et

a verbis impiórum non ti-
muit : fundátus enim erat
supra firmam petram.

Pro Martyre et Pontifice.

Oratio.

INFIRMITÁTEM nostram ré-
spice omnipotens Deus :
et quia pondus propriæ
actionis gravat, beáti **N.**
Mártyris tui atque Pontíficis
intercessio gloriósa nos pró-
tegat. Per Dóminum.

Alia Oratio.

DEUS, qui nos beáti **N.**
Mártyris tui atque Pon-
tíficis ánnua solemnitáte læ-
tíficas : concéde propítius;
ut cujus natalitia cólimus,
de ejúsdem étiam protectió-
ne gaudeámus. Per Dómi-
num.

Pro Martyre tantum.

Oratio.

PRÆSTA, quæsumus omni-
potens Deus : ut qui
beáti **N.** Mártyris tui natali-
tia cólimus, intercessióne
ejus in tui nóminis amóre
roborémur. Per Dóminum.

Alia Oratio.

PRÆSTA, quæsumus omni-
potens Deus : ut, inter-
cedente beáto **N.** Mártyre
tuo, et a cunctis adversitá-
tibus liberémur in córpore,
et a pravis cogitatióibus
mundémur in mente. Per.

AD MATUTINUM

Invit. Regem Mártyrum,
Dóminum, * Veníte, ado-
rémus.

Ps. Veníte, exsultémus. 2.

Hymn. Deus tuórum militum. **ut supra.** 24*.

IN I. NOCTURNO

Ant. In lege Dómini * fuit volúntas ejus die ac nocte.

Psalmus 1.

BEÁTUS vir, qui non ábiit in consilio impiórum, et in via peccatórum non stetit, * et in cáthedra pestiléntiæ non sedit :

Sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo :

Et fólium ejus non défluét : * et ómnia quæcúmque fáciét, prosperabúntur.

Non sic impíi, non sic : * sed tamquam pulvis, quem prójicit ventus a fácie terræ.

Ideo non resúrgent impíi in iudicio : * neque peccatóres in concilio justórum.

Quóniam novit Dóminus viam justórum : * et iter impiórum peribit.

Ant. In lege Dómini fuit volúntas ejus die ac nocte.

Ant. Prædicans * præceptum Dómini constitútus est in monte sancto ejus.

Psalmus 2.

QUARE fremuérunt gentes, * et pópuli meditáti sunt inánia?

Adstitérunt reges terræ, et príncipes convenérunt in

unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego áutem constitútus sum rex ab eo super Sion montem sanctum ejus, * prædicans præceptum ejus.

Dóminus dixit ad me : * Filius meus es tu, ego hódie génui te.

Póstula a me, et dabo tibi gentes hereditátem tuam, * et possессиónem tuam téminos terræ.

Reges eos in virga férrea, * et tamquam vas figuli confrínges eos.

Et nunc reges intelligite : * erudímini qui judicátis terram.

Servíte Dómino in timóre : * et exsultáte ei cum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confídunt in eo.

Ant. Prædicans præceptum Dómini, constitútus est in monte sancto ejus.

Ant. Voce mea * ad Dóminum clamávi : et exaudivit me de monte sancto suo.

Psalmus 3.

DÓMINE quid multiplicati sunt qui tribulant me? * multi insurgunt adversum me.

Multi dicunt animæ meæ: * Non est salus ipsi in Deo ejus.

Tu autem Dómine susceptor meus es, * glória mea, et exáltans caput meum.

Voce mea ad Dóminum clamavi: * et exaudivit me de monte sancto suo.

Ego dormivi, et soporatus sum: * et exsurrexi, quia Dóminus suscepit me.

Non timebo millia pópuli circumdantis me: * exsurge Dómine, salvum me fac Deus meus.

Quóniam tu percussisti omnes adversantes mihi sine causa: * dentes peccatorum contrivisti.

Dómini est salus: * et super pópulum tuum benedictio tua.

Ant. Voce mea ad Dóminum clamavi: et exaudivit me de monte sancto suo.

V. Glória et honóre coronasti eum Dómine. **R.** Et constituisti eum super ópera mánuum tuárum.

Pater noster.

Absolutio. Exáudi Dómine.

V. Jube domne.

Bened. Benedictióne perpétua.

Lect. seq. I. Noct. leguntur in Festo Mart. et Pont.

In Festo autem Mart. non

Pont. leguntur quæ inferius positæ sunt in Communi plur. Mart. 42*.

De Actibus Apostolorum.

Lectio j. Cap. 20. d

AMILÉTO Páulus mittens Ephesum, vocávit majores natu Ecclesiæ. Qui cum venissent ad eum, et simul essent, dixit eis: Vos scitis a prima die, qua ingressus sum in Asiam, quáliter vobiscum per omne tempus fúerim, sérvians Dómino cum omni humilitate, et lácrymis, et tentatióibus, quæ mihi accidérunt ex insidiis Judæorum: quómodo nihil subtráxerim utilium, quo minus annuntiárem vobis, et docérem vos públice, et per domos, testificans Judæis, atque Gentilibus in Deum pœniténtiam, et fidem in Dóminum nostrum Jesum Christum. Et nunc ecce alligátus ego spiritu, vado in Jerúsalem: quæ in ea ventúra sint mihi, ignórans: nisi quod Spíritus sanctus per omnes civitátes mihi protestátur, dicens: Quóniam víncula et tribulatiónes Jerosólymis me manent. Sed nihil horum véreor: nec fácio ánimam meam pretiosiórem quam me, dúmmodo consúmmem cursum meum, et ministérium verbi, quod accépi a Dómino Jesu, testificári Evangélium grátiae Dei. **R.** Iste sanctus pro lege Dei sui certávit usque ad mortem, et a verbis impió-

rum non tímuit : * Fundátus enim erat supra firmam petram. **Ÿ.** Iste est qui contémpsit vitam mundi, et pervénit ad cæléstia regna. Fundátus.

Bened. Unigénitus Dei Filius.

Lectio ij.

ET nunc ecce ego scio quia ámplius non vidébitis fáciem meam vos omnes, per quos transívi prædicans regnum Dei. Quaprópter contéstor vos hodiérna die, quia mundus sum a sáanguine ómnium. Non enim subterfúgi quóminus annuntiárem omne consílium Dei vobis. Atténdite vobis, et univérso gregi, in quo vos Spiritus sanctus pósuit episcopos régere Ecclesiám Dei, quam acquisívit sáanguine suo. Ego scio quóniam intrábunt post discessiónem meam lupi rapáces in vos, non parcéntes gregi. Et ex vobis ipsis exsúrgent viri loquéntes perversa, ut abdúcant discipulos post se. Propter quod vigiláte memória retinéntes : quóniam per triénnum nocte et die non cessávi, cum lácrymis monens unumquémque vestrum.

Ÿ. Justus germinábit sicut lílium : * Et florébit in ætérnum ante Dóminum. **Ÿ.** Plantátus in domo Dómini, in átriis domus Dei nostri. Et.

Bened. Spiritus sancti grátia.

Lectio iij.

ET nunc comméndo vos Deo, et verbo grátiae ipsíus, qui potens est ædificáre, et dare hereditátem in sanctificátis ómnibus. Argéntum et áurum, aut vestem nullius concupívi, sicut ipsi scitis : quóniam ad ea, quæ mihi opus erant, et his qui mecum sunt, ministravérunt manus istæ. Omnia osténdi vobis, quóniam sic laborántes, opórtet suscipere infirmos, ac meminisse verbi Dómini Jesu, quóniam ipse dixit : Beátius est magis dare, quam accipere. Et cum hæc dixisset, pósitis génibus suis orávit cum ómnibus illis. Magnus áutem fletus factus est ómnium : et procumbéntes super collum Páuli, osculábantur eum, doléntes máxime in verbo, quod dixerat, quóniam ámplius fáciem ejus non essent visúri. Et deducébant eum ad navem.

Ÿ. Iste cognóvit justitiam, et vidit mirabilia magna, et exorávit Altíssimum : * Et invéntus est in número sanctórum. **Ÿ.** Iste est qui contémpsit vitam mundi, et pervénit ad cæléstia regna. Et. Glória Patri. Et.

IN II. NOCTURNO

Ant. Filii hóminum * scitóte quia Dóminus sanctum suum mirificávit.

Psalmus 4.

CUM invocárem exaudivit me Deus justitiæ meæ : *

in tribulatióne dilatásti mihi.

Miserére mei, * et exáudi oratiónem meam.

Filii hóminum úsquequo gravi corde? * ut quid diligitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascimini, et nolite peccáre : * quæ dicitis in córdibus vestris, in cubilibus vestris compungimini.

Sacrificáte sacrificium iustitiæ, et speráte in Dómino. * Multi dicunt : Quis osténdit nobis bona?

Signátum est super nos lumen vultus tui Dómine : * dedisti lætítiam in corde meo.

A fructu fruménti, vini, et ólei sui * multiplicáti sunt.

In pace in idípsum * dórmiám, et requiêscam ;

Quóniam tu Dómine singularíter in spe * constituísti me.

Ant. Filii hóminum scitóte quia Dóminus sanctum suum mirificávit.

Ant. Scuto bonæ voluntátis * tuæ coronásti eum Dómine.

Psalmus 5.

VERBA mea áuribus pèr-
cipe Dómine, * intéllege clamórem meum.

Inténde voci oratiónis meæ, * rex meus et Deus meus.

Quóniam ad te orábo : * Dómine mane exáudies vocem meam.

Mane adstábo tibi et vidébo : * quóniam non Deus volens iniquitátem tu es.

Neque habitábit juxta te malignus : * neque permánébunt injústi ante óculos tuos.

Odísti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego áutem in multítudine misericórdiæ tuæ.

Introibo in domum tuam : * adorábo ad templum sanctum tuum in timóre tuo.

Dómine deduc me in iustitia tua : * propter inimicos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttureórum, linguis suis dolóse agébant, * júdica illos Deus.

Décidant a cogitatióibus suis, secúndum multítudinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedices iusto.

Dómine, ut scuto bonæ voluntátis tuæ * coronásti nos.

Ant. Scuto bonæ voluntátis tuæ coronásti eum Dómine.

Ant. In univérſa terra * glória et honóre coronásti eum.

Psalmus 8.

DÓMINE Dóminus noster, * quam admirábile est nomen tuum in univérſa terra!

Quóniam eleváta est magnificéntia tua, * super cælos.

Ex ore infántium et lacténtium perfecisti láudem propter inimicos tuos, * ut destruas inimicum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam visitas eum?

Minuísti eum páulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecisti sub pédibus ejus, * oves et boves univérſas : insuper et pécora campi.

Vólucres cæli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérſa terra?

Ant. In univérſa terra glória et honóre coronásti eum.

Ŷ. Posuísti Dómine super caput ejus. **Ŕ.** Corónam de lápide pretiósó.

Pater noster.

Absolutio. Ipsíus pietas.

Ŷ. Jube domne.

Bened. Deus Pater omnipotens.

Sermo sancti Augustíni
Epíscopi.

Serm. 44. de Sanctis.

Lectio iv.

TRIUMPHÁLIS beáti Mártyris **N.** dies hódie nobis anniversária celebritáte recúrrit : cujus glorificatióne sicut congáudet Ecclesiá, sic ejus propónit sequénda vestigia. Si enim compátimur, et conglorificábimur. In cujus glorióso agóne duobus nobis præcipue consideránda sunt : induráta videlicet tortóris sævitia, et Mártyris invícta patiéntia. Sævítia tortóris, ut eam detestémur : patiéntia Mártyris, ut eam imitémur. Audi Psalmistam advérsus malitiam increpántem : Noli æmulári in malignántibus : quóniam tamquam fœnum velóciter aréscent. Quod autem advérsus malignántes patiéntia exhibénda sit, áudi Apóstolum suadéntem : Patiéntia vobis necessária est, ut reportétis promissiões.

Ŕ. Honéstum fecit illum Dóminus, et custodívit eum ab inimicis, et a seductóribus tutávit illum : * Et dedit illi claritátem æternam. **Ŷ.** Descenditque cum

illo in fóveam, et in vínculis non dereliquit eum. Et.

Bened. Christus perpétuæ.

Lectio v.

CORONÁTA itaque est beáti Mártiris patiéntia : mancipáta est ætérnis cruciátibus tortóris incorrécta malítia. Hoc atténdens in agóne suo gloriósus Christi athléta, non exhórruit cárcerem. Ad imitationém cápitis sui tolerávit probra, sustinuit irrisiónes, flagélla non tímuit : et quot ante mortem pro Christo pértulit supplicia, tot ei de se óbtulit sacrificia. Quod enim propinánte Apóstolo biberat, alte retinébat : Quia non sunt condignæ passiónes hujus témporis ad futúram glóriam, quæ revelábitur in nobis. Et quia momentáneum hoc et leve nostræ tribulatiónis, ætérnum glóriæ pondus operátur in cælis. Hujus promissiónis amóre a terrénis suspénsus, et prægustáta supérnæ suavitátis dulcédine ineffabiliter afféctus, dicébat cum Psalmista : Quid mihi est in cælo, et a te quid vólui super terram? Defécit caro mea et cor meum : Deus cordis mei, et pars mea Deus in ætérnum.

R. Desidérium animæ ejus tribuisti ei Dómine, * Et voluntáte labiórum ejus non fraudásti eum. **V.** Quóniam prævenisti eum in benedictiónibus dulcédinis : po-

suisti in cápite ejus corónam de lápide pretióso. Et.

Bened. Ignem sui amóris.

Lectio vj.

CONTEMPLABÁTUR enim quantum in ænigmate infirmitas humana óculum mentis in æternitáte figere potest, quanta sint supérnæ civitátis gáudia : et ea enarráre non sufficiens, admirádo clamábat : Quid mihi est in cælo? Quasi diceret : Excédit vires meas, excédit facultátem eloquéntiæ meæ, transcendit capacitátem intelligéntiæ meæ illud decus, illa glória, illa celsitúdo, qua nobis, a conturbatióne hóminum remótis, in abscón-dito faciéi suæ Jesus Christus Dóminus noster reformábit corpus humilitátis nostræ, configurátum córpori claritátis suæ. Hujus perféctæ libertátis contemplatióne nullum vitábat periculum, nullum horrébat supplicium : et si millies posset mori, non putábat se hanc digne posse áliqua ratióne promeréri.

R. Stola jucunditátis induit eum Dóminus : * Et corónam pulchritúdinis posuit super caput ejus. **V.** Cibávit illum Dóminus pane vitæ et intelléctus : et aqua sapiéntiæ salutáris potávit illum. Et. Glória Patri. Et.

IN III. NOCTURNO

Ant. Justus Dóminus, * et justítiam diléxit : æquitátem vidit vultus ejus.

Psalmus 10.

IN Dómino confido : quómodo dicitis ánimæ meæ : * Trásmigra in montem sicut passer?

Quóniam ecce peccatóres intendérunt arcum, paravérunt sagittas suas in pháretra, * ut sagittent in obscúro rectos corde.

Quóniam quæ perfecisti, destruxérunt : * justus áutem quid fecit?

Dóminus in templo sancto suo, * Dóminus in cælo sedes ejus :

Oculi ejus in páuperem respiciunt : * pálpebræ ejus interrogant filios hóminum.

Dóminus intérogat justum et ímpium : * qui áutem diligit iniquitátem, odit ánimam suam.

Pluet super peccatóres láqueos : * ignis, et sulphur, et spíritus procellárum pars cálicis eórum.

Quóniam justus Dóminus, et justitias diléxit : * æquitátem vidit vultus ejus.

Ant. Justus Dóminus, et justitiam diléxit : æquitátem vidit vultus ejus.

Ant. Habitábit * in tabernáculo tuo : requiescet in monte sancto tuo.

Psalmus 14.

DÓMINE quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justitiam :

Qui lóquitur veritátem in

corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * tímētes áutem Dóminum glóricat :

Qui jurat próximo suo, et non decipit, * qui pecúniam suam non dedit ad usúram, et múnēra super innocéntem non accépit :

Qui facit hæc, * non móvėbitur in ætérnum.

Ant. Habitábit in tabernáculo tuo : requiescet in monte sancto tuo.

Ant. Posuisti Dómine * super caput ejus corónam de lápide pretiósó.

Psalmus 20.

DÓMINE in virtúte tua lætábitur rex : * et super salutáre tuum exsultábit veheménter.

Desidérium cordis ejus tribuisti ei : * et voluntáte labiórum ejus non fraudásti eum.

Quóniam prævenísti eum in benedictiónibus dulcédinis : * posuisti in cápite ejus corónam de lápide pretiósó.

Vitam pétiit a te : * et tribuisti ei longitúdinem díērum in sǎculum, et in sǎculum sǎculi.

Magna est glória ejus in salutári tuo : * glóriam et magnum decórem impónes super eum.

Quóniam dabis eum in

benedictiōnem in sǣculum sǣculi : * lætificābis eum in gāudio cum vultu tuo.

Quóniam rex sperat in Dómino : * et in misericórdia Altissimi non commovēbitur.

Inveniātur manus tua ómnibus inimicis tuis : * dēxtera tua invēniat omnes, qui te odērunt.

Pones eos ut clibanum ignis in témpore vultus tui : * Dóminus in ira sua conturbābit eos, et devorābit eos ignis.

Fructum eórum de terra perdes : * et semen eórum a filiis hóminum.

Quóniam declinavérunt in te mala : * cogitavérunt consilia, quæ non potuérunt stabilire.

Quóniam pones eos dorsum : * in reliquiis tuis præparābis vultum eórum.

Exaltāre Dómine in virtute tua : * cantābimus et psallémus virtutes tuas.

Ant. Posuisti Dómine super caput ejus corónam de lapide pretiόso.

V. Magna est glória ejus in salutári tuo. **R.** Glóriam et magnum decórem impónes super eum.

Pater noster.

Absolutio. A vīculis.

V. Jube domne.

Bened. Evangélica lēctio. Lēctio sancti Evangélii secūndum Lucam.

Lectio vij. Cap. 14. f

IN illo témpore : Dixit Jesus turbis : Si quis venit ad

me, et non odit patrem suum, et matrem, et uxórem, et filios, et fratres, et soróres, adhuc áutem et ánimam suam, non potest meus esse discipulus. Et réliqua.

Homilia sancti Gregórii

Papæ.

Homil. 37. in Evang.

SI considerémus, fratres carissimi, quæ et quanta sunt, quæ nobis promittúntur in cælis, viléscunt ánimo ómnia quæ habéntur in terris. Terréna namque substántia supérnæ felicitáti comparáta, pondus est, non subsidium. Temporális vita æternæ vitæ comparáta, mors est pótius dicénda quam vita. Ipse enim quotidiānus deféctus corruptiōnis quid est áliud, quam quædam prolixitas mortis? Quæ áutem lingua dicere, vel quis intelléctus cāpere súfficit, illa supérnæ civitátis quanta sint gáudia; Angelórum choris interésse, cum beatissimis spiritibus glóriæ conditóris assistere, præsentem Dei vultum cernere, incircumscriptum lumen videre, nullo mortis metu áffici, incorruptiōnis perpétuæ múnere lætári?

R. Coróna áurea super caput ejus, * Expressa signo sanctitátis, glória honóris, et opus fortitúdinis. **V.** Quóniam prævenisti eum in benedictiōnibus dulcédinis, posuisti in cāpite ejus corónam de lapide pretiόso. Expressa.

Bened. Cujus festum cólímus.

Lectio viij.

SED ad hæc audíta inardéscit ánimus, jamque illic cupit assistere, ubi se sperat sine fine gaudére. Sed ad magna præmia perveniri non potest, nisi per magnos labóres. Unde et Páulus egrégíus prædicátor dicit : Non coronábitur, nisi qui legitime certáverit. Deléctet ergo mentem magnitúdo præmiórum, sed non detérreat certámen labórum. Unde ad se veniéntibus Véritas dicit : Si quis venit ad me, et non odit patrem suum, et matrem, et uxórem, et filios, et fratres, et soróres, adhuc áutem et ánimam suam, non potest meus esse discipulus.

R. Hic est vere Martyr, qui pro Christi nómine sanguínem suum fudit : * Qui minas júdicum non tímuit, nec terrénæ dignitátis glóriam quæsiuit, sed ad cælestia regna pervénit. **V.** Justum dedúxit Dóminus per vias rectas, et osténdit illi regnum Dei. Qui. Glória. Qui.

Sequens R. dicitur ultimo loco in Festis sex SS. Mart. Pont. Eusebii, Marcelli, Joannis, Silverii, Martini, et Pontiani.

R. Dómine prævenisti eum in benedictiónibus dulcedínis : * Posuisti in cápíte ejus coronam de lápide pretiósó. **V.** Vitam pétíit a te, et tribuisti ei longitudínem dié-

rum in sáeculum sáeculi. Posuisti. Glória Patri. Posuisti.

Bened. Ad societátem.

Lectio ix.

SED percontári libet, quómodo paréntes, et carnáliter propínquos præcipimur odisse, qui jubémur et inimicos diligere? Et certe Véritas de uxóre dicit : Quod Deus conjúnxit, homo non séparet. Et Páulus ait : Viri diligite uxóres vestras, sicut et Christus Ecclesiám. Ecce, discipulus uxórem diligéndam prædicat, cum magister dicat : Qui uxórem non odit, non potest meus esse discipulus. Numquid áliud judex núntiat, áliud præco clamat? An simul et odisse póssumus, et diligere? Sed si vim præcépti perpéndimus, utrúmque ágere per discretiónem valémus : ut uxórem, et eos, qui nobis carnis cognatióne conjúcti sunt, et quos próximos nóvimus, diligámus; et quos adversários in via Dei pátimur, odiéndo et fugiéndo nesciámus.

Te Deum laudámus. 17.

AD LAUDES

ET PER HORAS

Ant. 1. Qui me conféssus fúerit * coram homínibus, confitébor et ego eum coram Patre meo.

Ps. Dóminus regnávít. 18.

2. Qui séquitur me, * non ámbulat in ténebris, sed habébit lumen vitæ, dicit Dóminus.

3. Qui mihi minístrat, *

me sequatur : et ubi ego sum, illic sit et minister meus.

4. Si quis mihi ministraverit, * honorificabit eum Pater meus, qui est in cælis, dicit Dominus.

5. Volo Pater, * ut ubi ego sum, illic sit et minister meus.

Capitulum. Jac. 1. b

BEATUS vir, qui suffert tentationem : quoniam cum probatus fuerit, accipiet coronam vitæ, quam repromisit Deus diligentibus se.

Hymnus.

INVICTE Martyr, unicum Patris secutus Filium, Victis triumphas hostibus, Victor fruens cælestibus.

Tui precatus munere
Nostrum reatum dilue,
Arcens mali contagium,
Vitæ repellens tædium.

Soluta sunt jam vincula
Tui sacrati corporis :
Nos solve vinclis sæculi,
Dono superni Numinis.

Deo Patri sit gloria,
Ejusque soli Filio,
Cum Spiritu Paráclito,
Nunc, et per omne sæculum.
Amen.

℣. Justus ut palma florébit. ℞. Sicut cedrus Libani multiplicabitur.

Ad Bened. Ant. Qui odit * animam suam in hoc mundo, in vitam æternam custodit eam.

Pro Martyre et Pontifice.

Oratio.

INFIRMITATEM nostram respice omnipotens Deus :

et quia pondus propriæ actionis gravat, beati **N.** Martyris tui atque Pontificis intercessio gloriosa nos protegat. Per Dominum.

Alia Oratio.

DEUS, qui nos beati **N.** Martyris tui atque Pontificis annua solemnitate lætificas : concede propitius ; ut cujus natalitia colimus, de ejusdem etiam protectione gaudeamus. Per Dñm.

Pro Martyre tantum.

Oratio.

PRÆSTA, quæsumus omnipotens Deus : ut qui beati **N.** Martyris tui natalitia colimus, intercessione ejus in tui nominis amore roborémur. Per Dominum.

Alia Oratio.

PRÆSTA, quæsumus omnipotens Deus : ut intercedente beato **N.** Martyre tuo, et a cunctis adversitatibus liberémur in corpore, et a pravis cogitationibus mundémur in mente. Per Dominum.

AD TERTIAM

Ant. Qui sequitur me.

Capit. Beatus vir. *ut supra.*

℞. **br.** Glória et honóre *

Coronasti eum Domine. Glória et. ℣. Et constituisti eum super ópera manuum tuarum. Coronasti. Glória Patri. Glória et.

℣. Posuisti Domine super caput ejus. ℞. Coronam de lapide pretioso.

AD SEXTAM

Ant. Qui mihi ministrat.

Capitulum. Eccli. 15.

CIBAVIT illum pane vitæ et intelléctus, et aqua sapientiæ salutáris potávit illum Dóminus Deus noster.

R. br. Posuisti Dómine * Super caput ejus. Posuisti. **V.** Corónam de lápide pretiósó. Super. Glória Patri. Posuisti.

V. Magna est glória ejus in salutári tuo. **R.** Glóriam et magnum decórem impónes super eum.

AD NONAM

Ant. Volo Pater.**Capitulum. Eccli. 39.**

JUSTUS cor suum trádedit ad vigilándum dilúculo ad Dóminum, qui fecit illum, et in conspéctu Altissimi deprecábitur.

R. br. Magna est glória ejus * In salutári tuo. Magna. **V.** Glóriam et magnum decórem impónes super eum. In. Glória Patri. Magna.

V. Justus ut palma florébit. **R.** Sicut cedrus Libani multiplicábitur.

IN II. VESPERIS

Ant. de Laud., Pss. ut in I. Vesp. de Comm. Apost. 2*, et loco ultimi

Psalmus 115.

CRÉDIDI, propter quod locútus sum : * ego áutem humiliátus sum nimis.

Ego dixi in excéssu meo : * Omnis homo mendax.

Quid retribuam Dómino, * pro ómnibus, quæ retribuit mihi?

Cálicem salutáris acci-

píam : * et nomen Dómini invocábo.

Vota mea Dómino reddam coram omni pópulo ejus : * pretiósá in conspéctu Dómini mors sanctórum ejus.

O Dómine, quia ego servus tuus : * ego servus tuus et filius ancillæ tuæ.

Dirupisti víncula mea : * tibi sacrificábo hóstiam láudis, et nomen Dómini invocábo.

Vota mea Dómino reddam in conspéctu omnis pópuli ejus : * in átriis domus Dómini, in médio tui Jerúsalem.

Capit. et Hymn. ut in I. Vesp.

V. Justus ut palma florébit. **R.** Sicut cedrus Libani multiplicábitur.

Ad Magnif. Ant. Qui vult venire post me, * ábneget semetípsum, et tollat crucem suam, et sequátur me.

ALIÆ LECTIONES

PRO UNO MARTYRE

IN II. NOCTURNO

De Expositiône sancti Ambrosii Episcopi in Psalmum centésimum decimum octávum.

Sermone 21.

Lectio iv.

PRÍNCIPES persecúti sunt me gratis : et a verbis tuis trepidávit cor meum. Bene hoc Martyr dicit, quod injúste persecutiónum tormenta sustineat : qui nihil rapúerit, nullum violéntus

opprésserit, nullius sánguinem fúderit, nullius torum putáverit esse violándum : qui nihil légibus débeat, et gravióra latrónum sustinére cogátur supplicia : qui loquátur juste, et non audiátur : qui loquátur plena salútis, et impugnétur : ut possit dicere, Cum loquébar illis, impugnábant me gratis. Gratis ígitur persecutióem pátitur, qui impugnátur sine crimine : impugnátur ut nóxius, cum sit in tali confessiόne laudábilis : impugnátur quasi venéficus, qui in nómine Dómini gloriátur, cum pietas virtútum ómnium fundaméntum sit.

R. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætérnam. **V.** Descendítque cum illo in fóveam, et in vinctulis non dereliquit eum. Et.

Lectio v.

VERE frustra impugnátur, qui apud ímpios et infidos impietátis arcéssitur, cum fidei sit magíster. Verum qui gratis impugnátur, fortis debet esse et constans. Quómodo ergo subtéxit : Et a verbis tuis trepidávit cor meum? Trepidáre infirmitátis est, timóris atque formidinis. Sed est étiam infirmitas ad salútem, est étiam timor sanctórum. Timéte Dóminum, omnes sancti ejus : et, Beátus vir, qui

timet Dóminum. Qua ratiόne beátus? Quia in mandátis ejus cupit nimis.

R. Desidérium ánimæ ejus tribuísti ei Dómine, * Et voluntáte labiόrum ejus non fraudásti eum. **V.** Quóniam prævenísti eum in benedictiόnibus dulcédinis : posuísti in cápite ejus corónam de lápide pretiόso. Et voluntáte.

Lectio vj.

PONE ergo Mártirem inter pericula constitútum, cum inde immánitas bestiárum ad incutiéndum terrórem ínfremat, aliúnde stridor candéntium laminárum, et flamma fornácis ardéntis exæstuet, ex parte ália personent tractus grávium catenárum, hinc cárnifex cruéntus assistat : pone, inquam, circumspectántem ómnia plena suppliciis, deínde cogitántem mandáta divína, illum ignem perpétuum, illud sine fine incéndium perfidórum, illam pœnæ recrudescéntis ærúmnam : trepidáre corde, ne, dum præséntibus cedat, perpétuis se dedat exítiis : perturbári ánimo, dum futúri judicii rhomphæam illam terribilem quadam conspéctus spécie contuétur. Nonne ad hanc trepidatióem fidúciæ viri constántis, æquális in eúmdem concúrrit efféctum confidéntia cupiéntis ætérna, et divína trepidántis?

R. Stola jucunditátis. 30*.

IN III. NOCTURNO

Lectio sancti Evangelii secundum Matthæum.

Lectio vij. Cap. 16. d

IN illo tempore : Dixit Jesus discipulis suis : Si quis vult post me venire, abneget semetipsum, et tollat crucem suam, et sequatur me. Et reliqua.

Homilia sancti Gregorii Papæ.

Homil. 32. in Evang.

QUIA Dominus ac Redemptor noster novus homo venit in mundum, nova præcepta dedit mundo. Vitæ etenim nostræ veteri in vitiis enutritæ contrarietatem opposuit novitatis suæ. Quid enim vetus, quid carnalis homo nôverat, nisi sua retinere, aliena rapere, si posset; concupiscere, si non posset? Sed cælestis medicus singulis quibûsque vitiis obviántia adhibet medicamentâ. Nam sicut arte medicinæ calida frigidis, frigida calidis curantur : ita Dominus noster contraria opposuit medicamenta peccatis, ut lubricis continentiam, tenacibus largitatem, iracundis mansuetudinem, elatis præciperet humilitatem.

R. Coróna áurea super caput ejus, * Expressa signo sanctitatis, glória honóris, et opus fortitudinis. **V.** Quóniam prævenisti eum in benedictionibus dulcedinis, posuisti in capite ejus coró-

nam de lapide pretioso. Expressa.

Lectio viij.

CERTE cum se sequéntibus nova mandata proponeret, dixit : Nisi quis renuntiáverit ómnibus quæ pòssidet, non potest meus esse discipulus. Ac si apérte dicat : Qui per vitam veterem aliena concupiscitis, per novæ conversatiónis studium et vestra largimini. Quid vero in hac lectione dicat, audiámus : Qui vult post me venire, abneget semetipsum. Ibi dicitur, ut abnegémus nostra : hic dicitur, ut abnegémus nos. Et fortásse laboriosum non est hómini relinquere sua; sed valde laboriosum est relinquere semetipsum. Minus quippe est abnegare quod habet : valde autem multum est abnegare quod est.

R. Hic est vere Martyr, qui pro Christi nómine sanguinem suum fudit : * Qui minas júdicum non timuit, nec terrænæ dignitatis glóriam quæsivit, sed ad cælestia regna pervénit. **V.** Justum deduxit Dominus per vias rectas, et osténdit illi regnum Dei. Qui. Glória Patri. Qui.

Lectio ix.

AD se autem nobis veniéntibus Dominus præcepit, ut renuntiémus nostris : quia quicúmque ad fidei agónem venimus, luctámen contra malignos spíritus súmimus.

Nihil áutem maligni spiritus in hoc mundo próprium pössident : nudi ergo cum nudis luctári debémus. Nam si vestitus quisque cum nudo luctáitur, citius ad terram dejicitur, quia habet unde teneáitur. Quid enim sunt terréna ómnia, nisi quædam córporis induménta? Qui ergo contra diábolum ad certámen própérat, vestiménta abjiciat, ne succúmbat.

Te Deum laudámus. 17.

III. ALIA HOMILIA

Léctio sancti Evangélíi secúndum Matthæum.

Lectio vij. Cap. 10. c

IN illo témpore : Dixit Jesus discipulis suis : Nihil est opértum, quod non revelábitur; et occúltum, quod non sciétur. Et réliqua.

Homilia sancti Hiláarii
Episcopi.

*Comment. in Matthæum,
cap. 10. post medium.*

DÓMINUS diem judicii osténdit, quæ abstrúsam voluntátis nostræ consciéntiam prodet : et ea quæ nunc occúltá existimántur, luce cognitiónis públicæ déteget. Igitur non minas, non consília, non potestátes insectántium monet esse metuéndas : quia dies judicii nulla hæc fuisse, atque inánia revelábit. Et quod dico vobis in ténebris, dicite in lúmine : et quod in áure auditis, prædicáte super tecta. Non légimus Dómi-

num sólitum fuisse nóctibus sermocinári, et doctrinam in ténebris tradidisse : sed quia omnis sermo ejus carnálibus ténebræ sunt, et verbum ejus infidélibus nox est.

R. Coróna áurea super caput ejus : * Expréssa signo sanctitátis, glória honóris, et opus fortitúdinis. **V.** Quóniam prævenisti eum in benedictiόνibus dulcédinis, posuisti in cápite ejus corónam de lápide pretiόso. Expréssa.

Lectio viij.

ITAQUE id quod a se dictum est, cum libertáte fidei et confessiόnis vult esse loquéndum. Idcirco quæ in ténebris dicta sunt prædicári jussit in lúmine : ut quæ secréto áurium commissa sunt, super tecta, id est, excélso loquéntium præcónio audiántur. Constánter enim Dei ingerénda cognitio est, et profúndum doctrinæ evangélicæ secrétum in lúmine prædicatiόnis apostólicæ revelándum : non timéntes eos, quibus cum sit licéntia in córpora, tamen in ánimam jus nullum est : sed timéntes pótius Deum, cui perdéndæ in gehénna et ánimæ et córporis sit potéstas.

R. Hic est vere Martyr, qui pro Christi nómine sanguinem suum fudit : * Qui minas júdicum non tímuit, nec terrénæ dignitátis gló-

riam quæsiuit, sed ad cælestia regna pervenit. **Ÿ.** Justum deduxit Dominus per vias rectas, et ostendit illi regnum Dei. Qui. Glória. Qui.

Lectio ix.

NOLITE timere eos qui occidunt corpus. Nullus igitur corporum nostrorum casus est pertimescendus, neque ullus interimendæ carnis admittendus est dolor : quando pro naturæ suæ atque originis conditione resoluta, in substantiam spirituales animæ refundatur.

Et quia doctrinis talibus confirmatos oportet liberam confitendi Dei habere constantiam, etiam conditionem, qua teneremur, adjecit : negaturum se eum Patri in cælis, qui se hominibus in terra negasset : eum porro qui confessus coram hominibus se fuisset, a se in cælis confitendum : qualisque nos nominis sui testes hominibus fuissimus, tali nos apud Deum Patrem testimonio ejus usuros.

Te Deum laudamus. 17.

COMMUNE PLURIMORUM MARTYRUM

IN I. VESPERIS

Ant. de Laud., Psalmi ut in I. Vesp. de Comm. Apostolorum. 2*.

Capitulum. Sap. 3.

JUSTORUM animæ in manu Dei sunt, et non tanget illos tormentum mortis. Visi sunt oculis insipientium mori : illi autem sunt in pace.

Hymnus.

SANCTORUM meritis inclyta gaudia
Pangamus socii, gestaque fortia :
Gliscens fert animus promerere canticibus
Victorum genus optimum.
Hi sunt, quos fatus mundus abhorruit;
Hunc fructu vacuum, floribus aridum

Contempsere tui nominis asseclæ

Jesu Rex bone cælitum.

Hi pro te furias, atque minas truces

Calcavunt hominum, sævaque verbera :

His cessit lacerans fortiter ungula,

Nec carpsit penetrabilia.

Ceduntur gladiis more bidentium :

Non murmur resonat, non querimonia;

Sed corde impavido mens bene conscia

Conservat patientiam.

Quæ vox, quæ poterit lingua retexere,

Quæ tu Martyribus munera præparas?

Rubri nam fluido sanguine fulgidis

Cingunt tempora laureis.

Commune plurimorum Martyrum.

Te summa o Dēitas, ūna-
que pōscimus;
Ut culpas ābigas, nōxia sūb-
trahas,
Des pacem fāmulis, ut tibi
glóriam

Annórum in sériem can-
nant. Amen.

V. Lætāmini in Dómino,
et exsultáte justi. **R.** Et glo-
riāmini omnes recti corde.

Ad Magnif. Ant. Istórum
est enim *regnum cælórum,
qui contempsérunt vitam
mundi, et pervenérunt ad
præmia regni, et lavérunt
stolas suas in ságuine Agni.

Pro pluribus Mart. Pont.

Oratio.

BEATÓRUM Mártyrum pari-
térque Pontificum **N.** et
N. nos, quæsumus Dómine,
festa tueántur : et eórum
comméndet orátio venerán-
da. Per Dóminum.

Si non fuerint Pontifices.

Oratio.

DEUS, qui nos concédís
sanctórum Mártyrum
tuórum **N.** et **N.** natalitia
cólere : da nobis in ætérna
beatitúdine de eórum socie-
táte gaudére. Per Dóminum.

Alia Oratio.

DEUS, qui nos ánnua san-
ctórum Mártyrum tuó-
rum **N.** et **N.** solemnitate læ-
tíficas : concéde propítius;
ut quorum gaudémus mérit-
is, accendámur exémplic.
Per Dóminum.

AD MATUTINUM

Invitat. Regem Mártyrum

Dóminum, * Veníte, adoré-
mus.

Ps. Veníte, exsultémus. 2.

Hymnus.

CHRISTO profúsum sánguini-
nem,

Et Mártyrum victóri-
as, Dignámque cælo láuream
Lætis sequámur vóci-
bus.

Terróre victo sæculi,
Pœnisque spretis córporis,
Mortis sacræ compéndio
Vitæ beátam pòssident.

Tradúntur igni Mártyres,
Et bestiárum déntibus :
Armáta sævit úngulis
Tortóris insáni manus.

Nudáta pendent viscera,
Sanguis sacrátus fúnditur :
Sed pérmanent immóbiles
Vitæ perénnis grátia.

Te nunc Redémptor quæ-
sumus,

Ut Mártyrum consórtio
Jungas precántes sérvulos
In sempitérna sæcula.

Amen.

IN I. NOCTURNO

Ant. Secus decúrsus aquá-
rum * plantávit vineam ju-
stórum, et in lege Dómini
fuit volúntas eórum.

Psalmus 1.

BEÁTUS vir, qui non ábiit
in consílio impiórum,
et in via peccatórum non
stetit, * et in cáthedra pesti-
léntiæ non sedit :

Sed in lege Dómini volún-
tas ejus, * et in lege ejus
meditábitur die ac nocte.

Et erit tamquam lignum,
quod plantátum est secus
decúrsus aquárum, * quod

fructum suum dabit in tēpore suo :

Et fólíum ejus non défluet : * et ómnia quæcúmque fáciēt, prosperabúntur.

Non sic ímpíi, non sic : * sed tamquam pulvis, quem prójicit ventus a fácie terræ.

Ideo non resúrgent ímpíi in iudício : * neque peccatóres in concílio justórum.

Quóniam novit Dóminus viam justórum : * et iter impiórum peribit.

Ant. Secus decúrsus aquárum plantávit vineam justórum, et in lege Dómini fuit volúntas eórum.

Ant. Tamquam áurum * in fornáce probávit eléctos Dóminus : et quasi holocáusta accépit eos in ætérnum.

Psalmus 2.

QUARE fremuérunt gentes, * et pópuli meditáti sunt inánia?

Adstitérunt reges terræ, et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum : * et projiciámus a nobis jugum ipsórum.

Qui hábitat in cælis, irridébit eos : * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego áutem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me : *

Filius meus es tu, ego hódie génui te.

Póstula a me, et dabo tibi gentes hereditátem tuam, * et possessiónem tuam términos terræ.

Reges eos in virga férrea, * et tamquam vas figuli confrínges eos.

Et nunc reges intelligite : * erudímini qui iudicátis terram.

Servíte Dómino in timóre : * et exsultáte ei cum tremóre.

Apprehéndite disciplínam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Ant. Tamquam áurum in fornáce probávit eléctos Dóminus : et quasi holocáusta accépit eos in ætérnum.

Ant. Si coram homínibus * torménta passi sunt, spes electórum est immortális in ætérnum.

Psalmus 3.

DÓMINE quid multiplicáti sunt qui tribulant mē? * multi insúrgunt advérsus me.

Multi dicunt ánimæ meæ : * Non est salus ipsi in Deo ejus.

Tu áutem Dómine suscēptor meus es, * glória mea, et exáltans caput meum.

Voce mea ad Dóminum clamávi : * et exaudivit me de monte sancto suo.

Ego dormivi, et soporatus sum : * et exsurrexi, quia Dóminus suscepit me.

Non timébo millia pópuli circumdántis me : * exsúrge Dómine, salvum me fac Deus meus.

Quóniam tu percussisti omnes adversántes mihi sine cáusa : * dentes peccatórum contrivisti.

Dómini est salus : * et super pópulum tuum benedictio tua.

Ant. Si coram homínibus torménta passi sunt, spes electórum est immortalis in ætérnum.

Ÿ. Lætámini in Dómino, et exsultáte justi. **R̃.** Et gloriámini omnes recti corde.

Pater noster.

Absolutio. Exáudi Dómine.

Ÿ. Jube domne.

Bened. Benedictióne perpétua.

De Epístola beáti Páuli Apóstoli ad Romános.

Lectio j. Cap. 8. c

FRATRES : Debitóres sumus non carni, ut secúndum carnem vivámus. Si enim secúndum carnem vixeritis, moriémini : si áutem spíritu facta carnis mortificavéritis, vivétis. Quicúmque enim spíritu Dei agúntur, ii sunt filii Dei. Non enim accepistis spíritum servitútis íterum in timóre, sed accepistis spíritum adoptiónis filiórum, in quo clamámus : Abba (Pater). Ipse enim Spíritus

testimónium reddit spíritui nostro, quod sumus filii Dei. Si áutem filii, et herédes : herédes quidem Dei, coherédes áutem Christi : si tamen compátimur, ut et conglorificémur. Existimo enim quod non sunt condignæ passiónes hujus témporis ad futúram glóriam, quæ revelábitur in nobis. Nam exspectátio creatúræ revelatióem filiórum Dei exspectat.

R̃. Abstérget Deus omnem lácrymam ab óculis sanctórum : et jam non erit ámplius neque luctus, neque clamor, sed nec ullus dolor : * Quóniam prióra transiérunt. **Ÿ.** Non esúrient, neque sitient ámplius, neque cadet super illos sol, neque ullus æstus. Quóniam.

Bened. Unigénitus Dei Filius.

Lectio ij.

SCIMUS áutem quóniam diligéntibus Deum ómnia cooperántur in bonum, iis, qui secúndum propósitum vocáti sunt sancti. Nam quos præscívit, et prædestinávit confórmes fieri imáginis Filii sui, ut sit ipse primogénitus in multis frátribus. Quos áutem prædestinávit, hos et vocávit : et quos vocávit, hos et justificávit : quos áutem justificávit, illos et glorificávit. Quid ergo dicémus ad hæc? Si Deus pro nobis, quis contra nos? Qui étiam próprio Fílio suo

non pepércit, sed pro nobis ómnibus trádidit illum : quómo-
modo non étiam cum illo ómnia nobis donávit? Quis
accusábit advérsus eléctos Dei? Deus qui justificat, quis
est qui condémnet? Christus Jesus, qui mórtuus est,
immo qui et resurréxit, qui est ad dexteram Dei, qui
étiam interpéllat pro nobis.

R. Viri sancti gloriósum sánguinem fuderunt pro Dó-
mino, amavérunt Christum in vita sua, imitáti sunt eum
in morte sua : * Et ídeo corónas triumpháles meruérunt.
V. Unus spíritus, et una fides erat in eis. Et.

Bened. Spíritus sancti grátia.

Lectio iij.

QUIS ergo nos separábit a caritáte Christi? tribulá-
tio, an angústia, an fames, an núditas, an perículum,
an persecútio, an gládius? (sicut scriptum est : Quia
propter te mortificámur tota die : æstimáti sumus sicut
oves occisiónis.) Sed in his ómnibus superámus propter
eum, qui diléxit nos. Certus sum enim quia neque mors,
neque vita, neque Angeli, neque Principátus, neque
Virtútes, neque instántia, neque futúra, neque fortitúdo,
neque altitúdo, neque profúndum, neque creatúra
ália póterit nos separáre a caritáte Dei, quæ est in
Christo Jesu Dómino nostro.

R. Tradidérunt córpora

sua propter Deum ad sup-
plicia : * Et meruérunt ha-
bére corónas perpétuas. **V.**
Isti sunt qui venérunt ex
magna tribulatióne, et lavé-
runt stolas suas in sán-
guine Agni. Et. Glória Patri.
Et.

IN II. NOCTURNO

Ant. Dabo sanctis meis *
locum nominátum in regno
Patris mei, dicit Dóminus.

Psalmus 14.

DÓMINE quis habitábit in
tabernáculo tuo? * aut
quis requiescet in monte
sancto tuo?

Qui ingréditur sine mácu-
la, * et operátur justítiam :

Qui lóquitur veritátem in
corde suo, * qui non egit
dolum in lingua sua :

Nec fecit próximo suo
malum, * et oppróbrium non
accépit advérsus próximos
suos.

Ad níhilum dedúctus est
in conspéctu ejus malignus : *
timéntes áutem Dóminum
glorificat :

Qui jurat próximo suo, et
non decipit, * qui pecúniam
suam non dedit ad usúram,
et múnera super innocén-
tem non accépit :

Qui facit hæc, * non mo-
vébitur in ætérnum.

Ant. Dabo sanctis meis
locum nominátum in regno
Patris mei, dicit Dóminus.

Ant. Sanctis, qui in terra
sunt ejus, * mirificávit
omnes voluntátes meas inter
illos.

Psalmus 15.

CONSÉRVA me Dómine, quóniam sperávi in te. * Dixi Dómino : Deus meus es tu, quóniam bonórum meórum non eges.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum : * póstea acceleravérunt.

Non congregábo conventicula eórum de sanguinibus : * nec memor ero nómini eórum per lábia mea.

Dóminus pars hereditátis meæ, et cálicis mei : * tu es, qui restitues hereditátem meam mihi.

Funes cecidérunt mihi in præcláris : * etenim hereditas mea præclára est mihi.

Benedicam Dóminum, qui tribuit mihi intelléctum : * insuper et usque ad noctem increpuérunt me renes mei.

Providébam Dóminum in conspéctu meo semper : * quóniam a dextris est mihi, ne commóvear.

Propter hoc lætátum est cor meum, et exsultávit lingua mea : * insuper et caro mea requiescet in spe.

Quóniam non derelinques ánimam meam in inférno : * nec dabis sanctum tuum vidére corruptiónem.

Notas mihi fecisti vias vitæ, adimplébis me lætítia cum vultu tuo : * delectatiónes in dextera tua usque in finem.

Ant. Sanctis, qui in terra sunt ejus, mirificávit omnes voluntátes meas inter illos.

Ant. Sancti qui sperant in Dómino, * habébunt fortitudinem, assúment pennas ut áquilæ, volábunt, et non deficient.

Psalmus 23.

DÓMINI est terra, et plentúdo ejus : * orbis terrárum, et univérsi, qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens manibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo salutári suo.

Hæc est generátio quæréntium eum, * quæréntium faciém Dei Jacob.

Attóllite portas príncipes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas príncipes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Sancti qui sperant

in Dómino, habébunt fortitudinem, assúment pennas ut áquilæ, volábunt, et non deficient.

✠. Exsúltent iusti in conspéctu Dei. **R.** Et delecténtur in lætitia.

Pater noster.

Absolutio. Ipsíus píetas.

✠. Jube domne. **Bened.** Deus Pater omnipotens.

Sermo sancti Augustini
Episcopi.

Serm. 47. de Sanctis.

Lectio iv.

QUOTIESCÚMQUE, fratres caríssimi, sanctorum Mátyrum solémnia celebrámus, ita, ipsis intercedéntibus, exspectémus a Dómino cónsequi temporália beneficia, ut ipsos Mátyres imitádo accípere mereámur æténa. Ab ipsis enim sanctorum Mátyrum in veritate festivitátum gáudia celebrántur, qui ipsórum Mátyrum exémpa sequúntur. Solemnitátes enim Mátyrum exhortatiónes sunt martyriórum : ut imitári non pígeat, quod celebráre delectat.

R. Sancti tui Dómine mirábile consecúti sunt iter, serviéntes præcéptis tuis, ut inveniréntur illæsi in aquis válidis : * Terra appáruit árida : et in mari Rubro via sine impediménto. ✠. Quóniam percússit petram, et fluxérunt aquæ, et torréntes inundavérunt. Terra.

Bened. Christus perpétuæ.

Lectio v.

SED nos vólumus gaudére cum sanctis : et tribulatiónem mundi nólumus sustinére cum ipsis. Qui enim sanctos Mátyres, in quantum potúerit, imitári nolúerit ; ad eórum beatitudinem non póterit pervenire. Sed et Páulus Apóstolus prædicat, dicens : Si fuérimus sócii passiónum, érimus et consolatiónum. Et Dóminus in Evangélio : Si mundus vos odit, scitóte quia me priórem vobis ódio hábuit. Recúsat esse in cópore, qui ódium non vult sustinére cum cápite.

R. Vérbera carníficum non timuérunt sancti Dei, moriéntes pro Christi nómine : * Ut herédes fierent in domo Dómini. ✠. Tradidérunt cópore sua propter Deum ad supplicia. Ut.

Bened. Ignem sui amoris.

Lectio vj.

SED dicit áliquis : Et quis est qui possit beatórum Mátyrum vestigia sequi ? Huic ego respódeó, quia non solum Mátyres, sed étiam ipsum Dóminum cum ipsíus adjutório, si vólumus, póssumus imitári. Audi non me, sed ipsum Dóminum géneri humano clamántem : Discite a me, quia mitis sum et húmilis corde. Audi et Petrum Apóstolum admonéntem : Christus passus est pro nobis, relínquens nobis

exemplum, ut sequámur
vestigia ejus.

R. Tamquam áurum in
fornáce probávit eléctos
Dóminus, et quasi holocáusti
hóstiam accépit illos : et in
tépore erit respéctus illó-
rum : * Quóniam donum et
pax est eléctis Dei. **V.** Qui
confidunt in illum, intél-
ligent veritátem, et fidéles
in dilectióne acquiescent
illi. Quóniam. Glória Patri.
Quóniam.

IN III. NOCTURNO

Ant. Justi áutem * in per-
pétuum vivent, et apud
Dóminum est merces eórum.

Psalmus 32.

EXSULTÁTE justi in Dó-
mino : * rectos decet col-
laudatio.

Confitémini Dómino in
cithara : * in psaltério de-
cem chordárum psállite illi.

Cantáte ei cánticum no-
vum : * bene psállite ei in
vociferatióne.

Quia rectum est verbum
Dómini, * et ómnia ópera
ejus in fide.

Diligit misericórdiam et
judícium : * misericórdia
Dómini plena est terra.

Verbo Dómini cæli firmáti
sunt : * et spíritu oris ejus
omnis virtus eórum.

Cóngregans sicut in utre
aquis maris : * ponens in
thesáuris abyssos.

Timeat Dóminum omnis
terra : * ab eo áutem com-
moveántur omnes inhabi-
tántes orbem.

Quóniam ipse dixit, et
facta sunt : * ipse mandávit,
et creáta sunt.

Dóminus dissipat consilia
géntium : * réprobat áutem
cogitatiónes populórum, et
réprobat consilia principum.

Consilium áutem Dómini
in ætérnum manet : * cogita-
tiónes cordis ejus in gene-
ratióne et generatióne.

Beáta gens, cujus est Dó-
minus, Deus ejus : * pópulus,
quem elégit in hereditátem
sibi.

De cælo respéxit Dómi-
nus : * vidit omnes filios
hóminum.

De præparáto habitáculo
suo * respéxit super omnes,
qui hábitant terram.

Qui finxit sigillátim corda
eórum : * qui intélligit ómnia
ópera eórum.

Non salvátur rex per mul-
tam virtútem : * et gigas non
salvábitur in multitudíne
virtútis suæ.

Fallax equus ad salútem : *
in abundántia áutem virtútis
suæ non salvábitur.

Ecce óculi Dómini super
metuéntes eum : * et in eis,
qui sperant super miseri-
córdia ejus.

Ut éruat a morte ánimas
eórum : * et alat eos in
fame.

Anima nostra sústinet Dó-
minum : * quóniam adjutor
et protéctor noster est.

Quia in eo lætábitur cor
nostrum : * et in nómine
sancto ejus sperávimus.

Fiat misericórdia tua Dómine super nos : * quemádmódum sperávimus in te.

Ant. Justi áutem in perpétuum vivent, et apud Dóminum est merces eórum.

Ant. Tradidérunt * córpora sua in mortem, ne servirent idólis : ideo coronáti póssident palmam.

Psalmus 33.

BENEDÍCAM Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuéti et læténtur.

Magnificáte Dóminum mecum : * et exaltémus nomen ejus in idípsum.

Exquisívi Dóminum, et exaudivit me : * et ex ómnibus tribulatió nibus meis eripuit me.

Accédite ad eum, et illuminámini : * et fácies vestræ non confundéntur.

Iste páuper clamávit, et Dóminus exaudivit eum : * et de ómnibus tribulatió nibus ejus salvávit eum.

Immittet Angelus Dómini in circúitu timéntium eum : * et erípiet eos.

Gustáte, et vidéte quóniam suávis est Dóminus : * beátus vir, qui sperat in eo.

Timéte Dóminum omnes sancti ejus : * quóniam non est inópia timéntibus eum.

Divites eguérunt et esuriérunt : * inquirentes áutem Dóminum non minuéntur omni bono.

Veníte filii, audíte me : * timórem Dómini docébo vos.

Quis est homo qui vult vitam : * diligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo, et fac bonum : * inquire pacem, et perséquare eam.

Oculi Dómini super justos : * et áures ejus in preces eórum.

Vultus áutem Dómini super faciéntes mala : * ut perdat de terra memóriam eórum.

Clamavérunt justí, et Dóminus exaudivit eos : * et ex ómnibus tribulatió nibus eórum liberávit eos.

Juxta est Dóminus iis, qui tribuláto sunt corde : * et húmiles spíritu salvábit.

Multæ tribulatió nes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum delínquent.

Rédimet Dóminus ánimas servórum suórum : * et non delínquent omnes qui sperant in eo.

Ant. Tradidérunt córpora sua in mortem, ne servirent idólis : ideo coronáti póssident palmam.

Ant. Ecce merces * sanctórum copiósa est apud Deum :

ipsi vero mórtui sunt pro Christo, et vivent in ætérnum.

Psalmus 45.

DEUS noster refúgium, et virtus : * adjútor in tribulatió nibus, quæ invenérunt nos nimis.

Proptérea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis impetus lætificat civitátem Dei : * sanctificávit tabernáculum suum Altissimus.

Deus in médio ejus, non commovébitur : * adjuvábít eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum : * suscep tor noster Deus Jacob.

Veníte, et vidéte ópera Dómini, quæ pósuit prodigia super terram : * áuferens bella usque ad finem terræ.

Arcum cónteret, et confrínget arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobiscum : * suscep tor noster Deus Jacob.

Ant. Ecce merces sanctórum copiósa est apud Deum : ipsi vero mórtui sunt pro Christo, et vivent in ætérnum.

ŷ. Justi áutem in perpétuum vivent. **ñ.** Et apud Dóminum est merces eórum.

Pater noster.

Absolutio. A vinculis.

ŷ. Jube domne.

Bened. Evangélica léctio. Léctio sancti Evangélii secúndum Lucam.

Lectio vij. Cap. 21. c

IN illo témpore : Dixit Jesus discipulis suis : Cum audiéritis prælia, et seditiões, nolíte terréri : opórtet primum hæc fieri, sed nondum statim finis. Et reliqua.

Homilia sancti Gregórii Papæ.

Homil. 35. in Evang.

DÓMINUS ac Redemptor noster peritúri mundi præcurréntia mala denúntiat, ut eo minus pertúrbent veniéntia, quo fúerint præscíta. Minus enim jácula fériunt, quæ prævidéntur : et nos tolerabilius mundi mala suscipimus, si contra hæc per præsciéntiæ clýpeum munimur. Ecce enim dicit : Cum audiéritis prælia et seditiões, nolíte terréri : opórtet enim primum hæc fieri, sed nondum statim finis. Pensánda sunt verba Redemptóris nostri, per quæ nos áliud intérius, áliud extérius passúros esse denún-

tiat. Bella quippe ad hostes pertinent, seditiões ad ciues. Ut ergo nos indicet intérius exteriúsque turbári, áliud nos fatétur ab hóstibus, áliud a frátribus péripeti.

¶. Propter testaméntum Dómini, et leges patrénas, sancti Dei perstitérunt in amóre fraternitátis : * Quia unus fuit semper spíritus in eis, et una fides. ¶. Ecce quam bonum et quam jucúndum habitáre fratres in unum. Quia.

Bened. Quorum festum cólimus.

Lectio viij.

SED his malis præveniéntibus, quia non statim finis sequátur, adjúngit : Surget gens contra gentem, et regnum advérsus regnum : et terræmótus magni erunt per loca, et pestiléntiæ, et fames, terrorésque de cælo : et signa magna erunt. Ultima tribulatio multis tribulatióibus prævenitur : et per crebra mala, quæ præveniunt, indicántur mala perpétua, quæ subsequéntur. Et ideo post bella et seditiões non statim finis : quia multa debent mala præcurrere, ut malum váleant sine fine nuntiáre.

¶. Sancti mei, qui in carne pósito, certámen hábuístis : * Mercédem labóris ego reddam vobis. ¶. Venite benedicti Patris mei, percípite regnum. Mercédem. Glória. Mercédem.

Sequens ¶. dicitur post viij. vel ij. Lect. in Festo plurimorum Martyrum fratrum.

¶. Hæc est vera fraternitas, quæ numquam pótuit violári certámine : qui effúso ságuine secúti sunt Dóminum : * contemnéntes áulam régiam, pervenérunt ad regna cæléstia. ¶. Ecce quam bonum et quam jucúndum habitáre fratres in unum. Contemnéntes. Glória Patri. Contemnéntes.

Bened. Ad societátem.

Lectio ix.

SED cum tot signa perturbationis dicta sint, opórtet, ut eórum consideratióem bréviter per síngula perstringámus : quia necesse est, ut ália e cælo, ália e terra, ália ab eleméntis, ália ab homínibus patiámur. Ait enim : Surget gens contra gentem, ecce perturbatio hóminum : erunt terræmótus magni per loca, ecce respéctus iræ désuper : erunt pestiléntiæ, ecce inæquálitas córporum : erit fames, ecce sterilitas terræ : terrorésque de cælo et tempestátes, ecce inæquálitas áëris. Quia ergo ómnia consummánda sunt, ante consummatióem ómnia perturbántur : et qui in cunctis deliquimus, in cunctis ferimur : ut impleátur quod dicitur, Et pugnabit pro eo orbis terrárum contra insensátos.

Te Deum laudámus. 17.

AD LAUDES

ET PER HORAS

Ant. 1. Omnes sancti, *
quanta passi sunt torménta,
ut secúri pervenirent ad pal-
mam martýrii.

Ps. Dóminus regnávít.
cum reliq. 18.

2. Cum palma * ad regna
pervenérunt sancti, corónas
decóris meruérunt de manu
Dei.

3. Córpora sanctórum * in
pace sepúlta sunt : et vivent
nómina eórum in ætérnum.

4. Mártýres Dómini * Dómi-
num benedicite in ætérnum.

5. Mártýrum chorus * lau-
dáte Dóminum de cælis,
allelúia.

Capitulum. Sap. 3.

JUSTÓRUM ánimæ in manu
Dei sunt, et non tanget
illos torméntum mortis. Visi
sunt óculis insipiéntium mo-
ri : illi áutem sunt in pace.

Hymnus.

REX glorióse Mártýrum,
Coróna confiténtium,
Qui respuéntes térrea
Perdúcis ad cæléstia.

Aurem benignam prótinus
Inténde nostris vóciſibus :
Trophæa sacra pángimus :
Ignósce quod deliquimus.

Tu vincis inter Mártýres,
Parcisſque Confessóribus :
Tu vince nostra crimina,
Largitor indulgéntiæ.

Deo Patri sit glória,
Ejúsque soli Filio,
Cum Spiritu Paráclito,
Nunc et per omne sæculum.
Amen.

ŷ. Exsultábunt sancti in
glória. **Ŕ.** Lætabúntur in
cubilibus suis.

Ad Bened. Ant. Vestri ca-
pilli cápitis * omnes nume-
ráti sunt : nolite timére :
multis passéribus meliôres
estis vos.

Pro pluribus Mart. Pont.**Oratio.**

BEATÓRUM Mártýrum pari-
térque Pontificum **N.** et
N. nos, quæsumus Dómine,
festa tueántur : et eórum
comméndet orátio venerán-
da. Per Dóminum.

Si non fuerint Pontifices.**Oratio.**

DEUS, qui nos concédís
sanctórum Mártýrum
tuórum **N.** et **N.** natalítia
cólere : da nobis in ætérna
beatitúdine de eórum socie-
táte gaudére. Per Dóminum.

Alia Oratio.

DEUS, qui nos ánnua san-
ctórum Mártýrum tuó-
rum **N.** et **N.** solemnitate
lætíficas : concéde propítius ;
ut quorum gaudémus mérit-
is, accendámur exémpis.
Per Dóminum.

AD TERTIAM

Ant. Cum palma.

Capit. Justórum. **ut su-
pra.**

Ŕ. br. Lætámini in Dómi-
no, * Et exsultáte justí. Læ-
támini. **ŷ.** Et gloriámini
omnes recti corde. Et. Gló-
ria Patri. Lætámini.

ŷ. Exsúltent justí in con-
spéctu Dei. **Ŕ.** Et delectén-
tur in lætítia.

AD SEXTAM

Ant. Córpora sanctórum.**Capitulum.** Sap. 10. d

RÉDDIDIT Deus mercédem labórum sanctórum suórum, et dedúxit illos in via mirábili : et fuit illis in velaménto diéi, et in luce stellárum nocte.

R. **br.** Exsúltent justí * In conspéctu Dei. Exsúltent. **V.** Et delecténtur in lætítia. In. Glória Patri. Exsúltent.

V. Justí áutem in perpétuum vivent. **R.** Et apud Dóminum est merces eórum.

AD NONAM

Ant. Mártyrum chorus.**Capitulum.** Sap. 3.

FULGÉBUNT justí, et tamquam scintillæ in arundinétó discúrrunt. Judicábunt nátiónes, et dominabúntur pópulis : et regnabit Dóminus illórum in perpétuum.

R. **br.** Justí áutem * In perpétuum vivent. Justí. **V.** Et apud Dóminum est merces eórum. In perpétuum. Glória Patri. Justí.

V. Exsultábunt sancti in glória. **R.** Lætabúntur in cubilibus suis.

IN II. VESPERIS

Ant. 1. Isti sunt sancti, * qui pro testaménto Dei sua córpora tradidérunt, et in sáanguine Agni lavérunt stolas suas.

Psalm. ut in I. Vesp. de Comm. Apost. 2*, et loco ult., Ps. Crédidi.

2. Sancti per fidem * vicé-

runt regna, operáti sunt justítiam, adépti sunt repositiões.

3. Sanctórum velut áquilæ * juvéntus renovábitur : florébunt sicut lilium in civitáte Dómini.

4. Abstérget Deus * omnem lácrymam ab óculis sanctórum : et jam non erit ámplius neque luctus, neque clamor, sed nec ullus dolor : quóniam prióra transiérunt.

5. In cæléstibus regnis * sanctórum habitátio est, et in ætérnum réquies eórum.

Psalmus 115.

CRÉDIDI, propter quod locútus sum : * ego áutem humiliátus sum nimis.

Ego dixi in excéssu meo : * Omnis homo mendax.

Quid retribuam Dómino, * pro ómnibus, quæ retribuit mihi?

Cálicem salutáris accipiam : * et nomen Dómini invocábo.

Vota mea Dómino reddam coram omni pópulo ejus : * pretiósá in conspéctu Dómini mors sanctórum ejus :

O Dómine quia ego servus tuus : * ego servus tuus, et filius ancillæ tuæ.

Dirupísti víncula mea : * tibi sacrificábo hóstiam láudis, et nomen Dómini invocábo.

Vota mea Dómino reddam in conspéctu omnis pópuli ejus : * in átriis domus Dómini, in médio tui Jerúsalem.

Capit. et Hymn. ut in I. Vesp.

Ÿ. Exsultábunt sancti in glória. R. Lætabúntur in cubilibus suis.

Ad Magnif. Ant. Gáudent in cælis * ánimæ sanctórum, qui Christi vestigia sunt secúti : et quia pro ejus amóre sánguinem suum fuderunt, ideo cum Christo exsúltant sine fine.

II. ALIÆ LECTIONES

PRO PLURIBUS MARTYRIBUS

IN II. NOCTURNO

Sermo sancti Joánnis
Chrysóstomi.

Serm. 1. de Martyr. Tom. 3.

Lectio iv.

NEMO est qui nésclat, Mártyrum glóriam ad hoc divíno consilio a Dei pópulis frequentári, ut et illis débítus honor dicétur, et nobis virtútis exémpa, favénte Christo, monstréntur : ut dum hæc ita celebrári perspicimus, cognoscámus quanta eos glória máneat in cælis, quorum natalítia táliter celebrántur in terris : quo possimus étiam ipsi tálibus provocári exémpis, virtúte pari, devotióne consimili ac fide : ut Christo præstánte, dimicáre et vincere hostem possimus : ut parta victória, cum iisdem sanctis in regnis cæléstibus triumphémus.

R. Sancti tui Dómine mirábile consecúti sunt iter, serviéntes præcéptis tuis, ut

inveniréntur illæsi in aquis válidis : * Terra apparuit árida : et in mari Rubro via sine impediménto. Ÿ. Quóniam percússit petram, et fluxérunt aquæ, et torréntes inundavérunt. Terra.

Lectio v.

QUIS est enim, qui eórum volens mérito copulári; nisi prius constántiam eórum téneat, sectétur fidem, imitétur virtútem passióis; eórum glóriam páribus vitæ lineaméntis aut invéniat, aut exquirat? Qui etsi martýrio par esse non possit : tamen múnneris tanti dignitáte se quisque bonis áctibus dignum præbeat. Adest enim clementíssimus Deus, qui desiderántibus suis aut martýrium præbeat, aut sine martýrio cum sanctis præmia divína retribuât.

R. Vérbera carníficum non timuérunt sancti Dei, moriéntes pro Christi nómine : * Ut herédes fierent in domo Dómini. Ÿ. Tradidérunt córpora sua propter Deum ad supplicia. Ut.

Lectio vj.

UT enim infirmátur peccátor advérsis, ita justus tentatióibus roborátur. Sic dimicárant advérsus peccátum sancti : sic et laborándo fortióres et moriéndó victóres effécti sunt. Nullus athlétes sine certámine fórtior dici, nullus sine victória póterit coronári. Nemo miles sine prælio hostem subjécit :

nemo sine bello imperatorem promérui. Habes, christiáne, competéntia arma, quibus hostem expúgnes : habes fortissima tela, quibus inimicum debélles.

R. Tamquam áurum in fornáce probávit eléctos Dóminus, et quasi holocáusti hóstiam accépit illos : et in témpore erit respéctus illórum : * Quóniam donum et pax est eléctis Dei. **V.** Qui confidunt in illum, intélligent veritátem : et fídeles in dilectióne acquiescent illi. Quóniam. Glória Patri. Quóniam.

IN III. NOCTURNO

Léctio sancti Evangélíi secúndum Lucam.

Lectio vij. Cap. 6. c

IN illo témpore : Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judæa, et Jerúsalem, et marítima, et Tyri, et Sidónis. Et réliqua.

Homília sancti Ambrósii
Episcopi.

**Lib. 5. in Lucam. Cap. 6.,
post init.**

ADVERTE ómnia diligénter, quómodo et cum Apóstolis ascéndat et descéndat ad turbas. Quómodo enim turba nisi in húmili Christum vidéret? Non séquitur ad excélsa, non ascéndit ad sublímia. Dénique ubi descéndit, invénit infirmos : in excélsis enim infirmi esse

non possunt. Hinc étiam Matthæus docet in inferióribus débiles esse sanátos. Prius enim unusquisque sanándus est, ut paulátim virtútibus procedéntibus ascéndere possit ad montem. Et ideo quemque in inferióribus sanat, hoc est, a libidine révocat, injúriam cécitátis avértit. Ad vúlnera nostra descéndit : ut usu quodam et cópia suæ natúræ, participes nos fáciat esse regni cæléstis.

R. Propter testaméntum Dómini, et leges patérnas, sancti Dei perstitérunt in amóre fraternitátis : * Quia unus fuit semper spíritus in eis, et una fides. **V.** Ecce quam bonum et quam jucúndum habitáre fratres in unum. Quia.

Lectio viij.

BEÁTI páuperes, quia vestrum est regnum Dei. Quátuor tantum beatitúdines sanctus Lucas dominícas pòsuit, octo vero sanctus Matthæus : sed in illis octo istæ quátuor sunt, et in quátuor istis illæ octo. Hic enim quátuor velut virtútes ampléxus est cardinales : ille in illis octo mysticum númerum reserávit. Pro octáva enim multi inscribúntur Psalmi : et mandátum áccipis octo illis partem dare fortásse benedictiónibus. Sicut enim spei nostræ octáva perféctio est, ita octáva summa virtútum est.

¶ Sancti mei, qui in carne pòsiti, certámen habuistis: * Mercédem labóris ego reddam vobis. ¶ Venite benedicti Patris mei, percipite regnum. Mercédem. Glória Patri. Mercédem.

Lectio ix.

SED prius quæ sunt amplióra videámus. Beáti, inquit, páuperes, quóniam vestrum est regnum Dei. Primam benedictiónem hanc utérque Evangelísta pòsuit. Ordine enim prima est, et parens quædam generatióque virtútum: quia qui contémpserit sæculária, ipse merébitur sempitérna: nec potest quisquam méritum regni cæléstis adipisci, qui mundi cupiditate pressus, emergéndi non habet facultatem.

Te Deum laudámus. 17.

III. ALIA HOMILIA

Lectio sancti Evangélíi secúndum Lucam.

Lectio vij. Cap. 12.

IN illo témpore: Dixit Jesus discipulis suis: Atténdite a fermento pharisæórum, quod est hypócrisis. Et reliqua.

Homilia venerábilis Bedæ Presbýteri.

Lib. 4. in Lucam, cap. 52.

DE hoc fermento Apóstolus præcipit: Itaque epulémur, non in fermento vétéri, neque in fermento malitiæ et nequitiae, sed in ázymis sinceritátis et veritátis. Nam

sicut módicum ferméntum totam farinæ, cui injícitur, massam corrumpit, universámque mox conspersiónem suo sapóre commáculat: sic nimirum simulatio, cujus semel ánimus imbúerit, tota virtútum sinceritáte et veritate fraudábit. Est ergo sensus: Atténdite ne æmulémini simulatores, quia véniet profecto témpus, in quo et vestra virtus ómnibus, et eórum revelétur hypócrisis.

¶ Propter testaméntum Dómini, et leges patrénas, sancti Dei perstitérunt in amore fraternitátis: * Quia unus fuit semper spiritus in eis, et una fides. ¶ Ecce quam bonum et quam jucúndum habitáre fratres in unum. Quia unus.

Lectio viij.

VERUM quod séquitur: Quóniam quæ in ténebris dixistis, in lúmine dicéntur: non solum in futúro, quando cuncta córdium abscondita proferéntur ad lucem, sed et in præsentí témpore potest congruenter accipi: quóniam quæ inter ténebras quondam pressurarum, carcerúmque umbras, vel locúti, vel passi sunt Apóstoli, nunc clarificáta per orbem Ecclésia, lectis eórum áctibus, públice prædicántur. Ne terreámini ab his qui occidunt corpus. Si persecutores sanctórum, occisis corpóribus, non ha-

bent ámplius quid contra illos agant; ergo supervácula furunt insánia, qui mórtua Mártyrum membra feris avibúsque discerpénda projiciunt, cum nequáquam omnipoténtiæ Dei, quin ea resuscitándo vivíficet, obsistere possint.

R. Sancti mei, qui in carne pósito, certámen habuístis: * Mercédem labóris ego reddam vobis. **V.** Veníte benedícti Patris mei, percípite regnum. Mercédem. Glória Patri. Mercédem.

Lectio ix.

Duo áutem sunt génera persecutórum: unum palam sæviéntium, álterum fícte fraudulentérque blandiéntium. Contra utrúmque

nos muníre atque institúere volens Salvátor, et supra ab hypócrisi pharisæórum at-téndere, et hic a carníficum cæde præcipit non timére: quia vidélicet post mortem nec horum crudélitas, nec illórum váleat simulátio duráre. Nonne quinque pás-seres véneunt dipóndio? Si minutíssima, inquit, animá-lia, et quæ quólibet per aëra ferúntur volatília, Deus oblivisci non potest; vos qui ad imáginem facti estis Creatóris, non debétis ter-réri ab his, qui occidunt corpus: quia qui irrationalia animália gubérnat, rationabilia curáre non dési-nit.

Te Deum laudámus. 17.

COMMUNE CONFESSORIS PONTIFICIS

IN I. VESPERIS

Ant. de Laud., Psalmi ut in I. Vesp. de Comm. Apost. 2*.

Capitulum. Eccli. 44. c

ECCE sacérdos magnus, qui in diébus suis plácuít Deo, et invéntus est justus: et in témpore iracúndiæ factus est reconciliátio.

Hymnus.

ISTE Conféssor Dómini coléntes
Quem pie láudant pópuli per orbem:
Hac die lætus méruiť beátas
Scándere sedes.

Si non est dies obitus, quod indicant in Propr. literæ m. t. v., dicitur:

Hac die lætus méruiť suprémos

Láudis honóres.

Qui pius, prudens, húmilis, pudícus,

Sóbriam duxit sine labe vitam,

Donec humános animávit áuræ

Spiritus artus.

Cujus ob præstans méritum frequénter,

Ægra quæ passim jacuére membra,

Viribus morbi dómitis, salúti Restituúntur.

Noster hinc illi chorus
obsequentem
Cónclinit láudem, celebrés-
que palmas;
Ut piis ejus précibus juvé-
mur
Omne per ævum.
Sit salus illi, decus, atque
virtus,
Qui super cæli sólio corú-
scans,
Totius mundi sériem gubér-
nat
Trinus et unus. Amen.

Ÿ. Amávit eum Dóminus,
et ornávit eum. R. Stolum
glóriæ induit eum.

Ad Magnif. Ant. Sacerdos
et Póntifex, * et virtútum
ópifex, pastor bone in pó-
pulo, ora pro nobis Dómi-
num.

Oratio.

DA, quæsumus omnipotens
Deus : ut beáti **N.** Con-
fessoris tui atque Pontificis
veneránda solémnitas, et
devotióne nobis áugeat et
salútem. Per Dóminum.

Alia Oratio.

EXÁUDI, quæsumus Dó-
mine, preces nostras,
quas in beáti **N.** Confessoris
tui atque Pontificis solemni-
táte deférimus : et qui tibi
digne méruit famulári, ejus
intercedéntibus méritis ab
ómnibus nos absólve peccá-
tis. Per Dóminum.

**Pro Doctoribus in utrisque
Vesp.**

Ad Magnif. Ant. O Doctor
óptime, * Ecclésiæ sanctæ lu-
men, beáte **N.**, divínæ legis

amátor, deprecáre pró nobis
Fílium Dei.

Oratio.

DEUS, qui pópulo tuo ætér-
næ salútis beátum **N.**
ministrum tribuisti : præsta,
quæsumus ; ut quem Doctó-
rem vitæ habúimus in terris,
intercessórem habére me-
reámur in cælis. Per Dñm.

AD MATUTINUM

Invit. Regem Confessorum
Dóminum, * Venite, adoré-
mus.

Ps. Venite, exsultémus. 2.

Hymnus. Iste Conféssor.
ut supra.

IN I. NOCTURNO

Ant. Beátus vir, * qui in
lege Dómini meditátur : vo-
lúntas ejus pérmanet die ac
nocte, et ómnia quæcúmque
fáciat, semper prosperabún-
tur.

Psalmus 1.

BEÁTUS vir, qui non ábiit
in consílio impiórum, et
in via peccatórum non ste-
tit, * et in cáthedra pesti-
léntiæ non sedit :

Sed in lege Dómini volún-
tas ejus, * et in lege ejus
meditábitur die ac nocte.

Et erit tamquam lignum,
quod plantátum est secus
decúrsus aquárum, * quod
fructum suum dabit in tém-
pore suo :

Et fólium ejus non dé-
fluet : * et ómnia quæcúm-
que fáciat prosperabúntur.

Non sic ímpii, non sic : *
sed tamquam pulvis, quem
próicit ventus a fácie terræ.

Ideo non resurgent impii in iudicio : * neque peccatores in concilio iustorum.

Quoniam novit Dominus viam iustorum : * et iter impiorum peribit.

Ant. Beatus vir qui in lege Domini meditatur : voluntas ejus permanet die ac nocte, et omnia quaecumque faciet, semper prosperabuntur.

Ant. Beatus iste sanctus, * qui confisus est in Domino, praedicavit praeceptum Domini, constitutus est in monte sancto ejus.

Psalmus 2.

QUARE fremuerunt gentes, * et populi meditati sunt inania?

Adstiterunt reges terrae, et principes convenerunt in unum * adversus Dominum, et adversus Christum ejus.

Dirumpamus vincula eorum : * et projiciamus a nobis jugum ipsorum.

Qui habitat in caelis irridebit eos : * et Dominus subsannabit eos.

Tunc loquetur ad eos in ira sua, * et in furore suo conturbabit eos.

Ego autem constitutus sum Rex ab eo super Sion montem sanctum ejus, * praedicans praeceptum ejus.

Dominus dixit ad me : * Filius meus es tu, ego hodie genui te.

Postula a me, et dabo tibi gentes hereditatem tuam, * et possessionem tuam terminos terrae.

Reges eos in virga ferrea, * et tamquam vas figuli confringes eos.

Et nunc reges intelligite : * erudimini qui iudicatis terram.

Servite Domino in timore : * et exultate ei cum tremore.

Apprehendite disciplinam nequando irascatur Dominus, * et pereatis de via justa.

Cum exarserit in brevi ira ejus, * beati omnes, qui confidunt in eo.

Ant. Beatus iste sanctus, qui confisus est in Domino, praedicavit praeceptum Domini, constitutus est in monte sancto ejus.

Ant. Tu es gloria mea, * tu es susceptor meus Domine : tu exaltans caput meum, et exaudisti me de monte sancto tuo.

Psalmus 3.

DOMINE quid multiplicati sunt qui tribulant me? * multi insurgunt adversum me.

Multi dicunt animae meae : * Non est salus ipsi in Deo ejus.

Tu autem Domine susceptor meus es, * gloria mea, et exaltans caput meum.

Voce mea ad Dominum clamavi : * et exaudivit me de monte sancto suo.

Ego dormivi, et soporatus sum : * et exsurrexi, quia Dominus suscepit me.

Non timebo millia populi

circumdántis me : * exsúrge
Dómine, salvum me fac
Deus meus.

Quóniam tu percussísti
omnes adversántes mihi sine
cáusa : * dentes peccatórum
contrivísti.

Dómini est salus : * et
super pópulum tuum bene-
dictio tua.

Ant. Tu es glória mea, tu
es suscéptor meus Dómine :
tu exáltans caput meum, et
exaudísti me de monte sancto
tuo.

✠. Amávit eum Dóminus,
et ornávit eum. ✠. Stolam
glóriæ induit eum.

Pater noster.

Absolutio. Exáudi Dómi-
ne.

✠. Jube domne.

Bened. Benedictióne per-
pétua.

De Epístola prima beáti Páuli
Apóstoli ad Timótheum.

Lectio j. Cap. 3.

FIDÉLIS sermo : Si quis
episcopátum desiderat,
bonum opus desiderat. Opór-
tet ergo episcopum irrepre-
hensibilem esse, unius uxó-
ris virum, sóbrium, pru-
déntem, ornátum, pudicum,
hospitálem, doctórem, non
vinoléntum, non percussó-
rem, sed modéstum; non
litigiósum, non cupidum,
sed suæ dómui bene præpó-
situm, filios habéntem sub-
ditos cum omni castitáte. Si
quis áutem dómui suæ præ-
esse nescit, quómodo Ec-
clesiæ Dei diligentiam habé-

bit? Non neóphytum : ne in
supérbiam elátus, in judi-
cium incidat diaboli. Opórtet
áutem illum et testimónium
habére bonum ab iis qui
foris sunt, ut non in oppró-
brium incidat, et in láqueum
diaboli.

✠. Euge serve bone et
fidélis, quia in páuca fuísti
fidélis, supra multa te con-
stituam : * Intra in gáudium
dómini tui. ✠. Dómine quin-
que talénta tradidísti mihi,
ecce ália quinque superlu-
crátus sum. Intra.

Bened. Unigénitus Dei Fi-
lius.

De Epístola ad Titum.

Lectio ij. Cap. 1. b

O PÓRTEt enim episcopum
sine crimine esse, sicut
Dei dispensatórem : non
supérbum, non iracúndum,
non vinoléntum, non per-
cussórem, non turpis lucri
cupidum : sed hospitálem,
benignum, sóbrium, ju-
stum, sanctum, continén-
tem, amplecténtem eum, qui
secúndum doctrinam est,
fidélem sermónem : ut po-
tens sit exhortári in doctrína
sana, et eos, qui contradi-
cunt, argúere. Sunt enim
multi étiam inobediéntes,
vaniloqui, et seductóres :
máxime qui de circumci-
sióne sunt : quos opórtet
redárgui : qui univérsas do-
mos subvértunt, docéntes
quæ non opórtet, turpis
lucri grátia.

✠. Ecce sacérdos magnus,

qui in diébus suis plácuit Deo : * Ideo jurejurándo fecit illum Dóminus créscere in plebem suam. **V.** Benedictiónem ómnium géntium dedit illi, et testaméntum suum confirmávit super caputejus. Ideo.

Bened. Spiritus sancti grátia.

Lectio iij. Cap. 2.

Tu áutem lóquere quæ decent sanam doctrinam : Senes ut sóbrii sint, pudici, prudéntes, sani in fide, in dilectióne, in patiéntia : Anus similiter in hábitu sancto, non criminatrices, non multo vino serviéntes, bene docéntes : ut prudéntiam dóceant adollescéntulas, ut viros suos ament, filios suos diligant, prudéntes, castas, sóbrias, domus curam habéntes, benígnas, súbditas viris suis, ut non blasphemétur verbum Dei. Júvenes similiter hortáre ut sóbrii sint. In ómnibus te ipsum præbe exémpulum bonórum óperum, in doctrina, in integritáte, in gravitáte, verbum sanum, irreprehensibile : ut is, qui ex advérso est, vereátur, nihil habens malum dicere de nobis.

R. Jurávit Dóminus, et non pœnitébit eum : * Tu es sacérdos in ætérnum secúndum órđinem Melchisedech. **V.** Dixit Dóminus Dómino meo : Sede a dextris meis. Tu. Glória Patri. Tu.

IN II. NOCTURNO

Ant. Invocántem * exaudivit Dóminus sanctum suum, Dóminus exaudivit eum, et constituit eum in pace.

Psalmus 4.

CUM invocárem exaudivit me Deus justitiæ meæ : * in tribulatióne dilatásti mihi.

Miserére mei, * et exáudi oratióne meam.

Filii hóminum úsquequo gravi corde? * ut quid dilígitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascimini, et nolite peczáre : * quæ dicitis in córdibus vestris, in cubilibus vestris compungimini.

Sacrificáte sacrificium justitiæ, et speráte in Dómino. * Multi dicunt : Quis osténdit nobis bona?

Signátum est super nos lumen vultus tui Dómine : * dedisti lætítiam in corde meo.

A fructu fruménti, vini, et ólei sui * multiplicátí sunt.

In pace in idípsum * dórmiám, et requiéscám;

Quóniam tu Dómine singuláriter in spe * constituísti me.

Ant. Invocántem exaudivit Dóminus sanctum suum, Dóminus exaudivit eum, et constituit eum in pace.

Ant. Læténtur omnes, * qui sperant in te Dómine :

quóniam tu benedixisti justo, scuto bonæ voluntátis tuæ coronásti eum.

Psalmus 5.

VERBA mea áuribus percipe Dómine, * intéllege clamórem meum.

Inténde voci oratiónis meæ, * Rex meus et Deus meus.

Quóniam ad te orábo : * Dómine mane exáudies vocem meam.

Mane adstábo tibi et vidébo : * quóniam non Deus volens iniquitátem tu es.

Neque habitábit juxta te malignus : * neque permánébunt injústi ante óculos tuos.

Odisti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego áutem in multítudine misericórdiæ tuæ.

Introibo in domum tuam : * adorábo ad templum sanctum tuum in timóre tuo.

Dómine deduc me in justitia tua : * propter inimicos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóse agébant, * júdica illos Deus.

Décidant á cogitatióibus suis, secúndum multítu-

dinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedices justo.

Dómine, ut scuto bonæ voluntátis tuæ * coronásti nos.

Ant. Læténtur omnes, qui sperant in te Dómine : quóniam tu benedixisti justo, scuto bonæ voluntátis tuæ coronásti eum.

Ant. Dómine Dóminus noster, * quam admirábile est nomen tuum in univérsta terra! quia glória et honóre coronásti sanctum tuum, et constituisti eum super ópera mánuum tuárum.

Psalmus 8.

DÓMINE Dóminus noster, * quam admirábile est nomen tuum in univérsta terra!

Quóniam eleváta est magnificéntia tua, * super cælos.

Ex ore infántium et lacténtium perfecisti láudem propter inimicos tuos, * ut déstruas inimicum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memor es ejus? * aut filius

hóminis, quóniam visitas eum?

Minuísti eum páulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pédibus ejus, * oves et boves univérsas : insuper et pécora campi.

Vólucres cæli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérsa terra!

Ant. Dómine Dóminus noster, quam admirábile est nomen tuum in univérsa terra! quia glória et honóre coronásti sanctum tuum, et constituísti eum super ópera mánuum tuárum.

Y. Elégit eum Dóminus sacerdotem sibi. **R.** Ad sacrificándum ei hóstiam láudis.

Pater noster.

Absolutio. Ipsíus pietas.

Y. Jube domne.

Bened. Deus Pater omnipotens.

Sermo sancti Máximi
Episcopi.

Homil. 59., quæ est 2.
de S. Eusebio Vercellensi.

Lectio iv.

AD sancti ac beatissimi Patris nostri **N.**, cujus hódie festa celebrámus, láudes addidisse áliquíd, decerpisse est : síquidem virtútum ejus grátia non

sermónibus exponénda est, sed opéribus comprobánda. Cum enim dicat Scriptúra : Glória patris est filius sapiens : quantæ hujus sunt glóriæ, qui tantórum filiórum sapiéntia, et devotióne lætátur? In Christo enim Jesu per Evangélium ipse nos genuit.

R. Inveni David, servum meum, óleo sancto meo unxi eum : * Manus enim mea auxiliábitur ei. **Y.** Nihil proficiet inimicus in eo, et filius iniquitátis non nocébit ei. Manus.

Bened. Christus perpétuæ.

Lectio v.

QUIDQUID igitur in hac sancta plebe potest esse virtútis et grátiae, de hoc quasi quodam fonte lucidissimo, ómnium rivulórum púritas emanávit. Etenim quia castitátis pollébat vigóre, quia abstinentiæ gloriabátur angústiiis, quia blandiméntis erat præditus lenitátis, ómnium civium in Deum provocávit afféctum : quia Pontificis administratióne fulgébat, plures e discipulis reliquit sui sacerdotií successóres.

R. Pósuí adjutórium super poténtem, et exaltávi electum de plebe mea : * Manus enim mea auxiliábitur ei. **Y.** Inveni David servum meum, óleo sancto meo unxi eum. Manus.

Bened. Ignem sui amóris.

Lectio vj.

BENE et congrue in hac die, quam nobis beáti Patris nostri **N.** ad paradísium tránsitus exsultábilem reddít, præsentis Psalmi versículum decantávimus : In memória ætérna erit justus. Digne enim in memóriam vértitur hóminum, qui ad gáudium tránsiit Angelórum. Dicit sermo divínus : Ne láudes hóminem in vita sua : tamquam si diceret : Láuda post vitam, magnífica post consummationem. Dúplici enim ex cáusa utilius est hóminum magis memóriæ láudem dare, quam vitæ; ut illo potissimum témpore mérita sanctitátis extóllas, quando nec laudántem adulatio movet, nec laudátum tentet elátio.

R. Iste est qui ante Deum magnas virtútes operátus est, et omnis terra doctrina ejus repléta est : * Ipse intercédát pro peccátis ómnium populórum. **V.** Iste est qui contémpsit vitam mundi, et pervénit ad cæléstia regna. Ipse. Glória Patri. Ipse.

IN III. NOCTURNO

Ant. Dómine, * iste sanctus habitábit in tabernáculo tuo, operátus est justitiam, requiescet in monte sancto tuo.

Psalmus 14.

DÓMINE quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justitiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * tíméntes áutem Dóminum glorificat :

Qui jurat próximo suo, et non decipit, * qui pecúniam suam non dedit ad usúram, et múnera super innocéntem non accépit :

Qui facit hæc, * non móvébitur in ætérnum.

Ant. Dómine, iste sanctus habitábit in tabernáculo tuo, operátus est justitiam, requiescet in monte sancto tuo.

Ant. Vitam pétiiit * a te, et tribuisti ei Dómine : glóriam et magnum decórem imposuisti super eum : posuisti in cápite ejus corónam de lápide pretióso.

Psalmus 20.

DÓMINE in virtúte tua lætábitur rex : * et super salutáre tuum exsultábit veheménter.

Desidérium cordis ejus tribuisti ei : * et voluntáte labiórurn ejus non fraudásti eum.

Quóniam prævenísti eum in benedictiónibus dulcédinis : * posuisti in cápite ejus corónam de lápide pretióso.

Vitam pētiit a te : * et tribuisti ei longitudinem dierum in sǎculum, et in sǎculum sǎculi.

Magna est glória ejus in salutári tuo : * glóriam et magnum decórem impónes super eum.

Quóniam dabis eum in benedictiónem in sǎculum sǎculi : * lætificábis eum in gáudio cum vultu tuo.

Quóniam rex sperat in Dómino : * et in misericórdia Altissimi non commovébitur.

Inveniátur manus tua ómnibus inimicis tuis : * dextera tua invéniat omnes, qui te odérunt.

Pones eos ut clibanum ignis in témpore vultus tui : * Dóminus in ira sua conturbábit eos, et devorábit eos ignis.

Fructum eórum de terra perdes : * et semen eórum a filiis hóminum.

Quóniam declinavérunt in te mala : * cogitavérunt consília, quæ non potuérunt stabilíre.

Quóniam pones eos dorsum : * in reliquiis tuis præparábis vultum eórum.

Exaltáre Dómine in virtúte tua : * cantábitus et psallémus virtútes tuas.

Ant. Vitam pētiit a te, et tribuisti ei Dómine : glóriam et magnum decórem imposuisti super eum : posuisti in cápite ejus coronam de lápide pretióso.

Ant. Hic accípiet * benedictiónem a Dómino, et misericórdiam a Deo salutári suo : quia hæc est generatio quæréntium Dóminum.

Psalmus 23.

DÓMINI est terra, et plenitúdo ejus : * orbis terrarum, et univérsti qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo salutári suo.

Hæc est generatio quæréntium eum, * quæréntium faciém Dei Jacob.

Attóllite portas príncipes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas príncipes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Hic accípiet benedictiónem a Dómino, et misericórdiam a Deo salu-

tári suo : quia hæc est generatio quærentium Dóminum.

Ÿ. Tu es sacerdos in ætérnum. R. Secundum órđinem Melchisedech.

Pater noster.

Absolutio. A vñculis.

Ÿ. Jube domne.

Bened. Evangélica léctio.

Léctio sancti Evangélii secundum Matthæum.

Lectio vij. Cap. 25. b

In illo témpore : Dixit Jesus discipulis suis parabolam hanc : Homo peregře proficiscens, vocávit servos suos, et trádedit illis bona sua. Et réliqua.

Homilia sancti Gregórii
Papæ.

Homil. 9. in Evang.

LÉCTIO sancti Evangélii, fratres carissimi, sollicite consideráre nos ádmonet, ne nos, qui plus cæteris in hoc mundo accepisse áliquid cernimur, ab auctóre mundi grávius inde judicémur. Cum enim augéntur dona, ratiónes étiam crescunt donórum. Tanto ergo esse humilior, atque ad serviéndum Deo prómptior quisque debet ex múnere, quanto se obligatiórem esse cónspicit in reddénda ratióne. Ecce homo qui peregře proficiscitur, servos suos vocat, eisque ad negótium talénta partitur. Post multum vero témporis positúrus ratióne revértitur. Bene operántes pro apportáto lucro remúnerat, servum vero

a bono ópere torpéntem damnat.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. Ÿ. Induit eum Dóminus lorícam fidei, et ornávit eum. Et.

Bened. Cujus festum cólimus.

Lectio viij.

QUIS itaque iste homo est, qui peregře proficiscitur, nisi Redémptor noster, qui in ea carne quam assúmpserat, ábiit in cælum? Carnis enim locus próprius terra est; quæ quasi ad peregrína dúcitur, dum per Redemptórem nostrum in cælo collocátur. Sed homo iste peregře proficiscens, servis suis bona sua trádedit, quia fidélibus suis spirituália dona concéssit. Et uni quidem quinque talénta, álii duo, álii vero commísit unum. Quinque etenim sunt córporis sensus, vidélicet : visus, auditus, gustus, odorátus, et tactus. Quinque ergo taléntis, donum quinque sensuum, id est, exteriorum sciéntia exprimitur. Duóbus vero, intelléctus et operátio designátur. Unius áutem talénti nómine, intelléctus tantúmmodo designátur.

R. Sint lumbi vestri præcincti, et lucernæ ardéntes in mánibus vestris : * Et vos símiles homínibus exspectántibus dóminum suum,

quando revertátur a núptiis.

V. Vigiláte ergo, quia nescitis qua hora Dóminus vester ventúrus sit. Et. Glória Patri. Et.

Bened. Ad societátem.

Lectio ix.

SED is, qui quinque talénta accéperat, ália quinque lucrátus est: quia sunt nonnúllo, qui etsi intérna ac mýstica penetráre nesciunt, pro intentióne tamen supérnæ pátriæ docent recta quos possunt, de ipsis exterióribus, quæ acceperunt, duplum taléntum portant: dumque se a carnis petulántia, et a terrenárum rerum ámbitu, atque a visibílium voluptáte custódiunt, ab his étiam álios admonéndo compéscunt. Et sunt nonnúllo, qui quasi duóbus taléntis ditáti, intelléctum atque operatióem percipiunt, subtilia de intérnis intélligunt, mira in exterióribus operántur. Cumque et intelligéndo et operándo áliis prædicant, quasi duplicátum de negótio lucrum repórtant.

Te Deum laudámus. 17.

AD LAUDES

ET PER HORAS

Ant. 1 Ecce sacérdos magnus, * qui in diébus suis plácuít Deo, et invéntus est justus.

Psalm. Dóminus regnávit. cum reliq. 18.

2. Non est invéntus * similis illi, qui conserváret legem Excélsi.

3. Ideo jurejurándo * fecit illum Dóminus créscere in plebem suam.

4. Sacerdótes Dei * benedicite Dóminum: servi Dómini hymnum dicite Deo, allelúia.

5. Serve bone * et fidélis, intra in gáudium Dómini tui.

Capitulum. Eccli. 44. c

ECCE sacérdos magnus, qui in diébus suis plácuít Deo, et invéntus est justus: et in témpore iracúndiæ factus est reconciliátió.

Hymnus.

JESU Redémptor ómnium, Perpes coróna Præsulum,

In hac die cleméntius Indúlgeas precántibus.

Tui sacri qua nóminis Conféssor almus cláruit Hujus celébrat ánnua Devóta plebs solémnia.

Qui rite mundi gáudia Hujus cadúca réspuens, Æternitátis præmio Potitur inter Angelos.

Hujus benígnus ánnue Nobis sequi vestigia: Hujus precátu sérvulis Dimítte noxam criminis.

Sit Christe Rex piíssime Tibi, Patrique glória, Cum Spiritu Paráclito, Nunc et per omne sæculum. Amen.

V. Justum dedúxit Dóminus per vias rectas. **R.** Et osténdit illi regnum Dei.

Ad Bened. Ant. Euge serve bone * et fidélis, quia in

pauca fuisti fidelis, supra multa te constituam, dicit Dominus.

Oratio.

DA, quæsumus omnipotens Deus: ut beati **N.** Confessoris tui atque Pontificis veneranda sollemnitas, et devotionem nobis augeat, et salutem. Per Dominum.

Alia Oratio.

EXAUDI, quæsumus Domine, preces nostras, quas in beati **N.** Confessoris tui atque Pontificis sollemnitate deferimus: et qui tibi digne meruit famulari, ejus intercedentibus meritis ab omnibus nos absolve peccatis. Per Dominum.

Pro Doctore. Oratio.

DEUS, qui populo tuo æternæ salutis beatum **N.** ministrum tribuisti: præsta, quæsumus; ut, quem Doctorem vitæ habuimus in terris, intercessorem habere mereamur in cælis. Per Dominum.

AD TERTIAM

Ant. Non est inventus.

Capit. Ecce sacerdos.

R. br. Amavit eum Dominus, * Et ornavit eum. Amavit. *V.* Stulam gloriæ induit eum. Et. Glória. Amavit.

V. Elégit eum Dominus sacerdotem sibi. *R.* Ad sacrificandum ei hostiam laudis.

AD SEXTAM

Ant. Ideo jurejurando.

Capitulum. *Eccli. 44. c*

NON est inventus similis illi, qui conservaret le-

gem Excelsi: ideo jurejurando fecit illum Dominus crescere in plebem suam.

R. br. Elégit eum Dominus * Sacerdotem sibi. Elégit. *V.* Ad sacrificandum ei hostiam laudis. Sacerdotem. Glória Patri. Elégit.

V. Tu es sacerdos in æternum. *R.* Secundum ordinem Melchisedech.

AD NONAM

Ant. Serve bone.

Capitulum. *Eccli. 45. c*

FUNGI sacerdotio, et habere laudem in nomine ipsius, et offerre illi incensum dignum in odorem suavitatis.

R. br. Tu es sacerdos * In æternum. Tu. *V.* Secundum ordinem Melchisedech. In. Glória Patri. Tu.

V. Justum deduxit Dominus per vias rectas. *R.* Et ostendit illi regnum Dei.

IN II. VESPERIS

Ant. de Laud., Pss. ut in I. Vesp. de Comm. Apost. 2, et loco ult.*

Psalmus 131.

MEMENTO Domine David, * et omnis mansuetudinis ejus:

Sicut juravit Domino, * votum vovit Deo Jacob:

Si introiero in tabernaculum domus meæ, * si ascendero in lectum strati mei:

Si dederò somnum oculis meis, * et palpebris meis dormitationem:

Et requiem temporibus meis: donec inveniam lo-

cum Dómino, * tabernáculum Deo Jacob.

Ecce audívimus eam in Ephrata : * invénimus eam in campis silvæ.

Introibimus in tabernáculum ejus : * adorábitus in loco, ubi steterunt pedes ejus.

Surge Dómine in réquiem tuam, * tu et arca sanctificatióis tuæ.

Sacerdótes tui induántur justitiam : * et sancti tui exsúltent.

Propter David servum tuum, * non avértas fáciem Christi tui.

Jurávit Dóminus David veritátem, et non frustrábitur eam : * de fructu ventris tui ponam super sedem tuam.

Si custodierint filii tui testaméntum meum, * et testimónia mea hæc, quæ docebo eos :

Et filii eórum usque in sæculum, * sedébunt super sedem tuam.

Quóniam elégit Dóminus Sion : * elégit eam in habitatióem sibi.

Hæc réquies mea in sæculum sæculi : * hic habitábo quóniam elégi eam.

Viduam ejus benedicens benedicam : * páuperes ejus saturábo pánibus.

Sacerdótes ejus induam salutári, * et sancti ejus exsultatióne exsultábunt.

Illuc producam cornu David, * parávi lucérnam Christo meo.

Inimicos ejus induam confusióne : * super ipsum áutem efflorébit sanctificatió mea.

Capit. et Hymn. ut in I. Vesp.

Ÿ. Justum dedúxit Dóminus per vias rectas. R. Et osténdit illi regnum Dei.

Ad Magnif. Ant. Amávit eum Dóminus, * et ornávit eum : stolam glóriæ induit eum, et ad portas paradísi coronávit eum.

Sequens Ant. dicitur ad Magnif. in II. Vesp. pro solis summis Pontificibus.

Ant. Dum esset summus Póntifex, * terréna non méruit, sed ad cæléstia regna gloriósus migrávit.

Si occurrat celebrari Festum plur. Pont. et Conf., Officium fit ut supra : sed in Oratione et Sermone, quæ ponuntur in singulari, dicantur in plurali; et in I. Nocturno leguntur sequentes Lectiones de Scriptura.

De libro Ecclesiástici.

Lectio j. Cap. 44.

LAUDÉMUS viros gloriósos, et paréntes nostros in generatióne sua. Multam glóriam fecit Dóminus magnificéntia sua a sæculo. Dominántes in potestátibus suis, hómines magni virtúte, et prudéntia sua præditi, nuntiántes in Prophétis dignitátem Prophetárum, et imperántes in præsentí pópulo, et virtúte prudéntiæ pópulis sanctíssima verba.

In peritia sua requiréntes modos músicos, et narrántes cármina scripturárum.

R. Euge serve bone et fidélis, quia in páuca fuísti fidélis, supra multa te constituam : * Intra in gáudium dómini tui. **V.** Dómine quinque talénta tradidisti mihi, ecce ália quinque superlucrátus sum. Intra.

Lectio ij.

HÓMINES dívites in virtúte, pulchritúdinis stúdiu habéntes : pacificántes in dómibus suis. Omnes isti in generatióibus gentis suæ glóriam adépti sunt, et in diébus suis habéntur in láudibus. Qui de illis nati sunt, reliquérun tamen nomen narrándi láudes eórum : et sunt quorum non est memória : periérunt quasi qui non fuérunt : et nati sunt, quasi non nati, et filii ipsórum cum ipsis.

R. Ecce sacérdos magnus, qui in diébus suis plácuít Deo : * Ideo jurejurádo fecit illum Dóminus créscere in plebem suam. **V.** BenedictiÓNem ómnium géntium dedit illi, et testaméntum suum confirmávit super caput ejus. Ideo.

Lectio iij.

SED illi viri misericórdiæ sunt, quorum pietátes non defuérunt : cum sémíne eórum pérmanent bona, heréditas sancta nepótes eórum et in testaméntis stetit semen eórum : et filii eórum pro-

pter illos usque in ætérnum manent : semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatióem et generatióem. Sapiéntiam ipsórum narrent pópuli, et láudem eórum núntiet Ecclésia.

R. Jurávit Dóminus. 59*.

II. ALIÆ LECTIONES

PRO PONTIFICIBUS ET CONFESSORIBUS

IN II. NOCTURNO

Sermo sancti Máximi
Episcopi.

Ex Homil. 59., de S. Eusebio. 2.

Lectio iv.

BEÁTI Patris **N.** mérita jam in tuto pósita secúri magnificémus : qui gubernáculum fidei viríliter tenens, áncoram spei tranquilla jam in statióne compósuit, et plenam cæléstibus divítiis et ætérnis mércibus navem optáto in littore collocávit : quicontra omnes adversários scutum timóris Dei támdiu infatigábiliter ténuít, donec ad victóriam perveniret. Quid enim fuit totus vitæ illius cursus, nisi unus cum vigili hoste conflictus?

R. Invéni David servum meum, óleo sancto meo unxi eum : * Manus enim mea auxiliábitur ei. **V.** Nihil proficiet inimícus in eo, et filius iniquitátis non nocébit ei. Manus.

Lectio v.

QUANTIS hic cæcis a via veritatis errantibus, et de summa jam in profundum rupe pendentibus amissum reddidit visum, et illum, quo Christus videretur, reparavit intuitum? Quantorum auribus surdis, et infidelitatis obturatione damnatis, ad percipiendam vocem cælestium mandatorum, pretiosum infudit auditum, ut vocanti Deo ad misericordiam responderent per obedientiam? Quantos intrinsecus vulneratos, angelici oris arte et orationum, ab infirmitate curavit?

R. Pósui adjutorium super potentem, et exaltavi electum de plebe mea: * Manus enim mea auxiliabitur ei. **V.** Inveni David servum meum, oleo sancto meo unxi eum. Manus.

Lectio vj.

QUANTOS per longam incuriam peccati labe resolutos, et quadam lepræ contagione perfusos, castigatiónibus et exhortatiónibus expiando, Deo in se operante, mundavit? Quantorum animas viventes in corpore jam defunctas, et delictorum mole obrutas ac sepultas, ad emendationem tamquam ad lucem vocando, Deo resuscitavit: ut Domini sui admirandus imitator, jam mortuas Deo, e contrario mortificet vitali morte peccato?

R. Iste est qui ante Deum magnas virtutes operatus est, et omnis terra doctrina ejus repléta est: * Ipse intercedat pro peccatis ómnium populorum. **V.** Iste est qui contempsit vitam mundi, et pervénit ad cælestia regna. Ipse. Glória Patri. Ipse.

IN III. NOCTURNO

Lectio sancti Evangelii secundum Matthæum.

Lectio vij. Cap. 24. d

IN illo tempore: Dixit Jesus discipulis suis: Vigilate, quia nescitis qua hora Dominus vester venturus sit. Et reliqua.

Homilia sancti Hilarii
Episcopi.

**Comment. in Matth. cap. 26.,
in fine.**

UT ignorantiam illam diéi ómnibus taciti, non sine útilis silentii ratione esse sciremus, vigilare nos Dominus propter adventum furis admónuit, et orationum assiduitate detentos, ómnibus præceptorum suorum opéribus inhærere. Furem enim esse ostendit zâbulum, ad detrahenda ex nobis spolia pervigilem, et corporum nostrorum dómibus insidiantem: ut ea incuriosis nobis, et somno deditis, consiliorum suorum atque illecebrarum jâculis perfodiât. Parátos igitur esse nos cónvenit, quia diéi ignorantio inténtam sollicitudinem suspénsæ expectatiónis exagitet.

R. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. **V.** Induit eum Dóminus lorícam fidei, et ornávit eum. Et.

Lectio viij. Cap. 27.

QUISNAM est fidélis servus et prudens, quem constituit Dóminus super familiam suam? Quamquam in commúne nos ad indeféssam vigilántiæ curam adhortétur: speciálem tamen pópuli principibus, id est, episcopis, in exspectatióne adventúque suo sollicitúdinem mandat. Hunc enim servum fidélem atque prudentem, præpósitum familiæ significat, cómoda atque utilitátes commissi sibi pópuli curántem. Qui si dicto áudiens, et præcéptis obédiens erit, id est, si doctrínæ opportunitáte et veritáte infirma confirmet, disrúpta consólidet, depraváta convértat, et verbum vitæ in æternitátis cibum aléndæ familiæ dispéndat, atque hæc agens, hisque immorans deprehendátur, glóriam a Dómino tamquam dispensátor fidélis, et villicus útilis consequétur, et super ómnia bona constituétur; id est, in Dei glória collocábitur, quia nihil sit ultra, quod mélius sit.

R. Sint lumbi vestri præcincti, et lucérnæ ardéntes in mánibus vestris: * Et vos símiles homínibus exspe-

ctántibus dóminum suum, quando revertátur a núptiis. **V.** Vigiláte ergo, quia nescitis qua hora Dóminus vester ventúrus sit. Et. Glória. Et.

Lectio ix.

QUOD si cóntuens longam Dei patiéntiam, quæ in profectum humánæ salútis exténditur, advérsus consérvos insoléscet, et sæculi malis vitiisque se tradet, præsentium tantum curam in cultu ventris exercens: desperáta die Dóminus advéniet, eúmque a bonis quæ spopónderat, dívidet, portionémque ejus cum hypócritis in pœnæ æternitáte constituet: quia advéntum desperáverit, quia mandátis non obtemperáverit, quia præsentibus studúerit, quia vita géntium víxerit, quia desperatióne judicii commissam sibi familiam fame, siti, cæde vexáverit.

Te Deum laudámus. 17.

PRO DOCTORIBUS

Ad Magnif., in utrisque Vesp. Ant. O Doctor óptime, * Ecclesiæ sanctæ lumen, beáte **N.**, divínæ legis amátor, deprecáre pro nobis Fílium Dei.

Oratio.

DEUS, qui pópulo tuo æternæ salútis beátum **N.** ministrum tribuísti: præsta, quæsumus; ut quem Doctórem vitæ habúimus in terris, intercessórem habére mereámur in cælis. Per.

Lect. seq. leguntur in Fest. Doct. Offic. autem in illis fit de Conf. Pont. vel non Pont., pro qualitate Festi.

IN I. NOCTURNO

De libro Ecclesiastici.

Lectio j. Cap. 39.

SAPIÉNTIAM ómnium anti-quórum exquiret sápiens, et in prophétis vacábit. Narratióem virórum nominatórum conservábit, et in versútias parabolárum simul introíbit. Occúlta proverbiorum exquiret, et in absconditis parabolárum conversábitur. In médio magnatórum ministrábit, et in conspéctu præsidis apparébit. In terram alienigenárum géntium pertransiet : bona enim et mala in hominibus tentábit.

R. Euge serve bone et fidelis, quia in páuca fuisti fidelis, supra multa te constitutam : * Intra in gáudium Dómini tui. **V.** Dómine quinque talénta tradidisti mihi, ecce ália quinque superlucratus sum. Intra.

Lectio ij.

COR suum tradet ad vigilándum dilúculo ad Dóminum, qui fecit illum, et in conspéctu Altissimi deprecábitur. Apériet os suum in oratióne, et pro delictis suis deprecábitur. Si enim Dóminus magnus volúerit, spíritu intelligentiæ replébit illum : et ipse tamquam imbres mittet elóquia sapiéntiæ suæ, et

in oratióne confitébitur Dómino : et ipse diriget consiliū ejus, et disciplinam, et in absconditis suis consiliábitur.

Pro Doctore Pontifice.

R. Ecce sacérdos magnus, qui in diébus suis plácuít Deo : * Ideo jurejurádo fecit illum Dóminus créscere in plebem suam. **V.** Benedictiόnem ómnium géntium dedit illi, et testaméntum suum confirmávit super caput ejus. Ideo.

Pro Doctore non Pontifice.

R. Justus germinábit sicut lilium : * Et florébit in ætérnum ante Dóminum. **V.** Plantátus in domo Dómini, in átriis domus Dei nostri. Et.

Lectio iij.

IPSE palam fáciét disciplinam doctrinæ suæ, et in lege testaménti Dómini gloriábitur. Collaudábunt multi sapiéntiam ejus, et usque in sæculum non delébitur. Non recédet memória ejus, et nomen ejus requirétur a generatióne in generatió-nem. Sapiéntiam ejus enarrábunt gentes, et láudem ejus enuntiábit Ecclésia.

Pro Doctore Pontifice.

R. Jurávit Dóminus. 59*.

Pro Doctore non Pontifice.

R. Iste cognóvit. 80*.

IN II. NOCTURNO

Ex libro Morálium sancti Gregórii Papæ.

Lectio iv. Lib. 9. cap. 6

QUI post Oríonas Hýadum nómine, nisi Doctóres

sanctæ Ecclesiæ designantur? Qui subdúctis Martíribus, eo jam témpore ad mundi notítiam venérunt, quo fides clárius elúcet, et représsa infidelitátis hieme, áltius per corda fidélium sol veritátis calet. Qui remóta tempestáte persecutiónis, explétis longis nóctibus infidelitátis, tunc sanctæ Ecclesiæ orti sunt, cum ei jam per credulitátis vernum lucídior annus aperitur.

Pro Doctore Pontifice.

R. Invéni David, servum meum, óleo sancto meo unxi eum : * Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. Manus.

Pro Doctore non Pontifice.

R. Honéstum fecit illum Dóminus, et custodivit eum ab inimicis, et a seductóribus tutávit illum : * Et dedit illi claritátem ætérnam. **V.** Justum dedúxit Dóminus per vias rectas, et osténdit illi regnum Dei. Et.

Lectio v.

NEC immérito Doctóres sancti Hýadum nuncupatióne signántur. Græco quippe elóquio hýetos plúvia vocátur : et Hýades nomen a plúviis accepérunt, quia ortæ procul dúbio imbres ferunt. Bene ergo Hýadum appellatióne expressi sunt, qui ad statum universális Ecclesiæ, quasi in cæli fáciem dedúcti, su-

per aréntem terram humáni pectoris sanctæ prædicatiónis imbres fudérunt. Si enim prædicatiónis sermo plúvia non esset, Móyses minime dixisset : Expectétur sicut plúvia elóquium meum : et nequáquam per Isaíam Véritas diceret : Mandábo núbibus meis, ne pluant super eam imbrem : atque hoc, quod páulo ante protúlimus : Quamóbrem prohibítæ sunt stellæ pluviárum.

Pro Doctore Pontifice.

R. Pósuí adjutórium super poténtem, et exaltávi eléctum de plebe mea : * Manus enim mea auxiliábitur ei. **V.** Invéni David servum meum, óleo sancto meo unxi eum. Manus.

Pro Doctore non Pontifice.

R. Amávit eum Dóminus, et ornávit eum : stolam glóriæ induit eum, * Et ad portas paradisi coronávit eum. **V.** Induit eum Dóminus lorícam fidei, et ornávit eum. Et.

Lectio vj.

DUM ergo Hýades cum plúviis véniunt, ad cæli spátia altióra sol dúcitur : quia apparénte Doctórum sciéntia, dum mens nostra imbre prædicatiónis infúnditur, fidei calor augétur. Et perfúsa terra ad fructum próficit, cum lumen ætheris ignéscit : quia ubérius frugem boni óperis réddimus, dum per sacræ eruditiónis flammam in corde clárius

ardemus. Dumque per eos diebus singulis magis magisque scientia cælestis ostenditur, quasi interni nobis luminis vernum tempus aperitur : ut novus sol nostris mentibus rutillet, et eorum verbis nobis cognitus seipso quotidie clarius micet. Urgente etenim mundi fine, superna scientia proficit, et largius cum tempore excrecit.

Pro Doctore Pontifice.

¶. Iste est. 62*.

Pro Doctore non Pontifice.

¶. Iste homo. 83*.

IN III. NOCTURNO

Lectio sancti Evangelii secundum Matthæum.

Lectio vij. Cap. 5. b

IN illo tempore : Dixit Jesus discipulis suis : Vos estis sal terræ. Quod si sal evanuerit, in quo salietur? Et reliqua.

Homilia sancti Augustini
Episcopi.

Lib. 1. de Serm. Domini in monte. Cap. 6. Tom. 4.

OSTENDIT Dominus, fatuos esse judicandos, qui temporalium bonorum vel copiam sectantes, vel inopiam metuentes, amittunt æterna, quæ nec dari possunt ab hominibus, nec auferri. Itaque si sal infatuatum fuerit, in quo salietur? Id est, si vos, per quos condendi sunt quodammodo populi, metu persecutionum temporalium amisistis regna cælorum; qui erunt ho-

mines, per quos a vobis error auferatur, cum vos elegerit Deus, per quos errorem auferat cæterorum?

Pro Doctore Pontifice.

¶. Amavit eum Dominus, et ornavit eum : stolam gloriæ induit eum, * Et ad portas paradisi coronavit eum.

¶. Induit eum Dominus lorica fidei, et ornavit eum. Et.

Pro Doctore non Pontifice.

¶. Iste est qui ante Deum magnas virtutes operatus est, et de omni corde suo laudavit Dominum : * Ipse intercédât pro peccatis omnium populorum. ¶. Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Lectio viij.

ERGO ad nihilum valet sal infatuatum, nisi ut mittatur foras, et calcetur ab hominibus. Non itaque calcatur ab hominibus, qui patitur persecutionem : sed qui persecutionem timendo infatuatur. Calcari enim non potest nisi inferior : sed inferior non est, qui quamvis corpore multa in terra sustineat, corde tamen fixus in cælo est.

¶. In medio Ecclesiæ aperuit os ejus, * Et implevit eum Dominus spiritu sapientiæ et intellectus. ¶. Jucunditatem et exultationem thesaurizavit super eum. Et. Glória Patri. Et.

Lectio ix.

Vos estis lumen mundi. Quómodo dixit supérius sal terræ, sic nunc dicit lumen mundi. Nam neque supérius ista terra accipiéndam est, quam pédibus corpóreis calcámus : sed hómines qui in terra hábitant, vel étiam peccatóres, quorum condiéndis et exstinguéndis putóribus apostólicum salem Dóminus misit. Et hic mundum non cælum et terram, sed hómines, qui sunt in mundo, vel diligunt mundum, opórtet intélligi, quibus illuminándis Apóstoli missi sunt. Non potest civitas abscondi super montem pósita : id est, fundáta super insígnem magnámque justitiam, quam significat étiam ipsé mons, in quo disputat Dóminus.

Te Deum laudámus. 16.

II. ALIA HOMILIA

Léctio sancti Evangélii secúndum Matthæum.

Lectio vij. Cap. 5. b

In illo témpore : Dixit Jesus discíplis suis : Vos estis sal terræ. Quod si sal evanúerit, in quo saliétur? Et réliqua.

Homilia sancti Hilárii
Episcopi.

Comm. in Matthæum, cap. 5.

Vos estis sal terræ : quod si sal infatuátum fúerit, ad nihilum valet id quod saliétur. Sal, ut árbitor, terræ nullum est. Quómodo

ergo Apóstolos sal terræ nuncupávit? Sed proprietas est quærénda dictórum, quam et Apostolórum officium, et ipsíus salis natúra monstrábit. Sal est in se uno cóntinens aquæ et ignis eleméntum, et hoc ex duóbus est unum.

Pro Doctore Pontifice.

R. Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. **Y.** Induit eum Dóminus lorícam fidei, et ornávit eum. Et.

Pro Doctore non Pontifice.

R. Iste est qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. **Y.** Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse intercédát.

Lectio viij.

Hic igitur in omnem usum humáni géneris efféctus, incorruptiónem corpóribus, quibus fúerit aspérsus, impértit, et ad omnem sensum conditi sapóris aptíssimus est. Apóstoli áutem sunt rerum cæléstium prædicatóres, et æternitátis velut satóres, immortalitátem ómnibus corpóribus, quibus eórum sermo aspérsus fúerit, conferéntes. † Mérito igitur sal terræ nuncupáti sunt, per doctrínæ virtútem saliéndi

modo æternitáti cõrpora reservántes.

¶ In médio Ecclésiæ apéruit os ejus, * Et implévit eum Dóminus spíritu sapiéntiæ et intelléctus. ¶ Jucunditátem et exsultatiónem thesaurizávit super eum. Et. Glória Patri. Et.

Lectio ix.

SED natúra salis semper éadem est, nec immutári umquam potest. Verum quia conversióni homo súbjacet, et solus beátus, qui usque ad finem in ómnibus Dei opéribus permánserit : ideo eos sal terræ nuncupátos monet in tráditæ sibi potestátis virtúte persistere, ne infatuáti nihil sáliant, et ipsi, sensu accépti sapóris amisso, vivificáre corrúpta non possint, et projécti de Ecclésiæ promptuáriis, cum his quos salierint, pédibus incedéntium proterántur.

Te Deum laudámus. 16.

III. ALIA HOMILIA

Léctio sancti Evangélii secúndum Matthæum.

Lectio vij. Cap. 5. b

IN illo témpore : Dixit Jesus discipulis suis : Vos estis sal terræ. Quod si sal evanúerit, in quo saliétur? Et réliqua.

Homilia sancti Joánnis Chrysóstomi.

Homilia 15. in Matthæum, sub medium.

ATTÉNDITE quid dixerit, Vos estis sal terræ : per

quod osténdit quam neces-sário ista præcipiat. Non enim de vestra, inquit, tantúmmodo vita, sed de univérso orbe vobis rátio red-dénda est. Non ad duas quippe urbes, aut decem, aut viginti, neque ad unam gentem vos mitto, sicut mit-tébam prophétas : sed ad omnem terram prorsus ac mare, totúmque mundum, et hunc váriis criminibus oppréssum.

Pro Doctore Pontifice.

¶ Amávit eum Dóminus, et ornávit eum : stolam glóriæ induit eum, * Et ad portas paradísi coronávit eum. ¶ Induit eum Dóminus lorícam fidei, et ornávit eum. Et.

Pro Doctore non Pontifice.

¶ Iste est qui ante Deum magnas virtútes operátus est, et de omni corde suo laudávit Dóminum : * Ipse inter-cédát pro peccátis ómnium populórum. ¶ Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

Lectio viij.

DICÉNDÓ enim, Vos estis sal terræ, osténdit univérsam hómínium infatuátam esse natúram, et peccatórum vi corrúptam : et idcirco illas ab eis virtútes requirit, quæ máxime ad multórum salútem procurándam neces-sáriæ sunt atque útiles. Nam qui mansuétus est ac modé-

stus, et miséricors et justus, non intra se tantummodo hæc recte facta concludit, verum in aliorum quoque utilitatem præclaros hos faciet effluere fontes. Igitur qui corde mundo est atque pacificus, et persecutiōnem pro veritate patitur, nihilominus in commune commūnem vitam instituit.

R. In medio Ecclesiæ aperuit os ejus, * Et implevit eum Dominus spiritu sapientiæ et intellectus. **V.** Jucunditatem et exultationem thesaurizavit super eum. Et. Glória. Et.

Lectio ix.

NE igitur putetis, inquit, ad levía vos ducēdos

esse certamina, neque exiguarum rerum vobis ineundam esse rationem. Vos estis sal terræ. Quid igitur? Ipsine putrefacta medicati sunt? Nequáquam: neque enim fieri potest, ut ea quæ jam corrupta sunt, salis perfractione reparentur. Non ergo hoc fecerunt, sed ante renovata, sibi que tradita, atque ab illa jam putredine liberata, aspergebant sale, et in ea novitate conservabant, quam a Domino susceperant. Liberare quippe a putredine peccatorum, Christi virtutis est: ut autem ad illa iterum non revertantur, Apostolorum curæ est ac laboris.

Te Deum laudamus. 16.

COMMUNE CONFESSORIS NON PONTIFICIS

IN I. VESPERIS

Ant. de Laud., Pss. ut in I. Vesp. de Comm. Apostolorum. 2*.

Capitulum. Eccli. 31.

BEATUS vir, qui inventus est sine macula, et qui post aurum non abiit, nec speravit in pecunia et thesauris. Quis est hic, et laudabimus eum? fecit enim mirabilia in vita sua.

Hymnus.

ISTE Confessor Domini colentes
Quem pie laudant populi per orbem,
Hac die lætus meruit beatas
Scandere sedes.

Si non est dies obitus, quod indicant in Proprio litteræ m. t. v., dic.:

Hac die lætus meruit supremos

Laudis honores.

Qui pius, prudens, humilis, pudicus,

Sobriam duxit sine labe vitam,

Donec humanos animavit auræ

Spiritus artus.

Cujus ob præstans meritum frequenter,

Ægra quæ passim jacuere, membra

Viribus morbi domitis, saluti

Restituuntur.

Noster hinc illi chorus
obsequentem
Cónclinit láudem, celebrés-
que palmas;

Ut piis ejus précibus juvé-
mur

Omne per ævum.

Sit salus illi, decus, atque
virtus,

Qui super cæli sólio corú-
scans,

Totius mundi sériem gubér-
nat

Trinus, et unus.

Amen.

Ÿ. Amávit eum Dóminus,
et ornávit eum. R. Stolum
glóriæ induit eum.

Ad Magnif. Ant. Similábo
eum * viro sapiénti, qui ædi-
ficávit domum suam supra
petram.

Oratio.

DEUS, qui nos beáti **N.**
Confessoris tui ánnua
solemnitáte lætíficas : con-
céde propítius; ut cujus nata-
litia cólimus, étiam actiónes
imitémur. Per Dóminum.

Alia Oratio.

ADÉSTO Dómine supplica-
tiónibus nostris, quas in
beáti **N.** Confessoris tui sole-
mnitáte deférimus : ut qui
nostræ justitiæ fidúciā non
habémus, ejus, qui tibi plá-
cuit, précibus adjuvémur.
Per Dóminum.

Si fuerit Abbas.

Oratio.

INTERCÉSSIO nos, quæsu-
mus Dómine, beáti **N.**
Abbátis comméndet : ut
quod nostris méritis non

valémus, ejus patrocínio
assequámur. Per Dóminum.

AD MATUTINUM

Invit. Regem Confessorum
Dóminum, * Veníte, adoré-
mus.

Ps. Veníte, exsultémus. 2.

Hymnus. Iste Confessor.
ut supra.

IN I. NOCTURNO

Ant. Beátus vir, * qui in
lege Dómini meditátur :
volúntas ejus pérmanet die
ac nocte, et ómnia quæcúm-
que fáciēt, semper prospe-
rabúntur.

Psalmus 1.

BEÁTUS vir, qui non ábiit
in consílio impiórum, et
in via peccatórum non ste-
tit, * et in cáthedra pesti-
léntiæ non sedit :

Sed in lege Dómini volún-
tas ejus, * et in lege ejus
meditábitur die ac nocte.

Et erit tamquam lignum,
quod plantátum est secus
decúrsus aquárum, * quod
fructum suum dabit in tém-
pore suo :

Et fólium ejus non dé-
fluet : * et ómnia quæcúm-
que fáciēt, prosperabúntur.

Non sic ímpii, non sic : *
sed tamquam pulvis, quem
próicit ventus a fácie terræ.

Ideo non resúrgent ímpii
in judicio : * neque pecca-
tóres in concílio justórum.

Quóniam novit Dóminus
viam justórum : * et iter
impiórum peribit.

Ant. Beátus vir, qui in
lege Dómini meditátur : vo-

lúntas ejus pérmanet die ac nocte, et ómnia quaecúmque fáciat, semper prospera-búntur.

Ant. Beátus iste sanctus, * qui confisus est in Dómino, prædicávit præceptum Dómini, constitútus est in monte sancto ejus.

Psalmus 2.

QUARE fremuérunt gentes, * et pópuli meditáti sunt inánia?

Adstitérunt reges terræ, et principes convenérunt in unum * advérsus Dóminum, et advérsus Christum ejus.

Dirumpámus víncula eórum: * et projiciámus a nobis jugum ipsórum.

Qui hábitat in cælis, irridébit eos: * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego áutem constitútus sum rex ab eo super Sion montem sanctum ejus, * prædicans præceptum ejus.

Dóminus dixit ad me: * Filius meus es tu, ego hódie génui te.

Póstula a me, et dabo tibi gentes hereditátem tuam, * et possessionem tuam términos terræ.

Reges eos in virga férrea, * et tamquam vas figuli confrínges eos.

Et nunc reges intelligite: * erudimini qui judicá-tis terram.

Servite Dómino in timó-

re: * et exsultáte ei cum tremóre.

Apprehéndite disciplínam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Ant. Beátus iste sanctus, qui confisus est in Dómino, prædicávit præceptum Dómini, constitútus est in monte sancto ejus.

Ant. Tu es glória mea, * tu es suscëptor meus Dómine: tu exáltans caput meum, et exaudisti me de monte sancto tuo.

Psalmus 3.

DÓMINE quid multiplicáti sunt qui tribulant me? * Multi insúrgunt advérsum me.

Multi dicunt ánimæ meæ: * Non est salus ipsi in Deo ejus.

Tu áutem Dómine suscëptor meus es, * glória mea, et exáltans caput meum.

Voce mea ad Dóminum clamávi: * et exaudivit me de monte sancto suo.

Ego dormívi, et soporátus sum: * et exsurrexi, quia Dóminus suscepit me.

Non timébo millia pópuli circumdántis me: * exsúrge Dómine, salvum me fac Deus meus.

Quóniam tu percussisti omnes adversántes mihi sine cáusa: * dentes peccatórum contrivísti.

Dómini est salus : * et super pópulum tuum benedictio tua.

Ant. Tu es glória mea, tu es suscēptor meus Dómine : tu exáltans caput meum, et exaudisti me de monte sancto tuo.

Ÿ. Amávit eum Dóminus, et ornávit eum. **R.** Stulam glóriæ induit eum.

Pater noster.

Absolutio. Exáudi Dómine.

Ÿ. Jube domne.

Bened. Benedictióne perpétua.

De libro Sapiéntiæ.

Lectio j. Cap. 4. b et 5.

JUSTUS si morte præoccupátus fúerit, in refrigerio erit. Senéctus enim venerábilis est non diutúrna, neque annórum número computáta : cani áutem sunt sensus hóminis, et ætas senectútis vita immaculáta. Placens Deo factus est diléctus, et vivens inter peccatóres translátus est. Raptus est ne malitia mutáret intelléctum ejus, aut ne fictio decíperet ánimam illius. Fascinatio enim nugacitátis obscurat bona, et inconstántia concupiscéntiæ transvértit sensum sine malitia. Consuminátus in brevi explévit témpora multa : plácita enim erat Deo ánima illius : propter hoc properávit edúcere illum de médio iniquitátum.

R. Euge serve bone et fidélis, quia in páuca fuísti fidélis, supra multa te con-

stituiam : * Intra in gáudium Dómini tui. **Ÿ.** Dómine quinque talénta tradidísti mihi, ecce ália quinque superlucrátus sum. Intra.

Bened. Unigénitus Dei Filius.

Lectio ij.

PÓPULI áutem vidéntes, et non intelligéntes, nec ponéntes in præcórdiistália : quóniam grátia Dei et misericórdia est in sanctos ejus, et respéctus in eléctos illius. Condémnat áutem justus mórtuus vivos ímpios, et juvéntus celérius consummáta longam vitam injústi. Vidébunt enim finem sapiéntis, et non intélligent quid cogitáverit de illo Deus, et quare munierit illum Dóminus. Vidébunt et contémnent eum : illos áutem Dóminus irridébit. Et erunt post hæc decidéntes sine honóre, et in contumélia inter mórtuos in perpétuum : quóniam disrumpet illos inflátos sine voce, et commovébit illos a fundaméntis, et usque ad suprénum desolabúntur.

R. Justus germinábit sicut lílium : * Et florébit in ætérnum ante Dóminum. **Ÿ.** Plantátus in domo Dómini, in átriis domus Dei nostri. Et florébit.

Bened. Spiritus sancti grátia.

Lectio iij.

ET erunt geméntes, et memoria illórum peribit. Vénient in cogitatióne pec-

catórum suórum tímidi, et tradúcent illos ex advérso iniquitátes ipsórum. Tunc stabunt iusti in magna constantia advérsus eos qui se angustiavérunť, et qui abstulérunt labóres eórum. Vidéntes turbabúntur timóre horribili, et mirabúntur in subitatioéne insperátæ salútis, dicéntes intra se, pœniténtiam agéntes, et præ angústia spíritus geméntes : Hi sunt quos habúimus aliquándo in derisum et in similitúdinem impropérii. Nos insensáti vitam illórum æstimabámus insániam, et finem illórum sine honóre : ecce quómodo computáti sunt inter filios Dei, et inter sanctos sors illórum est.

R. Iste cognóvit justitiam, et vidit mirabilia magna, et exorávit Altissimum : * Et invéntus est in número sanctórum. **V.** Iste est qui contémpsit vitam mundi, et pervénit ad cæléstia regna. Et. Glória Patri. Et.

IN II. NOCTURNO

Ant. Invocántem exaudivit * Dóminus sanctum suum, Dóminus exaudivit eum, et constituit eum in pace.

Psalmus 1.

CUM invocárem exaudivit me Deus justítiæ meæ : * in tribulatioéne dilatásti mihi.

Miserére mei, * et exáudi oratióne meam.

Filii hóminum úsquequo gravi corde? * ut quid dili-

gitis vanitátem, et quæritis mendácium?

Et scitóte quóniam mirificávit Dóminus sanctum suum : * Dóminus exáudiet me cum clamávero ad eum.

Irascimini, et nolite peccáre : * quæ dicitis in córdibus vestris, in cubilibus vestris compungimini.

Sacrificáte sacrificium justitiæ, et speráte in Dómino : * multi dicunt : Quis osténdit nobis bona?

Signátum est super nos lumen vultus tui Dómine : * dedisti lætitiám in corde meo.

A fructu fruménti, vini, et olei sui * multiplicáti sunt.

In pace in idípsum * dormiam, et requiescam ;

Quóniam tu Dómine singulariter in spe * constituisti me.

Ant. Invocántem exaudivit Dóminus sanctum suum, Dóminus exaudivit eum, et constituit eum in pace.

Ant. Læténtur omnes, * qui sperant in te Dómine : quóniam tu benedixisti justo, scuto bonæ voluntátis tuæ coronásti eum.

Psalmus 5.

VERBA mea áuribus percipe Dómine, * intéllige clamórem meum.

Inténde voci oratiónis meæ, * Rex meus et Deus meus.

Quóniam ad te orábo : * Dómine mane exáudies vocem meam.

Mane adstábo tibi et vidébo : * quóniam non Deus volens iniquitátem tu es.

Neque habitábit juxta te malignus : * neque permánébunt injústi ante óculos tuos.

Odísti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego áutem in multítudine misericórdiæ tuæ.

Introibo in domum tuam : * adorábo ad templum sanctum tuum in timóre tuo.

Dómine deduc me in justítia tua : * propter inimícos meos dirige in conspéctu tuo viam meam.

Quóniam non est in ore eórum véritas : * cor eórum yanum est.

Sepúlcrum patens est guttur eórum, linguis suis dolóse agébant, * júdica illos Deus.

Décidant a cogitátionibus suis, secúndum multítudinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedices justo.

Dómine ut scuto bonæ voluntátis tuæ * coronásti nos.

Ant. Læténtur omnes, qui sperant in te Dómine : quóniam tu benedixísti justo, scuto bonæ voluntátis tuæ coronásti eum.

Ant. Dómine Dóminus noster, * quam admirábile est nomen tuum in univérsta terra ! quia glória et honóre coronásti sanctum tuum, et constituísti eum super ópera mánuum tuárum.

Psalmus 8.

DÓMINE Dóminus noster, * quam admirábile est nomen tuum in univérsta terra !

Quóniam eleváta est magnificéntia tua, * super cælos.

Ex ore infántium et lacténtium perfecísti láudem propter inimícos tuos, * ut déstruas inimicum et ultórem.

Quóniam vidébo cælos tuos, ópera digitorum tuórum : * lunam et stellas, quæ tu fundásti.

Quid est homo, quod memor es ejus ? * aut filius hóminis, quóniam visitas eum ?

Minuísti eum páulo minus ab Angelis, glória et honóre coronásti eum : * et constituísti eum super ópera mánuum tuárum.

Omnia subjecísti sub pédibus ejus, * oves et boves univérstas : insuper et pécora campi.

Vólucres cæli, et pisces maris, * qui perámbulant sémitas maris.

Dómine Dóminus noster,*
quam admirábile est nomen
tuum in univérſa terra!

Ant. Dómine Dóminus
noster, quam admirábile est
nomen tuum in univérſa
terra! quia glória et honóre
coronásti sanctum tuum, et
constituísti eum super ópera
mánuum tuárum.

Ÿ. Os iusti meditábitur
sapiéntiam. R. Et lingua
ejus loquétur iudiciu.

Pater noster.

Absolutio. Ipsius píetas.

Ÿ. Jube domne.

Bened. Deus Pater omni-
potens.

Sermo sancti Joánnis

Chrysóstomi.

In Orat. de S. Philogonio,
tom. 3.

Lectio iv.

BEÁTI N. dies, cujus festi-
vitátem celebrámus, ad
ipsius recte factórum enar-
ratióem linguam nostram
evocávit, siquidem hódie
beátus iste ad tranquillam
omnisque perturbatióis ex-
pértem vitam tránsiit: eóque
navigium áppulit, ubi deín-
ceps non póterit metúere
naufrágium, nec ullam ánimi
perturbatióem, aut doló-
rem. Et quid mirum est, si
locus ille purus est ab omni
moléstia ánimi, cum Páulus
hominibus adhuc in hac vita
degéntibus loquens dicat :
Semper gaudéte, sine inter-
missiône oráte?

R. Honéstum fecit illum
Dóminus, et custodívit eum

ab inimícis, et a seductóri-
bus tutávit illum : * Et dedit
illi claritátem ætérnam. Ÿ.
Justum dedúxit Dóminus
per vias rectas, et osténdit
illi regnum Dei. Et.

Bened. Christus perpétuæ.

Lectio v.

QUOD si hic, ubi morbi,
ubi insectatióes, ubi
præmatúræ mortes, ubi ca-
lúmniæ, ubi invidiæ, ubi
perturbatióes, ubi iræ, ubi
cupiditátes, ubi innumerá-
biles insidiæ, ubi quotidiánæ
sollicitúdes, ubi perpétua
sibique succedéntia mala
sunt, innúmeros ex omni
parte dolóres afferéntia,
Páulus dixit fieri posse, ut
semper gaudeámus, si quis
páululum ex rerum munda-
nárum flúctibus eréxerit ca-
put, vitámque suam recte
composúerit : multo magis,
postquam hinc demigravé-
rimus, fáciie cómpotes éri-
mus ejus boni, cum hæc
ómnia subláta fúerint, ad-
vérsa valetúdo, morbi, pec-
cándi matéria, ubi non est
meum ac tuum, frígidum
illud verbum, et quidquid
est malórum in vitam no-
stram invehens, innuméra-
que gignens bella.

R. Amávit eum Dóminus,
et ornávit eum : stolam gló-
riæ induit eum, * Et ad por-
tas paradisi coronávit eum.
Ÿ. Induit eum Dóminus lo-
ricam fidei, et ornávit eum.
Et.

Bened. Ignem sui amóris.

Lectio vj.

QUAMÓBREM maximópere grátulor hujus sancti felicitáti, quod quamquam translátus est, atque hanc, quæ apud nos est, civitátem reliquit, tamen in álteram adscriptus est civitátem, nempe Dei : et digréssus ab hac Ecclésia, ad illam pervénit, quæ est primogenitórum descriptórum in cælis : ac relictis hisce festis, tránsiit ad celebritátem Angelórum. Etenim quod et civitas sursum sit, et Ecclésia, et celébritas, áudi Páulum dicéntem : Accessistis ad civitátem Dei vivéntis, Jerúsalem cæléstem, et Ecclésiám primitivórum, qui conscripti sunt in cælis, et ad multórum millium Angelórum fréquentiam.

R. Iste homo perfécit ómnia quæ locútus est ei Deus, et dixit ad eum : Ingrédere in réquiem meam : * Quia te vidi justum coram me ex ómnibus géntibus. **V.** Iste est qui contémpsit vitam mundi, et pervénit ad cæléstia regna. Quia. Glória Patri. Quia.

IN III. NOCTURNO

Ant. Dómine, * iste sanctus habitábit in tabernáculo tuo, operátus est justítiam, requiészet in monte sancto tuo.

Psalmus 14.

DÓMINE quis habitábit in tabernáculo tuo : * aut quis requiészet in monte sancto tuo?

Qui ingréditur sine mácula, * et operátur justítiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus : * tíméntes áutem Dóminum glorificat :

Qui jurat próximo suo, et non decípit, * qui pecúniám suam non dedit ad usúram, et múnera super innocéntem non accépit :

Qui facit hæc, * non móvêbitur in ætérnum.

Ant. Dómine, iste sanctus habitábit in tabernáculo tuo, operátus est justítiam, requiészet in monte sancto tuo.

Ant. Vitam pétiiit * a te, et tribuísti ei Dómine : glóriam et magnum decórem imposuísti super eum : posuísti in cápite ejus corónam de lápide pretióso.

Psalmus 20.

DÓMINE in virtúte tua lætábitur rex : * et super salutáre tuum exsultábit veheménter.

Desidérium cordis ejus tribuísti ei : * et voluntáte labiórurn ejus non fraudásti eum.

Quóniam prævenísti eum in benedictiónibus dulcédinis : * posuísti in cápite ejus corónam de lápide pretióso.

Vitam pétiiit a te : * et tri-

buisti ei longitúdinem dié-
rum in sæculum, et in sæ-
culum sæculi.

Magna est glória ejus in
salutári tuo : * glóriam et
magnum decórem impónes
super eum.

Quóniam dabis eum in
benedictiónem in sæculum
sæculi : * lætificábis eum in
gaudio cum vultu tuo.

Quóniam rex sperat in
Dómino : * et in misericór-
dia Altissimi non commové-
bitur.

Inveniátur manus tua ómni-
bus inimicis tuis : * dextera
tua invéniat omnes, qui te
odérunt.

Pones eos ut clibanum
ignis in témpore vultus tui : *
Dóminus in ira sua contur-
bábit eos, et devorábit eos
ignis.

Fructum eórum de terra
perdes : * et semen eórum a
filiis hóminum.

Quóniam declinavérunt in
te mala : * cogitavérunt con-
silia, quæ non potuérunt sta-
bilire.

Quóniam pones eos dor-
sum : * in reliquiis tuis præ-
parábis vultum eórum.

Exaltáre Dómine in virtúte
tua : * cantábitus et psallé-
mus virtútes tuas.

Ant. Vitam pétiiit a te, et
tribuisti ei Dómine : glóriam
et magnum decórem impo-
suisti super eum : posuisti
in cápite ejus coronam de
lápide pretiósó.

Ant. Hic accípiet * bene-

dictionem a Dómino, et mi-
sericórdiam a Deo salutári
suo : quia hæc est generatio
quærentium Dóminum.

Psalmus 23.

DÓMINI est terra, et pleni-
túdo ejus : * orbis terrá-
rum, et unívérsi qui hábitant
in eo.

Quia ipse super mária fun-
dávít eum : * et super flú-
mina præparávit eum.

Quis ascéndet in montem
Dómini? * aut quis stabit in
loco sancto ejus?

Innocens mánibus et mun-
do corde, * qui non accépit
in vano ánimam suam, nec
jurávit in dolo próximo suo.

Hic accípiet benedictió-
nem a Dómino : * et miseri-
córdiam a Deo salutári suo.

Hæc est generatio quæren-
tium eum, * quærentium
fáciem Dei Jacob.

Attóllite portas príncipes
vestras, et elevámini portæ
æternáles : * et introíbit rex
glóriæ.

Quis est iste rex glóriæ? *
Dóminus fortis et potens :
Dóminus potens in prælio.

Attóllite portas príncipes
vestras, et elevámini portæ
æternáles : * et introíbit rex
glóriæ.

Quis est iste rex glóriæ? *
Dóminus virtútum ipse est
rex glóriæ.

Ant. Hic accípiet benedi-
ctionem a Dómino, et mise-
ricórdiam a Deo salutári suo :
quia hæc est generatio quæ-
rentium Dóminum.

Ÿ. Lex Dei ejus in corde ipsius. R. Et non supplantabuntur gressus ejus.

Pater noster.

Absolutio. A vinculis.

Ÿ. Jube domne.

Bened. Evangélica léctio. Léctio sancti Evangélii secundum Lucam.

Lectio vij. Cap. 12. c

IN illo témpore : Dixit Jesus discipulis suis : Sint lumbi vestri præcincti, et lucernæ ardentes in mânibus vestris. Et reliqua.

Homilia sancti Gregórii Papæ.

Homil. 13. in Evang.

SANCTI Evangélii, fratres carissimi, apêrta vobis est léctio recitata. Sed ne aliquibus ipsa ejus planities alta fortasse videatur, eam sub brevitate transcúrrimus, quatenus ejus expositio ita nescientibus fiat cónita, ut tamen scientibus non sit onerosa. Dóminus dicit : Sint lumbi vestri præcincti. Lumbos enim præcingimus, cum carnis luxúriam per continentiam coarctamus. Sed quia minus est, mala non ágere, nisi étiam quisque stúdeat, et bonis opéribus insudare, prótinus ádditur : Et lucernæ ardentes in mânibus vestris. Lucernas quippe ardentes in mânibus tenemus, cum per bona ópera proximis nostris lucis exempla monstramus. De quibus profecto opéribus Dóminus dicit : Lúceat lux vestra co-

ram homínibus, ut videant ópera vestra bona, et glorificent Patrem vestrum qui in cælis est.

R. Iste est qui ante Deum magnas virtútes operátus est, et de omni corde suo laudávit Dóminum : * Ipse intercedat pro peccátis ómnium populórum. Ÿ. Ecce homo sine queréla, verus Dei cultor, ábstinens se ab omni ópere malo, et pérmanens in innocentia sua. Ipse.

Bened. Cujus festum cólimus.

Lectio viij.

Duo áutem sunt, quæ jubentur, et lumbos restringere, et lucernas tenere : ut et munditia sit castitátis in corpore, et lumen veritátis in operatióne. Redemptóri etenim nostro unum sine áltero placere nequáquam potest : si aut is qui bona agit, adhuc luxúriæ inquinaménta non déserit : aut is qui castitate præéminet, necdum se per bona ópera exérceat. Nec cástitas ergo magna est sine bono ópere, nec opus bonum est álquod sine castitate. Sed et si utrúmque ágitur, restat, ut quisquis ille est, spe ad supérnam pátriam tendat, et nequáquam se a vítiis pro mundi hujus honestate contineat.

R. Sint lumbi vestri præcincti, et lucernæ ardentes in mânibus vestris : * Et vos similes homínibus expectántibus dóminum suum,

quando revertatur a nuptiis.
V. Vigiláte ergo, quia nescitis
 qua hora Dóminus vester
 venturus sit. Et. Glória Pa-
 tri. Et.

Bened. Ad societátem.

Lectio ix.

ET vos similes hominibus
 expectántibus dóminum
 suum, 'quando revertatur a
 nuptiis : ut cum vénerit et
 pulsáverit, conféstim apé-
 riant ei. Venit quippe Dómi-
 nus, cum ad iudiciúm pró-
 perat : pulsat vero, cum jam
 per ægritúdinis moléstias
 esse mortem vicinam desi-
 gnat. Cui conféstim aperi-
 mus, si hunc cum amóre
 suscipimus. Aperire enim
 júdici pulsánti non vult, qui
 exire de corpore trépídat :
 et vidére eum, quem con-
 tempsísse se méminit, júdi-
 cem formídat. Qui áutem de
 sua spe et operatióne secú-
 rus est, pulsánti conféstim
 áperit, quia lætus júdicem
 sústinet. Et cum tempus pro-
 pinquæ mortis advénerit, de
 glória retributiónis hilaré-
 scit.

Te Deum laudámus. 16.

AD LAUDES

ET PER HORAS

Ant. 1. Dómine quinque
 talénta* tradidisti mihi : ecce
 ália quinque superlucrátus
 sum.

Ps. Dóminus regnávit. **cum**
reliq. 17.

2. Euge serve bone,* in
 módico fidélis, intra in gáu-
 dium Dómini tui.

3. Fidélis servus* et pru-
 dens, quem constituit Dómi-
 nus super familiam suam.

4. Beátus ille servus,*
 quem cum vénerit Dóminus
 ejus, et pulsáverit jánuam,
 invénerit vigilántem.

5. Serve bone* et fidélis,
 intra in gáudium Dómini
 tui.

Capitulum. Eccli. 31.

BEÁTUS vir, qui invéntus
 est sine mácula : et qui
 post áurum non ábiit, nec
 sperávit in pecúnia et the-
 saúris. Quis est hic, et lau-
 dábimus eum? fecit enim
 mirabilia in vita sua.

Hymnus.

JESU coróna célsior,
 Et véritas sublimior,
 Qui confiténti sérvulo
 Reddis perénne præmíum :
 Da supplicánti cœtui,
 Hujus rogátu, nóxii
 Remissiónem criminis,
 Rumpéndo nexum vínculi.

Anni revérso témpore,
 Dies refúlsit lúmine,
 Quo Sanctus hic de corpore
 Migrávit inter sídera.

Hic vana terræ gáudia,
 Et luculénta prædiá,
 Pollúta sorde députans,
 Ovans tenet cæléstia.

Te Christe Rex piissime,
 Hic confiténdó júgiter,
 Calcávit artes dæmonum,
 Sævúmque avérni princi-
 pem.

Virtúte clarus, et fide,
 Confessióne sédulus,
 Jejúna membra déferens,
 Dapes supérnas óbtinet.

Proinde te piissime
Precamur omnes supplices :
Nobis ut hujus grátia
Poenas remittas débitas.

Patri perénis glória,
Natóque Patris único,
Sanctóque sit Paráclito,
Per omne semper sæculum.
Amen.

Ÿ. Justum deduxit Dóminus
per vias rectas. R. Et
osténdit illi regnum Dei.

Ad Bened. Ant. Euge serve
bone* et fidélis, quia in páuca
fuisti fidélis, supra multa te
constituam, intra in gáudium
Dómini tui.

Oratio.

DEUS, qui nos beáti N. Con-
fessoris tui ánnua sole-
mnitate lætíficas : concéde
propítius; ut cujus natalítia
cólimus, étiam actiónes imi-
témur. Per Dóminum.

Alia Oratio.

ADÉSTO Dómine supplica-
tiónibus nostris, quas in
beáti N. Confessoris tui so-
lemnitate deférimus : ut qui
nostræ justitiæ fidúciā non
habémus, ejus, qui tibi plá-
cuit, précibus adjuvémur.
Per Dóminum.

Si fuerit Abbas. Oratio.

INTERCÉSSIO nos, quæsu-
mus Dómine, beáti N. Ab-
bátis comméndet : ut quod
nòstris méritis non valémus,
ejus patrocínio assequámur.
Per Dóminum.

AD TERTIAM

Ant. Euge serve bone.

Capit. Beátus vir. ut supra.

R. br. Amávit eum Dómi-

nus,* Et ornávit eum. Amá-
vit. Ÿ. Stólam glóriæ induit
eum. Et. Glória. Amávit.

Ÿ. Os justī meditatábitur sa-
piéntiam. R. Et lingua ejus
loquétur judícium.

AD SEXTAM

Ant. Fidélis servus.

Capitulum. Eccli. 39.

JUSTUS cor suum tradidit
Ad vigilándum dilúculo ad
Dóminum, qui fecit illum,
et in conspéctu Altíssimi de-
precábitur.

R. br. Os justī* Meditábi-
tur sapiéntiam. Os. Ÿ. Et lin-
gua ejus loquétur judícium.
Meditábitur. Glória Patri. Os.

Ÿ. Lex Dei ejus in corde
ipsíus. R. Et non supplantá-
buntur gressus ejus.

AD NONAM

Ant. Serve bone

Capitulum. Sap. 10. b

JUSTUM deduxit Dóminus
per vias rectas, et ostén-
dit illi regnum Dei, et dedit
illi sciéntiam sanctórum : ho-
nestávit illum in labóribus,
et complévit labóres illíus.

R. br. Lex Dei ejus* In
corde ipsíus. Lex. Ÿ. Et
non supplantabuntur gressus
ejus. In. Glória Patri. Lex.

R. Justum deduxit Dómi-
nus per vias rectas. R. Et
ostendit illi regnum Dei.

IN II. VESPERIS

Ant. de Laud., Psalmi,
Capit. et Hymn. ut in I. Vesp.

Ÿ. Justum deduxit Dómi-
nus per vias rectas. R. Et
osténdit illi regnum Dei.

Ad Magnif. Ant. Hic vir

despiciens mundum et terrena, triumphans, divitias cælo condidit ore, manu.

Si occurrat celebrari Festum plurium Confessorum non Pontificum, Officium fit ut supra : sed in Oratione et Sermone, quæ habentur in singulari, dicantur in plurali.

II. ALIÆ LECTIONES

PRO CONF. NON PONT.

IN I. NOCTURNO

De libro Ecclesiastici.

Lectio j. Cap. 31.

BEATUS vir qui inventus est sine macula : et qui post aurum non abiit, nec speravit in pecunia et thesauris. Quis est hic, et laudabimus eum? fecit enim mirabilia in vita sua. Qui probatus est in illo, et perfectus est, erit illi gloria æterna : qui potuit transgredi, et non est transgressus : facere mala, et non fecit : ideo stabilita sunt bona illius in Domino, et eleemosynas illius enarrabit omnis ecclesia sanctorum.

R. Euge serve bone et fidelis, quia in pauca fuisti fidelis, supra multa te constituam : * Intra in gaudium Domini tui. **V.** Domine quinque talenta tradidisti mihi, ecce alia quinque superlucratus sum. Intra.

Lectio ij. Cap. 32. c et 33.

Qui timet Dominum, excipiet doctrinam ejus : et qui vigilaverint ad illum, invenient benedictionem. Qui quaerit legem, replabitur ab ea : et qui insidiöse agit,

scandalizabitur in ea. Qui timent Dominum, invenient judicium justum, et justitias quasi lumen accendent. Qui credit Deo, attendit mandatis, et qui confidit in illo, non minorabitur. Timenti Dominum non occurrent mala, sed in tentatione Deus illum conservabit, et liberabit a malis. Sapiens non odit mandata et justitias, et non illidetur quasi in procella navis. Homo sensatus credit legi Dei, et lex illi fidelis.

R. Justus germinabit sicut lilium, * Et florebit in æternum ante Dominum. **V.** Plantatus in domo Domini, in atriis domus Dei nostri. Et florebit in æternum.

Lectio iij. Cap. 34. b

SPÍRITUS timéntium Deum quæritur, et in respectu illius benedicetur. Spes enim illorum in salvantem illos, et oculi Dei in diligentes se. Qui timet Dominum, nihil trepidabit, et non pavebit : quoniam ipse est spes ejus. Timéntis Dominum beata est anima ejus. Ad quem respicit, et quis est fortitudo ejus? Oculi Domini super timéntes eum, protector potentiae, firmamentum virtutis, tegimen ardoris, et umbraculum meridiani, deprecatio offensionis, et adiutorium casus, exaltans animam, et illuminans oculos, dans sanitatem, et vitam, et benedictionem.

R. Iste cognovit. 80*.

IN II. NOCTURNO

Ex libro Morálíum sancti
Gregórii Papæ.

Lib. 10. Cap. 16. in c. 12.
Job.

Lectio iv.

DERIDÉTUR iusti simplici-
tas. Hujus mundi sapién-
tia est, cor machinatióibus
tégere, sensum verbis velá-
re; quæ falsa sunt, vera
osténdere; quæ vera sunt,
falsa demonstráre. Hæc ni-
mírum prudéntia usu a juv-
enibus scitur, hæc a púeris
prétio discitur : hanc qui
sciunt, cæteros despiciéndo
superbiunt : hanc qui né-
sciunt, subjécti et tímidi in
áliis mirántur : quia ab eis
hæc éadem duplicitátis ini-
quitas nómine palliáta dili-
gitur, dum mentis pervér-
sas urbánitas vocáitur. Hæc
sibi obsequéntibus præcipit
honórum cúlmina quærere,
adépta temporális glóriæ va-
nitáte gaudére, irrogáta ab
áliis mala multiplicius réd-
dere : cum vires súppetunt,
nullis resisténtibus cédere :
cum virtútis possibilitas
deest, quidquid explére per
malitiam non valent, hoc in
pacífica bonitáte simuláre.

R. Honéstum fecit illum
Dóminus, et custodivit eum
ab inimícis, et a seductóri-
bus tutávit illum : * Et dedit
illi claritátem ætérnam. **V.**
Justum dedúxit Dóminus
per vias rectas, et osténdit
illi regnum Dei. Et dedit
illi.

Lectio v.

AT contra, sapiéntia justó-
rum est : nil per osten-
siónem fingere, sensum ver-
bis aperíre, vera ut sunt di-
ligere, falsa devitáre; bona
gratis exhibére, mala libén-
tius toleráre, quam fácere;
nullam injúriæ ultiónem
quærere, pro veritáte con-
tuméliam lucrum putáre.
Sed hæc justórum simplici-
tas deridétur : quia ab hujus
mundi sapiéntibus puritátis
virtus fatúitas créditur.
Omne enim quod innocénter
ágitur, ab eis procul dúbio
stultum putáitur : et quid-
quid in ópere véritas appro-
bat, carnáli sapiéntiæ fá-
tuum sonat. Quid namque
stúltius vidétur mundo,
quam mentem verbis ostén-
dere, nil cállida machina-
tióne simuláre, nullas injú-
riis contumélias réddere, pro
maledicéntibus oráre, pau-
pertátem quærere, posséssa
relinquere, rapiénti non
resistere, percutiénti álte-
ram maxíllam præbére?

R. Amávit eum Dóminus,
et ornávit eum : stolam gló-
riæ induit eum, * Et ad por-
tas paradisi coronávit eum.
V. Induit eum Dóminus lori-
cam fidei, et ornávit eum. Et.

Lectio vj.

Cap. 17. post initium.

LAMPAS contémpta apud
cogitatióes divitum.
Sæpe contíngit, ut eléctus
quisque, qui ad ætérnam
felicitátem dúcitur, continua

hic adversitatē deprimatur : non hunc rerum abundantia fulciat, non dignitatum gloria honorabilem ostendat, nulla ei obsequentium frequentia suppetat, nulla hunc humanis oculis vestium pompa componat : a cunctis vero despicibilis cernitur, et hujus mundi gratia indignus aestimatur : sed tamen ante occulti iudicis oculos virtutibus emicat, vitæ meritis coruscat : honorari meluit, despici non refugit : corpus continentia afficit, sola in animo dilectione pinguescit : mentem semper ad patientiam præparat, et erectus pro iustitia, de perceptis contumeliis exultat : afflictis ex corde compatiatur, de bonorum prosperitatibus quasi de propriis lætatur, sacri verbi pabula in mente sollicitus ruminat, et inquisitus quodlibet eloqui dupliciter ignorat.

R. Iste homo. 83*.

IN III. NOCTURNO

Lectio sancti Evangelii secundum Lucam.

Lectio vij. Cap. 12. d

IN illo tempore : Dixit Jesus discipulis suis : Nolite timere pusillus grex, quia complacuit Patri vestro dare vobis regnum. Et reliqua.

Homilia venerabilis Bedæ Presbyteri.

Lib. 4. Cap. 54. in Luc. 12.

PUSILLUM gregem electorum, vel ob comparationem maioris numeri re-

proborum, vel potius ob humilitatis devotionem nominat : quia videlicet Ecclesiam suam quantalibet numerositate jam dilatatam, tamen usque ad finem mundi humilitate vult crescere, et ad promissum regnum humilitate pervenire. Ideoque ejus labores blande consolatus, quam regnum Dei tantum quærere præcipit, eidem regnum a Patre dandum complacita benignitate promittit.

R. Iste est qui ante Deum magnas virtutes operatus est, et de omni corde suo laudavit Dominum : * Ipse intercédât pro peccatis omnium populorum. **V.** Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Lectio viij.

VENDITE quæ possidētis, et date eleemosynam. Nolite, inquit, timere, ne propter regnum Dei militantibus, hujus vitæ necessaria desint : quin etiam possessa propter eleemosynam vendite. Quod tunc digne fit, quando quis semel pro Domino suis omnibus spretis, nihilominus post hæc labore manuum, unde et victum transigere, et eleemosynam dare queat, operatur. Unde gloriatur Apostolus, dicens : Argentum, aut aurum, aut vestem nullius concupivi : ipsi scitis, quoniam ad ea

quæ mihi opus erant, et his qui mecum sunt, ministraverunt manus istæ. Omnia ostendi vobis, quoniam sic laborantes oportet suscipere infirmos.

R. Sint lumbi vestri præcincti, et lucernæ ardentes in manibus vestris : * Et vos similes hominibus expectantibus dominum suum, quando revertatur a nuptiis.

V. Vigilate ergo, quia nescitis qua hora Dominus vester venturus sit. Et. Glória. Et.

Lectio ix.

FACITE vobis sacculos qui non veterascunt : elemosynas videlicet operando, quarum merces in æternum maneat. Ubi non hoc præceptum esse putandum est, ut nil pecuniæ reservetur a sanctis, vel suis scilicet, vel pauperum usibus suggerendæ : cum et ipse Dominus, cui ministrabant Angeli, tamen ad informandam Ecclesiam suam loculos habuisse legatur, et a fidelibus oblata conservans, et suorum necessitatibus aliisque indigentibus tribuens ; sed ne Deo propter ista serviatur, et ob inopiæ timorem iustitia deseratur.

Te Deum laudamus. 16.

PRO ABBATIBUS

IN III. NOCTURNO

Lectio sancti Evangelii secundum Matthæum.

Lectio vij. Cap. 19. d

IN illo tempore : Dixit Petrus ad Jesum : Ecce nos

reliquimus omnia, et secuti sumus te : quid ergo erit nobis? Et reliqua.

Homilia sancti Hieronymi Presbyteri.

Lib. 3. in Matth. cap. 19.

GRANDIS fiducia : Petrus piscator erat, dives non fuerat, cibos manu et arte quærebat : et tamen loquitur confidenter, Reliquimus omnia. Et quia non sufficit tantum relinquere, jungit quod perfectum est : Et secuti sumus te. Fecimus quod jussisti : quid igitur nobis dabis præmii? Jesus autem dixit illis : Amen dico vobis : quod vos qui secuti estis me, in regeneratione, cum sederit Filius hominis in sede maiestatis suæ, sedebitis et vos super sedes duodecim, iudicantes duodecim tribus Israël. Non dixit, Qui reliquistis omnia : hoc enim et Crates fecit philosophus, et multi alii divitias contempserunt : sed, Qui secuti estis me : quod proprie Apostolorum est atque credentium.

R. Iste est qui ante Deum magnas virtutes operatus est, et de omni corde suo laudavit Dominum : * Ipse intercédât pro peccatis omnium populorum. **V.** Ecce homo sine querela, verus Dei cultor, abstinens se ab omni opere malo, et permans in innocentia sua. Ipse.

Lectio viij.

IN regeneratione, cum sederit Filius hominis in

sede majestátis suæ (quando et mórtui de corruptiône resúrgent incorrúpti), sedébitis et vos in sóliis judicántium, condemnántes duódecim tribus Israël : quia vobis credéntibus, illi credere noluérunt. Et omnis qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum : céntuplum accipiet, et vitam ætérrnam possidébit. Locus iste cum illa senténtia cóngruit, in qua Salvátor lóquitur : Non veni pacem mittere, sed gládium. Veni enim separáre hóminem a patre suo, et matrem a filia, et nurum a socru : et inimíci hóminis doméstici ejus. Qui ergo propter fidem Christi, et prædicatióem Evangélii, omnes afféctus contémpserint, atque divítias et sæculi voluptátes : isti céntuplum recipient, et vitam ætérrnam possidébunt.

¶ Sint lumbi vestri præcincti, et lucérnæ ardéntes in mánibus vestris : * Et vos símiles hominibus exspectántibus dóminum suum, quando revertátur a núptiis. **¶** Vigiláte ergo, quia nescitis qua hora Dóminus vester ventúrus sit. Et vos. Glória Patri. Et vos.

Lectio ix.

Ex occasióe hujus senténtiæ quidam introducunt mille annos post resurre-

ctiõem, dicéntes, tunc nobis céntuplum ómnium rerum quas dimisimus, et vitam ætérrnam esse reddéndam : non intelligéntes, quod, si in cæteris digna sit repromissio, in uxóribus appáreat turpitúdo : ut qui unam pro Dómino dimiserit, centum recípiat in futúro. Sensus ergo iste est : Qui carnália pro Salvátore dimiserit, spirituália recipiet : quæ comparatióne et mérito sui ita erunt, quasi si parvo número centenárius número comparétur.

Te Deum laudámus. 16.

II. ALIA HOMILIA

Léctio sancti Evangélii secúndum Matthæum.

Lectio vij. Cap. 11. d

In illo témpore : Respóndens Jesus, dixit : Confíteor tibi Pater, Dómine cæli et terræ, quia abscondisti hæc a sapiéntibus et prudéntibus, et revelásti ea párvulis. Et reliqua.

Homília sancti Augustini
Episcopi.

Serm. 10. de Verbis Domini.

VENÍTE ad me omnes qui laborátis. Quare enim omnes laborámus, nisi quia sumus hómines mortáles, frágles, infirmi, lútea vasa portántes, quæ faciunt invicem angústias? Sed si angustiantur vasa carnis, dilaténtur spátia caritátis. Quid ergo dicit, Venite ad me omnes qui laborátis, nisi ut

non laborétis? Dénique promissio ejus in promptu est, quóniam laborántes vocávit. Quærent forte, qua mercéde vocáti sunt. Et ego vos, inquit, reficiam. Tóllite jugum meum super vos, et discite a me, non mundum fabricáre, non cuncta visibília et invisibília créare, non in ipso mundo mirabília fácere, et mórtuos suscitáre; sed, Quóniam mitis sum, et húmilis corde.

R. Iste est qui ante Deum magnas virtútes operátus est, et de omni corde suo laudávit Dóminum: * Ipse intercédát pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et pérmanens in innocentia sua. Ipse.

Lectio viij.

MAGNUS esse vis? a mínimo incipe. Cógitas magnam fábricam constrúere celsitudinis? de fundaménto prius cógita humilitátis. Et quantum quisque vult, et dispónit superimpónere molem ædificií, quanto erit majus ædificium, tanto áltius fodit fundaméntum. Et fábrica quidem cum constrúitur, in supérna consúrgit: qui áutem fodit fundaméntum, ad ima deprimitur. Ergo et fábrica ante celsitudinem humiliátur, et fastigium post humiliatióem erigitur.

R. Sint lumbi vestri præ-

cincti, et lucérnæ ardéntes in mánibus vestris: * Et vos similes hominibus exspectántibus dóminum suum, quando revertátur a núptiis. **V.** Vigiláte ergo, quia nescitis qua hora Dóminus vester ventúrus sit. Et. Glória. Et.

Lectio ix.

QUOD est fastigium construéndæ fábricæ, quam molimur? quo perventúrum est cacúmen ædificií? Cito dico, usque ad conspéctum Dei. Vidétis quam excélsum est, quanta res est conspícere Deum. Qui desiderat, et quod dico, et quod áudit intélligit. Promíttitur nobis conspéctus Dei, veri Dei, summi Dei. Hoc enim bonum est, vidéntem vidére. Nam qui colunt falsos deos, fácale illos vident: sed eos vident, qui óculos habent, et non vident. Nobis áutem promíttitur visio Dei vivéntis, et vidéntis.

Te Deum laudámus. 16.

III. ALIA HOMILIA

Léctio sancti Evangélii secundum Matthæum.

Lectio vij. Cap. 19. d

IN illo témpore: Dixit Petrus ad Jesum: Ecce nos reliquimus ómnia, et secúti sumus te: quid ergo erit nobis? Et réliqua.

De Homilia venerábilis Bedæ Presbýteri.

In Natali S. Benedicti.

Duo sunt órdenes electórum in iudicio futúri:

unus judicántium cum Dómino, de quibus hoc loco mémorat, qui reliquérunt ómnia, et secúti sunt illum : álius judicandórum a Dómino, qui non quidem ómnia sua páriter reliquérunt, sed de his tamen quæ habébant, quotidíanas dare eleemósynas Christi paupéribus curábant : unde et auditúri sunt in iudicio : Venite benedicti Patris mei, possidéte præparátum vobis regnum a constitutióne mundi. Esurívi enim, et dedistis mihi manducáre : sitívi, et dedistis mihi bibere.

R. Iste est qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et pérmanens in innocentia sua. Ipse intercédát.

Lectio viij.

SED et reprobórum duos ibi futúros órdenes Dómino narránte comperimus : unum eórum, qui fidei cristiánæ mystériis initiáti, ópera fidei exercére contémnunt, quibus in iudicio testátur : Discédite a me maledicti in ignem ætérnum, qui præparátus est diábolo, et ángelis ejus : esurívi enim, et non dedistis mihi manducáre. Alterum eórum, qui fidem et

mystéria Christi vel numquam suscepére, vel suscepam per apostásiam deseruére : de quibus dicit : Qui autem non credit, jam judicátus est : quia non credit in nómine unigéniti Filii Dei.

R. Sint lumbi vestri præcincti, et lucernæ ardéntes in mánibus vestris : * Et vos símiles hominibus exspectántibus dóminum suum, quando revertátur a núptiis. **V.** Vigiláte ergo, quia nescitis qua hora Dóminus vester ventúrus sit. Et. Glória. Et.

Lectio ix.

VERUM his cum timóre et pavóre débito paulisper commemorátis, ad lætissima pótius Dómini et Salvatóris nostri promissa convertámus auditum. Videámus quæ tantæ grátia pietátis : non ætérnæ tantúmmodo vitæ præmia suis sequácibus, sed et præsentis múnera pollicétur exímia. Et omnis, inquit, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, centuplum accipiet, et vitam ætérnam possidébit. Qui enim terrénis afféctibus sive possessionibus pro Christi discipulátu renuntiáverit, quo plus in ejus amórem profécit, eo plures invéniet, qui se intérno suscipere afféctu, et suis gáudeant sustentáre substántiis.

Te Deum laudámus. 16.

COMMUNE VIRGINUM

IN I. VESPERIS

Ant. Hæc est Virgo sapiens, * et una de número prudentum.

Psalmus 109.

DIXIT Dóminus Dómino meo : * Sede a dextris meis :

Donec ponam inimicos tuos, * scabellum pedum tuorum.

Virgam virtutis tuæ emit-
tet Dóminus ex Sion : * do-
minare in médio inimicorum
tuorum.

Tecum principium in die
virtutis tuæ in splendoribus
sanctorum : * ex útero ante
luciferum genui te.

Juravit Dóminus, et non
pœnitêbit eum : * Tu es sa-
cêrdos in ætérnum secun-
dum ordinem Melchisedech.

Dóminus a dextris tuis, *
confrégit in die iræ suæ
reges.

Judicabit in nationibus,
implêbit ruínas : * conquis-
cabit cápita in terra multo-
rum.

De torrênte in via bibet : *
propterea exaltabit caput.

Ant. Hæc est Virgo sa-
piens, et una de número
prudentum.

Ant. Hæc est Virgo sa-
piens, * quam Dóminus vi-
gilântem invénit.

Psalmus 112.

LAUDÁTE púeri Dóminum : *
laudate nomen Dómini.

Sit nomen Dómini bene-
dictum, * ex hoc nunc, et
usque in sæculum.

A solis ortu usque ad oc-
cásum, * laudábile nomen
Dómini.

Excélsus super omnes gen-
tes Dóminus, * et super cæ-
los glória ejus.

Quis sicut Dóminus Deus
noster, qui in altis hábitat, *
et humília respicit in cælo
et in terra?

Súscitans a terra inopem, *
et de stercore érigenz páu-
perem :

Ut collocet eum cum prin-
cipibus, * cum principibus
pópuli sui.

Qui habitare facit stérilem
in domo, * matrem filiorum
lætântem.

Ant. Hæc est Virgo sa-
piens, quam Dóminus vi-
gilântem invénit.

Ant. Hæc est quæ nescivit
* torum in delicto : habébit
fructum in respectiône ani-
márum sanctárum.

Psalmus 121.

LÆTÁTUS sum in his, quæ
dicta sunt mihi : * In
domum Dómini ibimus.

Stantes erant pedes no-
stri * in átriis tuis Jerúsa-
lem.

Jerúsalem, quæ ædificátur
ut civitas : * cujus participá-
tio ejus in idípsum.

Illuc enim ascenderunt
tribus, tribus Dómini : *

testimónium Israël ad confiténdum nómini Dómini.

Quia illic sedérunt sedes in iudicio, * sedes super domum David.

Rogáte quæ ad pacem sunt Jerúsalem : * et abundántia diligéntibus te :

Fiat pax in virtúte tua : * et abundántia in túrribus tuis.

Propter fratres meos, et próximos meos, * loquébar pacem de te :

Propter domum Dómini Dei nostri, * quæsívi bona tibi.

Ant. Hæc est quæ nescívit torum in delicto : habébit fructum in respectióne animárum sanctárum.

Ant. Veni elécta mea, * et ponam in te thronum meum, allelúia.

Psalmus 126.

NISI Dóminus ædificáverit domum, * in vanum laboravérunt qui ædificant eam.

Nisi Dóminus cūstodíerit civitátem, * frustra vígilat qui custódit eam.

Vanum est vobis ante lucem súrgere : * súrgite postquam sedéritis, qui manducátis panem dolóris.

Cum déderit diléctis suis somnum : * ecce heréditas Dómini filii : merces, fructus ventris.

Sicut sagittæ in manu poténtis : * ita filii excussórum.

Beátus vir qui implévit

desidérium suum ex ipsis : * non confundétur cum loqué-tur inimícis suis in porta.

Ant. Veni elécta mea, et ponam in te thronum meum, allelúia.

Ant. Ista est speciósá * inter filias Jerúsalem.

Psalmus 147

LÁUDA Jerúsalem Dóminum : * láuda Deum tuum Sion.

Quóniam confortávit seras portárum tuárum : * benedixit filiis tuis in te.

Qui pósuit fines tuos pacem : * et ádipe fruménti sátiat te.

Qui emíttit elóquium suum terræ : * velóciter currit sermo ejus.

Qui dat nivem sicut lanam : * nébulam sicut cinerem spargit.

Mittit crystállum suam sicut buccéllas : * ante fáciem frigoris ejus quis sustinébit?

Emíttet verbum suum, et liquefáciét ea : * flabit spíritus ejus, et fluent aquæ.

Qui annúnciat verbum suum Jacob : * justítias, et iudícia sua Israël.

Non fecit táliter omni nátióni : * et iudícia sua non manifestávit eis.

Ant. Ista est speciósá inter filias Jerúsalem.

Capitulum. II. Cor. 10. d

FRATRES : Qui gloriátur, in Dómino gloriétur. Non enim qui seípsum comméndat, ille probátus est : sed quem Deus comméndat.

Hymnus.

JESU, coróna Virginum,
Quem mater illa concipit,
Quæ sola Virgo párturit :
Hæc vota clemens áccipe.

Qui pergis inter lília,
Septus choréis Virginum,
Sponsus decórus glória,
Sponsisque reddens præmia.

Quocúmque tendis, Vir-
gines

Sequúntur, atque láudibus
Post te canéntes cúrsitant,
Hymnósque dulces pèrso-
nant.

Te deprecámur súpplīces,
Nostris ut addas sénsibus,
Nescire prorsus ómnia
Corruptiónis vúlnera.

Virtus, honor, laus, glória
Deo Patri cum Filio,
Sancto simul Paráclito,
In sæculórum sæcula.

Amen.

Ÿ. Spécie tua et pulchri-
túdine tua. R̃. Inténde, pró-
spere procéde, et regna.

Ad Magnif. Ant. Veni
sponsa Christi : * áccipe co-
rónam, quam tibi Dóminus
præparávit in ætérnum.

Oratio.

DEUS, qui inter cætera
poténtiæ tuæ mirácula
étiam in sexu frágili victó-
riam martýrii contulisti :
concéde propítius; ut qui
beátæ **N.** Virginis et Máty-
ris tuæ natalitia cólimus, per
ejus ad te exémpa gradiámur.
Per Dóminum.

Aliã Oratio.

INDULGÉNTIAM nobis, quæ-
sumus Dómine, beáta **N.**

Virgo et Martyr implóret :
quæ tibi grata semper éxsti-
tit et mérito castitátis, et
tuæ professióne virtútis. Per
Dóminum.

Pro Virgine non Martyre.**Oratio.**

EXÁUDI nos Deus salutáris
noster : ut sicut de
beátæ **N.** Virginis tuæ festi-
vitáte gaudémus; ita piæ
devotiónis erudiámur af-
fectu. Per Dóminum.

**Si fuerint plures, in utris-
que Vesp. ad Magnificat et
in Laud. ad Benedictus :**

Ant. Prudéntes Virgines *
aptáte vestras lámpades :
ecce sponsus vénit, exite
óbviam ei.

Ÿ. Adducéntur Regi Vir-
gines post eam. R̃. Próximæ
ejus afferéntur tibi.

Oratio.

DA nobis, quæsumus Dó-
mine Deus noster, san-
ctárum Virginum et Máty-
rum tuárum **N.** et **N.** palmas
incessábili devotiône vene-
rári : ut quas digna mente
non póssumus celebráre,
humílibus saltem frequenté-
mus obséquiis. Per Dómi-
num.

AD MATUTINUM

Invit. Regem Virginum
Dóminum, * Veníte, adoré-
mus.

Ps. Veníte, exsultémus. 2.

Hymnus.

VIRGINIS Proles, Opiféxque
Matris,
Virgo quem gessit, peperit-
que Virgo;

Virginis partos cānimus de-
cōra

Morte triúmphos.

Hæc enim palmæ dúplici
beáta

Sorte, dum gestit frágilem
domáre

Córpōris sexum, dómuit
cruéntum

Cæde tyránnum.

Unde nec mortem, nec
amíca mortis

Mille pœnarum génera expa-
véscens,

Sánguine effúso méruit seré-
num

Scándere cælum.

Hujus orátu Deus alme
nobis

Débitas pœnas scélerum re-
mitte;

Ut tibi puro resonémus
almum

Péctore carmen.

Sit decus Patri, genitæque
Proli,

Et tibi compar utriúsque
virtus

Spiritus semper, Deus unus
omni

Témporis ævo.

Amen.

**Si Sancta fuerit Virgo tan-
tum, et non Martyr, dicitur
Hymnus sequens :**

VÍRGINIS Proles, Opiféxque
Matris,

Virgo quem gessit, peperit-
que Virgo;

Virginis festum cānimus
beátæ,

Accipe votum.

Hujus orátu Deus alme
nobis

Débitas pœnas scélerum re-
mitte;

Ut tibi puro resonémus al-
mum

Péctore carmen.

Sit decus Patri, genitæque
Proli,

Et tibi compar utriúsque
virtus

Spiritus semper, Deus unus
omni

Témporis ævo. Amen.

IN I. NOCTURNO

Ant. O quam pulchra * est
casta generátio cum clari-
táte!

Psalmus 8.

DÓMINE Dóminus noster, *
quam admirábile est
nomen tuum in univér-
sa terra!

Quóniam eleváta est ma-
gnificéntia tua, * super cælos.

Ex ore infántium et lactén-
tium perfecisti láudem pro-
pter inimicos tuos, * ut dé-
struas inimicum et ultórem.

Quóniam vidébo cælos
tuos, ópera digitórum tuó-
rum : * lunam et stellas, quæ
tu fundásti.

Quid est homo, quod me-
mor es ejus? * aut fílius hómi-
nis, quóniam vísitas eum?

Minuísti eum páulo minus
ab Angelis, glória et honóre
coronásti eum : * et consti-
tuísti eum super ópera má-
nuum tuárum.

Omnia subjecísti sub pé-
dibus ejus, * oves et boves
univérsas : insuper et pécora
campi.

Vólucres cæli, et pisces

maris, * qui perámbulant
sémitas maris.

Dómine Dóminus noster, *
quam admirábile est nomen
tuum in univérſa terra!

Ant. O quam pulchra est
casta generátio cum clari-
táte!

Ant. Ante torum * hujus
Virginis frequentáte nobis
dúlcea cántica drámatis.

Pro non Virgine.

Ant. Læva ejus * sub
cápite meo, et dextera illius
amplexábitur me.

Psalmus 18.

CÆLI enárrant glóriam
Dei, * et ópera mánuum
ejus annúntiat firmaméntum.

Dies diéi erúctat ver-
bum, * et nox nocti indicat
sciéntiam.

Non sunt loquélæ, neque
sermónes, * quorum non
audiántur voces eórum.

In omnem terram exívit
sonus eórum : * et in fines
orbis terræ verba eórum.

In sole pósuit tabernácu-
lum suum : * et ipse tam-
quam sponsus procédens de
thálamo suo :

Exsultávit ut gigas ad cur-
réndam viam, * a summo
cælo egréssio ejus :

Et occúrsus ejus usque ad
summum ejus : * nec est qui
se abscondat a calóre ejus.

Lex Dómini immaculáta
convértens ánimas : * testi-
mónium Dómini fidéle, sa-
piéntiam præstans párvulis.

Justitiæ Dómini rectæ,
lætificántes corda : * præ-

céptum Dómini lúcidum,
illúminans óculos.

Timor Dómini sanctus,
pérmanens in sæculum sæ-
culi : * judicia Dómini vera,
justificáta in semetipsa.

Desiderabilia super au-
rum et lápidem pretiósus
multum : * et dulcióra super
mel et favum.

Etenim servus tuus custó-
dit ea, * in custodiéndis illis
retribútio multa.

Delicta quis intélligit? ab
occúltis meis munda me : *
et ab aliénis parce servo tuo.

Si mei non fúerint domi-
nāti, tunc immaculátus ero : *
et emundábor a delicto má-
ximo.

Et erunt ut compláceant
elóquia oris mei : * et medi-
tátio cordis mei in conspéctu
tuo semper.

Dómine adjútor meus, *
et redemptor meus.

Ant. Ante torum hujus Vir-
ginis frequentáte nobis dúl-
cia cántica drámatis.

Pro non Virgine.

Ant. Læva ejus sub cápite
meo, et dextera illius am-
plexábitur me.

Ant. Revértere, * revér-
tere Sunamitis : revértere,
revértere, ut intueámur te.

Psalmus 23.

DÓMINI est terra, et pleni-
túdo ejus : * orbis terrá-
rum, et univérſi, qui hábi-
tant in eo.

Quia ipse super mária fun-
dávít eum : * et super flú-
mina præparávit eum.

Quis ascendet in montem Domini? * aut quis stabit in loco sancto ejus?

Innocens manibus et mundo corde, * qui non accepit in vano animam suam, nec juravit in dolo proximo suo.

Hic accipiet benedictionem a Domino : * et misericordiam a Deo salutari suo.

Hæc est generatio querentium eum, * querentium faciem Dei Jacob.

Attollite portas principes vestras, et elevamini portæ æternales : * et introibit rex gloriæ.

Quis est iste rex gloriæ? * Dominus fortis et potens : Dominus potens in prælio.

Attollite portas principes vestras, et elevamini portæ æternales : * et introibit rex gloriæ.

Quis est iste rex gloriæ? * Dominus virtutum ipse est rex gloriæ.

Ant. Revértere, revértere Sunamitis : revértere, revértere, ut intueamur te.

Ÿ. Spécie tua et pulchritudine tua. **R.** Intende, prospere procéde, et regna.

Pater noster.

Absolutio. Exaudi Domine.

Ÿ. Jube domne.

Bened. Benedictione perpetua.

De Epistola prima beati Pauli Apóstoli ad Corinthios.

Lectio j. Cap. 7. c

DE virginibus præceptum Domini non habeo : consilium autem do, tamquam

misericordiam consecutus a Domino ut sim fidelis. Existimo ergo hoc bonum esse propter instantem necessitatem, quoniam bonum est homini sic esse. Alligatus es uxori? noli querere solutionem. Solutus es ab uxore? noli querere uxorem. Si autem acceperis uxorem, non peccasti. Et si nupserit virgo, non peccavit. Tribulationem tamen carnis habebunt hujusmodi. Ego autem vobis parco. Hoc itaque dico, fratres : Tempus breve est : reliquum est, ut et qui habent uxores, tamquam non habentes sint : et qui flent, tamquam non flentes : et qui gaudent, tamquam non gaudentes : et qui emunt, tamquam non possidentes : et qui utuntur hoc mundo, tamquam non utantur : præterit enim figura hujus mundi.

Pro Martyr.

R. Veni sponsa Christi, accipe coronam, quam tibi Dominus præparavit in æternum : pro cujus amore sanguinem tuum fudisti, * Et cum Angelis in paradysum introisti. **Ÿ.** Veni electa mea, et ponam in te thronum meum, quia concupivit Rex speciem tuam. Et cum.

Si non fuerit Martyr.
dic. seq.

R. Veni electa mea, et ponam in te thronum meum : * Quia concupivit Rex speciem tuam. **Ÿ.** Spécie tua et pulchritudine tua intende,

prósperè procéde, et regna.
Quia.

Bened. Unigénitus Dei.

Lectio ij.

VOLO áutem vos sine sollicitúdine esse. Qui sine uxóre est, sollicitus est quæ Dómini sunt, quómodo placeat Deo. Qui áutem cum uxóre est, sollicitus est quæ sunt mundi, quómodo placeat uxóri, et divisus est. Et múlíer innúpta, et virgo cógitat quæ Dómini sunt, ut sit sancta córpore, et spíritu. Quæ áutem nupta est, cógitat quæ sunt mundi, quómodo placeat viro. Porro hoc ad utilitátem vestram dico: non ut láqueum vobis injíciam, sed ad id, quod honéstum est, et quod facultátem præbeat sine impediménto Dóminum obsecrándi.

R. Diffúsa est grátia in lábiis tuis: * Proptérea benedixit te Deus in ætérnum. **V.** Spécie tua et pulchritúdine tua inténde, prósperè procéde, et regna. Proptérea.

Bened. Spíritus sancti grátia.

Lectio iij.

SI quis áutem turpem se vidéri existimat super vírgine sua, quod sit superadúlta, et ita opórtet fieri: quod vult fáciat: non peccat, si nubat. Nam qui státuit in corde suo firmus, non habens necessitátem, potestátem áutem habens suæ voluntátis, et hoc judicávit in

corde suo, serváre vírginem suam, bene facit. Igitur et qui matrimónio jungit vírginem suam, bene facit: et qui non jungit, mélius facit. Múlíer alligáta est legi quanto témpore vir ejus vivit. Quod si dormierit vir ejus, liberáta est: cui vult nubat, tantum in Dómino. Beátior áutem erit, si sic permanserit, secúndum meum consílium: puto áutem quod et ego Spíritum Dei hábeam.

R. Spécie tua et pulchritúdine tua * Inténde, prósperè procéde, et regna. **V.** Diffúsa est grátia in lábiis tuis, proptérea benedixit te Deus in ætérnum. Inténde. Glória. Inténde.

IN II. NOCTURNO

Ant. Spécie tua * et pulchritúdine tua inténde, prósperè procéde, et regna.

Psalmus 44.

ERUCTÁVIT cor meum verbum bonum: * dico ego ópera mea regi.

Lingua mea cálamus scribæ, * velóciter scribéntis.

Speciósus forma præ filiis hóminum, diffúsa est grátia in lábiis tuis: * proptérea benedixit te Deus in ætérnum.

Accíngere gládio tuo super femúr tuum, * potentíssime.

Spécie tua et pulchritúdine tua * inténde, prósperè procéde, et regna.

Propter veritátem et mansuetúdinem, et justitiam: * et dedúcet te mirábiliter dextera tua.

Sagittæ tuæ acutæ, pópuli sub te cadent : * in corda inimicórum regis.

Sedes tua Deus in sæculum sæculi : * virga directiónis virga regni tui.

Dilexisti justitiam, et odisti iniquitatem : * propterea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : * ex quibus delectavérunt te filiæ regum in honóre tuo.

Adstitit regína a dextris tuis in vestitu deauráto, * circúmdata varietáte.

Audi filia, et vide, et inclína áurem tuam : * et obliviscere pópulum tuum, et domum patris tui.

Et concupiscet rex decórem tuum : * quóniam ipse est Dóminus Deus tuus, et adorábunt eum.

Et filiæ Tyri in munéribus * vultum tuum deprecabúntur : omnes divites plebis.

Omnis glória ejus filiæ regis ab intus, * in fimbriis áureis circumamícta varietátibus.

Adducéntur regi virgines post eam : * próximæ ejus afferéntur tibi.

Afferéntur in lætítia et exsultatióne : * adducéntur in templum regis.

Pro pátribus tuis nati sunt tibi filii : * constitues eos príncipes super omnem terram.

Mémores erunt nóminis tui : * in omni generatióne et generatiónem.

Propterea pópuli confitebúntur tibi in ætérnum : * et in sæculum sæculi.

Ant. Spécie tua et pulchritúdine tua inténde, prospere procéde, et regna.

Ant. Adjuvabit eam * Deus vultu suo : Deus in médio ejus, non commovébitur.

Psalmus 45.

DEUS noster refúgium, et virtus : * adjútor in tribulatió nibus, quæ invenérunt nos nimis.

Propterea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis ímpetus lætíficat civitatem Dei : * sanctificávit tabernáculum suum Altissimus.

Deus in médio ejus, non commovébitur : * adjuvabit eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum : * suscep tor noster Deus Jacob.

Veníte, et vidéte ópera Dómini, quæ pósuit prodígia super terram : * áuferens bella usque ad finem terræ.

Arcum cónteret, et confringet arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobiscum : * suscéptor noster Deus Jacob.

Ant. Adjuvábít eam Deus vultu suo : Deus in médio ejus, non commovébitur.

Ant. Aquæ multæ * non potuérunt exstinguere caritátem.

Psalmus 47.

MAGNUS Dóminus et laudábilis nimis * in civitáte Dei nostri, in monte sancto ejus.

Fundátur exsultatíone universæ terræ mons Sion, * látera Aquilónis, civitas regis magni.

Deus in dómibus ejus cognoscétur, * cum suscipiet eam.

Quóniam ecce reges terræ congregáti sunt : * convénérunt in unum.

Ipsi vidéntes sic admiráti sunt, conturbáti sunt, commóti sunt : * tremor apprehéndit eos.

Ibi dolóres ut parturiéntis * in spíritu veheménti cónteres naves Tharsis.

Sicut audívimus, sic vidimus in civitáte Dómini virtútum, in civitáte Dei nostri : * Deus fundávit eam in ætérnum.

Suscépimus Deus miseri-

córdiam tuam, * in médio templi tui.

Secúndum nomen tuum Deus, sic et laus tua in fines terræ : * justitia plena est dextera tua.

Lætétur mons Sion, et exsúltent filiæ Judæ, * propter judícia tua Dómine.

Circúmdate Sion, et complectimini eam : * narráte in túrribus ejus.

Pónite corda vestra in virtúte ejus : * et distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sæculum sæculi : * ipse reget nos in sæcula.

Ant. Aquæ multæ non potuérunt exstinguere caritátem.

Ÿ. Adjuvábít eam Deus vultu suo. **R.** Deus in médio ejus, non commovébitur.

Pater noster.

Absolutio. Ipsius pietas.

Ÿ. Jube domne.

Bened. Deus Pater omnipotens.

Sermo sancti Ambrósii
Epíscopi.

Lib. 1. de Virg., circa init.

Lectio iv.

QUÓNIAM hódie natális est Virginis, invitat nunc integritátis amor, ut áliquíd de virginitáte dicámus : ne véluti tránsitu quodam præstricta videátur, quæ princípális est virtus. Non enim ideo laudábilis virginitas, quia in Martýribus reperi-

tur : sed quia ipsa Mártyres faciat. Quis áutem humano eam possit ingenio comprehendere, quam nec natura suis inclúsit légibus? Aut quis naturali voce complécti, quod supra usum naturæ sit? E cælo accersivit, quod imitarétur in terris. Nec immerito vivendi sibi usum quæsivit e cælo, quæ sponsum sibi invenit in cælo.

R. Propter veritatem, et mansuetudinem, et justitiam : * Et deducet te mirabiliter dextera tua. **V.** Spécie tua et pulchritudine tua intende, prospere procede, et regna. Et.

Bened. Christus perpétuæ.

Lectio v.

HÆC nubes, aëra, Angelos, sidéraque transgrediens, Verbum Dei in ipso sinu Patris invenit, et toto háusit pectore. Nam quis tantum, cum invenerit, relinquat boni? Unguentum enim exinanitum est nomen tuum : propterea adolescentulæ dilexérunt te, et attraxérunt te. Postrémo, non meum est illud, quóniam quæ non nubunt, neque nubéntur, erunt sicut Angeli Dei in cælo. Nemo ergo mirétur, si Angelis comparéntur, quæ Angelórum Dómino copulántur.

R. Dilexisti justitiam, et odisti iniquitatem : * Propterea unxit te Deus, Deus tuus óleo lætitiæ. **V.** Propter veri-

tatem, et mansuetudinem, et justitiam. Propterea.

Bened. Ignem sui amoris.

Lectio vj.

QUIS igitur neget hanc vitam fluxisse de cælo, quam non facile invenimus in terris, nisi postquam Deus in hæc terréni corpóris membra descendit? Tunc in útero Virgo concépit, et Verbum caro factum est, ut caro fieret Deus. Dicet áliquis : Sed étiam Elias nullius corpórei cóitus fuisse permixtus cupiditatibus invenitur. Ideo ergo curru raptus ad cælum : ideo cum Dómino appáret in glória, ideo Dominici ventúrus est præcúrsor adventus.

R. Afferéntur Regi virgines post eam, próximæ ejus * Afferéntur tibi in lætitia et exsultatione. **V.** Spécie tua et pulchritudine tua intende, prospere procede, et regna. Afferéntur. Glória Patri. Afferéntur.

IN III. NOCTURNO

Ant. Nigra sum, * sed formósa, filiæ Jerúsalem : ideo diléxit me Rex, et introduxit me in cubiculum suum.

Psalmus 95.

CANTÁTE Dómino cánticum novum : * cantáte Dómino omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes

glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis : * terribilis est super omnes deos.

Quóniam omnes dii géntium dæmónia : * Dóminus autem cælós fecit.

Conféssio, et pulchritúdo in conspéctu ejus : * sanctimónia et magnificéntia in sanctificatióne ejus.

Afférte Dómino pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dicite in géntibus quia Dóminus regnávít.

Etenim corréxit orbem terræ qui non commovébitur : * judicábit pópulos in æquitáte.

Læténtur cæli, et exsúltet terra, commovéatur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Nigra sum, sed formósa, filiæ Jerúsalem : ideo diléxit me Rex, et introdúxit me in cubículum suum.

Ant. Trahe me post te, * in odórem currémus unguentórum tuórum : óleum effúsum nomen tuum.

Psalmus 96.

DÓMINUS regnávít, exsúltet terra : * læténtur ínsulæ multæ.

Nubes, et caligo in circúitu ejus : * justitia, et judícium corréctio sedis ejus.

Ignis ante ipsum præcédet, * et inflammábit in circúitu inimicos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justitiam ejus : * et vidérunt omnes pópuli glóriam ejus.

Confundántur omnes, qui adórant sculptília : * et qui gloriántur in simulácrissuis.

Adoráte eum omnes Angeli ejus : * audívit, et lætáta est Sion.

Et exsultavérunt filiæ Judæ, * propter judícia tua Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui diligitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini justí in Dómi-

no : * et confitémini memóriæ sanctificatiónis ejus.

Ant. Trahe me post te, in odórem currémus unguentórum tuórum : óleum effusum nomen tuum.

Ant. Veni sponsa Christi, * áccipe corónam, quam tibi Dóminus præparávit in ætérnum.

Psalmus 97.

CANTÁTE Dómino cánticum novum : * quia mirabilia fecit.

Salvávitsibi délixtera ejus : * et bráchium sanctum ejus.

Notum fecit Dóminus salutáre suum : * in conspéctu géntium revelávit justitiam suam.

Recordátus est misericórdiæ suæ, * et veritátis suæ dómui Israél.

Vidérunt omnes términi terræ * salutáre Dei nostri.

Jubiláte Deo omnis terra : * cantáte, et exsultáte, et psállite.

Psállite Dómino in cithara, in cithara et voce psalmi : * in tubis ductilibus, et voce tubæ córneæ.

Jubiláte in conspéctu Regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina pláudent manu, simul montes exsultábunt a conspéctu Dómini : * quóniam venit judicáre terram.

Judicábit orbem terrárum in justitia, * et pópulos in æquitáte.

Ant. Veni sponsa Christi, áccipe corónam, quam tibi Dóminus præparávit in ætérnum.

Y. Elégit eam Deus, et præelégit eam. **R.** In tabernáculo suo habitáre facit eam.

Pater noster.

Absolutio. A vínculis.

Y. Jube domne.

Bened. Evangélica léctio. Léctio sancti Evangélii secúndum Matthæum.

Lectio vij. Cap. 25.

In illo témpore : Dixit Jesus discipulis suis parábolam hanc : Símile erit regnum cælórum decem virginibus : quæ accipiéntes lámpades suas, exiérunt óbviám sponso et sponsæ. Et réliqua.

Homília sancti Gregórii Papæ.

Homil. 12. in Evang.

SÆPE vos, fratres caríssimi, admóneo prava ópera fúgere, mundi hujus inquinaménta devitáre : sed hodiérna sancti Evangélii lectiône compéllor dicere, ut et bona quæ ágitis, cum magna cautéla teneátis : ne per hoc quod a vobis rectum géritur, favor aut grátia humana requirátur : ne appetitus láudis subrépat, et quod foris osténditur, intus a mercéde vacuétur. Ecce enim Redemptóris voce decem vírgines, et omnes dicúntur vírgines, et tamen intra beatitúdinis jánuam non omnes sunt recéptæ : quia eárum quædam, dum de virginitáte

sua glóriam foris éxpetunt, in vasis suis óleum habére noluérunt.

R. Hæc est Virgo sápiens, quam Dóminus vigilántem invénit, quæ accéptis lampádibus, sumpsit secum óleum : * Et veniénte Dómino, introívit cum eo ad núptias.

V. Média nocte clamor factus est : Ecce sponsus venit, exite óbviám ei. Et veniénte.

Bened. Cujus, **vel** Quarum festum cólimus.

Lectio viij.

SED prius quæréndum nobis est, quid sit regnum cælórum, aut cur decem virginibus comparétur, quæ étiam vírgines prudéntes et fátuæ dicántur. Dum enim cælórum regnum constat, quia reprobórum nullus ingréditur, étiam fátuis virginibus cur símile esse perhibétur? Sed sciéndum nobis est, quod sæpe in sacro elóquio regnum cælórum præséntis témporis Ecclésia dicitur. De quo álio in loco Dóminus dicit : Mittet Filius hóminis Angelos suos, et cólligent de regno ejus ómnia scándala. Neque enim in illo regno beatitúdinis, in quo pax summa est, inveníri scándala póterunt, quæ colligántur.

R. Média nocte clamor factus est : * Ecce sponsus venit, exite óbviám ei. **V.** Prudéntes Vírgines, aptáte vestras lámpades. Ecce. Glória Patri. Ecce.

Bened. Ad societátem.

Lectio ix.

IN quinque áutem córporis sénsibus unusquisque subsistit. Geminátus áutem quinárius denárium pérficit. Et quia ex utróque sexu fidélium multitúdo colligitur, sancta Ecclésia decem virginibus símilis esse denun-tiátur. In qua quia mali cum bonis, et réprobi cum eléctis admíxti sunt, recte símilis virginibus prudéntibus et fátuis esse perhibétur. Sunt namque pleríque continéntes, qui ab appetitu se exterióri custódiunt, et spe ad interióra rapiúntur, carnem mácerant, et toto desiderio ad supérnam pátriam anhélant, ætéRNA præmia éxpetunt, pro labóribus suis recipere láudes humánas nollunt. Hi nímrum glóriam suam non in ore hóminum ponunt, sed intra consciéntiam cóntegunt. Et sunt pleríque, qui corpus per abstinentiam affligunt, sed de ipsa sua abstinentia humános favóres éxpetunt.

Te Deum laudámus. 16.

AD LAUDES

ET PER HORAS

Ant. 1. Hæc est Virgo sápiens, * et una de número prudéntum.

Ps. Dóminus regnávít. **cum reliq.** 17.

2. Hæc est Virgo sápiens, * quam Dóminus vigilántem invénit.

3. Hæc est quæ nescívit

*torum in delicto : habébit fructum in respectiōe animarum sanctarum.

4. Veni electa mea, * et ponam in te thronum meum, allelúia.

5. Ista est speciosa * inter filias Jerúsalem.

Capitulum. II. Cor. 10. d

FRATRES : Qui gloriatur, in Dómino gloriétur. Non enim qui seipsum comméndat, ille probátus est : sed quem Deus comméndat.

Hymnus.

JESU coróna Virginum,
Quem mater illa concipit,
Quæ sola Virgo párturit :
Hæc vota clemens áccipe.

Qui pergis inter lilia,
Septus choréis Virginum,
Sponsus decórus glória,
Sponsisque reddens præmia.

Quocúmque tendis, Virgines

Sequúntur, atque láudibus
Post te canéntes cúrsitant,
Hymnósque dulces persónant.

Te deprecámur súplices,
Nostris ut addas sénsibus,
Nescire prorsus ómnia
Corruptiōnis vúlnera.

Virtus, honor, laus, glória
Deo Patri cum Filio,
Sancto simul Paráclito,
In sæculórum sæcula.

Amen.

Ÿ. Diffúsa est grátia in lábiis tuis. R̃. Propterea benedixit te Deus in ætérnum.

Ad Bened. Ant. Simile est regnum cælórum * hómini

negotiátóri, quærénti bonas margarítas : invénta una pretiósá, dedit ómnia sua, et comparávit eam.

Oratio.

DEUS, qui inter cætera poténtiæ tuæ miracula étiam in sexu fragili victóriam martýrii contulisti : concéde propítius ; ut qui beátæ N. Virginis et Mátyris tuæ natalitia cólimus, per ejus ad te exémpia gradiámur. Per Dóminum.

Alia Oratio.

INDULGÉNTIAM nobis, quæsumus Dómine, beáta N. Virgo et Martyr implóret : quæ tibi grata semper éxstitit et mérito castitátis, et tuæ professiōe virtútis. Per Dóminum.

Pro Virgine non Martyre.

Oratio.

EXÁUDI nos, Deus salutáris noster : ut, sicut de beátæ N. Virginis tuæ festivitáte gaudémus ; ita piæ devotiōnis erudiámur afféctu. Per Dóminum.

Si fuerint plures, ad Benedictus dicitur

Ant. Prudentes Virgines * aptáte vestras lámpades : ecce sponsus venit, exíte óbviám ei.

Ÿ. Adducéntur Regi Virgines post eam. R̃. Próximæ ejus afferéntur tibi.

Oratio.

DA nobis, quæsumus Dómine Deus noster, sanctarum Virginum et Mátyrum tuarum N. et N. palmas

incessábili devotióne venerári : ut quas digna mente non pòssumus celebráre, humílibus saltem frequentémus obséquiiis. Per Dñum.

AD TERTIAM

Ant. Hæc est Virgo.

Capit. Fratres : Qui gloriátur. *ut supra.* 108*.

R. br. Spécie tua * Et pulchritúdine tua. Spécie. **V.** Inténde, prospere procéde, et regna. Et. Glória. Spécie. **V.** Adjuvábít eam Deus vultu suo. **R.** Deus in médio ejus, non commovébitur.

AD SEXTAM

Ant. Hæc est quæ nescívit.

Capitulum. II. Cor. 11.

AMULOR enim vos Dei æmulatione. Despóndi enim vos uni viro virginem castam exhibére Christo.

R. br. Adjuvábít eam * Deus vultu suo. Adjuvábít. **V.** Deus in médio ejus, non commovébitur. Deus. Glória Patri. Adjuvábít.

V. Elégít eam Deus, et præelégít eam. **R.** In tabernáculo suo habitáre facit eam.

AD NONAM

Ant. Ista est speciósá.

Capitulum. Eccli. 51. b

DÓMINE Deus meus, exaltásti super terram habitatióne meam, et pro morte defluente deprecáta sum. Invocávi Dóminum Patrem Dómini mei, ut non derelinquat me in die tribulatiónis meæ, et in témpore superbórum sine adjutório.

Si fuerit Virgo et non Martyr, dic. seq.

Capitulum. Sap. 4.

O QUAM pulchra est casta generatio cum claritate! immortalis est enim memoria illius : quóniam apud Deum nota est, et apud homines.

R. br. Elégít eam Deus, * Et præelégít eam. Elégít. **V.** In tabernáculo suo habitáre facit eam. Et præelégít. Glória Patri. Elégít.

V. Diffúsa est grátia in lábiis tuis. **R.** Propterea benedixit te Deus in ætérnum.

IN II. VESPERIS

Ant., Pss., Capit. et Hymn. *ut in I. Vesp.* 95*.

V. Diffúsa est grátia in lábiis tuis. **R.** Propterea benedixit te Deus in ætérnum.

Ad Magnif. Ant. Venisponsa Christi, * áccipe coronam, quam tibi Dóminus præparávit in ætérnum.

II. ALIÆ LECTIONES
PRO VIRGINIBUS

Pro Virgine et Martyre, ac pro Martyre tantum, Lect. I. Noct. leguntur etiam *ut infra.*

De libro Ecclesiástici.

Lectio j. Cap. 51.

CONFITÉBOR tibi Dómine Rex, et collaudábo te Deum Salvatórem meum. Confitébor nómini tuo : quóniam adjutor et protector factus es mihi, et liberásti corpus meum a perditione, a láqueo linguæ iniquæ, et

a lábiis operántium mendá-
cium, et in conspéctu ad-
stántium factus es mihi adjú-
tor. Et liberásti me secúndum
multitúdinem misericórdiæ
nóminis tui a rugiéntibus
præparátis ad escam, de má-
nibus quæréntium ánimam
meam, et de portis tribula-
tiónum, quæ circumdedé-
runt me : a pressúra flam-
mæ, quæ circúmdedit me,
et in médio ignis non sum
æstuáta : de altitúdine ven-
tris inferi, et a lingua coin-
quináta, et a verbo mendá-
cii, a rege iníquo, et a lingua
injústa.

¶ Veni sponsa Christi,
accipe corónam, quam tibi
Dóminus præparávit in ætér-
num : pro cujus amóre sán-
guinem tuum fudisti, * Et
cum Angelis in paradísium
introísti. ¶ Veni elécta mea,
et ponam in te thronum
meum, quia concupivit Rex
spéciem tuam. Et cum.

Lectio ij.

LAUDÁBIT usque ad mortem
ánima mea Dóminum, et
vita mea appropinquans erat
in inférno deórsum. Circum-
dederunt me úndique, et
non erat qui adjuváret. Re-
spiciens eram ad adjutórium
hóminum, et non erat. Me-
moráta sum misericórdiæ
tuæ Dómine, et operatiónis
tuæ, quæ a sæculo sunt :
quóniam éruis sustinéntes
te Dómine, et liberas eos de
mánibus géntium.

¶ Diffúsa est grátia in lá-

biis tuis : * Proptérea bene-
dixit te Deus in ætérnum. ¶
Spécie tua et pulchritúdine
tua inténde, prósperè pro-
céde, et regna. Proptérea.

Lectio iij.

EXALTÁSTI super terram
habitatiónem meam, et
pro morte defluénte depre-
cáta sum. Invocávi Dómi-
num Patrem Dómini mei, ut
non derelinquat me in die
tribulatiónis meæ, et in témpore
superbórum sine adju-
tório. Laudábo nomen tuum
assidue, et collaudábo illud
in confessióne, et exaudita
est orátio mea. Et liberásti
me de perditiónē, et eri-
puísti me de témpore iníquo.
Proptérea confitébor, et láu-
dem dicam tibi, et benedi-
cam nómini Dómini.

¶ Spécie tua. 101*.

IN II. NOCTURNO

Ex libro sancti Cypriáni Epi-
scopi et Mátyris, de disci-
plína et hábitu Virgínium.

Lectio iv. Cap. 2.

NUNC nobis ad virgines
sermo est, quarum quo
sublimior glória est, major
et cura est. Flos est ille ec-
clesiástici géminis, decus
atque ornámentum grátiae
spiritalis, læta índoles, láu-
dis et honóris opus inte-
grum atque incorruptum,
Dei imágo. respóndens ad
sanctimóniam Dómini, illú-
strior pórtio gregis Christi.
Gáudet per illas, atque in
illis lárgiter floret Ecclesiæ
matris gloriósa fœcúnditas :

quantóque plus copiósá virginitas número suo addit, tanto plus gáudium matris augéscit. Ad has lóquimur, has adhortámur affectióne pótius quam potestáte : non quod extrémí, et mínimi, et humilitátis nostræ ádmodum cónscii áliquíd ad censúram licéntiæ vindicémus ; sed quod ad sollicitúdinem magis cáuti, plus de diaboli infestatióne timeámus.

¶ Propter veritátem, et mansuetúdinem, et justitiam : * Et dedúcet te mirabiliter dextera tua. ✠. Spécie tua et pulchritúdine tua inténdé, prospere procéde, et regna. Et.

Lectio v.

NEQVE inánis hæc cáutio est, et vana formído, quæ ad salutis viam cónsulit, quæ dominica et vitália præcépta custódit, ut quæ se Christo dicáverint, et a carnáli concupiscéntia recedéntes, tam carne, quam mente se Deo vóverint, cónsumment opus suum magno præmio destinátum : nec ornári jam, aut placére cuiquam, nisi Dómino suo, stúdeant, a quo et mercédem virginitátis expéctant, dicénte ipso : Non omnes cápiunt verbum, sed illi quibus datum est. Sunt enim spadónes, qui ex útero matris sic nati sunt : et sunt spadónes, qui coácti sunt ab homínibus : et sunt spadónes, qui seipsos castravé-

runt propter regnum cælorum.

¶ Dilexisti justitiam, et odisti iniquitátem : * Propterea unxit te Deus, Deus tuus óleo lætitiæ. ✠. Propter veritátem, et mansuetúdinem, et justitiam. Propterea.

Lectio vj.

DÉNUO quoque per hanc Angeli vocem continéntiæ munus osténditur, virginitas prædicátur. Hi sunt, qui cum muliéribus se non coinquinavérunt : virgines enim permansérunt : hi sunt qui sequúntur Agnum quocúmque ierit. Neque enim tantum másculis continéntiæ grátiam Dóminus repro-míttit, et féminas præterit : sed quóniam fémina viri pórtio est, et ex eo sumpta atque formáta est, in Scriptúris fere ómnibus ad protoplástum Deus lóquitur, quia sunt duo in carne una, et in másculo simul significátur et fémina. Quod si Christum continéntia séquitur, et regno Dei virginitas destinátur : quid est illis cum terréno cultu, et cum ornáméntis, quibus dum homínibus placére géstiunt, Deum offéndunt?

¶ Afferéntur Regi. 104*.

IN III. NOCTURNO

Léctio sancti Evangélii secúndum Matthæum.

Lectio vij. Cap. 19.

IN illo témpore : Accessérunt ad Jesum pharisæi

tentantes eum, et dicentes : Si licet homini dimittere uxorem suam quacúmque ex causa? Et reliqua.

Homilia sancti Joannis

Chrysostomi.

Hom. 63. in Matth., sub
med.

DÓMINUS noster, quia ad virginitatem hortari grave esse videbatur, a necessitate legis de non solvendo matrimonio, eos ad cupiditatem illius trahere studet. Deinde ut eam esse possibilem ostendat, sic inquit : Sunt eunuchi qui ex ventre matris ita nati sunt, et sunt qui ab hominibus eunuchi facti sunt, et sunt qui seipsos castraverunt propter regnum cælorum. Quibus verbis latenter eos ad eligendam virginitatem inducit, dum eam virtutem esse possibilem adstruit.

¶ Hæc est Virgo sapiens, quam Dominus vigilantem invenit, quæ, acceptis lampadibus, sumpsit secum oleum : * Et veniente Domino, introivit cum eo ad nuptias. ¶ Média nocte clamor factus est : Ecce sponsus venit, exite obviam ei. Et.

Lectio viij.

ID autem hoc fere modo confirmat. Cógita tecum, si aut a natura talis esses, aut ab hominibus eam inju-

riam passus, quid faceres, cum et ejusmodi voluptate careres, et nullam carendo mercedem consequeris? Grátias igitur nunc Deo agas, quod cum mercede atque coronis idem sustines, quod illi sine coronis ac præmio tolerant : imo vero non idem, sed multo levius; tum quia spe erigeris, et conscientia recte facti; tum quia non ita ingentibus concupiscentiæ fluctibus jactaris.

¶ Média nocte clamor factus est : * Ecce sponsus venit, exite obviam ei. ¶ Prudentes virgines, aptate vestras lampades. Ecce. Glória Patri. Ecce.

Lectio ix.

CUM ergo de illis eunuchis dixerit, qui nisi etiam ipsi mente se contineant, frustra et inutiliter tales sunt; ac de illis, qui ut regnum cælorum consequantur, se continent, subjunxit rursus, dicens : Qui potest capere, capiat : ut alacriores efficiat eo ipso, quod grave esse opus ostendit, et ineffabili benignitate sua nolit eam rem intra necessitatem legis concludere : idque dicendo, adhuc magis possibilem esse demonstrat, ut voluntatis studium plus augeatur.

Te Deum laudamus. 16.

COMMUNE SANCTÆ MARTYRIS TANTUM

ET NEC VIRGINIS NEC MARTYRIS

IN I. VESPERIS

Ant. de Laud. 117; Pss. ut in I. Vesp. de Comm. Virg. 95*.*

Pro Martyre tantum.

Capitulum. Eccli. 51.

CONFITĒBOR tibi Dómine Rex, et colaudábo te Deum Salvatórem meum. Confitébor nómini tuo: quóniam adjutor et protector factus es mihi, et liberásti corpus meum a perditione.

Pro nec Virg. nec Mart.

Capitulum. Prov. 31. b

MULIEREM fortem quis inveniet? procul, et de ultimis finibus pretium ejus. Confidit in ea cor viri sui, et spoliis non indigebit.

Hymnus.

FORTEM virili pectore
Laudemus omnes feminam,

Quæ sanctitatis glória
Ubique fulget inclyta.

Hæc sancto amore saucia,
Dum mundi amorem noxium
Horrescit, ad cælestia
Iter perégit arduum.

Carnem domans jejuniis,
Dulcique mentem pábulo
Orationis nútriens,
Cæli potitur gaudiis.

Rex Christe virtus fortium,
Qui magna solus efficis,
Hujus precatu, quæsumus,
Audi benignus supplices.

Deo Patri sit glória,
Ejusque soli Filio,

Cum Spiritu Paráclito,
Nunc et per omne sæculum.
Amen.

Ÿ. Spécie tua et pulchritudine tua. R. Intende, prospere procéde, et regna.

Ad Magnif. Ant. Simile est regnum cælorum * hómini negotiátóri quærénti bonas margaritas : invénta una pretiósá, dedit ómnia sua, et comparávit eam.

Pro una Martyre tantum.

Oratio.

DEUS, qui inter cætera potentiae tuæ miracula, étiam in sexu fragili victoriam martyrii contulisti : concède propitius; ut qui beátæ *N. Martyris* tuæ natalitia cólimus, per ejus ad te exémpia gradiámur. Per.

Pro plur. Martyr. tantum.

Oratio.

DA nobis, quæsumus Dómine Deus noster, sanctarum Mártyrum tuarum *N. et N.* palmas incessábili devotiône venerári : ut quas digna mente non póssumus celebráre, humilibus saltem frequentémus obséquiiis. Per Dóminum.

Pro nec Virg. nec Mart.

Oratio.

EXÁUDI nos Deus salutáris noster : ut sicut de beátæ *N. festivitáte* gaudémus; ita piæ devotiónis erudiámur afféctu. Per Dóminum.

AD MATUTINUM

Invitat. Laudémus Deum nostrum, * In confessióne beátæ N.

Ps. Venite, exsultémus. 2.

Hymnus.

HUJUS orátu Deus alme nobis

Débitas pœnas scélerum remitte :

Ut tibi puro resonémus al-
mum

Péctore carmen.

Sit decus Patri, genitæque
Proli,

Et tibi compar utriúsque
virtus

Spiritus semper, Deus unus
omni

Témporis ævo. Amen.

Ant., Pss. et VV. in tribus Noct. dicuntur ut in Comm. Virg. 98*, excepta secunda Ant. I. Noct., cujus loco dicitur Ant. Læva ejus. ut ibidem.

IN I. NOCTURNO

Lect. I. Noct. pro Martyre tantum, leguntur ut supra. Confitébor. 109*.

Pro nec Virg. nec Mart., ut sequuntur.

De Parábolis Salomónis.

Lectio j. Cap. 31. b

MULIÈREM fortem quis invéniet? procul, et de últimis finibus prétium ejus. Confidit in ea cor viri sui, et spóliis non indigébit. Reddet ei bonum, et non malum, ómnibus diébus vitæ suæ. Quæsivit lanam et linum, et operáta est consilio mánuum suárum. Facta est

quasi navis institóris, de longe portans panem suum. Et de nocte surrexit, deditque prædam domésticis suis, et cibária ancillis suis. Considerávit agrum, et emit eum : de fructu mánuum suárum plantávit vineam. Accinxit fortitúdine lumbos suos, et roborávit bráchium suum.

R. Veni elécta mea, et ponam in te thronum meum : * Quia concupívit Rex spéciem tuam. **V.** Spécie tua et pulchritúdine tua inténde, prospere procéde, et regna. Quia.

Bened. Unigénitus Dei.

Lectio ij.

CUSTÁVIT, et vidit quia bona est negotiatio ejus : non exstinguétur in nocte lucérna ejus. Manum suam misit ad fórtia, et dígití ejus apprehendérunt fusum. Manum suam aperuit inopi, et palmas suas exténdit ad páuperem. Non timébit dómui suæ a frigóribus nivis : omnes enim doméstici ejus vestiti sunt duplicibus. Stragulátam vestem fecit sibi : byssus et púrpura induméntum ejus. Nóbilis in portis vir ejus, quando séderit cum senatóribus terræ. Sindonem fecit, et véndidit, et cingulum trádedit Chananéó.

R. Diffúsa est grátia in lábiis tuis : * Proptérea benedixit te Deus in ætérnum. **V.** Spécie tua et pulchritú-

dine tua inténde, prospere procéde, et regna. Propterea.

Bened. Spiritus sancti grátia.

Lectio iij.

FORTITUDO et decor indumentum ejus, et ridébit in die novissimo. Os suum apérui sapientiae, et lex clementiae in lingua ejus. Considerávit sémitas domus suae, et panem otiosa non comédit. Surrexerunt filii ejus, et beatissimam praedicaverunt : vir ejus, et laudávit eam. Multae filiae congregaverunt divitias : tu supergressa es universas. Fallax grátia, et vana est pulchritudo : mulier timens Dóminum, ipsa laudábitur. Date ei de fructu manuum suarum : et láudent eam in portis ópera ejus.

R. Spécie tua et pulchritudine tua * Inténde, prospere procéde, et regna. **V.** Diffusa est grátia in lábiis tuis, propterea benedixit te Deus in aeternum. Inténde. Glória Patri. Inténde.

IN II. NOCTURNO

Ex libro sancti Ambrósii
Episcopi de Viduis.

Prope finem.

Lectio iv.

AGRUM hunc Ecclesiae fértilem cerno, nunc integritatis flore vernantem, nunc viduitatis gravitate pollentem, nunc etiam conjugii fructibus redundantem. Nam etsi diversi, unius ta-

men agri fructus sunt : nec tanta hortorum lilia, quantae aristae segetum, messium spicae : compluriumque spatia camporum recipiendis aptantur seminibus, quam redditis novales fructibus feriantur. Bona ergo viduitas, quae toties apostolico iudicio praedicatur. Haec enim magistra fidei, magistra est castitatis.

R. Propter veritatem, et mansuetudinem, et justitiam : * Et deducet te mirabiliter dextera tua. **V.** Spécie tua et pulchritudine tua inténde, prospere procéde, et regna. Et.

Bened. Christus perpétuae.

Lectio v.

UNDE et illi qui deorum suorum adultéria et probra venerantur, coelibatus et viduitatis statuere poenas, ut aemuli criminum mulctarent studia virtutum, spécie quidem, qua fecunditatem quaererent, sed studio, quo propositum castitatis abolerent. Nam confectis et miles stipendiis arma deponit, et relicto officio quod gerébat, ad propria veteranus rura dimittitur, ut et ipse exercitae laboribus vitae requiem consequatur; et alios spes futurae quietis subeundis faciat operibus promptiores. Agricola quoque maturior torquendam aliis stivam committit, et juvenili gravatus opere providentiam curae

senilis explórat : vitem faci-
lius tondére, quam prémere,
ut juvenescéntem luxúriam
réprimat, et adolescéntem
lasciviam falce succídat :
parcórum quamdam pártu-
um castitátem docens étiam
in vítibús expeténdam.

R. Dilexisti justítiam, et
odisti iniquitátem : * Pro-
ptérea unxit te Deus, Deus
tuus óleo lætitiæ. **V.** Propter
veritátem, et mansuetúdi-
nem, et justítiam. Proptérea.

Bened. Ignem sui amóris.

Lectio vj.

SÍMILIS huic vidua velut
seméritis veterána stipén-
diis castitátis, etsi conjúgii
arma depónat, domus ta-
men totius pacem gubérnat :
etsi vehéndis onéribus otíó-
sa, maritándis tamen junió-
ribus próvida, ubi cultus
utilior, ubi fructus ubérior
sit, quarum cópulam aptió-
rem, senili gravitáte dispó-
nit. Itaque si maturióribus
quam junióribus committi-
tur ager, cur putes utiliórem
nuptam esse quam viduam?
Quod si persecutóres fidei
persecutóres fuérunt étiam
viduitátis : útique fidem se-
quéntibus vidúitas non pro
supplicio fugiéndam est, sed
tenéndam pro præmio.

R. Fallax grátia, et vana
est pulchritúdo : * Múlier
timens Deum, ipsa laudábi-
tur. **V.** Date ei de fructu má-
nuum suárum, et láudent
eam in portis ópera ejus.
Múlier. Glória. Múlier.

IN III. NOCTURNO

Léctio sancti Evangélii se-
cúndum Matthæum.

Lectio vij. Cap. 13. f

IN illo témpore : Dixit Jesus
discípulis suis parábolam
hanc : Símile est regnum
cælórum thesaúro abscón-
dito in agro. Et réliqua.

Homília sancti Gregórii
Papæ.

Homil. 11. in Evang.

CÆLÓRUM regnum, fratres
caríssimi, idcirco terré-
nis rebus símile dicitur, ut
ex his quæ ánimus novit,
surgat ad incógnita quæ non
novit : quátenus exémplo
visibílium se ad invisibília
rápiat, et per ea, quæ usu
didicit, quasi confricátus in-
caléscat : ut per hoc, quod
scit notum dilígere, discat
et incógnita amáre. Ecce
enim cælórum regnum the-
saúro abscóndito in agro
comparátur : quem qui ín-
venit homo, abscóndit, et
præ gáudio illíus vadit, et
vendit univérsa quæ habet,
et emit agrum illum.

R. Os suum aperuit sapién-
tiæ, et lex cleméntiæ in lingua
ejus : considerávit sémitas
domus suæ,* Et panem otíósa
non comédit. **V.** Gustávit, et
vidit quia bona est negotiá-
tio ejus : non exstinguétur in
nocte lucérna ejus. Et.

Bened. Cujus festum cóli-
mus.

Lectio viij.

QUA in re hoc quoque no-
tándum est, quod invén-

tus thesáurus absconditur, ut servétur : quia stúdi-
um cæléstis desidérii a malignis
spirítibus custodire non sú-
ficit, qui hoc ab humánis
láudibus non abscondit. In
præsénti etenim vita, quasi
in via sumus, qua ad pá-
triam pèrgimus. Maligni au-
tem spirítus iter nostrum
quasi quidam latrúnculi ób-
sident. Deprædári ergo de-
siderat, qui thesáurum pú-
blice portat in via. Hoc autem
dico, non ut próximi ópera
nostra bona non videant,
cum scriptum sit : Videant
ópera vestra bona, et glori-
ficient Patrem vestrum, qui
in cælis est : sed ut per hoc,
quod ágimus, láudes exté-
rius non quæramus. Sic au-
tem sit opus in público, quá-
tenus inténtio máneat in
occúlto : ut et de bono ópere
proximis præbeamus exem-
plum, et tamen per intenti-
onem, qua Deo soli placere
quærimus, semper optémus
secrétum.

R. Regnum mundi, et
omnem ornátum sæculi con-
témpsi, propter amórem Dó-
mini mei Jesu Christi : *
Quem vidi, quem amávi, in
quem credidi, quem diléxi.
V. Eructávit cor meum ver-
bum bonum : dico ego ópera
mea Regi. Quem. Glória Pa-
tri. Quem.

Bened. Ad societátem.

Lectio ix.

THESÁURUS autem cæléste
est desidérium : ager

vero, in quo thesáurus
absconditur, disciplína stú-
dii cæléstis. Quem profecto
agrum, vénditis ómnibus,
cómparat, qui voluptátibus
carnis renúntians, cuncta
sua terréna desidéria per
disciplínæ cæléstis custó-
diam calcat : ut nihil jam,
quod caro blanditur, libeat ;
nihil quod carnálem vitam
trucidat, spirítus perhor-
réscat.

Te Deum laudámus. 16.

AD LAUDES

ET PER HORAS

Ant. 1. Dum esset Rex * in
accúbitu suo, nardus mea
dedit odórem suavitátis.

Ps. Dóminus regnávít. **cum**
reliq. 17.

2. In odórem * unguentó-
rum tuórum cúrrimus : ado-
lescéntulæ dilexérunt te ni-
mis.

3. Jam hiems tránsiit, *
imber ábiit, et recéssit : surge
amica mea, et veni.

4. Veni elécta mea, * et po-
nam in te thronum meum,
allelúia.

5. Ista est speciósa * inter
filias Jerúsalem.

Pro Martyre tantum.

Capitulum. Eccli. 51.

CONFITÉBOR tibi Dómine
Rex, et collaudábo te
Deum Salvatórem meum.
Confitébor nómini tuo : quó-
niam adjútor et protéctor
factus es mihi, et liberásti
corpus meum a perditio-
ne.

Pro nec Virgine nec Martyre.

Capitulum. Prov. 31. b

MULIEREM fortem quis inveniet? procul, et de ultimis finibus pretium ejus. Confidit in ea cor viri sui, et spoliis non indigebit.

Hymnus.

FORTEM virili pectore
Laudemus omnes feminam,

Quæ sanctitatis gloria
Ubique fulget inclyta.

Hæc sancto amore saucia,
Dum mundi amorem noxium

Horrêscit, ad cælestia
Iter perêgit arduum.

Carnem domans jejuniis,
Dulcique mentem pabulo
Orationis nutriens,
Cæli potitur gaudiis.

Rex Christe virtus fortium,

Qui magna solus efficis,
Hujus precatu, quæsumus,
Audi benignus supplices.

Deo Patri sit gloria,
Ejusque soli Filio,
Cum Spiritu Paráclito,
Nunc et per omne sæculum.
Amen.

Ÿ. Diffusa est gratia in labiis tuis. R. Propterea benedixit te Deus in ætérnum.

Ad Bened. Ant. Date ei *
de fructu manuum suarum,
et laudent eam in portis
opera ejus.

Pro una Martyre tantum.

Oratio.

DEUS, qui inter cætera
potentiæ tuæ miracula
etiam in sexu fragili victo-

riam martyrii contulisti :
concède propitius; ut qui
beatæ N. Martyris tuæ natalitia colimus, per ejus ad te
exempla gradiamur. Per.

Pro pluribus Martyribus
tantum. Oratio.

DA nobis, quæsumus Dómine Deus noster, sanctarum Martyrum tuarum N. et N. palmas incessabili devotione venerari : ut quas digna mente non possumus celebrare, humilibus saltem frequentemus obsequiis. Per Dóminum.

Pro nec Virgine nec Martyre.
Oratio.

EXAUDI nos Deus salutaris noster : ut, sicut de beatæ N. festivitáte gaudemus; ita piæ devotionis erudiámur affectu. Per Dóminum.

AD TERTIAM

Ant. In odorem.

Pro Martyre tantum.

Capit. Confitebor. 117*.

Pro nec Virgine nec Martyre.

Capit. Mulierem fortem.

R. br. Spécie tua * Et pulchritudine tua. Spécie. Ÿ. Intende, prospere procede, et regna. Et. Glória Patri. Spécie.

Ÿ. Adjuvabit eam Deus vultu suo. R. Deus in medio ejus, non commovebitur.

AD SEXTAM

Ant. Jam hiems tránsiit.

Pro Martyre tantum.

Capitulum. Eccli. 51.

LIBERÁSTI me secúndum multitudinem misericordiæ nóminis tui a rugienti-

bus præparátis ad escam, de
mánibus quæréntium áni-
mam meam, et de multis tri-
bulatióibus quæ circumde-
derunt me.

Pro nec Virgine nec Martyre.

Capitulum. Prov. 31. c

MANUM suam aperuit inopi,
et palmas suas extendit
ad páuperem. Non timébit
dómui suæ a frigóribus ni-
vis.

R. br. Adjuvabit eam *
Deus vultu suo. Adjuvabit.

V. Deus in médio ejus, non
commovébitur. Deus. Gló-
ria Patri. Adjuvabit.

V. Elégit eam Deus, et
præelégit eam. *R.* In taber-
náculo suo habitare facit
eam.

AD NONAM

Ant. Ista est speciósa.

Pro Martyre tantum.

Capitulum. Eccli. 51.

LAUDÁBIT usque ad mortem
ánima mea Dóminum,
quóniam éruis sustinéntes
te, et liberas eos de manu
angústiae, Dómine Deus no-
ster.

Pro nec Virgine nec Martyre.

Capitulum. Prov. 31. d

MULTÆ filiæ congregavé-
runt divítias: tu super-
gréssa es univérsas. Fallax
grátia, et vana est pulchri-
túdo: múlter timens Dómi-
num, ipsa laudábitur.

R. br. Elégit eam Deus,
* Et præelégit eam. Elégit.

V. In tabernáculo suo habi-
tare facit eam. Et. Glória
Patri. Elégit.

V. Diffúsa est grátia in lá-
biis tuis. *R.* Proptérea bene-
dixit te Deus in ætérnum.

IN II. VESPERIS

Ant. de Laud.; Pss. ut in
I. Vesperis de Comm. Virg.
95.*

Capit. et Hymnus ut ad
Laud.

V. Diffúsa est grátia in lá-
biis tuis. *R.* Proptérea bene-
dixit te Deus in ætérnum.

Ad Magnif. Ant. Manum
suam * aperuit inopi, et pal-
mas suas extendit ad páupe-
rem, et panem otíosa non
comédit.

Si fuerint plures non
Virg., idem sit Officium ut
supra. 113.*

II. LECTIONES

PRO MARTYRE TANTUM

IN II. NOCTURNO

Sermo sancti Joánnis
Chrysóstomi.

Serm. 67. de diversis
novi Testamenti locis.

Lectio iv.

EGO máxime commemora-
tiónes diligo Mártyrum,
diligo, et ampléctor; atque
omnes quidem, sed tum præ-
cípue, cum mulierum certá-
mina proponúntur. Quanto
enim infirmius est vas, tanto
major est grátia, tanto illú-
strius est trophæum, tanto
insígnior est victória, non ob
imbecillitatem sexus athle-
tárum, sed quod per ea,
quibus vicerat inimicus,
nunc étiam vincátur.

R. Propter veritatem, et

mansuetúdinem, et justitiam : * Et dedúcet te mirabiliter dextera tua. *Ÿ.* Spécie tua et pulchritúdine tua inténde, prospere procéde, et regna. Et dedúcet.

Lectio v.

PER mulierem vicit, per mulierem superátus est. Hoc illius ántea telum erat : hoc illius nunc cædis factum est instruméntum, hoc vas apparuit insuperábile. Peccávit illa prior, et mórtua est : ista mórtua est, ne peccáret. Illa tum fútilis promissi spe infláta, Dei leges violávit : hæc vitam præsentem contempsit, ne fidem in suum benefactórem ejuráret. Quam igitur deinceps speráre póterunt excusatió-nem viri, si molles sint, et ignávi; quam vero véniam, cum fórtiter ac viriliter se gerant mulieres, cum ádeo

se generóse ad certámina pietátis accíngant?

Ÿ. Dilexisti justitiam, et odisti iniquitátem : * Proptérea unxit te Deus, Deus tuus óleo lætitiæ. *Ÿ.* Propter veritátem, et mansuetúdinem, et justitiam. Proptérea unxit.

Lectio vj.

FUIT illi corpus imbecillum, et obnoxius sexus injúriæ; verúmtamen ómnium horum imbecillitátem advéniens grátia occultávit. Nihil enim est, nihil plane poténtius est eo, qui magno cum stúdio Dei timórem hábeat in mente defixum; sed quamvis ignes, quamvis ferrum, quamvis béstias, quamvis áliud quidvis minéntur hostes, ómnia nullo negótio contémnit; quod útique Beáta ista étiam fecit.

Ÿ. Fallax grátia. 116*.

COMMUNE DEDICATIONIS ECCLESIAE

IN I. VESPERIS

Ant. de Laud. 131* ; Pss. ut in I. Vesp. de Comuni Apost. 2*, et loco ultimi, Psalmus 147.

LÁUDA Jerúsalem Dóminum : * láuda Deum tuum Sion. Quóniam confortávit seras portárum tuárum : * benedíxit filiis tuis in te.

Qui pósuit fines tuos pacem : * et ádipe fruménti sátiat te.

Qui emíttit elóquium suum terræ : * velóciter currit sermo ejus.

Qui dat nivem sicut lanam : * nébulam sicut cinerem spargit.

Mittit crystállum suam sicut buccéllas : * ante fáciem frigoris ejus quis sustinébit?

Emittet verbum suum, et liquefáciét ea : * flabit spíritus ejus, et fluent aquæ.

Qui annúntiat verbum suum Jacob : * justitias, et judícia sua Israël.

Non fecit táliter omni ná-
tióni : * et judícia sua non
manifestávit eis.

Capitulum. Apoc. 21.

VIDI civitátem sanctam Je-
rúsalem novam descen-
déntem de cælo a Deo,
parátam sicut sponsam or-
nátam viro suo.

Hymnus.

CÆLÉSTIS urbs Jerúsalem,
Beáta pacis visio,
Quæ celsa de vivéntibus
Saxis ad astra tólleris,
Sponsæque ritu cingeris
Mille Angelórum millibus.

O sorte nupta próspéra,
Dotáta Patris glória,
Respérsa Sponsi grátia,
Regina formosíssima,
Christo jugáta Principi,
Cæli corúsca civitas.

Hic margaritis émicant,
Paténtque cunctis óstia :
Virtúte namque prævia
Mortális illuc dúcitur,
Amóre Christi pércitus
Torménta quisquis sústinet.

Scalpri salúbris íctibus,
Et tunsióné plúrima,
Fabri polita málleo
Hanc saxa mollem cón-
struunt,

Aptisque juncta nélixibus
Locántur in fastigio.

Decus Parénti débitum
Sit usquequáque Altissimo,
Natóque Patris único,
Et inclyto Paráclito,
Cui laus, potéstas, glória
Ætérna sit per sæcula.

Amen.

Ÿ. Hæc est domus Dómini
firmiter ædificáta. R. Bene

fundáta est supra firmam
petram.

Ad Magnif. Ant. Sanctifi-
cávit Dóminus * taberná-
culum suum : quia hæc est
dómus Dei, in qua invocá-
bitur nomen ejus, de quo
scriptum est : Et erit nomen
meum ibi, dicit Dóminus.

**In ipso die Dedicationis
Ecclesiæ, et per Octavam,
et quando varianda est Ora-
tio ob concursum Dedic-
tionis alterius Ecclesiæ.**

Oratio.

DEUS, qui invisibiliter
dómnia cóntines, et tamen
pro salúte géneris humáni
signa tuæ poténtiæ visibiliter
osténdis : templum hoc po-
téntia tuæ inhabitatiónis il-
lústra, et concéde ; ut omnes,
qui huc deprecáturi convé-
niunt, ex quacúmque tribu-
latiône ad te clamáverint,
consolatiónis tuæ beneficia
consequántur. Per Dñm.

**In Anniversario Dedic-
tionis Ecclesiæ et per Oct.**

Oratio.

DEUS, qui nobis per sín-
gulos annos hujus sancti
templi tui consecratiónis ré-
paras diem, et sacris semper
mystériis repræséntas incó-
lumes : exáudi preces pópuli
tui, et præsta ; ut quisquis
hoc templum beneficia peti-
túrus ingréditur, cuncta se
impetrásse lætétur. Per.

AD MATUTINUM

Invit. Domum Dei decet
sanctitúdo : * Sponsum ejus
Christum adorémus in ea.

Ps. Veníte, exsultémus. 2.

Hymnus Cæléstis Urbs. ut supra.

IN I. NOCTURNO

Ant. Tóllite * portas principes vestras, et elevámini portæ æternáles.

Psalmus 23.

DÓMINI est terra, et plenitúdo ejus : * orbis terrarum, et universi, qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accipiet benedictiónem a Dómino : * et misericórdiam a Deo salutári suo.

Hæc est generátio quæréntium eum, * quæréntium faciém Dei Jacob.

Attóllite portas principes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas principes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Tóllite portas prin-

cipes vestras, et elevámini portæ æternáles.

Ant. Erit mihi * Dóminus in Deum, et lapis iste vocábitur domus Dei.

Psalmus 45.

DEUS noster refúgium, et virtus : * adjútor in tribulatió nibus, quæ invenérunt nos nimis.

Proptérea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis ímpetus lætíficat civitátem Dei : * sanctificávit tabernáculum suum Altissimus.

Deus in médio ejus, non commovébitur : * adjuvábít eam Deus mane dilúculo.

Conturbátæ sunt gentes, et inclináta sunt regna : * dedit vocem suam, mota est terra.

Dóminus virtútum nobiscum : * suscep tor noster Deus Jacob.

Veníte, et vidéte ópera Dómini, quæ pósuit prodígia super terram : * áuferens bella usque ad finem terræ.

Arcum cónteret, et confrínget arma : * et scuta combúret igni.

Vacáte, et vidéte quóniam ego sum Deus : * exaltábor in géntibus, et exaltábor in terra.

Dóminus virtútum nobis-

cum : * suscēptor noster
Deus Jacob.

Ant. Erit mihi Dóminus
in Deum, et lapis iste vocá-
bitur domus Dei.

Ant. Ædificávit * Móyses
altáre Dómino Deo.

Psalmus 17.

MAGNUS Dóminus et laudá-
bilis nimis * in civitáte
Dei nostri, in monte sancto
ejus.

Fundátur exsultatióne uni-
vērse terræ mons Sion, *
látera Aquilónis, civitas Re-
gis magni.

Deus in dómibus ejus
cognoscétur, * cum suscipiet
eam.

Quóniam ecce reges terræ
congregáti sunt : * convené-
runt in unum.

Ipsi vidéntes sic admiráti
sunt, conturbáti sunt, com-
móti sunt : * tremor apprehé-
ndit eos.

Ibi dolóres ut parturién-
tis, * in spíritu veheménti
cónteres naves Tharsis.

Sicut audívimus, sic vidi-
mus in civitáte Dómini vir-
tutum, in civitáte Dei no-
stri : * Deus fundávit eam in
æternum.

Suscēpimus Deus miseri-
córdiam tuam, * in médio
templi tui.

Secúndum nomen tuum
Deus, sic et laus tua in fines
terræ : * justitia plena est
dextera tua.

Lætétur mons Sion, et ex-
súltent filiæ Judæ, * propter
judicia tua Dómine.

Circúmdate Sion, et com-
plectímmini eam : * narráte in
túrribus ejus.

Pónite corda vestra in vir-
tute ejus : * et distribúite do-
mos ejus, ut enarrétis in
progénie áltera.

Quóniam hic est Deus,
Deus noster in æternum, et
in sæculum sæculi : * ipse
reget nos in sæcula.

Ant. Ædificávit Móyses al-
táre Dómino Deo.

Ŷ. Domum tuam Dómine
deceat sanctitúdo. **R̃.** In lon-
gitudinem diérum.

Pater noster.

Absol. Exáudi Dómine.

Ŷ. Jube domne.

Bened. Benedictióne per-
pétua.

De libro secúndo Paralí-
pómenon.

Lectio j. Cap. 7.

CUM complēsset Sálomon
fundens preces, ignis de-
scéndit de cælo, et devorá-
vit holocáusta et víctimas :
et majéstas Dómini implévit
domum. Nec póterant sa-
cerdótes ingredi templum
Dómini, eo quod implēsset
majéstas Dómini templum
Dómini. Sed et omnes filii
Israël vidébant descendén-
tem ignem, et glóriam Dó-
mini super domum : et cor-
ruéntes proni in terram su-
per paviméntum stratum
lápide, adoravérunt, et lau-
davérunt Dóminum : Quó-
niam bonus, quóniam in sæ-
culum misericórdia ejus.
Rex áutem, et omnis pópulus

immolábant victimas coram Dómino. Mactávit igitur rex Sálomon hóstias, boum viginti duo millia, arietum centum viginti millia : et dedicávit domum Dei rex, et univérsus pópulus.

R. In dedicatióne templi decantábat pópulus láudem :
* Et in ore eórum dulcis resonábat sonus. **V.** Fundáta est domus Dómini supra vérticem móntium, et vénient ad eam omnes gentes. Et.

Bened. Unigénitus Dei Filius.

Lectio ij.

SACERDÓTES áutem stabant in officiis suis : et Levitæ in órganis cárminum Dómini, quæ fecit David rex ad laudándum Dóminum : Quóniam in ætérnum misericórdia ejus, hymnos David canéntes per manus suas : porro sacerdótes canébant tubis ante eos, cunctúsque Israël stabat. Sanctificávit quoque Sálomon médium átrii ante templum Dómini : obtúlerat enim ibi holocáusta, et ádipes pacificórum : quia altáre æneum, quod fécerat, non póterat sustinére holocáusta et sacrificia et ádipes. Fecit ergo Sálomon solemnitátem in témpore illo septem diébus, et omnis Israël cum eo, ecclésia magna valde, ab intróitu Emath usque ad Torrénthem Ægypti. Fecítque die octávo colléctam, eo quod dedicásset altáre septem diébus, et so-

lemnitátem celebrásset diébus septem.

R. Fundáta est domus Dómini supra vérticem móntium, et exaltáta est super omnes colles : * Et vénient ad eam omnes gentes, et dicent : Glória tibi Dómine. **V.** Veniéntes áutem vénient cum exsultatióne, portántes manipulos suos. Et.

Bened. Spiritus sancti grátia.

Lectio iij.

COMPLEVÍTQUE Sálomon domum Dómini, et domum regis, et ómnia quæ disposúerat in corde suo, ut fáceret in domo Dómini, et in domo sua, et prosperátus est. Appáruit áutem ei Dóminus nocte, et ait : Audivi oratióem tuam, et elégi locum istum mihi in domum sacrificii. Si cláusero cælum, et plúvia non flúxerit, et mandávero et præcépero locústæ, ut dévoret terram, et misero pestiléntiam in pópulum meum : convérsus áutem pópulus meus, super quos invocátum est nomen meum, deprecátus me fúerit, et exquisierit fáciem meam, et égerit pœniténtiam a viis suis péssimis : et ego exáudiam de cælo, et propítius ero peccátis eórum, et sanábo terram eórum. Oculi quoque mei erunt apérti, et áures meæ eréctæ ad oratióem ejus qui in loco isto oráverit. Elégi enim, et sanctificávi locum istum, ut sit

nomen meum ibi in sempiternum, et permaneant oculi mei et cor meum ibi cunctis diebus.

R. Benedic Dómine domum istam, quam ædificávi nómini tuo : veniéntium in loco isto, * Exáudi preces in excélso sólio glóriæ tuæ. **V.** Dómine, si convérsus fúerit pópulus tuus, et oráverit ad sanctuárium tuum. Exáudi. Glória Patri. Exáudi.

IN II. NOCTURNO

Ant. Non est hic áliud, * nisi domus Dei, et porta cæli.

Psalmus 83.

QUAM dilécta tabernacula tua Dómine virtutum : * concupiscit, et déficit ánima mea in átria Dómini.

Cor meum, et caro mea * exsultavérunt in Deum vivum.

Etenim passer invénit sibi domum : * et turtur nidum sibi, ubi ponat pullos suos.

Altária tua Dómine virtutum : * rex meus, et Deus meus.

Beáti, qui hábitant in domo tua Dómine : * in sæcula sæculórum laudábunt te.

Beátus vir, cujus est auxilium abs te : * ascensiónes in corde suo dispósuit, in valle lacrymárum in loco, quem pósuit.

Etenim benedictiónem dabit legislátor, ibunt de virtute in virtutem : * vidébitur Deus deórum in Sion.

Dómine Deus virtutum,

exáudi oratióem meam : * áuribus pèrcipe Deus Jacob.

Protéctor noster ádspice Deus : * et respice in faciém Christi tui :

Quia mélior est dies una in átriis tuis, * super millia.

Elégi abjéctus esse in domo Dei mei : * magis quam habitáre in tabernáculis peccatórum.

Quia misericórdiam, et veritátem diligit Deus : * grátiam et glóriam dabit Dóminus.

Non privábit bonis eos, qui ámbulant in innocéntia : * Dómine virtutum, beátus homo, qui sperat in te.

Ant. Non est hic áliud, * nisi domus Dei, et porta cæli.

Ant. Vidit Jacob scalam, * súmmitas ejus cælos tangébat, et descendéntes Angelos, et dixit : Vere locus iste sanetus est.

Psalmus 86.

FUNDAMÉNTA ejus in montibus sanctis : * diligit Dóminus portas Sion super ómnia tabernacula Jacob.

Gloriósa dicta sunt de te, * civitas Dei.

Memor ero Rahab, et Babilónis * sciéntium me.

Ecce alienigenæ, et Tyrus, et pópulus Æthiopum, * hi fuérunt illic.

Numquid Sion dicet : Homo, et homo natus est in ea : * et ipse fundávit eam Altíssimus?

Dóminus narrábit in scri-

ptúris populórum, et principum : * horum, qui fuérunt in ea.

Sicut lætántium ómnium * habitatio est in te.

Ant. Vidit Jacob scalam, súmmitas ejus cælos tangébat, et descendéntes Angelos, et dixit : Vere locus iste sanctus est.

Ant. Eréxit Jacob * lápidem in titulum, fundens óleum désuper.

Psalmus 87.

DÓMINE Deus salútis meæ : * in die clamávi, et nocte coram te.

Intret in conspéctu tuo oratio mea : * inclína áurem tuam ad precem meam :

Quia repléta est malis ánima mea : * et vita mea inférno appropinquávit.

Æstimátus sum cum descendéntibus in lacum : * factus sum sicut homo sine adjutório, inter mórtuos liber.

Sicut vulneráti dormiéntes in sepúlcris, quorum non es memor ámplius : * et ipsi de manu tua repúlsi sunt.

Posuérunt me in lacu inferióri : * in tenebrósis, et in umbra mortis.

Super me confirmátus est furor tuus : * et omnes fluctus tuos induxísti super me.

Longe fecísti notos meos a me : * posuérunt me abominatióne sibi.

Tráditus sum, et non egrediébar : * óculi mei languérunt præ inópia.

Clamávi ad te Dómine tota die : * expándi ad te manus meas.

Numquid mórtuis fácies mirabilia? * aut médici suscítábunt, et confitebúntur tibi?

Numquid narrábit áliquis in sepúlcro misericórdiam tuam, * et veritátem tuam in perditiónem?

Numquid cognoscéntur in tenebris mirabilia tua : * et justitia tua in terra obliuionis?

Et ego ad te Dómine clamávi : * et mane oratio mea præveniet te.

Ut quid Dómine repéllis oratióne meam : * avértis faciém tuam a me?

Páuper sum ego, et in laboribus a juventúte mea : * exaltátus áutem, humiliátus sum et conturbátus.

In me transiérunt iræ tuæ : * et terróres tui conturbavérunt me.

Circumdedérunt me sicut aqua tota die : * circumdedérunt me simul.

Elongásti a me amicum, et próximum : * et notos meos a miséria.

Ant. Eréxit Jacob lápidem in titulum, fundens óleum désuper.

V. Domus mea. **R.** Domus oratiónis vocábitur.

Pater noster.

Absolutio. Ipsius píetas.

V. Jube domne.

Bened. Deus Pater omnípotens.

Sermo sancti Augustini
Episcopi.

Serm. 252. de Tempore.

Lectio iv.

QUOTIESCÚMQUE, fratres caríssimi, altáris vel templi festivitátem cólimus, si fidéliter ac diligénter atténdimus, et sancte ac juste vivimus, quidquid in templis manufáctis ágitur, totum in nobis spiritali ædificatióne complétur. Non enim mentitus est ille, qui dixit: Templum enim Dei sanctum est, quod estis vos; et iterum: Nescitis, quia cörpera vestra templum sunt Spíritus sancti, qui in vobis est? Et ideo, fratres caríssimi, quia nullis præcedéntibus méritis per grátiam Dei merúimus fieri templum Dei, quantum pòssumus cum ipsíus adjutório laborémus; ne Dóminus noster in templo suo, hoc est, in nobis ipsis invéniat quod óculos suæ majestátis offéndat.

R. Orántibus in loco isto,
* Dimitte peccáta pópuli tui Deus, et osténde eis viam bonam, per quam ámbulent, et da glóriam in loco isto. **V.** Qui regis Israël inténde, qui dedúcis velut ovem Joseph, qui sedes super Chérubim. Dimitte.

Bened. Christus perpétuæ.

Lectio v.

SED habitáculum cordis nostri evacuétur vitiis, et virtútibus repleátur: claudátur diábolo, et aperiátur

Christo: et ita laborémus, ut nobis bonórum óperum clávisbus jánuam regni cælestis aperíre possimus. Sicut enim malis opéribus, quasi quibúsdam seris ac véctibus, vitæ nobis jánuá cláuditur: ita absque dúbio bonis opéribus aperitur. Et ideo, fratres caríssimi, unusquisque consideret consciéntiam suam, et quando se áliquo crimine vulnerátum esse cognóverit, prius oratióibus, jejúniis, vel eleemósynis stúdeat mundáre consciéntiam suam; et sic Eucharístiam præsumat accipere.

R. O quam metuéndus est locus iste: * Vere non est hic áliud, nisi domus Dei et porta cæli. **V.** Hæc est domus Dómini firmiter ædificáta, bene fundáta est supra firmam petram. Vere.

Bened. Ignem sui amóris.

Lectio vj.

SI enim agnóscens reátum suum, ipse se a divíno altári subtráxerit, cito ad indulgéntiam divínæ misericórdiæ pervéniet. Quia sicut, qui se exáltat, humiliábitur; ita e contrário, qui se humiliat, exaltábitur. Qui enim, sicut dixi, agnóscens reátum suum, ipse se humiliter ab altári Ecclesiæ pro emendatióne vitæ removére volúerit, ab ætérno illo et cælesti convívio excommunicári pénitus non timébit.

R. Mane surgens Jacob erigebat lápidem in titulum,

fundens óleum désuper, votum vovit Dómino : * Vere locus iste sanctus est, et ego nesciébam. *Ÿ.* Cumque evigilásset Jacob de somno, ait. Vere. Glória Patri. Vere.

IN III. NOCTURNO

Ant. Qui hábitat * in adjutório Altissimi, in protectione Dei cæli commorábitur.

Quando hæc *Ant.* dicitur integra, et illi non additur in fine Allelúia, tunc incipitur Psalmus idem a secundo Versu : Dicet Dómino.

Psalmus 90.

QUI hábitat in adjutório Altissimi, * in protectione Dei cæli commorábitur.

DICET Dómino : Suscéptor meus es tu, et refúgium meum : * Deus meus sperábo in eum.

Quóniam ipse liberávit me de láqueo venántium, * et a verbo áspero.

Scápolis suis obumbrábit tibi : * et sub pennis ejus sperábis.

Scuto circúmdabit te véritas ejus : * non timébis a timóre noctúrno,

A sagitta volánte in die, a negótio perambulánte in ténebris : * ab incúrsu, et dæmónio meridiáno.

Cadent a látere tuo mille, et decem millia a dextris tuis : * ad te áutem non appropinquábit.

Verúmtamen óculis tuis

considerábis : * et retributionem peccatórum vidébis.

Quóniam tu es Dómine spes mea : * Altissimum posuisti refúgium tuum.

Non accédet ad te malum : * et flagellum non appropinquábit tabernáculo tuo :

Quóniam Angelis suis mandávit de te : * ut custódiant te in ómnibus viis tuis.

In mánibus portábunt te : * ne forte offéndas ad lápidem pedem tuum.

Super áspidem, et basiliscum ambulábis : * et conculcábis leónem et dracónem.

Quóniam in me sperávit, liberábo eum : * prótegam eum, quóniam cognóvit nomen meum.

Clamábit ad me, et ego exáudiam eum : * cum ipso sum in tribulatione : erípiam eum et glorificábo eum.

Longitúdine diérum replébo eum : * et osténdam illi salutáre meum.

Ant. Qui hábitat in adjutório Altissimi, in protectione Dei cæli commorábitur.

Ant. Templum Dómini * sanctum est, Dei structúra est, Dei ædificátio est.

Psalmus 95.

CANTÁTE Dómino cánticum novum : * cantáte Dómino omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis: * terribilis est super omnes deos.

Quóniam omnes dii gén-tium dæmónia: * Dóminus autem cælos fecit.

Conféssio, et pulchritúdo in conspéctu ejus: * sanctimónia, et magnificéntia in sanctificatióne ejus.

Afférte Dómino pátriæ gén-tium, afférte Dómino glóriam et honórem: * afférte Dómino glóriam nómini ejus.

Tóllite hóstias, et introíte in átria ejus: * adoráte Dó-minum in átrio sancto ejus.

Commovéatur a fácie ejus univérsa terra: * dicite in gén-tibus quia Dóminus regnávít.

Etenim corréxit orbem terræ qui non commovébitur: * judicábit pópulos in æquitáte.

Læténtur cæli, et exsúltet terra, commovéatur mare, et plenitúdo ejus: * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit: * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Templum Dómini sanctum est, Dei structúra est, Dei ædificátio est.

Ant. Benedicta * glória

Dómini de loco sancto suo, allelúia.

Psalmus 98.

DÓMINUS regnávít, irascán-tur pópuli: * qui sedet super Chérubim, moveátur terra.

Dóminus in Sion magnus: * et excélsus super omnes pópulos.

Confiteántur nómini tuo magno: quóniam terribile, et sanctum est: * et honor regis judicium diligit.

Tu parásti directiões: * judicium et justítiam in Jacob tu fecísti.

Exaltáte Dóminum Deum nostrum, et adoráte scabél-lum pedum ejus: * quóniam sanctum est.

Móyses et Aaron in sacer-dótibus ejus: * et Sámuël inter eos, qui invocant nomen ejus:

Invocábant Dóminum, et ipse exaudiébat eos: * in columna nubis loquebátur ad eos.

Custodiébant testimónia ejus, * et præcéptum quod dedit illis.

Dómine Deus noster tu exaudiébas eos: * Deus tu propítius fuísti eis, et ul-ciscens in omnes adinven-tiões eórum.

Exaltáte Dóminum Deum nostrum, et adoráte in monte sancto ejus: * quóniam sanctus Dóminus Deus noster.

Ant. Benedicta glória Dómini de loco sancto suo, allelúia.

ŷ. Hæc est domus Dómini firmiter ædificáta. **R.** Bene fundáta est supra firmam petram.

Pater noster.

Absolutio. A vinctulis.

ŷ. Jube domne.

Bened. Evangélica léctio.

Léctio sancti Evangélii secundum Lucam.

Lectio vij. Cap. 19.

IN illo tēpore : Ingréssus Iesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et reliqua.

Homilia sancti Ambrósii
Episcopi.

Lib. 8. in Luc., prope finem.

ZACHÆUS statura pusillus, hoc est, nulla nobilitatis ingénitæ dignitate sublimis, exiguus méritis sicut pópulus natiónum, audito Dómini Salvatóris advéntu, quem sui non recéperant, vidére cupiébat. Sed nemo fáciJe Jesum videt : nemo potest Jesum vidére constitútus in terra. Et quia non prophétas, non legem habébat, tamquam formæ grátiam naturalis, ascéndit in sycómorum, vanitatem scilicet Judæórum vestigio suo próterens, erráta quoque córrigens superiórís ætátis : et ideo Jesum in interiórís domus recépít hospítio.

R. Domus mea, domus oratiónis vocábitur, dicit Dóminus : in ea omnis qui petit, áccipit; et qui quærit,

invenit : * Et pulsánti aperiétur. **ŷ.** Pétite, et accipiétis : quærite, et inveniétis. Et.

Bened. Divinum auxilium.

Lectio viij.

ET bene ascéndit in árbo-rem, ut arbor bona bonos fructus fáceret : ac naturalí excísus oleástro, et contra natúram insértus in bonam olivam, fructum posset legis afférre. Radix enim sancta, etsi rami inútiles : quorum infructuósam glóriam plebs géntium fide resurrectionis, quasi quadam córporis elevatióne transcéndit. Zachæus ergo in sycómoro, cæcus in via : quorum álterum Dóminus miseráturus exspéctat, álterum mansiónis suæ claritate nobilitat : álterum sanatúrus intérogat, apud álterum se non invitátus invitát. Sciébat enim úberem hospitii sui esse mercédem. Sed tamen, etsi nondum vocem invitántis audierat, jam viderat af-féctum.

R. Lápides pretiósí omnes muri tui : * Et turres Jerúsalem gemmis ædificabúntur.

ŷ. Portæ Jerúsalem ex sapphíro et smarágdo ædificabúntur, et ex lápide pretiósó omnis circúitus muri ejus. Et. Glória Patri. Et.

Bened. Ad societátem.

Lectio ix.

VERUM ne cæcum illum tamquam fastidiósí páuperum cito reliquisse videámur, et transísse ad divi-

tem, exspectemus eum, quia exspectavit et Dominus : interrogemus eum, quia interrogavit et Christus. Nos interrogemus, quia nescimus : ille quia nóverat. Nos interrogemus, ut sciámus unde iste curátus sit : ille interrogávit, ut in uno plures disceremus, unde Dóminum vidére mereámur. Interrogávit enim, ut crederemus néminem nisi confitentem posse salvári.

Te Deum laudámus. 16.

AD LAUDES

ET PER HORAS

Ant. 1. Domum tuam Dómine * decet sanctitúdo in longitudínem diérum.

Ps. Dóminus regnávít. **cum reliq. 17.**

2. Domus mea * domus oratiónis vocábitur.

3. Hæc est domus Dómini* firmiter ædificáta, bene fundáta est supra firmam petram.

4. Bene fundáta est * domus Dómini supra firmam petram.

5. Lápides pretiósí* omnes muri tui, et turre Jerúsalem gemmis ædificábuntur.

Capitulum. Apoc. 21.

VIDI civitátem sanctam Jerúsalem novam descendéntem de cælo a Deo, parátam sicut sponsam ornátam viro suo.

Hymnus.

ALTO ex Olýmpi vértice
Summi Paréntis Filius,
Ceu monte deséctus lapis

Terras in imas decídens,
Domus supérnæ, et infimæ,
Utrúmque junxit ángulum.

Sed illa sedes cælitum
Semper resúltat láudibus,
Deúmque Trinum et Unicum
Jugi canóre prædicat :
Illi canéntes júngimur
Almæ Siónis æmuli.

Hæc templa, Rex cælestium,

Imple benigno lúmine :
Huc o rogátus ádveni,
Plebisque vota súscipe,
Et nostra corda júgiter
Perfúnde cæli grátia.

Hic ímpetrent fidélium
Voces precésque súpplicum
Domus beátæ múnera,
Partisque donis gáudeant :
Donec solúti corpore
Sedes beátas impleant.

Decus Parénti débitum
Sit usquequáque Altissimo,
Natóque Patris único,
Et inclyto Paráclito,
Cui laus, potéstas, glória
Ætérna sit persæcula. Amen.

V. Hæc est domus Dómini
firmiter ædificáta. **R.** Bene
fundáta est supra firmam petram.

Ad Bened. Ant. Zachæe *
festinans descende, quia hódie in domo tua opórtet me manére : at ille festinans descendit, et suscepit illum gáudens in domum suam. Hódie huic dómui salus a Deo facta est, allelúia.

In ipso die Dedic. Eccl. et per Oct., et quando varianda est Orat. ob concursum Dedicat. alterius Ecclesiæ.

Oratio.

DEUS, qui invisibiliter ómnia contémnes, et tamen pro salute géneris humani signa tuæ poténtiæ visibiliter osténdis : templum hoc poténtia tuæ inhabitationis illústra, et concede; ut omnes, qui huc deprecáturi convéniant, ex quacúmque tribulatione ad te clamáverint, consolatiónis tuæ beneficia consequántur. Per Dóminum nostrum.

In Anniversario Dedicationis Ecclesiæ, et per Octavam.

Oratio.

DEUS, qui nobis per singulos annos hujus sancti templi tui consecrationis réparas diem, et sacris semper mystériis repræsentas incólumes : exáudi preces pópuli tui, et præsta; ut quisquis hoc templum beneficia petíturus ingreditur, cuncta se impetrásse lætétur. Per.

AD TERTIAM

Ant. Domus mea.

Capit. Vidi civitátem. 131*.

R. br. Domum tuam Dómine * Decet sanctitúdo. Domum. **V.** In longitudinem diérum. Decet. Glória. Domum.

V. Locus iste sanctus est, in quo orat sacerdos. **R.** Pro delictis et peccátis pópuli.

AD SEXTAM

Ant. Hæc est domus Dómini.

Capitulum. Apoc. 21.

ET audiui vocem magnam de throno dicentem :

Ecce tabernáculum Dei cum hominibus, et habitábit cum eis. Et ipsi pópulus ejus erunt, et ipse Deus cum eis erit eórum Deus.

R. br. Locus iste sanctus est, * In quo orat sacerdos. Locus. **V.** Pro delictis et peccátis pópuli. In. Glória Patri. Locus.

V. Hæc est domus Dómini firmiter ædificáta. **R.** Bene fundáta est supra firmam petram.

AD NONAM

Ant. Lápides pretiósí.

Capitulum. Apoc. 21. b

ET abstérget Deus omnem lácrymam ab óculis eórum : et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno : Ecce nova fácio ómnia.

R. br. Hæc est domus Dómini * Firmiter ædificáta. Hæc. **V.** Bene fundáta est supra firmam petram. Firmiter. Glória Patri. Hæc.

V. Bene fundáta est domus Dómini. **R.** Supra firmam petram.

IN II. VESPERIS

Ant., Psalmi, Capitulum et Hymnus ut in I. Vespers. 120*.

V. Domum tuam Dómine decet sanctitúdo. **R.** In longitudinem diérum.

Ad Magnif. Ant. O quam metuéndus est * locus iste : vere non est hic áliud, nisi domus Dei, et porta cæli.

SECUNDA DIE INFRA OCT.

IN I. NOCTURNO

Lect. de Script. occur.

IN II. NOCTURNO

Ex Tractátu sancti Augustini
Episcopi super Psalmos.

In Ps. 121., paulo post init.

Lectio iv.

JERÚSALEM, quæ ædificátur
ut civitas. Fratres, quando
dicébat ista David, perfécta
erat illa civitas, non ædifi-
cabátur. Nescio quam ergo
civitátem dicit, quæ modo
ædificátur, ad quam currunt
in fide lápides vivi; de qui-
bus dicit Petrus: Et vos
tamquam lápides vivi co-
ædificámini in domum spi-
ritálem, id est, templum Dei
sanctum. Quid est, Lápides
vivi coædificámini? Vivis,
si credis: si áutem credis,
efficiéris templum Dei; quia
dicit Apóstolus Páulus: Tem-
plum enim Dei sanctum est,
quod estis vos.

R. Orántibus in loco. 127.**Lectio v.*

IPSA ergo modo civitas ædi-
ficátur. Præcidúntur de
móntibus lápides per ma-
nus prædicántium veritátem,
conquadrántur, ut intrent
in structúram sempitérnám.
Adhuc multi lápides in má-
nibus artificis sunt: non ca-
dant de mánibus artificis, ut
possint perfécti coædificári
in structúram templi. Est
ergo ista Jerúsalem, quæ
ædificátur ut civitas: funda-
méntum ipsíus Christus est.

Dicit Apóstolus Páulus: Fun-
daméntum áliud nemo po-
test pónere præter id, quod
pósitum est, quod est Chri-
stus Jesus.

R. O quam. 127.**Lectio vj.*

FUNDAMÉNTUM quando pó-
nitur in terra, désuper
ædificántur parietes, et pon-
dus parietum ad ima tendit,
quia in imo pósitum est fun-
daméntum. Si áutem fun-
daméntum nostrum in cælo
est, ad cælum ædificémur.
Córpora ædificavérunt istam
structúram, quam vidétis
amplam surrexisse hujus ba-
silicæ: et quia córpora ædi-
ficavérunt, fundaméntum in
imo posuérunt. Quia vero spi-
ritáliter ædificámur, funda-
méntum nostrum in summo
pósitum est. Illuc ergo currá-
mus, ibi ædificémur, quia de
ipsa Jerúsalem dictum est:
Stantes erant pedes nostri in
átriis tuis Jerúsalem.

R. Mane surgens. 127.*

IN III. NOCTURNO

Léctio sancti Evangélíi se-
cúndum Lucam.*Lectio vij. Cap. 19.*

IN illo témpore: Ingréssus
Jesus perambulábat Jéri-
cho. Et ecce vir nómine Za-
cháeus: et hic princeps erat
publicanórum, et ipse dives.
Et réliqua.

De Homilia sancti Ambrósii
Episcopi.*Ex lib. 8. in Luc., in fine.*

ET conféstim, inquit, vidit,
et sequebátur illum, ma-

gnificans Dóminum. Aliter enim non vidéret, nisi sequerétur Christum, nisi Dóminum prædicáret, nisi sæculum præteriret. Cum divítibus quoque in grátiam revertámur. Nólumus enim offéndere divites, qui vólumus, si fieri potest, sanáre omnes : ne in caméli comparatióne præstricti, et in Zachæo citius quam opórtuit, derelicti, justæ hábeant commotiónis offénsam.

¶. Domus mea. 130*.

Lectio viij.

DISCANT divites non in facultátibus crimen hærere, sed in iis, qui uti nesciant facultátibus. Nam divitiæ ut impediménta improbis, ita bonis sunt adjuménta virtútis. Dives certe Zachæus, et eléctus a Christo : sed dimidium bonórum suórum pauperibus largiéndò, reddéndò étiam in quádruplum, quæ fraude sustúlerat, (áalterum enim non sat est, nec habet grátiam liberálitas, si injúria perseverat, quia non spólia, sed dona quæerúntur) uberiórem mercédem quam conferébat, accépit.

¶. Lápides pretiósí. 130*.

Lectio ix.

ET bene princeps indúcitur publicanórum. Quis jam de se despéret, quando et iste, cui census ex fraude, ad salutem pervénit? Et ipse, inquit, dives. Ut scias non omnes divites, aváros. Quia statúra pusillus erat. Quid

sibi vult, quod nullius altérius statúram Scriptúra, nisi hujus expréssit? Vide ne forte malitia pusillus, aut adhuc pusillus fide. Nondum enim réddere promiserat : nondum viderat Christum : mérito adhuc pusillus. Joánnes áutem magnus, quia et Christum vidit, et Spiritum sicut colúmbam super Christum manéntem, sicut ipse ait : Vidi Spiritum descendéntem sicut colúmbam, et manéntem super eum.

Te Deum laudámus. 16.

TERTIA DIE INFRA OCT.

IN I. NOCTURNO

Lect. de Script. occur.

IN II. NOCTURNO

Sermo sancti Augustini Episcopi.

Serm. 256. de Tempore.

Lectio iv.

CELÉBRITAS hujus congregatiónis, dedicatio est domus oratiónis. Domus ergo nostrárum oratiónum ista, domus áutem Dei nos ipsi. Si domus Dei nos ipsi, nos in hoc sæculo ædificámur, ut in fine sæculi dedicémur. Ædificium, imo ædificatio habet labórem; dedicatio exsultatiónem. Quod hic fiébat, quando ista surgébant, hoc fit modo, cum congregántur credéntes in Christum. Credéndò enim, quasi de silvis et móntibus ligna et lápides præcidúntur : cum

vero catechizántur, baptizántur, formántur, tamquam inter manus fabrórur et opíficum dolántur, collineántur, complanántur. Verúm tamen domum Dómini non faciunt, nisi quando caritáte compaginántur.

Ŕ. Orántibus. 127*.

Lectio v.

LIGNA ista et lápides si non sibi certo órdine cohærérent, si non se pacífice innécterent, si non se invicem, cohæréndo sibi, quodámmodo amárent, nemo huc intráret. Dénique quando vides in áliqua fábrica lápides et ligna bene sibi cohærére, secúrus intras, ruínam non times. Volens ergo Dóminus Christus intráre, et in nobis habitáre, tamquam ædificándo dicebat : Mandátum novum do vobis : Ut vos invicem diligátis. Mandátum, inquit, novum do vobis. Véteres enim erátis, domum mihi nondum faciebátis, in vestra ruína jacebátis. Ergo uterúamini a vestræ ruínæ vetustáte, vos invicem amáte.

Ŕ. O quam. 127*.

Lectio vj.

CONSÍDERET ergo caritas vestra, ædificári adhuc istam domum toto, sicut prædictum est et promissum, orbe terrárum. Cum enim ædificátur domus post captivitátem, sicut habet álius Psalmus, dicitur : Cantáte Dómino cánticum novum :

cantáte Dómino omnis terra. Quod ibi dixit, Cánticum novum; hoc Dóminus dixit, Mandátum novum. Quid enim habet cánticum novum, nisi amórem novum? Cantáre amántis est. Vox hujus cantóris, fervor est sancti amóris. Amémus, gratis amémus : Dóminum enim amámus, quo nihil mélius invenimus : ipsum amémus propter ipsum, et nos in ipso, tamen propter ipsum.

Ŕ. Mane surgens. 127*.

IN III. NOCTURNO

Léctio sancti Evangélíi secúndum Lucam.

Lectio vij. Cap. 19.

IN illo témpore : Ingréssus Jesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et réliqua.

De Homilia sancti Ambrósii Epíscopi.

Ex lib. 8. in Luc., prope finem.

QUÆ áutem turba, nisi imperítæ confúsio multitudinis, quæ vérticem nequit vidére sapiéntiæ? Ergo Zachæus quámdiu in turba est, non videt Christum : supra turbam ascéndit, et vidit: hoc est, plebis jam transgressus inscítiam, méruit quem desiderábat, adspicere. Pulchre áutem áddidit : Quia illa parte erat transitúrus Dóminus : vel ubi sycómorus, vel ubi creditúrus : ut te

mystérium serváret, et grátiam semináret. Sic enim vénerat, ut per Judæos transíret ad Gentes.

℞. Domus mea domus orationis. 130*.

Lectio viij.

VIDIT itaque Zachæum sursum. Jam enim sublimitate fidei inter fructus novorum óperum, velut fecundæ altitudínē árboris eminébat. Et quóniam de typo ad moralia defléximus, inter tot credéntium voluptates Dóminica die relaxáre ánimus, festivitatem admiscére delectat. Zachæus in sycómoro, novum videlicet novi témporis pomum, ut in hoc quoque compleretur illud : Arbor fici produxit grossos suos.

℞. Lápides pretiósí. 130*.

Lectio ix.

AD hoc enim Christus advénit, ut ex lignis non poma, sed hómines nasceréntur. Légimus álibi : Cum esses sub árbore fici, vidi te. Ergo Nathánaël sub árbore, hoc est, supradicem, quia justus. Radix enim sancta. Sub árbore tamen Nathánaël, quia sub lege : Zachæus supra árborem, quia supra legem. Ille Dómini occúltus defénsor, hic públicus prædicátor. Ille adhuc Christum ex lege quærébat : iste jam supra legem relinquébat sua, et Dóminum sequebátur.

Te Deum laudámus. 16.

QUARTA DIE INFRA OCT.

IN I. NOCTURNO

Lect. de Script. occur.

IN II. NOCTURNO

De Sermóne sancti Augustini Episcopi.

Ex Serm. 256. de Tempore, paulo post supra.

Lectio iv.

ATTENDITE in psalmo dedicationis, quem modo cantávimus, ex ruína ædificiórum. Conscidisti saccum meum : hoc pértinet ad ruínam. Quid ergo ad ædificium? Et accinxisti me lætítia. Vox dedicationis : Ut cantet tibi glória mea, et non compúngar. Quis est, qui lóquitur? In verbis ejus agnóscite. Si expóno, obscurum est. Ergo verba ejus dicam, continuo agnoscétis loquéntem, ut amétis alloquéntem. Quis est, qui dicere pótuit : Eruisti Dómine ab ínferis ánimam meam?

℞. Orántibus. 127*.

Lectio v.

CUJUS ánimá jam ab ínferis éruta est, nisi de qua dictum est álio loco : Non derelínques ánimam meam in inférno? Propónitur dedicatio, et cantátur liberátio, cánticum dedicationis domus, et dicitur : Exaltábo te Dómine, quóniam suscepisti me : et non jucundásti inimicos meos super me. Atténdite Judæos inimicos, qui se putábant occidisse Christum, vicisse tamquam ini-

micum, perdidisse quasi hominem cæteris similem atque mortalem. **R.** O quam. 127*.

Lectio vj.

RESURREXIT tertia die, et ejus vox est: Exaltabo te Domine, quoniam suscepisti me. Attendite Apostolum dicentem: Propter quod eum exaltavit. Et non jucundasti inimicos meos super me. Ipsi quidem in Christi morte jucundabantur, sed in ejus resurrectione, ascensione, predicatione aliqui compungebantur. In ejus ergo predicatione, et per Apostolorum constantiae diffamationem aliqui compungebantur, et convertebantur: aliqui obdurabantur, et confundebantur, nulli tamen jucundabantur.

R. Mane surgens. 127*.

IN III. NOCTURNO

Lectio sancti Evangelii secundum Lucam.

Lectio vij. Cap. 19.

In illo tempore: Ingressus Jesus perambulabat Jericho. Et ecce vir nomine Zachæus: et hic princeps erat publicanorum, et ipse dives. Et reliqua.

Homilia sancti Gregorii

Papæ.

Lib. 27. **Moralium, cap. 27. post medium.**

Si veraciter sapientes esse, atque ipsam sapientiam contemplari appetimus, stultos nos humiliter cognoscamus. Relinquamus noxiam sapientiam, discamus lau-

dabilem fatuitatem. Hinc quippe scriptum est: Stulta mundi elegit Deus, ut confundat sapientes. Hinc rursum dicitur: Si quis videtur inter vos sapiens esse in hoc sæculo, stultus fiat, ut sit sapiens. Hinc evangelicæ historiæ verba testantur: quia Zachæus cum videre præ turba nihil posset, sycómori arborem ascendit, ut transeuntem Dominum cerneret. Sycómorus quippe ficus fatua dicitur.

R. Domus mea. 130*.

Lectio viij.

PUSILLUS itaque Zachæus sycómorum subiit, et Dominum vidit: quia qui mundi stultitiam humiliter eligunt, ipsi Dei sapientiam subtiliter contemplantur. Pusillitatem namque nostram ad videndum Dominum turba præpedit: quia infirmitatem humanæ mentis, ne lucem veritatis intendant, curarum sæcularium tumultus premit. Sed prudenter sycómorum ascendimus, si provide eam, quæ divinitus precipitur, stultitiam mente tenemus. Quid enim in hoc mundo stultius quam amissa non querere, possessa rapiéntibus relaxare, nullam pro acceptis injuriis injuriam reddere, imo adjunctis aliis patientiam præbere?

R. Lápides pretiosi. 130*.

Lectio ix.

QUASI enim sycómorum nos ascendere Dominus

præcipit, cum dicit : Qui aufert quæ tua sunt, ne repetas. Et rursum : Si quis te percusserit in dexteram maxillam, præbe illi et alteram. Per sycómorum Dóminus tránsiens cérnitur : quia per hanc sapiéntem stultitiam, etsi necdum, ut est, sólide, jam tamen per contemplatiónis lumen Dei sapiéntia quasi in tránsitu vidétur, quam vidére néqueunt qui sibi sapiéntes esse vidéntur : quia ad conspiciéndum Dóminum, in eláta cogitatiónum suárum turba deprehénsi, adhuc sycómori arborem non invenérunt.

Te Deum laudámus. 16.

QUINTA DIE INFRA OCT.

IN I. NOCTURNO

Lect. de Script. occur.

IN II. NOCTURNO

De Sermóne sancti Augustíni
Epíscopi.

Ex Serm. 256. de Tempore.

Lectio iv.

MODO, quando impléntur Ecclesiæ, putámus jucundári Judæos? Ecclesiæ ædificántur, dedicántur, impléntur : quómodo illi jucundántur? Non solum non jucundántur, sed étiam confundúntur, et implétur vox exsultántis : Exaltábo te Dómine, quóniam suscepisti me, et non jucundásti inimicos meos super me. Non jucundásti super me : si mihi credant, jucundábis in me. Ne multa dicámus, ad illa,

quæ cantávimus, aliquándo veniámus. Quómodo dicit Christus : Conscidisti saccum meum, et accinxisti me lætitia? Saccus ejus erat similitúdo carnis peccáti.

℞. Orántibus. 127*.

Lectio v.

NON tibi viléscat, quod ait, Saccum meum : ibi erat inclúsum prétium tuum. Conscidisti saccum meum. Evásimus ad saccum istum. Conscidisti saccum meum. In passióne conscíssus est. Quómodo ergo Deo Patri dicitur : Conscidisti saccum meum? Quómodo Patri dicátur, vis audíre : Conscidisti saccum meum? Quia próprio Filio non pepércit, sed pro nobis ómnibus trádidit illum. Fecit enim per Judæos nesciéntes, unde redimeréntur sciéntes, et confunderéntur negántes. Nesciunt enim quid boni nobis operáti sunt malo suo. Suspénsus est saccus, et quasi lætátus est impius. Conscidit saccum láncea persecútor, et fudit prétium nostrum Redémptor.

℞. O quam. 127*.

Lectio vj.

CANTET Christus Redémptor, gemat Judas vénditor, erubéscat Judæus emptor. Ecce Judas véndidit, Judæus emit, malum négótium egérunt, ambo damnáti sunt, seípsos perdidérunt vénditor et emptor. Dicat ergo caput nostrum, dicat

pro corpore occiso, pro corpore dedicato. Dicat, audiamus : Conscidisti saccum meum, et accinxisti me lætitia : id est, conscidisti mortalitatem meam, et accinxisti me immortalitate et incorruptione. Ut cantet tibi gloria mea, et non compungar. Quid est, Non compungar? Jam contra me non ferat lanceam persecutor, Ut non compungar. Christus enim surgens a mortuis, jam non moritur, et mors illi ultra non dominabitur.

℞. Mane surgens. 127*.

IN III. NOCTURNO

Lectio sancti Evangelii secundum Lucam.

Lectio vij. Cap. 19.

IN illo tempore : Ingressus Iesus perambulabat Jérico. Et ecce vir nomine Zachæus : et hic princeps erat publicanorum, et ipse dives. Et reliqua.

Homilia venerabilis Bedæ Presbyteri.

Lib. 5. Cap. 77. in Luc. 19.

QUÆ impossibilia sunt apud homines, possibilia sunt apud Deum. Ecce enim camelus, depósita gibbi sarcina, per foramen acus transit, hoc est, dives et publicanus, relicto ónere divitiarum, contempto censu fraudum, angústam portam, arctamque viam, quæ ad vitam ducit, ascendit. Qui mira devotione fidei ad videndum Salvatorem, quod natura minus habuerat, ascensu sup-

plet arboris : atque ideo juste, quamvis ipse rogare non audeat, benedictionem Dominicæ susceptionis, quam desiderabat, accepit.

℞. Domus mea. 130*.

Lectio viij.

MYSTICE autem Zachæus, qui interpretatur justificatus, credentem ex gentibus populum significat. Qui quanto curis sæcularibus occupatior, tanto flagitiis deprimentibus erat factus humilior. Sed ablutus est, sed sanctificatus, sed justificatus in nómine Domini nostri Jesu Christi, et in spiritu Dei nostri. Qui intrantem Jérico Salvatorem videre quærebat, sed præ turba non poterat : quia gratiæ fidei, quam mundo Salvator attulit, participare cupiebat : sed inólita vitiórum consuetudo, ne ad votum perveniret, obstiterat.

℞. Lápides pretiosi. 130*.

Lectio ix.

EADEM namque turba noxiæ consuetudinis, quæ supra cæcum clamantem, ne lumen peteret, increpabat etiam ; suspicientem publicanum, ne Jesum videat, tardat. Sed sicut cæcus turbarum voces magis ac magis clamando devicit : ita pusillus necesse est turbæ nocentis obstaculum altiora petendo transcendat, terræna relinquat, arborem crucis ascendat. Sycómorus namque (quæ est arbor fóliis moro similis,

sed altitudine præstans, unde et a Latinis celsa nuncupatur) ficus fátua dicitur. Et eadem Dominica crux, quæ credentes alit ut ficus, ab incredulis irridetur ut fátua.

Te Deum laudamus. 16.

SEXTA DIE INFRA OCT.

IN I. NOCTURNO

Lect. de Script. occur.

IN II. NOCTURNO

De Sermone sancti Augustini
Episcopi.

*Ex Serm. 256. de Tempore,
paulo post supra.*

Lectio iv.

ERGO, dum novam constructionem sanctæ huius ecclesiæ libenter attendimus, quam divîno nómini hódie dedicamus, invenimus a nobis debéri et Deo nostro máximam láudem, et sanctitati vestræ congruum de divínæ domus ædificatione sermonem. Tunc autem sermo noster congruus erit, si in se aliquid ædificationis hábeat, quod utilitati animarum vestrarum, Deo vos intérius ædificante, proficiat. Quod hic factum corporáliter videmus in parietibus, spiritaliter fiat in mentibus : et quod hic perfectum cernimus in lapidibus et lignis, hoc ædificante grátia Dei, perficiatur in corporibus vestris.

℟. Orántibus. 127*.

Lectio v.

PRINCIPÁLITER ergo grátias agamus Dómino Deo no-

stro, a quo est omne datum optimum, et omne donum perfectum; et ejus bonitatem tota cordis alacritate laudemus, quóniam ad construendam istam domum orationis, fidélium suorum visitávit ánimum, excitávit afféctum, surrogávit auxilium, inspirávit necdum voléntibus ut vellent, adjúvit bonæ voluntátis conátus ut fácerent : ac per hoc Deus, qui operáitur in suis et velle et perficere pro bona voluntate, hæc ómnia ipse cœpit, ipse perfécit.

℟. O quam. 127*.

Lectio vj.

ET quia ópera bona in conspectu suo numquam esse permittit inánia, fidélibus suis, quibus operántibus præbuit virtútis suæ favorem, tribuet condignam pro tanta operatione mercédem. Adhuc ámplius agendæ sunt grátia Deo nostro. Hanc enim ecclesiám, quam fecit nómini suo cónstrui, fecit étiam sanctórum Mártyrum reliquiis ámplius honorári.

℟. Mane surgens. 127*.

IN III. NOCTURNO

Léctio sancti Evangélii secundum Lucam.

Lectio vij. Cap. 19.

IN illo témpore : Ingressus Jesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et reliqua.

De Homiliâ venerabilis Bedæ
Presbyteri.

Lib. 5. Cap. 77. in Luc. 19.

ET cum venisset ad locum, suspiciens Jesus vidit illum. Perambulans Jéricho Salvátor, venit ad locum, ubi præcurrens Zachæus sycómorum conscenderat : quia missis per mundum sui verbi præcónibus, in quibus ipse nimirum et loquebatur et ibat, venit ad pópulum nationum, qui passiónis ejus fide jam sublimis existens, étiam divinitátis ejus ardébat ágnita fácie beári. Suspiciens vidit illum, quia per grátiam fidei a terrénis cupiditatibus elevátum, turbisque infidelibus præeminéntem elégit. Vidére enim Dei, eligere vel amáre est. Unde est illud : Oculi Dómini super justos. Nam et nos quæ amámus, vidére; ab his, quæ exsecrámur, intúitum festinámus avértere. **R.** Domus. 130*.

Lectio viij.

VIDIT ergo Jesus vidéntem se, quia elégit eligéntem se, et amávit amántem. Hunc sane órđinem proficiéndi, hoc est, per fidem Domínicæ Incarnatiónis ad cognitió-nem divinitátis perveniéndi, quasi per sycómorum Jesu fáciem speculándi Doctor egrégíus osténdit, cum ait : Non enim judicávi scire me áliquid inter vos, nisi Christum Jesum, et hunc crucifixum. Itémque áliis éxprobrans : Facti estis, in-

quit, quibus lacte opus sit, non sólido cibo. Lac infirma temporáriæ dispensatiónis, sólídum cibum árdua perpétuæ majestátis appellans.

R. Lápides pretiósí. 130*.

Lectio ix.

ET dixit ad eum : Zachæe, festinans descende, quia hódie in domo tua opórtet me manére. Et festinans descendit, et excépit illum gáudens. Manébat aliquándo Dóminus in domo principis pharisæórum, hoc est, in Judæórum synagóga docébat : sed quia non baptizátum ante prándium, sábbato curántem, publicános et peccatóres recipiéntem, contra avaritiam disputántem, et cætera digna Deo geréntem, lingua venenáta carpébant : pertæsus eórum facínora, discéssit et aufúgit, dicens : Relinquétur vobis domus vestra déserta. Hódie áutem in domo pusilli Zachæi opórtet illum manére : hoc est, novæ lucis grátia coruscánte, in húmili credéntium natió-num corde quiéscere.

Te Deum laudámus. 16.

SEPTIMA DIE INFRA OCT.

IN I. NOCTURNO

Lect. de Script. occur.

IN II. NOCTURNO

Sermo sancti Joánnis
Chrysóstomi.

Ex Hom. 33. in c. 9. Matth.

Lectio iv.

COMMÚNIS ómnium domus
est Ecclesiá, in quam, vo-

bis prius ingressis, nos intrámus, discipulorum formam retinéntes : ideóque commúnter ómnibus statim atque ingressi fuérimus, ut illis datam legem sequámur, pacem offérimus. Nemo igitur socórdia tórpeat : nemo sæculáribus rebus suspénsu ánimu hábeat, cum jam ad prædicándum sacerdotés intráverint. Non enim parva huic rei imminet pœna. Equidem millies pótius malim in domum alicújus vestrum ingressus destitui, quam hic prædicans non audíri. Hoc mihi moléstius esset, quam illud, quodóquidem magis própria hæc est, quam illa.

℞. Orántibus. 127*.

Lectio v.

NAM hic magnæ illæ nostræ opes pósitæ sunt, hic spes nostra omnis. Quid enim hoc loco non magnum est et admirándum? Nam hæc mensa longe pretiósior est atque jucúndior : et lucérna hæc, quam illa, ut norunt qui cum fide óleo perúnti, a morbis liberáti sunt. Arca étiam hæc multo mélior, magisque necessária. Non enim vestes, sed misericórdiam inclúsam cóninet : quamvis páuci sint, qui eam possideant. Hic et léctulus est valde illo præstántior : divinárum enim Scripturárum réquies quovis lecto suávior est.

℞. O quam metuéndus. 127*.

Lectio vj.

ET quidem si concórdia perfécte servarétur a nobis, nullam áliam domum præter hanc haberémus. Hoc autem quod dixi, non esse durum, testántur illa tria millia, et quinque millia hóminum, quibus et domus una, et mensa una, et ánima una erat. Multitúdinis enim credéntium, inquit, unum erat cor, et ánima una. Sed quia longe ab illórum virtúte ábsumus, et per domos disjuncti sumus, saltem quando huc convenimus, id omni stúdio faciámus. Nam etsi in áliis rebus páuperes, et inopes sumus, hoc loco saltem, cum huc ad vos intrámus, cum caritaté nos suscipite : cumque, Pax vobis, dico : Et cum spiritu tuo, non voce solum, sed ánimo quoque respondéte.

℞. Mane surgens. 127*.

IN III. NOCTURNO

Léctio sancti Evangélíi secúndum Lucam.

Lectio vij. Cap. 19.

IN illo témpore : Ingressus Iesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et réliqua.

De Homilía venerábilis Bedæ Presbýteri.

Paulo post prædicta.

ET cum vidérent omnes, murmurábant, dicéntes, quod ad hóminem peccatórem divertisset. Maniféstum

est, Judæos semper gentium odisse salutem. Scriptum est enim : Sequenti vero sabbato pene universa civitas convenit audire verbum Dei. Videntes autem turbas Judæi, replenti sunt zelo, et contradicebant iis, quæ a Paulo dicebantur. Et alibi, fideles etiam fratres adversus Apostolorum principem disceptabant, dicentes : Quare introisti ad viros præputium habentes, et manducasti cum illis?

R. Domus mea. 130*.

Lectio viij.

STANS autem Zachæus, dixit ad Dominum : Ecce dimidium bonorum meorum Domine do pauperibus : et si quid aliquem defraudavi, reddo quadruplum. Aliis calumniantibus hominem peccatorem, ipse Zachæus stans, id est, in ea quam cœperat fidei veritate persistens, non solum se ex peccatore conversum, sed etiam inter perfectos probat esse conversatum. Dicente enim Domino : Si vis perfectus esse, vade, vende omnia quæ habes, et da pauperibus : quisquis ante conversionem innocentem vixit, omnia conversus potest dare pauperibus.

R. Lápides pretiosi. 130*.

Lectio ix.

AT qui aliqua fraude sustulit, primo hæc juxta legem reddere, deinde quod sibi remanserit, debet dare pauperibus. Ac sic et ipse,

quia sibi nil retinet, omnia sua dispergit, dat pauperibus, justitia ejus manet in sæculum sæculi. Et hæc est sapiens illa stultitia, quam desycomoropublicanus quasi fructum vitæ légerat : rapta videlicet reddere, propria relinquere, visibilia contemnere, pro invisibilibus etiam mori desiderare, se ipsum abnegare, et ejus, qui necdum videatur, Domini vestigia sequi concupiscere.

Te Deum laudamus. 16.

IN OCTAVA

DEDICATIONIS ECCLESIE

Duplex.

Omnia ut in die, præter Lect. II. Noct. quæ sequuntur.

Ex Epistola prima sancti Felicis Papæ quarti.

De Consecr. dist. 1. c. 2.

Lectio iv.

TABERNÁCULUM Móysen, Domino præcipiente, fecisse et sacrasse, cum mensa et altari ejus, et cæteris vasis et utensilibus ad divinum cultum explendum, legimus : et non solum divinis precibus ea sacrasse, sed etiam sancti olei unctione, Domino jubente, perlinisse novimus. Quáliter autem hæc facta sint, et quómodo ipsa sacra non alii, quam sacerdotes sacra unctione delibuti, Dominoque cum vestibus sanctis sacrati, et Levitæ tractabant, ferébant,

erigébant et deponébant : in ipsis institutióibus, quæ jubénte Dómino conscriptæ sunt per Móysen, in lege Dómini reperitur.

R. Orántibus in loco isto, * Dimitte peccáta pópuli tui Deus, et osténde eis viam bonam, per quam ámbulent, et da glóriam in loco isto. **V.** Qui regis Israël inténde, qui dedúcis velut ovem Joseph, qui sedes super Chérubim. Dimitte.

Lectio v.

QUÁLITER ergo David, regum piíssimus, amplificáverit cultum Dei, et templum Dómino ædificáre volúerit, sed propter multum ságuinem quem effúderat, prohibitus est, et ipse colégerat expénsas : Sálomon quoque filius ejus, idípsum quod ipse fácere optáverat, jubénte et auxiliánte Deo, perfécit, et templum cum altári, et reliqua ad divinum cultum peragéndum consecrávit : in libro Regum légitur. Fecit ergo Sálomon in témpore illo festivitátem célebrem, et omnis Israël cum eo, multitúdo magna ab intróitu Emath usque ad rivum Ægýpti, coram Dómino Deo nostro septem diébus, et septem diébus, id est,

quatuórdecim diébus, et in die octáva dimísit pópulos.

R. O quam metuéndus est locus iste : * Vere non est hic áliud, nisi domus Dei, et porta cæli. **V.** Hæc est domus Dómini firmiter ædificáta, bene fundáta est supra firmam petram. Vere.

Lectio vj.

De Consec. dist. 1. c. 17.

SOLEMNITÁTES dedicatió-num ecclesiárum et sacerdotum, per singulos annos solémniter sunt celebrándæ, ipso Dómino exemplum dante, qui ad festum dedicatióis templi, ómnibus id faciéndi dans formam, cum réliquis pópulis eámdem festivitátem celebráturus venit, sicut scriptum est : Facta sunt encænia in Jerosólymis, et hiems erat, et ambulábat Jesus in templo in pórticu Salomónis. Quod autem octo diébus encænia sint celebránda, in libro Regum, perácta dedicatióne templi, reperiétis.

R. Mane surgens Jacob erigébat lápidem in titulum, fundens óleum désuper, votum vovit Dómino : * Vere locus iste sanctus est, et ego nesciébam. **V.** Cumque evigilásset Jacob de somno, ait. Vere. Glória Patri. Vere.



IN FESTIS B. MARIÆ VIRGINIS

PER ANNUM

IN I. VESPERIS

Ant. Dum esset Rex * in accúbitu suo, nardus mea dedit odórem suavitátis.

Psalmus 109.

DIXIT Dóminus Dómino meo : * Sede a dextris meis :
Donec ponam inimicos tuos, * scabellum pedum tuórum.

Virgam virtútis tuæ emittet Dóminus ex Sion : * domináre in médio inimicórum tuórum.

Tecum princípium in die virtútis tuæ in splendóribus sanctórum : * ex útero ante lucíferum genui te.

Jurávit Dóminus, et non poenitébit eum : * Tu es sacerdos in ætérnum secundum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natió nibus, implebit ruínas : * conquassábit cápita in terra multórum.

De torrén te in via bibet : * proptérea exaltábit caput.

Ant. Dum esset Rex in accúbitu suo, nardus mea dedit odórem suavitátis.

Ant. Læva ejus * sub cápite meo, et dextera illius amplexábitur me.

Psalmus 112.

LAUDÁTE púeri Dómini : * laudáte nomen Dómini.

Sit nomen Dómini benedictum, * ex hoc nunc, et usque in sæculum.

A solis ortu usque ad occásum, * laudábile nomen Dómini.

Excélsus super omnes gentes Dóminus, * et super cælos glória ejus.

Quis sicut Dóminus Deus noster, qui in altis hábitat, * et humília respicit in cælo et in terra?

Súscitans a terra inopem, * et de stércore érigens páuperem :

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Ant. Læva ejus sub cápite meo, et dextera illius amplexábitur me.

Ant. Nigra sum, * sed formósa, filiæ Jerúsalem : ideo diléxit me Rex, et introduxit me in cubiculum suum.

Psalmus 121.

LÆTATUS sum in his, quæ dicta sunt mihi : * In domum Dómini ibimus.

Stantes erant pedes nostri, * in átriis tuis Jerúsalem.

Jerúsalem, quæ ædificátur ut civitas : * cujus participatio ejus in idipsum.

Illuc enim ascenderunt tribus, tribus Dómini : * testimonium Israël ad confitendum nómini Dómini.

Quia illic sederunt sedes in iudicio, * sedes super domum David.

Rogáte quæ ad pacem sunt Jerúsalem : * et abundantia diligentibus te.

Fiat pax in virtute tua : * et abundantia in túrribus tuis.

Propter fratres meos, et próximos meos, * loquébar pacem de te :

Propter domum Dómini Dei nostri, * quæsi vi bona tibi.

Ant. Nigra sum, sed formosa, filiæ Jerúsalem : ideo dilexit me Rex, et introduxit me in cubiculum suum.

Ant. Jam hiems tránsiit, * imber ábiit, et recéssit : surge amica mea, et veni.

Psalmus 126.

NISI Dóminus ædificáverit domum, * in vanum laboraverunt, qui ædificant eam.

Nisi Dóminus custodierit civitatem, * frustra vigilat qui custódit eam.

Vanum est vobis ante lucem súrgere : * súrgite post-

quam sedéritis, qui manducátis panem dolóris.

Cum déderit diléctis suis somnum : * ecce heréditas Dómini filii : merces, fructus ventris.

Sicut sagittæ in manu poténtis : * ita filii excussórum.

Beátus vir qui implévit desiderium suum ex ipsis : * non confundétur cum loquétur inimicis suis in porta.

Ant. Jam hiems tránsiit, imber ábiit, et recéssit : surge amica mea, et veni.

Ant. Speciósá * facta es et suávis in deliciis tuis, sancta Dei Génitrix.

Psalmus 147.

LÁUDA Jerúsalem Dóminum : * láuda Deum tuum Sion.

Quóniam confortávit seras portárum tuárum : * benedíxit filiis tuis in te.

Qui pósuit fines tuos pacem : * et ádipe fruménti sátiat te.

Qui emíttit elóquium suum terræ : * velóriter currit sermo ejus.

Qui dat nivem sicut lanam : * nébulam sicut cinerem spargit.

Mittit crystállum suam sicut buccéllas : * ante faciém frígoris ejus quis sustinébít?

Emíttet verbum suum, et liquefáciét ea : * flabit spíritus ejus, et fluent aquæ.

Qui annúntiat verbum suum Jacob : * justítias et iudicia sua Israël.

Non fecit taliter omni nationi : * et iudicia sua non manifestávit eis.

Ant. Speciosa facta es et suavis in deliciis tuis, sancta Dei Génitrix.

Capitulum. Eccli. 24. b

AB initio, et ante sæcula creata sum, et usque ad futurum sæculum non desinam, et in habitatióne sancta coram ipso ministrávi.

Hymnus.

AVE maris stella,
Dei Mater alma,
Atque semper Virgo,
Felix cæli porta.

Sumens illud Ave
Gabriélis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces,
Qui pro nobis natus,
Tulit esse tuus.

Virgo singuláris,
Inter omnes mitis,
Nos culpis solutos,
Mites fac et castos.

Vitam præsta puram,
Iter para tutum,
Ut vidéntes Jesum,
Semper collætémur.

Sit laus Deo Patri,
Summo Christo decus,
Spirítui sancto,
Tribus honor unus. Amen.

V. Dignáre me laudáre te,
Virgo sacrata. **R.** Da mihi
virtutem contra hostes tuos.

Ad Magnif. Ant. Sancta
María * succurre miseris,
juva pusillánimes, réfove
flébiles, ora pro pópulo, in-
térveni pro clero, intercède
pro devóto femíneo sexu :
séntiant omnes tuum juvá-
men, quicúmque célebrant
tuam sanctam festivitatem.

Oratio.

CONCÉDE nos fámulos tuos,
quæsumus Dómine De-
us, perpétua mentis et cór-
poris sanitáte gaudére : et
gloriósa beátæ Mariæ sem-
per Virginis intercessióne,
a præsentí liberári tristítia,
et ætérna pérfrui lætítia.
Per Dóminum.

**Ad Completorium et Ho-
ras, in fine Hymnorum di-
citur :**

Jesu tibi sit glória,
Qui natus es de Virgine,
Cum Patre et almo Spíritu,
In sempitérna sæcula. Amen.

AD MATUTINUM

Invit. Sancta María Dei
Génitrix Virgo, * Intercède
pro nobis.

Ps. Veníte, exsultémus. 2.

Hymnus.

QUEM terra, pontus, sídera
Colunt, adórant, prædi-
cant,
Trinam regéntem máchi-
nam,

Cláustrum Mariæ bájulat.

Cui luna, sol, et ómnia
Deserviunt per témpora,
Perfúsa cæli grátia,
Gestant puéllæ viscera.

Beáta Mater múnere,
Cujus supérnus Artifex

Mundum pugillo cōtinens,
Ventris sub arca clāusus est.

Beāta cæli nūntio,
Fecūnda sancto Spiritu,
Desiderātus gēntibus,
Cujus per alvum fusus est.

Jesu tibi sit glória,
Qui natus es de Virgine,
Cum Patre et almo Spiritu,
In sempiterna sæcula.

Amen.

IN I. NOCTURNO

Ant. Benedicta tu * in mulieribus, et benedictus fructus ventris tui.

Psalmus 8.

DÓMINE Dóminus noster, *
quam admirábile est nomen tuum in univérſa terra!

Quóniam eleváta est magnificéntia tua, * super cælos.

Ex ore infántium et lacténtium perfecisti láudem propter inimicos tuos, * ut destruas inimicum et ultórem.

Quóniam vidébo cælos tuos, ópera digitórum tuórum : * lunam et stellas, quæ tu fundásti.

Quid est homo, quod memores ejus? * aut filius hóminis, quóniam vísitas eum?

Minuisti eum páulo minus ab Angelis, glória et honóre coronásti eum : * et constituisti eum super ópera mánuum tuárum.

Omnia subjecisti sub pedibus ejus, * oves et boves univérſas : insuper et pécora campi.

Vólucres cæli, et pisces

maris, * qui perámbulant sémitas maris.

Dómine Dóminus noster, *
quam admirábile est nomen tuum in univérſa terra!

Ant. Benedicta tu in mulieribus, et benedictus fructus ventris tui.

Ant. Sicut myrrha * elécta, odórem dedisti suavitátis sancta Dei Génitrix.

Psalmus 18.

CÆLI enarrant glóriam Dei, *
et ópera mánuum ejus annúntiat firmaméntum.

Dies diéi erúctat verbum, *
et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procedens de thálamo suo :

Exsultávit ut gigas ad curréndam viam, * a summo cælo egréssio ejus :

Et occúrsus ejus usque ad summum ejus : * nec est qui se abscondat a calore ejus.

Lex Dómini immaculáta, convértens ánimas : * testimónium Dómini fidéle, sapiéntiam præstans párvulis.

Justitiæ Dómini rectæ, lætificántes corda : * præceptum Dómini lúcidum, illúminans óculos.

Timor Dómini sanctus, pérmanens in sæculum sæ-

culi : * iudicia Dómini vera, justificáta in semetipsa.

Desiderabilia super áurum et lápidem pretiósium multum : * et dulcióra super mel et favum.

Etenim servus tuus custodit ea, * in custodiéndis illis retribútio multa.

Delicta quis intélligit? ab occúltis meis munda me : * et ab aliénis parce servo tuo.

Si mei non fúerint domináti, tunc immaculátus ero : * et emundábor a delicto máximo.

Et erunt ut compláceant elóquia oris mei : * et meditátio cordis mei in conspéctu tuo semper.

Dómine adjútor meus, * et redémptor meus.

Ant. Sicut myrrha elécta, odórem dedisti suavitátis, sancta Dei Génitrix.

Ant. Ante torum * hujus Virginis frequentáte nobis dúlcia cántica drámatis.

Psalmus 23.

DÓMINI est terra, et plení-túdo ejus : * orbis terrárum, et univérsi, qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accipiet benedictió-

nem a Dómino : * et misericórdiam a Deo salutári suo.

Hæc est generátio quæ-réntium eum, * quæ-réntium faciém Dei Jacob.

Attóllite portas príncipes vestras, et elevámini portæ æternáles : * et introibit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas príncipes vestras, et elevámini portæ æternáles : * et introibit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Ante torum hujus Virginis frequentáte nobis dúlcia cántica drámatis.

V. Spécie tua et pulchritúdine tua. **R.** Inténde, prospere procéde, et regna.

Pater noster.

Absol. Exáudi Dómine.

V. Jube domne benedicere.

Bened. Benedictióne.

De Parábolis Salomónis.

Lectio j. Cap. 8. b et 9.

EGO sapiéntia hábito in consilio, et eruditis intérsu cogitátionibus. Timor Dómini odit malum : arrogántiam, et supérbiam, et viam pravam, et os bilingue detéstor. Meum est consílium et æquitas, mea est prudéntia, mea est fortitúdo. Per me reges regnant, et legum conditóres justa decérnunt : per me príncipes

imperant, et poténtes decérunt justitiam. Ego diligéntes me diligo : et qui mane vigilat ad me, invénient me.

R. Sancta et immaculáta virginitas, quibus te láudibus éfferam nésco : * Quia quem cæli cápere non póterant, tuo grémio contulisti.

V. Benedicta tu in muliéribus, et benedíctus fructus ventris tui. Quia.

Bened. Unigénitus Dei.

Lectio ij.

MECUM sunt divítiae, et glória, opes supérbæ et justitia. Mélior est enim fructus meus áuro, et lápide pretióso, et genimina mea argénto elécto. In viis justitiæ ámbulo, in médio semitárum judicií, ut ditem diligéntes me, et thesáuros eórum répleam. Dóminus possédit me in initio viárum suárum, ántequam quidquam fáceret a princípío. Ab ætérno ordináta sum, et ex antiquis ántequam terra fieret. Nondum erant abyssi, et ego jam concépta eram : necdum fontes aquárum erúperant : necdum montes gravi mole constiterant : ante colles ego parturiébar.

R. Congratulámini mihi omnes, qui diligitis Dóminum, quia cum essem párvula, plácuí Altíssimo : * Et de meis viscéribus génui Deum et hóminem. **V.** Beátam me dicent omnes generatiónes, quia ancillam húmílem respéxit Deus. Et.

Bened. Spíritus sancti grátia.

Lectio iij.

BEÁTUS homo qui áudit me, et qui vigilat ad fores meas quotidie, et observat ad postes óstii mei. Qui me invénerit, invéniet vitam, et háuriet salútem a Dómino : qui áutem in me peccáverit, lædet ánimam suam. Omnes, qui me odérunt, diligunt mortem. Sapiéntia ædificávit sibi domum, excídit colúmnas septem. Immolávit víctimas suas, miscuit vinum, et propósuit mensam suam. Misit ancillas suas ut vocárent ad arcem, et ad mcénia civitátis : Si quis est párvulus, véniat ad me. Et insipiéntibus locúta est : Veníte, comédite panem meum, et bibite vinum quod miscui vobis.

R. Beáta es Virgo María, quæ Dóminum portásti Creatórem mundi : * Genuísti qui te fecit, et in ætérnum permanes Virgo. **V.** Ave María, grátia plena, Dóminus tecum. Genuísti. Glória Patri. Genuísti.

IN II. NOCTURNO

Ant. Spécie tua * et pulchritúdine tua inténde, prospere procéde, et regna.

Psalmus 44.

ERUCTÁVIT cor meum verbum bonum : * dico ego ópera mea regi.

Lingua mea cálamus scribæ, * velóciter scribéntis.

Speciósus forma præ filiis

hóminum, diffusa est grátia in lábiis tuis : * proptérea benedixit te Deus in ætérnum.

Accingere gládio tuo super femur tuum, * potentissime.

Spécie tua et pulchritúdine tua * inténde, prospere procéde, et regna.

Propter veritátem, et mansuetúdinem, et justítiam : * et dedúcet te mirabíliter dextera tua.

Sagittæ tuæ acútæ, pópuli sub te cadent, * in corda inimicórum regis.

Sedes tua Deus in sáeculum sáeculi : * virga directiónis virga regni tui.

Dilexísti justítiam, et odísti iniquitátem : * proptérea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis : * ex quibus delectavérunt te filiæ regum in honóre tuo.

Adstitit regina a dextris tuis in vestitu deauráto : * circúmdata varietáte.

Audi filia, et vide, et inclína áurem tuam : * et obliviscere pópulum tuum, et domum patris tui.

Et concupíscet rex decórem tuum : * quóniam ipse est Dóminus Deus tuus, et adorábunt eum.

Et filiæ Tyri in munéribus * vultum tuum deprecabúntur : omnes dívites plebis.

Omnis glória ejus filiæ regis ab intus, * in fimbriis

áureis circumamicta varietatibus.

Adducéntur regi vírgines post eam : * próximæ ejus afferéntur tibi.

Afferéntur in lætitia et exsultatíone : * adducéntur in templum regis.

Pro pátribus tuis nati sunt tibi filii : * constitues eos principes super omnem terram.

Mémores erunt nóminis tui * in omni generatióne et generatióne.

Proptérea pópuli confitebúntur tibi in ætérnum : * et in sáeculum sáeculi.

Ant. Spécie tua et pulchritúdine tua inténde, prospere procéde, et regna.

Ant. Adjuvábít eam * Deus vultu suo : Deus in médio ejus, non commovébitur.

Psalmus 45.

DEUS noster refúgium, et virtus : * adjútor in tribulatió nibus, quæ invenérunt nos nimis.

Proptérea non timébimus dum turbábitur terra : * et transferéntur montes in cor maris.

Sonuérunt, et turbátæ sunt aquæ eórum : * conturbáti sunt montes in fortitúdine ejus.

Flúminis ímpetus lætíficat civitátem Dei : * sanctificávit tabernáculum suum Altíssimus.

Deus in médio ejus, non commovébitur : * adjuvábít eam Deus mane dilúculo.

Conturbátæ sunt gentes,
et inclináta sunt regna : *
dedit vocem suam, mota est
terra.

Dóminus virtútum nobis-
cum : * suscep̃tor noster
Deus Jacob.

Venite, et vidéte ópera
Dómini, quæ pósuit prodi-
gia super terram : * áuferens
bella usque ad finem terræ.

Arcum cónteret, et con-
fringet arma : * et scuta
combúret igni.

Vacáte, et vidéte quóniam
ego sum Deus : * exaltábor
in géntibus, et exaltábor in
terra.

Dóminus virtútum nobis-
cum : * suscep̃tor noster
Deus Jacob.

Ant. Adjuvábít eam Deus
vultu suo : Deus in médio
ejus, non commovébitur.

Ant. Sicut lætántium *
ómnium nostrum habitátio
est in te, sancta Dei Génit-
rix.

Psalmus 86.

FUNDAMÉNTA ejus in món-
tibus sanctis : * diligit
Dóminus portas Sion super
ómnia tabernácula Jacob.

Gloriósá dicta sunt de te, *
civitas Dei.

Memor ero Rahab, et Ba-
bylónis * sciéntium me.

Ecce alienígenæ, et Tyrus,
et pópulus Æthiopum, * hi
fuérunt illic.

Numquid Sion dicet : Ho-
mo, et homo natus est in
ea : * et ipse fundávit eam
Altíssimus?

Dóminus narrábit in scri-
ptúris populórum, et prin-
cipum : * horum, qui fué-
runt in ea.

Sicut lætántium ómnium *
habitátio est in te.

Ant. Sicut lætántium
ómnium nostrum habitátio
est in te, sancta Dei Génit-
rix.

Ÿ. Adjuvábít eam Deus
vultu suo. **R.** Deus in médio
ejus, non commovébitur.

Pater noster.

Absolutio. Ipsius pietas.

Ÿ. Jube domne benedí-
cere.

Bened. Deus Pater omni-
potens.

Sermo sancti Joánnis
Chrysóstomi.

Apud Metaphrasten.

Lectio iv.

DEI Filius non divitem,
aut locuplém aliquam
féminam sibi matrem elégit,
sed beátam Virginem illam,
cujus ánima virtútibus or-
náta erat. Cum enim beáta
Maria supra omnem humá-
nam natúram castitátem ser-
váret, proptérea Christum
Dóminum in ventre concé-
pit. Ad hanc ígitur sanctis-
simam Virginem et Dei Ma-
trem accurréntes, ejus pa-
trocinii utilitátem assequá-
mur. Itaque quæcúmque
estis virgines, ad Matrem
Dómini confúgite. Illa enim
pulchérissimam, pretiosíssi-
mam, et incorruptibilem
possessiónem patrocinio suo
vobis conservábit.

R. Sicut cedrus exaltáta sum in Líbano, et sicut cypréssus in monte Sion: quasi myrrha elécta, * Dedi suavitátem odóris. **V.** Et sicut cinnamómun et bálsamum aromatizans. Dedi.

Bened. Christus perpétuæ.

Lectio v.

MAGNUM revéra miráculum, fratres dilectissimi, fuit beáta semper Virgo María. Quid namque illa majus aut illústrius ullo umquam témpore invéntum est, seu aliquándo inveniri póterit? Hæc sola cælum ac terram amplitúdine superávit. Quidnam illa sánctius? Non Prophétæ, non Apóstoli, non Mártyres, non Patriárchæ, non Angeli, non Throni, non Dominationes, non Séraphim, non Chérubim: non dénique áliud quídpian inter creátas res visibiles aut invisibiles, majus aut exceléntius inveniri potest. Eadem ancilla Dei est et mater: éadem Virgo et Génitrix.

R. Quæ est ista, quæ processit sicut sol, et formósa tamquam Jerúsalem? * Vidérunt eam filiæ Sion, et beátam dixerunt, et reginæ laudavérunt eam. **V.** Et sicut dies verni circúmdabant eam flores rosárum, et lília convállium. Vidérunt.

Bened. Ignem sui amóris.

Lectio vj.

HÆC ejus mater est, qui a Patre ante omne princí-

pium génitus fuit, quem Angeli et hómines agnóscunt Dóminum rerum ómnium. Visne cognóscere quanto Virgo hæc præstántior sit cælestibus Poténtiis? Illæ cum timóre et tremóre assistunt, faciém velántes suam: hæc humánum genus illi offert, quem genuit. Per hanc et peccatórum véniam conséquimur. Ave igitur mater, cælum, puélla, virgo, thronus, Ecclesiæ nostræ decus, glória et firmaméntum, assidue pro nobis precáre Jesum Fílium tuum, et Dóminum nostrum: ut per te misericórdiam invenire in die judicii, et quæ repósita sunt iis, qui diligunt Deum, bona cónsequi possimus, grátia et benignitáte Dómini nostri Jesu Christi: cum quo Patri simul et sancto Spirítui glória, et honor, et impérium, nunc et semper in sæcula sæculórum. Amen.

R. Ornátam monilibus filiam Jerúsalem Dóminus concupívit: * Et vidéntes eam filiæ Sion, beatíssimam prædicavérunt, dicéntes: * Unguéntum effúsum nomen tuum. **V.** Adstitit regína a dextris tuis in vestitu deauráto, circúmdata varietáte. Et. Glória Patri. Unguéntum.

IN III. NOCTURNO

Ant. Gáude María Virgo, * cunctas hæreses sola interemisti in univérso mundo.

Psalmus 95.

CANTÁTE Dómino cánticum
novum : * cantáte Dó-
mino omnis terra.

Cantáte Dómino, et bene-
dicite nómini ejus : * annun-
tiáte de die in diem salutáre
ejus.

Annuntiáte inter gentes
glóriam ejus, * in ómnibus
pópulis mirabilia ejus.

Quóniam magnus Dómi-
nus, et laudábilis nimis : *
terribilis est super omnes
deos.

Quóniam omnes dii gén-
tium dæmónia : * Dóminus
áutem cælos fecit.

Conféssio, et pulchritúdo
in conspéctu ejus : * sancti-
mónia et magnificéntia in
sanctificatióne ejus.

Afférte Dómino pátriæ gén-
tium, afférte Dómino gló-
riam et honórem : * afférte
Dómino glóriam nóminiejus.

Tóllite hóstias, et introíte
in átria ejus : * adoráte Dó-
minum in átrio sancto ejus.

Commovéatur a fácie ejus
univérsa terra : * dicite in
géntibus quia Dóminus re-
gnávit.

Etenim corréxit orbem
terræ qui non commovébi-
tur : * judicábit pópulos in
æquitáte.

Læténtur cæli, et exsúltet
terra : commovéatur mare,
et plenitúdo ejus : * gaudé-
bunt campi, et ómnia quæ
in eis sunt.

Tunc exsultábunt ómnia
ligna silvárum a fácie Dó-

mini, quia venit : * quóniam
venit judicáre terram.

Judicábit orbem terræ in
æquitáte, * et pópulos in ve-
ritáte sua.

Ant. Gáude María Virgo,
cunctas hæreses sola inter-
emisti in univérso mundo.

Ant. Dignáre me * laudáre
te Virgo sacráta : da mihi
virtútem contra hostes tuos.

Psalmus 96.

DÓMINUS regnávit, exsúltet
terra : * læténtur insulæ
multæ.

Nubes, et caligo in cir-
cúitu ejus : * justitia, et ju-
dícium corréctio sedis ejus.

Ignis ante ipsum præcé-
det, * et inflammábit in cir-
cúitu inimicos ejus.

Illuxérunt fúlgura ejus
orbi terræ : * vidit, et com-
móta est terra.

Montes, sicut cera fluxé-
runt a fácie Dómini : * a fá-
cie Dómini omnis terra.

Annuntiavérunt cæli ju-
stitiam ejus : * et vidérunt
omnes pópuli glóriam ejus.

Confundántur omnes, qui
adórant sculptília : * et qui
gloriántur in simulácrissuis.

Adoráte eum omnes An-
geli ejus : * audívit, et læ-
táta est Sion.

Et exsultavérunt filiæ Ju-
dæ, * propter judícia tua
Dómine :

Quóniam tu Dóminus Al-
tissimus super omnem ter-
ram : * nimis exaltátus es
super omnes deos.

Qui diligitis Dóminum,

odite malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætitia.

Lætámini iusti in Dómino, * et confitémini memóriæ sanctificatiónis ejus.

Ant. Dignáre me laudáre te Virgo sacráta : da mihi virtútem contra hostes tuos.

Ant. Post partum * Virgo invioláta permansisti, Dei Génitrix intercède pro nobis.

Psalmus 97.

CANTÁTE Dómino cánticum novum : * quia mirabília fecit.

Salvávitsibi dextera ejus : * et bráchium sanctum ejus.

Notum fecit Dóminus salutare suum : * in conspéctu géntium revelávit justítiam suam.

Recordátus est misericórdiæ suæ, * et veritátis suæ dómui Israël.

Vidérunt omnes términi terræ * salutare Dei nostri.

Jubiláte Deo omnis terra : * cantáte, et exsultáte, et psállite.

Psállite Dómino in cithara, in cithara et voce psalmi : * in tubis ductilibus, et voce tubæ córneæ.

Jubiláte in conspéctu Regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina pláudent manu,

simul montes exsultábunt a conspéctu Dómini : * quóniam venit judicáre terram.

Judicábit orbem terrárum in justitia, * et pópulos in æquitáte.

Ant. Post partum Virgo invioláta permansisti, Dei Génitrix intercède pro nobis.

Ÿ. Elégit eam Deus, et præelégit eam. **R.** In tabernáculo suo habitáre facit eam.

Pater noster.

Absolutio. A vinculis.

Ÿ. Jube domne benedicere.

Bened. Evangélica léctio. Léctio sancti Evangélii secúndum Lucam.

Lectio vij. Cap. 11. d

IN illo témpore : Loquente Jesu ad turbas, extóllens vocem quædam múlter de turba, dixit illi : Beátus venter, qui te portávit. Et réliqua.

Homilia venerábilis Bedæ Presbýteri.

Lib. 4. cap. 49. in Luc. 11.

MAGNÆ devotiónis et fidei hæc múlter osténditur, quæ scribis et pharisæis Dóminum tentántibus simul et blasphemántibus, tanta ejus incarnatióem præ ómnibus sinceritáte cognóscit, tanta fidúcia confitétur, ut et præsentium prócerum calúmniam, et futurórum confúndat hæreticórum perfídiam. Nam sicut tunc Judæi, sancti Spíritus ópera

blasphemando, verum consubstantialémque Patri Dei Filium negabant : sic hæretici póstea negando Mariam semper Virginem, sancti Spiritus operante virtúte, nascitúro cum humánis membris Unigénito Dei, carnis suæ matériam ministrásse; verum consubstantialémque matri Filium hóminis fatéri non debére dixerunt.

R. Felix namque es, sacra Virgo Maria, et omni láude digníssima : * Quia ex te ortus est sol justitiæ, Christus Deus noster. **V.** Ora pro populo, intérvieni pro clero, intercède pro devóto femíneo sexu : séntiant omnes tuum juvámén, quicúmque célebrant tuam sanctam festivitátem. Quia.

Bened. Cujus festum cólimus, ipsa Virgo virginum.

Lectio viij.

SED si caro Verbi Dei secundum carnem nascéntis a carne Virginis Matris pronuntiátur extránea, sine cáusa venter qui eam portáset, úbera quæ lactássent, beatificántur. Dicit áutem Apóstolus : Quia misit Deus Filium suum factum ex muliere, factum sub lege. Neque audiéndi sunt, qui legéndum putant : Natum ex muliere, factum sub lege, sed, Factum ex muliere : quia concéptus ex útero virgináli, carnem non de nihilo, non aliúnde, sed máterna traxit ex carne : alió-

quin nec vere Fílius hóminis dicerétur, qui originem non habéret ex hómine. Et nos igitur his contra Eutýchen dictis, extollámus vocem cum Ecclésia cathólica, cuius hæc múlíer typum gessit, extollámus et mentem de médio turbárum, dicamúsque Salvatóri : Beátus venter qui te portávit, et úbera quæ suxísti. Vere enim beáta parens, quæ, sicut quidam ait, Eníxa est puérpera Regem, qui cælum terrámque tenet per sácula.

R. Beátam me dicent omnes generatiónes : * Quia fecit mihi Dóminus magna qui potens est, et sanctum nomen ejus. **V.** Et misericórdia ejus a progénie in progénies timéntibus eum. Quia. Glória Patri. Quia.

Bened. Ad societátem.

Lectio ix.

QUINÍMO beáti qui audiunt verbum Dei, et custódiunt. Pulchre Salvátor attestatióni mulieris ánnuit, non eam tantúmmodo quæ Verbum Dei corporáliter generáre merúerat, sed et omnes qui idem Verbum spiritaliter auditu fidei concípere, et boni óperis custódia vel in suo, vel in proximórum corde párrere, et quasi álere studúerint, assevérans esse beátos : quia et eadém Dei Génitrix, et inde quidem beáta, quia Verbi incarnándi ministra facta est temporalis; sed inde multo

beátior, quia ejúsdem semper amándi custos manébat ætérna.

Te Deum laudámus. 16.

AD LAUDES

ET PER HORAS

Ant. 1. Dum esset Rex* in accúbitu suo, nardus mea dedit odórem suavitátis.

Ps. Dóminus regnávít. **cum reliq.** 17.

2. Læva ejus* sub cápite meo, et délixtera illius amplexábitur me.

3. Nigra sum,* sed formósa, filiæ Jerúsalem: ideo diléxit me Rex, et introduxit me in cubiculum suum.

4. Jam hiems tránsiit,* imber ábiit, et recéssit: surge amíca mea, et veni.

5. Speciósá* facta es et suávis in deliciis tuis, sancta Dei Génitrix.

Capitulum. Eccli. 24. b

AB initio, et ante sácula creáta sum, et usque ad futúrum sáculum non désinam, et in habitatióne sancta coram ipso ministrávi.

Hymnus.

O GLORIÓSA virginum, Sublimis inter sídera, Qui te creávit, párvulum Lacténte nutris úbere.

Quod Heva tristis ábstulit, Tu reddis almo gérmine: Intrent ut astra flébiles, Cæli reclúdis cárdines.

Tu Regis alti jánuá, Et áula lucis fúlvida: Vitam datam per Virginem Gentes redémpstæ pláudite.

Jesu tibi sit glória, Qui natus es de Virgine, Cum Patre, et almo Spíritu In sempitérna sácula.

Amen.

Ÿ. Diffúsa est grátia in lábiis tuis. **Ŕ.** Proptérea benedixit te Deus in ætérnum.

Ad Bened. Ant. Beáta es María,* quæ credidisti: perficiéntur in te, quæ dicta sunt tibi a Dómino, allelúia.

Oratio.

CONCÉDE nos fámulos tuos, quæsumus Dómine Deus, perpétua mentis et córporis sanitáte gaudére: et gloriósa beátæ Mariæ semper Virgínis intercessióne, a præsénti liberári tristitia, et ætérna pérfrui lætitia. Per Dñum.

AD PRIMAM

In Ŕ. br. Ÿ. Qui natus es de María Virgine. **etiam in Festis infra Octav. B. M. V.**

AD TERTIAM

Ant. Læva ejus.

Capit. Ab initio. **ut supra.**

Ŕ. br. Spécie tua* Et pulchritúdine tua. Spécie. **Ÿ.** Inténde, prospere procéde, et regna. Et. Glória Patri. Spécie.

Ÿ. Adjuvábít eam Deus vultu suo. **Ŕ.** Deus in médio ejus, non commovébitur.

AD SEXTAM

Ant. Nigra sum.

Capitulum. Eccli. 24. b

ET sic in Sion firmáta sum, et in civitáte sanctificáta similiter requiévi, et in Jerúsalem potéstas mea. Et radicávi in pópulo honorifi-

cato, et in parte Dei mei hereditas illius, et in plenitudine sanctorum detentio mea.

R. br. Adjuvabit eam * Deus vultu suo. Adjuvabit.

V. Deus in medio ejus, non commovebitur. Deus in medio. Glória Patri. Adjuvabit.

V. Elégit eam Deus, et praelégit eam. **R.** In tabernaculo suo habitare facit eam.

AD NONAM

Ant. Speciósá.

Capitulum. Eccli. 24. b

IN platéis sicut cinnamó-
mum, et bálsamum aro-
matizans odórem dedi :

quasi myrrha elécta dedi suavitátem odóris.

R. br. Elégit eam Deus, * Et praelégit eam. Elégit.

V. In tabernaculo suo habitare facit eam. Et. Glória Patri. Elégit.

V. Diffúsa est grátia in lábiis tuis. **R.** Proptérea benedixit te Deus in ætérnum.

IN II. VESPERIS

Omnia ut in I. Vesp. 145*,
præter :

V. Dignare me laudare te Virgo sacrata. **R.** Da mihi virtutem contra hostes tuos.

Ad Magnif. Ant. Beátam me dicent * omnes generatiónes, quia ancíllam húmílem respéxit Deus.

OFFICIUM B. MARIÆ IN SABBATO

Omnibus Sabbatis per annum, præterquam in Quatuor Temporibus et Vigil., et nisi Officium fieri debeat de Feria, propter Officium aliqujus Dominicæ infra Hebdomadam ponendum, ut dicitur in Rubrica de Dominicis; ac nisi Festum novem Lectionum occurrat, fit Officium de S. Maria, modo infrascripto.

In Vesperis Feriæ VI. dicuntur Psalmi feriales in Psalterio positi, nisi fuerit Festum novem Lect. : quia tunc de S. Maria fit tantum Commem. in dictis Vesperis cum Ant., **V.** et Oratione, ut infra : quæ Commem. omit-

titur, quando Feria VI. occurrit aliud ejusdem B. Mariæ Officium.

Capitulum et Hymnus ut in Festis B. M. V. 147*.

V. Diffúsa est grátia in lábiis tuis. **R.** Proptérea benedixit te Deus in ætérnum.

Ad Magnif. Ant. Beáta Mater, * et intácta Virgo, gloriósá Regína mundi, intercéde pro nobis ad Dóminum.

V. Dóminus vobíscum. **R.** Et cum spíritu tuo.

Oratio.

CONCÉDE NOS fámulos tuos, quæsumus Dómine Deus, perpétua mentis et córporis sanitate gaudere : et gloriósá

beâtæ Mariæ semper Virgini-
nis intercessiõne, a præsentí
liberári tristitia, et ætérna
pérfrui lætitia. Per Dómi-
num nostrum.

Post Orationem fiunt Com-
memorationes consuetæ de
sancto Joseph, de Aposto-
lis et de Pace, ut in Psalte-
rio post Vesp. Sabbati. 146.

Si autem occurrat Festum
Simplex, de eo fit Commem.
ante ipsa Suffragia.

Completorium ut in Psalt.
Et in fine Hymni Te lucis
ante términum. dicitur:

Jesu tibi sit glória,
Qui natus es de Virgine.
etiãsi in Vesperis facta sit
tantum Commem. de B. Ma-
ria, nisi Hymni illius Festi,
quod FERIA VI. celebratum
est, aliter concludendi sint,
ut in Transfiguratione Do-
mini.

AD MATUTINUM

Invit. Ave María, grátia
plena: * Dóminus tecum.

Ps. Venite, exsultémus. 2.

Hymn. Quem terra. 147*.

Nocturnum Sabbati, ut in
Psalt. 109, et in fine

Ÿ. Diffúsa est grátia in
lábiiis tuis. R. Proptérea be-
nedixit te Deus in ætérnum.

Pater noster.

Absolutio.

PRÉCIBUS et méritis beátæ
Mariæ semper Virginis,
et ómnium Sanctórum, per-
ducát nos Dóminus ad regna
cælórum. R. Amen.

Ÿ. Jube domne benedíce-
re.

Pro j. Lect. Bened. Nos
cum prole pia benedicat
Virgo Maria. R. Amen.

Primæ duæ Lectiones de
Script. libri currentis: ter-
tia, una ex inferius positis
per ordinem.

R. j. Sancta et immaculáta
virginitas, quibus te láudi-
bus éfferam, nésco: * Quia
quem cæli cápere non póte-
rant, tuo grémio contulisti.
Ÿ. Benedicta tu in muliéri-
bus, et benedictus fructus
ventris tui. Quia.

Pro ij. Lect. Bened. Ipsa
Virgo virginum intercédât
pro nobis ad Dóminum. R.
Amen.

R. ij. Felix namque es,
sacra Virgo María, et omni
láude digníssima: * Quia ex
te ortus est sol justitiæ,
* Christus Deus noster. Ÿ.
Ora pro pópulo, intéveni
pro clero, intercède pro de-
vóto femíneo sexu: séntiant
omnes tuum juvámen, qui-
cúmque célebrant tuam san-
ctam commemoratiómem.
Quia. Glória Patri. Christus.

Pro iij. Lect. Bened. Per
Virginem matrem concédât
nobis Dóminus salútem et
pacem. R. Amen.

Post iij. Lect. dicitur Te
Deum laudámus. 16.

AD LAUDES

ET PER HORAS

Omnia ut in Festis B. M.
V. 157*, præter seq.

Ÿ. Benedicta tu in mulié-
ribus. R. Et benedictus fru-
ctus ventris tui.

Ad Bened. Ant. Beáta Dei Génitrix María, * Virgo perpétua, templum Dómini, sacrárium Spíritus sancti: sola sine exémplo placuisti Dómino nostro Jesu Christo: ora pro pópulo, intéveni pro clero, intercède pro devóto femíneo sexu.

Oratio. Concède. 158*.

Deinde fiunt Commem. ut supra.

AD VESPERAS

Ant. et Pss. feriales: Capit. et reliq. omnia, si non occurrat Fest. Duplex, de Dom.

In fine, Commem. consuetæ, ut in Psalt. 146.

Lectiones sequentes dicuntur singulis mensibus in Officio B. M. V. in Sabbato, ordine subscripto.

MENSE SEPTEMBRI

Ex Epístola sancti Leónis Papæ ad Pulchériam Augústam.

Epístola 13. ante med.

Lectio iij.

SACRAMÉNTUM reconciliatiónis nostræ ante témpora æténa dispósitum, nullæ implébant figúræ: quia nondum supervénérat Spíritus sanctus in Virgínem, nec virtus Altissimi obumbráverat ei, ut et intra intémeráta víscera, ædificánte sibi Sapiéntia domum, Verbum caro fieret, et forma Dei ac forma servi in unam conveniénte persónam, Créator témporum nascerétur in témpore, et per quem facta sunt

ómnia, ipse inter ómnia gignerétur. Nisi enim novus homo factus in similitúdinem carnis peccáti nostram susciperet vetustátem, et consubstantiális Patri, consubstantiális esse dignarétur et matri, naturámque sibi nostram solus a peccáto liber uníret, sub jugo diaboli generáliter tenerétur humana captivitas.

Te Deum laudámus. 16.

MENSE OCTOBRI

Sermo sancti Bernárdi Abbátis.

Ex Serm. in cap. 12.

Apocalyps. ante medium.

Lectio iij.

AMPECTÁMUR Mariæ vestigia, fratres mei, et devotissima supplicatióne beátis illius pédibus provolvámur. Teneámus eam, nec dimittámus, donec benedixerit nobis: potens est enim. Nempe vellus est médium inter rorem et áream: mulier inter solem et lunam: María inter Christum et Ecclesiám constitúta. Sed forte miráris, non tam vellus opértum rore, quam amictam sole mulierem. Magna síquidem familiáritas, sed mira omníno vicinitas solis, et mulieris. Quómodo enim in tam veheménti fervóre tam fráglis natúra subsistit? Mérito quidem admiráris Móyses sancte, et curiosius desideras intuéri. Verúmtamen solve calceaménta de

pédibus tuis, et involúcrâ pone carnálium cogitátionum, si accédere concupiscis.

Te Deum laudámus. 16.

MENSE NOVEMBRI

De Expositióne sancti Basilii Episcopi in Isaíam Prophetám.

In cap. 8. post init.

Lectio iij.

ACCÉSSI, inquit, ad Prophetissam, et in útero accépit, et péperit filium. Quod Maria Prophetissa fúerit, ad quam próxime accéssit Isaías per prænotió-nem spíritus, nemo contradíxerit, qui sit memor verbórum Mariæ, quæ prophético afflata spíritu elocúta est. Quid enim ait? Magnificat ánima mea Dóminum : et exsultávit spíritus meus in Deo salutári meo : quia respéxit humilitátem ancillæ suæ : ecce enim ex hoc beátam me dicent omnes generatiónes. Quod si ánimum accommodáveris universis ejus verbis; non úti-que per dissídium negáveris eam fuisse Prophetissam,

quod Dómini Spíritus in eam supervénerit, et virtus Altíssimi obumbráverit ei.

Te Deum laudámus. 16.

MENSE DECEMBRI

Ante Adventum.

Ex libro Officiórum sancti Ambrósii Episcopi.

Lib. 1. cap. 18.

Lectio iij.

BONUS regendæ castitátis pudor est comes, qui primus in ipso cognitiónis ingrèssu Dómini matrem comméndat legéntibus, et tamquam testis locuples dignam quæ ad tale munus eligerétur ádstruit : quod in cubiculo, quod sola, quod salutáta ab Angelo tacet, et mota est in intróitu ejus : quod ad virilis sexus spéciem peregrinam turbátur adspéctus Vírginis. Itaque quamvis esset húmilis, præ verecúndia tamen non resalutávit, nec ullum respónsum rétulit, nisi ubi de suscipiéndâ Dómini generatióne cognóvit : ut qualitatem efféctus disceret, non ut sermónem refélleret.

Te Deum laudámus. 16.



OFFICIUM PARVUM BEATÆ MARIÆ VIRGINIS

Non dicitur, quando fit Officium novem Lectionum, nec in Sabbatis; quando fit Officium de S. Maria. Quibus diebus omittitur a I. Vesperis. Cum dicitur in Choro, in Matutinis et in Vesperis præponitur Officio diei; in aliis Horis postponitur. Prima dicitur post Benedicamus Dómino, antequam legatur Martyrologium. Extra Chorum potest dici pro temporis opportunitate.

OFFICIUM B. MARIÆ V. EXTRA ADVENTUM

AD VESPERAS

Ave Maria. **secreto**, quæ dicitur semper in principio omnium Horarum B. Mariæ, quando non conjunguntur cum Officio diei.

Ÿ. Deus in adiutorium. 17.

In cuius fine Allelúia, ad omnes Horas.

Ant., Pss., Capit. et Hymn. ut in Festis B. Mariæ Virginis. 145*.

Ÿ. Diffúsa est grátia in lábiis tuis. R. Propterea benedixit te Deus in ætérnum.

Ad Magnif. Ant. Beáta Mater, * et intácta Virgo, gloriósa Regína mundi, intercede pro nobis ad Dóminum.

Kýrie eléison. Christe eléison. Kýrie eléison.

Ÿ. Dóminus vobíscum. R. Et cum spíritu tuo.

Oratio.

CONCÉDE nos fámulos tuos, quæsumus Dómine Deus, perpétua mentis et córporis sanitáte gaudére: et gloriósa beatæ Mariæ semper Virginis intercessióne, a præsénti liberári tristitia, et ætérna pérfrui lætítia. Per Dñum.

Sequens Commemoratio pro Sanctis fit tantum ad Vesperas et Laudes in Officio S. Mariæ.

Ant. Sancti Dei omnes intercédere dignémini pro nostra omniúmque salúte.

Ÿ. Lætámini in Dómino, et exsultáte justí. R. Et gloriámini omnes recti corde.

Oratio.

PRÓTEGE Dómine pópulum tuum, et Apostolórum tuórum Petri et Páuli, et aliórum Apostolórum patrocínio confidéntem, perpétua defensióne consérva.

OMNES Sancti tui, quæsumus Dómine, nos ubique ádjuvent: ut dum eórum mérita recólimus, patrocínia sentiámus: et pacem tuam nostris concéde tempóribus, et ab Ecclésia tua cunctam repélle nequitiam: iter, actus, et voluntátes nostras, et ómnium famulórum tuórum, in salútis tuæ prospéri-

tâte dispóne: benefactóribus nostris sempitérna bona retribue, et ómnibus fidélibus defúntis réquiem ætérrnam concéde. Per Dóminum.

AD COMPLETORIUM

Ave María. *ut supra.*

Ÿ. Convérte nos Deus salutáris noster. *R.* Et avérte iram tuam a nobis.

Ÿ. Deus in adjutórium.

Ps. 128. Sæpe expugnavérunt. *Ps. 129.* De profúndis. et *Ps. 130.* Dómine non est exaltátum. *ut in Vesp. Feriæ IV. 134.*

Hymnus.

MEMENTO, rerum Cón-
ditor,
Nostri quod olim córporis,
Sacrata ab alvo Virginis
Nascéndo formam sumpse-
ris.

María Mater grátiae,
Dulcis Parens cleméntiae,
Tu nos ab hoste prótege,
Et mortis hora súscipe.

Jesu tibi sit glória,
Qui natus es de Virgine,
Cum Patre et almo Spíritu,
In sempitérna sæcula.

Amen.

Capitulum. *Eccli. 24. c*

EGO mater pulchræ dile-
ctiónis, et timóris, et
agnitiónis, et sanctæ spei.

R. Deo grátias.

Ÿ. Ora pro nobis sancta
Dei Génitrix. *R.* Ut digni
efficiámur promissionibus
Christi.

Ad Nunc dimittis, *Ant.*

Sub tuum præsidium * con-
fúgimus, sancta Dei Géni-

trix: nostras deprecationes
ne despicias in necessitati-
bus, sed a periculis cunctis
libera nos semper, Virgo
gloriosá et benedicta.

Kýrie eléison. Christe eléi-
son. Kýrie eléison.

Ÿ. Dóminus vobiscum. *R.*
Et cum spíritu tuo.

Oratio.

BEÁTÆ et gloriósæ semper
Virginis Mariæ, quæsu-
mus Dómine, intercèssio glo-
riosa nos próteget, et ad vi-
tam perdúcat ætérrnam. Per.

AD MATUTINUM

Ave María. *ut supra.*

Ÿ. Dómine lábia mea apé-
ries. *R.* Et os meum annun-
tiábit láudem tuam.

Ÿ. Deus in adjutórium.

Invit. Ave María, grátia
plena: * Dóminus tecum.

Ps. Veníte, exsultémus. 2.

Hymn. Quem terra. 147*.

IN NOCTURNO

*Ant. et Psalmi dicuntur ut
in Festis B. M. V., scilicet:*

Feria II. et V. De I. Noct.
148*.

Feria III. et VI. De II. Noct.
150*.

*Feria IV. et Sabbato. De
III. Noct. 154*.*

Ÿ. Diffúsa est grátia in lá-
biis tuis. *R.* Proptérea bene-
dixit te Deus in ætérrnum.

Pater noster. *secreto.*

Ÿ. Et ne nos indúcas in
tentatiónem. *R.* Sed libera
nos a malo.

Absolutio.

PRÉCIBUS et méritis beátæ
Mariæ semper Virginis,

et ómnium Sanctórum, perducát nos Dóminus ad regna cælórum. **R.** Amen.

V. Jube domne benedicere.

Bened. Nos cum prole pia benedicat Virgo María. **R.** Amen.

Lectio j. Eccli. 24.

IN ómnibus réquiem quæsi vi, et in hereditáte Dómini morábor. Tunc præcepit, et dixit mihi Créator ómnium : et qui creávit me, requiévít in tabernáculo meo, et dixit mihi : In Jacob inhábita, et in Israël hereditáre, et in eléctis meis mitte radices. Tu áutem Dómine miserére nobis.

R. Deo grátias.

R. Sancta et immaculáta virginitas, quibus te láudibus éfferam nescio : * Quia quem cæli cápere non póterant, tuo grémio contulisti.

V. Benedicta tu in muliéribus, et benedíctus fructus ventris tui. Quia.

V. Jube domne benedicere.

Bened. Ipsa Virgo virginum intercédát pro nobis ad Dóminum. **R.** Amen.

Lectio ij.

ET sic in Sion firmáta sum, et in civitáte sanctificáta similiter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illius, et in plenitúdine sanctórum deténtio mea. Tu áutem.

R. Beáta es Virgo María, quæ Dóminum portásti Creatórem mundi : * Genuisti qui te fecit, et in ætérnum permanes Virgo. **V.** Ave María, grátia plena, Dóminus tecum. Genuisti.

V. Jube domne benedicere.

Bened. Per Virginem Matrem concédát nobis Dóminus salútem et pacem. **R.** Amen.

Lectio iij.

QUASI cedrus exaltáta sum in Libano, et quasi cypréssus in monte Sion : quasi palma exaltáta sum in Cadés, et quasi plantátio rosæ in Jéricho. Quasi olíva speciósa in campis, et quasi plátanus exaltáta sum juxta aquam in platéis. Sicut cinnamómum, et bálsamum aromatizans odórem dedi : quasi myrrha elécta dedi suavitátem odóris. Tu áutem.

R. Felix namque es, sacra Virgo María, et omni láude digníssima : * Quia ex te ortus est sol justitiæ, * Christus Deus noster. **V.** Ora pro pópulo, intérvieni pro clero, intercède pro devóto femineo sexu : sentiant omnes tuum juvámen, quicúmque célebrant tuam sanctam commemoratióem. Quia. Glória Patri. Christus.

AD LAUDES

ET PER HORAS

V. Deus in adjutórium.

Ant. 1. Assúpta est * María in cælum : gáudent An-

geli, laudantes benedicunt Dominum.

Ps. Dominus regnavit. **cum reliq.** 17.

2. Maria Virgo * assumpta est ad æthereum thalamum, in quo Rex regum stellato sedet solio.

3. In odorem * unguentorum tuorum currimus : adolescentulæ dilexerunt te nimis.

4. Benedicta filia * tu a Domino : quia per te fructum vitæ communicavimus.

5. Pulchra es, * et decora, filia Jerúsalem : terribilis ut castrorum acies ordinata.

Capitulum. Cant. 6. c

VIDERUNT eam filiæ Sion, et beatissimam prædicaverunt, et reginæ laudaverunt eam. **R.** Deo grátias.

Hymn. O gloriósa. 157*.

V. Benedicta tu in mulieribus. **R.** Et benedictus fructus ventris tui.

Ad Bened. Ant. Beáta Dei Génitrix Maria, * Virgo perpétua, templum Domini, sacrarium Spiritus sancti : sola sine exémplo placuisti Domino nostro Jesu Christo : ora pro pópulo, intéveni pro clero, intercède pro devoto femineo sexu.

Kýrie eléison. Christe eléison. Kýrie eléison.

V. Dominus vobiscum. **R.** Et cum spiritu tuo.

Oratio.

DEUS, qui de beátæ Mariæ Virginis útero Verbum tuum, Angelo nuntiánte, car-

nem suscipere voluisti : præsta supplicibus tuis ; ut qui vere eam Genitricem Dei crédimus, ejus apud te intercessiónibus adjuvémur. Per eúndem Christum Dominum nostrum. **R.** Amen.

Pro Sanctis, Ant. Sancti Dei. 162*.

AD PRIMAM

Ave María.

V. Deus in adjutorium.

Hymn. Meménto. 163*.

Ant. Assumpta est.

Psalmus 53.

DEUS in nómine tuo saluum me fac : * et in virtute tua júdica me.

Deus exáudi oratióem meam : * áuribus pèrcipe verba oris mei.

Quóniam aliéni insurrexerunt advérsus me, et fortes quæsiérunt ánimam meam : * et non proposuérun Deum ante conspéctum suum.

Ecce enim Deus ádjuvat me : * et Dominus suscèptor est ánimæ meæ.

Avérte mala inimicis meis : * et in veritáte tua dispérde illos.

Voluntárie sacrificábo tibi, * et confitébor nómini tuo Dómine : quóniam bonum est :

Quóniam ex omni tribulatióne eripuisti me : * et super inimicos meos despéxit óculus meus.

Psalmus 84.

BENEDIXISTI Dómine terram tuam : * avertisti captivitátem Jacob.

Remisisti iniquitatem plebis tuæ : * operuisti omnia peccata eorum.

Mitigasti omnem iram tuam : * avertisti ab ira indignationis tuæ.

Converte nos Deus salutaris noster : * et averte iram tuam a nobis.

Numquid in ætérnum irascéris nobis ? * aut exténderis iram tuam a generatione in generationem ?

Deus tu conversus vivificabis nos : * et plebs tua lætabitur in te.

Osténde nobis Dómine misericórdiam tuam : * et salutare tuum da nobis.

Audiam quid loquátur in me Dóminus Deus : * quóniam loquétur pacem in plebem suam.

Et super sanctos suos : * et in eos, qui convertúntur ad cor.

Verúmtamen prope timéntes eum salutáre ipsius : * ut inhabitet glória in terra nostra.

Misericórdia, et véritas obviavérunt sibi : * justitia, et pax osculátæ sunt.

Véritas de terra orta est : * et justitia de cælo prospexit.

Etenim Dóminus dabit benignitatem : * et terra nostra dabit fructum suum.

Justitia ante eum ambulabit : * et ponet in via gressus suos.

Psalmus 116.

LAUDÁTE Dóminum omnes gentes : * laudáte eum omnes pópuli :

Quóniam confirmáta est super nos misericórdia ejus : * et véritas Dómini manet in ætérnum.

Ant. Assúpta est Maria in cælum : gáudent Angeli : laudántes benedicunt Dóminum.

Capitulum. Cant. 6. c

QUÆ est ista, quæ progreditur quasi auróra consurgens, pulchra ut luna, elécta ut sol, terribilis ut castrorum ácies ordináta ?

R. Deo grátias.

V. Dignáre me laudáre te Virgo sacráta. **R.** Da mihi virtutem contra hostes tuos.

Kýrie eléison. Christe eléison. Kýrie eléison.

V. Dóminus vobiscum. **R.** Et cum spíritu tuo.

Oratio.

DEUS, qui virginálem áulam beátæ Mariæ, in qua habitáres, eligere dignátus es : da, quæsumus ; ut sua nos defensione munitos, jucúndos fácias suæ interésse commemoratióni : Qui vivis et regnas.

AD TERTIAM

Ave Maria.

V. Deus in adjutórium.

Hymn. Meménto. 163*.

Ant. Maria Virgo.

Psalmus 119.

AD Dóminum cum tribulárer clamávi : * et exaudivit me.

Dómine libera ánimam meam a lábiis iniquis, * et a lingua dolósa.

Quid detur tibi, aut quid

apponátur tibi * ad linguam dolósam?

Sagittæ poténtis acútæ, * cum carbónibus desolatóriis.

Heu mihi, quia incolátus meus prolongátus est : habitávi cum habitántibus Cedar : * multum íncola fuit ánima mea.

Cum his, qui odérunt pacem, eram pacíficus : * cum loquébar illis, impugnábant me gratis.

Psalmus 120.

LEVÁVI óculos meos in montes, * unde véniet auxílium mihi.

Auxílium meum a Dómino, * qui fecit cælum et terram.

Non det in commotiónem pedem tuum : * neque dormítet qui custódit te.

Ecce non dormitábit neque dórmiet, * qui custódit Israël.

Dóminus custódit te, Dóminus protéctio tua, * super manum dexteram tuam.

Per diem sol non uret te : * neque luna per noctem.

Dóminus custódit te ab omni malo : * custódiat ánimam tuam Dóminus.

Dóminus custódiat intróitum tuum, et éxitum tuum, * ex hoc nunc et usque in sæculum.

Psalmus 121.

LÆTÁTUS sum in his, quæ dicta sunt mihi : * In domum Dómini ibimus.

Stantes erant pedes no-

stri, * in átriis tuis Jerúsalem.

Jerúsalem, quæ ædificá-tur ut civitas : * cuius partícipatio ejus in idípsum.

Illuc enim ascenderunt tribus, tribus Dómini : * testimoniúm Israël ad confiténdum nómini Dómini.

Quia illic sederunt sedes in iudicio, * sedes super domum David.

Rogáte quæ ad pacem sunt Jerúsalem : * et abundantia diligéntibus te.

Fiat pax in virtúte tua : * et abundantia in túrribus tuis.

Propter fratres meos, et próximos meos, * loquébar pacem de te :

Propter domum Dómini Dei nostri, * quæsívi bona tibi.

Ant. María Virgo assúpta est ad æthéreum thálamum, in quo Rex regum stelláto sedet sólio.

Capitulum. Eccli. 24. b

ET sic in Sion firmáta sum, et in civitáte sanctificáta similiter requiévī, et in Jerúsalem potéstas mea.

R. Deo grátias.

V. Diffúsa est grátia in lábiis tuis. **R.** Proptérea benedixit te Deus in ætérnum.

Kýrie eléison. Christe eléison. Kýrie eléison.

V. Dóminus vobíscum. **R.**

Et cum spíritu tuo.

Oratio.

DEUS, qui salútis æternæ, beátæ Mariæ virginitáte fecúnda, humáno géneri

præmia præstitisti : tribue ,
quæsumus ; ut ipsam pro
nobis intercédere sentiámus,
per quam meruimus auctórem
vitæ suscipere , Dóminum
nostrum Jesum Christum Fílium
tuum : Qui tecum vivit.

AD SEXTAM

Ave Mariá.

¶. Deus in adjutórium.

Hymn. Meménto. 163*.

Ant. In odórem.

Psalmus 122.

AD te levávi óculos meos,*
qui hábitas in cælis.

Ecce sicut óculi servórum
* in mánibus dominórum
suórum ,

Sicut óculi ancillæ in má-
nibus dómínæ suæ : * ita
óculi nostri ad Dóminum
Deum nostrum donec mise-
reátur nostri.

Miserére nostri Dómine,
miserére nostri : * quia mul-
tum repléti sumus despe-
ctióne :

Quia multum repléta est
ánima nostra : * oppróbrium
abundántibus , et despéctio
superbis.

Psalmus 123.

NISI quia Dóminus erat in
nobis , dicat nunc Israël : *
nisi quia Dóminus erat in
nobis ,

Cum exsúrgerent hómines
in nos , * forte vivos deglu-
tissent nos :

Cum irascerétur furor eórum
in nos , * fórsitan aqua
absorbuisset nos.

Torréntem pertransívit

ánima nostra : * fórsitan
pertransísset ánima nostra
aquam intolerábilem.

Benedictus Dóminus* qui
non dedit nos in captiónem
déntibus eórum.

Anima nostra sicut passer
erépta est* de láqueo venán-
tium :

Láqueus contritus est , *
et nos liberáti sumus.

Adjutórium nostrum in
nómine Dómini , * qui fecit
cælum et terram.

Psalmus 124.

QUI confidunt in Dómino ,
sicut mons Sion : * non
commovébitur in ætérnum ,
qui hábitat in Jerúsalem.

Montes in circúitu ejus : *
et Dóminus in circúitu pó-
puli sui , ex hoc nunc et us-
que in sæculum.

Quia non relinquet Dó-
minus virgam peccatórum
super sortem justórum : * ut
non exténdant justi ad ini-
quitátem manus suas.

Bénefac Dómine bonis , *
et rectis corde.

Declinántes áutem in obli-
gatiónes , addúcet Dóminus
cum operántibus iniquitá-
tem : * pax super Israël.

Ant. In odórem unguen-
tórum tuórum cúrrimus :
adolescéntulæ dilexérunt te
nimis.

Capitulum. Eccli. 24. b

ET radicávi in pópulo ho-
norificáto , et in parte
Dei mei heréditas illius , et
in plenitúdine sanctórum de-
téntio mea. R. Deo grátias.

V. Benedicta tu in mulieribus. **R.** Et benedictus fructus ventris tui.

Kýrie eléison. Christe eléison. Kýrie eléison.

V. Dóminus vobiscum. **R.** Et cum spíritu tuo.

Oratio.

CONCÉDE miséricors Deus fragilitati nostræ præsidium : ut qui sanctæ Dei Genitricis memoriam ágimus, intercessionis ejus auxilio, a nostris iniquitatibus resurgamus. Per eúmdem Dóminum.

AD NONAM

Ave María.

V. Deus in adiutorium.

Hymn. Meménto. 163*.

Ant. Pulchra es.

Psalmus 125.

IN converténdo Dóminus captivitatem Sion : * facti sumus sicut consolati.

Tunc replétum est gaudio os nostrum : * et lingua nostra exsultatione.

Tunc dicent inter gentes : * Magnificávit Dóminus fácere cum eis.

Magnificávit Dóminus fácere nobiscum : * facti sumus lætantes.

Convérte Dómine captivitatem nostram, * sicut torrens in Austro.

Qui sémant in lácrymis, * in exsultatione metent.

Eúntes ibant et flebant, * mitténtes sémina sua.

Veniéntes áutem vénient cum exsultatione, * portántes manípulos suos.

Psalmus 126.

NISI Dóminus ædificáverit domum, * in vanum laboráverunt qui ædificant eam.

Nisi Dóminus custodierit civitatem, * frustra vigilat qui custódit eam.

Vanum est vobis ante lucem súrgere : * súrgite postquam sedéritis, qui manducátis panem doloris.

Cum déderit diléctis suis somnum : * ecce heréditas Dómini filii : merces, fructus ventris.

Sicut sagittæ in manu poténtis : * ita filii excussórum.

Beátus vir qui implévit desidérium suum ex ipsis : * non confundétur cum loquétur inimicis suis in porta.

Psalmus 127.

BEÁTI omnes, qui timent Dóminum, * qui ámbulant in viis ejus.

Labóres mánuum tuárum quia manducábis : * beátus es, et bene tibi erit.

Uxor tua sicut vitis abúndans, * in latéribus domus tuæ.

Filii tui sicut novellæ olivárum, * in circúitu mensæ tuæ.

Ecce sic benedicétur homo, * qui timet Dóminum.

Benedicat tibi Dóminus ex Sion : * et videas bona Jerúsalem ómnibus diébus vitæ tuæ.

Et videas filios filiórum tuórum, * pacem super Israël.

Ant. Pulchra es, et decó-

ra, filia Jerúsalem : terribilis
ut castrórum ácies ordináta.

Capitulum. Eccli. 24. b

IN platéis sicut cinnamó-
mum et bálsamum aro-
matizans odórem dedi : qua-
si myrrha elécta dedi suavi-
tátem odóris. **R.** Deo grátias.

V. Post partum Virgo in-
violáta permansisti. **R.** Dei
Génitrix intercède pro no-
bis.

Kýrie eléison. Christe eléi-
son. Kýrie eléison.

V. Dóminus vobíscum. **R.**
Et cum spíritu tuo.

Oratio.

FAMULÓRUM tuórum, quæ-
sumus Dómine, delictis
ignósce : ut qui tibi placére
de áctibus nostris non va-
lémus, Genitricis Filii tui
Dómini nostri intercessióne
salvémur : Qui tecum vivit.





OFFICIUM DEFUNCTORUM

Dicitur extra Tempus Paschale prima cujusque mensis die, non impedita Festo novem Lect., alioquin alia sequenti die similiter non impedita. In Choro dicitur post Officium diei, id est, Vesperæ post Vesperas, et Matut. post Laudes diei, nisi alia sit consuetudo ecclesiarum: extra Chorum vero pro opportunitate temporis.

AD VESPERAS

Absolute incipitur ab

Ant. Placébo Dómino * in regione vivórum.

Psalmus 114.

DILÉXI, quóniam exáudiet Dóminus* vocem oratiónis meæ.

Quia inclinávit áurem suam mihi: * et in diébus meis invocábo.

Circumdedérunt me dolóres mortis: * et perícula inférni invenérunt me.

Tribulatiónem et dolórem invéni: * et nomen Dómini invocávi.

O Dómine libera ánimam meam: * miséricors Dóminus, et justus, et Deus noster miserétur.

Custódiens párvulos Dóminus: * humiliátus sum, et liberávit me.

Convértere ánima mea in réquiem tuam: * quia Dóminus benefécit tibi.

Quia erípuit ánimam meam de morte: * óculos meos a lácrymis, pedes meos a lapsu.

Placébo Dómino * in regione vivórum.

In fine omnium Psalmorum dicitur:

Réquiem ætérnam * dona eis Dómine.

Et lux perpétua* lúceat eis.

Ant. Placébo Dómino in regione vivórum.

Ant. Hei mihi Dómine, * quia incolátus meus prolongátus est.

Psalmus 119.

Ad Dóminum cum tribulárer clamávi: * et exaudivit me.

Dómine libera ánimam meam a lábiis iníquiis, * et a lingua dolósa.

Quid detur tibi, aut quid apponátur tibi * ad linguam dolósam?

Sagittæ poténtis acútæ, * cum carbónibus desolatóriis.

Heu mihi, quia incolátus meus prolongátus est: habitávi cum habitántibus Cedar: * multum íncola fuit ánima mea.

Cum his, qui odérunt pacem, eram pacíficus : * cum loquébar illis, impugnábant me gratis.

Réquiem ætérnam.

Ant. Hei mihi Dómine, quia incolátus meus prolongátus est.

Ant. Dóminus custódit te * ab omni malo : custódiat ánimam tuam Dóminus.

Psalmus 120.

LEVÁVI ÓCULOS MEOS IN MONTES, * unde véniet auxiliū mihi.

Auxiliū meum a Dómino, * qui fecit cælum et terram.

Non det in commotiōnem pedem tuum : * neque dormitet qui custódit te.

Ecce non dormitábit, neque dórmiet, * qui custódit Israël.

Dóminus custódit te, Dóminus protéctio tua, * super manum dexteram tuam.

Per diem sol non uret te : * neque luna per noctem.

Dóminus custódit te ab omni malo : * custódiat ánimam tuam Dóminus.

Dóminus custódiat intróitum tuum, et éxitum tuum : * ex hoc nunc, et usque in sæculum.

Réquiem ætérnam.

Ant. Dóminus custódit te ab omni malo : custódiat ánimam tuam Dóminus.

Ant. Si iniquitátes * observáveris Dómine : Dómine quis sustinébit?

Psalmus 129.

DE PROFÚNDIS CLAMÁVI AD TE DÓMINE : * DÓMINE EXÁUDI VOCEM MEAM.

Fiant áures tuæ intendéntes, * in vocem deprecatiōnis meæ.

Si iniquitátes observáveris Dómine : * Dómine quis sustinébit?

Quia apud te propitiatio est : * et propter legem tuam sustinui te Dómine.

Sustinuit ánima mea in verbo ejus : * sperávit ánima mea in Dómino.

A custódia matutína usque ad noctem : * speret Israël in Dómino.

Quia apud Dóminum misericórdia : * et copiósa apud eum redemptio.

Et ipse rédimet Israël, * ex ómnibus iniquitátibus ejus.

Réquiem ætérnam.

Ant. Si iniquitátes observáveris Dómine : Dómine quis sustinébit?

Ant. Opera * mánuum tuarum Dómine ne despicias.

Psalmus 137.

CONFITÉBOR tibi Dómine in toto corde meo : * quóniam audisti verba oris mei.

In conspéctu Angelórum psallam tibi : * adorábo ad templum sanctum tuum, et confitébor nómini tuo.

Super misericórdia tua, et veritáte tua : * quóniam magnificásti super omne, nomen sanctum tuum.

In quacúmque die invocávero te, exáudi me : * multiplicábis in ánima mea virtútem.

Confiteántur tibi Dómine omnes reges terræ : * quia audiérunt ómnia verba oris tui :

Et cantent in viis Dómini : * quóniam magna est glória Dómini.

Quóniam excélsus Dóminus, et humilia réspicit : * et alta a longe cognóscit.

Si ambulávero in médio tribulatiónis, vivificábis me : * et super iram inimicórum meórum extendísti manum tuam, et salvum me fecit dextera tua.

Dóminus retribuet pro me : * Dómine misericórdia tua in sáeculum : ópera mánuum tuárum ne despicias.

Réquiem ætérnam.

Ant. Opera mánuum tuárum Dómine ne despicias.

Ÿ. Audívi vocem de cælo dicéntem mihi. **R.** Beáti mórtui qui in Dómino moriúntur.

Ad Magnif. Ant. Omne * quod dat mihi Pater, ad me véniet : et eum qui venit ad me, non ejiciam foras.

Preces infrascriptæ dicuntur flexis genibus; similiter et ad Laudes.

Pater noster. **secreto.**

Ÿ. Et ne nos indúcas in tentatiónem. **R.** Sed libera nos a malo.

Sequens Ps. Láuda ánima mea. **in Vesp., similiter et**

Ps. De profundis. in fine Laudum, non dicuntur in die Commemorationis omnium Fidelium Defunctorum, neque in die obitus seu depositionis Defuncti. Alias semper dicuntur.

Psalmus 145.

LÁUDA ánima mea Dóminus : laudábo Dóminum in vita mea : * psallam Deo meo quámdiu fúero.

Nolite confidere in principibus : * in filiis hóminum, in quibus non est salus.

Exibit spíritus ejus, et revertétur in terram suam : * in illa die peribunt omnes cogitatiónes eórum.

Beátus, cujus Deus Jacob adjutor ejus, spes ejus in Dómino Deo ipsíus : * qui fecit cælum et terram, mare, et ómnia, quæ in eis sunt.

Qui custódit veritátem in sáeculum, facit judícium injúriam patiéntibus : * dat escam esuriéntibus.

Dóminus solvit compeditos : * Dóminus illúminat cæcos.

Dóminus érigit elisos : * Dóminus diligit justos.

Dóminus custódit ádvenas, pupillum et víduam suscipiet : * et vias peccatórum dispérdet.

Regnabit Dóminus in sáecula : Deus tuus Sion, * in generatiónem et generatió-nem.

In fine Psalmi ; Réquiem ætérnam * dona eis Dómine.

Et lux perpétua * lúceat
eis.

Deinde *ŷ.* A porta inferi.

R. Erue Dómine ánimas
eórum.

ŷ. Requíescant in pace.

R. Amen.

ŷ. Dómine exáudi oratió-
nem meam. *R.* Et clamor
meus ad te véniat.

ŷ. Dóminus vobiscum. *R.*
Et cum spiritu tuo.

Oratio.

DEUS, qui inter apostólicos
sacerdótes, fámulos tuos
pontificáli seu sacerdotáli fe-
cisti dignitáte vigére : præ-
sta quæsumus ; ut eórum
quoque perpétuo aggregén-
tur consórtio.

DEUS, véniæ largitor et
humánæ salútis amá-
tor : quæsumus cleméntiam
tuam ; ut nostræ congrega-
tiónis fratres, propínquos
et benefactóres, qui ex hoc
sæculo transiérunt, beáta
María semper Vírgine inter-
cedente cum ómnibus San-
ctis tuis, ad perpétuæ bea-
titudinis consórtium perve-
nire concédas.

FIDÉLIUM Deus ómnium
Cónditor et Redémptor,
animábus famulórum famu-
larúmque tuárum remissió-
nem cunctórum tribue pec-
catórum : ut indulgéntiam
quam semper optavérunt,
piis supplicatióibus conse-
quántur : Qui vivis et re-
gnas in sæcula sæculórum.
R. Amen.

In die vero Commemora-

tionis omnium Fidelium De-
functorum, quando dicitur
hæc ultima tantum Oratio,
dicitur : Qui vivis et regnas
cum Deo Patre in unitáte
Spíritus sancti Deus, per
ómnia sæcula sæculórum.
R. Amen.

In die depositionis Defuncti.
Oratio.

ABSÓLVE, quæsumus Dó-
mine, ánimam fámuli tui
N., ut defúnctus sæculo tibi
vivat : et quæ per fragilitá-
tem carnis humana conver-
satióne commisit, tu vénia
misericordissimæ pietátis
abstérge. Per Dóminum.

Si fuerit femina, dicatur
ánimam fámulæ tuæ **N.**, ut
defúncta.

In Anniversario die.

Oratio.

DEUS indulgentiárum Dó-
mine : da animábus
famulórum famularúmque
tuárum, quorum anniversá-
rium depositiόνis diem com-
memorámus, refrigerií se-
dem, quiétis beatitúdinem,
et lúminis claritátem. Per
Dóminum.

Si pro uno tantum fit An-
niversarium, dicatur in sin-
gulari numero.

Pro uno Episcopo defuncto.
Oratio.

DEUS, qui inter apostóli-
cos sacerdótes fámulum
tuum **N.** pontificáli fecisti di-
gnitáte vigére : præsta quæ-
sumus ; ut eórum quoque
perpétuo aggregétur consór-
tio. Per Dóminum.

Si fuerit Sacerdos, dicatur sacerdotáli fecisti, etc.

Pro fratribus vero et familiaribus, vel benefactoribus, dicitur Oratio Deus, véniæ largitor. *ut supra.*

Pro patre et matre.

Oratio.

DEUS, qui nos patrem et matrem honoráre præcepisti : miserére cleménter animábus patris et matris meæ, eorúmque peccáta dimitte ; meque eos in æternæ claritátis gáudio fac vidére. Per Dóminum.

Si fit pro pluribus, dicatur animábus paréntum nostrórum, **et ubi dicitur** meque, **dicatur** nosque.

Si pro patre tantum, dicatur ánimæ patris mei, **vel** nostri.

Si pro matre tantum, dicatur ánimæ matris meæ, **vel** nostræ.

Pro uno Defuncto.

Oratio.

INCLÍNA Dómine áurem tuam ad preces nostras, quibus misericórdiam tuam súpplices deprecámur : ut ánimam fámuli tui, quam de hoc sáculo migráre jussisti, in pacis ac lucis regiône constituas, et sanctórum tuórum júbeas esse consórtem. Per Dóminum.

Pro una Defuncta.

Oratio.

QUÆSUMUS Dómine pro tua pietáte miserére ánimæ fámulæ tuæ : et a contágiis

mortalitátis exútam, in æternæ salvatiónis partem restitue. Per Dóminum.

Ÿ. Réquiem ætérnam dona eis Dómine. **R̃.** Et lux perpétua lúceat eis.

Ÿ. Requiéscant in pace. **R̃.** Amen.

AD MATUTINUM

Invit. Regem, cui ómnia vivunt, * Veníte, adorémus.

Repetit. Regem, cui ómnia vivunt, veníte, adorémus.

Ps. Veníte, exsultémus. 2.

Et in fine : Réquiem ætérnam dona eis Dómine : et lux perpétua lúceat eis.

Hoc Invitatorium dicitur tantum in die Commemorationis omnium Fidelium Defunctorum, et in die depositionis Defuncti : quibus diebus dicuntur tres infra-scripti Nocturni, et Ant. duplicantur. Aliis temporibus dicitur tantum unum Nocturnum cum Laudibus, hoc ordine : Feria II. et V., I. Nocturnum : Feria III. et VI., II. Nocturnum : Feria IV. et Sabbato, III. Nocturnum.

IN I. NOCTURNO

PRO FERIA II. ET V.

Ant. Dirige* Dómine Deus meus in conspéctu tuo viam meam.

Psalmus 5.

VERBA mea áuribus percipe Dómine, * intéllege clamórem meum.

Inténde voci oratiónis meæ, * Rex meus et Deus meus.

Quóniam ad te orábo : *

Dómine mane exáudies vocem meam.

Mane adstábo tibi, et vidébo : * quóniam non Deus volens iniquitátem tu es.

Neque habitábit juxta te malignus : * neque permanébunt injústi ante óculos tuos.

Odisti omnes, qui operántur iniquitátem : * perdes omnes, qui loquúntur mendácium.

Virum sánguinem et dolósum abominábitur Dóminus : * ego áutem in multítudine misericórdiæ tuæ.

Introibo in domum tuam : * adorábo ad templum sanctum tuum in timóre tuo.

Dómine deduc me in justítia tua : * propter inimicos meos dirige in conspéctu tuo viam meam.

Quóniam non est in ore eórum véritas : * cor eórum vanum est.

Sepúlcrum patens est guttur eórum, linguis suis dolóseagebant, * júdica illos Deus.

Décidant a cogitátionibus suis, secúndum multítudinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt : et habitábis in eis.

Et gloriabúntur in te omnes, qui diligunt nomen tuum, * quóniam tu benedices justo.

Dómine, ut scuto bonæ voluntátis tuæ * coronásti nos.

Réquiem ætérnam.

Ant. Dirige Dómine Deus meus in conspéctu tuo viam meam.

Ant. Convértere * Dómine, et éripe ánimam meam : quóniam non est in morte, qui memor sit tui.

Psalmus 6.

DÓMINE, ne in furóre tuo árguas me, * neque in ira tua corripias me.

Miserére mei Dómine quóniam infirmus sum : * sana me Dómine quóniam conturbáta sunt ossa mea.

Et ánima mea turbáta est valde : * sed tu Dómine úsquequo?

Convértere Dómine, et éripe ánimam meam : * saluum me fac propter misericórdiam tuam,

Quóniam non est in morte qui memor sit tui : * in inférno áutem quis confitébitur tibi?

Laborávi in gémitu meo, lavábo per singulas noctes lectum meum : * lácrymis meis stratum meum rigábo.

Turbátus est a furóre óculus meus : * inveterávi inter omnes inimicos meos.

Discédite a me omnes, qui operámini iniquitátem : * quóniam exaudivit Dóminus vocem fletus mei.

Exaudivit Dóminus deprecationem meam, * Dóminus oratióem meam suscepit.

Erubéscant, et conturbéntur veheménter omnes inimici mei : * convertántur

et erubescant valde velociter.

Réquiem ætérnam.

Ant. Convértere Dómine, et éripe ánimam meam : quóniam non est in morte, qui memor sit tui.

Ant. Nequándo rápiat * ut leo ánimam meam, dum non est qui rédimat, neque qui salvum fáciat.

Psalmus 7.

DÓMINE Deus meus in te sperávi : * salvum me fac ex ómnibus persecuéntibus me, et libera me.

Nequándo rápiat ut leo ánimam meam, * dum non est qui rédimat, neque qui salvum fáciat.

Dómine Deus meus, si feci istud, * si est iniquitas in mánibus meis :

Si réddidi retribuéntibus mihi mala, * decídám mérito ab inimícis meis inánis.

Persequátur inimícus ánimam meam, et comprehéndat, et concúlcet in terra vitam meam, * et glóriam meam in púlverem dedúcat.

Exsúrge Dómine in ira tua : * et exaltáre in finibus inimicórum meórum.

Et exsúrge Dómine Deus meus in præcépto quod mandásti : * et synagóga populórum circúmdabit te.

Et propter hanc in altum regrédere : * Dóminus júdicat pópulos.

Júdica me Dómine secúndum justitiam meam, *

et secúndum innocéntiam meam super me.

Consumétur nequítia peccatórum, et diriges justum, * scrutans corda et renes Deus.

Justum adjutórium meum a Dómino, * qui salvos facit rectos corde.

Deus iudex justus, fortis, et pátiens : * numquid iráscitur per singulos dies?

Nisi convérsi fuéritis, gládium suum vibrábit : * arcum suum teténdit, et parávit illum.

Et in eo parávit vasa mortis, * sagittas suas ardéntibus effécit.

Ecce partúriit injustitiam : * concépit dolórem, et péperit iniquitátem.

Lacum apérui, et effódit eum : * et incidit in fóveam, quam fecit.

Convertétur dolor ejus in caput ejus : * et in vérticem ipsíus iniquitas ejus descéndet.

Confitébor Dómino secúndum justitiam ejus : * et psallam nómini Dómini altíssimi.

Réquiem ætérnam.

Ant. Nequándo rápiat ut leo ánimam meam, dum non est qui rédimat, neque qui salvum fáciat.

. V. A porta inferi. R. Erue Dómine ánimas eórum.

Pater noster. **totum secreto.**

Lectiones leguntur sine Absolutione, Benedictionibus et Titulo.

Lectio j. Job 7. d

PARCE mihi Dómine : nihil enim sunt dies mei. Quid est homo, quia magnificas eum? aut quid appónis erga eum cor tuum? Visitas eum dilúculo, et súbito probas illum. Usquequo non parcis mihi, nec dimittis me, ut glútiam salívam meam? Peccávi : quid fáciam tibi o custos hóminum? quare posuisti me contrárium tibi, et factus sum mihimetipsi gravis? Cur non tollis peccátum meum, et quare non áufers iniquitátem meam? ecce nunc in púlvere dórmiam : et si mane me quæsieris, non subsistam.

Lect. terminantur sine Tu áutem. vel alia conclusione.

R. Credo quod Redemptor meus vivit, et in novissimo die de terra surrecturus sum :
 * Et in carne mea vidébo Deum Salvatórem meum. **V.** Quem visurus sum ego ipse, et non álius : et óculi mei conspecturi sunt. Et.

Lectio ij. Job 10.

TÆDET ánimam meam vitæ meæ, dimittam advérsum me elóquium meum, loquar in amaritúdine ánimæ meæ. Dicam Deo : Noli me condemnáre : índica mihi cur me ita júdices. Numquid bonum tibi vidétur, si calumniéris me, et ópprimas me opus mánuum tuárum, et consílium impiórum ádjuves? Numquid óculi cárnei tibi sunt : aut sicut

videt homo, et tu vidébis? Numquid sicut dies hóminis dies tui, et anni tui sicut humana sunt témpora, ut quæraras iniquitátem meam, et peccátum meum scrutéris? Et scias quia nihil ímpium fécerim, cum sit nemo qui de manu tua possit erúere.

R. Qui Lázarum resuscitásti a monuménto foétidum :
 * Tu eis Dómine dona réquiem, et locum indulgéntiæ. **V.** Qui venturus es judicáre vivos et mórtuos, et sæculum per ignem. Tu eis.

Lectio iij. Job 10. b

MANUS tuæ fecerunt me, et plasmavérunt me totum in circúitu : et sic repente præcípitas me? Meménto quæso quod sicut lutum féceris me, et in púlverem redúces me. Nonne sicut lac mulsísti me, et sicut cáseum me coagulásti? Pelle et cárnibus vestísti me : óssibus et nervis compegísti me. Vitam et misericórdiam tribuísti mihi, et visitatio tua custodívit spíritum meum.

R. Dómine, quando véneris judicáre terram, ubi me abscóndam a vultu iræ tuæ?
 * Quia peccávi nimis in vita mea. **V.** Commissa mea pavésco, et ante te erubésco : dum véneris judicáre, noli me condemnáre. Quia. **V.** Réquiem ætérnam dona eis Dómine : et lux perpétua lúceat eis. Quia.

Postea ad Laudes, ut in-

fra. 186*, quando dicitur
unum tantum Nocturnum.

IN II. NOCTURNO

PRO FERIA III. ET VI.

Ant. In loco páscae * ibi
me collocávit.

Psalmus 22.

DÓMINUS regit me, et nihil
mihi déerit : * in loco
páscae ibi me collocávit.

Super aquam refectiõnis
educávit me : * ánimam me-
am convértit.

Dedúxit me super sémi-
tas justitiæ, * propter nomen
suum.

Nam, et si ambulávero in
medio umbræ mortis, non
timébo mala : * quóniam tu
mecum es.

Virga tua, et báculo tuus :
* ipsa me, consoláta sunt.

Parásti in conspéctu meo
mensam, * advérsus eos, qui
tribulant me.

Impinguásti in óleo caput
meum : * et calix meus iné-
brians quam præclárus est!

Et misericórdia tua subse-
quétur me * ómnibus diébus
vitæ meæ :

Et ut inhábitem in domo
Dómini, * in longitudinem
diérum.

Réquiem ætérnam.

Ant. In loco páscae ibi
me collocávit.

Ant. Delicta * juventútis
meæ, et ignorántias meas
ne memíneris Dómine.

Psalmus 24.

Ad te Dñe levávi ánimam
meam : * Deus meus in
te confido, non erubéscam.

Neque irrideant me ini-
mici mei : * etenim univér-
si, qui sústinent te, non con-
fundéntur.

Confundántur omnes ini-
qua ágéntes * supervácue.

Vias tuas Dómine demón-
stra mihi : * et sémitas tuas
édoce me.

Dirige me in veritáte tua,
et doce me : * quia tu es
Deus salvátor meus, et te
sustínui tota die.

Reminiscere miseratió-
num tuárum Dómine, * et
misericordiárum tuárum,
quæ a sáculo sunt.

Delicta juventútis meæ, *
et ignorántias meas ne me-
mineris.

Secúndum misericórdiam
tuam meménto mei tu : *
propter bonitátem tuam Dó-
mine.

Dulcis et rectus Dóminus : *
propter hoc legem dabit de-
linquéntibus in via.

Diriget mansuétos in judi-
cio : * docébit mites vias suas.

Univérsæ viæ Dómini, mi-
sericórdia et véritas, * requi-
réntibus testaméntum ejus
et testimónia ejus.

Propter nomen tuum Dó-
mine propitiáberis peccáto
meo : * multum est enim.

Quis est homo qui timet
Dóminum? * legem státuit ei
in via, quam elégit.

Anima ejus in bonis de-
morábitur : * et semen ejus
hereditábit terram.

Firmaméntum est Dómi-
nus timéntibus eum : * et

testaméntum ipsíus ut manifestétur illis.

Oculi mei semper ad Dóminum : * quóniam ipse evélet de láqueo pedes meos.

Réspice in me, et miserére mei : * quia únicus et páuper sum ego.

Tribulatiónes cordis mei multiplicátæ sunt : * de necessitatibus meis érue me.

Vide humilitátem meam, et labórem meum : * et mitte univérsa delicta mea.

Réspice inimícos meos quóniam multiplicáti sunt, * et ódio iníquo odérunt me.

Custódi ánimam meam, et érue me : * non erubéscam, quóniam sperávi in te.

Innocéntes et recti adhæsérunt mihi : * quia sustinui te.

Libera Deus Israël * ex ómnibus tribulatió nibus suis.

Réquiem ætérnam.

Ant. Delicta juventútis meæ, et ignorántias meas ne memíneris Dómine.

Ant. Credo vidére * bona Dómini in terra vivéntium.

Psalmus 26.

DÓMINUS illuminátio mea et salus mea, * quem timébo?

Dóminus protéctor vitæ meæ, * a quo trepidábo?

Dum apprópíant super me nocéntes, * ut edant carnes meas :

Qui tribulant me inimíci mei, * ipsi infirmáti sunt, et cecidérunt.

Si consistant advérsus me castra, * non timébit cor meum.

Si exsúrgat advérsus me prælium, * in hoc ego sperábo.

Unam pétii a Dómino, hanc requíram, * ut inhábitem in domo Dómini ómnibus diébus vitæ meæ :

Ut videam voluptátem Dómini, * et visitem templum ejus.

Quóniam abscondit me in tabernáculo suo : * in die malórum protéxit me in abscondito tabernáculo sui.

In petra exaltávit me : * et nunc exaltávit caput meum super inimícos meos.

Circuivi, et immolávi in tabernáculo ejus hóstiam vociferatiónis : * cantábo, et psalmum dicam Dómino.

Exáudi Dómine vocem meam, qua clamávi ad te : * miserére mei, et exáudi me.

Tibi dixit cor meum, exquisivit te fácies mea : * fáciem tuam Dómine requíram.

Ne avértas fáciem tuam a me : * ne declínes in ira a servo tuo.

Adjútor meus esto : * ne derelinquas me, neque despicias me Deus salutáris meus.

Quóniam pater meus, et mater mea dereliquérunt me : * Dóminus áutem assúmpsit me.

Legem pone mihi Dómine in via tua : * et dirige me in sémitam rectam propter inimícos meos.

Ne tradideris me in ánimas tribulántium me: * quóniam insurrexérunt in me testes iníqui, et mentita est iniquitas sibi.

Credo vidére bona Dómini * in terra vivéntium.

Exspécta Dóminum, viriliter age: * et confortétur cor tuum, et sústine Dóminum.

Réquiem ætérnam.

Ant. Credo vidére bona Dómini in terra vivéntium.

V. Cóllocet eos Dóminus cum princípibus. **R.** Cum princípibus pópuli sui.

Pater noster. **totum secreto.**

Lectio iv. Job 13. d

RESPÓNDE mihi: Quantas hábeo iniquitátes et peccáta, scélera mea et delicta osténde mihi. Cur fáciem tuam abscondis, et arbitráris me inimicum tuum? Contra fólium, quod vento rápitur, osténdis poténtiam tuam, et stípulam siccam perséqueris: scribis enim contra me amaritúdines, et consúmere me vis peccátis adolescéntiæ meæ. Posuísti in nervo pedem meum, et observásti omnes sémitas meas, et vestigia pedum meórum considerásti: qui quasi putrédo consuméndus sum, et quasi vestiméntum, quod coméditur a tinea.

R. Meménto mei Deus, quia ventus est vita mea, * Nec adspiciat me visus hóminis. **V.** De profúndis cla-

mávi ad te Dómine: Dómine exáudi vocem meam. Nec.

Lectio v. Job 14.

HOMO natus de muliere, brevi vivens témpore, replétur multis misériis. Qui quasi flos egréditur et contéritur, et fugit velut umbra, et numquam in eódem statu pérmanet. Et dignum ducis super hujuscémodi aperire óculos tuos, et addúcere eum tecum in iudicium? Quis potest fácere mundum de inmúndo concéptum sémine? Nonne tu qui solus es? Breves dies hóminis sunt, númerus ménsium ejus apud te est: constituísti téminos ejus, qui præteriri non póterunt. Recéde páululum ab eo, ut quiéscat, donec optáta véniat, sicut merce-nárii, dies ejus.

R. Hei mihi Dómine, quia peccávi nimis in vita mea: Quid fáciam, miser? ubi fúgiam, nisi ad te Deus meus? * Miserére mei, dum véneris in novíssimo die. **V.** Anima mea turbáta est valde, sed tu Dómine succúrre ei. Miserére.

Lectio vj. Job 14. c

QUIS mihi hoc tribuat, ut in inférno prótegas me, et abscondas me, donec pertránseat furor tuus, et constituas mihi témpus in quo recordéris mei? Putásne mórtuus homo rursum vivat? Cunctis diébus quibus nunc milito, exspécto donec véniat immutátio mea. Vo-

cábis me, et ego respondébo tibi : óperi mánuum tuárum pórriges délixteram. Tu quídem gressus meos dinumerásti, sed parce peccátis meis.

R. Ne recordéris peccáta mea Dómine, * Dum véneris judicáre sáeculum per ignem.

V. Dirige Dómine Deus meus in conspéctu tuo viam meam. Dum. **V.** Réquiem ætérnam. Dum.

Postea ad Laudes ut infra. 186*, quando dicitur unum tantum Nocturnum.

IN III. NOCTURNO

PRO PERIA IV. ET SABBATO

Ant. Compláceat * tibi Dómine, ut erípias me : Dómine ad adjuvándum me respice.

Psalmus 39.

EXSPÉCTANS expectávi Dóminum, * et inténdit mihi.

Et exaudivit preces meas : * et edúxit me de lacu misériæ, et de luto fæcis.

Et státuit super petram pedes meos : * et diréxit gressus meos.

Et immisit in os meum cánticum novum, * carmen Deo nostro.

Vidébunt multi, et timébunt : * et sperábunt in Dómino.

Beátus vir, cujus est nomen Dómini spes ejus : * et non respéxit in vanitátes et insánias falsas.

Multa fecísti tu Dómine Deus meus mirabilia tua : * et cogitatióibus tuis non est qui similis sit tibi.

Annuntiávi et locútus sum : * multiplicáti sunt super númerum.

Sacrificium et oblatiónem noluísti : * áures áutem perfecísti mihi.

Holocáustum et pro peccáto non postulásti : * tunc dixi : Ecce vénio.

In cápite libri scriptum est de me ut fácerem voluntátem tuam : * Deus meus vólui, et legem tuam in médio cordis mei.

Annuntiávi justítiam tuam in ecclésia magna, * ecce lábia mea non prohibébo : Dómine tu scísti.

Justítiam tuam non abscóndi in corde meo : * veritátem tuam et salutáre tuum dixi.

Non abscóndi misericórdiam tuam, et veritátem tuam * a concílio multo.

Tu áutem Dómine ne longe fácias miseratiónes tuas a me : * misericórdia tua et véritas tua semper suscepérunt me.

Quóniam circumdedérunt me mala, quorum non est númerus : * comprehendérunt me iniquitátes meæ, et non pótui ut vidérem.

Multiplicátæ sunt super capillos cápitis mei : * et cor meum derelíquit me.

Compláceat tibi Dómine ut éruas me : * Dómine ad adjuvándum me respice.

Confundántur et revereántur simul, qui quærunt ánimam meam, * ut áuferant eam.

Convertántur retrórsum,

et revereántur * qui volunt mihi mala.

Ferant conféstim confusiónem suam, * qui dicunt mihi : Euge, éuge.

Exsúltent, et læténtur super te omnes quæréntes te : * et dicant semper : Magnificétur Dóminus : qui diligunt salutáre tuum.

Ego áutem mendícus sum et páuper : * Dóminus solícitus est mei.

Adjútor meus, et protéctor meus tu es : * Deus meus ne tardáveris.

Réquiem ætérnam.

Ant. Compláceat tibi Dómine, ut eripias me : Dómine ad adjuvándum me respice.

Ant. Sana Dómine * ánimam meam, quia peccávi tibi.

Psalmus 40.

BEÁTUS qui intélligit super egénium, et páuperem : * in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra : * et non tradat eum in ánimam inimicórum ejus.

Dóminus opem ferat illi super lectum dolóris ejus : * univérsum stratum ejus versásti in infirmitáte ejus.

Ego dixi : Dómine misérere mei : * sana ánimam meam, quia peccávi tibi.

Inimíci mei dixerunt mala mihi : * quando moriétur, et peribit nomen ejus?

Et si ingrediebátur ut vi-

déret, vana loquebátur, * cor ejus congregávit iniquitátem sibi.

Egrediebátur foras, * et loquebátur in idipsum.

Advérsum me susurrábant omnes inimíci mei : * advérsum me cogitábant mala mihi.

Verbum iniquum constituérunt advérsum me : * Numquid qui dormit non adjiciet ut resúrgat?

Etenim homo pacis meæ, in quo sperávi : * qui edébat panes meos, magnificávit super me supplantatióem.

Tu áutem Dómine misérere mei, et resúscita me : * et retribuam eis.

In hoc cognóvi quóniam voluísti me : * quóniam non gaudébit inimícus meus super me.

Me áutem propter innocentiam suscepísti : * et confirmásti me in conspéctu tuo in ætérnum.

Benedictus Dóminus Deus Israël a sáculo, et usque in sáculum : * fiat, fiat.

Réquiem ætérnam.

Ant. Sana Dómine ánimam meam, quia peccávi tibi.

Ant. Sitivit * ánima mea ad Deum vivum : quando véniam, et apparébo ante faciém Dómini?

Psalmus 41.

QUEMÁDMODUM desiderat cervus ad fontes aquárum : * ita desiderat ánima mea ad te Deus.

Sitivit ánima mea ad Deum

fortem vivum : * quando véniam, et apparebō ante fáciem Dei?

Fuérunt mihi lácrymæ meæ panes die ac nocte : * dum dicitur mihi quotidie : Ubi est Deus tuus?

Hæc recordátus sum, et effúdi in me ánimam meam : * quóniam transibo in locum tabernáculi admirábilis, usque ad domum Dei.

In voce exsultatiónis et confessiónis : * sonus epulántis.

Quare tristis es ánima mea? * et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Ad meípsum ánima mea conturbáta est : * propterea memor ero tui de terra Jordánis, et Hermóniim a monte módico.

Abýssus abyssum invocat, * in voce cataractárum tuárum.

Omnia excélsa tua, et fluctus tui * super me transiérunt.

In die mandávit Dóminus misericórdiam suam : * et nocte cánticum ejus.

Apud me orátio Deo vitæ meæ, * dicam Deo : Suscéptor meus es.

Quare oblítus es mei? * et quare contristátus incédo, dum affligit me inimícus?

Dum confringúntur ossa mea, * exprobravérunt mihi qui tribulant me inimíci mei.

Dum dicunt mihi per singulos dies : Ubi est Deus tuus? * quare tristis es ánima mea, et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Réquiem ætérnam.

Ant. Sitivit ánima mea ad Deum vivum : quando véniam, et apparebō ante fáciem Dómini?

V. Ne tradas béstiis ánimas confiténtes tibi. **R.** Et ánimas páuperum tuórum ne obliviscáris in finem.

Pater noster. **totum secreto.**

Lectio vij. Job 17.

SPÍRITUS meus attenuábitur, dies mei breviabúntur, et solum mihi súperest sepúlcrum. Non peccávi, et in amaritudínibus morátur óculus meus. Libera me Dómine, et pone me juxta te, et cuiúsvis manus pugnet contra me. Dies mei transiérunt, cogitatiónes meæ dissipátæ sunt, torquéntes cor meum. Noctem vertérunt in diem, et rursum post ténebras spero lucem. Si sustinúero, inférnus domus mea est, et in ténebris stravi léctulum meum. Putrédini dixi : Pater meus es, mater mea, et soror mea, vérmibus. Ubi est ergo nunc præstolátio mea, et patiéntiam meam quis consíderat?

R. Peccántem me quoti-

die, et non me pœnitentem, timor mortis contúrbat me :
 * Quia in inférno nulla est redémptio, miserére mei Deus, et salva me. *Ÿ.* Deus in nómine tuo salvum me fac, et in virtúte tua libera me. Quia.

Lectio viij. Job 19. c

PELLI meæ, consúptis cárnibus, adhæsit os meum, et derelicta sunt tantúmmodo lábia circa dentes meos. Miserémini mei, miserémini mei, saltem vos amici mei, quia manus Dómini tétigit me. Quare persequimini me sicut Deus, et cárnibus meis saturámini? Quis mihi tríbuat ut scribántur sermónes mei? quis mihi det ut exaréntur in libro stylo férreo, et plumbi lámína, vel celte sculpántur in sílice? Scio enim quod Redémptor meus vivit, et in novíssimo die de terra surrectúrus sum : et rursum circúmdabor pelle mea, et in carne mea vidébo Deum meum. Quem visúrus sum ego ipse, et óculi mei conspectúri sunt, et non álius : repósita est hæc spes mea in sinu meo.

Ŗ. Dómine secúndum actum meum noli me judicáre : nihil dignum in conspéctu tuo egi : ideo déprecor majestátem tuam, * Ut tu Deus déleas iniquitátem meam. *Ÿ.* Amplius lava me Dómine ab injustitia mea, et a delicto meo munda me. Ut.

Lectio ix. Job 10. d

QUARE de vulva eduxísti me? qui útinam consúptus essem ne óculus me vidéret. Fuissem quasi non essem, de útero translátus ad túmulum. Numquid non páucitas diérum meórum finiétur brevi? dimitte ergo me, ut plangam páululum dolórem meum : ántequam vadam, et non revértar, ad terram tenebrósam et opértam mortis calígne : terram misériæ et tenebrárum, ubi umbra mortis, et nullus ordo, sed sempitérnus horror inhábitat.

Ŗ. Libera me Dómine de viis inférni, qui portas æreas confregisti : et visitásti inférnum, et dedísti eis lumen, ut vidérent te : * Qui erant in pœnis tenebrárum. *Ÿ.* Clamántes et dicéntes : Advenisti Redémptor noster. Qui erant. *Ÿ.* Réquiem ætérrnam. Qui erant.

Sequens Ŗ. dicitur solummodo in die Commemoratio- nis omnium Defunctorum, et quodcumque pro Defunctis dicuntur ix. Lectiones.

Ŗ. Libera me Dómine de morte ætérrna in die illa treménda : * Quando cæli movéndi sunt et terra : * Dum véneris judicáre sáeculum per ignem. *Ÿ.* Tremens factus sum ego, et tímeo, dum discússio vénerit, atque ventúra ira. Quando. *Ÿ.* Dies illa, dies iræ, calamitátis et misériæ, dies magna et amá-

ra valde. Dum. *ŷ*. Réquiem
æternam. Libera me. **usque**
ad primum *ŷ*.

AD LAUDES

Absolute incipitur ab

Ant. Exsultábunt * Dómi-
no ossa humiliáta.

Psalmus 50.

MISERÉRE mei Deus, * se-
cúndum magnam mise-
ricórdiam tuam.

Et secúndum multitudi-
nem miserationum tuárum,*
dele iniquitátem meam.

Amplius lava me ab ini-
quitáte mea : * et a peccáto
meo munda me.

Quóniam iniquitátem me-
am ego cognósco : * et pec-
cátum meum contra me est
semper.

Tibi soli peccávi, et ma-
lum coram te feci : * ut ju-
stificéris in sermónibus tuis,
et vincas cum iudicáris.

Ecce enim in iniquitatibus
conceptus sum : * et in pec-
cátis concépit me mater mea.

Ecce enim veritátem di-
lexisti : * incérta et occulta
sapientiæ tuæ manifestásti
mihi.

Aspérges me hyssópo, et
mundábor : * lavábis me, et
super nivem dealbábor.

Auditui meo dabis gáu-
dium et lætítiam : * et exsul-
tábunt ossa humiliáta.

Avérte faciém tuam a pec-
cátis meis : * et omnes ini-
quitátes meas dele.

Cor mundum crea in me
Deus : * et spíritum rectum
innova in viscéribus meis.

Ne projicias me a fácie
tua : * et Spíritum sanctum
tuum ne áuferas a me.

Redde mihi lætítiam salu-
táris tui : * et spíritu princi-
páli confirma me.

Docébo iníquos vias tuas : *
et impíi ad te converténtur.

Libera me de sanguinibus
Deus, Deus salutis meæ : *
et exsultábit lingua mea ju-
stitiam tuam.

Dómine, lábia mea apé-
ries : * et os meum annun-
tiábit láudem tuam.

Quóniam si voluisses sa-
crificium, dedissem útique : *
holocáustis non delectábe-
ris.

Sacrificium Deo spíritus
contribulátus : * cor contri-
tum, et humiliátum Deus
non despicies.

Benigne fac Dómine in
bona voluntáte tua Sion : *
ut ædificéntur muri Jerúsa-
lem.

Tunc acceptábis sacrifi-
cium justitiæ, oblatiónes, et
holocáusta : * tunc impónent
super altáre tuum vitulos.

Réquiem æternam.

Ant. Exsultábunt Dómino
ossa humiliáta.

Ant. Exáudi Dómine * ora-
tiónem meam : ad te omnis
caro véniet.

Psalmus 64.

TE decet hymnus Deus in
Sion : * et tibi reddétur
votum in Jerúsalem.

Exáudi oratióem meam : *
ad te omnis caro véniet.

Verba iniquórum præva-

luérunt super nos : * et impietátibus nostris tu propitiáberis.

Beátus, quem elegisti, et assumpsisti : * inhabitábit in átriis tuis.

Replébmur in bonis domus tuæ : * sanctum est templum tuum, mirábile in æquitáte.

Exáudi nos Deus salutáris noster, * spes ómnium finium terræ, et in mari longe.

Præpárans montes in virtúte tua, accinctus poténtia : * qui contúrbas profúndum maris sonum flúctuum ejus.

Turbabúntur gentes, et timébunt qui hábitant terminos a signis tuis : * éxitus matutíni, et vespere delectábis.

Visitásti terram, et inebriásti eam : * multiplicásti locupletáre eam.

Flumen Dei replétum est aquis, parásti cibum illórum : * quóniam ita est præparátio ejus.

Rivos ejus inébria, multiplica genimina ejus : * in stillicidiis ejus lætábitur gérminans.

Benedices coronæ anni benignitátis tuæ : * et campi tui replebúntur ubertáte.

Pinguéscent speciósa déserti : * et exsultatióne colles accingéntur.

Indúti sunt arietes óvium, et valles abundábunt fruménto : * clamábunt, étenim hymnum dicent.

Réquiem ætérnam.

Ant. Exáudi Dómine orationem meam : ad te omnis caro véniet.

Ant. Me suscepit * dextera tua Dómine.

Psalmus 62.

DEUS Deus meus * ad te de luce vigilo.

Sitívit in te ánima mea, * quam multipliciter tibi caro mea.

In terra desérta, et invia, et inaquósa : * sic in sancto apparui tibi, ut vidérem virtútem tuam, et glóriam tuam.

Quóniam mélior est misericórdia tua super vitas : * lábia mea laudábunt te.

Sic benedicam te in vita mea : * et in nómine tuo levábo manus meas.

Sicut ádipe et pinguédine repleátur ánima mea : * et lábiis exsultatiónis laudábit os meum.

Si memor fui tui superstratum meum, in matutinis meditabor in te : * quia fuisti adjutor meus.

Et in velaménto alárum tuárum exsultábo, adhæsit ánima mea post te : * me suscepit dextera tua.

Ipsi vero in vanum quæsiérunt animam meam, introibunt in inferióra terræ : * tradéntur in manus gládii, partes vúlpium erunt.

Rex vero lætábitur in Deo, laudabúntur omnes qui jurant in eo : * quia obstrúctum est os loquéntium iniqua.

Hic non dicitur Réquiem.

Psalmus 66.

DEUS misereatur nostri, et benedicat nobis : * illúminet vultum suum super nos, et misereatur nostri.

Ut cognoscámus in terram tuam : * in ómnibus géntibus salutáre tuum.

Confiteántur tibi pópuli Deus : * confiteántur tibi pópuli omnes.

Læténtur et exsúltent gentes : * quóniam júdicas pópulos in æquitáte, et gentes in terra dirígis.

Confiteántur tibi pópuli Deus, confiteántur tibi pópuli omnes : * terra dedit fructum suum.

Benedicat nos Deus, Deus noster, benedicat nos Deus : * et métuant eum omnes fines terræ.

Réquiem ætérnam.

Ant. Me suscepit dextera tua Dómine.

Ant. A porta inferi * érue Dómine ánimam meam.

Canticum Ezechiae.

Isaiae 38. b

EGO dixi : In dimídio dierum meórum * vadam ad portas inferi.

Quæsiui residuum annórum meórum. * Dixi : Non vidébo Dóminum Deum in terra vivéntium.

Non adspiciam hóminem ultra, * et habitatórem quiétis.

Generátio mea abláta est, et convolúta est a me, * quasi tabernáculum pastórum :

Præcisa est velut a texén-te, vita mea : dum adhuc

ordírer, succidit me : * de mane usque ad vésperam finies me.

Sperábam usque ad mane, * quasi leo sic contrívit ómnia ossa mea :

De mane usque ad vésperam finies me : * sicut pullus hirúndinis sic clamábo, meditábor ut colúmba :

Attenuáti sunt óculi mei, * suspiciéntes in excélsu :

Dómine vim pátiar, respónde pro me. * Quid dicam, aut quid respondébit mihi, cum ipse fécerit?

Recogitábo tibi omnes annos meos * in amaritúdine ánimæ meæ.

Dómine si sic vívitur, et in talibus vita spíritus mei, corripies me, et vivificábis me. * Ecce in pace amaritúdo mea amaríssima :

Tu áutem eruísti ánimam meam ut non períret : * projecisti post tergum tuum ómnia peccáta mea.

Quia non inférnus confitébitur tibi, neque mors laudábit te : * non exspectábunt qui descéndunt in lacum, veritátem tuam.

Vivens vivens ipse confitébitur tibi, sicut et ego hódie : * pater filiis notam faciet veritátem tuam.

Dómine salvum me fac, * et psalmos nostros cantábitis cunctis diébus vitæ nostræ in domo Dómini.

Réquiem ætérnam.

Ant. A porta inferi érue Dómine ánimam meam.

Ant. Omnis spiritus * laudet Dóminum.

Psalmus 148.

LAUDÁTE Dóminum de cælis : * laudáte eum in excélsis.

Laudáte eum omnes Angeli ejus : * laudáte eum omnes virtútes ejus.

Laudáte eum sol et luna : * laudáte eum omnes stellæ, et lumen.

Laudáte eum cæli cælórum : * et aquæ omnes, quæ super cælos sunt, láudent nomen Dómini.

Quia ipse dixit, et facta sunt : * ipse mandávit, et creáta sunt.

Státuit ea in ætérnum, et in sæculum sæculi : * præcéptum pósuit, et non præteríbit.

Laudáte Dóminum de terra, * dracones, et omnes abýssi.

Ignis, grando, nix, glácies, spiritus procellárum : * quæ faciunt verbum ejus :

Montes, et omnes colles : * ligna fructífera, et omnes cedri.

Béstiae, et univérsa pécora : * serpéntes, et vólucres pennátæ :

Reges terræ, et omnes pópuli : * principes, et omnes júdices terræ.

Júvenes, et vírgines : senes cum junióribus láudent nomen Dómini : * quia exaltátum est nomen ejus soli.

Conféssio ejus super cæ-

lum, et terram : * et exaltávit cornu pópuli sui.

Hymnus ómnibus sanctis ejus : * filiis Israël, pópulo appropinquánti sibi.

Hic non dicitur Réquiem.

Psalmus 149.

CANTÁTE Dómino cánticum novum : * laus ejus in ecclésia sanctórum.

Lætétur Israël in eo, qui fecit eum : * et filii Sion exsúltent in rege suo.

Láudent nomen ejus in choro : * in týmpano, et psalterio psallant ei :

Quia beneplácitum est Dómino in pópulo suo : * et exaltábit mansuétos in salutem.

Exsultábunt sancti in glória : * lætabúntur in cubilibus suis.

Exaltatiónes Dei in gútture eórum : * et gládii ancípites in mánibus eórum :

Ad faciéndam vindictam in natióibus : * increpationes in pópulis.

Ad alligándos reges eórum in compédibus : * et nóbiles eórum in mánicis férreis.

Ut fácient in eis judícium conscriptum : * glória hæc est ómnibus sanctis ejus.

Hic non dicitur Réquiem.

Psalmus 150.

LAUDÁTE Dóminum in sanctis ejus : * laudáte eum in firmaménto virtútis ejus.

Laudáte eum in virtútibus ejus : * laudáte eum secún-

dum multitudinem magnitudinis ejus.

Laudáte eum in sono tubæ : * laudáte eum in psalterio, et cithara.

Laudáte eum in týmpano, et choro : * laudáte eum in chordis, et órgano.

Laudáte eum in cýmbalis benesonántibus : laudáte eum in cýmbalis jubilatiónis : * omnis spíritus láudet Dóminum.

Réquiem ætérnam.

Ant. Omnis spíritus láudet Dóminum.

Ÿ. Audivi vocem de cælo dicéntem mihi. **R.** Beáti mórtui qui in Dómino moriúntur.

Ad Bened. Ant. Ego sum * resurréctio et vita : qui credit in me, étiam si mórtuus fúerit, vivet : et omnis qui vivit et credit in me, non moriétur in ætérnum.

Deinde dicuntur flexis genibus

Pater noster. **secreto.**

Ÿ. Et ne nos indúcas in tentatiónem. **R.** Sed libera nos a malo.

Psalmus 129.

DE profúndis clamávi ad te Dómine : * Dómine exáudi vocem meam :

Fiant áures tuæ intendéntes, * in vocem deprecatiónis meæ.

Si iniquitátes observáveris Dómine : * Dómine quis sustinébit?

Quia apud te propitiatio est : * et propter legem tuam sustinui te Dómine.

Sustinuit ánima mea in verbo ejus : * sperávit ánima mea in Dómino.

A custódia matutina usque ad noctem : * speret Israël in Dómino.

Quia apud Dóminum misericórdia : * et copiósia apud eum redemptio.

Et ipse rédimet Israël, * ex ómnibus iniquitatibus ejus.

Réquiem ætérnam.

Deinde Ÿ. A porta inferi. **R.** Erue Dómine ánimas eórum.

Ÿ. Requiéscant in pace.

R. Amen.

Ÿ. Dómine exáudi oratió-nem meam. **R.** Et clamor meus ad te véniat.

Ÿ. Dóminus vobíscum. **R.** Et cum spíritu tuo.

Oratio.

DEUS, qui inter apostólicos sacerdótes, fámulos tuos pontificáli seu sacerdotáli fecisti dignitáte vigére : præsta, quæsumus ; ut eórum quoque perpétuo aggégéntur consórtio.

DEUS, véniæ largitor et humánæ salútis amátor : quæsumus cleméntiam tuam ; ut nostræ congregatiónis fratres, propinquos et benefactóres, qui ex hoc sæculo transiérunt, beáta María semper Virgine intercedénte cum ómnibus Sanctis tuis, ad perpétuæ beatitudinis consórtium pervenire concédas.

FIDÉLIUM Deus ómnium cónditor et redemptor,

animabus famulorum famularumque tuarum remissionem cunctorum tribue peccatorum : ut indulgentiam quam semper optaverunt, piis supplicationibus consequantur : Qui vivis et regnas in secula seculorum.

R. Amen.

In die vero Commemorationis omnium Fidelium Defunct. quando dicitur hæc ult. tant. Oratio dic. : Qui vivis et regnas cum Deo Patre in unitate Spiritus sancti Deus, per omnia secula seculorum.

R. Amen.

In die depositionis Defuncti.

Oratio.

ABSOLVE, quæsumus Domine, animam famuli tui **N.**, ut defunctus seculo tibi vivat : et quæ per fragilitatem carnis humana conversatione commisit, tu venia misericordissimæ pietatis absterge. Per Dominum nostrum.

Si fuerit femina, dicitur animam famulæ tuæ **N.**, ut defuncta.

In Anniversario die.

Oratio.

DEUS indulgentiarum Domine : da animabus famulorum famularumque tuarum, quorum anniversarium depositionis diem commemoramus, refrigerii sedem, quietis beatitudinem, et luminis claritatem. Per Dominum.

Si pro uno tantum fit An-

niversarium, dicitur in singulari numero.

Pro uno Episcopo defuncto.

Oratio.

DEUS, qui inter apostolicos sacerdotes famulum tuum **N.** pontificali fecisti dignitate vigere : præsta, quæsumus ; ut eorum quoque perpétuo aggregetur consortio. Per Dominum.

Si fuerit Sacerdos, dicitur sacerdotali fecisti, etc.

Pro fratribus vero et familiaribus, vel benefactoribus, dicitur Orat. Deus, veniæ largitor. **ut supra.**

Pro patre et matre.

Oratio.

DEUS, qui nos patrem et matrem honorare præcepisti : miserere clementer animabus patris et matris meæ, eorumque peccata dimitte ; meque eos in æternæ claritatis gaudio fac videre. Per Dominum.

Si fit pro pluribus, dicitur animabus parentum nostrorum. **et ubi dicitur** meque dicatur nosque.

Si pro patre tantum, dicitur animæ patris mei. **vel** nostri.

Si pro matre tantum, dicitur animæ matris meæ. **vel** nostræ.

Pro uno Defuncto.

Oratio.

INCLINA Domine aurem tuam ad preces nostras, quibus misericordiam tuam supplices deprecamur : ut animam famuli tui, quam de

hoc sæculo migrare jussisti,
in pacis ac lucis regione
constituas, et Sanctorum
tuorum iubeas esse consor-
tem. Per Dominum.

Pro una Defuncta.

Oratio.

QUÆSUMUS Domine, pro
tua pietate miserere ani-

mæ famulæ tuæ : et a con-
tigiis mortalitatis exutam,
in æternæ saluationis par-
tem restitue. Per Dñum.

Ÿ. Réquiem æternam dona
eis Domine. R. Et lux per-
pétua luceat eis.

Ÿ. Requiéscant in pace.
R. Amen.

PSALMI GRADUALES

Dicuntur in Quadrages.,
Feria IV. cujuslibet Hebdo-
madæ, non impedita aliquo
Festo ix. Lectionum : in
Choro ante Matutinum diei;
extra Chorum pro opportu-
nitate temporis.

Primi quinque Psalmi di-
cuntur sine Glória Patri. Sed
in fine ultimi dicitur Ré-
quiem æternam.

**Incipiuntur absolute sine
Ant.**

Psalmi Ad Dominum cum
tribulärer. 129. Levavi. 130.
Lætatus sum. 131. Ad te le-
vavi. et Nisi quia. 132.

Réquiem æternam * dona
eis Domine.

Et lux perpétua * luceat
eis.

Deinde dicitur flexis ge-
nibus :

Pater noster. **secreto.**

Ÿ. Et ne nos inducas in
tentationem. R. Sed libera
nos a malo.

Ÿ. A porta inferi. R. Erue
Domine animas eorum.

Ÿ. Requiéscant in pace.
R. Amen.

Ÿ. Domine exaudi oratió-
nem meam. R. Et clamor
meus ad te véniat.

Ÿ. Dominus vobiscum. R.
Et cum spiritu tuo.

Orémus. **Oratio.**

ABSÓLVE, quæsumus Dó-
mine, animas famulorum
familiarumque tuarum, et
omnium fidelium defunctó-
rum, ab omni vínculo deli-
ctorum : ut in resurrectionis
glória inter sanctos et ele-
ctos tuos resuscitati respi-
rent. Per Christum Dómi-
num nostrum. R. Amen.

**Post Orationem statim di-
cuntur alii Psalmi Grada-
les qui sequuntur : et in fine
cujuslibet Psalmi dicitur
Glória Patri.**

Psalmi Qui confidunt. 132.
In convertendo. 133. Nisi
Dominus. **ibid.** Beati omnes.
et Sæpe expugnauerunt. 134.

**Postea dicitur flexis ge-
nibus**

Kýrie eléison. Christe eléi-
son. Kýrie eléison.

Pater noster. **secreto.**

Ÿ. Et ne nos inducas in

tentatiónem. **R.** Sed libera nos a malo.

V. Meménto congregatiónis tuæ. **R.** Quam possedisti ab initio.

V. Dómine exáudi oratió-
nem meam. **R.** Et clamor
meus ad te véniat.

V. Dóminus vobiscum. **R.**
Et cum spiritu tuo.

Orémus. **Oratio.**

DEUS, cui próprium est
miseréri semper et pár-
cere : súscipe deprecatió-
nem nostram; ut nos, et
omnes fámulos tuos, quos
delictórum caténa constrin-
git, miserátio tuæ pietátis
cleménter absólvat. Per
Christum Dóminum no-
strum. **R.** Amen.

Post Orat. statim dicuntur
alii Psalmi Graduales qui
sequuntur; et in fine cujus-
libet Psalmi dicitur Glória
Patri.

Psalmi De profúndis. 134.
Dómine non est exaltá-

tum. 135. Meménto. **ibid.**
Ecce quam bonum. 136, **et**
Ecce nunc benedicite. 150.

**Deinde dicitur flexis ge-
nibus**

Kýrie eléison. Christe eléi-
son. Kýrie eléison.

Pater noster. **secreto.**

V. Et ne nos indúcas in
tentatiónem. **R.** Sed libera
nos a malo.

V. Salvos fac servos tuos.
R. Deus meus sperántes in
te.

V. Dómine exáudi oratió-
nem meam. **R.** Et clamor
meus ad te véniat.

V. Dóminus vobiscum. **R.**
Et cum spiritu tuo.

Orémus. **Oratio.**

PRÆTÉNDE Dómine fámulis
et famulábus tuis dexte-
ram cæléstis auxilii : ut te
toto corde perquírant, et
quæ digne póstulant, cón-
sequi mereántur. Per Chri-
stum Dóminum nostrum. **R.**
Amen.

SEPTEM PSALMI POENITENTIALES

CUM LITANIIS

Dicuntur flexis genibus in
omnibus sextis Feriis Qua-
drag., quando Officium fit
de Feria.

Litaniæ autem, omissis
septem Psalmis, dicuntur in
Litaniis majoribus in Festo
sancti Marci; et in tribus
diebus Rogationum.

Dicuntur autem in Qua-
drag. in Choro post Matuti-

num et Laudes diei, dicto
Benedicámus Dómino. Ex-
tra Chorum pro opportuni-
tate temporis.

Ant. Ne reminiscáris.

Ps. 6. Dómine, ne in fu-
róre. **4. Ps. 31.** Beáti quo-
rum. **50. Ps. 37.** Dómine ne
in furóre tuo. **56. Ps. 50.**
Miserére mei Deus. **57. Ps.**
101. Dómine exáudi. **111.**

Ps. 129. De profundis. 134.

Ps. 142. Dómine exáudi orationem meam. 106.

Ant. Ne reminiscáris Dómine delicta nostra, vel párentum nostrórum : neque vindictam sumas de peccátis nostris.

LITANIÆ

KYRIE eléison.

Christe eléison.

Kýrie eléison.

Christe áudi nos.

Christe exáudi nos.

Pater de cælis Deus, miserere nobis.

Fili Redemptor mundi Deus, miserere nobis.

Spiritus sancte Deus, miserere nobis.

Sancta Trinitas unus Deus, miserere nobis.

Sancta Maria, ora pro nobis.

Sancta Dei Génitrix, ora.

Sancta Virgo vírginum, ora.

Sancte Michaël, ora.

Sancte Gábríel, ora.

Sancte Ráphaël, ora.

Omnes sancti Angeli et Archángeli, oráte pro nobis.

Omnes sancti beatórum spirítuum órdenes, oráte.

Sancte Joánnes Baptista, ora pro nobis.

Sancte Joseph, ora pro nobis.

Omnes sancti Patriárchæ et Prophétæ, oráte.

Sancte Petre, ora.

Sancte Páule, ora.

Sancte Andréa, ora.

Sancte Jacóbe, ora.

Sancte Joánnes, ora.

Sancte Thoma, ora pro nobis.

Sancte Jacóbe, ora.

Sancte Philippe, ora.

Sancte Bartholomæe, ora.

Sancte Matthæe, ora.

Sancte Simon, ora.

Sancte Thaddæe, ora.

Sancte Mathía, ora.

Sancte Bárnaba, ora.

Sancte Luca, ora.

Sancte Marce, ora.

Omnes sancti Apóstoli et Evangelistæ, oráte pro nobis.

Omnes sancti Discípuli Dómini, oráte pro nobis.

Omnes sancti Innocéntes, oráte pro nobis.

Sancte Stéphane, ora.

Sancte Laurénti, ora.

Sancte Vincénti, ora.

Sancti Fabiáne et Sebastíane, oráte pro nobis.

Sancti Joánnes et Páule, oráte pro nobis.

Sancti Cosma et Damiáne, oráte pro nobis.

Sancti Gervási et Protási, oráte pro nobis.

Omnes sancti Mártýres, oráte pro nobis.

Sancte Silvéster, ora.

Sancte Gregóri, ora.

Sancte Ambrósi, ora.

Sancte Augustine, ora.

Sancte Hierónyme, ora.

Sancte Martine, ora.

Sancte Nicolæ, ora.

Omnes sancti Pontífices et Confessóres, oráte pro nobis.

Omnes sancti Doctóres, oráte pro nobis.

Sancte Antóni, ora pro nobis.

Sancte Benedicte, ora.

Sancte Bernárde, ora.

Sancte Dominice, ora.

Sancte Francísce, ora.

Omnes sancti Sacerdótes et

Levitæ, oráte pro nobis.

Omnes sancti Mónachi et

Eremitæ, oráte.

Sancta María Magdaléna, ora.

Sancta Agatha, ora.

Sancta Lúcia, ora.

Sancta Agnes, ora.

Sancta Cæcília, ora.

Sancta Catharina, ora.

Sancta Anastásia, ora.

Omnes sanctæ Virgines et

Viduæ, oráte.

Omnes Sancti et Sanctæ

Dei, intercédite pro nobis.

Propitius esto, parce nobis

Dómine.

Propitius esto, exáudi nos

Dómine.

Ab omni malo, libera nos

Dómine.

Ab omni peccáto, libera.

Ab ira tua, libera.

A subitánea et improvisa

morte, libera.

Ab insidiis diaboli, libera.

Ab ira, et ódio, et omni ma-

la voluntáte, libera.

A spiritu fornicatiónis, libe-

ra nos Dómine.

A fúlгуре et tempestáte, li-

bera nos Dómine.

A flagéllо terræmótus, libe-

ra nos Dómine.

A peste, fame et bello, libera.

A morte perpétua, libera.

Per mystérium sanctæ Incar-

natiónis tuæ, libera.

Per advéntum tuum, libera
nos Dómine.

Per nativitátem tuam, libera.

Per baptísmum et sanctum

jejúnium tuum, libera.

Per crucem et passióem

tuam, libera.

Per mortem et sepultúram

tuam, libera.

Per sanctam resurrectiόem

tuam, libera.

Per admirábilem ascensió-

nem tuam, libera.

Per advéntum Spíritus sancti

Parácliti, libera.

In die iudicii, libera.

Peccatóres, te rogámus áudi

nos.

Ut nobis parcas, te rogámus

áudi nos.

Ut nobis indúlgeas, te rogá-

mus áudi nos.

Ut ad veram pœniténtiam

nos perducere dignéris,

te rogámus áudi nos.

Ut Ecclesiám tuam sanctam

régere et conserváre di-

gnéris, te rogámus áudi

nos.

Ut domnum Apostólicum et

omnes ecclesiásticos órdi-

nes in sancta religiόe

conserváre dignéris, te

rogámus áudi nos.

Ut inimicos sanctæ Ecclesiæ

humiliáre dignéris, te ro-

gámus áudi nos.

Ut régibus et principibus

christiánis pacem et ve-

ram concórdiam donáre

dignéris, te rogámus.

Ut cuncto pópulo christiáno

pacem et unitátem largiri

dignéris, te rogámus.

Psalmus 69.

Ut nosmetipsos in tuo sancto
servitio confortare et con-
servare digneris, te rogá-
mus áudi nos.

Ut mentes nostras ad cælé-
stia desideria erigas, te
rogámus áudi nos.

Ut ómnibus benefactoribus
nostris sempiterna bona
retribuas, te rogámus áu-
di nos.

Ut ánimas nostras, fratrum,
propinquorum et benefa-
ctorum nostrorum ab æ-
terna damnatione erípias,
te rogámus áudi nos.

Ut fructus terræ dare et
conservare digneris, te
rogámus áudi nos.

Ut ómnibus fidelibus defún-
ctis réquiem æternam do-
nare digneris, te rogámus
áudi nos.

Ut nos exaudire digneris, te
rogámus áudi nos.

Fili Dei, te rogámus áudi
nos.

Agnus Dei, qui tollis pec-
cáta mundi, parce nobis
Dómine.

Agnus Dei, qui tollis pec-
cáta mundi, exáudi nos
Dómine.

Agnus Dei, qui tollis pec-
cáta mundi, miserere no-
bis.

Christe áudi nos.

Christe exáudi nos.

Kýrie eléison. Christe eléi-
son. Kýrie eléison.

Pater noster. **secreto.**

Ÿ. Et ne nos indúcas in
tentationem. **R.** Sed libera
nos a malo.

DEUS in adiutorium meum
intende : * Dómine ad
adjuvandum me festina.

Confundantur, et reve-
reantur, * qui quærunt áni-
mam meam :

Avertantur retrorsum, et
erubescant, * qui volunt
mihi mala :

Avertantur statim erube-
scéntes, * qui dicunt mihi :
Euge, euge.

Exsultent et lætentur in te
omnes qui quærunt te, * et
dicant semper : Magnificé-
tur Dóminus : qui diligunt
salutare tuum.

Ego vero egénus, et páu-
per sum : * Deus adjuva me.

Adjutor meus, et liberátor
meus es tu : * Dómine ne
moreris.

Glória Patri. Sicut erat.

Ÿ. Salvos fac servos tuos.

R. Deus meus sperantes in
te.

Ÿ. Esto nobis Dómine tur-
ris fortitudinis. **R.** A facie
inimici.

Ÿ. Nihil proficiat inimicus
in nobis. **R.** Et filius iniqui-
tátis non appónat nocere
nobis.

Ÿ. Dómine non secúndum
peccáta nostra facias nobis.
R. Neque secúndum iniqui-
tates nostras retribuas nobis.

Ÿ. Orémus pro Pontífice
nostro **N. R.** Dóminus con-
servet eum, et vivificet eum,
et beátum faciat eum in ter-
ra, et non tradat eum in áni-
mam inimicorum ejus.

V. Orémus pro benefactoribus nostris. **R.** Retribuere dignare Dómine omnibus nobis bona faciéntibus propter nomen tuum vitam ætérnam. Amen.

V. Orémus pro fidélibus defúntis. **R.** Réquiem ætérnam dona eis Dómine : et lux perpétua lúceat eis.

V. Requiéscant in pace. **R.** Amen.

V. Pro fratribus nostris abséntibus. **R.** Salvos fac servos tuos Deus meus, sperántes in te.

V. Mitte eis Dómine auxílium de sancto. **R.** Et de Sion tuére eos.

V. Dómine exáudi oratió-nem meam. **R.** Et clamor meus ad te véniat.

V. Dóminus vobiscum. **R.** Et cum spíritu tuo.

Orémus. *Oratio.*

DEUS, cui próprium est miseréri semper et párcere : súscipe deprecatió-nem nostram ; ut nos, et omnes fámulos tuos, quos delictórum caténa constrín-git, miserátio tuæ pietátis cleménter absólvat.

EXÁUDI, quæsumus Dómi-ne, súpplicum preces, et confiténtium tibi parce peccátis : ut páriter nobis indulgéntiam tribuas benígnus et pacem.

INEFFÁBILEM nobis Dómine misericórdiam tuam cle-ménter osténde : ut simul nos et a peccátis ómnibus

éxuas, et a pœnis, quas pro his merémur, erípias.

DEUS, qui culpa offénderis, pœniténtia placáris : preces pópuli tui supplicán-tis propítius réspice ; et fla-gélla tuæ iracúndiæ, quæ pro peccátis nostris meré-mur, avérte.

OMNÍPOTENS sempitérne Deus, miserére fámulo tuo Pontífici nostro **N.** et dirige eum secúndum tuam cleméntiam in viam salútis ætérnæ : ut, te donánte, tibi plácita cúpiat, et tota virtúte perficiat.

DEUS, a quo sancta desi-déria, recta consília, et justa sunt ópera : da servis tuis illam, quam mundus dare non potest, pacem ; ut et corda nostra mandátis tuis dédita, et hóstium sub-láta formidine, témpora sint tua protectióne tranquilla.

URE igne sancti Spíritus renes nostros et cor nostrum Dómine : ut tibi casto corpore serviámus, et mundo corde placeámus.

FIDÉLIUM Deus ómnium Cónditor et Redemptor, animábus famulórum famularúmque tuárum remissió-nem cunctórum tribue peccatórum : ut indulgéntiam, quam semper optavérunt, piis supplicatió-nibus consequántur.

ACTIÓNES nostras, quæsumus Dómine, adspirándo præveni, et adjuvándo proséquere : ut cuncta no-

stra oratio et operatio a te semper incipiat, et per te cœpta finiatur.

OMNÍPOTENS sempitérne Deus, qui vivórum domináris simul et mortuórum, omniúmque miseréris quos tuos fide et ópere futuros esse prænóscis : te supplices exorámus ; ut pro quibus effúndere preces decrevimus, quosque vel præsens sæculum adhuc in carne rétinet, vel futúrum jam exú-

tos córpore suscepit, intercedéntibus ómnibus Sanctis tuis, pietátis tuæ cleméntia ómnium delictórum suórum véniam consequántur. Per Dóminum.

V. Dóminus vobiscum. **R.** Et cum spiritu tuo.

V. Exáudiat nos omnipotens et miséricors Dóminus. **R.** Amen.

V. Et fidélium ánimæ per misericórdiam Dei requiescant in pace. **R.** Amen.

ORDO COMMENDATIONIS ANIMÆ

Primum dicuntur Litaníæ breves in hunc modum.

KYRIE eléison.

Christe eléison.

Kýrie eléison.

Sancta María, ora pro eo.

Omnes sancti Angeli et Archángeli, oráte pro eo.

Sancte Abel, ora.

Omnis chorus Justórum, ora.

Sancte Abraham, ora.

Sancte Joánnes Baptista, ora.

Sancte Joseph, ora.

Omnes sancti Patriárchæ et

Prophétæ, oráte pro eo.

Sancte Petre, ora pro eo.

Sancte Páule, ora.

Sancte Andréa, ora.

Sancte Joánnes, ora.

Omnes sancti Apóstoli et

Evangelistæ, oráte pro eo.

Omnes sancti Discípuli Dómini, oráte pro eo.

Omnes sancti Innocéntes, oráte pro eo.

Sancte Stéphane, ora.

Sancte Laurénti, ora pro eo.
Omnes sancti Mártires, oráte pro eo.

Sancte Silvéster, ora.

Sancte Gregóri, ora.

Sancte Augustine, ora.

Omnes sancti Pontífices et

Confessóres, oráte pro eo.

Sancte Benedicte, ora.

Sancte Francisce, ora.

Sancte Camille, ora.

Sancte Joánnes de Deo, ora

pro eo.

Omnes sancti Mónachi et

Eremitæ, oráte pro eo.

Sancta María Magdaléna, ora.

Sancta Lúcia, ora.

Omnes sanctæ Virgines et

Viduæ, oráte pro eo.

Omnes Sancti et Sanctæ Dei,

intercedite pro eo.

Propítius esto, parce ei Dómine.

Propítius esto, libera eum

Dómine.

Propítius esto, libera.

Ab ira tua, libera eum Dómine.

A periculo mortis, libera.

A mala morte, libera.

A pœnis inférni, libera.

Ab omni malo, libera.

A potestáte diaboli, libera.

Per nativitátem tuam, libera eum Dómine.

Per crucem et passióem tuam, libera eum Dómine.

Per mortem et sepultúram tuam, libera.

Per gloriósam resurrectiódinem tuam, libera.

Per admirábilem ascensionem tuam, libera.

Per grátiam Spíritus sancti Parácliti, libera.

In die iudicii, libera.

Peccatóres, te rogámus áudi nos.

Ut ei parcas, te rogámus.

Kýrie eléison.

Christe eléison.

Kýrie eléison.

Deinde, cum in agone sui exitus anima anxiatur, dicuntur sequentes Orationes.

Oratio.

PROFICÍSCERE ánima christiána de hoc mundo, in nómine Dei Patris omnipoténtis, qui te creávit : in nómine Jesu Christi Fílii Dei vivi, qui pro te passus est : in nómine Spíritus sancti, qui in te effusus est : in nómine Angelórum et Archangelórum : in nómine Thronórum et Dominationum : in nómine Principátuum et Potestátum : in nómine Chérubim et Séraphim : in nómine

Patriarchárum et Prophetárum : in nómine sanctórum Apostolórum et Evangelistárum : in nómine sanctórum Mártýrum et Confessorum : in nómine sanctórum Monachórum et Eremitárum : in nómine sanctárum Virgínum, et ómnium Sanctórum et Sanctárum Dei : hódie sit in pace locus tuus, et habitatio tua in sancta Sion. Per eúmdem Christum Dóminum nostrum. **℟.** Amen.

Oratio.

DEUS miséricors, Deus clemens, Deus, qui secundum multitudinem miserationum tuarum peccata pœniténtium deles, et præteritorum criminum culpas vénia remissionis évacuas : respice propitius super hunc famulum tuum **N.**, et remissionem ómnium peccatórum suórum tota cordis confessione poscéntem deprecátus exáudi. Rénova in eo, piissime Pater, quidquid terréna fragilitáte corrúptum, vel quidquid diabólica fraude violátum est : et unitáti corporis Ecclésiæ membrum redemptionis annécte. Miserére Dómine gemituum, miserére lacrymárum ejus : et non habéntem fidúciam, nisi in tua misericórdia, ad tuæ sacraméntum reconciliatiónis admítte. Per Christum Dóminum nostrum.

℟. Amen.

COMMÉNDÓ te omnipoténti Deo, carissime frater, et

ei cujus es creatúra committo : ut, cum humanitátis débitum morte interveniēte persólveris, ad auctórem tuum, qui te de limo terræ formáverat, revertáris. Egre-diēti itaque ánimæ tuæ de corpore spléndidus Angelórum cœtus occúrrat : iudex Apostolórum tibi senátus advéniat : candidatórum tibi Mártyrum triumphátor exércitus óbviat : liliáta rutilántium te Confessórum turma circúmdet : jubilántium te Virginum chorus excípiat : et beátæ quiétis in sinu Patriarchárum te compléxus adstringat : mitis atque festivus Christi Jesu tibi adspéctus appáreat, qui te inter assisténtes sibi júgiter interésse decérnat. Ignóres omne quod horret in ténebris, quod stridet in flammis, quod crúciat in torméntis. Cedat tibi tetérrimus sátnas cum satellitibus suis : in advéntu tuo te comitántibus Angelis contremiscat, atque in ætérnæ noctis chaos immáne diffúgiat. Exsúrgat Deus, et dissipéntur inimíci ejus : et fúgiant, qui odérunt eum, a fácie ejus. Sicut déficit fumus, deficient : sicut fluit cera a fácie ignis, sic péreant peccatóres a fácie Dei : et justí epuléntur, et exsúltent in conspéctu Dei. Confundántur igitur et erubéscant omnes tartáreæ legiões, et ministri sátnæ iter tuum impedire non

áudeant. Liberet te a crúciátu Christus, qui pro te crucifixus est. Liberet te ab ætérna morte Christus, qui pro te mori dignátus est. Constituat te Christus Fílius Dei vivi intra paradísi sui semper amœna viréntia, et inter oves suas te verus ille Pastor agnóscat. Ille ab ómnibus peccátis tuis te absólvat, atque ad déxteram suam in electórum suórum te sorte constituat. Redemptórem tuum fácie ad fáciem vídeas, et præsens semper assistens, manifestíssimam beátis óculis adspicias veritátem. Constitútus igitur inter ágmina Beatórum, contemplatiónis divínæ dulcédine potiáris in sæcula sæculórum.

℟. Amen.

Oratio.

SÚSCIPE Dómine servum tuum in locum sperándæ sibi salvatiónis a misericórdia tua. ℟. Amen.

Libera Dómine ánimam servi tui ex ómnibus periculis inférni, et de láqueis pœnárum, et ex ómnibus tribulatió nibus. ℟. Amen.

Libera Dómine ánimam servi tui, sicut liberásti Henoch et Eliám de commúni morte mundi. ℟. Amen.

Libera Dómine ánimam servi tui, sicut liberásti Noë de dilúvio. ℟. Amen.

Libera Dómine ánimam servi tui, sicut liberásti Abraham de Ur Chaldæórum. ℟. Amen.

Libera Dómine ánimam servi tui, sicut liberásti Job de passiónibussuis. *R.* Amen.

Libera Dómine ánimam servi tui, sicut liberásti Isaac de hóstia et de manu patris sui Abrahæ. *R.* Amen.

Libera Dómine ánimam servi tui, sicut liberásti Lot de Sódomis, et de flamma ignis. *R.* Amen.

Libera Dómine ánimam servi tui, sicut liberásti Móysen de manu Pharaónis regis Ægyptiórum. *R.* Amen.

Libera Dómine ánimam servi tui, sicut liberásti Daniélem de lacu leónum. *R.* Amen.

Libera Dómine ánimam servi tui, sicut liberásti tres púeros de camíno ignis ardentis, et de manu regis iníqui. *R.* Amen.

Libera Dómine ánimam servi tui, sicut liberásti Susánnam de falso crimine. *R.* Amen.

Libera Dómine ánimam servi tui, sicut liberásti David de manu regis Saul, et de manu Goliæ. *R.* Amen.

Libera Dómine ánimam servi tui, sicut liberásti Petrum et Páulum de carcéribus. *R.* Amen.

Et sicut beatissimam Theclam Vírginem et Mártirem tuam de tribus atrocissimis torméntis liberásti, sic liberáre dignéris ánimam hujus servi tui, et tecum fácias in bonis congaudére cælestibus. *R.* Amen.

Oratio.

COMMENDÁMUS tibi Dómine ánimam fámuli tui *N.*, precamúrque te Dómine Jesu Christe Salvátor mundi : ut propter quam ad terram misericórditer descendísti, Patriarchárum tuórum sinibus insinuáre non rénuas. Agnósce Dómine creatúram tuam, non a diis aliénis creatam, sed a te solo Deo vivo et vero : quia non est álius Deus præter te, et non est secúndum ópera tua. Lætifica Dómine ánimam ejus in conspéctu tuo, et ne memineris iniquitátum ejus antiquárum, et ebrietátum, quas suscitávit furor sive fervor mali desidérii. Licet enim peccáverit, tamen Patrem, et Filium, et Spiritum sanctum non negávit, sed crédidit, et zelum Dei in se hábuit, et Deum, qui fecit ómnia, fidéliter adorávit.

Oratio.

DELÍCTA juventútis, et igno-rántias ejus, quæsumus, ne memineris Dómine : sed secúndum magnam misericórdiam tuam memor esto illius in glória claritátis tuæ. Aperiántur ei cæli, collæténtur illi Angeli. In regnum tuum Dómine servum tuum súscipe. Suscipiat eum sanctus Michaél Archángelus Dei, qui militiæ cælestis méruit principátum. Véniant illi óbviám sancti Angeli Dei, et perdúcant eum in civitátem cælestem Jerúsalem. Susci-

piat eum beátus Petrus Apóstolus, cui a Deo claves regni cæléstis tráditæ sunt. Adjuvet eum sanctus Páulus Apóstolus, qui dignus fuit esse vas electiónis. Intercédant pro eo sanctus Joánnēs, electus Dei Apóstolus, cui reveláta sunt secréta cæléstia. Orent pro eo omnes sancti Apóstoli, quibus a Dómino data est potéstas ligándi atque solvéndi. Intercédant pro eo omnes Sancti et Elécti Dei, qui pro Christi nómine torménta in hoc sæculo sustinuérunt: ut vinculis carnis exútus, pervenire mereátur ad glóriam regni cæléstis, præstánte Dómino nostro Jesu Christo: Qui cum Patre et Spíritu sancto vivit et regnat in sæcula sæculórum. **R.** Amen.

Si anxietur adhuc anima, dicuntur hi Psalmi, videlicet Confitémini. 23, et totus Ps. Beáti immaculáti. per Horas distributus. 24.

Egressa autem anima, dicitur hoc

R. Subveníte Sancti Dei, occúrrite Angeli Dómini: * Suscipiéntes ánimam ejus: * Offeréntes eam in conspéctu Altíssimi. **V.** Suscípiat te Christus, qui vocávit te, et

in sinum Abrahæ Angeli dedúcant te. **V.** Suscipiéntes ánimam ejus, * Offeréntes eam in conspéctu Altíssimi. **V.** Réquiem ætérnam dona ei Dómine, et lux perpétua lúceat ei. * Offeréntes.

Deinde Kýrie eléison. Christe eléison. Kýrie eléison.

Postea Pater noster. secreto.

V. Et ne nos indúcas in tentatiónem. **R.** Sed libera nos a malo.

V. Réquiem ætérnam dona ei Dómine. **R.** Et lux perpétua lúceat ei.

V. A porta inferi. **R.** Erue Dómine ánimam ejus.

V. Requiéscat in pace. **R.** Amen.

V. Dómine exáudi oratió-nem meam. **R.** Et clamor meus ad te véniat.

V. Dóminus vobíscum. **R.** Et cum spíritu tuo.

Orémus. Oratio.

TIBI Dómine commendá-mus ánimam fámuli tui **N.**, ut defúnctus sæculo tibi vivat: et quæ per fragilitátem humánæ conversatiónis peccáta commisit, tu vénia misericordíssimæ pietátis abstérge. Per Christum Dóminum nostrum.

R. Amen.



FORMULA

AD IMPERTIENDAM INDULGENTIAM PLENARIAM IN ARTICULO MORTIS

Juxta formam a BENEDICTO Papa XIV. traditam.

℣. Adjutórium nostrum †
in nómine Dómini. **℟.** Qui
fecit cælum et terram.

Ant. Ne reminiscáris Dó-
mine delicta fámuli tui (**vel**
ancillæ tuæ), neque vindi-
ctam sumas de peccátis ejus.

Kýrie eléison. Christe eléi-
son. Kýrie eléison.

Pater noster. **secreto.**

℣. Et ne nos indúcas in
tentatióem. **℟.** Sed libera
nos a malo.

℣. Salvum fac servum tuum
(**vel** ancillam tuam). **℟.** Deus
meus sperántem in te.

℣. Dómine exáudi ora-
tióem meam. **℟.** Et clamor
meus ad te véniat.

℣. Dóminus vobíscum. **℟.**
Et cum spíritu tuo.

Orémus.

CLEMENTÍSSIME Deus, Pater
misericordiárum, et Deus
totius consolatióis, qui né-
minem vis perire in te cre-
déntem atque sperántem :
secúndum multitudínem mi-
seratiónum tuárum réspice
propitius fámulum tuum **N.**
quem (**vel** fámulam tuam **N.**
quam) tibi vera fides et spes
christiána comméndant. Vi-
sita eum (**vel** eam) in salu-
tári tuo, et per Unigéniti
tui passióem et mortem,

ómnium ei delictórum suó-
rum remissióem et véniam
cleménter indúlge, ut ejus
ánima in hora éxitus sui te
júdicem propitiátum invé-
niat, et in ságuine ejúsdem
Filii tui ab omni mácula
ablúta, transire ad vitam
mereátur perpétuam. Per
eúmdem Christum Dómi-
num nostrum. **℟.** Amen.

**Tunc dicto ab uno e Cle-
ricis adstantibus Confiteor.
Sacerdos dicat Misereatur.
ac deinde :**

DÓMINUS noster Jesus
Christus Filius Dei vivi,
qui beáto Petro Apóstolo suo
dedit potestátem ligándi at-
que solvéndi, per suam piís-
simam misericórdiam reci-
piat confessióem tuam, et
restituát tibi stolam primam,
quam in baptísmate recepi-
sti : et ego, facultáte mihi ab
apostólica sede tribúta, in-
dulgéntiam plenáriam et re-
missióem ómnium pecca-
tórum tibi concédo. In nó-
mine Patris †, et Filii, et
Spíritus sancti. **℟.** Amen.

Per sacrosáncta humánæ
reparatióis mystéria, re-
mittat tibi omnipotens Deus
omnes præsentis et futúre
vitæ pœnas, paradisi portas

apériat, et ad gáudia sem-
pitérna perdúcat.

℟. Amen.

Benedicat te omnípotens
Deus Pater †, et Fílius, et
Spiritus sanctus. ℟. Amen.

Si vero infirmus sit adeo
morti proximus, ut neque
confessionis generalis fa-
ciendæ, neque præmissarum
precum recitandarum sup-

petat tempus, statim Sacer-
dos benedictionem ei im-
pertiat, dicendo: Dóminus
noster, etc., ut supra.

Et si mors proxime urgeat,
dicat :

Indulgéntiam plenáriam et
remissionem ómnium pec-
catorum tibi concédo, in
nómine Patris †, et Filii, et
Spiritus sancti. Amen.

BENEDICTIO MENSÆ

ANTE PRANDIUM

Sacerdos benedicturus
mensam, incipit Benedicite,
et alii repetunt Benedicite.

Deinde dicit : ʒ. Oculi
ómnium, et alii proseguun-
tur : In te sperant Dómine,
et tu das escam illórum in
témptore opportúno. Aperis
tu manum tuam, et imples
omne ánimál benedictióne.

Glória Patri. Sicut erat.

Kýrie eleíson. Christe eleí-
son. Kýrie eleíson.

Pater noster. secreto.

ʒ. Et ne nos indúcas in
tentatióne. ℟. Sed libera
nos a malo.

Postea Sacerdos dicit :

Orémus.

BÉNIC Dómine nos, et
hæc tua dona, quæ de
tua largitáte sumus sumptú-
ri. Per Christum Dóminum
nostrum.

℟. Amen.

Deinde Lector : Jube do-
mne benedicere.

Bened. Mensæ cæléstis par-

ticipes fáciat nos Rex ætérnæ
glória. ℟. Amen.

POST PRANDIUM

Aguntur gratiæ hoc mo-
do : dicto a Lectore Tu áu-
tem Dómine miserére nobis.
℟. Deo grátias, omnes sur-
gunt.

Sacerdos incipit : ʒ. Con-
fiteántur tibi Dómine ómnia
ópera tua. ℟. Et sancti tui
benedicant tibi.

Glória Patri. Sicut erat.

Postea Sacerdos absolute
dicat :

AGIMUS tibi grátias omni-
potens Deus, pro univér-
sis beneficiis tuis : Qui vivis
et regnas in sæcula sæculó-
rum. ℟. Amen.

Deinde alternatim dicitur
Psalmus Miserére mei Deus.
57.

Vel Psalmus 116.

LAUDÁTE Dóminum omnes
gentes : * Laudáte eum
omnes pópuli :

Quóniam confirmáta est
super nos misericórdia ejus,*

et veritas Dómini manet in ætérnum.

Glória Patri. Sicut erat.

Kýrie eléison. Christe eléison. Kýrie eléison.

Sacerdos dicit Pater noster. **secreto.**

Ÿ. Et ne nos indúcas in tentatiónem. **R.** Sed libera nos a malo.

Ÿ. Dispérsit, dedit paupéribus. **R.** Justitia ejus manet in sæculum sæculi.

Ÿ. Benedicam Dóminum in omni témpore. **R.** Semper laus ejus in ore meo.

Ÿ. In Dómino laudábitur ánima mea. **R.** Audiant mansuéti, et læténtur.

Ÿ. Magnificáte Dóminum mecum. **R.** Et exaltémus nomen ejus in idípsum.

Ÿ. Sit nomen Dómini benedictum. **R.** Ex hoc nunc et usque in sæculum.

Deinde sine Orémus.

RETRIBÜERE dignáre Dómine ómnibus nobis bona faciéntibus propter nomen tuum vitam ætérnam.

R. Amen.

Ÿ. Benedicámus Dómino. **R.** Deo grátias.

Ÿ. Fidélium ánimæ per misericórdiam Dei requiescant in pace. **R.** Amen.

Pater noster. **secreto.**

Quo finito, dicit Sacerdos:

Ÿ. Deus det nobis suam pacem. **R.** Amen.

ANTE CŒNAM

Sacerdos benedicturus mensam incipit Benedícite, et alii repetunt Benedícite.

Deinde Sacerdos incipit Ÿ., et alii prosequuntur :

EDENT páuperes, et saturabúntur, et laudábunt Dóminum, qui requirunt eum : vivent corda eórum in sæculum sæculi.

Glória Patri. Sicut erat.

Kýrie eléison. Christe eléison. Kýrie eléison.

Pater noster. **secreto.**

Ÿ. Et ne nos indúcas.

Orémus. Bénedic Dómine. **ut supra in prandio.**

Ÿ. Jube domne benedicere.

Bened. Ad cœnam vitæ ætérnæ perdúcat nos Rex ætérnæ glóriæ. **R.** Amen.

IN FINE CŒNÆ

Dicitur Ÿ. Memóriam fecit mirabílium suórum miséricors et miserátor Dóminus. **R.** Escam dedit timéntibus se.

Glória Patri. Sicut erat.

Sacerdos dicat :

BENEDÍCTUS Deus in donis suis, et sanctus in ómnibus opéribus suis : Qui vivit et regnat in sæcula sæculórum.

R. Amen.

Deinde alternatim dicitur Ps. Laudáte... omnes gentes. et reliqua, ut supra. 204*.

Quando semel comeditur, omnia dicuntur ut in cœna.

Prædictus modus benedicens mensam, et agendi grátias, servatur omni tempore hujus Partis Autumnalis.

ITINERARIUM

Clericus in ipso itineris ingressu, si solus fuerit, dicat quæ sequuntur in singulari; si cum sociis, in plurali.

Ant. In viam pacis.

Canticum Benedictus Dóminus Deus Israël. 21.

In fine Glória Patri.

Ant. In viam pacis et prosperitátis dirigat nos omnipotens et miséricors Dóminus : et Angelus Ráphaël comitétur nobiscum in via, ut cum pace, salute, et gaudio revertámur ad própria.

Kýrie eléison. Christe eléison. Kýrie eléison.

Pater noster. **secreto.**

℣. Et ne nos indúcas in tentatiónem. **℟.** Sed libera nos a malo.

℣. Salvos fac servos tuos.

℟. Deus meus sperántes in te.

℣. Mitte nobis Dómine auxílium de sancto. **℟.** Et de Sion tuére nos.

℣. Esto nobis Dómine turris fortitudínis. **℟.** A fácie inimíci.

℣. Nihil proficiat inimícus in nobis. **℟.** Et filius iniquitátis non appónat nocére nobis.

℣. Benedictus Dóminus die quotidie. **℟.** Prósperum iter fáciat nobis Deus salutarium nostrórum.

℣. Vias tuas Dómine demonstra nobis. **℟.** Et sémitas tuas édoce nos.

℣. Utinam dirigántur viæ nostræ. **℟.** Ad custodiéndas justificatiónes tuas.

℣. Erunt prava in dirécta. **℟.** Et áspera in vias planas.

℣. Angelis suis Deus mandávit de te. **℟.** Ut custódiant te in ómnibus viis tuis.

℣. Dómine exáudi oratió-nem meam. **℟.** Et clamor meus ad te véniat.

℣. Dóminus vobiscum. **℟.** Et cum spiritu tuo.

Orémus. **Oratio.**

DEUS, qui filios Israël per maris médium sicco vestigio ire fecisti, quique tribus Magis iter ad te stella duce pandisti : tribue nobis quæsumus iter Prósperum tempúsque tranqúillum : ut, Angelo tuo sancto cómite, ad eum quo pér-gimus locum, ac demum ad æternæ salutis portum pervenire feliciter valeámus.

DEUS, qui Abraham puerum tuum de Ur Chaldæórum edúctum per omnes suæ peregrinatiónis vias illæsum custodisti : quæsumus, ut nos fámulos tuos custodire dignéris : esto nobis Dómine in procinctu suffrágium, in via solátium, in æstu umbráculum, in plúvia et frigore teguméntum, in lassitú-dine vehiculum, in adversitáte præsidium, in lúbrico báculo, in naufrá-gio portus; ut, te duce, quo

téndimus, prospere perveniámus, et demum incólumes ad própria redeámus.

ADÉSTO, quæsumus Dómine, supplicatióibus nostris : et viam famulórum tuórum in salutis tuæ prosperitáte dispóne; ut inter omnes viæ et vitæ hujus varietates tuo semper protegámur auxilio.

PRÆSTA, quæsumus omnipotens Deus : ut familia

tua per viam salutis incédât; et beáti Joánnis Præcursóris hortaménta sectándo, ad eum quem prædixit, secúra perveniat, Dóminum nostrum Jesum Christum Fílium tuum : Qui tecum vivit et regnat in unitáte Spíritus sancti Deus, per ómnia sæcula sæculórum.

R. Amen.

V. Procedámus in pace. **R.**
In nómine Dómini. Amen.

PRÆPARATIO AD MISSAM

PRO OPPORTUNITATE SACERDOTIS FACIENDA

ANTIPHONA

NE reminiscáris Dómine delicta nostra, vel párentum nostrórum; neque vindictam sumas de peccátis nostris.

Quæ Ant. in Festis duplicibus tantum duplicatur.

Deinde dicuntur sequentes Psalmi Quam dilécta. 99. Benedixisti Dómine. **ibid.** Inclína Dómine. 100. Crédidi propter. 129. De profundis. 134.

Postea repetitur Ant. Ne reminiscáris.

Deinde Sacerdos dicit :
Kýrie eléison. Christe eléison. Kýrie eléison.

Pater noster.

V. Et ne nos indúcas in tentatióem. **R.** Sed libera nos a malo.

V. Ego dixi : Dómine mi-

serére mei. **R.** Sana ánimam meam, quia peccávi tibi.

V. Convértere Dómine aliquántulum. **R.** Et deprecáre super servos tuos.

V. Fiat misericórdia tua Dómine super nos. **R.** Quemádmodum sperávimus in te.

V. Sacerdótes tui induántur justítiam. **R.** Et sancti tui exsúltent.

V. Ab occúltis meis munda me Dómine. **R.** Et ab aliénis parce servo tuo.

V. Dómine exáudi oratió-nem meam. **R.** Et clamor meus ad te véniat.

V. Dóminus vobiscum. **R.**
Et cum spíritu tuo.

Orémus.

AURES tuæ pietátis, mitis-sime Deus, inclína pré-cibus nostris, et grátia sancti

Spiritus illúmina cor nostrum : ut tuis mystériis digne ministráre, teque ætérna caritaté diligere mereámur.

DEUS, cui omne cor patet, et omnis volúntas lóquitur, et quem nullum latet secrétum : purifica per infusiónem sancti Spíritus cogitationes cordis nostri; ut te perfécte diligere, et digne laudáre mereámur.

URE igne sancti Spíritus renes nostros et cor nostrum Dómine : ut tibi casto corpore serviámus, et mundo corde placeámus.

MENTES nostras, quæsumus Dómine, Paráclitus qui a te procedit, illúminet : et indúcat in omnem, sicut tuus promisit Filius, veritatem.

ADSIT nobis, quæsumus Dómine, virtus Spíritus sancti; quæ et corda nostra cleménter expúrget, et ab ómnibus tueátur advérsis.

DEUS, qui corda fidélium sancti Spíritus illustratióne docuisti : da nobis in eódem Spíritu recta sápere, et de ejus semper consolatióné gaudére.

CONSCIÉNTIAS nostras, quæsumus Dómine, visitádo purifica : ut véniens Dóminus noster Jesus Christus Filius tuus parátam sibi in nobis invéniat mansiónem : Qui tecum vivit et regnat in unitáte Spíritus sancti Deus, per ómnia sæcula sæculórum. Amen.

ORATIONES

Pro opportunitate Sacerdotis ante Celebrationem et Communionem dicendæ.

Oratio S. Ambrosii Episcopi.

DIE DOMINICA

SUMME Sacerdos, et vere Póntifex Jesu Christe, qui te obtulisti Deo Patri, hóstiam puram et immaculatam, in ara crucis, pro nobis miseris et peccatóribus, et qui dedisti nobis Carnem tuam ad manducándum, et Sanguinem tuum ad bibéndum, et posuisti mystérium istud in virtúte Spíritus sancti tui, dicens : Hæc quotiescúmque feceritis, in mei memóriam faciétis : rogo per eúndem Sanguinem tuum, magnum salutis nostræ prætium : rogo per hanc miram et ineffabilem caritaté, qua nos miseros et indignos sic amáre dignátus es, ut laváres nos a peccátis nostris in sanguine tuo : doce me servum tuum indignum, quem inter cætera dona tua étiam ad officium sacerdotále vocáre dignátus es, nullis meis méritis, sed sola dignatióne misericórdiæ tuæ : doce me, quæso, per Spiritum sanctum tuum, tantum tractáre mystérium ea reveréntia et honóre, ea devotióne et timóre, quibus opórtet et decet. Fac me per grátiam tuam semper illud de tanto mystério crédere et intelligere, sentíre et firmiter tenére, dicere et cogi-

täre quod tibi placet, et expedit animæ meæ. Intret spiritus tuus bonus in cor meum, qui sonet ibi sine sono, et sine strépitu verborum loquatur omnem veritatem. Profúnda quippe sunt nimis, et sacro tecta velamine. Propter magnam clementiam tuam concède mihi Missarum solémnia mundo corde et pura mente celebrare. Libera cor meum ab immúndis et nefándis, vanis et nóxiis cogitatióibus. Muni me beatórum Angelórum pia et fida custódia, ac tutelá fortíssima, ut hostes ómnium bonórum confúsi discédant. Per virtútem tanti mystérii, et per manum sancti Angeli tui, repélle a me, et a cunctis servis tuis, duríssimum spíritum supérbiæ et cœnodóxiæ, invidiæ et blasphemíæ, fornicatióis et immunditiæ, dubietátis et diffidéntiæ. Confundántur qui nos persequúntur : péreant illi qui nos pérdere festinant.

FERIA SECUNDA

REX virginum, et amátor castitátis et integritátis, cælésti rore benedictiόνis tuæ exstingue in corpore meo fómitem ardéntis libidinis : ut máneat in me tenor castitátis córporis et animæ. Mortífica in membris meis carnis stímulos, omnésque libidinósas commotióes; et da mihi veram et perpétuam castitátem cum cæteris donis tuis, quæ tibi placent

in veritáte : ut sacrificium láudis casto corpore et mundo corde váleam tibi offérre. Quanta enim cordis contritióne, et lacrymárum fonte, quanta reveréntia, et tremóre, quanta córporis castitáte et animæ puritáte istud divinum et cæléste sacrificium est celebrándum, ubi Caro tua in veritáte súmitur, ubi Sanguis tuus in veritáte bibitur, ubi ima summis, terréna divínis iungúntur, ubi adest sanctorum Angelórum præsentia, ubi tu es sacrificium et Sacerdos mirabiliter et ineffábiliter constitútus !

FERIA TERTIA

QUIS digne hoc celebrare póterit, nisi tu Deus omnipotens offeréntem féceris dignum? Scio Dómine, et vere scio, et idípsum pietáti tuæ confiteor, quia non sum dignus accédere ad tantum mystérium, propter nimia peccáta mea et infinitas negligéntias meas. Sed scio, et veráciter ex toto corde meo credo, et ore confiteor, quia tu potes me fácere dignum, qui solus potes fácere mundum de immúndo concéptum sémine, et de peccatóribus justos et sanctos. Per hanc omnipoténtiam tuam te rogo Deus meus, ut concédas mihi peccatóri hoc Sacrificium celebrare cum timóre et tremóre, cum cordis puritáte et lacrymárum fonte,

cum lætitia spiritali et cælesti gaudio. Sentiât mens mea dulcedinem beatissimæ præsentia tuæ, et excubias sanctorum Angelorum tuorum in circuitu meo.

FERIA QUARTA

EGO enim Dómine memor venerandæ Passiõis tuæ accedo ad altare tuum, licet peccator, ut offeram tibi sacrificium quod tu instituisti, et offerri præcepisti in commemoratiõnem tui, pro salute nostra. Súscipe illud, quæso summe Deus, pro Ecclesiâ sancta tua, et pro pópulo, quem acquisisti Sanguine tuo. Et quoniam me peccatorem inter te et eundem pópulum tuum médium esse voluisti, licet in me aliquod boni óperis testimonium non agnoscas, officium saltem dispensatiõis creditæ non recuses: nec per me indignum eorum salutis péreat pretium, pro quibus víctima salutáris dignatus es esse, et redemptio. Prófero étiam Dómine (si digneris propitius intuéri) tribulatiões plébum, periculá populórum, captivórum gémitus, misérias orphanórum, necessitates peregrinórum, inópiam debílium, desperatiões languéntium, deféctus senum, suspíria júvenum, vota vírginum, láménta viduárum.

FERIA QUINTA

TU enim misereris ómnium Dómine, et nihil odisti

eórum quæfecisti. Memoráre quæ sit nostra substántia: quia tu Pater noster es, quia tu Deus noster es, ne irascáris satis, neque multitudinem víscerum tuórum super nos contíneas. Non enim in justificatiõibus nostris prostérnimus preces ante faciém tuam, sed in miseratiõibus tuis multis. Aufer a nobis iniquitates nostras, et ignem sancti Spiritus in nobis cleménter accende. Aufer cor lapideum de carne nostra; et da nobis cor cárneum, quod te amet, te diligat, te delectétur, te sequátur, te perfruátur. Orámus Dómine cleméntiam tuam, ut seréno vultu familiam tuam, sacri tui nóminis officia præstolántem, adspicere digneris: et ut nullius sit irritum votum, nullius vácuá postulátió, tu nobis preces súggere, quas ipse propitius audíre et exaudíre delecteris.

FERIA SEXTA

ROGÁMUS étiam te Dómine sancte Pater, et pro spirítibus fidélium defunctórum: ut sit illis salus, sanitas, gáudium et refrigerium, hoc magnum pietátis sacraméntum. Dómine Deus meus, sit illis hódie magnum et plenum convivium de te pane vivo, qui de cælo descendisti, et das vitam mundo, de tua carne sancta et benedicta, Agni videlicet immaculáti, qui tollit peccáta mundi, quæ de sancto

et glorióso beátæ Virginis Mariæ útero est assúpta, et de Spíritu sancto concépta : ac de illo pietátis fonte, qui per lánceam militis ex tuo sacratíssimo látere emanávit, ut exinde refécti et satiáti, refrigeráti et consoláti, exsúltent in láude et glória tua. Peto cleméntiam tuam Dómine, ut descendat super panem tibi sacrificándum plenitúdo tuæ benedictiónis, et sanctificátio tuæ divinitátis. Descéndat étiam Dómine illa sancti Spíritus tui invisibilis incomprehensibilisque majéstas, sicut quondam in Patrum hóstias descendébat, qui et oblatiónes nostras Corpus et Sanguinem tuum efficiat, et me indignum sacerdotem doceat tantum tractáre mystérium cum cordis puritáte et lacrymárum devotióne, cum reveréntia et tremóre, ita ut plácide ac benigne suscipias sacrificium de mánibus meis ad salutem ómnium, tam vivórum quam defunctorum.

SABBATO

Rogo étiam te Dómine per ipsum sacrosáctum mystérium Córporis et Sanguinis tui, quo quotidie in Ecclésia tua páscimur et potámur, ablúimur et sanctificámur, atque unius summæ Divinitátis participes effici-mur : da mihi virtútes tuas sanctas, quibus replétus, bona consciéntia ad altáre tuum accédam, ita ut hæc

cæléstia sacraménta efficiántur mihi salus et vita. Tu enim dixisti ore tuo sancto et benedicto : Panis quem ego dabo, caro mea est pro mundi vita. Ego sum panis vivus, qui de cælo descéndi. Si quis manducáverit ex hoc pane, vivet in ætérnum. Panis dulcíssime, sana palátum cordis mei, ut séntiam suavitátem amóris tui. Sana illud ab omni languóre, ut nullam præter te séntiam dulcédinem. Panis candidíssime, habens omne delectaméntum et omnem sapórem, qui nos semper réficis, et numquam in te défícis : cómedat te cor meum, et dulcédine sapóris tui repleántur víscera ánimæ meæ. Mandúcat te Angelus ore pleno; mandúcet te peregrínus homo pro módulo suo, ne deficere possit in via, tali recreátus viático. Panis sancte, panis vive, panis munde, qui descendísti de cælo, et das vitam mundo, veni in cor meum, et munda me ab omni inquinaménto carnis et spiritus. Intra in ánimam meam, sana et munda me intérius et extérius. Esto tutámen et continua salus ánimæ et córporis mei. Repélle a me insidiántes mihi hostes : recédant procul a præsentia poténtiæ tuæ, ut foris et intus per te munitus, recto trámite ad tuum regnum pervéniam : ubi non in mystériis, sicut in hoc

témpore ágitur, sed fácie ad fáciem te vidébimus, cum tradideris regnum Deo et Patri, et eris Deus ómnia in ómnibus. Tunc enim me de te satiábis satietáte mirífica, ita ut nec esúriam, nec sítiám in ætérnum: Qui cum eódem Deo Patre et Spíritu sancto vivis et regnas per ómnia sæcula sæculórum. Amen.

**Alia Oratio S. Ambrosii
ante Missam.**

Indulg. 100 dierum. Leo PP. XIII.
20 Dec. 1884.

Ad mensam dulcissimi convivíi tui, pie Dómine Jesu Christe, ego peccátor de própriis meis méritis nihil præsumens, sed de tua confidens misericórdia et bonitate, accédere véreor, et contremisco. Nam cor et corpus hábeo multis criminibus maculátum, mentem et linguam non cáute custoditam. Ergo, o pia Déitas, o treménda Majéstas, ego miser inter angústias deprehénsus, ad te fontem misericórdiæ recúrro, ad te festino sanándus, sub tuam protectiónem fúgio: et quem Júdicem sustinére néqueo, Salvatórem habére suspíro. Tibi Dómine plagas meas osténdo: tibi verecúndiam meam détego. Scio peccáta mea multa et magna, pro quibus timeo. Spero in misericórdias tuas, quarum non est número. Réspice ergo in me óculis misericórdiæ tuæ, Dómine Jesu Christe, Rex

ætérne, Deus et homo, crucifíxus propter hóminem. Exáudi me sperántem in te: miserére mei pleni misériis et peccátis, tu qui fontem miseratiónis numquam manáre cessábis. Salve salutáris víctima, pro me et omni humáno gènere in patibulo crucis obláta. Salve nóbilis et pretióse Sanguis, de vulneribus crucifíxi Dómini mei Jesu Christi prófluens, et peccáta totius mundi ábluens. Recordáre, Dómine, creatúræ tuæ, quam tuo Sanguine redemisti. Pœnitet me peccásse, cúpio emendáre quod feci. Aufer ergo a me, clementissime Pater, omnes iniquitátes et peccáta mea: ut purificátus mente et córpore digne degustáre mérear Sancta Sanctórum: et concéde, ut hæc sancta prælibátio Córporis et Sanguinis tui, quam ego indignus súmere inténdo, sit peccatórum meórum remissio, sit delictórum perfécta purgátio, sit túrpium cogitatiónum effugátio, ac bonórum sénsuum regenerátio, operúmque tibi placéntium salúbris effícatia, ánimæ quoque et córporis contra inimicórum meórum insídias firmissima tuítio. Amen.

Oratio S. Thomæ de Aquino.

Indulg. 100 dierum.
Leo PP. XIII. 20 Dec. 1884.

OMNÍPOTENS sempitérne Deus, ecce accédo ad

sacramentum unigéniti Filii tui Dómini nostri Jesu Christi : accédo tamquam infirmus ad médicum vitæ, im-mundus ad fontem misericórdiæ, cæcus ad lumen claritátis æternæ, páuper et egénus ad Dóminum cæli et terræ. Rogo ergo imménsæ largitátis tuæ abundántiam, quátenus meam curáre dignéris infirmitátem, laváre foeditátem, illumináre cæcitaté, ditáre paupertátem, vestire nuditaté : ut panem Angelórum, Regem regum, et Dóminum dominántium, tanta suscipiam reveréntia et humilitáte, tanta contritióne et devotióne, tanta puritaté et fide, tali propósito et intentiόne, sicut expedit salutí animæ meæ. Da mihi, quæso, Dominici Corporis et Sanguinis non solum suscipere sacramentum, sed étiam rem et virtútem sacraménti. O mitíssime Deus, da mihi Corpus unigéniti Filii tui Dómini nostri Jesu Christi, quod traxit de Virgine María, sic suscipere, ut corpore suo mýstico mérear incorporári, et inter ejus membra connumerári. O amantíssime Pater, concéde mihi diléctum Filium tuum, quem nunc velátum in via suscipere propóno, reveláta tandem fácie perpétuo contemplári : Qui tecum vivit et regnat in unitáte Spiritus sancti Deus, per ómnia sæcula sæculórum. Amen.

Oratio.

Gregorius XIII., Pontifex Maximus, concessit cuilibet dicenti quæ sequuntur, 50 dierum Indulgentiam.

EGO volo celebráre Missam, et conficere Corpus et Sanguinem Dómini nostri Jesu Christi, juxta ritum sanctæ Románæ Ecclesiæ, ad láudem omnipoténtis Dei, totiúsque cúriæ triumphántis, ad utilitaté meam, totiúsque cúriæ militántis, et patiéntis, pro ómnibus, qui se commendavérunt oratió-nibus meis in génere et in spécie, et pro felici statu sanctæ Románæ Ecclesiæ. Amen.

GÁUDIUM cum pace emendatióne vitæ, spátium veræ poeniténtiæ, grátiam et consolatióne sancti Spiritus, perseverántiam in bonis opéribus, tribuat nobis omnípotens et miséricors Dóminus. Amen.

Quia Sacerdos, aut tacita mentis cogitatione, aut submissa vocis expressione debet recitare singillatim nomina pro quibus in illa celebratione vult singulariter orare (ut insinuat per illas litteras N. N. in Canone contentas), et ne hujusmodi determinatarum personarum nominatio, ob multitudinem, aut incertum ordinem, ingerat Sacerdoti celebranti confusionem, non inutile erit sequentem servare or-

dinem ex 20. quæst. Quódlibet, Doctoris Subtil. et ex aliorum gravissimorum Doctorum scriptis excerptum.

Meménto Dómine, si tibi placet,

VIVORUM

- 1 **M**EI, paréntum, cognatorum, fratrum, sororum, et amicorum meorum ómnium.
- 2 Coetus Cardinálium, atque Prælatorum, et Sacerdotum, ac sanctæ Ecclesiæ ministrorum.
- 3 Omnium meæ curæ subiectorum, tamquam spirituálium filiorum, et ómnium fundatorum, patronorum, et benefactorum spirituálium et temporalium.
- 4 Omnium Principum christianorum, Dominatiónum, et Rerum publicarum temporalium.
- 5 Omnium peccantium, inimicorumque meorum, atque conversiónis ómnium hæreticorum et infidelium.
- 6 Et ómnium pro quibus scis et vis me debére oráre.

MORTUORUM

- 1 **A**NIMÁRUM paréntum, fratrum, sororum, cognatorum, atque amicorum ómnium.
2. Animárum ómnium benefactorum, tam spirituálium quam corporálium.
- 3 Animárum ómnium mihi in génere et in spécie commissarum.

4 Animárum Prælatorum, Sacerdotum, et ómnium ministrorum sanctæ Romanæ Ecclesiæ Dei et Apostolicæ.

5 Animárum morte improvisa corpóribus exutarum, atque earum quarum non est speciális memória.

6 Animárum quæ mei occasione in purgatorio purgantur : earum quoque miserrime in purgatorio existentium.

7 Et earum ómnium pro quibus scis et vis me debére oráre.

Oratio ad B. V. M. ante Missam.

Indulg. 100 dierum. Leo PP. XIII.

17 Febr. 1883.

O MATER pietátis et misericórdiæ, beatíssima Virgo María, ego miser et indignus peccátor ad te confugio toto corde et afféctu, et precor pietátem tuam : ut sicut dulcíssimo Filio tuo in cruce pendénti adstitisti, ita et mihi misero peccatóri, et sacerdotibus ómnibus hic et in tota sancta Ecclesia hódie offeréntibus, cleménter assistere dignéris, ut tua grátia adjúti, dignam et acceptáblem hóstiam in conspéctu summæ et individué Trinitátis offerre valeámus. Amen.

Oratio ad S. Josephum.

Indulg. 100 dierum. Pius PP. IX.

4 Febr. 1877.

O FELÍCEM virum beátum Joseph, cui datum est,

Deum, quem multi reges voluerunt videre, et non viderunt, audire, et non audierunt, non solum videre et audire, sed portare, deosculari, vestire et custodire.

¶ Ora pro nobis beate Joseph. ¶ Ut digni efficiamur promissionibus Christi.

Orémus.

DEUS, qui dedisti nobis regalesacerdotium, præsta quæsumus, ut sicut beatus Joseph unigenitum Filium tuum natum ex Maria Virgine, suis manibus reverenter tractare meruit et portare, ita nos facias cum cordis munditia et operis innocentia tuis sanctis altaribus deservire, ut sacrosanctum Filii tui Corpus et Sanguinem hodie digne sumamus, et in futuro sæculo præmium habere mereamur æternum. Per Christum Dominum nostrum. Amen.

Oratio ad omnes Angelos et Sanctos.

Indulg. 100 dierum. Leo PP. XIII.
20 Dec. 1884.

ANGELI, Archàngeli, Throni, Dominationes, Principatus, Potestates, Virtutes

cælorum, Chérubim, atque Séraphim, omnes Sancti et Sanctæ Dei, præsertim Patróni mei, intercédere dignemini pro me, ut hoc Sacrificium Deo omnipotenti digne váleam offerre ad laudem et glóriam nóminis sui, et ad utilitatem meam, totiusque Ecclesiæ suæ sanctæ. Amen.

Oratio tantummodo dicenda quando Sacerdos in honorem Sancti, vel Beati Missam celebrat.

Indulg. 100 dierum. Leo PP. XIII.
20 Dec. 1884.

O SANCTE N., ecce ego miser peccator, de tuis méritis confisus, offero nunc sacratissimum Sacramentum Corporis et Sanguinis Dómini nostri Jesu Christi pro tuo honore et glória. Precor te humiliter et devôte, ut pro me intercédere digneris, ut tantum Sacrificium digne et acceptabiliter offerre váleam, ut eum tecum, et cum ómnibus eléctis ejus æternáliter laudare, atque cum eo regnare váleam : Qui vivit et regnat in sæcula sæculórum.

Amen.

GRATIARUM ACTIO POST MISSAM

ANTIPHONA

TRIUM puerórum cantémus hymnum, quem cantabant sancti in camíno ignis, benedicentes Dóminum.

Quæ Ant. in Festis duplicibus tantum duplicatur.

Cant. Benedicite ómnia ópera Dómini Dómino. 18. **In fine non dicitur** Glória Patri.

Ps. Laudáte Dóminum in sanctis ejus. 20. **Et in fine** Glória Patri.

Deinde repetitur Ant. Trium puerórum.

Postea Sacerdos dicit :

Kýrie eléison. Christe eléison. Kýrie eléison.

Pater noster.

℣. Et ne nos indúcas in tentatiónem. ℞. Sed libera nos a malo.

℣. Confiteántur tibi Dómine ómnia ópera tua. ℞. Et sancti tui benedicant tibi.

℣. Exsultábunt sancti in glória. ℞. Lætabúntur in cubilibus suis.

℣. Non nobis Dómine, non nobis. ℞. Sed nómini tuo da glóriam.

℣. Dómine exáudi oratió- nem meam. ℞. Et clamor meus ad te véniat.

℣. Dóminus vobiscum. ℞. Et cum spíritu tuo.

Orémus.

DEUS, qui tribus púeris mitigásti flammam ignium : concéde propítius ; ut nos fámulos tuos non exúrat flamma vitiorum.

ACTIÓNES nostras, quásumus Dómine, adspirándo præveni, et adjuvándo proséquere : ut cuncta nostra orátio et operátio a te semper incipiat, et per te cœpta finiátur.

DA nobis, quásumus Dómine, vitiorum nostrórum flammam exstinguere, qui beáto Lauréntio tribuisti tormentórum suórum incén-

dia superáre. Per Christum Dóminum nostrum. Amen.

Orationes post Celebratió- nem et Communionem dicendæ.

Oratio S. Thomæ de Aquino.

Indulg. unius annl.

Leo PP. XIII. 20 Dec. 1884.

GRÁTIAS tibi ago Dómine sancte, Pater omnípotens, ætérne Deus, qui me peccatórem indignum fámulum tuum, nullis meis méritis, sed sola dignatióne misericórdiæ tuæ, satiáre dignátus es pretiósó Córpo- re et Sanguine Filii tui Dómini nostri Jesu Christi : et precor ut hæc sancta Commúnio non sit mihi reátus ad pœnam, sed intercæssio salutáris ad véniam. Sit mihi armatúra fidei, et scutum bonæ voluntátis : sit vitiorum meórum evacuátio, concupiscéntiæ et libídinis exterminátio, caritátis et paciéntiæ, humilitátis et obediéntiæ, omniúmque virtutum augmentátio, contra insidias inimicórum ómnium tam visibilium quam invisibilium firma defénsio, mó- tum meórum tam carnálium quam spirituálium perfectá quietátio, in te uno ac vero Deo firma adhæsió, atque finis mei felix consummátio. Et precor te ut ad illud ineffábile convívium me peccatórem perdúcere dignéris, ubi tu cum Filio tuo et Spíritu sancto sanctis tuis es lux vera, satietas

plena, gáudium sempiternum, jucúnditas consummata, et felicitas perfecta. Per eúndem Christum.

Oratio S. Bonaventuræ.

Indulg. unus anni.

Leo PP. XIII. 20 Dec. 1884.

TRANSFÍGE, dulcíssime Dómine Jesu, medúllas et víscera ánimæ meæ suavissimo ac salubérrimo amóris tui vúlnerē, vera serenáque et apostólica sanctíssima caritatē, ut lángueat et liquefiat ánima mea solo semper amóre et desidério tui, te concupiscat, et deficiat in átria tua, cúpiat dissólvi, et esse tecum. Da ut ánima mea te esúriat, panem Angelórum, refectiónem animárum sanctárum, panem nostrum quotidiánum supersubstantialē, habéntem omnem dulcédinem et sapórem, et omne delectaméntum suavitátis : te, in quem desidérant Angeli prospicere, semper esúriat, et cómedat cor meum, et dulcédine sapóris tui repleántur víscera ánimæ meæ : te semper sítiat fontem vitæ, fontem sapiéntiæ et sciéntiæ, fontem ætérni lúminis, torréntem voluptátis, ubertátē domus Dei : te semper ámbiat, te quærat, te invéniat, ad te tendat, ad te pervéniat, te meditétur, te loquátur, et ómnia operétur in láudem et glóriam nóminis tui, cum humilitáte et discretiónē, cum dilectiónē et delectatióne,

cum facilitáte et afféctu, cum perseverántia usque in finem : et tu sis solus semper spes mea, tota fidúcia mea, divitiæ meæ, delectátio mea, jucúnditas mea, gáudium meum, quies et tranquillitas mea, pax mea, suávitās mea, odor meus, dulcédo mea, cibus meus, refectio mea, refúgium meum, auxílium meum, sapiéntia mea, pórctio mea, posséssio mea, thesáurus meus, in quo fixa, et firma, et immobiliter semper sit radicáta mens mea, et cor meum. Amen.

Oratio ad beatissimam Virginem Mariam.

O SACRATÍSSIMA, o serenissima et ínclita gloriósa Virgo Maria, quæ Creatórem ómnium creaturárum in tuo sacratissimo útero fuisti digna portáre, sólaque virgineo úbere lactáre : cujus veracíssimum sacrúmque Corpus, et Sánguinem ego indignus peccátor modo súmere præsumpsi : tuam humíliter déprecor misericórdiam, ut apud ipsum pro me peccatóre intercédere dignéris ; ut quidquid in hoc tam ineffábili ac digníssimo Sacrificio, per me indignum ignoránter, vel negligénter, aut accidénter, seu irreverénter, scilicet in tractándo, et suméndo, ac ministrándo actum est, commissum, vel omíssum, tuis sacratíssimis précibus indulgére dignétur idem Dóminus noster Jesus

Christus Filius tuus, qui cum Patre et Spiritu sancto vivit et regnat in sæcula sæculórum. Amen.

Rhythmus S. Thomæ ad sacram Eucharistiam.

Indulg. 100 dierum. Leo PP. XIII.
20 Dec. 1884.

ADÓRO te devóte, latens Déitas,
Quæ sub his figúris vere lá-
títas :

Tibi se cor meum totum súb-
jicit,
Quia te contémplans totum dé-
fícit.

Visus, tactus, gustus in te
fállitur,
Sed auditu solo tuto crédi-
tur.

Credo quidquid dixit Dei
Fílius,
Nil hoc verbo veritátis vé-
rius.

In cruce latébat sola Déi-
tas,
At hic latet simul et humáni-
tas :

Ambo tamen credens atque
cónfitens,
Peto quod petivit latro pœ-
nitens.

Plagas, sicut Thomas, non
intúeor :

Deum tamen meum te con-
fíteor :

Fac me tibi semper magis
crédere,
In te spem habére, te dili-
gere.

O memoriále mortis Dó-
mini,
Panis vivus vitam præstans
hómini,

Præsta meæ menti de te vi-
vere,
Et te illi semper dulce sá-
pere.

Pie pellicáne, Jesu Dó-
mine,
Me immúndum munda tuo
sánguine :

Cujus una stilla salvum fá-
cere
Totum mundum quit ab omni
scélere.

Jesu, quem velátum nunc
adspício,
Oro fiat illud, quod tam sí-
tio :

Ut te reveláta cernens fácie,
Visu sim beátus tuæ glóriæ.
Amen.

Alia Oratio.

**Decreto Urbis et Orbis
11 Decembris 1846, Pius IX.
Pontifex Maximus Sacerdo-
tibus qui sequentem Oratio-
nem inter alias preces pro
gratiarum actione post Mis-
sam recitaverint, Indulgen-
tiam trium annorum con-
cessit.**

OBSEURO te, dulcissime Dó-
mine Jesu Christe, ut
Pássio tua sit mihi virtus
qua múnar, prótegar, atque
deféndar. Vúlnera tua sint
mihi cibus potúsque, quibus
pascar, inébrier, atque de-
lécter. Aspérsio Súnguinis tui
sit mihi ablútio ómnium de-
lictórum meórum. Mors tua
sit mihi glória sempitérna. In
his sit mihi reféctio, exsul-
tátio, sánitas et dulcédo cor-
dis mei : Qui vivis et regnas
in sæcula sæculórum. Amen.

**Oratio
coram imagine Crucifixi.**

Indulg. plenar.

Plus IX. 31 Julii 1858.

EN ego, o bone et dulcissime Jesu, ante conspectum tuum génibus me provolvō ac máximo animi ardore te oro atque obtestor, ut meum in cor vívidos fidei, spei et caritátis sensus, atque veram peccatorum meorum poenitentiam, eaque emendandi firmissimam voluntatem velis imprimere: dum magno animi affectu et dolore tua quinque vúlnera mecum ipse considero, ac mente contemplor, illud præ oculis habens, quod jam in ore ponébat suo David Prophéta de te, o bone Jesu: Foderunt manus meas et pedes meos: Dinumeraverunt omnia ossa mea. **Ps. 21.**

**Adspirationes sancti Ignatii
ad SS. Redemptorem.**

Post Missam Indulg. 7 annorum semel in die; aliter 300 dierum toties quoties. Indulg. plenar. semel in mense, si hæc Oratio quotidie recitatur. Plus IX. 9 Jan. 1854.

ANIMA Christi sanctifica me. Corpus Christi salva me. Sanguis Christi inebria me. Aqua láteris Christi lava me. Pássio Christi confortá me. O bone Jesu exáudi me. Intra tua vúlnera absconde me. Ne permittas me separári a te. Ab hoste maligno defénde me. In hora mortis meæ voca me. Et jube me veníre ad te, ut cum

sanctis tuis láudem te in sæcula sæculórum.

Amen.

Oblatio sui.

Indulg. 300 dierum. Leo PP. XIII.
26 Mái 1883.

SÚSCIPE Dómine univérsam meam libertátem. Accipe memóriam, intelléctum, atque voluntátem omnem. Quidquid hábeo, vel possideo, mihi largitus es: id tibi totum restituo, ac tuæ prorsus voluntáti trado gubernándum. Amórem tui solum cum grátia tua mihi dones, et dives sum satis, nec áliud quidquam ultra posco.

Oratio ad B. M. V.

Indulg. 100 dierum. Leo PP. XIII.
20 Dec. 1884.

O MARÍA, Virgo et Mater sanctíssima, ecce suscepisti dilectíssimum Fílium tuum, quem immaculáto útero tuo concepisti, genuisti, lactásti, atque suavíssimis ampléxibus strinxisti. Ecce, cujus adspéctu lætabáris, et ómnibus deliciis replebáris, illum ipsum tibi humíliter et amánter repræsénto, et offero tuis bráchiis constringéndum, tuo corde amándum sanctissimæque Trinitáti in supremum latriæ cultum pro tui ipsíus honóre et glória, et pro meis, totiúsque mundi necessitatibus offeréndum. Rogo ergo te, piíssima Mater, ímpetra mihi véniam ómnium peccatorum meórum, uberémque grátiam

ipsi deinceps fidélius serviendi, ac dénique grátiam finálem, ut eum tecum laudáre possim per ómnia sæcula sæculórum. Amen.

Oratio ad S. Joseph.

Indulg. 100 dierum. Plus IX.

4 Febr. 1877.

VÍRGINUM Custos, et Pater sancte Joseph, cujus fidéli custódiæ ipsa Innocéntia

Christus Jesus et Virgo virginum Maríá commissa fuit : Te, per hoc utrúmque carissimum pignus Jesum et Maríam óbsecro et obtéstor, ut me ab omni immunditia præservátum, mente incontamináta, puro corde, et casto córpore Jesu et Maríæ semper fácias castissime famulári. Amen.





OFFICIA VOTIVA PER ANNUM

Officia hæc Votiva per annum ritu Semiduplici pro singulis hebdomadæ Feriis, a Summo Pontifice Leone XIII. per Decretum Urbis et Orbis Sacrorum Rituum Congregationis die 5 Julii 1883 generali Indulto concessa, persolvi possunt, juxta idem Indultum, loco Officiorum Ferialium occurrentium, quocumque anni tempore; exceptis Feria IV. Cinerum, Feriis totius temporis Passionis, ac Sacri Adventus a die 17 ad 24 Decembris inclusive. Habent juxta Rubricas, prout alia Festa Semiduplicia novem Lectionum, tum Commemorationes Feriæ et Festi Simplicis occurrentis, tum nonam Lectionem de Homilia super Evangelium ejusdem Feriæ, aut de Sancto. Adduntur Commemorationes communes, seu Suffragia Sanctorum, ut in Psalterio, si facienda sint, omissa Commemoratione ejus, de quo fit Officium votivum. Si die præcedenti aut sequenti occurrat Officium aliud quodcumque novem Lect., Vesp. Officii votivi currentis ordinandæ erunt juxta Rubricam de Concurrentia Officii.

PRO FERIA II OFFICIUM VOTIVUM

DE SANCTIS ANGELIS Semiduplex.

IN I. VESPERIS
Ant. et Capit. cum reliq.
de Laud. Pss. ut in I. Vesp.
de Comm. Apost. 2*.

Hymnus.

The splendor, et virtus Patris,
Te vita, Jesu, córdium,

Ab ore qui pendent tuo,
Laudámus inter Angelos.

Tibi mille densa millium
Ducum coróna militat:
Sed explicat victor crucem
Michaël salútis signifer.

Draconis hic dirum caput
In ima pellit tártara,
Ducémque cum rebéllibus
Cælésti ab arce fúlminat.

Contra ducem supérbiæ
Sequámur hunc nos príncipem,

Ut detur ex Agni throno
Nobis coróna glóriæ.

Patri, simúlque Filio,
Tibique sancte Spíritus,
Sicut fuit, sit júgiter
Sæclum per omne glória.

Amen.

✠. In conspéctu Angelórum psallam tibi Deus meus.
✠. Adorábo ad templum san-

ctum tuum, et confitebor
nómini tuo.

Ad Magnif. Ant. Omnes
sunt * administratórii spíri-
tus, in ministérium missi
propter eos, qui hereditátem
cápiunt salútis.

Orat. ut infra ad Laudes.
231*.

AD MATUTINUM

Invit. Regem Angelórum
Dóminum, * Veníte, adoré-
mus.

Ps. Veníte, exsultémus. 2.

Hymnus. Te splendor. **ut
supra.**

IN I. NOCTURNO

Ant. Multa magnália.

Psalmus 8.

DÓMINE Dóminus noster, *
quam admirábile est no-
men tuum in univérſa terra!

Quóniam eleváta est ma-
gnificéntia tua, * super cælos.

Ex ore infántium et lactén-
tium perfecisti láudem pro-
pter inimicos tuos, * ut dé-
struas inimicum et ultórem.

Quóniam vidébo cælos
tuos, ópera digitórum tuó-
rum: * lunam et stellas, quæ
tu fundásti.

Quid est homo, quod me-
mor es ejus? * aut filius hómi-
nis, quóniam visitas eum?

Minuisti eum páulo minus
ab Angelis, glória et honóre
coronásti eum: * et consti-
tuisti eum super ópera má-
nuum tuárum.

Omnia subjecisti sub pé-
dibus ejus, * oves et boves
univérſas: insuper et pécora
campi.

Vólucres cæli, et pisces
maris, * qui perámbulant
sémitas maris.

Dómine Dóminus noster, *
quam admirábile est nomen
tuum in univérſa terra!

Ant. Multa magnália de
Michaэле Archángelo, qui
fortis in prælio fecit victó-
riam.

Ant. Gábriel Archángelus.

Psalmus 10.

IN Dómino confido: quó-
modo dicitis ánimæ meæ: *
Trásmigra in montem sicut
passer?

Quóniam ecce peccatóres
intendérunt arcum, paravé-
runt sagittas suas in phére-
tra, * ut sagittent in obscúro
rectos corde.

Quóniam quæ perfecisti,
destruxérunt: * justus áutem
quid fecit?

Dóminus in templo sancto
suo: * Dóminus in cælo
sedes ejus:

Oculi ejus in páuperem
respiciunt: * pálpebræ ejus
intérrogant filios hóminum.

Dóminus intérogat ju-
stum et impium: * qui áutem
diliget iniquitátem, odit áni-
mam suam.

Pluet super peccatóres lá-
queos: * ignis, et sulphur,
et spíritus procellárum pars
cálcis eórum.

Quóniam justus Dóminus,
et justitias diléxit: * æquitá-
tem vidit vultus ejus.

Ant. Gábriel Archángelus
locútus est Mariæ dicens:
Ecce concípies in útero et

páries Fílium, et vocábis nomen ejus Jesum.

Ant. Benedicite Deum cæli.

Psalmus 14.

DÓMINE quis habitábit in tabernáculo tuo? * aut quis requiészet in monte sancto tuo?

Qui ingréditur sine mácula, * et operátur justitiam :

Qui lóquitur veritátem in corde suo, * qui non egit dolum in lingua sua :

Nec fecit próximo suo malum, * et oppróbrium non accépit advérsus próximos suos.

Ad nihilum dedúctus est in conspéctu ejus malignus : * timéntes áutem Dóminum gloriícat :

Qui jurat próximo suo, et non decipit, * qui pecúniam suam non dedit ad usúram, et múnera super innocentem non accépit :

Qui facit hæc, * non movébitur in ætérnum.

Ant. Benedicite Deum cæli, dixit Angelus Ráphaél, et coram ómnibus vivéntibus confitémini ei, quia fecit vobíscum misericórdiam suam.

Ÿ. Stetit Angelus juxta aram templi. **Ÿ.** Habens thuribulum áureum in manu sua.

Lect. de Script. occur.

Ÿ. j. Venit Michaél Archángelus cum multítudine Angelórum, cui trádidit Deus ánimas sanctórum, * Ut perducateas in paradísu exsultatiónis. **Ÿ.** Emítte Dómine

Spíritum sanctum tuum de cælis, spíritum sapiéntiæ et intelléctus. Ut perdúcat.

Ÿ. ij. Respóndit Angelus Dómini, et dixit : Dómine exercítuum, * Usquequo tu non miseréberis Jerúsalem et úrbium Juda, quibus irátus es? **Ÿ.** Iste enim septuagésimus annus est. Usquequo.

Ÿ. iij. In conspéctu géntium nolíte timére : vos enim in córdibus vestris adoráte et timéte Dóminum : * Angelus enim ejus vobíscum est. **Ÿ.** Stetit Angelus juxta aram templi, habens thuribulum áureum in manu sua. Angelus. Glória Patri. Angelus.

IN II. NOCTURNO

Ant. Ascéndit fumus.

Psalmus 18.

CÆLI enárrant glóriam Dei, * et ópera mánuum ejus annúnciat firmaméntum.

Dies diéierúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum : * et in fines orbis terræ verba eórum.

In sole pósuit tabernáculum suum : * et ipse tamquam sponsus procédens de thálamo suo :

Exsultávit ut gigas ad curréndam viam, * a summo cælo egréssio ejus :

Et occúrsus ejus usque ad summum ejus : * nec est qui se abscondat a calóre ejus.

Lex Dómini immaculáta, convértens ánimas : * testimoniúm Dómini fidéle, sapiéntiam præstans párvulis.

Justitiæ Dómini rectæ, lætificántes corda : * præcéptum Dómini lúcidum, illúminans óculos.

Timor Dómini sanctus, pérmanens in sæculum sæculi : * judicia Dómini vera, justificáta in semetipsa.

Desiderabilia super áurum et lápidem pretiósum multum : * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delicta quis intélligit? ab occúltis meis munda me : * et ab aliénis parce servo tuo.

Si mei non fúerint domínati, tunc immaculátus ero : * et emundábor a delicto máximo.

Et erunt ut compláceant elóquia oris mei : * et meditátio cordis mei in conspéctu tuo semper.

Dómine adjútor meus, * et redémptor meus.

Ant. Ascéndit fumus arómatum in conspéctu Dómini de manu Angeli.

Ant. Immittet Angelus Dómini.

Psalmus 23.

DÓMINI est terra, et plení-túdo ejus : * orbis terrárum, et unívrsi qui hábitant in eo.

Quia ipse super mária fun-

dávit eum : * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo salutári suo.

Hæc est generátio quæréntium eum, * quæréntium faciém Dei Jacob.

Attóllite portas principes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas principes vestras, et elevámini portæ æternáles : * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Immittet Angelus Dómini in circúitu timéntium eum, et erípiet eos.

Ant. Laudémus Dóminum.

Psalmus 33.

BENEDÍCAM Dóminum in omni témpore : * semper laus ejus in ore meo.

In Dómino laudábitur ánima mea : * áudiant mansuétí, et læténtur.

Magnificáte Dóminum mecum : * et exaltémus nomen ejus in idípsum.

Exquisívi Dóminum, et ex-

audívit me : * et ex ómnibus tribulatióibus meis eripuit me.

Accédite ad eum , et illuminámini : * et fácies vestræ non confundéntur.

Iste páuper clamávit , et Dóminus exaudívit eum : * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum : * et erípiet eos.

Gustáte , et vidéte quóniam suávis est Dóminus : * beátus vir , qui sperat in eo.

Timéte Dóminum omnes sancti ejus : * quóniam non est inópia timéntibus eum.

Divites eguérunt et esuriérunt : * inquirentes áutem Dóminum non minuéntur omni bono.

Veníte filii , audíte me : * timórem Dómini docébo vos.

Quis est homo qui vult vitam : * diligit dies vidére bonos?

Próhibe linguam tuam a malo : * et lábia tua ne loquántur dolum.

Divérte a malo , et fac bonum : * inquire pacem , et perséquare eam.

Oculi Dómini super justos : * et áures ejus in preces eórum.

Vultus áutem Dómini super faciéntes mala : * ut perdat de terra memóriam eórum.

Clamavérunt justí , et Dóminus exaudívit eos : * et ex

ómnibus tribulatióibus eórum liberávit eos.

Juxta est Dóminus iis , qui tribuláto sunt corde : * et húmiles spíritu salvábit.

Multæ tribulatióes justórum : * et de ómnibus his liberábit eos Dóminus.

Custódit Dóminus ómnia ossa eórum : * unum ex his non conterétur.

Mors peccatórum péssima : * et qui odérunt justum delínquent.

Rédimet Dóminus ánimas servórum suórum : * et non delínquent omnes qui sperant in eo.

Ant. Laudémus Dóminum , quem láudant Angeli , quem Chérubim et Séraphim , Sanctus , Sanctus , Sanctus , proclamant.

V. Ascéndit fumus arómatum in conspéctu Dómini.

R. De manu Angeli.

De Sermóne sancti Gregórii Papæ.

Ex Homil. 34. in Evang.

Lectio iv.

QUIA Angelórum nómina interpretádo perstrinximus , súperest , ut ipsa officiórum vocábula brévitèr exsequámur. Virtútes étenim vocántur illi nimirum spíritus , per quos signa et miracula frequéntius fiunt. Potestátes étiam vocántur hi , qui hoc poténtius cæteris in suo órdine percepérunt , ut eórum ditióni virtútes advèrsæ subjéctæ sint , quorum potestáte refrænántur , nec

corda hóminum tantum tentare prævaleant, quantum volunt.

R. Omnes Angeli stabant in circúitu throni, et seniórum, et quátuor animálium : * Et ceciderunt in conspéctu throni in fácies suas, et adoravérunt Deum. **V.** Adoráte Dóminum omnes Angeli ejus. Et ceciderunt.

Lectio v.

P RINCIPÁTUS étiam vocántur, qui ipsis quoque bonis Angelórum spirítibus præsunt, qui subjéctis áliis dum quæque sunt agénda dispónunt, eis ad explénda divína ministéria principántur. Dominationés áutem vocántur, qui étiam potestátes principátuum dissimilitúde alta transcéndunt. Nam principári est inter réliquos priórem exsistere : dominári vero est étiam subjéctos quosque possidére. Throni quoque illa ágmina sunt vocáta, quibus ad exercénda júdicia semper Deus omnipotens præsidet. Unde et per Psalmístam dicitur : Sedes super thronum, qui júdicas æquitátem.

R. Stetit Angelus juxta aram templi, habens thuribulum áureum in manu sua, et data sunt ei incénsa multa : * Et ascéndit fumus aromatum de manu Angeli in conspéctu Dómini. **V.** In conspéctu Angelórum psallam tibi : adorábo ad templum sanctum tuum, et con-

fitébor nómini tuo Dómine. Et ascéndit.

Lectio vj.

C HÉRUBIM quoque plení tudo sciéntiæ dicitur ; et sublimióra illa ágmina idcirco Chérubim vocáta sunt, quia tanto perfectióri sciéntia plena sunt, quanto claritátem Dei vicínus contemplántur. Séraphim étiam vocántur illa spirítuum sanctórum ágmina, quæ ex singulári propinquitáte Condítoris sui incomparábiliter ardent amóre. Séraphim namque ardéntes vel incendéntes vocántur ; quorum profecto flamma amor est : quia quo subtilius claritátem divinitátis ejus adspiciunt, eo validius in ejus amóre flammescunt.

R. In conspéctu Angelórum psallam tibi, et adorábo ad templum sanctum tuum : * Et confitébor nómini tuo Dómine. **V.** Super misericórdia tua et veritáte tua : quóniam magnificásti super nos nomen sanctum tuum. Et confitébor. Glória Patri. Et confitébor.

IN III. NOCTURNO

Ant. Misit Dóminus.

Psalmus 95.

C ANTÁTE Dómino cánticum novum : * cantáte Dómino omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes

glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis : * terribilis est super omnes deos.

Quóniam omnes dii géntium dæmónia : * Dóminus áutem cælos fecit.

Conféssio, et pulchritúdo in conspéctu ejus : * sanctimónia, et magnificéntia in sanctificatióne ejus.

Afférte Dómino pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus univérsa terra : * dicite in géntibus quia Dóminus regnávít.

Etenim corréxit orbem terræ qui non commovébítur : * judicábit pópulos in æquitáte.

Læténtur cæli, et exsúltet terra, commovéatur mare, et plenitúdo ejus : * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Misit Dóminus Angelum suum, qui percússit omnem virum robústum, et

bellatórem, et principem exércitus regis Assyriórum.

Ant. Adoráte Dóminum.

Psalmus 96.

DÓMINUS regnávít, exsúltet terra : * læténtur insulæ multæ.

Nubes, et caligo in circúitu ejus : * justítia, et judícium corréctio sedis ejus.

Ignis ante ipsum præcédet, * et inflammábit in circúitu inimicos ejus.

Illuxérunt fúlgura ejus orbi terræ : * vidit, et commóta est terra.

Montes, sicut cera fluxérunt a fácie Dómini : * a fácie Dómini omnis terra.

Annuntiavérunt cæli justítiam ejus : * et vidérunt omnes pópuli glóriam ejus.

Confundántur omnes, qui adoránt sculptília : * et qui gloriántur in simulácrissuis.

Adoráte eum omnes Angeli ejus : * audivit, et lætáta est Sion.

Et exsultavérunt filiæ Judæ, * propter judícia tua Dómine :

Quóniam tu Dóminus Altíssimus super omnem terram : * nimis exaltátus es super omnes deos.

Qui diligitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini justi in Dómi-

no : * et confitémini memoríæ sanctificatiónis ejus.

Ant. Adoráte Dóminum omnes Angeli ejus : audívit, et lætáta est Sion.

Ant. Benedicite Dómino.

Psalmus 102.

BÉNIC ánima mea Dómino : * et ómnia, quæ intra me sunt, nómini sancto ejus.

Béedic ánima mea Dómino : * et noli oblivisci omnes retributiónes ejus :

Qui propitiátur ómnibus iniquitatibus tuis : * qui sanat omnes infirmitates tuas.

Qui rédimít de intéritu vitam tuam : * qui coronat te in misericórdia et misericórdiis.

Qui replet in bonis desiderium tuum : * renovábitur ut áquilæ juvéntus tua :

Fáciens misericórdias Dóminus : * et iudicium ómnibus injúriam patiéntibus.

Notas fecit vias suas Móysi, * filiis Israël voluntates suas.

Miserátor, et miséricors Dóminus : * longánimis, et multum miséricors.

Non in perpétuum irascétur : * neque in ætérnum comminábitur.

Non secúndum peccáta nostra fecit nobis : * neque secúndum iniquitates nostras retribuit nobis.

Quóniam secúndum altitudinem cæli a terra : * corroborávit misericórdiam suam super timéntes se.

Quantum distat ortus ab occidente : * longe fecit a nobis iniquitates nostras.

Quómodo miserétur pater filiórum, misértus est Dóminus timéntibus se : * quóniam ipse cognóvit figmentum nostrum.

Recordátus est quóniam pulvis sumus : * homo, sicut fœnum dies ejus, tamquam flos agri sic efflorebit.

Quóniam spiritus pertransíbit in illo, et non subsistet : * et non cognóscet ámplius locum suum.

Misericórdia áutem Dómini ab ætérno, * et usque in ætérnum super timéntes eum.

Et justitia illius in filios filiórum, * his qui servant testamentum ejus :

Et mémores sunt mandatorum ipsius, * ad faciéndum ea.

Dóminus in cælo parávit sedem suam : * et regnum ipsius ómnibus dominábitur.

Benedicite Dómino omnes Angeli ejus : * poténtes virtúte, faciéntes verbum illius, ad audiéndam vocem sermonum ejus.

Benedicite Dómino omnes virtútes ejus : * ministri ejus, qui faciitis voluntatem ejus.

Benedicite Dómino ómnia ópera ejus : * in omni loco dominationis ejus, béedic ánima mea Dómino.

Ant. Benedicite Dómino omnes Angeli ejus, poténtes

virtúte, faciéntes verbum illius, ad audiéndam vocem sermónum ejus.

Y. In conspéctu Angelórum psallam tibi Deus meus.

R. Adorábo ad templum sanctum tuum, et confitébor nómini tuo.

Léctio sancti Evangélíi secúndum Joánnem.

Lectio viij. Cap. 1. g

In illo témpore : Vidit Jesus Nathánaél veniéntem ad se, et dicit de eo : Ecce vere Israélita, in quo dolus non est. Et reliqua.

Homilia sancti Bernárdi Abbátis.

In Ps. Qui hábitat. Serm. 11.

QUÆ vero sunt sanctórum Angelórum viæ? Profécto illæ, quas Unigénitus enarrávit dicens : Vidébítis Angelos ascendéntes et descendéntes super Filium hóminis. Ascénsio igitur et descénsio viæ illórum; ascénsio propter se, descénsio vel pótius condescénsio propter nos. Sic beáti illi spíritus ascéndunt per contemplatióem Dei, descendunt per compassiÓem tui, ut custódiant te in ómnibus viis tuis. Ascéndunt ad vultum ejus, descendunt ad nutum ejus : Quóniam Angelis suis mandávit de te. Nec tamen vel descendéndo visiÓne glóriæ fraudántur, quia semper vident fáciem Patris.

R. Angelus Dómini descendit cum Azaría et sóciis

ejus in fornácem, et excússit flammam ignis de fornáce :

* Et non tétigit eos omnino ignis, neque contristávit.

Y. Benedictus Deus eórum, qui misit Angelum suum, et éruit servos suos, qui credidérunt in eum. Et non.

Lectio viij.

CUM ascéndunt ad contemplatiÓem, inquirunt veritátem, de qua et desiderádo satiántur, et satiádo desiderant. Cum vero descendunt, faciunt nobiscum misericórdiam, ut custódiant nos in ómnibus viis nostris. Administratórii enim spíritus sunt, missi in ministérium propter nos. Plane ministri nostri, non dómini nostri. Et in hoc Unigéniti formam imitántur, qui non venit ministrári, sed ministráre, qui stetit inter discipulos tamquam qui ministrat. Fructus angelicárum viárum, quod ad ipsos spectat, sua ipsórum beatitúdo, et obediéntia est caritátis : quod áutem ad nos pértinet, inde quidem obténtus divínæ grátiae, hinc vero custódia viæ nostræ : siquidem Angelis suis mandávit de te, ut custódiant te in ómnibus indigéntiis tuis.

R. Tu Dómine, qui misisti Angelum tuum sub Ezechía rege Juda, et interfecísti de castris Sennácherib centum octoginta quinque millia :

* Et nunc Dominátor cælórum mitte Angelum tuum

bonum ante nos, in timóre et tremóre magnitudinis bráchii tui. **ŷ.** Ut métuant qui cum blasphemía véniunt advérsus sanctum pópulum tuum. Et. Glória Patri. Et.

Lectio ix.

INTERIM ergo mandávit Angelis suis Deus, non quidem ut amóveant te a viis tuis, sed in eis ipsis te custódiant, et quasi per vias suas, vias tuas dirigant in vias ipsíus. Quonam modo, inquis? Nempe ut quod Angelus ex sola caritáte púrius agit, ut própria saltem necessitáte compúlsus et ad-mónitus, descéndas, et con-descéndas; exhibére scilicet próximo misericórdiam: et rursum cum eódem Angelo levans desidéria tua, tota ánimi cupiditáte ascénderé stúdeas ad summam et perpétuam Veritátem. Hinc enim monémur leváre corda nostra cum mánibus; hinc audímus quotidie: Sursum corda. Hinc quoque negligétes argúimur, et dicitur nobis: Filii hóminum, ús-quequo gravi corde? ut quid diligitis vanitátem et quæritis mendácium? Exonerátum enim cor et leve levátur magis, ut quærat et diligit veritátem.

Te Deum laudámus. 16.

AD LAUDES

ET PER HORAS

Ant. 1. Angeli Dómini * Dóminum benedicite in ætérnum.

Ps. Dóminus regnávít. cum reliq. 17.

2. Angelis suis * Deus mandávit de te, ut custódiant te in ómnibus viis tuis.

3. Angeli eórum * semper vident fáciem Patris mei, qui est in cælis.

4. Laudáte Deum * omnes Angeli ejus, laudáte eum omnes virtútes ejus.

5. Angeli, Archángeli, * Throni et Dominationes, Principátus et Potestátes, Virtútes cælórum, laudáte Dóminum de cælis, allelúia.

Capitulum. Exod. 23. d

ECCE ego mittam Angelum meum, qui præcedat te, et custódiat in via, et intro-dúcat in locum quem parávi. Obsérva eum, et áudi vocem ejus.

Hymnus.

CHRISTE, sanctórum decus Angelórum,
Gentis humanæ sator et red-émptor,
Cælitum nobis tríbuas beátas Scándere sedes.

Angelus pacis Míchaël in ædes
Cælitus nostras véniat, se-rénæ

Auctor ut pacis lacrymósa in orcum
Bella reléget.

Angelus fortis Gábriel, ut hostes
Pellat antiquos, et amica cælo,

Quæ triumphátor státuit per orbem,
Templa revisat.

Angelus nostræ médicus
salútis,
Adsit e cælo Ráphaël, ut
omnes
Sanet ægrótos; dubiósque
vitæ
Dirigat actus.
Virgo dux pacis, Genitrix-
que lucis,
Et sacer nobis chorus Ange-
lórum
Semper assistat, simul et
micántis
Régia cæli.
Præstet hoc nobis Déitas
beáta
Patris, ac Nati, paritérque
sancti
Spiritus, cujus résonat per
omnem
Glória mundum. Amen.

Ÿ. In conspéctu Angeló-
rum psallam tibi Deus meus.
R. Adorábo ad templum san-
ctum tuum, et confitébor
nómini tuo.

Ad Bened. Ant. Angelus,
qui loquebátur * in me, sus-
citávit me, quasi virum qui
suscitátur a somno suo.

Oratio.

DEUS, qui miro órđine An-
gelórum ministéria, ho-
minúmque dispéncias : con-
céde propítius; ut a quibus
tibi ministrántibus in cælo
semper assistitur, ab his in
terra vita nostra muniátur.
Per Dóminum.

AD TERTIAM

Ant. Angelis suis.

Capit. Ecce ego. **ut supra.**

R. br. Stetit Angelus * Juxta
aram templi. Stetit. Ÿ. Ha-

bens thuribulum áureum in
manu sua. Juxta. Glória Pa-
tri. Stetit.

Ÿ. Ascéndit fumus aróma-
tum in conspéctu Dómini.

R. De manu Angeli.

AD SEXTAM

Ant. Angeli eórum.

Capitulum. Apoc. 5. c

AUDÍVI vocem Angelórum
multórum in circúitu
throni, et animálium, et se-
niórum : et erat númerus
eórum millia millium, voce
magna dicéntium : Salus Deo
nostro.

R. br. Ascéndit fumus
arómatum * In conspéctu
Dómini. Ascéndit. Ÿ. De
manu Angeli. In. Glória Pa-
tri. Ascéndit.

Ÿ. In conspéctu Angeló-
rum psallam tibi Deus meus.
R. Adorábo ad templum san-
ctum tuum, et confitébor
nómini tuo.

AD NONAM

Ant. Angeli, Archángeli.

Capitulum. Apoc. 12. b

FACTUM est prælium ma-
gnum in cælo : Michaël
et Angeli ejus præliabántur
cum dracóne, et draco pu-
gnábat, et ángeli ejus : et
non prævaluérunt, neque
locus invéntus est eórum
ámplius in cælo.

R. br. In conspéctu Ange-
lórum * Psallam tibi Deus
meus. In. Ÿ. Adorábo. ad
templum sanctum tuum, et
confitébor nómini tuo. Psal-
lam. Glória Patri. In con-
spéctu.

V. Adoráte Deum. **R.**
Omnes Angeli ejus.

IN II. VESPERIS

Ant. de Laud.; Psalmi ut
in I. Vesp. de Comm. Apost.
2*, et loco ult., Ps. 137. Con-
fitébor... quóniam audisti.
139.

**Capit. et Hymnus ut su-
pra, in I. Vesp.**

V. In conspéctu Angeló-
rum psallam tibi Deus meus.
R. Adorábo ad templum san-
ctum tuum, et confitébor
nómini tuo.

Ad Magnif. Ant. Sancti
Angeli, * qui Deo in cælis
semper assistitis, deféndite
nos in prælio, ut non pereá-
mus in treméndo iudicio.

PRO FERIA III

OFFICIUM VOTIVUM

DE SANCTIS APOSTOLIS

Semiduplex.

**Omnia de Comm. Aposto-
lorum. 2*, præter seq.**

Oratio.

DEUS, qui nos per beátos
Apóstolos tuos ad agni-
tiónem tui nóminis venire
tribuísti : da nobis eórum
glóriam sempitérnam et pro-
ficiéndo celebráre, et cele-
brándo proficere. Per Dñm.

Si Festum SS. Simonis et
Judæ concurrat cum Officio
votivo de Apostolis, pro
Commem. Officii votivi di-
citur sequens

Oratio.

DEUS, qui nos beatórum
Apostolórum commemo-
rátióne lætificas : præsta,

quæsumus; ut quorum gau-
démus méritis instruámur
exémplis. Per Dóminum.

IN I. NOCTURNO

Lect. de Script. occur.

IN II. NOCTURNO

De Sermóne sancti Augustíni
Epíscopi.

Serm. 43. de Sanctis.

Lectio iv.

ISTI sunt lux mundi : quia
per ipsos lumen fidei, et
veræ sciéntiæ primum Dó-
minus huic mundo trádi-
dit, et ab errórum ac pec-
catórum ténebris gentes et
pópulos éruit. Isti sunt sal-
terræ : quia per eos terri-
genæ condiméntum sapóris
vitæ æternæ percepérunt, ut
restringerent carnis lascí-
viam, et a putrédine pecca-
tórum et vitiórum vérmibus
servaréntur illæsi. Isti sunt
lápides pretiósí, quos in
fundaménto cæléstis ædifi-
cii pósitos Joánnes in Apo-
calýpsi sua describit : quia
prædicatio eórum Ecclésiæ
fundaménta locávit. Unde et
Páulus ait : Vos estis cives
Sanctórum et doméstici Dei,
superædificáti super fun-
daméntum Apostolórum et
Prophetárum.

R. Vidi conjúctos viros,
habéntes spléndidas vestes,
et Angelus Dómini locútus
est ad me, dicens : * Isti sunt
viri sancti facti amici Dei.
V. Vidi Angelum Dei fortem,
volántem per médium cæ-
lum, voce magna clamántem
et dicéntem. Isti.

Lectio v.

Hoc ergo considerantes, fratres carissimi, quæ tanti duces pópuli nos docuérunt, studeamus factis implére, quæ illi jussérunt. Discamus eórum exémplo mundi divítias contémnere, præsentis sæculi voluptátem non amáre, regnum cæléste desideráre, Christo nihil præpónere, sed ejus mandátis in ómnibus obedire, paupertátem præsentium rerum diligere, virtútum divítias habére, sapiéntiæ thesáurum appétere, spiritáles delicias quærere, nulli invidére, sed omnes hómines diligere, amícos in Deo et inimicos propter Deum; quia hæc est vera et sola diléctio.

℟. Beáti estis, cum male-dixerint vobis hómines, et persecúti vos fúerint, et dixerint omne malum advérsus vos, mentiéntes, propter me : * Gaudéte et exultáte, quóniam merces vestra copiósa est in cælis. v. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Filium hóminis. Gaudéte.

Lectio vj.

Isti ergo Príncipes nostri, in amóre Dei perfectissimi, et in proximórum dilectióne impléti, hinc potuérunt mundi impetum vincere, et cruéntum sæculum domáre, quia nihil amavé-

runt in omni re, nisi Dei voluntátem. Ita et nos, fratres, diligámus in ómnibus rebus Dei fácere voluntátem, et Creatórem nostrum amémus in semetípso, creatúram vero in conditóre suo, et sic habébimus ordinatíssimam caritátem : quia Deus caritas est, et qui diligit hanc dilectiónem, diligit Deum. Et si ita dilexérimus, diligit nos ipse Deus, diligunt nos et sancti Apóstoli júdices nostri, et exórant pro nobis, ut in universáli judicio Christi cum ipsis in perpétuum coronémur.

℟. Isti sunt. 11*.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 19. d

In illo témpore : Dixit Petrus ad Jesum : Ecce nos reliquimus ómnia, et secúti sumus te : quid ergo erit nobis? Et réliqua.

Homília sancti Hilárii
Epíscopi.

Comment. in Matth. cap. 20.

Apóstoli dictis Dómini hæc reddunt, reliquisse se ómnia, et cum ipso esse. Quibus Dóminus, cum séderit in majestátis suæ sede, sessúros super sedes duódecim, ac tótidem tribus Israël judicatúros spopóndit; omnibúsque qui universa reliquerint propter nomen ejus, fructum cén-tupli præmii reservátum : multos áutem ex novíssimis

primos, et ex primis futúros novíssimos. Multa sunt quæ non sinunt nos simplici intelléctu dicta Evangélica suscipere.

R. Isti sunt qui vivéntes in carne, plantavérunt Ecclésiám sáanguine suo : * Cálicem Dómini bibérunt, et amíci Dei facti sunt. **V.** In omnem terram exívit sonus eórum, et in fines orbis terræ verba eórum. Cálicem.

Lectio viij.

INTERPÓSITIS nonnúl lis rebus, quæ ex natúra hu máni sensus sibi contráriæ sunt, ratió nem quæ rere cæ léstis intelligéntiæ admoné mur. Apóstoli dicunt, et sequi se Christum, et se ómnia reliquisse. Quómodo igitur fiunt tristes, et quó modo mé tuunt dicé tes, sal vum esse né minem posse? Namque et ab áliis fieri pó terat, si quid fecissent ipsi. Deínde cum fecissent ipsi; quare metus, vel unde suscep tus est? Additur étiam in responsi óne Dómini, hæc apud hó mines impossibí lia, possibí lia apud Deum. Num quid apud hó minem impos sibí lia erant, quæ et Apó stoli fecisse se gloriántur, et fecisse eos Dñus agnóscit?

R. Isti sunt viri sancti, quos elégit Dóminus in cari tate non ficta, et dedit illis glóriam sempitérnam : * Quo rum doctrina fulget Ecclé sia, ut sole luna. **V.** Sancti per fidem vicérunt regna :

operáti sunt justítiam. Quo rum. Glória Patri. Quorum.

Lectio ix.

OMNIS itaque hic sermo est spiritalis. Quid áutem Dei virtúti tam possibile est, quam ut per fidem salvet? ut per aquam regéneret? ut per crucem vincat? ut per Evangé lia adóptet? ut per resurrecciónem ex morte vi víficet? Quibus auditis Apó stoli cito credunt, seséque ómnia reliquisse profitén tur. Sed hanc eórum obe diéntiam cito Dóminus re munerátur, omnem difficul tatem superi óris quæstiónis absólvens, cum dicit : Vos, qui secúti estis me in rege nerati óne, judicábitis duó decim tribus Israél. Hæc enim illa regenerati ó est, quam Apóstoli sunt secúti, quam lex indulgére non pó tuit, quæ eos super duó decim thronos in judicándis duódecim tribubus Israél, in duódecim Patriarchárum glória copulávit.

Te Deum laudámus. 16.

PRO FERIA IV
OFFICIUM VOTIVUM
DE S. JOSEPH SPONSO B. M. V.
CONFESSORE
Semiduplex.
IN I. VESPERIS
Ant. et Capit. de Laud.;
Pss. ut in I. Vesp. de Comm.
Apost. 2*.

Hymnus.

TE Joseph célebrent ágmi na cælitum,

Te cuncti résonent christia-
dum chori,

Qui clarus méritis, junctus
es inclytæ

Casto fœdere Virgini.

Almo cum túmidam gér-
mine cónjugem

Admirans, dúbio tängeris
ánxius,

Afflátu súperi Fláminis An-
gelus

Concéptum púerum do-
cet.

Tu natum Dóminum strin-
gis, ad éxteras

Ægýpti prófugum tu séque-
ris plagas;

Amissum Sólymis quæris, et
invenis,

Miscens gáudia flétibus.

Post mortem réliquos
mors pia cónsecrat,

Palmámque eméritos glória
súscipit :

Tu vivens, Súperis par, frúe-
ris Deo,

Mira sorte beátior.

Nobis, summa Trias, parce
precántibus,

Da Joseph méritis sidera
scándere :

Ut tandem liceat nos tibi
pérpetim

Gratum prómere cánti-
cum. Amen.

℣. Constituit eum dómi-
num domus suæ. ℞. Et prin-
cipem omnis possessionis
suæ.

Ad Magnif. Ant. Cum esset
desponsáta * Mater Jesu Ma-
ría Joseph, ántequam con-
venirent, invénta est in útero
habens de Spiritu sancto.

Orat. ut ad Laudes. 239*.

AD MATUTINUM

Invit. Laudémus Deum
nostrum * In veneratióne
beáti Joseph, protectóris
nostri.

Ps. Veníte, exsultémus. 2.

Hymn. Te Joseph. **ut supra.**

IN I. NOCTURNO

Ant. Ascéndit Joseph * a
Galilæa de civitaté Názareth
in Judæam, in civitatem Da-
vid, quæ vocátur Béthlehém,
ut profiterétur cum María.

Pss. trium Noct. de Comm.

Conf. non Pont. 77*.

Ant. Venérunt pastóres *
festinántes : et invenérunt
Mariam et Joseph, et infán-
tem pósitum in præsépio.

Ant. Ecce Angelus Dómi-
ni * appáruit in somnis Jo-
seph, dicens : Surge, et
accipe púerum, et matrem
ejus, et fuge in Ægýptum.

℣. Confitébor nómini tuo.

℞. Quóniam adjútor et pro-
tectór factus es mihi.

Lect. de Script. occur.

℞. j. Clamávit pópulus ad
regem, aliménta petens :
* Quibus ille respóndit : Ite
ad Joseph. ℣. Salus nostra
in manu tua est : respice
nos tantum, et læti servié-
mus regi. Quibus.

℞. ij. Fecit me Deus quasi
patrem regis, et dóminum
univérsæ domus ejus : * Exal-
távit me, ut salvos fáceret
multos pópulos. ℣. Veníte ad
me, et ego dabo vobis ómnia
bona Ægýpti, ut comedátis
medúllam terræ. Exaltávit.

R. *iiij.* Jam lætus móríar, quia vidi fáciem tuam, et supérstitem te relinquo. Non sum fraudátus adspéctu tuo : * Insuper osténdit mihi Dóminus semen tuum. **V.** Qui pascit me ab adolescéntia mea, benedicat púeris istis, et invocétur super eos nomen meum. Insuper. Glória Patri. Insuper.

IN II. NOCTURNO

Ant. Consúrgens Joseph, * accépit púerum et matrem ejus nocte, et secéssit in Ægýptum : et erat ibi usque ad óbitum Heródis.

Ant. Defúnto Heróde, * Angelus Dómini appáruit in somnis Joseph in Egýpto, dicens : Surge, et áccipe púerum et matrem ejus, et vade in terram Israël : defúnti sunt enim qui quærébant ánimam púeri.

Ant. Accépit Joseph * púerum et matrem ejus, et venit in terram Israël.

V. Réspice de cælo et vide, et visita vineam istam. **R.** Et pérfice eam.

Sermo sancti Bernárdi
Abbátis.

Homilia 2. super Missus.

Lectio iv.

DESPONSÁTA est María Joseph, vel pótius (sicut ponit Evangelista) viro, cui nomen erat Joseph : virum nóminat, non quia marítus, sed quod homo virtútis erat : vel pótius quia juxta álium Evangelistam, non vir simpliciter, sed vir ejus dictus

est, mérito appellátur, quod necessarió putátur. Débuit ergo vir ejus appellári, quia necesse fuit et putári : sicut et pater Salvatóris non quidem esse, sed dici méruit, ut putarétur esse, dicénte hoc ipso Evangelista : Et ipse Jesus erat incipiens quasi annórum trigínta, ut putabátur, filius Joseph.

R. Dedísti mihi protectiódinem salútis tuæ, et dextera tua suscepit me : * Protéctor meus, et cornu salútis meæ, et suscepitor meus. **V.** Ego protéctor tuus sum, et merces tua magna nimis. Protéctor.

Lectio v.

NON est dúbium, quin bonus et fidélis homo fúerit iste Joseph, cui Mater desponsáta est Salvatóris. Fidélis, inquam, servus et prudens, quem constituit Dóminus suæ Matris solátium, suæ carnis nutritium, solum dénique in terris magni consilii coadjutórem fidelíssimum. Huc accédit, quod dicitur fuisse de domo David. Vere enim de domo David. Vere de régia stirpe descéndit vir iste Joseph, nóbilis génere, mente nobilior. Plane filius David, non degenerans a patre suo David ; prorsus, inquam, filius David, non tantum carne, sed fide, sed sanctitáte, sed devotióne, quem tamquam álterum David Dóminus invénit secúndum cor suum,

cui tuto committeret sacratissimum atque secretissimum sui cordis arcánum : cui, tamquam álteri David, incérta et occúlta sapiéntiæ suæ manifestávit, et dedit illi non ignárum esse mystérii, quod nemo princípum hujus sæculi agnóvit.

℞. Státuet filios suos sub tégmine illius, et sub ramis ejus morábitur : protegétur sub tégmine illius a fervóre : * Et in glória ejus requiescet.

℣. Speráte in eo omnis congregátio pópuli : effúndite coram illo corda vestra. Et.

Lectio vj.

CUI dénique datum est, quod multi reges et prophétæ cum vellent vidére, non vidérunt; audire et non audiérunt, non solum vidére et audire, sed étiam portáre, dedúcere, amplécti, deosculári, et nutrire et custodire. Non tantum áutem Joseph, sed et María descendisse credénda est de domo David : alióquin non esset desponsáta viro de domo David, si non esset et ipsa de domo David. Ambo igitur erant de domo David : sed in áltera compléta est véritas, quam jurávit Dóminus David, áltero tamen cóncio et teste adimplétæ promissionis.

℞. Si consistent advérsus me castra, non timébit cor meum : * Si exsúrgat advérsus me prælium, in hoc ego sperábo. ℣. In te cantá-

tio mea semper, quóniam tu adjútor fortis. Si. Glória Patri. Si.

IN III. NOCTURNO

Ant. Audiens Joseph * quod Archeláus regnáret in Judæa pro Heróde patre suo, timuit illo ire.

Ant. Admónitus in somnis, * Joseph secéssit in partes Galilææ, et véniens habitávit in civitáte quæ vocátur Názareth; ut adimplerétur quod dictum est per Prophétas : Quóniam Nazaréus vocábitur.

Ant. Erat pater Jesu * et mater mirántes super his quæ dicebántur de illo; et benedixit illis Símeon.

℣. Invocávi Dóminum, Patrem Dómini mei. ℞. Ut non derelinquat me in die tribulatiónis.

Lectio sancti Evangélii secúndum Lucam.

Lectio vij. Cap. 3. c

IN illo témpore : Factum est áutem, cum baptizarétur omnis pópulus et Jesu baptizáto et oránte, apértum est cælum. Et réliqua.

Homilia sancti Augustíni
Episcopi.

**Lib. 23. contra Faust.
cap. 7. 8.**

SIC de cælo dictum est super aquam Jordánis : Hic est Filius meus diléctus, in quo mihi bene complácuí : quemádmódum dictum est et in monte. Neque enim quia et ibi de cælo vox ipsa sónuít, Filius Dei ante non

fuit : quandóquidem ex útero Virginis ille accépit formam servi, qui cum in forma Dei esset, non rapinam arbitrátus est, esse se æquálem Deo. Dénique idem Apóstolus Páulus álio loco apertissime dicit : Cum áutem venit plenitúdo témporis, misit Deus Filium suum factum ex muliere, factum sub lege, ut eos, qui sub lege erant, redimeret, ut filiórum adoptiónem reciperémus. Ipse ergo est Filius Dei, qui et Dóminus David secúndum divinitátem, et idem ipse Filius David ex sémine David secúndum carnem.

¶ Joseph fili David, noli timére accipere Mariám cónjugem tuam : quod enim in ea natum est, de Spíritu sancto est : páriet áutem filium, * Et vocábis nomen ejus Jesum. ¶ Ipse enim salvum fáciat pópulum suum a peccátis eórum. Et.

Lectio viij.

QUOD si nobis credere non prodésset, non hoc tam atténte idem Apóstolus Timótheo commendáret dicens : Memor esto Christum Jesum resurrexisse a mór-tuis, ex sémine David, secúndum Evangélium meum. Quid ergo jam móveat sancti Evangélii sectatórem, quod sine concúbitu Joseph Christus natus ex Virgine, filius tamen David appellátur, cum generatiónum sé-riem non usque ad Mariám,

sed usque ad Joseph Matthæus Evangelísta perdúcat? Primo quia maríti ejus fúerat propter virilem sexum pótius honoránda persóna : neque enim quia concúbitu non permíxtus, ideo non marítus, cum ipse Matthæus narret ab Angelo Mariám cónjugem ipsius appellátam, qui narrat, quod de Spíritu sancto concéperat.

¶ Surge, et áccipe púerum et matrem ejus, et fuge in Ægýptum : * Et esto ibi, usque dum dicam tibi. ¶ Ut adimplerétur quod dictum est a Dómino per Prophétam dicéntem : Ex Ægýpto vocávi Filium meum. Et. Glória Patri. Et.

Lectio ix.

CUM vero unus idémque narrátor utrúmque dicat, utrúmque comméndet, et virum Mariæ Joseph, et Christi Virginem Matrem, et Christum ex sémine David, et Joseph in série progeneratórum Christi ex David : quid restat, nisi et Mariám non fuisse extráneam a cognatióne David, et eam Joseph cónjugem non frustra appellátam propter órđinem sexus et animórum confœderatiónem ; et Joseph pótius propter dignitátem virilem ab órđine generatiónum illárum non fuisse separándum, ne hoc ipso viderétur ab illa fémina separátus, cui eum conjungébat mentis afféctus?

Te Deum laudámus. 16.

AD LAUDES

ET PER HORAS

Ant. 1. Jacob autem * genuit Joseph, virum Mariæ, de qua natus est Jesus, qui vocatur Christus.

Ps. Dominus regnavit. **cum reliq. 17.**

2. Missus est * Angelus Gábriel a Deo in civitatem Galilææ, cui nomen Náza-reth, ad Virginem desponsatam viro, cui nomen erat Joseph.

3. Ascendit autem * Joseph a Galilæa de civitate Náza-reth, in Judæam, in civitatem David, quæ vocatur Béthlehem.

4. Et venerunt festinantes, * et invenérunt Mariam et Joseph, et infan-tem pos-itu-m in præsep-io.

5. Et ipse Jesus * erat in-cip-iens quasi annórum tri-gín-ta, ut putabátur filius Joseph.

Capitulum. Gen. 49. d

BENEDICTIONES patris tui confortatæ sunt benedictionibus patrum ejus, donec veniret desiderium cõllium æternórum : fiant in cápite Joseph, et in vér-tice Nazaræi inter fratres suos.

Hymnus.

CÆLITUM, Joseph, decus, atque nostræ
Certa spes vitæ, columénque mundi,
Quas tibi læti cānimus, be-ní-gnus
Súscipe láudes.

Te Sator rerum státuit pu-dicæ

Virginis sponsum, voluitque Verbi

Te patrem dici, dedit et mi-ní-strum

Esse salútis.

Tu Redemptórem stábulo jacéntem,

Quem chorus Vatum cécinit futúrum,

Adspicis gáudens, humilis-que natum

Numen adóras.

Rex Deus regum, Domi-nátor orbis,

Cujus ad nutum tremit infe-rórum

Turba, cui pronus famulátur æther,

Se tibi subdit.

Laus sit excelsæ Tríadi perén-nis,

Quæ tibi præbens súperos honóres,

Det tuis nobis méritis beátæ Gáudia vitæ.

Amen.

Y. Dedisti mihi protecti-ónem salútis tuæ. **R.** Et dextera tua suscepit me.

Ad Bened. Ant. Joseph fili David, * noli timére accipere Mariam cónjugem tuam : quod enim in ea natum est, de Spíritu sancto est.

Oratio.

DEUS, qui ineffábili provi-déntia beátum Joseph sanctissimæ Genitrícis tuæ Sponsum eligere dignátus es : præsta quæsumus ; ut quem protectórem venerámur in terris, intercessórem habére

mereámur in cælis : Qui vivis.

AD TERTIAM

Ant. Missus est.

Capit. Benedictiones. ut supra.

R. br. Constituit eum * Dóminum domus suæ. Constituit. **V.** Et principem omnis possessionis suæ. Dóminum. Glória Patri. Constituit.

V. Confitébor nómini tuo. **R.** Quóniam adjutor et protector factus es mihi.

AD SEXTAM

Ant. Ascéndit áutem.

Capitulum. Gen. 49. c

DEUS patris tui erit adjutor tuus, et Omnipotens benedicet tibi benedictionibus cæli desuper.

R. br. Confitébor * Nómini tuo. Confitébor. **V.** Quóniam adjutor et protector factus es mihi. Nómini. Glória Patri. Confitébor.

V. Justus germinábit sicut lilium. **R.** Et florébit in ætérnum ante Dóminum.

AD NONAM

Ant. Et ipse Jesus.

Capitulum. Gen. 49. c

FÍLIUS accrésceus Joseph, filius accrésceus, et decórus adspéctu : filiæ discurrerunt super murum.

R. br. Justus germinábit * Sicut lilium. Justus. **V.** Et florébit in ætérnum ante Dóminum. Sicut. Glória Patri. Justus.

V. Plantátus in domo Dómini. **R.** In átriis domus Dei nostri.

IN II. VESPERIS

Omnia ut in I. Vesperis, præter :

V. Sub umbra illius quem desideráveram sedi. **R.** Et fructus ejus dulcis gútturi meo.

Ad Magnif. Ant. Fili, quid fecisti * nobis sic? Ecce pater tuus et ego doléntes quærebámus te.

PRO FERIA V

OFFICIUM VOTIVUM

DE SS. EUCHARISTIÆ SACRAMENTO

Semiduplex.

IN I. VESPERIS

Ant. 1. Sacerdos in ætérnum * Christus Dóminus secúndum órđinem Melchisedech, panem et vinum obtulit.

Ps. 109. Dixit Dñus. 125.

2. Miserátor Dóminus * escam dedit timéntibus se in memóriam suórum mirábiliū.

Ps. 110. Confitébor. 125.

3. Cálicem salutáris * accipiam, et sacrificábo hóstiam láudis.

Ps. 115. Crédidi. 129.

4. Sicut novéllæ olivárum, * Ecclesiæ filii sint in circúitu mensæ Dómini.

Ps. 127. Beáti omnes. 134.

5. Qui pacem * ponit fines Ecclesiæ, fruménti ádipe sátiat nos Dóminus.

Ps. 147. Láuda Jerúsalem. 145.

Capitulum.— I. Cor. 11. e

FRATRES : Ego enim accépi a Dómino quod et trádidi

vobis, quóniam Dóminus Je-
sus, in qua nocte tradebátur,
accépit panem, et grátias
agens fregit, et dixit : Accí-
pite, et manducáte : hoc est
corpus meum, quod pro
vobis tradétur : hoc fácite
in meam commemoratió-
nem.

Hymnus.

PANGE lingua gloriósi
Córporis mystérium,
Sanguinisque pretiósi,
Quem in mundi prétium
Fructus ventris generósi
Rex effúdit géntium.

Nobis datus, nobis natus
Ex intácta Virgine,
Et in mundo conversátus,
Sparso verbi sémine,
Sui moras incolátus
Miro cláusit órđine.

In suprémæ nocte cœnæ,
Recúbens cum frátribus
Observáta lege plene
Cibis in legálibus,
Cibum turbæ duodénæ
Se dat suis mánibus.

Verbum caro, panem ve-
rum
Verbo carnem éfficit :
Fitque sanguis Christi me-
rum,
Et si sensus déficit,
Ad firmándum cor sincérum
Sola fides súfficit.

Tantum ergo Sacraméntum
Venerémur cernui :
Et antiquum documéntum
Novo cedat ritui :
Præstet fides suppleméntum
Sénsuum deféctui.

Genitóri, Genitóque
Laus et jubilátio,

Salus, honor, virtus quoque
Sit et benedictio :

Procedénti ab utróque
Compar sit laudátio. Amen.

✠. Panem de cælo præsti-
tisti eis. **R.** Omne delecta-
méntum in se habéntem.

Ad Magnif. Ant. O quam
suávis est * Dómine spíritus
tuus, qui ut dulcédinem
tuam in filios demonstráres,
pane suavíssimo de cælo
præstito, esuriéntes reple
bonis, fastidiósos dívites
dimittens inánes.

Oratio ut ad Laud.

**Ad Completorium, et per
Horas, in fine Hymn. dici-
tur :**

Jesu tibi sit glória,
Qui natus es de Virgine.

AD MATUTINUM

Invit. Christum Regem
adorémus dominántem gén-
tibus : * Qui se manducán-
tibus dat spíritus pingué-
dinem.

Ps. Veníte, exsultémus. 2.

Hymnus.

SACRIS solémniis juncta sint
gáudia,
Et ex præcórdiis sonent præ-
cónia ;
Recédant vétera, nova sint
omnia,
Corda, voces, et ópe-
ra.

Noctis recólitur cœna no-
víssima,
Qua Christus créditur agnum
et ázyma
Dedisse frátribus, juxta legi-
tima
Priscis indúlta pátribus.

Post agnum tȳpicum, ex-
plētis épulis,
Corpus Dómicum datum
discipulis,
Sic totum ómnibus, quod
totum singulis,
Ejus fatémur mánibus.
Dedit fragilibus córporis
férculum,
Dedit et tristibus sánguine
póculum,
Dicens : Accipite quod trado
vásculum,
Omnes ex eo bibite.
Sic sacrificium istud insti-
tuit,
Cujus officium committi vó-
luit
Solis presbýteris, quibus sic
cóngruit,
Ut sumant, et dent cæte-
ris.
Panis angélicus fit panis
hóminum ;
Dat panis cælicus figúris tér-
minum :
O res mirábilis, mandúcat
Dóminum
Páuper, seryus, et hú-
milis.
Te trina Déitas únaque
póscimus,
Sic nos tu visita, sicut te có-
limus :
Per tuas sémitas duc nos quo
téndimus,
Ad lucem, quam inhábi-
tas. Amen.

IN I. NOCTURNO

Ant. Fructum salutiferum.**Psalmus 1.**

BEÁTUS vir, qui non ábiit
in consilio impiórum, et
in via peccatórum non ste-

tit, * et in cáthedra pestilén-
tiæ non sedit :

Sed in lege Dómini volún-
tas ejus, * et in lege ejus
meditábitur die ac nocte.

Et erit tamquam lignum,
quod plantátum est secus de-
cúrsus aquárum, * quod fru-
ctum suum dabit in témpore
suo :

Et fólium ejus non dé-
fluet : * et ómnia quæcúmque
fáciat, prosperabúntur.

Non sic impii, non sic : *
sed tamquam pulvis, quem
próicit ventus a fácie terræ.

Ideo non resúrgent impii
in iudicio : * neque peccató-
res in concílio justórum.

Quóniam novit Dóminus
viam justórum : * et iter im-
piórum peribit.

Ant. Fructum salutiferum
gustándum dedit Dóminus
mortis suæ témpore.

Ant. A fructu fruménti.**Psalmus 4.**

CUM invocárem exaudivit
me Deus justítiæ meæ : *
in tribulatióne dilatásti mihi.

Miserére mei, * et exáudi
oratióem meam.

Filii hóminum úsquequo
gravi corde ? * ut quid dilí-
gitis vanitátem, et quæritis
mendácium ?

Et scitóte quóniam miri-
ficávit Dóminus sanctum
suum : * Dóminus exáudiet
me cum clamávero ad eum.

Irascimini, et nolite pec-
cáre : * quæ dicitis in cór-
dibus vestris, in cubilibus
vestris compungimini.

Sacrificáte sacrificium iustitiæ, et speráte in Dómino : * multi dicunt : Quis osténdit nobis bona?

Signátum est super nos lumen vultus tui Dómine : * dedisti lætitiám in corde meo.

A fructu fruménti, vini, et olei sui * multiplicáti sunt.

In pace in idípsum * dórmiam, et requiëscam ;

Quóniam tu Dómine singularíter in spe * constituísti me.

Ant. A fructu fruménti et vini multiplicáti fidèles in pace Christi requiëscunt.

Ant. Communióne cálicis.

Psalmus 15.

CONSÉRVA me Dómine, quóniam sperávi in te. * Dixi Dómino : Deus meus es tu, quóniam bonórum meórum non egés.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum : * póstea acceleravérunt.

Non congregábo conventicula eórum de sanguinibus : * nec memor ero nóminum eórum per lábia mea.

Dóminus pars hereditátis meæ, et cálicis mei : * tu es, qui restitues hereditátem meam mihi.

Funes cecidérunt mihi in præcláris : * étenim hereditas mea præclára est mihi.

Benedícam Dóminum, qui tribuit mihi intelléctum : *

insuper et usque ad noctem increpuérunt me renes mei.

Providébam Dóminum in conspéctu meo semper : * quóniam a dextris est mihi, ne commóvear.

Propter hoc lætátum est cor meum, et exsultávit lingua mea : * insuper et caro mea requiëscet in spe.

Quóniam non derelinques ánimam meam in inférno : * nec dabis Sanctum tuum vidére corruptiόνem.

Notas mihi fecisti vias vitæ, adimplébis me lætitiá cum vultu tuo : * delectatiónes in dextera tua usque in finem.

Ant. Communióne cálicis, quo Deus ipse súmitur, non vitulórum ságuine congregávit nos Dóminus.

V. Panem cæli dedit eis.

R. Panem Angelórum manducávit homo.

Lect. de Script. occur.

R. j. Immolábit hœdum multitúdo filiórum Israël ad vésperam Paschæ : * Et edent carnes, et ázymos panes. **V.** Pascha nostrum immolátus est Christus : itaque epulémur in ázymis sinceritátis et veritátis. Et.

R. ij. Comedétis carnes, et saturabimini pánibus : * Iste est panis, quem dedit vobis Dóminus ad vescéndum. **V.** Non Móyses dedit vobis panem de cælo, sed Pater meus dat vobis panem de cælo verum. Iste.

R. iiij. Respéxit Elías ad

caput suum subcinericiū
panem : qui surgens com-
ēdit et bibit : * Et ambulāvit
in fortitūdine cibi illius us-
que ad montem Dei. **Y.** Si
quis manducāverit ex hoc
pane, vivet in ætēnum. Et.
Glória Patri. Et.

IN II. NOCTURNO

Ant. Memor sit Dóminus.

Psalmus 19.

EXÁUDIAT te Dóminus in
die tribulatiónis : * pró-
tegat te nomen Dei Jacob.

Mittat tibi auxilium de
sancto : * et de Sion tueátur
te.

Memor sit omnis sacrificiī
tui : * et holocáustum tuum
pingue fiat.

Tribuat tibi secūndum cor
tuum : * et omne consilium
tuum confirmet.

Lætábimur in salutári
tuo : * et in nómine Dei no-
stri magnificábimur.

Impleat Dóminus omnes
petitiónes tuas : * nunc co-
gnóvi quóniam salvum fecit
Dóminus Christum suum.

Exáudiet illum de cælo
sancto suo : * in potentátibus
salus dexteræ ejus.

Hi in curribus, et hi in
equis : * nos áutem in nó-
mine Dómini Dei nostri in-
vocábimus.

Ipsi obligátī sunt, et ceci-
derunt : * nos áutem surrēxi-
mus et erēcti sumus.

Dómine salvum fac re-
gem : * et exáudi nos in die,
qua invocáverimus te.

Ant. Memor sit Dóminus

sacrificiī nostri, et holocáu-
stum nostrum pingue fiat.

Ant. Parátur nobis.

Psalmus 22.

DÓMINUS regit me, et nihil
mihi déerit : * in loco
páscuæ ibi me collocávit.

Super aquam refectiúnis
educávit me : * ánimam
meam convértit.

Dedúxit me super sémi-
tas justitiæ, * propter no-
men suum.

Nam, et si ambulávero in
médio umbræ mortis, non
timébo mala : * quóniam tu
mecum es.

Virga tua, et báculo tu-
us : * ipsa me consoláta sunt.

Parásti in conspéctu meo
mensam, * advérsus eos, qui
tribulant me.

Impinguásti in óleo caput
meum : * et calix meus iné-
brians quam præclárus est!

Et misericórdia tua subse-
quétur me * ómnibus diébus
vitæ meæ :

Et ut inhábitem in domo
Dómini, * in longitúdinem
diérum.

Ant. Parátur nobis mensa
Dómini advérsus omnes, qui
tribulant nos.

Ant. In voce exsultatiónis.

Psalmus 41.

QUÉMÁDMODUM desiderat
cervus ad fontes aquá-
rum : * ita desiderat ánima
mea ad te Deus.

Sitívit ánima mea ad Deum
fortem vivum : * quando vé-
niam, et apparébo ante fá-
ciem Dei?

Fuérunt mihi lácrymæ meæ panes die ac nocte : * dum dicitur mihi quotidie : Ubi est Deus tuus?

Hæc recordátus sum, et effúdi in me ánimam meam : * quóniam transibo in locum tabernáculi admirábilis, usque ad domum Dei.

In voce exsultatiónis, et confessiónis : * sonus epulántis.

Quare tristis es ánima mea? * et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Ad meípsum ánima mea conturbáta est : * propterea memor ero tui de terra Jordánis, et Hermóniim a monte módico.

Abýssus abyýssum invocat, * in voce cataractárum tuárum.

Omnia excélsa tua, et fluctus tui * super me transiérunt.

In die mandávit Dóminus misericórdiam suam : * et nocte cánticum ejus.

Apud me orátio Deo vitæ meæ, * dicam Deo : Suscéptor meus es.

Quare oblitus es mei? * et quare contristátus incédo, dum affligit me inimicus?

Dum confringúntur ossa mea, * exprobravérunt mihi, qui tribulant me inimici mei.

Dum dicunt mihi per sín-

gulos dies : Ubi est Deus tuus? * quare tristis es ánima mea, et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Ant. In voce exsultatiónis résonent epulántes in mensa Dómini.

Y. Cibávit illos ex ádipe fruménti. **R.** Et de petra, melle saturávit eos.

MENSIBUS

SEPTEMBRI ET OCTOBRI

Ex libro sancti Ambrósii
Episcopi de Sacraméntis.

Lib. 4. Cap. 4.

Lectio iv.

AUCTOR sacramentórum quis est, nisi Dóminus Jesus? De cælo ista sacraménta venérunt. Consílium enim omne de cælo est. Vere autem magnum est et divinum miraculum, quod pópulo pluit Deus manna de cælo, et non laborábat pópulus, et manducábat. Tu forte dicis : Meus panis est usitátus. Sed panis iste, panis est ante verba sacramentórum : ubi accésserit consecrátió, de pane fit caro Christi. Hoc igitur adstruámus. Quómodo potest, qui panis est, corpus esse Christi? Consecratióne. Consecrátió igitur quibus verbis est, et cujus sermónibus? Dómini Jesu. Nam réliqua ómnia quæ dicúntur, láudem

Deo déferunt, orátio præmittitur pro pópulo, pro ré-gibus, pro cæteris: ubi veni-tur ut conficiátur venerábile Sacraméntum, jam non suis sermónibus sacérdos, sed útitur sermónibus Christi.

R. Cœnántibus illis accé-pit Jesus panem, et bene-dixit, ac fregit, deditque discipulis suis, et ait: * Ac-cípите, et comédite: hoc est corpus meum. **V.** Dixérunt viri tabernáculi mei: Quis det de cárnibus ejus, ut sa-turémur? Accípите.

Lectio v.

ERGO sermo Christi hoc cónfícit Sacraméntum. Quis sermo Christi? Nempe is, quo facta sunt ómnia. Jussit Dóminus, et factum est cælum: jussit Dóminus, et facta est terra: jussit Dóminus, et facta sunt má-ria: jussit Dóminus, et omnis creatúra generáta est. Vides ergo quam operató-rius sit sermo Christi. Si ergo tanta vis est in sermóne Dómini Jesu, ut inciperent esse quæ non erant: quanto magis operatórius est, ut quæ erant, in áliud commu-téntur? Cælum non erat, mare non erat, terra non erat. Sed áudi dicéntem: Ipse dixit, et facta sunt: ipse mandávit, et creáta sunt. Ergo tibi ut respóndeam, non erat corpus Christi ante consecratióem: sed post consecratióem dico tibi quod jam corpus est Christi.

Ipse dixit, et factum est: ipse mandávit, et creátum est.

R. Accépit Jesus cálicem, postquam cœnávít, dicens: Hic calix novum testamén-tum est in meo sáanguine: * Hoc fácite in meam comme-moratióem. **V.** Memória me-mor ero, et tabéscet in me ánima mea. Hoc.

Lectio vj. Cap. 5.

JAM redi mecum ad propo-sitióem meam. Magnum quidem et venerábile, quod manna Judæis pluit e cælo. Sed intéllege quid est ám-plius, manna de cælo, an corpus Christi? Corpus Chri-sti útique, qui áuctor est cæli. Deínde manna qui man-ducávit, mórtuus est: qui manducáverit hoc corpus, fiet ei remissio peccatórum, et non moriétur in ætérnum. Ergo non otiose, cum ácci-pis, tu dicis, Amen; jam in spíritu cónfitens quod acci-pias corpus Christi. Dicit tibi sacérdos, Corpus Chri-sti: et tu dicis, Amen, hoc est, verum. Quod confitétur lingua, téneat afféctus.

R. Ego sum panis vitæ: patres vestri manducavérunt manna in desérto, et mórtui sunt: * Hic est panis de cælo descéndens, ut si quis ex ipso mandúcet, non moriá-tur. **V.** Ego sum panis vivus, qui de cælo descéendi: si quis manducáverit ex hoc pane, vivet in ætérnum. Hic. Glória Patri. Hic.

MENSE NOVEMBRI

Sermo sancti Cyrilli Episcopi
Jerolymitani.

Catechesi mystagog. 4.

Lectio iv.

IPSA beati Pauli doctrina abunde sufficere videtur, ut certam vobis de divinis mysteriis fidem faciat, quibus digni redditi, concorpori, ut ita dicam, et consanguinei Christi facti estis. Ipse enim modo clamabat, quod in nocte quatradebatur Dominus noster Jesus Christus, accipiens panem, et gratias agens fregit, et dedit discipulis suis, dicens: Accipite, et manducate: hoc est corpus meum. Et accipiens calicem, et gratias agens, dixit: Accipite, et bibite: hic est sanguis meus. Cum igitur ipse de pane pronuntiaverit ac dixerit: Hoc est corpus meum: quis auderet deinceps ambigere? Et cum idem ipse tam asseveranter dixerit: Hic est sanguis meus: quis umquam dubitaverit, ut dicat non esse ejus sanguinem?

℞. Coenantiibus. 246*.

Lectio v.

AQUAM olim in vinum convertit in Cana Galilææ, quod habet quamdam cum sanguine propinquitatem: et eum parum dignum existimabimus, cui credamus quod vinum in sanguinem transmutarit? Ad eas nuptias, quibus corpora copulantur, vocatus, præter opi-

nionem omnium hoc fecit miraculum: et non multo magis sic eum corpus et sanguinem suum fruenda nobis donasse persuasum firmiter habebimus, ut ea cum omni certitudine tamquam corpus ipsius et sanguinem sumamus? Nam in specie panis dat nobis corpus, et in specie vini dat nobis sanguinem: ut, cum sumpseris, gustes corpus et sanguinem Christi, factus ejusdem corporis et sanguinis particeps. Sic enim efficimur Christiferi, hoc est Christum in corporibus nostris ferentes, cum corpus ejus et sanguinem in membra nostra recipimus: sic secundum beatum Petrum, divinæ naturæ consortes reddimur.

℞. Accipit Jesus. 246*.

Lectio vj.

OLIM cum Judæis Christus disserens, Nisi manducaveritis, inquit, carnem meam, et biberitis meum sanguinem, non habebitis vitam in vobis. Cum autem illi, quæ dicta fuerant, non spiritaliter accepissent, offensi abiierunt retro: putabant enim quod eos ad manducandas carnes hortaretur. Erant et in veteri testamento panes propositionis; verum illi cum fuerint veteris testamenti, finem jam accepérunt. In novo vero testamento panis est cælestis, et calix salutaris, qui et animam et corpus sanctificant.

Quamóbrem non sic hæc atténdas velim, tamquam sint nudus et simplex panis, nudum et simplex vinum : corpus enim sunt et sanguis Christi. Nam etiámsi sensus illud tibi renúntiat, fides tamen te confirmet. Ne júdices rem ex gustu : sed te citra ullam dubitatióem fides certum reddat, quod sis dignus factus, qui córporis et sánguinis Christi párticeps fieres.

R. Ego sum. 246*.

IN III. NOCTURNO

Ant. Introibo.

Psalmus 42.

JÚDICA me Deus, et discérne cáusam meam de gente non sancta, * ab hómine iniquo, et dolóso érue me.

Quia tu es Deus fortitúdo mea : * quare me repulisti? et quare tristis incédo, dum affligit me inimicus?

Emitte lucem tuam et veritátem tuam : * ipsa me deduxérunt, et adduxérunt in montem sanctum tuum, et in tabernácula tua.

Et introibo ad altáre Dei : * ad Deum, qui lætíficat juventútem meam.

Confitébor tibi in cithara Deus Deus meus : * quare tristis es ánima mea? et quare contúrbas me?

Spera in Deo, quóniam adhuc confitébor illi : * salutáre vultus mei, et Deus meus.

Ant. Introibo ad altáre Dei : sumam Christum, qui rénovat juventútem meam.

Ant. Cibávit nos Dóminus.

Psalmus 80.

EXSULTÁTE Deo adjutóri nostro : * jubiláte Deo Jacob.

Súmíte psalmum, et date týmpanum : * psaltérium jucúndum cum cithara.

Buccináte in Neoméniá tuba, * in insígni die solemnitétis vestræ :

Quia præcéptum in Israël est : * et iudícium Deo Jacob.

Testimónium in Joseph pósuit illud, cum exíret de terra Ægýpti : * linguam, quam non nóverat, audivit.

Divértit ab onéribus dorsum ejus : * manus ejus in cóphino serviérunt.

In tribulatióne invocásti me, et liberávi te : * exaudivi te in abscondito tempestátis : probávi te apud aquam contradicţiónis.

Audi pópulus meus, et contestábor te : * Israël si audieris me, non erit in te deus recens, neque adorábis deum aliénium.

Ego enim sum Dóminus Deus tuus, qui edúxi te de terra Ægýpti : * diláta os tuum, et implébo illud.

Et non audivit pópulus meus vocem meam : * et Israël non inténdit mihi.

Et dimisi eos secúndum desidéria cordis eórum, * ibunt in adinventiόνibus suis.

Si pópulus meus audísset me : * Israël si in viis meis ambuláset :

Pro nihilo fórsitan inimicos eórum humiliássem : * et super tribulántes eos misíssem manum meam.

Inimíci Dómini mentiti sunt ei : * et erit tempus eórum in sæcula.

Et cibávit eos ex ádipe fruménti : * et de petra, melle saturávit eos.

Ant. Cibávit nos Dóminus ex ádipe fruménti : et de petra, melle saturávit nos.

Ant. Ex altári tuo.

Psalmus 83.

QUAM dilécta tabernacula tua Dómine virtútum : * concupiscit, et déficit ánima mea in átria Dómini.

Cor meum, et caro mea * exsultavérunt in Deum vivum.

Etenim passer invénit sibi domum : * et turtur nidum sibi, ubi ponat pullos suos,

Altária tua Dómine virtútum : * Rex meus, et Deus meus.

Beáti, qui hábitant in domo tua Dómine : * in sæcula sæculórum laudábunt te.

Beátus vir, cujus est auxilium abs te : * ascensiónes in corde suo dispósuit, in valle lacrymárum in loco, quem pósuit.

Etenim benedictiónem dabit legislátor, ibunt de virtúte in virtútem : * vidébitur Deus deórum in Sion.

Dómine Deus virtútum exáudi oratióem meam : * áuribus pércipe Deus Jacob.

Protéctor noster ádspice

Deus : * et réspice in fáciem Christi tui :

Quia mélior est dies una in átriis tuis * super millia.

Elégi abjéctus esse in domo Dei mei : * magis quam habitáre in tabernáculis peccatórum.

Quia misericórdiam, et veritátem diligit Deus : * grátiam, et glóriam dabit Dñs.

Non privábit bonis eos, qui ámbulant in innocéntia : * Dómine virtútum, beátus homo, qui sperat in te.

Ant. Ex altári tuo Dómine Christum súmimus : in quem cor et caro nostra exsúltant.

Y. Edúcas panem de terra.

R. Et vinum lætificet cor hóminis.

MENSIBUS

SEPTEMBRI ET OCTOBRI
Léctio sancti Evangélíi secúndum Joánnem.

Lectio vij. Cap. 6. f

IN illo témpore : Dixit Jesus turbis Judæórum : Caro mea, vere est cibus : et sanguis meus, vere est potus. Et reliqua.

Homilia sancti Hilárii
Episcopi.

Lib. 8. de Trinit., ante med.

NON est humano aut sæculi sensu in Dei rebus loquéndum. Quæ scripta sunt, legámus : et quæ legérimus, intelligámus ; et tunc perféctæ fidei officio fungémur. De naturáli enim in nobis Christi veritáte quæ dicimus, nisi ab eo discimus,

stulte atque ímpie dicimus. Ipse enim ait : Caro mea vere est esca, et sanguis meus vere est potus. Qui edit carnem meam, et bibit ságuinem meum, in me manet, et ego in eo. De veritate carnis et ságuinis non relictus est ambigéendi locus.

R. Qui mandúcat meam carnem, et bibit meum ságuinem, * In me manet, et ego in eo. **V.** Non est ália nátio tam grandis, quæ hábeat deos appropinquánte sibi, sicut Deus noster adest nobis. In.

Lectio viij.

NUNC enim et ipsius Dómini professióne, et fide nostra vere caro est, et vere sanguis est. Et hæc accépta atque háusta id efficiunt, ut et nos in Christo, et Christus in nobis sit. An ne hoc véritas non est? Contingat plane his verum non esse, qui Christum Jesum verum esse Deum negant. Est ergo in nobis ipse per carnem, et sumus in eo, dum secum hoc quod nos sumus, in Deo est. Quod áutem in eo per sacraméntum comunicátæ carnis et ságuinis símus, ipse testátur, dicens : Et hic mundus jam me non videt, vos áutem me vidébitis : quóniam ego vivo, et vos vivétis : quóniam ego in Patre meo, et vos in me, et ego in vobis.

R. Misit me vivens Pater, et ego vivo propter Patrem :

* Et qui mandúcat me, vivet propter me. **V.** Cibávit illum Dóminus pane vitæ et intel-lectus. Et. Glória Patri. Et.

Lectio ix. de Simplicí, si occurrat; alias

Lectio ix.

QUOD áutem in nobis naturalis hæc únitas sit, ipse ita testátus est : Qui edit carnem meam, et bibit ságuinem meum, in me manet, et ego in eo. Non enim quis in eo erit, nisi in quo ipse fúerit : ejus tantum in se assumptam habens carnem, qui suam sumpserit. Perféc-tæ áutem hujus unitátis sacraméntum supérius jam docúerat, dicens : Sicut me misit vivens Pater, et ego vivo per Patrem; et qui mandúcat, meam carnem, et ipse vivet per me. Vivit ergo per Patrem : et quo modo per Patrem vivit, eódem modo nos per carnem ejus vivémus.

Te Deum laudámus. 16.

MENSE NOVEMBRI

Lectio sancti Evangélíi secúndum Joánnem.

Lectio vij. Cap. 6. f

IN illo témpore : Dixit Jesus turbis Judæórum : Caro mea, vere est cibus : et sanguis meus, vere est potus. Et réliqua.

Homilia sancti Cyrilli Epíscopi Alexandrini

Lib. 4. in Joannem, cap. 17.

QUI mandúcat, inquit, carnem meam, et bibit sán-

guinem meum, in me manet, et ego in illo. Sicuti enim si quis liquefactæ ceræ aliam ceram infuderit, alteram cum altera per totum commisceat necesse est : sic qui carnem et sanguinem Dómini recipit, cum ipso ita conjungitur, ut Christus in ipso, et ipse in Christo inveniatur. Simile quodam modo apud Matthæum compéries. Simile est, inquit, regnum cælorum fermento, quod acceptum abscondit mulier in farinæ satis tribus. Sicut parum, ut Páulus ait, fermenti totam massam fermentat, sic parvula benedictio totum hominem in seipsam attrahit, et sua grátia replet; et hoc modo in nobis Christus manet, et nos in Christo.

℞. Qui manducat. 250*.

Lectio viij.

Nos vero, si vitam æternam consequi volumus, si largitorem immortalitatis habere in nobis desideramus, ad recipiendam benedictionem libenter concurramus : caveamusque ne loco láquei damnosam religionem diabolus nobis prætendat. Recte (inquit) dicis : scriptum tamen esse non ignoramus, iudicium sibi comedere atque bibere illum qui de pane comedit et de cálice bibit indigne. Ego igitur probo meipsum, et indignum invenio. Quando igitur, quicumque tu es qui ista dicis, dignus eris? quando Christo

teipsum offeres? Nam si peccando indignus es, et peccare non desinis, (quis enim delicta intelligit? secundum Psalmistam) expers omnino eris vivificæ hujus sanctificationis.

℞. Misit me. 250*.

Lectio ix.

QUARE pias quæso cogitationes suscipias, studiose sanctæque vivas, et benedictionem participes : quæ (mihi crede) non mortem solum, verum etiam morbos omnes depellit. Sedat enim, cum in nobis maneat Christus, sævientem membrorum nostrorum legem : pietatem corroborat, perturbationes animi extinguit, ægrótos curat, collisos redintegrat : et sicut pastor bonus, qui animam suam pro óvibus posuit, ab omni nos erigit casu.

Te Deum laudamus. 16.

AD LAUDES

ET PER HORAS

Ant. 1. Sapientia * ædificavit sibi domum, miscuit vinum, et posuit mensam.

Ps. Dóminus regnavit. cum reliq. 17.

2. Angelorum esca * nutriti populum tuum, et panem de cælo præstitisti eis.

3. Pinguis est panis * Christi, et præbebit delicias réligibus.

4. Sacerdotes sancti * incensum et panes offerunt Deo.

5. Vincénti dabo * manna

absconditum, et nomen novum.

Capitulum. I. Cor. 11. e

FRATRES: Ego enim accépi a Dómino, quod et tradidi vobis, quóniam Dóminus Jesus in qua nocte tradebátur, accépit panem, et grátias agens fregit, et dixit: Accípite, et manducáte: hoc est corpus meum, quod pro vobis tradétur: hoc fácite in meam commemoratióem.

Hymnus.

VERBUM supérnum prodíens,
Nec Patris linquens dexteram,

Ad opus suum éxiens,
Venit ad vitæ vésperam.

In mortem a discípulo
Suis tradéndus émulis,
Prius in vitæ férculo
Se tradidit discipulis.

Quibus sub bina spécie
Carnem dedit et sánguinem;
Ut dúplici substantiæ
Totum cibáret hóminem

Se nascens dedit sócium,
Convéscens in edúlium,
Se móriens in prétium,
Se regnans dat in præmium.

O salutáris hóstia,
Quæ cæli pandis óstium,
Bella premunt hostília,
Da robur, fer auxilium.

Uni trinóque Dómino
Sit sempitérna glória:
Qui vitam sine término,
Nobis donet in pátria.

Amen.

✠. Pósuit fines tuos pacem. **R.** Et ádipe fruménti sátiat te.

Ad Bened. Ant. Ego sum * panis vivus, qui de cælo descéndi: si quis manducáverit ex hoc pane, vivet in ætérnum.

Oratio.

DEUS, qui nobis sub Sacramento mirábili passióis tuæ memóriam reliquisti: tribue, quæsumus, ita nos córporis et ságuinis tui sacra mystéria venerári; ut redemptionis tuæ fructum in nobis júgiter sentiámus: Qui vivis et regnas.

AD PRIMAM

In R. br. V. Qui natus es de María Virgine.

AD TERTIAM

Ant. Angelórum esca.

Capit. Fratres: Ego enim.

R. br. Panem cæli * Dedit eis. Panem. **V.** Panem Angelórum manducávit homo. Dedit eis. Glória. Panem.

V. Cibávit illos ex ádipe fruménti. **R.** Et de petra, melle saturávit eos.

AD SEXTAM

Ant. Pinguis est panis.

Capitulum. I. Cor. 11. f

QUOTIESCÚMQUE enim manducábitis panem hunc, et cálicem bibétis: mortem Dómini annuntiábitis, donec véniat.

R. br. Cibávit illos * Ex ádipe fruménti. Cibávit. **V.** Et de petra, melle saturávit eos. Ex. Glória Patri. Cibávit.

V. Edúcas panem de terra. **R.** Et vinum lætíficet cor hóminis.

AD NONAM

Ant. Vincénti dabo.

Capitulum. I. Cor. 11. f

QUICÚMQUE manducáverit panem hunc, vel bibe-rit cálicem Dómini indigne: reus erit córporis et sángu-
inis Dómini.

R. **br.** Edúcas panem * De terra. Edúcas. **V.** Et vinum lætíficet cor hóminis. De. Glória Patri. Edúcas.

V. Pósuit fines tuos pacem. **R.** Et ádipe fruménti sátiat te.

IN II. VESPERIS

Omnia ut in I., præter :

V. Panem de cælo præsti-
tisti eis. **R.** Omne delecta-
méntum in se habéntem.

Ad Magnif. Ant. O sacrum convívium, * in quo Christus súmitur : recólitur memó-
ria passiónis ejus : mens implé-
tur grátia : et futúrx glóriæ
nobis pignus datur.

PRO FERIA VI

OFFICIUM VOTIVUM

DE PASSIONE D. N. J. C.

Semiduplex.

IN I. VESPERIS

Ant. 1. Cálicem salutáris accipiam, et nomen Dómini invocábo.

Ps. 115. Crédidi. 129.

2. Cum his * qui odérunt pacem, eram pacíficus : dum loquébar illis, impugnábant me gratis.

Ps. 119. Ad Dóminum. 129.

3. Ab hominibus * iniquis libera me Dómine.

Ps. 139. Eripe me. 140.

4. Custódi me * a láqueo, quem statuérunt mihi, et a scándalis operántium iniquitátem.

Ps. 140. Dómine clamávi ad te. 141.

5. Considerábam * ad dexteram, et vidébam, et non erat qui cognósceret me.

Ps. 141. Voce mea ad Dóminum. 142.

Capitulum. Philipp. 2.

FRATRES : Hoc enim sentite in vobis, quod et in Christo Jesu : qui cum in forma Dei esset, non rapinam arbitrátus est esse se æquálem Deo : sed semetípsum exinanívit, formam servi acci-
piens, in similitúdinem hóminum factus, et hábitu in-
véntus ut homo. Humiliávit semetípsum, factus obédiens usque ad mortem, mortem autem crucis.

Hymnus.

MERÉNTES óculi, spárgite lácrymas,
Et luctu résonent íntima cór-
dium :

Illátas réfero Númini ab im-
piis

Pœnas, et fera vúlnera.
Accínta, heu ! gládiis tur-
ba satéllitum

Arréptum Dóminum fústi-
bus impetit,

Nunc cædit cólaphis, nunc
quatit hórridis

Divínium caput ictibus.

Haud finis scéleri : trádi-
tur improbo

Christus carnífici : nec mo-
ra, bárbarus

In Regem súperum non ti-
met impio

Ausu vértete délixeram.

Audite o pópuli Numen
amábile,

Manánte ex húmeris úndi-
que ságuine,

Lictóris rábidi sústinet im-
petum,

Et vocem premit innocens.

Quis non illácrymet? Jam
nova cóndidit

Torménta indómitæ gentis
iníquitas :

Infigit cérebro, proh dolor!
éfferis

Sertum véprius ásperum.

Heu crimen! tráhitur fú-
nibus improbis

Funésti Dóminus supplicíi
ad locum;

Illic oppétiit fúnere, spíri-
tum

Patri restituens suo.

Passo pro míseris tam fera
vúlnera

In terris résonet débíta gló-
ria;

Sacrúmque assidue nomen
in æthera

Humánum genus éfferat.

Amen.

Ÿ. Oblátus est quia ipse
vóluit. R. Et livóre ejus sa-
náti sumus.

Ad Magnif. Ant. O vos
omnes * qui transitis per
viam, atténdite, et vidéte si
est dolor sicut dolor meus.

Oratio.

DÓMINE Jesu Christe, qui
de cælis ad terram de
sinu Patris descendisti, et
ságuinem tuum pretiósium

in remissiónem peccatórum
nostrórum fudisti : te humi-
liter deprecámur; ut in die
judicii, ad délixeram tuam
audire mereámur : Veníte
benedícti : Qui vivis et re-
gnas.

**Ad Complet., et per Ho-
ras, in fine Hymn. dicitur :**

Sit laus Patri, ac Paráclito,
Natóque Patris único,
Nostræ dedit qui pródigus
Prétium salútis ságuinem.
Amen.

AD MATUTINUM

Invit. Christum Regem cru-
cifixum; Veníte, adorémus.

Ps. Venite, exsultémus. 2.

Hymnus.

ADSPICE, infámi Deus ipse
ligno

Pendet, effúso mádídus cruó-
re :

Adspice, immíti manus alma
clavo

Fínditur alte.

Hunc, velut pravi scéleris
ministrum,

Inter indignos médium latró-
nes

Cerne : crudélis fuit ista
gentis

Dira volúntas.

Pallet, heu! vultus; caput
ecce lassum

Fléctitur : cláusis óculis Red-
émptor

Spíritum sacro méritis onú-
stum

Fundit ab ore.

O cor, æs durum súperas,
geméndo

Ni scelus tergas; tua culpa
Christum

Stípití affíxit, tua culpa mortí
Súbdidit atræ.

Sit Deo ætérnum decus
omne in ævum,
Qui pius nostri géneris Red-
émptor,
Criminis labem miseris no-
céntem
Sáanguine tersit. Amen.

IN I. NOCTURNO

Ant. Adstítérunt reges
terræ.

Psalmus 2.

QUARE fremuérunt gentes,*
et pópuli meditáti sunt
inánia?

Adstítérunt reges terræ, et
príncipes convenérunt in
unum* advérsus Dóminum,
et advérsus Christum ejus.

Dirumpámus víncula eó-
rum : * et projiciámus a no-
bis jugum ipsórum.

Qui hábitat in cælis, irri-
débit eos : * et Dóminus
subsannábit eos.

Tunc loquétur ad eos in
ira sua : * et in furóre suo
conturbábit eos.

Ego áutem constitútus sum
Rex ab eo super Sion mon-
tem sanctum ejus, * prædi-
cans præcéptum ejus.

Dóminus dixit ad me : *
Filius meus es tu, ego hódie
génui te.

Póstula a me, et dabo tibi
gentes hereditátem tuam, *
et possessiónem tuam térmi-
nos terræ.

Reges eos in virga férrea,*
et tamquam vas figuli con-
frínges eos.

Et nunc reges intelligite : *

erudimini qui judicátis ter-
ram.

Servite Dómino in timó-
re : * et exsultáte ei cum
tremóre.

Apprehéndite disciplínam,
nequándo irascátur Dómi-
nus, * et pereátis de via justa.

Cum exárserit in brevi ira
ejus, * beáti omnes, qui con-
fidunt in eo.

Ant. Adstítérunt reges ter-
ræ, et príncipes convené-
runt in unum advérsus Dó-
minum, et advérsus Chri-
stum ejus.

Ant. Multiplicáti sunt.

Psalmus 3.

DÓMINE quid multiplicáti
sunt qui tribulant me? *
Multi insúrgunt advérsus
me.

Multi dicunt ánimæ meæ : *
Non est salus ipsi in Deo
ejus.

Tu áutem Dómine suscep-
tor meus es, * glória mea,
et exáltans caput meum.

Voce mea ad Dóminum
clamávi : * et exaudivit me
de monte sancto suo.

Ego dormívi, et soporátus
sum : * et exsurrexi, quia
Dóminus suscepit me.

Non timébo millia pópuli
circumdántis me : * exsúrge
Dómine, salvum me fac Deus
meus.

Quóniam tu percussisti
omnes adversántes mihi sine
cáusa : * dentes peccatórum
contrivisti.

Dñi est salus : * et super pó-
pulum tuum benedictio tua.

Ant. Multiplicáti sunt qui tribulant me; multi insúrgunt advérsus me.

Ant. Divisérent.

Psalmus 21.

DEUS Deus meus respice in me : quare me dereliquisti? * longe a salute mea verba delictórum meórum.

Deus meus clamábo per diem, et non exáudies : * et nocte, et non ad insipiéntiam mihi.

Tu áutem in sancto hábitas, * laus Israël.

In te speravérunt patres nostri : * speravérunt, et liberásti eos.

Ad te clamavérunt, et salvi facti sunt : * in te speravérunt, et non sunt confúsi.

Ego áutem sum vèrmis, et non homo : * oppróbrium hóminum, et abjéctio plebis.

Omnes vidéntes me, derisérent me : * locúti sunt lábiis, et movérunt caput.

Sperávit in Dómino, erípiat eum : * salvum fáciat eum, quóniam vult eum.

Quóniam tu es, qui exististi me de ventre : * spes mea ab ubéribus matris meæ. In te projectus sum ex útero :

De ventre matris meæ Deus meus es tu, * ne discesseris a me :

Quóniam tribulatio próxima est : * quóniam non est qui ádjuvet.

Circumdedérunt me vituli

multi : * táuri pingues obséderunt me.

Aperuérunt super me os suum, * sicut leo rápiens et rúgiens.

Sicut aqua effúsus sum : * et dispérsa sunt ómnia ossa mea.

Factum est cor meum tamquam cera liquéscens * in médio ventris mei.

Aruit tamquam testa virtus mea, et lingua mea adhæsit fáucibus meis : * et in pulverem mortis deduxísti me.

Quóniam circumdedérunt me canes multi : * concílium malignántium obsédit me.

Foderunt manus meas et pedes meos : * dinumeravérunt ómnia ossa mea.

Ipsi vero consideravérunt et inspexérunt me : * divisérunt sibi vestiménta mea, et super vestem meam misérunt sortem.

Tu áutem Dómine ne elongáveris auxiliium tuum a me : * ad defensiónem meam cónspice.

Erue a frámea Deus ánimam meam : * et de manu canis únicam meam :

Salva me ex ore leónis : * et a córnibus unicórnium humilitátem meam.

Narrábo nomen tuum fratribus meis : * in médio ecclésiæ laudábo te.

Qui timétis Dóminum, laudáte eum : * univérsum semen Jacob glorificáte eum.

Timeat eum omne semen

Israël : * quóniam non spre-
vit, neque despéxit depre-
caciónem páuperis :

Nec avértit faciém suam a
me : * et cum clamárem ad
eum, exaudivit me.

Apud te laus mea in ec-
clésia magna : * vota mea
reddam in conspéctu timén-
tium eum.

Edent páuperes, et satu-
rabúntur : et laudábunt Dó-
minum qui requírunť eum : *
vivent corda eórum in sáecu-
lum sáculi.

Reminiscéntur et conver-
téntur ad Dóminum * uni-
vérsi fines terræ :

Et adorábunt in conspéctu
ejus * univérsæ familiæ gén-
tium.

Quóniam Dómini est re-
gnum : * et ipse dominábitur
géntium.

Manducavérunt et adora-
vérunt omnes pingues ter-
ræ : * in conspéctu ejus ca-
dent omnes qui descéndunt
in terram.

Et ánima mea illi vivet : *
et semen meum sérviet ipsi.

Annuntiábitur Dómino ge-
nerátio ventúra : * et annun-
tiábunt cæli justitiam ejus
pópulo qui nascétur, quem
fecit Dóminus.

Ant. Diviserunt sibi vesti-
ménta mea, et super vestem
meam misérunt sortem.

ŷ. Oblátus est, quia ipse
vóluit. **R.** Et livóre ejus sa-
nátí sumus.

Lect. de Script. occur

R. j. Vineá mea elécta, ego

te plantávi, dicit Dóminus :
et tu facta es mihi nimis
amára : * Quia parásti cru-
cem Salvatóri tuo. **ŷ.** Pópule
meus, quid feci tibi, aut in
quo contristávi te? respónde
mihi. Quia.

R. ij. Ego edúxi te de
Ægýpto, demerso Pharaóne
in mare Rubrum, et ante
te præivi in colúmna nubis :
* Et tu me tradidísti princi-
pibus sacerdótum, et me
duxísti ad prætóríum Piláti.
ŷ. Pópule meus, quid feci
tibi, aut in quo contristávi
te? respónde mihi. Et.

R. iij. Ego propter te fla-
gellávi Ægýptum cum pri-
mogénitis suis : * Et tu me
flagellátum tradidísti, * Qui
tamquam agnus coram ton-
dente se obmútui, et non
apérui os meum. **ŷ.** Pópule
meus, quid feci tibi, aut in
quo contristávi te? respónde
mihi. Et. Glória Patri. Qui
tamquam.

IN II. NOCTURNO

Ant. Inimíci mei.

Psalmus 40.

BEÁTUS qui intélligit super
egénium, et páuperem : *
in die mala liberábit eum
Dóminus.

Dóminus consérvet eum,
et vivíficet eum, et beátum
fáciat eum in terra : * et non
tradat eum in ánimam ini-
micórum ejus.

Dóminus opem ferat illi
super lectum dolóris ejus : *
univérsum stratum ejus ver-
sásti in infirmitáte ejus.

Ego dixi : Dómine misere-
rere mei : * sana ánimam
meam, quia peccávi tibi.

Inimíci mei dixerunt mala
mihi : * Quando moriétur, et
peribit nomen ejus?

Et si ingrediebátur ut vi-
deret, vana loquebátur, * cor
ejus congregávit iniquitátem
sibi.

Egrediebátur foras, * et
loquebátur in idípsium.

Advérsum me susurrábant
omnes inimíci mei : * ad-
vérsum me cogitábant mala
mihi.

Verbum iníquum consti-
tuérunt advérsum me : *
Numquid qui dormit non
adjiciet ut resúrgat?

Eténim homo pacis meæ,
in quo sperávi : * qui edé-
bat panes meos, magnifi-
cávit super me supplantá-
tiónem.

Tu áutem Dómine mise-
rere mei, et resúscita me : *
et retribuam eis.

In hoc cognóvi quóniam
voluisti me : * quóniam non
gaudébit inimícus meus su-
per me.

Me áutem propter inno-
céntiam suscepísti : * et con-
firmásti me in conspéctu
tuo in ætérnum.

Benedictus Dóminus Deus
Israël a sæculo, et usque in
sæculum : * fiat, fiat.

Ant. Inimíci mei dixé-
runt mala mihi : Quando
moriétur, et peribit nomen
ejus?

Ant. Aliéni insurrexérunt.

Psalmus 53.

DEUS in nómine tuo salvum
me fac : * et in virtúte tua
júdica me.

Deus exáudi oratiómem
meam : * áuribus pèrcipe
verba oris mei.

Quóniam aliéni insurrexé-
runt advérsum me, et fortes
quæsiérunt ánimam meam : *
et non proposuérunt Deum
ante conspéctum suum.

Ecce enim Deus ádjuvat
me : * et Dóminus suscep-
tor est ánimæ meæ.

Avérte mala inimícis
meis : * et in veritáte tua
dispérde illos.

Voluntáriesacrificábo tibi,*
et confitébor nómini tuo Dó-
mine : quóniam bonum est :

Quóniam ex omni tribu-
latiône eripuísti me : * et
super inimícos meos despé-
xit óculus meus.

Ant. Aliéni insurrexérunt
in me, et fortes quæsiérunt
ánimam meam.

Ant. Conculcavérunt me.

Psalmus 55.

MISERERE mei Deus, quó-
niam conculcávit me
homo : * tota die impúgnans
tribulávit me.

Conculcavérunt me inimíci
mei tota die : * quóniam multi
bellántes advérsum me.

Ab altitúdine diéi timébo : *
ego vero in te sperábo.

In Deo laudábo sermónes
meos, in Deo sperávi : * non
timébo quid fáciat mihi caro.

Tota die verba mea exse-
crabántur : * advérsum me

omnes cogitationes eorum in malum.

Inhabitabunt et abscondent: * ipsi calcaneum meum observabunt.

Sicut sustinuerunt animam meam, pro nihilo salvos facies illos: * in ira populos confringes.

Deus, vitam meam annuntiavi tibi: * posuisti lacrymas meas in conspectu tuo.

Sicut et in promissione tua: * tunc convertentur inimici mei retrorsum:

In quacumque die invocavero te: * ecce cognovi quoniam Deus meus es.

In Deo laudabo verbum, in Domino laudabo sermonem: * in Deo speravi, non timebo quid faciat mihi homo.

In me sunt Deus vota tua, * quae reddam, laudationes tibi.

Quoniam eripuisti animam meam de morte, et pedes meos de lapsu: * ut placeam coram Deo in lumine viventium.

Ant. Conculcaverunt me inimici mei tota die; adversum me omnes cogitationes eorum in malum.

V. Proprio Filio suo non pepercit Deus. **R.** Sed pro nobis omnibus tradidit illum.

Sermo sancti Bernardi Abbatis.

Feria 4. Hebdomadae. S.

Serm. de Passione Domini.

Lectio iv.

IN passione dominica, fratres, tria specialiter con-

venit intueri: opus, modum, causam. Nam in opere quidem patientia, in modo humilitas, in causa caritas commendatur. Patientia autem singularis, quod videlicet: cum supra dorsum ejus fabricarent peccatores; cum sic extenderetur in ligno, ut dinumerarentur omnia ossa ejus; cum fortissimum illud propugnaculum, quod custodit Israel, undique foraretur; cum foderentur manus ejus et pedes, sicut agnus ad occisionem ductus sit, et tamquam ovis coram tondente non aperuit os suum. Non adversus Patrem murmurans, a quo missus fuerat; non adversus humanum genus, pro quo, quae non rapuit, exsolvebat; non denique vel contra populum ipsum peculiarem sibi, a quo pro tantis beneficiis tanta mala recipiebat.

R. Ego propter te Chanaanorum reges percussi, et dedi tibi sceptrum regale: * Et tu dedisti capiti meo spineam coronam, et percussisti arundine caput meum. **V.** Popule meus, quid feci tibi, aut in quo contristavi te? responde mihi. Et tu dedisti.

Lectio v.

MODUM ipsum, si diligenter attendas, non modo mitem, sed et humilem corde cognosces. Nempe in humilitate iudicium ejus subla-

tum est, cum nec ad tantas blasphemias, nec ad falsissimas, quæ sibi objiciebantur, crimina responderet. Vidimus, inquit, eum, et non erat ei adspectus, nec speciosum forma præ filiis hominum, sed opprobrium hominum et tamquam leprosum, novissimum virorum, plane virum dolorum a Deo percussum et humiliatum; ita ut nulla esset ei species, neque decor. O novissimum et altissimum! O humilem et sublimem! O opprobrium hominum et gloriam Angelorum! Nemo illo sublimior, neque humilior. Denique sputis illitus est, opprobriis saturatus est, morte turpissima condemnatus est, cum sceleratis deputatus est. Nihilque mereretur vel ista humilitas, quæ hunc habet modum, imo quæ tam est ultra modum? Sicut est patientia singularis, sic et humilitas admirabilis; utraque sine exemplo.

R. Ego duxi te per desertum quadraginta annis, et manna cibavi te: * Et tu me cecidisti alapis et flagellis. **V.** Pópule meus, quid feci tibi, aut in quo contristavi te? responde mihi. Et tu.

Lectio vj.

UTRAMQUE tamen magnifice causa ipsa commendat, nimirum caritas est. Propter nimiam enim caritatem suam, qua dilexit nos Deus, ut servum redimeret, nec

Pater Filio, nec sibi Filius ipse pepercit. Vere nimiam, quia et hæc mensuram excédit, modum superat, plane supereminens universis. Majorem, inquit, caritatem nemo habet, quam ut animam suam ponat quis pro amicis suis. Tu majorem habuisti Dómine, ponens eam etiam pro inimicis. Cum enim adhuc inimici essemus, per mortem tuam et tibi reconciliati sumus et Patri. Quænam ergo alia videbitur esse, vel fuisse, vel fore huic similis caritati? Vix pro justo quis moritur. Tu pro injustis passus es, moriens propter delicta nostra, qui venisti justificare gratis peccatores, servos facere fratres, captivos coheredes, exsules reges.

R. Ego exaltavi te magna virtute: * Et tu me suspendisti in patibulo crucis, * In qua expandi manus meas ad populum non credentem et contradicentem. **V.** Pópule meus, quid feci tibi, aut in quo contristavi te? responde mihi. Et tu. Glória Patri. In qua.

IN III. NOCTURNO

Ant. Filii hominum.

Psalmus 56.

MISERERE mei Deus, miserere mei: * quoniam in te confidit anima mea.

Et in umbra alarum tuarum sperabo, * donec trans-eat iniquitas.

Clamabo ad Deum altissi-

mum : * Deum qui benefecit mihi.

Misit de cælo, et liberavit me : * dedit in opprobrium conculcantes me.

Misit Deus misericordiam suam, et veritatem suam, * et eripuit animam meam de medio catulorum leonum : dormivi conturbatus.

Filii hominum dentes eorum arma et sagittæ : * et lingua eorum gladius acutus.

Exaltare super cælos Deus : * et in omnem terram glória tua.

Laqueum paraverunt pedibus meis : * et incurvaverunt animam meam.

Foderunt ante faciem meam foveam : * et incidérunt in eam.

Paratum cor meum Deus, paratum cor meum : * cantabo, et psalmum dicam.

Exsurge glória mea, exsurge psalterium et cithara : * exurgam diluculo.

Confitebor tibi in populis Domine : * et psalmum dicam tibi in gentibus :

Quoniam magnificata est usque ad cælos misericordia tua, * et usque ad nubes veritas tua.

Exaltare super cælos Deus : * et super omnem terram glória tua.

Ant. Filii hominum dentes eorum arma et sagittæ, et lingua eorum gladius acutus.

Ant. Intendérunt arcum.

Psalmus 63.

EXÁUDI Deus orationem meam cum deprecor : * a timóre inimici eripe animam meam.

Protexisti me a convéntu malignántium : * a multitudine operántium iniquitatem.

Quia exacuérunt ut gladium linguas suas : * intendérunt arcum rem amáram, ut sagittent in occúltis immaculatum.

Súbito sagittábunt eum, et non timébunt : * firmavérunt sibi sermónem nequam.

Narravérunt ut absconderent láqueos : * dixerunt : Quis videbit eos?

Scrutati sunt iniquitates : * defecerunt scrutantes scrutiny.

Accedet homo ad cor altum : * et exaltabitur Deus.

Sagittæ parvulorum factæ sunt plagæ eorum : * et infirmatæ sunt contra eos linguæ eorum.

Conturbati sunt omnes qui videbant eos : * et timuit omnis homo.

Et annuntiavérunt ópera Dei : * et facta ejus intellexerunt.

Lætabitur justus in Domino, et sperabit in eo : * et laudabúntur omnes recti corde.

Ant. Intendérunt arcum rem amáram, ut sagittent in occúltis immaculatum.

Ant. Factus sum.

Psalmus 87.

DÓMINE Deus salutis meae : *
in die clamávi, et nocte
coram te.

Intret in conspéctu tuo
orátio mea : * inclína áurem
tuam ad precem meam :

Quia repléta est malis áni-
ma mea : * et vita mea infér-
no appropinquávit.

Æstimátus sum cum de-
scendéntibus in lacum : *
factus sum sicut homo sine
adjutório, inter mórtuos li-
ber.

Sicut vulneráti dormién-
tes in sepúlcris, quorum non
es memor ámplius : * et ipsi
de manu tua repúlsi sunt.

Posuérunt me in lacu in-
ferióri : * in tenebrósis, et
in umbra mortis.

Super me confirmátus est
furor tuus : * et omnes flu-
ctus tuos induxisti super me.

Longe fecisti notos meos
a me : * posuérunt me ab-
ominatióem sibi.

Tráditus sum, et non egre-
diébar : * óculi mei langué-
runt præ inópia.

Clamávi ad te Dómine tota
die : * expándi ad te manus
meas.

Numquid mórtuis fácies
mirabilia : * aut médici sus-
citábunt, et confitebúntur
tibi?

Numquid narrábit áliquis
in sepúlcro misericórdiam
tuam, * et veritátem tuam
in perditióné?

Numquid cognoscéntur in
ténébris mirabilia tua : * et

justítia tua in terra oblivió-
nis?

Et ego ad te Dómine cla-
mávi : * et mane orátio mea
præveniet te.

Ut quid Dómine repéllis
oratióem meam : * avértis
fáciem tuam a me?

Páuper sum ego, et in la-
bóribus a juventúte mea : *
exaltátus áutem, humiliátus
sum et conturbátus.

In me transiérunt iræ
tuæ : * et terróres tui con-
turbavérunt me.

Circumdedérunt me sicut
aqua tota die : * circumde-
dérunt me simul.

Elongásti a me amicum,
et próximum : * et notos
meos a miséria.

Ant. Factus sum sicut ho-
mo sine adjutório, inter
mórtuos liber.

V. Factus est obédiens us-
que ad mortem. **R.** Mortem
áutem crucis.

Léctio sancti Evangélii se-
cúndum Joánnem.

Lectio vij. Cap. 19. f

In illo témpore : Sciens Je-
sus, quia ómnia consum-
máta sunt, ut consumma-
rétur Scriptúra, dixit : Sítio.
Et réliqua.

Homília sancti Cyrílli Epí-
scopi Alexandríni.

Comment. in Joann. Lib. 12.
cap. 35.

CUM truculénter ómnia im-
pietáte Judæórum essent
perácta, nec quidquam ad
summam crudelitátem deés-
set, tandem sanctíssima caro

Christi naturále quid páti-
tur. Multis enim, ac váriis
dolóribus exsiccáta, siti tor-
quétur. Multum enim pos-
sunt dolóres ad commovén-
dam sitim; innátum enim
calórem exagitántes, vel,
quod in profunditáte húmi-
dum est, consúmunt et igneis
ardóribus doléntis viscera
urunt. Sicut igitur cæteras
passiões, sic hanc étiam
sponte Christus. perpéssus
est. Bibere igitur petit : illi
áutem ádeo longe ab omni
humanitáte áberant, ut pro
juvánte potu atque jucúndo
nocéntem et acérbum attú-
lerint, et humanitátem, qua
movéri videbántur, in im-
pietátem convérterint. Nam
cum peténti dabant, caritátis
hábitum suscipere videbán-
tur; sed non est possibile
mentíri Scriptúram, in qua
ex persóna Christi dicitur :
Et dedérunt in escam meam
fel, et in siti mea potavérunt
me acéto.

℟. Ego te potávi aqua sa-
lútis de petra : * Et tu me
potásti felle et acéto. V. Pó-
pule meus, quid feci tibi,
aut in quo contristávi te?
respónde mihi. Et tu me.

Lectio viij. Idem cap. 36.

CUM ergo accepisset Jesus
acétum, dixit : Consum-
mátum est : et inclináto cá-
pite trádidit spíritum. Con-
summátum jam esse Sal-
vátor dicit, quia sæviéndo
Judæórum potéstas in ipsum
per mortem suam términum

hábuít. Quid enim non exco-
gitáruñt, aut quid suprémae
inhumanitátis relictum sibi
est? Quis cædéndi, quis con-
tumeliándi modus non adhi-
bitus? Mérito igitur consum-
mátum esse, ait. Cumque
tempus jam esset, ut étiam
spiritibus apud inferos præ-
dicáret (venit enim, ut tam
vivórum quam mortuórum
dominarétur), mortem pro
nobis suscepit : et hanc na-
túræ nostræ própriam pas-
sióne sponte súbiit secún-
dum carnem, quamvis, ut
Deus vita naturáliter sit,
ut spoliátis inferis, primitiæ
dormiéntium, et primogé-
nitus (ut Scriptúráe dicunt)
mortuórum factus, recúr-
sum ad vitam naturæ nostræ
largirétur.

℟. Ego ante te apérui ma-
re : * Et tu aperuísti láncea
latus Salvatóri tuo, * Qui red-
émit mundum in ságuine
suo. V. Pópule meus, quid
feci tibi, aut in quo contri-
stávi te? respónde mihi. Et.
Glória Patri. Qui.

Lectio ix.

INCLINÁVIT igitur caput.
Accidit enim moriéntibus,
vigóre carnis jam consum-
pto et ánima, quæ corpus
rétiñet, abeúnte, inclinátio
cápitís. Quamóbrem verbis
hoc modo usus Evangelísta
est. Sic et tradidisse spíri-
tum, a consuetúdiñe nostra
sibi dictum est; multi enim
sic exstingui, et mori dicún-
tur. Quamvis mihi videátur

ideo non simpliciter mortuum esse, sed tradidisse spiritum Evangelista dixisse; quia in manus Dei Patris animam suam commendavit, ut ipse dixit: Pater! in manus tuas commendo spiritum meum. Quod nobis magnæ spei fundamentum, atque originem præbet.

Te Deum laudamus. 16.

AD LAUDES

ET PER HORAS

Ant. 1. Fui flagellatus * tota die, et castigatio mea in matutinis.

Ps. Dominus regnavit. **cum reliq.** 17.

2. Veni ad montem myrrhæ * et ad collem thuris; tamquam agnus ad occisionem ductus, obmutui, et non aperui os meum.

3. Foderunt manus meas * et pedes meos: dinumeraverunt omnia ossa mea.

4. Consolantem me * quasi, et non inveni: dederunt in escam meam fel, et in siti mea potaverunt me aceto.

5. Cum accepisset Jesus * acetum, dixit: Consummatum est; et inclinato capite, emisit spiritum.

Capitulum. Philipp. 2.

FRATRES: Hoc enim sentite in vobis, quod et in Christo Jesu: qui cum in forma Dei esset, non rapinam arbitratus est esse se æqualem Deo: sed semetipsum exinanivit, formam servi accipiens, in similitudinem hó-

minum factus, et habitu inventus ut homo. Humiliavit semetipsum, factus obediens usque ad mortem, mortem autem crucis.

Hymnus.

Sævo dolórum túrbine
Jactátur, atris óbrutus
Pœnis, acérba sústinens
Redémptor affixus cruci.

Pedes manúsque horribili
Clavi cruéntant vúlnerē:
Cor, vultus, artus, pēctora
Sacro redúndant sáanguine.

Flet, orat, et clamans obit:
Cor Matris ictum cóncidit:
Heu Mater! heu Fili! dolor
Ingráta frangat pēctora.

Montes, sepúlcrā, sáxa-
que
Scindúntur: arva, flúmina,
Rupes, et æquor cóntre-
munt,

Templique velum scinditur.

Sol, luna, cælum, sídera
Plangunt, et orbis íngemit:
O vos viri, vos párvuli,
Nuptæ, puéllæ, plángite.

Adstáte mœréntes cruci,
Pedes beátos úngite,
Laváte fletu, térgite
Comis, et ore lámbite.

Tu caritátis víctima,
Ut nostra tollas crímina,
Nobis salúbri pérficis
Adoptiónem sáanguine.

Nostra ergo pax et gáudium

Sis vita, Jesu, et præmium;
Sis ductor et lux in via,
Merces, coróna in pátria.

Amen.

¶ Ipse vulnerátus est propter iniquitátes nostras. **R.**

Et attritus est propter scé-
lera nostra.

Ad Bened. Ant. Ad Jesum
áutem * cum venissent, ut
vidérunt eum jam mórtuum,
non fregérunt ejus crura;
sed unus militum láncea la-
tus ejus aperuit, et continuo
exívit sanguis et aqua.

Oratio.

DÓMINE Jesu Christe, qui
de cælis ad terram de
sinu Patris descendisti, et
sánguinem tuum pretiósum
in remissionem peccatórum
nostrórum fudisti : te humi-
liter deprecámur; ut in die
judicii, ad dexteram tuam
audire mereámur : Venite
benedícti : Qui vivis et re-
gnas.

AD PRIMAM

In R. br. V. Qui pro nobis
pati dignátus es.

AD TERTIAM

Ant. Veni ad montem myr-
rhæ.

Capitulum. Philipp. 2.

FRATRES : Hoc enim sentite
in vobis, quod et in Chri-
sto Jesu : qui cum in forma
Dei esset, non rapinam ar-
bitrátus est esse se æquálem
Deo : sed semetípsum exi-
nanívit, formam servi acci-
piens, in similitúdinem hó-
minum factus, et hábitu in-
véntus ut homo. Humiliávit
semetípsum, factus obédiens
usque ad mortem, mortem
áutem crucis.

R. br. Oblátus est, * Quia
ipse voluit. Oblátus est. **V.**
Et livóre ejus sanáti sumus.

Quia. Glória Patri. Oblátus
est.

V. Próprio Filio suo non
pepércit Deus. **R.** Sed pro no-
bis ómnibus trádedit illum.

AD SEXTAM

Ant. Fodérunt manus meas.

Capitulum. Zach. 13.

QUID sunt plagæ istæ in
medio mánuum tuárum?
Et dicet : His plagátus sum
in domo eórum qui diligé-
bant me.

R. br. Próprio Filio suo *
Non pepércit Deus. Próprio.
V. Sed pro nobis ómnibus
trádedit illum. Non. Glória
Patri. Próprio.

V. Factus est obédiens us-
que ad mortem. **R.** Mortem
áutem crucis.

AD NONAM

Ant. Cum accepisset Jesus.

Capitulum. Is. 53.

GENERATIONEM ejus quis
enarrábit? Quia abscis-
sus est de terra vivéntium :
propter scelus pópuli mei
percússi eum.

R. br. Factus est obédiens*
Usque ad mortem. Factus.
V. Mortem áutem crucis.
Usque. Glória Patri. Factus.

V. Ipse vulnerátus est pro-
pter iniquitátes nostras. **R.**
Et attritus est propter scé-
lera nostra.

IN II. VESPERIS

**Omnia ut in I. Vesp., præ-
ter seq.**

V. Ipse vulnerátus est pro-
pter iniquitátes nostras. **R.**
Et attritus est propter scé-
lera nostra.

Ad Magnif. Ant. Depónens Joseph* corpus Jesu, invól-
vit síndone, et pósuit eum
in monuménto exciso. Fuit
planctus magnus in illa
die; mulieres autem sedén-
tes contra sepúlcrum dolé-
bant, sicut doléri solet in
morte primogéniti.

PRO SABBATO**OFFICIUM VOTIVUM****DE IMMAC. CONCEPT. B. M. V.****Semiduplex.****IN I. VESPERIS**

Ant. 1. Tota pulchra* es
María, et mácula originális
non est in te.

Pss. ut in Festis B. M. V.
per annum. 145*.

2. Vestiméntum tuum*
cándidum quasi nix, et fácies
tua sicut sol.

3. Tu glória Jerúsalem,*
tu lætitia Israël, tu honori-
ficéntia pópuli nostri.

4. Benedícta es tu,* Virgo
María, a Dómino Deo excélso
præ ómnibus muliéribus su-
per terram.

5. Trahe nos* Virgo im-
maculáta, post te currémus
in odórem unguentórum tuó-
rum.

Capitulum. Prov. 8.

DÓMINUS possédit me in
inítio viárum suárum,
ántequam quidquam fáceret
a princípío. Ab ætérno ordi-
náta sum, et ex antiquis,
ántequam terra fieret. Non-
dum erant abyssi, et ego jam
concépta eram.

Hymnus.

AVE maris stella,
Dei Mater alma,
Atque semper Virgo,
Felix cæli porta.

Sumens illud Ave
Gabriélis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces,
Qui pro nobis natus,
Tulit esse tuus.

Virgo singuláris,
Inter omnes mitis,
Nos culpís solútos,
Mites fac et castos.

Vitam præsta puram,
Iter para tutum,
Ut vidéntes Jesum,
Semper collætémur.

Sit laus Deo Patri,
Summo Christo decus,
Spirítui sancto,
Tribus honor unus. Amen.

V. Immaculáta Concéptio
tua, Dei Génitrix Virgo. **R.**
Gáudium annuntiávit uni-
vérso mundo.

Ad Magnif. Ant. Beátam
me dicent* omnes genera-
tiónes, quia fecit mihi ma-
gna, qui potens est, alle-
lúia.

Oratio.

DEUS, qui per Immacu-
látam Virginis Conce-
ptiónem dignum Filio tuo
habitáculum præparásti :
quæsumus; ut, qui ex morte

ejusdem Filii tui prævísam ab omni labe præservásti, nos quoque mundos ejus intercessióne ad te pervenire concédas. Per eúmdem Dóminum.

Ad Complet. et alias Horas, in fine omnium Hymnorum dicitur :

Jesu tibi sit glória,
Qui natus es de Virgine.

AD MATUTINUM

Invit. Immaculátam Conceptionem Virginis Mariæ celebrémus : * Christum ejus Filium adorémus Dóminum.

Ps. Veníte, exultémus. 2.

Hymnus.

PRÆCLÁRA custos virginum,

Intácta mater Núminis,
Cæléstis áulæ jánuas,
Spes nostra, cæli gáudium.

Inter rubéta lilium,
Colúmba formosíssima,
Virga e radice gérminans*
Nostro medélam vúlneri.

Turris draconí impérvia,
Amíca stella náufragis,
Tuére nos a fráudibus,
Tuáque luce dirige.

Erróris umbras discute,
Syrtes dolósas ámove,
Fluctus tot inter, déviis
Tutam reclúde sémitam.

Jesu tibi sit glória,
Qui natus es de Virgine,
Cum Patre, et almo Spíritu,
In sempitérna sæcula.

Amen.

IN I. NOCTURNO

Ant. Admirábile est * nomen tuum Dómine in universa terra, quia in Virgine

Maria dignum tibi habitáculum præparásti.

Pss. trium Noct. ut in Fest. B. M. V. per annum. 148*.

Ant. In sole pósuit * Deus tabernáculum suum.

Ant. In Conceptione sua * accépit María benedictionem a Dómino, et misericórdiam a Deo salutári suo.

Ÿ. Deus omnipotens præcínxit me virtúte. **Ŕ.** Et pósuit immaculátam viam meam.

Lect. de Script. occur.

Ŕ. j. Per unum hóminem peccátum in hunc mundum intrávit, in quo omnes peccavérunt. * Ne timeas María, invenisti grátiam apud Deum. **Ÿ.** Eripuit Dóminus ánimam tuam de morte, et contra inimicum factus est protéctor tuus. Ne timeas.

Ŕ. ij. Transíte ad me omnes, qui concupiscitis me: * Et narrábo vobis, quanta fecit Deus ánimæ meæ. **Ÿ.** Vivit Dóminus, quóniam adimplévit in me misericórdiam suam. Et.

Ŕ. iiij. Elécta mea cándida sicut nix in Líbano; sicut favus distillans lábia ejus: * Mel et lac sub lingua illius. **Ÿ.** Veni de Líbano sponsa mea, veni, coronáberis coróna gratiárum. Mel. Glória Patri. Mel.

IN II. NOCTURNO

Ant. Diffúsa est * grátia in Conceptione ejus, et speciósa apparuit inter filias hóminum.

Ant. Adjúvit eam * Deus mane dilúculo; sanctificávit tabernáculum suum Altíssimus.

Ant. Gloriósa * dicta sunt de te civitas Dei: fundávit te Dóminus in móntibus sanctis.

V. In hoc cognóvi, quóniam voluisti me. *R.* Quóniam non gaudébit inimicus meus super me.

Ex Bulla dogmática Pii Papæ noni.

Lectio iv.

OMNES norunt, quanto stúdio hæc de Immaculáta Deiparæ Virginis Conceptione doctrina a spectatíssimis religiósissimis familiis, et celebrióribus theológicis académíis, ac præstantíssimis divínarum rerum sciéntia doctóribus fúerit trádicta, assérta ac propugnáta. Omnes páriter norunt, quantópere solliciti fúerint sacrórum antistites vel in ipsis ecclesiásticis convéntibus palam publicéque profitéri, sanctíssimam Dei Genitricem Virginem Mariam ob prævisa Christi Dómini Redemptóris mérita numquam origináli subjacuisse peccáto, sed præservátam omnino fuisse ab originis labe, et idcirco sublimióri modo redemptam. Quibus illud profecto gravíssimum et omnino máximum accédit, ipsam quoque Tridentínam sýnodum, cum dogmáticum de peccáto origináli éderet decretum, quo

juxta sacrárum Scripturárum sanctorúmque Patrum ac probatíssimórum conciliórum testimónia státuit ac definívit: Omnes hómines nasci origináli culpa inféctos; tamen solémniter declarásse: Non esse suæ intentionis, in decreto ipso tantáque definitiónis amplitúdine comprehendere beatam et Immaculátam Virginem Dei Genitricem Mariam. Hac enim declaratióne Tridentini Patres, ipsam beatíssimam Virginem ab origináli labe solútam, pro rerum temporúmque adjúctis, satis innuérunt, atque ádeo perspicue significárun, nihil ex divínis litteris, nihil ex traditióne, Patrúmque auctoritaté rite afférri posse, quod tantæ Virginis prærogatívæ quovis modo refragétur.

R. Ego ex ore Altissimi prodivi, primogénita ante omnem creatúram: ego feci in cælis, ut orirétur lumen indeficiens. * Nondum erant abyssi, et ego jam concépta eram. *V.* Deus enim creávit me in justitia, et apprehéndit manum meam, et servávit me. Nondum.

Lectio v.

ET re quidem vera hanc de Immaculáta beatíssimæ Virginis Conceptione doctrinam quotidie magis gravíssimo Ecclésiæ sensu, magistério, stúdio, sciéntia ac sapiéntia tam spléndide explicátam, declarátam, con-

firmatam et apud omnes cathólici orbis pópulos ac nationes mirándum in modum propagátam, in ipsa Ecclesiá semper exstitisse véluti a majóribus accéptam, ac revelátæ doctrinæ caractére insignitam, illústria venerándæ antiquitátis Ecclesiæ orientális et occidentális monuménta validissime testántur. Equidem Patres Ecclesiæque scriptóres, cælestibus edócti elóquiis, nihil antiquius habuére, quam in libris ad explicándas Scriptúras, vindicándá dógmata, erudiendósque fidéles elucubrátis, summam Virgínis sanctitátem, dignitátem atque ab omni peccáti labe integritátem, ejúsque præcláram de tetérriimo humáni géneris hoste victóriam multis mirisque modis certátim prædicáre atque efférre.

R. Nihil inquinátum in eam incúrrit : * Candor est lucis æternæ et spéculum sine mácula. **V.** Est enim hæc speciósior sole, et luci comparáta invenitur púrior. Candor.

Lectio vj.

QUAPRÓPTER enarrántes verba, quibus Deus præparáta renovándis mortálibus suæ pietátis remédia inter ipsa mundi primórdia prænúntians, et deceptóris serpéntis retúdit audáciám et nostri géneris spem mirífice eréxit inquiens : Inimicitias ponam inter te et mu-

lièrem, et semen tuum et semen illius, docuére : Divíno hoc oráculo clare apertéque demonstrátum fuisse misericórdem humáni géneris Redemptórem, scilicet unigénitum Dei Filium, Christum Jesum, ac designátam beatíssimam ejus Matrem Virgínem Mariám, ac simul ipsíssimas utriúsque contra diábolum inimicitias insígniter expréssas. Quocírca sicut Christus Dei hominúmque mediátor, humána assúpta natúra, delens quod advérsus nos erat chirógraphum decreti, illud cruci triumphátor affixit, sic sanctíssima Virgo, arctíssimo et indissolúbili vínculo cum eo conjúcta, una cum illo et per illum, sempitérnas contra venenósum serpéntem inimicitias exércens ac de ipso pleníssime triumphans, illius caput immaculáto pede contrívit.

R. Signum magnum appáruit in cælo : Múlier amícta sole, et luna sub pédibus ejus : * Et in cápíte ejus coróna stellárum duódecim. **V.** Induit eam Dóminus vestiméntis salútis, induménto justitiæ, et quasi sponsam ornávit eam monílibus suis. Et. Glória Patri. Et.

IN III. NOCTURNO

Ant. Sanctimónia et magnificéntia * in Conceptione ejus; annuntiáte in ómnibus pópulis glóriam ejus.

Ant. Lætámini omnes * in

Dómino, et confitémini memóriæ sanctitátis ejus.

Ant. Notum fecit * Dóminus opus suum : in conspéctu géntium revelávit glóriam Genitricis suæ.

Y. Exaltábo te Dómine, quóniam suscepisti me. **R.** Nec delectásti inimicos meos super me.

Lectio sancti Evangélii secúndum Lucam.

Lectio vij. Cap. 1. c

IN illo témpore : Missus est Angelus Gábriel a Deo in civitátem Galilææ, cui nomen Náza-reth, ad Virginem desponsátam viro, cui nomen erat Joseph, de domo David, et nomen Virginis María. Et réliqua.

Homilia sancti Sophrónii Episcopi.

Hom. in Deiparæ Annuntiat.

VERE benedicta tu in muliéribus, quóniam Hevæ maledictiónem in benedictiónem commutásti; quóniam Adam, qui prius jacébat exsecratióne percúsus, ut per te benedicerétur, effecisti. Vere benedicta tu in muliéribus, quóniam benedictio Patris per te affúlsit hominibus, eósque a véteri maledicto liberávit. Vere benedicta tu in muliéribus, quia per te progenitóres tui salútem invéniant; tu síquidem genítura es Servatórem, qui divínam ipsis salútem comparábit. Vere benedicta tu in muliéribus, quóniam sine sémine eum protulisti fru-

ctum, qui benedictiónem terrarum orbi elargitur, ipsúmque a maledictiónem spinas germinánte rédimit. Vere benedicta tu in muliéribus, quia mulier naturáli conditióne cum sis, Dei tamen Génitrix reipsa fies. Etenim si, qui ex te nascitúrus est, secúndum veritátem Deus est incarnátus, ipsa jure meritóque diceris Deipara, quippe quæ Deum verissime paris.

R. Hortus conclusus soror mea sponsa, hortus conclusus, fons signátus : * Emisiones tuæ paradísus, o María. **Y.** Aperi mihi, soror mea, amica mea, columba mea, immaculáta mea. Emisiones.

Bened. Cujus festum cólimus, ipsa Virgo vírginum.

Lectio viij.

NE timeas María, invenisti enim apud Deum grátiam perire nesciam; invenisti apud Deum grátiam præ quálibet exímiám; invenisti apud Deum grátiam ómnibus votis expeténdam; invenisti apud Deum grátiam ómnium gratiárum splendíssimam; invenisti apud Deum grátiam numquam elanguéntem; invenisti apud Deum grátiam, quæ te salvam præstet; invenisti apud Deum grátiam, quæ nullo impetu quatiátur; invenisti apud Deum grátiam plane invictam; invenisti apud Deum grátiam perénniter duratúram. Et álíi quidem, iique

plures ante te eximia sanctitáte floruerunt. Sed némini, quemádmódum tibi, plena grátia impertita est; nemo sicut tu, ad tantum magnificéntiæ est evéctus; nemo sicut tu, purificánte grátia præoccupátus est; nemo sicut tu, cælésti lúmine refulsit; nemo sicut tu, præ omni celsitúdi- ne exaltátus est.

R. Magnificat ánima mea Dóminum, * Quia fecit mihi magna qui potens est, et sanctum nomen ejus. **V.** Ecce enim ex hoc beátam me dicent omnes generatiónes. Quia. Glória Patri. Quia.

Lectio ix.

ET mérito quidem; nemo enim sicut tu, ad Deum tam prope accéssit; nemo sicut tu, Dei donis ditátus est; nemo sicut tu, Dei grátia párticeps fuit. Omnia vincis, quæcúmque inter hómines emíneant; ómnia súperas múnera, quæ effusa a Dei largitáte in quóslibet dimanáverint. Plus enim ómnibus inhabitántis Dei possessióne ditéscis. Nemo sic in se Deum complécti pótuit; nemo pótuit sic frui Dei præsentia; nemo dignus est hábitus, qui sic per Deum illuminarétur; ac propterea non modo Deum ómnium Conditórem ac Dóminum in te excepisti, sed eum habes ex te ineffabíliter incarnátum, atque in útero tuo ge-

státum, et post hæc gé- nitum, et univérsos hómines a patérna condemnatióne rediméntem, ac salútem, quæ nullum finem habitúra sit, ipsis elargiéntem. Et propterea tibi clamávi, atque iterum veheménter clamábo : Ave grátia plena, Dóminus tecum : benedicta tu in muliéribus.

Te Deum laudámus. 16.

AD LAUDES

ET PER HORAS

Ant. 1. Tota pulchra * es Maria, et mácula originális non est in te.

Ps. Dóminus regnávít. 17.

2. Vestiméntum tuum * cándidum quasi nix, et fácies tua sicut sol.

3. Tu glória Jerúsalem, * tu lætítia Israél, tu honorificéntia pópuli nostri.

4. Benedicta es tu, * Virgo Maria, a Dómino Deo excélso præ ómnibus muliéribus super terram.

5. Trahe nos * Virgo immaculáta, post te currémus in odórem unguentórum tuórum.

Capitulum. Prov. 8.

DÓMINUS possédit me in initio viárum suárum, ántequam quidquam fáceret a principio. Ab ætérno ordináta sum, et ex antiquis, ántequam terra fieret. Nondum erant abyssi, et ego jam concepta eram.

Hymnus.

O GLORIÓSA virginum, Sublímis inter sídera,

Qui te creávit, párvulum
Lacténte nutris úbere.

Quod Heva tristis ábstulit,
Tu reddis almo gérmine :
Intrent ut astra flébiles,
Cæli reclúdis cárdines.

Tu Regis alti jánuā,
Et áula lucis fúlgida :
Vitam datam per Vírginem
Gentes redémtæ pláudite.

Jesu tibi sit glória,
Qui natus es de Vírgine,
Cum Patre, et almo Spíritu
In sempitérnasæcula. Amen.

Ÿ. Immaculáta Concéptio
tua, Dei Génitrix Virgo. *R.*
Gáudium annuntiávit uni-
vérso mundo.

Ad Bened. Ant. Ait Dómi-
nus Deus * ad serpéntem :
Inimicitias ponam inter te et
mulierem, et semen tuum et
semen illius : ipsa cónteret
caput tuum, allelúia.

Oratio.

DEUS, qui per Immacu-
látam Virginis Conce-
ptiónem dignum Filio tuo
habitáculum præparásti :
quæsumus ; ut, qui ex morte
ejúsdem Filii tui prævisa
eam ab omni labe præser-
vásti, nos quoque mundos
ejus intercessióne ad te per-
venire concédas. Per eúm-
dem Dóminum.

AD PRIMAM

In *R.* brevi dicitur Ÿ. Qui
natus es de María Vírgine.

AD TERTIAM

Ant. Vestiméntum tuum.

Capitulum. Prov. 8.

DÓMINUS possédit me in
iníitio viárum suárum,

ántequam quidquam fáceret
a principio. Ab ætérno ordi-
náta sum, et ex antiquis,
ántequam terra fieret. Non-
dum erant abyssi, et ego jam
concépta eram.

R. br. Deus omnipotens
* Præcínxit me virtúte. Deus
omnipotens. Ÿ. Et pósuit
immaculátam viam meam.
Præcínxit me. Glória. Deus.

Ÿ. In hoc cognóvi, quó-
niam voluísti me. *R.* Quó-
niam non gaudébit inimicus
meus super me.

AD SEXTAM

Ant. Tu glória Jerúsalem.

Capitulum. Ezech. 44.

PORTA hæc cláusa erit, non
aperiétur, et vir non in-
trábit per eam, quóniam
Dóminus Deus Israël ingrés-
sus est per eam : eritque
cláusa principi. Princeps
ipse sedébit in ea.

R. br. In hoc cognóvi, *
Quóniam voluísti me. In hoc
cognóvi. Ÿ. Quóniam non
gaudébit inimicus meus su-
per me. Quóniam. Glória
Patri. In.

Ÿ. Exaltábo te Dómine,
quóniam suscepísti me. *R.*
Nec delectásti inimicos meos
super me.

AD NONAM

Ant. Trahe nos.

Capitulum. Apoc. 12.

SIGNUM magnum appáruit
in cælo : Múlier amícta
sole, et luna sub pédibus
ejus, et in cápite ejus coróna
stellárum duódecim.

R. br. Exaltábo te Dómine,
* Quóniam suscepisti me.
Exaltábo. **V.** Nec delectásti
inimícos meos super me.
Quóniam. Glória. Exaltábo.

V. Immaculáta Concéptio
tua, Dei Génitrix Virgo. **R.**
Gáudium annuntiávit uni-
vérso mundo.

IN II. VESPERIS

**Omnia ut in I. Vesp.,
præter :**

Ad Magnif. Ant. Sancta
Maria, * succúrre míseris,
juva pusillánimes, réfove
flébiles, ora pro pópulo,
intérveni pro clero, inter-
céde pro devóto femíneo
sexu : séntiant omnes tuum
juvámén, quicúmque céle-
brant tuam sanctam Imma-
culátam Conceptionem.

Oratio.

DEUS, qui per Immacu-
látam Virginis Conce-
ptionem dignum Filio tuo
habitáculum præparásti :
quæsumus ; ut, qui ex morte
ejúsdem Filii tui prævisa
eam ab omni labe præser-
vásti, nos quoque mundos
ejus intercessióne ad te per-
venire concédas. Per eúm-
dem Dóminum.

PRO FERIA III (ROMÆ)

OFFICIUM VOTIVUM

DE SS. APOST. PETRO ET PAULO

Semiduplex.

**Omnia de Comm. Apost.
2*, præter seq.**

IN UTRISQUE VESPERIS

V. Constitues eos princi-
pes super omnem terram. **R.**

Mémores erunt nóminis tui
Dómine.

Ad Magnif. Ant. Petrus
Apóstolus, * et Páulus Doctor
géntium, ipsi nos docuérunt
legem tuam Dómine.

Oratio.

DEUS, cujus dextera beá-
tum Petrum ambulátem
in flúctibus, ne mergerétur,
eréxit, et coapóstolum ejus
Páulum, tértio naufragán-
tem, de profúndo pélagi libe-
rávit : exáudi nos propítius,
et concéde ; ut ambórum
méritis æternitátis glóriam
consequámur : Qui vivis et
regnas.

IN I. NOCTURNO

Lect. de Script. occur.

IN II. NOCTURNO

De Sermóne sancti Leónis
Papæ.

**Ex Hom. 82. in Natal.
SS. Apost. Petri et Pauli.**

Lectio iv.

NERÓNIS furor per ómnium
Nvitiórum inflammátus ex-
cèssum, in hunc eum usque
torréntem suæ præcipitávit
insánia, ut primus nómini
christiáno atrocitátem gene-
rális persecutiónis inférret,
quasi per sanctórum Aposto-
lórum Petri et Páuli neces
grátia Dei posset exstingui ;
quibus hoc ipsum erat máxi-
mum lucrum, ut contéptus
vitæ hujus occidua, percé-
ptio fieret felicitátis æternæ.
Pretiósá est ergo in con-
spéctu Dómini mors sanctó-
rum ejus : nec ullo crudeli-
tátis genere déstrui potest

sacraménto crucis Christi fundáta religio. Non minúitur persecutió nibus Ecclésia, sed augétur : et semper Dominicus ager ségete ditíori vestitur, dum grana, quæ singula cadunt, multiplicáta nascúntur. Unde duo ista præclára divíni séminis gérmina in quantam sóbolem germinárint, beatórum millia Mártyrum protestántur, qui apostolicórum æmuli triumphórum, Urbem nostram purpurátis, et longe latéque rutilántibus pópulis ambiérunt, et quasi ex multárum honóre gemmárum consérto uno diadémate coronárunť.

℞. Vidi conjúctos viros, habéntes spléndidas vestes, et Angelus Dómini locútus est ad me, dicens : * Isti sunt viri sancti facti amici Dei. ✠. Vidi Angelum Dei fortem, volántem per médium cælum, voce magna clamántem et dicéntem. Isti.

Lectio v.

DE quorum præsidio, dilectissimi, divinitus nobis ad exéplum paciéntiæ et confirmatió nem fidei præparáto, universáliter quidem in ómnium Sanctórum commemoratió ne lætándum est : sed in horum excelléntia Patrum mérito est excelléntius gloriándum, quos grátia Dei in tantum ápicem inter ómnia Ecclésiæ membra provéxit, ut eos in córpore, cui caput est Christus, quasi

gémínium constitúeret lumen oculórum. De quorum méritis atque virtútibus, quæ omnem loquéndi súperant facultátem, nihil divérsum, nihil debémus sentire discrétum : quia illos et eléctio pares, et labor símiles, et finis fecit æquáles.

℞. Beáti estis, cum maledíxerint vobis hómines, et persecúti vos fúerint, et díxerint omne malum advérsus vos, mentiéntes, propter me : * Gaudéte et exsultáte, quóniam merces vestra copiósa est in cælis. ✠. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. Gaudéte et exsultáte.

Lectio vj.

SICUT áutem et nos expérti sumus, et nostri probavére majóres, crédimus atque confidimus, inter omnes labóres istius vitæ, ad obtinéndam misericórdiam Dei semper nos speciálium patronórum oratió nibus adjuvándos : ut quantum própriis peccátis deprimimur, tantum apostólicis méritis erigámur. Per Dóminum nostrum Jesum Christum, cui est cum Patre et sancto Spíritu éadem potéstas, una divínitas, in sæcula sæculórum. Amen.

℞. Isti sunt triumphatóres et amici Dei, qui contemnéntes jussa principum,

meruérunt præmia ætérna :
* Modo coronántur, et acci-
piunt palmam. *Ÿ.* Isti sunt
qui venérunt ex magna tri-
bulatióne, et lavérunt stolas
suas in ságuine Agni. Modo
coronántur. Glória Patri.
Modo coronántur.

IN III. NOCTURNO

Léctio sancti Evangélíi se-
cúndum Matthæum.

Lectio vij. Cap. 19. d

IN illo témpore : Dixit Pe-
trus ad Jesum : Ecce nos
reliquimus ómnia, et secúti
sumus te : quid ergo erit
nobis? Et réliqua.

Homilia sancti Ambrósii
Episcopi.

In Ps. 118. Serm. 8. post init.

ECCE nos ómnia dereliqui-
mus, et secúti sumus te.
Hoc est, non quæsívimus
quæ sæculi sunt, non quæ-
sívimus partem de posses-
sionibus, sed te elégimus
portionem. Reliquísti ergo
ómnia, Petre, quæ habébas;
unde habes quod habére te
dicis? Surgit cláudus, et
sono tui sermónis erígitur :
sanitátem áliis donas, qui
indigébas ipse tuæ salútis
auxílio. Reliquísti ergo quæ
habébas, et cepísti quæ non
habébas. Christus tibi pór-
tio, Christus tibi posséssio
est : illius nomen tibi muni-
ficum, illius nomen tibi est
fructuósum, illius nomen
tibi tribúta depéndit, et bona
tribúta, non pecúniæ, sed
grátia.

Ÿ. Isti sunt qui vivéntes

in carne, plantavérunt Ec-
clésiám ságuine suo : * Cá-
licem Dómini bibérunt, et
amici Dei facti sunt. *Ÿ.* In
omnem terram exívit sonus
eórum, et in fines orbis ter-
ræ verba eórum. Cálicem
Dómini.

Lectio viij.

QUICÚMQUE reliquerit pa-
trem, aut matrem, aut
domum, aut fratres, aut
soróres, céntuplum accípiet
in hoc sæculo, et vitam
ætérnam possidébit. Multos
quidem in hoc sæculo, qui
sua paupéribus donavérunt,
uberióre thesáuro locuple-
tátos fuisse cognóvimus. Est
pulchérissimus locus, ut étiam
ad misericórdiam provo-
céntur. Sed non debent a
Dóminó sæculárem hujús-
modi exigere mercédem, nec
speráre quæ mundi sunt;
sed magis, quia iis, qui ómnia
reliquerint, Deus pórtio est.
Ipse est útique merces per-
fécta virtútum, qui non cén-
tupli enumeratióne, sed per-
féctæ plenitúdinis æstima-
tióne censétur. Ego, inquit,
Deus tuus sum. Non dixit :
Ero, sed : Jam sum, jam
inhábito, jam possideo.

Ÿ. Isti sunt viri sancti,
quos elégit Dóminus in cari-
táte non ficta, et dedit illis
glóriam sempitérnam : * Quo-
rum doctrina fulget Ecclé-
sia, ut sole luna. *Ÿ.* Sancti
per fidem vicérunt regna :
operáti sunt justítiam. Quo-
rum. Glória Patri. Quorum.

Lectio ix.

HABES homo inter multa propósita, étiam hujusmodi portiônem. Propósuit tibi Dóminus in portiône possessionés, in portiône áurum, in portiône argéntum, in portiône honóres, in portiône nobilitátem; propósuit étiam in portiône seipsum. Habes igitur plúrimas portiônes; élige quam putas; non te númerus pertúrbet,

sed éxcitet grátia; non te labor avértat, sed fructus invitet.

Te Deum laudámus. 16.

AD LAUDES

¶ In omnem terram exivit sonus eórum. **R.** Et in fines orbis terræ verba eórum.

Ad Bened. Ant. Gloriósi príncipes terræ, * quómodo in vita sua dilexérunt se, ita et in morte non sunt separáti.





SUPPLEMENTUM

PRO ALIQUIBUS LOCIS

FESTA SEPTEMBRIS

DOM. POST OCT. ASSUMPT.
PURISSIMI CORDIS B. M. V.

Duplex majus.

IN I. VESPERIS

Ant. de Laud. 281*. Pss. ut
in Festis B. M. V. 145*.

Capitulum. Cant. 8. b

PONE me ut signá-
culum super cor
tuum, ut signá-
culum super brá-
chium tuum: quia
fortis est ut mors diléctio,
dura sicut inférnus æmulá-
tio. Lámpades ejus, lámpa-
des ignis atque flammárum.

Hymn. Ave maris. 147*.

V. Exsulta in omni corde
filia Jerúsalem. R. Rex Israél
Dóminus in médio tui.

Ad Magnif. Ant. Exsultá-
vit cor meum in Dómino, et
exaltátum est cornu meum
in Deo meo, quia lætáta sum
in salutári tuo.

Oratio ut ad Laud. 281*.

Et fit Commem. Dom.
occur.

AD MATUTINUM

Invit. Ave María, grátia
plena: * Dóminus tecum.

Ps. Veníte, exsultémus. 2.

Hymn. Quem terra. 147*.

IN I. NOCTURNO

Ant. Benedicta tu inter
mulieres, et benedictus fru-
ctus ventris tui.

Pss. trium Noct. ut in Fe-
stis B. M. V. 148*.

Ant. Et ait Maria: Magni-
ficat ánima mea Dóminum,
et exsultávit spíritus meus
in Deo salutári meo.

Ant. Quia respéxit humi-
litétem ancillæ suæ: ecce
enim ex hoc beátam me
dicent omnes generatiónes.

V. Anima mea liquefacta
est. R. Ut locútus est di-
léctus.

De Cánticis canticórum.

Lectio j. Cap. 4.

QUAM pulchra es amica
mea, quam pulchra es!
Oculi tui columbárum, abs-
que eo quod intrínsecus la-
tet. Sicut vitta coccínea,

lábia tua, et elóquium tuum dulce. Sicut fragmen mali púnici, ita genæ tuæ, absque eo quod intrínsecus latet. Sicut turris David collum tuum, quæ ædificáta est cum propugnáculis : mille clýpei pendent ex ea, omnis armatúra fórtium. Vulnerásti cor meum, soror mea sponsa, vulnerásti cor meum in uno oculórum tuórum, et in uno crine colli tui. Favus distillans lábia tua sponsa, mel et lac sub lingua tua. Hortus conclusus, fons signátus.

R. Deduc me Dómine in via tua, et ingrédiar in veritáte tua : lætétur cor meum, * Ut timeat nomen tuum. **V.** Pone me ut signáculum super cor tuum, ut signáculum super bráchium tuum. Ut.

Lectio ij. Cap. 5.

VENI in hortum meum soror mea sponsa, méssui myrrham meam cum aromátibus meis : comédi favum cum melle meo. Vox dilécti mei pulsántis : Aperi mihi soror mea, amica mea, colúmba mea, immaculáta mea : quia caput meum plenum est rore, et cincínni mei guttis nóctium. Surréxi, ut aperírem dilécto meo : manus meæ stillavérunt myrrham, et digiti mei pleni myrrha probatissima. Apéruí dilécto meo : at ille declináverat, atque transierat. Anima mea liquefacta est, ut locútus est.

R. In Dómino gaudébo,

et exsultábo in Deo Jesu meo : Deus Dóminus fortitúdo mea, * Super excélsa dedúcet me. **V.** Læva ejus sub cápite meo, et dextera illius amplexábitur me. Super excélsa.

Lectio iij. Cap. 5. et 6.

QUALIS est diléctus tuus ex dilécto, o pulchérissima mulierum? qualis est diléctus tuus ex dilécto, quia sic adjurásti nos? Diléctus meus cándidus et rubicúndus, eléctus ex millibus, totus desiderábilis. Talis est diléctus meus, et ipse est amicus meus, filíæ Jerúsalem. Quo ábiit diléctus tuus, o pulchérissima mulierum? quo declinávit diléctus tuus, et quærémus eum tecum? Pulchra es amíca mea, suávis, et decóra sicut Jerúsalem : terribilis ut castrórum ácies ordináta. Una est colúmba mea, perfécta mea, una est matris suæ, elécta genitríci suæ. Vidérunt eam filíæ, et beatissimam prædicavérunt : reginæ laudavérunt eam.

R. Invéni grátiam apud óculos tuos Dómine mi, * Qui consolátus es me, et locútus es ad cor ancillæ tuæ. **V.** In toto corde meo exquisivi te : ne repéllas me a mandátis tuis. Qui consolátus. Glória Patri. Qui consolátus.

IN II. NOCTURNO

Ant. Beáta quæ credidisti, quóniam perficiéntur ea quæ dicta sunt tibi a Dómino.

Ant. Fecit mihi magna qui potens est, et sanctum nomen ejus.

Ant. Fecit poténtiam in bráchio suo : dispérsit supérbos mente cordis sui.

Ÿ. Fortis est ut mors dilectio. R. Dura sicut inférnus æmulatio.

Sermo sancti Bernardini Senénsis.

Ex Serm. 9. de Visitatione.

Lectio iv.

QUIS mortálium, nisi divino fretus oráculo, de vera Dei et hóminis Genitrice quidquam módicum, sive grande, præsúmat polútis lábiis nomináre, quam Pater ante sácula Deus perpétuam prædestinávit in Virginem digníssimam : Fílius elégit in Matrem : Spíritus sanctus omnis grátiae domicílium præparávit? Quibus verbis ego homúnculus sensus altíssimos virgínei cordis, sanctíssimo ore prolátos, éfferam, quibus non súfficit lingua ómnium hóminum et étiam Angelórum? Dóminus enim ait : Bonus homo de bono thesáuro cordis sui profert bona. Quis áutem inter puros hómines mélior homo potest excogitári, quam illa, quæ méruiť éffici Mater Dei, quæ in corde et in útero suo ipsum Deum hospitáta est? Quis thesáurus mélior, quam ipse divínus amor, quo cor Virgínis ardens erat?

R. Ego diligétes me dili-

go, et qui mane vígilant ad me, invénient me. Mecum sunt divítiae et glória : * Opes supérbae et justitia. Ÿ. Ut ditem diligétes me, et thesáuros eórum répleam. Opes supérbae.

Lectio v.

DE hoc igitur corde quasi fornáce divíni ardóris Virgo beáta prótulit verba bona, id est verba ardentíssimæ caritátis. Sicut enim a vase óptimo vino pleno, non potest exíre nisi óptimum vinum, aut sicut a fornáce summi ardóris non egréditur nisi incéndium fervens : sic de corde Matris Christi exíre non pótuit verbum, nisi summi summéque divíni amoris atque ardóris. Septem verba tantum miræ senténtiae et virtútis a Christi benedictíssima Matre legúntur dicta. Cum Angelo bis tantum locúta est. Cum Elisabeth bis étiam. Cum Fílio étiam bis. Cum ministris in núptiis semel. Hæc septem verba, secúndum septem amoris actus, sub miro gradu et órdine proláta, quasi sunt septem flammæ cordis ejus.

R. Ego mater pulchræ dilectionis, et timóris, et agnitiónis, et sanctæ spei : in me grátia omnis viæ et veritátis :

* In me omnis spes vitæ et virtútis. Ÿ. Transite ad me omnes qui concupiscitis me, et a generatiónibus meis implemini. In.

Lectio vj.

QUÆ verba considerans mens devóta, cum ipso prophéta ait : Quam dúlcia fáucibus meis, id est ómnibus affectiónibus, elóquia tua! Porro dulcédo hæc, quam in verbis beátæ Virgini devóta mens sentit, est ardor piæ devotiónis, quam in eis ánima experimentáliter probat. Distinguámus igitur per órđinem has septem flammam amóris, verbórum Virginis benedictæ. Prima est flamma amóris separántis. Secúnda amóris transformántis. Tértia amóris comunicántis. Quarta amóris jubilántis. Quinta amóris saporántis. Sexta amóris compatiéntis. Séptima amóris consummántis.

R. Beátus homo qui áudit me, et qui vigilat ad fores meas quotidie, et observat ad postes óstii mei. * Qui me invénerit, invéniet vitam, et háuriet salútem a Dómino. **V.** Qui áutem in me peccáverit, lædet ánimam suam : omnes qui me odérunt, diligunt mortem. Qui me. Glória Patri. Qui me.

IN III. NOCTURNO

Ant. Unde hoc mihi, ut véniat Mater Dómini mei ad me?

Ant. Misericórdia ejus a progénie in progénies timéntibus eum.

Ant. Suscépit Israël púerum suum, recordátus misericórdiæ suæ.

V. Ego dilécto meo. **R.** Et ad me convérsio ejus.

Léctio sancti Evangélii secúndum Lucam.

Lectio vij. Cap. 2. g

IN illo témpore : Dixit Mater Jesu ad illum : Fili, quid fecisti nobis sic? Ecce pater tuus et ego doléntes quærebámus te. Et réliqua.

De Homilia venerábilis Bedæ Presbýteri.

In Homilia Hiem. de Temp., Dom. I. post Epiph.

MATER ejus, inquit Evangelista, conservábat ómnia verba hæc in corde suo. Omnia quæ de Dómino vel a Dómino dicta sive acta cognóverat Mater Virgo, diligentius in corde retinébat, sollicitè cuncta memóriæ commendábat, ut cum demum tempus prædicandæ, sive scribendæ Incarnatiónis ejus adveniret, sufficiénter univérsa, prout essent gesta, posset explicáre quærentibus. Imitémur et nos, fratres mei, piam Dómini Matrem, ipsi quoque ómnia verba et facta Dómini ac Salvatóris nostri fixa in corde conservádo.

R. Aquæ multæ non potuerunt exstinguere caritatem : * Neque flúmina óbruent eam. **V.** Si déderit homo omnem substántiam domus suæ pro dilectiône, quasi nihil despiciet eam. Neque.

Lectio viij.

HORUM Dómini verbórum et actórum meditatióne

diurna et nocturna importunos inanium nocentiumque cogitationum repellamus incursus: horum crebra collatione et nos et proximos nostros a fabulis supervacuis et male dulcoratis distractionum colloquiis castigare, atque ad divinae frequentiam laudis accendere curemus. ¶ Si enim, fratres carissimi, in futuri beatitudine saeculi habitare in domo Domini, ac perpetuo illum laudare desideramus, oportet nimirum et in hoc saeculo, quod in futuro quaeramus, sollicitè praemonstramus: frequentando videlicet Ecclesiae limina, et non solum in ea laudes Domini canendo, sed et in omni loco dominationis ejus ea, quae ad laudem gloriamque Conditoris nostri proficiant, verbis pariter ac factis ostendendo.

℟. Spiritus meus super mel dulcis, et hereditas mea super mel et favum. Qui audit me, non confundetur: * Et qui operantur in me, non peccabunt. ℣. Qui elucident me, vitam aeternam habebunt. Et qui. Glória Patri. Et qui.

Lect. ix. de Homil. Dom. occur.; sed si extra Dom. agi de hoc Festo contingat, tunc ix. Lect. incipiet ab hoc signo †.

AD LAUDES

ET PER HORAS

Ant. 1. Trahe me, * post

te curremus in odorem unguentorum tuorum.

Ps. Dominus regnavit. 17.

2. Dilectus meus * loquitur mihi: Surge, prospera, amica mea.

3. Fulcite * me floribus, stipate me malis, quia amore languo.

4. Adjuro vos * filiae Jerusalem, ne suscitatis dilectam, quoadusque ipsa velit.

5. Ego dormio, * et cor meum vigilat.

Capitulum. Cant. 8. b

PONE me ut signaculum super cor tuum, ut signaculum super brachium tuum: quia fortis est ut mors dilectio, dura sicut infernus aemulatio. Lampades ejus, lampades ignis atque flammarum.

Hymnus. O gloriosa. 157*.

℣. Qui me invenerit, inveniet vitam. ℟. Et hauriet salutem a Domino.

Ad Bened. Ant. Extollens vocem quaedam mulier de turba, dixit illi: Beatus venter qui te portavit, et ubera quae suxisti.

Oratio.

OMNIPOTENS sempiternus Deus, qui in Corde beatæ Mariæ Virginis dignum Spiritus sancti habitaculum preparasti: concede propitius; ut ejusdem purissimi Cordis festivitatem devota mente recolentes, secundum Cor tuum vivere valeamus. Per Dominum... in unitate ejusdem Spiritus.

Et fit Commem. Dom. occur.

AD PRIMAM

In R. br. V. Qui natus es de Maria Virgine.

AD TERTIAM

Capit. Pone me. 281*.

R. br. Anima mea *Liquefacta est. Anima. V. Ut locutus est dilectus. Liquefacta. Glória Patri. Anima.

V. Fortis est ut mors dilectio. R. Dura sicut inférnus æmulatio.

AD SEXTAM

Capitulum. Eccli. 24.

EGO ex ore Altissimi prodívi, primogénita ante omnem creatúram : ego feci in cælis, ut orirétur lumen indeficiens, et sicut nébula texti omnem terram.

R. br. Fortis est * Ut mors dilectio. Fortis. V. Dura sicut inférnus æmulatio. Ut. Glória Patri. Fortis.

V. Ego dilecto meo. R. Et ad me conversio ejus.

AD NONAM

Capitulum. Eccli. 24.

IN omni terra steti, et in omni pópulo, et in ómnibus réquiem quæsivi, et in hereditáte Dómini morábor.

R. br. Ego * Dilécto meo. Ego. V. Et ad me conversio ejus. Dilécto. Glória Patri. Ego.

V. Qui me invénerit, invéniet vitam. R. Et háuriet salutem a Dómino.

IN II. VESPERIS

Omnia ut in I. Vesp. 277*, præter

V. Viam mandatórum tuórum cucúrri. R. Cum dilatásti cor meum.

Ad Magnif. Ant. Exsultávit cor meum in Deo salutári meo : quia fecit mihi magna qui potens est.

Et fit Commem. Dom. occur.

DOMINICA INFRA OCTAVAM
SIVE POST FESTUM
SANCTI AUGUSTINI

B. M. V. DE CONSOLATIONE

Duplex majus.

IN I. VESPERIS

Ant. et Capit. de Laud. 286* ; Pss. et reliqua hic non propria ut in Festis B. M. V. 145*.

Hymn. Ave maris stella. 147*.

V. Numquid obliviscétur Virgo ornaménti sui? R. Aut sponsa fásciae pectorális suæ?

Ad Magnif. Ant. Sancta María, succúrre miseris, juva pusillánimes, réfove flébiles, ora pro pópulo, intérvени pro clero, intercède pro devóto femíneo sexu, séntiant omnes tuum juvámen, quicúmque célebrant tuam sanctam festivitátem.

Orat. ut ad Laud. 286*.

Et fit Commem. Dom. occur.

AD MATUTINUM

Invit. Jēsum per Mariam nos consolántem, * Veníte, adorémus.

Ps. Venite, exsultémus. 2.

IN I. NOCTURNO

De Cánticis Canticórum.

Lectio j. Cap. 4.

O QUAM pulchra es amíca mea, quam pulchra es! Oculi tui columbárum, absque eo, quod intrínsecus latet. Capilli tui sicut greges caprárum, quæ ascendérunt de monte Gálaad. Dentes tui sicut greges tonsárum, quæ ascendérunt de lavácro, omnes geméllis fœtibus, et stérilis non est inter eas. Sicut vitta coccínea lábia tua: et elóquium tuum, dulce. Sicut fragmen mali púnici, ita genæ tuæ, absque eo, quod intrínsecus latet. Sicut turris David collum tuum, quæ ædificáta est cum propugnáculis: mille clýpei pendent ex ea, omnis armatúra fórtium.

R. Sancta. 150*.

Lectio ij.

TOTA pulchra es amíca mea, et mácula non est in te: Veni de Líbano sponsa mea, veni de Líbano, veni: coronáberis de cápite Amána, de vértice Sanir et Hermon, de cubilibus leónum, de móntibus pardórum. Vulnerásti cor meum soror mea sponsa, vulnerásti cor meum in uno oculórum tuórum, et in uno crine colli tui. Quam pulchræ sunt mammæ tuæ soror mea sponsa! pulchrióra sunt úbera tua vino, et odor unguentórum tuórum super ómnia arómata.

R. Congratulámini. 150*.

Lectio iij.

FAVUS distillans lábia tua sponsa, mel et lac sub lingua tua: et odor vestimentórum tuórum sicut odor thuris. Hortus conclúsus soror mea sponsa, hortus conclúsus, fons signátus. Emisiónes tuæ paradísus malórum punicórum cum pomórum frúctibus. Cypri cum nardo, nardus et crocus, fistula et cinnamómum cum univérsis lignis Líbani, myrrha et áloë cum ómnibus primis unguéntis. Fons hortórum: púteus aquárum vivéntium, quæ fluunt impetu de Líbano. Surge Aquilo, et veni Auster, perfla hortum meum, et fluant arómata illíus.

R. Beáta es Virgo. 150*.

IN II. NOCTURNO

Sermo sancti Bernárdi Abbátis.

Sermo in Dominica infra Oct. Assumpt. B. M. V. super sig. mag.

Lectio iv.

JURE María sole perhibétur amícta, quæ profundissimam divínæ sapiéntiæ, ultra quam credi váleat, penetrávit abyssum; ut, quantum sine personáli unióne creatúræ conditio pátitur, luci illi inaccessíbili videátur immérsa. Illo nimirum igne Prophétæ lábia purgántur, illo igne Séraphim accendúntur. Longe vero áliter María méruit, non velut summátim tangi, sed ope-

riri magis úndique, et circumfúndi et tamquam ipso igne conclúdi. Candidíssimus sane, sed et calidíssimus hujus mulieris amíctus: cujus ómnia tam excellénte irradiáta noscúntur, ut nihil in ea, non dico tenebrósum, sed ne subobscúrum saltem, vel minus lúcidum, sed ne tépidum quidem áliquíd, aut non ferventíssimum liceat suspicári.

R. Sicut cedrus. 153*.

Lectio v.

MÚLIER amícta sole. Plane amícta lúmine tamquam vestiméto. Non pécipit forte carnális: nimirum spirituále est, stultítia illi vidétur. Non sic videbátur Apóstolo, qui dicébat: Induímini Dóminum Jesum Christum. Quam familiáris ei facta es Dómina! Quam próxíma, imo quam íntima fieri meruísti: quantam invenisti grátiam apud eum! In te manet, et tu in eo, et vestis eum, et vestíris ab eo. Vestis eum substántia carnis, et vestit ille te glória suæ majestátis. Vestis solem nube, sole ipsa vestíris. Novum enim fecit Dóminus super terram, ut múlter circumdaret virum.

R. Quæ est ista. 153*.

Lectio vj.

TE itaque, Mater misericórdiæ, mediatricem nobis apud solem justítiæ constitútam devótis supplicatióibus interpellámus, ut in

lúmine tuo videámus lumen, et solis grátiam tuo mereámur obténu, quam vere amávit præ ómnibus, et ornávit, stola glóriæ induens, et corónam pulchritúdinis ponens in cápite tuo. Plena es gratiárum, plena rore cælesti, innixa super dilectum, deliciis áffluens. Ciba hódie páuperes tuos Dómina; ipsi quoque catélli de micisedant; nec púero Abrahæ tantum, sed et camélis potum tribuas de supereffluénti hýdria tua: quia tu vere puélla es præelécta, et præparáta Altíssimi Filio. Cujus divino instinctu sanctus Póntifex et Doctor Ambrosíus, postquam Augustinum sacro baptísmate expiávit, novum hóminem novis véstibus induit, cuculláque nigra, et cingulo ex cório ipse, ut fertur, præcinxit. Hujus áutem sacri cinguli ornaméntum póstea religio Augustiniána semper gestávit in signum devotiónis erga beátam Virgínem Mariam, sanctum patrem Augustinum, piámque ejus matrem Mónica, ita ut Eugénio quarto adprobánte fúerit institúta societas Cincturatórum sanctórum Augustíni et Mónica, et ália similis sub invocatióne beátæ Mariæ Virgínis de Consolatióne, quas Gregórius décimus tértius in unum corpus redégit; ac sodalitium Cincturatórum beátæ Mariæ Virgínis

vóluit appellári, illúdque tum Gregórius ipse, tum multi álii ejus successóres innúmeris grátiis et privilégiis cumuláru[n]t.

¶ Ornátam. 153*.

IN III. NOCTURNO

Léctio sancti Evangélíi secúndum Lucam.

Lectio vij. Cap. 1. d

IN illo témpore: Exsúrgens Maria ábiit in montána cum festinatóne in civitátem Juda. Et intrávit in domum Zachariæ, et salutávit Elisabeth. Et réliqua.

Homília sancti Augustini
Epíscopi.

Lib. de Præsentia Dei, sive
Epist. 187. alias 57. n. 23.

HÆC sunt certe verba Elisabeth matris Joánnis: Beáta tu inter mulieres, et beátus fructus ventris tui. Et unde hoc mihi, ut véniat mater Dómini mei ad me? Ecce enim ut facta est vox salutatónis tuæ in áuribus meis, exsultávit in gáudio infans in útero meo. Hoc áutem ut diceret, sicut Evangelista prælocútus est, repléta est Spiritu sancto, quo procul dúbio revelánte cognóvit, quid illa exsultátio significáret infántis, id est illius venísse matrem, cujus præcúrsor ipse et demonstrátor esset futúrus. Pótuit ergo esse ista significátio rei tantæ a majóribus cognoscéndæ, non a párvulo cógnitæ.

¶ Sub tuum præsidium

confúgimus, clementíssima Virgo, súscipe nos, única spes nostra, et nostris delectáre láudibus, * Quibus indigni omni te láude digníssimam collaudámus. ¶ Aufer a nobis iniquitátes nostras, ut digni canámus tibi glóriæ melos. Quibus indigni.

Lectio viij.

NAM neque cum hoc ante in Evangélio narráretur, dictum est, crédidit infans in útero ejus, sed, exsultávit; neque ipsa dixit: exsultávit in fide infans in útero meo, sed, exsultávit in gáudio. Vidémus áutem exsultátionem non solum parvulórum, sed étiam pécorum; non útique de áliqua fide, vel religióne, vel qualicúmque rationáli cognitóne veniéntem. Sed hæc plane inusitáta et nova éxstitit, quia in útero, et ad ejus advéntum, quæ hómínium Salvatórem fúerat parítura. Ideo mira, ideo in magnis signis deputánda: Ideo hæc exsultátio, et tamquam matri Dómini réddita resultátio, sicut solent mirácula fieri, facta est divínitus in infánte, non humánitus ab infánte.

¶ Porta cæli et stella maris es Virgo María, Regis ætérni mater, gratos nos redde filio tuo: * Quia omnis virtus, et decor, et glória ex te respléndet. ¶ Tu vénia vena, tu grátia mater, tu

spes mundi; exáudi nos clamántes ad te. Quia. Glória Patri. Quia.

Lect. ix. de Homil. Dom. occur.

AD LAUDES

ET PER HORAS

Ant. 1. Odor vestimentórum* tuórum sicut odor thuris.

Ps. Dóminus regnávít. 17.

2. Cingulo suo * confortávit nos, et potestátem suam dedit in manu nostra.

3. Justítia* cingulum lumbórum ejus, et fides cinctórium renum ejus.

4. Myrrha, et gutta, * et cásia a vestiméntis tuis.

5. Séntiens vestimentórum illius * fragrántiam, benedixit nobis Deus noster.

Capitulum. Isaíæ 11.

EGREDIÉTUR vírga de radice Jesse, et flos de radice ejus ascéndet. Et requiescet super eum spíritus Dómini.

Hymnus. O gloriósa vírginum. 157*.

V. Benedícta tu in muliéribus. **R.** Et benedíctus fructus ventris tui.

Ad Bened. Ant. Quæ est ista, quæ ascéndit sicut auróra consúrgens, pulchra ut luna, elécta ut sol, terribilis ut castrórum ácies ordináta?

Oratio.

DÓMINE Jesu Christe, pater misericordiárum et Deus totius consolatiónis : concéde propítius; ut sic-

ut lumbos præcincti purissimam Genitricem tuam Mariam sub consolatiónis título gaudéntes venerámur in terris, ita perénni ejúsdem consórtio pérfrui mereámur in cælis : Qui vivis.

Et fit Commem. Dominicæ occur.

AD HORAS

Ant. sumuntur de Laud. ut supra. **Ad Tertiam Cap.** Egrediétur. ut ad Laud. Reliqua omnia ut in Festis B. M. V. 157*.

IN II. VESPERIS

Omnia ut in I. Vesp., præter seq.

Ad Magnif. Ant. Sub tuum præsidium confúgimus, clementissima Virgo, súscipe nos, única spes nostra, et nostris delectáre láudibus.

DOM. I. SEPTEMBRIS

S. ANGELI CUSTODIS

Duplex 2. cl. cum Oct.

Offic. in Festo fit ut in Brev., die 2 Octobris. 397, cum ix. Lect. Dom., cujus fit Commemoratio in utrisque Vesp. et Laud.

FERIA SECUNDA

INFRA OCT. S. ANGELI CUSTODIS

Officium per Octavam dicitur ut in die Festi.

IN I. NOCTURNO

Lect. de Script. occur., nimirum ex Dom. I. Septembris : quia heri non sunt lectæ.

IN II. NOCTURNO

Sermo sancti Augustini
Episcopi.

Lib. 11. de Civit. Dei, c. 31.

Lectio iv.

SANCTI Angeli ad quorum societatem et congregationem in hac peregrinatione laboriosissima suspiramus, sicut habent permanendi aeternitatem, ita cognoscendi facilitatem, et requiescendi felicitatem; sine difficultate quippe nos adjuvant, quoniam spiritalibus motibus puris et liberis non laborant.

℞. Vivit ipse Dominus. 400.

Lectio v.

Idem ibidem, cap. 33.

Nos duas societates angelicas intelligimus, unam fruentem Deo, alteram tumentem typho. Unam, cui dicitur: Adorate eum omnes Angeli ejus: aliam, cujus princeps dicit: Hæc omnia dabo tibi, si prostratus adoraveris me. Unam sancto Dei amore flagrantem: alteram propriæ celsitudinis immundo amore fumantem. Et quoniam, sicut scriptum est, Deus superbis resistit, humilibus autem dat gratiam; illam in cælis habitantem, istam inde dejectam, in hoc infimo aëreo cælo tumultuantem.

℞. Angelus Domini. 400.

Lectio vj.

ILLAM luminosa pietate tranquillam: istam tenebró-

sis cupiditatibus turbulentam. Illam Dei nutu clementer subvenientem, juste ulciscientem: istam suo fastu subdendi, et nocendi libidine æstuantem. Illam, ut quantum vult, consulat Dei bonitatis ministram: istam, ne quantum vult, noceat, Dei potestate frenatam. Illam huic illudentem, ut nolens prosit persecutionibus suis; hanc illi invidentem; cum peregrinos colligit suos.

℞. In omni. 400.

IN III. NOCTURNO

Lectio sancti Evangelii secundum Matthæum.

Lectio vij. Cap. 18.

IN illo tempore: Accesserunt discipuli ad Jesum, dicentes: Quis, putas, major est in regno cælorum? Et reliqua.

Homilia sancti Hieronymi
Presbyteri.

Lib. 3. Comment. in cap. 18.
Matth.

Post inventum statèrem, post tributa reddita, quid sibi vult Apostolorum repentina interrogatio, Quis, putas, major est in regno cælorum? Quia viderant pro Petro et Domino idem tributum redditum, ex æqualitate pretii arbitrati sunt Petrum omnibus Apostolis esse prælatum, qui in redactione tributum Domino fuerat comparatus: ideo interrogant, quis major sit in regno cælorum. Vidensque Jesus cogitationes eorum, et

cáusas erróris intélligens, vult desidérium glóriæ humilitátis contentióne sanáre.

℞. Machabæus. 401.

Lectio viij.

Si áutem manus tua, vel pes tuus scandalizat te, abscinde eum, et prójice abs te. Necesse est quidem veníre scándala; væ tamen ei est hómini, qui, quod necesse est ut fiat in mundo, vítio suo facit ut per se fiat. Igitur omnis truncátur afféctus, et univérsa propínquitas amputátur, ne per occasiónem pietátis unusquisque credéntium scándalis páteat. Si, inquit, ita est quis tibi conjúctus, ut manus, pes, óculus, et est útilis atque sollicitus, et acútus ad perspiciéndum; scándalum áutem tibi facit, et propter dissonántiam morum te pértrahit in gehénnam : mélius est, ut et propínquitáte ejus, et emoluméntis carnálibus cáreas : ne dum vis lucrifácere cognátos et necessários, cáusam hábeas ruínárum.

℞. Tu Dómine qui. 401.

Lectio ix.

Dico enim vobis, quia Angeli eórum in cælis semper vident fáciem Patris mei. Supra dixerat, per manum et pedem et óculum omnes propínquitates et necessitudines, quæ scándalum fácere póterant, amputándas : austeritátem itaque senténtiæ subjécto præcépto témperat,

dicens : Vidéte, ne contemnátis unum ex pusillis istis. Sic, inquit, præcípio severitátem, ut commiscéri cleméntiam dóceam : quia Angeli eórum in cælis vident semper fáciem Patris. Magna dignitas animárum, ut unaquæque hábeat ab ortu nativitátis in custódiam sui Angelum delegátum. Unde légitimus in Apocalýpsi Joánnis : Angelo Ephesi, et reliquárum ecclesiárum, scribe hæc. Apóstolus quoque præcipit velári cápita in ecclésiis feminárum propter Angelos. Te Deum laudámus. 16.

FERIA TERTIA

INFRA OCT. S. ANGELI

CUSTODIS

IN I. NOCTURNO

Lect. de Script. occur.

IN II. NOCTURNO

Sermo sancti Bernárdi
Abbátis.

In Festivitate S. Michaëlis.

Lectio iv.

Hic est funiculus triplex, quo de excélso cælórum habitáculo ad consolándos, ad visitándos, ad adjuvándos nos, attráhitur superéminens caritas Angelórum, propter Deum, propter nos, propter seípsos. Propter Deum útique, cujus tanta erga nos misericórdiæ víscera ipsi quoque imitántur. Propter nos, in quibus própriam similitúdinem miserántur. Propter seípsos, quorum órdenes instaurándos

ex nobis toto desidério præstolántur. In ore enim parvulórum, qui lacte modo vescúntur, et nondum sólido cibo, perficiénda est laus illa majestátis divínæ, cujus habéntes primitias angélici spíritus, beáta delectatióne fruúntur : sed tanto avidius nos exspéctant, quanto consummatiόνis ejus expectatióne et expeditiόne sollicitántur.

℞. Vivit ipse. 400.

Lectio v.

QUÆ cum ita sint, pensáte étiam quanta nobis sollicitúdine opus est; ut dignos nos exhibeámus eórum frequéntia, et eo modo conversémur in conspéctu Angelórum, ne forte sanctos offendámus obtútus. Væ enim nobis, si quando provocáti peccátis et negligéntiis nostris, indignos nos judicáverint præsentia et visitatióne sua, ut jam necesse habeámus et nos plángere, et dicere cum Prophéta : Amici mei et próximi mei advérsus me appropinquavérunt, et steterunt : et qui juxta me erant, de longe steterunt : et vim faciébant, qui quærébant ánimam meam. Elongátis nimirum eis, quorum præsentia protégere nos, et propulsáre póterat inimicum.

℞. Angelus Dómini. 400.

Lectio vj.

QUOD si tam necessariam habémus familiaritátem

dignatiόνis angélicæ, cavénda nobis est eórum offénsa, et in his máxime exercéndum, quibus eos nóvimus oblectári. Sunt enim plúrima, quæ eis placent, et quæ in nobis inveníre deléctat, ut est sobrietas, cástitas, paupértas voluntária, crebri in cælum gémitus, et oratiónes cum lácrymis et cordis intentiόne. Attamen super ómnia hæc unitátem et pacem a nobis éxigunt Angeli pacis. E contra vero nihil æque offéndit, et ad indignatiónem próvocat eos, quómodo dissensiónes et scándala.

℞. In omni. 400.

IN III. NOCTURNO

Léctio sancti Evangélii secúndum Matthæum.

Lectio vij. Cap. 18.

IN illo témpore : Accessérunt discípuli ad Jesum, dicéntes : Quis, putas, major est in regno cælórum? Et réliqua.

Homilía sancti Joánnis Chrysóstomi.

Ex variis in Matthæum locis, Homil. 18.

VÆ mundo ab scándalis. Mundum istum, terrénium locum dicit, neque vero de cælo et terra intelligere debémus mundum, sed mundum hic intelligámus terrénium : ideo quod dixit Dóminus : Regnum meum non est de isto mundo : si essem de mundo, amáret me mundus. Et dicitur ad

Apóstolos : Vos non estis de mundo. *R.* Machabæus. 401.

Lectio viij.

VÆ igitur mundo, hoc est, terréno loco, ab scándalis : necesse enim est ut véniant scándala : non quia necesse, sed quia mundo necesse ut véniant. Vidéte quod dicimus, subtile est : si necesse est ut véniant scándala, ergo absque culpa est ille per quem venit scándalum.

R. Tu Dómine. 401.

Lectio ix.

SED nos dicimus, scándalum non venit nisi in terréno mundo. Vis tibi non veníre scándalum? noli esse terrénus. Proptérea dico, mundus terrénus scándalum habet, terra ista necesse est ut hábeat scándalum : noli portáre terrénus, sed cæléstem, et scándalum non habébis. Verúmtamen væ hómini illi per quem scándalum venit.

Te Deum laudámus. 16.

FERIA QUARTA

INFRA OCT. S. ANGELI CUSTODIS

IN I. NOCTURNO

Lect. de Script. occur.

IN II. NOCTURNO

Sermo sancti Hilárii

Episcopi.

Lectio iv. In Ps. 137.

IN conspéctu Angelórum psallam tibi. Parum sibi existimat prophéta esse, ut homínibus tantum præséntibus psallat, quia hómines corporálium tantum nego-

tiórum officia inspiciunt : in eo enim quod psallit, motum complácitæ operatiónis Deo osténdit. Non ergo quæ videntur in corpore, cerni desíderat : sed ea quæ spirituáliter natúræ spirituáles contuéntur, gérere festinat. Scit enim sub spécula Angelórum vitam omnem morésque ágere, et ubique hæc divinórum ministeriórum auxília fidélibus cunctis assistere, ut scriptum est : Præest Angelus Dómini in circúitu timéntium eum.

R. Vivit ipse. 400.

Lectio v.

LEGEM étiam Móysi in manu mediátoris per Angelos fuisse depósitam, docet Apóstolus. Nec non et Eliséus absolutissime dócuit, humanas infirmitates Angelórum auxiliis deféndi, et in ómnibus periculis, si fides máneat in nobis, adesse spirituálium virtútum defénsiónem. Nam cum rex Sýriæ cápere Geth urbem, in qua idem prophéta Eliséus esset, paráret, et noctúrnis itinéribus exércitum suum, qui antelucánus urbem obsidéret, destinásset, puer Eliséi conspécta obsidióne, dixit : O dómine, quid faciémus? Et dixit : Noli timére, quia plures sunt nobiscum quam cum illis.

R. Angelus Dómini. 400.

Lectio vj.

ET orávit Eliséus ad Dóminum, et dixit : Adáperi

Dómine óculos púeri hujus, ut videat : et apéruit Dóminus óculos púeri, et vidit : et ecce mons erat plenus equis et cúrribus in gyro Eliséi, et descendérunt ad eos. Tantus et tam nóbilis prophéta solus contemplatióne auxiliórum spirituálum dignus est. Sed oratio ejus ad Deum visum incorporálum étiam púero suo mérui. In hórur igitur assisténtium humánis auxiliis Angelórum conspéctu psallat prophéta, simplicibus spirituálum óperum contemplatióne placitúrus.

℞. In omni. 400.

IN III. NOCTURNO

Léctio sancti Evangélii secúndum Matthæum.

Lectio vij. Cap. 18.

IN illo témpore : Accessérunt discipuli ad Jesum, dicéntes : Quis, putas, major est in regno cælórum? Et réliqua.

Homilia sancti Bernárdi Abbátis.

Tom. 1., in Fest. S. Michaëlis Serm. 2.

AUDÍSTIS fratres evangélicam lectiónem advérsus eos, qui pusillos scandalizant, satis terribíliter intonántem. Némini blanditur Véritas, néminem palpat, nullum sedúcit, apérte denúntians, quóniam væ hómini illi, per quem scándalum venit : expedit ei, ut suspendátur in collo ejus mola asinária : et pro suávi

jugo et levi ónere Salvatóris, gravi mole terrénæ cupiditátis húmeris ejus impósita, demergátur in profúndum maris hujus magni et spatiósi mánibus, quod est sine dúbio sæculum nequam. Períre síquidem necesse est hóminem qui caritátem non habet, étiam si tradíderit corpus suum ita ut árdeat : et hoc dixerim, fratres, ut in ea caritate, et unanimitate, et pace, in qua statis in Dómino, solliciti sitis perseveráre et abundáre magis.

℞. Machabæus. 401.

Lectio viij.

QUÆ est enim spes nostra, et gáudium nostrum, et coróna glóriæ? nonne únitás et unanimitas vestra, in qua gáudeo vos inveniri fraternitátis amatóres, et ante ómnia mútuam in vobismetipsis caritátem habéntes, quod est vínculum perfectiónis? In hoc enim cognóscunt omnes, étiam Angeli sancti, quod Christi estis discipuli, si dilectiónem habuéritis ad invicem. Dénique potest hinc quoque fraternæ dilectiónis utilitas magnífice commendári : numquid enim Christi grátia diligémur ab Angelis, si de mútuæ dilectiónis inópia cognóverint nequáquam ejus nos esse discipulos? Numquid diligémur ab eis propter nos ipsos, id est, spirituális natúræ similitúdinem, si invenímur non diligere humánæ natúræ no-

stræ consórtes? imo vero, si ex eis quæ inter nos sunt contentiónibus, carnáles nos magis quam spirituáles esse constiterit?

R. Tu Dómine. 401.

Lectio ix.

DÉNIQUE numquid Angeli diligunt nos propter se ipsos, et futúram de nobis civitátissuæ restauratióem, si (quod absit) unum, quo solo uníri et coædicári eis póssumus, defúerit glútinum caritátis? Quómodo sperábunt reædicándos de nobis perpétuos civitátis illius muros, si cognóverint, si viderint, nos non lápidés esse vivos, qui possint invicem cohærere, sed magis púlverem, quem prójicit ventus a fácie terræ, quem unius verbi flatus in túrbínem éxcitet, et suspiciónis cuiúslibet levíssima áura dispér-gat? Et hæc quidem dixisse sufficiat, pro eo quod ait Dóminus : Si quis scandalizáverit unum de pusillis istis.

Te Deum laudámus. 16.

FERIA QUINTA

INFRA OCT. S. ANGELI

CUSTODIS

IN I. NOCTURNO

Lect. de Script. occur.

IN II. NOCTURNO

**Sermo sancti Augustíni
Epíscopi.**

Lib. 9. de Civit. Dei, cap. 22.

Lectio iv.

ANGELIS bonis omnis cor-porálium temporaliúm-

que rerum sciéntia vilis est, non quod eárum ignári sint, sed quod illis Dei, qua sanctificántur, cáritas cara est. Præ cuius non tantum incorporáli, verum étiam incom-mutábili et ineffábili pulchritú-dine, cuius sancto amóre inardéscunt, ómnia quæ infra sunt, et quod illud est, non sunt, seque ipsos intra illa contémnunt, ut ex toto, quod boni sunt, eo bono, ex quo boni sunt, perfruántur.

R. Vivit ipse. 400.

Lectio v.

Ibidem lib. 10., cap. 7.

ANGELI in cæléstibus sé-dibus constitúti immortáles et beáti, qui creatóris sui participatióne gáudent, cuius æternitáte firmi, cuius veritáte certi, cuius múnere sancti sunt : quóniam nos mortáles et míseros, ut immortáles beatique simus, misericórditer diligunt, nolunt nos sibi sacrificáre, sed ei, cuius et ipsi nobiscum se sacrificium esse novérunt.

R. Angelus Dómini. 400.

Lectio vj.

CUM ipsis sumus una civitas Dei, cui dicitur in Psalmo : Gloriósa dicta sunt de te civitas Dei : cuius pars in nobis peregrinátur, pars in illis opitulátur. De illa quippe supérna civitáte, ubi Dei volúntas intelligibilis atque incommutábilis lex est : de illa supérna quodámmodo cúria (géritur namque ibi cura de nobis) ad nos

ministrata per Angelos sancta Scriptura descendit.

U. In omni. 400.

IN III. NOCTURNO

Lectio sancti Evangelii secundum Matthaeum.

Lectio vij. Cap. 18.

IN illo tempore: Accesserunt discipuli ad Jesum, dicentes: Quis, putas, major est in regno caelorum? Et reliqua.

Homilia sancti Bernardi Abbatis.

Tom. 1. in Fest. S. Michaelis.

JAM vero quem non moveat quod sequitur in Evangelio: Si oculus tuus scandalizaverit te, erue eum? Numquid enim corporalem hunc oculum monemur eruere, aut unam ex manibus istis, similiter et unum abscindere pedem? Absit a nobis hujusmodi carnalis omnino et nimis ridiculosa cogitatio.

R. Machabaeus. 401.

Lectio viij.

PORRO triplex fieri scandalum istud quotidiano nobis nosse licet experimento. Interdum enim est in nobis spiritalis intentionis oculus simplex, et qui gratiae magis quam noster dicendus sit, sed scandalizat nos oculus noster, et qui vere a nobis est, dum voluntas nostra aliam minus castam importune ingerit intentionem; sed habemus super hoc salubre consilium Salvatoris: Erue eum, inquit, et projice abs te. Hoc autem fiet,

si non consentias, si abjicias, si resistas. Simili modo de manu ac pede est intelligendum.

R. Tu Domine. 401.

Lectio ix.

CUM autem bonis operibus intentos, ad alia opera trahere voluntas propria conatur, manus nostra est, quae scandalizat nos; sed abscindi debet, et projici a nobis, ut non ei consentiamus. Sic etiam proficere in sancta conversatione, et ascendere per gradus scalae, quae Jacob apparuit, ac juxta quod ait Psalmista, de virtute in virtutem ire desiderantes, saepius scandalum patimur a pede quodam pusillanimitatis et negligentiae nostrae, qui nimirum descendere magis, ac remissius ire conatur; sed abscindi eum necesse est, ut pes gratiae, qui stat in directo, currere possit sine offensione, sine scandalo, sine impedimento.

Te Deum laudamus. 16.

FERIA SEXTA

INFRA OCT. S. ANGELI
CUSTODIS

IN I. NOCTURNO

Lect. de Script. occur.

IN II. NOCTURNO

Sermo sancti Bernardi
Abbatis.

In Festiv. S. Michaelis.

Lectio iv.

DIGNUM est, ut gloriam Angelorum non capientes, tanto magis amplectamur

misericórdiam, qua nimirum constat nihilominus abundare domésticos Dei, cæli cives, principes paradisi. Testatur enim Apóstolus, qui raptus ad tertium cælum, beátæ illi curiæ méruit interesse, atque ejus nosse secreta, quóniam omnes administratórii sunt spiritus, missi in ministérium propter eos qui hereditatem capiunt salutis. Neque id cuiquam incredibile videatur, quandoquidem ipse quoque Créator et Rex Angelorum venit non ministrari, sed ministrare, et animam suam dare pro multis.

℞. Vivit ipse. 400.

Lectio v.

MINISTRANT Angeli, sed de alieno, offerentes Deo bona ópera, non sua, sed nostra, et nobis ejus grátiam referentes. Unde et Scriptúra dicit: Quóniam ascendit fumus arómatum in conspectu Dómini de manu Angelorum: sollicite præmisit, data ei fuisse incensa multa. Nostros enim sudóres, non suos; nostras, non suas lacrymas offerunt Deo; nobis quoque ejus múnera referunt, non sua. Non sic minister ille sublimior cunctis, sed humilior univérsis, qui semetipsum obtulit sacrificium láudis, qui Patri offerens animam suam, nobis ministrat usque hódie carnem suam.

℞. Angelus Dómini. 400.

Lectio vj.

HUJUS itaque tanti ministri grátia, nihil mirum si dignanter nobis, imo et libenter Angeli sancti ministrent. Ipsi enim amant nos, quia nos amavit Christus. Dicitur certe vulgari proverbio: Qui me amat, amat et canem meum. Nos vero, o beati Angeli, catelli sumus Dómini illius, quem tanto affectu diligitis. Catelli, inquam, cupientes saturari de micis, quæ cadunt de mensis dominorum nostrorum, qui estis vos. Et hæc dixerim, fratres, ut ampliorem de cætero erga beátos Angelos fidúciā habeátis, ac proinde familiarius in omni necessitate vestra illorum invocetis auxilia; sed et digne in eorum præsentia conversari, et magis ac magis eorum vobis conciliare grátiam, captare benevoléntiam, exorare cleméntiam studeátis.

℞. In omni. 400.

IN III. NOCTURNO

Léctio sancti Evangélii secundum Matthæum.

Lectio vij. Cap. 18.

IN illo tempore: Accesserunt discipuli ad Jesum, dicentes: Quis, putas, major est in regno cælorum? Et reliqua.

Homilia sancti Joánnis Chrysóstomi.

Ex Homil. 10. in Matth.

VIDÉTE, ne contemnátis unum de párvulis istis. Párvulos non ætate, sed mul-

tórum æstimatione appellávit; páuperes, inquam, ignótos, cæterósque hujúsmodi, quos multi contémnunt, qui revéra párvuli non sunt, cum Creatóris ómnium amíci sint : quos ipse multo magis venerabilióres facit, dicens : Quia Angeli eórum semper vident fáciem Patris mei, qui in cælis est.

℞. Machabæus. 401.

Lectio viij.

HINC manifestum est, quia omnes Sancti Angelos hábeant. Apóstolus étiam ait de muliere, quóniam velámen débeat habére in cápite propter Angelos; et Móyses : Státuit fines, inquit, génitium secúndum númerum Angelórum Dei. Hic vero non de Angelis simpliciter dicitur, sed de Angelis excellentibus atque suprémis. Nihil enim áliud designátur, cum, fáciem, dicat, Patris mei adspiciunt, quam summa fidúcia eórum et honor præcipuus.

℞. Tu Dómine. 401.

Lectio ix.

VIDES, quot quibúsque rationibus ad modéstiam et ad curam tenuiórum fratrum nos révocat? Infántem in médio státuit, et dixit : Efficiámini sicut párvuli : et quicúmque talem suscepérit párvulum, me suscipiet : et quicúmque hunc scandalizáverit, extrémá luet supplicia : et scandalizántes hómines, étiam si loco mánuum

atque oculórum nobis essent, abscíndere jussit; Angelórum quoque auctoritáte, qui hos ténues fratres tutántur, ut eos venerémur, impéllit.

Te Deum laudámus. 16.

SABBATO

**INFRA OCT. S. ANGELI
CUSTODIS**

IN I. NOCTURNO

Lect. de Script. occur.

IN II. NOCTURNO

Sermo sancti Ambrósii
Epíscopi.

Serm. 1. de Eliseo.

Lectio iv.

HÓSTIUM tumultus bellicósus minime timére debémus, nec quámlibet número- sam hóstium multitudínem formidáre. Quóniam, sicut ait Apóstolus, major est qui in nobis est, quam qui in mundo : hoc est, poténtior est ad protegéndos fámulos suos Christus, quam diábolus ad instigándos inimicos : quamvis enim idem diábolus cólligat sibi turbas, et crudéli eas armet insánia, tamen fáci- le destruúntur, quia melióri- bus pópulum suum Salvátor circúmdat auxiliis. Ait enim Prophéta : Immittet Angelum Dóminus in circúitu timéntium eum, et erípiet eos. Quod si Angelus Dómini timéntes eum de perículis erípiet, non potest timére bárbarum, qui timúerit Salvatórem.

℞. Vivit ipse. 400.

Lectio v.

Idem in Epist. ad Hebr., c. 1.

QUID miráris, si Filio ministérium exhibent Angeli, cum étiam nostræ salutis ministros eos constet effectos? Filius tamen sicut Dóminus salvat: isti vero sicut servi salutí prædestinatorum deserviunt. Intelligite igitur, quantus honor nobis existit, ad quos sicut ad amicos, ita ministros Angelos suos destínat Deus.

R. Angelus Dómini. 400.

Lectio vj.

Idem in Psalm. 37.

QUI juxta me erant, de longe steterunt: ne mysticus quidem pietátis abhórreat afféctus, ut pro Angelis dixerit, qui præténdunt timentibus Dóminum, ut eripiant eos de tentationibus, quas ferre non possunt. Quomodo ergo longe stant, qui ad adjumentum sunt attributi? Sed non illi se separant, sed qui urgétur tentationibus, putat eos longe abesse, quos propius sibi adesse desiderat, et arbitrátur dissimulare, cum illi adjuvándi tempus nutu sui imperatóris exspectent, qui athlétam suum quo gloriósius vinceret, diútius certare præcepit. R. In omni. 400.

IN III. NOCTURNO

Lectio sancti Evangélii secundum Matthæum.

Lectio vij. Cap. 18.

IN illo tempore: Accesserunt discipuli ad Jesum,

dicentes: Quis, putas, major est in regno cælórum? Et reliqua.

Homilia sancti Joánnis

Chrysóstomi.

Ex Homilia 59.

CURIÓSE, inquit, scrutámini vos, quis vestrum major sit, et de primátus honóre conténditis. Ego autem, si quis humiliórem se cæteris non effecerit, ipso ingressu cælesti omnino indignum ássero. Recte autem ante óculos monstratióne párvuli totam rem pósuit: ipso adspéctu eos convertens, ac persuádens, ut absque simulatióne áliqua humilitátem amplectántur.

R. Machabæus. 401.

Lectio viij.

PÁRVULI autem non invídere, nec inánem expectáre glóriam, nec primátus desideráre dignitátem novérunt; sed máxime hanc virtútem pósident, puram dico simplicitátem et humilitátem. Non ergo fortitúdine tantum, ac prudéntia, sed humilitátis quoque virtúte, et simplicitáte nobis opus est; quæ si non adest, salus nostra certe cláudicat.

R. Tu Dómine. 401.

Lectio ix.

PÁRVULUM autem ætáte, et quidem, mea senténtia, valde párvulum, qui ab ómnibus esset passióibus liber, in médio státuit. Illa enim ætas omni arrogántia, omni glóriæ inánis furóre,

omni livóris insánia, omni contentiónis cupiditate, cæterisque hujúsmodi afféctibus immúnis est. Cumque præcipuis muniátur virtútibus, simplicitátis scilicet ac humilitátis, de nulla istárum supérbit, ita dúplici philosophía ornátur.

Te Deum laudámus. 16.

DOM. II. SEPTEMBRIS
OCTAVA S. ANGELI CUSTODIS
Duplex.

IN I. NOCTURNO
Lect. de Script. occur.

IN II. NOCTURNO
Sermo sancti Bernárdi
Abbátis.

Ex Serm. 12. super Psalm.
Qui hábitat.

Lectio iv.

ANGELIS suis mandávit de te. Mira dignátio, et vere magna diléctio caritátis. Quis enim? quibus? de quo? quid mandávit? studiósè considerémus, fratres, diligénter commendémus memóriæ hoc tam grande mandátum. Quis enim mandávit? cujus sunt Angeli? cujus mandátis obtémperant? cujus obédiunt voluntáti? Nempe Angelis suis mandávit de te, ut custódiant te in ómnibus viis tuis. Nec cunctántur, quin étiam in mánibus tollant te. Summa ergo majéstas mandávit Angelis, et Angelis suis mandávit. Illis útique sublimibus, tam beátis, tam próxime sibi cohæréntibus, tam familiáriter sibi adhærénti-

bus, et vere domésticis Dei mandávit de te. Tu quis es? Quasi vero non sit homo putrédo, et filius hóminis vermis.

R. Vivit ipse. 400.

Lectio v.

SED quid, putas, mandávit de te? Numquid scripsit contra te amaritúdines? numquid ut contra fólium, quod vento rápitur, osténdant poténtiam suam, et stipulam siccam persequántur? numquid ut tollant ímpium, ne vídeat glóriam Dei? mandándum istud est, non mandátum. Itaque Angelis suis mandávit de te, ut custódiant te. Pretiósus depósitum nobis commiserat, fructum crucis suæ, prétium ságuinis sui : non est contentus custódia hac tam parum tuta, tam parum útili, tam frágili, tam insufficiénti. Super muros tuos, Jerúsalem, constituit custódes, nempe étiam ipsi qui vidéntur muri, aut in muro ipso colúmnæ, his custódis egent et máxime.

R. Angelus Dómini. 400.

Lectio vj.

QUANTAM tibi debet hoc verbum inférre reveréntiam, afférre devotióem, conférre fidúciam! Reveréntiam pro præsentia, devotióem pro benevoléntia, fidúciam pro custódia. Cáute ámbula, ut vidélicet, cui adsunt Angeli, sicut eis mandátum est, in ómnibus viis

tuis. In quovis diversório, in quovis ángulo Angelo tuo reveréntiam habe. Tu ne áudeas illo præsente, quod vidénte me non audéres? Cæterum, etsi tam párvuli sumus, et tam magna nobis, nec modo tam magna, sed et tam periculósa via restat, quid tamen sub tantis custódibus timeámus? nec superári, nec sedúci, minus áutem sedúcere possunt, qui custódiunt nos in ómnibus viis nostris. Fidéles sunt, prudéntes sunt, poténtes sunt; quid trepidámus? tantum sequámur eos, adhæreámus eis, et in protectióne Dei cæli commorémur.

℞. In omni. 400.

IN III. NOCTURNO

Lect. vij. et viij. ut in die Festi. Lectio ix. de Homil. Domin., cujus fit Commem. in Laud. et utrisque Vesperis.

Si dies Oct. S. Angeli Custodis inciderit in Fest. Nativ. B. M. V., fit de B. Maria V., cum Commem. diei Octavæ S. Angeli Custodis.

DIE IV.

SANCTÆ ROSÆ VITERBIENSIS

VIRGINIS

Duplex.

Omnia de Comm. Virg. 95*, præter seq.

Oratio.

DEUS, qui beátam Rosam sanctárum tuárum Virginum collégio aggregáre dignátus es: tribue nobis, quæsumus; ut ejus précibus

et méritis a culpis ómnibus expiémur, et tuæ majestátis consórtio perfruámur ætérno. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

ROSA Vitérbii piis paréntibus nata ab ipsa infántia omni virtúte enituit, facta perfectiónis magistra, cum vix loqui didicisset. Mundi exósa vanitátes, rudi amíctu, pedum nuditáte, cilicio, jejúniis, aliisque austeritátibus corpúsculum affligens, divínæ contemplatióni júgiter vacábat. Hanc vero exímiam sanctitátem insígni miraculo Deus testátam vóluit; nam adhuc puélla avúnculam defúctam ad vitam revocávit. Ad virginitátem, quam perpétuo cóluit, solo adspéctu intuéntium ánimos excitábat. Caritátis erga páuperes studiosíssima, cum aliquándo hibérno témpore subtráctum sibi panem clam illis deférret, patre imperánte, ut próderet quid in grémio ábscónditum ferret, panis in rosas convérsus est.

℞. Propter veritátem. 104*.

Lectio v.

CUM séptimum explésset annum, solitúdinis desiderio flagrans, domus suæ angústam célula[m] elégit, cui se tamquam voluntário cárceri inclúsit, et oratióni corporisque castigatióni ardénter incúmbens, Dei cle-

méntiam deprecabátur pro sanctæ Ecclesiæ tranquillitáte, quam Friderici secúndi imperatóris impietas acérime divexábat. Ex diútina áutem maceratióne in morbum lethálem incidit, in quo beátæ Virginitis visitatióne recreáta, hábitum tértii órdinis sancti Francisci indúere jussa est. Decénnis a Deo inspiráta, piis adhortatióibus validisque arguméntis multos hæréticos ad fidem et obediéntiam Románi Pontificis redúxit. Qua de cáusa cum tota cognatióne sua in exsílium ejécta, ad vicina óppida venit, ubi Friderici mortem et Ecclesiæ pacem prophético spíritu prædixit. Mulierem cæcam a nativitáte illuminávit, et ad fidei veritátem adstruéndam, succénsus rogum ingrèssa, ac tribus horis in eo illæsa pérmanens, cujúsdam hæréticæ mulieris pervicáciam vicit, eámque cum aliis ad fidem convertit.

℞. Dilexisti. 104*.

Lectio vj.

TANDEM Vitérbium summa civium gratulatióne réversa, in consórtium sanctimoniálium sanctæ Mariæ de Rosis admitti pétiit; sed illis ingrèssum ob puéllæ inópiam denegántibus, se mórtuam in eo cænóbio comoratúram prædixit. Mox ad pristinum domus suæ cárcerem regrèssa, cum in ea duóbus annis permansisset,

morbo corrèpta, et ad beátam pátriam suspirans, méritis plena migrávit ad Sponsum, décimo octávo suæ vitæ anno nondum exácto. Corpus ejus miro splendóre illustrátum, suavique odóre perfúsus, in templo sanctæ Mariæ de Pódio, effóssa humo, ac désuper ingèsta, tumulátum fuit; donec post triginta circiter menses ab Alexándro quarto, tunc Vitérbii sedénte, et in somnis ter ab ea admónito refóssum et incorrúptum repértum, pridie Nonas Septémbris ad præfátum monastérium, quod póstea sanctæ Rosæ nuncupátum est, solémniter translátum fuit: ubi usque ad hodiérnam diem integrum et flexibile summa totius orbis admiratióne, asservátur; et novis semper miráculis corúscat.

℞. Afferéntur. 104*.

IN III. NOCTURNO

Homil. in Evang. Simile erit regnum. **de eodem Communi 1º loco.** 106*.

EADEM DIE

SANCTÆ ROSALIÆ

VIRGINIS PANORMITANÆ

Semiduplex.

Omnia de Comm. Virg. 95*, præter seq.

Oratio.

EXÁUDI nos Deus salutáris noster: ut sicut de beátæ Rosaliæ Virginitis tuæ festivitáte gaudémus; ita piæ devotiónis erudiámur affé-

ctu; et ejus intercessióne ab iracúndiæ tuæ flagéllis misericórditer liberémur. Per.

Pro regno Siciliæ.

Alia Oratio.

DEUS, qui beátam Rosáliam Virginem e regálibus mundi deliciis in mόνtium solitúdinem transtulisti : concéde propítius; ut ejus méritis et patrocínio a sæculi voluptátibus in cæléstium amórem transferámur, et ab iracúndiæ tuæ flagéllis misericórditer liberémur. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

ROSÁLIA virgo, orta Panórmi, ex nóbili gènere suam originem trahens a Cárolo Magno, in Quisquinæ montem quadraginta circiter mille pássibus distántem sola secédens, patérnæ domus opes, delicias, ac spem majóris amplitúdinis ob propinquitátem et benevoléntiam regum Siciliæ, contémnens, cum tétriciæ rupis horróre et asperitáte commutávit : inque antrum, cui tunc únicus et quidem angústus áditus e superiori loco patébat, intrépide descendit ea mente quam caractéribus saxo inscúlpitis adhuc paténtibus expréssit : Ego Rosália Sinibáldi Quisquinæ et Rosárum dómini filia, amóre Dómini mei Jesu Christi in hoc antro

habitáre decrevi. Qua inscriptione óculis obversánte, susceptæ vitæ propósitum áltius cordi infigere, ac divinæ benevoléntiæ signa ad castissimæ mentis blandiménta vicíssim provocáre consuévit.

R. Propter veritátem. 104*.

Lectio v.

IN hac specu subterrânea sibi et mundo emórtua, consepúltaque Jesu Christo, ut soli Deo viveret, diu noctúque látuit, cavens præcipue, in mόνtibus patérni principátus, ne forte ágnita in domum urbémque pátriam abducerétur invíta. Cállidas dæmonum insídias, quæ ásperæ vitæ tædium et solitúdinis horrórem ánimo ingerébant, ácritèr sæviendo in se férrea caténa, vigiliis et humi cubatióne forti ánimo superásse antiquæ icónes significant. Cumque humanis destitúta præsídiis, nihil solátii aliúnde hauriret, quam e cælo; Dóminus, qui consolátur et coronat sanctos suos, angélicis deliciis illam sæpius recreábat.

R. Dilexisti. 104*.

Lectio vj.

CÆLÉSTI deinde consilio ex antro Quisquinénsi in horridiorem spelúncam Peregriini montis, tribus fere mille pássibus procul Panórmo, Rosália se tránstulit, ut quo difficiliórem pugnam secum ipsa committeret e conspéctu domus patérnæ,

eo laudabilius de contemptis mundi illécebris triumpháret. Latébat ibi ad partem lævam angústus concavus, quem eádem post repertas ejus reliquias illuc venánti, cui se videndam præbuit, dixit esse suam cellam peregrinam, ubi multum ætátis exegisset. Hic tamquam columba in foraminibus petræ gemens, in cælestium rerum contemplatione defixa, ad perfectissimam divini amoris normam in solitudine vitam tradúxit, et sanctissime perennibus caritátis rosis et virginitátis liliis coronáta, depósuit pridie Nonas Septémbris. Cujus corpus Urbáno octávo Pontífice Máximo divinitus anno jubilæi totius Siciliæ pláusu repertum, illam a peste liberávit.

℞. Afferéntur. 104*.

IN III. NOCTURNO

Homil. in Evang. Simile erit regnum. de eodem Comuni 1^o loco. 106*.

DIE IX

S. PETRI CLAVER

CONFESSORIS

Duplex.

Omnia de Comm. Conf. non Pont. 76*, præter seq. (m. t. v.)

Oratio.

DEUS, qui abréptos in servitútem Nigritas ad agnitionem tui nóminis vocáturus, beátum Petrum mira in eis juvándis caritáte et

patiéntia roborásti : ejus nobis intercessióne concéde ; ut quæ Jesu Christi sunt quæréntes, próximos ópere et veritáte diligámus. Per eúmdem Dóminum.

Et fit Commem. Oct. et S. Gorgonii Mart.

IN I. NOCTURNO

Lect. de Script. occur.

IN II. NOCTURNO

Lectio iv.

PETRUS Claver Hispánu Verdúni natus, óppido Cataláuniæ, Societáti Jesu nomen dedit adolescens moribus innocentissimis. Tirocinio ad exéplum functus ac litteris humanióribus excúltus, in Baleárium máximam trajécit philosophiæ operam datúrus. Ibi Alphónso Rodríguez, qui multa de futúro ejus apostolátu atque amplissimo in cælis præmio divinitus accéperat, pia necessitúde conjúctus, sublimiórís ab eo virtútis arcána paratósque sibi labóres edóctus est. Inde revocatús, theologiæ currículum Barcinóne iniit : sed áltero anno transmítere jussus in Américam, abrúptum studiórú cursum in urbe Sanctæ Fidei Bogoténsi confécit. Póstea Cartháginem ad oram maris Atlántici, quo primum apúlerat, revérsus, et sacerdotio áuctus, Nigritis turpi mercátu illuc abdúctis vitam suam, interpósita sacraménti fide, plane devóvit. In his áutem doctrína christiá-

na imbuendis dici vix potest quanta patientia et caritate annos amplius quadraginta insudaverit.

R. Honestum. 82*.

Lectio v.

NON eorum animis solum, sed et corporibus opitulabatur assidue. Ut naves eisdem onustae ad emporium illud appellabant, praesto aderat Petrus, hominesque miseria confectos, ceu pater filios, peramanter completens, nudis indumenta, esurientibus escam, aegris medicamina suppeditabat. Lue pestifera vel aliis morbis infectos, nihil de seipso sollicitus, cura et ope levabat peculiari, visus haud raro putrida eorum ulcera, nauseante nequidquam natura, tractare studiosius, eximiis inde charismatis a Deo dignatus. Quamplures a medicis desperatos subito sanitati restituit, multis oculorum lumine captis visum reddidit, tres a mortuis excitavit. Pallium suum quod aegris imponere vel substernere solebat, ulceratorum sordibus utcumque inquinatum, odorem non efflabat nisi suavissimum, ejusque contactu plures teterrime aegrotantes repente convaluerunt.

R. Amavit eum. 82*.

Lectio vj.

LABORIBUS circa Nigritas minime fractus, haereticis cum Ecclesia reconciliandis, Mahumetanis ad Chri-

stum traducendis, civibus etiam advenisque aliis juvandis operam impendit; dignus propterea qui a Patribus concilii Tarraconensis, in communi ad Benedictum decimum tertium epistola, alter Societatis Jesu Xaverius appellaretur. Quidquid supererat temporis dabat contemplationi, et post diurnos labores precatiori in seram noctem instabat. Castimoniae custos rigidissimus, eam ab omni labe puram ad tumulum usque servavit. Erga omnes comis, in se uno excruciendo aspererat. Domi forisque in honore habitus, numquam extulit animum; odia vero impiorum et convicia immobili fortitudine toleravit. Tot auctus meritis, anno millesimo sexcentesimo quinquagesimo quarto, die natali Dei parae, quam a puero semper adamaverat, ad caelestium sedem emigravit, anno aetatis quarto supra septuagesimum absoluto. Editis post obitum eo deprecante prodigiis, Pius nonus honores ei caelitum Beatorum decrevit. His autem cum deinde nova miracula accessissent, Leo decimus tertius anno millesimo octingentesimo octogesimo octavo, Africa Evangelio non ita pridem aperta, insignem hunc Nigritarum apostolum Sanctorum fastis adscripsit.

R. Iste homo. 83*.

IN III. NOCTURNO

Léctio sancti Evangélii secundum Lucam.

Lectio vij. Cap. 10. c

In illo témpore : Legispiritus quidam volens iustificáre seípsum, dixit ad Jesum : Et quis est meus próxímus? Et réliqua.

Homilia sancti Joánnis Chrysóstomi.

Ex Hom. 8. adv. Judæos.

IMITÁRE Samaritánum illum qui in Evangélio tantam erga vulnerátum præstitit sollicitúdinem. Etenim illic præteriit levita, præteriit pharisæus, ac néuter defléxit ad jacéntem; sed incleménter crudelítérque relicto illo, abiérunt. Samaritánus áutem, qui nulla ex parte illi conjúctus erat, non prætercúrrit : sed occurrens misértus est, instillávit óleum et vinum, impósuit ásino, duxit ad diversórium, pecúniám partim dedit, partim pollicitus est, pro ejus, qui nihil ad ipsum pertinébat, curatióne. Si Samaritánus ádeo humánus mitisque fuit erga hóminem ignótum, quam habitúri sumus nos véniam, si próprios fratres neglexérimus in malis gravióribus? Ne igitur dissimulémus, neque incleménter, prætereámus; quin etiámsi álii hoc fécerint, cave tu ne idem fácias.

℞. Iste est qui ante Deum.
85*

Lectio viij.

NEQVE enim Samaritánus ille dicébat : Ubi nunc sacerdótes, ubi nunc pharisæi, ubi nunc Judæórum doctóres? Sed perinde ac venátum quemdam máximum nactus esset, ita lucrándi ansam arripuit. Et tu igitur cum videris álium egéntem curatióne vel corpóris vel ánimæ, ne dicas apud temetípsum : Quare ille et ille eum non curavérunt? Sed illum tu a morbo libera, nec ratiónes negligéntiæ ab illis éxigas. Si áurum jacens invénias, num dicis apud temetípsum : Quare ille aut ille non sustulérunt? et non festinas ante álios rápere? Itidem et de frátribus collápsis cógita putatóque thesáurum te reperisse, nímírum curam illórum. ¶ Etenim si instilláveris cui-piam, velut óleum, doctri-nam sermónis, si ligáveris cum mansuetúdine, si sanáveris tolerántia, ille te fáciat ditiórem quovis thesáuro. Qui enim separáverit pretiósium a vili, tamquam os meum erit, inquit Deus. Quid huic bono póterit æquiparári? Quod neque jejúnium, neque humi cubatiónes, neque pervigília, neque áliud quidpiam potest effícere, id effícit fratris procuráta salus.

℞. Sint lumbi. 85*.

Lect. ix. de S. Gorgonio,
ut in Breviar.

In Laud. fit Commem. Oct.
Nativitatis B. M. V., deinde
S. Gorgonii.

DIE XXII

B. MARIE DE SOCOS

VIRGINIS

Duplex.

Omnia de Comm. Virg.
95*, præter seq.

IN I. VESPERIS

Ad Magnif. Ant. Flagellis
et catēna Maria corpus do-
mābat : silēntio et abstinē-
tia ānimum custodiēbat :
oratiōnibus incessāter in-
stābat, docens Christi spon-
sas vas corruptibile in san-
ctificatiōe et honōre possi-
dere.

Oratio.

DEUS, qui nos cōspicis
in tot periculis consti-
tutos pro nostra fragilitate
non posse subsistere : con-
cede propitius; ut interce-
dente beāta Maria fāmula
tua de præsēntis vitæ flūcti-
bus educti, ad æternæ salū-
tis portum pervenire valeā-
mus. Per Dōminum.

**Commem. SS. Mauritii et
Soc. Mart. ut in Breviar.**

IN I. NOCTURNO

Lect. de Script. occur.

IN II. NOCTURNO

Lectio iv.

MARIA, nōbili fāmilia de
Cervelliōne Barcinōne
in Hispānia nata, et a parēn-
tibus in Dei timōre primis
ab annis enutrita, virginitā-
tem suam, cum decem et
octo esset annōrum, illi de-

vōvit. Ejus vivēdi rātio
erat : in públicum rārius
prodire, ægrotāntibus do-
mesticis sēdulo adesse, et in
nosocomio ter in hebdoma-
da paupēribus ministrāre.
Annum trigésimum agens,
defūcto patre, hābitum ór-
dinis sanctæ Mariæ de Mer-
cede prima ex fēminis sus-
cipiens, sanctimoniālibus
ejusdem ordinis ducem, et
magistram, et exēplar se
præbuit, ac distribūto pa-
trimōnio in redemptiōnem
captivōrum, professiōem
in eōdem ordine una cum
voto de laborādo pro redi-
mēdis captivis emisit.

R. Propter veritatem. 104*.

Lectio v.

MATRE e vivis sublata,
cum aliquot honestis fē-
minis ejusdem instituti piam
sanctamque vitam perēgit :
sólita quotidie mulierum, a
suis fratribus redemptarum,
ac Barcinōnem adveniēn-
tium, pedes in hospitāli do-
mo lavāre : quinquies in
hebdomada sacra Eucharis-
tia réfici, terque jejunāre
solo pane et aqua contēta;
quotidiānis flagellis insuper
et férrea catēna corpus suum
affligens. Silēntium, quod
mira observātia colēbat,
inānibus verbis numquam
infrēgit; ac párcius indúl-
gens somno, expetēbat ab
ejusmodi necessitate libe-
rari, ut illo solo frueretur
incessāter, quo jucundān-
tur cæli, et Angeli lætāntur.

Quod diurni temporis su-
pérrerat ab oratione et pie-
tatis exercitiis, in páuperes
juvándos impendébat : nul-
lum officii genus prætermít-
tens, quo afflictos consola-
rétur, opprèssos liberáret,
et vinctos edúceret de car-
céribus.

R. Dilexisti. 104*.

Lectio vj.

FUTÚRAS maris tempestates
prænuntiábat, illásque
sæpe suis orationibus sedá-
vit : visà aliquóties super
undas incédere, quo fratres
captivórum redemptóres,
aliósque in mari periclitán-
tesserváret incólumes : unde
ei María de Subsídio, vulgó
de Socos, nomen est inditum.
Dénique post multa virtú-
tum insignia, Barcinóne mi-
grávit ad Dóminum, décimo
tértio Kaléndas Octóbris,
anno salutis millésimo du-
centésimo nonagésimo. Ejus
corpus, ex quo suavissimus
odor manábat, sepúltum est
in ecclésia fratrum órdis
sui : quod nonagésimo post

anno, epíscopo Barcinonén-
si, Petro Aragóniæ rege, cæ-
terisque áulæ et civitátis
primátibus adstántibus, so-
lémni pompa elevátum, in-
corrúptum repértum fuit, ac
decentióri loco, ubi reli-
gióse cólitur, asservátur.

R. Afferéntur Regi. 104*.

IN III. NOCTURNO

Homil. in Evang. Símile
erit regnum cælórum. **de**
codem Communi 1º loco.
106*.

**Lectio ix. de sanctis Mar-
tyribus.**

Ad Bened. Ant. Adducén-
tur in lætitia et exultatióne
Regi Dómino vírgines post
Mariám, ut in sanctitáte et
justitia sérviant illi, et quo-
cúmque ierit, ipsum Agnum
sequántur.

**Commem. SS. Mauritii et
Soc.**

IN II. VESPERIS

Ad Magnif. Ant. Mare et
venti Mariæ obédiunt, an-
géllici candóris virtúte pol-
lénti : aquæ multæ cessérunt
ardóri caritátis ejus.

FESTA OCTOBRIS

DOMINICA II. OCTOBRIS
MATERNITATIS B. M. V.

Duplex majus.

IN I. VESPERIS

Ant. et Capit. de Laud.
310* ; **Pss. et alia hic non**
propria ut in Festis B. M. V.
145*.

V. Benedicta tu in mulié-

ribus. *R.* Et benedíctus fru-
ctus ventris tui.

Ad Magnif. Ant. Cum ju-
cunditáte Maternitátem beá-
tæ Mariæ semper Virginis
celebrémus.

Oratio ut ad Laud. 311*.

**Et fit Commem. Dom. oc-
cur.**

AD MATUTINUM

Invit. Maternitatem beatæ Mariæ Virginis celebrémus :
 * Christum ejus Filium adorémus Dóminum.

Ps. Veníte, exsultémus. 2.

Hymnus.

CÆLO Redemptor prætulit
 Felicis alvum Virginis,
 Ubi futúra victima
 Mortále corpus induit.

Hæc Virgo nobis édedit
 Nostræ salutis áuspitem,
 Qui nos redémit sángine,
 Pœnas crucémque pértulit.

Spes læta nostro e pectore

Pellat timóres ánxios :
 Hæc quippe nostras lácrymas

Precésque defert Fílio.

Voces Paréntis éxcipit,
 Votisque Natus ánnuit :
 Hanc quisque semper diligat,

Rebúsque in arctis invocet.

Sit Trinitáti glória,
 Quæ Matris intáctum sinum
 Ditávit almo gérmine,
 Laus sit per omne sæculum.
 Amen.

IN I. NOCTURNO

De libro Ecclesiástici.

Lectio j. Cap. 24.

EGO ex ore Altissimi prodívi, primogénita ante omnem creatúram : ego feci in cælis ut orirétur lumen indeficiens, et sicut nébula texi omnem terram : ego in altissimis habitávi, et thronus meus in columna nubis. Gyrum cæli circuivi sola, et profúndum abyssi penetrávi,

in flúctibus maris ambulávi, et in omni terra steti : et in omni pópulo, et in omni gente primátum hábui : et ómnium excelléntium et humílium corda virtúte calcávi : et in his ómnibus requiem quæsivi, et in hereditáte Dómini morábor.

R. Felix es, sacra Virgo María, et omni láude dignissima : * Ex qua ortus est sol justitiæ, Christus Deus noster, per quem salváti et redempti sumus. **V.** Maternitatem beatæ Mariæ Virginis cum gáudio celebrémus. Ex qua.

Lectio ij.

TUNC præcepit, et dixit mihi Créator ómnium : et qui creávit me, requiévít in tabernáculo meo, et dixit mihi : In Jacob inhábita, et in Israël hereditáre, et in eléctis meis mitte radices. Ab initio, et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta similiter requievi, et in Jerúsalem potéstas mea. Et radicávi in pópulo honorificáto, et in parte Dei mei heréditas illius, et in plenitúdine sanctórum deténtio mea.

R. Sine tactu pudóris inventa es Mater Salvatóris : * Qui cælum terrámque regit, in tua se cláusit viscera

factus homo. *℣.* Benedicta tu in mulieribus, et benedictus fructus ventris tui. Qui.

Lectio iij.

QUASI cedrus exaltata sum in Libano, et quasi cypressus in monte Sion: quasi palma exaltata sum in Cades, et quasi plantatio rosae in Jéricho: quasi oliva speciosa in campis, et quasi platanus exaltata sum juxta aquam in platéis. Sicut cinnamomum et balsamum aromatizans odorem dedi: quasi myrrha electa dedi suavitatem odoris: et quasi storax, et galbanus, et ungula, et gutta, et quasi Libanus non incisus vaporavi habitationem meam, et quasi balsamum non mistum odor meus. Ego quasi terebinthus extendi ramos meos, et rami mei honoris et gratiae. Ego quasi vitis fructificavi suavitatem odoris.

℞. Multae filiae congregaverunt divitias, tu supergressa es universas: * Speciosa facta es et suavis in deliciis tuis, sancta Dei Genitrix. *℣.* Sentiant omnes tuum juvenem, quicumque celebrant tuam sanctam Maternitatem. Speciosa. Glória Patri. Speciosa.

IN II. NOCTURNO

Ex Sermone sancti Leonis Papae.

Serm. 1. de Nativ. Domini.

Lectio iv.

VIRGO régia Davidica stirpis eligitur, quae sacro

gravidanda foetu, divinam humanamque prolem prius conciperet mente quam corpore: et ne superni ignara consilii ad inusitatos pavéret affatus, quod in ea operandum erat a Spiritu sancto, colloquio didicit angelico, nec damnum credidit pudoris Dei Genitrix mox futura. Cur enim de conceptionis novitate desperet, cui efficiéntia de Altissimi virtute promittitur? Confirmatur credentis fides etiam praecedentis attestaciónem miraculi. Donatur Elisabeth inopinata foecunditas, ut qui conceptum dederat sterili, daturus non dubitaretur et Virgini. Verbum igitur Dei Filius, qui in principio erat apud Deum, per quem facta sunt omnia, et sine quo factum est nihil, propter liberandum hominem ab aeterna morte, factus est homo.

℞. Gloriosae Virginis Mariae Maternitatem dignissimam recolamus: * Cujus Dominus humilitatem respexit, quae Angelo nuntiante concepit Salvatorem mundi. *℣.* Christo canamus gloriam in hac sacra solemnitate mirabilis Genitricis Dei. Cujus.

Lectio v.

Serm. 2. de Nativ. Domini.

INGRÉDITUR haec infima Jesus Christus Dominus noster de caeli sede descendens, et a paterna gloria non recedens, novo ordine, nova nativitate generatus. Novo

ordine, quia invisibilis in suis, visibilis factus est in nostris: incomprehensibilis voluit comprehendí: ante tempora manens, esse coepit in tempore. Nova autem natiuitate genitus est: conceptus a Virgine, natus ex Virgine, sine paternæ carnis concupiscéntia, sine maternæ integritátis injúria: quia futurum hóminum Salvátorem talis ortus decébat, qui et in se habéret humanæ substantiæ natúram, et humanæ carnis inquinaménta nescíret. Origo dissímilis, sed natúra consímilis: humano usu et consuetúdine, quod crédimus, caret: sed diuina potestáte subnixum est, quod Virgo concéperit, Virgo pepérerit, Virgo permanserit.

R. Benedicta filia tu a Dómino, quia per te fructum vitæ comunicávimus: *Sola sine exémplo placuisti Dómino nostro Jesu Christo. **V.** Nostras deprecationes ne despicias in necessitatibus nostris, et a periculis cunctis libera nos sancta Dei Génitrix. Sola.

Lectio vj.

OPÓRTUIT ut primam Genitricis integritátem nascentis incorruptio custodiret, et complácitum sibi cláustrum pudóris et sanctitátis hospítium diuini Spíritus virtus infúsa seruáret, quæ statúerat dejécta erigere, confrácta solidáre, et

superándis carnis illécebris multiplicátam pudicitíæ donáre virtútem; ut virginitas, quæ in áliis non póterat salva esse generádo, fieret áliis imitábilis renascéndo. Hoc ipsum autem, quod Christus nasci éligit ex Virgine, nonne appáret altissimæ fuisse ratiónis, ut scilicet humano géneri natam salutem diábolus ignoráret, et spirituáli laténte concéptu, quem non álium vidéret quam álios, non áliter créderet natum esse quam cæteros? Quod ut fieret, édítus est Christus ex Virgine, quam Spíritus sanctus fœcundávit; et cum in ómnibus mátribus non fiat sine peccáti sorde concéptio, hæc inde purgatiónem traxit, unde concépit.

R. Benedicta tu inter mulieres, et benedictus fructus ventris tui: *Unde hoc mihi, ut véniat Mater Dómini mei ad me? **V.** Respéxit humilitátem ancillæ suæ, et fecit mihi magna, qui potens est. Unde. Glória Patri. Unde.

IN III. NOCTURNO

V. Fecit mihi magna, qui potens est. **R.** Misericórdia ejus a progénie in progénies timéntibus eum.

Léctio sancti Evangélíi secúndum Lucam.

Lectio vij. Cap. 2. f

IN illo tempore: Cum redirent, remánsit puer Jesus in Jerúsalem, et non cognouerunt paréntes ejus. Et reliqua.

Homilia sancti Bernárdi
Abbátis.

**Homil. 1. de Laud. Virg.
Matris.**

DEUM et Dóminum Angelórum Maria suum Filium appellat, dicens : Fili, quid fecisti nobis sic? Quis hoc áudeat Angelórum? Súfficit eis, et pro magno habent, quod cum sint spíritus ex conditióne, ex grátia facti sint et vocáti Angeli, testánte David : Qui facit Angelos suos spíritus. Maria vero matrem se agnóscens, majestátem illam, cui illi cum reveréntia sérvíunt, cum fidúcia suum núncupat Filium : nec dedignátur nuncupári Deus, quod esse dignátus est. Nam páulo post subdit Evangelísta : Et erat súbditus illis. Quis? quibus? Deus homínibus? Deus, inquam, cui Angeli súbditi sunt, cui Principátus et Potestátes obédiunt, súbditus erat Mariæ.

A. Beáta es Virgo Maria, Dei Génitrix, quæ credidisti Dómino : perfécta sunt in te, quæ dicta sunt tibi : * Proptérea benedixit te Deus in ætérnum. ✠. Diffúsa est grátia in lábiis tuis : intercède pro nobis ad Dóminum Deum nostrum. Proptérea.

Bened. Cujus festum cólimus, ipsa Virgo vírginum.

Lectio viij.

MIRÁRE utrúmlibet, et élige quod ámplius miréris, sive Filii benigníssimam di-

gnatiónem, sive Matris excellentíssimam dignitátem. Utrúmque stupor, utrúmque miráculum. Et quod Deus fémínæ obtémperet, humilitas absque exémplo : et quod Deo fémína principétur, sublimitas sine sócio. In láudibus Virginum singuláriter cánitur quod sequúntur Agnum quocúmque ierit. Quibus ergo láudibus júdicas dignam, quæ étiam præit? Disce homo obedire : disce terra subdi : disce pulvis obtemperáre. De Auctóre tuo loquens Evangelísta : Et erat, inquit, súbditus illis. Erubésce supérbe cinis : Deus se humiliat, et tu te exáltas? Deus se homínibus subdit, et tu dominári géstiens homínibus, tuo te præpónis Auctóri? † Felix María, cui nec humilitas defuit, nec virginitas! Et quidem singuláris virginitas, quam non temerávit, sed honorávit fœcúnditas. Et nihilóminusspecialis humilitas, quam non abstulit, sed éxtulit fœcúnda virginitas : et incomparábilis prorsus fœcúnditas, quam virginitas simul comitátur et humilitas. Quid horum non mirábile? quid non incomparábile? quid non singuláre? Mirum vero, si non hæsitas, in horum ponderatióne, quid tua júdices dignius admiratióne, utrum videlicet pótius stupénda sit fœcúnditas in Virgine, an in Matre intégritas : sublimitas

in prole, an cum tanta sublimitate humilitas : nisi quod indubitante horum singulis preferenda sunt simul cuncta, et incomparabiliter excellentius est atque felicius omnia percepisse quam aliqua. Et quid mirum, si Deus, qui mirabilis cernitur et legitur in Sanctis suis, mirabiliorem se exhibuit in Matre sua? Veneramini ergo conjuges in carne corruptibili carnis integritatem : vos sacrae virgines in Virgine fecunditatem. Imitamini omnes homines Dei Matris humilitatem.

R. Congratulamini mihi omnes qui diligitis Dominum, quia cum essem parvula, placui Altissimo : * Et de meis visceribus genui Deum et hominem. **V.** Beata me dicent omnes generationes, quia ancillam humilem respexit Deus. Et. Gloria Patri. Et.

Lectio ix. de Homilia Dominicæ occurrentis.

AD LAUDES

ET PER HORAS

Ant. 1. Beata es, * Virgo Maria, quæ omnium portasti Creatorem.

Ps. Dominus regnavit. **cum reliq. 17.**

2. Genuisti * qui te fecit, et in æternum permanes Virgo.

3. Beata me dicent * omnes generationes, quia ancillam humilem respexit Dominus.

4. Fecit mihi magna * qui

potens est, et sanctum nomen ejus.

5. Viderunt eam * filia Sion, et beatam dixerunt, et reginae laudaverunt eam.

Capitulum. Eccli. 24.

QUI creavit me, requievit in tabernaculo meo, et dixit mihi : In Jacob inhabitabit, et in electis meis mitte radices.

Hymnus.

TE, Mater alma Numinis, Oramus omnes supplices,

A fraude nos ut demonis Tua sub umbra protegas.

Obperditum nostrum genus

Primi parentis crimine,
Ad inclytum Matris decus
Te Rex supremus extulit.

Clementer ergo prospice
Lapsis Adami posteris :
A te rogatus Filius
Deponat iram vindicem.

Jesu tibi sit gloria,
Qui natus es de Virgine,
Cum Patre et almo Spiritu,
In sempiterna sæcula. Amen.

V. Germinavit radix Jesse : orta est stella ex Jacob.

R. Virgo peperit Salvatorem : te laudamus Deus noster.

Ad Bened. Ant. Sancta Maria succurre miseris, juva pusillanimes, refove flebiles, ora pro populo, interveni pro clero, intercede pro devoto femineo sexu : sentiant omnes tuum juvenem, quicumque celebrant tuam admirabilem Maternitatem.

Oratio.

DEUS, qui de beátæ Mariæ Virginis útero Verbum tuum, Angelo nuntiánte, carnem suscipere voluisti: præsta supplicibus tuis; ut qui vere eam Genitricem Dei crédimus, ejus apud te intercessiónibus adjuvémur. Per eúmdem Dóminum.

Et fit Commem. Dominicæ occur.

AD TERTIAM

Ant. Genuísti. *

Capit. Qui creávit. 310*.

R. br. Spécie tua * Et pulchritúdine tua. Spécie. **V.** Inténde, prospere procéde, et regna. Et. Glória Patri. Spécie.

V. Adjuvábít eam Deus vultu suo. **R.** Deus in médio ejus, non commovébitur.

AD SEXTAM

Ant. Beátam me dicent.

Capitulum. Eccli. 24. b

ET sic in Sion firmáta sum, et in civitaté sanctificáta similiter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea.

R. br. Adjuvábít eam * Deus vultu suo. Adjuvábít. **V.** Deus in médio ejus, non commovébitur. Deus. Glória Patri. Adjuvábít.

V. Elégit eam Deus, et præelégit eam. **R.** In tabernáculo suo habitáre facit eam.

AD NONAM

Ant. Vidérunt eam.

Capitulum. Eccli. 24. b

IN platéis sicut cinnamó-mum et bálsamum aromatizans odórem dedi: quasi myrrha elécta dedi suavitátem odóris.

R. br. Elégit eam Deus, * Et præelégit eam. Elégit. **V.** In tabernáculo suo habitáre facit eam. Et. Glória Patri. Elégit.

V. Diffúsa est grátia in lábiis tuis. **R.** Proptérea benedíxit te Deus in ætérnum.

IN II. VESPERIS

Omnia ut in primis, præter

Ad Magnif. Ant. Matérnitas tua, Dei Génitrix Virgo, gáudium annuntiávit univérso mundo; ex te enim ortus est sol justítiæ, Christus Deus noster.

Et fit Commem. Dominicæ occur.

DOMINICA III. OCTOBRIS
PURITATIS B. M. V.

Duplex majus.

IN I. VESPERIS

Ant. et Capit. de Laud. 316*; **Pss. et alia hic non propria, ut in Festis B. M. V.** 145*.

Hymnus.

PRÆCLÁRA custos Vírginum,
Intácta Mater Núminis,
Caeléstis áulæ jánuá,
Spes nostra, cæli gáudium:
Inter rubéta lílium,
Colúmba formosíssima,

Virga e radice gérmīans
Nostro medélam vúlneri :

Turris draconī impérvia,
Amīca stella náufragis,
Tuére nos a fráudibus,
Tuáque luce dirige.

Erróris umbras díscute,
Syrtes dolósas ámove,
Fluctus tot inter, déviis
Tutam reclúde sémitam.

Jesu tibi sit glória,
Qui natus es de Vírgine,
Cum Patre et almo Spírītu,
In sempitérna sácula. Amen.

¶ Cum jucunditáte virginitátem beátæ Mariæ semper Vírginis celebrémus. *R.* Ut ipsa pro nobis intercédāt ad Dóminum Jesum Christum.

Ad Magnif. Ant. Nihil inquinátum in eam incúrrit : candor est lucis æternæ, et spéculum sine mácula.

Oratio ut ad Laudes. 317*.

Et fit Commem. Dominicæ occur.

AD MATUTINUM

Invitat. Virginitátem Deiparæ celebrémus : * Christum ejus Fílium adorémus Dóminum.

Ps. Veníte, exsultémus. 2.

Hymnus.

O STELLA Jacob fúlgida,
O solis instar spléndida
Auróra, qua nil púrius
Refúlget inter sídera.

Stolis amíctæ cándidis,
Tibi catérvæ cælitum
Pláudunt, sacræque vírgines

Láudes perénnes cóncinunt.

Quin obsequéntes ófferunt
Ligústra et alba lília;

Candor sed horum vincitur
Candóre casti péctoris.

Nostra Angelórum láudibus

Abjécta tellus ássonans
Ad astra voces éfferat,
Et Vírginis præcónia.

Jesu tibi sit glória,
Qui natus es de Vírgine,
Cum Patre et almo Spírītu,
In sempitérna sácula. Amen.

IN I. NOCTURNO

¶ Venérunt mihi ómnia bona páriter cum illa. *R.* Et innumerábilis honéstas per manus illius.

De Cánticis canticórum.

Lectio j. Cap. 2.

EGO flos campi, et lílium convállium. Sicut lílium inter spinas, sic amīca mea inter filias. Sicut malus inter ligna silvárum, sic diléctus meus inter filios. Sub umbra illius quem desideráveram, sedi : et fructus ejus dulcis gútturi meo. Introduxit me in cellam vináriam, ordinávit in me caritátem. Fulcíte me flóribus, stipáte me malis : quia amóre lángueo. Læva ejus sub cápīte meo, et dextera illius amplexábitur me. Adjúro vos filiæ Jerúsalem per cápreas, cervósque campórum, ne suscitétis, neque evigiláre faciátis diléctam, quoadúsque ipsa velit. Vox dilécti mei, ecce iste venit sáliens in móntibus, transiliens colles : similis est diléctus meus cápree, hinnulóque cervórum. En ipse stat post parietem

nostrum, respiciens per fenestras, prospiciens per cancellos. En dilectus meus loquitur mihi: Surge, propra amica mea, columba mea, formosa mea, et veni.

R. Dilectus meus mihi, et ego illi, qui pascitur inter lilia: * Pulchra es amica mea, suavis et decora sicut Jerusaleme, terribilis ut castrorum acies ordinata. **V.** Una est columba mea, perfecta mea. Viderunt eam filiae Sion, et beatissimam praedicaverunt. Pulchra es.

Lectio ij. Cap. 4.

QUAM pulchra es amica mea, quam pulchra es! Oculi tui columbarum, absque eo, quod intrinsecus latet. Capilli tui sicut greges caprarum, quae ascenderunt de monte Galaad. Dentes tui sicut greges tonsarum, quae ascenderunt de lavacro, omnes gemellis foetibus, et sterilis non est inter eas. Sicut vitta coccinea labia tua: et eloquium tuum dulce. Sicut fragmen mali punici, ita genae tuae, absque eo, quod intrinsecus latet. Sicut turris David collum tuum, quae aedificata est cum propugnaculis: mille clipei pendent ex ea, omnis armatura fortium. Duo ubera tua sicut duo hinnuli capreae gemelli, qui pascuntur in liliis, donec adspiret dies, et inclinentur umbrae, vadam ad montem myrrhae et ad collem thuris. Tota pulchra

es amica mea, et macula non est in te.

R. Surge, propra amica mea, columba mea, formosa mea, et veni: * Jam hiems transiit, imber abiit et recessit: flores apparuerunt in terra nostra. **V.** Surgam, et circuibo civitatem: per vicos et plateas quaeram quem diligit anima mea. Jam hiems.

Lectio iij.

VENI de Libano sponsa mea, veni de Libano, veni: coronaberis de capite Amana, de vertice Sanir et Hermon, de cubilibus leonum, de montibus pardorum. Vulnerasti cor meum soror mea sponsa, vulnerasti cor meum in uno oculorum tuorum et in uno crine colli tui. Quam pulchrae sunt mammae tuae soror mea sponsa! Pulchriora sunt ubera tua vino, et odor unguentorum tuorum super omnia aromata. Favus distillans labia tua sponsa, mel et lac sub lingua tua: et odor vestimentorum tuorum sicut odor thuris. Hortus conclusus soror mea sponsa, hortus conclusus, fons signatus.

R. Adjuro vos filiae Jerusaleme, si inveneritis dilectum meum, ut nuntiatis ei quia amore langueo. * Qualis est dilectus tuus o pulcherrima mulierum? **V.** Dilectus meus candidus et rubicundus, electus ex milli-

bus. Talis est dilectus meus: ipse est amicus meus filiæ Jerúsalem. Qualis. Glória Patri. Qualis.

IN II. NOCTURNO

✠. Post partum Virgo in-violata permansisti. **R.** Dei Génitrix intercède pro nobis.

Ex libro sancti Ambrósii
Episcopi de Virgínibus.

Lib. 2. post initium.

Lectio iv.

SIT vobis tamquam in imágine descripta virginitas vitæque beátæ Mariæ, de qua, velut in spéculo, refúlget spécies castitátis et forma virtútis. Hinc sumátis licet exéempla vivéndi, ubi tamquam in exemplári magistéria expressa probitátis, quid corrigere, quid effúgere, quid tenére debeátis, osténdunt. Primus discéndi ardor nobilitas est magistri. Quid nobílius Dei Matre? Quid splendídius ea, quam splendor elégit? Quid cástius ea quæ corpus sine córporis contagióne generávit?

R. Beatíssima Virgo María hortus conclúsus, fons signátus, Regina Angelórum, Dómina mundi, * Per quam Deus descéndit in terras, ut hómines ascéndere mereántur ad cælos. **V.** Ad te clamámus éxsules filii Hevæ: recordáre nostri sanctíssima Virgo. Per quam.

Lectio v.

DE cæteris ejus virtútibus quid loquar? Virgo erat

non solum córpore, sed étiam mente, quæ nullo doli ámbitu sincérum adulteráret afféctum. Corde húmilis, verbis gravis, ánimo prudens, loquéndi párcior, legéndi studiósior, non in incérto divitiárum, sed in prece páuperis spem repónens; inténta óperi, verécúnda sermóne, árbítrum mentis sólita non hóminem, sed Deum quærere: nullum lædere, bene velle ómnibus, fúgere jactántiam, ratióne sequi, amáre virtútem.

R. Beáta María tantæ éxstitit puritátis, ut Mater Dómini esse mererétur. * Deus quam elégerat creávit: de qua crearétur elégit. **V.** Ipsa est stella ex Jacob, cujus rádius univérsum orbem illúminat. Deus quam.

Ex sancto Petro Chrysólogo.

Lectio vj. Serm. 143.

HÆC dedit cælis glóriam, terris Deum, fidem géntibus, finem vitiis, vitæ ór-dinem, móribus disciplinam. Grátiam, quam détulit Angelus, accépit Virgo, salútem sæculis redditúra. Vere benedicta Virgo, quæ et virginitátis póssidet decus, et matris dignitátem: vere benedicta, quæ et supérni concéptus méruiť grátiam, et servávit integritátis corónam. Vere benedicta, quæ et divini gérminis suscepit glóriam, et regina éxstitit totius castitátis.

R. Quómodo fiet istud,

quóniam virum non cognó-
sco? Spíritus sanctus super-
véniet in te, * Et virtus
Altíssimi obumbrábit tibi :
ideóque * Quod nascétur ex
te Sanctum, vocábitur Fi-
lius Dei. *Ÿ.* Dixit áutem Ma-
ría : Ecce ancilla Dómini,
fiat mihi secúndum verbum
tuum. Et. Glória Patri. Quod.

IN III. NOCTURNO

Ÿ. Invenisti grátiam apud
Deum. *R.* Sancta Dei Gén-
trix, Virgo immaculáta.

Léctio sancti Evangélíi se-
cúndum Lucam.

Lectio vij. Cap. 1. c

In illo témpore : Missus est
Angelus Gábriel a Deo in
civitátem Galilææ, cui no-
men Názareth, ad Vírginem
desponsátam viro. Et réli-
qua.

Homília sancti Bernárdi
Abbátis.

Homil. 2. super Missus est.

NOVUM cánticum illud,
quod solis dábitur in
regno Dei cantáre virgíni-
bus, ipsam virginum Regi-
nam, imo primam inter cæ-
teras esse cantatúram, nemo
est qui ámbigat. Puto áutem
illam, præter illud quod
solis licet, cum ómnibus ta-
men virginibus ei, ut dixi,
commúne erit, dulcióri quo-
dam atque elegantióri cár-
mine lætificatúram esse civi-
tátem Dei. Hujus itaque dul-
cisonos deprómere vel ex-
primeremódulos ne ipsárum
quidem virginum ulla digna
inveniétur, quia mérito de-

cantándum servábitur illi,
quæ sola de partu, et partu
divíno gloriátur. Gloriátur,
dixi, de partu, non in se,
sed in ipso quem péperit.
Deus síquidem, (Deus enim
est, quem péperit) Matrem
suam singulári in cæléstibus
donatúrus glória, singulári
in terris præveníre curávit
et grátia, qua videlicet in-
effabiliter et intácta conci-
peret, et páreret incorrupta.

R. Egrediétur virga de ra-
dice Jesse, et flos de radice
ejus ascéndet : * Ecce Virgo
concipiet, et páriet Filium,
et vocábitur nomen ejus
Emmánuel. *Ÿ.* Joseph fili
David, noli timére accípere
Mariám cónjugem tuam :
quod enim in ea natum est,
de Spíritu sancto est. Ecce.

Bened. Cujus festum cólí-
mus, ipsa Virgo virginum.

Lectio viij.

DEUM hujúsmodi decébat
natívitás, qua nónnisi de
Virgine nascerétur. Talis
congruébat et Virgini partus,
ut non páreret, nisi Deum.
Proinde factor hóminum,
ut homo fieret, nascitúrus
de hómine, talem sibi ex
ómnibus débuit deligere,
imo cóndere matrem, qua-
lem et se decére sciébat, et
sibi nóverat placitúram. Vó-
luit itaque esse Vírginem, de
qua immaculáta immaculá-
tus procéderet, ómnium
máculas purgatúrus. Vóluit
et húmílem, de qua mitis et
húmilis corde prodíret, ha-

rum in se virtutum necessarium omnibus, saluberrimumque exemplum ostensus. Dedit Virgini partum, qui ei jam ante et virginitatis inspiráverat votum, et humilitatis prærogáverat meritum. Ut igitur, quæ Sanctum sanctorum conceptura erat pariter et paritura, sancta esset corpore, accépit donum virginitatis; ut esset et mente, accépit donum humilitatis. ¶ O admirabilem et omni honore dignissimam Virginem! O feminam singulariter venerandam, super omnes feminas admirabilem, parentum reparatricem, posterorum vivificatricem! Missus est Angelus ad Virginem, Virginem carne, Virginem mente, Virginem professione, Virginem denique, qualem describit Apóstolus, mente et corpore sanctam, nec noviter, nec fortuito inventam, sed a sæculo electam, ab Altissimo præcognitam, et sibi præparatam, ab Angelis servatam, a Patribus præfiguratam, a Prophetis promissam.

℞. Beata Dei Génitrix Maria, templum Domini, sacrarium Spiritus sancti, * Sola sine exemplo placuisti Domino nostro Jesu Christo. V. Genuisti qui te fecit, et in æternum permanes Virgo. Sola sine. Glória Patri. Sola sine.

Lect. ix. de Homil. Dominicæ occur.

AD LAUDES

ET PER HORAS

Ant. 1. Sicut lilium* inter spinas, sic amica mea inter filias.

Ps. Dominus regnavit. cum reliq. 17.

2. Diléctus meus mihi, * et ego illi, qui páscitur inter lilia.

3. Quam pulchra es, * amica mea, quam pulchra es!

4. Una est * columba mea, perfecta mea.

5. Vidérunt eam * filiae Sion, et beatissimam prædicavérunt.

Capitulum. Sap. 4.

QUAM pulchra est casta generatio cum claritate! Immortalis est enim memoria illius, quoniam et apud Deum nota est, et apud homines.

Hymnus.

GLORIOSA virginum, Sublimis inter sidera, Qui te creavit, parvulum Lactente nutris ubere.

Quod Heva tristis abstulit, Tu reddis almo germine: Intrent ut astra flébiles, Cæli reclúdis cárdines.

Tu regis alti janua, Et aula lucis fúlgida: Vitam datam per Virginem, Gentes redemptæ pláudite.

Jesu tibi sit glória, Qui natus es de Virgine, Cum Patre et almo Spiritu, In sempiternas sæcula. Amen.

V. Spécie tua et pulchritudine tua. ℞. Inténde, prospere procéde, et regna.

Ad Bened. Ant. Sancta et immaculata Mariæ Virginitas, quibus te laudibus efferram nescio : quia per te Redemptorem nostrum suscepimus Dominum nostrum Jesum Christum.

Oratio.

DA, quæsumus omnipotens æternæ Deus : ut purissimæ Virginis Mariæ integerrimam Virginitatem festiva celebritate venerantes; ejus intercessione, puritatem mentis et corporis consequamur. Per Dñum.

Et fit Commem. Dominicæ occur.

AD TERTIAM

Ant. Dilèctus meus mihi.

Capit. O quam pulchra. **ut supra ad Laud.**

℟. br. Spécie tua * Et pulchritudine tua. Spécie. **℣.** Intènde, prospere procède, et regna. Et. Glória. Spécie.

℣. Adjuvabit eam Deus vultu suo. **℟.** Deus in médio ejus, non commovébitur.

AD SEXTAM

Ant. Quam pulchra es.

Capitulum. **Eccli. 24. b**

ET sic in Sion firmata sum, et in civitate sanctificata similiter requievi, et in Jérusalem potestas mea. Et radicavi in populo honorificato, et in parte Dei mei hereditas illius, et in plenitudine sanctorum detentio mea.

℟. br. Adjuvabit eam * Deus vultu suo. Adjuvabit. **℣.** Deus in médio ejus, non

commovébitur. Deus. Glória Patri. Adjuvabit.

℣. Elégit eam Deus, et præelégit eam. **℟.** In tabernáculo suo habitare facit eam.

AD NONAM

Ant. Vidérunt eam.

Capitulum. **Eccli. 24. b**

IN plateis sicut cinnamomum et balsamum aromatizans odorem dedi : quasi myrrha electa dedi suavitatem odoris.

℟. br. Elégit eam Deus, * Et præelégit eam. Elégit. **℣.** In tabernáculo suo habitare facit eam. Et. Glória Patri. Elégit.

℣. Diffusa est grátia in labiis tuis. **℟.** Propterea benedixit te Deus in ætérnum.

IN II. VESPERIS

Omnia ut in I., præter

Ad Magnif. Ant. Beata Dei Génitrix Maria, Virgo perpétua, sacrarium Spiritus sancti, solasine exémplo placuisti Dómino nostro Jesu Christo.

Et fit Commem. Dominicæ occur.

DIE V

SANCTÆ GALLÆ VIDUÆ

Duplex.

Omnia de Communi nec Virg. nec Mart. 113*, præter seq.

Oratio.

OMNÍPOTENS et miséricors Deus, qui beatam Gallam eximia in pauperes dilectionis virtute decorasti :

ejus méritis et précibus concede; ut caritátis ópera exercentes, misericórdiam tuam cónsequi mereámur. Per.

Et fit Commem. SS. Placidi et Soc. Mart.

IN I. NOCTURNO

Lect. de Script. occur.

IN II. NOCTURNO

Ex libro quarto Dialogórum sancti Gregórii Papæ.

Lectio iv.

GOTHÓRUM tempóribus, Galla hujus urbis nobilissima puélla, Sýmmachi cónsulis ac patritii filia, intra adolescéntiæ témpora marito trádicta, in unius anni spátio ejus est morte viduáta. Quam dum fervéte mundi cópia ad iterándum thálamum et opes et ætas vocarent, elégit magis spirituálibus núptiis copulári Deo, in quibus a luctu incipitur, sed ad gáudia æténa pervenitur, quam carnálibus núptiis súbjici, quæ a lætitia semper incipiunt, et ad finem cum luctu tendunt.

R. Propter veritatem. 115*.

Lectio v.

Mox ergo ut ejus maritus defúctus est, abjécto sæculári hábitu, ad omnipoténtis Dei servítium sese apud beáti Petri Apóstoli ecclésiám monastério trádidit; ibique multis annis simplicitáti cordis atque orationi dedita, larga indigentibus ópera eleemosynárum impéndit. Cumque omnípotens Deus perénnem jam

mercédem réddere ejus laboribus decrevisset, cancri úlcere in mamilla percússa est. Noctúrno autem témpore ante lectum ejus duo candelábra lucére consuéverant, quia vidélicet amíca lucis, non solum spirituáles, sed étiam corporáles ténebras ódio habébat. Quæ dum nocte quadam ex hac eádem jacéret infirmitáte fatigáta, vidit beátum Petrum Apóstolum inter útraque candelábra ante suum lectum consistentem; nec pertérrita timuit, sed ex amóre sumens audáciam exsultávit, eique dixit: Quid est Dómine mi, dimissa sunt mihi peccáta mea? Cui ille, benigníssimi ut est vultus, inclináto cápite, ánnuit, dicens: Dimissa, veni.

R. Dilexisti. 116*.

Lectio vj.

SED quia quamdam sanctimoniálem féminam in eódem monastério præ cæteris diligébat, illico Galla subjúnxit: Rogo ut soror Benedicta mecum véniat. Cui ille respóndit: Non, sed illa talis véniat tecum; hæc vero, quam petis, die erit trigésimo secutúra. His itaque explétis, visio Apóstoli assisténtis et colloquéntis ei abláta est. At illa prótinus cunctæ congregatiónis accívit matrem, eique quid viderit, quidve audierit, indicávit. Tértio autem die cum ea, quæ jussa fúerát, soróre

defuncta est; illa vero, quam ipsa poposcera, die est trigésimo subsecuta. Quod factum nunc usque in eodem monasterio manet memorabile, sicque hoc a præcedentibus matribus traditum narrare illic solent subtiliter junióres, quæ nunc sunt sanctimoniáles vírgines, ac si illo in témpore huic tam grandi miraculo et ipsæ affuissent.

¶ Fallax grátia. 116*.

IN III. NOCTURNO

Homil. in Evang. Simile est regnum. **de eodem Comuni 1º loco. 116*.**

Lectio ix. de SS. Placido et Soc. Mart., cum Commem eorundem in Laud.

DIE VII

(ALICUBI DIE VII. JULII)

SANCTÆ PULCHERIÆ

IMPERATRICIS VIRG.

Duplex.

Omnia de Comm. Virg. 95*, præter seq.

Oratio.

DEUS, qui beatam Pulchériam Víginem tuam singulári castitátis prærogativa decorásti, quique illi ad defendendam Ecclesiám tuam summum fidei amórem tribuere voluisti: concéde; ut ejus intercessióne, tibi puris méntibus inhærentes, ab ómnium hóstium insídiis misericórditer liberémur. Per.

Commem. sancti Bruno-
nis, deinde S. Marci Papæ et

Conf., postea SS. Sergii etc.
Mart.

IN I. NOCTURNO

Lect. de Script. occur.

IN II. NOCTURNO

Lectio iv.

ALIA Pulchéria Augústa, patre, avo, fratre atque viro Romanórum imperatóribus máxime nóbilis, profligátis sua præsertim ópera hæreticórum erroribus, et cathólico dógmate circa Incarnatiónis mystérium et divinam Maternitátem constitúto multo nobílior, ab ipsa puerítia tanta sapiéntia divínitus prædita fuit, ut ii quibus post Arcádii patris óbitum impérii procurátio, dum Theodósius adolécseret, commissá fuerat, ejus arbitrátu ómnia fácerent, essétque constans opinio, unius puéllulæ virtúte ac sapiéntia, quæ instáre atque ingrúere videbántur, perícula discússa, et felicitátem império constitútam. Domi assídua disciplínæ exáctrix, eam vivéndi formam indúxit, ut illa jam non áula imperatórum, sed asceté-
rium vulgo dicerétur. Theodósium fratrem, Eudóxiam, quam illi matrimónio conjungéndam curávit, Flaccillam, Arcádiám, Marinam soróres ita imbuébat bonis móribus, exercebátque ad virtútem, ut quibus ætáte non multum præstábat, eórum moderátrix ac propémodum mater esse videré-

tur. Qua institutióne soróres quantum profecerint, vel ex hoc uno intélligi potest, quod Pulchériam imitátæ, se suámque virginitátem Deo devovérunt : utque Augústa virgo ea quæ decreverat ámplius confirmáret, omnesque voluntátis suæ testes haberet, ex áuro et pretiósiss lapidibus sacram mensam in ecclésiá Constantinopolitána pro virginitáte sua et fratris império dedicávit, et in fronte ipsius mensæ hæc eadem inscripsit.

℞. Propter veritatem. 104*.

Lectio v.

PÓTIOR áutem ejus in Theodosio instituendo elúxit cura; eúmque, ubi opus esset, mira quadam dexteritáte corrigébat; qui quidem talis est effectus, ut absolutissimum óptimi veréque christiáni principis exemplar fuerit, dum Pulchériæ consiliis est obsecútus. Post diuturnam cum fratre concórdiam, turbis malevolórum fráude atque obtrectatióne in áula excitátis, tempus nacta, quo sibi jam uni, Deoque vacáre posset, secéssit in Hébdomum, locum Byzántio suburbanum, ibique vitam agens pene monásticam aliquándiu se continuit; cum vero felicitas impérii una cum ea exsuláret, a fratre accersíta, ubi deesse vidit qui prælia Dómini pugnáret, Debbóram imitáta, fide ac religióne armáta procéssit, et

missis in omnem partem epístolis hortándo, monéndo, minitándo, non pecúniæ, non labóribus parcens, digna effecta est quam Patres concilii Chalcedonénsis una ómnium voce atque præcónio custódem fidei, pacis conciliatricem, expultricem hæreticórum, piam, orthodóxam, novam Hélenam (sic ut Marciánum tunc imperatórem novum Constantinum) consalutárent; cuique sanctus Leo totius Románæ Ecclésiæ nómine plúrimum gratularétur, ejúsque cáusa exsultáre se diceret, ac digna Deo vota persólvere, quod de Nestoriána primum impietáte, mox et nefário Eutychétis erróre perémpto, duplicem illi et palmam contúlerat et corónam.

℞. Dilexisti justitiam. 104*.

Lectio vj.

ATQUE hæ tantæ curárum moles, quas præsertim in Ephesino ac Chalcedonénsi conciliis Romanórum Pontíficum auctoritáte convocátis necessário suscepérat, nihilo illam ad cætera christiánæ pietátis officia obeúnda fecére segniórem. Assidue cæléstium rerum contemplatióne, sacrórum librórum lectiόne, córporis afflictatió nibus sponte susceptis se exercébat; Psalmos de nocte surgens una cum régiæ familiæ principibus decantábat: Dei ac Sanctórum (quorum et collóquio

non semel dignata est) cultrix eximia; quæ etiam summo opere semper contendit, ut erga eorum reliquias cultus augeretur. Deiparam in primis coluit, cui hanc ipsam Deiparæ appellationem contra Nestorianorum blasphemias asservuit; voluit namque summa sapientiæ suæ dispositione divina Providentia, ut per virginem summa Virginis dignitas inoffensa penitus servaretur; quam etiam est imitata servando perpetuam in ipso conjugio virginitatem: cujus denique cultui amplificando complura templa regali plane magnificentia excitavit, donariis auxit, redditibus locupletavit. In placanda divina justitia mira pietate enituit. Fuit erga pauperes misericordia plane singulari: quos et materna quadam caritate complexa est quoad vixit, et moriens eorum quæ assidua effusissimaque liberalitas reliqua fecerat, scripsit heredes. Quod cautum ab ipsa testamento fuit, diligenter curavit Marciānus, quem pari religionis studio, rebusque omnibus imperio dignissimum, ipsa evexerat ad imperium, sibi quæ hanc ipsam ob causam; salva quam Deo voverat virginitate, conjugem delegerat. Obiit anno quadringentesimo quinquagesimo tertio, magno omnium luctu, maximisque sanctorum Patrum, cæterorumque

ejus æviscriptorum laudibus celebrata.

¶ Afferentur. 104*.

IN III. NOCTURNO

Lectio sancti Evangelii secundum Joannem.

Lectio vij. Cap. 17.

IN illo tempore: Dixit Jesus: Hæc est autem vita æterna, ut cognoscant te solum Deum verum, et quem misisti Jesum Christum. Et reliqua.

Homilia sancti Cyrilli Alexandrini.

De Fide ad Pulcheriam et sorores reginas.

SANE vos sacras castissimasque Christi omnium nostrum Salvatoris sponsas, religiosissimæ ac Deo dilectissimæ imperatrices, orbis terrarum ornamentum, sanctissimarumque ecclesiarum decus optimo jure quisquis appellaverit, in quibus nimirum omne virtutum genus, omnisque ornatus divinæ majestatis oculis gratus acceptusque mirifice splendet. Neque his opibus contentæ omnem quoque curam omnemque studium adhibetis, quo fide recta, nullamque in partem vacillante, excellatis. Neque Christi regnum capessere, et ea quæ illi grata sunt facere et sentire omittitis, partim quidem præclaris actionibus, partim rursum cum vestras, tum principum quoque vestrorum aulas virginitatis gloria condecorantes; partim denique sumptuosius

sima templa Christo Dómino excitantes : nam et hoc quoque pietátis stúdiū inter cætera ille sanctis vestris ánimis impertitus est.

R. Hæc est Virgo. 107*.

Lectio viij.

IGITUR ex sacris litteris vobis vere sanctis Christi sponsis (quamquam ad quodvis opus bonum abúnde instructæ videámini) áliquíd deprómam. Hinc etenim et Emmanuélem verum, ac naturálem Deum, et Virginem Matrem, quæ eum péperit, veram per ipsum Deiparam esse planum fiet. Ait Christus : Hæc est vita ætérna, ut cognóscant te solum Deum verum, et quem misisti Jesum Christum. Si cum solius verique Dei cognitióne Jesu Christi cognitióne necessariam consociatámque esse opórtet, et hoc ipsum ætérnam vitam conciliat, cui obscurum esse potest Christum verum esse Deum? Verbum sane caro factum est, sed mansit interim Verbum.

R. Média nocte. 107*.

Lect. ix. de S. Marco : si vero alia die celebr. Festum sanctæ Pulcheriæ, ix. **Lect.** erit seq.

Lectio ix.

ET ego claritatem, quam dedisti mihi, dedi eis, ut sint unum, sicut et nos unum sumus. Qualem itaque glóriam Filius a Patre accepisse se narrat, quam nobis deinde commúnem fécerit?

Sane ipse ab hac quæstióne nos liberat, dum ait, Ut unum sint, sicut et nos unum sumus. Nam etsi Dei Patris Verbum secundum propriam hypóstasim álius a Patre esse dignoscátur, naturáli tamen identitáte unum plane et idem est cum illo. At quo pacto Verbum illud, unum quoque nobiscum factum est? Ad eúndem omnino modum, puta, secundum essentiálem et naturálem identitátem. At cum divína natúra tanto a creatúra distet intervállo, ut secundum essentiam cum ea coíre nequáquam váleat, ecquo, inquis, modo secundum naturam unum ille factus est nobiscum, qui omnem omnino creatúram excéllit? Verbum factus est homo, ut quemámodum in Deitáte unum et idem est cum Patre, ita secundum naturæ humanæ habitúdinem sit unum quoque nobiscum.

Te Deum laudámus. 16.

In Laud. fit Commem. S. Marci, deinde SS. Sergii etc. Mart.

DIE X

S. LUDOVICI BERTRANDI

CONFESSORIS

Duplex.

Omnia de Comm. Conf. non Pont. 76*, præter seq.

Oratio.

DEUS, qui beátum Ludovicum Confessórem tuum per córporis mortificatió-

nem et fidei præcónium, sanctorum glóriæ coæquásti : præsta ; ut, quod fide profitémur, pietátis opéribus júgiter impleámur. Per Dñm.

IN I. NOCTURNO

Lect. de Script. occur.

IN II. NOCTURNO

Lectio iv.

LUDOVÍCUS Bertrándus, Valentíæ in Hispánia Tarraconénsi, honestis piisque paréntibus natus, ab ipsa pene infántia sanctitátis ac pœniténtiæ tirocinium inchoávit. Exácta puerítia intérdum nuda cubábat humo, noctes sæpe ducébat insómnēs, ac in pietátis, et caritátis officia sédulus incumbébat. Mundi contéptu, ac religiósæ vitæ ardóre succénsus, paréntum artes, quibus eum a sancto propósito dimovére conabántur, mira constántia superávit. Sui tandem voti compos effectus, Prædicatórum órđini nomen dedit : ubi brevi tantum profécit, ut vel provecióriibus ipsis, quamvis tiro, fúerit exémplo. Emissa professióne, mirum quot et quantis virtútum increméntis priórem vitæ ratióne cumulárit. Jejúniis, flagéllis, ciliciis, vigiliisque carnem domans, mentem júgi oratiónis pábulo nutriébat : ex quo tantum intérnæ ánimimodéstię, ac puritátis hauriébat, ut vel in ejus óculis ac vultu apparéret.

¶. Honéstum fecit. 82*.

Lectio v.

ADHUC júvenis novitiórum præféctus institútus, eos ad omnem verbo et exémplo sanctimóniam efformábat. Ad occidentáles Indos evangélicus prædicátor missus, quamvis uno tantum Hispánico uterétur idiómate, eum tamen diversæ, atque inter se dissitæ natiónes, suavéluti loquéntem lingua, singulæ audiébant, ex quibus innúmeros ad christiánam fidem addúxit : ibique vénenum, non semel sibi a bárbaris propinátum innóxie háusit. Públicam vitiórum objurgatióne tamquam in se unum diréctam nóbilis quidam ultúrus, mortem Ludovicó inténtat, cum strictus in eum sclopus in Crucifixi formam repénite convértitur. Quo miraculo nefárius aggressor permótus, ad sancti viri pedes provolútus, tanti facínoris véniam enixe deprecátur.

¶. Amávit eum. 82*.

Lectio vj.

HUMILITÁTE, ac paciéntia insignis, illud idéntidem usurpábat : Dómine hie ure, hie seca, hie non parcas, ut in ætérnum parcas. Prophético afflátus spíritu multa prædixit. Ignem signo crucis exstinxit, tempestátem sedávit, ferárum impetus cohibuit, mórtuis vitam, cæcis visum, cláudis gressum, surdis réddidit auditum. Tandem durióris pœ-

niténtiæ labóribus fractus, in morbum incidit, sacrisque mystériis rite expiátus, migrávit in cælum, séptimo Idus Octóbris, anno millésimo quingentésimo octogésimo primo, ætátis vero suæ quinquagésimo quinto. Quem multis étiam post óbium miráculis clarum Páulus quintus beatórum, Clemens vero décimus sanctórum número adscripsit. Ejus demum festum Alexánder octávus, instánte rege cathólico, ab univérso ditiónis ipsius clero sæculári, sub ritu dúplici celebrándum decrevit, sanctúmque Confessórem novi regni Granaténsis patrónum apostólica auctoritaté declarávit.

R. Iste homo. 83*.

IN III. NOCTURNO

Homil. in Evang. Sint lum-
bi. **de eodem Comm. 1^o lo-**
co. 85*.

DIE XXI

SS. URSULÆ ET SOCIAR.

VIRGINUM ET MARTYRUM

Duplex.

Omnia de Comm. Virg. et
Mart. 95*, præter seq.

In utrisque Vesp. ad Ma-
gnif. et in Laudibus ad Be-
ned.

Ant. Prudéntes Virgines
aptáte vestras lámpades :
ecce sponsus venit, exíte ób-
viam ei.

V. Adducéntur Regi Vir-
gines post eam. **R.** Próximæ
ejus afferéntur tibi.

Oratio.

DA nobis, quæsumus Dó-
mine Deus noster : san-
ctárum Virginum et Máty-
rum tuárum Ursulæ et Sociá-
rum ejus palmas incessábili
devotióne venerári ; ut, quas
digna mentè non póssumus
celebráre, humilibus saltem
frequentémus obséquiiis. Per
Dóminum.

Et sit Commem. S. Hila-
rionis Abbatis. Ant. Similábo
eum. **V.** Amávit eum. 77*.

Oratio.

INTERCÉSSIO nos, quæsu-
mus Dómine, beáti Hila-
rionis Abbátis comméndet :
ut quod nostris méritis non
valémus, ejus patrocínio as-
sequámur. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

DUM sæculo quinto fere
medio Attila Hunnórum
dux a prima sua in Gállias
irruptiόne, ubi ad Cataláu-
num profligátus fúerat, in
Pannóniam revertebátur, án-
tequam Rhenum trajiceret,
nobilissimam urbem Colón-
niam Agrippinam aggrédit-
ur, et ob ódium cathólicæ
religiόnis, quæ ibi máxime
florébat, eam rapína ac cæ-
dibus vastábat. Sævissimo
autem impetu bárbari libí-
dine æstuántes in virgines
puéllas irruébant, quæ a
Británia emigrántes ibidem
commorabántur : inter quas
præclaríssima exstitit virgo

Ursula nómine, quæ cæteras hortabátur sócias, ómnia pótius subire torménta, mortémque crudelíssimam obire, quam virginális pudicitíæ detriméntum pati.

R. Propter veritatem. 104*.

Lectio v.

CUM nóbile hoc virgineum agmen constantissime Hunnis restitisset, partim ab ipsis gládio trucidatæ, partim sagittis transfixæ, partim véctibus contúsæ inartýrium consummáru(n)t. Ursula vero super cómitum suárum velut cæléstium margaritárum acervum gloriósa víctima procumbens, púrpura pro fide et castitate fusi ságuinis decorata, exercitum géminis virginitátis et fidei corónis insígnem in cælum triúmphans introduxit. Postquam vero sæva barbarórum procélla deflúxit, Colonienses supérstités virgínium aliorúmque civium Mátyrum córpora ut pretiósa pignora collegérunt, et summo honóre condidérunt.

R. Dilexisti. 104*.

Lectio vj.

IN agro virgíneo ságuine rubro, in quo sacra quies Martýribus data fuit, basilica ædificáta est, jam médio sæculo séptimo sanctárum Virgínium dicta, ob quarum reveréntiam nullum exinde cadáver húmánum illic tumulabátur. Quæ sæculo nono monastérium facta, initio décimi moniáles ob metum

Hungarórum prófugas recépít, semper ab ínclytæ civitátis præsulibus liberáliter dotata et pie visitata. Conspiciúntur usque in hunc diem ecclésiæ sæpe restauratæ muri Mátyrum lóculis úndique exornáti, dum major reliquiárum pars intra chori parietes et sub pavimento látitant; cernúntur in próximo oratório innúmera virgínium cápita, martýrii vestigiis partim insignita, partim crínibus sanguinoléntis tecta. Hæc sacra pignora præteritis tempóribus piis peregrinatióibus fideles prosecúti sunt.

R. Afferéntur regi. 104*.

IN III. NOCTURNO

Léctio sancti Evangélíi secúndum Matthæum.

Lectio vij. Cap. 25.

IN illo tempore : Dixit Jesus discipulis suis parabolam hanc : Simile erit regnum cælórum decem virgínibus, quæ accipiéntes lámpades suas exiérunt óbviám sponso et sponsæ. Et reliqua.

Homília sancti Augustíni
Episcopi.

Serm. 93. al. 23. de verb.
Dom.

SAPIÉNTIUM lámpades ardébant de óleo intérrno, de consciéntiæ securitate, de interióre glória, de íntima caritate. Ardébant tamen et illárum fatuárum. Quare tunc ardébant? Quia non déerant láudes hóminum. Póstea vero quam surrexé-

runt, id est, in resurrectione a mórtuis, cœpérunt aptáre lámpades suas, id est, præparáre Deo óperum suórum réddere ratióne. ¶ Et quia tunc nemo est, qui láudet, omnis homo cáusæ suæ vacat, nemo est tunc, qui non de se cógitet, non ergo erant qui óleum vénderent : cœpérunt deficere lámpades, et convertérunt se fátuæ ad quinque prudéntes : Date nobis de óleo vestro, quia lámpades nostræ exstinguúntur. Hoc quærébant, quod consuéverant, id est, aliéno óleo lucére, ad aliénas láudes ambuláre.

℞. Hæc est virgo. 107*.

Lectio viij.

CLÁUSUM est ergo óstium. Et quid illis dictum est : Non novi vos. Non illas novit, qui ómnia novit? Quid ergo est : Non novi vos? Improbo vos, réprobo vos : in arte mea non vos agnósco, ars mea nescit vítia. Hoc est áutem magnum : et nescit vitia, et júdicat vitia; nescit faciéndum, júdicat arguéndum. Sic ergo non novi vos. Iérunt, intravérunt quinque prudéntes. Quam multi estis, fratres mei, in nómine Christi : sint in vobis quinque prudéntes, sed nolíte quinque hómines. Sint in vobis quinque prudéntes, ad istam prudéntiam quinárii númeri pertinéntes. Véniet enim hora, et quando nescimus, véniet. Média nocte véniet.

Vigiláte. Sic cláusit Evangé-
lium : Vigiláte, quia nescitis
diem, neque horam.

℞. Média nocte. 107*.

ix. Lect. pro S. Hilarione
Abbate ut in Breviario eadem
die, cujus Comm. fit in Laud.

Ant. Euge serve. y. Jus-
tum dedúxit. 87*.

DIE XXIII

SS. REDEMPTORIS

Duplex majus.

IN I. VESPERIS

Ant. 1. Virgam virtútis suæ
emittet Dóminus ex Sion, et
regnábit in sǎculum sǎculi.

Ps. 109. Dixit Dóminus.
125.

2. Redemptionem misit
Dóminus pópulo suo : man-
davit in ætérnum testamén-
tum suum.

Ps. 110. Confitébor tibi
Dómine. 125.

3. Misericórdia mea, et
refúgium meum Dóminus :
suscéptor meus, et liberátor
meus.

Ps. 115. Crédidi, propter
quod. 129.

4. Apud Dóminum miseri-
córdia, et copiósa apud eum
redemptio.

Ps. 129. De profúndis. 134.

5. In quacúmque die in-
vocávero te, exáudies me :
multiplicábis in ánima mea
virtútem.

Ps. 137. Confitébor tibi...,
quóniam audisti. 139.

Capitulum. Tob. 3. b

BENEDÍCTUM nomen tuum
Deus patrum nostrórum :

qui cum irátus fúeris, misericórdiam fácies, et in tēmpore tribulatiónis peccáta dimittis his, qui invocant te.

Hymnus.

CREÁTOR alme siderum,
Ætérna lux credéntium,
Jesu Redémptor ómnium,
Inténde votis súpplícum.

Commúne qui mundi nefas

Ut expiáres, ad crucem
E Vírginis sacrário
Intácta prodís víctima.

Cujus potéstas glóriæ,
Noménque cum primum sonat,

Et cælités, et inferi
Treménte curvántur genu.

Qui dæmonis ne fráudibus

Períret orbis, ímpetu
Amóris actus, lánguidi
Mundi medéla factus es.

Te deprecámur últimæ
Magnum diéi Júdicem,
Armis supérnæ grátia
Defénde nos ab hóstibus.

Jesu tibi sit glória,
Qui natus es de Vírgine,
Cum Patre, et almo Spíritu,
In sempitérna sæcula.

Amen.

Sic terminantur Hymni ad omnes Horas.

V. Redemisti nos Dómine in ságuine tuo. **R.** Et fecisti nos Deo nostro regnum.

Ad Magnif. Ant. Salus áutem mea in sempitérnum erit, et justítia mea in generatiónes generatiónum, allelúia.

Oratio ut ad Laud. 332*.

AD MATUTINUM

Invit. Redemptórem sæculórum, ipsum Regem Angelórum, * Adorémus Dóminum.

Ps. Veníte, exsultémus. 2.

Hymnus.

RERUM Creátor óptime,
Rectórque noster ádspice :

Nos a quiéte nóxia
Mersos sopóre libera.

Mentes, manúsque tollimus,

Prophétá sicut nóctibus
Nobis geréndum præcipit,
Paulúsque gestis cénsuit.

Te sancte Christe póscimus,

Ignósce culpis ómnibus :
Ad confiténdum súrgimus,
Morásque noctis rúmpimus.

Jesu tibi sit glória,
Qui natus es de Vírgine,
Cum Patre, et almo Spíritu,
In sempitérna sæcula. Amen.

IN I. NOCTURNO

Ant. Voce mea ad Dóminum clamávi, et exaudivit me de monte sancto suo.

Ps. 3. Dómine quid multiplicáti. 4.

Ant. Dómine Dóminus noster, quam admirábile est nomen tuum in univérsta terra!

Ps. 8. Dómine Dóminus noster.

Qui incipit a secundo versu :

Quóniam eleváta. 6.

Ant. Dóminus in templo sancto suo : Dóminus in cælo sedes ejus.

Ps. 10. In Dómino confido. 8.

Ÿ. Rédime me Dómine et miserere mei. **R.** In ecclésiis benedicam te Dómine.

De Isaia Prophéta.

Lectio j. Cap. 51.

AUDÍTE me, qui sequimini quod justum est et queritis Dóminum : attendite ad petram, unde excisi estis, et ad cavernam laci, de qua præcisi estis. Consolábitur ergo Dóminus Sion, et consolábitur omnes ruínas ejus : et ponet désertum ejus quasi delicias, et solitúdinem ejus quasi hortum Dómini. Gáudium et lætitia inveniétur in ea, gratiárum actio, et vox láudis. Atténdite ad me pópule meus, et tribus mea me audíte : quia lex a me éxiet, et judícium meum in lucem populórum requiescet. Prope est justus meus, egressus est salvátor meus, et bráchia mea pópulos judicábunt : me insulæ expectábunt, et bráchium meum sustinébunt.

R. Vidi Dóminum sedentem super sólum excélsu, et elevátum : et plena erat omnis terra majestáte ejus : * Et ea quæ sub ipso erant, replébant templum. **Ÿ.** Séraphim stabant super illud : sex alæ uni, et sex alæ álteri. Et ea.

Lectio ij.

LEVÁTE in cælum óculos vestros, et vidéte sub terra deórsum : quia cæli

sicut fumus liquéscent, et terra sicut vestiméntum atterétur, et habitatóres ejus sicut hæc interibunt : Salus autem mea in sempiternum erit, et justitia mea non deficiet. Audite me qui scitis justum, pópulus meus lex mea in corde eórum : nolite timére oppróbrium hóminum, et blasphémias eórum ne metuátis. Sicut enim vestiméntum, sic cómedet eos vermis : et sicut lanam, sic devorábit eos tinea : Salus autem mea in sempiternum erit, et justitia mea in generatiónes generatiónum.

R. Adspice Dómine de sede sancta tua, et cógita de nobis : inclina Deus meus áurem tuam, et áudi. * Aperi óculos tuos, et vide tribulatióne nostram. **Ÿ.** Qui regis Israël, inténde, qui dedúcis velut ovem Joseph. Aperi.

Lectio iij.

CONSÚRGE, consúrge, indúere fortitúdinem bráchium Dómini : consúrge sicut in diébus antiquis, in generatió nibus sæculórum. Numquid non tu percussisti supérbum, vulnerásti draconem? Numquid non tu siccasti mare, aquam abyssi veheméntis : qui posuisti profúndum maris viam, ut transirent liberáti? Et nunc, qui redempti sunt a Dómino, reverténtur, et vénient in Sion laudántes, et lætitia sempiterna super cápita eó-

rum, gáudium et lætitiám tenébunt, fúgiét dolor et gémitus. Ego, ego ipse conso-lábor vos : quis tu, ut timé-res ab hómine mortáli, et a filio hóminis, qui quasi fœ-num ita aréscet? Et oblítus es Dómini factóris tui, qui teténdit cælos, et fundávit terram : et formidásti júgiter tota die a fácie furóris ejus, qui te tribulábat, et paráve-rat ad perdéndum : ubi nunc est furor tribulántis? Cito véniet grádiens ad aperiéndum, et non interficiet usque ad internecióne[m], nec deficiet panis ejus. Ego áutem sum Dóminus Deus tuus.

R. Deus, qui sedes super thronum, et júdicas æquitátem, esto refúgium páuperum in tribulatióne : * Quia tu solus labórem, et dolórem consideras. **V.** Tibi enim derelíctus est páuper, pupíllo tu eris adjútor. Quia. Glória Patri. Quia.

IN II. NOCTURNO

Ant. Suscépimus Deus misericórdiam tuam in médio templi tui.

Ps. 19. Exáudiat te Dóminus. 15.

Ant. Tu es ipse Rex meus, qui mandas salútes in Jacob.

Ps. 23. Dómini est terra. 30.

Ant. Immola Deo sacrificium láudis, et redde Altíssimo vota tua.

Ps. 45. Deus noster refúgium. 66.

V. Meménto nostri Dómine in beneplácito pópuli tui.

R. Visita nos in salutári tuo.

Sermo sancti Leónis
Papæ.

**Serm. 1. de jejunio x. mensis
et collectis.**

Lectio iv.

SI fidéliter, dilectíssimi, **S**atque sapiénter creati-
onis nostræ intelligámus exór-
dium, inveniémus hóminem
ideo ad imáginem Dei cón-
ditum, ut imitátor sui esset
auctóris : et hanc esse natu-
rálem nostri géneris digni-
tátem, si in nobis quasi in
quodam spéculo, divinæ
benignitátis forma resplén-
deat. Ad quam quotidie nos
útique réparat grátia Salva-
tóris, dum quod cécidit in
Adam primo, erigitur in se-
cúndo. Cáusá áutem repara-
tiónis nostræ non est, nisi
misericórdia Dei, quem non
diligérémus, nisi prius nos
ipse diligeret, et ténebras
ignorántiæ nostræ suæ veri-
tátis luce discúteret.

R. A dextris est mihi Dó-
minus, ne commóvear : *
Propter hoc dilatátum est
cor meum, et exsultávit lin-
gua mea. **V.** Dóminus pars
hereditátis meæ, et cálicis
mei. Propter hoc.

Lectio v.

DILIGÉNDÓ itaque nos Deus,
ad imáginem suam nos
réparat : et ut in nobis for-
mam suæ bonitátis invéniat,
dat unde ipsi quoque, quod

operatur, operemur, accendens scilicet mentium nostrarum lucernas, et igne nos suae caritatis inflammans, ut non solum ipsum, sed etiam quidquid diligit, diligamus. Nam si inter homines ea demum firma amicitia est, quam morum similitudo sociari, cum tamen paritas voluntatum saepe in reprobos tendat affectus: quantum nobis optandum, atque nitendum est, ut in nullo ab iis, quae Deo sunt placita, discrepemus? De quo dicit Propheta: Quoniam mira in indignatione ejus, et vita in voluntate ejus, quia non aliter nobis erit dignitas divinae majestatis, nisi imitatio fuerit voluntatis.

¶ Apud Dominum misericordia, * Et copiosa apud eum redemptio. V. Humiles spiritu salvabit. Et.

Lectio vij.

DICENTE itaque Domino: Diliges Dominum Deum tuum ex toto corde tuo, et ex tota mente tua; et diliges proximum tuum sicut te ipsum: suscipiat fidelis anima auctoris sui atque rectoris immarcescibilem caritatem, totamque se etiam ejus subiciat voluntati, in cujus operibus atque judiciis nihil vacat a veritate justitiae, nihil a miseratione clementiae. Quoniam etsi magnis quis laboribus, et multis fatigetur incommodis, bona est illi causa tolerandi, qui se

adversis vel corrigi intelligit, vel probari.

¶ Rememorati sunt, quia Deus adiutor est eorum: * Et Deus excelsus Redemptor eorum est. V. Et pavit eos in innocentia cordis sui. Et. Gloria Patri. Et.

IN III. NOCTURNO

Ant. Ego autem ad Deum clamavi, et Dominus salvavit me.

Ps. 60. Exaudi Deus deprecationem meam. 76.

Ant. Deus meus, Salvator meus, salutare meum, et spes mea in aeternum.

Ps. 74. Confitebimur tibi Deus. 88.

Ant. Protector noster aspice Deus, et respice in faciem Christi tui.

Ps. 83. Quam dilecta tabernacula tua. 99.

V. Notam fecisti in gentibus virtutem tuam. ¶ Redemisti in brachio tuo populum tuum.

Lectio sancti Evangelii secundum Joannem.

Lectio vij. Cap. 3. b

IN illo tempore: Dixit Jesus Nicodemo: Nemo ascendit in caelum, nisi qui descendit de caelo, Filius hominis, qui est in caelo. Et reliqua.

Homilia sancti Augustini
Episcopi.

Ex Tract. in cap. 3. Joan.

NEMO ascendit in caelum, nisi qui de caelo descendit. Descendit enim, et mortuus est, et ipsa morte libe-

ravit nos a morte. Morte occisus, mortem occidit. Et nostis fratres, quia mors ista per diaboli invidiam intravit in mundum. Deus mortem non fecit, Scriptura loquitur: Nec lætatur, inquit, in perditione vivorum; creavit enim, ut essent omnia. Sed quid ibi ait? Invidia autem diaboli mors intravit in orbem terrarum. Ad mortem a diabolo propinatam non veniret homo vi adactus: non enim cogendi potentiam diabolus habebat, sed persuadendi versutiam. Si non consentire, nihil invexerat diabolus; consensio tua, o homo, te perduxit ad mortem. A mortali mortales nati, et ex immortalibus mortales facti. Ab Adam omnes homines mortales; Jesus autem Filius Dei, Verbum Dei, per quod facta sunt omnia, unicus, æqualis Patri, mortalis factus est, quia Verbum caro factum est, et habitavit in nobis. Si ergo mortem suscepit, et mortem suspendit in cruce, de ipsa morte liberantur mortales. Quod in figura factum est apud antiquos, commemoravit illud Dominus.

R. Laudabilis populus, * Quem Dominus exercituum benedixit dicens: Opus manuum mearum tu es: hereditas mea Israël. **V.** Beata gens, cujus est Dominus Deus; populus electus in hereditatem. Quem.

Lectio viij.

ET sicut, inquit, Moyses exaltavit serpentem in eremo, ita exaltari oportet Filium hominis: Quis est serpens exaltatus? Mors Domini in cruce. Quia enim a serpente mors, per serpentis effigiem figurata est mors. Morsus serpentum lethalis, mors Domini vitalis. Attenditur serpens, ut nihil valeat serpens. Quid est hoc? Attenditur mors, ut nihil valeat mors. Sed cujus mors? Mors vitæ. Nonne vita Christus? Et tamen mortuus est Christus.

R. Duo Seraphim clamabant alter ad alterum: * Sanctus, Sanctus, Sanctus Dominus Deus Sabaoth: * Plena est omnis terra gloria ejus. **V.** Tres sunt, qui testimonium dant in cælo, Pater, Verbum, et Spiritus sanctus: et hi tres unum sunt. Sanctus. Gloria Patri. Plena.

Lectio ix.

INTERIM modo fratres, ut a peccato sanemur, Christum crucifixum intueamur: quia sicut Moyses, inquit, exaltavit serpentem in eremo, ita exaltari oportet Filium hominis; ut omnis, qui credit in eum, non pereat, sed habeat vitam æternam. Quomodo, qui intuebantur illum serpentem, non peribant morsibus serpentum: sic, qui intuentur fide mortem Christi, sanantur a morsibus peccatorum. Sed illi

sanabántur a morte ad vitam temporálem : hic áutem ait, ut hábeant vitam ætérnam. Hoc enim interest inter figurátam imáginem, et rem ipsam : figúra præstábat vitam temporálem; res ipsa, cujus illa figúra erat, præstat vitam ætérnam.

Te Deum laudámus. 16.

AD LAUDES

ET PER HORAS

Ant. 1. Cantáte Dómino, * quóniam magnífice fecit : annuntiáte hoc in univérsa terra.

Ps. Dóminus regnávít. 17.

2. Ecce Deus * Salvátor meus, fiduciáliter agam : quia factus est mihi in salútem, allelúia.

3. Hauriétis aquas * in gáudio de fóntibus Salvátoris, et dicétis : Confitémini Dómino, et invocáte nomen ejus.

4. Facta est salus, * et virtus, et regnum Dei nostri, et potéstas Christi ejus.

5. Exsúlta et láuda * habitátio Sion, quia magnus in médio tui sanctus Israël.

Capitulum. Tob. 3. b

BENEDÍCTUM nomen tuum Deus patrum nostrórum : qui cum irátus fúeris, misericórdiam fácies, et in témpore tribulatiónis peccáta dimíttis his, qui invocant te.

Hymnus.

SALÚTIS humánæ sator,
Jesu volúptas córdium,
Orbis redépti cónditor,
Et casta lux amántium.

Qua victus es cleméntia,
Ut nostra ferres crimina?
Mortem subíres innocens,
A morte nos ut tólleres?

Te cogat indulgéntia,
Ut damna nostra sárcias,
Tuíque vultus cómpotes
Dites beáto lúmine.

Jesu tibi sit glória,
Qui natus es de Vírgine,
Cum Patre, et almo Spíritu,
In sempitérna sácula. Amen.

℣. Dómine refúgium factus es nobis. **℟.** A generatióne, et progénie.

Ad Bened. Ant. Ecce Deus noster iste, exspectávimus eum, et salvábit nos : sustinúimus eum; exsultábimus, et lætábimur in salutári ejus, allelúia.

Oratio.

DEUS, qui Unigénitum tuum mundi Redemptórem constituisti, et per eum, devicta morte, nos misericórditer ad vitam reparásti: concéde; ut hæc beneficia recoléntes, tibi perpétua caritáte adhærere, et ejúsdem redemptiόνis fructum percipere mereámur. Per eúmdem Dóminum.

AD PRIMAM

In ℟. br. dicitur ℣. Qui redemísti mundum.

AD TERTIAM

Ant. Ecce Deus.

Capit. Benedictum.

℟. br. Rédime me Dómine, * Et miserere mei. Rédime. **℣.** In ecclésiis benedicam te Dómine. Et miserere mei. Glória Patri. Rédime.

V. Meménto nostri Dómine in beneplácito pópuli tui.
R. Visita nos in salutári tuo.

AD SEXTAM

Ant. Hauriétis aquas.

Capitulum. I. Cor. 1.

Ex ipso áutem vos estis in Christo Jesu, qui factus est nobis sapiéntia a Deo, et justítia, et sanctificátio, et redémptio.

R. **br.** Meménto nostri Dómine * In beneplácito pópuli tui. Meménto. **V.** Visita nos in salutári tuo. In beneplácito. Glória Patri. Meménto.

V. Redemísti nos Dómine in ságuine tuo. **R.** Et fecísti nos Deo nostro regnum.

AD NONAM

Ant. Exsúlta et láuda.

Capitulum. Apoc. 4. d

DIGNUS es, Dóminus Deus noster, accípere glóriam, et honórem, et virtútem : quóniam occísus es, et redemísti nos Deo in ságuine tuo ex omni tribu, et lingua, et pópulo, et natióne, et fecísti nos Deo nostro regnum.

R. **br.** Notam fecísti in pópulis * Virtútem tuam. Notam. **V.** Redemísti in bráchio tuo pópulum tuum. Virtútem tuam. Glória Patri. Notam.

V. Dómine refúgium factus es nobis. **R.** A generatióne, et progénie.

IN II. VESPERIS

Omnia ut in I., præter

V. Redemísti nos Dómine in ságuine tuo. **R.** Et fecísti nos Deo nostro regnum.

Ad Magnif. Ant. Regnum tuum, regnum ómnium sæculórum, et dominátio tua in omni generatióne, et generatióne, allelúia.

DIE XXIV

S. RAPHAELIS ARCHANG.

Duplex majus.

IN I. VESPERIS

Ant. et Capit. de Laudibus. 339*; **Pss. ut in I. Vesp. de Comm. Apost. 2*.**

Hymnus.

TIBI Christe splendor Patris,
 Vita, virtus córdium,
 In conspéctu Angelórum
 Votis, voce psállimus :
 Alternántes concrepádo
 Melos damus vóciibus.

Collaudámus venerántes
 Omnes cæli principes,
 Sed præcipue fidélem
 Médicum, et cómitem
 Raphaélem, in virtúte
 Alligántem dæmonem.

Quo custóde procul pelle,
 Rex Christe piíssime,
 Omne nefas inimíci :
 Mundo corde et córpore
 Paradiso redde tuo
 Nos sola cleméntia.

Glóriam Patri melódis
 Personémus vóciibus :
 Glóriam Christo canámus,
 Glóriam Paráclito :
 Qui trinus, et unus Deus
 Exstat ante sæcula. Amen.

V. Stetit Angelus juxta
 aram templi. **R.** Habens
 thuribulum áureum in manu
 sua.

Ad Magnif. Ant. Ego sum

Ráphaël Angelus, qui adsto ante Dóminum : vos áutem benedicite Deum, et narráte ómnia mirabilia ejus.

Oratio.

DEUS, qui beátum Raphaélem Archángelum Tobíæ fámulo tuo cómitem dedisti in via : concéde nobis fámulis tuis; ut ejúsdem semper protegámur custódia, et muniámur auxílio. Per Dóminum.

AD MATUTINUM

Invit. Regem Archangelórum Dóminum, * Venite, adorémus.

Ps. Venite, exsultémus. 2.

Hymn. Tibi Christe.

IN I. NOCTURNO

Ant. Egréssus Tobías invénit júvenem præcinctum, et quasi parátum ad ambulándum, et ignórans quod Angelus esset, salutávit eum.

Psalmi trium Noct. ut in Officio votivo de SS. Angelis. 222.*

Ant. Angelus Ráphaël seípsum occúltans, ait : Ego sum Azarias magni Ananíæ filius.

Ant. Sanum ducam filium tuum in regiónem Medórum, et sanum tibi redúcam, allelúia.

V. Data sunt Angelo incénsa multa. *R.* Ut adoléret ea ante altáre áureum, quod est ante óculos Dómini.

De libro Tobíæ.

Lectio j. Cap. 12.

VOCÁVIT ad se Tobías filium suum, dixítque ei :

Quid póssumus dare viro isti sancto, qui venit tecum? Respóndens Tobías, dixit patri suo : Pater, quam mercedem dábitus ei? aut quid dignum póterit esse beneficiis ejus? Me duxit et redúxit sanum, pecúniam a Gabélo ipse recépit, uxórem ipse me habére fecit, et dæmónium ab ea ipse compéscuit, gáudium paréntibus ejus fecit, meípsum a devoratióne piscis erípuit, te quoque vidére fecit lumen cæli, et bonis ómnibus per eum repléti sumus. Quid illi ad hæc potérimus dignum dare? Sed peto te pater mi, ut roges eum, si forte dignábitur mediétatem de ómnibus, quæ alláta sunt, sibi assúmere.

R. In illo témpore exaudítæ sunt preces ambórum in conspéctu glóriæ summi Dei : * Et missus est Angelus Dómini sanctus Ráphaël, ut curáret eos ambos, quorum uno témpore sunt oratiónes in conspéctu Dómini recitátæ. *V.* Tobías et Sara in tribulatióne pósiti, cum lácrymis oráre cœpérunt. Et.

Lectio ij.

ET vocántes eum, pater scilicet et filius, tulérunt eum in partem : et rogáre cœpérunt ut dignarétur dimidiám partem ómnium, quæ attúlerant, accéptam habére. Tunc dixit eis ocúltate : Benedicite Deum cæli, et coram ómnibus vivén-

tibus confitémini ei, quia fecit vobiscum misericórdiam suam. Etenim sacraméntum regis abscondere bonum est : ópera áutem Dei reveláre et confitéri honorificum est. Bona est orátio cum jejúnio, et eleemósyna magis quam thesauros áuri recóndere : quóniam eleemósyna a morte liberat, et ipsa est, quæ purgat peccáta, et facit invenire misericórdiam et vitam ætérnam. Qui áutem faciunt peccátum et iniquitátem, hostes sunt animæ suæ. Manifésto ergo vobis veritátem, et non abscondam a vobis occúltum sermónem. Quando orábas cum lácrymis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego óbtuli oratió-nem tuam Dómino. Et quia accéptus eras Deo, necesse fuit ut tentátio probáret te.

R. Egréssus Tobias invénit júvenem spléndidum stantem præcinctum, et quasi parátum ad ambulándum, et salutávit eum, et dixit : * Unde te habémus bone jú-venis? **V.** Et ignórans, quod Dómini Angelus esset, salutávit eum, et dixit. Unde.

Lectio iij.

ET nunc misit me Dóminus ut curárem te, et Saram uxórem filii tui a dæmónio liberárem. Ego enim sum Ráphaël Angelus, unus ex

septem, qui adstámus ante Dóminum. Cumque hæc audissent, turbáti sunt, et treméntes cecidérunt super terram in fáciem suam. Dixitque eis Angelus : Pax vobis, nolite timére. Etenim cum essem vobiscum, per voluntátem Dei eram : ipsum benedicite, et cantáte illi. Vidébar quidem vobiscum manducáre, et bíbere : sed ego cibo invisibili, et potu, qui ab hominibus vidéri non potest, utor. Tempus est ergo ut revértar ad eum, qui me misit : vos áutem benedicite Deum, et narráte ómnia mirabilia ejus. Et cum hæc dixisset, ab adspéctu eórum ablátus est, et ultra eum vidére non potuérunt. Tunc prostráti per horas tres in fáciem, benedixérunt Deum, et exsurgéntes narravérunt ómnia mirabilia ejus.

R. Ingréssus Angelus ad Tobíam, salutávit eum, et dixit : Gáudium sit tibi semper : * Forti ánimo esto, in próximo enim est, ut a Deo curéris. **V.** Et respóndens Tobias, ait : Quale gáudium mihi erit, qui in ténebris sédeo, et lumen cæli non video? Forti. Glória Patri. Forti.

IN II. NOCTURNO

Ant. Dixit áutem Angelus : Apprehénde bránciam píscis, et trahe eum extra aquas.

Ant. Obsecro te Azaría

frater, ut dicas mihi, quod remedium habébunt ista, quæ de pisce servare jussisti.

Ant. Lúmina fel sanat, sed virtus cordis et jécoris diaboli expéllit potestátem.

V. Ascéndit fumus arómatum in conspéctu Dómini.

R. De manu Angeli.

Sermo sancti Augustini
Episcopi.

Serm. 1. in Dom. 15. de
B. Tobia, qui est 226. de
Temp.

Lectio iv.

BEATUS Tobias, qui panem suum nóverat frángere esuriénti, mercédem célerem mercenário præparat laboránti. Patiénter lectione percépta, quæ nuper est recitata, admirabámur patris filique tractátum, quem ádmodum Angelus monet, quem æstimábant terrénum sub cælésti glória mercenárium. Ad hoc enim cæcitatís incúrrit exitium, ut Angelum susciperet médicum, qui divinis fáciibus incénsus sic anhelávit. Honésta est orátio cum jejúnio et eleemósyna. Orátio justi clavis est cæli. Ascéndit precátio, et descendit Dei miserátio. Licet alta sit terra, altum cælum, áudit tamen Deus hóminis linguam, si mundam habet consciéntiam. Cum sénsibus lóquitur, si sit solus noster gémitus. Súfficit áuribus imber oculórum : fletus cítius áudit quam voces. Orátio invidi solet de áuribus pro-

pulsári. Erat patris et filii ánima una : dum esset proprietas membrórum, erat illis singuláris germánitas animórum. Fili, inquit, dimittámus istum hóminem, adjiciéntes ad mercédem plácitam, quia nobis multa ópere suo cóntulit bona : et rogáre cœpit mercenárium, ut mercédis suæ sumat efféctum. Frater, inquit, áccipe quod tuum est, et tunc vade salvus. Récipe mercédem tuam, quia mihi et filio meo bonam præbuísti misericórdiam. Tolle, ut dixi, médiam substántiam, quam cum filio meo reportásti : nam grátia, quam tibi debémus, non potest ponderári.

R. Interrogávit Tobias Angelum : De qua domo, aut de qua tribu es tu? Qui respóndens, ait : * Ego sum Azariás Ananiæ magni filius.
V. Genus quæris mercenárii, an ipsum mercenárium, qui cum filio tuo eat? Sed ne forte sollicitus sis. Ego.

Lectio v.

CONTÍNUO Angelus gáudet de cogitata mercéde, qui missus fúerat gratis fácere pietátem. Tobis, inquit, vel Tobia, quid de mea mercéde satis supérflue cogitátis? Habéte quod vobis donávit Pater ille cæléstis. Ego mínister sum curatiónis, ille est áuctor sanitátis. Nescitis cujus mercenárii ope pérfrui meruístis. Defúntos captivitátis sepelíre non timuí-

stis : Tobis, ascenderunt ad Dóminum ópera tua, quia relicto prándio, reddidisti mórtuum sepultúræ. Ego Dómino medulláta intuli sacrificia pro venerábili sepultúra. Ego diréctus sum operárius fori cæléstis. Mórtuum sepelistic, et mortis acúleum non timuistis. Ipse sepúltus pro vobis voce tácita proclamávit. Probatiónis fúerat cæcitas oculórum, unde patiéntia tua clárius meruisset de cæléstibus ornáméntum. Ego sum Ráphaël, unus ex septem Angelis, qui adstámus ante claritátem Dei. Non indigeo fructu humanæ mercédis; divitem me facit conversátio majestátis. Dives est ille, qui me misit : gratis jussit impénderi, quod gratis ipse concéssit. Nec ipsum honórem gratiárum mihi deputétis, quia nihil meis viribus percepistis. Deum benedicite, et illi confitémini, et ipsum glorificáte, quia vobíscum fecit bona.

R. Exívit Tobías, ut laváret pedes suos, et ecce piscis immánis exívit ad devorándum eum : qui expavéscens, clamávit voce magna, dicens : Dómine, invádit me. Et dixit ei Angelus : Apprehénde bránciam ejus, et trahe eum ad te. ***** Exéntera hunc piscem, et cor ejus, et fel, et jecur repóne tibi : sunt enim necessariá ad medicaménta utiliter. **V.** Attráxit áutem Tobías piscem in

siccum, et palpitáre cœpit ante pedes ejus, et ait Angelus ei. Exéntera.

Lectio vj.

SÚBITO patefacto mystérii cæléstis honóre, voce Raphaëlis Archángeli attónti Tobis et Tobias, collápsi in terram proruérunt, vocem trémulam pénitus occultavérunt, quia vocem insólitam audiérunt. Quid metuistis pater Tobis, filiúsque Tobía? Mercenárium habére cæléstem, et tamquam operárium locáre terrestrem? Celávit vobis Angelus nomen : Azariás sum, inquit, Ananíæ magni filius; et non dixit : Ego sum Ráphaël Angelus. Celávit in primo nómine dignitátem, ne fáceret locatóri terrórem. Si enim diceret : Ego sum Angelus : non esset Tobíæ mercenárius. Serváta est dignitas nóminis, ut postrémo magnitúdo clarésceret dignitátis. Vidéte, caríssimi, quantum sit eleemósynæ méritum : Angelum méruit habére operárium. Vidétis quantum próficit mórtuos sepelire, ut oblátio ejus per Angelum Raphaélem ad cæléstem ascénderet majestátem. Vidétis, quia eleemósyná a morte liberat, et ipsa purgat peccáta, facit purgatiónem oculórum, liberat a ténebris peccatórum. Tobis via sua dedúcitur : Sara tot viris contristáta per Angelum matrimónio copulátur.

R. Ubi introieris domum tuam, dixit Angelus Ráphaël ad Tobíam, statim adóra Dóminum Deum tuum, et grátias agens ei, accéde ad patrem tuum, et osculáre eum : * Statimque lini super óculos ejus ex felle isto piscis, quem portas tecum; scias enim, quóniam mox aperiéntur óculi ejus, et vidébit pater tuus lumen cæli, et in adspéctu tuo gaudébit. **V.** Tolle tecum ex felle isto piscis; erit enim necessárium. Statimque. Glória. Statimque.

IN III. NOCTURNO

Ant. Est hic Sara Raguélis filia, quæ tibi conjúgio dábitur, et omnis substántia ejus.

Ant. Septem viros hábuit, quos dæmónium opprèssit; timeo ne mihi símile contingat.

Ant. Per tres dies oratióni cum uxóre tua vacábis, ut in sémine Abrahæ benedictiÓNem in filiis consequáris.

V. Apprehéndit Angelus Ráphaël dæmónium. **R.** Et religávit illud in desérto superiórís Ægypti.

Lectio sancti Evangélíi secúndum Joánnem.

Lectio vij. Cap. 5.

IN illo témpore : Erat dies festus Judæórum, et ascéndit Jesus Jerosólymam. Et reliqua.

Homília sancti Augustíni
Epíscopi.

Tract. 17. in Joann. cap. 5.

MIRUM non esse debet á Deo factum miráculum :

mirum enim esset, si homo fecisset. Magis gaudére, quam mirári debémus, quia Dóminus noster et Salvátor Jesus Christus homo factus est, quam quod divína inter hómines Deus fecit. Plus est enim ad salútem nostram, quod factus est propter hómines, quam quod fecit inter hómines; et plus est, quod vítia sanávit animárum, quam quod sanávit languóres córporum moritúrorum.

R. Benedícite Deum cæli, dixit Angelus Ráphaël, et coram ómnibus vivéntibus confitémini ei : * Quia fecit vobíscum misericórdiam suam. **V.** Ipsum benedicite, et cantáte illi, et narráte ómnia mirabilia ejus. Quia.

Lectio viij.

SED quia ipsa ánima non eum nóverat, a quo sanánda erat, et óculos habébat in carne, unde facta corporália vidéret : nondum habébat sanos in corde, unde Deum laténtem agnósce-ret. Fecit quod vidéri póte-rat, ut sanarétur, unde vidéri non póterat. Ingréssus est locum, ubi jacébat magna multitúdo languéntium, cæcórum, claudórum, ari-dórum.

R. Tempus est ut revértar ad eum, qui me misit, dixit Angelus Ráphaël : * Vos áu-tem benedicite Dóminum, et narráte ómnia mirabilia ejus. **V.** Confitémini ei co-

ram omnibus vivéntibus, quia fecit vobiscum misericórdiam suam. Vos. Glória Patri. Vos.

Lectio ix.

ET cum esset médicus et animárum et córporum, et qui venisset sanáre omnes ánimas crediturórum, de illis languéntibus unum elégit, quem sanáret, ut unitátem significáret. Si mediócri corde, et quasi humáno captu et ingénio considèremus faciéntem, et quod ad potestátem pértinet, non magnum áliquid perfécit; et quod ad benignitátem, parum fecit. Tot jacébant, et unus curátus est, cum posset uno verbo omnes erigere.

Te Deum laudámus. 16.

AD LAUDES

ET PER HORAS

Ant. 1. Missus est Angelus * Ráphaël ad Tobiam et Saram, ut curáret eos.

Ps. Dóminus regnávit. cum reliq. 17.

2. Ingréssus Angelus * ad Tobiam, salutávit eum, et dixit : Gáudium sit tibi semper.

3. Forti ánimo * esto Tobía : in próximo enim est ut a Deo curéris.

4. Benedícite Deum cæli,* et coram ómnibus vivéntibus confitémini illi, quia fecit vobiscum misericórdiam suam.

5. Pax vobis, * nolite timére : Deum benedícite, et cantáte illi.

Capitulum. Tob. 12. c

QUANDO orábas cum lácrymis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego óbtuli oratióem tuam Dómino.

Hymnus.

CHRISTE sanctórum decus Angelórum,
Rector humáni géneris et áuctor,

Nobis sacrátum tribue benígnus

Scándere cælum.

Angelum nobis médicum salútis

Mitte de cælis Ráphaël, ut omnes

Sanet ægrótos, paritérque nostros

Dirigat actus.

Hinc Dei nostri Génitrix María,

Totus et nobis chorus Angelórum

Semper assístat, simul et beáta

Cóncio tota.

Præstet hoc nobis Déitas beáta

Patris, ac Nati, paritérque sancti

Spiritus, cujus réboat in omni

Glória mundo. Amen.

Y. In conspéctu Angelórum psallam tibi Deus meus.

R. Adorábo ad templum sanctum tuum, et confitébor nómini tuo.

Ad Bened. Ant. Ego sum

Ráphaël Angelus, qui adsto ante Dóminum : vos áutem benedicite Deum, et narráte ómnia mirabilia ejus, allelúia.

Oratio.

DEUS, qui beátum Raphaélem Archángelum Tobíæ fámulo tuo cómitem dedisti in via : concéde nobis fámulis tuis ; utejúsdem semper protegámur custódia, et muniámur auxilio. Per Dñm.

AD TERTIAM

Ant. Ingréssus Angelus.

Capit. Quando. 339*.

R̃. br. Stetit Angelus * Juxta aram templi. Stetit. **ŷ.** Habens thuribulum áureum in manu sua. Juxta. Glória Patri. Stetit.

ŷ. Ascéndit fumus arómatum in conspéctu Dómini.

R̃. De manu Angeli.

AD SEXTAM

Ant. Forti ánimo.

Capitulum. Tob. 12. c

ET nunc misit me Dóminus ut curárem te, et Saram uxórem filii tui a dæmónio liberárem. Ego enim sum Ráphaël Angelus, unus ex septem qui adstámus ante Dóminum.

R̃. br. Ascéndit fumus arómatum * In conspéctu Dómini. Ascéndit. **ŷ.** De manu Angeli. In conspéctu. Glória Patri. Ascéndit.

ŷ. In conspéctu Angelórum psallam tibi Deus meus.

R̃. Adorábo ad templum sanctum tuum, et confitébor nómini tuo.

AD NONAM

Ant. Pax vobis.

Capitulum. Tob. 12. d

TEMPUS est ut revértar ad eum qui me misit : vos áutem benedicite Deum, et narráte ómnia mirabilia ejus.

R̃. br. In conspéctu Angelórum * Psallam tibi Deus meus. In conspéctu. **ŷ.** Adorábo ad templum sanctum tuum, et confitébor nómini tuo. Psallam. Glória Patri. In.

ŷ. Adoráte Deum. **R̃.** Omnes Angeli ejus.

IN II. VESPERIS

Ant. et Capit. de Laud.

Pss. ut in I. Vesp. et loco ult., Ps. 137. Confitébor... quóniam. 139.

Hymn. et ŷ. ut in I. Vesp.

Ad Magnif. Ant. Princeps gloriosissime Ráphaël Archángele, esto memor nostri; hic et ubique semper precáre pro nobis Filium Dei.

Orat. Deus, qui. **ut supra.**

DIE XXV

B. MARGARITÆ MARIE

ALACOQUE VIRG.

Duplex.

Omnia de Comm. Virg. 95*, præter seq.

Oratio.

DÓMINE Jesu Christe, qui investigábiles divítias cordis tui beátæ Margaritæ Virgini mirabiliter revelásti : da nobis ejus méritis et imitatione; ut te in ómnibus, et super ómnia diligéntes, ju-

gem in eodem corde tuo mansionem habere mereamur : Qui vivis.

IN I. NOCTURNO

Lect. de Script. occur.

IN II. NOCTURNO

Lectio iv.

MARGARITA Maria Alacoque, in pago diocesis Augustodunensis honesto genere nata, miro praevenientis gratiae instinctu a teneris annis viam perfectionis arripuit, ac primos innocentissimi cordis affectus ad eam interioris vitae formam, ad quam divinitus electa erat, composuit. Puellula vix dum rationis compos nihil magis in deliciis habuit, quam genibus positis, junctisque manibus caelesti Sponso sistere se, ei cor suum dicare, et virginalem devovere castitatem, ipso interiorius votum supra aetatem inspirante. Studium placendi Jesu, et pietas in Deiparam, cui se ab illo commendatam novit, pariter crevere cum annis. Ex hoc Christi amore, quem producta ad plures horas meditatio alebat, ingens exarsit patiendi amor, ut ei, quem unice diligebat, similem se exhiberet. Hinc corpus jejuniis, vigiliis, aliisque asperitatibus ad morbum usque afflixit: animum vero inter diuturnas vexationes, quas patre orbata a famulis pertulit, ad imaginem ejus, qui mitis est et humilis corde, constanter

efficiens, brevi ad magnam sanctitatem in ipso saeculo pervenit.

℟. Propter veritatem. 104*.

Lectio v.

ORDINEM Visitationis sanctae Mariae, quo a propinquis abesset longius, Parédii ingressa, statim in tirocinio cunctis religiosae vitae virtutibus indubium sanctitatis specimen praebeuit. Interim Christus sublimioris orationis dono, internis locutionibus aliisque charismatibus sponsam suam illustrare et ad sua consilia propius disponere instituit. Inter varias apparitiones illa maxime celebris fuit, qua ante Eucharistiam oranti Jesus semetipsum conspiciendum obtulit, et divinum cor suum in aperto pectore flammis incensum, et spinis constrictum ostendit, praecepitque, ut pro tali caritate, et ad reparandas ingratorum hominum injurias illa publicum cordi suo cultum, magnis propositis gratiarum praemiis, instituendum curaret, et cunctantem humilitatis causa, seque tantae rei imparem dictitantem, promisso auxilio et praenuntiato successu confirmavit. Exinde fidissima Christi sponsa hoc unum spirare, verbis, exemplis, scriptis, jugi vitae suae sacrificio hoc unum quaerere visa est, ut sanctissimo cordi Jesu interior, exteriorque cultus, qualem

ei placere ab ipso didicerat, ab omnibus tribueretur; quod et tunc fieri mirabiliter coepit, et postea, approbante sancta Sede quanto fructu sit perfectum universus orbis catholicus testatur.

℟. Dilexisti. 104*.

Lectio vj.

QUOD enixe a Domino petierat, ut illustrata ejus dona in sui contemptum verterentur, abunde obtinuit. Numquam enim defuere domi et foris qui illam misere illam credentes, aut saltem dubitantes, ejus spiritum dictariis carperent, vel certe assiduis ac duris subjicerent experimentis: in quibus tamen mitissimae Virginis humilitas, patientia, obedientia, et caritas magis semper eluxerunt. Contumelias quoque ac minas ab extraneis ob nobilem alumnam a tirocinio fortiter dimissam invicta constantia toleravit. Accessere morbi graves et diuturni, quibus levandis remedia a medicis oblata nocebant. Inter haec illa in divino Christi corde absorpta, et igne caritatis ejus incensa plura et graviora pati semper optabat. Extrimum morbum patientissime toleranti subito divini judicii cogitatio tantum injecit metum, ut cum tremore ac fletu Crucifixum stringens misericordiam sibi precaretur: sed mox conso-

lationes Dei laetificaverunt animam ejus. Igitur tamquam consummata caritatis victima, die decima septima Octobris ad Sponsum evolavit, annos nata tres et quadraginta. Caelstem ejus gloriam miracula confirmaverunt, quibus rite probatis, eam Pius nonus Pontifex Maximus magna piorum gratulatione quartodecimo Kalendas Octobris anni millesimi octingentesimi sexagesimi quarti beatarum Virginum cœtui adscripsit.

℟. Afferentur Regi. 104*.

IN III. NOCTURNO

Homil. in Evang. Simile erit regnum. de eodem Comuni 1^o loco. 106*.

DIE XXX

S. ALPHONSI RODRIGUEZ

CONFESSORIS

Duplex.

Omnia de Comm. Conf. non Pont. 76*, præter seq.

Oratio.

DEUS, fortitudo fragilium et humilium celsitudo, qui famulum tuum Alphonsum jugi mortificationis studio et eximiae humilitatis laude clarescere voluisti: da, ut ejus imitatione carne mortificati, et in humili crucis Filii tui sequela fideliter perseverantes, gloriam consequamur æternam: Qui tecum vivit.

IN I. NOCTURNO

Lect. de Script. occur.

IN II. NOCTURNO

Lectio iv.

ALPHÓNSUS Rodríguez, Dídaco patre mercatóre Segóviæ in Hispânia natus, ab ipsa jam pueritia christiánæ pietátis stúdio ac præsertim sanctissimæ Dei Genitricis veneratióne et amóre excélluit. Complútum ad litteras addiscéndas missus, haud multo post ob mortem patris ad mercatúram faciendam revocátus est a matre, eaque hortánte, honestissimæ puéllæ fœdere nuptiáli junctus. Interim tamen quæ Dei sunt, sollicite quærens, piis opéribus exercitam vitam duxit. Verum ad majóra vocátus a Deo, ut uxóre et susceptis ex ea liberis orbátum se morte vidit, negotiatióni terrenisque ómnibus valedícere, et perfectiórís vitæ curriculum inire decrevit. Quare, anteactæ vitæ máculis sacra exomológési diligentissime detérsis, totum se cæléstium contemplatióni addixit, utque mortuus corpore spiritu viveret, aspérrimam vitæ ratiónem sibi præstituit.

℟. Honéstum. 82*.

Lectio v.

TAMÉTSI in via perfectiúnis tam strénue progrediebátur Alphónsus, quo firmius tamen Deo adhæreret, de religiósó institúto amplecténdo cogitare cœpit. Qua in deliberatióne cum per visum quoddam vocári se

ad Societátem Jesu intellexisset, enixis précibus a præpósito provinciæ impetrávit ut pro eo quod parum in litteris profecisset, in húmitem sodálium adjutórum gradum admitterétur. In illa religiósæ vitæ palæstra eo splendidius ejus eluxére virtútes; mira in primis humilitas et obediéntia, sui ipsius et mundi contéptus, oratiónis stúdiu, amor paupertátis. Castitati servándæ, præter sénsuum custódiám, corpóris afflictatiónem adhibére non intermisit. Per annos ámplius quadraginta gravissimis infirmitátibus invicta patiéntia tolerátis accessit malórum dæmonum immánis in eum furor et pugna. Eórum tamen ímpetus et astus beatissimæ Virginis ope, cujus adspéctu et allóquo idéntidem recreabátur, elúsit semper ac protrivit.

℟. Amávit. 82*.

Lectio vj.

ALTISSIMÆ contemplatiúnis dono, perpétua cum Deo consuetúdine, in quem abstractus a sénsibus sæpe rapiébatur, prophetiæ spíritu, curatiónum grátia, divinisque áliis charismatis emicuit. Nihil ei jucúndius quam Missæ sacro inservire; quo témpore Christus Jesus ei se aliquóties vidéndum obtulit. Singulári erga Deiparam, ejúsque præcipue conceptiúnem immaculátam, pietáte afféctus, rosárium quod vo-

cátur, in delíciis hábuit ádeo, ut ab assídua ejus con-
trectatióne callum contrá-
xerit. Qua vero in Deum
flagrábat caritáte, ardor ale-
bátur quo proximórum sa-
lútem précibus, adhortatió-
nibus, consilio alácriter pro-
curábat, præsértim adven-
tántium ad collégii jánuam,
cujus per annos ámplius
triginta patientissimæ cari-
tátis exémplo custos fuit.
Tam multis divínæ grátiae
ópibus ditátus ad extrémum
vitæ devéniens, eníxius in-
vocáto nómine Jesu pressis-
que ad ejus effigiem lábiis,
obdormívit in Dómino, in-
eúnte pervigilio Sanctórum
ómnium, annum agens octo-
gésimum séptimum. Eum a
Leóne duodécimo Beatórum
fastis adscriptum, Leo dé-
cimus tértius anno millésimo
octingentésimo octogésimo
octávo, cum Petro Claver,
cui capesséndi apostolátus
áuctor fúerat Alphónsus,
cælitum Sanctórum honóri-
bus áuxit.

℟. Iste homo. 83*.

IN III. NOCTURNO

Homil. in Evang. Nolite.
de Comm. 2º loco. 90*.

DIE XXXI

S. WOLFGANGI EPISC. ET CONF.
Duplex.

Omnia de Comm. Conf.
Pont. 55*, præter seq.
Oratio.

DEUS, qui nobis æternæ
salútis beátum Wolfgán-

gum Episcopum ministrum
tribuisti: præsta quæsumus;
ut, quem doctórem vitæ ha-
búimus in terris, interces-
sórem habére mereámur in
cælis. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

WOLFGÁNGUS nóbili in Sué-
via génere prognátus,
rerum exterárum fuit, et sui
contéptor egrégious, solum
ex ánimo Deum quærens:
honóres amplissimos ab Hen-
rico Trevirénsium episcopo
sibi oblátos recusávit; illó-
que demórtuo, pollicitatió-
nibus aliórum contéptis,
monásticam tandem vitam,
cujus semper desidério fla-
gráverat, est ampléxus. Sa-
cris ordinibus a beáto Udal-
rico initiátus, cum in Pan-
nóniam prædicánde Evan-
gélíi cáusa se prius contulis-
set, propter conjúctam in
eo exímia cum pietáte pru-
déntiam, Ottónis imperató-
ris stúdio, totiúsque cleri et
pópuli acclamatióne, ecclé-
siæ Ratisbonénsi rite præ-
ficitur.

℟. Invéni David. 61*.

Lectio v.

SUSCÉPTO episcopátus mú-
nere, gregem Dómini
verbo pavit, et exémplo, san-
ctissimisque ecclésiám tem-
perávit institútis. Monastério
sancti Emmerámi, quod jam
diu episcopi administráve-
rant, restitútis provéntibus,

magno illius bono, insignem virum Romuáldum præposuit. Sanctimoniálum cœnóbium, quod ipse fundaverat, tam sancte instituit, ut collápsa in áliis disciplina eo exémplo sit fáciie restauráta, novóque pietátis odóre capta Brigída, Baváriæ ducis filia, sponsum Christum secúta, ad sacras se vírgines aggregárit. Bohémis, quo amplióra apud illos fides incrementa cáperet, contémpito suæ ecclésiæ detriménto, rejéctis aliórum consíliis, próprium dari episcopum libentíssime permísit.

℟. Pósuí adjutórium. 61*.

Lectio vj.

EGRÉGIAM viri sanctitátem comprobáruñt energúmeni, et váriis languóribus oppréssi, quos precatióne sanávit. Divíno afflátus instinctu, sanctum Henricum imperátorem regnatúrum, fratrem ipsíus Brunónem ad episcopátum promótum iri, e soróribus álteram reginam; abbatíssam álteram fore prædixit. Dénique cum viginti et ámplius annis in séduli Pastóris múnere peráctis, extrémum sibi diem imminére intelligeret, quæ ex usitáta liberalitáte supererant, per manus páuperum præmísit, sacræque Eucharístiæ viático præmunitus, in sancti Othmári æde, uti divínitus ántea futúrum acceperat, sanctíssimam vitam pari morte conclúsit, Ratis-

bónæ in templo sancti Emerámi sepúltus.

℟. Iste est. 62*.

IN III. NOCTURNO

Homil. in Evang. Vigiláte, quia nescitis. **de eodem Comuni 2º loco.** 69*.

DOMINICA IV. OCTOBRIS

SS. RELIQUIARUM

Duplex.

Omnia de Comm. plur.
Mart. 39*, præter seq.

Oratio.

AUGE in nobis Dómine resurrectionis fidem, qui in sanctorum tuorum Reliquiis mirabilia operáris : et fac nos immortalis glóriæ participes, cujus in eorum cineribus pignora venerámur. Per Dóminum.

Et fit Commem. Dominicæ occur.

IN I. NOCTURNO

Lect. de Script. occur.

IN II. NOCTURNO

Ex Tractátu sancti Joánnis Damascéni de fide orthodoxa.

Lectio iv. Lib. 4. cap. 16.

CHRISTUS Dóminus sanctorum reliquias velut saluíferos fontes præbuit, ex quibus plúrima nobis beneficia manant, suavissimúmque unguéntum prófluit. Nec vero quisquam huic sermóni fidem détrahat ; nam si aqua in desérto ex áspera et sólida rupe, atque ex ásini maxilla ad sedándam Samsonis sitim, Deo ita volente, prosiliit, erítne cur cuiquam

incredibile videatur, ex Martyrum reliquiis suave unguentum scaturire? Minime certe; iis quidem, quibus Dei potentia honorque quo Sanctos suos afficit, perspectus et exploratus est. Atque illud quidem veteri lege comparatum erat, ut quisquis mortuum contigisset, immundus censeretur; verum hi in mortuorum numero minime habendi sunt.

℞. Sancti tui. 45*.

Lectio v.

Ex quo enim ipsamet vita, ac vitæ Auctor inter mortuos adscriptus est, eos, qui in spe resurrectionis fideique erga eum diem extremum clausérunt, mortuos haudquaquam appellamus. Qui enim mortuum corpus miracula edere queat? Per ea dæmones expelluntur, morbi profligantur, ægróti sanantur, cæci prospiciunt, leprosi mundantur, tentationes ac mœrores discutuntur, ac denique omne donum optimum a Patre luminum, eorum opera, ad eos, qui fide minime dubia postulant, descendit. Quid non laboris suscipias, ut patrónum quemdam nanciscaris, qui te mortáli regi offerat, ac tuo nómine ad eum verba faciat? An non igitur hi honorandi sunt, qui

totius humani generis patrónos se profitentur, ac Deo nostra causa supplicant?

℞. Verbera. 45*.

Lectio vj.

HONORÁNDI certe, et quidem ita, ut in eorum nómine templa Deo exstruamus, dona offeramus, eorum memóriam colamus, atque in ea spirituáliter oblectemur; quo nimirum lætitia nostra iis, a quibus invitamur, congruat, ne, dum eos colere et demereri studemus, offendamus potius et irritemus. Quibus enim rebus Deus colitur, iisdem quoque servi ipsius oblectantur: quibus autem Deus offénditur, iisdem étiam ipsius milites offenduntur. Quocirca in psalmis, et hymnis, et canticis spirituálibus, et compunctione, et eorum, qui in egestate versantur, commiseratione, quibus obséquiiis Deus potissimum conciliatur, sanctos colamus; státuas ipsis et visibiles imágenes erigamus; imo ipsi virtutibus eorum imitandis hoc consequamur, ut vivæ eorum státuæ atque imágenes simus.

℞. Tamquam aurum. 46*.

IN III. NOCTURNO

Homil. in Evang. Descendens Jesus. **de eodem Comuni 2º loco.** 53*.

FESTA NOVEMBRIS

DOMINICA II. NOVEMBRIS
PATROCINII B. M. V.

Duplex majus.

Omnia ut in Festis B. M. V.
145*, præter seq.

Quoties hoc Officium ob
occursum alterius transferri
contingat, nec reponi possit
nisi in Adventu; tunc ex
Decreto S. R. C. diei 25 Au-
gusti 1848, nihil immutari
debet præter ix. Ant., quæ
erit: Angelus Dómini nun-
tiávit Mariæ, et concépit de
Spiritu sancto.

Ad Magnif. Ant. Sancta
Maria succurre míseris, juva
pusillánimes, réfove flébiles,
ora pro pópulo, intérvieni
pro clero, intercède pro
devóto femineo sexu: sèn-
tiant omnes tuum juvâmen,
quicúmque célébrant tuum
sanctum Patrocinium.

Oratio.

CONCÉDE nos fámulos tuos,
quæsumus Dómine Deus,
perpétua mentis et córporis
sanitáte gaudere: et gloriósa
beátæ Mariæ semper virgi-
nis intercessióne, a præsentí
liberári tristítia, et ætérna
pérfrui lælítia. Per Dóminum
nostrum.

Deinde fit Commem. Do-
minicæ occur.

AD MATUTINUM

Invit., Hymn., Ant., Pss.
et yŷ., nec non Lect. trium
Nocturnorum cum suis Re-

sponsoriis, ut in Festis B.
M. V. 147*.

R. vij. Felix namque es
sacra Virgo María, et omni
láude digníssima: * Quia ex
te ortus est sol justitiæ, Chri-
stus Deus noster. ŷ. Ora pro
pópulo, intérvieni pro clero,
intercède pro devóto femi-
neo sexu: sèntiant omnes
tuum juvâmen, quicúmque
célébrant tuum sanctum Pa-
trocinium. Quia ex te ortus.

Lect. ix. de Homilia Do-
minicæ occur.

AD LAUDES

ET PER HORAS

Omnia dicuntur ut supra.

Orat. Concède nos.

Deinde fit Commem. Do-
minicæ occur.

IN II. VESPERIS

Omnia ut in primis, præ-
ter Ant. ad Magnif. Beátam
me dicent.

Deinde fit Commemoratio
Dominicæ occurrentis.

DIE V.

S. ZACHARIÆ CONF.

PATRIS S. JOANNIS BAPTISTÆ

Duplex.

Omnia de Comm. Conf.
non Pont. 76*, præter seq.
(m. t. v.)

Oratio.

VÍGEAT; quæsumus Dó-
mine, semper in córdi-
bus nostris divínæ tuæ præ-
sèntiæ memória, beáti Za-

chariæ sanctissimi Præcur-soris tui patris suffraganti-bus méritis : ut te super ómnia diligéntes; ad pro-missiónes tuas, quæ omne desidérium súperant, sine offensióne currámus : Qui vivis.

Et sit Commem. Omnium Sanctorum in utrisque Vesp. et Laud.

IN I. NOCTURNO

Lect. de Script. occur.

IN II. NOCTURNO

Sermo sancti Joánnis

Chrysóstomi.

Tom. 5. hom. 2. cont. Anom.

Lectio iv.

FUIT Zachariás miræ vir-tútis præclarique nómi-nis, sacerdótio præditus, et patrocínium totíus pópuli comméritus apud Deum im-mortálem : qui Sancta San-ctórum ingrèssus, ipsum scí-licet penetrále, quod uni fas erat illi inspicere, ac pro pópulo Deo súpplicans, et Dóminum reddens propí-tium fámulis, quasi quidam esset intérpres Dei et hómi-num, vidit Angelum intra parietem sacri illius domi-cilii stantem, cujus adspéctu ictus, atque expávidus áu-diit : Noli timére Zacharía, exaudita est orátio tua, et ecce Elisabeth uxor tua pá-riet filium.

R. Honéstum fecit. 82*.

Lectio v.

SED unde hæc verba con-sequéndi habent ratió-nem? Ille pro pópulo rogá-

bat, pro peccátis véniam suis consérvis implorábat : hic noli timére, inquit, nam ex-audíta est orátio tua, atque exaudiéndi indícium addit, filium in lucem ventúrum Joánnem. Vide, quam recte ista sequántur. Cum pro pec-cátis rogáret pópuli, nasci ex eo debére filium, qui cla-máret : Ecce Agnus Dei, qui tollit peccáta mundi. Ra-tióne sane óptima, ita Ange-lus rétulit, exaudita est orá-tio tua.

R. Amávit eum. 82*.

Lectio vj.

QUID ille ad hæc? conspi-cátus est suam ætátem, suam canítiem, animadvér-tit suæ uxóris natúram stér-ilem : atque ita diffidit, et modum quo ita fieret pétiit. Nonne illi seni díxeris igno-scéndum, cum rerum órdi-nem petat, et legem natúræ consíderet? Sed tamen Deo nullam véniam meréri visus est. Cum enim ásserit Deus, nullus rerum consequéntiæ, aut natúræ necessitáti locus relinquitur. Idcirco moléste Angelus tulit, ne sacerdótii quidem negótio pepércit. Imo ob idípsum pœnam illi subeúndam cénsuit gravió-rem. Qui enim plusquam cæ-teri obtinébat honóris, fidem quoque habére debébat cæ-teris ampliorem. Et eris, inquit, tacens, et non póte-ris loqui usque in diem quo hæc fient.

R. Iste homo. 83*.

IN III. NOCTURNO

Lectio sancti Evangelii secundum Lucam.

Lectio vij. Cap. 1.

FUIT in diebus Herodis regis Judææ sacerdos quidam nomine Zachariæ de vice Abiæ, et uxor illius de filiabus Aaron, et nomen ejus Elisabeth. Et reliqua. Homilia sancti Petri Chrysologi.

Serm. 91.

AURUM de terra legere qui novérunt, ubi divitem senserint venam, ibi quidquid artis est, quidquid laboris impendunt: et nos quia in sancto Zacharia cælestem novimus latere thesaurum, in ipso totum quod sermonis est nostri, quod vestri auditus est, occupemus. Fuit, inquit, in diebus Herodis regis Judææ sacerdos quidam nomine Zachariæ ex vice Abiæ, et uxor ejus de filiabus Aaron, et nomen ejus Elisabeth; erant autem justi ambo apud Deum. Ambo justi, quia in ambobus erat una justitia. Ambo justi, quia constabat inter eos non de diligentia sed de sanctitate conjugium. Ambo justi, quia sexu dispares, pares meritis habebantur. Ambo justi, quia ut erat in duobus una caro, sic erat in duobus unus spiritus.

℞. Iste est qui. 85*.

Lectio viij.

ERANT, inquit, justi ambo ante Deum. Et ubi est

illud, Non justificabitur in conspectu tuo omnis vivens? Ante homines forte quis putetur justus, quia homines, ut culpas corporum norunt, sic vitia mentis ignorant. Ante Deum vero, cui pectoris claustra patent, quem cogitationum secreta non latent, quis innocens habetur et justus? Estne homo, qui corde non peccet, non cogitatione delinquat, non offendant dubitatione, non lapsum trepidationis incurrat? Moyses dubitat, Aaron deviat, Petrus negat, et quis justus? Et quomodo ambo justi ante Deum? Ante Deum, sed semper. Ambo justi apud Deum, non labore, sed gratia. Audi Apostolum: Justificati gratis per gratiam ipsius.

℞. Sint lumbi vestri. 85*.

Lectio ix.

ERANT, inquit, ambo justi ante Deum, incedentes in omnibus mandatis et justificationibus Dei sine querela. Incedentes, dixit, ut eos ostenderet cucurrisset virtutibus, non stetisse: et ambulasse in via justitiæ, non sedisse; nec remansisse in itinere mandatorum, sed ad mandatorum plenitudinem pervenisse. Incedentes in omnibus mandatis et justificationibus Dei sine querela. Beati quos percutit, non vulnerat crimen; sed beatiore istis, quos tetigit nec querela. Sine querela. Si pueritia, si adolescencia, si juvenus

sine querela est, qualis horum senectus? Si tale initium, qualis finis? Ascendisse justificationum vertices, colles mandatorum, nec in aliquo titubasse, est gratiae singularis, est unice felicitatis insigne.

Te Deum laudamus. 16.

DIE XIII

S. STANISLAI KOSTKÆ

CONFESSORIS

Duplex.

Omnia de Communi Conf. non Pont. 76*, præter seq.
(m. t. v.)

Oratio.

DEUS, qui inter cætera sapientiae tuæ miracula, etiam in tenera aetate maturae sanctitatis gratiam contulisti: da, quaesumus; ut beati Stanislai exemplo, tempus instanter operando redimèntes, in aeternam ingredi requiem festinemus. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

STANISLÁUS, senatoria Kostkárum gente ortus in Polónia, quam olim esset militiam secuturus, nomen Jesu prænuntiávit, paritúrae matris grémio divinitus inscriptum. Virginitatem adhuc puer ita coluit, ut paternam in mensa si quid minus pudice dictum audisset, præ horróre exánimis corrúeret. Ad Viennense in Austria se-

minarium studiorum causa missus, non minus exemplo sodalibus quam venerationi fuit. Coactus inde in lutherani hospitis aedes migrare, ibique a Paulo fratre ad liberiores vitam omni etiam asperitatum genere incitatus, domesticum bellum toto biennio constantissime sustinuit, ad aeterna se, non ad caduca natum affirmans. Itaque unicum illi erat rerum caelestium desiderium, perpetua cum Deo consuetudo, cultus Deiparae adeo tener, ut matrem suavissime appellaret.

R. Honestum fecit. 82*.

Lectio v.

QUOTIDIANAE fratris vexationi crebra ipse jejunia, flagella, aliosque insontis corpusculi cruciatus adjiciens, lethalem in morbum incidit. Quo ingravescente, cum daemone horrendi canis specie insipientem signo crucis ter fugasset, sacrum Viaticum, quod in haeretica domo decumbens frustra ab hominibus petebat, ab Angelis accepit. Mox ad pueri Jesu complexum a beatissima ejus Matre comiter admissus, ac Societati jussus nomen dare, subito convalluit. Sed cum aditum ad illam patris timor in Germania praec luderet, peregrini habitu, solus, pedes, mendicus fugam arripit, certus non sistere, nisi voti compos fiat. Iter non uno Dei bene-

ficio prósperum fuit. Nam præter ália, Páuli prófugum fratrem jam assequéntisequi, immisso divínitus torpóre, constitérunt; et Stanisláus Angelórum pane íterum angélico ministério reféctus, post duodécies centéna pássuum millia, tandem Romæ in Societátem Jesu a sancto Francíscó Bórgia generáli præpósito mérui cooptári.

℞. Amávit. 82*.

Lectio vj.

TIRÓNIS emériti virtútes in religiósæ vitæ palæstra splendídius eluxére; caritas præsértim erga Deum, in quem assidue alienáta a sén-sibus mente rapiebátur. Inde illi fácies semper accénsa, nonnúnquam rádians, perénnes lácrymæ; ardor péctoris tantus, ut média quoque hieme foret ingésta idéntidem gélida temperándus. Itaque amóre vérius quam feбри æstuans, die assúptæ in cælum Virgini sacro, ad ejus triumphálem pompam própius, ut optáverat, spectándam, ab ipsa beatárum Virgínium choro stipáta vocátus est ex Quirináli domo probatiónis, anno innocéntis vitæ décimo octávo, óperum plénior quam diérum. Multis post óbitum miráculis in sua præsértim Polónia ení-tuit; cujus armis contra formidábiles Turcárum exércitus spectábilis e cælo ádfuit non semel, et civitátes álias peste, álias incéndio liberá-

vit. Quamóbrem Clemens décimus eum inter primários totíus regni Patrónos constituit; Benedictus vero décimus tértius (quod a Cleménte undécimo jampridem fúerat decretum) in sanctórum númerum rétulit.

℞. Iste homo. 83*.

IN III. NOCTURNO

Léctio sancti Evangélii secúndum Matthæum.

Lectio vij. Cap. 19. b

In illo témpore: Obláti sunt Jesu párvuli, ut manus eis impóneret. Et réliqua.

Homilia sancti Augustini Episcopi.

In Psalm. 118.

QUID párvulus, nisi húmilis? Hæc sunt mirabilia testimónia tua Dómine, quæ scrutáta est ánima párvuli hujus: et ideo invénit, quia humiliátus est, et párvulus factus est. Quis enim facit mandáta tua, sicut faciéndasunt, id est ex fide, quæ per dilectiónem Dei operátur, nisi ejus in corde per Spíritum sanctum ipsa diléctio diffundátur? Hoc étiam iste párvulus confitétur. Os meum, inquit, apérui, et attráxi spíritum, quia mandáta tua desiderábam. Quid desiderábat, nisi fácere mandáta divína? Sed non erat unde fáceret infirmus fórtia, et párvulus magna. Apérui os, cónfitens quod per se ipse non fáceret, et attráxit unde fáceret.

℞. Iste est qui. 85*.

Lectio viij.

JÚNIOR sum ego, inquit, et contéptus : justificatiónes tuas non sum* oblítus. Non sicut inimíci mei, qui oblíti sunt verbórum tuórum. Vidétur áutem minor ætáte non oblítus justificatiónes Dei, dolére pro inimícis suis ætáte majóribus, qui oblíti sunt. Nam quid est, Júnior ego non sum oblítus, nisi illi majóres oblíti sunt? Sed contéptum se dicit hic júnior; ideo factus est major : quia ignobilia et contemptibilia mundi elégit Deus, et ea quæ non sunt, tamquam sint, ut ea quæ sunt, evacuéntur. Et ecce sunt novíssimi, qui erant primi, et primi, qui erant novíssimi.

℞. Sint lumbi. 85*.

Lectio ix.

ISTE áutem júnior non est oblítus, quia non suam vóluit habére justítiam, sed Dei; de qua étiam nunc dicit : Justítia tua, justítia in ætérnum. Propter hanc passus est persecutióem júnior a majóre, ut diceret júnior quod séquitur : Tribulátio et necessità invenérunt me; mandáta tua meditátio mea est. Sæviánt, persecuántur; dum tamen mandáta Dei non relinquántur, et ex ipsis mandátis étiam qui sæviunt diligántur. Intelléctum da mihi, et vivam. Intelléctum poscit iste júnior, quem si non haberet, non super senióres

intelligeret. Sed eum poscit in tribulatióne ei necessità, quo intélligat quam sit contemnéndum quod ei possunt auférre persecuéntes inimíci, a quibus se dicit esse contéptum.

Te Deum laudámus. 16.

DIE XXVI

S. LEONARDI A PORTU MAURITIO

CONFESSORIS

Duplex.

Omnia de Comm. Conf. non Pont. 76*, præter seq. Oratio.

DEUS, qui in obstinátis peccatórum córdibus ad pœniténtiam flecténdis beátum Leonárdum Confessórem tuum ópere ac sermóne poténtem effecisti : da quæsumus; ut per ejus preces et mérita e córdibus nostris contritiónis lácrymas elicere valeámus. Per Dóminum.

Et fit Commem. S. Petri Episc. et Mart.

IN I. NOCTURNO

Lect. de Script. occur.

IN II. NOCTURNO

Lectio iv.

Leonárdus in Portu Mauritio ad ora Ligústica Italiæ ortus est paréntibus pietáte egrégiis pótius, quam genere claris; qui púerum ánimam sortitum bonam, divina favénte grátia, in timóre Dómini omni cura instituérunt. Mirándum erat eum in templo vel domi vidére et audíre, sive fêrvidas ad Deum effúndere

preces, sive hortári coæ-
taneos ad religiõnis aliarúm-
que virtútum ópera exer-
cènda. Adolèscens studiò-
rum cáusa Romam missus
ad instar novi sideris in Gre-
goriáno collégio tum litterá-
rum ac scientiarum profèctu,
tum potíssimum vitæ sancti-
táte effúlsit. Jam de virtúte
in virtutem quotidie magis
progrédiens, ut intímius Deo
servíret ac proximórum uti-
litáti vacáret, de religióso
institúto amplecténdo cogi-
távit. Et licet pátruus pro
víribus niterétur, ut hunc
nepótem appríme carum ab
hujúsmodi consilio retráhe-
ret, ipse tamen, ejúsdem
blanditiis minisque posthá-
bitis, fratrum Minórum ex-
calceatórum rigidióris ob-
servántiæ consórtio cooptári
obtínuit, eórum præsertim
modéstia captus, ac extrémá
paupertáte.

℞. Honéstum fecit. 82*.

Lectio v.

A PRIMO tirocinio, et,
quoad in eo supérfuit vi-
tæ anhélitus, nil hábuit anti-
quius, quam ut Seráphici
patris exémpia perfectíssime
imitarétur, præsertim cum
vix ac cléricus efféctus, de-
sidério incénsus fuit migrán-
di in bárbaras terras, ut sán-
guinem suum profúnderet
ad infidélium ánimas Chri-
sto lucrándas. Verum divinæ
providéntiæ consiliis áni-
mum compónens suum, di-
sciplinas theológicas sédulo

excólere satégit, ut ad omne
opus bonum instrúctus foret.
Sacris deínde ordinibus ini-
tiátus, ac sacerdotáli chara-
ctére insignitus, prótinus in
cultíssimis étiam Itáliæ úrbi-
bus evangélii præcónis mú-
nere fungi cœpit. Apostóli-
cam vivéndi formam secú-
tus, únicam habens tunicam
atque abjéctis cálceis, quam-
vis ténuí esset corpúsculo,
tamen perículis, difficultáti-
bus, asperitátibus laboribús-
que haud fractum se um-
quam sensit. Sic réliquam
vitam per annos quátuor su-
pra quadragínta strénue im-
péndit, cum ingénti ubique
animárum lucro et religiõnis
incremento.

℞. Amávit eum. 82*.

Lectio vj.

IMMÉNSA porro fuit populó-
rum ad eum audiéndum
frequéntia, et innumerábiles
conversiónes inde sub-
secútæ. Ipsa enim sáxea ac
férrea corda, eo audito, ve-
heménter scindebántur ad
pœniténtiam tum ob miram
sermónis effacíam, ac ar-
dentíssimum loquéntis ze-
lum, tum præsertim ob
præcláram ejus vitæ sancti-
móniam, quæ suavíssimum
Christi odórem ubique efflá-
bat. Sénio tandem ac innú-
meris labóribus consúm-
ptus, cum Summo Pontifici
Benedicto décimo quarto
fidem dedisset núllibi se nisi
Romæ moritúrum, in almam
hanc Urbem rédiens e Bo-

noniénsi missióne, morbo tentári cœpit, quo sibi brevi decedendum esse palam edixit. Cum igitur sãncti Bonaventúræ cœnóbium ingressus esset, illico Ecclesiæ sacraméntis muniri voluit, quibus admirábili fervóre atque inexplébili ánimí gáudio suscep̃tis, placidissime in Dómini ósculo quíevit. Leonárdi óbitum plúrima secúta sunt prodigia, quibus rite probátis, a Pio sexto Pontífice Máximo idem inter beátos cœlites adnumerátus est. Novis deinde fulgéntem signis, tandem Pius nonus Póntifex Máximus præclarissimum hunc verbi Dei præcónem sanctórum catálogo accénsuit.

℞. Iste homo. 83*.

IN III. NOCTURNO

Lect. de Homil. in Evang. Designávit. de Comuni Evangel. 22*, cum ℞℞. de Comm. Conf. non Pont. 85*.

Lect. ix. de S. Petro Episc. et Mart. ut in Breviario, cujus Commem. fit ad Laud.

Si alia die celebretur, ix. Lect. erit Hinc namque. 23*.

DIE XXVIII

S. JACOBI DE MARCHIA CONF.

Duplex.

Omnia de Comm. Conf. non Pont. 76*, præter seq.

Oratio.

DEUS, qui ad animárum salútem, et peccatóres e vitiórum cœno ad viam virtútis revocándos, beátum

Jacóbum Confessórem tuum Evangélii præcónem eximium effecisti: concéde propítius; ut ejus intercessióne a peccátis ómnibus expiáti, vitam consequámur ætérnam. Per Dóminum.

IN I. NOCTURNO

Lect. de Script. occur.

IN II. NOCTURNO

Lectio iv.

JACÓBUS Monte Prandóno Picéni óppido, in diocési Asculána, piis paréntibus natus, ab ipsa puerítia bonárum ártium et litterárum stúdia magna cum pietáte conjúnxit. Adoléscens mundi vanitátem cógitans, Carthusianórum institúto nomen dare constitúerat: Deo tamen, qui eum ad animárum salútem, et fidei propagatiónem destináverat, dúcente, Minórum familiam ingressus est. In ipso tirocinio, quod in cœnóbio Cárcerum apud Assísium pósuit, obediéntia, paupertáte, cæterisque virtútibus ita excélluit, ut religiósæ perfectiόνis exémpplar absolutissimum ab ómnibus haberétur. Virginitátem perpétuo illibátam servávit: trium horárum somno conténtus, réliquam noctem divínis in láudibus, cruentis flagellatióibus rerúmque cæléstium contemplatióne transigébat. Loricam férream supra nudas carnes annis gestávit prope viginti, quam póstea jussu sacerdotis, qui ejus confessiões

excipiēbat, cilicio asperrimo commutavit. Semel in die pane et aqua vescebatur, additis raro crudis fabis herbisque silvestribus obsōnii loco. Quam durissimam vivendi rationem tenuit, donec ætate provectum, et ob assiduos labores mala affectum valetudine, ut mitius aliquando secum ágeret, sancti Bernardini Senensis auctoritas impulit.

Ĥ. Honestum. 82*.

Lectio v.

SACERDOS factus, et ad munus concionandi delictus, vivo et efficaci sermone flagitia hominum constanter et libere increpabat: nec viros nobiles ac potentes reprehendere est veritus, si quos criminibus irretitos offendisset; tantusque fiebat ad eum audiendum concursus, ut cum frequentiam capere vel magna templa non possent, in plateis atque areis suggesta erigi passim oporteret. Hinc imperatores, reges et præsules amplissimi certatim apud se eum concionantem habere voluerunt. Mediolani de Magdalénæ lacrymis dicens, sex et triginta impudicas mulieres a turpi quæstu avocavit, quibus etiam pecunia corrogata ad pie vivendum domicilium exstruxit. Tum Sfortia duce ac civibus vehementer instantibus, ut archiepiscopale munus susciperet, eam dignitatem constantissime re-

cusavit. Bis centena infidelium millia baptismi lavacro tinxisse, et in Hungaria brevi tempore quinquaginta hæreticorum millia ad Ecclesiæ sinum reduxisse fertur. In Italia nequissimam Fraticellorum sectam, iterum ac tertio reviviscentem, penitus exstinxit. Ferrariensi concilio, quod postea Floréntiam translátum fuit, interfuit. Sigismundum et Albértum imperatores in máximis regni difficultatibus, præsertim vero in expeditione in Turcas promovenda, et hæreticis debellandis, consilio et ópera adjúvit. Sancto Joánni a Capistrano sacri socialiis belli adversus Turcas, pontificiæ legationis consiliário in Hungaria defuncto suffectus fuit.

Ĥ. Amavit eum. 82*.

Lectio vj.

MARTINI quinti, Eugénii quarti, Nicolái quinti, Callisti tertii, Pii secúndi, Pauli item secúndi et Sixti quarti contra hæreticos Fraticellos, Manichæos redivivos, Patarénos, Hussitas, Taboritas legationibus functus est. Quibus in expeditionibus Itáliam universam non semel percucúrrit; Illýricum tertio, Pannóniam, Sarmátiam, Bohémiam, finitimasque provincias peragravit. Tot autem itinera sine sáculo et pera, Apostolorum more pedibus confect, ope divina únice fretus;

quæ tum máxime páuit, cum rejéctus a náuta Padum amnem, pállio super aquas instráto, cum sócio pertránsiit. Dénique Neápoli, quo Sixti quarti jussu, instánte Ferdinándó rege, proféctus erat, extrémó morbo corréptus, Ecclésiæ sacraméntis rite suscéptis, anno millésimo quadringentésimo septuagésimo sexto, ætátis octogésimo quinto, quarto Kaléndas Decémbris, spíritum Deo réddidit. Multis post óbitum miráculis cláruit, quibus rite cógnitis, Urbánus octávus ejus Offícium et Missam ab órdine Fratrum Minórum et a clero Neápolis celebrári permísit, quæ Jacóbum inter álios patrónos

cooptáverat. Corpus ejus in æde sacra sanctæ Mariæ Novæ incorrúptum adhuc et flexibile pérmanet. Quod cum Vincéntius cardinális Ursinus, qui post Benedíctus décimus tértius fuit, suis mánibus contrectáret, et Philíppo quinto Hispániæ regi venerándum offérret, odórem suavíssimum exspiráre compértum est. Idem vero Póntifex anno millésimo septingentésimo vigésimo sexto, Jacóbum novis miráculis coruscántem, in sanctórum númerum rétulit.

¶. Iste homo. 83*.

IN III. NOCTURNO

Homil. in Evang. Sint lum-
bi vestri. **de eodem Comm.**
1º loco. 85*.





OFFICIA PROPRIA

SS. SUMMORUM PONTIFICUM

SANCTÆ ROMANÆ ECCLESİÆ, ALIORUMQUE SANCTORUM VEL BEATORUM
OMNIBUS VEL PLURIBUS DIOCESIBUS CONCESSA, QUÆ KALENDARIUM
CLERO ROMANO PROPRIUM SEQUUNTUR

DOM. I. NON IMPEDITA
POST OCT. SS. PETRI ET PAULI
*Quæ nonnumquam occur.
in parte Autumnali.*

COMMEMORATIO
OMNIUM SS. ROMANÆ ECCLESİÆ
SUMMORUM PONTIFICUM
Duplex.

IN I. VESPERIS
*Ant., Capit. et Hymn. de
Laudibus ; Pss. ut in I. Ve-
speris de Communi Aposto-
lorum. 2*.*

Ÿ. Exáltent eos in ecclé-
sia plebis. *Ŕ.* Et in cáthedra
seniórum láudent eos.

Ad Magnif. Ant. Sacerdó-
tes Dei benedicite Dómi-
num, servi Dómini hymnum
dicite Deo, allelúia.

Orat. ut in Laud.
*Commem. Dominicæ oc-
cur.*

AD MATUTINUM
Invit. Christum Principem
Pastórum, * Veníte, adoré-
mus.

Ps. Veníte, exsultémus.
2.

Hymnus.

ETÉRNA Christi múnera,
Et glóriam Pontíficum
Láudes canéntes débitas,
Lætis canámus méntibus.

Ecclesiárum príncipes,
Belli triumpháles duces,
Caeléstis áulæ mílites,
Et vera mundi lúmina.

Devóta sanctórum fides,
Invicta spes credéntium,
Perféccta Christi cáritas,
Mundi triúmphant príncipem.

In his Patérna glória,
In his volúntas Spíritus,
Exsúltat in his Fílius,
Cælum replétur gáudio.

Te nunc Redémptor quæ-
sumus,

Ut ipsórum consórtio
Jungas precántes sérvulos,
In sempitérna sáecula.

Amen.

*Ant., Pss. et ŷŷ. Nocturn.
de Comm. Apost. 4*.*

IN I. NOCTURNO

*Lect. de libro Ecclesia-
stici, Laudémus viros. de
Comm. plur. Pont. 67*, et
ŔŔ. de Comm. Apost. 8*.*

IN II. NOCTURNO

Sermo sancti Bernárdi
Abbátis.

In Festo S. Malachíæ Episc.

Lectio iv.

CONGRATULÉMUR, fratres, congratulémur, ut dignum est, Pontificibus nostris: quia et pium est defunctos plangere, et pium magis congratulare viventibus. Numquid non vivunt? Et beáte. Nimirum visi sunt oculis insipientium mori, illi autem sunt in pace. Denique jam concives sanctorum et domestici Dei psallunt pariter, et gratias agunt, dicentes: Transivimus per ignem et aquam, et induxisti nos in refrigerium. Transierunt plane viriliter, et feliciter pertransierunt. Transierunt per ignem et aquam, quos neque tristitia frangere, nec detinere mola potuerunt.

R. Vidi conjunctos. 10*.

Lectio v.

LÆTÉMUR quod Pontifices nostri ascenderunt ad cives suos, pro filiis captivitatis legatione fungentes, corda nobis conciliantes beatorum, vota illis intimantes miserorum. Lætémur, inquam, et exultémus, quia cælestis illa cúria ex nobis habet, quibus sit cura nostri, qui suis nos protégant méritis, quos informaverunt exemplis, miraculis confirmaverunt. Sancti Pontifices, qui in spiritu humilitatis hostias pacificas cælis fréquenter invexerant,

per semetipsos introiverunt ad altare Dei, ipsi hostiæ et sacerdotes.

R. Beati estis. 10*.

Lectio vj.

BENEDÍCTUS Dóminus Deus, qui tantorum Pontificum ministério visitavit plebem suam: et nunc assumptis iis in sanctam civitatem, tantæ recordatione suavitatis nostram non desinunt consolari captivitatem. Exsultent in Dómino eorum spiritus, quod levati pondere corporeæ molis, nulla jam sæculenta vel terræ materia prægravantur, quo minus tota alacritate ac vivacitate corpoream omnem et incorpoream transeúntes creaturam, pergant toti in Deum, et adhærentes illi, unus sint cum eo spiritus in ætérnum. Domum istam decet sanctitudo, in qua tantæ frequentatur memoria sanctitatis.

R. Isti sunt. 11*.

IN III. NOCTURNO

Lectio sancti Evangelii secundum Matthæum.

Lectio vij. Cap. 16. b

In illo tempore: Venit Jesus in partes Cæsariæ Philippi, et interrogabat discipulos suos, dicens: Quem dicunt homines esse Filium hominis? Et reliqua.

Homilia sancti Leonis
Papæ.Serm. 2. in anniv. assumpt.
suæ, ante medium.

CUM, sicut evangelica lectione reseratum est, in-

terrogasset Dóminus discipulos, quem ipsum (multis diversa opinantibus) crederent; respondissetque beatus Petrus, dicens : Tu es Christus Filius Dei vivi; Dóminus ait : Beatus es Simon Bar-Jona, quia caro et sanguis non revelavit tibi, sed Pater meus, qui in cælis est : et ego dico tibi, quia tu es Petrus, et super hanc petram ædificabo Ecclesiam meam, et portæ inferi non prævalébunt adversus eam, et tibi dabo claves regni cælórum : et quodcúmque ligáveris super terram, erit ligátum et in cælis : et quodcúmque sólveris super terram, erit solútum et in cælis. Manet ergo dispositio veritátis, et beatus Petrus in accepta fortitudine petræ perseverans, suscepta Ecclesiæ gubernacula non reliquit.

¶ Amávit eos Dóminus, et ornávit eos : stolam glóriæ induit eos, * Et ad portas paradisi coronávit eos. ¶ Induit eos Dóminus lorica fidei, et ornávit eos. Et.

Lectio viij.

IN univérſa namque Ecclesia, Tu es Christus Filius Dei vivi, quotidie Petrus dicit : et omnis lingua, quæ confitétur Dóminum, magisterio hujus vocis imbuitur. Hæc fides diábolum vincit, et captivórum ejus vincula dissolvit. Hæc éruſos mundo inserit cælo, et portæ inferi adversus eam prævalére non

possunt. Tanta enim divinitus soliditate munita est, ut eam neque hæretica umquam corrumpere pravitas, nec pagána potuerit superare perfidia. His itaque modis, dilectissimi, rationabili obsequio celebrétur hodierna festivitas, ut in persóna humilitátis meæ ille intelligátur, ille honorétur, in quo et ómnium Pastórum sollicitúdo cum commendatarum sibi óvium custódia perseverat, et cujus étiam dignitas in indigno heréde non déficit.

¶ Isti sunt qui ante Deum magnas virtutes operati sunt, et omnis terra doctrina eórum repléta est : * Ipsi intercedant pro peccátis ómnium populórum. ¶ Isti sunt qui contempsérunt vitam mundi, et pervenérunt ad cælestia regna. Ipsi. Glória. Ipsi.

Lect. ix. de Homil. Dom. occur.

Te Deum laudámus. 16.

AD LAUDES

ET PER HORAS

Ant. 1. Sancti tui * Dómine florébunt sicut lílium, et sicut odor bálsami erunt ante te.

Ps. Dóminus regnávit. cum reliq. de Dom. 17.

2. In cælestibus regnis * sanctórum habitatio est, et in ætérnum réquies eórum.

3. Córpora sanctórum * in pace sepulta sunt, et nómina eórum vivent in ætérnum.

4. Spiritus et ánimæ justó-

rum * hymnum dícite Deo nostro, alleluía.

5. Fulgébunt iusti * sicut sol in conspéctu Dei.

Capitulum. Hebr. 13. b

FRATRES : Mementóte prae-positórum vestrórum, qui vobis locúti sunt verbum Dei : quorum intuéntes éxitum conversatiónis, imitámini fidem.

Hymnus.

REX glorióse Præsulum,
Coróna confiténtium,
Qui respuéntes térrea
Perdúcis ad caeléstia.

Aurem benignam prótinus
Appóne nostris vóci-
bus :
Tropháea sacra pángimus :
Ignósce quod delíquimus.

Tu vincis in Martýribus,
Parcéndo Confessoribus :
Tu vince nostra crimina,
Donándo indulgéntiam.

Deo Patri sit glória,
Ejúsque soli Filio,
Cum Spíritu Paráclito,
Et nunc, et in perpétuum.
Amen.

Ÿ. Justos dedúxit Dóminus
per vias rectas. R. Et ostén-
dit illis regnum Dei.

Ad Bened. Ant. Vos estis
lux mundi : non potest civi-
tas abscondi supra montem
pósita ; neque accéndunt lu-
cérnam, et ponunt eam sub
módio, sed super candelá-
brum, ut lúceat ómnibus qui
in domo sunt.

Oratio.

DEUS, qui pópulis tuis
indulgéntia cónsulis et
amóre domináris : da spíri-

tum sapiéntiae suffragántibus
méritis Antistitum Ecclésiae
tuæ, quibus dedisti régimen
disciplinæ ; ut de proféctu
sanctárum óvium fiant gáu-
dia aetérna pastórum. Per.

Commem. Dom. occur.

AD TERTIAM

Capit. Fratres : Memen-
tóte. ut supra.

R. br. Lætámini in Dómi-
no, * Et exsultáte iusti. Læ-
támini. Ÿ. Et gloriámini
omnes recti corde. Et. Glória
Patri. Lætámini.

Ÿ. Exsúltent iusti in con-
spéctu Dei. R. Et delecténtur
in lætítia.

AD SEXTAM

Capitulum. Act. 20. c

ATTÉNDITE vobis, et uni-
vérso gregi, in quo vos
Spíritus sanctus pósuit epí-
scopos régere Ecclésiam
Dei, quam acquisívit sán-
guine suo.

R. br. Exsúltent iusti * In
conspéctu Dei. Exsúltent. Ÿ.
Et delecténtur in lætítia. In.
Glória Patri. Exsúltent.

Ÿ. Iusti áutem in perpé-
tuum vivent. R. Et apud
Dóminum est merces eórum.

AD NONAM

Capitulum. Hebr. 13. c

OBEDÍTE prae-positis vestris,
et subjacéte eis : ipsi
enim pervigilant, quasi ra-
tió-
tionem pro animábus vestris
reddíturi.

R. br. Iusti áutem * In
perpétuum vivent. Iusti. Ÿ.
Et apud Dóminum est mer-
ces eórum. In. Glória. Iusti.

ŷ. Exsultábunt sancti in glória. R. Lætabúntur in cubilibus suis.

IN II. VESPERIS

Ant., Capit. et Hymn. de Laud.; Pss. vero de Dom., et loco ult., Ps. Meménto Dómine David. 135.

ŷ. Elégit eos Dóminus sacerdotés sibi. R. Ad sacrificándum ei hóstiam láudis.

Ad Magnif. Ant. Dum essent summi Pontífices, ter-

réna non metuérunt, sed ad cæléstia regna gloriósi migráruť.

Oratio ut supra.

Commemoratio Dominicæ occur.

DOM. POST OCT. ASSUMPT.

B. M. V.

PURISSIMI CORDIS B. M. V.

Duplex majus.

Omnia ut inter festa pro aliquibus locis. 277*.

FESTA SEPTEMBRIS

DIE I

(Dies ass. ex 26 Aug.)

S. LUDOVICI REGIS CONF.

Semiduplex.

Omnia de Comm. Conf. non Pont. 76*, præter seq. (m. t. v.)

Oratio.

DEUS, qui beátum Ludovicum Confessórem tuum de terréno regno ad cæléstis regni glóriam transtulisti : ejus, quæsumus, méritis et intercessióne, Regis regum Jesu Christi Filii tui fácias nos esse consórtes : Qui tecum vivit.

Commem. S. Ægidii Abb. (Ant. et ŷ. variatis), deinde SS. XII. Fratrum Mm. 299.

IN I. NOCTURNO

Lect. de Script. occur.

IN II. NOCTURNO

Lectio iv.

LUDOVÍCUS nonus Gállix rex, duódecim annos natus, patre amisso, et in Blan-

chæ matris sanctissima disciplina educátus, cum jam vigésimum annum in regno ágeret, in morbum incidit : quo témpore cogitávit de recuperánda possesióne Jerosolymórum. Quamóbrem ubi convalúisset, vexillum ab episcopo Parisiénsi accepit : deinde mare cum ingénti exércitu trajiciens, primo prælio Saracénos fugávit. Sed cum ex pestilentia magna militum multitúdo periisset, victus ipse captusque est.

R. Honéstum. 82*.

Lectio v.

REBUS póstea cum Saracénis compósitis, liber rex exercitúsque dimíttitur. Quinque annis in Oriénte commorátus, plúrimos Christiános a barbarórum servitúte redémit, multos étiam infidéles ad Christi fidem convértit : prætérea áliquot

Christianórum urbes refécit suis sump̃tibus. Interim mater ejus migrat e vita : quare domum redire cógitur, ubi totum se dedit pietátis officiis.

℞. Amávit eum. 82*.

Lectio vj.

MULTA ædificávit monasteria, et páuperum hospítia : beneficéntia egéntes sublevábat : frequens visébat ægrótos, quibus ipse non solum suis sump̃tibus ómnia suppeditábat, sed étiam, quæ opus erant, mánibus ministrábat. Vestitu vulgári utebátur, cilicio ac jejúnio corpus assidue affligébat. Sed cum iterum transmisisset, bellum Saracénis illatúrus, jamque castra in eórum conspéctu posuisset, pestilentia decéssit in illa oratióne: Introibo in domum tuam, adorábo ad templum sanctum tuum, et confitébor nómini tuo. Ejus corpus póstea Lutétiam Parisiórum translátum est, quod in célebri sancti Dionýsii templo asservátur et cólitur; caput vero in sacra æde sanctæ Capéllæ. Ipse clarus miraculis a Bonifácio Papa octávo in sanctórum número est relátus.

℞. Iste homo. 83*

IN III. NOCTURNO

Homil. in Evang. Homo quidam. e die 2 Sept. 302.

Lectio ix. de S. Ægidio. 300, de quo Commem. in Laud., ac SS. XII. Fratrum.

DIE III

(Dies ass. ex 8 Julii.)

SANCTÆ ELISABETH

REGINÆ PORTUGALLIÆ VID.

Semiduplex.

IN I. VESPERIS

Ant. èt Capit. de Laud. 365*. Pss. ut in I. Vesp. de Comm. Virg. 95*.

Hymnus.

DOMÁRE cordis ímpetus Elisabeth

Fortis, inópsque Deo
Servire, regno prætulit.

En fúlgidis recépta cæli
sédibus,

Sidereæque domus

Ditáta sanctis gáudiis.

Nunc regnat inter cælites
beátior,

Et premit astra, docens

Quæ vera sint regni bona.

Patri potéstas, Filióque
glória,

Perpetuúmque decus

Tibi sit alme Spíritus.

Amen.

℣. Ora pro nobis beáta Elisabeth. ℞. Ut digni efficiámur promissionibus Christi.

Ad Magnif. Ant. Et nunc *
reges intelligite, erudimini
qui judicátis terram.

Oratio ut infra in Laud. 366*.

AD MATUTINUM

Invit. Laudémus Deum
nostrum * In sanctis opéribus
beátæ Elisabeth.

Ps. Venite, exsultémus. 2.

Hymn. Domáre. ut supra.

IN I. NOCTURNO

Ant. Eleváta est * magnificéntia Elisabeth super cælos.

Pss. trium Noct. de Comuni Virg. 98*.

Ant. Veni elécta mea, * et ponam in te thronum meum, quia concupívit Rex spéciem tuam.

Ant. Accépit benedictiónem * a Dómino, et misericórdiam a Deo salutári suo.

Ÿ. Multæ filiæ congregavérunt divítias. **R.** Tu supergréssa es univérsas.

Lect. Mulierem fortem. de Comm. nec Virg. nec Mart. 114*, cum RR. sequentibus.

R. j. Regáli exórta progénie triúmphat in cælis Elisabeth, triplici circúmdata varietáte meritórum : * Nam in terra in triplici vitæ gradu pósteris imitánda virtútum reliquit exémpa. **Ÿ.** Virgínalem statum, conjugálem, et viduálem inoffénso pede cucúrrit. Nam.

R. ij. Os suum apéruit sapiéntiæ, * Et lex cleméntiæ in lingua ejus. **Ÿ.** Quóniam prævenísti eam in benedictiónibus dulcédinis. Et lex cleméntiæ.

R. iij. Desidérium ánimæ ejus tribuísti ei, * Et voluntáte labiórum ejus non fraudásti eam. **Ÿ.** Scuto bonæ voluntátis tuæ coronásti eam Dómine. Et voluntáte. Glória Patri. Et voluntáte.

IN II. NOCTURNO

Ant. Propter veritátem, *

et mansuetúdinem, et justitiam dedúcet te mirabíliter délixtera tua.

Ant. Arcum cónteret * et confrínget arma, et scuta combúret igni.

Ant. Justítia * et misericórdia plena est délixtera tua.

Ÿ. Virga tua, et báculus tuus. **R.** Ipsa me consoláta sunt.

Lectio iv.

ELISABETH Aragóniæ régibus ortam, Christi anno millésimo ducentésimo septuagésimo primo, in præságium futúráe sanctimóniæ paréntes, præter morem, relicto matris aviæque nómine, a magna ejus matértera, Thuringiæ dómina, sancta Elisabeth, in baptismo nominátam volúere. Ubi nata est, statim páuit, quam felix regum regnorúmque esset futúra pacátrix : natalítia enim ejus lætítia perniciosas avi patrisque dissensiónes in concórdiam convértit. Pater vero crescéntis póstea filiæ admirátus índolem, affirmábat fore, ut una Elisabeth reliquas Aragoniórum regum ságuine creatas féminas virtúte longe superáret. Sic cæléstem ipsíus vitam in contemnéndo córporis ornátu, in fugiéndis voluptátibus, in jejúniis frequéntandis, in divinis précibus assidue recitándis, in caritátis opéribus exercéndis, venerátus, rerum suárum régnique felicitátem unius filiæ

méritis referébat accéptam. Tandem ubique nota, et a multis principibus exoptáta, Dionýsio Lusitániæ regi christiánis cæremóniis rite est in matrimónium collo-cáta.

R. Audi filia, et vide, et inclina áurem tuam, et obli-viscere pópulum tuum, et domum patris tui : Et concupiscet Rex decórem tuum. **V.** Spécie tua et pulchritú-dine tua inténde, prospere procéde, et regna. Et concupiscet.

Lectio v.

JUNCTA conjúgio, non mi-nórem excoléndis virtúti-bus, quam liberis educándis óperam dabat, viro placére studens, sed magis Deo. Mé-diam fere anni partem solo pane tolerábat et aqua : quæ in quodam ipsius morbo di-vinitus versa est in vinum, cum id a médicis præscri-ptum bibere recusáset. Páu-peris féminæ ulcus horrén-dum exosculáta, derepén-te sanávit. Pecúnias paupéri-bus distribuéndas, ut regem latérent, hibérno témpore in rosas convértit. Virginem cæcam a nativité illuminá-vit : multos álios solo crucis signo a gravissimis morbis liberávit : plúrima id genus miracula patravit. Monasté-ria, collégia, et templa non modo extrúxit, sed étiam magnífice dotávit. In regum discórdiis componéndis ad-mirábilis fuit : in privátis

publicisque mortálium sub-levándis calamitátibus in-deféssa.

R. Manum suam misit ad fórtia : * Manum suam apé-ruit inopi, et palmas suas exténdit ad páuperem. **V.** Dispérsit, dedit paupéribus, justitia ejus manet in sæcu-lum sæculi. Manum suam.

Lectio vj.

DEFÚNCTO rege Dionýsio, sicut virginibus in prima ætáte, in matrimónio conjú-gibus, ita viduis in solitúdine fuit ómnium virtútum exem-plar. Illico enim religiósus sanctæ Claræ véstibus indú-ta, régio fúneri constán-ter interfuit, ac páulo post Com-postéllam proficiscens, mul-ta ex holosérico, argénto, áuro, gemmisque donária pro regis ánima obtulit. Inde revérsa domum, quidquid sibi carum aut pretiósus supérerat, in sacros ac pios usus convértit : absolven-dóque suo vere régio Conim-bricénsi virginum cœnó-bio, et aléndis paupéribus, et protegéndis viduis, de-fendéndis pupillis, míseris ómnibus juvándis inténta, non sibi, sed Deo, et mor-tálium ómnium cômmodis vivébat. Reges duos filium et génerum pacificátura, Stremótium nóbile óppidum véniens, morbo ex itinere contrácto, ibídem a Virgine Deípara visitáta sanctíssime óbiit, anno millésimo tre-centésimo trigésimo sexto

die quarta Júlíi. Post mortem multis miráculis cláruit, præsertim suavissimo corporis jam per annos fere trecéntos incorrúpti odóre; semper étiam reginæ sanctæ cognométo célebris. Tandem anno jubilæi, et nostræ salutis millésimo sexcentésimo vigesimoquinto, totius christiáni orbis concúrsu et appláusu, ab Urbáno octávo rite inter Sanctos adscripta est.

R. Regnum mundi, et omnem ornátum sæculi contémpsi propter amórem Dómini mei Jesu Christi : * Quem vidi, quem amávi, in quem crédidi, quem diléxi. **V.** Eructávit cor meum verbum bonum : dico ego ópera mea Regi. Quem. Glória Patri. Quem.

IN III. NOCTURNO

Ant. Conféssio, * et pulchritúdo in conspéctu ejus, sáncritas et magnificéntia in sanctificatióne ejus.

Ant. Annuntiavérunt * cæli justitiam ejus, et vidérunt omnes pópuli glóriam ejus.

Ant. Judicávit * in justitia, et pópulos in æquitáte.

V. Ignis ante ipsam præcédet. **R.** Et inflammábit in circúitu inimícos ejus.

Lect. de Homil. in Evang. Simile est regnum cælórum. **de Comm. nec Virg. nec Mart.** 116*.

R. vij. Os suum aperuit sapiéntiæ, et lex cleméntiæ in lingua ejus : considerávit

sémitas domus suæ, * et loquebátur de testimóniis Dómini. **V.** Gustávit et vidit quia bona est negotiátio ejus : non exstinguétur in nocte lucérna ejus. Et loquebátur.

R. viij. Invocávi, et venit in me spiritus sapiéntiæ, et præpósui illam regnis et sédibus : * Et divítias nihil esse duxi in comparatióne illius. **V.** Mélior est enim sapiéntia cunctis ópibus pretiosissimis. Et. Glória. Et.

AD LAUDES

ET PER HORAS

Ant. 1. Dum esset Rex * in accúbitu suo, nardus mea dedit odórem suavitátis.

Ps. Dóminus regnávit. **cum reliquis de Dom.** 17.

2. Et concupíscet Rex * decórem tuum, quia ipse est Dóminus Deus tuus.

3. Potens in ópere * et sermóne, lenívit iracúndiam Dómini, et conciliávit cor patris ad filium.

4. Quasi arcus refúlgens * inter nébulas glóriæ, et quasi flos rosárum in diébus vernis.

5. Quasi stella matutína * in médio nébulæ, et quasi luna plena in diébus suis.

Capitulum. Prov. 31. b

MULIEREM fortem quis inveniet? procul, et de últimis finibus pretium ejus. Confidit in ea cor viri sui, et spóliis non indigébit.

Hymnus.

OPES decúsque régium reliqueras

Elisabeth, Dei dicata númini :

Recépta nunc beáris inter Angelos;

Libens ab hóstium tuére nos dolis.

Præi, viámque dux salútis indica :

Sequémur : O sit una mens fidélium,

Odor bonus sit omnis áctio, tuis

Id innuit rosis opérta caritas.

Beáta caritas, in arce siderum

Potens locáre nos per omne sæculum :

Patrique, Filióque summa glória,

Tibique laus perénis alme Spíritus. Amen.

Ÿ Méritis et précibus beátæ Elisabeth. *R.* Propítius esto Dómine pópulo tuo.

Ad Bened. Ant. Tu glória Jerúsalem, * tu lætitia Israël, tu honorificéntia pópuli tui.

Oratio.

CLEMENTÍSSIME Deus, qui beátam Elisabeth reginam, inter cæteras egrégias dotes, béliici furóris sedándi prærogativa decorásti : da nobis ejus intercessióne post mortális vitæ, quam suppliciter pétimus, pacem, ad æterna gáudia pervenire. Per Dóminum.

AD HORAS

Ant. de Laud. Capit. et R. R. de Comm. non Virg. 118.*

IN II. VESPERIS

Omnia ut in I. Vesp. 362.*

Ÿ. Ora pro nobis beáta Elí-

sabeth. *R.* Ut digni efficiámur promissionibus Christi.

Ad Magnif. Ant. Elisabeth * pacis et pátriæ mater, in cælo triúmphans, dona nobis pacem.

DIE IV

STÆ ROSÆ VITERBIENSIS VIRG.

Duplex.

Omnia ut in Suppl. 298.*

DIE VI

SANCTÆ PHILUMENÆ

VIRG. ET MART.

Duplex.

Omnia de Comm. Virg. et Mart. 95, præter seq.*

Oratio.

DEUS, qui inter cætera poténtiæ tuæ miracula étiam in sexu frágili victóriam martýrii contulisti : concéde propítius ; ut qui beátæ Philuménæ Virginis et Mátyris tuæ natalitia cólimus, per ejus ad te exémpla gradiámur. Per Dñum.

IN I. NOCTURNO

Lect. de Script. occur.

IN II. NOCTURNO

Lectio iv.

INTER cætera Mátyrum sepúlcrâ, quæ in cœmetério Priscillæ ad viam Salâriam reperiri solent, illud exstitit quo repósitum fúerat sanctæ Philuménæ corpus, uti ex túmuli inscriptióne tribus latérculis appósita perlegebátur. Licet vero invénta ibídem fúerit phiala sânguinis, et ália inscúlpta conspiceréntur martýrii insígnia,

dolendum tamen est, res ab eâdem gestas, áctaque ac genus martýrii quod ipsa fecit, obscura perstitisse. Cæterum ubi primum sacrum hoc corpus, ex beneficéntia Pii séptimi initio pontificátus ejus accéptum, cúltoi fidélis pópuli propósitum fuit Mugnáni in Nolána diocési, ingens illico famæ célébritas ac religio erga sanctam Mártirem percrebuit, præsertim ob signa, quæ ejusdem præsidio accessisse úndique ferebátur. Hinc factum est ut complúrium antístitum, cultorúmque Mártiris postulationibus permótus Gregórius décimus sextus Póntifex Máximus, univérsa rei ratióne matúre perpénsa, festum ejusdem cum Offício et Missa in memoráta Nolána diocési et álibi agendum benigne permiserit.

H. Propter veritátem. 104*.

Lect. v. et vj. Sermo sancti Ambrósii Episcopi. Quóniam hódie natális. **Quæ sunt iv. et v. de Comm. 1º loco. 103*, cum v. et vj. H.**

IN III. NOCTURNO

Homil. in Evang. Símile erit. de eodem Comm. 1º loco. 106*.

DIE VII

S. HADRIANI III.

PAPE ET CONFESSORIS

Duplex.

Omnia de Comm. Conf. Pont. 55*, præter seq. (m. t. v.)

Oratio.

OMNÍPOTENS mitissime Deus, qui beátum Hadriánum Confessórem tuum apostólica dignitáte sublimásti, quique illi cæléstis regni jánuam misericórditer aperuísti : tribue, quæsumus; ut ejus piis intercessionibus et præsentis vitæ suffrágia, et æténa præmia cónsequi mereámur. Per.

IN I. NOCTURNO

Lect. de Script. occur.

IN II. NOCTURNO

Lectio iv.

HADRIÁNUS tértius Póntifex Máximus, RománuS, cáthedram apostólicam turbulentissimis Itáliæ temporibus conscéndit, vergénte jam ad finem Carolingiórum império. In públicis calamitatibus, quas rerum penúria et annónæ deféctus ubique augébat, ipse tamquam bonus pastor ærúmnaS ómnium lenire, omniúmque necessitatibus occurrere curábat. Crescénte periculo irruptiónis Saracenórum, qui Casinénse monastérium ferro et igni vastáverant, jamque urbis Romæ cervicibus imminébant, cum nulla auxilii spes ab imperatóre Occidentis affulgéret; Hadriánus omni ope stúduit Oriéntis impérium Románæ Ecclésiæ conciliáre, a qua tum témporis funésto schismate discíssum erat. Quare benigníssimas líttéras cum expositione orthodóxæ fidei de

Spiritus sancti processióne ad áulam Constantinopolitánam misit; ad hæc, opem prostrátis Itáliæ et Romæ rebus postulávit. Attamen, ut erat acérrimus integritátis fidei custos et vindex, addúci numquam pótuit, ut Phótium hæréticum a suis decessóribus destitútum, sedis Constantinopolitánæ Patriárcham agnósceret.

R. Inveni David. 61*.

Lectio v.

MONASTÉRIA tamquam pietátis et scientiárum domicilia in univérso Occidente sua benevoléntia prosecútus est, potestáte defendit, illórum jura ampliávit, adhibita étiam Románæ Sýnodi, cui ipse præsédit, auctoritáte. Factiosórum hóminum motus et flagitia, quibus pública Urbis tranquillitas vehementer turbabátur, sevère repressit. Inter hæc consílium proficiscéndi in Fránciam suscepit, ut imperatórem Cárolum Crassum Wormátiæ conveniret; haud satis constat utrum ab ipso imperatóre fúerit invitátus ad componénda rei públicæ negotia, an ultro id consílii céperit, ut Cárolum et Impérii próceres ad cáusam Románæ Ecclesiæ Italiæque suscipiéndam permovéret. Verum in ipso itinere apostólicus peregrínus gravi morbo corréptus, in agro provinciæ Æmiliæ, qui Spínum Lambérti dicebátur, ad

oram flúminis Scultinnæ, sanctíssime diem supréum óbiit, anno octingentésimo octuagésimo quinto, postquam annum unum et menses quátuor Ecclesiám doctrína et sanctitate vitæ illustrásset.

R. Pósui adjutórium. 61*.

Lectio vj.

CORPUS beáti Pontificis in próximum monastérium Nonantulénse delátum, et in æde sancti Silvéstri honorífice cónditum fuit; ibique conféstim patrátá miracula spectátam servi Dei sanctimóniam virtutémque, sicut antiqui scriptóres testántur, ipsius patrocínii comprobárun. Hinc factum est, ut non incolæ modo cœnóbii, sed próximi étiam pópuli Hadriánum venerári céperint, ipsius opem imploráre, donáriis ac lampádibus sepulcrum religióso cultu decoráre. Quin étiam púlverem ex ejus túmulo erásum pótui immiscébant, remédiū fugándis fébribus salutári hoc háustu expérti. Accésit, quod cum dira incéndii vis templum corripuísset, sacra illius ossa in médiis licet flammis intácta prorsus permansísse memóriæ próditum est. Crebrescéntis itaque cultus celebritátem et cliéntium pia stúdia auxére templum ipsius honóri ædicátum, reliquiæ distribútæ et públice in altáribus propósitæ, anaglypta et tabellæ,

in quibus sancti titulo insignitus Hadriánus legebatur, ac postrémo dies festus quotánnis ex pietáte celebrátus cum Missa et oratióne própria. Quæ documenta veneratiónis antiquíssima, constántia, pública, jam sæculo décimo sexto exeúnte in cáusa fuérunt, ut de sancto Hadriáno Papa in abbatiá Nonantulána Officium fieret. Instánte autem archiepiscopo Mutinénsi eodémque abbáte commendatário, Leo décimus tértius Póntifex Máximus, ex sacrórum Rítuum Congregatiónis consúlto, confirmávit cultum sancto Hadriáno Papæ ab immemorábili præstitum, atque Officium et Missam in ejus honórem quotánnis a Clero Románo, Nonantuláno et Mutinénsi celebrári concessit.

R. Iste est. 62*.

IN III. NOCTURNO

Homil. in Evang. Vigiláte. de eodem Comm. 2º loco. 69*.

DIE IX

S. SERGII I. PAPÆ ET CONF.

Duplex.

Omnia de Comm. Conf. Pont. 55*, præter seq.

Oratio Da quæsumus. 56*.

IN I. NOCTURNO

Lect. de Script. occur.

IN II. NOCTURNO

Lectio iv.

SÉRGIIUS Antiochénus géneré, Tibério patre, Panórmii in Sicilia natus, Conóne

vita functo, anno Christi sexcentésimo octogésimo séptimo, annuente Deo, et suffragántibus ómnium votis, in sacro Lateranénsi palátio assúptus, foedíssimum schisma, quod exárchii imperatóris avaritia et Paschális archidiáconi ambitio excitárant, in ipso ortu exstínxit. Adeódato Pontífice Romam véniens, in Ecclesiæ Románæ clerum ab eódem ascitus, et a Leóne hujus nóminis secúndo présbyter tituli sanctæ Susánnæ ordinátus, impigre suo múnere defunctus est.

R. Invéni David. 61*.

Lectio v.

CÁNONES a Græcis sextæ sínodo dein affictos, instánte licet et dira minánte imperatóre, admittere nóluit, sed ut spúrios, non sine vitæ periculo, constánter abjécit. Magnam Dominicæ crucis portiónem, revelánte Deo, a se invéntam, in basilica Constantiniána pópulo adorándam collocávit. Corpus sancti Leónis in obscúro cónditum ángulo, Dei nutu, inde amóvit, et ornatíori loco ómnibus coléndum expósuit. Basilicam demum Vaticanam innúmeris donis ornávit, egrégiis certe amoris sui erga Príncipem Apostolórum monuméntis.

R. Pósui adjutórium. 61*.

Lectio vj.

CHILIÁNUM et sócios martýrio deinde afféctos in

Germániam, Willibrórdum et Switbértum cum sóciis in Frisiam aliásque circumjéctas regiónés misit; in quibus máximum paganórum númerum ad Christi fidem convertérunt. Coadvállum Britónum regem Romam veniéntem excépit, et sacro baptísmate tinxit. Ravennátibus Damiánum, Leodiénsibus Ubértum, Británnis Berectuáldum episcopos ordinávit. Státuit ut Liturgiæ sacræ pius versus : Agnus Dei, qui tollis peccáta mundi, miserére nobis, adderétur. Méritis dénique plenus, postquam sedisset trédecim annis, ménsibus octo, sancto fine quiévit, ac sepúltus est in Vaticanó.

R. Iste est qui. 62*.

IN III. NOCTURNO

Homil. in Evang. Homo pèregre. de Comm. 1º loco. 64.*

Lect. ix. de S. Gorgonio. 315.

In Laud. fit Commem. Oct. Nativ. 309; ac S. Mart. 316.

Vesp. a Capit. de seq.

DIE X

SANCTI HILARI

PAPÆ ET CONFESSORIS

Duplex.

Omnia de Comm. Conf. Pont. 55, præter seq.*

Orat. Exáudi. 56.*

Et fit Commem. S. Sergii, deinde Oct. Nativit.

IN I. NOCTURNO

Lect. de Script. occur.

IN II. NOCTURNO

Lectio iv.

HÍLARUS natióne Sardus, patre Crispino génitus, post sancti Leónis tránsitum Románæ Ecclesiæ Póntifex factus est. Eum adhuc diáconum idem Leo legátum destinávit pro Ephesina sýnodo celebránda. Sed cum Dióscori Alexandríni episcopi furóre per vim et metum Ephesi patraréntur indigna, Hilarus vix effúgiens per ínvia loca et multa pericula, divina ope liberátus, ad Leónem revérsus est. Póntifex áutem renuntiátus, nihil antiquius hábuit quam quæ contra hæréticos constitúta fúerant suo decreto firmáre. Quamóbrem encýclícam epístolam scripsit de damnatióne Nestórii et Eutychétis, ac trium præcipuórum confirmatióne conciliórum.

R. Inveni David. 61*.

Lectio v.

AB eo invitátus Victorinus, natióne Aquitánus, Paschálem cursum cautíssima indagatióne compósuit. Ecclésiasticæ disciplinæ retinentíssimus, nullum vóluit episcopum per ecclésiás consecrári, præter Metropolitáni consénsu, nec episcopum quémpiam, relicta própria ecclésia, ad áliam transférri, neque transcénderi téminos a Pátribus constitútos. Leóntium Arelaténsem episcopum suæ Sedis

vicarium constituit per Galias, cui sollicitudinem in congregandis quotannis episcopis delegavit. Ecclesiæ prædia, quæ neque deserta, neque inutilia essent, quibus plurimorum necessitatibus subveniretur, alienari, nisi prius apud Concilium alienationis causa dicta, prohibuit; aliaque complura sancte decrevit in ea synodo quam apud sanctam Mariam Majorem coegit.*

℞. Pósui adiutorium. 61*.

Lectio vj.

ANTHÉMIUM imperatorem, cum Philótheus Macedoniánus, ejus familiaritate suffultus, nova diversarum conciliabula sectarum in Urbem conaretur inducere, apud beatum Petrum Apostolum, palam ne id fieret objurgando cohibuit: in tantum ut ea non fore introducenda promiserit imperator, interposito etiam juramento. Fecit in Constantinianæ basilicæ baptisterio oratoria quatuor, nempe sanctæ Crucis, sancti Joannis Baptistæ, sancti Joannis Evangelistæ, et sancti Stéphani, ac insuper bibliothecas duas. Monasterium construxit una cum balneo et prætorio, ad sanctum Laurentium foris, alterumque in Urbe ad Lunam. Plura atque magnifica tum alia ornamenta ex auro, argento, lapidibusque pretiosis, sacris locis contulit. Consti-

tuit in Urbe ministeriales, qui præfixas obirent stationes. Pro communi sacerdotum Domini concordia sollicitè procuravit, ne sua auderent quærere, sed quæ essent Christi studerent obtinere. Demum ipse corpore solutus, abiit in cælum regnaturus cum Christo, quarto Idus Septembris, sub imperatoribus Leone et Anthémio; ejusque corpus sepultum fuit ad sanctum Laurentium, in crypta juxta corpus beati Xysti. Una ordinatione mense Decembri creavit presbyteros viginti quinque, diaconos sex, episcopos per diversa loca viginti duos. Apostolicæ Sedis regimen tenuit annos sex, menses novem, dies viginti et octo.

℞. Iste est. 62*.

IN III. NOCTURNO

Homil. in Evang. Vigilante de Comm. 2º loco. 69*.

In Laud. Commem. Oct.

DIE XX

S. AGAPITI I. PAPÆ ET CONF.

Duplex.

Omnia de Communi Conf. Pont. 55*, præter seq.

Orat. Da, quæsumus. 56*.

IN I. NOCTURNO

Lect. de Script. occur.

In Quatuor Temp., Fidelis sermo. 58*.

IN II. NOCTURNO

Lectio iv.

JOÁNNE hujus nominis secundo, e vivis sublato,

Agapitus, Románus géne-
re, patre Gordiáno, sanctæ
Románæ Ecclesiæ archidiá-
conus, propter singulárem
eruditiónem, qua probe et
appríme instrúctus erat, et
compósitos castigatissimæ
vitæ mores, quibus præ cæ-
teris eminébat, commúni-
bus totius cleri suffrágiis,
et ómnium bonórum gra-
tulatióne, ad sanctam Pe-
tri sedem promótus est; et
sublimem illam provinciam
perinde administrávit, ac si
non ab hominibus, sed ab
ipso Deo eléctus fuisset.

R. Invéni David. 61*.

Lectio v.

EGRÉGIUS láudum titulis ab
antíquis Pátribus deco-
rátus est, dictúsque ab iis
præco justitiæ, Evangélii
tuba, vas cathólicum, vir
pietáte et miráculis celebér-
rimus, quibus heróicas il-
lius virtútes et apostólicæ
vitæ sanctimóniam Deus il-
lustrávit. Aliquot hujus sancti-
ssimi Præsulis decretáles
exstant, in quibus cathólicæ
fidei dógmata sarta téctaque
servántur, ecclesiásticæ di-
sciplinæ forma et régula trá-
ditur, sacrórum cánonum
et antiquárum traditiónum
indemnitati consúlitur, ac
demum omnes et singulæ
pastorális sollicitúdinis par-
tes impléntur.

R. Pósui adjutórium. 61*.

Lectio vj.

CONSTANTINÓPOLIM profé-
ctus est, álio prorsus

quam ad quem hómines il-
lum destinárant consilio,
divino scilicet instinctu et
nutu : ut Anthimum hæreti-
cum patriárcham Constanti-
nopolitánum Theodóræ im-
peratricis malis ártibus in-
trúsum exauctoráret atque
damnáret, et in ejus locum
Mennam substitúeret; pa-
triarcháles item sedes Ale-
xandrinam et Antiochénam,
extrúsis hæreticis, cathóli-
cis pastóribus restitúeret.
Sed tandem biénio pontifi-
cátus nondum expléto, vir
sanctissimus, in quo nihil
nisi longiorem vitam cathó-
lici desiderássent, Constan-
tinópoli pie óbiit, anno Chri-
sti quingentésimo trigésimo
sexto. Ejus corpus Romam
translátum, in Vaticáno cón-
ditum est.

R. Iste est. 62*.

IN III. NOCTURNO

Homil. in Evang. Homo pé-
regre. **de Comm.** 1^o loco. 64*,
cum ix. Lect. Vigil., nisi ve-
nerit in Fer. Quatuor Temp.

DIE XXVI

SANCTI EUSEBII

PAPÆ ET MART.

Duplex.

Omnia de Comm. unius
Mart. 24*, præter seq.

Orat. Infirmítatem. 24*.

IN I. NOCTURNO

Lect. de Script. occur.

IN II. NOCTURNO

Lectio iv.

EUSÉBIUS natióne Græcus,
patre Médico, post san-

ctum Marcëllum Romænæ Ecclesiæ est constitutus episcopus. Is hæreticos invenit in Urbe, quos resipiscētes sola manuum impositione Ecclesiæ reconciliavit. Cui et e Sardinia accēdens nobilis femina Restituta, filium suum erudiendum tradidit, quem egrēgie fide christiana imbūtum baptizavit, suoque nōmine insignivit, atque Eusēbium nominavit. Dignum plane tanti Pontificis germen, quo Vercellēsi pōstea episcopo fides catholica in Oriēte propemodum extincta, lætiore propagine revivisceret.

℞. Honēstum. 29*.

Lectio v.

SANCTUS hic Pōntifex boni Pastōris Christi Jesu misericōrdiam imitatus, benignum erga eos quoque se ostēdit, qui ob persecutiōnis metum in idololatriam lapsi fuissent; at improbam propterea nonnullōrum clerico, quodam Heraclio ductore, severitatem offēdit. Quorum ardens stūdiū adeo in Eusēbium effērbuit, ut non modo ipsum lacessiverint, sed turbis discordiis-que Romæ excitātis, occasiōnem tyrānno Maxēntio præbuerint, qua ad publicam quietem restituendam, sanctum Pontificem pacis sequēstrem, tamquam seditiōnis auctōrem, in Siciliam relegavit. Ibi exsilii ærūmnis confectus vitam fi-

nivit sexto Nonas Octōbris. Ejus deinde corpus ad Urbem translātum, depōsitum fuit in cōmetērio Callixti via Appia. Eusēbii sepūlcro pōstea sanctus Dāmasus Summus Pōntifex mētricam appōsuit epigraphem, in qua malignāntium calūnnias, exsiliū ejus, et obitum commemorans, sanctum episcopum Eusēbium Mārtirem declaravit. Rexit Ecclesiā annos duos, menses octo, dies sexdecim; et una ordinatiōne mense Decēmbri creavit presbýteros trēdecim, diáconos tres, episcopos per diversa loca quatuórdecim.

℞. Desidērium. 30*.

Sermo sancti Ambrósii
Episcopi.

De S. Euseb. 70. 6., edit. Rom.

Lectio vj.

DEPOSITIŌNEM sancti Eusēbii hōdie celebrāmus. Quid est depositiō? Non illa útique quæ, sepeliēdis in terra membrōrum reliquiis, clericōrum mánibus procurātur; sed illa qua homo vinculis carnalibus absolutus, liber itūrus ad cælum, terrēnum corpus expōnit. Ipsa plane est depositiō, in qua concupiscere abjicimus, cessāmus delinquere, peccāre desinimus, et totum quidquid salūti est grave, quasi abjecta sārčina óneris expōnimus. Nam ideo hæc dies pro celebritate máxima procurātur, quia vere est summa festīvitas, mórtuum

esse vitiis, soli vigére justitiæ.

R. Stola jucunditátis. 30*.

IN III. NOCTURNO

Homil. in Evang. Si quis venit. **de Comm. 1º loco.** 32*.

R. viij. Dómine prævenisti eum. 33*.

Lectio ix. ex duabus una, et Commemoratio SS. Cypriani et Justinæ in Laudibus. 375.

FESTA OCTOBRIS

DIE I

SANCTI GREGORII

EPISCOPI MAJORIS ARMENIÆ

ET MARTYRIS

Duplex.

Omnia de Comm. unius Mart. 24*, præter seq.

Oratio.

DEUS, qui per beátum Gregórium Pontíficem et Mártirem tuum Arménia gentis pópulum regémque veræ fidei lucem recipere tribuisti : da Ecclesiæ tuæ de tantis gaudere triúmphis, et apud te méritis ejúsdem et précibus adjuvári. Per.

IN I. NOCTURNO

Lect. de Script. occur.

IN II. NOCTURNO

Lectio iv.

GREGÓRIUS, Arménia ré-gibus cretus, qui primus post sanctum Bartholomæum Apóstolum in illam provinciam Christi fidem invéxerat, dictus propterea pátria voce Illuminátor, infans clam eréptus ad declinándam necem, qua ejus familia petebátur, Cæsaréæ Cappadóciæ pie est educátus, legémque Christi edóctus baptismum suscepit.

Secésserat illuc Teridates filius Cusarónis Armenórum regis, ab Anach Gregórii patre dolóse interémpti, a Persis regno spoliátus, cui Gregórius patérni scéleris bene cóncius se in servitútem trádidit, et cum eo qui jam a Románis regnum recuperáverat, deinde in Arméniam rédiit, ubi a Teridate sápius tentátus, ut idólis sacrificáre vellet, cum constantissime renuissét, innúmera pene et incredibilia tormentórum génera subíre coáctus est.

R. Honéstum. 29*.

Lectio v.

ARCTA primum custódia Gregórium inclúsit Teridates; tunc manus ejus latéribus sic alligári jussit, ut exstárent cúbiti, et camum ori ejus ínseri; massásque excisi salis dorso ejus im póni, constrictúmque loro circa pectus fórtiter stringénte suspéndi celsíssimo loco. Mansit áutem sic suspénsus septem diébus, post quos, cum in sua senténtia permanéret, ex uno pede suspénsus coáctus est fu-

mum haurire excitatum ex fimo graveolente, dum interea fortiter cædebatur baculis humidis. Inter hæc enixis Deum precibus exoravit pro salute omnium, præsertim gentis Armeniæ, atque ut sibi constantiam pro fide tribueret. Hanc rex demiratus quidem, crudelius tamen desæviit, mandavitque affèrri lignorum truncos, et componi tabulas super anteriores partes pedum ejus, easque funibus nodosis vehementer stringi, donec deflueret sanguis per summitates digitorum. Colaphis insuper contusus fuit, et caput ejus artificiosæ cochleæ impositum, et admota nari ejus fistula, effusa sunt sal, nitrum et acétum simul commixta. Multa similia et peiora crudelitatis genera perpessus est, adeo ut rex ipse vehementer miraretur mansisse vivum, et nihili fecisse dolores intensos.

℞. Desiderium. 30*.

Lectio vj.

CUM autem quidam ex satrapis regem allocutus illi manifestasset Gregorium filium esse Anach, interfectoris patris ejus Cusaronis, jussit illum manibus pedibusque et collo vinctum perduci in provinciam Ararat, trudique in verticem castri Artaxat, demittique in infimum hiatum, donec ibidem moreretur. Deus ve-

ro, qui e tantis tormentis vivum illum eripuerat, ex hoc pariter servavit incolumem, et post longum tempus Teridatem ipsum velut alterum Nabuchodonosor tentatione probatum ad fidei lumen adduxit, quem Gregorius jejunio purgatum, Deo per baptismum reconciliavit. Itaque facta potestate publice prædicandi Christi Evangelium, majoris Armeniæ gentem in fide erudit, et sacro fonte lustravit, ecclesiisque undequaque erexit, destructis superstitionis simulacris, templisque eorum eversis. Cæsariæ ordinatus suæ gentis archiepiscopus, impensius Armenos divina doctrina instruxit, atque in fide suscepta confirmavit. Quietis tandem ac divini otii cupidissimus, in solitudinem se recepit, ubi jejunio et contemplationi deditus, meritis cumulatus in bona senectute obdormivit in Domino, Constantino Magno imperatore. Corpus illius Christiani ex Armenia fugientes in Italiam transtulerunt; caput cum catenis quibus vinctus fuerat Neapoli, brachium vero in cathedrali Neritonensi collocatum fuit.

℞. Stola. 30*.

IN III. NOCTURNO

Homil. in Evang. Si quis venit. **de Comm. 1^o loco.** 32*.

℞. viij. Domine prævenisti. 33*.

Lect. ix. de S. Remigio.
397, *cujus Commemorat. in
Laud.*

DIE V

SANCTÆ GALLÆ VIDUÆ
Duplex.

*Omnia ut in Supplem. pro
aliquibus locis. 317*.*

DIE VII

S. MARCI PAPÆ ET CONF.
Duplex.

*Omnia de Comm. Conf.
Pont. 55*, præter seq.
Oratio.*

EXÁUDI Dómine preces no-
stras : et interveniēte
beáto Marco Confessóre tuo
atque Pontífice, indulgē-
tiam nobis tribue placátus
et pacem. Per Dóminum.

*Commem. sancti Brunonis
Conf.; deinde SS. Sergii etc.
Mart. 407.*

IN I. NOCTURNO

Lect. de Script. occur.

IN II. NOCTURNO

Lectio iv.

MARCUS RománuS, Con-
stantino Magno impe-
ratóre Póntifex, instituit ut
episcopus Ostiēsis, a quo
RománuS Póntifex conse-
crátur, pállio uterétur. Duas
Romæ basilicas ædificávit,
áalteram in Urbe, áalteram
via Ardeatína : quas Con-
stantínus áuctas magnis mu-
néribus exornávit. Vixit in
pontificátu menses octo, se-
pultúsque est in cœmetério
Balbinæ.

℟. Invéni David. 61.*

Sermo sancti Gregórii
Papæ.

2. part. Past. c. 1.

Lectio v.

TANTUM debet actiōnem
pópuli áctio transcēn-
dere Præsulis, quantum di-
stāre solet a grege vita pa-
stóris. Opórtet namque, ut
metiri se sollicite stúdeat,
quanta tenéndæ rectitúdi-
nis necessitáte constringitur,
sub cujus æstimatiōne póp-
ulus grex vocátur. Sit ergo
(necesse est) cogitatiōne
mundus, actiōne præcipuus,
diskrétus in siléntio, útilis
in verbo, singulis compas-
siōne próximus, præ cunctis
contemplatiōne suspénsus,
bene agéntibus per humili-
tātem sócius, contra delin-
quéntium vitia per zelum
justitiæ eréctus, internórum
curam in exteriórum occu-
patione non minuens, exte-
riórum providéntiam in in-
teriórum sollicitúdine non
relinquens.

℟. Pósui adjutórium. 61.*

Lectio vj.

CONSIDERÁNDUM quoque
est, quia cum curam póp-
uli eléctus Præsul súscipit,
quasi ad ægrum médicus
accédit. Si ergo adhuc in
ejus córpore passiōes vi-
vunt, qua præsumptiōne per-
cússum medéri próperat, qui
in fácie vulnus portat? Ille
igitur modis ómnibus debet
ad exéplum bene vivéndi
pértrahi, qui cunctis carnis
passiōibus móriens jam spi-

rituáliter vivit : qui próspera mundi postpónit : qui nulla advérſa pertiméſcit : qui ſola intérna deſiderat. Cujus intentióni bene cóngruens, nec omnino per imbecillitátem corpus, nec valde per contumáciam repúgnat ſpíritus : qui ad aliéna cupiéndam non dúcitur, ſed própria largitur.

R. Iſte eſt. 62*.

IN III. NOCTURNO

Homil. in Evang. Vigilate. **de Comm. 2º loco.** 69*.

In Laud. Commem. SS. Sergii et Soc. Mart. 408.

DOMINICA II. OCTOBRIS

MATERNITATIS B. M. V.

Duplex majus.

Omnia ut in Suppl. 305*.

DOMINICA III. OCTOBRIS

PURITATIS B. M. V.

Duplex majus.

Omnia ut in Suppl. 311*.

DIE XI

(Die fixa e 9 hujus.)

B. JOANNIS LEONARDI CONF.

Duplex. (m. t. v.)

Omnia de Comm. Conf. non Pont. 76*, præter seq.

Oratio.

DEUS, qui beátum Joánnem Confessórem tuum ad fidem in géntibus propagándam mirabiliter excitáre dignátus es, ac per eum in erudiéndis fidélibus novam in Ecclesiá tua familiam congregásti : da nobis fámulis

tuis ; ita ejus institútis proficere, ut præmia consequámur ætérna. Per Dñm.

IN I. NOCTURNO

Lect. de Script. occur.

IN II. NOCTURNO

Lectio iv.

JOÁNNES Leonárdi in óppido Décimi non longe a Lucénsi urbe piis et honéstis ortus paréntibus, jam inde a prima ætáte, solitúdinis et precatiónis amóre, grave quiddam ac matúrum præ se tulit. Annos natus viginti sex a Deo vocátus ad ecclesiásticæ militiæ nomen dandum, sæculáribus curis illico núntium remisit. Ac primo inter púeros latinæ linguæ rudiméntis instrúctus, deinde in litteris et philosophicis ac theológicis disciplinis ádeo profécit, ut vix acto quadriénio ad sacerdotium ex obediéntia promótus fúerit. Multo alácrius tunc ad domínici agri cultúram se convértit, et áliquot nactus bonæ índolis nóbiles júvenes, cum eos ad virtútis perfectiónem sédulo exerceíſſet, in sequénti anno Congregatióem instituit Clericórum Regulárium, quam a Matre Dei, ob incénsum erga ipsam suæ devotiónis afféctum, nuncupávit. Mox eórum cura et zelo explicáta púeris ac rúdibus christiánæ doctrinæ præcépta, flagitiósi ad justitiæ sémitam trádúcti, puellárum castitáti consúltum, pia erécta soda-

litia, frequens invectus sacramentorum usus, tantaque peracta est animorum commutatio, ut cum in Lucensi república, hæreticorum præsertim perfidiõs artibus, ardèrent civium odia, profligatique essent mores, ibidem brevi tempore primæva Christianorum pietas revixisse videretur.

℞. Honestum fecit. 82*.

Lectio v.

TAM salutarium operum causa incidit Joannes in acerrimas insectationes hominum nequam, qui eum ac socios, etiam apud Pontificem Maximum, fictis criminationibus impetentes, recens coactam familiam perdere omni ope nitebantur. Adeo, instigante dæmone, efferbuit procella, ut religiosi sodales omni ad victitandum subsidio privati, dejectique e suis ædibus, alio perfugium quærere coacti fuerint. Sed aquæ multæ numquam potuerunt extinguere caritatem viri Dei, qui præclare sibi actum ducebat si quidlibet pro Jesu Christi nomine pateretur. Impetrata a Summo Pontifice Gregorio decimo tertio suæ Congregationis confirmatione, Apostolici sui laboris fructus constanter servavit, imo vel ultra patriæ reipublicæ fines uberrime auxit. Ob cognitam in arduis etiam negotiis singularem ejus prudentiam, sæpe, magno ubique cum

animarum bono, nedum ab episcopis adhibitus est ad relevandas componendasque ecclesiarum res, sed et Romani Pontificis auctoritate delegatus ad intricata litigia dirimenda, et ad religiosas familias reformandas. Pariter sancto Josépho Calasancio, ejusque pene colapsæ societati præsto fuit. Haud levem quoque impendit operam negotiis nosocomii sancti Spiritus in Saxia, et monialibus oblatis sanctæ Franciscæ Romanæ excolendis.

℞. Amavit eum. 82*.

Lectio vj.

GRÁVITER dolens gentes adeo plurimas remotis in regionibus sedere adhuc in tenebris, luce Evangelii carentes; inflammabatur desiderio migrandi in illas oras ad lumen veræ religionis effundendum. At cum intellexisset a sancto Philippo Nério (a quo verus reformator dicebatur) se suamque Congregationem ad instituendos Italiæ populos destinari, divinæ acquievit voluntati; minime tamen abstinuit quin, si aliquam infidelibus opem afferre posset, experiretur. Hinc præsuli Vives piissimo se adjunxit, initisque cum eo consiliis cœtum instituit presbyterorum, quibus propositum esset idoneos informare adulescentes in dissitas regiones subinde mittendos ad fidem

propagandam: quare mérito véluti áuctor censétur præclarissimi illius institúti, quod Summórum Pontíficum ópera amplificátum, proferéndæ per univérsum orbem cathólicæ fidei mirábiliter insérvit. Plura ópera de re sacra et moráli conscripsit cuivis hóminum conditióni accommodatíssima. Dénique a sacro ministério numquam deficiens, cum tota vitæ ratióne non modo suis, sed et univérso clero præluxisset exémplo, in cinere et cilicio ad Dóminum migrávit Romæ, die nona Octóbris anno millésimo sexcentésimo nono, ætátis sexagésimo sexto. Quem sanctitáte, divínis donis et miráculis illústrem Pius nonus Summus Póntifex beatórum fastis accénsuit.

✠. Iste homo. 83*.

IN III. NOCTURNO

Homil. in Evang. Designávit Dóminus. **de Comuni Evang.** 22*, **cum RR.** **de Conf. non Pont.** 85*.

DIE XIV

SANCTI CALLISTI I.

PAPÆ ET MARTYRIS

Duplex.

Omnia ut in Breviario, 414, **præter seq.**

Oratio.

DEUS, qui nos cónspicis ex nostra infirmitáte deficere: ad amórem tuum nos misericórditer per beáti Callisti Mátyris tui atque Pontíficis exémpa restáura. Per.

DIE XVI

B. VICTORIS III.

PAPÆ ET CONFESSORIS

Duplex.

Omnia de Comm. Conf. Pont. 55*, **præter seq.**
Oratio.

DEUS, qui per beátum Victórem Confessórem tuum atque Pontíficem in summa Ecclesiæ dignitáte declinándæ eáque tuéndæ, præclarum humilitátis et fortitudinis exémpulum dedisti: concéde nobis, ejus méritis et imitatióne; hóstium ómnium insídias invicto ánimo superáre. Per Dñum.

IN I. NOCTURNO

Lect. de Script. occur.

IN II. NOCTURNO

Lectio iv.

VICTOR Papa tértius, Desiderius ántea dictus, Benévénti príncipe familia natus, a primis annis exímia pietáte morúmque innocéntia præfúlsit. Vix exácta adulescéntia terrénas nuptias áversátus, quas ei paréntes statúerant, sponsam clam désereus erémum pétiit. Matre vero et consanguíneis id ægre feréntibus, ne a sancto propósito dimoverétur, monachi vitam ampléxus, várias successíve sedes mutávit. Cavénse scilicet monastérium incóluit, póstea ad cœnóbium ínsulæ Trémitis divértit, et apud eremitas montis Majéllæ aliquándo delítuit. Dein cum ex gravi

morbo convaluisse, Cassinum montem ascendit, ubi propter singulares virtutes a monachis abbas designatus, et a Stéphano nono confirmatus est. Ejusdem Pontificis nutu Constantinopolim legatus mittitur pro restituenda Ecclesiæ Græcæ cum apostolica Sede communionē.

℞. Invēni David. 61*.

Lectio v.

STÉPHANO defuncto ad Cassinēse cœnōbium revēsus, brevi a Nicolāo secūdo sanctæ Romānæ Ecclesiæ cardinalis renuntiatus fuit, simulque Cassinēnsis abbas benedictus. Idem Pōntifex ejusque successorēs eum ad præcipua ac difficillima Ecclesiæ negotia pertractanda destinaverunt, quin a monachōrum regimine distraheretur; nam non solum eōrum aucto numero sanctæ regulæ observantiam promovit, sed cœnōbium fere ex integro restituit. Basilicam insuper sancti patris Benedicti corpore claram adeo splendide a fundamentis excitavit, pretiosisque lapidibus ab orientalibus etiam oris advectis, opēribus musivis, ac sacra supellēctili mira arte magnōque sumptu elaborata ditavit, ut præclarum munificentiae ejus ingeniique exstet monumētum. Hanc basilicam Alexāder secūndus in signum suæ erga Desidē-

rium benevolētiæ, consecravit, adstantibus quamplurimis episcopis, et cardinalibus, inter quos digni sunt memoria sanctus Petrus Damiānus et Hildebrāndus, qui pōstea Gregōrii septimi assumpto nōmine eidem Alexādro succēssit.

℞. Pōsui adjutōrium. 61*.

Lectio vj.

CUM ipse sanctus Gregōrius morti prōximus eum tamquam dignissimum qui sibi in apostolica Sede succederet designasset, commūni suffragio Desidērius Pōntifex eligitur. At hujus humilitas tunc maxime enituit, qui per annum fere integrum tantam dignitatem declinavit. Enixis dein præsulum, principum, ac pōpuli precibus inductus, in Capuāna sūnodo Victōris nomen et summi pontificatus insignia accepit. Romam deductus, solēnni ritu consecratur, ejēctis inde pseudopontifice Guiberto ejusque factionis hominibus. Exercitum sub vexillo sancti Petri ex tota fere Itālia collectum contra Saracēnos transmisit in Africam, ubi commisso prælio, illōrum acies pēnitens profligavit. Benevēnti coacta sūnodo, schismáticos anathemate percussit, ac investituras, quæ in electionibus libertatem Ecclesiæ opprimebant, omnino proscripsit; pluraque alia ad ecclesiasticam disciplinam pertinentia

decrévit. Perácta sýnodo, letháli morbo corréptus, Cassinum a cardinálibus et episcopis comitátus deferri vóluit, ubi labóribus ærumnisque pro conciliánda Ecclésiæ pace conféctus, ánimam Deo réddidit sanctitáte et miráculis illústris, anno millésimo octogésimo séptimo. Sedit a suæ consecrationis die menses quátuor et dies septem: ejúsque corpus in basilica Cassinénsi summa veneratióne cólitur.

℟. Iste est qui. 62*.

IN III. NOCTURNO

Homil. in Evang. Homo pègre. **de eodem Comm.** 1º loco. 64*.

DIE XXIII

SS. REDEMPTORIS

Duplex majus.

Omnia ut in Suppl. 326*.

DIE XXIV

S. RAPHAELIS ARCHANG.

Duplex majus.

Omnia ut in Suppl. 333*.

DIE XXV

SANCTI BONIFACII I.

PAPÆ ET CONFESSORIS

Duplex.

Omnia de Comm. Conf. Pont. 55*, præter seq.

Orat. Da, quæsumus. 56*.

IN I. NOCTURNO

Lect. de Script. occur.

IN II. NOCTURNO

Lectio iv.

BONIFÁCIUS Románus, patre Jucúndo presbýtero,

post beátum Zósimum humanis rebus exéptum, Románæ Ecclesiæ episcopátum adéptus est. Is annósus presbyter, ac in lege doctissimus, bonisque móribus comprobátus, invitus ac relúctans, totius pópuli acclamatióné, ac Urbis optimátum consénsu, a septuaginta presbýteris, novémque diversárum provinciárum episcopis, divinæ institutiónis órdine servátó, consecrátus est in basilica Júlii: quo témpore Eulálius archidiáconus, diaconibus circumvénitis, paucissimisque de clero, ac multitudíne turbátæ plebis, in locum sibi non débitum, per ámbitum próruens, ordinátur in Constantiniána basilica. Eo in schismate Bonifácus legítimus Póntifex, veheménter depresso, coáctus est beáti Petri basilicam desérere, et una cum suis ad beáti Páuli secédere. Deláta mox cáusa ad episcopórum concílium, cum Patres inter se dissidérant, plenióri sýnodo res tota servátur, jussis intérea, Honórii Augústi ópera, tum Bonifácio, tum Eulálio, ab Urbe discédere. Quare hic Antium, sanctæ Felicitátis basilicam ille pétit.

℟. Invéni David. 61*.

Lectio v.

SED cum Eulálius se in Urbem intrusisset, occasionémque præbuisset públicæ seditiόνis, Honórius,

ea re commótus, Eulálíum Urbepelléndum, Bonifácíum vero in eam inducéndum rescripsit; quod frequénti episcopórum sýnodo confirmátum fuit. Itaque Bonifácíus regréssus, sollicita cura conátus est cunctos in mútuam restitúere concórdiam, cui et in futúrum consúluit, ne post óbitum suum gravióri scissúra distraherétur Ecclésia. Piissimórum áutem imperatórum devotióne gaudebat, et contra inimicos grátiae Dei, non solum apostólicis, sed étiam régiis utebátur edictis; et licet ipse doctíssimus esset, advérsus libros tamen Pelagianórum, beáti Augustíni episcopi respónsa poscébat; cui et Augustinus tantum détulit, ut ei sua scripta non tam ediscénda, quam examinánda et emendánda diréxerit.

℞. Pósui adjutórium. 61*.

Lectio vj.

PÁTROCLUM Arelaténsem episcopum aliénæ metrópolis jura invadéntem représsit; datisque lítteris ad Hilárium Narbonénsem episcopum jussit, ut jure metropolitáni et apostólicæ Sedis præceptiόne ad pervásu locum accéderet, agéndaque vidéret, et apostólicæ Sedi cuncta reférret. Constituit ne múlíer vel mónacha sacráta pállia contingeret aut laváret; neve quis incénsum in ecclésia póneret, nisi mínister esset. Servum; vel

cúriæ, vel rei cuilibet obnoxíum, cléricum fieri véruit. Fecit oratórium in cœmetério sanctæ Felicitátis Mártiris, juxta corpus ejus, cujus itémque sancti Silváni sepúlcrum ornávit, plúribus donis oblátis. Dénique fama celebérrimus, et grátia Dei plenus, ejúsdem glóriam adéptus est, Honório et Theodósio principibus, sepultúsque in cœmetério sanctæ Felicitátis via Salária, octávo Kaléndas Novémbris. Semel mense Decémbri creávit presbýteros trédecim, diáconos tres, episcopos per divérsa loca sex supra trigínta. Pontificátum ténuít annos quinque, minus duóbus ménsibus et tribus diébus.

℞. Iste est. 62*.

IN III. NOCTURNO

Homil. in Evang. Homo peregere. **de Comm. 1º loco.** 64*.

Lect. ix. ex duabus una et Commem. SS. Chrysanthi et Dariæ in Laud. 427.

Vesp. a Capit. de seq.

DIE XXVI

S. EVARISTI PAPÆ ET MART.

Duplex.

Omnia de Comm. unius Mart. 24*, præter seq.

Orat. Infirmítatem. 24*.

IN I. NOCTURNO

Lect. de Script. occur.

IN II. NOCTURNO

Lectio iv.

EVARÍSTUS Græcus natióne, patre Judæo génitus,

christiánæ pietátis studiosissimus, Trajáno imperatóre ad cáthedram Petri promóvus est, seditque in ea annos novem, menses tres. Fecit ordinationés quátuor mense Decémbri, ac creávit presbyteros decem et septem, diáconos duos, episcopos per diversa loca quindecim.

℞. Honéstum. 29*.

Lectio v.

ECCLESIÁRUM titulos urbis Romæ presbyteris eum divisisse légimus, ut unusquisque suæ paréciae términis ac limitibus distinguérétur; et mandásse, ut altária, in quibus Sacra fiunt, exstrúcta ex lápide, benediceréntur : ut septem diáconi episcopum custodirent, ipsique adéssent dum prædicatiónis evangélicæ officio et ministério fúngitur, quasi tráditæ ab illo doctrínæ testes.

℞. Desidérium ánimæ. 30*.

Lectio vj.

CONSTITUIT étiam ex traditione apostólica, ut matrimonium públice celebrétur, et sacerdotis benedictio adhibeátur. His aliisque salutáribus utilibúsq; constitutionibus edéndis pontificátus sui tempus transégit; non tamen illud omísit, ut simulacrórum cultum ex ánimis hóminum avélleret; qua in re, cum strénue laborásset, martýrio coronátus est, ac sepúltus prope sepúlcrum Principis Apostolórum in

Vaticáno, séptimo Kaléndas Novémbris.

℞. Stola jucunditátis. 30*.

IN III. NOCTURNO

Homil. in Evang. Si quis venit. **de Comm. 1º loco.** 32*.

DIE XXXI

S. SIRICII PAPÆ ET CONF.

Duplex.

Omnia de Comm. Conf. Pont. 55*, præter seq. (m. t. v.)

Oratio.

DEUS, qui beátum Sirícium Confessórem tuum atque Pontificem ecclesiásticæ disciplinæ propagatórem eximium effecisti : da Ecclésiæ tuæ, ejus institútis proficere, et méritis adjuvári. Per.

IN I. NOCTURNO

Lect. de Script. occur.

IN II. NOCTURNO

Lectio iv.

SIRÍCIUS RománuS, ex presbytero tituli Pastóris, vita functo sancto Dámaso Papa, cleri populique universi acclamatione ad apostólicam Sedem evéctus est, obnitente frustra Ursicino schismático, gratulánte vero in primis Valentiniáno imperatóre, qui magnum innocentíæ et probitátis exemplum eum prædicávit. Ipso sui pontificátus exórdio decretálem epístolam, salubérrimis institutióibus plenam; ad Himérium dedit Tarraconénsem episcopum, áliis Hispaniárum ecclésiis comunicándam, ut corrú-

pti clericorum mores emendaréntur, et disciplinæ vigor instaurarétur, quam in Africa quoque collabéntem, hábita Romæ sínodo octoginta episcopórum, reparándam curávit.

℟. Invéni David. 61*.

Lectio v.

INNÚMERA sunt cætera, quæ pro fidei defensióne toto sui pontificátus témpore invicte perégit. Joviniánum mónachum, sanctæ virginitátis hostem, et christiánum Epicúrum in Romána sínodo anathémate confixit. Bonósum quoque Sardicénsem episcopum, Christi divinitátem et Deiparæ post partum virginitátem inficiántem damnávit. Manichæos ex Urbe ejéctos imperiáli lege sæculáribus pœnis coercéndos subjécit; redeúntes vero ad Ecclesiám in monastéria detrúdi, ac nónnisi in vitæ éxitu ad communiónem récipi vóluit.

℟. Pósui adjutórium. 61*.

Lectio vj.

RELIGIÓNIS tuéndæ et amplificándæ stúdiúm, quod sane quam máximum decla-

rábat, egrégie adjúvit magnus Theodósius imperátor, qui cum, sublátis gentílium simulácris, templisque interdictis aut evérsis, idolórum cultum omnem aboléri jussisset, christiána religio, ipso sedénte Pontifice, mirífice propagáta est. Præcláris pro Ecclesiá functus labóribus, editisque sanctíssimis légibus, septuagenário major obdormívit in Dómino, anno salutis trecentésimo nonagésimo octávo. Sedit in Pontificátu annos circiter quatuórdecim. Ejus corpuse cœmetério Priscillæ via Salária in titulum sanctæ Praxedis a Pascháli primo translátum est. Illius vero nomen Benedictus décimus quartus, Póntifex Máximus, plene vindicáta ejus ab objéctis criminibus innocéntia, in Románi Martyrológii tábulas reférri jussit.

℟. Iste est. 62*.

IN III. NOCTURNO

Homil. in Evang. Vigiláte. de Comm. 2º loco. 69*. **Lect.** ix. de Homil. Vigil. Omnium Sanctorum. 433, ejusque Commem. in Laud.

FESTA NOVEMBRIS

DIE IX

IN DEDICATIONE

BASILICÆ SS. SALVATORIS

Duplex 1. cl. cum Oct.

Ut in Brev. 462, sine Commem. Oct. Omnium Sanctorum et S. Theodori.

In Festis infra Oct. occurrent., fit Commem. Dedicat.

DOMINICA II. NOVEMBRIS

PATROCINII B. M. V.

Duplex majus.

Omnia ut in Suppl. 347*.

DIE XIII
SANCTI NICOLAI I.

PAPÆ ET CONF.

Duplex.

Omnia de Communi Conf.

Pont. 55*, præter seq.

Orat. Da quæsumus. 56*.

IN I. NOCTURNO

Lect. de Script. occur.

IN II. NOCTURNO

Lectio iv.

NICOLÁUS hujus nóminis primus, natióne RománuS, patre Theodóro regionário, Benedicto tértio e vivis sublato, mirábili ómnium consensióne, anno Christi octingentésimo quinquagésimo octávo, a clero eléctus, et ex basilica principis Apostolorum, in qua latitábat, per vim eductus, adductusque in Lateranénse patriarchium, RománuS Póntifex renunciátus est. A prima pueritia pietátem omnémque virtútem cóluit, eósque in sacris litteris progressus fecit, ut eum Sérgius secúndus in ipso eódem patriarchio, Ecclesiæ Románæ subdiáconum, Leo vero quartus diáconum creáverint, Benedictus demum tértius ejus consilio et ductu univérsam Ecclesiám administráverit.

R. Invéni David. 61*.

Lectio v.

EXSTANT plúrimæ ab eo scriptæ epístolæ, in quibus errántes corréxit, supérbos depréssit, opprédos recreávit. Episcopos, reges,

imperatóres in officio continuit : Joánnis Ravennátis archiepiscopi contumáciam fregit : Hincmárum Rheménsem archiepiscopum de injústa Rhotáldi episcopi Suesionénsis depositióne ácritér reprehéndit; ejus ea de re, nec non sýnodi Sylvanecténsis judicium abrogávit; tum apud sanctam Mariám Majórem in pervigilio Nativitátis Dominicæ Missárum solémnia explens, episcopum ipsum pristinæ dignitáti, et páulo post suæ sedi plene restituit. Lothárium regem, qui rejécta legítima uxóre Theutbérga, Waldrádam concubinam dúxerat, intentáto anathémate, ad saniórem mentem redúxit. Electiódem Phótii láici hóminis repro-bávit, et patriarcham Ignátium in pristinam sedem restituit. Ecclesiæ demum Románæ jura ita deféndit, ut singulæ illius epístolæ quasi tótidem fortíssima Sedis apostólicæ muniménta esse videántur.

R. Pósui adjutórium. 61*.

Lectio vj.

CUM illius zelus intra tunc præscriptos Ecclesiæ fines continéri non posset, ad conversiódem infidélium applicuit ánimus, fecitque ut amplíssima Bulgarórum gens, una cum rege, ad Christi fidem convérSa, Ecclesiæ Románæ, frendénte licet imperatóre schismático, accésserit. Operam quo-

que suam privátis pietátis officiis sédulo navávit. Hinc descripta ómnium indigéntium nómina apud se habére vóluit, ut singulis accurátius succurreret. Reparándis étiam ornandisque basilicis Urbis, præcipue Lateranénsi patriarchio liberálem manum appósuit, et nullis sump-
tibus pepéruit. Inito demum décimo pontificátus anno, in cælum migrávit, et in Vaticanó sepúltus est.

℞. Iste est qui. 62*.

IN III. NOCTURNO

Homil. in Evang. Homo pègre. de eodem Comm. 1^o loco. 64*.

DIE XIV

SANCTI DEUSDEDIT

PAPÆ ET CONF.

Duplex.

Omnia de Comm. Conf. Pont. 55*, præter seq. (m. t. v.)

Orat. Da, quæsumus. 56*.

IN I. NOCTURNO

Lect. de Script. occur.

IN II. NOCTURNO

Lectio iv.

BONIFÁCIO hujus nóminis quarto e vivis sublato, postquam Sedes apostólica ménsibus quinque et duódecim diébus vacáset, beátus Deusdedit, egrégiis virtútibus et exímia sanctitáte conspicuus, natióne Románu, patre Stéphano, unánimi ómnium consensióne, ex subdiácono Románu Póntifex creatus est. Ut áutem sub-

diáconus Póntifex crearetur, tunc primum accidit, absque majórum exémplo; sed ut, áliis prætermíssis, Deusdedit eligeretur, insignis ejúsdem sanctimónia præstitit, qua mirífice inter tot tenebras illustrátus emicuit.

℞. Inveni David. 61*.

Lectio v.

HIC a domo Dei regimnis initium fecit. Cleri enim máximam curam gessit, quem cum imminútum et valde distráctum invenisset, eúmdem plúrimum auxit, in pristinas sedes restituit, et multis beneficiis cumulávit. Sed plane doléndum est, tanti Pontificis facta, scriptórum inópia, aut certe témporis injúria, obscura mansisse: quæ quidem insignia fuisse opórtuit, cum eum antiquitus Ecclésia inter sanctos recéperit, et ánnua commemoratióne ut sanctum fúerit veneráta.

℞. Pósuí adjutórium. 61*.

Lectio vj.

ILLUD tamen unum ac singuláre non excidit. Cum enim ob terrámótus vehementíssimos, elephántiæ lues orta esset, dum afflictae Urbi sanctíssimus Póntifex prospiceret, præsensque raro exémplo ægros invíseret, unum ex illis, in quo Christum contemplátus est, benigne compléxus et osculátus, divíno miraculo eúmdem a lepra mundávit, ut vétera Ecclésiæ monuménta

testántur. Epístolæ ab eo scriptæ fragmentum exstat, in quo luculentum de spiritali cognatione decretum continetur. Ubi demum tres annos sedisset, ex hac vita discéssit, anno Christi sexcentésimo décimo séptimo, et sepúltus est in Vaticanó.

℞. Iste est. 62*.

IN III. NOCTURNO

Homil. in Evang. Homopégre. de Comm. 1º loco. 64*.

DIE XVI

OCTAVA DEDICATIONIS

BASILICÆ SS. SALVATORIS

Duplex.

Omnia ut in Comm. Dedicationis. 120*.

DIE XIX

S. PONTIANI PAPÆ ET MART.

Duplex.

Omnia de Communi unius Mart. 24*, præter seq.

Orat. Infirmitatem. 24*.

IN I. NOCTURNO

Lect. de Script. occur.

IN II. NOCTURNO

Lectio iv.

PONTIÁNUS Románus præfuit Ecclesiæ Alexandro imperatøre, qui sanctum Pontíficem, propter christiánæ fidei confessiónem, in Sardiniam insulam cum Hippólyto presbýtero relegávit. Ubi is pro Christi fide multis calamitatibus afflictus, décimo tértio Kalendas Decémbris e vita migrávit. Ejus corpus, Fabiáno Pontífice, cum clero Romam

delátum, in cœmetério Callisti via Appia sepelitur. Sedidit annos quátuor, menses quátuor, dies viginti quinque. Fecit ordinatiónes duas mense Decémbri, quibus creávit presbýteros sex, diaconos quinque, episcopos per diversa loca sex.

℞. Honéstum. 29*.

Sermo sancti Augustini Episcopi.

De S. Cypriano, serm. 12.

Lectio v.

SERMÓNEM éxigit tam grata et religiósá solémnitas, qua passióem beáti Mártiris Pontiáni celebrámus. Tristis procul dúbio tunc Ecclesiá fuit, non damno cadéntis, sed desidério recedéntis, semper cúpiens vidére præsentem tam bonum rectórem atque doctórem. Sed quos afflíxerat sollicitúdo certáminis, consoláta est coróna victóris. Et nunc non solum sine ulla tristitia, verum étiam cum ingénti lætitia, cuncta quæ tunc gesta sunt, legéndo recólimus: diéque isto gaudére nobis concéssum est, non timére. Neque enim formidámus terribíliter veniéntem, sed exspectámus hiláriter redeúntem.

℞. Desidérium. 30*.

Lectio vj.

VICÍNA córporis morte, non moriebátur in ánimo pastóris vigilántia pastorális: et cura tuéndi dominici gregis usque ad extrémum vitæ

hujus diem mente sóbria tenebátur. Nec excutiébat ab ánimo diligéntiam fidelíssimi dispensatóris manus jam próxíma cruénti carníficis. Ita se Mártýrem cogitábat futúrum, ut esse non obliviscerétur episcopum; magis curans, quam ratió-nem pastórum Principi de commissis sibi óvibus rédderet, quam quid infidéli procónsuli de fide própria responderet. Amábat quippe eum qui Petro díxerat: Amas me? pasce oves meas. Et pascébat oves ejus pro quibus ságuinem fúndere, illum ímitans, præparábat.

℟. Stola jucunditátis. 30*.

IN III. NOCTURNO

Homil. in Evang. Nihil est. de Comm. 3^o loco. 38*.

℟. viij. Dómine. 33*.

DIE XXVIII

S. GREGORII III. PAPÆ ET CONF.

Duplex.

Omnia de Comm. Conf. Pont. 55*, præter seq.

Orat. Da, quæsumus. 56*.

IN I. NOCTURNO

Lect. de Script. occur.

IN II. NOCTURNO

Lectio iv.

GREGÓRIUS hujus nóminis tértius, natióne Syrus, patre Joánne, Gregório secúndo vita functo, unánimi cleri et pópuli consénsu, necnon divíno quodam instinctu, cum digníssimus ómnium esset, subrogátus est, anno Christi septingen-

tésimo trigésimo primo. Vir singulári doctrína et virtúte, latina et græca lingua eruditus, mirábili dicéndi facúndia, atque ádeo felici memória, ut totum Psaltérium memóriter recitáret; is demum, quem prædecessóri suo Gregório doctrína et prudéntia sapientíssimi hómines æquiparándum esse duxérunt.

℟. Invéni David. 61*.

Lectio v.

CATHÓLICÆ fidei propugnátor acérrimus, Leónem Isáurum imperatórem iconoclástam patérnis mónitis et lítteris ad saniórem mentem redúcere conátus est. Sed cum nihil proficeret, convocáto Romæ nonaginta quinque episcopórum concílio, sacrárum imáginum cultum apostólico decréto firmávit, et diro anathémate fériit Iconómachos. Quæ cum ad Leónis áures pervénissent, áltius rugire cœpit, misitque advérsus Gregórium florentíssimam classem cum potentíssimo exércitu; sed hæc, volénte ac víndice Deo, in Adriático sæva tempestáte agitáta, fœdo naufrágio périit.

℟. Pósui adjutórium. 61*.

Lectio vj.

MULTA quoque a Luitprándo Longobardórum rege inique passus est, qui et Urbem longa obsidióne cinxit, et sancti Petri basilicam sacrílega manu dirí-

puit. In his angústiis sanctissimus Póntifex ad Cáro-lum Martéllum, antecessóris exémplo, legátos cum sacris munéribus destinávit. Munivit Urbis mœnia, largas in egénos eleemósynas erogávit, novas basilicas a fundaméntis exstrúxit, anti-quas ornávit ac restaurávit, Vaticanam præsertim, intra quam oratórium áuro, argénto, gemmis, omnique pretiósí óperis génere ditátum eréxit, in quo sanctórum Apostolórum et Mátyrum reliquias, summa cura et diligéntia toto christiáni orbis ámbitu conquisitas repósuit, et coléndas expósuit, eo máxime témpore, quo illas Agiómachi diabólico furóre proculcábant. Multa monastéria restituit, et sanctis légibus instrúxit, statuitque ut presbýteri et mónachi altérnis noctu diúque divinas láudes celebrárent. Fractus demum labóribus, méritis licet atque virtútibus inclytus, anno sui pontificátus undécimo nondum perácto, quarto Kaléndas Decémbris pie obiit in Dómino, et in prædicto oratório Vaticanó sepúltus est.

R. Iste est. 62*.

IN III. NOCTURNO

Homil. in Evang. Homo peregere. **de Comm. 1º loco.** 64*.

Vesp. a Capit. de seq. Commem. præced. Orat. Exáudi quæsumus.

DIE XXIX

SANCTI GELASII I.

PAPÆ ET CONF.

Duplex.

Omnia de Comm. Conf. Pont. 55*, præter seq. (m. t. v.)

Orat. Da, quæsumus. 56*.

Deinde S. Saturnini Mart. 510.

IN I. NOCTURNO

Lect. de Script. occur.

IN II. NOCTURNO

Lectio iv.

GELASIUS, gente Africānus, patre Valério, in Felicis tértii locum subrogátus, pontificátum gessit annos quatuor, menses octo, duodeviginti dies. Creávit in dúplici ordinatióne diáconos duos, presbýteros triginta et duos, sexaginta septem per diversa loca episcopos. Vir sane singulári fidei propagándæ ac servándæ zelo ardentissimus, omni litteratúra, præsertim sacra, instructissimus, et intrépidi pectoris róbre, tum ad vindicánda Ecclésiæ et Sedis apostólicæ jura, tum ad retundéndam hæreticórum et schismaticórum protérviam armátus.

R. Invéni David. 61*.

Lectio v.

EJUS cura et stúdio non áuctus est, verum étiam universa Ecclésia magnis incrementis adolévít. In quo certe illius prudéntia mirabilis fuit, cum eo témpore

Anastásius imperátor hæréticus, et Theodoricus ariánus rerum utriúsque impérii potiréntur. Imminénte famis periculo, úbere annóna Urbem recreávit. Lupercália, aliaque gentilium spectacula, quæ ad hæc usque témpora, post tam multa imperatórum edicta advérsus idololatriam lata, et Romanórum Pontíficum stúdia ad eam exstirpándam adhíbita, viguisse constat, Andrómachō senatóre, aliisque Romaníis frustra licet refragántibus, pénitus abolévit.

R. Pósui. 61*.

Lectio vj.

ALIA quamplúrima ad dignitátem et disciplinam Ecclésiæ spectántia præstitit, sancívit et scripsit. Defensóres Acácii, Euphémium præsertim Constantinopolitánum damnávit; scriptisque ad diversos nervosissimis juxta atque doctíssimis litteris, vel eos in officio contínuit, vel aberrántes redúxit. Pelagiános, Manichæos et alios hæréticos coércuit, eorúmque libros públicis flammis tradi curávit. Præter decretáles, et hymnos ec-

clesiásticos, egrégia scripsit opúscula contra Nestórium, Arium, Pelágium, et Eutychéten. Sed illud præ cæteris memorándum, quod libros canónicos ab aliis, et probátos ab apócryphis, in Romána sýnodo septuaginta episcopórum, singulári decreto distínxit. Post multos demum labóres in regénda universáli Ecclésia exantlátos, sanctíssimus et doctíssimus Póntifex pie obiit in Dómino undécimo Kaléndas Decémbris, anno Christi quadringentésimo nonagésimo sexto, et sepúltus est in Vaticáno.

R. Iste est. 62*.

IN III. NOCTURNO

Homil. in Evang. Homo péregre. de Comm. 1º loco. 64.*

Lect. ix. de Homil. Vigil. S. Andreæ. 510, et in Laud. Commem. ejusdem, ac S. Saturnini Mart. 510.

DIE I. DECEMBRIS

SANCTI DIDACI

CONFESSORIS

Semiduplex. (m. t. v.)

In Breviario 13 Novembris. 475.



DIE IX. NOVEMBRIS
IN DEDICATIONE

ARCHIBASILICÆ SS. SALVATORIS

Duplex majus.

Ut in Breviario, præter Lect. seq. II. Noct. emendatas.

Lectio v.

SED ubi Constantinus Imperator per baptismi sacramentum sanitatem salutemque consecutus est, tum primum lege ab eo lata concessum est toto orbe terrarum, Christiani ut ecclesias ædificarent : quos ille non solum edicto, sed etiam exemplo ad sacram ædificationem est cohortatus. Nam et in suo Lateranensi palatio ecclesiam Salvatori dedicavit, et ei continentem basilicam nomine sancti Joannis Baptistæ condidit, eo loco quo ipse baptizatus a sancto Silvestro, ab infidelitatis lepra mundatus est : quam idem Pontifex consecravit quinto Idus Novembris : cujus consecrationis memoria celebratur hodierno die, quo primum Romæ publice ecclesia consecrata est, et imago Salvatoris in

pariete depicta populo romano apparuit.

R. O quam metuendus est locus iste : * Vere non est hic aliud, nisi domus Dei, et porta cæli. **Ÿ.** Hæc est domus Domini firmiter ædificata, bene fundata est supra firmam petram. Vere non est.

Lectio vj.

QUOD si beatus Silvester postea in consecratione altaris Principis Apostolorum decrevit, ut deinceps nisi ex lapide altaria non ædificarentur, tamen basilicæ Lateranensis altare fuit e ligno erectum : quod mirum non est. Nam cum a sancto Petro usque ad Silvestrum, propter persecutiones, Pontifices certo loco consistere non possent : quocumque eos necessitas compulset, sive in cryptas, sive in cœmeteria, sive in ædes piorum, super illo altari ligneo ad arcæ similitudinem concavo, sacra faciebant. Quo altari sanctus

8 In Dedicatione Archibasilicæ SS. Salvatoris.

Silvéster, réddita Ecclésiæ pace, honóris cáusa Principis Apostolorum, qui in illo sacrificasse dicitur, et reliquorum Pontificum, qui usque ad id tempus ad mystéria conficienda eo usi fuerant, in Lateranénsi prima ecclesia collocato, sancivit ne quisquam in eo, præter Romanum Pontificem, Missam deinceps celebraret. Eamdem ecclesiam incendiis, vastationibus, terræ insuper motibus disjectam eversamque, ac sedula Summorum Pontificum cura reparatam, nova postmodum molitione restitutam, Benedictus decimus tertius Pontifex Maximus ordinis Prædicatorum, die vigesima octáva Aprilis anni millésimi septingentésimi vigésimi sexti, ritu solémni consecravít, ejusque celebritátis memóriam hac die recolendam státuit. Quod áutem Pius nonus

perficiendum censuerat, Leo decimus tertius, cellam máximam, vetustáte fatiscéntem, ingénti molitione producendam laxandamque curávit, vetus musivum, multis jam antea partibus instauratum, ad antiquum exemplar restitui et in novam ábsidem, opere cultúque magnífico, exornatam transferri, áulam transversam laqueári et contignatione refectis expoliri jussit, anno millésimo octingentésimo octuagésimo quarto, sacrário, æde canonicorum perpetuæque ad Baptistérium constantinianum pórticu adjéctis.

R. Mane surgens Jacob erigebat lápidem in titulum, fundens óleum desuper, votum vovit Dómino: * Vere locus iste sanctus est, et ego nesciebam. **V.** Cumque evigilasset Jacob de somno, ait. Vere non est. **G.** Glória Patri. Vere non est.

Concordat cum originali.

Turonibus, die 10 Decembris 1899.

† RENATUS FRANCISCUS
ARCHIEP. TURON.

DIE XXVII. NOVEMBRIS

MANIFESTATIONIS IMMACULATÆ B. Mariæ V.

A SACRO NUMISMATE

VULGO

DE LA MÉDAILLE MIRACULEUSE

Duplex 2. classis.

IN I. VESPERIS

Ant. et Capit. de Laudibus. Pss. et Hymn. ut in Festis B. M. V.

Ÿ. Signum magnum apparuit in cælo. R̃. Múlier amícta sole, et luna sub pédibus ejus.

Ad Magnif. Ant. Qui me invénerit, invéniet vitam, et háuriet salútem a Dómino.

Oratio.

DÓMINE Jesu Christe, qui beatíssimam Virginem Mariám Matrem tuam ab origine immaculátam innúmeris miráculis claréscere voluisti : concéde; ut ejúsdem patrocínium semper implo-rántes, gáudia consequá-mur æténa : Qui vivis et regnas.

AD MATUTINUM

Invit. Immaculátam Conceptionem Virginis Mariæ celebrémus : * Christum ejus Fílium adorémus Dóminum.

Ps. Veníte, exsultémus.

Hymnus.

TUTÉLA præsens ómni-um,
Salvéto Mater Núminis;
Intácta in Hevæ filiis,
Tu fœda mundes pectora.
Numisma quos ornat
tuum,

Fove benígno lúmine;
Virtus sit inter prælia
Ægisque in hostes præpo-
tens.

Sit fléntibus solátium,
Ægris levámen ártubus;
In mortis hora, fúlgidæ
Æternitátis spónsio.

Jesu, tuam qui finiens
Matrem dedísti sérvulis,
Precánte Matre, fíliis
Largíre cæli gáudia.

Amen.

In I. Nocturno.

Ant. Admirábile est *
nomen tuum Dómine in
univérsta terra, quia in
Virgine María dignum
tibi habitáculum præpa-
rásti.

**Pss. trium Noct. ut in
Festis B. M. V. per an-
num.**

Ant. In sole pòsuit *
Deustabernáculum suum.

Ant. In Conceptione
sua * accépit María bene-
dictiónem a Dómino, et
misericórdiam a Deo sa-
lutári suo.

Ÿ. Qui me invénerit
invéniet vitam. **R̃.** Et
háuriet salutem a Dó-
mino.

De Apocalýpsi beáti
Joánnis Apóstoli.

Lectio j. Cap. 12.



SIGNUM magnum
appáruit in cæ-
lo : Múlier ami-
cta sole, et luna
sub pédibus ejus, et in
cápite ejus coróna stellá-
rum duódecim : et in
útero habens, clamábat
partúriens, et cruciabá-
tur ut páriat. Et visum
est áliud signum in cæ-
lo : et ecce draco magnus
rufus, habens cápita se-
ptem, et córnuá decem;
et in capítibus ejus dia-
démata septem : et cáuda
ejus trahébat tértiam par-
tem stellárum cæli, et
misit eas in terram, et
draco stetit ante mulie-
rem, quæ erat paritúra;
ut, cum peperisset, fí-
lium ejus devoráret. Et
péperit filium másculum,
qui rectúrus erat omnes
gentes in virga férrea; et
raptus est fílius ejus ad

Deum, et ad thronum
ejus; et múlier fugit in
solitúdinem, ubi habébat
locum parátum a Deo, ut
ibi pascant eam diébus
mille ducéntis sexaginta.

R̃. Per unum hómínem
peccátum in hunc mun-
dum intrávit, in quo
omnes peccavérunt. * Ne
tíneas María, invenisti
grátiam apud Deum. **Ÿ.**
Eripuit Dóminus ánimam
tuam de morte, et contra
inimícum factus est pro-
tector tuus. Ne tíneas.

Lectio ij.

ET factum est prælium
magnum in cælo : Mí-
chaël et Angeli ejus præ-
liabántur cum dracóne,
et draco pugnábat, et
ángeli ejus : et non va-
luérunt, neque locus in-
vénus est eórum ámplius
in cælo. Et projéctus est
draco ille magnus, ser-
pens antiquus, qui vocá-
tur diábolus, et sátanas,
qui sedúcit univérsum
orbem : et projéctus est
in terram, et ángeli ejus
cum illo missi sunt. Et
audívi vocem magnam in
cælo dicéntem : Nunc fa-
cta est salus, et virtus,
et regnum Dei nostri, et
potéstas Christi ejus :
quia projéctus est accu-
sátor fratrum nostrórum,
qui accusábat illos ante

conspéctum Dei nostri die ac nocte. Et ipsi vicérunt eum propter sanguinem Agni et propter verbum testimónii sui, et non dilexérunt ánimas suas usque ad mortem. Proptérea lætámini cæli, et qui habitátis in eis. Væ terræ, et mari, quia descendit diábolus ad vos, habens iram magnam, sciens quod módicum tempus habet.

R. Transíte ad me omnes qui concupiscitis me : * Et narrábo vobis quanta fecit Deus ánimæ meæ. **V.** Vivit Dóminus, quóniam adimplévit in me misericórdiam suam. Et narrábo.

Lectio iij.

ET postquam vidit draco quod projéctus esset in terram, persecútus est mulierem, quæ péperit másculum; et datæ sunt mulieri alæ duæ áquilæ magnæ, ut voláret in désertum in locum suum, ubi álitur per tempus et témpora et dimídium témporis, a fácie serpéntis. Et misit serpens ex ore suo post mulierem, aquam tamquam flumen, ut eam fáceret trahi a flúmine. Et adjúvit terra mulierem; et apéruit terra os suum, et absórbit flumen,

quod misit draco de ore suo. Et irátus est draco in mulierem : et ábiit fácere prælium cum réliquis de sémine ejus, qui custódiunt mandáta Dei, et habent testimónium Jesu Christi. Et stetit supra arénam maris.

R. Elécta mea cándida sicut nix in Líbano; sicut favus distillans lábia ejus : * Mel et lac sub lingua illius. **V.** Veni de Líbano, sponsa mea, veni, coronáberis coróna gratiárum. Mel et lac. Glória Patri. Mel et lac.

In II. Nocturno.

Ant. Diffúsa est * grátia in Conceptione ejus, et speciósá apparuit inter filias hóminum.

Ant. Adjúvit eam * Deus mane dilúculo; sanctificávit tabernáculum suum Altíssimus.

Ant. Gloriósa * dicta sunt de tè, civitas Dei : fundávit te Dóminus in móntibus sanctis.

V. Mélior est fructus meus áuro. **R.** Et genimina mea argénto elécto.

Lectio iv.



ANNO Christi milésimo octingentésimo trigésimo, quod legítima testántur monuménta, beatíssima Dei Mater

sanctimoniâli cuidam fœminæ, Catharinæ Labouré nuncupatæ, e familia puellarum caritatis sancti Vincéntii a Páulo, sese videndam exhibuit; eamdémque jussit curâre ut Numisma in honórem Immaculatæ Conceptionis suæ cuderetur. Cudéndi áutem ea lex erat ex visu, ut in advérsa fronte Deíparæ prostâret effigies, virgíneo quidem pede serpéntis próterens caput, mânibus vero pátilis subjéctum terræ orbem rádiis illústrans; inscripta circum circa ea prece: O María concépta sine peccáto, ores pro nobis qui ad te confúgimus. Inesse áutem in fronte avérsa sacrosáctum Mariæ nomen debébat, eminente supra crucis signo, binis inférius adjéctis córdibus, áltero óbsito spinis, áltero ense transfosso. Jubénti Virgini páruit puélla; remque divínitus accéptam événtus comprobávit. Vix enim novum Numisma in vulgus pródiit, íllico a christifidélibus, uti religio Matri sanctíssimæ pergráta, coli certátim ac gestári cœptum; in Gállia primum, mox, probántibus epíscopis, ubique ter-

rarum. Cujus augescéntis in dies reveréntiæ ac fidúciæ id cáusa fuit, quod a Virgine respiciénte plúrima patrabántur mira seu córporis ærúmnis levándis, seu ánimis e vitiórum cœno eruéndis.

¶. Ego ex ore Altíssimi prodívi, primogénita ante omnem creatúram: ego feci in cælis ut orirétur lumen indeficiens. * Nondum erant abyssi, et ego jam concépta eram. †. Deus enim creávit me in justítia, et apprehéndit manum meam, et servávit me. Nondum.

Lectio v.

In his illud præ cæteris memorátu dignum, quod Alphónso Ratishónne Romæ cóntigit décimo tértio Kaléndas Februárii anno millésimo octingentésimo quadragésimo secúndo, legítimo ecclesiásticæ auctoritátis testimonió comprobátum. Argentoráti judáicis ortus paréntibus, in Oriéntem iter fáciens Alphónsus Romæ substíterat. Ubi cum amicitiam cum nóbili viro, ex háeresi ad cathólica sacra convérso, junxisset; is, adolescéntis miserátus vicem, omni ope conténdit ut illum ad veram Christi religiónem

tradúceret. Nihil tamen verbis profectum; unum hoc impetratum, ut hebræus homo sacrum Deiparæ Numisma e collo pendens deferret. Preces interim pro eo ad Virginem Immaculatam adhibebantur. Nec diu Virgo exorata auxilium conferre distulit. Nam, cum Alphonsus templum sancti Andréæ in vico nomen, vulgo *delle Fratte*, fortuito sub meridiem esset ingressus, repente illi ædes obscurari visa, una excepta Archângeli Michaélis cella, unde vidior contra lux emicabat. Eo dum, horróre corréptus, advértit oculos, ecce illi beata Virgo Mariá conspiciendam se præbet vultu mitissimo, eoque hábitu quo in sacro Numismate refertur. Cælesti visu subito immutari Alphonsus; tum lacrymis perfusus judaicam abhorre perfidiam, et catholicam religionem, quam paulo ante detestabatur, veram profiteri totoque pectore amplecti. Christiana dogmata edoctus, paucis post diebus, communi Urbis lætitia, sacro baptismo lustratus est.

¶. Nihil inquinatum in eam incurrit : * Candor

est lucis æternæ et speculum sine macula. ¶. Est enim hæc speciosior sole, et luci comparata invenitur purior. Candor est.

Lectio vj.

TANTÆ igitur pientissimæ Matris per sacrum Numisma potèntiæ ac liberalitatis ut memoria recoleretur, simulque christianarum gentium erga Immaculatam ejusdem Virginis Conceptionem religio ampliorem haberet auctus, censuit Apostolica Sedes, quod dudum ab ea pro sacratissimo Scapulari concessum fuerat, Manifestationem hanc sanctissimæ Dei Parentis et sacrum ipsius Numisma peculiari festo quotannis commemoranda. Quamobrem, tota factorum serie a Sacra Rituum Congregatione recognita maturèque perpensa, ex ejusdem Congregationis consulto Leo decimus tertius Pontifex Maximus Societati Presbyterorum sancti Vincèntii a Paulo, quibus ex sancti auctoris lege solèmnè semper fuit illabem Mariæ originem profiteri et colere, Manifestationis ejusdem beatæ Virginis Officium et Mis-

sam celebrare concessit, idemque indultum ad singulos episcopos ac Religiosorum familias petentes extendit.

R. Signum magnum apparuit in cælo : Mulier amicta sole, et luna sub pedibus ejus : * Et in capite ejus corona stellarum duodecim. **V.** Induit eam Dominus vestimentis salutis, indumento justitiæ, et quasi sponsam ornavit eam monilibus suis. Et in capite. **Gloria Patri.** Et in capite.

In III. Nocturno.

Ant. Sanctimonia et magnificentia * in Conceptione ejus; annuntiante in omnibus populis gloriam ejus.

Ant. Lætâmini omnes * in Domino : et confitemini memoriæ sanctitatis ejus.

Ant. Notum fecit * Dominus opus suum : in conspectu gentium revelavit gloriam Genitricis suæ.

V. Esto mihi in domum refugii. **R.** Ut salvum me facias.

Lectio sancti Evangelii secundum Joannem.

Lectio vij. Cap. 2.

In illo tempore : Nuptiæ factæ sunt in Cana Galilææ : et erat Mater Jesu

ibi. Vocatus est autem et Jesus, et discipuli ejus, ad nuptias. Et reliqua.

Homilia sancti Bernardi Abbatis.

Dom. I. post Epiph.

Serm. 1.



INUM non habent.

Compassa est Maria eorum veracundia, sicut misericors, sicut benignissima. Quid de fonte pietatis procederet nisi pietas? Quid, inquam, mirum si pietatem exhibent viscera pietatis? Nonne qui pomum in manu sua tenuerit dimidia die, reliqua diei parte pomi servabit odorem? Quantum igitur viscera illa virtus pietatis affecit, in quibus novem mensibus requievit? Nam et antementem replavit, quam ventrem, et cum processit ex utero, ab anima non recessit. Durius fortasse et austerior videri posset responsio Domini; sed noverat ille, cui loqueretur; et quis loqueretur illa non ignorabat. Denique ut scias, quomodo responsum ipsum accepit, ait quantum de Filii benignitate præsumpserit, aut ministris : Quaecumque præceperit vobis, servate et facite.

R̃. Hortus conclusus soror mea sponsa, hortus conclusus, fons signatus: * Emissiones tuæ paradisus, o Mariâ. **Ÿ.** Aperi mihi, soror mea, amica mea, columba mea, immaculata mea. Emissiones tuæ.

Lectio viij.

Ibid. Serm. 2.

QUID mihi et tibi est mulier? Quid tibi et illi est, Dómine? Nonne quod filio et matri? Quid ad illam pertines quæris, cum tu sis benedictus fructus ventris ejus immaculati? Nonne ipsa est, quæ salvo pudore concepit et sine corruptione te peperit? Nonne ipsa est, in cujus útero novem mēsisibus moratus es, cujus virgineis ubéribus lactatus es, cum qua jam duodecim annorum factus de Jerúsalem descendisti, et eras súbditus illi? Nunc ergo, Dómine, quid molestus es illi, dicens: Quid mihi et tibi? Multum per omnem modum. Sed manifeste jam vídeo, quod non velut indignans aut confundere volens Virginis Matris téneram verecúndiam, dixeris: Quid mihi et tibi? Cum, veniéntibus ad te juxta Matris præceptum mini-

stris, nihil cunctatus facias quod illa suggessit.

R̃. Magnificat ánima mea Dóminum: * Quia fecit mihi magna qui potens est, et sanctum nomen ejus. **Ÿ.** Ecce enim ex hoc beatam me dicent omnes generatióes. Quia fecit. **Glória Patri.** Quia fecit.

Lectio ix.

Serm. de duo prærogat.

QUID ergo ad Mariám accédere trépides humana fragilitas? Nihil austérum in ea, nihil terribile: tota suavis est, ómnibus offerens lac et lanam. Revólve diligéntius evangélicæ históriæ sériem univérsam, et si quid forte increpatórium, si quid durum, si quod dénique signum vel ténuis indignatióis occurrerit in Mariâ, de cætero suspéctam hábeas, et accédere vereáris. Quod si (ut vere sunt) plena magis ómnia pietátis et grátiae, plena mansuetúdinis et misericórdiae, quæ ad eam pertinent invénieris, age grátias ei, qui talem tibi mediátricem benigníssima miseratióne providit, in qua nihil potest esse suspéctum; quæ ómnibus misericórdiae sinum áperit, ut de ple-

nitúdyne ejus accípiant
univérſi, captivus red-
emptiónem, æger cura-
tiónem, tristiſ conſola-
tiónem, peccátor véniam,
juſtus grátiam, ut non
ſit, qui ſe abſcóndat a
calóre ejus.

Te Deum laudámuſ.

AD LAUDES

ET PER HORAS

Ant. 1. Tota pulchra *
eſ María, et mácula ori-
gináliſ non eſt in te.

Ps. Dóminuſ regnávit.

2. Veſtiméntum tuum *
cándidum quaſi nix, et
fácies tua ſicut ſol.

3. Tu glória Jerúſalem,
* tu lætítia Iſraël, tu ho-
norificéntia pópuli noſtri.

4. Benedícta eſ tu, *
Virgo María, a Dómino
Deo excélſo præ ómnibuſ
mulieribuſ ſuper terram.

5. Trahe noſ * Virgo
immaculáta, poſt te cur-
rémuſ in odórem unguen-
tórum tuórum.

Capitulum. Prov. 8.

DÓMINUſ poſſédit me in
ínitio viárum ſuárum,
ántequam quidquam fá-
ceret a principio. Ab æ-
térno ordináta ſum, et
ex antíquiſ ántequam
terra fieret. Nondumerant
abýſſi, et ego jam con-
cépta eram.

Hymnuſ O glorióſa vír-
ginum.

ŷ. O María, ſine labe
origináli concépta. **R̃.** In-
tercéde pro nobiſ, qui ad
te confúgimuſ.

Ad Bened. Ant. Póſuit
in ea verba ſignórum ſuó-
rum et prodigiórum ſuó-
rum in terra.

Oratio.

DÓMINE Jeſu Chriſte,
qui beatíſſimam Vír-
ginem Mariám Matrem
tuam ab origine imma-
culátam innúmeriſ mirá-
culiſ claréſcere voluíſti :
concéde; ut ejúſdem pa-
trocinium ſemper implo-
ránteſ, gáudia conſequá-
mur ætérna : Qui viviſ.

AD PRIMAM

In R̃. br. dicitur ŷ. Qui
natuſ eſ de María Vír-
gine.

AD TERTIAM

Capit. Dóminuſ poſſé-
dit. **ſupra.**

R̃. br. Deuſ omnípo-
tenuſ * Præcínxit me vir-
túte. Deuſ. **ŷ.** Et póſuit
immaculátam viam me-
am. Præcínxit. **Glória Pa-
tri. Deuſ.**

ŷ. In hoc cognóvi quó-
niam voluíſti me. **R̃.** Quó-
niam non gaudébit ini-
micuſ meuſ ſuper me.

AD SEXTAM

Capitulum. Ezech. 44.

PORTA hæc cláuſa erit,
non aperiétur, et vír
non intrábit per eam,

quóniam Dóminus Deus Israël ingressus est per eam : eritque cláusa Principi. Princeps ipse sedébit in ea.

R. br. In hoc cognóvi, * Quóniam voluísti me. In hoc. **ŷ.** Quóniam non gaudébit inimícus meus super me. Quóniam. **Gló**ria Patri. In hoc.

ŷ. Exaltábo te Dómine, quóniam suscepisti me. **R.** Nec delectásti inimícos meos super me.

AD NONAM

Capitulum. Apoc. 12.

SIGNUM magnum appáruit in cælo : Múlier amícta sole, et luna sub pédibus ejus, et in cápite ejus coróna stellárum duódecim.

R. br. Exaltábo te Dómine, * Quóniam suscepisti me. Exaltábo. **ŷ.** Nec delectásti inimícos meos super me. Quóniam suscepisti. **Gló**ria Patri. Exaltábo.

ŷ. Immaculáta Concéptio tua Dei Génitrix Virgo. **R.** Gáudium annuntiávit univérso mundo.

IN II. VESPERIS

Omnia ut in I., præter

Ad Magnif. Ant. Sancta

María, succúrre míseris, juva pusillánimes, réfove flébiles, ora pro pópulo, intérveni pro clero, intercéde pro devóto femíneo sexu : séntiant omnes tuum juvámen, quicúmque célebrant tuum sanctum Patrocínium.

Concordat cum originali.

Turonibus, die 2 Octobris 1894.

† GUILLELMUS RENATUS CARD. MEIGNAN

ARCHIEPISC. TURONENSIS.

INDEX PSALMORUM

Primus numerus marginalis indicat Psalmum; alter paginam in qua Psalmus idem adnotatur in Breviario.

| | | | |
|---|-----|--|-----|
| 119 Ad Dominum. | 129 | 93 Deus ultionum | 103 |
| 27 Ad te Domine clamabo. | 47 | 78 Deus venerunt gentes. | 93 |
| 24 Ad te Domine levavi | 30 | 114 Dilexi, quoniam | 129 |
| 122 Ad te levavi oculos meos. | 132 | 17 Diligam te Domine | 11 |
| 28 Afferte Domino. | 48 | 38 Dixi : Custodiam. | 61 |
| 77 Attendite popule meus. | 90 | 109 Dixit Dominus | 125 |
| 48 Audite hæc. | 67 | 35 Dixit injustus. | 54 |
| 118 Beati immaculati. | 24 | 13 Dixit insipiens... Dominus. | 8 |
| 127 Beati omnes | 134 | 52 Dixit insipiens... Deus. | 72 |
| 31 Beati quorum. | 50 | 140 Domine clamavi. | 141 |
| 40 Beatus qui intelligit. | 63 | 7 Domine Deus meus. | 5 |
| 1 Beatus vir, qui non abiit. | 3 | 87 Domine Deus salutis. | 101 |
| 111 Beatus vir qui timet. | 126 | 8 Domine Dominus noster. | 6 |
| 33 Benedicam Dominum | 51 | 142 Domine exaudi... auribus. | 106 |
| 102 Benedic... et omnia. | 112 | 101 Domine exaudi... et cla- | |
| 103 Benedic... Domine | 113 | mor. | 141 |
| 143 Benedictus Dominus. | 142 | 20 Domine in virtute tua. | 15 |
| 84 Benedixisti Domine. | 99 | 6 Domine ne in furore... | |
| 91 Bonum est confiteri. | 110 | Miserere. | 4 |
| 18 Cæli enarrant | 14 | 37 Domine ne in furore... | |
| 95 Cantate Domino...cantate. | 105 | Quoniam. | 56 |
| 149 Cantate Domino... laus | 20 | 130 Domine non est exalta- | |
| 97 Cantate Domino... quia | 109 | tum | 135 |
| 74 Confitebimur tibi. | 88 | 138 Domine probasti me | 140 |
| 110 Confitebor... in consilio. | 125 | 3 Domine quid multiplicati. | 4 |
| 9 Confitebor... narrabo | 6 | 14 Domine quis habitabit. | 9 |
| 137 Confitebor... quoniam. | 139 | 89 Domine refugium. | 95 |
| 106 Confitemini... Dicant | 118 | 23 Domini est terra. | 30 |
| 117 Confitemini... Dicat. | 23 | 26 Dominus illuminatio | 46 |
| 104 Confitemini... et invocate. | 114 | 22 Dominus regit me. | 32 |
| 105 Confitemini... Quis | 116 | 92 Dominus regnavit, deco- | |
| 135 Confitemini... quoniam | 137 | rem. | 17 |
| 15 Conserva me Domine. | 10 | 96 Dominus regnavit, exul- | |
| 115 Credidi. | 129 | tet. | 105 |
| 4 Cum invocarem. | 148 | 98 Dominus regnavit, ira- | |
| 129 De profundis. | 60 | scantur. | 109 |
| 43 Deus auribus nostris | 64 | 133 Ecce nunc benedicite | 150 |
| 49 Deus deorum Dominus | 68 | 132 Ecce quam bonum. | 136 |
| 62 Deus Deus meus ad te. | 17 | 58 Eripe me de inimicis | |
| 21 Deus Deus meus respice. | 32 | meis. | 75 |
| 69 Deus in adjutorium. | 84 | 139 Eripe me Domine. | 140 |
| 53 Deus in nomine tuo. | 22 | 44 Eructavit cor meum. | 65 |
| 71 Deus iudicium tuum | 85 | 144 Exaltabo te Deus | 143 |
| 108 Deus laudem meam. | 120 | 29 Exaltabo te Domine. | 48 |
| 66 Deus misereatur nostri | 18 | 63 Exaudi... cum deprecor. | 77 |
| 45 Deus noster refugium. | 66 | 60 Exaudi Deus deprecation- | |
| 82 Deus quis similis erit tibi. | 98 | em meam. | 76 |
| 59 Deus repulisti nos. | 76 | 54 Exaudi Deus orationem | |
| 81 Deus stetit. | 98 | meam | 72 |

| | | | |
|--------------------------------------|-----|---------------------------------------|-----|
| 16 Exaudi Domine. | 41 | 56 Miserere... miserere. | 74 |
| 19 Exaudiat te Dominus | 45 | 55 Miserere... quoniam. | 73 |
| 39 Exspectans exspectavi. | 62 | 50 Miserere... secundum. | 57 |
| 80 Exsultate Deo. | 97 | 100 Misericordiam et judi- | |
| 32 Exsultate justi | 51 | cium. | 411 |
| 67 Exsurgat Deus | 78 | 88 Misericordias Domini. | 102 |
| 86 Fundamenta ejus. | 101 | 126 Nisi Dominus. | 133 |
| 85 Inclina Domine. | 100 | 123 Nisi quia Dominus | 132 |
| 125 In convertendo. | 133 | 36 Noli æmulari. | 54 |
| 10 In Domino confido | 8 | 61 Nonne Deo. | 77 |
| 113 In exitu Israël | 127 | 75 Notus in Judæa Deus | 80 |
| 30 In te Domine speravi... | | 46 Omnes gentes plaudite. | 67 |
| accelera | 49 | 107 Paratum cor meum. | 119 |
| 70 In te Domine speravi... | | 72 Quam bonus Israël Deus. | 86 |
| et salva me. | 84 | 83 Quam dilecta. | 99 |
| 65 Jubilate Deo... psalmum. | 78 | 2 Quare fremuerunt | 4 |
| 99 Jubilate Deo... servite. | 17 | 41 Quemadmodum. | 63 |
| 34 Judica Domine. | 52 | 124 Qui confidunt. | 132 |
| 42 Judica me Deus. | 70 | 51 Quid gloriaris. | 69 |
| 25 Judica me Domine | 31 | 90 Qui habitat. | 149 |
| 121 Lætatus sum. | 131 | 79 Qui regis Israël. | 94 |
| 145 Lauda anima mea. | 144 | 128 Sæpe expugnauerunt me. | 134 |
| 147 Lauda Jerusalem | 145 | 68 Salvum me fac Deus. | 82 |
| 148 Laudate... de cælis | 19 | 11 Salvum me fac Domine. | 8 |
| 150 Laudate... in sanctis. | 20 | 57 Si vere utique. | 75 |
| 116 Laudate... omnes gentes. | 129 | 136 Super flumina | 138 |
| 146 Laudate Dominum, quo- | | 64 Te decet hymnus | 80 |
| niam bonus. | 144 | 12 Usquequo Domine | 9 |
| 134 Laudate nomen. | 136 | 73 Ut quid Deus. | 87 |
| 112 Laudate pueri. | 126 | 94 Venite, exsultemus | 2 |
| 120 Levavi oculos meos | 130 | 5 Verba mea auribus percipe | 58 |
| 47 Magnus Dominus. | 67 | 76 Voce mea... ad Deum. | 89 |
| 131 Memento Domine David. | 135 | 141 Voce mea .. ad Dominum. | 142 |

INDEX CANTICORUM

| | | | |
|----------------------------------|-----|-------------------------------------|-----|
| Audite cæli. | 122 | Ego dixi. | 70 |
| Benedicite omnia opera | 18 | Exsultavit cor meum | 81 |
| Benedictus Dominus. | 21 | Magnificat anima mea. | 128 |
| Cantemus Domino | 95 | Nunc dimittis. | 150 |
| Confitebor tibi Domine | 58 | Quicumque vult salvus esse. | 25 |
| Domine audi vi | 107 | Te Deum laudamus. | 16 |

INDEX HYMNORUM

| | | | |
|---------------------------------|------|--------------------------------------|------|
| Adspice, infami Deus. | 254* | Aurora jam spargit. | 125 |
| Æterna cæli gloria. | 108 | Ave maris stella. | 147* |
| Æterna Christi munera. | 4* | Cælestis aulæ nuntius | 389 |
| Æterna Christi munera... Et | | Cælestis urbs Jerusalem | 121* |
| gloriam. | 357* | Cæli Deus sanctissime. | 135 |
| Æterne Rector siderum. | 402 | Cælitum Joseph | 239* |
| Æterne rerum Conditor | 21 | Cælo Redemptor. | 306* |
| Ales diei nuntius. | 71 | Christe sanctorum... Gentis. | 384 |
| Alto ex Olympi vertice. | 131* | Christe sanctorum... Rector. | 339* |

| | | | |
|--------------------------------------|--------------|--|------|
| Christo profusum | 40* | O quot undis | 336 |
| Consors paterni luminis | 61 | O stella Jacob | 312* |
| Corpus domas. | 423 | Pange lingua... Corporis. | 241* |
| Creator alme. | 263 | Pange lingua... Lauream. | 324 |
| Custodes hominum. | 397 | Placare Christe servulis | 434 |
| Deus tuorum militum | 24* | Præclara custos Virginum. | 267* |
| Domare cordis impetus. | 362* | Primo die, quo Trinitas | 3 |
| Ecce jam noctis | 20 | Quem terra, pontus | 147* |
| Exsultet orbis gaudiis | 4* | Rector potens | 41 |
| Fortem virili pectore. | 113* | Regis superni nuntia. | 415 |
| Gentis Polonæ. | 423 | Rerum Creator... Mentis. | 327* |
| Hæc est dies, qua candidæ. | 416 | Rerum Creator optime. | 72 |
| Hominis superne Conditor. | 142 | Rerum Deus tenax. | 44 |
| Hujus oratu Deus | 114* | Rex gloriose Martyrum. | 50* |
| Immense cæli Conditor. | 130 | Rex gloriose Præsulum. | 350* |
| In monte olivis | 389 | Sacris solemnibus. | 241* |
| Invicte Martyr. | 34* | Sævo dolorum. | 264* |
| Iste Confessor Domini. | 55* | Salutis æternæ dator. | 444 |
| Jam lucis orto sidere. | 22 | Salutis humanæ Sator | 332* |
| Jam morte victor. | 395 | Sanctorum meritis. | 39* |
| Jam sol recedit igneus | 145 | Somno reffectis artubus. | 46 |
| Jam toto subitus. | 336 | Splendor paternæ gloriæ. | 59 |
| Jesu corona celsior. | 86* | Summæ Parens... Nostros | 109 |
| Jesu corona Virginum. | 97* | Summæ Deus clementiæ | 347 |
| Jesu Redemptor omnium. | 65* | Te deprecante | 425 |
| Lucis Creator optime. | 128 | Te gestientem | 396 |
| Lustra sex. | 331 | Te Joseph celebrent | 234* |
| Lux ecce surgit aurea | 97 | Te lucis ante terminum. | 150 |
| Magnæ Deus potentiæ | 139 | Telluris alme Conditor. | 133 |
| Memento rerum Conditor. | 163* | Te Mater alma. | 310* |
| Mœrentes oculi | 253* | Te splendor et virtus Patris | 378 |
| Nocte surgentes | 2 | Tibi Christe splendor. | 333* |
| Nox atra. | 82 | Tu Trinitatis Unitas | 97 |
| Nox et tenebræ | <i>ibid.</i> | Verbum supernum. | 252* |
| Nunc sancte nobis Spiritus | 39 | Vexilla Regis prodeunt. | 323 |
| O gloriosa virginum. | 157* | Virginis proles... Hæc | 97* |
| Opes decusque. | 365* | Virginis proles... Hujus | 98* |

INDEX ALPHABETICUS

OMNIUM FESTORUM ET NOMINUM SANCTORUM

HUJUS PARTIS AUTUMNALIS BREVIARII

Signum * denotat Festum pro aliquibus locis, vel pro Otero Romano.

| | |
|---|------|
| Ægidii Abbatis. (1 Sept.) | 299 |
| * Agapiti I. Papæ et Conf. (20 Sept.) | 371* |
| * Alphonsi Rodriguez Conf. (30 Oct.) | 342* |
| Andreas Apostoli. (30 Nov.) | 511 |
| — — Vigilia. (29 Nov.) | 510 |
| Andreas Avellini Conf. (10 Nov.) | 465 |
| * Angeli Custodis. (Dom. I. Sept.) | 286* |
| Angelorum Custodum. (2 Oct.) | 397 |
| Angelorum SS. Offic. votiv. per annum | 221* |
| Apost. SS. Offic. votiv. per annum | 232* |
| Augustini Episc. Conf. et Doct. (28 Aug.) | 288 |
| Bibianæ Virg. et Mart. (2 Dec.) | 518 |
| Birgittæ Viduæ. (8 Oct.) | 408 |
| * Bonifacii I. Papæ et Conf. (25 Oct.) | 381* |
| Brunonis Conf. (6 Oct.) | 406 |
| Cæcilie Virg. et Mart. (22 Nov.) | 492 |
| Callisti I. Papæ et Mart. (14 Oct.) | 414 |
| Caroli Episc. et Conf. (4 Nov.) | 450 |
| Catharinæ Virg. et Mart. (25 Nov.) | 506 |
| Chrysanthi et Dariæ Mart. (25 Oct.) | 427 |
| Chrysogoni Mart. Commem. (24 Nov.) | 503 |
| Clementis Papæ et Mart. (23 Nov.) | 498 |
| Commem. omnium Fidelium Defunctorum. (2 Nov.) | 171* |
| * Commem. omnium Pont. SS. Rom. Ecclesiæ. (Dom. I. post Oct. SS. Petri et Pauli.) | 357* |
| Conceptionis Immaculatæ B. M. V. Offic. votiv. per annum | 266* |
| Cordis purissimi B. M. V. (Dom. post Oct. Assumpt.) | 277* |
| Cornelii Papæ, et Cypriani Episc. et Mart. (16 Sept.) | 348 |
| Cosmæ et Damiani Mm. (27 Sept.) | 375 |
| Cypriani et Justinæ Mm. (26 Sept.) | 374 |
| Decollationis S. Joannis Baptistæ. (29 Aug.) | 290 |
| Dedicationis S. Michaëlis Archang. (29 Sept.) | 378 |
| — Basilicæ SS. Salvatoris. (9 Nov.) | 462 |
| — — SS. Petri et Pauli. (18 Nov.) | 484 |
| * Deusedit Papæ et Conf. (14 Nov.) | 386* |
| Didaci Conf. (13 Nov.) | 475 |
| Dionysii, Rustici et Eleutherii Mm. (9 Oct.) | 409 |
| Dolorum Septem B. M. V. (Dom. III. Sept.) | 335 |
| Duodecim Fratrum Mm. Commem. (1 Sept.) | 299 |
| Eduardi Regis Conf. (13 Oct.) | 413 |
| Elisabeth Viduæ. (19 Nov.) | 486 |
| Elisabeth Reg. Portugalliæ Viduæ. (3 Sept.) | 362* |
| Euphemie, Lucie et Geminiani Mm. Commem. (16 Sept.) | 348 |
| Eusebii Papæ et Mart. (26 Sept.) | 372* |

| | |
|---|----------|
| Eustachii et Soc. Mm. (20 Sept.). | 363 |
| Evaristi Papæ et Mart. (26 Oct.). | 428-382* |
| Exaltationis S. Crucis. (14 Sept.). | 323 |
| Feliceis de Valois Conf. (20 Nov.). | 488 |
| Feliceis et Adaucti Mm. Commem. (30 Aug.). | 295 |
| Felicitatis Mart. Commem. (23 Nov.). | 499 |
| Francisci Conf. (4 Oct.). | 403 |
| Francisci Borgiae Conf. (10 Oct.). | 411 |
| * Gallæ Viduæ. (5 Oct.). | 317* |
| * Gelasii I. Papæ et Conf. (29 Nov.). | 389* |
| Gertrudis Virg. (15 Nov.). | 480 |
| Gorgonii Mart. Commem. (9 Sept.). | 310 |
| Gregorii Thaumaturgi Episc. et Conf. (17 Nov.). | 482 |
| * Gregorii Episc. et Mart. (1 Oct.). | 374* |
| * Gregorii III. Papæ et Conf. (28 Nov.). | 388* |
| Hadriani Mart. Commem. (8 Sept.). | 307 |
| * Hadriani III. Papæ et Conf. (7 Sept.). | 367* |
| Hedwigis Reginæ Poloniae Viduæ. (17 Oct.). | 418 |
| Hieronymi Presb. Conf. et Doct. (30 Sept.). | 385 |
| * Hilari Papæ et Mart. (10 Sept.). | 370* |
| Hilarionis Abbatis. (21 Oct.). | 426 |
| Impressionis SS. Stigmatum in corpore S. Francisci. (17 Sept.). | 350 |
| * Jacobi de Marchia Conf. (28 Nov.). | 354* |
| Januarii Episc. et Soc. Mm. (19 Sept.). | 360 |
| Joannis a Cruce Conf. (24 Nov.). | 503 |
| Joannis Cantii Conf. (20 Oct.). | 423 |
| * Joannis Leonardi Conf. (11 Oct.). | 377* |
| Josaphat Episc. et Mart. (14 Nov.). | 477 |
| Joseph Sponsi B. M. V. Offic. votiv. per annum | 234* |
| Josephi a Cupertino Conf. (18 Sept.). | 355 |
| Josephi Calasancii Conf. (27 Aug.). | 285 |
| Laurentii Justiniani Episc. et Conf. (5 Sept.). | 303 |
| * Leonardi a Portu Mauritio Conf. (27 Nov.). | 352* |
| Lini Papæ et Mart. (23 Sept.). | 370 |
| Lucæ Evangelistæ (18 Oct.). | 420 |
| * Ludovici Bertrandi Conf. (10 Oct.). | 322* |
| Ludovici Regis Conf. (1 Sept.). | 361* |
| Marci Papæ et Conf. (7 Oct.). | 407-376* |
| Margaritæ Mariæ Alacoque B. Virg. (25 Oct.). | 340* |
| Mariæ B. V. de Mercede. (24 Sept.). | 373 |
| — De Consolatione. (Dom. post Fest. S. Augustini). | 282* |
| * Mariæ de Socos Virg. (22 Sept.). | 304* |
| Martini Episc. et Conf. (11 Nov.). | 468 |
| Martini Papæ et Mart. (12 Nov.). | 474 |
| * Maternitatis B. M. V. (Dom. II. Oct.). | 305* |
| Matthæi Apost. et Evang. (21 Sept.). | 365 |
| — Vigilia. (20 Sept.). | 364 |
| Mauritii et Soc. Mart. Commem. (22 Sept.). | 368 |
| Mennæ Mart. Commem. (11 Nov.). | 469 |
| Nativitatis B. M. V. (8 Sept.). | 305 |
| * Nicolai I. Papæ et Conf. (13 Nov.). | 385* |
| Nicolai de Tolentino Conf. (10 Sept.). | 316 |
| Nicomedis Mart. Commem. (15 Sept.). | 332 |
| Nominis B. M. V. (Dom. infra Oct. Nativ.). | 311 |

| | |
|---|----------|
| Passionis D. N. J. C. Offic. votiv. per annum. | 253* |
| * Patrocinii B. M. V. (<i>Dom. II. Nov.</i>). | 347* |
| * Petri et Pauli Apost. Offic. votiv. per annum. | 273* |
| Petri Alexandrini Episc. et Mart. Commem. (<i>26 Nov.</i>) | 508 |
| * Petri Claver Conf. (<i>9 Sept.</i>) | 301* |
| Petri de Alcantara Conf. (<i>19 Oct.</i>) | 421 |
| * Philumenæ Virg. et Mart. (<i>6 Sept.</i>) | 366* |
| Placidi et Soc. Mart. (<i>5 Oct.</i>) | 405 |
| Pontiani Papæ et Mart. (<i>19 Nov.</i>) | 487-387* |
| Præsentationis B. M. V. (<i>21 Nov.</i>) | 490 |
| Proti et Hyacinthi Mm. Commem. (<i>11 Sept.</i>) | 317 |
| * Pulcheriæ Imperatricis Virg. (<i>22 Oct.</i>) | 319* |
| * Puritatis B. M. V. (<i>Dom. III. Oct.</i>) | 311* |
| Quatuor Coronatorum Martyrum. Commem. (<i>8 Nov.</i>) | 459 |
| * Raphaëlis Archang. (<i>24 Oct.</i>) | 314* |
| Raymundi Nonnati Conf. (<i>31 Aug.</i>) | 297 |
| * Redemptoris SS. (<i>23 Oct.</i>) | 326* |
| * Reliquiarum SS. (<i>Dom. IV. Oct.</i>) | 345* |
| Remigii Episc. et Conf. (<i>1 Oct.</i>) | 396 |
| Rosæ a S. Maria Virg. Limanæ (<i>30 Aug.</i>) | 295 |
| * Rosæ Viterbiensis Virg. (<i>4 Sept.</i>) | 298* |
| * Rosaliæ Virg. Panormitanæ. (<i>4 Sept.</i>) | 299* |
| Rosarii B. M. V. (<i>Dom. I. Oct.</i>) | 388 |
| Sabinæ Mart. Commem. (<i>29 Aug.</i>) | 290 |
| Sacramenti SS. Offic. votiv. per annum. | 240* |
| Sanctorum omnium. (<i>1 Nov.</i>) | 434 |
| — — Vigilia. (<i>31 Oct.</i>) | 433 |
| Saturnini Mart. Commem. (<i>29 Nov.</i>) | 510 |
| Sergii, Bacchi, Marcelli et Apuleii Mm. Commem. (<i>7 Oct.</i>) | 407 |
| * Sergii I. Papæ et Conf. (<i>9 Sept.</i>) | 369* |
| Silvestri Abbatis. (<i>26 Nov.</i>) | 508 |
| Simonis et Judæ Apost. (<i>28 Oct.</i>) | 429 |
| — — Vigilia. (<i>27 Oct.</i>) | 428 |
| * Siricii Papæ et Conf. (<i>31 Oct.</i>) | 383* |
| Stanislai Kostkæ Conf. (<i>13 Nov.</i>) | 350* |
| Stephani Hung. Reg. Conf. (<i>2 Sept.</i>) | 300 |
| Teresiæ Virg. (<i>15 Oct.</i>) | 415 |
| Theclæ Virg. et Mart. Commem. (<i>23 Sept.</i>) | 371 |
| Theodori Mart. Commem. (<i>9 Nov.</i>) | 462 |
| Thomæ de Villanova Episc. et Conf. (<i>22 Sept.</i>) | 368 |
| Tryphonis, Respicii et Nymphæ Mm. Commem. (<i>10 Nov.</i>) | 465 |
| Ursulæ et Soc. Virg. et Mart. (<i>21 Oct.</i>) | 426-324* |
| Victoris III. Papæ et Conf. (<i>16 Oct.</i>) | 379* |
| Vitalis et Agricolæ Mm. Commem. (<i>4 Nov.</i>) | 450 |
| Wenceslai Ducis et Mart. (<i>28 Sept.</i>) | 377 |
| * Wolfgangi Episc. et Conf. (<i>31 Oct.</i>) | 344* |
| * Zachariæ Conf. (<i>5 Nov.</i>) | 347* |

OFFICIA PROPRIA
DIOECESIS MIMATENSIS

JUBENTE ET CURANTE

Ill. ac Rev. DD. JOANNE ANTONIO MARIA FOULQUIER

EPISCOPO MIMATENSI

AD FORMAM LITURGIE ROMANÆ ACCOMMODATE ORDINATA

et

SANCTA SEDE APPROBANTE

CUM BREVIARIO ROMANO RECITANDA.

PARS AUTUMNALIS.



PARISIIS

ADRIANUS LE CLERE ET SOC.,

SS. D. N. PAPÆ ET ARCHIEPISCOPATUS TYPOGRAPHI,

VIA DICTA CASSETTE, 29.

—
1859

OFFICIA PROPRIA

DIOECESIS MIMATENSIS

PARS AUTUMNALIS.

FESTA AUGUSTI.

DIE XXIX.

IN II VESPERIS.

Pro Comm. Oct. S. Privati.

Ant. Ut filios meos charissimos moneo; nam in Christo Jesu per Evangelium ego vos genui: rogo ergo vos, imitatores mei estote, sicut et ego Christi.

ÿ. Justus ut palma... de *Comm. p. 38+*

ORATIO.

DEUS, qui beati Privati, Martyris tui atque Pon-

tificis, prædicatione de infidelitatis tenebris populos in admirabile Evangelii lumen transtulisti; fac ut ejus intercessionem crescamus in gratia et cognitione Domini nostri Jesu Christi. Qui tecum.

DIE XXXI.

IN II VESPERIS.

A Cap. de seq. p. 88+
Ad Magnif. Ant. O Doctor, in utrisque Vesperis.

Comm. præc., S. Ægidii, Abb., et XII Fratrum, in Propr. Sanct. p. 299

FESTA SEPTEMBRIS.

DIE I.

SANCTI AUGUSTINI,

EPISCOPI, CONFESSORIS ET DOCT.

Duplex.

(Fixa ex 28 Augusti.)

ORATIO.

ADESTO supplicationibus nostris, omnipotens Deus,

et quibus fiduciam sperandæ pietatis indulges, intercedente beato Augustino, Confessore tuo atque Pontifice, consuetæ misericordiæ tribue benignus effectum. Per Dominum.

Lect. I Nocturni Sapientiam, ut in Comm. Doct.

IN II NOCTURNO.

LECTIO IV.

AUGUSTINUS, Tagáste in Africa honéstis paréntibus natus, ac puer docilitáte ingénii æquáles longe súperans, brevi ómnibus doctrína antecélluit. Adoléscens, dum esset Carthágine, in Manichæórum hæresim incidit. Póstea Romam proféctus, inde Mediolánum missus ut Rhetóricam docéret, cum ibi frequens Ambrósii Epíscopi esset audítor, ejus ópera incénsus stúdio Cathólicæ fidei, annos natus trigínta tres, ab ipso baptizátur. Réversus in Africam, cum reliigióne vitæ sanctimóniam conjúgens, a Valério notæ sanctitátis Epíscopo Hipponénsi, presbyter factus est. Quo témpore familiam instituit religiosórum, quibúscum victu commúni eodémque cultu utens, eos ad Apostólicæ vitæ doctrinæque disciplínam diligentissime erudiébat. Sed cum vigéret Manichæórum hæresis, veheméntius in illam ínvehi cœpit, Fortunatúmque hæresiárcham confutávit.

LECTIO V.

IAC Augustíni pietáte commótus Valérius, eum adjutórem adhíbuit Episcopális officii. Nihil illo fuit humílius, nihil continéntius. Lectus ac véstitus moderátus, vulgáris mensa, quam sem-

per sacra vel lectióne vel disputatióne condiébat. Tanta benignitáte fuit in páuperes, ut cum non esset ália facultas, sacra vasa frángeret ad eórum inópiam sustentándam. Feminárum, et in eis soróris, et fratris filiæ, contubérnium familiaritatémque vitávit: quippe qui diceret, etsi propínquæ mulieres suspéctæ non essent, tamen quæ ad eas ventitárent posse suspiciónem efficere. Nullum finem fecit prædicándi Dei verbum, nisi gravi morbo oppressus. Hæréticos perpétuo insectátus, et coram, et scriptis; ac nullo loco passus consistere, Africam a Manichæórum, Donatistárum, Pelagianórum, aliorúmque prætérea hæreticórum erróre magna ex parte liberávit.

LECTIO VI.

TAM multa pie, subtiliter et copióse scripsit, ut Christiánam doctrínam máxime illustrárit. Quem in primis secúti sunt, qui póstea Theológicam disciplínam via et ratióne tradidérunt. Wándalis Africam bello vastántibus, et Hippónem tértium jam mensem obsidéntibus, in febrim incidit. Itaque cum discéssum è vita sibi instáre intelligenet, psalmos David, qui ad pœniténtiam pértinent, in conspéctu pósitos profúsus lácrymis legébat. Solébat autem dicere néminem, etsi núl-

lius scéleris sibi cónscius esset, committere debére, ut sine pœniténtia migráret e vita. Ergo sénsibus íntegris, in oratióne defixus, astántibus frátribus, quos ad charitátem, pietátem virtutésque omnes erat adhortátus, migrávit in cœlum. Vixit annos septuagínta sex, in Episcopátu ad trigínta sex. Cujus corpus primum in Sardiniam delátum, deínde a Luitprándó, Longobardórum rege, magno pretio redemptum, Ticinum translátum est, ibique honorífice cónditum.

In III Noct. Homilia Osténdit Dóminus, pro Doct., primo loco. p. 73⁺

Pro S. Ægidio. Lect. IX in Propr. Sanct. (hac die). p. 300

In II Vesp. Comm. seq.

DIE IV.

SANCTI FREDALDI,

EPISC. MIMATENSIS ET CONF.

Duplex.

Omnia de Comm., exceptis que sequuntur. p. 88⁺

ORATIO.

DEUS fortis et clemens, exáudi vocem eórum, qui spem salútis suæ in te solo repónunt; et, intercedénte beáto Fredáldo, Confessóre tuo atque Pontífice, libera nos de manu iniquórum, ut tibi libere serviámus. Per Dóminum.

In I Noct. Lect. de Scriptura occurrente.

IN II NOCTURNO.

LECTIO IV.

FREDALDUS, imperánte Ludovíco Pio, Cároli Magni fílio, creátus est Mimaténsis Episcopus, meritisque exímíis se tanti honóris cúlmine dignum probávit. Cúm Episcopátum suscepit, in nonnúlhis Gabalitánæ regiónis pártibus vigébat adhuc idololátria, in áliis torpébat fides et refrigescébat cháritas. Fidélibus vero et infidélibus debitórem se agnóscens, totus his et illis erudiéndis incúbuit, exemplisque et doctrína álios ab inánium Deórum cultu avocávit, aliósque ne a fide et veritáte deficerent totis víribus, apostólico Spíritu impúlsus, incitáre stúduit.

LECTIO V.

FREMEBANT tenebrárum potestátes, et quibus insídiis et terróribus ejus antecessóres expugnáverant, virum apostólico zelo succénsum impétere statuérunt. Sed minis et persecutió nibus supérrior, Fredáldus, divíno fretus auxílio, ab incépto non déstitit, et hostíles artes felíciter elúsit, in hisque ómnibus superávit propter eum qui diléxit nos. Jam tot labórum et sudórum úberes fructus ánimam pii pastóris lætificábant; jam messis multa exurgébat, et novam fáciem loca prius agréstia et pene incúlta indúerant. At Gábalis

tantæ virtutis inexhausta charitate frui diu non licuit, et eum qui dispersas oves in unum reduxerat, sibi eripitum brevi ingemuérunt.

LECTIO VI.

IMPLETO assidue per multos annos tanto ministerio, pretiosa quidem, sed præmatúra morte obiit, traditurque ab impio nepote, ejus spoliis ditari cupido, necatus. Sanctitatem ejus varia, dum viveret, et postquam luce functus est, miracula comprobá-runt : agrisque non semel, ejus invocato nómine, rediit sanitas. Corpus sancti Præsulis asservátur et cólitur in templo ipsius nómine insignito prope urbem Canonicam, ubi osténditur locus in quo occisus créditur. Plures sub ejus invocatióne habéntur in Diocesi Mimaténsi dicatæ ecclésiæ, et pia plebs fidénter, sub ejus patrocínio, supplex ad Deum preces effúndit.

IN III NOCTURNO.

Lectio sancti Evangelii secundum Marcum.

LECTIO VII. Cap. 16.

IN illo tempore : Dixit Jesus discipulis suis : Eúntes in mundum univérsum, prædicáte Evangelium omni creaturæ. Et reliqua.

Homília S. Gregórii, Papæ.

In Evang. 29. n. 2 et 3.

POTEST omnis creaturæ nómine omnis natio gén-

tium designári. Cum vero discipulos ad prædicándum Veritas mittit, quid aliud in mundo facit, nisi grana sémínis spargit, et pauca grana mittit in sémíne, ut multárum méssium fruges recipiat ex nostra fide? Neque enim in univérso mundo tanta messis fidélium exsúrgeret, si de manu Dómini super rationálem terram illa elécta grana prædicántium non venissent. Qui crediderit et baptizátus fuérít, salvus erit ; qui vero non crediderit, condemnábitur. Fortáassis unusquisque apud semetípsum dicat : Ego crédidi ; salvus ero. Verum dicit, si fidem opéribus tenet. Vera etenim fides est, quæ in hoc quod verbo dicit, móribus non contradícit. Hinc est enim quod de quibúsdam falsis fidélibus Paulus dicit : Qui confiténtur se nosse Deum, factis autem negant.

LECTIO VIII. n. 4.

QUOD cum ita sit, fidei nostræ veritatem in vitæ nostræ consideratióne debémus agnóscere. Tunc etenim veráciter fidéles sumus, si quod verbis promíttimus, opéribus implémus. Signa autem eos qui creditúri sunt, hæc sequéntur : in nómine meo dæmónia ejíciant, linguis loquéntur novis, serpéntes tollent ; et si mortíferum quid biberint, non ei

nocébit ; super ægros manus impónent et bene habébunt. Numquídnam , fratres mei , quia hæc signa non fácitis , mínime créditis ? Sed hæc necessariá in exórdio Ecclésiæ fuérunt. Ut enim fides cresceret , miráculis erat nutriéndá ; quia et nos , cum arbústa plantámus , támdiu eis aquam infúndimus , quousque ea in terra jam coaluísse vidémus , et si semel radicem fixerint , in rigándo cessámus.

LECTIO IX.

HABEMUS de his signis atque virtútibus , quæ adhuc subtilius consideráre debeámus. Sancta quippe Ecclésia quotidie spiritaliter facit , quod tunc per Apóstolos corporaliter faciēbat. Nam sacerdotes ejus , cum per exorcismi gratiam manum credentibus impónunt , et habitáre malignos spiritus in eórum mente contradícunt , quid aliud faciunt , nisi dæmónia ejíciunt ? Et fidéles qui jam vitæ véteris sæculária verba derelinquunt , sancta autem mystéria insonant , conditóris sui laudes et poténtiam , quantum prævalent , narrant , quid aliud faciunt , nisi novis linguis loquuntur ? Qui dum bonis suis exhortatióibus malítiam de aliénis córdibus áuferunt , serpéntes tollunt. Quóties próximos suos in bono ópere infirmári conspíciunt , dum eis tota virtúte contra-

dicunt , et exémplo suæ operationis illórum vitam róborant qui in própria actióne titubant , quid aliud faciunt , nisi super ægros manus impónunt , ut bene hábeant ? Quæ nimírum mirácula tanto majóra sunt , quanto spiritalia ; tanto majóra sunt , quanto per hæc non córpora , sed ánimæ suscitántur.

DIE V.

PRO COMMEMORATIONE

SANCTI VICTORINI,

MARTYRIS. *pp. 24+*

ORATIO.

OMNIPOTENS sempitérne Deus , Sanctórum tuórum splendor mirábilis , qui ho-diérnam diem beáti Victoríni martyrio consecrásti : concéde propítius , ut cujus triúmphum venerámur in terris , intercessiόνis ejus auxílio , apud tuam misericórdiam muniámur in cœlis. Per Dóminum.

LECTIO IX.

VICTORINUS , juxta Martyrológium románum , Amitérninæ urbis Epíscopus , cum plúribus fidei confessóribus , imperánte Domitiáno , in insulam Póntiam relegátus , dura quæque cum ipsis perpéssus est. Ex his Néreus et Achílleus ad tribúnal præsidis addúcti , generóso certamine martyrium consummá-runt. Victorínus vero in præ-dia Aureliáni júdicis tráhi-

tur, et terram fódere, singulis diébus, de mane usque ad vésperam jubétur, ad vilissimum panem ægre sub vésperæ admíssus. Mirábili tamen constántia labóres sústinens et ærúmnas, multos piis suavibúsque collóquiis ad Christum convértit. Id ut rescívit tyránnus, ex ínsula edúctum, haud procul ab Amitérno, in loco ubi aquæ pútida simul et sulphúreæ dímanant, cápite eum seórsum suspéndi jussit, quod

torménti genus cum beátus Christi athléta tribus diébus invícto ánimo tolerásset, glorióse coronátus victor migrávit ad Dóminum. Ejus corpus, adhuc furénte Aureliáno, per campum gloriósi agónis jácuit insepúltum, donec illud rapuérunt Amiternenses, atque in suum territórium transferéntes, læti sepeliérunt. Passus est Victorínus sub Trajáno, anno Incarnatiónis círciter centésimo.

FESTA OCTOBRI.

DIE II.

PRO COMMEMORATIONE
SANCTI LEODEGARII,
EPISCOPI ET MARTYRIS. *p. 24^r*

ORATIO.

OMNIPOTENS sempitérne Deus, qui beáto Leodegário, Mártýri tuo atque Pontífici, usque ad mortem pro justítia certáre tribuísti : fac nos, ejus méritis, vitæ fráglis amórem abjícere, et ad te, qui solus vera vita es, perveníre. Per Dóminum.

LECTIO IX.

LEODEGARIUS, Pictaviénsis Archidiáconus, deínde monastérii sancti Maxéntii Abbas, póstea Augustodúni Epíscopus creátus est. Aliquándiu regem Childebértum in regni administratióne

adjúvit. Sed, cum pius Præsul eum argúeret quod antiquas regni leges rescidísset, filiámque avúnculi duxísset uxórem, in Luxoviénse monastérium amandátus est. Rege mortuo, ad regéndam diocésim Augustodúnium rédiit. At Ebróinus, Major palátii, atróci inimicítia in eum feróciter invéctus, paulo post, duces misit cum exercitu qui eum comprehénderent. Re cógnita, sanctus Antístes, erogátis in páuperes facultátibus, triduáno jejúnió indícto, et factis circum urbis mœnia cum Cruce et reliquiis Sanctórum supplicatió nibus, Christi córpore præmunítus, ne quid detriménti cívitas sui causa paterétur, sponte se trádidit inimícis. Hi statim iníqua ódii crudelitáte concí-

táti, illum arripiéntes vérberant, exérciant et, érutis óculis, in monastérium conjiciunt. Nec ibi quiévit furor, nam, brevi váriis dilacerátum torméntis, præcísis lábiis et lingua, sub custódia asservándum detrusérunt. Deinde in palátium ductus, quo non-núlli Episcopi convénierant, cum linguae officio níhilosécius uterétur, discíssa túnica, episcopáli dignitaté spoliátus, conjéctus est in cárce-rem. Ex quo in sylvam terrítorii Atrebaténsis, ejus póstea nómine insignítam, a quátuor sicáriis abductus, cápite truncátus est, anno Christi sexcentésimo septuagésimo octávo.

DIE V.

SANCTÆ ENIMIAE,

VIRGINIS.

Duplex.

Omnia de Comm. Virg., exceptis quæ sequuntur. p. 95+

IN UTRISQUE VESPERIS.

HYMNUS.

AUGUSTA Cœlitum cohors,
Terras jacéntes réspice.
Oblíta fastus régios,
En Virgo prodit nóbilis.

Sponsáta Christi núptiis,
Mundána temnit fœdera :
Aura favénte grátiae,
Abrúpta quærit móntium.

Sic, summe Pastor, róbre
Virtútis armas pectora !
Nil tardat almam vírginem,

Quæ tendit ad cœléstia.

Virtus, honor, laus, glória
Deo Patri cum Fílio,
Sancto simul Paráclito,
In sæculórum sæcula. Amen.

ORATIO.

DOMINE Jesu Christe, qui nos per beátam Eními-
am, Vírginem tuam, sæculi
pom-pam spérnere, tibi-
que soli vívere docuísti ; ejus mé-
ritis et précibus concéde, ut
quæsprevit ipsa, contémnere,
et quod amávit, amáre discá-
mus. Qui vivis et regnas.

*Pro Comm. SS. Placidi et
Soc., Mart., Oratio Deus, qui
nos concédís. p. 99+*

AD MATUTINUM.

HYMNUS.

E FONTE miro púrior
Dum tergit unda córporis
Labes, amíco númine
Intus docens, monet Deus :

« Terréna mundus áppetit ;
Opes supérbus cóngregat,
Trahit volúptas : sed tibi
Pandet polum Crucis labor.

« In valle præceps sémita ;
Mugit per ima móntium
Amnis ; latet solis jubar ;
Hic, sponsa, mecum cónside.

« Hic vívidæ fons grátiae :
Tecum coróna vírginum
Beáta, corde nútriet
Divíni amóris íntima. »

Nec plura : amánti súfficit.
Qui flámmea pectus face
Adúrit, ad cœli rapit
Arcána mentem férvídam.

Virtus, honor, laus, glória

Deo Patri cum Filio,
 Sancto simul Paráclito
 In sæculórum sæcula. Amen.

Lect. I Noct. de Script. occ.

IN II NOCTURNO.

LECTIO IV.

ENIMIÆ, filia Clotárii junióris, Gálliaë regis, sed stirpe minus clara quam virtútibus, unum sibi sponsum Christum vóluit. Dum autem ad terréstrés núptias urgeretur a paréntibus, raro divini amóris exémplo, petit a cœlésti Sponso, ut, formæ et sanitátis dispéndio, virginitatem illibátam serváre possit. Mirum dictu! Statim corpus ejus lepra deformátur. Sic, virginitáte in tuto pósita, monétur ab ángelo, ut Gabalénsem regiónem ádiens, in fonte Burlæo corpus ábluat, sicque lepram abstérget. Lætus pater filiam régio mittit apparátu. Invenítur fons designátus: ejus aquis virgo corpus ábluit et a lepræ inquinaménto mundátur.

LECTIO V.

LUTETIAM ad paréntes reditúra, jam virgo Tarni imminéntes flúmini árduos montes superáverat, cum dénuo ejus corpus lepra inquinátur. Redit ad fontem et mirábilibus aquis lepra rursus detérgitur. Jamque, grátiis Deo pie repénsis, Enímia revertébatur. At vultus tértio lepra infícitur: Frustra, inquit vir-

go, tibi, cœléstis Sponse, oblectámur. Tum regréssa ad salutáres aquas et sanitáte donáta, longe a paréntibus uni Christo vívere stúduit. Annuérunt Clotárius pater, et frater virginis Dagobértus; et, large missis ópibus, totam in circúitu regiónem emérunt. Ibi duó erécta sunt templa, álterum in honórem Deíparæ, sub invocatióne sancti Petri álterum. Extrúctum est et monastérium virginum, evocátusque Mimaténsis Præsul, beátus Ilérus, Enímiam Abbatíssam et virgines discípulas ritu solémni consecrávit.

LECTIO VI.

ERAT non procul a monastério spelúnca. In eam, post plures annos in cœnóbio sanctíssimæ transáctos, perfectiórís desidério solitúdinis ardens, se recépit Enímia, abdicáto prius Abbatíssæ múnere, cui húmilis virgo se imparem semper existimáverat. Ibi terrenárum rerum immemor, et in cœléstium contemplatióne assídua, allóquo angelórum sæpius recreáta, sibi et patérno regno, effúsis lácrymis, Deum exorábat. Sic, virtútum ómnium circúmdata varietáte, durum pro cúbili saxum habens, jejúniis et múltiplici óperum pœniténtiæ género carnem crucifigens, tandem in Dómino pretiósá morte óbiiit.

IN III NOCTURNO.

Lectio sancti Evangélíi secúndum Matthæum.

LECTIO VII. *Cap. 16.*

IN illo témpore : Dixit Jesus discíplis suis : Si quis vult post me veníre, ábneget semetípsum, et tollat crucem suam et sequátur me. Et réliqua.

Homília sancti Hilárii, Epíscopi. *Can. 16, 17.*

O BEATUM damnum et iactúra felix ! Ditéscere nos Dóminus detriménto ánimæ et córporis vóluit, et esse sui símiles hortátur : quia ipse in figúra Dei constitútus usque ad mortem húmilis et obédiens factus, principátum potestátis tótius, quæ in Deo est, accépit. Sequéndus est igitur, cruce assúpta, et passióis suæ, si non sorte, áttamen voluntáte comitándus est. Quid enim prodest occupásse mundum, et toto terrénæ potestátis dominátu ópibus sæculi incubáre, si perdénda ánima et suscipiéndum vitæ detriméntum est ? Quæ autem commutátio pro ánima, cum fúerit amíssa, quærétur ? Cum ángelis enim Christus áderit, reddens singulis, ut merebúntur.

LECTIO VIII.

QUID offerémus ad vitam ? præparátos, credo, terrenarum opum futúris com-

mérciis thesáuros, ambi-tiosos dignitátum famæque títulos, aut véteres delegátæ nobilitátis imágines ? Abnegánda sunt hæc ómnia, ut melióri-bus abundémus ; et contémp-tu universórum Christus sequéndus, et ætérnitas spirituá-lium est terrenórum damno comparánda. ¶ Grave onus infirmitáti humanæ imposúerat. Opus ergo erat veri ac manifesti exémpli auctoritá-te, ut contra vim sensúmque judícii optábile fieret præsentium damnum, lucro deinceps non ambíguo futurórum. Igitur postquam et tolléndam crucem et perdéndam ánimam, et damno mundi commutándam vitæ æternitátem monúerat, convérsus ad discípulos, ait : Quosdam ex his futúros, qui gustatúri mortem non essent, donec Fílium hóminis in regni sui glória contueréntur.

Lectio IX de SS. Placido et Soc., Mart., in Propr. Sanct.

p. 408
AD LAUDES.

HYMNUS.

Ex arce rupis árduæ,
Deo preces cum lácrymis
Fundit : pudicæ vírgines
Piis juvant suspíriis.

Urget morántes, et foveet
Sacro caléntes spíritu :
Tandemque cóelitum choris
Adjúcta felix émicat.

Quæ blandiúntur sénsibus,

Ut deserámus nóxia,
O sponse, Jesu, virginum,
Tuo fove nos pectore.

Virtus, honor, laus, glória
Deo Patri cum Fílio,
Sancto simul Paráclito
In sæculórum sæcula.

Amen.

Oratio, ut supra.

Comm. SS. Placidi et Soc.,

Mart. p. 80⁺

DIE VI.

PRO COMMEMORATIONE

SANCTÆ FIDEI,

VIRGINIS ET MARTYRIS.

Oratio Deus, qui inter. p. 97⁺

LECTIO IX.

FIDES, claríssimis paréntibus, Agínni ad Garúmnam, nata, prima in sua civitate cursum martyrio consummávit. Vix Daciánus, Gálliae præfèctus, jússerat vírginem obreligiónem Christiánam comprehénderi et ad se addúci, cum, Spíritu sancto roboráta, hílari ánimo ad præsidem perréxit, et intrépida nomen suum et christiánæ fidei professiónem édedit. Deínde nec blandítiis illécta, nec minis pertérrita, atróci supplicio addícta fuit. Nam Daciánus vírginem in lectum æreum exténdi jussit, suppositóque igne, ténera illius membra torréri et disrúmpi. Sed mox virtúte Christi ignis extínguitus est, et Fides e flammis evásit illæsa. Hoc mirá-

culo attóniti, multi credidérunt, et eádem die cum beáta Vírgine, cápite truncáti, martyrium complevérunt. Corpus ejus póstea Conchas, in vicum Diocécis Rhutenénsis, translátum, in monastério ejus nómine céleberi asservátur, honorífico mausoléo recónditum, et multis illustrátur miráculis.

DIE XIII.

PRO COMMEMORATIONE

SANCTI GERALDI,

CONFESSORIS.

Oratio Adesto. p. 77⁺

LECTIO IX.

GERALDUS, Aureliáci, in Arvérnica, comes, a paréntibus génere claríssimis pie institútus, ad stúdiu sacrárum litterárum ultro se cónsulit. Orbátus paréntibus, adoléscent, amplo património potitus, ad pietátis, misericórdiæ et justitiæ officia divitiis et poténtia usus est. Próximis aliquándo pudicitiae periculo, sed servátus divínitus, durus in seípsum vindex, noctis tótius algóre, qui tunc acérrimus erat, motus lasciviæ représsit; ac deínde omnimode castus, jejúniis, oratióni, sacræ lectiúi, pauperum curæ, pupillórum et subditórum defensiúi totum se dedit. Romam ad Apostolórum límina visitánda sépties se cónsulit. Orbátus visu, septénno ante óbitum, nihil

de prístina pœniténtia remísit. Letháli morbo corréptus, hæc sacræ Scriptûræ verba in ore sæpius hábuit : Cúpio dissólvi et esse cum Christo. Cumque jam morti próximus esset, in oratórium suum deferri vóluit, ibi spíritum reditúrus, ubi máximam vitæ partem in oratióibus égerat. Ibi, sumpto Eucharistiæ sacraménto, inter médias preces, gloriósum vitæ cursum consummávit, anno nongentésimo nono. Multis ante et post mortem cláruit miráculis.

DIE XX.

PRO COMMEMORATIONE

SANCTI CAPRASII,

EPISCOPI ET MARTYRIS.

Oratio Deus, qui nos, *de Comm. unius Mart. Pont.* p 24⁺

LECTIO IX.

CAPRASIIUS, Agínni, in Gállia, fidem ampléxus, ómnium virtútum decóre enitébat, quando præses Dácianus in his pártibus atróci persecutióne christiánæ Religiónis sémina delére tentávit. Jam generósa virgo, sancta Fides, glorióso certámine martyrium compléverat. Ipse Caprásius, non timóre mortis, sed ut Christi plácitum expectáret, tyránni crudelitátem fúgiens, in abrúptæ rupis antrum sese recépit. Ibi de mártýrum suæ civitátis

constántia cértior factus, ad palmam triumphántium toto cordis desidério suspírans, a Dómino supplex pétiit, ut e petra spelúncæ puriórís aquæ fluénta dedúceret, si se dignum honóre martyrii judicáret. Hoc miráculo recreátus, intérrita libertáte ad certámen Christi generóse conténdit, et invícta constántia, per vária tormentórum génera probátus, victóriam rétulit.

DIE XXI.

SS. URSULÆ ET SOCIARUM,

VIRGINUM ET MARTYRUM.

Semiduplex. p 324⁺

Omnia de Comm. Virginum et Martyrum. Comm. et Lectio IX de S. Hilarione, in Propr. Sanct. (2 in unam). p 426

DIE XXII.

SANCTI LUPENTII,

ABBATIS ET MARTYRIS.

Semiduplex. p 24⁺

Oratio. Præsta, quæsumus, ut... intercedente.

In I Noct. Lect. de Scriptura occurrente.

IN II NOCTURNO.

LECTIO IV.

LUPENTIUS, abbas Sancti Prívati, Mártýris, urbis Gabalitánæ, vitam sacerdoté dignam agébat, cum gravi persecutióne opprèssus est. Hunc apud Brunechildem reginam accusávit Innocéntius, ejús-

dem urbis ac tótius regiónis comes, de verbis in eam contumelióse prolátis. Sed discússis causis et innocéntia Lupéntii comprobáta, discédere jussus est. Verum, ubi viam cárpere cœpit, íterum a crudéli cómite comprehénsus, et Ponthiónem dedúctus, multis afféctus est suppliciis. Tandem redux jam ad Axónam flúvium pervénierat, cum íterum irruunt in illum inimíci satéllites. Caput ei ámputant, et in cúleo lapídis oneráto inclúsum in flumen projíciunt. Réliquum vero corpus vinctum cum saxo immérgunt gúrgiti.

LECTIO V.

POST dies vero paucos apparuisse dicitur quibúsdam pastóribus, et sic extráctum a flúmine, sepultúræ mandátum fuisse. Sed, dum pareréntur fúneri necessariá, nesciénte pópulo quis esset, præsértim cum caput non invenirétur, fama est adveniéntem áquilam ex imo flúmine cúleum sustulisse, et ad ripam deposuisse. Mirántes vero qui áderant, apprehénso cúleo, dum solícite quid contíneat, inquírunť, caput amputátum reperísse et cum réliquo córpore sepeliéndum curásse. Facta subínde a loci incolis diligénti inquisitióne, cum innotuíssset quis esset, et quam sancte vixíssset, in summa veneratióne esse cœ-

písse apud omnes, ut intrépídum præcónem verbi divíni, et invictæ fortitúdinis exémpplar.

LECTIO VI.

NARRAT Gregórius Turonénsis sua ætáte ásseri lumen divínitus apparére super sancti Mártýris túmulum. Addit etiam infirmum, si ad hunc véniens pie oráverit, accépta sospitaté recédere. Sacrum Lupéntii corpus e pago Perténsi Cataláunum translátum est et religióse asservátum. Providit autem Deus, ut Ecclésiæ Gabalitánæ, quam virtútum exémplo Lupéntius adornáverat, sacris etiam exúviis quodámmodo redivívus præsidio esset. Insignem eárum partem obtínuít Gábriel Floréntius de Choiseul, Epíscopus Mimaténsis, et in ecclésiám cathedrálém reverénter et solémni pompa tránstulit, paulo ante médium sæculi décimi octávi, die Kaléndas Novémbris undécima.

In III Noct. Homilia Quia Dóminus, de Communi, secundo loco. p. 37^r

DIE XXIV.

IN FESTO

SANCTI RAPHAELIS,

ARCHANGELI.

*Duple xmajus.**In Suppl. Brev. p. 914^r*

DIE XXV.

IN FESTO

SANCTI HILARII,

EPISC. MIMATENSIS ET CONF.

*Duplex.**Omnia de Comm. Conf.
Pont., præter sequentia. p. 99**

ORATIO.

DEUS, amátor animárum, qui hóminum salúti clementissime próvides: da Ecclésiæ tuæ, beáto Hilário intercedente, pastóres secúndum cor tuum, qui fidéles tuos fórtiter et suáriter ita dírigant, ut simul cum grege suo páscuis perfruántur æternis. Per Dóminum.

*Comm. SS. Chrysanthi et Dariae, Mart., in Propr. Sanct.**In I Noct Lect. de Scriptura
occurrente. p. 427*

IN II NOCTURNO.

LECTIO IV.

HILARIUS, seu Hilárus, Gabalórum Episcopus, exímiis, quæ pastórem óptimum decent, virtútibus emícuit. Aduísse non ambígitur Synodo Arvernénsi, anno quingentésimo trigésimo quinto, sub sancto Honoráto, Bituricensi Metropolitáno. In ea de synodórum tractatióne, de Episcopórum deléctu, de Clericórum subjectione, de mortuórum exéquijs, de rerum ecclesiasticárum custódia, de sacra supelléctile, de vétitis christianórum cum Judæis

fœdéribus, de sacerdotáli cœlibátu, de parœchiárum servándis confíniis, de præcipuárum festivitátum celebri-táte aliisque ad ecclesiásticam spectántibus œconómiam, decreta facta sunt præclára, quibus vir iste sanctus edéndis consílium, édítis suffrágium cóntulit, quartus a Præside in hoc insígni conséssu subscribens.

LECTIO V.

Sermo sancti Hierónymi, Presbyteri, in Cap. 2 Agg.

CONSIDERA sacerdotum officii esse, de lege interrogánti respondére. Si sacerdos est, sciat legem Dómini; si ignorat legem, ipse se árguit non esse sacerdotem. Sacerdotis enim est scire legem et ad interrogatiónem respondére de lege. Quod quidem et in Deuteronomio légimus, ut sicúbi in úrbibus Israel quæstio fúerit exórta inter ságuinem et ságuinem, inter judícium et judícium, lepram et lepram, contradic-tiónem et contradic-tiónem, eant ad sacerdótes atque levítas, et ad Pontíficem qui in diébus illis fúerit constitútus, et quærant ab eo legem Dómini: quibus respon-déntibus, fáciant quod jubén-tur. Quod si non fécerint, exterminéntur de pópulo suo.

LECTIO VI.

ET ne forsán in vétéri so-lum testaménto hæc præ-

cépta videántur, loquitur et Apóstolus ad Timótheum, Episcopum non solum irreprehensibilem esse debere et unius uxóris virum, et sapiéntem, et pudicum, et ornátum, et hospitálem, sed etiam doctórem. Hæc pòsui, ut tam ex véteri quam ex novo testaménto sacerdotum esse offíciū novérimus scire legem Dei, et respondere ad quæ fúerint interrogáti; nec simplicitátem et cibórum continéntiam in magistro sufficere, nisi quod ipse facit, possit et álios erudíre. Non erubéscant ígitur a láicis díscere, qui nóverint ea quæ ad offíciū pértinent sacerdotum; magisque dies et noctes in scripturárum tractátu, quam in ratiociniis et supputatióne consúmant.

IN III NOCTURNO.

Léctio sancti Evangélíi secúndum Lucam.

LECTIO VII. *Cap. 12.*

IN illo témpore: Dixit Dóminus Petro: Quis, putas, est fidélis dispensátor et prudens, quem constituit Dóminus supra familiam suam, ut det illis in témpore trítici mensúram? Et réliqua.

Homília sancti Joánnis Chrysóstomi.

15 in *Epist. I ad Cor.*

GENUS impérii est civili quidem império multo sublimius. Quodnam ígitur? Scili-

cet illud quod in Ecclésia viget, cuius étiam ipsius mentiōnem Paulus facit, cum ait: Obedite præpósitis vestris, et subjacéte eis; ipsi enim pervigilant, quasi ratióne pro animabus vestris redditúri. Hoc enim impérium tanto civili excellentius est, quanto cælum terra, imo étiam multo præstantius. Primum namque non hoc præcipue curat ut perpetrata scélera vindicet, sed ut ne omnino quidem perpetréntur. Deinde, si perpetrata sint, non ut ægotántem de médio tollat, sed ut ipsa deleántur. Ad hæc, rerum quidem hujus vitæ parvam omnino ratióne habet; verum pro cælestibus omnino agit. Nostra quippe conversatio in cælis est, nostra quoque vita illic. Quin étiam præmia illic sunt, ac pro corónis illic cúrritur. ¶ Quocirca non modo majórem quam provinciárum præfécti, sed étiam quam illi ipsi qui diadémate cincti sunt, honórem acceperunt, qui hoc impérium gerunt, ut qui in majóribus rebus et ob majóra cómmoda hómines forment.

LECTIO VIII.

QUOD si placet, utriúsque étiam principis institutionem considerémus; hic quippe haud parvum discrimen perspicies. Non enim numerata pecúnia, hoc impérium accipere licet, sed édi-

to probatissimæ vitæ documento. Nec vero ad hoc imperium ita provéhitur is qui ordinátus est, quasi ad humanam glóriam et privátam réquiem ; sed velut ad labóres et sudóres, ac públicam utilitátem. Unde étiam haud parvum a Spíritu sancto auxílium conséquitur. ¶ Atque illic quidem non ultra progreditur is qui ímperat, quam ut faciéndá édicat. Hic vero precum étiam et grátiae subsidium adjúngit. Quin pótius ne verbum quidem ullum de philosophia habétur, nec sedet quisquam qui dóceat quid sit ánima, quid mundus, quid ipsi póstea futúri et ad quæ hinc migratúri simus, quæque ratióne virtútem adipisci queámus. De pactis quidem et contráctibus, ac pecúniis multa verba fundúntur ; harum autem rerum nulla prorsus cura est. At in Ecclesiá sermones omnes institui hisce de rebus vídeas. Ob eamque causam mérito nuncupáris Ecclesiám, tribúnal, medicínæ et philosophiæ scholam, sedem erudiéndis ánimis institútam, gymnásium cúrsum in cælum feréntium.

Lectio IX de SS. Chrysantho et Daria, in Propr. Sanct.

DIE XXVI. p. 428

SS. RELIQUIARUM
DIOECESIS MIMATENSIS.

Duplex majus.

In Suppl. Brev., præter seq.

p. 348⁺

IN III NOCTURNO.

Léctio sancti Evangélli secundum Lucam.

LECTIO VII. Cap. 20.

IN illo témpore : Accessérunt quidam Sadducæórum, qui negant esse resurrectionem. Et réliqua,

Homília sancti Joánnis
Chrysóstomi.

In II ad Cor. 26, n. 5.

SEPULCRA sanctórum, qui Crucifixo serviérunt, réginas aulas splendóre vinctunt, non magnitúdine aut pulchritúdine ædificiórum ; sed, quod multo majus est, coeúntium stúdio. Nam et ille qui púrpuram gestat, ad sepúlcrâ illa se confert, ut ea exosculétur, abjéctoque fastu supplex stat, sanctosque óbsecrat, ut ipsi apud Deum sibi præsidio sint ; atque ut tentoriórum opíficem et piscatórem, et quidem fato functos, patrónos hábeat, préci-bus is conténdit qui diadémate cinctus est. Érgone, dic, quæso, horum mórtuum Dóminum dícere audébis, cujus servi, étiam defúnti, eórum qui univérso orbi ímperant, patróni sunt ? Atque non solum Romæ fieri quispiam viderit, sed étiam Constantinópoli. Nam et hic quoque Constantínus magnum, ita demum se ingénti honóre affectúrum existimávit Fílius, si eum in piscatóris vestibulo

cónderet. Quodque imperatōribus sunt in aulis janitōres, hoc in sepúlcro sunt piscatōribus imperatōres.

LECTIO VIII.

QUOD si cum imperatōriis aulis hæc sepúlcrā cōfēre libeat, penes hæc rursus victōria futūra est. Illic enim multi sunt qui turbam submōveant; hic contra multi qui invitent, atque et divites et paúperes, et viros et fœminas, et servos ac liberos attrahant. Illic ingens terror; hic lætitia quæ nullis verbis explicāri queat. At dulce spectāculum est Imperatōrem auro amictum et corōna redimītum vidēre, adstāntesque bēlicos duces, præsēctos, tribūnos, centuriōnes, prætōres. Verum hæc ádeo illis augustiōra magisque tremēda sunt, ut præ istis illa scena quædam ac merus ludus censēri possint. Simul enim atque līmina transiliēris, locus ipse mentem ad cœlum, ad sup̄mum Regem, ad Angelōrum exercitum, ad sublīme illud solum, ad inaccēssam glóriam transmittit.

LECTIO IX.

SANCTORUM ossa dæmones sistunt et excrúcient, acerbissimisque illis vīculis eos qui adstricti sunt, solvunt. Quid hoc tribunáli terribilius fingi potest? Cum ne-

mo cernatur, nemo dæmonis láteri incumbat, voces et dilaceratiōnes, vērbera et cruciātus, linguae conflagrantes audiuntur, dæmone admirabilem potēntiam minime ferēte. Atque isti qui cōrpora gestarunt, virtutes corpore vacantes súperant, pulvisque, ossa et cinis, natūras illas invisibiles dilacerant. Ideo nemo est qui peregrinatiōnem umquam inire sustineat, ut imperatōrum aulas videat: contra multi plerūque imperatōres perēgre profecti sunt, ut hoc spectāculo fruērēntur. Siquidem sanctōrum Mártyrum templa futuri júdicii vestigia et signa exhibent, dum dæmones flagris cæduntur, et hómīnes castigantur ac liberantur. Viden quæ sanctōrum, etiam fato functōrum, vis sit!

DOMINICA II OCTOBRIS.

* MATERNITATIS B. M. V.

Duplex majus.

In Suppl. Brev. p. 308⁺

DOMINICA III OCTOBRIS.

* PURITATIS B. M. V.

Duplex majus.

In Suppl. Brev. p. 311⁺

* Quando hæc duo festa officio altioris ritus impediuntur, de illis, eo anno, nihil fit. (S. R. C.)

DOMINICA ULTIMA OCTOBRI.
PATROCINII S. PRIVATI,
EPISCOPI ET MARTYRIS.

Duplex majus.

Omnia de Comm. unius Martyris, exceptis quæ sequuntur.

IN I VESPERIS. *p. 24+*

Ad Magnif. Ant. Signa apostolatus mei facta sunt super vos in prodigiis et virtutibus.

ORATIO.

DEUS, qui tuorum Sanctorum tibi acceptam esse invocationem innúmeris miraculis comprobasti: inténde nobis Patrocinium beati Privati, Martyris tui atque Pontificis, celebrantibus, et qua novimus apud te pro majoribus nostris eum grátia valuisse, ea ipsum pro nobis valere sentiámus. Per Dóminum.

Comm. Dominicæ occurr.

In I Noct. Lect. A Miléto.

p. 26+
IN II NOCTURNO.

LECTIO IV.

QUANTUM sibi beati Privati fervida pietas, et invicta Martyrii et Apostolatus fortitúdo placuerint, mirabilis Deus in sanctis suis, mirasignorum varietáte, in sæculis superveniéntibus osténderé non déstitit. Nec vana spe deludúntur qui ad ínclýti Martyris opem, fide non ficta,

confúgiunt. Claudí ámbulant, paralytici sanántur, váriis languóribus affécti a morbis læti resúrgunt, et passim quam bonus sit Deus omnipotens, qui novis in dies miraculis eum claríficat, álares et grato miáno incitáti prædicant. Hæc præsertim memoránda quibus sancti Præsulis Deum exorántis poténtia Aniciénsi civitáti, et vicinæ in circúitu regióni innótuít.

LECTIO V.

IN últimum discrímén, civium dissensió nibus, addúctum erat Anícium. Periclitántis gregis pastor, Stéphanus, álios in auxilium pastóres vocávit; ut ómnium uníta virtus compescédis turbæ flúctibus, Deo juvánte, sufficeret. Inter vocátos accúrrit Raymúndus, Mimaténsis Antístes. Quem cum veníre, et sacras, ut rogátus erat, beáti Privati reliquias deférre notum esset, óbviám ei processióne solémni, incedénte páriter insígni Episcopórum suas etiam reliquias deferéntium cœtu, venérunt Aniciénses: qui quidem, quamvis discórdes essent ínvicem, pari stúdio paríque fidúcia omnes sibi apud Deum suffragántem fácere gloriósum Mártýrem votis contendérunt. Obtulit Privátus invocántium oratióne Dómino; brevique, cum paululum extra urbem útraque sibi obviáret procés-

sio, manifeste apparuit quantā apud Deum grātia valeret.

LECTIO VI.

INTER astāntes eminēbat, ad sacras beāti Privāti reliquias properans, pater, qui captum membris omnibus filium deferens, clamore et lacrymis, propius accedendi facultatem obtinuit per Episcopos et maxime per beatum Odilonem, Cluniacensis monasterii Abbatem, qui et ipse huic celebritati aderat. Nec sua eum pia fiducia fefellit. Etenim qui facit mirabilia solus, audiit Privatum pro afflictio patre intercedentem, et protinus consolidatae sunt aegri pueri bases et plantae, viditque eum omnis populus ambulāntem et laudāntem Deum. Quod unus obtinuerat, fuit omnibus stimulus et causa cur a votis faciendis non desisterent; miraculose successit miraculum: insperatae scilicet sanationi magis insperata cordium conciliatio. Cum haec miracula, aliis per intervalla, etiam recenti tempore, subsequentibus, Deum nobis, intercedente beato Privato, misericordem et propitium ostendant, et divinam gloriam enarrent, ideo tanti Martyris patrocinium peculiari festo in Ecclesia Mimatensi quotannis celebratur.

IN III NOCTURNO.

Lectio sancti Evangelii
secundum Lucam.

LECTIO VII. *Cap. 21.*

IN illo tempore : Dixit Jesus discipulis suis : Injicient vobis manus suas, et persequentur, tradentes in synagogas et custodias, trahentes ad reges et praesides propter nomen meum. Et reliqua.

Homilia sancti Ephrem,
Diaconi.

Serm. 1 de Mart.

MARTYRES mortui tamquam vivi operantur, aegrotos sanant, daemones expellunt, omnemque tyrannidis ipsorum nequitiam, virtute Christi, in fugam vertunt. Semper enim sanctis reliquiis gratia adest Spiritus sancti, quae cuncta in eis miracula edit. Quoniam viriliter Christum coram hominibus in magna patientia confessi sunt, ideo et ipsos coram Patre et angelis sanctis confessus est, promisitque eis bona illa quae oculus non vidit, nec auris audivit, neque in cor hominis mortalis venerunt, et in quae angeli prospicere desiderant. ¶ Et quid amplius hic sermone explicare volumus? Cohæredes ipse sibi eos effecit. Hæreditas autem Christiquae sit, nemo ignorat: nempe cœli cœlorum omnia getuæ in eis

sunt, lux inaccessibilis, thronus glóriæ, mitium terra et omnis paradísus.

LECTIO VIII. *Serm. 2.*

OBTESTAMUR VOS, O sanctissimi Mártyres, qui pro Dómino Salvatóre ejúsque amóre sponte ac prompte atrocíssima torménta subiistis (quamóbrem etiam ei familiárius conjúcti estis), ut pro nobis míseris peccatóribus negligéntiæ squalóre ob-sítis, Dóminum deprecémini ut divínam in nos suam infúndat grátiam, quæ corda nostra sanctæ charitátis rádio júgiter illústret, atque illúminet, quo ipsum toto corde totáque mente diligere valeá-

mus. Vos etenim vere nunc beáti et gloriósi estis, quos ángeli páriter et homines una voce atque consénsu felices prædicant.

Lect. IX de Homilia Domin. occur.

IN LAUDIBUS.

Ad Bened. Ant. Mórtuum prophetávit corpus ejus; in vita sua fecit monstra, et in morte mirabilia operátus est.

Comm. Domin. occur.

IN II VESPERIS.

Ad Magnif. Ant. Extendébat manum suam super ægros et recedébant ab eis languóres, et spíritus nequam egrediebántur.

Comm. Domin. occur.

FESTA NOVEMBRIS.

DIE III.

SANCTI NAAMATHI,

CONFESSORIS. *p. 76+*

Semiduplex.

Oratio Deus, qui ánnua. p. 77+

Comm. Oct. omnium Sanctorum.

In I Noct. Lect. de Scriptura occurrente.

IN II NOCTURNO.

LECTIO IV.

NAAMATIUS, Ruthenénsis, jam ab adolescéntia virtútibus corúscans, a sancto Amántio, Ruthenárum urbis Episcopo, sacris ordinibus

initiátus est, ac in levíticum órduem cooptátus. In eo múnere, beátorum Stéphani, Lauréntii et Vincéntii vestigia sibi sectánda propónens, tantum in sanctitáte profécit, ut solo verbo dæmones ex obséssis corpóribus ejíceret, et ne ejus quidem præsentiam nefárii illi spíritus perférre possent. Romam ad Apostolorum límina se cóntulit, ubi virtútum splendóre et insígni incláruit miráculo, fíliam ejúsdam princípis, impósito suo pállio, a dæmone liberans. At, expléto férvidæ pietátis voto, obláta

múnera réspuens, honorés-
que sibi delátos aversátus,
pátriam repétiit, ibique réli-
quæ vitæ spátio in sanctis
opéribus perseveráns et meri-
tórum varietáte conspicuus,
ad cœléstem glóriam evéctus
est.

*Lect. v et vi Beáti, de Com.
primo loco. p. 82+*

*In III Noct. Homilia Sancti
Evangélii, de Comm., primo
loco. p. 88+*

DIE V.

SANCTI AMANTII,

EPISC. RUTHENENSIS ET CONF.

Duplex. p. 88+

*Oratio Da, quæsumus. Com.
Oct. omnium Sanctorum. p. 294*

*In I Noct. Lect. de Scri-
ptura occurrente.*

IN II NOCTURNO.

LECTIO IV.

AMANTIUS, a primo ætátis flo-
re, abrúptis sæculi láqueis
Christi secútus militiam, mira
prorsus in Dómini famulátu
operátus est; sicque meritó-
rum laude ómnium sibi cor-
da devínxit, ut ad sacerdotii
culmen evéctus, Ruthenén-
sis Ecclesiæ regímen, licet
invítus, suscepérit. In quo
quidem honóris fastigio, se
tanto múnéri parem exhibuit.
Incitabátur spíritus ejus in
ipso, videns Ruthénos mag-
na ex parte adhuc idololátriæ
déditos. Itaque, tum férvidis
cohortatióibus, tum sanctæ
vitæ exémplo, tum præcípue

miraculórum magnitúdine id
tandem effécit, ut civitas et
tota circum régio, abjécto
cultu dæmonum, Dei veri fi-
dem amplecteréntur, et, dí-
ruti profánis delúbri, ubi-
que erigeréntur Christi tro-
phæa.

LECTIO V.

TANTO fidei fervóre accénsus
erat, ut ad dilatándum
Christi regnum parátus esset
ómnia subíre perícula. Cum
ad famósum quoddam idól-
um, in ipsa civitaté Ruthé-
na, numerósus fieret infidé-
lium concúrsus, nec ullis in-
crepatióibus illos sanctus
Præsul ab ejúsmodi impietáte
abdúcere posset; quinímo
ejus mónitis efferáti, necem
illi inférre moliréntur, ad
consuéta oratiónis arma con-
fúgit. Nec vana spe, in Dómi-
no confidens, delúsus est.
Nam súbito cœlum núbibus
tégitur, et dum horréndo
fragóre corda contremíscunt,
repentínó fúlminis ictu, si-
mulácrum córruit, et in par-
tes plúrimas confráctum late
per loca magno procéllæ im-
petu dispérgitur. Tanto mi-
ráculo attónita turba, pravis
superstitióibus ejurátis,
Christo se subdit, sancti Epí-
scopi mónita et documénta
auscúltans. Nec ista vice so-
lum a perículis máximis
divína virtúte liberátus,
magnum inde tulit devíctæ
impietátis triúmphum.

LECTIO VI.

SIC se Deus in sanctis suis mirabilem ostendit, et quibus elúcent, ad animárum salutem dat virtútibus efficaciam. Porro in Amántio, miro concéntu, cunctæ refulgébant. Erat enim in illo perfectæ humílitatis, promptæ misericórdia et sancta simplicitas. In vigíliis laudábilis, in jejúniis austérus, in collóquiis dulcis, in injúriis mitis, in tribulatióibus pátiens, in prósperis moderátus erat. Præterea vultu hílari, in quo nec pudóre libértas cárui, nec jucúnditas gravitáte. Pater páuperum, mœréntium consolátor, cunctórum necessitatibus, charitáte, non ficta, sollicitus invigilábat. Tandem sénio confectus et labóribus, jussit corpus suum super terram demítti; et, accepta divína Eucharístia, óculos in cœlum levans dilectúmque gregem Deo comméndans, beáta morte ad vitam immortálem translátus est.

In III Noct. Homilia Lécio sancti, de Comm., primo loco.

DIE XIII. *p. 64+*

SANCTI VERANI,

EPISCOPI ET CONFESSORIS.

Duplex. *p. 88+*

ORATIO.

DA Ecclesiæ tuæ, miséricors Deus, ut mérita beáti Veráni, Confessoris tui atque Pontificis, pietátem

tuam pro ipsa semper exórent, et fructum in nobis labórum ejus custódiant. Per Dóminum.

In I Noct. Lect. de Scriptura occurrente.

IN II NOCTURNO.

LECTIO IV.

VERANUS, e regione Gabalitána oriúndus, adhuc infans futúre sanctitátis non dúbia dedit indícia. Deinceps, ut ætáte, sic sapiéntia crevit. In númerum clericórum Ecclesiæ Mimaténsis, ipsa die beáto Priváto sacra, cooptátus, omni virtútum génere refúlgens, tanto se ostendit honóre dignum. Salútis animárum desidério flagrans, ad annuntiándam géntibus glóriam Dómini totus incúbuit. Itaque cœlestem quam didícerat doctrinam non solum Gábalis, sed innúmeris pene pópulis communicáre satagébat. Evangelizánti verbum Dei multi credidérunt, et turba multa appósita est Dómino. Nec mirum: nam splendóri virtútum adjúnta miracula rebéllium voluntátes frangébant, et corda suávi jugo Christi subjiéciébant.

LECTIO V.

QUOCUMQUE pergébat vir sanctus, ópere potens et sermóne, concurrébat multitúdo vicinárum civitátum, et inde exurgébant fructus salútis ubérrimi. Sic Ebródunum,

Ravénna, Mediolánum et multæ áliæ civitatés, quas, pro religiónis amóre, Romam itúrus, perlustrávit, quanta esset illíus apud Deum grátia, experíri meruérunt. Clarus miráculis et apostólici elóquii fortitúdine, dejéctis idólis, novas Christo eréxit aras. Ipsis Románis civibus ádeo fuit perspécta ejus sánctitas, ut de ejusréditu in Gálliam doléntes ingemúerint. Mox Cabelliónem advénit, cujus territórium prius anachoréta incolúerat, et multis illustráverat virtútibus. Ibi, peténtibus pópulis, eléctus Episcopus atque ad illud, licet renítens, honóris culmen evéctus, præcláris opéribus magis ac magis innótuit.

LECTIO VI.

SEDIT in concílio Matisconénsi secúndo cum Ragnemódo, Episcopo Parisiénsi, Gunthrámmo rege; a quo mox, cum Episcopis Artémio, Senonénsi, et Agræcio, Tricásino, missus est ad Clotárium juniórem, ut de nece Prætextáti, Rothomagénsis Episcopi, inquirerétur. Idem, paulo post, e fonte sacro fílium suscepit Childebérti regis, cui Theodórici nomen impósuit. Extat inter Acta conciliórum insígnis ejusdem epístola de castitáte sacerdotum. Obiit tértio Idus Septémbris, post annum quingentésimum undenonagésimum.

Corpus ejus, labéntibus sæculis, Gargógilum, quod est óppidum diœcésis Aureliánensis, delátum est. Inde extráctæ reliquiæ in paróchiam sub sancti Veráni nómine constrúctam, in finibus agri Parisiénsis, translátæ sunt.

IN III NOCTURNO.

Léctio sancti Evangélíi
secúndum Lucam.

LECTIO VII. Cap. 12.

IN illo témpore: Dixit Jesus Petro: Quis, putas, est fidélis dispensátor et prudens, quem constituit Dóminus supra familiam suam, ut det illis in témpore trítici mensúram? Et réliqua.

Homília sancti Fulgéntii,
Episcopi.

Serm. de Confes.

QUIS est iste Dóminus, Fratres? Christus sine dúbio, qui suis discípulis ait: Vos vocátis me, Magíster et Dómine, et bene dicitis; sum etenim. Quæ est étiam hujus Dómini familia? Nímirum illa est quam ipse Dóminus de manu inimíci redémit et suo domínio mancipávit. Hæc autem familia sancta est Ecclesiá cathólica, quæ per orbem terræ copiósa fertilitáte difúnditur, et redemptam se pretiósó sui Dómini ságuine gloriátur. Dispensátor vero quis sit, quem opórtet esse fidélem páriter et prudentem,

Paulus nobis osténdit Apóstolus, qui de se suisque sóciis loquens, ait : Sic nos existimet homo ut ministros Christi et dispensatóres mysteriórum Dei.

LECTIO VIII.

NE quis autem vestrum solos Apóstolos dispensátóres factos existimet, neglectóque militiæ spiritális officio, servus piger infidéliter imprudentérque dormitet, ipse beátus Apóstolus Episcopos esse dispensátóres osténdens, ait : Opórtet ergo Episcopum sine crimine esse, sicut Dei dispensátorem: servi autem patrisfamilias sumus, dispensátóres Dómini sumus; mensúram trítici, quam vobis erogémus, accépimus. Quæ vero sit illa mensúra trítici si quærámus, ipsam quoque beátus Paulus Apóstolus osténdit, dicens : Unicuique, sicut Deus divisit, mensúram fidei. Quam ergo mensúram trítici Christus nūcupat, ipsam mensúram fidei Paulus appellat : ut agnoscámus non aliud esse spiritále tríticum, quam christiánæ fidei veneráble sacraméntum.

LECTIO IX.

HUJUS trítici mensúram vobis in nómine Dómini damus, quóties illumináti dono grátiae spiritális, secundum régulam veræ fidei disputámus : eámdem trítici

mensúram per domínicos dispensátóres accípitis, cum quotidie per Dei fámulos verbum veritátis auditis. De ipsa ergo trítici mensúra loquámur ; ex ipsa, sicut Deus dividit, univérsi pascámur ; inde aliménta bonæ vitæ sumámus, ut ad æternæ vitæ præmia pervenire possimus, in illum credéntes, in illum sperántes, illum præ ómnibus et in ómnibus diligéntes, qui seípsum nobis et aliméntum præstat, ne deficiámus in via ; et præmium servat, ut gaudeámus in pátria.

DIE XIV.

SANCTI DIDACI,

CONFESSORIS.

*Semiduplex.**In Propr. Sanct. (heri). p 478*

DIE XVI.

SANCTI STANISLAI KOSTKÆ,

CONFESSORIS.

*Semiduplex.**In Suppl. Brev. (13 hujus). p 380+*

DIE XXIX.

SANCTI SATURNINI,

EPISCOPI TOLOSANI ET MARTYRIS.

*Semiduplex. p 24+**Oratio Infirmítatem. Commem. S. Saturnini, Mart., in Propr. Sanct. p 810**In I Noct. Lect. de Script. occurrente.*

IN II NOCTURNO.

LECTIO IV.

SATURNINUS, a Románo Pontífice missus in Gállias et Tolósæ constitútus Episcopus, multos ab idólis ad Christum convértit. Dæmónibus qui ibi colebántur, ádeo terríbilis erat, ut, frustra sacrificiis animálium evocáti, orácula réddere cessáverint. Tam inexpectáto siléntio attóniti, Gentíles rei causam ánxia sollicitúdine invéstigant. Tandem compértum habent vanæ superstitiónis Antístites, Saturnínium, Christi virtúte, ora dæmonum sic obturásse, ne possent consuléntes ipsis vota fácere. Itaque, quadam die, paráto ad víctimam tauro, dum Saturnínus transíret, quidam ex illa malignántium turba exclámat adésse deórum adversárium. Statim comprehénsus, cum dæmóniis immoláre cogerétur, libere respóndit unum se verum et solum Deum agnóscere, et huic soli se laudes et hóstias immolatúrum.

LECTIO V.

Ad hujúsmodi verba excañdescens ímpia turba, ímpetu facto, in sanctum Præsulem ruit, et magno furóre, pugnis, cálcibus, fústibus Christi testem vérberat et tundit; sed clara voce generósus Martyr Christiánæ fidei præcónium attóllit. His efferáti Saturnínium in Capi-

tólium urbis traxérunt, comináti duríssimam mortem, nisi, more pátrio, diis sacra fáceret. Id cum constánter renúisset, vana spernens númina quibus se terróri esse intelligébat, pedes ejus tauro alligárunť, qui gloriósum Mártýrem per declíves gradus Capitólíi raptátum, colliso cápíte, excússo cérebro, membrisque discérptis, interémit.

LECTIO VI.

Sic occúbuit Christi ínclytus Antístes, cujus corpus exánime tándiu a tauro distráctum est, quoad, rupto fune, accéptum et líneo immíssum féretro, duæ fœminæ, sexus infirmitátem fidei virtúte superántes, in alta scrobe tumultuário condidérunt. Invéntum est póstea ab Hilário Tolosáno, qui, effóssa circum humo, sacras véritus reliquias commovére, túmulum super impósuit et oratórium extrúxit. Ex eo loco tandem translátum fuit in célebrem basilícam, quam Cárolus Magnus toto orbe augústam redditúrus, sacris plurimórum Sanctórum pignóribus, omni ope ditándam curávit.

In III Noct. Homil. Si considerémus, de Comm., primo loco. Lect. ix de Homil. in Ev. Vigilæ, in Propr. Sanct. p. 800
In Laudibus Comm. Vigilæ et S. Saturnini, Mart., in Propr. Sanct. p. 810

DOMINICA POST OCTAVAM OMNIUM SANCTORUM

ANNIVERSARII DEDICATIONIS

OMNIUM ECCLESIARUM DIOECESIS MIMATENSIS.

*Dupl. 1 cl. cum Oct. in omnibus et singulis Diœc. Ecclesiis.**p 120⁺***FESTA DECEMBRIS.**

DIE I.

SANCTI ILERI,

EPISC. MIMATENSIS ET CONFESS.

*Duplex.**Omnia de Comm. Conf. Pont.*

ORATIO.

p 85⁺

DEUS, qui inter cætera tuæ bonitatis dona, beatum Ilërum, Confessorem atque Pontificem, pastorali pro populo tuo sollicitudine decorasti; da cunctis qui ejus festivitatem pie celebrant, meritis etiam et precibus adjuvari. Per Dominum.

Pro Comm. S. Eligii, Episc. et Conf. Oratio Da, quæsumus. *p 86⁺*

*Lect. I Noct. de Script. occ.***IN II NOCTURNO.**

LECTIO IV.

ILERUS, seu Isërus, ob insignem vitæ sanctitatem, albo beatorum Ecclesiæ Gabalitane Pontificum ab omni ævo inscriptus, solènni et perpétua in tota Diœcesi veneratione colitur. Méntio ejus habetur in Actis sanctæ Eni-

miæ, Virginis, sororis Dagoberti regis; quæ, ut vetusta monuménta narrant, in tractu Gabalitano, ad montes Tarni flúvio imminéntes, quo secésserat, annuente Rege, condidit duplex monastérium et solèmniter consecrata est Abbatissa a beato Ilëro, Episcopo.

Lect. v et vi Beati patris, de Comm., secundo loco. *p 68⁺*

IN III NOCTURNO.

Lectio sancti Evangélii secundum Joannem.

LECTIO VII. Cap. 10.

IN illo tempore: Dixit Jesus Phariseis: Ego sum pastor bonus. Bonus pastor animam suam dat pro ovibus suis. Et reliqua.

Homília sancti Augustini,
Episcopi.

Ex Serm. 40, de verbo Dom.

AUDIAMUS Dominum Jesum commendantem nobis boni pastoris officium: in qua commendatione admóruit nos útique, ut intèlligi

datur, bonos esse pastóres. Et tamen, ne intelligerétur perverso modo multitúdo pastórum : Ego sum , inquit , pastor bonus : et unde sit pastor bonus , consequenter osténdit. Pastor, inquit, bonus ánimam suam ponit pro óvibus. Pastor ergo bonus Christus est. Interrogémus Dóminum qualicúmque sensu, et humíllima disceptatióne cum tanto Patrefamílias colloquámur. Quid dicis, Dómine, bone Pastor ? Tu enim bonus pastor, qui bonus Agnus : idem pastor et páscua ; idem agnus et leo. Quid dicis ? Audiámus, et ádjuva ut intelligámus. Ego sum, inquit, bonus Pastor.

LECTIO VIII.

QUID Petrus ? Tu ei dixísti : Amas me ? Et respóndit : Amo. Et tu ei : Pasce oves meas. Tu, Dómine, interrogatióne tua, firmaménto oris tui, amatórem fecísti pastórem. Pastor est ergo cui pascéndas oves tradidísti. Ipse commendásti : Pastor est. Quid est ergo quod pastóribus commendas unum pastórem, nisi quia in uno pastóre doces unitátem ? Et expónit apértius ipse Dóminus per ministérium nostrum, ex ipso Evangélio, commémorans charitátem vestram et dicens : Audíte quid commendávi. Ego sum pastor bonus dixi : quia omnes cæteri ,

omnes pastóres boni, membra mea sunt. Unum caput , unum corpus, unus spíritus. Ergo et pastor ipse est pastórum. Et pastóres multi sunt uníus pastóris ; et oves cum pastóribus sunt sub pastóre. Ego sum pastor bonus. Ego sum, unus sum, mecum in unitáte omnes sunt.

Pro S. Eligio.

LECTIO IX.

ELIGIUS, Lémovix, aurífaber indústrius, relicta pátria, Parisios se cóntulit, ubi peritiæ suæ fama Clotário secúndo innótuit. Sanctióriis vitæ desidério accénsus, ómnium ab adolescéntia delictórum exomologésim fecit coram sacerdóte, et exínde in ópera pietátis omníno incúbuit. Vária ejus hortátu et impénsis extrúcta sunt templa et monastéria. Plúrima , divérsis tempóribus , auro , argénto et gemmis ornávit sepúlchra Sanctórum. Mausoléum imprímis mártiris Dionysii miro artificio decorávit. Ad Novioménsem episcopátum assúptus, simoniácam labem, quæ altas in Gállia radices égerat, de Ecclesiæ disciplína sollicitus , extirpávit. Et non modo salúti gregis sibi commíssi invigilávit, sed et Flandros et Frísios aliósque ad Septentriónem pópulos , non sine magno labóre ac vitæ discri-

mine, ad Christum addúxit. Sedit in Concílio Cabilonénsi sub Clodóveo secúndo. Multa præcláre scripsit, ejécit dæmones, futúra divínitus prædixit, aliisque miráculis illústris óbiit septuagenárius, desinente die última Novémbris, annosexcentésimo quinquagésimo nono, et Noviómi sepúltus est.

Si Officium S. Ileri est translatum :

LECTIO IX.

QUI extra me pascit, contra me pascit. Qui mecum

non cólligit, spargit. Ergo audíte ipsam unitátem vehementius commendátam. Hábeo, inquit, álias oves, quæ non sunt ex hoc ovíli. Has nóverat, qui redímere sanguine suo fuso vénerat. Vidébat eas nondum vidéntes eum, nóverat eas nondum credéntes in eum. Hábeo, inquit, álias oves quæ non sunt de hoc ovíli, sed tamen non sunt extra hoc ovíle, quia opórtet me eas addúcere, ut sit unus grex et unus pastor.

OFFICIA PER ANNUM

DE APOSTOLICA BENIGNITATE INDULTA.

Extra Ferias Adventus, Quadragesimæ, Quatuor Temporum, Vigiliarum, sive cum jejunió, sive absque jejunió, Feriúmque illam in qua, secundum Rubricas, reponendum est Officium Dominicæ :

Qualibet Feria quinta intra annum non præpedita Officio novem Lectionum, etiam translato, Officium votivum SS. Sacramenti, semiduplex; p. 204⁺

Quolibet autem Sabbato, sub iisdem limitationibus et ritu, Officium votivum Immaculatæ Conceptionis beatæ Mariæ Virginis, in Suppl. Brev. p. 266⁺

KALENDARIUM.

SEPTEMBER.

| | Pag. |
|--|------|
| 1 S. Augustini, Episc., Conf. et Doct., <i>dupl.</i> | 1 |
| 4 S. Fredaldi, Episc. et Conf., <i>dupl.</i> | 3 |
| 5 Comm. S. Victorini, Mart. | 5 |

OCTOBER.


| | |
|---|----|
| 2 Comm. S. Leodegarii, Episc. et Mart. | 6 |
| 3 S. Enimiae, Virg., <i>dupl.</i> | 7 |
| 6 Comm. S. Fidei, Virg. et Mart. | 10 |
| 13 Comm. S. Geraldii, Conf. | 10 |
| 20 Comm. S. Caprasii, Episc. et Mart. | 11 |
| 21 SS. Ursulae et Soc., Virg. et Mart., <i>semid.</i> | 11 |
| 22 S. Lupentii, Abbatis et Mart., <i>semid.</i> | 11 |
| 24 S. RAPHAELIS, ARCHANGELI, <i>dupl. maj.</i> | 12 |
| 25 S. Hilarii, Episc. et Conf., <i>dupl.</i> | 13 |
| 26 SS. RELIQUIARUM DIOECESIS MIMATENSIS, <i>dupl. maj.</i> | 15 |
| ¶ Dom. II Oct. MATERNITATIS B. M. V., <i>dupl. maj.</i> | 16 |
| ¶¶ Dom. III Oct. PURITATIS B. M. V., <i>dupl. maj.</i> | 16 |
| ¶¶¶ Dom. ult. Oct. PATROCINII S. PRIVATI, EPISC. ET MART., <i>dupl. maj.</i> | 17 |

NOVEMBER.


| | |
|---|----|
| 3 S. Naamatii, Conf., <i>semid.</i> | 19 |
| 5 S. Amantii, Episc. et Conf., <i>dupl.</i> | 20 |
| 13 S. Verani, Episc. et Conf., <i>dupl.</i> | 21 |
| 14 S. Didaci, Conf., <i>semid.</i> | 22 |
| 16 S. Stanislai Kostkae, Conf., <i>semid.</i> | 23 |
| 29 S. Saturnini, Episc. et Mart., <i>semid.</i> | 23 |
| ¶ Dom. post Oct. omnium Sanct., ANNIVERSARIUM DEDICATIONIS OMNIUM ECCLESiarUM DIOECESIS MIMATENSIS, <i>dupl. 1 cl.</i> | 25 |

DECEMBER.

| | |
|---|----|
| 1 S. Ileri, Episc. et Conf., <i>dupl.</i> | 25 |
| Comm. S. Eligii, Episc. et Conf. | 26 |



BRIGHAM YOUNG UNIVERSITY



3 1197 21061 5313

